

Tournesfort

IOANNIS BARTISTA MONTANI
VERONENSIS

MEDICI PER VNI-
VERSAM EVROPAM CELEBER-
RIMI, ET IN CLARISSIMA PATAVINA

Academia summa cum laude publici olim ac
ordinarij professoris

CONSILIA MEDICA
OMNIA, QUAE VLLIBI EXTANT,
partim antea, partim nunc primum edita,

Opera ac diligentia Hieronymi Donzellini Brixiani, Philosophi ac
Medici, in congruum ordinem digesta, & in tres partes distributa,
ab infinitis mendis, corruptelis ac depravationibus expurgata, ut
suo iam autore digna uideantur.



TIVM OPERIS TOTIVS
A R G V M E N T A.

Prima est de morbis partium.

Secunda est de febribus.

Tertia continet Chirurgica.

Ἡ πρώτη μέρος τῶν νοσημάτων.

NORIBERGÆ, M. D. LIX.

AD CLARISSIMUM
ET PRVDENTIA AC VIRTUTE OR-
NATISSIMUM VIRVM, LEONARDVM MOZENL

gum, apud Inuictissimum Cæsarem Ferdinandum, am-
plissimi Senatus Veneti nomine, Oratorem;
In uolumen Consiliorum Ioannis Baptistæ Montani,
Hieronymi Donzellini Præfatio,



Erunt naturæ contemplationem, Vir no-
bilissime, libero homine in primis dignam
esse, ingenita mortalibus omnibus scientiæ
ac ueri inueniendi cupiditas ac desiderium,
satis manifeste nobis declarat. Et si Pyta-
goras olim recte iudicauit, cum sapientiæ
amorem ac studium, Philosophiam nomi-
nauit; omnes à nobis homines Philosophi
sunt appellandi. Tale enim ingenium om-
nium animis parens natura inleuit, ut nihil
magis præclarum aut expetendum ducant,

*Arist. libro
Metaph.*

quàm intellectum ac mentem rerum occultarum aut admirabiliū, & ad
bene beateq; uiuendum necessariorum, notitia atq; intelligentia perficere
ac illustrare, Siquidem omnes trahimur ac ducimur ad cognitionis & scien-
tiæ cupiditatem: in qua excellere pulchrum putamus; labi autem, errare,
nescire ac decipi, & malum & turpe ducimus. Atq; ideo cum sumus neces-
sarijs negocijs, curisq; uacui; tum cupimus aliquid uidere, audire ac discere;
ex quo intelligitur, studium illud, quod in ueri cognitione consistit, præ-
cipue hominis proprium esse, eiusq; maxime naturam attingere, aptissi-
mumq; illi esse. Nec uero aliter Dei similitudinem, in qua uera ac solida no-
stra felicitas reposita est, atq; amissam olim imaginem recuperare possu-
mus; qui ueræ Philosophiæ legitimus est finis & fructus. Præter sum-
mam tamen utilitatem, quam nobis affert rerum indagatio & perceptio,
uoluptas etiam omnium quæ nobis in hac uita contingere possunt iucun-
dissima, illam consequitur, quam humanæ felicitati perpetuo adnexam &
coniunctam, Aristoteles uoluit. Quid enim dulcius, suauius aut iucundius
accidere nobis potest, quàm admirabile hoc mundi opificium, ac ueluti
Theatrum amplissimum, imò potius augustissimum Dei templum, in cuius
medio, tanquam antistes aut sacerdos, homo est collocatus, tanta arte, sa-
pientia ac prouidentia constructum: non corporeis tantum oculis aspicere
ac intueri, quòd ipsum tamen uulgaribus etiam, non uulgarem afferre dele-
ctationem solet; sed animi perspicacia ac ingenij uiribus, cum uniuersum
ipsum, tum singulas eius partes, diligentius inquirere, inuestigare ac intro-
spicere; & quàm admiranda ratione & compage inter se connectantur &
gubernentur, exactius contemplari;

Ethico. 10.

PRÆFATIO.

Rerum omnium principia inuicem repugnantia atq; contraria, magno consensu Philoſophi poſuerunt; ex quibus proxime orta elementa, ſuarum uirium inimicitia ita contendunt, pugnant ac ueluti belligerantur: ut mirū uideri poſſit; ex perpetua & cōtumaci hac pugna, non tandem interiū, exitium, uarietatem, aut ſaltem omniū confuſionem ſequi; ut in bellis ac ſeditionibus euenire quotidie uidemus. Cuius certe calamitatis periculū, olim non ſemel, magna incendia ac diluua, mundo attulerunt. Nemo ſane uulgarium hominū eſt tam rudis aut indoctus: modo attentius rem exploret atq; conſideret; quin ex contrarijs, naturam uniuerſam temperatam eſſe, facile animaduertat. Quis enim ignorat, calida frigidis, humida ſiccis, grauia leuibus, rectū orbiculari, lumen tenebris, corruptibile æterno ac immortalī, ſua natura aduerſari? Ex hijs tamen conſtare orbis uniuerſitatem, omnibus eſt notiſſimū. At, qui rem ipſam exactius perquirunt, nō ſine ſumma animi uoluptate cognoscūt, non aliter quā ex contrarijs, elegantiſſimam hanc orbis ſtructuram poſſe conſurgere: Nam quemadmodum pulcherrimum in Repub. ordinem, princeps & ſubditus, Senatus & populus, patricij & plebei, diuites & pauperes, potentes & imbecilles, ſenes & iuuenes, boni & mali, aliaq; plures ac uariæ hominum cōditiones ac genera componūt; Et ſicut ex contrarijs coloribus albo & nigro, pallido ac rubro, pulcherrima pictura conſtituitur; & ex acuto & graui ſono, longa ac breui uoce, concinna harmonia excitari ſolet; Ita mundum hunc ex contrarijs naturis, uiribus & qualitatibus conſtari oportebat, ut uere quod Græci dicunt, *κοσμος* nominari poſſet. Qui autem ex elementorum proportionē ac facultatum æqualitatē (*ὁμολογίαν καὶ ἰσομερίαν καὶ τὴν μάλιστα ἀντιπρὸς πλείων ἑταίρων ἑτέροις ἀντιπρὸς* Aristot. appellat) pugnare quidem illa inuicem, neutrius tamen partis aut perniciem penitus aut uictoriam; ſed uaria potius mixtorum aut animatorum aut inanimatorum genera exoriri intelligit; nihilq; præterea in mundo perire, cum uniū interitus, alterius rei ſit ortus; is demū ille eſt, de quo uere dici poſſet:

Felix qui potuit rerum cognoscere cauſas.
Quamquam huius tam concordis mundi diſcordiæ, ac in eius ſalutem admirabiliter conſpirantis, altiorē quandam Platonici cauſam adferre ſunt conati. Hoc enim totum quod nos uniuerſum, Græci autem *παν* dicūt, anima præditum eſſe ipſi aſſeuerant: & non aliter quā in humano corpore, partes inter ſe admodum diuerſæ atq; contrariæ, ab anima humana ita reguntur, ut ad communem hominis ſalutem omnes dirigantur ac tendant; ſic etiam à mundi anima uniuerſitatem hanc cōtineri, & partium certamen ac pugnā ſedari ac moderari, ut nulla ſeditio aut tumultus, qui toti ſit exitialis expectari poſſit. De qua mundi anima hunc in modū Virg. ſcribit: Principio cælum ac terras, camposq; liquentes, Lucentemq; globum lunæ, Titaniaq; aſtra, Spiritus intus alit, totamq; inſuſa per artus, Mens agit molem, & magno ſe corpore miſcet.

Et pro-

P R Æ F A T I O.

Et profecto cum fluxum, errabundum, casuq; obnoxium sit pene quicquid hic orbis cōplectitur, non posset tantæ molis nauis, inter hos fluctus, ratū hunc cursum retinere, nisi Nauarchus aliquis, clauum peritissimè moderaretur.

Porro autem, res æternas atq; immortales, omnisq; concretionis expertes, intelligentiæq; participes, quamuis leuiter attingamus; quod procul à sensibus nostris positæ sint, ac ad illarum splendorem mentis nostræ nō minus oculi caligent, quàm ob natiuam uidendi imbecillitatem, noctua solis lumen ferre non potest; ob illarum tamen dignitatem atq; excellentiam exigua earum rerū cognitio, maiorem sincerioris uoluptatis fructum nobis affert, quàm uberior ac plenior mortalium rerum scientia. Non secus quàm (ut Aristotelis simili utar) gratius atq; iucundius esse nobis solet formosæ ac uenustæ alicuius puellæ oculū solum uidere, quàm cæterorum hominum membra omnia liberius perspicere & contrectare. Quamquàm corporea etiam natura, undiq; se præbeat admirandam; nec ulla res sit tam uilis, humilis aut abiecta, in qua non aliquid sit inditum, quod libenter animo intueamur; ut idem propemodum usu ueniat ijs qui naturæ vires atq; artificium in rebus perquirunt ac rimantur: quod olim Heraclitum dixisse ad illos ferunt, qui cum alloqui eum uellent, & quod in furnaria casa, calefaciendi sui causa, sedentem illum uiderent, accedere temperarunt, ingredi enim eos fidenter iussit, quoniam (inquit) hic etiam dii sunt immortales. Naturæ nimirum numen augustum, in rebus etiam minimis, si quis exactius eas contempletur, apparere nobis significans. Quod si rerum omnium utilissimæ aliquid in se continent suspiciendum; quid de immensis ac uastissimis cœli orbibus, rato, celerrimo ac sempiterno motu agitatist; quid de lucentissimis illis syderibus, quæ suo lumine ac uiribus, inferiora hæc omnia uegetant, fouent, excitant & gubernant, est sentiendum? quæ cum Deo ac diuinis & nobilissimis illis mentibus sedes ac domicilium ab omnibus statuuntur; omnium sane, quæ orbis uniuersus complectitur, & pulcherrima & excellentissima esse oportet. Si quis solem auferat ex hoc mundo, qualis obsecro futura est illius facies? quantis omnia tenebris inuoluerentur; nullius rei decor appareret; uisus, sensuum omnium princeps, ac ut Aristoteles dixit, nobis dilectissimus pariter atq; utilissimus, frustra nobis datus uideretur: mundiç aspectus Erebum quendam aut Tartarum potius, quàm elegantissimum ac maximum hoc spectaculum nobis repræsentaret. At quot in octauo orbe sunt soles? quorum uirtute ex inferioribus hisce elementis tot rerum genera ac differentiæ, tanta ac tam multiplex & numerosa uarietas generatur? Quis porro nisi stupidus ac omnis sensus expertus, statas anni temporum uices, atq; animalibus saluberrimam diem ac noctium uicissitudinem non admiretur? Quis in sublimi aëre micantes Cometas, tonitruum fragores, fulminum impetum ac uim metuendam, ignes ac fulgetra, nubes aspectu uarias, uentorum tumultum ac uehementes flatus, in mari certas reciprocaionis periodos, in terra elementorum

*Arist. libro
Metaph. 2.*

*Lib. de per
tib. anim. 1.*

ibidem.

*Aristot. pri
mo de cos
to.*

*Lib. Meta
phys. 1.*

*Arist. libro
Meteor. 1.*

P R Æ F A T I O.

omnium & grauissima & stabilissima, concussiones, motus ac ueluti tremores; fontium ac fluuiorum perennes scaturigines: Gemmarum præterea, metallorum, plantarum, atq; animantium, hominum usui et commodo inscruiendum naturas ac uires, non libenter & cum magna animi sui oblectatione intueatur & cognoscat: Videmus hunc delicati catuli elegantia & consuetudine capitillum equi, alium riui, prati, horti, fontis aut plantarum aspectu mirum in modum gaudere ac lætari: quod si unius rei, atq; eius non adeo excellentis natura detineri, toti uulgares etiam homines comperimus: quid de tota ipsa natura putandum est: quæ & sua pulchritudine afficit plurimum, & suam ipsamet *μεγαλάνθρωπον*, amplitudinem ac splendorem ueluti eloquitur & concionatur. Quam solidam, ueram, genuinam ac stabilem uoluptatem in eius animo exoriri est iudicandum: qui non in unius aut alterius rei contemplatione acquiescens, naturam sibi uniuersam cognoscendam ducit, ac diu noctuq; in ea meditatione ita uersatur: ut tanquam Deus quidam in terris uideatur. Hic idem, cum elementa *δυσκολον* atq; *ἰσχυρότατα*, proportionē scilicet ac ius æquabile inter se colere animaduertit: iusticiam discit, uirtutum omnium præstantissimam ac ueluti reginam: quam Aristoteles splendidissimo Veneris seu Luciferi sydere atq; aurora admirabiliorem ac pulchriorem dicit. Naturam etiam considerans, non ad libidinem explendam, sed ad generis propagationem & procreandæ sobolis usum, coniunctionis desiderium nobis dedisse: Eandemq; ad tuendam corporis ualitudinem paucis admodum ac minimis alimentis esse contentam: temperantiam homini maxime conuenire depræhendit. Animum quoque humatum intelligens esse, æternum atq; immortalem: solidioraque nobis hac uita probe defunctis restare gaudia: cōtempta morte, uirilem ac masculam in animo fortitudinem statim concipit. Prudentiam similiter ac reliquarum uirtutum chorum, duce ac magistra natura ita adipiscitur & comprehendit, ut uere Philosophus ac Deo per omnia similis euadat: affectibusque in perpetuam seruitutem subactis, & intellectu clara rerum cognitione illustrato: uoluntas robustior ac potentior facta, in eo tanquam regina dominatur: qui cum theoria & praxi iam sit absolutissimus, tranquillam ac penē cœlestem hinc uitam agit. Ex ea re una, illa animi existit magnitudo: quæ nō ad imperitæ multitudinis: sed ad conscientie iudicium: abunde amplum ingenuis mentibus theatrum se componit. Huic inuictum animi robur: ut nihil eum qui ita compositus est de gradu deiciat: nihil non in meliorem partem accipiat:

Hunc si fractus illabatur orbis,

Impavidum ferient ruinæ.

Hic alta mentis ab arce

Despicit errantes, humanaq; gaudia ridet.

Sic itaq; magnum atq; ingentem & fructum & uoluptatem naturæ consideratio nobis offert: ut hoc demum uere sit hominis officium, ea perquirere ac intelligere, quæ nobis Philosophia suppeditat.

Cæterum

Lib. Ethicorum 5.

Aristo. lib. de anima 2
Cicero lib. offic. 1.

Aristo. lib. de anima 3
de gen. animal. 2.
Pla. in Phædone & de Rep. alii.

PRÆFATIO.

Cæterum hæc eadem artem ex se gignit, ac ueluti filiam parit, humano generi longe utilissimam; sine cuius opera atq; auxilio, bono haud uulgari mortales destituerentur. Ea est artium omnium præstantissima, Medicina, cuius officium est humanum tantum corpus atq; eius ualitudinem uidetur spectare; quidquid tamen corporea hac uniuersi mole continetur, eius subiaceret cognitioni; ut præter cœlestes ac incorporeas mentes, quæcunq; amplissimis naturæ spacijs ac finibus clauduntur, omnia Medicam artem attingant; nec quidquam eius mater Philosophia pertractet, quod non ipsa quoque ad se pertinere arbitretur. Quæ certe & Aristotelis & Galeni constans ac firma fuit sententia. Quicumque enim ex ueris principijs Medicinam docetis Physiologiam ita adhiberin consilium, ut sine illa ceteri nihil possit constituere.

Lib. de Sen-
su et sensu.
Lib. quod
Medic. sit
Philos. or-
li. de crif-3.

Ex quinque simplicibus corporibus mundum constare Aristoteles tradit; de quibus æque Medicus ac Philosophus commentatur. In supp-
tanda enim crismorum dierum ratione (quibus & Hippocrates & Gale-
nus plurimum tribuunt) quam opus sit syderum motus & cursus, ac
præsertim solis ac lunæ diligenter inquireretis recte iudicabit, qui Gale-
num, Astrologiæ alioqui non ualde addictum; non aliter Hippocratis sen-
tentiam, quam ex lunæ motibus & uarijs eius cum sole aspectibus, ueri
potuisse intelligit, Sed nihil etiam est Medico magis necessarium, quàm æ-
ris mutationes, à quibus nostrum corpus cum intus tum extra, plurimum
affici solet, præuidere, ac non tantum eas præsentis sentire; has tamen non
aliter possumus præfagire quàm ex astrorum ortu & occasu, & planetarum
in obliquo circulo conuersione. Quam autem uim & in prospera ualitu-
dine conseruanda, & in profligandis morbis, habeat æris status, satis Hip-
pocrates declarauit, qui Galeno interprete, æris constitutionem: quam
potissimum à Medico cognoscendam præcipit, diuinum quid appella-
uit, Quod scilicet à cœlestibus ac diuinis corporibus efficeretur. Illud præ-
terea omnibus est in confesso; in artis Medicæ operibus, felicius illos uer-
sari, qui ex astrorum præscripto suas curationes moliantur. In qua re asse-
renda, tam multus ac nimius fuit grauissimus alioqui author Marsilius Fi-
cinus; ut medicum Astrologiæ peritum, ab imperito differre ita uoluerit:
quemadmodum homo uiuus à mortuo; clarissimos ille Medicos habuit,
qui ea de causa sibi aduersarentur; atq; ideo ne alteram partem offendam,
meum in hoc proposito iudicium proferre nolo. Vtra pars uerius sentiat,
iudicent alij. Hoc mihi satis est, quod ad præsentem disputationem attinet;
omnium consensu, si non Astrologiam, at saltem Astronomiam Medico
esse pernecessariam.

Lib. de coe-
lo 1.
Lib. de crif-
finis die-
bus 3.

Lib. de die-
ta acuta.

Lib. de tria-
plici uita.

Quatuor uerò quæ sub cœlo sunt elementa, exactius fortassis Medi-
cus quàm Philosophus contemplatur. Ex ijs enim non solum corporum
humanorum temperaturæ proficiuntur; quæ medicarum actionum om-
nium

Gal. lib. de
Ele. & de
placitis Hi-
& Plat. 2.

nium primaria sunt fundamenta; sed cuncta etiam mixtorum genera: quæ Medica sunt instrumenta: ac singulorum vires & gradus, quæ ex temperamentis oriuntur; Medico in primis nota esse oportet. Ac de hisce quidem rebus quæ ex eorū mixtione coalescunt; uere illud dici potest; nullū esse terrarum, lapidum, Gemmarum, metallorum, fossilium, radicum, herbarum, fruticum, arborum, fructuum, florum, seminum, succorum, piscium, reptilium, auium, aut quatrupedum genus Medico in cognitum, aut ex quo non aliquid ad hominis salutem aut firmandam aut recuperandam, sumatur; atq; ideo singulorum naturas perquirat & inuestigat; eorūq; uirtutes, potentias, species, formas, discrimina, qualitatesq; omnes explorat; per prata, segetes, areas, campos, uineas, hortos, ceu omnium Dominus, libere, summaq; cum uoluptate, multo certe mortalium fructu, diues opum incedit. Montium iuga, collium flexus, planitiem omnem lustrat, opaca, lucos, ipsa etiam terre marisq; uiscera omnia. Auri, argenti, cæterorūq; metallorū fodinas, humano, præsidia generi quæsiturus ingreditur. Maris diuitias, unus probe cognoscit. Nec eo contentus, uelut altius caput attollens, aëra per uadit, & quæ ex terræ ac maris exhalationibus fiunt, omnia expendit, pluuias, niues, grandines, nubes, caligines, rorem, reliquaq; omnia quæ in eminentioriaëris loco apparēt aut generantur. Ventorum præsertim quacūq; spirantium uim ac facultatem omnem exactissime tenet, quid rigidus Boreas, quid grauis Auster; quid mitis zephyrus, quid imbrifer cæcias commodi aut incommodi secum afferant, perspectum habet; & quid horum unumquodque in homine efficiat, exquisitè nouit. Iam uerò quid orbis hūc homine continet admirabilius? At quis artifex, cum totum ipsum, tum singulas eius partes, melius cognoscit quàm Medicus? Ipse animæ vires omnes ac facultates & actiones; ipse earum sedes ac propria domicilia; ipse spiritus illarum ministros ac uelut uehicula; ipse partes ac instrumenta, per quæ suas actiones promunt; ipse corporis uegetandi ac nutriendi omnem œconomiam; ipse admirandam eius structuram, connexionem, symmetriam, pulchritudinem, usum perspicit atq; intelligit; & ex tam excellenti hominis compage, ad summi opificis sapientiam & potentiam contemplandam mirū in modū erigitur & excitatur; ut nulla sit ars aut scientia quæ tantam ac tam multiplicem in se rerum pulcherrimarū cognitionem contineat quàm Medicina. Quin aliæ omnes illi tanquam principi atq; Architectonicæ inserviunt ac famulantur; neq; ad commodum ac salutarem hominum usum, opificia sua, quorum ipsa sola vires intelligit, nisi eius nutu expectato, transferre possunt. Vt merito dignissima inter cæteras, semper habita sit, ac nunc etiam habeatur. Quare uere ac merito, illud ab Homero est dictum;

ἰατρὸς δ' ὅλας τὰς ἀνθρώπων νόσους πύρρειον
 ἀνέστηκεν.

Ea porrò sanitatem, rerum omnium quæ nobis in hac uita contingunt
 maxi-

P R Æ F A T I O.

maxime expetendam, scopum sibi proponit, in cuius commendationem nihil melius dici potest aut aptius, quàm Græco illo carmine est comprehensum.

ὅτι τὸν ὕδατος καὶ ζῆλον εἶναι ἐν βίῳ.

Huius cum author sit ars Medicarum proprio officio ac fine effectiua est nominata, Et quamuis Arabes ac multi eos secuti, duas eius fecerint principes partes, Theoricam & practicam; nullum tamen ex his nominibus illi conueniunt; si proprie loqui uelimus, Vfus tamen ita obtinuit, ut pars quæ ab ipsa actione magis est remota, ac cognitionem magis attingit, Theorica; quæ uero curationem ipsam administrat, practica nuncupetur. Atque hæc ita sunt connexæ ac posterior à priori proficiscitur; ut Medici nomen nemo mereatur, qui non utramque simul copularit ac perdidicerit. Quia tamen posterior, finem proxime assequitur, hinc fit, quòd Medici illi, qui in ea magis sunt exercitati; eo nomine, cæteris præferantur.

Hanc uero tractandi, duæ à Medicis inuentæ sunt rationes; quarum altera in ocio & quiete absoluitur; ab ijs qui propositis sibi singulis morbis simplicibus, qui homines ferè uexare solent, ex uniuersalibus artis præceptis, in illorum tractatione uersantur; & quæ in omnibus Medicinæ partibus generaliter tradita sunt, particulatim morbis accommodant; eorum essentiam, definitionem, causas tam internas quàm externas inuestigant; & curatiuis indicationibus ostensis, idoneam tandem curationem subnectunt; ex communi remediorum sylua, peculiaria decerpentes, quibus propositum morbum, apte profligare possint; cuius generis libri à ueteribus & recentioribus, tam Græcis quàm Latinis, æditi sunt quàm plurimi & quotidie etiam æduntur. Altera uerò, iam in arenam descendentibus Medicis, & coram ægrotantibus, summa urgente morbi ac symptomatum necessitate, administratur. Vbi iam in numerato artis præcepta habere oportet; & quæ salubria sunt auxilia, nulla mora interposita, in medium sunt afferenda; aut uero cum à præsentē aut etiam absente, Medicus de suo consilio, in aliquo difficili ac longo morbo, interpellatur; qualia sunt quæ à Medicis quotidie conscribuntur consilia,

Vtræque hæc rationes optime sunt; & à grauissimis authoribus usurpatæ. Non uno tamen modo uidentur inter se discrepare. Quin ut Sciomachia à legitimo certamine differt; ita prior à posteriore dissentit. Et licet limatior illa atque elaboratior uideri possit; quæ meditando fit & animo tranquillo; hæc tamen, nescio quomodo ardentius animum excirat, ac maiori contentione tractatur; habetque hoc quo alteri antecellat; quod morbos fere complicatos uersat; ubi summa opus est prudentia atque animi dexteritate. Nusquam enim magis conflitantur Medici, quàm ubi illis cum morbis pugnandum est, qui contrarias, aut certe diuersas faciunt

indicationes; atq; ideo excellentiorem semper hanc iudicavi: cum alioqui etiam Medicum ueteranum, natura prudentem atq; exercitatum postulare uideatur.

Hoc in genere prædari Medici plures, nostra hac ætate claruerunt: è quorū numero Ioannes Baptista Montanus præcipue à me est nominandus; qui ob singularem in optimis disciplinis, ac potissimum Philosophia ac Medicina peritiam, & admirabilem ac prope diuinam ingenij uim & naturæ solertiam, in arte publice tradenda, in morbis profligandis, in scribendis consilijs, & in Medicis colloquijs magnam sibi nominis celebritatem & gloriam comparauit. Vt de eo quod de Medico generatim Homerus dixit, illi maxime conuenire nemo dubitet.

L. u. llii.

Ἰατρὸς γὰρ αἰνὸς, πολλὰρ' ἀταρξίῳ ἄλλοις.

Hinc factum est, ut non Patauij tantum, Venetijs ac uicinis ciuitatibus ubi uixit, eius operam & consilium expetuerint ægrotantes; sed ex tota Italia & externis etiam regionibus, omnis nobilitas ac principes uiri, ad eū, tanquā ad Apollinis oraculum confluerent; propterea cum duplici, eorūq; perdifficili labore distineretur profitendi scilicet ac publice docendi munere, & plurimorum etiam ualitudini consulendi: ita salutem suam neglexit; ut magno mortalium damno, celeri nimium fato, nobis abriperetur.

Eius consilia, in unum à me uolumen redacta, & nobiliori charactere excusa, huius quod dixi certissimam facere fidem possunt. Nulla enim est in tota Europa regio aut celebris ciuitas; cuius nobilissimi uiri, salutarem eius artem & operam non sint experti; quorum nomina hic uisuntur. Et licet cum à Montano scriberentur, illi uni, à quo fuerat interpellatus, se consilium fortassis arbitraretur; Deus tamen eius calamum, ingenium ac linguam ita est moderatus, ut multis in posterum illa sint profutura. Eorum pars, à doctis aliquot uiris antea est edita; sed adeo mutila, manca, corrupta, uitiata & cōfusa; ut ea ratione non tantū optimi ac de me benemeriti præceptoris existimationi, parum consultum esse intellexerim, si talia legerentur; sed etiam, quam paulo ante dixi ex ijs consilijs, ad multos peruenit ram me sperare utilitatem, interceptam iri animaduertim. Parum enim emolumenti Medicis: ægrotantibus fortassis damnum ob iniustas doses, allatura esse merito poteram suspicari. Quare φιλεργονία permotus, errores, corruptelas ac mendas sustuli; ac talem ordinem indidi; qui & rationi consentaneus, & lectori commodus sit futurus. Multa hic fuerunt ἀπερὸς ὀνόμα, multa nimis longa ἐπερὸς ὀνόμα, multæ ἰλλεῖας, mutilatæ ac truncatæ orationes; non tam authoris uitio quā scriptorum; quæ omnia per me sublata sunt; ut inoffense in eius lectione uersari Lector possit.

P R Æ F A T I O.

Hic uero labores ac uigiliæ non mediocres à me fuerunt sustinendæ: præsertim cum in eas me Typographus redegerit angustias, ut quod annum ad minus dimidium exigebat, trium mensium spacio absoluere sim coactus. Ac nisi in hoc opere, excellens in primis Doctor Ioannes Hesiuss, uir & eruditione & probitate insignis, tanquam Theseus mihi adfuisset: profecto aut non tam cito expediri potuisset: aut parum foeliciter, ob Typographi importunitatem, quod mihi proposueram præstitissem. Ipse enim singulas partes à me antea emendatas legit: ac me utiliter de multis admonuit: multaq; ex illius diligentia ac iudicio loca, in melius sunt restituta.

Omnia hæc quæ nunc damus consilia, manuscripta apud se habebat, Doctor Henricus Vuolfius, uir & prudentia & doctrina præclarus: quæ cum sedulo antea collegisset, ex innata animi benignitate, ea mihi petenti libenter concessit: cum ex me intelligeret, in publicam & communem utilitatem, cuius ipse est studiosus, per me ædenda. Non igitur mihi tantum: sed egregijs quoq; ijs Medicis, gratias habere debent illi omnes: ad quos fructus aliquis ex hoc libro est peruenturus: quos etiam rogatus uolo, ut æquo animo ferant, si qua forte superesse errata, aut inemendatos locos inuenient: eaq; potius Typographi præcipitantia, festinationi ac properantia, quàm meæ aut inscitia, aut negligentia adscribant: quanquam me etiam errare aut hallucinari posse, libenter confiteor. Si quis tamen partem antea æditam, cum meis hisce conferre non grauabitur: inueniet nullum fuisse consilium, ex quo non plura submouerim errata: ut nitidiora iam facta, suo authori aspersam dudum notam, facile sint abstersura. In numero uerò ita sunt aucta, ut nullum amplius apud quenquam putem superesse: quod quidem luce dignum sit iudicandum. Alioqui nos etiam aliquot abstulimus ac amputauimus: quæ aut eadem quæ alia continebant: aut plane Montano auctore indigna nobis uidebantur. Quòd si quis numerum locupletare adhuc uoluerit: is sciat se nihil aliud facturum, quàm ut actum agat, aut ueterem canat cantilenam.

Ad stylum quod attinet, quo in hisce consilijs usus est Montanus: ex ijs quæ ipse conscripsit aut dictauit, omnes facile intelligent, illum fuisse natura eloquentem: & aptissimis uerbis, prompte animi sui cogitata, explicare potuisse. Quæ uero ab eo in Medicis colloquijs dicta sunt, à studiosis uarie sunt excepta: ut in illis Montani stylus minime sit agnoscendus. Alioqui mirum uideri non debet, si in grauissimis deliberationibus, rebus magis quàm uerbis intentus, non omnes uoces recte protulerit. At uerò qui fieri potest, ut Latine loquatur is, qui Græcos

Græce legat authores. Arabes uerò, ac paucis exceptis, recentiores quoque barbari sunt, à quorum lectione, ob publicum profitendi institutum, abstinere non potuit Montanus. Atque ideo uir natura disertus ac eloquens, multum luti ac sordium ex illis contraxit.

Cæterum hæc consilia, partim ab eo in diuersorum gratiam sunt conscripta: quæ etiam reliquis magis sunt elaborata ac meditata; partim colloquia sunt, quæ frequentissima habuit cū doctissimis Medicis, & à studiosis calamo excepta sunt: in quibus tanto ingenij acumine, perspicacia, prudentia, doctrina, eruditione & consilio utebatur: ut illū quocumque iret, frequentes auditores sequerentur: scilicet ne quid ex eius ore excideret, quod non illi religiose colligerent. Memini ego cum ex his aliquot Venetijs mihi narrarent: in Medicis colloquijs ita illum regnare ac triumphare, ut auditores omnes, præ admiratione in stuporem quandam adducerentur. Partim uerò etiam sunt sermones, in Nosocomijs aut alibi ab eo habitij: ut quod Galenus præcepit ac ualde necessarium dixit: uniuersalia præcepta, quæ è suggesto luculenter explicabat, ad particularia applicaret, ac sui studiosos ea ratione exerceret.

Porro autem, cum nullibi in tota Europa, magis exulta sit Medicina, aut solidius doceatur, quam Patauij, & Venetijs: (cuius illud indicium est: manifestū, claros quotidie uiros ægrotantes, curationis causa, eò tanquam ad Apollines aut Æsculapios se conferre) eò etiam commendatior esse debet hic liber, quod Medicinæ illius ideam quandam, ac ueluti exemplar ac formam ostendit. Propterea ex industria clarissimorum qui illic sunt Medicorum, Trincauelij, Nauarræ, Frisomelicæ, Bellacati, Pauli Crassi, aliorumque aliquot, sermones hic posui, quos illi cum Montano habuerunt: ut orbis intelligat, Medicam artem ita illic florere, ut uno extincto Montano, alij non desint, qui pari cum gloria, eandem prouinciā sustinere possint: Deinde etiam ut Medicorum colloquiorum forma aliqua atque exemplum extet, in quod reliquarum ciuitatum ac nationum Medici intueantur. Nam etsi multi & prudentissimi Medici sint, cum in reliqua Italia tum in externis etiam regionibus: exactam tamen illam colloquiorum normam atque examen non seruant: atque ideo cum illi hoc in genere maxime excellent, dignissimi sunt, quos alij imitentur.

Duplici insuper nomine Medicis, potissimum iunioribus, grata atque accepta esse debet huius libri æditio. Nam cum Montanus non in leuibus, sed grauissimis ac difficilissimis morbis, eorumque complicationibus, quæ Medicos etiam prudentes ac eruditos, sæpe perplexos reddunt, consultus atque adhibitus fuerit, quid consilij in similibus casibus sequi debeant, facile hic inuenient.

Medicamenta quoque mitia, placida, naturæ humanæ minime infesta

P R Æ F A T I O.

aut inimica, sed saluberrima, efficacia ac nobilissima : ad affectus omnes in quibus quotidie Medici conflictari solent, hic tam multa sunt, ut qui familiarem sibi librum hunc fecerit, materia medica ac sylua remediorum illi minime sit defutura. Omnes hic Medicinæ partes in actum ac usum perduntur. Res naturales, non naturales, & præter naturam excutuntur: Morborum notitia; signorum methodus; causarum indagatio: indicationum inuentio traditur. Dexterrimus præterea medicorum auxiliorum usus: Dieta, Pharmacia & Chirurgia magna prudentia atq; opportune adhibentur.

Quoniam autem nostrum hoc seculum ita est comparatum, ut in alienis factis, facile inueniat quod reprehendat: non deerunt fortasse qui meos hosce labores eo nomine improbent ac fugillent; quod nullius ingenij, nullius industriæ aut inuentionis, sed solius, ut dixi laboris sit hoc opus. Quasi uerò illi soli sint laudandi, qui noui aliquid in medium ferunt. Hos ego obsecro, ut tantisper se patiantur à me interrogari. Quid noui nobis attulit, eximius inter Græcos scriptor Stobeus? quid Plinius noster? qui res ab alijs antea scriptas collegerunt; ac in eum quem illi magis probabant ordinem redegerunt. Plinius certe ex Aristotelis libris, præcipuam naturalis suæ historiæ partem, se desumpsisse ingenue & candide proficitur. Reliqua uerò ab alijs Græcis accepit; ut si qui in antiquorum monumentis sunt uersati nullo negotio animaduertunt. Siquidem omnem inuentionis laudem, Græci posteris eripuerunt; & si quis noui aliquid semper postulat in lucem producat à nobis in Aphricam est ablegandus; quæ iuxta uulgatum adagium, noui aliquid semper proferi. Nihil est dictum quod non sit dictum prius; ut inquit poeta. Non tot librorum numero onerandi sunt lectores; quos si diligentius introspicias; antiquorum inuenta, mutatis tantum uerbis narrant; à quorum lectione, noua librorum congerie, magno cum detrimento plurimi auertuntur. Qui ueterum commentarios legunt; ij sciunt, post florentissimum illud Græcorum seculum; in quo sapientia summum attigit excellentiæ fastigium, Doctos ac literatos uiros tam Græcos quàm latinos; non in rerum inuentione; sed in explicandis & commodiorem ordinem digerendis græcorum scriptis, tantum desudasse.

Libro 8.

Et quamuis Cicero gloriabundus dicat: suum illud iudicium semper fuisse: omnia nostros aut inuenisse per se sapientius quàm græcos, aut accepta ab illis fecisse meliora; hoc tamen illi negant; qui græcos dicunt sapientia; Romanos uerò belli gloria excelluisse. Ne autem longius abscedamus; quid noui attulit nostra hæc ætas? in qua tamen linguarum non tantum perita, sed artes omnes ac scientiæ & quidquid ingenij uiribus administratur; summum gradum conscendisse ab omnibus iudicatur. Nonne solū in eruendis, emendandis, in alienas linguas transferendis; & à situ & squalore uindi-

Tafel. 1.

P R Æ F A T I O.

vindican-
dis ueterum
libris, tota
fuit occupa-
ta: diligentius
examinentur
singulorum
uigiliæ, nihil
aliud effecisse
illi depræhen-
dentur, quàm
quòd aut
artes ab alijs
traditas, clari-
us aliquanto
fortassis explicarunt: aut Græcum
aliquem scrip-
torem latinum
reddiderunt: aut
commentationibus
suis explanarunt:
aut Indices,
compendia,
Methodos, aut
tandem uocabu-
lorum in linguis
obseruationes
conscripserunt.
At quid hic est
inventionis? quid
rerum nouarum?
Si quam igitur
illi laudem merentur,
pari ratione nec ego
ab ea uideor excludendus,
si quod nos hic præstitimus,
non est ingenij, est
certe diligentiae: est
gratitudinis erga optime
meritum præceptorem:
est humano generi officium
salutare. Quamuis locos
ambiguos, qui multi oc-
currerunt, nemo sine iudicio,
& qui non ex eisdem
fontibus bibisset, unde
hæc hausit Montanus,
restituere potuisset,
Omnis sane in re honesta
labor, qui mortalibus
utilis sit futurus,
laude dignus semper
est iudicandus.

Hoc opus cum à me
concinatum, emittendum
esset in publicum, nobilissime
uir atq; clarissime, nullius
alterius quàm tui nominis
auspicijs lucem experiri
debere sum arbitratus:
ad idq; rationes me &
multæ & graues &
honestissimæ impulerunt.
Montanus enim, ex cuius
eruditione fructus hic
prodijt: Veronæ natus
est atq; educatus. Atq;
ideo Illustrissimo Venetorum
Senatui subditus fuit,
Grandior factus, sub
magno illo Nicolao Leonice-
no in Philosophia ac
Medicina præclare
institutus, Romæ, sub
Clementis VII. pontificatu,
Iulio Mediceo, Cardinali
amplissimo, tanquàm
ualentudinis curator
adstitit, atq; in urbe
summa in omnium
admiratione fuit,
Verum, cum Romæ
Respublica esset
immutata, ille in patriam
rediit, & cum dignus
iudicaretur, qui non
tantum optimis consilijs
suos ciues iuaret: sed
qui artem ipsam
docendo, communi
omnium salutem
confuleret, sanctissimo
Senatus Veneti decreto
Patauium est uocatus,
& magnificis stipendijs
honestatus. Is porro,
cum animum haberet,
ingenti doctrinæ ac
uirtutis thesauro
referatissimum: &
qui uelut grauidus
parturiret, iter sibi
patefactum uidit
ad gloriam: cuius
cupiditate incensus,
talem se præbuit,
ut & Illustrissimi
Senatus expectationi
cumulate satisfecisset,
studiosorum utilitatem
mirum in modum
promoueret, atque
inde celeberrimum
sibi nomen sit
adeptus. Cum igitur
Venetorum liberalitate
ac magnificentia,
& honoribus auctus,
& emolumentis etiam
locupletatus, hæc
scripserit Montanus,
non magis ipse quàm
Senatus huius operis
author est nominandus.
Melio-
rem quoq; horum
partem, pro nobilissimis
eius Reipublicæ
Senatoribus
conscripsit: quare
nulli magis
conueniebat
illa nuncupari
quàm tibi, qui
Illustrissimi illius
Senatus apud
Inuictissimum
ac potentissimum
Cæsarem Ferdinandum,
iure merito
personam sustines,
ac repræsentas.
Hoc uerò eò magis
à me fieri debebat,
qui & naturæ
legibus per-
motus, & uoluntario
animi proposito
atq; instituto,
nihil prius
nihil antiquius
duco, quàm
immortalem
ac sempiternam
eius Maiestatis,
atq; Imperij
amplitudinem
& gloriam
expetere: &
ardentibus uotis,
à Deo
optimo
maximo
semper
postulare.

P R Æ F A T I O.

Huc etiam illud accedit, quod singularis illa tua humanitas, quam mihi non semel declarasti: aliquid gratitudinis à me indicium merito exigebat: cæterum ad hoc etiam ea res me non mediocriter impulit ac incitauit, quod præclaro nomini, quo librū hunc illustrari cupiebam: hoc etiam adiungendum putauit: ut is cui destinaretur, illum & intelligere & iudicare posset. At pauci sunt illi, qui nobilitati ac generis splendori, literarum decus addendum curent. Id uero te fœliciter admodum præstitisse, non uulgaris tua illa eruditio satis docet. Nam præter priuatam Doctissimi olim uiri Bernardini Danielis Lucensis: qui in Musarum studijs te diligentissime enutrit: in Academia etiam Patauina, sub clarissimis præceptoribus, Philosophiæ ac melioribus disciplinis strenuam operam dedisti. In quibus etsi diu & magno ac prospero successu uersatum te esse omnes norunt: tui tamen hoc in genere profectus, ac uirtutis præconem habes Alexandrum Roccam, uirum optimarum artium ac Medicinæ scientia insignem.

Sed quid mirum est, te in sanctissima omnium quæ unquam fuerunt republica: in qua quot Senatores, tot laudis ac dignitatis honestissima sunt exempla: ex tali præsertim sanguine ac genere natum à maioribus tuis non degenerare? Splendidissimum semper fuisse Mozenigum nomen omnibus est notissimum: in cuius augustissima familia et summi principes multi, & quot uiri, tot penè lumina, ac patriæ ornamenta extiterunt. Eorum tu uirtutes hæreditario quodam iure ad te deuolutas, ita auxisti & amplificasti: ut sapientissimus Senatus tuam in iuuenili ætate & prudentiam & rerum usum ac peritiam animaduertens: grauissimum apud Cæsarem Ferdinandum, potentissimum orbis Monarcham, legationis munus tibi deman-
darit: solis senioribus ac natu grandioribus hætenus concessum.

Postremo, cum tua mihi salus, multis de causis debeat esse charissima: quam amicorum literis monitus, audio non mediocriter esse labefactatam: quod præsentī mihi facere non licet, librum mitto: in quo multa recuperandæ ualitudinis auxilia non uulgaria, te inuenturum esse non dubito. Quanquam Iulium Alexandrinum & Stephanum Laureum & Medicinæ usu & omni literarum genere excellentissimos uiros ac Cæsareæ Maiestatis propterea Medicos, scio, sua & præsentia & consilio tam gnauiter in illud incumbere: ut summis uotis à me expetitur, firmæ ualitudinis tuæ nuncium: Deo optimo maximo annuente, breui habiturum me sperem, Vale.

INDEX CONSI- LIORVM D. MONTANI DE MORBIS PARTIVM.

CONS.

NV. FOL.

1	De leui capitis dolore & defuffatione, ex imbecillitate uentriculi & hepatis.	1
2	De Cephalæa.	3
3	Medicamentum in dolore capitis.	4
4	De dolore capitis, & uentriculi periodico.	4
5	De dolore capitis.	5
6	De dolore capitis cum tinnitu aurium.	6
7	De dolore capitis periodico, grauitate eius, & sibilo aurium.	7
8	De eodem capitis dolore periodico, aliud confilium.	8
9	Pro muliere patiente dolorem capitis, cum alijs symptomatibus.	8
10	De dolore capitis cum uarijs symptomatibus.	9
11	Pro matrona capitis dolore laborante.	10
12	De dolore capitis cum anhelitus difficultate, & dolore dextrilateris, & febre leui.	11
13	De dolore capitis periodico, uentriculi debilitate, & menfibus albis, cum detestatione coitus.	13
14	De dolore capitis poft partum, cum symptomatibus melancholicis.	13
15	De eodem capitis dolore poft partum. Item de morbo Gallico	14
16	De melancholico Iudæo.	15
17	De melancholia per confenfum à toto.	17
18	De melancholia, & appetentia canina.	19
19	De difpofitione melancholica, & affectionibus oculorum.	20
20	De puero ftulto.	21
21	De imbecillitate totius capitis & oculorum.	22
22	De inflammatione capitis, cum dolore dorsi, fuppreffione menftruorum, & heftica febre.	23
23	De intemperie humida cerebri, & præfervatione dentium à nigredine.	25
24	De imbecillitate cerebri cum uertigine & catarrho perpetuo.	26
25	De uertigine.	27
26	De uertigine, & melancholia.	29
27	De uertigine ex melancholia Hypochondriaca.	30
28	De uertigine & paralyfi diminuta.	32
29	Ad fpafmum, ex retentione urinae, & Vigilijs.	33
30	De Vertigine & Epilepfia.	34
31	Pro Puella Epileptica.	34
32	Pro Comite Epileptico	34
33	Pro eodem Epileptico regimen ante Thermas, in Termis, & poft Thermas.	36
34	Electuarium pro Epileptica grauida, ad educendam pituitam, fine moleftia & nocumento fetus.	38
35	De Epilepfia, per confenfum à partibus inferioribus, unâ cum retentione menftruorum.	38
36	De Epilepfia, cum morbo Gallico.	39
37	De Incubo & Epilepfia.	40

38	De præseruatione ab epilepsia pro puero.	41
39	De Epileptica puella	42
40	De epilepsia per consensum.	43
41	De epilepsia.	44
42	De diuersis dispositionibus præter naturam, cum metu futura apoplexiæ.	46
43	De dispositione Apoplectica.	47
44	De paraplegia ac memoria diminuta.	47
45	De leui Apoplexia cum catarrho.	47
46	De præseruatione ab Apoplexia & Paralyfi.	48
47	De Apoplexia terminata in paralyfin dextri brachij & cruris, cum diminutione earundem partium.	49
48	De eadem Apoplexia terminata in paralyfin dextri brachij.	50
49	Ordo curationis Apoplexiæ dextri brachij.	51
50	De paralyfi sinistri lateris.	51
51	De paralyfi ex uulnere.	53
52	De paralyfi, seu resolutione medijs digiti in manu, ex defluxu à capite.	54
53	De senè paralytico, cum febre & suppuratione in aure.	55
54	De stupore ac leui resolutione lateris sinistri.	56
55	De paralyfi imperfecta sinistri lateris, cum lienis tumore, & crurum sectione ac tumore, & diarrhæa.	57
56	De paralyfi leui dextri brachij, cum uerrigine, ac multis alijs symptomatis.	58
57	De brachiorum tremore.	59
58	De tremore ac ophthalmia sinistri oculi	59
59	De tremore membrorum, & mouendi imbecillitate.	60
60	De tinnitu aurium antiquo.	61
61	De sinistra auris ac dentium dolore.	61
62	De sordiditate & tinnitu aurium.	61
63	De Parotide.	61
64	De diminutione uisus.	62
65	De actione uisus diminuta.	64
66	De diminutione uisus, & pilis in palpebris interius retortis	65
67	De eadem dominatione uisus & pilis &c.	65
68	De uisus obscuritate ex crassitie spirituum, & alijs quibusdam symptomatis.	66
69	De uisus obscuritate & macula in altero oculo.	67
70	De quodam patiente tenebrositatem ante oculos & leuem capitis dolorẽ.	68
71	De uisione perpetuo diminuta, corrupta quoq; sed intermittente.	69
72	De debilitate oculorum, & periculo suffusionis ex consensu uentriculi.	70
73	De ophthalmia ad Corricium.	71
74	De præseruatione ab ophthalmia.	74
75	De ophthalmia, cum principio suffusionis, & ulcere in cornea,	76
76	De Ophthalmia, & ulcere in cornea.	78
77	Ad Ophthalmiam in fene.	79
78	De leui suffusione oculi dextri.	79
79	De suffusione perfecta, an sit deponenda.	80
80	De suffusione & imbecillitate uidendi.	81
81	De oculis lachrimantibus ex destillatione, quæ maxillam etiam, aures atq; dentes uexat.	82
82	Pro muliere laborante morphæa in facie.	83

63	Ad soliditatem dentium.	84
64	De destillatione ad dentes, & gingivas, & ardore urinæ.	85
65	De destillatione à capite, ulceribus, animi deliquijs, epilepsia, imaginationibus melancholicis, & alijs plurimis symptomatis.	86
66	De catarrho, tussi, anhelitus difficultate, dolore capitis cum vertigine, dolore podagrico, & cedematico tumore cruris.	87
67	De catarrho frigido cum summa debilitate membrorum naturalium.	88
68	De catarrho descendente ad vertebrae colli, & impediende circumgyrationem capitis. Item, de immunda matrice mulieris.	90
69	De catarrho, pro Ducissa Urbini	92
90	De catarrho, cum affectu quodam melancholico	92
91	De dolore dorsi, ex destillatione frigida.	93
92	De catarrho ad occipitium & dextrum brachium destillante, cum ventrisculi imbecillitate, in senē.	95
93	De sputo sanguinis & puris, ex catarrho.	96
94	De difficultate aperiendi mandibulam ex catarrho.	97
95	De catarrho, ad oculum & aurem sinistram.	98
96	Pro muliere, catarrho laborante, perq̃ certas periodos patiente dolorem ventriculi.	98
97	De usu thermarum in catarrho.	100
98	De catarrho cum febre continua, & alui fluxione.	100
99	De catarrho, cum aure suppurata, & febre in senē.	101
100	De catarrho, fluxu alui, & febris hectica cum putrida	102
101	De catarrho fluente ad nares, & os, cum febre.	102
102	De destillatione ad diuersas partes, & febre, pro senē.	103
103	De catarrho ad fauces, diminutione visus, & purulentis auribus.	105
104	De catarrho ad crura descendente, & in genibus dolorem excitante.	105
105	De catarrho, qui in oculis facit visionem corruptam, in auribus tinnitum, in brachio sinistro stuporem.	106
106	De catarrho in pectore putrescente, & febrem ferē hecticam excitante.	107
107	De catarrho diuturno.	109
108	De catarrho cum dolore capitis, tinnitu aurium, & multis alijs symptomatis.	110
109	Pro puero, cui catarrhus sortens per nares copiosus exibat.	111
110	De catarrho, & fluore sanguinis ex hæmorrhoidibus cum macie corporis, & dolore pectoris.	111
111	De iisdem affectibus, aliud consilium	113
112	De quodam catarrho.	114
113	De Angina	114
114	De altero pleuritico.	118
115	De cura pleuritici.	118
116	De catarrho, pleuritide, & febre pestilenti.	119
117	De præseruatione à catarrho falso, sputo sanguinis, stillicidio, & de potu thermarum Lucensium.	120
118	De destillatione catarrhi ad partes subiectas, fluore alui penē dysenterico, assiduo uomitu, torminibus ventris, cum febre assidua & insigni totius corporis tabe.	121
119	De præseruatione sputi sanguinis, & curatione catarrhi descendētis ad pectus.	121

120	De catarrho, in quo periculum de tabe.	123
121	De catarrho, cum tussi, & sputo sanguinis.	122
122	De catarrho, & sputo sanguinis cum phthisi.	123
123	De catarrho cum tussi, excretionem sanguinis, uigilijs, & corporis extensione.	124
124	De catarrho cum tussi & sputo sanguinis	125
125	De catarrho, & sputo sanguinis periodico.	126
126	De catarrho & sputo sanguinis.	129
127	De sputo sanguinis.	129
128	De empyemate, ex suppositione mensesuorum.	130
129	De tussi ex catarrho cum sputo sanguinis.	131
130	De angustia pectoris ex catarrho & imbecillitate uentriculi.	134
131	De eadem pectoris angustia &c. aliud Consilium.	135
132	De raucedine & angustia pectoris	135
133	Purgatio pro catarrho falso cum frigidityte uentriculi & dolore capitis.	135
134	De Asthmate.	136
135	De catarrho ad pulmonem descendente, cum febre hectica, & suspitione Phthisis.	137
136	De catarrho, cum empyemate, hectica, & multis alijs sympto. coniuncto.	139
137	De duobus agrotantibus altero Phthisico, altero hectico. Vbi multa de pullibus.	143
138	De cardiaco affectu, & tensione ac inflatione uentris inferioris.	145
139	De puero laborante debilitate uentriculi & uomitu.	146
140	De debilitate uentriculi.	146
141	De frigidityte uentriculi cum uomitu pituitoso ac bilioso.	147
142	De magna uentriculi & omnium naturalium membrorum imbecillitate.	147
143	De uentriculi magna imbecillitate.	148
144	De debilitate membrorum naturalium, & praesertim uentriculi.	148
145	De stomachi anxietate, & morbo Gallico.	149
146	De uomitu Cholerico, cum singultu.	150
147	De uentriculi dolore, colico & diarrhaea.	151
148	De uentriculi imbecillitate, dolore ac flatu, cum multis alijs symptomatis.	151
149	De monacho colico.	153
150	De magna alui adstrictione, quae per septem dies durauit.	155
151	De cholera.	154
152	De cholera pro Frisimelia.	155
153	De coeliaca anu.	155
154	De fluxu uentris periodico.	156
155	De fluxu uentris partim hepatico, partim lienterico, partim coeliaco.	157
156	De fluxu uentris, & mala dispositione, relicta post dysenteriam.	159
157	De dysenteria.	161
158	De duobus dysentericis.	161
159	De dysenteria, pro domino quodam	161
160	De dysenteria.	162
161	De dysenteria.	163
162	Vtrum fluente aluo, uel existente uomitu aliquo, debeamus curare fluxum hunc fluxum.	163
163	De acutissimo dolore uentriculi ex uermibus.	164
164	De quodam puero, qui ex uermibus cadebat in lipothymias.	165
165	De puero, qui unguentis repersuuijs curatus a scabie, in febrem incidit & uermes.	165

166	De fluxu hæmorrhoidum, & suppressione urinæ.	166
167	De hæmorrhoidibus fluxibus.	ibidem
168	De intemperie membrorum naturalium ac obstructione, à materia frigida & crassa orta.	168
169	De potu Thermarum, an conveniat in dispositione ventriculi frigida, & obstructionibus, existente insigni caliditate hepatis & lienis.	ibidem
170	De melancholico hypochondriaco.	169
171	De flatibus hypochondriacis, cum doloribus ventriculi & intestinorum.	170
172	De flatibus hypochondriacis, cum descensu catarrhi.	172
173	De melanch. hypochond. cum doloribus ventriculi ac Lipothymia.	174
174	De passione hypochondriaca.	176
175	De affectu hypochondriaco.	ibidem
176	De melancholia hypochondriaca.	177
177	De affectione hypochondriaca confirmata ex liene.	179
178	An laborans affectione hypoch. ex liene, sit mittendus ad balnea.	180
179	De melancholia hypochondriaca.	181
180	De flatibus hypochondriacis.	182
181	De passione hypoch. cum annexis symptomatibus, nimirum tremore cordis, & ventriculi mordicatione, & rogius corporis macie.	182
182	De intemperie frigida splenis, cum tumore insigni, cruditatibus ventriculi, & corporis atrophia ac decolorationibus, cum metu futuræ aquæ inter cutem.	184
183	De tumore splenis duro, post diurnam febrem.	185
184	De lienis obstructionibus & duritie, cum periculo hydropis & reliquis quartanæ febris.	187
185	Pro nobili, cui hepar inflammatum, & ventriculus ob id debilitatus erat.	189
186	De tensione hypochondrij dextri, ex hepatis scirrho, cum cachexia & dolore dorli, qui ad renes extenditur.	ibidem
187	De hydropo.	191
188	De hydropo, pro puero in hospitali S. Francisci.	192
189	De hydropico ex ascite cum Tympanite.	193
190	De hydropico, in quo multa de viribus fumiterræ explicantur.	194
191	De eodem hydropico.	195
192	An diuretica conveniant in præservatione affectus renum & vesicæ.	ibid.
193	De præservatione à calculo & podagra.	197
194	De præservatione à calculo & podagra.	199
195	Ad debilitatem renum, & eos expurgandos & confortandos.	201
196	De præservatione à calculo renum.	201
197	De præservatione à calculo renum, aliud Consilium.	ibidem
198	De arenulis & metu futuri calculi.	202
199	Pro Germano laborante calculo.	204
200	De calculo pro eodem.	205
201	De calculo. Vbi de Phlebotomia in senes agitur, & aliæ quædam quæstiones dissolvuntur.	206
203	Pro quodam laborante calculo renum.	207
204	De calculo, gonorrhœa, & colico dolore.	ibidem
205	De suspitione calculi in renibus, cum multis alijs symptomatis.	208
206	De calculo vesicæ, cum stranguria.	209
		De cal-

207	De calculo vesicæ, dolore renali, & iuncturarum cum ardore urinæ.	210
208	Pro laborante calculo vesicæ.	212
209	De mictu sanguinis.	213
210	De mictu sanguinis, cum urinæ ardore.	ibidem
211	De ardore urinæ pro muliere.	214
212	De ardore urinæ, ischuria, gonorrhoea, lue Gallica, & febre erratica.	215
213	De ardore urinæ, & frequenti mictione.	218
214	De eiectione materiæ crassæ & foetidæ per urinam, cum dolore renum, ac sitienti, & an Calderianæ aquæ in hoc casu conveniant.	219
215	De fluxu materiæ pituitosæ per urethram.	219
216	De fluxu materiæ albæ per urethram per decemium.	220
217	De fluxu pituitoso per urinam, ulcere in tandro, tabe, manus contractione, & hypochondriaca affectione.	221
218	De urinæ stillicidio ob pituitam crassam, viscidamq; urethram occupante.	222
219	De urinæ difficultate cum pruritu, dolore dorsii ac renum, gravitate in inguine & lue Gallica.	222
220	De quodam, qui ob casum ex alto, difficultate urinæ, & doloribus genitalium laborabat.	224
221	De suffocatione matricis, cum alijs symptomatibus.	225
222	De mensibus diminutis, cum febre hectica ex putrida facta.	226
223	De suppressione mensium, cum gravitate capitis.	226
224	De suppressione mensium, & hysterici affectionibus.	227
225	De suppressione menstruorum.	228
226	De menstruis albis.	229
227	De imbecillitate ventriculi, fluxu mensium alborum.	229
228	De sterilitate.	230
229	De ingenti testiculorum pruritu.	ibidem
230	Pro Ischiadico.	231
231	Pro Ischiadico aliud.	232
232	De Ischiade.	233
233	Pro milite quodam, qui ex equitatione equi male euntis, & nimia Venere patiebatur dolores Ischiadicos.	234
234	Pro Ischiadico, cum tumore testicul.	ibidem
235	De Arthritide ex melancholico humore.	235
236	Pro muliere patiente dolorem articulorum.	ibidem
237	Pro muliere in principio podagræ.	236
238	Pro laborante dolore ossis sacri, & debilitate movendi crura.	ibidem
239	De præservatione à podagra & calculo.	237
240	De morbo articulari, pro generoso Domino à Stubenbergo.	ibidem
241	De podagra cum multis symptomatibus complicata.	239
242	De dolore genu obtuso ex destillatione pituitæ à capite.	242
243	De tumore podagrico in utroq; genu.	243
244	De tumore oedemato utriusq; pedis.	244
245	De podagra, morbo Gallico & tabe, una cum pruritu maximo.	245
246	Exactissima morbi Gallici atq; omnium propemodum propriorum eius symptomatum, ac præcipue Rhagadum curatio.	246
247	De morbo Gallico, pro nobili Germano.	251
248	De eodem morbo Gallico, pro eodem.	253

249	De morbo Gallico, cum dolore capitis, febre & continuis vigilijs.	254
250	De morbo Gallico, doloribus in extremis partibus digitorum, ulceribus narium ac gutturis, ex destillatione acris,	255
251	De morbo Gallico cum ulceribus.	256
252	De morbo Gallico, cum aliquot proprijs symptomatis ac ophthalmia,	257
253	De quodam laborante morbo Gallico, cum aliquot symptomatibus.	258
254	De quodam ex morbo Gallico male curato.	259
255	De quodam, ex usu Mercurij præcipitati, in curatione morbi Gallici, ventriculi erosionem patiente.	259

Finis Indicis Consiliorum primæ partis,

IOANNIS BAPTISTÆ MONTANI VERONENSIS
MEDICI, ET PVBLCI ATQVE ORDINARIJ

in Academia Patauina olim professoris, de curandis
singularum humani corporis partium mor-
bis, à summo uertice, ad imos usq;
talos, Consilia,

De leui capitis dolore, & destillatione, ex imbecillitate
uentriculi & hepatis, pro Serenissima Bona Sfortia Re-
gina Poloniæ, Serenissimi ac potentissimi Regis Polo-
niæ Sigismundi Augusti matre.

Consilium I.



X OMNIBVS INTRINSECIS
causis, quæ ad affectus capitis præter naturam ge-
nerandos conducunt, potissimæ sunt uentriculi
imbecillitas, atq; hepatis caliditas. Ac de uentri-
culi quidem imbecillitate, cuius ratione succi crudi
multiplicati assiduus uapores ad caput submitunt,
cuiq; etiam uulgarî Medico uel mediocriter in
arte uersato est exploratum, nihilq; frequentius
auditur, quàm mutus ille circulus læsionum inter
cerebrum & uentriculum. De hepatis uerò calidi-
tate, quantum ad capitis repletionem faciat, au-
toritas est Galeni lib. 3. de locis affectis: præter ra-
tionem, quæ dicat, in huiusmodi temperaturis
maximam uaporum copiam à toto uenarum am-
bitu ad cerebrum ascendere. Sunt igitur suapte natura paratissimi ad omnes circa ca-
put affectus perpetiendos, quicunq; in duobus illis membris, uentriculo scilicet & he-
pate, tales habent temperaturas: quibus si postea accesserit, apta capitis ad recipien-
dum dispositio, iam intrinsecus omnes promptas habent occasiones, tum ad efficien-
das, tum ad recipiendas circa caput dispositiones præter naturam. Cum ergo scribas-
tur, in sua Serenissima Maiest. hæc omnia conuenire, non est mirum si facile inciderit
in dolores capitis, defluxiones, & quosdam alios affectus præter naturam. Sed si pos-
tea his quoq; accesserint aliqua uitia sex rerum non naturalium, humana corpora neq;
cessario commutantur, tum plane non facilitas tantum, sed necessitas malarum im-
pressionū consequitur. Cum igitur huiusmodi quoq; conuenisse audiam in eadem Se-
renissima Maiestate, perficitur integer tanquam causarum chorus ad morbi incremen-
tum idoneus. Audio enim suam Maiestatem primo penitus se non exercere; aliquan-
do uerò in assiduus cogitationibus, & animi molestijs detineri: somno diurno uti quo-
tidie: in cibo & potu non admodum exquisitum delectum habere: cuiusq; aëri, in-
cumbentibus grauissimis negocijs sese exponere. De excrementis uerò, an secun-
dum quod oportet expellantur, non audiui quidem, sed forte & in illis erit aliquod
uitium: ferè enim ista quoq; læsio præcedentes errores consequi, comitariq; solet.
Nam de mensibus retentis, quamuis ratione ætatis secundum naturalem ordinem res-
tenta fuerint, nihilominus in tali temperatura, & tali ocio, & delitijs Regijs, non sine

damno intercepta sunt. Nam etiam audio post eorum retentionem in omnia prædicta symptomata confestim incidisse; scioque plurimas quoque matronas alias post detentos menses etiam naturaliter temperie præditas, tamen in varias ægritudines postea delapsas esse. Et si omnia recte collegerimus, facile intelligemus non tantum capitis affectiones, sed etiam lienis tumores, & hydropicos, qui quandoque contigerunt, ab iisdem causis processisse. His recte cognitis, & suppositis, haud difficilis erit intentio. Ac primum illud ex rei natura fundamentum elicitur, S. M. purgantibus quidem, & his quæ attenuant, vel alio modo præparant, aut excoquant humores, subleuari quidem posse, curari uero nequaquam; uel enim enumeratorum membrorum interperies ad naturalem statum sunt redigendæ, uel causæ intrinsecæ relinquentur, quibus periodice ad illos eosdem affectus sit redeundum. Quamuis ego non negauerim purgationes esse opportunis temporibus faciendas, ut humores qui quotidie ob membrorum inæqualitatem assiduam generantur, non redundant, & ex redundantia non illos tantum affectus foueant, sed novos quoque generent, ut frequenter fieri solet. In illis tamen purgationibus non est insistendum, sed ad alia quoque, quæ paulo inferius dicam, est accedendum, quæ magis facient ad præseruationem, quam ad curationem. Vera enim curatio, si uerum fateri uolumus, forte erit impossibilis, si modo totam morbi naturam recte perpendimus: quomodo enim fieri poterit, ut eorum membrorum inæqualitas ad æqualitatem redigatur? in hac præcipue ætate, & in corpore regio, cui quam difficile sit diutius imperare, notum est omnibus, qui aliqua ex parte experimento deprehenderunt. Primum itaque in tam longa ægitudine, in recta uictus ratione, curationis præseruationisque basim, potissimamque fidem statuerem, ita, ut neque alicui aëris excessui tam calido quam frigido occurreret, uentosque omnes & pluias euitaret. Nec hyemis tempore in uaporarijs suo more calefactis, uel prope magnos ignes diutius moraretur, præcipue ubi ignis ex fortioribus lignis ardeat, qualis est quercus, ilex, ulmus, & reliqua plura huiusmodi. Caveat etiam, ne acriter magnum lumen, siue Solis, siue ignis intueatur: sed neque ab alto prospiciat, aut flauiorum præcipitium, aut turbas, aut celeres rotarum gyros, & reliqua. Laudarem ut singulis septimanis caput ablueret, præcipue si sit illi lauandi consuetudo, eligatque lixiuum ex salicis aut uitis cinere confectum, in quo saluia, maiorana, chamæmelum, rosa, decocta sint cum drachmis tribus agarici electi. Hæc enim ablutio conferet ad roborandum, mundandumque caput. Inter præcipua hoc habeat, ut omnes animi molestias, quam maxime fieri possit, euitet, faciatque ut quam maxime exhilaretur animus quacunque occasione sumpta. Erit etiam illud ocium, & quies corporis immoderata, omnino auertenda. Quotidie matutinis horis sese exercebit deambulando, donec totum corpus citra sudorem incalescat. Nec minus imperabit sibi frictiones quotidie, ut mane in lecto sit, sintque frictiones in toto corpore æqualiter, molles tamen, & prolixiores, ita ut cutis calefacta incalescat: Quod si etiam post frictionem totum corpus illiniatur oleo garyophyllorum odorato, longe magis expediet. Et quoniam audimus deditam esse longa consuetudine somno meridiano, consulimus ut paulatim desuescat, præcipue si nocte, quantum satis est, dormierit: ad capitis enim repletionem, distillationesque augendas, efficacissimus est somnus meridianus. Obseruabit præterea, ne cubitum accedat à cœna, nisi post horas ad minus duas, cœnaque illi sit paratior, quam prandium, si & suauior rem somnum, & leuius liberiusque caput habere uoluerit: non tamen propterea tam copiose prandeat, ut postea crudo stomacho ad cœnam accedat: utrumque ita moderandum, prandium inquam & cœna, ut nouus cibus priorem inconcoctum uel bullientem non inueniat: quod optime fiet, si citra facietatem semper comederit. Sitque inter cœnam & prandium spatium non minus quam nouem horarum: tunc enim cruditas semper euitabit: quod inter cætera optimum erit remedium ad omnes suos affectus abolendos. Sitque quam fieri potest, cibus quam maxime simplex, uniusque naturæ: quod quidem sicut est Principibus & Regibus difficillimum, propter inueteratam & malam consuetudinem, ita etiam perniciosissimum est. Nihil enim magis facit ad cruditates

ad corruptionem, putredinemq; & ad depravatos humores in corpore multiplicandos, quàm ciborum varietas & multitudo: confunduntur enim plurima diversissimarum naturarum, quæ dum inæqualiter concoquantur distribuunturq; necessarium est, ut inde labor caloris innati consequatur, & varia vitiorum genera in succo illo tam diverso. Admonemus igitur, & deprecamur suam S. M. ut velit in hoc Regium morem exuere, & in opipara regali mensa unum tantum eligere, quod sibi pro fame sufficiat, illudq; sit leve, & quod facile cōcoquatur, facileq; distribuat, & optimum sanguinem generet, quales sunt omnes carnes pullorum, perdicum, phasianorum, hœdorum, vitulorum, caltratorū iuvenum, ova recentia tremula, vel sorbilla. Panis ex purissima farina sit, bene fermentatus, & mediocriter salutus. Ab omnibus antiquis carnibus, & sale maceratis abstinebit, ab oleribus præcipue crudis, à fructibus horarijs, à piscibus, præcipue qui in stagnis degunt, aut paludibus, ab aëribus etiam quæ palustria incolunt loca, ut sunt anseres, anates, & huiusmodi, à leguminibus, à pastilibus, à lactis cinijs, & præcipue à caseo, à frixis in sartagine. Hæc omnia S. R. M. sua auersetur. Vinum eligat clarum medijs coloris, vel etiam albū, non acidum, neq; astringens, sed bene maturum, mediocriter vinosum: & omnino euitabit mustum & uina turbulenta. Quod si etiam uindemiæ tempore uinum conficeretur cum salvia & betonica, illud esset præstantissimum, præterquàm quod gustui non esset iniucundum. Sed non est omittendum, tanquam parui momenti, quod ut sua M. quotidie habeat beneficiū alui, diligenter opera danda est, imò inter præcipua hoc animaduerti debet: hoc enim studio adhibito distrahentur uapores, qui ad caput continue feruntur. Si igitur natura faciat quantum oportet, nil ultra molendum: sin minus, laudo ut semel, aut bis, aut quoties opus fuerit in septimana sumat terebinthinæ Cypriæ, quæ facile habebitur Venetijs, uel interim, dū non habebitur, laricinæ, quæ habebitur facile, pondus drach. duarum mane tribus horis ante prandium. Hoc enim remedium non tantum molliet aluum, sed etiam obstructions aperiet, membra præterea naturalia, membraq; netuosa corroborabit, urinam prouocabit, utero conferet: ideo, me iudice, prætermitti non debet. Hæc summam dicta sint pro tota uictus ratione, quæ si diligenter à Maiestate sua obseruabuntur, tam erunt efficacia, ut forte sola horum ope præseruetur, & immunitas futura sit ab omni effectu, de quo nunc conqueritur. Hoc tamen si non fecerit, uel magis, ut futurum credo, non adeo exquisitè obseruet, alia proponam, quæ in alijs duobus curandi instrumentis, pharmacia scilicet & chirurgia, consistunt. Quantum ad pharmaciā attinet, laudo ut bis singulis annis purgetur, autumno, & uere. Ex his enim annuis purgationibus præseruari solent homines à gravissimis etiam morbis, quemadmodum erat sententia Galeni in libro de sanguinis missione. Et quamuis immensa pene euacuandi materia sit, nihilominus tamen proponam, quod mihi congrua uidetur, & quod erit tanquam intentionis exemplum.

- | | |
|---|----------|
| ℞. Calsiæ | ℥ 2. |
| Specierum hieræ | ℥ 2. |
| Fiat bolus, tribus horis ante prandium sumendus. Deinde | |
| ℞. Mellis rosati colati | |
| Syrupi de cichorea Nicoli sine rhabbarbaro | ana ℥ 2. |
| Decoctionis cetrach | |
| Capillorum Veneris in aqua boraginis destillata. | ℥ 3. |
| Misce pro uno, & sic pro alijs septem. Deinde | |
| ℞. Rhabbarbari | ℥ 2. |
| Spicæ | ℥ 6. |

Infundantur in decoctione florum cordialium per horas 10. & facta diligenti expressione, colaturæ adde confectionis hamech 3. Syrupi rosati solutui ℥ 2. Misce, & fiat potio danda in aurora cū custo dia. Et iste esset purgandi modus satis facilis & expolius. Placeret tamen, ut sanguis quoq; in purgatione ueris mitteretur à basilica sinistra lateris, cuius quantitas sit ad uncias 8. uel uncias 10. In autumno postea peracta

euacuatione prædicta præter sanguinis missionem, summopere placeret, ut sumeret per duos vel tres dies infra scriptam decoctionem, quæ apud me longo experimento, probata est ad melancholicos succos sine aliqua molestia euacuandos, lienisq; affectus egregie remouendos, cuius dosis quidem communis est, unciarum sex. Est tamen pro natura uniuscuiusq; consuetudine & ætate limitanda, cuius descriptio talis est:

℞. Myrobalanorum omnium ana 3 s.

Contundantur grosso modo, & fricentur manibus cum oleo amygdalarum dulcium. Infundantur per 24. horas in libris 6. aquæ fumiterræ destillatæ. Postea

℞. Epithymi

Thymi

Polypodij

Foliorum senæ

Liquiritiæ ana 3 6.

Seminum citri. 3 2.

Corticum radicum elebori nigri 3 3.

Bulliant omnia simul ad consumptionem medietatis, deinde quiescat donec refrigeretur decoctum, postea coletur & fortiter exprimatur, & addito zucchero sufficienti dulcescat, & cum oui albumine purificetur, & leui decoctione facta syrupizetur & seruetur ad usum. Postea ℞. huius decoctionis 3 6. aut 5. aut 4. aut quantum expedire videbitur. Iulep rosati 3 s. Misce, fiat potio danda in aurora, poteritq; dari vel alternis, vel singulis diebus secundum euacuationis quantitatem, augendo vel minuendo dosim, prout euentus ostendet. Ex hæc de purgationibus ordinarie per singulos annos faciendis. Sed quoniam in ratione uictus semper fere aliquid delinquitur, & præcipue in Regijs delicijs, ideo ne deprauati humores plus aquo excrescant, illi consultu esse opinor, si singulis mensibus his aut ter mediam rhubarbari optimi drachmam deglutiat, siue mandendo, siue in pilulari forma, siue in puluerem redactam, admixto saccharo rosato, uel passulis, quomodocunq; libuerit. Ad oculi uero affecti corroboracionem, concoctionemq; & discursionem materiarum confluentium, optimum erit remedium huiusmodi collyrium.

℞. Fornu græci electi

Radicum altheæ ana 3 1.

Mudentur exquisitissime ab omni sordē, infunde & decoque in aqua fontis purissima sine fumo, aut puluere, aut fauillis, ad consumptionem duarum partium, deinde fiat fortis expressio & colatura. Postea

℞. Aloës optimæ lotæ in aqua rosarum 3 2.

Sacchari candi rosati 3 1.

Decoquantur omnia simul ad consistentiam mellis, deinde seruantur in uase uitreo optime obturato, & suo tempore suauiter ponatur in angulo oculi affecti cum penna, & maximam inde utilitatem habebit, cum accipiet. Pro capitis uero particulari purgatione, laudo quidem ea, quæ nos uulgo appellamus masticatoria, & præcipue quæ cum sola mastiche fiunt, sed caput purgia, & expurgationes per nares uolentas non ita laudauerim, propter maximam affinitatem inter angulos oculi & nasi emunctoria: esset enim potius attractio ad eundem locum, quàm deriuatio. Sed ubi omnibus his diligenter peractis S. M. adhuc uexaretur ab iisdem symptomatibus, tum maxime probarem, si cauteria quoq; fierent in utroq; crure, in parte exteriori, in loco consueto per quatuor digitos infra iuncturam, à peritissimo Chirurgo, esset enim auersio & euacuatio optima & efficacissima, & præcipue si in sinistro crure fieret, propter rectitudinem. Et hæc crederem suffectura, si modo sua Serenitas diligentissime præstari uoluerit ab omnibus molestijs, quibus nunc affici solet, cum

auxilio Dei optimi maximi, cuius nomen sit perpe-

tuo benedictum. Datum Venetijs, nonis

Iulij. M. D. XLIX.

Pro illis

Pro illustrissima gubernatrice Placentiæ, de Cephalæa.

Consilium II.



Vantum ex diligentissima instructione colligere potui, patitur illustrissimæ matrona affectum capitis, quam Græci Cephalæam, Arabes Sodam appellant. Est autem huiusmodi affectus toto genere Chronicus, & quemcumq; semel occupaverit, per quam longo tempore affligit, frustra etiam à clarissimis Medicis adhibita curatione. Et quamvis ex signis relatis ego quoq; crediderim plurimum affici cerebrum, ex ventriculi consensu, nihilo tamen minus probabile est, in cerebro quoq; factam esse læsionem, per essentiam. Quantum uerò attinet ad uteri suffocationem, forte ex consensu cerebri, & capitis dolentis contingit, præcipue cum nunquam inuadat huiusmodi symptoma, nisi prius insignis capitis dolor præcesserit. Et cum alioqui circa uterum nulla uideatur actio læsa, cum menses suo tempore debite fluant, item qualiter, & quantum oportet (ut audio) nullam aliam causam habere tremorem illum, & concussionem membrorum omnium, quam nimium dolorem, quo spiritus agitantur & perturbantur, arbitror. Hi enim cum sint facultatum omnium instrumenta proxima, & animæ domicilia, non est præter rationem, ut urgente sæuissimo dolore, membra quoq; concutiantur, præsertim in foemina, quæ sexus ratione molliores, imbecillioresq; nervos habet, & quæ facilius patiantur. Totam igitur ueram curationem ad Cephalæam dirigendam arbitror, quæ res mota, uel remissa facile remoueri, uel remitti reliqua posse iudicauerim. Cum ergo partim per consensum à ventriculo & hepate, partim per essentiam in ipso cerebro, hic capitis dolor perseveret, utriq; causæ succurrendum puto. Primo autem membrorum inferiorum rationem habendam censeo. Sed quoniam longo tempore contractæ sunt intemperies, frigida quidem in uentriculo, calida in hepate, non erit pauci temporis, aut negocij, illas amoliri. Ergo interea, eò curatio dirigenda, ut excrementa utriusq; membri non redundant, & quæ redundauerint, ad contrarium auertantur. Quantum igitur ad primum, rectissima uictus ratio instituenda est, quam licet credam hæcenus à peritissimis Medicis fuisse institutam, non multa tamen, officij mei gratia, breuissimè me recensebo. Primo igitur ab omni aeris excessu illustrissimæ Matronæ caput, quam procul amouendum arbitror, uentos cuiuscumq; generis euitabit, neq; morabitur sub aère multum frigido, sed quam maxime abhorrebit à calido, & præcipue à solis aestu. Omnes autem importunos motus, & strepitus æris collisione factos, illi esse quam maxime infestos experta mihi credat. Animi etiam molestias omnes esse aduersissimas, ex sua instructione, declaratum est. Cauebit etiam, me admonente, ab omni motu corporis immoderato, ab elatione uocis, & à multa locutione. Concedo autem moderatum corporis exercitium in aère temperato deambulando, & partes inferiores potius exercendo. Frictiones maxime laudo, si quotidie fiant, mites quidem, & molles, sed longo tempore, donec membra omnia confricata incalescant & rubeant, sintq; omnes partes, quæ confricantur, infra thoracem, præterquam quod brachia quoq; eodem modo fricari poterunt. Si frictiones igitur quotidie fient, plurimisq; diebus, spero maximum iuuamentum ex hoc remedio successurum. Studeat, ut singulis diebus excrementa alui reddat, quod si natura defecerit, arte id supplendum erit, cum eo, quod feces euacuat, sicut est maxime Aloë, ante coenam sumpta, quod remedium ad auertendos quoq; uapores à capite, ad partes oppositas, conferet. Possunt autem sumi Aloes lotæ ʒ 2. & formari pillulæ 8. cum aqua Bethonicæ. Abhorrebit omnino à somno meridiano, nihil enim aquæ caput aggrauat, excrementosumq; reddit. Potum eligat uini pauciferi, minimeq; uaporosi, substantiæ tenuissimæ & limpidissimæ, quod facile, & citissime distribui possit, & urinam prouocare, unde & album cæteris præferrem, uel etiam giliuum, idq; parce potabit, abstinebitq; ab omni potu inter prandium & coenam, & præcipue hora decubitus. Cibus sit, quam maxime simplex, om-

nino enim uaria mensa aut epularum copia, ac multitudo illi nocentissima est. Atq; in hoc, etsi illustrissimæ suæ dominationi aduersatur ipsa nobilitas, tamen oportet, ut mensa utatur simplici: & priuatæ domui familiari. Quod autem sint uitanda omnia uaporosa, & quæ sint tardæ concoctionis, ac quæ facile putrescant in uentriculo, sicut omnia lacticia, pastilia, legumina, pisces, res frixæ in sartagine, fructus horatii, carnes antiquæ, & porcinae &c. me tacente etiam omnibus nota esse arbitror, scioq; hæc iam pridem ab omnibus Medicis fuisse satis superq; inculcata. Talis sit ergo ratio uisus, quæ quidem pars curationis in hac ægritudine sicut in omnibus Chronicis perquam maximi est faciendæ, & principatum obtinet.

Quantum uero attinet ad medicamenta, consulerem primo, ut bis in anno illis strissima Domina purgaretur, uere inquam, & autumnò. Et postquam audi'o, naturæ esse calidæ, & humidæ temperaturæ, plurimòq; sanguine redundare, cum hæc patissimis insigni caliditate, laudarem: ut saltem in purgatione ueris sanguis quoq; detraheretur e basilica, consentiente etiam (sicut consentit) ætate & uiribus. Licet ut rò purgatio res uulgaris sit, & omnibus nota, exempli tamen gratia ita purgarem.

ss. Floris Calsiæ 3 10.

Specierum Hieræ simp. 3 2.

Cum saccharo fiat bolus, sumendus tribus horis ante prandium.

Deinde sequenti die.

ss. Syrup. de Cichorio Nicolai cum Rhab.

Byzantini completi ana 3 1.

Aquæ Boraginis 3 3.

Misce pro uno, & sic pro alijs, usq; ad septem. Deinde:

ss. Floris Calsiæ 3 1.

Agarici præparati 3 1. s. uel 3 2. pro uiribus;

Fiat bolus cum saccharo, detur mane quinque horis ante prandium cum custodia. Petacta purgatione, laudarem, ut sumeret per octo dies, subsequentes medicinas confortantes, ante prandium & coenam, uidelicet, uel rotulam Diarhodon abbatis, uel zacchari rosati 3 s. Et, ut fieret continua diuersio: duplici modo procederem. Primo, ut haberet familiarem usum Hieræ simplicis Galeni ex sex rebus, quam sumeret ante coenam, bis singulis septimanis pondere 3 2. in forma pillulari, purgaret enim uentrem, hepar & uterum, ut est Galeni sententia, & nos quotidie experimur, & præterea à capite auerteret materiam, quæ facit dolorem. Alius uero auertendi modus magis etiam efficax & continuus est, ut in utroq; crure infra genu, per quatuor digitos, à peritissimo Chirurgo fierent cauteria, & per plurimum tempus aperta dimitterentur. Imò etiam si simul fierent in utroq; brachio eodem modo, in tam longa ægritudine non esset abs re, prius tamen ea experiantur, quæ sunt in cruribus, nec omnino (me iudice) dimittantur. Quantum uero ad usum balneorum, uel thermarum attinet, posset quidem excellentissimi Medici hoc remediū experiri, sed in illo non multū confido, tanquam remedio, quod, dum bibitur, minimum facit, dum dimittitur, nihil. Hæc si ritè & diligenter facta fuerint, spero illustrissimam Dominam tandem conualiscam, licet non breui tempore, sicut quidem nos optaremus. Est enim, ut in

primo dixi, hæc ægritudo omnino gravis, disuturna, chronica, in ueterata & confirmata. Quare absurdum esset sperare breui tempore curari posse. Et hæc factis ad laudem Dei.

Medicamentum, præscriptum Ducissæ Vra-
bini, in dolore capitis,

Consilium III.

ss. Tamarindorum opt. & recentium	3	4.
Myrobalanorum Indorum		
Citrinorum		
Chebulorum	ana	2.
Passularum dulcium		6.
Prunorum Hispanicorum dulcium, exemptis ossibus.	3	4.

Contundantur primo Myrobalani leniter, deinde infundantur tota die, ac nos-
etc., in aquæ Endiuæ libr. 8. postea omnia simul exquisitissime decoquantur, donec
colatura deueniat ad spissitudinem sapæ. postremo.

R. Sebesten pinguisimorum	3	5.
Folliculorum Senæ		
Polypodij	ana	3

Decoquantur simul ad consumptionem tertiæ partis, tunc validissime excolen-
tur, & colaturæ addantur.

ss. Mannæ electæ	3	6.
Rhabbari electi	3	1.
Macis	3	1.

Puluerizentur puluerizanda, & misceantur omnia, ac seruentur in uase uitreato
bene obturato. Dosis autem sit pro uiribus, & consuetudine à 3 iij. usque ad 13. De-
tur uero mane, horis quinque ante prandium, sine custodia.

De dolore capitis, & uentriculi, periodico.

Consilium III.



CLARISS. D. Doctores, uidetur necessarium, ut nos consideremus cas-
sum Magnifici huius domini, & ea, quæ iam plurimis annis symptomata
perpeffus est, tria enim sunt. Primo excessum caliditatis in hepate habuit
quali naturalem, & sunt multi anni ex quibus perseuerat, uenterculus au-
tem fuit, & est frigidior, caput imbecille, & receptabile plurimorum ex-
crementorum. Facile igitur est uidere, quomodo incidit in hanc dispositionem. De
doloribus uero, quos perpeffus est non agam multis, quia alias dixi, quod facti sunt à
materia pituitosa, flatuosa, & uiscosa, generata in uentriculo quæ stante caliditate he-
patis, necessario quasi ebullit, & se effert, sicut fit in uisiosa coctione. Et adesse huius-
modi humores, qui sunt causa malorum, res ipsa testatur. Statim enim cessant dolores
circa iecur, & uentriculum, eiecta tali materia. Considerandū modo est, quomodo sit
curandus, & cum sit periodicus dolor, an uideatur habere causas separatas, an uero
causam habeat fontem. Quomodo sit curandus: Optima sedatio doloris est euas-
cuatio huiusmodi humoris peccantis, & postea corroboratio membri. Circa causam,
& quomodo periodicus dolor efficiatur, uidendum est. Cum illa tria membra sic se
habeant, sicut diximus, perseuerante frigiditate stomachi, caliditate hepatis, & stante
imbecillitate capitis, plurima necesse est generari excrementa, quæ expelluntur
semper ad locum debiliorem. Omnia igitur uidentur concurrere, quare debes
aut symptomata perseuerare, quia membra mandantia sunt disposita ad genera-
dam talem materiam. Caput autem imbecillum est, & octo annos durauit quidem
hæc dispositio membrorum, solebat namq; antea laborare uertigine, ita quod dubium
esset, an afficeretur Epilepsia, an uertigine, & noctu multum seminis emittebat.

Nunc sentit materiam descendere ad ventriculum, quod potest percipere optime, antea autem senserat per nucham fluere. Ex urinis ostenditur aliquid bilis adesse, est enim color rufus. Causa igitur huius periodici doloris, est primo ventriculus, plurimum generans pituitæ, imbecillitas capitis, cum hepatis caliditate generante multum bilis.

PROGNOSTICON. Hic dolor tandiu perseverabit, quandiu ascensus vaporum durabit, donec uel naturæ, uel Medici opera succurratur ei, & ipse etiam se melius gubernauerit, ac constitutio anni melior fuerit: perseverantibus enim causis, perseverabit effectus.

C V R A. Hæc dixi, ut ostendere possem meam sententiam, quia circa unum & eundem scopum uersari debemus, & cum uidemus symptomata maxime urgere, uis delictet passionibus stomachi, illis occurramus euacuatione materiæ: & præseruatione capitis a vaporum ascensu tali: Quantum ad symptoma præsens, Excell. uel ita quærant concoctionem materiæ. Atq; plurimum non solum præsentibus, sed futuris etiam accidentibus decoctum ligni prodesse iudicant: exiccabit enim ventriculum, & quia habet uisum astringendi, quia amarum est, & partes terreas habet, ideo etiam roborabit. Laudo igitur & laudauimus etiam præteritis diebus id consiliū. Vt autem magis satisfaciat suæ Magnif. & ut etiam magis penetret hoc tempore, quando ex hyeme æstas facta uidemus, longe magis mihi placeret, si decoctio fieret in aquis destillatis magis quam communibus. Subtiliores enim & tenuiores sunt, & propter tenuitatem substantiæ facile penetrant. Absinthij aquam accipiamus, quæ cum habeat amaritudinem, habet tamen subtilitatem partium: & uelim, si posset fieri, adderetur decoctum Absinthij, ad ipsum decoctum ligni. Habet enim tensiones in Hypochondrio dextro, non quod patiatur obstructions, sed sunt ueluti principium earum. Verum in exhibitione ligni non est difficultas, sed intentio nostra est, ne sit perpetuo in hac calamitate, & ne mala redeant. Quid igitur agemus circa hoc? Habemus causas propositas, & non frustra toties dixi, hepar calidum esse, ventriculum frigidum, caput imbecille. Si bene consideremus hoc, & alia accidentia, quid habemus ex illa consideratione? Id, ut operam demus, quo materiam hanc diuertamus, ita haberemus intentionem nostram, sicut nos docet natura rei. Ad hoc tria sunt nobis proponenda. Primo sient diuersiones, & illæ propinquæ, pro quibus facerem cauteria propinqua, ut in brachijs, uel occipitio, id dico admodum necessarium, quia durante hoc symptomate cadet in mortem. Nam dolores destruunt uirtutem, & habet nunc etiam aliquam febriculam. Quare talis materia omnino est diuertenda, ut aliud iter accipiat. Deinde exiccarem, & roborarem caput. Cauteria apud Arabes summe laudantur, apud Græcos tamen multi reperti sunt, qui non capiti apponerent, sed eorum loco sinapismis, & uescicatorijs uisi sunt, quibus primo fiunt uesciæ, & postea crustæ, & ita purgatur summopere caput, estq; tutius, quia non penetrant cranium, cuius penetratio est periculosa, ne cerebrum ipsum concidat. Erit itaq; hoc optimum exiccare, & facere diuersionem. Tertio id libenter facerem, quia materia generatur quotidie in uentriculo: quæ sursum in caput ascendit, uelim, ut ea deorsum uertatur: quod fieret pillulis ex Agarico, & Rhabarb. baro. Vel darem aggregatiuas sine Colocinthide tamen, & Scammonio: nimis enim periculosum est, si illis assidue utatur. Vel aliæ fierent similes pro eadem intentione. Credo, quod si nos primum euacuaremus uentriculum, & bilem quæ generatur in hepate, & faceremus quæ prædicta sunt, quod sanitati restitui possit, & nisi his inueter, puto omnino non posse curari. Quantum ad præsens symptomata, laudo, ut perseveret in his, quæ à uestris Excell. recte incepta sunt, & non accedant ad aliam opinionem, nisi alia accidentia contigerint.

Igitur modo decoctio
ligni utatur.

De dolore capitis.

Consilium V.



QUERITVR Magnificus uir, de dolore capitis, qui curari non potest, nisi cognita huius doloris causa, an sit ratione capitis male affecti, an uero per consensum alterius membri. Vt hoc sciatur, uidendum quæ sint dispositiones naturales, & quæ singulis partibus adueniant, secundum quas totum corpus alterari possit. In operationibus animalibus intrinsecis cum sit exercitissimæ ingenij, non afficitur. Extrinsecæ quoque animales operationes valentes sunt. Virtus motiua, quæ à cerebro oritur, est perfectissima. Hoc enim membrum est sanum, cuius operationes sunt sanæ. Hinc cerebrum sanum in se dico, sed quoniam gradus sunt sanitatis, si quis quærat, utrum hoc cerebrum habeat excessum per aliquam qualitatem? Ego credo, quod nullus sit excessus in caliditate uel frigidityte, & si esset, magis ad frigidum inclinare uideretur. Cum enim hepar sit calidum, nisi caput quoque inclinaret ad frigiditatem, totus esset furiosus. Sed uidemus ipsum facile esse placabilem. Est quidem ingeniosus, sed hoc arguit subtilitatem substantiæ cerebri, non caliditatem, ut testatur Galenus secundo artis paræ. Si etiam esset cerebrum calidum, omnino inconstans esset, sed planè contrarium uidemus. Quantum uero ad passiuas qualitates spectat, credo, cerebrum esse siccior, quàm humidius. Quod arguitur ex ingenio, & stabilitate omnium operationum, à siccitate enim prudentia, obtusio uero ab humiditate. Ergo constituerem cerebrum siccum. Quantum ad hepar, inspecto colore, pilis nigris, uenis amplis, manifesta signa sunt caliditatis hepatis. Ac quidam scholaris tangens pulsus, cum febricitare opinatus est. Calidum igitur est cor, & hepar, cum moderata siccitate. Irascitur namque, sed facile placatur. Redundauit calido feruenti sanguine, quod indicant hæmorrhoides, quas perpetuo passus est. Calidum enim hepar, atram bilem, & crassos humores generat, natura in eo fortis sic expellit. Quæritur, cuius sit temperiei uentriculus. Sunt autem intrinseca & extrinseca, ex quibus indicatur temperatura partium. Dixit ipse uentriculum esse plane inter costas, & tactu apparet nullam adesse pinguedinem in abdomine, qui situs solus efficeret uentriculum frigidum. Crassum namque abdomen per Antiperistalsin calefacit uentriculum, & intestina, hinc eo loco uulnerati male postea concoquunt. Aristoteli pinguedinem non per Antiperistalsin, sed etiam suo calore augere uentriculi calorem putat, quia pinguedinem calidiorem sanguine statuit. Hinc à frigido uentriculo plurima pituita generatur. Nec enim solum ob absentiam pinguedinis frigidus est uentriculus, sed propria quoque intemperie. Est enim calidi hepatis, biliosus ac calidi cordis. Hinc tales in Venere plus appetunt, quàm possunt, accedentibus delicijs, quibus usus est præter omnem morem. Et certe Venus plurimum facit ad frigiditatem uentriculi: In coitu enim plurimum de calore, & spiritu euacuatur. Cumque uentriculus neruosis sit, eius calor citius resoluitur, quàm cæterorum membrorum. Uentriculus quoque est siccior natura, ac Venere plus exiccatus: ac præcipue, cum sit in ætate paracraftica. Stantibus his temperaturis horum membrorum multitudine uaporum ascendit continue ad caput. Galen. 3. de diff. morborum & 3. de locis affectis, in capite, de dolore capitis. Ideo qui calidi sunt hepatis, plerumque dolent capite, etiam propter amplitudinem meatuum à calore dilatatorum, sequitur hic dolor capitis, & præcipue in hoc cum caput non sit calidum, ut hoc, consumat, neque frigidum, ut hos uapores confringat. Accessit quoque mala ratio uictus, hinc perpetuo uentriculus pituita repletur, ac calidum hepar excitat uapores à materia crassa, ad caput ascendentes. Hinc pituita à uentriculo & uapores à toto ambitu uenarum ascendunt, & sequitur maximus dolor capitis, & in posteriori parte præcipue. Nam œsophagus secundum situm magis ad posteriorem inclinatur. Hactenus uidemus caput nihil pati per se, in seipso, sed tantum ratione uaporum: qui si tolluntur, cessabit

cessabit & dolor capitis. Consensum innuimus, non à uentriculo tantum, sed ab hepate, uenis & arterijs: maiorem portionem ascendentis materie credo esse pituitam, percipit enim dolorem grauium capitis, ac sibilum aurium, qui fit à crassis uaporibus, qui dum circumuertuntur, nec ita euentari possunt, faciunt sonum. Ac etiam euomit materiam albam, uiscidam, crassam, insipidam, quod est ipsa pituita, in fine sensit amaritudinem, quod significat admixtam bilem. Post hunc uomitum melius se habuit. A uentriculo igitur pituita, à uenis uapores crassi, & calidi ascendunt. Vtrum modo in cerebro uel membranis sit hæc materia, queritur. Dicit ipse, se sentire dolorem in radicibus oculorum, quod indicat in membranis esse materiam hanc. Est etiam aliud signum, quia adest acutissimus dolor, qui non fieret à pituita, nisi in membro maxime sensibili, cum tamen cerebrum non sentiat, aut parum. Queritur modo, an sit imtemperies in membrana, uel solum continuum. Credo hic extendi materias, ac pungere membranas, & facere solutionem continuæ. Si enim facta esset aliqua impressio per uapores, tum etiam expurgatis uaporibus male se haberet. Quod hic non fit, manet quidem post dolorem attonitus aliquandiu, donec dispergantur per totum uapores. Sunt modo symptomata, sequentia hunc dolorem, consideranda. Frequenter uomebat, dum adestet dolor. Et inter unum uomitum, atq; alterum erat spatium, in quo occupabatur stupore, ut nec sentiret, nec bene moueretur. Postquam tamen percutiebat calcaneum, stupor abiit. Non autem mirum est ex uomitu affligi spiritus, quia uomitus ob contractionem sæpe syncopen inducit. Hinc stupor, qui à frigidityte in membro fit, ob defectum caloris aderat, percussio tamen calcanei, membro sensibili, reuocabatur calor, & stupor desinit. Aliud, quod dixit se habuisse hos dolores per interualla, non certis tamen periodis, ipse refert causam, & dicit: quod uomebat in singulis periodis bis, aut ter, quando dolebat, remota materia melius se habuit, donec iterum congregaretur. Nunc non uult uomere, metuit enim stupor, hinc continue dolet. Præterea non patitur dolorem capitis nisi post tres aut quatuor horas à cibo, & frequentius à prandio, tum enim, quia incipit melior concoctio, materia mouetur fortius, & ascendit, quod etiam significat dolorem capitis esse per consensum. Ad hæc, dum exercetur, materia ad diuersas partes tracta, non facit dolorem capitis.

PROGNOSTICVM. Natura morbi recte intellecta bene prædicitur, quæ bene prognosticat, bene curat, & contra: si uerum est caput nihil facere, quod tamen cum dolet, afficitur (aliter enim dicere ridiculum est) per consensum, dolet, ut dicit Galenus lib. 3. de locis affect. Ideo remotis uaporibus, dolor capitis remouebitur. In hoc igitur statuatur prognosticum, an uapores tolli possint? si natura non potuit remouere sua dispositione, semper enim plurimum sanguinis per hæmorrhoides egerit, nobis difficile erit, stante tali caliditate hepatis, ac in ætate tali, & in homine neogocioso. Nam ad alterandam temperaturam homo ociosus requiritur. Addere pituitæ quædam, & calorem uentriculo, impossibile erit, ut refrænare calorem hepatis. Quomodo igitur faciemus uapores non ascendere? Cura erit omnino longa, & uisum salutaris tandem. Sed si alterare non possumus omnia, ut debebamus, tamen refrænare studebimus, ut si doleat, non tamen tantum doleat, ut antea.

CVRA. Vapores remouebuntur primum uictu, qui sit facilis concoctionis. Cum enim uentriculus non habuerit obiectum malum, melius ager. Utatur uino conuenienti bono. Exerceat se temporibus debitis. Exercitium enim colliquat cruda, & præparat ad exitum, corroborat calorem uentriculi. Atq; in hoc ponerem magnam partem curationis suæ: secundo, semper eijcerem aliquid e uentriculo. Abhorrerem quoq; ab omni usu medicinarum, quæ trahunt electiue, ut Agaricus, & ea, quæ ostendit Frisimelica. Potius enim à uentriculo auertere debemus pituitam, quam ad eum trahere. Ad hæc, omnis medicina, electiue trahens, destruit mineras uirtutum, & frigiditatem maiorem uentriculo inducit. Educere itaq; cum Cæsia, cui parum Hææ admixtū esset, Vterer Terebinthina, quæ euacuat, & roborat, Exhiberem etiam Rha-

barbarum,

barbarum, ad mundificandum uentriculum, Gal. 5. de tuend. Valet. Terebinthina lenit uentrem, & non exiccat, ut Aloë, & alia. Frictionibus & exercitijs uteretur. Vtatur quoque syrupo Byzantino, completo ac acetoso Diarhodon, & syrupus de duab. & de quinque radicib. prodest. Addere decoctiones, ex radice Fœniculi, Asparagi. His enim trahentibus urinam, diuerteretur ac euacuaretur materia. Vtatur quandoque præ cæteris Diatrionpipereon, quia sic etiam uult Gal. nam & calefacit uentriculum, nec nocet hepati. Magnificus uir dicit dolorem capitis semel atque iterum sedatum esse à comestione Ceparum. Dico acrimoniam Ceparum disgregasse, ac incidisse uapores ascendentis, quanto magis faciet Diatrionpipereon, quod non est ita fumosum, ut Cepæ. Thermas, ratione uentriculi, consulerem, curarem tamen ne calefacerent hepar, quod hic est calidissimum. Semel namque passus est principium Hectice, & curatus balneis frigidis, & humidis conualuit: quare metuerem, adhibitis contrarijs balneis, ne incidere in ueterem morbum. Videtur tamen mihi, ut parum de aqua sumat, ac sic tentet, an uelit iuuare, ac roboretur hepar. Cauteria quoque maxime laudarem, ratione materici, in uenis, & arterijs, licet, quantum ad uentriculum, parum prodesse statuamus.

De dolore capitis cum tinnitu aurium, pro illustrissima matrona.

Consilium VI.



Vpposita ægritudine, uel potius dispositionibus præter naturam, quibus laborat illustrissima Domina, uidelicet dolore capitis & tinnitu aurium, quæ licet aliquando remittantur, tamen subinde redeunt, neque prius tolluntur. Supposita etiam temperatura, ut consicere possumus ex his quæ referuntur, calida & humida, & habitu corporis pingui & obeso, in magnis delicijs degendo, lautissimis & copiosissimis cibarijs adhibitis, dicimus facile lime deprehendi posse earum dispositionum causam esse plenitudinem humorum & redundantiam. Et cum non audiuerimus capitis aliquod uitium præcessisse, cerebricque operationes tum extrinsecas tum intrinsecas fuisse secundum naturam, neque unquam destillationem perfectam fuisse, credimus hanc ægritudinem primogenio affectu ad caput non esse reducendam, sed ad membra inferiora, ut uentriculum, & hepar, ac totum uenarum ambitum. Existente enim in illis membris redundantia, necessarium est omnino repleti caput ob plurimos uapores ascendentes, præcipue in regione frigida, ubi paucissima transpiratio. Quamprimum igitur occurrendum est plenitudini, ne cerebrum affectum suffocato calore innato, reddatur seipso imbecillius, ac deinde intemperies per essentiam firmetur in capite, reddaturque ægritudo uel insanabilis, uel quæ difficillime tolli possit. Estque uia curationis manifestissima. Plenitudinem, sicut dicebat Hippo. euacuatio sanat. Euacuabitur tum adhibita recta uictus ratione, cibi que ac potus parsimonia, tum medicinis euacuantibus, ac sanguinis missione. Quantum igitur attinet ad uictus rationem, cauendum primo ne aëri frigidus occurrat, uel flatibus uentorum, etiam si æstiuo tempore quandoque uideatur esse iucundum: sed ab Austro caueat præcipue, ab aëreque nocturno. Somnum meridianum fugiat, maxime enim officeret capiti. Procurabitur singulis diebus reddat alui excrementa, quæ si pauca aut retenta fuerint, adiuet mollientibus, sicut est potus ante cibum pullacei iuris, in quo malua, mercurialis, & beta alba decocta fuerint, addito etiam saccharo. Vbi herbarum facta fuerit expressio, cibis haustu copiosum tribus horis ante prandium: proderit enim ad aluum emolliendam. Ad idem etiam confert usus passularum dulcium ante prandium, pulueris sacchari adiecto. Bis tantum in die comedat, neque inter prandium & coenam bibat, & præcipue post coenam. Vnico cibi genere contenta sit, nihil enim ad augendam plenitudinem efficacius quam ciborum uarietas. Carnibus uescatur iuuenibus, facili concoctione, quales uiculinæ, hœdinae, pullorum, leporum iuuenum, auium campestrium, ut perdicæ, phasiani, & aues parue. Abstineat à carne antiqua, porcina tam salita quam recenti, à passilibus

à passibus & lacticiis, à piscibus, & omnium ciborum genere uaporoso, uiscoso, & humido. Oua recentia conueniunt, si tremula fuerint, elixata, uel calido cinere cocta. Quantitas cibi sit intra satietatem. Vinum bibat uel pauciferum, uel bene dilutum, & in pauca quantitate: & hoc maxime refert: nihil enim magis replet caput quam uinum uel potens, uel uaporosum, uel utrunq;. Et hæc quantum ad rationem uicis attinet. Quantum uero ad purgationem, laudarem, nisi æstus maximi impedirent, ut quamprimum, præmissa lenitione alui, cum ʒ 1. floris cassiæ, & specierum hieræ simp. ʒ 2. die proxime sequenti sanguis mitteretur à uena brachij, quam communem appellant, extrahereturq; sanguinis quantitas usque ad ʒ 8. uel 10. Deinde ad ulteriorem curationem cum pharmacis accederem, præmissis infra scriptis syrups:

ʒ. Syrupi de betonica

Mellis rosati ana ʒ 1.

Aquæ maioranæ ʒ 4.

Misce pro uno, & sic pro quinque. Postea purgetur modo infra scripto:

ʒ. Agarici præparati ʒ 2.

Floris cassiæ ʒ 1.

Misce, fiat bolus cum zuccharo: detur in aurora cum custodia. Vel si mallet pilulas,

ʒ. Pilularum cochiarum ʒ 4. Cum melle rosato fiant pilulæ 5. dandæ eodem modo, & hora eadem. Ego tamen præferrem bolum. Facta hac purgatione, si ulterius res urgeret, laudo masticatoria, primo ex mastiche simplici, matutinis horis semper expendo; deinde si uellet uires masticatorio adijcere:

R. Mastiches ʒ 2.

Pyrethri

Staphisagriæ ana ʒ 8.

Ceræ ʒ 2.

Misce, fiat masticatorium in forma trochiscorum pondere ʒ 1. & utatur eodem modo, quemadmodum de mastiche diximus. Deinde si adhuc urget res, laudo ea quæ caput purgia uocant, leuia tamen, sicut cum decocto betæ, maioranæ, & mercurialis, attrahendo per nares ieiuno stomacho, quemadmodum fieri consuevit. Ad tinnitum aurium maxime confert oleum picis uel terebinthinæ, adiectis duabus partibus olei amygdalarum amararum: mane & uespere guttam unam & alteram destillet in aures, adiecto coto uel bombace carminato & muscato. Præterea pro diuersione & euacuatione, si morbus perseveraret, laudo ter aut quater singulis mensibus utatur ʒ 1. pilularum infra scriptarum, hora una ante coenam;

ʒ. Aloës optimæ ʒ 4.

Agarici electi

Rheubarbari electi ana ʒ 2.

Spicæ

Zingiberis

Nucis muscatæ

Mastiches ana ʒ 1.

Puluerizentur omnia per se, deinde misceantur, postea conspergantur succo rosarum puro, & permittantur exsiccati, & ita reiteretur septem uicibus.

De dolore capitis periodico, gravitate eius, &
sibilo aurium, pro Veneto.

Consilium VII.



I quis recte discutiat quæ causa & origo sit doloris capitis periodice infestantis Magnificum dominum, videbit per verum consensum illum esse ab inferioribus partibus, & non quia cerebrum vel primogenio affectu, vel per essentiam patiatur. Si enim membrum illud dicitur esse sanum, cuius operationes sunt sanæ, ut cerebri propriæ operationes sunt imaginatio, discursus, & memoria: cum hæc omnes in sua Magnificentia rectissime se habeant, sequitur cerebrum in se sanum esse, nisi aliunde consensum acceperit. Sunt etiam aliæ operationes hoc idem testantes, quæ licet non fiant in cerebro, sunt tamen à cerebro, sicut sensus exteriores, & facultas quæ per electionem movet; atque hæc omnes facultates integerrimæ sunt, ut inde quoque patere possit, hoc cerebrum in se esse sanum. Cum vero sanitas uniuscuiusque membri amplam habeat latitudinem, cerebri quoque optima temperatura sit, unde optimæ prodeunt operationes, sitque quando ad reliqua membra principalia comparatur, frigidum & humidum, queritur hic, nunquid & cerebrum sit hoc modo & hoc sensu frigidum & humidum, an vero declinet ab hoc optimo statu per aliquem excessum vel defectum. Respondeo, quantum ad qualitates activas attinet, iudicio meo, vel non recedere à temperato cerebro propriè, vel si recedit, ad frigiditatis excessum potius declinare. Indicat id caliditas illa immensa hepatis simul & cordis, sicut in confesso est, etiam reliquorum medicorum iudicio, & sicut ex proprijs signis apparet. Amplitudo enim venarum, color subniger corporis, pilorum multitudo nigrorum, crassorum & crispiorum, maxima ad Venerem promptitudo, insignem quandam hepatis caliditatem præ se ferunt. Animi vero constantia, & in rebus agendis audacia & vehementia, cum maximo arteriarum motu, cor plane calidum ostendunt. Sed nemo prudens medicus vel philosophus ignorabit, hepatis & cordis insigni existente caliditate, si etiam cerebri caliditas accesserit, necessario fore, ut uir talis ferorum & barbarorum morum sit, truculentus, crudelis atque inexorabilis, cum spiritus animales non habeant ubi sedentur & misceant. Sed Magnificus Dominus iracundus quidem est, sed facile placabilis, mitis, mansuetus, optimorum morum, ac præterea prudentissimus. Quæ omnia arguunt vel frigiditatem cerebri, vel temperiem, in quo spiritus temperantur, sicut est sententia philosophi & 2. de generatione animalum, & 30. sectione problematum. Præter hanc qualitatem activam, quam in cerebro esse opinamur, credimus etiam in passivis ad siccitatem potius declinare: ingenij enim perfectio & iudicii stabilitas, opinionumque gravitas, memoriarumque tenacitas, siccitatem mihi, non humiditatem ostendunt. Tale igitur erit cerebrum Magnifici Domini, ut si à naturali suo temperamento recedat, recessus sit potius per frigiditatem & siccitatem. Quibus ita se habentibus, sequitur quod primo circa caput raræ texturæ & habitus sit: secundo, quod alimentum proprium non concoquat ita exacte: tertio, quod excrementa tam propria quam aliunde transmissa non facile expellat & diffuset: quarto, quod facile admittat vapores & materias aliunde transmissas. Ista enim omnia symptomata familiaria sunt temperaturæ frigida & sicca. Et hæc sufficiant de cerebro, de quo multis erat habendus sermo, quoniam in illo principaliter doloris causas inuestigamus. De hepatis vero & cordis temperatura idem erit iudicium, quod obiter superius retulimus: utrumque enim horum membrorum insigniter calidum est. Nam hepatis caliditas ostenditur facile ex corporis colore nigro, ex multitudine pilorum nigrorum, crassorum, & crispiorum, ex amplitudine venarum, & quod plurima hile redundat, atque in ipsa cute citrinus color cum fuscedine apparet. Cordis caliditatem ostendit maximus & uelox arteriarum motus, animi vigor, & promptitudo ad iram. In ventriculo autem non eam esse caliditatem, quæ recte concoctioni

requiritur, indicat generatio pituitæ, quæ nullam aliam probabilem causam habere potest suæ generationis in hoc corpore, quàm ipsius uentriculi frigiditate. Sed & habitus abdominis hoc idem indicat, est enim gracile, & sine pinguedine, quod quidem ad calorem retinendum & coctiones adiuuandas maximè iuuamenti est, sicut est & Galeni & Aristot. sententia. His ita explicatis & constitutis, apparet iam quemadmodum in hoc corpore sint omnes dispositiones ad capitis repletionem & dolorem excitandum idoneæ. Primo frigiditas & siccitas cerebri, de qua proxime multa diximus. Secundo hepar calidum, cuius ratione sanguis feruens plurimus generatur, ex quo feruore necessario plurimi uapores redduntur capiti ex toto ambitu uenarum, ut optime dicebat Galenus 3. de locis affectis. Accedit ad hoc cordis caliditas, à qua etiam spiritus feruentes & mobiles generantur, qui confertim & cum impetu ad cerebrum delati, extendunt, percutiunt, aperiunt: agitantur enim interclusi in angustis locis unde necessario dolores excitantur. Propterea frequenter deprehendit Magnificus dominus ipsa experientia dolores capitis repente excitari, & facile etiam discuti, non ob aliam rationem, quàm quòd spiritus ipsi mobiles sunt, & sicut cito mouentur, ita etiam citò dissoluuntur. Est ultima causa, pituitæ in uentriculo generatio, quæ in uapores uersa propter caliditatem adiacentium membrorum ad caput ascendit, dolores excitat: inde est quod sæpe percipit grauitatem capitis protensam ad oculorum radices, & quòd dolor extenditur usque ad aures cum quodam sibilò, qui incipit circa primas colli uertebras. Grauitas autem est à uaporibus pituitosis tanquam crassioribus, & extenso ad aures & radices oculorum, quoniam pertingit crassius uapor, & percutit interiorem cerebri membranam. Sibilus autem non aliunde provenit, quàm quòd uapor crassus & uiscosus agitur à calido, & non ita facile resolutus, strepitum facit, quemadmodum uapor uenti propulsus in aëre. Quòd uero in occipite dolor incipiat, inde est, quoniam uapores à uentriculo ad cerebrum eleuati, necessario per oesophagum transcunt, qui in parte posteriore positus est. Ergo ut dolor iste capitis est multiplex, ita etiam multiplices habet causas: sanguinem uaporosum & feruentem hepatis ratione, quod calidius est: spiritus uitales calidos igneos, superius facile raptum habentes: pituitosos uapores à uentriculo delatos. Atque ita in confesso est dolorē istū capitis fieri per consensum purum ab inferioribus partibus propter uapores & spiritus ascendentes, & non alio uitio capitis uel cerebri, quatenus est membrum organicum, licet ratione temperaturæ unam tantum auferat actionem, ut non multum resiliat, uel repellat, aut dissilet causas alterantes: in reliquis penitus culpa iacet. Ac inde est, quòd nō ascendentibus uaporibus præter naturam, caput sanissimum persiliat, in omnibus suis operationibus noxa carens: illis uero elatis, longe minori parte temporis patitur caput: paucis enim horis dolore caput affligitur, reliquo toto tempore omnino excitatissimum est, & omni nocumento carens. Ergo & rationibus & signis ostendimus, illud esse quòd à principio proposuimus de hoc capitis dolore. Et hæc satis de causis & essentia symptomatum & morborum in hoc Magnifico Domino existentium. Quantum ad curationem, nihil aliud addendū occurrit, quàm quòd iam præscripsimus in sequenti consilio: ad id recurat: & ita integrum erit consilium tam quo ad speculationem & cognitionem causarum, quàm quo ad curationem.

PRO EODEM.

Consilium VIII.



Dolor periodicus capitis tam in anteriori, quàm posteriori parte capitis, magis tamen in anteriori, in hoc nobili uiro incipiens cum frigiditate pedum, deinde inuadens totum caput, & præcipue mordicans ambos oculos, qui iuuatur ab adstrictione & repressione, quam ipse facit à natura edoctus, manibus validissime comprimendo, nec potest pati frigus

frigus præfente dolore, imo neceffarium eft, ut totum corpus calefcant & calefcant arie, quod iugiter fit pannis calidis applicatis: præcipuum tamen iuuamentum eft calefcas natus, delinens poftca cum fudore copiofiffimo totius corporis, & relinquens in palpebris impotentiam motus. Talis inquam dolor cum huiusmodi fymptomatibus, proculdubio per confenfum eft à uentriculo & toto ambitu uenarum, eleuatis uaporibus undecunq; & ideo etiam totum caput dolet, magis tamen anterius quàm pofterius: quoniam pars anterior & calidior & apertior, magis recipiens excrementa & fenfibilior, ac præterea uapores eleuati à uentriculo craffiores & plures, nec tamen facile diffolubiles. Cuius fignum, quòd finito dolore adhuc remanet impotentia motus in palpebris, propter reliquias uaporum crafforum in membranofis illis partibus impaças, nec diffolutas. Incipit autem cum frigidityte pedum: quoniam dolore in fuprema parte exiftente, calor maxime & fpiritus ad illas partes uergunt fimul cum uaporibus calidis & acerbis. Sed cum caput ualde manibus astringit, ideo iuuatur, quia reprimuntur uapores, & caput roboratur, ne tam facile fufcipiat uapores. Læditur à frigore, quoniam dum friget corpus, pori adstringuntur, uaporesq; magis reclusi afcendunt ad caput: at calefacto corpore relaxantur diffilanturq; uapores & auertuntur. Et præcipue iuuatur quando nates calefiunt, quoniam maxime ad oppofitum trahuntur ac uertuntur uapores. Cuius fignum manifeflum, quoniam declinante dolore totum corpus in copiofiffimum fudorem refoluitur: tunc enim uapores plane ad diuerfas partes refoluuntur, & per fudores educuntur. Tum etiam, quod longe deterius habet, quando aliis adftricta eft, uaporibus fcilicet magis eleuatis, & quòd irritatur peritidis ab animi moleftijs, quoniam inde calefcit caput & imbecillius redditur. Etiam ab aëre tam calido quàm frigido, quoniam calidus aperit, rarefacit, attrahit: frigidus denfat, comprimit, prohibet diffilari uapores eleuatos, & à proprio alimento capitis genitos. Iuuatur à pilulis aloëticis, euacuatur enim uentriculus eis. Curatio huius nobiliffimi uiri in hoc confiftit, ut maxime corroboretur caput, & totum corpus exquiffiffime mundum conferuet, fiet id præcipue propofita fibi recta uiuendi ratione. Cauebit ergo ab aëre alterante caput tam frigido quàm calido, tam humido quàm ficco: excelfus enim omnes euitandi, & temperies eligenda eft: ideo nec noctu exponat fe aëri, neque in Sole ambulabit. Abluet caput fingulis feptimanis femel, fuauiſſimeq; fine multa friftione exiccabit: roſæq; ſaluia, & fruſtulum agarici bullient in lécitio. Cauebit à uſno potenti: ſed & acidum auſterumq; euitabit, eligeretq; tenue, maturum, pauciferum, quod etiam parce bibet. Simplici cibo contentus erit, parciusq; cœnabit, nec niſi poſt duas horas cubitum accedet. Fugiet diurnum ſomnum, ac uenerem: uteturq; ſingulis diebus antequam è lecto furgat friftionibus uniuerſi corporis, & poſt friftiones linimento ex oleo garyophyllorum, quod uenditur ab unguentarijs. Prouidebit ſingulis diebus, ut ſubducatur aliis, & ad hoc utetur pinguiſſima terebinthina pondere trium drachmarum, tribus horis ante prandium, quam deuorabit hoſtia aut ſimili e inuolutam. Præſtantiſſimum eſt, ſi quotidie hora una ante prandium degluſtiat zuchari roſati ſemunciam. Bis in anno purgandum conſulo, quemadmodum uſum fuerit præſentibus medicis. Singulis ſeptimanis ſemel ſaltem ſumet ante cœnam drachmam pillularum de hiera ſimplici. Tempore paroxyſmi, dum primo incipit, illi net frontem, utraq; tempora, collum, & circa ſcapulas, dimittendo ſpinam, quæ nullo modo tangetur tali linimento:

℞. Terræ ſigillatæ

Boli Armeni orientalis

ana 3 1.

Hypociftidos

Acaciæ

ana 3 2.

Albuminum ouorum conquaſſatorum num.

3.

Aceti mediocrit

3 3.

Miſce.

B 2

Pro ma

Pro muliere patiente dolorem capitis, cum
alijs symptomatibus.

Consilium IX.



Xperimur quotidie, diuersa uia, in consultationibus esse procedendum, quandoq; enim exponitur morbus, omisis symptomatibus, quandoq; contrarium fit. Cum proponitur morbus, sumus breuiiores. Hic uero cum tantum symptomata sint aggregata, morbo relicto, reducamus ea in suas causas, ut postea curationem instituamus. Habemus dolorem capitis, dentium, quosdam etiam dentes excisos, item, quod dolore circa crura, renes, &c. uerxetur, quodq; accidentia seruant periodos, cum scilicet menstrua profluunt. Capitis uero, & dentium dolor, eodem modo se semper habent: postea alia symptomata separata sunt, dolores in plantis pedum, & manibus, ac ubi aqua frigida contingitur, uel liciuio quoq; frigido, aer quoq; frigidus quocunq; tempore in ea parte occurrit, excitatur pruritus, quem sequitur color citrinus, hinc papulae, uel pustulae, quae cessant, ubi incalescit locus: hocq; accidens ipsa molestissimum sibi esse dicit, ac in tempore hyemis, licet optime operiatur, tamen inferior pars circa malleolos, quam non attingunt uestes, pruritu & pustulis occupatur. Sed quoniam esset prolixum, circa singula cogitatione uersari, reducantur ad principium commune uel omnia, uel pluraq;. Oportet nos facere, quemadmodum Mathematici, qui dum non habent natiuitatis tempus, a tempore conceptionis id inuestigant. Sic hic faciamus, a primis annis habuit dolores capitis, & dentium, delectata est cepis, & rebus acris, quare, licet habemus indicium temperaturae, ex pilis crassis, colore subnigro cutis, a posterioribus arguemus: cuius sit temperaturae. Habet suos menses, & sentit hinc inflammationem, & dolorem, qui sedatur percepto frigore. Hinc credo, esse in ea sanguinem calidissimum singulis mensibus exeuntem. Si sanguis calidus generatur, itaq; a membro calido: Ideo hepar calidissimum esse inde colligere quilibet potest. Estq; dolor capitis certissimum signum calidi hepatis, ut Galenus lib. 3. de locis affectis, de dolore capitis asserit. Quia calidum hepar plurimos semper facit uapores, facit etiam ab ambitu uenarum ascendere, orta enim suis principijs sunt similia. Ex his itaq; arguerem hepar esse calidum, & huius ratione, dolet caput non per essentiam, quia uiget in operationibus, nec continue dolet, sed per interualla. Naturalis quoq; temperies capitis uidetur calida, & sicca, & si quid humidum in capite est, aduentitium est. Capilli sunt duri, quod non prouenit ab humiditate: haec enim calorem temperat, & pilos molles efficit. Humiditas itaq; capiti huic non est naturalis, sed aduentitia. Multum quidem dormit, excedit multum ex capite, quod humiditatem quoq; capitis arguit, non naturalem, sed aduentitiam. Stante igitur caliditate insigni hepatis, & malo uictu, & accidentibus antea miscerebrium debilitatur. Omnia calidiora (ut Gal. 2. de temperamentis air) tempore paracrafticae aetatis redduntur frigida. Remanent tamen pili nigri, licet immutetur temperatura. Facto itaq; (respectu curarum multarum & aetatis) frigidiore cerebro, incipit redundare pituita, quoniam resolutio calore non fit tam bona concoctio, & ubi est hepar calidum, facile ex mala uictus ratione uentriculus fit frigidus. Hinc menstrua alba, quae prouenerunt ratione uentriculi, non bene concoquentis, & generantis plurimam pituitam. Cumq; hi humores ascendentes etiam caput replent, ac multiplicentur pituita in toto corpore, non miru, si, dum patitur menstrua, uarios sentit dolores. Dolores inquam circa profundum crurum, qui statim sedantur, ubi emittit flatum, uel per superius, uel inferius, quod significat, frigidos flatuosos humores has partes occupare, eisq; dolorem inducere. Occupant profundas partes, quia musculi etiam profunda crurum occupant, & musculi non facile hos flatus suscipiunt, sed cauitates intra & infra musculos. Flatu autem in uentre, hos fouere in cruribus apparet, quia his emissis cessant. Sunt uero hi dolores tempore menstruatoru, quia tum, tempore debito, non sanguinem

sanguinem solum, sed eum excrementosum, alijs humoribus mixtum expurgat, & sic in hoc motu, ea quæ expelli non possunt, in flatu ibi commutantur, & dolorem inferunt. Dum sanguis erumpit feruidus, & occupat locum angustum, incallescunt renes ob propinquitatem, & flatu magis concitantur. Primo itaq; in capite generatur dolor, ob ipsius frigiditatem, ac uentriculum & hepar demandantia. Dentes, ubi materia expellitur è capite, quia debiles, accipiunt hanc, hinc ab acutiori materia dens eroditur. Habemus iam plerasq; causas, restat tamen aliud symptoma, quod, ubi occurrit frigori, sequitur pruritus. Mirum, quòd à causa frigida causetur calor. Dico quòd habet cutim raram, inde acre, quod est in sanguine, diffatur, sanguinem namq; calidissimum habet. Vbi uero ob frigiditatem constipantur pori, & uapores erumpentes nequeunt diffari, faciunt pruritum, qui cessat, ubi membrum aquæ dulci imponitur, nullaq; alia causa pruritus à Galeno assignatur. Hinc eleuatur hæc materia, & in papulas conuertitur, ubi tamen accedit caliditas, dilatans poros, materia euaporat, & sedatur iste tumor, calefactus uel frictione, uel appropinquatione rei calidæ. Vltimum symptoma est, quòd sentit feruorè in plantis pedum, quod fit, quia hæc magis sunt constrictæ, & remotæ à caloris fonte. Ista uitur cibus crasis, & aqua Brixiana, quæ est humidissima, & frigidissima. Hinc habet breue, & crassum collum, ut omnes ferè mulieres Brixianæ, hæc enim in ocio uiuunt. Viri autem non ita crassum collum habent, quia exercantur: comedit quoq; una Brixiana mulier plus quam alie quatuor.

PROGNOSTICON. Credo, quòd potius præseruabitur quam curabitur. Hæc enim symptomata omnia naturales quasi dispositiones sequi uidentur. Præseruabitur igitur, ne in deterius incidat, recta uictus ratione. Abstineat autem à curis, & animi molestijs, ex his enim fiunt adusti humores, & pessima concoctio. Ac in omnis bus sex rebus non naturalibus ita se habeat, ut generetur sanguis bonus. Circa euacuationes, in anno bis euacuabitur, autumno & uere. Stante enim inæqualitate membrorum, semper augentur materiæ uitiosæ, dicitq; Galenus se plurimos à podagra curasse euacuationibus in anno. Missio quoq; sanguinis erit necessaria propter calorem hepatis. Purgetur postmodo, & utatur Rha barbaro, siue cum saccharo rosato, seu quoquo modo. Sic enim adusti humores euacuantur, & uentriculus confortaretur: nec enim Rha barbarum ita calefacit, ut Aloë. Ad humores adustos quoq; contemperandos, recte uteretur decocto radicum Cichorii, cuius hoc est proprium, ut non calefaciat hepar, nec infrigidet uentriculum. Darem saccharum rosatū cum speciebus Diarrhodon abbatis. Proponitur, nunquid conuenirent cauteria: dicerem quòd sic, & facerem ea circa crura, sic enim uapores inclusi facilius exirent, circa brachia quoq; non nocerent, si uellet eo in loco illis uti. Caput purgia sint leuia, ubi nasus non faciet officium suum, utatur etiam masticatione Pirethri, quod uacuat à loco exquisitissime. Expertus sum, Cedria (quam uulgo Sandaracham uocant) cocta, sedari dolores dentium, est autem gummi Iuniperi, & credo Iuniperum nostrum, ueterum Cedrum esse. Coma etiam Iuniperi in aceto, uel uino, sedat eosdem dolores dentium. Tum Galenus dicit gummi Cedri sedari dolores dentium, idem quoq; Dioscorides, & Auicenna: potest autem Sandaracha coqui, uel dilui in aceto.

De dolore capitis cum uarijs symptomatibus, pro nobilissima quadam matrona.

Consilium X.



Habita matura consideratione omnium symptomatum, quibus affligitur hæc nobilissima matrona, reductis omnibus seorsim in suas causas, quem admodum nos opinabamur, iudicauimus tria membra uniuersales esse causas eorum omnium accidentium, à quibus tanquam à principijs & origine omnia nascantur incommoda, hepate inquam, cerebro, & uen-

triculo. Atque hepar quidem naturali sua ac forte etiam aduentitia caliditate, plurimum sanguinis feruentis, biliosi & adusti generare. Ventriculum tum ratione imbecillitatis propriæ, tum etiam ratione obiectorum, cibi inquit & potus, quorum usum audimus sine aliquo defectu esse, plurimum generare pituite, quæ partim per uenas distribuitur, partim in uapores uersa ad cerebrum ascendit, partim in ipso uentriculo & intestinis immoratur, motura mensium tempore dolores illos & flatus, qui deinde facile superius & inferius extrudantur. Cerebrum præterea siue ob innatam humiditatem, siue ob acquisitam, quod magis credo, accedentibus plurimis ac molestis cogitationibus, neque ipsum deest in quam plurimis frigidis humoribus generandis, qui deinde ad uentriculum per uias latas & communes, tum per uenas ac spinæ uertebras per totum corpus disseminati ac sanguini admixti, statim temporibus generant extremum intolerabiles dolores ad illas partes expulsi. Cum uero totum corpus perpetuo redundet feruentissimo sanguine, qui tanquam alimentum ad singulas corporis partes necessario defertur, quæcumque eius pars subtilior acriorque est, ad cutem tanquam excrementum defertur, attenuata subinde & insensibiliter diffusa. Hæc igitur pars ita attenuata & ad exitum parata, si forte frigori uel ex aqua uel ex aëre occurrerit, statim condensatur, meatusque adstringuntur. Vnde introclusi spiritus illi tenues, acres & mordicantes, necessario primo excitant pruritum, deinde dolorem, multiplicata uidelicet materia & sibi inuicem succedente; unde etiam in ea parte dolente ex multiplicatis scilicet uaporibus, color flauus apparet. Hoc autem ita esse facile indicat consuetæ curatio. Audimus enim, quotiescunque rursus locus incaluerit, uel frictione uel re calida admota, euancescere statim pruritum, dolorem & colorem flauum. Hæc igitur cum ita se habeant, sintque illæ tres uniuersales causæ in uentriculo, cerebro & in hepate, ad quæ singula referuntur, dicimus quidem perfectam curationem in hac nobilissima matrona non esse exigendam: neque enim eorum membrorum uel naturales, uel tanquam naturales dispositiones tolli poterunt, in pueritia secus certe, iam autem est plurimis negocijs implicata. Credimus tamen magna ex parte sedari posse symptomata, si duo procurabuntur. Primo, ut corpus bene expurgatum ac diffusibile tam interne quam externe reddatur, uicque omnes ad naturalem distributionem & excrementorum expulsionem aperiantur. Secundo, si membra alterentur, hepar quidem ad moderatiorem caliditatem reducendo, cerebrum modice exsiccando, uentriculum calefaciendo. Hæc est summa intentionum, iudicio nostro, quas in hoc casu debet medicus intueri. Inter instrumenta autem particularia primo quidem est diligens uictus ratio, deinde opportuna euacuationes tum per pharmaciam, tum per sanguinis missionem. De ratione uictus statim apparet eum esse eligendum, qui & optimo alimento corpus reficiat, & nullo incommodo afficiat. Erit igitur primum circa aërem ita studendum, ut in eo nullus excessus appareat: siue enim calidus, siue frigidus fuerit, ob membrorum diuersitatem, semper habebit quod huic nobilissimæ matronæ negocium facessat. Molestias animi quantum potest effugiat, ab hac enim causa multum detrimenti accessisse arbitramur. In cibo & potu, cauendum à uinis potentibus, præcipue si nigra & crassa fuerint. Limpidum ergo uinum eligere oportet, bene maturum, mediocris potentiae, uel album uel nigrum. Omninoque cauebit à potu aquæ, quam si propter aliquam occasionem bibere cogatur, eligat quæ in illa ciuitate laudabilior habetur, admisceatque uinum: pura enim nequaquam bibenda est. Carnes omnes antiquas, bubulas præsertim, effugiat, & quæcumque sunt uitæ palustriæ. A falsis omnibus abstineat, ab acris, qualia sunt cepe, allium: & lactucinis, & præsertim antiquo caseo, & pastibus, à piscibus palustribus, quod si etiam pisces optimi fuerint, parce quoque illis utatur, quamuis eorum usum non omnino interdixerim. Olera, præsertim syluestria, sunt omnino euitanda. Fructibus etiam horarijs parcissime utatur, & non nisi ante cibum: omnino enim à cibo sunt fugiendi. Studeat ut quotidie beneficium alui habeat, quantumque matronæ conuenit, corpus matutinis horis exerceat, pomeridianis quiescat potius, iucundèque cum familiaribus tempus transigat. Hæc quantum ad uictus rationem pertinet. Pro euacuatione bis singulis annis euacuabitur, uere inquam

& autumno, ac primo per sanguinis missionem, deinde per pharmaciam: sanguinis ta-
men missio semel tantum singulis annis sufficiat, atq; illud uere magis quam autumno.
Si igitur feruor temporis hoc anno non impederit, purgari poterit in hoc lunio men-
se, primo cum uncia una floris calsæ, adiectis drach. duabus specierum hieræ simpli-
cis. Quo pharmaco sumpto, proximo sequenti die syrupum accipiat, qualis est infra-
scriptus:

℞. Syrupi de cichorea Nicoli cum Rheubarbaro

Mellis rosati ana 3 1.

Aque betonicæ 3 4.

Misce pro uno, & sic pro alijs septem. Sumptis duobus primis syrupis, mittatur
sanguis à uena communi dextri brachij usq; ad uncias octo uel decem. Post septem
symplos bibat infra scriptum pharmacum;

℞. Confectionis hamech 3 4.

Syrupi rosati solutui 3 4.

Cum aqua betonicæ fiat potio danda in aurora cum custodia. Quod si feruore
æstatis impediende purgari non poterit, ad proximum mensem Septembris differas-
tur. Hæc quantum ad euacuationem uniuersalem singulis annis seruandam. Atq; ut
melius tum euacuari, tum etiam averti possint humores, consulo ut præter annuas il-
las euacuationes habeat quasdam pilulas familiares, quibus frequenter utatur: erunt
autem sine custodia, & sine aliqua molestia sumendæ, qualis esset huiusmodi descri-
ptio;

℞. Rheubarbari electi

Aloes optimæ

Myrrhæ ana 3 3.

Croci 3 4.

Sandalorum citrinorum

Rosarum rubearum

Myrobalanorum chebulorum ana 3 3.

Garyophyllorum 3 2.

Puluerizentur omnia subtilissime: deinde aspergantur succo rosarum puræ, &
permittantur exiccare, & ita reiteretur septies: postea cum melle rosato fiat magdas-
leon, de quo fiant pillulæ pro singula drachma tres, de quibus unam, aut alteram, aut
etiam tres, si parum eduxerint, sumat hora una ante coenam, ter aut ad summum qua-
ter in mense. Hæc igitur satis dicta sint, quantum attinet ad uniuersalem corporis pur-
gationem, quemadmodum antea pollicebamur. Quantum uero pro membrorum al-
teratione & corroboratione, primo quidem caput quater saltem in mense lauibit hoc
modo: Fiat lixiuum ex cinere salicum aut uitis, in quo deinde coquantur rosæ, folia
myrti, maioranæ, camomillæ, singulorum drachma, & agariçi electi. Deinde forti co-
latura & expressione facta singulorum, hoc decocto caput lauibitur. Item singulis sal-
tem septimanis in tinea uel dolio ad id commode fabricato, quod sit oblongæ uel oua-
lis figuræ, totum corpus fouebit, & lauibit cum aqua dulci moderate calida, in qua de-
cocta sit camomilla, anethum, pulegium, maiorana, & betonica. Ventriculo ceratum
apponat confectum ex mastiche, aloë, myrrha & ladano partibus æqualibus, quod per
pauca adhærebit uentriculo, præter horas quibus moratur in balneo, & præter diem
in quo sumet pilulas, & proxime sequentem. Utatur quàm poterit frequentissime
zuccharo rosato optimo unius anni, quod sumat hora una ante cibum mane, seu ante
prandium, pondere unius uncie, aut saltem dimidiæ. Quod si etiam, his non ita perfe-
cte conferentibus, cauteria fierent in tibia utraq; in loco consueto, crediderim fore illi
remedium præstantissimum. His omnibus rite peractis speramus nobilissimam mas-
tronam aliquid in melius prouectum iri, & à deterioribus dispositionibus præserua-
tum iri, ad laudem Dei opt. max. cuius nomen sit benedictum in secula,

Pro Matrona capitis dolore laborante.

Consilium XI.



Eneta quædam mulier Nobilis, annos nata 40. pinguis & bonæ constitutionis, menstrua etiam suis debitis temporibus habens, tribus iam mensibus laborabat acutissimo dolore capitis prope sinciput in uertice; qui per uices eam uexabat; bis, ter, quater aut sæpius in die, cum rubore faciei, dolore & alijs sæuis accidentibus. Durabat aliquando per integram horam, & cum cessabat, materiam pituitosam, tenuem & uiscidam expuebat. Post alius quod interuallum denovo redibat dolor. Venetijs fuit purgata aliquoties, sed nihil profuerunt medicinæ. Montanus sanguinem missurus erat, sed quia à phlebotomia abhorrebat mulier, interim dum tempus magis commodum aduentaret, bis aut ter in septimana iussit sumere pillulas ex aloe, & singulis diebus mane mastichen masticare. Aloe enim dedit ad diuersionem materiæ, quam à ventriculo frigidioris, & hepate calidioris ad caput ascendere iudicabat, ut aloe pituitam & bilem, & ipsas etiam feces euacueret, & materiam paulatim ad oppositum fluere assuefaceret. Mastichen uero ad partikularem materiæ in capite existentis euacuationem dedit. Ante omnia uero bono uictus regimine uti uoluit, & uinum quod antea nigrum & merum bibere solebat, in album ac tenue commutauit. Hæc si non prodescent ad fortiora, & ipsam sanguinis missionem progrediendum consulebat.

De alia nobili Matrona diurno capitis dolore uexata.

Nobilis quædam mulier, uehementissimo ac diurno capitis dolore laborabat, per interualla non regularia: cui uaria à Medicis erant adhibita remedia, in melius tamen nihil profecerat, quod scilicet menstrua alba, quibus laborabat, ipsi non respicerent. Montanus autem obseruauit menstrua illa causam esse huius doloris, idque ex urinis uiridibus, leuiter ad olei colorem accedentibus, cum plurimo sedimento albo, per totam substantiam sparso. Hanc itaque purgatam, ad Thermas Apponienses misit, ut eas biberet, & postea in ipsis etiam ad uberiores exicationem & calefactionem lauaret.

De dolore capitis, cum anhelitus difficultate, & dolore dextralateris, & febre leui, pro puella Maurocena.

Consilium XII.



Isanare debemus hanc puellam, oportet cognoscere ægitudinem & causas: neque tantummodo hæc cognoscere debemus, sed & loca affecta particularia, & naturam ipsorum. Si enim ista non cognouerimus, fieri non poterit, ut habeamus indicationes curandi. Primo ergo quæ sit ægitudine, uel quæ sint ægitudines, & quæ symptomata, uidebimus. Secundo, quæ sint causæ facientes eam. Tertio, quæ loca affecta, & quæ sit natura totius corporis. Postea ad curationem accedemus, & procedemus per capita, & conclusiones, quoniam cum Doctoribus, & non cum scholaribus habemus sermonem. Pro recta igitur cognitione, oportet rememorari quædam audita heri, quod hæc puella fere ab ortu suo, ichoras & fluxus quosdam emanantes à capite habuit. Deinde audiui, quod isteritiam patitur, ut à quacunque leui causa in citrinitatem totius corporis deueniat. Ista sunt rememoranda, quia erunt signa rememoratiua, & coniecturæ ad cognoscendum essentiam & causas ægitudinis. Quantum ad has dispositiones attinet, quibus affligitur in præsentia, audiui primo, quod dolorem capitis patitur, & diu perseuerasse, ut
etiam

etiam nunc conqueratur. Audio præterea, quòd difficultatem anhelitus patitur, ut non sufficiat diaphragma & thoracis muscoli ad dilatandum pectus: sed etiam muscoli ventris inferiores & superiores, qui non faciunt ad dilatationem pectoris, nisi urgente necessitate. Audio etiam quòd conqueritur continue de dolore exillente circa latus dextrum supra costas mendosas è regione hepatis. Audio præterea dolorem habere in iuncturis brachiorum, & tibiarum aliquando, sed maxime circa brachium dextrum. Et hæc sunt omnia illa, de quibus conqueritur. Habet etiam febrem continuam, quoniam pulsus servat motum uniformem, & motus hodiernus uniformis est cum motu besterno. Pulsus uerò unum modum habet, insignem scilicet duritiem, ac si chorda arcus extensi tangeretur: cum urinis crassis, multam & saculentam habentibus subsistentiam, non multum tamen intensæ rubedinis: sitis minime uexatur, dolor tamen clamorosus est. Omnia ista recte consideranda sunt, & quæ possint esse causæ omnium istarum dispositionum: & forte unica erit causa omnium istorum symptomatum. Ego incipiam commemorari dispositiones præter naturam. Habet caput quod continue abundavit multis ichoribus, qui tamen cessauerunt. Citrinitatem etiam habet, quæ semper ferè uexatur ex leui occasione. Considero etiam complexionem corporis naturalem. Video quòd hæc puella, ex quo multa copiam hils generat, multam habet caliditatem in hepate, ex qua sanguis calidior generatur, cū bilis sit ueluti spuma, & tanto feruentior sanguine, quanto subtilior. Et cū humor ille effundatur per totū, signum est, caliditatem plurimam in hepate esse. Multitudo etiā sanguinis indicat eius temperaturam calidam & humidam. Et quia uideo plurimam pituitam generare, ut ex dispositionibus illis apparet, & nunc ægitudinibus torquetur, quæ dependent à pituita: ex hac coniectura uideo uentriculū frigidum esse, quæ duo inæqualitatem faciunt maximā: & cum in uentriculo sit frigiditas præter naturam, male concoquit, & humores crudi aggregantur: & quia secunda concoctio nō corrigit primam: ubi enim excesserit prima, non corrigitur, quin humor crudus non sit crudus, cum in uentriculo est genius: & cū hepar intemperatum est, in quo sanguis generatur, si excedat ad intensum, adurit: si deficit, crudos generat humores. Cum ergo hepar ratione caliditatis cholicum generet sanguinem, uentriculus ratione frigiditatis pituitam, non est mirum si omnia hæc contingant, maxime cum natura imbecillum caput habeat suscipiens bilem plurimam, ac pituitam simul: quia Galenus & Auicenna inquit à natura ita institutum esse, ut debilia membra superfluitates suscipiant aliorum. Non est mirum igitur, si puellæ debile caput, ut ex principio natiuitatis apparet, excrementa in uentriculo, hepate, & in ambitu totius genita suscipiat: ascendunt enim bilis & pituita ad caput, & ibi incrassata descendunt, & omnes dispositiones, quibus affligitur, generant. Et quia perpetuo uapores ascendunt ad caput imbecillum & magnum, & hepar calidum, & uentriculum frigidum habet, ideo habet omnes causas, ut incurrere potuerit in has dispositiones, quia habet omnia quæ possunt replere caput. Et ideo dolorem capitis incepit pati, qui perseverauit, quia causæ perseverabant: & quia repletio ad intensionem devenit, defluxum fecit, & ad inferiora decurrens ad loca magis præparata, expellitur: sunt autem imbecilliores iuncturæ. Descendit ergo materia pituitosa bili permixta, tanquam uehiculo quodam, per partes posteriores, & per spondylos colli, per nervos aditum habens, ut inquit Galenus in X. τὸ πῶς, ubi de podagra loquitur. Occupat autem iuncturas, cum ibi chordæ & cartilagines sint, & loca exanguia: ideo ibi detinetur, & cum imbibitur, non facile tollitur. Eadem præterea materia cum defullat ad pectus, catarrhum facit: & eadem prorsus materia est, bilis scilicet & pituita, quæ omnes istas dispositiones facit. Secundum autem quòd diuersa occupat loca, diuersa fortitur nomina: si enim pedes occupat, podagra: si iuncturas, arthritidis: si pectus, catarrhus appellatur: cum uerò materia hæc occupat annulos asperæ arteriæ, bronchus appellatur. Quæ autem est causa faciens dolorem in costis? est materia biliosa & pituitosa, faciens difficultatem anhelitus, quia non potest pectus dilatari libere, sicuti oportet: non quod adsit aliqua imbecillitas uirtutis causans talem difficultatem.

difficultatem, sed ex copiosa materia. Et licet non habeat tussim, hoc provenit, quia materia illa non mordicat, & forte excitabitur, cum magis putridus humor fiet. Sed difficultas apud me est, ubi sit causa efficiens dolorē in costis, & ubi sit ægrotudo, an in diaphragmate, vel in pulmone, an in musculis exterioribus. In hepate esse non potest, quia est supra hepar, & non excedit mendosas costas. In diaphragmate esse non potest, quia maior esset difficultas anhelitus, & sæuora accidentia, & non esset sine tussē quia cum patitur diaphragma, excitatur tussis, etiam si in hepate fuerit materia, tam expellere natura querit. Vbi igitur erit? Si uolumus secundum rationem sumere coniecturas, cum per illas interiores ægrotudines cognoscantur, tertio de locis affectis, crediderim hanc affectionem esse in musculis exterioribus, non in membrana, quia dolor ille magis acutus esset, ut patet in ijs, qui habent falsam pleuritidem. Habet autem dolorem, quia musculus ualde sensibilis est, & ob hanc causam habet difficultatem anhelitus, non quidem per essentiam, sed per consensum. Nec ad pulmonem descendit materia, quæ faciat talem difficultatem, quia adesset tussis, & perciperetur sonus per respirationem transiens. Et forte causa cur maior non sit dolor, est, quia in musculis exterioribus est causa faciens dolorem, & non in interioribus. Et quia in una uice non potest dilatari pectus, omnes musculi conveniunt ut suppleant, ideo sequitur difficultas ob dolorem in musculis. Sed cum affectus sit in ea parte, credendum est membranam ratione consensus pati, & ideo sit pulsus durus, ac si esset in membro membranoso affectus. Apparet poltea ferrinus, cum dolor est in membrana succingente costas. Hactenus sit dictum de dolore in costis existente, & de difficultate anhelitus: & quantum attinet ad dolorem iuncturarum, & ad causas eius: & quod factus est per defluxum materię biliosę & pituitosę per spondylos colli descendentes: loca uerò non habere in se ægrotudinem, sed quia defluit materia illa, ita quòd cessante defluxu, cessabit etiam dolor: & quòd caput naturaliter debile, à uentriculo male affecto, & ab hepate suscipit excrementa, ideo dolore capitis molestat: & cum descendit materia hæc ad costas in musculo exteriori, causat dolorem ibi, ad cuius consensum membrana patitur interior, & facit difficultatem anhelitus, & pulsus durum. Non dicam quomodo extrinseca fuerint in causa, ut hæc contingerent, quia hæc dicta sunt. De febre autem, quia uniformis est, ut apparet ex motu perpetuo, quem unifortmem seruat, non credo quòd propter dolorem iuncturarum aut capitis causata sit: quia contingit sæpe, quòd aliquis habeat dolorem capitis & iuncturarum, & non habeat febrem, & si adest, ut in podagra, maximus est dolor: sed nec diu perdurat, nec unifortmis est. Credo ergo quòd sit ratione doloris existens in costis, quia stante materia in loco calido cordi uicino, putrescit, & febrem accendit: & ideo uerisimile est, quòd febris nascatur ab ea causa. Sed à quacuncq; causa proveniat, credo quòd à materia dependeat, & quòd sit febris accidens, & à dolore illo dependens, & ab humoribus putrescentibus in locis dolentibus, quæ remouebitur ad remotionem suę causę, sicut curatur febris curata pleuritide. Ideo Hippocrates in secundo de ratione uicis in acutis, curat dolorem neglecta febre. Cognita igitur essentia & natura ægrotudinis, & cognitis causis, facile est uidere quid prælagiendum sit, & quid agendum. Quo ad prælagium, si consideremus dolorem capitis, nullus unquam, ut dicit Galenus in secundo τόνος, mortuus est ex dolore capitis: ideo talibus negat dari opiata. Quo ad dolorem iuncturarum, idem etiam dicendum est, ut patet experientia. Quo ad dolorem qui est in musculis exterioribus, tutissimus est. Quo ad febrem, non est tanta, ut possit interficere. Quantum igitur sit ratio ægrotudinum, non est timendum: & si timendum esset, de debilitate uirtutis deberemus timere, quia cum quis debilis est, si portaret pondus decem librarum, caderet: quod non faceret baiulus cum pondere decem millium librarum. Cum igitur uirtus sit ualida, isti morbi non erunt lethales, bene erunt longi: & in longitudine cum multa noua possint contingere, timendum est, ne febris fiat habitualis, & ne dolor inducat puellam ad uirtutis debilitatem & maximam refrigerationem. Credo tamen quòd diligentia nostra nullum horum occurret. Quo ad curationem attin-

net, cum morbus iste sit ex repletionem, indicat de euacuatione. Sed quia non est simplex res indicans, ideo nec simplex oritur indicatio: ultra enim corporis repletionem, quæ debet euacuari, est caput imbecille, ex cuius imbecillitate repletur, & causantur dispositiones istæ: & præterea adest inæqualitas in hepate & uentriculo. Ideo primo euacuandum est, secundo corroborandum. Quod ad euacuationem, cum bilis & pituita sint causa, siue cholera uitellina, quæ cholera maioris famæ ab Auicenna appellatur, sitq; crassus humor, debemus habere indicationes, & modum operandi, ut abstergamus & incidamus, quia habet crassitatem & uisciditatem. Cum ergo non possit euacuari, nisi præparemus: possumus igitur præparare prius, & possumus etiam minoræ tuus præmittere. Et mihi summopere placet, quia syrupi, qui debent subtiliare humores & incidere, nisi uentriculus, & uenæ mesaraicæ fuerint expurgatæ ab humoribus crudis, distribuerentur humores illi crudi per syropos ad uenas, & putrescerent, & facerent febrem: ideo recte minoratiuum præmittendum est. Euacuata autem materia illa cõmuni existente in uis ductu, ad digerentia procederem. Sed hic esset aliquis, qui diceret: Tu uis incidere, sed ab oxymelite, & omni re quæ acetum habet, est cauendum, quia neruis nocet. Ego uidi Galenum 3. 1. 1. ubi loquens de aceto, & de ægritudinibus neruorum, dicit ibi: Cum ægritudo neruorum est in profundo, & uirtus aceti non transeat cum medicina, acetum non timeas. Et in emplastris ad neruorum uulnera, ubi debet apponi aliquid ad penetrandum, ponit acetum. Nec timeas igitur: (inquit Galenus) ibi acetum, quia antequam accedat ad neruos, amittet mordacitatem, & adiuuabit ad penetrationem. Si uero statim tangeret emplastrum neruos, caueas ab aceto, quia faceret conuulsionem. Cum igitur in uulnere profundo per quatuor digitos non timeamus acetum, non timebimus in casu nostro acetum, tanto magis, quia melli, uel zuczcharo est admixtum, & in uentriculo cum humoribus permiscetur: quia dicit Galenus de cepis, & allijs, quod licet exterius ulcerent, interius tamen non mordicant, quia amittunt mordacitatem in uentriculo ex cõcoctionibus & mixture aliorum ciborum. Habet postea acetum uim incidendi, & mel abstergendum: ideo Mesues dixit de syrupo acetoso, quod acetum facit penetrare medicamentum ad locum, ad quem forte non penetraret. Ideo oxymel simplex, aut acetosum syrupum, & de betonica acciperem, cum ob incisionem, tum etiam ut faceret penetrare alium syrupum, & sic facerem:

R. Oxymellis simplicis 3
Syrupi de betonica 1
Mellis rosati ana 3

Deinde acciperem decoctum betonicæ ac endiuæ: & quoniam calidum est Oxymel, licet Galenus dicat ipsum potius frigidum esse, aquam endiuæ miscerem usq; ad 3. ut caliditas contemperaretur. Facta concoctione, nunquam ab Agarico recederem, quia Agaricus ultra hoc quod de benedictis medicinis sit, crassos humores educere potest, si cum aloe, uel rhabbarbo misceatur, & exhibeatur in forma boli. Nec sum ego illius opinionis, ut credam, quod multi dicunt, cum uolumus à longinquo euacuare, in forma potabili exhibenda esse medicamenta: cum autem à capite uolumus euacuare, in forma pillularum. Credo ego quod fundentur in falso fundamento, & contra Galen. 2. de facult. nat. in 5. de simp. medic. & in 2. ubi uult, quod humores trahantur ad uentriculum, & uentriculus imbuatur pharmaci qualitate, ut sopita propria ipsius actione, attrahat humores ad se: nec uapores aut medicamenta ascendunt, sed manet in uentriculo medicina, & trahit. Cui igitur uolumus exhibere medicinam, ut facilius expellatur, nec potenter euacuet, facimus eam in forma potabilis: uero ut potenter euacuet, nec ita de facili expellatur, potius oppositum esset faciendum: ideo uel in forma potabili, uel boli, & cū rhabbarbo exhiberem, ne tota materia, si ea nostra esset intentio, & opportunum esset, euacuaretur, ut paulatine euacuemus, & paulatine digeramus, replicatis syrupis eos augendo, & cū uidebitur materia cõcocta factis euacuationibus accederem ad corroborationem membrorum, & præseruationem. Primo ergo respice

respicerem uentriculum, & hepar, & si non esset caput exquisitè euacuatum toto corpore euacuato, quia multoties figitur materia in loco, & localibus indigemus, caput purgij etiam utendum erit, & post succum betæ, maioranæ, ad succum cyclaminis accederem per nares trahendum. Facerem masticatoria, cum mastiche, dictamno, & radicibus capparis decocta. Et quia radix hæc amara est, cum staphisagria, uel pipere fieri possent: & ita uellem caput localibus euacuare. Insupergerem præterea caput sanदारacha, rosis, maiorana. Et pro corroboratione hepatis & uentriculi, si chebuli myros balani haberi possent, essent optimi ad corroborandum etiam iuncturas: si non possent haberi, zucarum rosaceum erit conueniens pro corroboratione hepatis & uentriculi, & iuncturarum. Si etiam uideretur, ut humores à iuncturis euacuarentur, fieri posset, & materia eligeretur conueniens. Sed in his Medicus sit providentissimus. Et quia longa est ægrotudo, & membra assueta sunt mandare, & recipere, ut corroborentur tam membra mandantia, quam recipientia, ne diutius repleantur superfluitatibus, & fiat recidiva, ter uel quater in mense pilulam unam ex aloë cum rhabarbaro exhiberem. In æstate uero modicum castiæ cum rhabarbaro, & etiam sana ipsa existente id fieri posset. Et istud est iter, quo ego procederem. Quo ad uictum, cum ægrotudo sit chronica, & debilitentur membra, uinum leue conueniret. Et quod dicitur uinum nocere neruis, ueritatem habet de potenti, & de assumpto in magna quantitate: conuenit autem ne stomachus debilitetur. Ideo tenue uinum darem, non album: licet Galenus album exhibeat, ut prouocet urinam. Nos autem eligemus cireolum, uulgari sermone rosso nuncupatum. In reliquis recte se habeat. Factis autem euacuationibus, nunquid modicum theriacæ uel Mithridati cum modico zuchari rosati conueniret? Quæsiuit D. Marcus Alcherius ea de re, & conclusum fuit quod sic, in modica quantitate, puta ad quantitatem fabæ, & raro: quia dicebat Montanus ex Galeni sententia, medicamenta ista non conuenire pueris: ex hac enim medicina concoquitur materia, corroborantur membra, & materia resoluetur. Et pro corroboratione cerebri, & cordis proposuit Diamuscum dulce cum corallis rubeis, & cum zucharo, & aqua rosacea, ut fieret confectio: Pro confortatione autem iuncturarum proposuit fomentationem ex lacte, cum rosis, floribus camomillæ, & meliloti. Vnctionem etiam ex radice ebularum ad quantitatem $\frac{3}{4}$ 1. cum olei rosacei $\frac{3}{4}$ 6. ad consumptionem tertiæ partis. Et ultra confortationem ad resolutionem materię existentis in iuncturis, proposuit unctionem ex olei rosati $\frac{3}{4}$ 2. & olei de Terebinthina $\frac{3}{4}$ 1. Superius minoratum fuit prætermissum, quod tale est:

℞. Electuarij lenitiui	$\frac{3}{4}$	1.
Cum zucharo fiat bolus, uel fiat potabile hoc modo:		
℞. Electuarij lenitiui	$\frac{3}{4}$	1.
Syrupi rosati solutiui	$\frac{3}{4}$	1.
Cum aqua Cichoreæ quantum sufficit, fiat potio.		

De dolore capitis periodico, uentriculi debilitate, & men-
sibus albis, cum detestatione coitus, pro
matrona Veneta.

Consilium XIII.



Ria in hac magnifica Domina membra affecta sunt, cerebrum, uentriculus, & uterus. Cerebrum, quoniam patitur dolores uehementissimos, tam in anteriori, quam in posteriori parte, & illos periodicos: quamdiu enim uentriculus suos uapores ad ipsum transmittit, tamdiu infestatur, & hoc propter colligantiam quam uentriculus cum cerebro habet. Patitur uentriculus. Primo plus appetit quam deberet. Secundo male concoquit. Tercio non retinet.

non retinet cibum, quod ex ructibus & flatibus declaratur. Quarto non recte expellitur, imò quandoque acida per vomitum eijcit. Vterus uerò & ipse suo munere non fungitur, menses etenim albos reddit, offenditur in coitu, ita, ut post congressum pessime semper se habeat, & sæpè uirum suum deprecatur, ut ab eo abstineat, neque delectatur in uenere. Istis dispositionibus & affectibus præter naturam affligitur. Quantum ad dolorem capitis nihil aliud dicam, cum per essentiam in capite non sit, sed per consensum uentriculi. Ratio ergo tota ad uentriculum referenda erit. Venter, sicut apparet ex operationibus læsis, frigidus est: plus enim appetit, quam concoquat, quod supra uentriculi frigiditatem attestatur. Male etiam retinet, cuius signum est, quod flatus & ructus acidos percipit, & cibum in stomacho fluctuantem, euomit acida semper, quæ omnia frigidam uentriculi intemperiem ostendunt: & dum uentriculus ita male dispositus est, caput ipsum non pauca læsione affligit. Vtrum uerò cum ista mala intemperie frigida sit coniuncta siccitas, uel humiditas? Si considero substantiam uentriculi, & abdomen gracile, siccus erit & exanguis: si uerò totum hoc aggregatum, & humorem frigidum contentum in ipso, dicam humidum esse. Itaque mala ista intemperies cum affluxu humoris frigida statuenda est. Vterus frigidior quoque factus est, quod patet ex multis: Primo ab exeuntibus mutatis, ex illis albis mestrinis ante & post fluxorem, quæ frigidiorum uterum declarant. Secundo, ab actionibus læsis, cum decennio non pepererit: ergo actio diminuta: diminuta autem actio à frigiditate provenit, sicut corrupta à caliditate. Signum postea à posteriori, quoniam semel tantum peperit, & foetum mellam: foeminae autem, si Hippocrati credimus, generantur propter uterum frigidiorum, ergo læditur in coitu, non quod collum matricis tortuosum sit, quod actum uenerem lædat, sed quia uterus ex emissio spermate uirili affligitur, quod dum emissum est refrigeratur, inflatur & intumescit: unde postea matricem lædit, ipsam extendendo, & dilatando: cuius signum est, quod dum calida applicat, statim uaporibus per calorificam ista discussis dolor cessat. Quarto, uterus frigidior redditus est ex magno fluxu, quem passa est post partum: quantum enim superflue euacuationes membrum lædunt, à quo excernuntur, testatur Hippocrates ipse plurimis in locis. Quid ergo mirum, si uterus cum uentriculo frigidior, quam par sit, caput ipsum in consensum traheret? unde dolet caput propter communicantiam istorum duorum membrorum: in parte posteriori, quoniam ab utero per uenas & arterias plurimi uapores frigidi eleuantur, qui ipsum extendunt, & replent: In anteriori, quoniam uentriculus uapores & fumos ad ipsum delegat, sicut etiam apparet in his qui uertiginem, aut suffusionem per consensum uentriculi patiuntur, magis in anteriori cerebri parte dolent, sicut illi quibus per aortam, & uenam cauiam uapores ascendunt magis, in posteriori. Prognosticum cum erit, quod curabitur, non tamen ita perfecte ut omnino integram ualitudinem sit receptura: concipiet proculdubio, si nostris præceptis obsecundabit. Cura talis instituienda est, ut bona ratio uictus præscribatur, & bono regimine in sex rebus non naturalibus utatur: nihil enim perniciosius in ægitudinibus chronicis, quam multis solutius corpus macerare, quæ licet primo occurru uideantur proficere, tempore tamen ipsum destruunt, uires desiciunt membrorum præsertim naturalium, sicut & nix super segetes dum cadit, iuuat nonnihil, sed tamen quoque illas in totum destruit. Instituito bono regimine, leniendus erit uenter calsia, & hiera simplici: postmodum concoquenda materia hoc infra scripto syrupo:

12. Syrupi de absinthio

De cichorea Nicoli sine rhabarbaro ana 3 1.

Decocti foliorum cichorij, Absinthij, in iure pulli tenui, quantum sufficit, Purgetur postea. Assumpto secundo syrupo fiat phlebotomia non euacuandi gratia, sed ut euenter iecur, quod calidius aliquantulum est, sicut ex urinis apparet, Peractis purgationibus accedat ad thermas Apponenses, quas bibat, & in illis se immergat: hac enim ratione, & uterus, & uentriculus refrigeratus calefiet & corroborabitur, quod præcipue intendimus.

De dolore capitis post partum, cum symptomatibus
melancholicis, pro matrona Germana.

Consilium XIII.



Vlier quædam 14. diebus post æditum partum cepit laborare ex dolore capitis, adeo ut existimauerit, caput sibi inane & uacuum esse, seu ola uacua, nec dormire potuit, unde timuit, ne priuaretur sensibus, & ratione, aut ipsa sibi inferret uolentas manus, aut aliquid mali faceret. Interdum etiam sibi ab hominibus discedendum esse putabat. Quod quidem perdurauit à puerperio tribus mensibus. Hoc quidem etiam illi contigerat ante in duplici partu, sed non ita diu perdurauerat. Cum uerò uterum gestabat, dolebat quidem ex capite, sed magis quieta fuit. Curanda erit hæc nobilissima mulier ab affectionibus suis, quas melancholicas arbitror, habita ratione ætatis, temperaturæ, & generis morbi, temporis anni, & reliquis non repugnantibus: primo recta ratione uictus, secundo missione sanguinis, tertio alteratione & purgatione humorum, quarto confortatione membrorum. Pro uictus ratione, caueat ab omnibus animi molestiis, degatq; cum amicis cum omni animi hilaritate, quantum fieri potest, arte & studio comparanda. Utatur uino albo & tenui, & si fieri potest, subdulci. Carnibus iuuenum animalium, hœdorum, pullorum, & reliquorum huiusmodi. Sumat mane singulis diebus oua sorbilia, neq; utatur multitudine ciborum: euitet crapulas, potationes & cruditates cuiusq; generis. Alium mollem quàm fieri potest conseruet, pro quo si natura defecerit, enitetur cum flore cassiæ, uel decocto prunorum dulcium & saccharo, uel decocto maluæ ex iure pulli aluum lenire: nihil enim perniciosius eius affectibus, quàm aluum strictum habere. Procuret concoctiones, neq; cum cruditate accedat ad cibum: cruditas enim melancholico omnino uitanda. Circa Martij mensis medietatem, lenita prius aluo uel clysteri, uel drachmis decem floris cassiæ cum zuccharo in bolo confectis, sequenti die sanguinem mittat ex basilica dextri lateris, trahaturq; sanguis pondere unciarum decem, ac postea die etiam eodem missio sanguinis repetatur, sed à sinistro latere. Deinde utatur diebus septem iure hoc modo confecto, quod sumat mane hora syri:

℞. Foliorum boraginis		
Buglossæ		
Betonicæ	ana	3 l.
Polypodij		
Glycyrrhiæ		
Radici althææ	ana	3 l. s.

Decoquantur omnia in libris duabus iuris pullacei, ad consumptionem dimidiæ partis, deinde facta expressione & colatura, bibat totum residuum una uice; & sic repetatur per dies septem. Octauo die sumat bolum infra scriptum:

℞. Confectionis hamech	3 4.
Radici hellebori nigri	3 s.

Misce cum modico iulch uiolati, fiat bolus cum zuccharo, deturq; in aurora cum custodia.

Item:

℞. Conseruæ florum boraginis	3 6.
Conseruæ rosarum	3 2.
Zedoariæ	3 l.

Misce, fiat electuarium, de quo sumat singulis diebus cochlear unum tribus horis ante prandium. Deinde illinatur totus uenter quotidie infra scripto linimento:

℞. Olei de absinthio	3 4.
Masticis	3 2.
Ceræ parum,	Fiat linimentum.

Item

Item abluit caput singulis septimanis bis cum infraſcripto decocto:

℞ Furfurum tritici	3	3.
Florum camomillæ	3	2.
Glycyrrhizæ	3	4.
Polypodij	3	2.
Radicum ellebori nigri	3	2.
Agarici deſti	3	1.

Bolliant omnia ſimul in ſufficienti quantitate aquæ, ad conſumptionem medietatis: deinde facta expreſſione, utatur hoc decocto pro lixiuio, & tergat caput ſapo- ne odorato muſcato, & hæc omnia explebunt quæ promiſimus. Quod ſi optimum quoq; Miſthridaticum ter in mēſe ſumat ad drachmæ unius quantitatem, cum modico uini aromatici albi, quinque horis ante prandium, perficiet adhuc magis corrobora- randi conſilium. Montanus iuſſit diligenter inquiri, an poſt partum 30. diebus, ut moris eſt, poſt maſculum partum, poſt foemellam 40. ſit ſatis purgata: an habeat ſua de- bita menſtrua, an utatur debita ratione uictus, an uſa ſit aliquando habere purgatio- nes, quæ nunc aliquandiu ceſſarint, alui, uomitus, hæmorrhoidarum.

Pro eadem, & marito cuius laborante morbo Gallico.

Conſilium XV.



Ro conſultatione ſanitatſ huius nobilis & ſtrenuuiui, & nobiliſſimæ ſux uxoris, nunc duo ſunt proponenda, ratio uictus inquam, & medicamen- torum uſus. Quantum ad rationem uictus attinet, erit illa utriq; commu- nis, ideo de hac ratione uictus quæcunq; admonebuntur, intelligi uelim utrumq; eſſe pariter admonitum. Medicamenta uero ſingulorum cum di- uerſa ſint, explicabuntur ſeorſim. Primo igitur quærent ambo omni conatu quæcunq; animi moleſtias quàm maxime uitare, & tanquam peſtem abominari, iracundiâ præ- cipue, moleſtitiamq; ac timorem, ſed læti ac in optima ſpe conſtituti uiuant. Præterea ocium & quietem corporis procul effugiant, moderato exercitio utantur, mane præci- pue ac ueſperi ante coenam. Caueant tamen ne exerceantur, & poſt exercitium quieſ- cant, in aëre admodum frigido aut uentolo, & ubi talis aër cõtigerit, tunc ſe intra domũ contineant & exerceant, ſuas res familiares procurando, hoc enim optimum exercitiij genus eſt. Fugiant meridianũ omnino & diurnum ſomnum: proinde hortor, ut mane ante uel circa ſolis exortũ ſurgant, & procuratis excretionibus corporis conſuetis per aluum & urinam, per ſputa & per ſcreatus, narium emunctiones, frictiones capitis, au- riumq; ſorditæ expurgata, tunc uegeti atq; hoc modo excitati ad exercitia corporis ſe conſerant. Et ſi aliquando contigerit, uel in altero, uel in utroq; ut excrementa alui præter conſuetudinem ſupprimi uelint, non permittant hoc uiciũ inualeſcere, ſed pro- tinus ſi clyſteres non admiſerint, præbibant ante prandium ius pulli, in quo decocta ſit mercurialis, malua, & beta, uel folia braſſicæ, deinde adiecta portione zuchari rubei: lenietur enim aluius ſine moleſtia. Præterea non diu uerſentur, aut cõmorentur, aut ali- quo modo ſe exponant, ubi ſit aër frigidus & uentofus: & tempore hyemis caueant, ne more Germanorum repente exeat à ſuis uaporarijs & hypocaustis calidis, exponen- tes ſe aëri frigido: illud enim longe deteſtabilius eſt, quàm ſi perpetuo in eodem aëre frigido uerſarentur: ſed ubi neceſſitas aduenerit exire hypocauſta, habeât operimenta tam capitis quàm uniuerſi corporis, quibus ſe à repentina aëris frigidityte tueantur: neq; ita caleſcant hypocauſta, ut multi conſueuerũt, quibus non ſatis eſt, ut corpore me- diocriter incaleſcant tantũ, ut à frigoris exceſſu muniantur, imò non ceſſant niſi prius torrefiant & aſſentur. Caueant igitur ab eo importuno hypocauſtorũ ſeruore, ſed tan- tum tepelſcat locũ, nimis enim offenderẽtur in egreſſu. Præterea aëri nocturno ne oc- currant, ſed in locis altis, uerſus Orientem & Meridiem ſitis habitent. Caueant quàm

maxime, tanquam à peste, à comestationibus & compotationibus, sed sobrii intra proprios parietes sibi uiuant; nisi enim hoc fecerint, frustra reliqua agentur. Bis in die moderate comedant, & moderate bibant, omittendo has compotationes, quæ nedum sanitatem amissam reficere, sed eam quoque quam possident perdere, quam maxime possunt. Potus ante omnia deligendus; ille sit uinum minime potens, sed lene & pauciferrum, nullius aciditatis particeps, sed bene maturum, colore album uel rufum; à nigro, obscuro, crasso, prorsus abstinendum; & si album uel rufum haberi non potest, eligatur giliu, limpidum: & eo modeste utantur, neque à prandio aut à coena potent. Panis sit bene fermentatus, bene coctus, neque antiquior unica die. Carnes pullorum, castratorum iuuenum, hœdorum, auium campestrium pinguium. Sed caueant maxime à palustribus, ut anatum, anserum. A piscibus abstineant quam maxime fieri potest. Oua recentia uel eum aqua, uel cum igne mediocriter cocta, conueniunt, cum modico zucchero & cinnamomo condita, prorsus sine butyro. Fercula etiam ex oryza, hordeo, spelta, farro, non utupero, si in iure pingui optime cocta fuerint. Eulent herbarum omne genus præter lactucas, quandoque & boragines. Fructus etiam præcipue fugiant, & maxime horarios. Autumnalia pyra & poma decocta cum saccharo & aniso, non male post cibum admittuntur. Caueant ab omnibus lacticiinijs, passilibus, rebus cuiuscunque generis in farragine frictis, à carnibus antiquis, sicut bubulis, hircinis, à salitis item omnibus, à multitudine cibariorum, imò in singulis mensis singulo tantum genere sint contenti. Hec quantum attinet ad uictus rationem, quam diximus utrique esse communem. Nunc ad medicamenta accedemus, quæ sint singulis seorsum propria. Nobilis igitur uir quam primum se in propriam domum contulerit, incipiet purgari hoc modo, qui proxime sequitur. Primò:

ss. Floris cassie 3 1. 2.
Cum zucchero fiat bolus, sumatur mane hora una ante prandium. Deinde:

ss. Syrupi de fumo terræ simp. ana 3 1.
Oxymellis simp. ana 3 6.
Seri caprini 3 6.

Misce pro uno, & sic pro septem alijs. Postea uero

ss. Confectionis hamech 3 4.
Syrupi rosati solutiui 3 2.

Cum aqua fumi terræ fiat potio, sumenda cum custodia in aurora post syrupum ultimum die sequenti. Sed post assumptionem duorum syruporum primorum, mittatur sanguis à uena basilica dextri lateris, extrahantur uncie decem, uel ultra. Finita hac purgatione, quiescat per dies duos, & interim mane & uespere hora ante cibum sumat sacchari rosati unciam unam. Peractis his duobus diebus, incipiat bibere syrupum infra scriptum, ex quo soluetur aluus sine molestia quater aut sexies singulis diebus. Erunt autem omnino sex syrupi, sex diebus exhibendi.

ss. Aquæ fumi terræ 15 6.
Myrobalanorum citrinorum
Chebulorum
Embllicorum
Indorum
Bellitricorum ana 3 2.
Epithymi
Thymi polypodij
Senæ
Glycyrrhizæ ana 3 6.
Seminis citri 3 2.
Corticum elebori nigri 3 1ij.

Fricentur myrobalani cum oleo amygdalarum dulcium, ubi prius contusi fuerint grosso modo, deinde infundantur in prædicta aqua per diem naturalem, postea decoquantur

decoquantur omnia simul secundum artem, ad consumptionem medietatis: postea facta diligenti expressione & colatura cum saccharo dulcoretur & referuetur, & tota ista coctio dividatur in sex partes, & sumatur una pars singulis diebus tepida in aurora cum uncia una Syrupi de infusione rosarum. Vbi uero hæc tota purgatio peracta fuerit (hæc purgatio uere & autumnus fiat, eademque erunt prorsus & similia omnia, præterquam quod missio sanguinis uere tantum admittenda est) trium dierum quiete interiecta, ac saccharo rosato ante cibum semper sumpto, ut paulo ante institutus, interim parabit sibi decoctum ligni Indi, quod transacto illo triduo potare incipiet. Accipiat igitur illius ligni nigri & derafi ℥. 1. Aquæ distillationis endiuizæ ℥. 14. & fiat infusio in olla noua bene obturata per horas 24. postea in eadem olla sensim decoquatur, donec decrescat tertia pars; deinde facta colatura, bibat huius decocti calidi ℥. 1. mane, & alteram uesper, hoc modo, ut hora octaua primam bibat, duodecima comedat siue prandeat; decimanona uero bibat secundam, & uigesima tertia coenat; atque ita perseueret usque ad diem quadragesimum. Caueat interim hoc toto spacio à uentis, & si sudor prouocetur, accubet lecto, pannisque diligenter operiatur. Quotidie procuret beneficium alui. Cibus sit singulis uicibus panis bis cocti unciz tres, pulli iunioris unciz totidem. Loco uini bibat aquam communem optimi fontis uel putei, in quo id lignum secundo decoctum fuerit. His rite peractis, habeat postea familiares pillulas, quas pro conseruatione sanitatis toto anno usurpabit semel in septimana, hora ante coenam pondere 3 2. uel drach. unus. Et si integre se percipiet restitutum bene erit: sin minus, futuro uere rursus eadem purgatione præmissa, ad decoctum ligni Indi redibit. Neque enim dubitamus hoc solo remedio tandem esse curandum.

℞. Aloes optimæ 3 1.

Puluerizetur optime, inde aspergatur succo rosarum puro, & permittatur exiccari. Deinde:

℞. Agarici electissimi 3 6.

Et similiter puluerizetur: postea aspergatur oxymelite, & exiccetur eodem modo, ut de aloe diximus. Postea:

℞. Rheubarbari 3 3.

Rosarum siccarum

Succi glycyrrhizæ

Nucis muscatæ ana

3 1.

Salis gemmæ

3 2.

Puluerizentur omnia per se, deinde misceantur, & cum melle rosato fiat magdæleon, de quo conficiantur pillulæ ut supra, quæ sumantur ter uel quater singulis mensibus hora una ante coenam pondere 3 2. uel 3 1. & fiant pillulæ tres. Et hæc satis pro nobili uiro. Pro honestissima uxore, & ipsa bis singulis annis purganda est, uere inquam & autumnus, ita ut uere etiam sanguinem mittat, autumnus nequaquam. Purgatio autem talis erit:

℞. Electuarij de sebesten solutui 3 10.

Cum saccharo fiat bolus: sumatur mane 3. horis ante prandium, ac parce prandat.

℞. Syrupi Sabor regis

De fumo terræ ana

3 1.

Aquæ boraginis

3 3.

Misce pro uno, & sic pro alijs.

Item:

℞. Confectionis Hamech

3 iij.

Syrupi rosati solutui

3 2.

Cum aqua boraginis fiat potio, sumenda die proxima sequenti syrupum ultimum. Sed post duos primos mittatur sanguis e uena basilica dextri lateris, & trahantur unciz decem, uel libra sanguinis: & hoc Vere tantum, non Autumnus. Vbi ita bis in anno purgata fuerit, utatur postea bis uel ter aut quater in mense infra scripta potione benigna, & sine custodia, quam sumat tribus horis ante prandium:

C 3

℞. Folliæ

℞. Folliculorum senæ

Epithymi	ana	3	4.
Polypodij		3	1. s.
Glycyrrhizæ		3	1.

Ponantur uesperī in infusione in iure pulli pinguis, uel in sero lactis caprinī: mas ne facta diligenti expressione, & colatura, bibatur decoctum tepidum addito saccharo, si libuerit. Hoc præcipue erit utile ad omnes affectus arcendos in hac nobili muliere. Item ante prandium utatur quam sæpiissime electuario infra scripto, quod sumat hora antequam prandeat, pondere 3 s.

℞. Sacchari buglossati

Boraginati

Violati

Nenupharini	ana	3	4.
-------------	-----	---	----

Commisceantur omnia simul, & addantur folia auri puri numero 6, & seruetur in uase uitreo, & hoc maxime utatur cum fuerit grauida.

De melancholico Iudæo, clarissimorum Doctorum, Petri Nauarræ, Frisimelicæ & Baptistæ Montani.

Consilium XVI.

Doctor Nauarra cœpit.



ETI uestra præsentia, Clarissimi Doctores, & casus qui offertur difficillimus, multa requirere uidentur, tamen ne tempore abuti uidear, seriem rerum ordine & breuiter recitabo, ut facilius iudicare possitis, quæ medicamina in posterum applicanda: nec dissimulabo quid usq; adhuc egerim. Sextus agitur dies, cum uenit extra rationem: loquitur nihil, & toruē omnes intuetur. Ante hoc tempus, quod sciam, uirū illum nō noui, nihilominus tamen ex breui hac consuetudine & astantiū relatu, primo loco quæ mea sit de complexionē hominis sententia, expediā. Sentio eum calidum esse & siccum à prædominio bilis, & subdominio sanguinis: status etiam corporis indicat, est enim gracilis, color niger, & uigilæ, & promptitudo ad omnes actiones, pronus fertur ad iram, optimi ingenij uir & discursus. Aestimatur ad hæc cōplexio totius ex principalibus, cerebro nimirū, hepate & corde. Præsuppono ista omnia, ne si omnia persequar, tædio uos afficiam, & accedo ad dispositiones non naturales, & accidentia, quæ magis curam Medici ad se trahunt. Dixerunt astantes, quod semper fuerit extra rationem. Ante hoc tempus occupatus fuit maximis occupationibus, timebat multū, & irascebatur leuibus de causis, exercuit maxima negocia, longa cōfecit itinera, sub diu multū fuit, exposuit se calori & frigori. Cum redijt in Italiam, in hæc mala incidit: aderant hæc accidentia, uidi stupidiū, oculi impotentis motus erant, irato uultu iracundus, uerberare uoluit astantes, seipsum ex lecto uoluit uoluit: loqui noluit, ut ego credo quadam imaginatione. Tangebamus brachium contractum, at nolebat se exponere tangenti: postdimittebat se tangi, & membrum offendimus flexibile satis. In hoc autem obseruandum uenit, uariari symptomata pro diuersitate horarum: mane loqui noluit, circa uesperas loquebatur incompotēte, postea in prima hora noctis deterius se habebat: similiter cū erat in tali dispositione, comedere nolebat: succedente deinde tempore, diuersa & alia inuadebant symptomata, ut in mediā die compos erat mentis, post impos. Heri pulsus adhuc fuit cum bona mensura, tardior quā frequentior: uidimus talem mutationem, ut uix tangeremus pulsū cum subtractione. Beneficium uentris aliquot diebus habere non potuit, nec uī enematīs. In principio, ut referant illi qui adfuerant, in quodam oppidulo missus est sanguis, notabili ut audio quantitate. Alij referunt missum ad uncias sex. Quid præterea egerit ille, referre non possum: quæ mea fuerit sententia exponam. Sensi autem

tem autoribus Hipp. & Galen. 3. de locis affectis, esse melancholicum, quia timebar, aderat perturbatio mentis, leui de causa irascebatur. Febri autem liberatum mirabar, & Doctores sine hac esse nolunt, sæpe tamen sequitur. Melancholiæ plures esse possunt causæ, quæ quidem omnes in hoc uiro ualde sunt potentes. Primo extrinsecæ: quia sollicitus, timidus, & habuit sæua animi accidentia. Hæc uero quomodo causant melancholiam, clarum, quia impediunt concoctionem, & membra principalia debilitant. Huc accessit etiam uictus ratio, quia melancholia multiplicatur, ut si quis uestiatur passillis, carnibus salitis, lentibus, autore Gal. 3. de interiorib. Similiter & alia causa mali, quia notabiles oppilationes deprehenduntur (& nunc magis quam ante, quia urinæ minus tinctæ, feces cholericæ etiam sine tinctura) & in splene maxime, quæ obstructio potens est causa ad generationem melancholiæ, & quando fit retentio humoris seu euacuationis debitæ. Splen enim affectus melancholiam non euacuat. Hepar igitur inimicum sibi succum retinet, qui una cum sanguine sursum deorsum fertur, ac uisitat simul totum corpus. Vnde habemus in hoc omnes causas generationis melancholiæ. Stantib. autem his causis, sæua sunt symptomata secuta. Sed uidendū prius, an humor melancholicus in capite per essentiam sit, an per consensum ex toto. Mea quidem sententia est, illā multiplicationem esse principaliter in cerebro, atq; insuper eo ex alijs per consensum deriuari. Nam cum obstructus sit lien, & afficiatur hepar, mittuntur inde humores in caput. Quomodo causentur consimilia symptomata docet Gal. in 3. de loc. aff. exemplo suffusionis, quæ est ex crasso humore obstruente opticos nervos: sic melancholia crassa terrestris cum ad cerebrū perfertur, insert rationis perturbationem, idēq; per consensum, & per essentiam; ea enim membrorum omnium est colligantia. De causis & qualitate accidentium nolo plura adijcere. Ex materia unde multiplicata melancholia, symptomata proueniunt, & diuersa qualitate humorum, in præsens est febris, à qua in biuo non est liberatus: & febris continua propter materię terrestritatem, & quia intra uenas: & urinæ magis tinctæ & rubæ. Ad tactum modo sentitur non tam caliditas quàm frigiditas. Prognosticon. Humor iste qui morbum facit, difficilis est solutionis, & curæ longioris. An salubris? Meo quidem iudicio timendum est: uidemus enim materiam moram, adesse sæua symptomata, & naturam prostratam. Heri sine pulsu erat, frigida externa. Hucusque quid factum sit narrabo, ut facilius sit iudicium. Cum uiderem instantiam uigiliarum, quæ potui feci omnia. Euacuare non potui, quia impos mentis. Vt æger etiam cibū assumeret, usus sum alterantibus usque, cum cordialibus & substantiis humectantibus. Nam nescius non sum, autore Gale- no, in talibus dispositionibus principalem curam esse in humectantibus. Dedi digesti- uum, syrupum de pomis, de buglossio, de succo rosato. Curam habui cordis, quare electuarium cum syrupo dedi, & pilulis cordialibus. Imposui quoque epithemata & fasciculos cordiales. Necesse enim est in huiusmodi ægritudinibus permutare. Ad inducendum somnum iussi ut papauere in omnibus cibis uteretur: inunctiones circa tempora factæ, & oxyrhodinum administratum. Et quia propinare nihil potui, tentavi ratione diuersionis & euacuationis, ut hæmorrhoides fluere per sanguifugas, quæ copiose non eduxerunt, surgere enim non potuit. Quomodo porrò faciendum, ambigo: quia uirtute deficiente non ualet curatio. In sex rebus non naturalibus ante peccatum est, non solum in quali, sed in quanto etiam. Nunc uero quia mentis compos, uentrem subducerem una cum euacuatione melancholiæ. Esti autem multa sunt huic intentioni appropriata, non tamen inter cetera præmitterem decoctionem cum epithymo, sero, & cordialibus, & adderem cordialia, ut est parum hamechi sine diagridio, quemadmodum hic præparare consueuerunt (ualde conueniens est) aut diacatholicon in pauca quantitate, & imposerem aut de manna aliquid, aut de rheubarbaro, propter obstructions. A principio morbi in hunc usque diem non habuit euacuationem per medicinam. Postea probarem continuam administrationem alterantiū. Iulep longum facerem, & electuarium. Quid sentiam de balneis, roget quis. Credo humectatiuum conuenire, autore Gale, quia humectat, digerit, & inducit somnum.

FRISIMELICA. Calus adeo difficilis nobis proponitur, ut parum spei sit reliquum; & quia expositus est ab excellenti Doctore, non necesse habeo pluribus eum retexere. Iste uir rediit superioribus diebus ex Polonia, defunctus uarijs laboribus; affectus est animi perturbationibus, tandem in Italia insaniuit Citadellæ; id enim oppido est nomen. Missus illi est sanguis, post quem magis insaniuit. Deinde ubi huc uenit commissus est excellenti Doctori, cuius cura sanguis per hæmorrhoidas est euacuatus. Accersitus & ego proximo sabbato, quasi contractum uidit: pulsus nullus erat; uigilauerat duos dies, ut dormiret iussi, quare ex populeone fieret inunctio, atq; pro uirtute cibaria ordinari. Heri pulsus bonus & magnus; clystere iniectum, nam uentris beneficia nulla. Cholericæ faeces erant. Superioribus diebus urinam nullam emisit: pulsus paruus & contractus iterum. Vt autem urinam prouocaremus, inunximus locum cum oleo amygdalino, & chamæmelino, & emisit urinam quæ rubicunda erat, ostendens icteritiam. Deinde fomenta ex althæa alijsq; facta, ut deijceret: & ut intestina confortarentur, rosæ siccae impositæ, hac nocte male dormiuit. Quid igitur? Complexio calida & sicca. Supposita hac, credo melancholiam cum mania. Præter hæc uidetis, quod patiatur dissolutionem uirtutis ac caloris. Factum est ex dissolutione caloris, & ipsis humoribus adustis, ut sit complexio calida & sicca: confecit enim longum iter, quod calefacit, præter incommoda hospitiorum. Calor dissoluit, & frigora exiccant. Corpus itaque exiccatum, & humores sunt adusti. Huc accedunt & passionēs animi, quæ præter cætera exiccant corpus. Vnde illud: Tristis spiritus exiccatur ossa. In Italia peruenit ad melancholiam cum mania, & per essentiam & per consensum caput exiccatum est, & cerebrum patitur principaliter: spiritus syluestres sunt & nulli, unde in hoc rixandi studium. Humores namq; adusti si sunt cum sanguine, riderit melancholici: si uero cum cholera, rixantur. Adeo ingens est in hoc adustio & exiccatio, ut morbo habuerit usq; adhuc taciturnitatem coniunctam. Probatur id alijs quoque signis: oculi concaui, excarnatissima facies, adfunt uigiliæ, quæ siccitatem cerebri arguunt: pulsus ipse frequentissimus & durus: unde liquido constat, exiccatum adeo ipsum corpus. Heri pulsus bonus, propter naturæ pugnam uehementem. Credo autem propter missionem sanguinis, corpus magis exiccatum, unde propter resolutionem uirtutis, humores ipsi mali, ita ut nec uirtus nec spiritus restitui possint. Hinc sequuntur inconcoctiones. Urina talis ex obstructione aut multitudine cholæræ, atq; hoc ex faecibus superiorum dierum. Prognosticon. Male spero: moriturum credo, quia tanta exiccatio, & corporis est attenuatio, ut restaurari nequeat. Accedunt huc ingentes obstructions, quæ nisi abstergentibus curari nequeunt. Illa uero omnia calida & sicca: & si hæc curabimus, malum augebimus. Quid igitur agendum? an exiccationi & obstructioni attendendum? Exiccationi certe magis, idq; humectantibus. Humectant autem autore Galeno somnus, cibus, & balneum. Balneum in præsentia non auderem suadere, ne uirtus amplius dissoluatur, quod fit in balneo aquæ tepidæ, in qua ipse expiraret; quare somno & cibo insisterem. Cibus estio ouum forbile. Vinum exiccatur: darem quidem, sed parum. Conciliatur somnus populeone, oleo uiolæ, ceo, & fouerem caput infrigidantibus. Victus, aqua carnis cum ouo. Vinum cum aqua dilutum, potens, non aequolum. Virtute recuperata curabimus melancholiam: ante non auderem euacuationem moliri. **MONTANVS:** Quoniam conuenimus huc curaturi immorigerum uirum, morbi sunt cognoscendi, antequam curationem instituamus. Obseruamus autem plures operationes læsas, à quibus ad morbos transimus, quas primo loco considerabimus, & symptomata. Operationes autem læsæ & symptomata quæ? Primum, si recte considero, nullum reperio genus operationum, quod non intensissime lædatur. Animalis actio est læsa, passus est enim melancholiam, & corruptionem discursus: & non solum læsa, sed uarie diminuta, corrupta, & ablata. Deinde uitalis ita læsa est, ut uix percipi possit. Pulsus uero nullus, qui motus est actio uitalis caloris. Virtutes naturales omnes affectæ. Primo appetitiua non appetit: concoctrix ita læsa, ut corrupte agat; adest multitudo fecum, & D. Frisimelica corrupas uidit.

vidit. Virtus igitur nihil secundum naturam. Urinæ neq; substantiam, neq; colorem, neq; hypostasin laudabilem habent: color enim rufus ad nigredinem tendit, & inficit pannum. Hoc tempore neque per fecellum, neq; per urinam egerit quicquam. Quod si ita est, nihil dubij relinquitur, uirtutem naturalem esse ualde læsam. Ita uirtutes tam multipliciter læsæ, uaria symptomata efficiunt, propter quæ sumus uocati. Sed quoniam à symptomate nulla sumitur indicatio, nisi causæ rationem habeat, causæ læsarum operationum inquirendæ. Si considero ea quæ possunt inducere læsionem operationum, externa & interna concurrerunt ad symptomata generanda. Externa quidem, ut longum iter, calor in capite & frigus, quæ in itinere pertulit: labores præter rationem sumpti: usus deinde est cibarijs & aromatibus multis, ut mos fert Poloniæ, ubi uno die plus aromatum infumitur, quàm hic anno integro. Bibit uina potentia, & alijs rebus usus est siccantibus & calefacientibus. Quantum igitur ad causas exteriores, exiccatum est corpus & cerebrum, unde deinde secuta est generatio uaporum, qui in capite efferuntur, unde alteratio mentis, & materiæ quæ suffocant calorem, & minuant uirtutem. Intrinseca concurrunt, ut corpus facilius recipiat alterationes. Corpus enim siccum est, idq; constat ex toto habitu, colore & accidentibus animi. calidum etiam credo, quia multarum operationum. Stantibus his, causæ exteriores fuerunt potentiores: ubi calor in capite adauctus, attractæ sunt materiæ. Quantum ad alienationem, crediderim concurrisse omnes causas exteriores, ut solem ardentem, frigus, iter, & siccitatem cerebri. Accesserunt symptomata in cerebro, impressa siccitas, remota calida intemperie, spiritus redditi tenebrosiores: unde essentialis læsio cerebri, & multiplicata materia ratione collectionis, & læsa ratio propter ascendentes uapores. In uentriculo materiæ corruptæ, propter multa incommoda in hospitij ex equitatione, & animi perturbationibus, & complexione. Ex ignea caliditate hepatis generantur humores biliosi, ut uidere est apud Galenum, de hypochondriaca melancholia. Plurimi flatus generantur propter caliditatem hepatis, & cruditatem uentriculi, neq; etiam contrarijs iuari possunt. Propter temperaturam & causas exteriores, materiæ corruptæ putrescunt, unde humores innominati. 3. de naturalibus facul. in fine. Eleuati humores biliosi subfrigidi, unde uariæ species melancholiæ. Ita habemus melancholiam non solum per essentiam, sed etiam per consensum, cuius signum urina subtilis, non permixta: & tunc insaniebat maxime cum talis esset urina, quia ostendebat materiam ad caput esse eleuatam, iuxta Hipocr. 4. Apbor. 72. Quibus urinæ albæ & perspicuæ, malum, præsertim si in delirantibus appareant. Et sublatus nunc est uapor, quia urinæ tinctæ sunt: dein etiam argumento sunt plurima corrupta excrementa: neq; ea tantum, sed etiam tumor uentris, & utriusque hypochondrij, nq; cum dolore.

De melancholia per consensum à toto,

Consilium XVII.



ACCIDENTIA quibus affligitur hic nobilissimus uir, sunt manifesta sensui, de quibus ambigere non potestis. Primo percipit stuporem manifestum ferè in omnibus corporis partibus, præcipue tamen circitibus: & obtusionem ferè omnium sensuum, tactus, gustus, &c. Dicit etiam aliquando ita sibi diffidere, ut non auit egredi domum, metuens ne deficiat, & in discursu etiam detrimentum quandoq; percipit: non auidet interdum loqui, ita defectus totius discursus referatur ad diffidentiam. Est & aliud insigne, maculæ nigræ circa omnes partes corporis in ipsa cuticula, non profundæ, sed superficiales tantum: & illæ sunt cum pruritu magno, ut conetur scalpere: estq; ipsum genus quod & Diosco. & Galen. *ἐκκρίσματα* uocant, quasi à sole contractas: sunt enim nigræ, quales sunt homines multum in sole ambulantes: hæc contingunt

per interualla, & solebant redire singulis mensibus: sed postquam est curatus Venetijs ab excellentiss. medico & fratre meo, non tam saepe redeunt interim illa, ut nunc post duos menses aut unum cum dimidio redeunt. Addit, quod licet rarius ueniant ea symptomata, tamen in interuallis non ita prorsus ab his liber sit ut ante: nunc quasi semper sentit aliquid quod ante illam curationem non senserat. Hæc sunt accidentia ab eo recitata, quæ omnia sunt facilia cognitu: sed in causis indagandis est summa difficultas, nec possum mihi satis facere. Circa stuporem maxima difficultas est. Stupor est actio diminuta: ergo à frigiditate, 3. de causis sympt. Actio corrupta à caliditate uenit, diminuta ab intemperie frigida: hic actio diminuta, ergo à frigiditate, idq; uel positivè, uel priuativè. Diminuitur actio, cum sit frigiditas in membro, propterea quod uirtus animalis seu calor ac spiritus ueniens ad membrum illud non accedit: ita membrum priuatur calore debito, refrigeratur priuativè. Sic refrigerantur membra in timore, quando spiritus & calor ad cor refugium, ac cessant motus & sensus. frigiditas positiva est cum refrigeratur membrum, uel quia in propria essentia & in temperatura læsum est ac refrigeratum, uel quia materia affluerit, atque ita in ipso membro sit quod lædit. Hæc ergo est difficultas, quod non scio unde possit esse stupor. Si à causa priuatiua, ea est uel ob obstructionem, uel ob paucitatem spirituum, seu ob aliud accedens subitum: in his omnibus debebat ante lædi motus, ad quem longe maiori & uementiori calore & spiritu opus est: quia motus est in actu, sensus autem in pati. Secundo, natura magis sollicita de necessarijs, semper reseruat id quod magis est necessarium: igitur cum alterum est amittendum, potius motus quam sensus aufertur, ut in paralyti. Propter has duas causas paucitatem scilicet spirituum & obstructionem, non credo esse imbecillitatē in sensu alicuius membri, aut in motu. Sed dicat aliquis, diuersi nervi sunt, nam nervi sensus sunt humidiores, & facilius lædi possunt quam nervi motus. Responsio: nervi motus duriores quidem sunt, & propterea etiam non ita facile implentur à spiritu pauciori, ut nervi sensus, qui humidiores sunt & parui, deinde nervi circa quos ipse sentit maximam imbecillitatem in sensu tactus prope tibiam, non sunt tam humidi, quia non à cerebro, sed nucha & spondylis dorsi oriuntur. Nec ob frigiditatem positivam hoc fieri posse uideo. Si enim dicas factam frigiditatem quia fluxerit materia ad nervos sensuum, & non ad nervos motus, quia diuersi sunt, & quidam sensus nervi imbecilliores non ita resistent læsionibus extrinsecis: responsio: uerum est, facile posse pati eos nervos, ut Gal. 1. de sympt. cau. de his qui in sensu tactus impedimenta habent, & non in motu: sed id non uidetur esse in hoc uiro. Si enim in temperies esset in illis nervis, perpetuo esset, nec aliquando cessaret: hic uero sentit quandoq; quandoq; non: si esset ibi fixa materia perpetuo, non sentiret. Et ita restat difficultas apud me magna, quæ sit causa. Præterea si tantum esset ibi humiditas obtundens calorem, & non frigiditas quædam, sed caliditas quæ obtunderetur quidem ab humiditate, non posset tamen extinguī, non sequeretur diminutio actionum, sed corruptio. Intemperies cerebri calida humida corrumpit actiones: & si esset tanta humiditas cerebri quæ obtunderet calorem, non bene discurreret, nec memoraretur: hic est optimi sensus & exactissimi, memoriter refert omnia quæ contigerunt ei per totam uitam. Scitis autem dictum Heracliti: Spiritus siccus, anima prudentissima. Non igitur possum imaginari quomodo humiditas sit impediens & obtundens calorem in hoc uiro: atque ita plenus sum difficultatum. Audiatis processum, quo in rebus ignotis deducam uos per coniecturas. Suppono temperaturam: à natiuitate abundavit in hoc corpore caliditas cum humiditate: id coniicio ab habitu corporis in hac ætate: est enim uiginti annorum, obesus & crassius seu pinguis. & uideo signa manifesta: est subniger, & non habet pilos indicantes frigiditatem: deniq; abundat multo sanguine, ex quo hepar est calidum & humidum generans multum sanguinem. Habuit autem pessimam rationem uictus Venetijs primum: præterea 16. natus annos iuit in Dalmatiam, ubi crassius & meridionalis aer, uescebatur carnibus & piscibus crassis, laborabat animo & corpore sub sole, & in negocijs circa quæ non erat assuetus, inde contraxit

contraxit cacochymiam ratione temperaturæ, & causarum extrinsecarum, & congregavit multam materiam melancholicam; quia qui calidi & humidi, generant multum sanguinem, & plurimum etiam facum: quia ubi multum est de sanguine, præsertim crassiore, ibi etiam multum est de sæce sanguinis; & tales sunt facile melancholici cum accedit causa extrinseca, sicut hic omnia conspirant: multos novi tales. Est etiam manifesta coniectura ex Gal. 4. de san. tuen. tale esse dominium humoris, qualis est color cutis: hic sunt maculæ coloris admodum nigri, quæ cooperiunt ferè totam cutim, quæ significant dominium humorum eius. illæ maculæ pruritus plurimum; excitatur autem ille pruritus à distillatione, quia distillatur humor melancholicus: deinde etiam, quia humor est acidus: semper enim aliquid pituitæ admixtum habet, quia melancholia frigida est, & extinguit calorem naturalem hepatis, & repletus est splen eo humore, intumescit, & sua frigiditate minuit calorem hepatis, & impedit coctiones, ita fit ut generentur multa pituita. Ideo multi qui abundant melancholico humore, sunt hydropici & splenetici, ob extinctionem caloris naturalis, & multitudinem phlegmatum. Hinc est quod apud veteres, omnes medicinæ euacuantes humorem melancholicum, semper habent admixtum aliquid euacuans pituitam, quia nunquam separantur: ut in confectione hamech, elect. Indo, & alijs antiquis. Nec credo esse succum melancholicum adustum, quia faceret ulcera: sed credo naturalem esse, non enim est malignus. Pruritus autem facit propter adustam pituitam: abundat succus melancholicus naturalis, qui generatur in hepate, & transit per omnes uenas: quod mihi manifestum est, quia maculæ sunt per uniuersum corpus: ex uenis autem succus ille transit in corpus, & ad cutim, & facit illas maculas. Quia igitur in toto ambitu uenarum est, ideo perpetuo euaporat ad caput, & suis certis periodis corrumpit actiones cerebri, prout magis uel minus augetur à mala ratione uictus. Sunt enim certæ periodi & uariæ, prout ratione humoris, ut apparet in quartanis; & actiones uariè diminuuntur, prout uapores ascendentes diuersas cerebri partes occupant, ut tertio de causis symp. nunc discursum, nunc imaginationem, nunc memoriam. Et est uarietas magna in eo præcipue humore, nam refert Galenus, quendam imaginatum se esse gallum, alium se habere caput ex olla fictili. Nec harum rerum causæ certæ referri possunt, cur uel hæc uel illa actio impediatur. Hic homo illud, aliud alius imaginatur. Vidi quendam qui totam mundi superficiem imaginabatur esse ex subtilissimo uiro, & subtus esse serpentes, se in lecto tanquam in insula, unde si egrederetur, frangeret uitrum, & incideret in serpentes, ideo nolebat ex lecto egredi. Credo autem totum hoc imaginationem esse, & quod omnia illa symptomata imaginetur, & quod non sentit in tibijs: si pungeretur fortiter, fortasse sentiret, ita imaginatur, ut non possit discurrere: aliquando ita diffidit sibi, ut non possit exire domum. Timet, quod est proprium melancholici. Vidi plures tales Venetos. In oculis bene credo defectum aliquem. Videtis quàm latam habet pupillam. Reliquum totum credo esse imaginationem, & fit interdum reuera ut homo non sentiat, cum est intentus in aliud, ut ait Aristot. in proble. & 2. de anima, quæ alio occupata non percipit obiecta. Hipp. ait: Vbi aliquis dolorē non sentit, mens laborat: quod admodum quadrat ad propositum nostrum. Ille dolores non sentit, ergo mens ægrotat. Nec (meo iudicio) possumus referre alias causas, sed credo totum affectum melancholicum, & ponerem illum in capitulo de melancholia, ut dicunt. Est autem humor melancholicus non per essentiam in capite, sed per consensum, exhalat ex hepate, & ex ambitu uenarum. Est enim duplex humor melancholicus. 3. locorum affect. quandoque in capite, quandoque in ambitu uenarum. Credo quod sit hic per consensum in capite, per essentiam in uenis, idque eo, quod certas periodos habet. Si in capite, semper & perpetuo talis esset. His stantibus, credo quod difficulter curabitur, quia omnes affectus melancholici diu durant, ex Galen. sententia, qui ex Diodo refert de hypochondriorum dolore, qui per consensum tamen est: quanto hic cura difficilior? Nihilominus si quis toto studio querat euacuationes, & curer ne generetur alius nouus humor, melancholiam uel curabit, uel ad meliorem statum reducet: quia interim ex quo euacuari coepit & curari, leuius nunc inuadit, & per longiores

periodos, si præsertim talis euacuatio fiat cum elleboro, qui uere euacuat melancholiam; uidemus enim effluere cum exhibetur, non aquea & humida, sicut fit cum dantur folia senæ & epithymum: nam elleborus uere & sine difficultate melancholiam euacuat, si debito modo & iusta quantitate exhibeatur. CVRA.

Quia igitur in toto corpore & ambitu uenarum est, primo minuerem sanguinem, præmissa leui purgatione materiæ communis, quæ est in uentriculo & intestinis. Dærem igitur calsiā, uel hieram: præterea euacuarem sanguinem copiose ex basilica utriusque lateris ad 16. uel 26. etiam uncias, duabus uel tribus uicibus, quia corpus est plenum sanguine. Post missionē sanguinis darem preparantia, syrup. borag. buglossę, lupuli, & decoquerem in quindecim uel sedecim uncis aquæ calci cum modico oxy mellis, ad purgandum, leniendum & coquendum succum melancholicum: tandem euacuarem cum leuioribus, primū quæ succum melancholicum & pituitam simul educunt, ut confectio hamech, & alia; postea ubi semel aut bis hoc factum esset, ad decoctū ellebori accederem cum alijs: ut, omne genus myrobal. confusum & infusum in aqua fumi terræ decoquas: coctioni præterea addantur folia senæ, epithymū, polypodium, glycyrrhiza, & semen citri, 3 semis ellebori: & 3 6. huius decocti sumantur: idēq; ter uel quater facerem, prout & humorem educi, & ægrum melius habere uiderem. Vis debet proculdubio se luuari hac ratione. Præterea utatur uictu optime nutriente: comedat carnes iuuenes generantes bonum sanguinem: uinum bibat, maxime nigrum aut subruissum: sit cum focijs lætus & hilaris: uiuat in aëre puriore, æstate præsertim, qualis est in Foro iulio, uel ad montes Vincentinos. Hæc omnia si quo ordine debet, agat, uel curabitur, uel saltem minus laborabit.

De melancholia, & appetentia canina.

Consilium XVIII.



ASVS recitatus à Frisimelica. Proponitur nobis iuuenis melancholicus, qui in prima ætate molliter educatus fuit, & cui permissum uiuere suo arbitrio. Est igitur usus hucusque pro sua uoluntate, inordinato quouis uictu, discursauit huc illuc, nunc ad uenandū, nunc ad piscandum, in æstate, & æstu, per frigora, per imbres, & tempestates. Aliquando ualde æstuans, aquis frigidissimis se immergit, persequens aues & alia. Vfus etiam plurima Venere, & amoribus plurimarum mulierum, a quibus suspicantur ei amatoria data esse. Cum etiam lussisset & amississet plurimum pecuniæ in lusu, fuit propterea sollicitus & anxius. Quicquid sit, melancholia laborat, nam delirat. Medici clarissimi qui Venetijs cum sub cura habuerunt, exquisite eum purgarunt cum Elleboro, tum alijs Medicinis: sed nihil profecerunt, imò etiam plus creduntur obfuisse. Nam exinde secuta sunt seuiora symptomata. Nam magis delirauit, & timuit, & stolidæ noctes atq; dies uociferatus est, præterea famelicus supra modum, & ita expetit cibum, ut furiose & cum clamore, ac strepitu extorqueat cibum, quo tamen oblato quiescit. Adhæc moribus agitatur inordinatis, nam se continere non potest neq; quiescere, sed uult hinc inde diuagari, & expatiari. Præterea non egerit etiam, nisi dato clysteri, quo heri uidimus plurimum pituitosi excrementi educum esse. Dormit alioqui, neminem percutit, nec alicui nocet. Agit iam annum ætatis suæ 22.

MONTANVS: Duo sunt ingentia symptomata in hoc iuvene, uidelicet melancholia, & operationes læsæ cerebri. Secundo, ingens fames, importuna, quæ nullo modo potest sedari. De his duobus petit curationem, quæ ut recte fieri possit, ista duo symptomata sunt redigenda in suas causas. Quantum ad primum, est operatio læsa ipsius cerebri, tristatur sine causa, & timet, quod est signum melancholiæ commune. Sed quoniam plurimæ sunt species melancholiæ, non distinguam iam melancholiam, ratione loci per consensum, uel per essentiam; sed distinguam per materiam facientem ipsam,

ipsam, quæ facit differentias essentielles. Cum hic dicimus melancholiam, intelligimus affectum cerebri, ergo patitur cerebrum, à qua causa, dubium est apud me, & etiam dubium de loco. Audio enim recte memorare, & cognoscere, & discurrere, & distinguere, quando uidet hominem, etiam de longinquo, tamen agnoscit, etiamli diu illum non uiderit. Quantum igitur ad sensus interiores, bene se habet, sensus exteriores item bene exercet. Quæ igitur facultas operationum cerebri est læsa? Metuit, quæ sunt nequam metuenda, & tristatur, de quibus non debet, ergo uidetur, quod eius discursus non est secundum rationem, & uirtutem discursiuam læsam esse. Et quoniam læsio illa multiplex esse potest, aut diminuta, aut corrupta, aut ablata, distinguendū erit, quæ nam species læsionis adsit in hoc iuene. Non uidetur habere corruptionem discursus, sed potius deficere, quàm excedere metam, quia non discurre, quantum debet. Est ergo diminutio potius, quàm corruptio. Cum igitur appareat, quod nulla alia facultas lædatur in hoc iuene, quam solus discursus, atq; hæc læsio potius sit diminuta, quàm corrupta, aut si est corrupta, parum erit, iam uidendum an talis affectus, qui est cum moerore, & tristitia, quæ nonnunquam separantur à melancholia, sit uel à melancholia naturali, uel à melancholia facta per adustionem, uel alio humore frigido, ascendente ad cerebrum, à qua causa nascitur effectus, qui dicitur amentia, seu stoliditas. Vbi enim refrigerantur spiritus, fiunt homines amentes, & stolidi, qui non possunt discurrere. Hæc sunt prius consideranda, antequam aliquid dicatur de morbo, uel per consensum, uel per essentiam. Si considero modum læsionis, non est propter melancholiam, factam ex adustione bilis, nam ubi illa adusta est, fiunt maniaci, & furiosi, quod non sit in hoc iuene. Non est igitur, cur sua amentia referatur ad bilem adustam. Neq; etiam ad melancholiam adustam referri potest, quia melancholia adusta facit dæmoniacos, teste Auicenna, fugientes homines, querentes solitudines, uersantes circa sepulchra. Est ergo referenda causa, uel ad melancholiam naturalem, uel ad aliū humorem frigidū. Credo itaq; ego, quod uterq; frigidus conueniat humor, melancholicus & pituitosus. Primo, melancholicus succus, qui spiritus obtenebrat, ascendit ab inferioribus, qui humor solus ater est in corpore. Accedit plurimus humor pituitosus, refrigerans spiritus. Et inde est, quod licet adustio quædam humorum adsit, illa tamen acrimonia retunditur ab humore illo frigido. Sicut enim retunditur uinum ab infusa aqua, ita & melancholicus humor adustus retunditur à pituita frigida. Duo igitur humores conueniunt sub forma uaporum in qualitatibus actiuis, frigidi ambo, in passivis contrarii, alter siccus, alter humidus, & se mutuo contemperant, unde ista melancholia non facit eum maniacum uel furibundum, sicut ubi humor melancholicus solus, præcipue adustus. Nam tales præterea ad sepulchra currunt, auersantur consuetudinē hominum. Hic uidetur obtinere contrarium: affectat præsentiam hominum, & querit homines. Sunt alij uapores frigidi, & humidi commixti, qui retundant illam tenebrositatē. Reliquæ partes cerebri non sunt affectæ, nisi ea pars, ubi solus est discursus, nam operatio discursiua læsa. Neq; hic opus est disputare, an facultas illa discursiua habeat sedem suam in medio uentriculo cerebri, uel alibi. Considerato & loco, & humore, uidendum, utrum huiusmodi humor generetur in capite essentialiter, an à toto ambitu uenarum ascendat, an à uis, quæ sub hypochondrijs. Credo quod à toto ambitu corporis, & à uentriculo ascendant uapores ad cerebrum. Audiuiſtis quæ præceſſerunt, duæ tertianæ duplices, quæ uix potuerunt curari, nisi maximo temporis spacio, neq; tamen satis bene, ut ipsi Medici fatentur, quod remanserunt plurimæ obſtructiones circa membra naturalia. Ille iuuenis semicuratus à febre est relictus. Nam non fuit sublata causa, uidelicet obſtructio. Postea usus mala ratione uictus, ex qua rursus auctæ obſtructiones, ex quibus mox ructus fecuti, & calor circa hypochondria, quasi arderent, & flatus plurimi. Ac ista semper præceſſerunt augendo, quia noluit pati curationes. Subsecutum est illud, quod solet confesqui, id est melancholia hypochondriaca, ubi effluuiscit humor exſiſtens in uenis inter uentriculum, & hepar, ut docet ex Dioſcoridi ſententia Gal. 3. de locis affecti. Causæ intrinsecæ. Primo est insignis caliditas hepatis, quam habet naturalē, ut ex uenis, colore,

& toto habitu corporis patet. Prætermitto maximam salacitatem, & libidinem ad coitum, quæ hoc etiam arguit, teste Galeno & Platone, qui affirmant, quanto hepar calidius, tanto libidinem maiorem. Habet igitur indicia calidioris hepatis. Hinc consecutiue sequitur frigiditas ventriculi, ut iam sæpe dixi. Non quod necessario hæc duæ discrasie simul sint: sed consecutiue hoc fit. Austra etiam fuit caliditas hepatis, & frigiditas ventriculi ex febre. Nam hepar, & totus ambitus uenarum incalcescit, quia sanguis feruescit, præterea, necessario sequitur frigiditas ventriculi, & propter febres longas uidemus homines ad dispositiones cachecticas deuenire, quoniam redditur uenter imbecillior. Est alia ratio, cur refrigeratus uenter, & hepar calidius factum. Vbi sunt obstructions, ut in longis febribus, propter illas prohibetur caloris euentatio. Vnde coarctatur calor, & ita fit seruator, & hepar quoque calidius. Postea uenter frigidus cum non habet liberum transitum spirituum, qui ab hepate ab se uenire deberent, magis frigidus efficitur. Ratione igitur obstructionis duo membra, alterum frigidius, alterum calidius est effectum. His factis secuta sunt hæc, ut in hepate, uidelicet fieret ebullitio, unde generaretur sanguis calidior. In uentriculo autem pituita accersit, quia humor frigidus & humidus putrescens, id est, dum accipit principium putredinis accersit, ut ait Gal. 4. simpl. Porro generatus iam in uentriculo plurimus humor pituitosus emittit vapores in cerebrum, qui retundunt vapores melancholicos. Cuius signum maximum est, quod in principio morbi istius iuuenis, cum fuisset euacuatus, parumque comedisset, tunc magis delirabat, quia euacuatus fuerat uenter, & non humor melancholicus. Imo postea, cum cessatum fuit à purgationibus, mitior factus fuit iterum sanguis, & corpus renutritum. Atque etiam hoc tempore, quando sumpsit cibum, illico suauiter dormit. Fortasse si ueretur tenui uictu, efficeretur uera ista melancholia. Ergo ea symptomata sunt à melancholia, sed reuera à pituitoso humore. Dico etiam affectum esse essentialiter in capite, licet primogenio affectum non fuerit. Nam licet in principio non fuerit per se in cerebro, sed per consensum, frequentata tum & continuata passionem, tandem etiam essentialiter coepit esse in capite. Causam famis non puto esse ex inanitione, seu naturalē, quia fames naturalis habet quinque causas, quas scitis ex Gal. 2. de facult. naturalibus. Hæc non apparent in hoc corpore, quod est satis repletum. Vñ ab acido humore fiat fames: Videtur quod non, quia non obtunderetur à cibo. Dico, quod posset retundi, quando non est in concuitatibus ipsius uentriculi, & quando cibibus imperfecte concoquitur, semper noua pituita accedit acida. Potest etiam esse per uenam ex splene ad uentriculum deductam, si modo ea poni debet cum Galeno. Quis quid sit, puto ibi esse humorem aliquem acidum, qui incitat famem caninam.

PROGNOSTICVM. Diodes apud Galenum, 3. de locis affectis inquit: Difficillime extirpatur humor melancholicus sub præcordiis contentus, ergo multo magis, quando est per essentiam in cerebro. Quod uero per essentiam etiam sit in cerebro, hinc manifestum euadit, quoniam si esset solum in hypochondrio, non semper timeret, neque amisisset rationem decori, ut nunc uidetis, quod absque ulla ratione in differenter se gerat in sua amentia erga omnes.

CVRATIO. Quamuis Galen. dicat se curasse tales usu balnei, & pillulis Ruffi, credo hoc fieri cum aliqua iactantia, ego nunquam uidi curatos tales perfecte. Sed tamen ex parte aliqua curari quempiam posse concedo, sed non ex toto. Verum facendum, quantum possumus. Quoniam igitur fundamentum horum symptomatum consistit in ascensu uaporum, & imbecillitate illorum duorum membrorum. Ideo confortetur uenter, & alteretur hepar, & tollantur obstructions, & diuertantur uapores. Sed quo genere euacuationis utemur? Si consideramus ea, quæ sunt in uenis, credo expedire sanguinis missionem, ratione humoris melancholici mixti cum sanguine. Sed ubi sunt obstructions, primo eas auferre oportet, ut 4. de tuend. sanis. dicitur. Vter igitur sæpe Cassia, additis etiam speciebus Hieme ad liberandam obstructionem Mesaraicarum. Exhibere etiam oxymel, cum syrupo de pomis dulcibus. Is enim eius acrimoniam retundit, & adderem aquam desillatam Boraginis. Factis his non esset malum

malum secare uenam pro refrigerando hepate, & sanguine, & illo euentando. Postea uteretur balneis aque dulcis & abluerem caput decoctio Maluæ, Altheæ, Camomillæ, & reliquorum, quæ habent remissam caliditatem. Queritur num balnea conueniant. Credo quod ratione uentriculi & aperiendi obstructions essent conuenientia, sed tamen caute & parce exhibeantur. Et interim tueatur caput cum oleo Amygd. dulcis, um, ad prohibendam siccitatem capitis, ne superueniant uigilæ, quod si fieret, ualde el metuerem. Non oportet igitur morari, & cras exhiberem Hieram cum Calsia. Utatur cibo humectante, & sæpius in cibo exhibeantur ei brodia pulli.

De dispositione Melancholica, & affectionibus oculorum, pro Gallo.

Consilium XIX.

HOC unum præmoneo Domine, ut sis diligens & prudens circa uictum, sine quo cætera remedia frustra adhiberentur. Et quidem facilis & expedita huius rei commemoratio, sed firma constantia, & obstinato animo opus est in exequendo. Sis autem contentus uno solo, & simplici cibo, utaris uino claro, & pellucido, non uinoso, sed albo & flauo. A prandio aut coena prorsus non erit tibi potandum. Hac in re penitus oportet à more Gallico desuescere. Carnes sint boni succi. Abstinebis à piscibus, à rebus frixis in sartagine, à leguminibus cuiuscunq; generis, à pastillis, siue laganis, à oleribus maxime crudis. Hac est summa rationis uictus. Eris hilaris, cauebis à uento, & aëre nocturno, maxime propter oculos. Vbi uero quiesceris, capies infra scriptas medicinas.

℞. Confectionis Hamech. 3 3.
Folliculorum Senæ, Epithymiana. 3 1.

Puluerizentur, & misceantur cum syrupo de pomis, fiat bolus: quem capies mane in aurora. Eo die, quo accipies, eris quietus in hospitio. Feres tecum uas, in quo sint Conseruæ florum Boraginis, & rorismarini simul mistorum æquis ponderibus, & capies ad 3 s. singulis uicibus, hora dimidia ante prandium, & coenam. Hoc erit ad præseruationem, ne in deterius prolabare. Pro principali autem curatione, quando domi eris quietus, ante dimidium Maij: purgabis te ut inferius.

℞. Electuar. lenitiui, uel floris Calsiæ. 3 1.
Specierum Hieræ simpl. 3 2.

Cum saccharo fiat bolus, capies mane tribus horis ante prandium.

Deinde ℞. Syrup. de pomis dulcibus,
De Fumoterræ ana. 1.
Seri caprini. 6.
Vel decoctionis Ceterach. 5.

Misce pro uno syrupo, & sic pro alijs. Sic bibas ad sex uel octo syrup. & postea capies medicinam infra scriptam.

℞. Confectio. Hamech. 3 3.
Corticum radic. Ellebori. 3 5.

Misce cum saccharo fiat bolus, quem capies mane in aurora cum custodia, post ultimum syrup. Et quiesces per quatuor dies. Postea capies sex syrup. infra scriptos mane in aurora. Et isti syrupi purgabunt absq; molestia, tanquam medicina. Si autem purgabunt paulo copiosius, intermitte duos, uel tres dies, quia multum utiles erunt uetito humori melancholico, atque etiam oculis.

℞. Myrobalanorum singulorum ana. 3 1.

Contundantur grosso modo, & fricentur cum manibus cum oleo Amygd. dulcium,

dulcium, deinde infundantur in aquæ Fumiterræ, & Betonicæ lib. 7. per horas 24.
Ad hæc.

℞. Polypodij, Folliculorum Senæ, Epistymi			
thymi	ana	3	2.
Seminis Citri, Liquiritiæ rasæ	ana	3	s.
Corticum rad. Ellebori nigri		3	3.

Decoquantur omnia simul lento igne ad consumptionem medietatis : deinde facta diligenti expressione, & colatura, seruetur decoctum, quod postea diuidatur in sex partes, pro sex syrup. Et dabuntur modo infra scripto.

℞. Syrup. de Corticibus Citri	3	1.	s.
Decocti superscripti	3	6.	

Detur calidum in aurora. Acceptis istis syrup. quiescas quatuor alijs diebus, postea prouocabis sanguinem hæmorrhoidum, maxime si te senseris grauatum in aliqua parte isto humore melancholico. Sin uero bene te habueris, omitte istud remedium prouocandi hæmorrhoidas, usq; in autumnum, hoc est, usq; ad medium Octobris. Et hoc est, quantum ad curam humoris melancholici, quam etiam spero profuturam dispositioni affectæ oculorum. Nihilominus pro cura separata, facies etiam infra scripta. Hoc primo procurabis, ut capias mane Electuarium infra scriptum ad quantitatem duorum, aut trium cochlearium, tribus horis ante prandium, quam sæpiissime poteris, hoc est ter aut quater in septimana.

℞. Succ. Verbenæ, Rosar. Fœniculi, Rutæ, Chelidoniæ,			
Euphrasiæ	ana	3	6.

Purificentur secundum artem, deinde cum saccharo fiat Electuarium, ad consistentiam syrupi, uel mellis, & ultimo aromatizetur cum Musco, uel Ambra. Item

℞. Rha barb. electi, Aloës optimæ, Agatici	ana	3	3.
Mirolal. Chebul. Indorum	ana	3	2.
Caryophyll. Nucis Muscatæ	ana	3	1.
Rosar. rubrarum, Sandalorum Citrinorum, Violarum,			
Florum Nenupharis	ana	3	1.

Puluerizentur omnia per se, deinde misceantur cum syrup. de pomis, uel ex infusione rosarum & fiat Magdaleon. De quo fiant pillulæ, pro singula drachma septi, quibus pillulis uteris, pro præseruatione uisus, duabus aut tribus : pro illarum operatione, uespere, hora ante coenam, & eo die parcissime coenabis, sed te committes lecto. Sunt autem multum efficaces tuo proposito. Verum oportet te illis uti longo tempore. Quia hæc agritudo oculorum non potest tolli, nisi longo tempore, ut quæ sit etiam antiqua. Intra oculos consulo ne quid immittas. Neque sinas tibi persuaderi, siue propter oculos, siue quauis alia ratione, ut fiant cauteria in aliqua parte capitis, uel uesicatoria, aut stillicidia alicuius balnei, siue artificialis, seu naturalis, quoniam fieret tuo maximo detrimento. Hoc moneo, & obtestor, ut quod maximi referat ad tuam salutem. Illud uero erit gratum, & uidebitur utile tibi, ac quodammodo necessarium, si pro diuersione curabis, ut fiant in utraq; tibia, infra genu quatuor digitis, loco debito, & consueto, duo cauteria, quæ postea tenebis aperta per aliquot annos, quandiu erit necesse, purgando ea quolibet uespere ab omni sorditie,

nec propterea minus aptis eris gerendis tuis negocijs, sed poteris equitare, saltare, & currere, ocreas gestare, artem gladiatoriam exercere, & quodcunq; libuerit facere. Et hoc futurum est tibi maxime commodum, non modo oculorum affectioni, sed etiam humori melancholico.

Depoero

De puero stulto.

Consilium XX.



CLARISS. D. ex quo nobis proponitur casus, qui longe difficilissimus est, afferam in medium, quæ ego conijcere de cura, & causis eius conquirere possum. Primo proponam, quæ ab ijs dicta sunt. Duo autem sunt symptomata. Primum est priuatio, uel saltem diminutio omnium operationum animalium intrinsecarum, quæ fiunt in cerebro. Secundo, quædam cordis anxietas, quæ non bene adhuc à puero explicatur. Quæ symptomata cum sint nobilissimarum partium totius corporis, est ualde aduertendū, ut ordine procedamus. Causæ igitur horum symptomatum maxime cognoscuntur à propria temperatura. Temperaturam ex toto corporis habitu dicerem calidā & siccam, maxime ex motu, qui adhuc illæsus est. Est autem uelocis motus, amplas habet uenas, colorem nigrum, habuit patrem adulescentissimum & matrem quoque talem. Redundat ergo naturaliter in corpore caliditas, & siccitas. Ad hoc accesserunt duo, habuit maximam familiaritatem cum parentibus, semper etiam apud illos uixit, comedit quoties uoluit, & ita aggregauit humores crassos, cum corpus alioqui sine illo uictu crassos humores generaret. Et accesserunt denique animi accidentia extrinsecus, cum lætarent eum in 9. mense ætatis, fuit timor tantus, ut etiam conuelleretur. Timor & iracundia sunt affectus cordis, sed ita ut sint annexa operationibus cerebri. Nemo enim irascitur, aut timet, nisi uideat, aut audiat aliquid quod male habet, ideo fit, ut prius cerebrum, deinde cor afficiatur. Et cum nerui pueri sint aptissimi ad istas passionem, incidit tunc temporis in conuulsiones epilepticas, & propter ualidissimum motum, & calida externa, calor naturalis factus est seipso frigidior, & sic in corde non fuerunt spiritus eo modo sicut prius. Ita cor tandem & totum cerebrum reddita sunt frigidiora, cum præsertim morbus per longum tempus duraret, quem Epilepsiam esse redarguerunt exacerbationes in accessionibus. Hoc igitur modo corpus redditum est seipso frigidius ob motum excedentem. Circa tertium ætatis annum accidit, ut decideret e fenestra, & ibi ob concussum cerebrum, mansit sine motu, & sensu octo dies. Leuatus est successiue, postea ita fuit calor resolutus, ut maneret per quatuor annos attonitus. Et puto esse nullam aliam causam, nisi quod cor læsum ob timorem, spiritus frigidiores generat, ac deinceps spiritus ascendentes ad cerebrum non faciunt operationes tam perfectas, quam oportebat. Et cum frigiditas facit spiritus crassiores, & magis grossos, sequuntur malæ affectiones cerebri. Sensus uero exteriores optime exercet, ad eos enim non requiruntur lucidissimi spiritus. Currit optime, & obambulat expedite. In prima impressione adeo fuit læsum cerebrum, ut intra quatuor annos mutus factus sit. Et quia deinceps fuit in urbe, ubi plurimū delectatus, & spiritus recreati, aliquando coepit loqui, & sic post quatuor annos melius se habuit. Hinc sunt inquirendæ causæ immediate eorum affectuum: cum unusquisque istorum sensuum, (dico de ratione, imaginatione, memoria) possit dupliciter lædi, uel corrumpi, & diminui, uel augeri, ut 1. de differ. Sympt. dicitur, ubi notat, quod diminutio procedat à frigiditate. Hic non omnino ablati, sed diminuti sunt, ut uix possit percipi imaginationem corruptam, quod signum est frigiditatis. Memoratur omnium præteritorum, sed præsentium non, neque multum refert. Hæc sunt diminutæ actiones, uel corruptæ, propter ægritudinem essentialem in cerebro, unde proueniunt actiones læsæ propter malam temperaturam. Licet enim aliquando possit esse uitium in organo, non est tamen læsa operatio, nisi temperatura sit læsa, quia essentia animæ sequitur temperaturam corporis. Quoniam igitur temperatura est, quæ facit hæc accidentia, non potest esse alia, quam frigida ex diminutione operationum, id est stultitia, quæ diminutio est. Quod autem patiatur aliquod genus delirii, non est mirum, propter continuum ascensum uaporum ab humoribus melancholicis, qui corrumpunt actiones ipsius cerebri. Agit

igitur corrupte ob ascensum vaporum in caput. Quomodo autem illi vapores dimi-
nutionem efficiunt in hoc corpore? quia corpus redditum frigidius seipso, sicut & cor,
& spiritus. Nam ad temperaturam cordis sequitur temperatura totius corporis, pro-
pterea omnis caliditas corporis est in potentia, & reducitur ad actionem à calore cor-
dis, ut 8. de placitis Hipp. & Platonis legitur. Cum igitur redditus sit calor cordis im-
becillior & frigidior, & spiritus crassiores, sunt concoctiones deteriores. Dicimus
autem frigiditatem respectu corporis iuuenilis non absolute, sed quia frigidior est,
quàm conuenit ad exercendas operationes in hac ætate, quare non negamus calidi-
tatem omnem. Quia uero concoctiones deteriores sunt, plurima generantur extre-
menta, & vapores plurimi ascendunt per nervos & arterias à massa sanguinea cruda
ad cerebrum, & corrumpunt eius actiones. Quòd patitur cor, uel est tremor uel pal-
pitatione, & patitur quando fuliginosus vapor accedit ad ipsum. Nam quia ibi est maxi-
mus sensus, subito adueniente symptomate, fit maximus dolor, & credo potius esse va-
pores, quia subito recedit, & accedit, & non est grauitas aliqua impressa, ut scribit Ga-
len. de epilepsia. Aegritudo autem in cerebro frigida est, an uero sit cum insigni humi-
ditate, uel siccitate, non uideo aliquod signum. Si enim cum siccitate esset, esset Cato-
che, sin cum humiditate esset, torpor adesset. Itaque non multum excedit. Prognosti-
cum uno uerbo dicam. Fatuitates ut plurimum incurabiles sunt, & uulgo dicitur, stulti-
torum curationem omnino esse cassam. Ratione autem ætatis spes est, ob dominium
pituitæ. Quanto diutius enim uiuunt, tanto ad acutiorem tendunt caliditatem, & ita
deinceps deueniunt ad temperamentum calidum, quia mutantur ratione ætatis. Si
uero augmentum transierunt, non mutantur. Sed si sit in corde aut cerebro facta im-
pressio, erit difficilissima. Et ego uidi nunquam tales curatos, etsi nouerim quam pluri-
mos. Si tamen deberet curari, dicerem meam opinionem. Habet multitudinem hu-
morum, nihilominus principaliter temperaturam simplicem, quæ frigida est, & quæ
multiplicat humores, ergo erit euacuandus. Initium autem erit, sicut perpetuo est, in
humoribus pituitosis, deinde à melancholicis. Confortentur postea uentriculus & he-
par, & totum corpus sit bene transpirabile. Ventriculus concoquere debet; dabitur
ergo alimentum conueniens, & quod facile concoqui possit, carnes uitulinæ, castrati,
pulli, gallinæ, oua si posset recte conficere nihil melius, lac apud me non est tutum ob
flatuositatem. Vinum bibat non omnino potens, sed clarum, lucidum, pauciferum.
Corroborat enim spiritus uitales, & naturales. Utatur postea rebus, quæ faciunt ad
facilem distributionem, semper ante prandium Anisum sumat præparatum, siue cum
saccharo, siue non, prout magis placet. Et nunc in caloribus Diarhodon abbatis, post
calorem aromaticum rosatum, Diatrion pipereon. Pro tertia concoctione laudarem
balnea aquæ dulcis, cum decoctione Camomillæ, rosarum, ad penetrationem reliquo-
rum, & confortationem. sic etiam aquæ calidæ simplicis. Euacuationes facerem cum
pharmacis non uiolentis, uellem uti modico pulueris Hieræ, cum Epithymo, uel etiam
Cassia, sed modica. Syrupi quoque exhibeantur tempore comodo, syrupus scilicet
de succo Buglossæ, Boraginis, de pomis dulcibus. Sic euacuarem materiam, quæ sa-
binde generatur, cum prouocantibus urinam & aluum, & per partes cutis, & per hali-
tus. Deinde roborarem uentriculum, qui in melancholicis fere semper abundat pitui-
ta. Et longe difficilior est separare pituitam ab humore melancholico, quàm è contra.
Laudo itaque mel rosatum, syrupum acetosum, oxymel simplex. Postea adhiberem
alterantia caput, & uellem cauere in capite, ne adderem magnam refrigeratio-
nem & excitationem. Timeo enim ne post fatuitatem ex ætate, uel ob
multiplicatam uictus rationem excitato cerebro fiat maniacus,
& furiosus. In reliquis remedijs paucissimam
spem habeo.

De imbecillitate totius capitis, & oculorum, pro
Civice Cracoviensi Polono.

Consilium XXI.



Eminisse debet Magnificus Dominus atque animo perpetuo tenere, & tanquam fundamentum necessarium præsupponere, atque ad hoc, ut luti ad scopum quendam omnes actiones suas dirigere, videlicet, se habere totum caput & oculos utrosque imbecillos, & paratos ad recipiendas superfluitates totius corporis, & ad omnia morborum genera subeunda, ut nulla iam arte, nullo uel remedio huic uitio succurri possit ita enim iam confirmatum est, & per se essentiam parti illi appropriatum, ut ne Aesculapius quidem ad ferrendam opem sit suffecturus. Et bene aduertet Dominatio sua me dicere hoc loco, imbecillitatem capitis & oculorum, ac præparationem ad suscipiendas superfluitates tolli non posse: sed non propterea dico, quin præseruari possit, & curari à malis præsentibus & futuris. Aliud enim est, membrum aliquod esse imbecille, & paratū ad morbos à quacunque leui causa: aliud ægrotare. In hac opinione & cognitione huius rei, quam diximus, tantam inueniet utilitatem, ut nisi id præsupposuerit, & constanter crediderit, in duo maxima incommoda & pericula perpetuo collapsurus sit. Primum est, quod quoties inciderit in medicū, uel cuiuscunque generis hominem, qui sanitatē polliceatur, statim illi adharebit, & torquebitur, & in deteriorem dispositionem, & forte ultimam perniciem deducetur, quod ipse facile potest proprio experimento, & suo etiam discrimine cognouisse. Quod si in bonam aliquam fortunam, uel peritum Medicum incidere rit, qui præsentis morbos curauerit, secundum incommodum non effugiet. Si enim arbitratus fuerit se ita fuisse curatum, ut imbecillitas quoque capitis, & oculorum, & præparatio ad eosdem morbos simul sublata sit, huius meæ admonitionis oblitus, suo posita periculo facile recognoscet uerum & fidele fuisse nostrum consilium. Nam negligendo curam perpetuam sui capitis, & oculorum, quam inferius explicabo, etiam si milles curabitur, milles quoque uel in eosdem, uel etiā deteriores morbos præcipitabitur. Præsupponat, & fundamentum firmissimum habeat, se habere caput & oculos summe imbecillos, perpetuamque cura & præseruatione indigere; si uult inter homines bene esse. Atque æquo animo ferat calamitatem, quæ tamen non ita improba est & detestabilis, ut si ipse uelit non negligenter res proprias procurare, non possit satis commode & honeste, sine multa molestia curari, actionesque singulorum membrorum non inualide exercere. Quibus igitur hæc omnia præstari possint, nunc tempus est explicare. Sua uero dominatio ea audiat, legat, & perlegat, neque corrumpi patiatur, uel à societatibus, uel à more patriæ, quæ, si uerū fateri uolumus, plus æquo uoluptatibus indulget, iubeatque, ut hoc nostrū consilium in propriam linguam uertatur, secumque familiariter habeat, & non tantum ediscat, sed etiā exquisitissime obseruet: alioquin præterquam quod oculos amittere, multo etiam deteriora parietur. Longe enim humanius est admonere hominem de futuro aliquo periculo, in quod facile possit incidere, quam ita molliter secum agere, ne dicam peruerse & dolose, & ne tristitia ipsum afficiamus, ut permittamus incuriosum, & nil tale cogitantem hominem in extremam perniciem præcipitari. Qua igitur arte S. D. præseruari possit, iam explicare incipiam. Et primò ita aeris commoditate potietur, ut nec seruenti soli, nec uehementi frigori se exponat, cauebitque præcipue sub celo uentoso ac nebuloso diutius immorari, neque fenestras se exponat, quam uentus aliquis perflauerit, aut aëri nocturno occurrat, uel noctu apertis fenestris dormiat: fugiat etiam humiditas, terrenasque habitationes. Hyemis tempore, dum manebit in uaporarijs, sicut est mos sue patriæ, non operiet caput, nisi operimento quodam leui: & postea, dum exibat, accipiet cooperimentum pelliceatum, cum uel sibus optime suffultis. Vaporaria etiam non erunt ualde calfacta, sed moderate. Cauebit inueni ignem, manere ubi fumus uel puluis aderit. Providebitque, quantum

fieri poterit, ne irascatur, ne uel tristetur, aut aliqua animi molestia multum torqueatur. Coitu raro admodum, & moderato utatur. Mane exercebit totum corpus, ut caleat, & anhelitus fiat magnus, & frequens. Surgat singulis diebus ante ortum Solis, & procuret omnes superfluitates collectas per omnes uias excernere, tum per aluum, tum per urinam, tum per sreatum, & per nares, tum etiam pectinando se, & collum faciemq; panno lineo molliter & suauiter perfricando, & aures donec rubescant: neq; unquam faciem lauet aqua frigida, sed uel desistat à lotionē, uel utatur uino albo: aures etiam quotidie perfricet, & abstergat, similisq; modo dentes etiam abluat, & os uino albo. Quæ omnia ubi mane surgens effecerit, tum ad consueta negotia progredietur. Prandebit itaq; quatuor, aut ad summum quinq; horis, postquam à lecto surrexerit, & nouem uel octo interpositis horis à prandio coenabit, diligentissime obseruando, ne interbibat spatio aliquo intra prandium & coenam: neq; etiam comedat, sed sobrie interim degat, duobus illis tantum temporibus cibis contentus, prandio inquam & coena, alioqui non erit tutus à recidua. Cibaria sint simplicia, cū paucis, aut nullis aromatibus: neq; delectetur ciborum uarietate, sed unico tantum cibo contentus sit: illa enim uarietas corruptionem, crudelitatem, & malitiam humorum generat, unde postea ægritudines oriuntur. Abstineat à carnibus antiquis, & ab his ouis quæ in fartagine uel patella assantur. Abstineat à piscibus, caseo, leguminibus, & auisbus palustribus: olerū etiam usum euitet. Vinum, si fuerit consuetus bibere, eligat pauciferum, clarum, subtile, & mixtum aqua, quod etiam moderatissime bibat. Sed si uini potationi non fuerit assuetus, uel aquam mellis, uel ceruissiam bibere consueuerit secundum patriæ suæ morē, tunc laudarem magis ut prorsus à uino abstineret, & ceruissiam, uel mulsam eligeret. Hæc si rite & diligenter peregerit, uix imaginari poterit, quantum sanitati suæ sint collatura. Si uerò contraria sequatur, etiam medicinis omnibus adhibitis, frustra sanitatem expectabit. Sed ut exacte suæ salutis consilium adhibeatur, pauca quoq; adijciuntur, quæ quicquid in corpore colligitur excrementorum, totum illud excernant. Utetur igitur ter uel quater in mense pilulis infra scribendis hora una ante coenam ad pondus drachmæ. Descriptio talis est:

℞. Aloes optimæ.

Rhabbarbari electi	ana	3	6.
Agarici electi		3	s.
Garyophyllorum			
Gingiberis			
Cinnamomi	ana	3	l.
Rosarum rubearum		3	2.
Myrobalanorum chebulorum		3	s.

Puluerizentur omnia per se, deinde misceantur cum melle rosaceo, fiat magdas leon, de quo singulis uicibus fient pillulæ tres pondere drachmæ, sumendæ ut supra. Præterea laudo, ut in uere, si semel: in autumnō & uere, si bis, mittatur sanguis à basilica dextri lateris. Præterea si his omnibus peractis reliquæ etiam suorum morborum permanserint, laudo ut in parte exteriori utriusq; tibie infra genu per digitos quatuor, cauteria fieri iubeat, quæ uulgo appellantur fontanellæ: efficacissime enim dinertunt à capite. Item laudo ut bis uel ter in mense accipiat bolum optimi Mithridatici pondere drachmæ, additis drachmis quatuor sacchari rosacei, tribus horis ante prandium.

De inflam-

De inflammatione capitis, cum dolore dorſi, ſuppreſſione
menſtruorum, & hec̃tica febre, pro nobili ma-
trona Veneta de gente Cornelia.

Conſilium XXII.

NON tantum uidetur caſus iſte difficilis propter rationem dictam à cla-
riſſimo Doctore, quoniam prolongata fuerit ægri-
tudo, ſed ſunt etiam
aliæ rationes quamplurimæ, quare ſit difficilis cognitu & curatu; quia ſi
naturam ægri-
tudinis conſidero & ſymptomatum, & in cauſas uolo reſ-
ducere, non eſt facilis prouincia. Ideo etſi longiori tempore eſſent conſi-
deranda, niſilominus quantum potui colligere ex hac impro-
uiſa uiſitatione, tam circa
eſſentiam, quam circa curationem, quod mihi uidebitur, dicam. Primo notanda ſunt
ſymptomata quibus affligitur, & proxime afflicta ſuit, quoniam non parum facient ad
cognoscenda præſentia. Conqueritur primo de inflammatione, & grauedine capitis
perſeuerante ſine dolore cum caliditate inſigni, ut referat illa magnū nocumentum ſe
ex illa caliditate percipere, & ita diſpoſitū eſſe, ut à quacunq; cauſa lædente incurrat in
talem inflammationem cum pruritu oculorū & ardore, cū aſperitate cutis. Et dicit etſi
ſe impetiginem quandem pati. Dixit præterea conſueuiſſe excernere pituitam ex na-
ribus, & nunc ſuppreſſam eſſe talem excretionē. Præterea conqueritur de dolore dorſi
maxime circa inſimam partem ſpinæ; reſertq; circa renes non dolere, ſed circa finem
dorſi. Præterea dicit affligi aliquando doloribus ventris inferioris. Habet præterea
menſtrua ſuppreſſa maxima ex parte, atq; ea licet ſint in quantitate diminuta, ſunt etſi
qualitate corrupta, imò aquoſa, pallida, permixta excrementis albis, quibus ſolet etiam
ſana exiſtens affligi. Iſta ſere uidentur quæ potui percipere. Vnum etiam notandum
eſt, quòd ſemper à quocunq; medicamento, dum melius ſe haberet, ita affecta eſt, ut in
febriculam incurreret, & in capitis inflammationem. Hæc ſunt totiſymptomata, ut non
ſit facile cauſas aſſignare. De febricula illa quid dicam? cuius ſit generis, & naturæ;
non uideo quæ poſſimus pronuntiare. Dicam ergo unum. Conſidero ego naturam &
habitum huius corporis. Corpora enim maximam dant occaſionem ad ægri-
tudines
certas ſuſcipiendas, ita quòd corpus aliquod facilius labatur in unam quàm in aliam
ægri-
tudinem. Ideo ex operationibus animalibus, & ex habitu totius, uideo ita optimè
ingenij & diſcurſus eſſe, ut animales operationes ita uègetes ſint, ut dicam ſpiritus te-
nuiſſimos hanc nobiliſſimam iuuenem habere, & calorem tenuiſſimum; quia opera-
tiones tam uegetes non poſſunt aliunde prouenire, niſi quia tenuiſſimos ſpiritus, &
tenuiſſimum ſanguinem habet. Quòd autem talem ſanguinem habeat, & calorem, ac-
cipiendo pro qualitate ſimplici, hinc patet, quòd a deſt caliditas moderata non adiun-
cta ſiccitati, nec humiditati obtundenti; ſed moderata, ita quòd caliditas illa moderata
non habet dominium, nec in ſiccitate, nec in humiditate; quæ ſiccitas iuncta caliditati
facit mordacem, & ſanguis fieret craſſius. Crediderim igitur quo ad temperaturam, &
quo ad qualitates primas, quòd habeat caliditatem moderatam ſine dominio paſſiuas
rum. Quo ad habitum corporis credo, quòd ſit raræ texturæ, ut ex mollitie carnis ap-
paret, quæ conſequitur prima principia, quia molles carne apti ſunt mente. Et hac de
cauſa pueri molles ſunt, quia ſunt raræ texturæ, tenuium ſpirituum, facile alterabiliū,
& ſanguinis renuiſ. Talia ab omni cauſa extrinſeca, & ab intrinſeca læduntur. Præ-
terea habet hoc corpus, ut apparet ex auditis, hepar excedens à temperatura aliorum
membrorū etiam pro merito complexionis totius: ideo dicendum eſt calidū, & ideo
facillime inflammatur propter calorem non conuenientem temperaturæ. De uen-
triculo an ſit temperaturæ frigidæ, cum abundet pinnita multa, & de capite etiam,
an quia ratione frigiditatis cerebri excrementa non poſſint diſſolui per halitum, uel
conſici, uel ratione alimentis proprij, uel ratione uaporum aſcendentium, difficile eſt
iudicare. Tamen credo quòd temperatura cerebri optima ſit, quia operationes optimas
& ſanas

& sanas efficit. Et ideo cum operationes eius sint ualidissimæ, temperatura etiam ualidissima est: & propterea si laborauit coryza à naribus, fuit ratione membrorum inferiorum mandantium. Et quia pituita in uentriculo generata est, siue modo per os, siue propter uictum delicatum, & fructus, & propter cibaria diuersa, & ratione obiecti prauis, & intempestiue sumpti, ratione frigiditatis fuit, quæ non impedit appetitum, imò aliquid facit ad appetitum. Et cum hepar calidum sit, non impeditur concoctio. Bene ergo merito suæ temperaturæ potest id contigisse, quod ad frigidum dedisnet, & operationes non sint læsæ: præparauerit tamen ad ægrotudines frigidas, & ad præparandum pituitam apta sit, & ab extrinsecis omnibus læditur, hoc forte non est ab re: quia nobilissima mulier hæc non est multæ carnis, & hepar calidum habet: & ferè semper cum caliditate hepatis est frigiditas uentriculi, quia omentum, cuius munus est detrudere calorem innatum uentriculi interiori, propter caliditatem hepatis absumitur pinguedo, & uentriculus fit frigidus. Præterea habet musculos abdominis graciles, quia, ut relatu est, percipitur motus arteriæ è directo spinæ: exiles ergo erunt musculi uentris. Sed ubi est gracilitas illa, uentriculi frigiditas est. Si ergo spiritus tenues habet cum raritate texturæ, cū caliditate hepatis, frigiditate uentriculi, uidemus corpus præparatum ad ista nocumenta, quibus affligitur. Ex ijs soluitur prima dubitatio, cur facile in febriculam incurrat, & inflammationem capitis ex pharmaco: hoc est, quia proprium est pharmaci attrahere à circumferentia ad centrum, in qua attractio ne agitatio fit: & cum humores agitantur, spiritus tenues facile eleuantur, & humores facile putrescunt. Ideo post euacuationes perpetuo inflammatur. Et licet non fuerit inflammata ab illo pharmaco exhibito à Papiensi, hoc potuit esse, quia inuenit humores præparatos ualde, & uias apertas: ideo facillime quos mouit, eduxit, & nulla fuit facta agitatio. Sed ubi humorum attractio facta non fuerit, eorum omnium qui moti sunt & agitati, ut ex pharmaci debilitate, uel quia uia non sint apertæ, & humores non sint præparati, uolenta fit tunc attractio: ideo in talibus corporibus fit accensio talis. Patet etiam cur facile inciderit in menses alba, & retentionem ipsorum. Talia corpora quæ habent calidum hepar & frigidum uentriculum, obstructionsibus maxime parata sunt, quia hepar ualide attrahit humores frigidos & pituitosos, quos aggregat uentriculus frigidus. Facile autem pituita obstruit, & sanguis intercipitur, & natura sepe pituitam liquidiorē expellit, & ita apparent alba & diuersa, pro diuersitate temperaturæ, ut lædatur ab omni nocumento extrinseco, quia tenuium spirituum est. Ideo quando nubilis erat, sana degebat: postquam autem coniuncta fuit uiro iuueni ac fortis, non amplius sana est: hoc accidit mulieribus istis imbecillibus facile alterabilibus ad quemcunque terminum, & maxime cum uir fortis est, quia spiritus ualde resolubiles, resoluti fuerunt per commercium uiri. Ideo habuit corpus præparatum ualde ad hæc ægrotudines. Et ita ex occasione huius temperaturæ omnia contigerunt symptomata, & quæ patitur habent easdem causas. Inflammationem capitis habet sine dolore, quia raritatem texturæ habet, & vapores tenues: ideo mala temperatura non potest fieri, quia euaporant: & quia non extendunt, non fit solutio-continui, ideo nec dolor, quia ab his duabus causis fit dolor. Grauitatem percipit, quia humores aliqui frigidiores permanent, quia non exhalant omnes. Percipit mordacitatem & pruritus oculorum, propter exhalationem multorum uaporum tenuium. De dolore dorsi causa facilis est: quia sanguis pituitosus, cum descendit ad renes per uenas deferentes, aut cauiam ad matricem, in delatione illa cum transit per angusta loca, uentofatur: uentofatur autem per admixtionem pituitæ, & facit dolorem in fine dorsi. Etiam circa uterum causatur dolor, quia cum uentofatur materia illa circa membrum sensibile admodum, facit dolorem in uentre inferiori. Sed remanet difficultas una, quam consulo hætenus omisi: habet enim febriculam, ut patet ex pulsu, qui nec secundum magnitudinem, nec frequentiam, aut secundum mensuram seruat propriam naturam. Ideo posset queri, quomodo febris hæc perseverans à cholera vitellina putrescente, ut suppositum fuit, tamdiu perseverauit, ut iam mensis sit cum dimidio, & secuta non sint plura accidentia: quia

quia cum febris perseverans in corpore, multa sequuntur accidentia. Et Avicenna in cap. de febre phlegmatica dicebat, quod cum phlegmatica febris pertransit 14. diem, membra naturalia debilitantur: ideo exhibet ipse transacta 14. die trochiscos, quia uirtus concoctrix & appetitrix debilitatur, fiunt obstructions, & hypochondriorum tensiones, intumescunt sæpe pedes. Ista autem magnifica Domina appetit, concoquit, bene dormit, & tamen continue febricit: & supposuimus omnino ex humoribus putrescentibus intra uenas provenire. Præterea si tangatur pulsus, uidebitis uelocitatem & frequentiam maiorem esse, quam inæqualitatem: præterea non uideo pulsus remotum à tensione, & à duritie. Quantum uero attinet ad illam perceptionem caliditatis, ubi manum diutius imprefferitis, quoniam ego non tetigi eam, de eo quid dicam, habeo nihil. Illud tamen uerendum est, ne post cibum inflammetur, cum sit signum proximum & pathognomonicum, ut Galenus & Avicenna dicunt, febris hæctica, quia omnes spiritus incallescunt. Est ergo mirum, cur incalescat post cibum, & ibi non sit febris habitudinalis. Diceret aliquis, etiam ante cibum incalescit. Non est mirum, quia potest esse febris interpolata, habens periodos, quamuis fixam habeat febrem. Si diceretis, non est marasmatum: si autem haberet fixam febrem, magis extenuata esset. Dico quod non est ita malus Diabolus: imò facilius curatur ista prima species, quam illa quæ ex putredine humoris cholerici à cholera uitellina fit: nulla est ita difficilis. Imò Galenus li. 10. meth. med. & sæpe ubicunque curat hæcticam post febres ephemeræ, facillime curat eam, dum est in primo gradu, non dico cum pertransiuit ad marasimum. Ideo suspicor quod sit febris hæc habitudinalis: nec certo statuo, quin sit aliqua febris in habitu: itaque non solum indiget corpus hoc euacuatione, cum in eo sit inæqualitas membrorum, & suspensio menstruum, sed etiam alteratione. Et credo quod à principio putredinalem febrem habuerit, & cum medicinis fuerit leuata: sed remansit febris aliqua in habitu, facileque potuit inflammari tale corpus, cum sit spirituum tenuium, texturæ raræ. Imò uult ibi Galenus, quod ubi perseverauerit ephemera per tres dies, & non pereat typus, dicas ipsam transiisse ad hæcticam: ideo leuiori coniectura utitur Galenus, quam nos utamur. Ideo non solum euacuatione, sed alteratione etiam indigebitis. Et propterea dico, quod in habitu totius corporis est febricula hæc fixa, non tamen mala, quin possit curari, & facilius, quam si esset putredinalis. Et credo, quod habuit putredinalem febrem, quæ sublata fuit ex euacuationibus, permansit tamen feruor aliquis. Talem ergo crediderim esse naturam febris, & complexionis. Ex his patet consequenter, quid futurum sperem: si uerum est, corpus hoc ita facile alterari ad quencunque terminum, licet ponam secundum habitum caliditatem esse, cum illa sit in primis humilitatibus, & leuis, facile remouibilis est. Neque absolute intelligendum est dictum Avicennæ, quod difficillime cognoscatur cum sola est. Bene difficilis cognitionis est, cum alteri febrī putredinali coniuncta est, & tunc difficillime cognoscitur, facillime tamen curatur: imò credo quod facilius curetur quam tertiana. Credo etiam, cum adsint obstructions in corpore, quod inde humores facile putrescibiles putrescunt, & sit typus. Minera autem putredinis ubi sit, quia dicit Gale. 2. de diff. feb. febres quæ habent periodos, non habent ita humores paratos, ut natura faciat putrescere hodie unam partem, cras aliam, sed membrum superfluitates aggregat, ad membrum debile expellit eas, & illa dicitur minera. Et exemplificat de inflammatione oculorum, & inquit, quod oculus affligitur periodice, cum aggregatur in capite materia, & ad oculos transmittitur. Unde etiam contingit, quod in febre hepar, uel aliud aliquod membrum aggregat superfluitates, & secundum periodos expellit eas, & ita fit periodus. Ita etiam credo, quod in utero aggregat superfluitas, & partim per foramen expellitur: & superfluitates etiam in superioribus partibus sunt, uel etiā in uenis supra hepar, & ab intra ad extra expelluntur, & putrescunt in uenis etiā, & ideo periodicat: & quia humores illi expurgantur, cessat periodus. Istud est quantum ad ægritudinē attinet, & quo ad hoc credo quod facile curabitur, nec debemus deterreri, licet dixerim hæcticam febriculā esse. Cū quibus autem ingenijs & instrumentis: Cū hic sint obstructions, & suppressio

menstruorum, ijs providendum est: postea si factis istis aliqua supercalefactio in corpore fuerit, alterabitur. Primo ergo aperiendae sunt obstructions uteri, & omnes tandem. Secundo alterandum est membrum. Aperiantur autem obstructions euacuando humores qui obstruunt, incidendo, subtilizando, & abstergendo; utrumque enim necessarium est. De phlebotomia non dixerim denuo repetendam esse, quia maturata est, & tunc fieri debet cum principium est aegritudinis. Quid autem nunc facere debeamus, consulendum est. Ego quidem sum concors cum suis Medicis, quod materia concoqui debeat cum aperientibus & incidentibus ac abstergentibus, & euacuari taliter, ut simus memores huius temperaturae & texturae, nec unquam rhabarbarum transcamus. Agaricum autem fugeres tu; minime, quia dixit Mesue, familiarissimum esse naturae; & Dioscorides dixit, quod corroborat uenter & cor; & dat eandem dosim de agarico, sicut de rhapontico; ita rhabarbarum appellatur ab ipso. Est autem infamis quadam tenus propter suam leuitatem, quia supernatat. Possumus autem corrigerere ipsum, addendo aliquid quod aggrauet, sicut salgemma; & duo corrigit: Vnam quod est tarde solutionis; Secundo, facit ipsum grauitatem habere, ut descendat commodius ad fundum uentriculi. Melius autem corrigitur quam cum sale, si rhabarbarum & aloen, quae grauitatem habent, misceamus: societas haec fidelior est, quam fuerit triumuiratus Lepidi, Marci Antonij, & Octauiani. Ideo placet mihi compositio ex aloe, agarico, & rhabarbato; & crederem quod aperirent obstructions, & corroborarent membra. Sed diceret aliquis, in rhabarbato adest stipticitas, & in aloe, quomodo igitur aperientur obstructions? Credo uos uidisse Galenum in 3. & 5. de simpl. med. ubi ait: Cum uolumus bene aperire, cum re aperiente debet aliquid esse quod adstringat. Ideo absinthium optime aperit, & stipticitas eius adiuuat ad penetrandum, & est tanquam manus aliqua impellens. Et exemplificat de oleo rosaceo, quod magis humectat corium, quam oleum simplex, quia stipticitas olei rosacei adiuuat penetrationem, quod non faceret oleum simplex; & ita non debemus detereri substantia rhabarbari. Iuuabit igitur, quia transit per uenas, quae non sunt strictae, sed amplae. Bene exterius non aperiret absinthium, quia poros cutis, qui sunt stricti, non transiret; hoc autem facit farina fabarum, nitrum, succus limonum; interius autem timerem exhibere haec tria. Syrupum etiam laudo de cichorea cum rhabarbato, sine alia additione rhabarbari, quia in singula uncia syrupi ingreditur scrupulus unus rhabarbari. Ideo satisfacit ista portio, quae ingreditur ipsius compositionem. Syrupus etiam acetosus compositus optimus est, & si timeremus nimiam eius incisionem, quoniam humores facile incisibiles sunt, essem contentus acetofo simplici, melle rosaceo, syrupo de betonica cum aqua distillatis, uel cum decoctionibus, quia ex eo simplici pauca aqua elici potest: uel cum aqua cuscutae, endiuiae, boraginis, ut fieret preparatio & incisio. Nec statim totum euacuarem, sed paulatine digerem, & paulatine euacuarem, & facta una iterum redirem ad aliam. Postea si euacuatis humoribus remaneat caliditas in membris, qua timeo quod sit impressa caliditas, quoniam alterabilis admodum est, tum procederem non cum exterius refrigerantibus, sed cum interius, cum zucharo rosato simplici & nouo; deinde linirem corpus totum cum oleo rosaceo, factis prius frictionibus; leuiter enim refrigeraret, & penetraret, & si esset exiccatum humectaret. Sed ante omnia prouiderem, ut habeant exitum menstrua, & a leuioribus inchoarem, & circa uterum inciperem, factis prius euacuationibus cum decocto camomillae, liliorum alborum, cum modico anethi, propter penetrationem maiorem, & pessarium facerem ex oleo maioranae, uel alio odoramento in coto uel bombyce, cum menstrua instant. Factis euacuationibus procederem cum frictionibus circa coxas, & applicatione uentosarum intra coxas, siccas applicando. Vtrum modo balnea conueniant, cum fuerint omnia facta: Credo quod non erunt necessaria, ideo excellentissimus Doctor proposuit sub dubio: quia timerem supercalefactionem. Et hac uia procedendum.

De intemperie humida cerebri, & præseruatione dentium à nigredine & putredine, pro puero nobili Germano.

Consilium XXIII.



Ria à nobis requiruntur. Primo, cum cerebrum & caput suapte natura ualde humidum sit, ad temperiem magis æqualem quomodo reduci possit. Secundo, quomodo dentes ad putredinem nigredinemq; proclives, præseruari & custodiri possint. Tertio, utrum dentes qui iam ad nigredinem & putredinem deducti sunt, possint uel arte uel natura restitui. Ad primum quæsitum respondemus, cerebrum posse ad maiorem æqualitatem traduci, ablata superflua humiditate, non solum arte, sed etiam natura. Constat enim pueros omnes humidioris esse cerebri, & postea in ætatis incremento exiccati magis, & ad æqualitatem quandam peruenire. Habebit igitur & istud nobilissimus puer, quod beneficio ætatis in melius uerget: sed non propterea ars ociosa esse debet in adiuuanda natura, præsertim cum illa cerebri humiditas eo deuenerit, ut multorum incommodorum causa fuerit. Hactenus autem non desuimus consulendo, credoq; curatores suos, quæ probauimus ante, uidelicet, ea quæ moderate exiccant, adhibuisse: ut tamen magis ac magis optatum finem consequi possit, nunc quoq; pauca dicemus. In ratione uictus præcipuam perseverantemq; curam adhibere debemus, sine qua recte nihil fieri potest. Post reliqua ær est præcipue obseruandus. Ideo animaduertendum, si quandoq; in Germaniam accesserit, nam certo accessurus est, ut caueat ab intensa frigidityte & humiditate æris, eligatq; loca, quæ minime de his qualitatibus participant: & si cogatur in tali ære manere, caput suum aliquo cooperimento muniat, & utatur odoramentis calidis & siccis, sicut est suffumigium ex storace, belzuino, decocto garryophyllorum, corticum citri in aceto & aqua rosata, ac pluribus huiusmodi. Circa potum caueat à potationibus, & uino potenti: hæc enim maxime replent caput, & calorem innatum extinguunt. Fugiat uentriculi cruditates, utaturq; uino simplici & moderato. Et quisnam cibus esse debeat, iam frequentissime illi præcepimus: neq; enim à laudabilibus carnibus est abscedendum, qualis est uitulina, hædina, pullorū, & animum campestrium, caponum senum: oua sorbilia, & fercula ex hordeo, oryza, panico, condecuntur. Cauendum est ab oleribus, piscibus, à lacticiinijs & leguminibus, à rebus frigidis, & fructibus quantum fieri potest: hæc enim omnia cruditatem habent, caput replent, humoremq; excrementitium efficiunt. Hæc in ratione uictus seruari debent, ut caput ad æqualem temperaturam reduci possit. Quantum uerò ad medicamenta attinet, optimū erit si his singulis annis purgabitur, uere inquam & autumnō. Purgatioq; sit talis:

℞. Aloes optimæ

3 4.

Detur per unam horam ante cœnam, Postridie incipiat sumere infra scriptum syrupum per dies septem:

℞. Syrupi de betonica

De sirocade ana 3 1.

Decoctionis	{	Saluæ	factæ in aqua melissæ	3 4.
		Maioranæ		
		Betonicæ		

Misce pro uno syrupo, & sic pro alijs. Ultimo pillularum cochiarum 3. 1. uel indarum, uel confectionis hamech cum zucchero in bolo, aut in haustu, in decocto betonicæ, prout illi placuerit: detur in aurora cum custodia. Hæc satis sint pro euacuationibus. Spatio uerò quod est inter ambas purgationes, utetur semel tantum in septimana hora una ante cœnam 3 1. aloes optimæ in pillulæ formam redactæ: ac præterea sapissime accipiat mane myrobalanum chebulum conditum in Oriente: erit enim efficacissimum remedium ad exsiccandum cerebrū, corroborandumq;. Præterea utetur

E

lotionibus

lotionibus capitis singulis septimanis semel tantum, quæ sint ex lixiuio dulci, factio ex fermentis uitium, uel ligno salicis quantum sufficit, maioranæ, saluiæ, betonicæ, rofarum rubearum, ana \mathfrak{M} . 1. Agarici 3. 1. Decoquantur omnia in prædicto lixiuio, & cum hoc caput abluat, deinde moderate siccando extergatur cum pannis moderate calidis; abluatur uespertinis horis ante coenam, ita ut non amplius in ærem exeat usq; ad sequentem diem. Item gestet continue in manibus poma odorata arte confecta, & poterunt esse huiusmodi:

\mathfrak{R} . Seminum nigellæ	3	4.
Garyophyllorum		
Nucis muscatæ ana	3	ij.
Storacis calamitæ optimæ	3	4.
Laudani electi mollis	3	2.
Musci		
Ambræ ana	3	1.

Cum mastiche & colophonis dissolutis secundum artem, admiscendo aquam roseam, & oleum aromaticum garyophyllorum, uel cinnamomi, fiat pomum, & utatur ut supra. Hoc quantum ad cerebri temperiem inducendam, quod primum fuerat à nobis propositum. De secundo, de præseruatione dentium à putredine & nigredine, erit sciendū primo, quæcunq; diximus ad cerebri temperaturam corrigendam, maxime etiam facere ad dentium præseruationem, si modo credimus, sicut credendū esse arbitror, dentes & nigrescere & putrescere ab excrementitia cerebri humiditate: erunt tamen nonnulla localiter adhibenda, ut dentes præseruentur. Quamuis multa iam præcepimus facienda, nihilominus addentur quoq; alia quædam, ita tamen, ut ea, quæ hæcenus instituiamus, non propterea contemnantur: unumq; erit quod præstantissimum iudico tum ad abstergendos mundificandosq; dentes, tum etiam à putredine conseruandos, quod eiusmodi est:

\mathfrak{R} . Olsium dactylorum	3	2.
Coralliorum rubeorum	3	1.
Farinæ lupinorum	3	3.
Scillæ assatæ	3	6.
Radicum iridis	3	3.

Contundantur contundenda, & omnia misceantur cum optimo melle, deinde fiant trochisci parui, & exsiccentur in umbra: postea usus tempore dissoluantur uel in aceto scillitico, uel in uino albo, uel in decocto ramorum lentisci cum uino, & cum eo liquore abluat singulis diebus mane dentes, & foueantur, tenendo in ore istū liquorem, in ea maxime parte, in qua putrescunt dentes: sed prius diligenter fricentur panno albo, subtili, mundo. Et si uidebuntur gingiuarum quandoq; nimis ruberæ, liuidæ, uel tumentes, scarificentur mane, ita ut inde sanguis exeat, qui exprimitur diligenter & exposatur: postea in ore teneat uinum nigrum calefactum, in quo saluia, rosa, & balauista decocta fuerint. Aliud dentifricium optimum:

\mathfrak{R} . Corticum olæ, am combustorum & puluerizatorum	3	3.
Vernicis seu Sandarachæ	3	4.
Radicum iridis	3	2.
Radicis Aristolochiæ.		
Gentianæ		
Centaurij maioris ana	3	2.

Terantur omnia per se, deinde misceantur, & excipiantur cum oxymelle scillitico, fiant trochisci parui, & postea tempore usus fricentur dentes cum illis, & lauuentur dentes cum aceto scillitico, uel dissoluantur isti trochisci cū uino, & fiat sicut supra dictum est. Aliud præstans remedium, quod dentes mirum in modum abstergit, & à putredine præseruat, prius frictis dentibus, sola gutta liniat dentes oleo uittoli, & postea perfricentur cum panno asperiori, statim enim decidunt sordes per plurimum

mun temporis collectæ in eis. Si haberi etiam posset cedria, optimum esset ad eundem usum. Quod si haberi non poterit, loco eius utatur oleo per artem destillato ex uernice seu sandaracha, hocq; idem præstare poterit quod cedria. Quantum ad tertium, non uidemus dentes euulsos aliquo pacto uel artificio refici posse, sicut & alias affirmauimus.

De imbecillitate cerebri cum uertigine & catarrho perpetuo, pro
Matrona & Comite à Driehristain Germana.

Consilium XXIII.

Illustrissimam Dominam primò esse imbecillis cerebri constat ex uertigine, quâ tot annis perpetitur: ex perpetuo catarrhi defluxu: ex eo quod accidit, ubi se bis inuenterit, uideri sibi omnia concidere. Hanc imbecillitatem tantummodo in cerebro ortum habere, an aliunde fieri, posset aliquis dubitare. Cum tamen tam diu perseverauerint accidentia, quæ multis etiam remedijs hæcenus non potuerunt tolli, in ipso cerebro læsionem esse probabile est. Non tamen fieri potest, quin & à uentriculo, & à toto corporis ambitu augeantur cerebri affectus. Nam quamuis propter capitis destillationem, tum ad uentriculum delabentem, tum per neruos & uertebrae ad singulas partes corporis deriuatam, languor ille uniuersalis, & uentriculi affectus generari possint, tamen sit inde circulus: nam ubi semel affectio in inferioribus partibus generata fuerit, cerebro quoq; communicabitur. Iam ergo neq; cerebrum omnino sine inferiorum consensu, neq; inferiora sine cerebro affici puto, sed sibi inuicem utraq; simul mutuo labefieri. Hinc perseverantia egritudinis, & curationis difficultas, omnibus scilicet membris affectis, & præcipue principalibus, quæ sibi æqualiter cõmunicant affectum. Si uerò à me quærat, quæ nam imbecillitatis causa sit, credo ad frigidam intemperiem esse referendam, ex perpetua destillatione & perseverantia, & longitudine morbi, ex tarditate & segnitie accidentiũ. Neq; dubium esse potest, hanc intemperiem frigidam cõpiæ materiæ congeneris, frigida: scilicet & humidæ copulari. Non tamen hoc corpus priuari atræ bilis abundantia crediderim: nam calida hepatis temperatura, & habitus corporis, & amplitudo uenarũ hæc facile possunt ostendere: quæ ubicunq; adfuerint, si postea adiungantur curæ, & molestiæ, & animi accidentia, & longæ ægritudines afflictae, & ætas iam declinans, fieri non potest quin sibi melancholicus humor redundet, atq; inde deteriores diuturnioresq; fiant uertigines, inde etiam quandoq; tremor cordis. Ergo si curari uoluerit illustriss. D. à tam longa tamq; pertinaci ægitudine, quæ fundamentũ habet, & firmam sedem in membris etiam principalibus essentialiter affectis, & sibi inuicem ad maleficiũ, consentientibus, cum accessione quoq; peccatis morum humorũ, pituitæ inquam destillantis, & atræ bilis euaporantis. Si ergo curari uoluerit illustriss. D. indigebit procul dubio plurimo tempore, diuturna perseverantia, & pertinaci patientia, obediendo fidelibus medicorũ consilijs, neq; ab illis recedendo, donec integram sanitatem fuerit consecuta: alioqui si parũ confidat & desperet, & tardum euentum nunquam futurũ putet, medicamentaq; opinetur nihil propterea cõferre, quia sero curant, profecto immedicabilem prorsus reddet ægritudinem, & dum sæpe ad uaria medicorum consilia, & uarias opiniones se conferet, in nullo proficiet. Quod ergo primum præcipimus illud est, ut proponat morbũ habere longum & diuturnum, qui etiam longa indigeat curatione. Hoc ita supposito, primo deliberabit, & enixe studebit illustrissima D. ut in ratione uictus moderatissima sit: cœtæq; in primis ab omni aëris excessu, cerebrum enim imbecille præcipue ad aëris omnes iniurias exponitur: & quamuis frigiditas in hoc casu maxime aduersa sit, non tamen propterea calori tuto occurret: nam licet frigiditas augeat, deterioremq; reddit intemperiem, ita calor colliquat humores, calorem resoluit, & uires exhaurit. Studendum igitur est

quam maxime, ut aërem eligat temperatum : ideo ab omni flatuum genere, & a pluujs, a niue cauebit, & ætatis tempore in feruente sole non ambulabit, neq; immorabitur. Germanica etiam uaperraria non adeo placent : qui enim in uaporarijs degit, semper in extremis uersatur, uel nimio scilicet calore, uel nimio frigore. Caput munit operimentis, quibus ita se ab aëris iniuria defendat, ut non tamen grauetur. Hoc etiam loco laudo, ut semel saltem singulis septimanis caput abluat, scilicet horis uespertinis, post solis occasum, ut possit post capitis lotionem tota subinde nocte se intra cubiculum proprium commodè continere, neq; se aëri exponere: eritq; lotio huiusmodi. Sumatur lixiuium ex sarmentis uitium, quantum sufficit ad unicam capitis lotionem, atque in eo decoquantur maiorana, lauri bacca, pulegium, calamentum, ocimum cum seminibus, & agarici electi confusi, & ligati in petia 3 2. addaturq; uini pars tertia ad lixiuij mensuram, & tunc omnia decoquantur ad consumptionem quartæ partis, postea fiat expressio, & colatura, & cum hoc lixiuij lauatur caput cum aliquo sapone odorato. Ex hac enim lotionem mirum in modum caput corroborabitur, quæ si conferre uis debetur, laudo ut bis in septimana repetatur. Præterea mirum in modum placet, si pomum habeat odoratum, quod assidue manibus teneat, & odoret. Pomum erit talis descriptionis:

℞. Ladani electi, & pinguis	3	℥.
Styracis pinguis		
Belzoini ana	3	℥.
Garyophyllorum		
Cinnamomi		
Nucis muscatæ		
Seminum nigellæ ana	3	2.
Olei de garyophyllis odorati	3	℥. s.
Gummi tragacanthi		
Masticis ana	3	2.

Dissoluantur gummi in aceto rosaceo, postea omnibus simul compositis secundum artem fiat pomum, additis in fine, moschi, ambræ, ana gr. 10. Seruetur hoc pomum, & odoretur, ut dictum est. Ad idem quoq; conferet, si perpetuo in cubiculo, in quo dormit, & uersabitur, fiat suffumigium infra scriptum,

℞. Ligni aloes		
Belzoini		
Styracis ana	3	℥.
Sandalorum citrinorum	3	4.
Thuris masculi	3	℥.

Excipiantur omnia cum gummi tragacanthi dissoluto in aqua rosacea, & fiant trochisci parui pro suffumigio. Præterea operimenta capitis sint, quam maxime fieri possit, candidissima, & caueat, ne sordescant humore capitis: perpetuoq; præcipue in hyeme, antequam applicentur capiti, calefiant, & apud ignem exsiccentur, deinde suffumigentur odoratis aromatis, & sic capiti imponantur. Circa cibum & potum, primo, si uino fuerit assueta, a uino non discedat, sed eligat limpidum, non multum potens, colore albo. Si uero sit assueta ceruisiæ, ad uinum non accedat, ceruisiam tamen eligat sine lupulis: lupuli enim summopere replent caput. Unico etiam cibo contenta erit, & multitudinem epularum tanquam pestem euitabit, & mihi credat, nihil magis illi perniciosum fore, quam eduliorum uarietatem: hoc præcipue admoneo & obtestor, & repeto, tum quia ad curationem maxime suam refert, tum quia nouerim nobis lium & præditum hoc esse uitium peculiare, ut copia & diuersitate epularum maxime delectentur, sitq; illis honori & ambitioni relatum, quod in perniciem & mortem uertitur. Ergo cauendum moneo, ac præmoneo, a ciborum diuersitate. Unicus autem cibus sit facilis concoctionis, & optimi nutrimenti. Talis erit, primo panis purissimus tritici, optime fermentatus, carnes hœdinae, castratorum iuuenum, uisulorum lactentium, pullorum,

pullorum, perdicum, phasianorum, aucularum parvarum montanarum: à reliquis carnibus abstinendum consulo. Oua foribilia recentia congrua sunt: quandoq; rarius tamen, pisces saxatiles, ita tamen, ut si pisces comederit, nullum præterea cibum admittat. Abstinebit à fructibus, ab omni acetariorum genere, præcipue ex crudis herbis, à lacticijs, à pastilibus, & ab his quæ in sartagine friguntur. Cauebit etiam facietatem: his tantum in die comedat, neq; omnino bibat inter coenam & prandium. Euitabit animi accidentia quam maxime poterit. Exercebit corpus horis matutinis, uel ambulando, uel equitando, uel intra domum aliquo familiari exercitio incumbendo. Non dormiat ultra horas octo, maneq; circa exortum solis exurgat, neq; comedet nisi post horas quinque, cauebitq; omnino à meridiano somno. Studebit quotidie excrementa alui reddere, quæ si forte defuerint, ea prouocabit usu aloes, cuius scrupulumumat hora ante coenam, quotiescunq; dicabit necessitas. Hæc sufficiant ad uictus rationem, in qua potissimum studiū ab illustrissima sua D. ponendum est, & in hoc potissime curatio huius morbi consistit. Quantum uero ad medicamenta attinet, laudo ut bis in anno totum corpus expurgetur, uere scilicet & autumno, poteritq; purgatio esse huiusmodi:

℞. Specierum hieræ simplicis	3	2.
Floris cassiæ	3	1.

Cum saccharo fiat bolus, sumendus hora una ante prandium. Sequenti die syrupum huiusmodiumat:

℞. Syrupi de stœchade		
De betonica	ana	3 1.

Decoctionis corticum citri, addita portione garyophyllorum in aqua endiuæ

Misce pro uno, sic pro alijs usq; ad septimum. Deinde

℞. Confectionis hamech	3	4.
Syrupi rosati solutiu	3	3.

Misce, & fiat potio cum aqua betonicæ sumenda in aurora cum custodia.

Item;

℞. Sacchari rosati	3	2.
--------------------	---	----

Sumat semunciam ante prandium & coenam per duos dies post assumptum phar-macum, quod quidem tam autumno, quam uere repeti poterit. Laudo tamen ut uere mittatur sanguis à uena basilica lateris dextri, uel à saphena pedis dextri, si forte mens-trua defuerint, tempusq; mittendi erit post duos syropos assumptos. Item laudo, ut frequenter, necessario etiam, quotidie mastichen mandat, expuatq; saliuam; quod si quoq; eandem mastichen deglutiuerit, non erit importunum. Quandoq; etiam masti-ches loco mandere poterit frustulum nucis muscatæ, uel tantundem radice zedoariæ, uel folia dictamni Cretensis non exoluti, si haberi poterit. Præterea hora decubitus, si in aurem utramq; iniecerit oleum odoratum ex garyophyllis, uel oleum nucis musca-tæ, quod ex Lusitania defertur, si haberi poterit, non fuerit inutile. His omnibus per-actis, si non succedat euentus, quemadmodum cupimus, laudo ut cauteria fiant in utro-que crure, in utraq; parte extrinseca, per quatuor digitos infra iuncturam, & dimit-tantur aperta saltem per annum integrum, & diutius quoq; si oportuerit,

Quod si etiam tales aquas habere posset, & stillicidium ab eis sumere, quales sunt nostræ Apponenses, crederem mi-rifice esse profuturas; si modo & suo tem-pore, & post debitas purgatio-nes cito exhibeantur.

De uertigine: pro clarissimo Senatore Veneto; Magnifico
Domino Bernardo Nauagerio.

Consilium XXV.



Clarissimi Domini, sicut mihi uidetur, in quolibet colloquio, quod sit inter medicos, duo debemus euitare. Primo, ne in colloquio discedamus a scopo, quem intendimus. Secundo, ut habeatur ratio eorum cum quibus loquimur. Ne ergo in tales errores incidamus, reminiscemur scopum quem intendimus: ut scilicet, sanemus & recte consulamus symptomata & affectibus, secundoque cum doctissimis Doctoribus sumus locuturi, materiae non sunt disputandae, sicut in scholis. Quia igitur hodie sumus locuturi de quibusdam cerebri affectibus, qui fuerunt etiam hoc anno declarati in scholis: propterea nunc procedemus tantum per quaestiones quasdam cum illis sufficienter, qui audierunt ea quae diximus publice legendo. His ita propositis: Cum non possimus curare affectus existentes in hoc Magnifico domino, nisi exquisitissime cognoscamus ipsos: & quia cognitio nostra incipit ab ijs, quae apparent, primo considerabimus symptomata recitata ab ipso, quae oportet explicari diligenter. Conqueritur iste clarissimus Dominus de pluribus, & quia olim fuit Consul in Dalmatia, & dum uersaretur circa negocia, & circa lites, propter laborem cerebri, inquit se incidisse in imbecillitatem cerebri: & cum postea Venetias accessisset, & mala etiam ratione uictus uteretur, & studio literarum incumberet, iam menses aliquot sunt, ex quibus inuasit eum hoc symptoma, ut uideretur cadere in terram, & cecidisset, nisi fuisset adiutus, & hoc habuit saepe. Sed postea quam sibi consuluit, non sunt uisa perseverasse, nisi quod iam quatuor menses sunt, in quibus cum quibusdam circumuolutionibus laboraret, & uideret circumuolutiones illas, cogebatur sedere. Nunc uero cum sedet, patitur: cum uero surgit, cessat. Haec autem circumuolutio non est cum uertigine multa, nec ita immensa, ut uideatur cadere: sed eam circumuolutionem patitur, ut uix possit scire, an circumuolutio sit, adeo breui tempore perdurat. Dum autem inuadebat eum, iam sunt nonnulli dies, circumuolutio ipsa, inflammabatur facies, & iam a duodecim diebus inflammatur. Et uidi ego ipsum insigniter inflammatum cum leui sudore circa faciem, & cum ambulabat, cessabat: nunc cum rubedine liuida circumuolutionem patitur leuem sine causa, & cum ambulat, cessat, nec audimus pati symptomata, alioqui perseverarent in capite aliqua praeter naturam. Sensus autem omnes, tam interiores quam exteriores, habet acutissimos, & dum percunctamur ab ipso, an percipiat in uentriculo aliquid, dicit percipere ructationes. Sed alia symptomata sunt aduertenda, quia inquit quod postquam haemorrhoides fuerunt apertae, apparuerunt pustulae quaedam, & ab ipsis mirum in modum laesus est. Praeterea inquit, dum iacet, ut pedes suspendantur, nunquam inuadere ipsum symptoma, cum multum remanserit: dum autem pedes super terram figit, symptoma inuadit. Quantum autem attinet ad excrementa, quo ad urinam, non est secundum naturam, tum quo ad colorem, tum quo ad residuum: quia color magis fuluus est: nec habet colorem illum palearem, qui indicet bilem esse concoctam, ut inquit Galenus. 6. de uena sanitate, ubi dicit: Cum bilis concocta est, in colorem pallidum transit: cum cruda, rufa est. Et Auicenna secunda Fen inquit: Urina aurea arguit in corpore redudare plus bilis, quam oporteat. Habet praeterea urina haec subliditiam indicantem adhesionem, & arenulas subrubeas. Excrementa autem per alium nigra sunt (ignoro tamen an omnia talia fuerint) cum ampullis, & tumida sunt: & tetigit hypochondrium dextrum, & percepi tensionem cum flatibus. Haec sunt quae praeter naturam uisa sunt consideratione digna, tam symptomata, quam actiones laesae, quam excrementa mutata, quia haec indicant affectus interiores. Inuestigandi ergo sunt intrinseci morbi, a quibus proueniunt talia symptomata. Sed quia ordinate debemus procedere

procedere in diuisionibus, ut sciamus lapsum præter naturam, ad moderanda medicamenta, & ad præfagiendum maxime facit, si sciuerimus temperaturam totius corporis, omiſſa pro nunc ſingulorum membrorum temperatura. Et proculdubio plus redundat in iſto Magnifico uiro, & plus redundauit calidi, quam frigidi: & ſecundum qualitates actiuaſ per calidum uidetur recedere à temperamento: in paſſiuis per humidum, ut poſſit corpus calidum & humidum pronunciari, & ut dicunt iſti, ſanguineum, quia ex tali temperatura generatur plurimus ſanguis. Et hoc oſtenditur ex ſignis: ſi habitum totius uolumus conſiderare, redundat plurima carne, & ſanguine, & habet colorem rubeum, quia quarto de tuenda ualitudine, color indicat humorum dominium, niſi in profundo latuerint. Igitur temperatura calida & humida ſanguinem indicat. Præterea ex operationibus naturalibus hoc idem atteſtauit: bene concoquit, & reliqua naturalia opera bene exercet, quæ per calorem innatum, qui humidus eſt, ſunt. Præterea operationes cerebri caliditatem indicant cum humiditate, quæ non ſuperat caliditatem, ſed hæc dominatur humiditati: ideo bonus diſcurſus eſt. Pulſum præterea habet plenum, magnum, & exandefcit, licet facile ſedetur, quod indicat caliditatem & humiditatem. Ideo ex operationibus omnibus facile eliciemus, & ex habitu faciei, & ex pilis, qui non ſunt nigri, nec ruſi bilem atteſtantes, eſſe ſanguineam temperaturam. Ideo iudico ego, corpus hoc ſecundum totum plus calidi quam frigidi habere, & plus humidum quam ſiccum: & habere corpus tale, talem à natiuitate temperaturam. Hiſ ita conſtitutis, cum talia ſymptomata apparuerint, & primo circa corruptas imaginationes cerebri, quia quòd uideatur circumuolui, aut non poſſe ſuſtineri, ſine dubio eſt operationis cerebri læſio: ſed quæ operatio lædatur, nolo diſputare, utrum lædatur imaginatio, uel ſenſus communis, an exteriores ſenſus. Dixerim egouam læſi facultatem, & eſſe phantaſticam uirtutem, quia poteſt contingere quòd imaginatio corrupta ſit, & ſenſus reliqui incolumes ſine præter uſum, quia ſpiritus deferuntur ad oculos, qui cum uentriculis cerebri ſunt communicantes, ideo patiuntur. Si autem eſſet paſſio ſenſus communis, paterentur etiam exteriores: niſi magnum ſit ſymptoma, nam tum compatiuntur, & priuantur, ut in epilepſia, & in apopleſia uidetur accidere, quia morbi iſti ſunt affines, & difficile eſt quòd ſeparetur unus ab alio, ſicut hæſitarunt medici Veneti, ut patet ex eis quæ ordinarunt. Iudicarunt enim diſpoſitionem hanc eſſe in conſiſſio cum epilepſia. Tale ergo ſymptoma eſt uirtutis imaginatiuæ, ad quam reliquorum ſenſuum & interiorum & exteriorum ſequitur læſio, cum inualeſcit cauſa. Materia uero faciens ſymptoma, & locus affectus, conſideranda ſunt. Locus affectus ſunt uentriculi anteriores cerebri: materia uero & cauſa proxima faciens ſymptoma, ut à Galeno & ab Hippocrate probatur, ſunt uapores agitanter & mouentes inordinate ſpiritus exiſtentes in iſis uentriculis: & agitatio illa eſt cauſa formalis & eſſentialis, quia uertigo nihil aliud eſt, niſi motus inordinatus ſpiritus exiſtentium in anterioribus uentriculis. Tale ergo eſt ſymptoma, talis locus affectus, cauſa proxima uapores. Quid modo moueat uapores, an generentur in cerebro, uel aliunde mittantur, dubitari poteſt. In cerebro quidem, uelut ob malam temperiem cerebri, uel ob materiam craſſam exiſtentem in cerebro. Cum à mala temperatura generantur, ſit quia agit diuerſa, & ſit motus inæqualis humorum, & ex eo motu agitantur ſpiritus, & ſit ſymptoma. Materia autem craſſa, cauſa eſt uaporum, uel propter cauſas extrinſecas, cum à caliditate aëris materia agitur & incaleſcit, & ex illa excitantur uapores: uel à nimio motu, uel ab agitatione exercitiij, quia materia agitur, & uapores agitant ſpiritus: uel ab intrinſecis, ut ſunt cogitationes moleſtæ, ex quibus agitantur ſpiritus etiam animales intrinſeci ex diſcurſibus, & ſunt uapores: uel ob medicinam, aut cibum calidum, ratione cuius ſunt uapores, & eleuantur, & ſpiritus exagitantur. Vel aliunde deueniunt, tunc aut à ſtomacho, aut ab alijs membris, uel à toto. Materia autem faciens tales uapores per conſenſum, poteſt eſſe ſanguis & ſubtilis & craſſus: poteſt eſſe pituita, bilis, humor melancholicus, & mixtus. Ex hoc igitur diſcurſu habemus cognitionem eſſentiaſ morbi: Et an declinet uerſus epilepſiam, in iſta inclinatione licet lædatur

magis, & fiant maiora symptomata, ab eadem tamen causa fiunt: ideo non discedimus in discursu à confinio. Cum ergo hæc ita se habeant quid iudicandum est esse in causa, Magnificum hunc uirum tantis symptomatibus laborare; Non habemus signa, ut dicamus vapores istos esse in cerebro, & in cerebro generari: quia signa quæ indicant primogenium affectum esse in cerebro, sunt grauitas perseverans, capitis dolor, obliuio sensuum interiorum & exteriorum: quæ cum non fuerint in hoc Nobili, non est dicendum cerebrum per protopathiam lædi: ergo erit per consensum ab inferioribus. A quibus igitur? Proculdubio licet credam aliquid à uentriculo eleuari, non tamen totum, quia non habet morsum cordis, nec mordicationem percipit: non negauerim tamen esse aliquid, quod eleuetur. Sed cum consideramus temperiem calidam & humidam hepatis, & timeat de proprio affectu, & quia est multæ carnis, & abundat calore, & seruido sanguine & calido, habet cerebrum calidum: & Galenus dicit in tertio de locis affectis, nullum corpus magis paratum ad excrementa multiplicanda in cerebro, quam corpus sanguineum, & calidi capitis, & uenarum, & hepatis: talia corpora non possunt liberari à talibus symptomatibus. Et cerebrum factum est debilius, ut inde apparet, quia existente ualido membro non recipit aliorum excrementa, imo repellit: cum uero imbecillius redditur, cum non possit resistere, recipit excrementa. Sed cum cerebrum ante septem annos ualidum esset, repellebat excrementa: sed cum in maiorem debilitatem incidit, recipit excrementa, & patitur affectus: non tamen ita debilitatum est, ut multum suscipiat. Sed queri potest quæ materia, & qui vapores: an à pituita eleuentur, & vapores crassi sint, an à sanguine, & tenues sint? Crediderim ego vapores fuisse tenues, & à subtiliori parte sanguinis & bilis eleuatos. A calidis igitur & subtilibus uaporibus affectus provenit, quia leuem uideo esse uertiginem, & non apparent tenebræ. Ex leuitate autem spirituum subito euaporant, nec tenebras patiuntur, quia non sunt vapores crassi à pituita eleuati, ut in hypochondriaca passione contingit, in qua tenebrescunt spiritus non nisi à uaporibus crassis. Cum ergo non appareant tenebræ, sed subito quædam reuolutio cito transiens, sunt igitur leues, & tenues vapores subito euaporabiles. Cuius signum est, cum sedet ascendunt vapores, quia cum non mouetur, non dissipantur: sed cum mouetur, excitatur uirtus per motum, & discutuntur. Est etiam aduertendum aliud symptoma: cum suspensus tenet pedes, non patitur: cum uero figit in terram, patitur symptoma hoc. Causa huius esse potest, quia sanguis decumbit ad illas partes, & præ multitudine sanguinis obstruuntur uiae, & fiunt obstructions, & stupores etiam illi, qui formicæ dicuntur. Cum ergo suspenduntur pedes, declinat ad illas partes sanguis, & humores & vapores non ascendunt. Præterea quod calor & vapores calidi ascendant ad cerebrum, habemus indicium, quod ex quo habuit illam phlebotomiam uiolentam factam per hæmorrhoidas (dico uiolentam, quoniam cum non sint ibi foramina, fit uiolenta: & si adfuit, adeo constricta sunt, ut sanguis tantum uaporosus & spumosus exeat subtilis admodum, uiolenter extractus, & crassiores partes remaneant) nō apparet amplius in facie rubor, nec inflammatio, sicuti prius apparebat, quia non ascendunt vapores subtiles. Et quod sanguis crassius remanserit, indicant pustulæ illæ, & in urina color rufus: & hoc credo post phlebotomiam apparuisse, quia in corpore est maior caliditas, & propter accidentia animi. Cur uero hypochondrium dextrum appareat subtumidum, hoc est, quia abundat pituita: quia corpora humida facile in multiplicationem pituitæ, maxime cum causæ extrinsecæ concurrunt: quia habuimus in uetere turbulentiam aëris, & nubilosum uer multiplicauit pituitam, quia crassiores spiritus redduntur, & corpus frigidius sit pro ratione temperaturæ: ideo abundat pituita. Et quia habet membra tendentia ad humidum, multiplicata est etiam in cerebro: ideo patiebatur grauitatem, quæ cessauit, postquam per nares exiit: & quia ad uentriculum descendit, etiam potuit obstructions fecisse: ideo apparent adustiones plurimæ, quia sanguis calidior factus est seipso, & pars subtilior euacuata per hæmorrhoidas. Et hæc sunt causæ symptomatum. Id autem quod trahit curationem ad se, est symptoma apparens in capite, quo

quo ad febrem non percipitur, nec aliud nisi de pustulis conqueritur, de quibus nos debemus esse solliciti in curatione. Stantibus ijs causis, quid credis tu posse contingere? Minime dubium est, si consideremus perseverantiam symptomatis, credendum est imbecillitatem factam esse in cerebro, & fortè intemperies iam fixa est, quia videtur labi ad frigiditatem non solitam; siue ab aëre extrinseco, siue ab impressione contingat, dies indicabunt. Siue igitur à causa extrinseca, siue ab intrinseca intemperies maior reddita est, & iam cerebrum incipit pati per essentiam, difficilis erit curatio. Præterea redundat sanguis in corpore calidior euaporabilis, & hæc temperies cum sit difficilis ut remoueat, difficilis etiam erit curatio. Credo tamen quòd diligentia nostra poterit curari, & maxime quia faciet quicquid imperabitur pro salute sua. Pro curatione igitur huius symptomatis siue sit mera uertigo, siue dispositio ad ipsam, siue dispositio media inter uertiginem & epilepsiam, quicquid sit, crediderim in duobus principaliter consistere curationem; primo, ut prohibeamus uapores ne ascendant: secundo, ut corroboremus caput ne recipiat. Prohibebuntur uapores ascendere, si prohibebimus generari: secundo, ut materia iam genita pro uaporibus, educatur, & auertatur quam longissime. Credo si hæc tria fient, prohibebuntur uapores ascendere: deinde corroborabitur caput cum moderate refrigerantibus & exiccantibus. Quo ad primum, pro prohibitione generationis uaporis, circa rationem uictus studeam, & prouiderem ut cibaria essent pauci alimenti, & non plurimi, quia calorem habet plurimum, concoquentem etiam carnem porcinam, & optime. Oportet igitur ut abstinear à multum nutrientibus, & à pane non bene fermentato. Carnes uituli porcinasque euitet: & ab omnibus quæ plurimum nutriunt, à leguminibus, & ab ijs quæ multum & malum præstant nutrimentum, summo opere abstineat: à lacticiis, à pastillis, & ab omni genere piscium, præterquam à saxatilibus. Pullorum iuuenum caro, & auium quæ degunt in campis, & hœdina, uel uitulorum paruorum, alterata cum frigidis succis, ut cum succo agrestis, probatur; & utatur succo granatorum, citriorum, ubi stomachus tolleraret, & tandem quæ parum nutriunt essent laudabilia. Et si cibus Arabum ex lentibus cum aceto decoctis uni possit, illi mihi non displicerent: sed quia non sumus consueti in his, dimitemus illa. Pusana etiam bordeacea conueniret. Præterea uina pauciora alba, quæ prouocarent urinas, essent conuenientia: & uellem ut diureticis uteretur, quia diuerterent ad alias partes, & non generaretur plurimus sanguis: & uinum sit potius acidum & austrium, quia non multum nutrit, & urinam prouocat. Deinde declinet potius ad uigilias, & à somno diurno caueat. Præterea prouideat ut habeat beneficium alui. Utatur frictionibus assidujs, & maxime inferioris partis: ideo post coenam fricentur pedes, quando uadit dormitum. Dicetis uos, in podagram incidet: utinam, ut caput defendatur. Præterea utatur mane exercitio temperato, & multum ambulet post frictiones. Caueat ab omni excessu circa operationes animales, & maxime circa studium literarum, à quo abstineat. Quo ad coitum, uellem uteretur aliquando, non tamen multum agitante, tanquam re excernente superflua, & maxime ante cibum. Et hæc quantum ad sex res non naturales, ut non multiplicetur multum sanguis. Quo ad medicinas, hoc corpus quia maxime tolerat phlebotomiam & pharmacias, uellem ut ijs duobus uteretur auxilijs. Quo ad missionem sanguinis, quia iam fuit euacuatus, dimitemus eam. Laudarem & euacuationem toto anno: & medicinarum essentiarum quæ purificant sanguinem, & euacuant: primo esset calida, quæ humores crassos, adustos, bilem & pituitam euacuat. Vteretur etiam rhabarbaro, quia aperit, abstergit, & euacuat. Vreretur etiam syrupo rosato solutiuo, agarico præparato, præcipue propter dominium pituitæ nunc generatæ: & acciperetur calidior uncia, agarici præparati sesquidrachma: & interpolatis uicibus sumat hanc medicinam, quandoque rhabarbarum, quandoque syrupum rosatum solutiuum, & zubarum rosatum cum rhabarbaro in diebus calidioribus æstatis. Transactis diebus æstiujs, pilulis uteretur ex hiera simplici, agarico, & rhabarbaro, quæ possent dici de tribus, nisi quòd loco aloës ponitur hiera simplex. Hæc euacuant uentriculum, ob-

fructiones remouent, & à capite euacuant. Placeret etiam syrupus acetosus multæ æcerositatis, cum aqua pentaphylli, aut acetosæ: quia in pentaphyllo est uirtus exiccans di, & prouocandi urinam: acetosa etiam corroborat cor, refrigerat, & exiccant intemperiem hanc: syrupus etiam de acetositate citri: & quandoq; alterando perseverarem, & quandoque dictis uteror medicinis, quia optime tolerabit. Et hæc quo ad euacuationem, quæ fuit secundum institutum, ut prohiberentur uapores. Tertium institutum propositum est, ut fierent auersiones uaporum: & quod mihi præcipuum uidetur, est, quod omnino fierent cauteria in cruribus, & si quod corpus accipiet iuuamentum, hoc erit: si enim à suspensione pedum accipit iuuamentum, quid recipiet à cauterijs? Etiam in hæmorroidibus sperarem, si fieret apertio: sed fallax est apertio hæc, quia prouocatione per sanguifugas non est usus: aperiuntur enim uenæ ex operatione illarum, & si hoc fieret, optime res se haberet: si non, non succedit, quia subtilior pars euacuatur, & crassior remanet, hæc de auersionibus. Dicitis uos, Tu igitur uelles in hoc iuvene tam magna remedia facere? Vtique: quia dicit Galenus 5. Methodi: Cum magnæ sunt ægrotudines non modo præsentis, sed futuræ, si à leuioribus uolumus procedere, longum paramus ægroto interitum. Cum ergo accidens non sit ita leue, sed suspicio est de epilepsia & apoplexia, ideo plurimo studio oportet prouidere. His omnibus factis, si perseverarent affectus, esset considerandum an conuenirent balnea Calderiana, quia recificanc caput, refrigerant, & prouocant urinam, & adustiones remouebuntur, & obstructions, & pustulæ: estq; maximum remedium pro adustionibus, & tunc non cleuabuntur uapores, quia in hoc corpore est maxima dubitatio de sanguine adusto. De Patauinis non dicerem, nisi fieret maior lapsus. Et quia aquam ligni Indi proposuerunt medici Veneti, nō laudarem eam: quia cum uteretur uictu tenui, aqua exiccaret, quare exiccarentur humiditates & per accidens iuaret: ideo in ea nihil sperarem. Quo ad corroborationem capitis, credo quod optimum erit corroborare prohibendo uapores ascendere: & factis euacuationibus optimum esset zuccharum rosatum, & confectio triasandalis, & myrobalani conditi chebuli, quia mirum in modum corroborarent caput & uentriculum. Similiter ex linimento, ut Galenus facit, inongerem caput cum oleo rosaceo, & inficerem in aures puluiscula ex sandalis, myrtis, rosis, & sandaracha, ad reprimendum & refrigerandum: eadem spargerem super caput, odoris ramentis etiam ex sandalis, rosis, uiolis, nenufere, camphora, cum aceto rosaceo in sine donec uteretur, & oderaret. Et ista uia procederem. Multa alia essent dicenda, sed hæc exempli loco sufficiant.

De uertigine, & melancholia.

Consilium XXVI.



Asus recitatus à Bellocato. Proponitur nobis nobilis iuuenis 28. annorum, qui patitur malam dispositionem uentriculi, uentositatem, & agitationem, & uomit materiam pituitosam, & aquosam, Vertiginosus etiam factus est ante annum, adeo, ut quando equitat, metuat casum ex equo. Sed si quiescit aliquantulum super manibus, redit ad pristinum statum, perpetuo sentit grauitatem capitis. Tristis etiam est sensatio, ut credat se priuatum esse manu, & eam sibi prolapsam esse putat. Tristatur alioqui de nulla re, sed semper timet ista mala, quæ tamen nulla sunt, & agitur corde. Olim multa laboriose & inordinatè fecit, noctu discurrendo, & alia. Anrea passus fuit febrem quartanam per quinque annos. Post illam, cum fuisset curatus, acquisiuit pustulas, seu abscessus in occipitio capitis, unde liberatus fuit per quendam dolorem capitis. Sed de qua nunc quaeritur affectione, est uertigo, uomitus, tristis illa sensatio. Fuit autem uir negociosus, mercator & agricola, & moratus est in locis palustribus.

MONTANVS. Nobilis hic iuuenis queritur de duabus dispositionibus præter naturam. Primo, timet plus æquo, ea, quæ timere non debet. Secundo, uertigines patitur. Ista duo symptomata sunt ambo affectus cerebri. Primum attingit imaginationem, quia ille timor est quædam corrupta imaginatio. Vertigo autem manifesta est, quia uersatur circa sensum communem, quoniam uidentur omnia circumagi. Hæc inquam symptomata consideranda nobis ueniunt, non tantum secundum speciem, sed etiam secundum intentionem, & remissionem. De timore autem prius dicemus. Timor est imaginatio. Imaginatio autem læditur tripliciter. Primo ratione metus corrupte, si quidem est imaginatio corrupta. Sic etiam corrupte imaginatur, qui nimis sperat. Sed corruptio, quæ in metu, adiunctam sibi etiam habet aliquam diminutionem. Diminuitur enim motus imaginationis in metu, quia deficit spiritus in proprio motu & manet intus, contra in spe extenditur, quia augetur ibi plus æquo. Timet igitur ille iuuenis, non præsens aliquod obiectum, sed ne aliquid de futuro ei accedat. Nihilominus tamen, quando audit iucundum aliquid referri, supra modum lætatur, si in iucundum, tristatur. Vtrobique igitur corruptionis uisio laborat, & spei, siue gaudij, & timoris. Vertigo est etiam actio corrupta in sensu communi, sed non est cum diminutione. Est igitur uertigo maior, quam metus. Timor est affectus ipsorum spirituum, uel ipsius animæ, quæ timet ob frigiditatem spirituum, & caloris, sicut audaces habent spiritus calidiores, sic qui timent, semper frigidiores spiritus habent. Spiritus enim calidi, humidi atque subtiles esse debent. Ergo quando decedunt à proprio temperamento, frigidi fiunt, sequiturque timiditas, secundum quod spiritus isti magis uel minus sunt affecti. In hoc igitur iuvene causa timoris est frigiditas spirituum, sed remissa. Spiritus uero generantur ab humoribus. Est enim spiritus pars uaporosa sanguinis, unde Aristotel. secundo de gener. animalium. Qui habent sanguinem subtilem, spiritus habent agiles, & contra. Ergo sanguis in isto iuvene est frigidus, & crassus, non tam intense. Hinc dicimus in hepate istius iuuenis à caliditate generatum esse sanguinem crassum, in principio quidem propter adustionem, quæ tamen nunc fit remissior. Adustio enim fuit à calidioribus plus æquo ipsius hepatis intemperie. Etenim naturalis hepatis istius temperies fuit calida, quæ quidem aucta primum fuit ab ætate florida, in qua nunc est. Deinde etiam cogitationibus, curis domesticis, computando, scribendo, &c. siquidem est mercator. Accessit pessima uicius ratio, quæ etiam auxit cruditates, & obstructions uenarum Mesaraicarum, & hepatis. Aucta obstructione prohibetur euentatio, unde supercalefit sanguis, & inde quartana nata est, post quam dolor capitis successit ex delatis sursum uaporibus, ut Gal. tertio de locis affectis docet. Dolor capitis fit, quando inflammatur hepar, & nidorosos uapores emittit. Ab hoc dolore subortum est ulcus cum eschara, e quo plurimus euacuabatur humor, sicut in morbo Gallico crustæ fiunt ex adustione. Ergo causa quartanæ & escharæ fuit calefactio hepatis. Ex nuncio allato, de morte amicæ, incurrit in summam constrictionem cordis, ex frigiditate, & crassitie spiritus, quia sanguis ex tali nuncio etiam magis refrigeratus, & exiccatus fuit, & sequuntur spiritus tales qui principaliter in corde generantur. Cor contrariam sibi temperaturam. uarijs motibus agitatum, & angustijs affectum, contraxit. Nam dolor ob nunciũ mortis multos dies durauit. Non igitur mirum, si spiritus cerebri per consequens ad talem dispositionem deueniunt. Igitur ægritudo est in cerebro, quia calor non est in subiecto proportionato, nempe crasso. Et recte dicit Aristot. secundo de gener. animal. Sanguis non est calidus per se, sed à spiritu habet suam caliditatem. Causa igitur intemperiei est in hepate, sanguine, & spiritibus. Vertigines fiunt à circumuolutione uaporum in cerebrum ascendentium à partibus inferioribus, ac humore pituitoso. Quia si essent melancholici uapores, fræuora facerent accidentia, & diutius ibi perseverarent. Porro uapores hi pituitosi sunt, ex uentriculo frigido pituitoso, quandoquidem etiam nausea infestatur, & spumofam habet urinam. Cæterum pituita ista generatur à frigide uentriculi, licet uentriculus in sua substantia siccitatem habeat, quia partes illæ

illæ attinentes ad ventrem, sunt graciles & excarnes, Ergo est frigiditas illa cum siccitate, quæ proinde generat pituitam, unde requiritur, ut intemperies illa calefaciendo corrigatur: sed tamen non siccando. Hinc sequitur, ut de timore dicamus, qui oritur, cum crudi humores sunt in uenis Mesaraicis, & ibi interduli faciunt vapores, adiuvantes ad timorem, sicut dicebat Diodes 3. de loc. affect. apud Gal. Et ab illa materia viscida etiam fiunt flatus. Sunt ergo affectus isti per consensum in cerebro, ab hepate & ventriculo. Macilentiam adesse, & illum emaciari non est mirum, quia hepar corrupte concoquit, ventriculus diminuit, & Mesaraicæ obstructæ impediunt transitum.

PROGNOSTICVM. Quia non uenerunt hi affectus, seu symptomata ad multum gradum, & potius sunt à causis procata ceticis, credo eum bene curatum iri. Versatur in locis palustribus, & semper in ijs aer est crassus. Ex aëre autem nutritur spiritus, ergo ex crasso generatur crassus spiritus, & obscurus. Vitet igitur ea loca, eligat aërem subtiliorem, quam sit Estensis, qui tamen non omnino sit subtilis. Alioqui cura Medicorum uana erit, & seruet bonum regimen in sex rebus non naturalibus. Purgetur bis in anno. De Thermarum potu an conveniat, querendum, quia timuit eius Medicus, ne fieret maior siccitas spirituum, & proinde crassities: recte igitur cauit exhibitionem illarum aquarum. Utatur potius ijs quæ humectant sua substantia. Potestis quidem exhibere etiam istas aquas, sed cum tali diligentia, ne exsiccentis. Et propterea modice exhiberem eas, tum quantitate, tum tempore. Credo utilissimum esse mittere sanguinem, propter refrigerationem & contemperationem ipsius hepatis, quia humor iste melancholicus, non multum recessit à sanguine, & tali in casu libenter mittit sanguinem Gal. 4. de tuenda valetud. & in capite de Melancholia similiter, lib. 3. de locis affectis.

De uertigine ex melancholia Hypochondriaca.

Consilium XXVII.



Casum recitant Stephanellus. Nobilis uir in ætate iuuentutis 33. annorum, quatuor ferè mensibus conqueritur de malis dispositionibus in partibus corporis principalibus & minus principalibus. Est enim scabies, seu infectio cutis per uniuersum corpus cum uertigine, quæ primo contigit illi, cum esset in templo, & frequenter illi, noctu præsertim, contingebat. Facta purgatione, nunc ita frequenter uexatur, & magis in die. Queritur de stipticitate alui, & quod cibus illi in stomacho uideatur fluctuare, sicut pila in aqua. Non dormit bene, ut prius, & percipit grauitatem quandam in somno. Olim etiam siti assidebatur, nunc non ita, nec dolor capitis adeo continuus. Ante quatuor annos omnino sanus erat: sed solebat habere purgationes naturales bis in die, sanguis fluebat per nares, & sordes quoque per aures. Ille 17. annorum uxorem duxit, & plures habuit filios.

MONTANVS. Illud, de quo præcipue queritur nobilis uir, uidetur esse uertigo, quæ merito timetur. Est enim accidens cerebri, non contemnendum, propterea quod minetur grauiora. De uertigine igitur loquemur, & ita omnia accidentia quæ patitur, & passus est, considerabimus simul. Vertiginem, quam patitur, principio noctu magis sentire solitus fuit quam die, ita ut cum aggredieretur eum, sonus contremisceret. Cum uero magna uertigo non sit, nisi in ea omnia obiecta uisus uideantur circumuerti, ac noctu nullum sit obiectum. Erit in hoc uiro maxima, & quasi species epilepsix, quæ fit, quando uapores & flatus circa uentriculos circumuoluuntur, & faciunt sua reuolutione, ut exteriora uideantur circummagi. Habet hoc symptoma morbum aliquem, à quo pendet. Et quia cerebrum patitur, in cerebro erit morbus aliquis, sed

quo sit, & quales habeat causas, inquirendum. Quod ad solutionem continui, nulla hic facta est, quod ad compositionem, credo, quod toto tempore, quo adest morbus, sit in compositione. Est enim morbus in via, quæ occupatur à materia flatuosa, non quod penitus uix repletæ sint, sed accedunt ad obstructionem, ita tamen ut materia agitari possit, & facere sensum uertiginis. Est etiâ morbus in numero, quia ibi est aliquid, quod esse non debet. Atq; ita duplici modo uitium est in compositione. Quod autem non sit morbus in temperatura, apparet, quia si qualitas aliqua impressa foret, non recederet, sed perduraret; & quod sit à flatu, apparet inde etiâ, quod tam facile desinit, flatu scilicet superius, uel inferius emisso, quod non fieret, si facta esset aliqua impressio. Quia igitur morbus dependet à re obstruente, à flatibus uidelicet, qui sunt uel calidi & humidissimi, aut calidi & sicci, uidendum quales sint, & à quo membro generentur. Credo autem, quod sint permixti, & generati ex omnibus quatuor humoribus. Nunc uideamus primo caput, an illud det aliquam occasionem morbi, an uero sano capite uapores tantum ab inferioribus membris ascendentes morbum excitent. Sensus interiores, imaginationem, memoriam, discursum (quæ sunt actiones propriæ cerebri in ipso, & dispositiones eius immediatæ, nec unquam fallunt) omnes habet integros: actiones etiâ prodeuntes à cerebro. Sensus exteriores, & motus est illæsus, unde non possum dicere aliquam occasionem morbi à cerebro pendere: cum illud membrum sanum dicatur, cuius actiones integræ. Hic caput modo patitur, quandiu durat paroxysmus, & à flatibus occupatur. Vnde igitur est? Habemus causas manifestas, conqueritur de uentriculo, quod tarde concoquat, percipiat rugitus perpetuos. Ex operatione autem læsa cognoscimus uentriculi intemperiem frigidam (forte etiâ humidam, sed hoc non ita perspicue notû) quæ diminuit actiones, ut non fiat uera concoctio, ideo partes uiscosæ à calore debili agitantur (sicut etiâ in mundo exteriori fieri solet) & fiunt flatus. Ita habemus, quod sit læsio à uentriculo, & qualis sit. Habemus & hepar male affectum, & intemperie calida præditum. Ideo autem hoc est, quia laborauit pruritu, & scabie, quam non habuit per contagium aliquod extrinsecum, sed sponte. Est autem propter adustionem in sanguine crassior esse ipso, & magis feruente, unde & falsedo sequitur in materia humida, ut dicitur 2. & 3. Meteororum: Salsi autem humores, à natura expulsi ad cutem tendunt. Et quia crassiores sunt, non possunt diffiliari, sed pruritus tantum excitant. Pruritus igitur indicat hepar calidius, quàm conueniat naturæ, licet naturaliter etiâ calidius habeat, ut primo statim intuitu apparet. Ex ratione autem uictus, & alijs extrinsecis factum se ipso calidius, quod quidem facile fieri potuit. Nam in habentibus symbolum facilis est transitus. Et quod hepar calidius generet plurimum humoris adusti, aliud signum est, quod noctu, cum mouentur humores melancholici, timet præter modum, ita, ut etiâ tremat, quod quidem arguit abundantiam humoris melancholici, ad quem, sicuti uidemus, tota curatio illorum Medicorum tendebat, & forte plus uidebant isti, quàm nos in paruo hoc tempore. Ex his omnibus patet generari plurimum pinuitæ, ratione uentriculi frigidioris, plurimum etiâ sanguinis, quia hepar sua propria dispositione calidum, sine multo excessu in passiuis, plurimum etiâ hisiosissimi humoris adusti, propter hepar nunc supercalefactum. Atque ita omnium humorum copiam maiorem esse, quàm requirat natura, idem propter intrinsecas dispositiones uentriculi, & hepatis. Ad quas deinde accesserunt causæ extrinsecæ: aer primo, per totam enim hyemem in cubiculo subterraneo egit, & humido. In pluuijs equitauit, passus accidentia animi plurima. Multa usus Venere, quæ potuit maxima causa esse ad debilitationem uentriculi. Assidue scribit, quod exercitium omnes coctiones impedit; ex quibus omnibus paulatim fit impressio, quæ ultimo tandem conspicitur, sicut gutta cæcat lapidem paulatim, & non uides quantum una gutta faciat. Ita in ratione uictus mala paulatim fit impressio, & cum deinde manifestus fit morbus, ultimo delictio imputatur. Hic post multa & longa delicta, mense Martio primum pruritus apparuit, tandem reuelatus morbus, uapores scilicet ad caput ascendentes, & facientes uertiginem, quæ ubi semel coepit, durat postea, & per interualla certa redit, ubi scilicet aggre-

gantur vapores, sicut fit in alijs morbis, qui paroxysmos habent. Ex his patet, quis sit morbus, num essentialiter in capite, & à quibus pendeat causis. Ac fortasse sit seruior ille, quem Galenus uocat melancholiam hypochondriacam ex sententia Dioclis, quæ est ebullitio humorum in uenis Mesaraicis, ex qua plurimi flatus fiunt in corpore, & plurimi vapores crassi, & adusti eleuantur ad caput, & faciunt non tantum uertigines, sed etiam melancholiam. Et uidetur, quòd Medici myrachialem putarunt, ex ipsorum curatione. Hæc de indicatione morbi, nunc ad prognosticum. Vbi cunq; huiusmodi flatus, dicit Galen. prolongantur, hæc est natura morbi, ut longus sit. Sed si sibi caueat, non est periculosus, si non caueat, periculosus maxime, quia uertigo, nisi occurratur, uel epilepsiam, uel apoplexiam, uel melancholiam prænuñciat. Ex se quidem non periculosa, sed uidendum ne in grauiora cadat.

CVRATIO. Omnino, ex quo morbus est in membris naturalibus indiget euacuatione & diuersione. Hic autem oportet nos diligentes esse. Si enim euacuabimus isto modo, ut hæcenus factum est, ad peiorem statum ægrum deducemus. Membra affecta sunt. Hepar calidum, & uentriculus non bene concoquens, & aggregans cruditates. Quòd si medicinis soluentibus euacuabimus, illa primo calefacient hepar, omnes enim medicinae trahentes, calidæ sunt, & tractio non fit nisi motu & calore. Oportet etiam calorem esse, qui penetret, & aperiat, & ita plus calefiet, & exiccabitur hepar. Trahentur enim humores uisiosi ab ambitu totius corporis ad membra principaliter læsa, tanquam ad centrum, quod prohibet Auicenna. Ad hæc, longo eorum usu deperditur uirtus uentriculi, & præparabitur ad fluxiones detestabiles. Externis narent enim calorem eius naturalem, quem adhuc habet, & eliderent uirtutes eius, & mineras. Cauere igitur ab Electuario de Diaphanicone, & alijs, quæ hæcenus exhibita sunt. Ideo laudo Excell. Vest. cum præposuerint Rha barb. & Diacatholicon, in quo nihil ingrediatur tale. Et quidem perpetuo euacuandum est hoc corpus, quo diu efficiamus, euacuabimus materiam, & diuertemus à capite vapores. Et fortasse si adhuc purgaretur, sicut solitus erat, non laboraret. Sciunt enim Vestræ Excell. quantum timent Medici, cum supprimuntur aliquæ euacuationes solitæ. Et si Gal. ait, quòd abs scissa manu, aut alia corporis parte, nutrimentum eò perferri amplius nequeat, hominesq; subiecti sunt fluxionibus & dysenterijs, propter partem nutrimenti superfluentem, quanto maioribus morbis obnoxij erunt, in quibus excrementa retinentur, & euacuationes naturales sistuntur. Laudarem ego in hoc casu frequentem usum Cassiæ, Syrup. rosat. solutiu recentis, præsertim autem Rha barb. quocunq; modo exhibitæ, ut in pilulis, uel infusione, uel masticatum, syrup. de Cichorio Nicolii, cum Rha barb. qui pro epileptis compositus est: multo igitur magis minori morbo proderit, & alium quoque leniet, si accipiat 3 i. s. Diacatholicon etiam laudatur, quia ingredientia omnia sunt benedicta, dummodo bene paretur, propter Rha barbarum, quod ingreditur, hæc ætate dari poterit. Hyeme aliquando Hieram, & Aloë simplicem exhiberem, ut continuo euacuetur & diuertatur, & omnia simul confortabunt uentriculum. Diacatholicon propter Rha barb. & Hieram atque Aloë astringendo & exiccando, nam Hieram facia est pro stomacho. In his igitur perseverarem, quibus si curabitur, bene est, si non, deuenirem ad fortiora. Cauteria in cruribus maxime laudo: diuertunt vapores ascendentes à membris naturalibus. Si morbus essentialiter esset in capite, meliora forent in brachijs, quia plus à capite euacuarent. Et noui quendam ab epilepsia solis cauterijs curatum, neq; ulla alia re. Missio sanguinis nunc dimitti potest in hoc corpore bilioso, & in hoc calore. Vidi enim ante paucos dies, bilem fure in quadam Magnifica domina post missum sanguinem. Euacuetur itaque nunc parlatim, & fiant cauteria, ut dictum est, quæ melius est fieri in æstate, dum humores magis fluidi & colliquati sunt. Hyeme non ita fluunt. Quod autem ad remedia interiora, decoctum ligni quæsi laudarem, quam aliquod genus balneorum, quia Theriac calesciunt hepar, quod non minus curandum est, quam ipse stomachus. Lignum, etiam quoque calidum, & siccum est, tamen ita alterari potest, ut remotis qualitatibus

tantum operentur secundæ. Hanc enim ob causam componuntur Medicinæ, ut inquit Averroes 3. Colliget. Tolleitur caliditas, si decoquatur in aqua Endiniz, adeo ut etiam febricitantibus exhiberi possit, & tamen remanebit uirtus secunda, roborabit uentriculum, & exsiccat totum corpus. Credo tamen, quod aqua Thermarum quoque non esset inconueniens, si tempus pateretur, & tueretur hepar, & detur cum debitis conditionibus. Nunc uero tempus non est idoneum, poterit tamen bibere, si uidetur necessarium, sub Septembrem. Interea duo fierent, haberet familiaria, & in quotidiano usu aliqua, quæ continuo euacuarent, & diuerterent. Fierent cauteria in cruribus, ac teneret optimam rationem uictus, quæ nota est. Quibus si liberabitur, ut speramus, bene est, sin minus, erit de maioribus cogitandum, ac uelligni decoctum, uel Therma exhibenda.

De uertigine & paralyfi diminuta, pro Doctore Veneto cauidico.

Consilium XXVIII.



ASVS recitante Frisimelica: Conqueritur excellentiss. Vir, quod passus sit, & adhuc ex parte patiatu uertigines, quæ si perdurabunt apoplexiam facient. Ante aliquot annos discessit ex patria sua Foro Iulio, ubi uersatus est in legibus, petijt Venetias, ut sibi causas ageret. Ante undecim menses, cum coenatus esset laute, cum socijs ad aliquot horas nam circumuectus, domum redijt, & dormiuit: mane postea apparuit tumor, & dolor circa genu sinistrum, quem Medici suppurarunt, & ulcere facto curarunt. Cum per triginta dies ita stillet, postea iterum subeundo magnos labores in causis dicendis, & per plures horas noctis circa urbem uectus, deuenit ad aliquot defluxus amaros, post quos ulcera in ore apparuerunt. Medici multa exhibuerunt, raro tamen dederunt caputpurgia, imò semel loto capite peius habere uisus est. Venit tandem ad ingentes uertigines, durantes per quinque aut sex horas, ita ut casurus esset & huiusmodi uertigines frequentes sunt, & crebro redeunt, superuenit tandem stupor, seu paralytis in brachio, & pede dextro, quæ satis molesta fuit. Catarrhus quoque descendit ei in os, qui apparebat tanquam glacies. Adhibita multa cura, & cum ab agendis causis desisteret, tandem uisus est opera Medicorum melius habere. Querit modo, an denuo possit subire labores, & qua ratione? An uero quiescendum, & quæ ratio uictus sit ei usurpanda?

Suppositis symptomatibus, quibus iste Excellentissimus Doctor molestatu, quoniam fuerunt iam explicata, uenio ad id quod principaliter iste querit à nobis: querit enim curationem. Iste est scopus, quo deductus fuit ad nos. Volumus ergo curare Excellentiss. uirum, quid agendum? Primo debemus cognoscere causas suæ ægitudinis, quibus cognitis facile remedia administrabuntur à nobis. Ut autem ex causis cognoscantur, debetis primo scire, quod causæ morbum facientes aut sunt intrinsecæ, aut extrinsecæ, aut ambæ. Intrinsecæ dicuntur illæ, quæ proueniunt à causa intrinseca, ut à mala temperatura membrorum, aut ab eorundem debilitate, extrinsecæ autem sunt illæ sex res non naturales, aër, cibus & potus, &c. Videamus à quibus causis dependeat morbus Excellentiss. Doctoris. Discurrendo primo per intrinsecas, uidenda est temperatura membrorum principalium, & primo hepatis. Video hominem satis carnosum esse, habentem bonum colorem, & ut ipse refert, passus fuit fluxum hæmorrhoidum. Ex his iudico hepar ipsius esse temperatum: non dico temperatum temperatura illa æquali, sed accedit maxime ad illam temperaturam; uerum si declinat, declinat per calidum aliquo pacto. Declaratur, quia uideo hominem habere colorem nigrum, similiter pilos nigros, & reliqua, quæ attestantur super caliditate hepatis adurente & exiccante, uerum ista discrasia per calidum non est magna. Accedamus ad uentriculum, uideo ipsum bene concoquere, similiter non pati aliquos dolores in ipso, & breuiter

exercet rectissime suas operationes. Et quia ab operationibus cognoscuntur potissime me discrasia membri, ideo teneo uentericulum esse bene dispositum, & recte se habere. De corde: cor est spiritibus refertum, potens ualde, & calidum, cuius signum est, quod ipse est firmus, stabilis in suis operationibus, magnanimus, & alia habet quae indicant cor esse calidum, ac spiritibus refertum. De cerebro: credo, & re uera ita est, cerebrum ipsius esse optime dispositum, similiter recte suas operationes moliri: nam audio ipsum habere memoriam tenacissimam, similiter esse oratorem, & quod optime discurret, & orat in causis suis agendis, & breuiter, iste cerebrum habet satis temperatum, atque nullam discrasiam patitur. Audio autem ipsum habere debilitatem uisus, ita quod cum prope est perspicacissime intuetur, à longe uero non ita recte, hoc non debet referri ad malam cerebri dispositionem: nam stat cerebrum optime se habere, tamen oculos quandoque esse affectos, aut ratione organi, aut ratione consuetudinis: ratione consuetudinis, quia & hoc contingit ut plurimum in hominibus ipsis literatis, uti ipse est: isti enim quia studendo tenent libros prope oculos, taliter quod ex continuo illo usu uirtus ipsa oculorum, & natura ipsa ex tali consuetudine assuescit in tali uisione prope: quare fit ex tali consuetudine, homines hos prope acutius intueri, quam à longe, quia cum à longe uidere non sit oculus assuetus, tunc debilitantur spiritus, & non potest longe intueri: & hoc, ut dixi, studiosis, ac literis deditis solet evenire. Potest etiam ratione organi provenire: nam sunt aliqui habentes oculos eminentes, similiter oculos ualde nigros: ex tali eminentia, & ex tali immoderata nigredine longe non possunt uidere, potest etiam contingere propter spiritus claros à modum & paucos. Ad rem ergo, Tamen Excellentiſſi. Doctor habet quod à longe uidere non potest, prope uero potest, non propter hoc debemus arguere cerebrum esse affectum, cum optime suas operationes exerceat: sed, ut dixi, potest provenire ista debilitas uisus in hoc Excellenti Doctore à duabus illis causis, siue hoc proveniat à prima, siue à secunda, non refert: hoc unum est, quod non provenit à cerebro. Habebis hucusque membra omnia principalia esse bene affecta. Et quia diximus in principio, quod morbus potest à duabus causis provenire, aut à causa intrinseca, aut extrinseca. A causa intrinseca credo morbum hunc in isto Excellentiſſi. Doctore non provenire, quoniam (ut dixi) membra omnia intrinseca principalia recte se habent. Quod si dependet à causa intrinseca, tantum ab ista provenire, uidelicet ab hepate, quod cum sit calidius quam oporteat, & conveniat suo temperamento, potest inflammare humores, & maxime illos qui putrefactioni sunt obnoxij: isti enim mediante caliditate hepatis possunt alterari & putrescere, & ex ipsis elevari fumi, petentes caput, qui faciunt talia symptomata, uidelicet uertiginem, paralyſim illam diminutam in brachio sinistro, & in pede sinistro: similiter abcessum in facie, uidelicet in parte dextra faciei: similiter iacturam illam gingivarum, & alia symptomata enarrata. Sed illa causa ex se non posset hoc facere, nisi causae extrinsecae adfuissent. Et quod proveniant à causis potissime extrinsecis ista symptomata, uidelicet ab ipsis omnibus non naturalibus, declaratur primo ex aere. Nam audio istum Excellentiſſi. Doctorem dereliquisse suam patriam, ubi aer frigidus est & siccus, & montanus, & accessisse Venetias, ubi aer est calidus & humidus & palustris. Quantum potuerit ista aeris mutatio, nullus ignorat: Nam fuit principalissima causa ista iuncta cum reliquis causis extrinsecis offendendi: aer enim immutat mirum in modum corpora nostra, cum continue attrahatur: & notum est quid dixerit Galenus de aere in 2. Artis parva, ubi usus fuit hoc uocabulo Exterminare, quasi innuerit alterationem & damnum impressum in corporibus nostris: & ita aer fuit in causa symptomatum. Secundo, cibis & potus. Audio hunc excellentiſſi. Doctorem, quando fuit cum socijs, ultra modum crapulatum esse, & bibisse, similiter comedisse cibos diversae substantiae. Ex ista crapula ergo (re uera ita est appellanda) fuit facta putrefactio illorum ciborum, ex quibus fumi elevari, ac cerebrum petentes, potuerunt facere hoc apostema, & abcessum, & reliqua symptomata. Deinde motus & quies. Audio hunc Magnificum

aurum perambulasse satis per Venetias, & etiam in cymba cum socijs permansisse des-
 tecta, & aërem illum captasse, cuius signum est quod statim sero hora 2. noctis revere-
 sus est domum, & incidit in illum abscessum ingentem, similiter in vertiginē, & para-
 lysem illam diminutam. Similiter somnus & uigilia fuit in causa: nam audio illum, cum
 uigilandum est, dormire, cum dormiendum, uigilare; nam ipse fessus ex causis agitatis,
 quandoq; noctu non poterat dormire, ita hæc permutatio uigiliarum & somni potuit
 etiam esse causa. Similiter accidentia animi ipsa: fuit sollicitus in illis causis peragendis:
 & quantas ipsi Iuriconsulti patiantur sollicitudines, & animi affectus, nullus ignorat, &
 maxime Venetijs, ubi fiunt tot motus, & tot labores in causis peragendis. Similiter
 inanitio & repletio: hæc fuit etiam potissima causa, eo quia (ut ipse dicit) sunt multi dies
 quod ipse non egessit, imò ut solitus erat, nihil egerebat. Ista retentio facta an possit
 generare uapores malos, nō nos latet. Præterea permutauit consuetudinem: ipse enim
 solebat comedere horis consuetis, tamen non obseruauit hoc: imò aliquando hora pri-
 ma noctis coenabat, aliquando tardius, aliquando citius. Et ita uidetis, quomodo om-
 nes causæ extrinsecæ concurrunt ad hanc ægritudinem. De causis intrinsecis sola illa
 caliditas hepatis (ut dixi) est. Habemus hucusq; causas. Quid est agendum? curandus
 est morbus, quomodo curatur morbus? curatur remouendo causas, quarum fuerunt
 causæ: fuerunt omnes enarratæ: illæ ergo remouendæ. Quid ergo agendum? ego ma-
 xime consulo, ut uelit aërem ipsum permutare; nam ex permutatione aëris refrigeras-
 bitur corpus, quia consuetum aërem sentiet. Ista est potissima cura ad remouendum
 morbum hunc, scilicet permutare aërem. Deinde in cibo & potu debet se moderare,
 sumendo optima cibaria, similiter in debito tempore, animi affectus omnino repelle-
 re, dormire quando dormiendum, uigilare quando uigilandum. De euacuatione: ego
 non auderem fortiter euacuare, quia nūc sumus in æstate, iam mensis Iunius transactus
 est. Ideo auderem tantum in lenituis, dando cassiam cum rhabarbaro, aut cassiam
 tantum, florem dico: ista enim maxime præstarent, quia tenebimus ipsum corpus lu-
 bricum, & hoc maxime debemus quærere. Nam, ut enulit mihi sua Excellentia, quan-
 do accessi ad cubiculum, conquerebatur de ista repletionē, & dicebat se ex ipsa maxi-
 mum detrimentum sentire: ideo bonum est uti cassia, ut corpus mundum & lubricum
 teneatur: & si nollit ita sapere uti cassia, poterit mane assumere brodium, in quo sit des-
 cocta mercurialis, & beta, & aliquid passularum: istud enim lubricat corpus, & facit
 egere ualde, ut dicit Galenus in 5. de tuenda sanitate, sanguinis missionem omnino
 iudico fore convenientissimam. Nam eius natura, indicat et indicauit, quod indiget
 crebra sanguinis missione; quoniam ipse habet fluxum illum hæmorrhoidarum, &
 nondum est repressus, quod mihi maxime placet, ideo sinerem ipsum defluere, &
 adiuuarem, si non defluat, est enim sententia illa Hippocratis, Vndecunq; natura res-
 pit, eo ducere oportet, si natura demonstret locum convenientem, quo ipsa facile exo-
 neratur, quare cum uolumus sequi illam uiam, non debemus desistere, & ita prouocare
 hæmorrhoidas. Postea uellem, ut fierent duo cauteria, & si non duo, saltem unum in
 crure sinistro, ubi habet paralysem illam diminutam; neq; impediret hoc cauterium
 naturam, ut non faceret diuersionem. Et ita habebimus diuersionem maximam, tum
 per cauterium, tum etiam per hæmorrhoidas: qua diuersione, ut dixi, maxime indige-
 mus, eo quia materia est in capite, & fuit causata ex illis causis dictis extrinsecis. Simi-
 liter causata fuit (& hoc dereliqui) ex clamore. Quantum possit uociferatio ad replen-
 dum corpus uaporibus, unusquisq; manifeste uidet: isti enim declamatores, sunt rubi-
 cundi, & oculi etiam inflammantur. Et ita quia in causis a citandis ipse multum cla-
 mabat, expropter facta est inflammatio: & ita diuersio necessaria est: quare cauteria
 summopere laudo. Et ita agerem hac æstate, lubricando corpus cum omnibus dictis,
 aut cum zucchero rosato recenti: dico recenti, quia recens maxime lubricat, non com-
 miscendo aliquid. Et si isto zucchero posset lubricari, mihi maxime placeret, quia ex
 isto haberemus tria, uidelicet corroborationem capitis, uentriculi, & euacuationem
 faciem: sed si hoc non præstet, curetur prædictis. Veniente autem autumnō, tunc pos-
 terimus

terimus concoquere materiam, & euacuare cum pharmacia, & praesertim cum illa confectione hamech: illa enim mouet humores adustus, & ipsos euacuat, & alijs pharmacijs poterit uti secundum humores peccantes, quod cognoscendum illis medicis tunc curantibus derelinquo. Deinde ego corroborarem caput cum caputpurgijs, & ea pararem ex rebus exsiccantibus, & resoluentibus. De materia ista, quoniam sit materia faciens hunc morbum, an calida, an frigida. Dicam duo uerba. Illi Excellentissimi Medici in hoc fuerunt discordes. Aliqui dicunt quod erat materia frigida, aliqui calida. Ista est disputatio de lana caprina, eo, quia clarum est quod sit calida: patet, quia falsa est, erodit gingiuas. Et ita dico, ut etiam dicebat Excellentissimus Doctor, quod materia est calida & frigida mixta scilicet: & ita si duae illae opiniones in unum redigantur, fiet una opinio. Et utrandae opinionem saluabimus. Dicam duo uerba de prognostico. Morbus iste curabilis est, non tamen est contemnendus: quia si contemnatur, augebitur continue: quare fiet apoplexia, aut epilepsia, aut paralytis in toto corpore perfecta, ideo non sunt dandae induciae. Haec pauca uolui breuiter dixisse, quae per Excellentiam uestram erunt iudicanda.

Ad spasnum, ex retentione urinae, & Vigilijs.

Consilium XXIX.

NOBILIS quidam Vicentinus, ex inordinato regimine in cibo & potu, ante nouem annos in opthalmiam inciderat, cum exulceratione crurum, curatus à Frachanzano, & nihilominus inordinatissime uiuens, ex cibis crassioribus & multo usu casei, quo mirifice delectabatur, in calculum incidit satis grauem, ut subinde excerneret lapides: iam demum, ante mensem, incidit in omnimodam suppressionem urinae, ita ut intra mensem totum, uix sex cyathos urinae emisisset, quanquam multa fuerint exhibita, ut syrupus de radicibus, & Daucus Creticus. Cum per sedecim dies autem integros nihil omnino urinae reddere posset, nunc per tres dies rursus habuit urinam tam crudam & turbidam, ut intrari aliquis merito posset, porro per nouem dies continuos uigilauit, ita ut in conuulsionem totius corporis, cum feбри & amissione uocis inciderit, & nunc patitur continuam contractionem omnium membrorum. Habuerat autem ante aliquot dies uomitum copiosum ex materia pituitosa, & biliosa, ac item fluxum uentris. Cum igitur tantum esset periculum, petijt deliberationem reijci in crassinum, sed tum, ut modo etiam aliquid adhiberetur: est clystere ordinatum.

℞. Centaurij minoris

Anethi

Camomillae

Parietariae

Fiat decoctum in iure pulli, deinde addantur

Olei Anethini

Mell. ros.

Hierz picrae

3 3.

3 2.

3 6.

Misceantur pro clystere. Deinde actum est de phlebotomia. Montanus omittere malebat, propter tempus frigidum, & uirutem oppressam à materia crassa, & frigida. Sed quia Frachanzanus, & alij urgebant, qui ex prioribus uisitationibus uirtutem constare affirmabant, illis quantumuis inuitis concessit, quod non sit praesentius remedium in spasmo, quam missio sanguinis, si uirtus & reliquae circumstantiae concedant. Vngatur autem totum corpus cum hoc unguento.

℞. Olei

℞. Olei Anethini	3	2.
Chamæmelini	3	1.
Olei de spica simp.	3	2.
Adipis anserini, line sale	3	1.

Misce, & fiat linimentum. Et quia de singulari cordis dolore conquestus est, ordinauit hoc pro corde linimentum.

℞. Specierum cordial.	3	2.
Vnguenti rosati Mesue recentis	3	1.
Ambræ	3	1.
Musci ana	6	1.

Misce.

Ad confortandum cerebrum iusserunt inspergi hunc puluerem capiti.

℞. Ladani electi	3	4.
Spice	3	1.
Stochados	3	1.
Maiozanæ	3	1.
Rorismarini	3	1.
Asari ana	3	1.

Puluerizentur minutissime, & inspergantur capiti. Pro potu hæc accipiat.

℞. Cinnamomi electi	3	2.
Anisi	3	3.
Sacchari	3	3.

Decoquantur in aquæ communis ℥. 6. ad horam integram, & hâbat. A uino abstineat, dicta utatur tenuissima, & attenuante. Montanus metuebat secuturam apoplexiam, idq; factum est eo uesperis: & paulo post mortuus est.

De Vertigine & Epilepsia.

Consilium XXX.

Rimo, Luna crescente exhibuit Cassiam, postea detraxit sanguinem ad 3 10. ex uena communi dextri brachii. Deinde exhibuit seq. syrupum.

℞. Syrupi de Cichorio Nic. cum Rhabarb.	3	1.
---	---	----

Syrupi de betonica	3	1.
--------------------	---	----

Mellis rosati bsm. ana	3	1.
------------------------	---	----

Decocti sequentis	3	4.
-------------------	---	----

℞. Præniæ	6.	50.
-----------	----	-----

Radicum Præniæ	6.	4.
----------------	----	----

Betonice	6.	1.
----------	----	----

Caryophyllorum	6.	1.
----------------	----	----

Rosarum rubearum	6.	1.
------------------	----	----

Sand. Citrinorum & rub. ana	3	4.
-----------------------------	---	----

Inuoluantur ista aromata confusa grosso modo, in panno lineo, & decoquantur simul cum Præniæ, & Betonice, secundum artem, in duabus ℥. aquæ, ad consumptionem tertie partis: Deinde colentur & exprimantur. Finitis his syrupis, utatur hac medicina.

℞. Confectionis hamech	3	4.
------------------------	---	----

Trochif. Alahândal	6.	10.
--------------------	----	-----

Syrupi rosati solutius	3	2.
------------------------	---	----

Misce, fiat potio, detur in aurora cum custodia.

Pro purgatione peculiari ter in mense sumat, una hora ante cenam, pillulas e sequenti pasta.

Rhabarbari electi	3	2.
Caryophyll.		
Cinnamomi	ana	3 2.
Aloes		3 4.
Agarici electi		3 3.
Sem. Pæoniæ		3 1. 6.

Misce, cum melle rosato, fiat Magdaleon, de quo sumat 3 1. singulis uicibus. Somat etiam interdum una hora ante cibum Myrobalanum Chebulum unum cōditum. Item interdum mane, ter in septimana, tribus horis ante cibum, utatur infra scripto Electuario :

℞. Scyllæ assatæ, & præparatæ secundum artem.	3 2.
Seminis Pæoniæ puluerizati	3 1.
Mellis optimi, colati, & despumati	℥ 1.

Misce, & fiat Electuarium ad usum. Item collo suspendat radicem ueræ Pæoniæ Mafculæ.

Pro Puella Epileptica.

Consilium XXXI.

℞. Floris calsiæ	3 1.
Specierum Hieræ simp.	3 2.
Cum Saccharo fiat bolus. Postea utatur syrupo septies.	
℞. Oxy mell. Scyllitici	
Syrup. de Betonica	ana 3 1.
Aquæ Pæoniæ	3 3.

Deinde sumat medicinam ex confectionis Hamech 3 4. Syrupi rosati soluturi 3 4. cum aqua Pæoniæ. Postea, quando uult in septimana, tribus horis ante prandium accipiat 3 s. de Electuario sequenti.

℞. Mithridati optimi	3 8.
Sacchari rosati	3 3.
Seminis Pæoniæ	3 1.
Limaturæ cranij humani	3 6.
Syrup. de cortice Citri	q. s.

Misce. Item in septimana, loco syrup, mediam scutellam bibat brodij pulli, cum 3. 2. infra scripti pulueris.

℞. Limaturæ Cranij humani	
Seminis Pæoniæ	3 1. 5.

Fiat puluis, & misce. Si non uelit uti Electuario superscripto, sumat eius loco mediam unciam mellis Scyllitici. Laudarem & fontanellas factas in loco consueto, si uel sit, caput lauet in septimana semel, inijciat in lixiuum radicem Pæoniæ, Maioranam, Stoechados folia, rosarum rubearum, folia lauri, cum una drachma boni Agarici, siccet pannis mediocriter calidis, & custodiat se ab aëre.

Pro illustri Comite à Polhein Germano, Epileptico.

Consilium XXXII.



X structura capitis Illustrissimi Domini, atq; ex multis excrementis, nemo non potest iudicare cerebrum illud humidissimum esse, plurimamq; redundare pituita: quod facile etiam indicant omnes operationes animales, atq; alia signa omnia: ubi postea accesserit pessima uiuendi ratio, non absq; ratione consecuta fuerunt pessima accidentia, & præcipue epilepsia.

leplia, quæ proprie consequitur talem temperaturam cerebri: Cum ergo tum naturæ
 his corporis habitus, tum mala uiuendi ratio ad morbum tum generandum, tum alen-
 dum conspirent, meminerit, si modo Illustrissima sua Dominatio suæ ualitudinis cu-
 ram habuerit, omni conatu utrunq; emendare, malam scilicet uiuendi rationem, ma-
 limq; cerebri temperaturam. Quæ quidem præstare non poterit paucò quodam tem-
 pore, abstinentis etiam ab his, quibus nocumento affici possit. Ideo perpetuo indicenda
 est illi talis uiuendi ratio, quæ simul & possit morbum, & naturalem corporis consis-
 tutionem in contrarium uertere. Primum igitur studebit, ut deligat aërem in quo de-
 gat, quam maxime siccum. Calidior etiam eligendus esset, si regio eius pateretur: sed
 illum saltem eligat, qui quam minime frigidus iudicetur. Humiditas autem aëris quam
 maxime cauenda est. Valles igitur concauas, paludosæq; loca, & quæ à uentis minime
 dissipari possint, euitet; non tamen propterea uentis caput est exponendū. Austro præ-
 cipue, & Boreæ: alter namq; excrementitio humore caput replet, alter intenso frigore
 consipiat, comprimit, concoctionesq; omnes impedit, unde obstructions oriuntur.
 Serenas igitur temperatasq; regiones quam maxime exoptat, ubi neq; montium aspe-
 ritas, neq; uallium depressa inæqualitas, neq; paludes, aut stagna, aut ualitates, aut syluæ
 intercedant: sed eligat amplas planities libero sole, & ab omni euaporatione quā ma-
 xime immunes. Nocturnū etiam aërem effugiat, neq; loca inhabitat terrena, neq; se
 nestrīs apertis dormiat, etiam si seruator æstatis accedat. Vbi frigus uel uenti regionem
 occupauerint, quod euitari non possit, tunc caput congruis operimentis est tegendum,
 auresq; & ceruix, & totus thorax ab omni frigoris iniuria præcipue defendi debent.
 Nec minus studebit, pedum ne frigiditatem patiatur: pedum enim frigiditas cerebro
 obrectitudinem non mediocriter consentit. Vbi ergo corpus ita optime munitum
 fuerit, ut possit & humiditati, & frigiditati aëris, & omnibus importunis uentis res-
 sistere, tunc curabit ne accidentibus animi molestis aliquo modo afflicetur: cere-
 brum enim ex illis quam maximo afficitur nocumento. Iram igitur, tristitiasq; omnes
 tanquam pestes effugiat, & quietem animi querat, iucunde uiuat, cum amicis lætetur,
 unde etiam cauebit à solitudine. Recedat ab eo prorsus diuturnus somnus, præcipue
 meridians & matutinus: meridianus enim generat, matutinus retinet capitis omnia
 excrementa. Surgat igitur in diluculo, & intra cubiculū suum se continens, decambulan-
 do, & corpus congruis motibus exetendo, caput etiā pectendo, querat omnia capi-
 tis excrementa tum per palatum expuendo, tum per nares, tum per aures etiam ex-
 cernere. Quæ ubi pergit, tunc ad exercitium corporis se conferat, quod quidem suæ
 mollietati esse debet, & in quo præcipue caput non agitur, sed crura potius & inferior
 res partes moueantur acius: in aëre tamen hoc erit faciendo temperato. Quod si re-
 gio, uel aëris constitutio, aut anni tempus prohibeat, intra proprios lates, atq; intra cu-
 biculum etiam se exercere poterit; neq; enim exercitium singulis diebus est intermit-
 tendū: quod sicut molle suauetq; esse præcipimus, ita etiam longum statuimus, ut longis-
 tudo expleat, quod mollities præstare non potest. Et si exercitium aliqua occasione
 profus impediatur, exercitij loco frictions longas toto corpore fieri oportet, omisso
 tamen capite. Deinde emittatur, ut secundum ciborum proportionem quotidie etiam
 egerat excrementa conuenientia, tum per aluum, tum per urinam: maxime enim stu-
 dere debet, ne excrementa retenta caput suis malis uaporibus repleant. Vbi igitur na-
 tura in hoc satisfecerit, bene erit: ubi deficiet, tunc artificio suppleatur, cōmodissimumq;
 & præsentaneū remedium, & ad hunc usum instrumentū erit clysterū: maxime enim
 auertit à capite, confertimq; & subito expurgat sine aliqua molestia. Clysteres autē sint
 ex betæ, maluarum, fursurisq; decocto, addito oleo & sale, & 3. mellis rosati.
 Quod si clysterem non ita facile assumpserit, utatur ante coenam 3. optimæ aloes
 ad formam pillulæ redactæ, hora una ante coenam, his autem in septimana, si ita res
 exegerit: nam hoc remedium auertit à capite uapores omnes, prouocabit urinam &
 alia excrementa, aperiet obstructions uenarum, corroborabit uentriculū, & uegeta-
 bit calorem innatū: hæc enim omnia efficacissime præstat aloes usus. A Venere quam
 maxime

maxime abstinere: nam ab antiquis omnibus, præcipue ab Hippocrate medicorum principe, Venerem nihil aliud esse quam breuem epilepsiam, proditum est. Superest uiuendi ratio circa cibum & potum, in quo maxima eius curationis portio consistit: ex cibo namq; & potu generantur humores, ex humoribus obstructions, ex obstructionibus epilepsia. Curandum igitur est, ut humores boni generentur, & non boni tantum, verum etiam quantitate moderati: redundantia namq; humorum, etiam si optimi fuerint, pessimos generat morbos, inter quos epilepsia quoq; & apoplexia numerantur. Cauere igitur oportet à cibis tum qualitate, tum quantitate peccantibus. Sed & multitudo ciborum uel uarietas uitanda est: neq; enim in uarietate contingere potest, quin & plus sumatur alimenti, quam oporteat, & deinde cum assumptum est, ob naturarum diuersitatem & contrarietatem non corrumpatur, & putrescat. Vnico cibo contentus erit, idq; horis consuetis. Cauebit diligenter, ne cibum assumat, nisi priorem concoxerit: ideo ad mensam non accedat, nisi uera fames coegerit. Et propterea non malum erit, si quando omnino etiam abstinere à cibo: id enim natura sæpe exigit, ut quod assumptum est, decoquat atq; distribuat. Prandium sit & cœna inter se proportionem correspondentia, ut ex tribus partibus cibi uigintiquatuor horarum, pars una sumatur in prandio, duæ uerò partes in cœna, ita tamen ut post cenam leuiter & suauiter deambulet, neq; prius cubitum eat, quam duæ saltem horæ à cœna peractæ fuerint. Cauebit, ne inter prandium & cenam, & horam decubitus, aliquid prorsus bibat, siue uinum, siue aqua fuerit: neq; etiam aliquid comedat, siue sint fructus, siue aliquid aliud genus edulij: omnia enim hæc summopere nocebunt, & coctionem impedient. Abstinere præcipue ab omni genere carniū antiquarum, sicut sunt bubulæ, caprinæ, & castratorū ueterum: à carne porcina cuiuscunq; generis, siue recens, siue facta fuerit: ab omnibus palustribus auibus, sicut sunt anseres, anates: à coturnicibus, quas Itali Qualias uocant, habent enim innatum quandam & naturalem consensum ad epilepticos motus excitandos. Cauebit ab omni piscium genere, præcipue tamen à palustribus & anguillis, & ab his quas Tencas uulgo uocant: ab omnibus pastilibus, lacticijs, cibarijs frictis in sartagine, à fructibus, præter ficus & melones, quos tamen in pauca quantitate, nec quotidie, concedimus: à caseo, ab ouis duris, ab omnibus acetarijs, præcipue herbarum crudarum, & maxime lactucæ, & tandem ab omni eduliorum diuersitate: à uinis quoq; omnium generum, hoc enim præcipue placeret. Sed si aliquod uinum bibendum est, sit illud pauciferum admodum, & bene dilutum, albū, & in paucissima quantitate. Quantum uerò ad medicamenta alia, laudo per aliquot subinde annos autumnō & uere purgetur: purgatio autem sit huiusmodi:

℞. Floris calsiæ 3 10.

Specierum hieræ simp. 3 2.

Cum saccharo fiat bolus, sumendus tribus horis ante prandium. Item:

℞. Oxymellis scillitici

Syrupi de betonica ana 3 1.

Aquæ pæoniæ 3 3.

Misce pro uno, & sic pro alijs septem. Post ultimum syrupum die immediate sequenti accipiet infra scriptam medicinam mane in aurora cum custodia:

℞. Confectionis hamech 3 3.

Corticum radicum ellebori nigri 3 1.

Syrupi rosati solutiu eiusdem anni 3 3.

Cum aqua pæoniæ fiat potio, sumenda in aurora cum custodia. Deinde:

℞. Sacchari rosati 3 4.

Sumat 3 s. hora una ante cibum, bis in die. Et hoc pro euacuationibus tam autumnū quam ueris. Medijs uerò temporibus utatur ter uel quater etiam in mense palulis infra scriptis, sumendis una hora ante cenam ad pondus 3. 1. uidelicet:

℞. Semis

℞. Seminum pæoniæ	3	1.
Garyophyllorum		
Nucis muscatæ	ana	3 s.
Rheubarbari electi		
Aloes succo citrini		
Agarici præparati	ana	3 2.

Puluerizentur omnia per se, & misceantur: deinde aspergantur succo rosarum puro, & permittantur exiccare, & ita iteretur septies: deinde cum oxymelle squillitico fiat magdaleon, de quo fiant pillulæ tres singulis vicibus, ex singula 3 1. & reformetur cum oxymelite squillitico. Item utatur frequentissime electuario infra scripto bis aut ter etiam in septimana, & deglutiat singulis vicibus cochlearia duo, tribus horis ante prandium.

℞. Oxymellis squillitici	3	2.
Mithridati optimi	3	1.
Succi radices pæoniæ recentis	3	3.
Seminum pæoniæ		
Seminum citri	ana	3 2.
Pulueris cranei humani	3	2. s.
Sacchari rosati	3	4.

Misce cum saccharo siue Iuleb rosato, fiat lambitium. Item quandoq; ubi electuarium fastidierit, sumet 3 1. infra scripti pulueris in breidio pulli circa auroram:

℞. Seminum pæoniæ		
Pulueris humani cranei	ana	3 3.
Garyophyllorum		
Nucis muscatæ		
Seminum citri	ana	3 1.

Misce, & fiat pulvis, qui seruetur ad usum. Duo autem cauteria in cruribus continere teneat aperta, & pro his dilatandis loco pulueris utatur unguento hoc:

℞. Unguenti Aegyptiaci	3	1.
Lithargyri	3	s. Misce.

Et cum huiusmodi ratione uictus & remedijs cum diuino auxilio probabile est, suam illustrissimam dominationem conualituram. Efficaciora remedia uti minime necessaria omittimus, saxis Deus, ne illis indigeat. Successum uero morbi reficere subinde desideramus. Caput poterit abluere ter & quater etiam in mense ante cenam, atq; eo die se contineat in ædibus, custodiendo se à uento & à frigore. Lixiuum quo se abluet, tale erit. Primo conficiat lixiuū dulce ex cinere salicum uel uitium, deinde accipiat huius lixiuij quantitatem pro una ablutione necessariam, & in ea decoquat maioranam, betonicam, asarum, & 3 1. agarici optimi in panno lineo inuolutam, quam postea exprimet diligenter, & cum lixiuo caput abluet, ut dictum est, adhibito sapone odorato.

Pro eodem regimen ante Thermas, in Thermis & post Thermas.

Consilium XXXIII.

℞. Floris calsiæ	3	1.
Specierum hieræ Gal.	3	2.
Misce cum saccharo, fiat bolus.		Item:
℞. Syrupi de Cichor. Nicol. cum Rhabarbaro		
Oxymellis Scillitici	ana	3 1.
Aquæ Betonicæ	3	4.
Misce pro uno, & sic pro alijs.		

℞. Confectionis hamech	3	4.
Syrupi rosati solutivi	3	4.
Cum aqua fumiterræ, fiat potio, danda in aurora cum custodia.		
℞. Mithridati	3	5.
Sacchari rosati	3	3.
Syrupi de corticibus citri	q.	s. Fiat mixtura.

Hoc Electuario usus per interualla est, pro præseruatione, sæpius etiam aloes pilulas deglutiens, uespere, ante cœnam, donèc Thermarum tempus adesset: Tricesimo Maij die, ad Thermas missus est cum hoc regimine. Vt caueat ab aëre humidiori, à pluuijs & uentis maximis, cum uel aquam biberet, uel ex balneo lotus rediret, quo tempore aër apertos facilius poros penetraret. Mane semper in ortu Solis surgat, sicut in Thermis consuetum est fieri, & ibi redditis excrementis, post integram horam, cum iam Sol lumine suo aquam attigit, & humiditatem nocturnam calore suo depulit, ualidioremq; in operando aquam reddidit, curet sua dominatio afferri aquam à fonte, & ibi paulatim obambulando bibat, usq; ad tres aut quatuor cyathos, quos nunquam excedat, nec aquam in sequentibus horis aliam bibat, nisi priorem antea reddiderit; & postquam bibit, se exerceat, ac, si serenum est cœlum, & sine uento; ipse ad fontis scaturiginem accedat. Nam aër ipse apertiones obstructionum adiuuat. Ieiunabit autem post aquæ potum, per quatuor horas, & postquam operationem suam expleuit, ad prandium accedat, quod ex cibo tenuiore, faciliusq; concoctionis paratum sit, cum propter potû uentriculus debilitatus, multitudinem cibi ferre nequeat: Poterit etiam comedere alternis diebus, ouum recens, in aqua coctum, sorbendo uitellum sine albumine, postea brodium pulli, cum modico carnis, de capreolo, aut uitulo iuvene, non ualde salito, semper cum appetitû destinat, & caueat omnes cibos dulces, calidos, pingues, crassos, difficilioris decoctionis, quia obstructiones augere possunt. Columbas, conturnices, omnia fricta & salita, quæcunq; item ex aceto, lacte, piscibus, aromatis facta sunt, & omnia genera fructuum, uitet. Post prandium, in maximis caloribus Solis, in camera oblectetur cum socijs ludendo, aut aliud aliquid agendo, quod somnum impediat, qui ei omnino fugiendus est per quatuor horas post cibum; donec cibus in uentriculo digestus, & per membra distributus sit. Neq; se exerceat, ne crudus cibus à membris attrahatur, & nouæ obstructiones fiant. Vacuo uentriculo, ad aquas ipsas accedat, & ibi in uase, uel loco bene cooperto, ad collum usq; in aquis sedeat: prima die per dimidiam horam, secunda die per dimidiam, cum quarta parte horæ, & sic ascendendo, donec per integram & horam dimidiam ibi manere possit, quod tēpus nunquam excedat, ne nimium uires fatigentur. Post balneum in camera bene clausa, & ab omni uento libera, bene abstergatur pannis linteis calidis, uel etiam dimidiam horam in lecto quiescat, sine somno tamen, & si tum sudaret, esset eo melius. At tum iterum calidis pannis abstersus bene, induatur uestibus, etiam calidioribus, ne aër amplius iam rarefacto corpore penetrans febrem illi excitet. Obambulat in loco aliquo amoeno, uel si uentus, & cœli intemperies impediunt in cubiculo suo, cōtra omnes flatus munito. Dum in ipso balneo est, nihil bibat, neq; comedat, multas ob causas. Eset in primis necessarium, semper etiam tertio uel quarto die aquam mutari. Videmus enim, licet semper affluat alia, tamen nisi loca balneorum eluantur, aquam ipsam naturalem calorem amittere & uirescere, ita ut quasi mutata & corrupta uideatur. Vespere autem id semper fieri debet, quoad horam debitam iterum repleatur, & refrigeretur. Post ambulationem uespertinam, cum dimidia hora quieuit, cœnabit, & comedet duo oua, iniecta & cocta in aqua, sine putamine, cum modico, aut nullo sale, uel ex iure puli, cum modico pane, & bibat aquam suam coctam ordinatam, uidelicet ex Aniso, & parum Cinamomi per dies quinq; uel sex, ut uideamus, quæ iam natura & uirtus corporis pati possint. Pro eo enim reliqua augeri, aut moderari necesse erit. Elapsis diebus aliquot, ut ad gutturi deueniat uelim, quam accipiat super futuram coronalem, in dorso iacens, seu inclinatus potius, ut ad posteriores partes corporis aqua defluat. Ves-

sim autem, ut singulis diebus potum aquæ acciperet, ut supra ordinatum erat, & postea elapsis horis duabus, acciperet guttam per unam horam, aut minus, secundum quod posset pati, post horam unam vel duas pranderet, modo præscripto. Inde ad duas vel tres horas, cū alij ad guttam redire solent, redeat & ipse, & per horam accipiat, deinde per aliam horam quiescens, balneum ingredianur, ac se lauet per horam, ac reliqua agat, eo ordine, quo supra. Hoc regimine usus, bibit aquam duodecim diebus, lauit se tredecim horis, accepit guttam sedecim horis, & inde Patauium reuersus est. Vt res dicit: D. Montanus cauteria duo in cruribus loco solito apponi curauit. Ea, ut facilius aperta teneret, Chirurgus laminas ex argento cum hemisphaerio perforato fecerat, pilei figura, sed ea nimium inferebant dolore, quare ex ligno Hederae globulos fieri curauit, quos imponebat, supponendo folium Hederae, si non adesset inflammatio, cum unguento magistrali, aut si appareret, iubeat folium Plantaginis imponi, aut Solani, cum eodem unguento. Fit autem illud hoc modo.

℞. Vnguenti de cerussa 3 1. 3.

Misce ad ignem, & postea in petia extende, & appone. Pro immunditie intus auferenda uelim inspergi farinam hordei: prohibet enim ne generetur caro, & ne globuli dolorem inferant. Si autem nimium cresceret caro, imponat spongiam, factam in modum globuli, & imbutam alumine usto, per duos vel tres dies, uel loco Aluminis usti, utatur unguento Isidis, ut fiat globulus ex Bombace: uel spongia, & in eo unguento bene intincta, imponatur per noctem. Quod si hæc leuiora nascentem carnem non prohiberent, utatur sequenti, & applicetur prædicto modo.

℞. Vnguenti Aegypt. 3 1.
Lythargyri 3 3.

Misce. Hæc facta eo tempore sunt, & ille perseverans in debito regimine uictus, & abstinens a uino, liber fuit per tres menses a morbo. Sed sub autumnum, aut quia in uictu peccarat, aut quia tempus frigidius aduenerat, uel ex utroque, iterum rediit malis, eam ob causam Montanus cum subito purgare cepit, & primo dedit iterum.

℞. Calsiæ 3 1.
Specierum Hieræ simpl. 3 2.
Cum saccharo fiat bolus. Postea:
℞. Syrup. de Betonica.
De Stoechade ana 3 1.
Aquæ Boraginis 3 3.

Misce pro uno, & sic pro alijs. Horum cepit 12. & illi medicinam exhibere uoluit.

℞. Trochif. Alahandal G. 12.
Confectionis hamech 3 4.

Cum saccharo fiat bolus, inuoluaturq; in nebula, & detur mane cum custodia. Hunc bolum cum accipere deberet, & abhorreret nauseabundus, & differret usq; ad horam decimamquartam, relapsus in morbum, duos paroxysmos habuit, sed leniores, fortasse ex medicamento. Vocatus Montanus iam peracto paroxysmo, iussit ut nucem muscatam in ore teneret, & sinaragdum alligaret ita pectori, ut gemma respiceret regionem cordis. Dieta quoque exquisita uteretur. Altero uesperis, bolū quem morbo præuentus non acceperat, in clysteri immittit iussit, & exhiberi uesperis, hora ante coenam. Mane uero eundem bolū renouari & accipi iussit. Hæc bene operata sunt, & plurimum materię uiscidæ, & pituitosæ eduxerunt. Sequentibus diebus cum ob paroxysmum quem habuerat, timidior, metueret subinde, ne iterum morbo corripere-
tetur, & se semper correptum iri imaginaretur, iussit, ut alternis diebus sumeret hoc
Electuarium.

℞. Mithridati optimi 3 3.
Sacchari rosati 3 3.
Musci
Ambra ana G 1.

G

Misce cum

Misce cum modico Iuleb rosaceo, fiat bolus, inuoluatur in nebula, & detur tribus horis ante prandium. Interim latus uiuat, sine timore; quod ex solo timore hic morbus interdum oriatur. Post hæc pillulas ex Aloe, per totam hyemem sæpius exhibuit, interdum etiam Coccias deglutire cum uoluit. Ipse nihilominus toto tempore singulis mensibus laborauit semel, ac diutius fere, quam antea laborare solitus fuerat, ita, ut semper duos, nonnunquam tres paroxysmos, unum post alterum pateretur. Sub medium hyemis, cum ualde timeret, & paroxysmi etiam anticiparent, ita, ut non semel, sed interdum bis in uno mense, aut ter in duobus mensibus inuaderet, iussit ut singulis diebus fumeret Oxymellis Scyllitici 3 1. horis tribus ante prandium, & postea obambulet, idq; multis diebus continue faciet, cibis ordinatis semper utens, & aquam bibens sine uino, toto tēpore, nec ulla in re peccans, nisi quod cibi quantitate nonnunquam, & præcipue uescendo pane, modum excederet. Vere primo iterum purgari cepit.

℞. Calsiæ	3	1.
Specierum hieræ simp. Gal.	3	2.
Misce, fiat bolus.		
℞. Syrupi de Absinthio		
Mellis rosati ana	3	1.
Decocti Boraginis		
Liquiritiæ		
Calendulæ	3	4.

Misce pro uno, & sic pro alijs. Accepit syropos undecim, & post hos alium bolum ex Calsiâ, cum Hiera, Statim postea suum syrupum de Elleboro exhibuit, ut euacua pituita tot iam purgationibus melancholicum etiam humorem aggregaretur, neq; id infœliciter successit, & sine aliqua difficultate. Post syropos ad decoctum ligni uolebat accedere: Sed quia aliquot dies intercesserant, quo corpus melius perpurgaretur, pillulas Coccias uesperis exhibuit, quæ ea nocte foelicissime operatæ sunt. Mane subsecutus paroxysmus uehemens, & grauior quam unquam ante sensisset. Quare post biduum ad lignū accessit, & uoluit quidem, ut in syropis decoctis in Aqua Betonicæ semper decoquantur 3 2. radices pæoniæ, & præterea cum biberet syropos, im-
 poneretur etiam pulueris seminum pæoniæ 3 1. uel 3 s. Syrupum primum mane hora octaua fumeret, ac inde in lecto maneret per horam, ac si sudor emanaret, sustineret, sin minus non ad id se cogeret. Hora duodecima deinde pranderet, ac primis quidem decem diebus quarta parte pulli, & uno pane contentus, suam aquam biberet. Subsequentibus uero 20. præter pillulas & bis coctum nihil comederet, & secundo die coctum lignum biberet, post 31. ad primorum dierum dietam rediret. Hora uigésima secunda secundum syrupum acciperet, ac deinde hora uigésimaquarta coenaret, uel antea. Toto hoc tempore, ab aëre humidiori, & uentis sibi caueat. Et si talis esset constitutio, in suo cubiculo conclusus uiueret. Singulis etiam 10. diebus bolū Calsiæ ex 3 10. sumat, quo die syrupum matutinum posset omittere, ut deniq; in hoc regimine ad quinquagesimum diem usq; perseveraret. Ita ut ultimis diebus unicum modo syrupum acciperet. Ager statim secundo die, postquam ad potum ligni peruenit, cepit pillulis & bis cocto uiuere, & secundum decoctum ligni, pro potu accepit, & in ea ratione uictus perdurauit. Post quadragesimum diem paulatim ad carnes, & priorem dietam rediit, usq; deniq; potu ligni per aliquot dies. Toto autem eo tempore morbo non laborauit, quin etiam corporis habitus, qui inflatus antea uidebatur, melior fieri uisus est, & ad naturalem speciem reduci. Post potum ligni, quia in patriam sibi redeundum erat, iussit Montanus, ut non nisi matutino tempore equitaret, ad decimam tertiam uel decimam quartam horam usq;. Reliquū uero diei ardenie sole in hospitio uiueret. Vino parce uteretur paucifero, & quam maxime diluto. Et per multos menses & dies optima utatur dieta, uescens carnibus iuuenum utulorum, hædo-
 rū, & alijs optimis cibarijs, quæ in consilio prohibita nō essent. Corpus bene exerceat
 horis

horis opportunis, & omnes animi molestias fugiat, sed quàm maxime Venerem. Vtatur quotidie, aut alternis diebus, dato pulvisculo, sumendo in brodio, aut aqua cocta, aut uino, multa aqua diluto, quousq; durabit. Tertio quoq; die Aloeticas pilulas accipiat hora una ante coenam, in reliquis post modum se regat, prout in Consilio nostro diffuse scriptum est.

Electuarium pro Epileptica grauida, ad educendam pituitam, sine molestia & nocumento fetus.

Consilium XXXIII.

ss. Caricarum pinguium per setaceum expressarum	3	4.
Medullæ Carthagini	3	1.
Rhabarbari electi	3	2.
Cariophyl.	3	s.

Misce omnia simul, & cum syrupo de corticibus Citri, fiat Electuarium, de quo sumat 3 s. horis tribus ante prandium, semel aut bis in septimana, secundum necessitatem. Exquirente quodam rationem compositionis, dixit se eam ex Galeno habere, semen Cartami ad educendam pituitam sine molestia prodesse. Et ut id facilius, & cum minore molestia fiat, addi carnem caricarum pinguium. Rhabarbarum uerò iuuat ad educationem, & simul confortat membra sine astrictione. Caryophylli cor & cerebrum roborant, quæ duo membra in hoc morbo maxime affliguntur. Sunt omnia hæc talia, ut in quantitate tam parua, grauidæ tuto quidem exhiberi possint.

De Epilepsia, per consensum à partibus inferioribus, unâ cum retentione menstruorum.

Consilium XXXV.



RACHANZIANVS casum ita exposuit. Puella tredecim annorum, patitur semel in mense, uel bis aut ter contractionem uniuersi corporis, in qua non memoratur. Et hoc maxime noctu illi accidere solet. Et cum illam aggreditur hoc symptoma, incipit quidam affectus in uentriculo, qui ascendit per gulam in cerebrum; post quem aduenit symptoma, quod durat interdum per horam, interdum per semihoram, interdum citius pertransit. Emittere quandam spumulam ex ore, & cum recedit symptoma, relinquitur resolutum alterum brachium dextrum, ita ut non possit flectere. Si ei porrigatur aqua, euadit, cum eam bibit. Dum carnibus, piscibus aut dulcibus cibarijs utitur, incurrit in hos affectus, qui inordinarij sunt, & minus laborat in quadragesima.

MONTANVS. Postquam mihi est ultimus loquendi locus attributus, ideo seruando ordinem propositum, suppono, puellam tredecim annorum esse calidæ & siccæ temperaturæ, ut nobis relatum est. Et licet ratione ætatis, & sexus etiam debeat esse humidius hoc corpus, ita tamen dominatur in eo caliditas, & siccitas, ut tendat ad aduersionem. Neq; immorabor in recensendis symptomatis cum facillimum sit repetere causas istorum. Primo, certum est, quod epilepsia sit contractio uentriculorum anteriorum in cerebro. Est enim talis contractio formalis ratio, ex qua sequitur contractio totius. Fit autem ea contractio propter aliquam lesionem, quæ potest esse uel à qualitate nuda, uel à materia, eaq; uel corpulenta, uel uaporosa. Qualitas adueniens potest inducere subitam alterationem, ideo uentriculi insurgunt ad expellendum

nocumentum, sicut fit in tussi à pulmone. Et talis qualitas potest esse uel frigida, quæ faciat talem contractionem, uel etiam aliqua ex secundis qualitatibus, ut mordicasio: uel est aliqua materia, quæ facit nocumentum ratione quantitatis, uel etiam est ratione qualitatis innominatæ. Sed quales sunt illæ qualitates innominatæ? ut est Epilepsia per consensum, quæ fit à uermibus. Et talem causam refert Galenus, quando dicit de qualitate frigida, deueniente à pedibus ad caput. Ac tot modis fieri potest Epilepsia sine materia. Materia autem adueniens, & inducens Epilepsiam, uel est uaporosa, uel humorosa. Porro tot genera uaporum esse possunt, quot sunt humores. Sed Epilepsia solet fieri ex pituita, cum propter sui uiscositatem adheret uentriculis. Et uirtus insurgit ad expellendum, & fit cerebri contractio. Et quando fit à materia, plerumq; fit à pituita, raro à bile, neq; à melancholia, cum non sit tanta, ut possit facere talem obstructionem. Si ergo fit à materia, fit à pituita. Tot igitur esse possunt causæ Epilepsie. Modo, huiusmodi materia an uapor sit, siue humor, uel per essentiam, uel per consensum est uestigandum. Quæramus igitur, quæ causæ sint ratione quarum incidit in epilepsiam. De hoc dicam quod sentio. Non credo possibile causam istius epilepsie esse pituitam, imò potius esse uapores malos, operantes sua mala qualitate. Et non simpliciter mala qualitate faciunt hoc, sed ratione multitudinis, contractionem efficiunt in istis uentriculis. Nec uapores arbitror generare in capite, sed ab ambitu uenarum totius corporis eleuari, & per eas ascendere ad caput: atq; utrumq; conuenire, materiam uaporosam, & malam qualitatem. Quæ autem sunt rationes, quæ me moueant? Præmitto corpus esse calidum & siccum, & gracile, præterea magis afficitur ætate quàm hyeme, & longe melius degit in hyeme quàm ætate. Quando lac & dulcia comedit, exacerbatur. Si esset pituita causa huius morbi, in maiori copia pituitæ magis affligeretur. Et in hyeme plus aggregatur de pituita, uerum in ætate plus affligitur. Fit ergo ex uaporibus malis, generatis in inferioribus membris, & ascendentibus ad caput, quibus in hyeme pituita illa generata potius est medela, quæ restinguit eos, & diluit, quare in quadragesima non patitur. A comestione lactis, cum ingeritur in uentriculum facientem flatum nidorosum, & hepar est calidum, ratione eius astrahitur lac ante coctionem, & acescit, & corrumpitur, ac in euaporationem nidorosam conuertitur, qui uapores nidorosi ascendunt ad caput, & faciunt hos affectus. Lac enim cum acescit, habet uim stimulandi, & quia acrimonia fundatur in substantia tenui, cito ad caput perfertur. Læditur à dulcibus, quia dulcia illa uertuntur in bilem, & euaporationes acres, à quibus excitantur illi affectus. Præterea est unum symptoma, quod præcedit, nam ante paroxysmum tremore maximo occupatur corpus. Iste tremor procedit à uaporibus acris erodentibus, ut uidemus in febris tertiana. Deinde adiuuimus, quod plerumque pertransit cito, & ad summum per horam durat, deinde percipit in brachio resolutionem, quæ facile pertransit. Si esset materia crassa, non tam facile resolveretur. Quod autem plus, aliquando minus accidit, est ratione diuersitatis uaporum, secundum quod sunt crassiores uel minus acuti, uel magis. Post autem catarrhū apparere in fine paroxysmi, hoc est, quoniam uapores excutunt aliquem humorem generatū in cerebro. Et ita uidetis omnia correspondere rei, & si uolumus loqui cum ratione, credo, quod non possit aliter esse, quoniam ad est caliditas hepatis. Et Gal. 3. de locis affectis, de dolore capitis ait, quod habentes calidum hepar, facile patiuntur dolores capitis. Quod autem ita sit, uidetis, quia est iracunda, propter multam adustionem factam in bile, & ratione huius temperaturæ, accedente mala uictus ratione, accidunt ista symptomata. Retentio etiam menstruum non parum nocet, nam in anno 12. solent euacuari ista menstrua, & credo quod horū retentio foueat morbum, cum habeat 14. annum. Non dico, quod non possit esse aliqua mulier, quæ in 16. incipiat habere menstrua: sed istæ sunt frigidissimæ. De curatione credo, quod optimum est expectare tempus eruptionis menstruum. Parū exercetur, & si exercetur, mouetur tum multarie. Audio, cum est in naui, quod excitantur isti uapores, & fit ille affectus. Quia tunc uidetur moueri, & non mouetur caput, in terra autem non ita afficitur, quoniam etiam

etiam caput mouetur. Et ideo credo, quod bonum esset, ut exerceret se moderate, & haberet decoctum, quo prouocarentur menstrua & medicamenta, ut est uel Aloe, uel Hiera. Et si uellet purgari, esset optimum, ut bis in anno purgaretur uniuersaliter, ut tamen primo minoraretur materia. Et daretur Syrupus de fumo terræ, qui aperiret, & Syrupus de Cichorio, & decoctum eius, & capilli Veneris: et euacuaretur cum Syrupo rosati solutiui uel infusione Rhabarbari. Queritur modo, an conueniant balnea? Et respondeo, quod conueniant, quia est in eis uis purgandi & aperiendi, ex quo conuenient, ut prouocarentur menstrua: ideo per 14. dies possumus uti, nec timeo caliditatem, modo redderentur per urinam. Quia si non redderentur, adhaerent hypochondrijs & inflammationis periculum esset. Sed si pertransseunt hypochondria, non faciunt tantam impressionem. Et inde habemus apertiones uenarum, & prouocationem menstruorum. Sed dentur moderate balnea, ita ut egerantur priores aquæ, antequam reliquæ accipiantur. Quod autem dicit Arist. in 14. anno emitti menstrua illa, dicit terminatiue, quia uidemus manifeste in 12. hoc fieri. Et quod dicit de nigellis, illis non esse copiosum sanguinem menstruum, intelligit de melancholicis aduultis. De pituitosis autem excrementis in uentriculo, non curo hoc, an habeat uentriculum frigidum, & refertum plurimis excrementis pituitosis. Et sic argumenta Doctoris non faciunt contra ueram determinationem, quam credo omnino esse uerissimam.

De Epilepsia, cum morbo Gallico.

Consilium XXXVI.



Uita sunt in hoc casu, quæ singulari speculatione indigent, sed ego ea, quæ necessaria sunt, tantum attingam. Petit nobilissimus uir auxilium à nobis, ut epilepsiam, qua hætenus molestat, auertamus. Hoc ut rite faciamus, natura eius diligenter consideranda est. Perspecta enim natura morbi, curatio quoque facilius erit. Natura autem consideratur in suis causis, quæ duplices sunt, uel internæ uel externæ, & deinde in ijs quæ sunt annexa, ut insensio morbi. Intrinsecæ quædam formales sunt, quædam materiales. Formalis, siue caracteristicus huius morbi, est actio læsæ uirtutis animalis, tam interioris quam exterioris. Pereunt enim hic sensus & motus. Causa huius impediementi principalis est cerebrum, locus sunt uentriculi cerebri, qui obstruuntur, ut uirtus animalis ad reliqua membra transmitti amplius non possit, ut testatur Gal. lib. 2. de placitis Hipp. & Platonis. Obstructio autem, teste Gale. 3. de causis symptomatum, potest fieri multis modis, & non solum propter uasa continentia obstructa, sed propter aliquam intemperiem, & qualitatem malam mordicantem membrum. Quam cum natura insurgens expellere nequit, uehementem motum instituit. Sicut contingit in motu tussis, propter mordicantem aliquam qualitatem, uel in uentriculo patiente singultum, qui assimilatur spasmu, unde Gal. licet spasmus fieri ab inanitione, & repletionem dixerit: tamen tertiam speciem spasmu in 7. secundum loca, non proportionatæ materiæ enumerat, ob aliquam qualitatem mordicantem, ut si piper quis come disset. Causa autem obstructionis, ratione uasorum, est à materia pituitosa, quæ sua uiscositatē, & lentore, facile ad hæret, & crassitudine uentriculos cerebri replet. Humor enim crassus, ut scitis, maximam habet uim replendi. Raro autem contingit, epilepsiam à melancholia fieri, quod eius sit parua quantitas, nec ita facile ad cerebrum ascendat. Et si hoc fiat, meningas potius, quam cerebri substantiam occupat. Pituita etiam facit, ratione malæ qualitatis uenenosæ, teste Galeno lib. 6. de loc. affect. Contingit item ex ictu scorpionum, quandoque in pueris propter uermes, ut recitat exemplum Galenus in consilio de puero epileptico. Hæc erat opinio Aristotelis, cum dicat causam epilepsie esse uehementem motum. Quantum ad intentionem morbi, dico, quod est excitatus à ualidissima causa,

Audire enim omnes operationes cerebri maxime in eo ualidas fuisse, quæ non nisi à siccitate cerebri proueniunt: concludendum igitur, quod fuerit calidi cerebri. Ideo lapsus est maximus, quod in tali temperie cerebri ad hunc morbum deueniret. Causæ externæ sunt sex res non naturales, in quibus ita deliquit, ut mirum, quod non diu obierit. Ad hoc, deterius est, quod coitus usus est sine modo, & cum incidisset in infestam, & contraxisset morbum Gallicum, uelletq; curari, argento uiuo usus est; quod ex sua substantia frigidum, lædit nervos, & Galenus non nisi pro ueneno agnouit. Pro curatione illæ omnes causæ procaciter amouendæ sunt. Circa cibum & potum necessarium est, ut his utatur, quæ sunt boni nutrimenti, & ut semper admisceat Cinamomum & piper, quia piper, præterquam quod discutiat flatum, etiam calefacit. Et si est ægritudo chronica, à uino paucifero non abhorrerem. Quantum ad medicamenta, intentio est calefacere & exsiccare. Pro morbo Gallico uteretur ligno decocto, cum uino, quia habebit siccitatem maximam. Ab unctione uero argenti uiui prorsus absteineat. Cauteria in hoc casu multum conferrent, quoniam diuerterent, & euacuerent sine molestia. Et hæc satis.

De Incubo & Epilepsia.

Consilium XXXVII.



CLARISS. D. D. si ego recte obseruaui ea, quæ à patiente dicta sunt, inuenio eum laborare quibusdam affectionibus, quarum genus est conuulsio. Et illi, qui eum à principio istis affectionibus uiderunt laborare, retulerunt eas in conuulsionem, tanquam genus proprium. Est igitur conuulsio. Ea uero cum sit in nervis, necessarium est, ut principium nervorum afficiatur: principium autem nervorum est cerebrum. Cerebrum itaq; afficitur. Sed conuulsio fit, tum ex siccitate, tum ex repletionem. Addunt moderni ex mala qualitate mordicante, quam uocant non proportionatam ad materiam. A qua sententia Galenus quoq; non dissentit in libro de comp. medicam. Ex siccitate spasmus fieri in cerebro non potest. Non enim ob siccitatem cerebrum ita contrahitur, ut spasmus generaretur: sed fit à materia opplente uentriculos cerebri, ut uirtus laboret in expellendo eam, & contrahatur principium nervorum, quod est cerebrum. Fit etiam à mala qualitate mordicante, à qua contrahitur cerebrum, ut de puero Epileptico illo testatur Galenus. In hoc Aristoteles non conuenit cum Medicis, qui à sola qualitate frigida uult fieri epilepsiam. Sed nos cum Medicis sentimus. In uiro isto est epilepsia ex duplici causa, tam ex materia opplente, quæ est partim per essentiam in capite generata, partim demandatur aliunde, quam per consensum, seu auram illam malam ascendente de crure. Est igitur in hoc uiro conuulsio cerebri, proueniens tum à materia opplente, tum à mala qualitate. Causa huius materie crassæ oplentis est prima ipsius temperatura. Ex signis enim uideo cerebrum eius esse frigidum, nam materia pilorum deficit, hinc siccitatis etiam indicium est. Tempora emaciata prolapsa, facies tornatilis, quod siccitatem ostendit. Sed quia siccitas potest iungi cum calido & cum frigido, in isto uiro non est cum calido iuncta, quia si cum calido fuisset iuncta, non tam cito caluus factus esset, quia caliditas adhuc prohibuisset caluitiem, suppeditasset nutrimentum pilis, item non tam cito sensuisset, est XXX. annorum, & apparet sexagenarius. Nam qui habent cerebrum frigidum & siccum, facile & cito circa partes capitis senescunt. Stante tali temperatura cerebri frigida & sicca, non est mirum, si tot materie sunt auctæ in capite crassæ. Cum sit cerebrum priuatum calore, ut non possit proprium alimentum conficere, inde excrementa plurima frigida & crassa sunt multiplicata: hepar etiam adiuvat, ut ea augeantur, nam est hepatis calidi & siccæ, ut uenarum amplitudo indicat. Huiusmodi igitur hepar quantum faciat ad replendum caput, non mihi est dubium, cum semper excitet uapores, qui translati ad cerebrum, augent illam materiam

triam in cerebro. Quia in habentibus symbolum &c. uentriculus quoque frigidus crassitates multas multiplicauit, quæ etiam ad capitis repletionem contulerunt. Hæ igitur sunt causæ quæ in corpore sunt, & effecerunt materiam illam immediatam Epilepsiae. Quibus accesserunt res non naturales, etiam adiuuantes illas internas. Victus fuit inordinatissimus, comedit quæcumque oblata fuerunt, copiose quoque legumina, & brassicas ingessit. Accessit etiam ad hæc, quod est uenditor caseorum, inde in apotheca delitescit, non exercitatus, & inde plurimum multiplicat materias frigidas, & crassas. Aetatis autem tempore exercitatur inordinatissime, à cibo sumpto multum discurret, quod, quantum malum sit, facile patet, quia cibus crudus, nondum coctus, rapitur ad oenas, distribuitur per corpus, inde multa excrementa in corpore generantur. Item frequentius in sole uersatur, qui exsiccat cerebrum, & attrahit materias. Inter extrema duo uersatur, uno tempore nihil prorsus se exercet, alio autem multum, & interpestiue, quod utrumque cruditates multiplicat. Cum igitur habuerit temperaturam huiusmodi multiplicantem excrementa frigida, crassa, & uictus rationem inordinatissimam, non est mirum si incidit in has affectiones, quas omnes patitur, cum illæ materiæ crassæ obstruant uentriculos cerebri, & iuxta quantitatem oppletionis eueniat affectio. Cum etenim ualde obstruit, accidit epilepsia, ut præterito anno, & ab hinc duodecimo die ei contigit. Cum uero minus, accidit incubus in somno, ut nocte hodierna. Non differt enim incubus ab epilepsia nisi quantitate, & est incubus quasi leuis epilepsia. Sed hic quæreret aliquis. Cum sit materia in capite, cur non effecit epilepsiam, nisi bis? Fieri potest, ut uirtus expulsiua fortis, tanquam in iuvene, expellat materias, & inde affectiones non sint ortæ, uel fuit pauca materia, quæ expulsa non causabat epilepsiam. Sed cum materiæ auctæ sunt tam per essentiam quam per consensum & ab inferioribus partibus & membris accessit qualitas mala ex crure, inde facta est epilepsia. Item si quæreret, an eius cerebri temperatura sit talis à natiuitate, de hoc nihil est, quod dicam, certi. Potest esse à natiuitate, potest etiam acquiri mala uiciendi ratione. Ut igitur uera ueris consentiant, patitur epilepsiam, ex materia partim generata in cerebro, ob debilitatem cerebri, non conficientis alimentum proprium, partim per consensum, à membris subiectis demandantibus, ut uentriculo, & hepate. Hic etiam dicæ pauca de illa aura, quæ ascendit ex pede. Potest ibi materia putrescere, sed Deus scit, si est ibi. Si est, potest putrescere, ex quo pessimi uapores eleuantur, qui sua mala qualitate afficiunt cerebrum, qui etiam illi materiæ additi facile causant epilepsiam, quia in habentibus symbolum &c. Ad curam iam deueniamus. Est hic intermiseris cum materia, Materiæ debetur euacuatio, intermperiei alteratio. Sed mala qualitas non potest alterari, nisi euacuetur materia. Igitur euacuanda, quia repletioni euacuatio debetur. Sed cum sit hoc tempus hybernium, & sumus circa solstitium hyemale, ante quæ solstitia Medici non iubent purgare, nisi 15. dieb. Quæritur igitur, an debet euacuari. Quod euacuari debeat, morbi magnitudo poscit, quia epilepsia omnes sensus hebetat, atque destruit, & epileptici in omnibus actionibus suis sunt torpidi. Item si epilepsia firmata fuerit, & perseverauerit, conuertitur aliquando in apoplexiam, & tales apoplexia ferè moriuntur. Quod non debeat euacuari, plures concurrunt causæ. Prima est, quia humores in centro sunt congelati, non poterunt recte educi, & extrahi. Si enim extraheremus sanguinem, rarefieret corpus, læderetur facile à frigore, quia is non est unus è principibus, qui calido conclau, aut calidis uestibus defendi possit à frigore, & ita essent ultima peiora primis. Si autem uertimus nos ad morbi magnitudinem, est necessarium, ut euacuemus, licet temporis constitutio contrarium nobis suadeat. Ego inter utrumque uersans, cum morbus det inducias, euacuarem eum attenuante uictu, & præscriberem uictum tenuissimum. Ita enim mea sententia fert, non ut determinem, sed ut sententiam meam retegam, & conscientiæ satisfaciám. Et purgarem cum leuissime purgantibus, quæ uentriculum parum, & cerebrum euacuarent, ut sunt pillulæ Mastichinæ, pillulæ de Rha barbaro, de Agarico, de tribus, de Aloë. Hæ & uentriculum, & cerebrum purgarent leuissime, illæ de tribus

& spiritum cordis reficerent, ob Crocum. Terebinthina etiam esset optima, sed quis nonnulli Medici, & quidam doctissimi sunt in ea sententia, quod odore suo augeat epilepsiam, & adducunt suas rationes, ego de hac re modo non disputo. Parum quidem est, potest omitti Terebinthina. Et illis, prius à me dictis, poterit uti his, uel ter in septimana. Et cum continuabit in his purgationibus lenibus per mensem unum uel duos, educunt tantam quantitatem materiae, quantam uos quaeritis uno impetu educere. Item poterimus educere & diuertere per urinam, darem ad hoc acetum Scylliticum, & Oxymel, ante cibum, si haberet mel Scylliticum, optimum esset, quia incideret & attenuaret materias, quae ita incisae illis pillulis de tribus, uel Mastichinis, facile educi possint. Ad confortandum cor his in mense Mithridaticam confectionem sumat. Darem etiam baccas Iuniperi, Dictamum Cretense, uel Caryophyllos ad masticandum, moderate enim exsiccarent materias cerebri, & calefacerent: sed quia cor quoque compatiatur in epileptica affectione per consensum, ut nonnulli Medici epilepsiam magis cordi ascribant, ac illud immediate compati dicant. Sed haec quaestio nondum est determinata apud Medicos, utrum cor primario, uel cerebrum afficiatur in epilepsia. Utique sit, certum est cor etiam laborare in epilepsia, inde ad reficiendos spiritus facerem linimenta odorata, & per os darem, ante cibum, his uel ter in septimana Diamhrum, uel Diamuscum; ex odore enim reficerentur spiritus. Et recta ratione uisus quoque eum gubernarem. Et haec facerem hachyme, ut illum praeseruarem, quae parua quidem uidentur, sed sunt maxima, & in processu tantum materiae educunt repetita, quantum uestra semel impetuoase. Transacta hyeme, circa Pascha, facerem purgationem ordinariam, quam uocant, lenita aluo, minuerem sanguinem, quia hoc corpus excrementis in uenis redundat, & sunt aliqui humores adulti in uenis. Minuerem itaque materiam Cassia, cum Hiera, concoquerem cum oxymelle, cum syrupo de Betonica, his etiam addi posset syrupus de Cichorio Nicoliti enim recte perpensimus, inuenimus eum factum propter epilepsiam. Deinde materia euacuari poterit Cassia, cum Hamech & alijs similibus. Et tunc etiam Thermas suaderet Aponenses, ad exsiccandam materiam cerebri, & calefaciendum. Cauteria quoque in cruribus facerem, ut materias diuerterem, praefertim in illo crure, ex quo transit aura, factum enim cauterium prohiberet ascensum auras ad caput, & natura foramine inuento per illud expelleret. Lotiones quoque capitis utiles essent, ex betonica, maiorana, agarico & similibus, quae nunc ei erunt praescribenda. Haec uolui dicere, ut huic aegro & conscientiae meae satisfacerem.

De praeservatione ab epilepsia pro puero.

Consilium XXXVIII.

EST ualde uerendum ne incidat in epilepsiam, nam habet caput dispositum ad hanc, quia est humidum, & prosternitur sine causa, qui uidetur esse quidam motus epilepticus. Abstineat omnino à uino, bibat aquam decoctam cum cinnamomo. Item decoquantur tormentilla, paeonia &c. quae confortant caput & uentriculum, ne uapores transmittantur ad caput ex uentriculo. Utatur frequentissime agarico, & faciat hoc sibi familiare, ut euacuetur caput, & accipiat 3. s. agarici. Et sic procedatur usque ad annum 15. quia mutatione aetatis fortasse curabitur hic morbus. Quod si perseueret, fiant cauteria non solum in cruribus, sed etiam in brachio. Caput etiam abluatur cum paeonia, agarico, betonica. Item fiant pulueres ex maiorana, sandaracha, betonica, & similibus, quibus solemus uti ad exsiccandum caput in his & similibus morbis, & addatur etiam ladanum confusum cum his pulueribus.

De epileptica puella, Frisimelicæ & Montani.

Consilium XXXIX.



Cribitur ad nos de puella, quæ nata est annos uiginti, cuius temperaturam humidam iudico declinantem ad caliditatem. Caput frigidius fortè est & humidius, quia dolor grauatiùs infestat, & ipsa frigus in capite sensit. Vitæ ipsa est intemperatissimæ, & menses sunt suppressi, atque iam à decem mensibus non purgatur: quare in epilepsiam incidit. At uero in dubio relinquitur, ante ne menstrua fluere desierint, quam epilepsiam sentiret: quamquam ratione probabili id fiat uerisimile. Adhæc uenter male est affectus. Ipsa etsi adhibuerit doctissimum Medicum antea, à quo corpus & pharmaco & phlebotomia est purgatum, & bona uictus ratio instituta, tamen & nos propter consilium requisit. His supra paulo repetitis, quid rei sit perpendamus diligentius. Temperaturam iudico humidam cum leui caliditate: quia carnosum est corpus puellæ & pingue. Solauero pingua semper sunt frigida. Eadem ratio est membrorum principisium, quæ toti: plerumq; sunt uniformia. Caput igitur summe humidum: unde deinde uaria symptomata, & ipsa denique epilepsia. Labor capitis diuersus est, dolet, & percipit frigiditatem, laborat epilepsia: an uero fuerit ea cum spuma, aut sine hac, aut cum conuulsione, incertum est. Huc accedunt iam alia symptomata: menstrua enim sunt suppressa, unde promanat mala intemperatura frigida & humida capitis, quæ morbus est mulieris: nam percipit summam frigiditatem. Ipse capitis dolor est grauatiùs, qui deorsum sunt fontes epilepsie: nam epilepsia nihil aliud est, quam obstructio in ipsis cerebri uentriculis, quæ sit à pituita, alijsq; uiscidis humoribus & crassis, qui cum in capite abundant, & accedat ipsa capitis intemperatura, sequitur epilepsia: menstrua enim sunt suppressa, quæ uel sola parare uarios morbos solent: unde etiam materiam congelatæ frigidæ & humidæ, & uentriculi uitio, intemperanter enim uiuit. Intemperantiam sequuntur cruditates, quæ replent corpus malis humoribus, & maxime cerebri. Ita fouetur intemperatura capitis ab inferioribus: cum eodem communicat totum corpus, quod illi noxios uapores transmittit. Quid igitur agendum est? credis ne eam posse euadere? Vereor equidem ut id fiat, cum ob alias causas, tum quod in loco sit frigido & humido. Quare nec mirandum est, nihil medicum effecisse clarissimum adhibitis illis medicinis. Verumenimvero cum epilepsia sit primarie in cerebro, uel per consensum: si est per consensum, membrum est alterandum, & antequam hoc fiat, totum corpus euacuandum. Quid? euacuari ne debet per phlebotomiam? Per tempus non licet, quare in uer differendum censeo. Restant instrumenta euacuandi corporis duo, diæta scilicet & pharmacum. In diæta assumat quæ aperient, incidunt, & aperte attenuant. Inter cætera utatur pane satis fermentato, cum seminisbus fœniculi & alijs. Utatur carnibus attenuantibus, ut auicularum paruorum, & hæc condiantur aromatis item attenuantibus. Vinum ne dandum sit, dubitari possit, quia caput est affectum: sed quia humores sunt frigidi & crassi, modico utatur uino, atque si hoc nolit, bibat aquam mellis, uel zucchari, aut oxymel, aut oxyfacccharum: nec acetum quicquam hic nocere potest ob mixtionem. Decoquantur item betonica & salua. Utatur item exercitijs. Quid? semel ne interdium comedit? Quia uero edere bis in die consuevit, nolo ut quicquam contra consuetudinem faciat. Vti quoque poterit fassamentis, quorum incidere est. Venter frequenter leniendus est, nam est adstrictior, ob crassos & uiscidos humores suspendentes fæces. Quare ante cibum etiam oxymelite utatur. Partes inferiores exerceantur, & frictiones fiant, sed non item in capite. Cæterum exerceatur ambulando & equitando. Concocta materia, ad caput uenietur. Hiera & castia uenter leniatur, & materia concoquatur cum syrupo de betonica, oxymelle composito, & squillitico interdum, pilulis cochijs purgetur, quibus aliquid colocynthis addatur. Ego misceo drachmæ uni ipsarum specierum hieræ,

hieræ } 1. Colocynthis, usus quandoque erit propter intemperaturam corporis, Trochiscorum alhandal, & confectio hamech ualde est bona. Laudarem multum pilulas illas cochias in hoc casu, quas describit Gal. lib. 5. meth. cap. 14. Suadeo etiam ut saepe interim purgetur, ac per interualla saepe pilulis utatur, donec uer attingeremus, in quo demum purgarem & alterarem caput, tunc mitterem sanguinem, cum syrupis materiam concoquerem, & euacuarem; deniq; consulerem etiam ut in nostras has thermas ueniret, & aquam biberet, prouocarentur frictionibus menstrua, ac darem diospoliton, diacalamenthon, diatriopipereon. Vterer etiam decoctis calamenthi, pulegii, dictamni, ut materia attenuaretur. Nunquid saphena secanda? Ita: & si hoc nolis, fiant scarificationes circa malleolos, quas antiqui multum laudauerunt; nam & ego hyemem uereor.

MONTANVS. In casu proposito utar omni breuitate, qua potero, non tamen ea, ut uidear aliquid quod necessarium sit, praetermittere. Ne igitur tempore abuti uidear, deuentam ad casum istius nobilissimae puellae. Supponatur istam pati epilepsiam, quod apparet tum ex symptomatibus, tum ex relatione nobis facta à medico ita affirmante; & non morabor nunc in recensendis omnibus causis ipsius epilepsiae, quoniam necessarium esse minime puto. Ideo erò brevis in recensendo quasdam causas, quas ponere oportet, quoniam ista laborat tali morbo ex diuersis causis. Principales tamen duplices sunt; Efficientes aliae, aliae naturales. Quantum ergo ad efficientes causas, quaedam sunt intrinsecae, quaedam extrinsecae. Intrinsecarum prima est inundatio, siue agitatio spirituum in uentriculis cerebri, ita ut spiritus impendantur à libero transitu, & agitati, uernos ingredi nequeant. Vnde sequitur ut totum corpus aliquandiu sensu ac motu priuetur. Secunda causa est ebullitio humorum, siue spirituum contentorum in uentriculis cerebri, propter caliditatem ascendentem. Tertia causa sunt humores contenti in cerebro, qui sua crassitie, uisciditate & multitudine obstruunt uentriculos cerebri. Quarta causa sunt uapores, uel mala qualitas, ascendentes ad ipsum cerebrum ab istis partibus inferioribus, sicuti à uentriculo, hepate, utero, & consimilibus; qui quidem uapores & mala qualitas cum petunt cerebrum, excitant motus istos epilepticos. Et sic istae sunt quatuor causae intrinsecae. Extrinsecae uero potissimae sunt, aer, cibis & potus, accidentia animi; temperatura etiam potest hoc idem efficere. Et has uolui enumerare causas, quas duxi esse necessarias in cognoscenda hac aegritudine, qua ista puella laborat. Materiales uero causae istius aegritudinis sunt uel humores uel uapores; humores quidem aut sanguinei, aut melancholici, aut pituitosi; qui quidem humores uel sunt in cerebro, uel in partibus inferioribus. Si in cerebro, dicuntur causare epilepsiam in capite per essentiam. Si in inferioribus, per consensum, quando scilicet eleuantur uapores, aut mala aliqua qualitas, sicuti à uermibus, aut à morsu scorpionum, aut à consimilibus, quae qualitas tendit ad uentriculos cerebri, & motus hos excitat epilepticos. De loco aut nihil dicam, cum satis per se constat. At cum sint tot causae, iudicane ab aliqua istarum, an ab omnibus talem affectum generari in hac puella? Credo ego quantum ad efficientes attinet, primo quòd adsit illa inundatio spirituum, ut indicatur à strepitu illo percepto, ac si aliqui dimicarent, quem scribunt puellam sensisse in capite, propter agitationem scilicet. Secundam etiam adesse causam credo; nam dixit se percipere ueluti fulgura quaedam prae oculis; & sunt uapores quidam ignei, qui faciunt ebullitionem spirituum in uentriculis cerebri, & faciunt apparere ista fulgura. Quòd autem tertia causa adsit, scilicet obstructio ex humoribus crassis & uiscidis ac multis, patet; nam hoc indicat grauitas capitis. Quòd etiam adsit mala qualitas, arguitur, quoniam retenta sunt menstrua, à quibus eleuantur uapores ueneni ad ipsum cerebrum. Quòd autem à mensuris eleuentur isti tales uapores, testatur Gal. in 6. de locis affectis ultimo. Et sic uidetur quòd omnes causae efficientes concurrant in ista nobili muliere, &c. Accedit postea temperatura humida uniformis huic dispositioni; nam audimus corpus eius esse carnosum, pingue: corpus autem in quo est pinguedo cum caliditate, significat quòd in eo dominatur caliditas, & humiditas. Si autem fuerit plura

de pin-

de pinguedine quàm de carne, ostendet humiditatem præpollere caliditatem: & contra si plus de carne, quòd caliditas sit maior. Ideo temperatura hepatis in ista calida est & humida, & nulla est temperatura magis apta ad replendum caput, quàm ista. Et sic inter causas efficientes connumeranda est temperatura. Quòd autem ratione cerebri disponatur ad epilepsiam, patet: nam audio quòd semper habuit debile caput, & semper fuit affecta aliquo dolore ipsius capitis. Cause autem extrinsecæ, fuit mala ratio uicius. Accedit etiam, quòd incepit alere illos uermiculos sericum nenres, à quibus tum putrefactus, tum uiuis & solijs quibus illi aluntur, eleuantur mali vapores, qui quantum possint disponere ad hos motus epilepticos, unicuique per se patet. Hahuit insuper retentionem menstruorum. Accedit ad hæc omnia regio ipsa, quæ primo est exposita Austro: Auster enim spirat per hos lacus Venetos, & accedit ad hos ualde humidus. Ex parte autem Septentrionis sunt montes, & spirat Boreas, & credendum etiam ibi esse ualles, in quibus colligitur iste uentus, & unitur, & causat maxima frigora, & sic Auster humectando, & Boreas refrigerando, potuerunt hanc malam qualitatem & affectum inducere. Et sic omnes ferè causæ concurrunt, & nulla fuit à nobis superflue enarrata, neque enumerata. De causis autem materialibus, credo quòd humores sint in cerebro: nam habet gravitatem cum summa frigiditate in parte posteriori: ideo concedendum est, quòd ibi sit plurima pituita. Quantum uero ad consensum, credo quòd adsit consensus uteri, uentriculi, & totius. Et ista materia in capite est difformis: nam in parte anteriori sunt vapores illi ignei, in posteriori autem pituita frigida. Talis igitur est ægrotudo istius puellæ, quæ agit 22. annum. Et hoc notandum, quantum ad prognosticum attinet. Aetas enim ideo est obseruanda, quia ea sola doceat, an hic morbus curari possit. Hæc ætas in foeminis æqui pollet prope annis 40. in uiris. Quia uero anno 14. per menstruorum fluxum, à dolore capitis sanari non potuit, quomodo nunc sanari possit nō uideo. Nam hic morbus si à 25. anno ætatis uirum inuaserit, cōmoritur. Vbi puella creuit usque ad 14. annum, & non sunt remotæ eæ malæ affectiones, non est sperandū quòd ita facile deheant remoueri. Nam ratione ætatis uerendū est ne ægrotudo ista sit incurabilis, præsertim alijs concurrentibus. Sed quicquid sit, cura non est impossibilis, & si non poterit penitus tolli, saltem efficietur leuior. Et hæc quantū ad prognosticum. De curatione autem, ex quo tot habet causas, oportet singulis occurrere: nam intentiones tum curatiuæ, tum præseruatiuæ sumentur ab illis: oportetq; omnes causas amouere extrinsecas. At si posset mutare aërem, mihi summopere placeret: & si non potest, caueat à uentis australibus, & alijs uentis, & remaneat in cubiculo bene disposito, & alteret aërem ipsius cum aliquo alterante: ut, si esset acetum cum aqua rosata, & fieret suffumigium cū Garyophyllis. Et mihi summopere placeret, ut in cibo habere tur maxima cura, ut scilicet utatur attenuanti diætæ: nam si uentriculus abundat pituita, & in toto redundant plurimi humores crassi, nihil melius quàm quòd attenuentur, ex quo etiam prouocarentur menstrua. Et panis sit fermentatus, in quo poscerem anisum, & cinamomum: cinamomum enim est tenuissimæ substantiæ, si quid aliud. Quantum uero ad carnes attinet, omnes quæ habent uim attenuandi, Galenus autem in hoc affectu exhibebat Apium, quod tamen Auic. maxime detestatur, & dicit quòd nihil deterius: imò quòd à proprietate nocet ipsis epilepticis: & tamen Galenus uisur eo pro medicina conuenienti, in consilio pro puero epileptico. Hæc sententiæ in speciem contrariæ facile componi possunt. Credo ego quòd Apium apud antiquos sit quod nos Petroselinum uocamus, non est ita uaporosum, sicuti apium. Et si consideretis, in apio sunt plurimæ humiditates indigestæ, crassæ: nam in tota ferè hyeme est pertinacissimæ uiriditatis, & est uaporosum, ac replens caput: & de isto intelligit Auic. à quo est summopere abstinendum. Sed Galenus intelligit de petroselino, quòd conuenit in ipsa epilepsia: & hoc modo isti duo magni uiri poterunt conciliari. Et sic attenuanti diætæ est utendum. Vinum autem, quoniam est inter attenuantia, uideretur conueniens, licet in principio morbi prohibeatur: hoc enim fit iure: nam triplici causa prohibetur uinum, morbo existente crudo, dolore capitis, & inflammatione intrinseca.

Nam si exhiberemus unum materia existente cruda, præcipitaretur ipsa materia: & in epilepsia inconcocta materia est, & mala. Vinum, ut inquit Auic. dilatat animam, & adiuuat concoctionem, moderare tamen sumptum: unum autem forte & ualidum percutit nervos, & caput; sed laudarem unum pauciferum. De carne autem & alijs nihil aliud dicam. Factis his, cum morbus habeat duas materias, pro materia quæ est in inferioribus uellem diuersiones, & uellem habere ea quæ continuo diuenterer materiam à capite, & lubricarent aluum, ut pilulæ ex myrrha, aloë, & rhabarbaro: ex ijs enim haberemus euacuationem materię, & apertionem menstruorum: & si ijs adderetur aristolochia longa, esset optimum; & sumantur per horam ante cibum; & prouocentur menstrua cum pissarijs, cum lotionibus non multum euaporantibus, ut si decoqueretur pulegium, calamentum, bacce lauri, & lauarentur pedes cum tali decoctione: & ante cibum uel mane uel sero cucurbitulæ applicentur popliti. Et si ista non euacuerent menstrua, non mihi displiceret euacuatio hæmorrhoidarum: ista enim iuuarent ratione diuersionis per rectum: nam uereor ne tanta multiplicetur materia, ut tandem fiat apoplexia, & mors. Prætera euacuetur cum tali aliquo, qualis est hiera Logodij, uel Hermetis, uel pilulæ cochiz, uel confectio Hamech, & similibus, in quibus est uis agarici, & colocynthidis, raro tamen: nam si hæc fortiora sæpius sumerentur, debilitarentur spiritus animales, & uentriculus, ex quo fieret apoplexia. Ideo nollem crebro uti ijs medicamentis uehementioribus, ne debilitentur ipsius uirtutes, & membra. His non iuantibus, & accedente uere, ad ipsum caput accederem, cum ualde exsiccantibus, & cum cauterijs, synapismis, rubificationibus, uelicatorijs, quæ & capiti & spatulis essent applicanda, sicut de ijs tunc melius consulendum esset. Si etiam exhiberetur decoctum ligni, non esset malum: nam ex ipso haberemus attenuationem ipsius materię facientis epilepsiam, & multa alia bona huic morbo necessaria. Et uellem quod ter in mense tantum Mithridati acciperet, quantum esset una drachma, cum aqua pæoniæ, & uteretur ipsa pæonia in omni suo ferculo. Laudarem etiam scarificationes saphenæ, quando cætera non prouocarent menstrua. Et ita sperarem hanc nobilissimam puellam posse, & si non penitus curari, saltem præseruari.

De epilepsia per consensum, pro puero Germano.

Consilium XL.



VM actio medici circa epilepsiam sit genere triplex: uel enim excitamus hominem quando actu cadit in epilepsiam, & hæc proprie cura symptomatis, non morbi appellatur: uel præseruatur, ne cadat, aut saltem rarius, uel leuius: tertia est causarum remotio, id est, ægritudinis, à qua immediate epilepticus casus contingit. Nos tertiam sequemur, arbitrantes hanc esse potissimam, quæ si remoueat, alia quoque duo facile propellentur. Et cum in hoc nobilissimo puero causa proxima symptomatis sit materia frigida, à subiectis partibus, præcipue à brachio, tanquam aura repente ad caput ascendens, spiritusque & uirtutem animalem maxima ex parte intercipiens: ideo curationem ueram duco, prohibere ne talis materia generetur: auertere ad partes oppositas, quæ iam fuerit generata: caput corroborare, ne tam facile recipiat. Quantum ad auersionem attinet (ab hac enim primum incipio) iampridem idonee, ut arbitror, à me prouisum fuit, brachio, unde potissimum ascendebat materia, synapismos & cauteria applicando, à quibus non prius desistendum putavi, quam integram (si Deo placuerit) adeptus fuerit sanitatem. Altera pars auersionis erat, ut per oppositas partes euacuaremus quicquid continue excrementosum generaretur, quod nec à me prætermisum fuit. Iussimus enim ut iugiter uteretur alui subductione cum pilulis ex mea quadam descriptione, quam apud se seruat, in quam ingreditur agaricum. Consului præter hoc, ut leuiores

bus quæ

bus quandoq; uteretur, ut aloë simplicī, ante cenam, uel hiera Galeni de sex rebus, uel aceto scillitico, mane tribus horis ante prandium, aut melle itidem scillitico. His omnibus adhuc utendum consulo, hoc uel illo, prout felicius succedet. Et hæc quantum ad auersionem attinet. Vt uero prohibeatur materia ne generetur, quæ sicut uerior & integrior, ita difficilior curatio est, præcipue ex parte agroti male ferentis consilium, dicam tantum ea quæ necessario quam diligentissime obseruanda putauerim, præcipuumq; est, ut in omnibus sex rebus non naturalibus regatur exquisitissime. Primo igitur euitabit omnem aëris excessum, præcipue dum fuerit in Germania, aëre frigidissimo, & humidissimo: in ea enim regione peculiari circa hoc admonitiōe indiget: ferè enim Germani hyeme præcipue, in duobus extremis summo opere peccant: nam uel in æstuarijs suis torrentur, uel sub diō frigido & gelu torquentur, cū tamen ab utroq; enīze cauendū sit. Dum enim nobilissimus iste adolescens in uaporario uersatur, meatus cutis, præcipue capitis aperiuntur, humores attenuantur, & in uapores transeunt, unde necessario caput repletur, alioqui ex morbo debile & imbecillū. Sed ubi postea repente in subdiale aërem transit, alior uemens occurrit, qui penetrans per apertos meatus, cerebrum refrigerans, humores in eo contentos comprimens & congelans, efficit ut omnino deterrima subsequantur. Cum igitur hæc nocumenta omnibus communia iudicem, huic tamen puero arbitror futura esse magis perniciofa. Erit ergo ab illis quammaxime cauendum, eritq; artificialis ratio, ut omnem aëris excessum quamprocul effugiat. Quod si necessarium erit quandoq; ex consuetudine gentis in utroq; uersari, primo frigiditatem munimentis & uestibus quammaxime propellet: uaporaria uero eliget moderatissime calida, & uix tepentia, in quibus magis aperto capite commorabitur, ut postea eodem munito, cum egreditur, minor fiat illa mutatio & transitus de contrario in contrarium. Si præterea perceperit status aliquos malos, uel niuem, uel pluuias aërem turbare, intra domum se continebit. Deniq; illud commune seruabit, quemadmodum diximus, ut aëris immoderatos excessus effugiat. Præterea omnis animi molestia, ira præsertim & incelsus summo opere arceda erit; studebitq; per socijs & amicis honeste & iucunde conuersari. Quotidiano exercitio præcipue delectabitur matutinis horis, quod inferiores potius partes exerceat sine multa capitis agitatione. Ideo pilæ ludum, aut gladijs dimicare, aut saltus immoderatos facere non probauerim in nobilissimo hoc puero & adolescente: cerebrum enim nimis concutitur & exagitant: sed potius eligerem deambulationes, equitationes, sagittarum, lapidum, pali ferrei faculationes, & huius generis exercitia, in quibus sine insigni motu capitis reliquum corpus exerceatur. Exercendi tempus commodissimum est, quod duabus horis prandium præcedit. Sed & frictiones quotidianas non minus laudo, siue præcedant, siue sequantur exercitium, sintq; uniuersi corporis, lenes quidem & molles sed longe, quousq; corpus incalescat, & rubescat, dimittaturq; in frictione caput, & partes omnes quæ ad collum attinent, fricantisq; manus semper deorsum trahatur: optimūq; est, si post frictionem totum corpus illinatur oleo garyophyllorum odorato, quod unguentarij conficiunt, & non aromatarij. Et si quis unquam cauere debet à somno meridiano, uel matutino, aut nimis prolixo, adolescens iste unus ex illis est. Erit igitur illi somnus moderatus, nocturnus, non diurnus. Procurabit ut quotidie beneficium alui habeat: quod si defecerit, adiuuetur uel pilulis prius nominatis ex hiera simplicī, uel aloë, quandoq; etiam cum clysteribus emollientibus, neq; omnino patiantur feces in uentre plus æquo retineri: inde enim magna grauitas capitis subsequi solet. Bis in die tantum comedat, sitq; cœna longe parcior quam prandium. Neq; credant critici isti medici me propterea Galeno contradicere, cum longe alia ratio sit cœnæ nostratrum, quam fuerit antiquorum. Sed hic non est huius difficultatis determinandæ locus: sat habeat, quod si abunde cœnauerit, non erit immunis à maxīma capitis repletione. Cœnet igitur parè, neq; in hoc discadat ab Auicennæ præcepto, quod est nihil aliud, nisi Galenicum ex opposito immutatum, uidelicet, ut ex tribus partibus diurni cibi duas in prandio assumat, tertiam in cœna: ita enim neq; interdiu percipiet

repletionem aut grauitatem, neq; noctu multa opprimetur cibi nimietate, sed suauiter & iucunde dormiet. Caueatq; ne post coenam aut prandium aliquid degustet, aut bibat, Germanorum more frustra enim imperaremus aliquid de coena & prandio, si alie quoque coenae intercederent. Cibus sit unicus, ac quammaxime simplex; nihil enim illi aeque nocebit, quam epularum multitudo. A uino sit toto tempore suae curationis abstinere poterit, quemadmodum haecenus me admonente abstinuit, optime illi succedet: sit tamen aqua cum cinnamomo & aniso confecta illi potus sicut praecipimus. Abstineat quammaxime a pastilibus, leguminibus, a lacticinjs, caseo praestitum, a fungis, ab oleribus, crudis praecipue, a piscibus, rebus frictis in sartagine, a carnibus autum palustrium, a carne porcina tam recenti, quam salita; non etiam laudo carnes agnorum, propter redundantem humiditatem. Et cum iam appropinquet aetas Veneris, consulo ut ab ea quam maxime abstinere: nihil enim aliud Venus est, quam breuis quaedam epilepsia, si Hippocrati credimus. Haec sit tota uictus ratio, in qua ferè totum est curationis fundamentum. Si enim hoc modo sibi cauerit, materia illa frigida & cruda, quae fouet epilepsiam, nulla uel paucissima generabitur, quod erat a nobis intentum. Atq; ita satisfactum est & uersioni materiae, quae generatur: & prohibitioni, ne generetur. Supererat capitis corroboratio, ne nocumentum suscipiat. Est autem in corroborando capite ratio praecipue habenda, ne agitur cerebrum, aut aliquo pacto concutiat: propterea neq; caputpurgia probauerim, neque frictiones capitis, aut stillicidia a medicis uulgo in huiusmodi casu proposita: sed masticatoria, quae ἀναισθητική a Graecis uocantur, admitat, primo ex mastiche sola & simplici, deinde etiam adiecto pipere, & staphisagria, & pyrethro, pastillos conficiendo. Mandere etiam matutinis horis garyophylla, nucem muscatam, cinnamomum, zedoariam, & quae huiusmodi sunt, summopere laudo; maxime enim conferunt ad capitis corroboracionem, in hoc casu, exicatione & euacuatione. Praeterea caput ablueri singulis septimanis circa horas uesperinas ante coenam, est remedium a me ualde probatum, si lixiuum dulce eligatur in quo decoquatur asarum, senna, betonica, maiorana, rosae, & capillus Veneris, adiecto etiam agarico: erit enim lixiuum ad hunc usum praestantissimum. Post lotionem uero suauissime exiccare debet, neque fricando, neque agitando, cum pannis moderate calidis. Caueat etiam ne ignem acriter intueatur, aut magnum splendor, aut campos niue refertos, aut turbam hominum circumcursantem, aut curruum rotas uelocissime motas, uel molas, nec quicquid in gyrum uersatur: ab alto etiam ne prospiciat, neque decurrentem fluitum intueatur: haec enim omnia cerebrum & spiritus exagitant, & robur adimunt. Lando praeterea pro capite & membris quoq; inferioribus corroborandis, ut bis in mense sumat optimi Michridatici drachmam. Est etiam praestantissimum remedium instillatio olei de ladano, per sapientem destillatorem confecti, tum in aures, tum in nares, tum etiam quandoque illinendo uerticem capitis. Sed etiam mane suauiter pectinari illito pectine ex eodem oleo, non mediocriter confert ad caput corroborandum, sed pecten semper retro trahendus est uersus occipitum. Et haec sufficiant, tum in auertendo materiam, tum in prohibendo, ne generetur, tum in capite corroborando, quae tria nobis a principio fuerunt proposita. Quod si etiam magis praefuari uoluerit nobilissimus adolescens, uere purgabitur ex Galeni praeccepto, poteritq; huiusmodi esse purgatio:

℞. Hierae simplicis

3 2.

Floris cassiae

3 1.

Cum saccharo fiat bolus, sumendus horis duabus uel tribus ante prandium. Item

℞. Oxymellis scillitici

Syrupi de betonica

ana

3 1.

Decoctionis granorum praeonae in aqua destillata praeonae

3 4.

Misce pro uno syrupo, & sic pro septem. Deinde

℞. Confectionis hamech

3 4.

Syrupi rosati solutui

3 3.

Cum aqua pzoniz fiat potio, danda in aurora cum custodia. Talis igitur, uel huiusmodi poterit esse annua purgatio, quæ ad præseruationem attinet. Et hæc pro tempore suffectura arbitror in curatione & præseruatione huius nobilissimi adolescentis ad laudem Dei optimi maximi.

Initio huius Consilij Montanus dicit se feliciter in brachio usum esse synapismo, & quandam etiam psularum descriptionem sibi dedisse, qua frequenter uteretur. Cum autem horum medicamentorum compositio non sit adscripta: ne quid desideraretur, hic curauimus imprimendam. Nam in priori editione huic loco affixa appendix; ex alio Consilio desumpta est, ac minime huic quadrat.

Cerotum applicandum brachio.

℞. Sinapis			
Pyrethri			
Sem. nasturtij	ana	℥	2
Euphorbij)	4.
Nitri			
Aluminis scissilis	ana	℥	1.
Adarces		℥	3.
Sagapeni			
Galbani	ana	℥	3.
Salis Ammoniaci		℥	3.
Picis naualis		℥	1.
Olei de Euphorbio			
De Castoreo			
Balsamini	ana	℥	1.

Dissoluantur gummi in aceto squillitico & puluerizanda puluerizentur, deinde cum oleis & resinis componantur omnia secundum artem, & cera modica addita, fiat Cerotum solidum loco applicandum, quod singulis quatuor diebus remoueat, & fricetur locus cum squilla, & rursus apponatur eo modo ut res exigit.

Pillulæ.

℞. Castorei		℥	1.
Radic. Pzonizæ			
Dicamni Cretici			
Sileris montani	ana	℥	1.
Cornu cerui usti			
Rasuræ cranij humani	ana	℥	2.
Sem. citri		℥	2.

Puluerizentur omnia per se, postea misceantur & aspergantur aceto squillitico & permittantur exiccare, & hoc reiteretur ter. Deinde

℞. Agarici electi			
Rhabarbari			
Aloes	ana	℥	2.
Caryophyl		℥	1.
Moschi.			
Ambre	ana	℥	3.

Com syrupo de corticibus citri fiat magdaleon, ex quo formentur pillulæ, quarum singula septimana sumantur 3 1. uel minus post medium noctis & eo tempore parum coquet.

De epilepsia, pro nobili uiro Vicentino.

Consilium XLI.



Roponitur nobis curandus iste Magnificus dominus, quia quo morbo infestetur, hoc uidere clarissimum est, ideo breuiter me expediam. Iste laborat epilepsia, habuit enim tria signa attestantia super ipsam epilepsiam. Primum quod habuit, fuit spuma in ore: secundo passus fuit conuulsionem, siue spasmus: tertio amisit sensum & motum. Ex ista accidentium syndrome facile possumus conicere morbum hunc esse epilepsiam. Habita notitia morbi, quia oportet ut & nos aliquid de cura dicamus, non possumus autem quicquam perfecte dicere, nisi causas morbi indagemus, ideo est necessarium distinguere praesentem morbum, ut omnia haec clare habeamus: & primo uidendum est quidnam sit epilepsia. Epilepsia nihil aliud est, nisi spasmus quidam factus ab obstructione uentriculorum cerebri, à materia crassa & uiscida, siue ab aliqua qualitate uenenosa, quam isti auram uocant. Et quia in definitione cadit spasmus, uidendum est quotupliciter fiat spasmus, ut ex hoc habeamus causas ipsius epilepsiae. Spasmus, ut dicebat Galenus in 3. de locis affectis, ubi loquitur de hac re, fit tripliciter: aut à materia, aut à qualitate (quam auram uenenosam appellauit idem Gal.) aut à siccitate: istae enim sunt tres causae potentes facere spasmus. Videamus modo nunquid istae tres causae faciant epilepsiam. Quod possit fieri à materia, hoc patet, quia cum materia crassa est in uentriculis cerebri, siue sit per consensum, siue per essentiam, ita quod ibi generetur pituita, obstruit uentriculos cerebri, qui posita insurgunt ad expellendum, & contrahuntur, & in illa contractione deficiunt mittere sensum & motum ad membra, & ita priuantur membra sensu & motu. Quod autem possit fieri epilepsia absque materia, uidelicet à qualitate illa mala, & ab illa aura, Galenus pluribus signis hoc probauit in illo loco praedilecto. Dicebat enim ipse, uidemus in ictu phalangij, qui etsi tantillus sit, tamen dispergitur per totum corpus, & omnia membra inficit illa mala qualitas. Non est dicendum, dicebat Galenus, quod fiat à materia uenenosa, quia illa fuit ita exigua, quod non potuit hoc corpus totum inficere. Quare dicendum est, quod sit aliqua mala qualitas eleuata à tali materia uenenosa exigua, quae postea qualitas per totum corpus dispersa & disseminata, sit sufficiens tale nocumentum causare. Simile potest contingere de epilepsia: à materia potest fieri mala qualitas, quae postea petens cerebrum potest esse causa contractionis uentriculorum cerebri, & facere epilepsiam: & ita Galenus ex sententia Pelopis praeceptoris sui concludit, posse à mala qualitate fieri huiusmodi morbos. Nunquid autem à siccitate possit fieri? Dico quod non, & in hoc differt spasmus ab epilepsia, quia spasmus potest fieri à tribus illis causis: epilepsia uero tantum à duabus causis praedictis, & non à siccitate: quod potest & à priori, & à posteriori manifestissime probari. Et primo à priori: nam cum siccitas sit causa habens causare epilepsiam, oportet quod cerebrum ita exsiccat, ut per siccitatem contrahantur uentriculi cerebri, & fiat epilepsia. Sed hoc non potest fieri, quia cerebrum cum sit membrum humidissimum, nunquam poterit taliter exsiccare, ut per siccitatem deueniat ad contractionem: quia cum fuisset exsiccatum statim periret homo, & ita antequam fieret epilepsia, moreretur homo. Similiter à signo confirmari potest, quia epilepsia subito fit: statim enim homo cadit in paroxysmum epilepticum: illa autem exsiccatio non potest, si habet fieri, subito causari, sed successiue, ita quod in tempore oportet ut exsiccat. Quare relinquitur, quod à siccitate non potest talis agrotudo causari. Derelinquamus ergo tertiam causam, & accipiamus reliquas duas, scilicet quod epilepsia potest fieri à materia, & à qualitate sola. Si sit à materia, fit ab humore crasso, ut puta ab humore pituitoso & melancholico obstruente uentriculos cerebri: uentriculos dico anteriores, de his intelligatis. Similiter intelligatis de obstructione non perfecta, sed imperfecta & diminuta: quia si intelligeremus de per-

de perfecta obſtructione, fieret tunc apoplexia, & non epileſia, quia tunc homo penitus ex perfecta & completa obſtructione uentriculorum amitteret ſenſum & motum, ita quod iaceret ſicut cadauer. hoc fit in apoplexia: ideo intelligatis de obſtructione diminute facta. Cum ergo habeamus morbum hunc fieri à materia & qualitate, uidendum eſt modo, à quam harum duarum cauſarum in iſto Magnifico domino talis morbus proueniat. Ideo in hoc crediderim quod à qualitate mala non principaliter cauſetur, licet reuera ipſa concurrat, & maxime quod, ut retulit Excelſiſſimus Doct̃or, iſte fuit à paſſionibus animi ualde uexatus. Quantum autem poſſunt iſti animi affectus ad hos morbos epilepticos concitandos, unicuique poterit eſſe maniſeſtum. Noui ego duos, qui tantum ex animi affectibus inciderunt in hunc morbum: unus enim fuit quidam Laurentius Brachadenus, & Marcus Antonius Centarenus: iſti tamen in uictu erant parcifſimi, non erant excrementoſi, tantum ex animi affectibus uenere in talem ægri tudinem: & ita dico quod potuit iſta cauſa concurrere. Sed quod principaliter eſt cauſa, eſt materia craſſa, ita quod dicerem morbum eſſe materiale. Et cum materia potens epileſiam cauſare duplex ſit, melancholica & pituitoſa, à quam, dicetis uos? Dico quod poteſt prouenire ab utroque: utraq; enim materia concurrat: & ita cauſatur eſſentialiter in cerebro, & per conſenſum à reliquis membris ad ipſum demandatur. Quod autem pituitoſus humor in hoc Magnifico domino dominetur, hoc oſtendit eius temperatura, & membra principalia. Audio quod iſte abundat pituita multa, quæ excernitur per nares & per os. Iſtud eſt ſignum humiditatis cerebri, habet enim cerebrum calidum & humidum, ut per ſigna maniſeſta poteſt apparere, & facile comprehendī. Similiter habet uentriculum ſatis abundantem pituita, in quo ab inordinato uictu & coitu, ut retulit, maxima copia pituitæ generatur, pituitæ dico non ueræ: nam, ut ſciſtis, non uera pituita in uentriculo generatur. Ideo ex pituita genita in uentriculo, & ſrem illa quæ in cerebro generatur, concludo materiam eſſe tum per eſſentiam, tum per affluxum. Quod autem fuerit aliqua materia melancholica, hoc facile perſuaderi poteſt. Audio hunc eſſe melancholicæ naturæ, etſi non fuerit ex naturali temperatura, tamen propter accidentia animi potuit effici melancholicus. Cum quis autem aliquando cadit in melancholiam, impoſſibile eſt ut non retineat illam materiam in cerebro, ut dicit Galenus. Ideo cum adhuc reliquæ melancholicæ remaneant in hoc Magnifico uiro in ipſo cerebro, poteſt & ipſa concurrere ad obſtructionem. Similiter hepar habet calidum: uiget enim caliditas in toto illo corpore, & ita ob caliditatem hepatis potuit fieri aduſio: nam cum hepar eſt calefactum, oportet quod & uenæ ſint calidæ: nam ut dicit Galenus ſecundo Artis medicinalis, orta debent atteſtari ſuis principiis. Cum ergo hepar ſit calidum, non eſt mirum ſi patitur cerebrum: nam, ut dicit Galenus in 3. de locis affectis, loquens de dolore capitis, qui habet hepar calidum, facile incidit in dolores capitis, quia aſcendunt materiæ & uapores, ut cauſent dolorem. Qualis fuerit in qualitatibus paſſiuis, non facile dixerim, quod corpus continue mutatur. Ex humido fit ſiccum & ſicci interdum pingueſcunt, prout uel exercentur, uel bene & in ocio uiuunt: calor ille reſolutus eſt coitu, uictu inordinato, & ita alteratum totum corpus. Habetis huc uſq; ut omnia colligam, cauſas morbi, & morbum ipſum, à quibus facile poterimus indicationes curatiuas ſumere. Veniamus modo ad curam. Iſte cupit curari, crediſne hunc poſſe curari? Vt ingenuè fatear, morbus epilepticus, morbus eſt maximus, & non niſi à uehementi cauſa poteſt cauſari, fortiſſima cauſa concurrat ad excitandos hos dolores, & talem ſenſus & motus ablationem: dolor enim cum in hoc morbo intrinſecus fiat, oportet quod fiat à fortiſſima cauſa ſolvente continuum. Dimittamus modo nunquid dolor fiat à mala temperatura facta in quatuor qualitatibus, an à ſolutione continui. Teneo, ut aliàs dixi, fieri à ſolutione continui, & à mala temperatura: & quod iſta ſolutio continui ſit æquiuoca ad illam ſolutionem continui, de qua intelligunt alij: longe enim differt ab iſta. Sed de hoc diſſuſius alibi dixi, ideo nunc non eſt opus ea

reuocare. Propterea dico, cum ista ægritudo fiat à forti causa, quæ cum difficultate potest remoueri, iste Magnificus dominus de facili poterit mori. Audio eum hucusque habuisse duos paroxysmos epilepticos, incipiendo à 15. Iulij usque ad 24. Augusti: propterea facile poterit iterum cadere in hos paroxysmos: imò nunc conqueritur de alia quali tremore. Neque debemus nos considerare eius naturæ robustæ, & carnositatis: nam licet uideatur sanus, non propterea uacat periculo. Nunquam uidi in senibus apoplecticis, epilepticis & melancholicis aliquem ita curatum, quin redierit. Quisemel stultus semper stultus. Noui ego Iustinianum quendam, qui habuit tantum unum proxysmum, postea mansit per tres menses sanus absque molestia, deinde reuersus est alius paroxysmus, deinde alius, & tandem mortuus fuit. Ideo cura difficillima est, neque, ut dixi, uacat periculo: tamen non est desperandum. Veniamus ad curam, & primo indicationes fumamus à morbo, & à causis eius. A morbo, cum morbus sit in nobili membro, indicatur, quod sit cito remouendus, & quam citissime potest: epilepsia enim, cum occupet nobile membrum, morbus sacer fuit ab Hippocrate appellata. Sumamus modo indicationes à materia. Materia ista, ut dixi, duplex est, pituitosa, & melancholica: ista uenit euacuanda. Et quia facta fuit sanguinis missio ab illo perito medico, propterea desisterem à missione sanguinis, deuenirem ad concoquentia pituitam, ut est syrupus de eupatorio, decoctum pulegij, origani, syrupus de calamentho, & infinita alia ipsam pituitam digerentia. Concoquerem etiam melancholicum succum, ut cum syrupo de fumo terræ, de epithymo, & talibus. Postea cum erit cocta materia, euacuarem, & inciperem à leuionibus pharmacis: non transirem ad confectionem hamech, & pilulas cochias. Medicinas enim cum colocynthide, & agarico, pro nunc non exhiberem, quia sunt ualde fortes. Quæ autem recipiunt ista, ut sunt trochisci Albandal, hiera Logodion, isti aromatarij in hac ciuitate, cum sit mater studiorum, non conficiunt, & miror cum ulla quæuis parua habeat hæc parata. Postquam hoc corpus est euacuatum. Ego deuenirem ad caput purgia, & ad masticatoria, & uellem ut masticaret, sicut de pipere, & reliquis. Deinde per nares prouocarem naturam cum aliquo leui sternutatorio. Facto hoc, si uoluerit assumere illa balnea Aponitana, cum sint calida, ego laudo, Theriaca item prodest. De cauterijs, ego summopere laudarem cauteria in brachijs, imò hoc est familiare remedium. Et uidi anno præterito nobilem senem qui solo cauterio sanatus est, & erat senex, in 52. anno ætatis suæ constitutus. De dieta, quia morbus longus est, instituatür conueniens dieta, & ea sit tenuis & attenuans, ut Gal. consulit puero Epileptico. Pro potu poterit conficere aquam decoctam cum aniso, cinamomo, & saccharo: est enim potio gratissima tum in colore, tum in sapore. Restat unum derelictum, utrum debeat bibere uinum, uidetur ex una parte quod non, quia uinum fumosum est, & facile replet caput. Ex alio uidetur quod sitandum uinum pauciferum, quod sapit naturam aquæ. Sed, ut dicit Galenus in 3. de ratione uictus, uinum si magnum est, obest cerebro sua fumositate: si uero sit paucissimum, licet non noceat cerebro, obest tamen uentriculo: & ita uidetur conuenire, & non conuenire. Ego tamen conficerem uinum, & maxime quia sumus in tempore conuenienti, uellem ut fumeret mustum album, in quo aliquid aquæ imponeretur: & apponerem radicem præniæ, betonice, folia saluæ, roris marini, item folia senæ propter humores adustos, & alia quæ respiciunt hos humores, & omnia simul ebullirent, & conficiatur uinum, quo poterit uti. Ista hic posita non sunt ingrata, non sunt amara, & sunt appropriata pro tali morbo sanando, oxymel cauerem, sed mel scilliticum: non noceret, non enim ita penetrat ut acetum scilliticum. Laudant præoniam ob singularem quandam occultam uim. Ego tamen sæpe eam exhibui, sed semper coactus sum ad alia remedia deuenire, nec unquam ita efficacem expertus sum. Tamen detur cum non possit obesse. Et hæc sufficient.

De diuersis dispositionibus præter naturam, cum metu futuræ
apoplexiæ, pro Illustrissima Duce Bavarix,

Consilium XLII.

Probabile admodum est Magnificum hunc & nobilissimum uirum à nas-
tuitate laudabilis fuisse temperaturæ, neq; in corporis compositione de-
liquisse: audio enim & bono habitu consistere, semperq; constituisse, & esse
carnosum, rubei ac floridi coloris, hilarem, ingeniosum, prudentem, & res
bus agendis idoneum. Quæ quidem indicant non tantum corporis tem-
peraturam bene habere, sed membra quoq; omnia principalia in idem exquisitissime
conspirare. Si quo igitur morbo uel laborat, uel hæcenus laborauerit, non est iudicio
meo, uitio corporis, sed uictus rationi tribuendum. Cum tamen calidioris hepatis sit,
plurimumq; sanguinis generet, parumq; exerceatur, & lautissime uiuat, non est po-
stea mirum, si ex redundantia in uarias ægitudines semper inciderit, & primo in ado-
lescencia in tertianas febres, & icteritias, ob feruorem ætatis, bilis copiam, & malam
uictus rationem: deferuescente autem ætate, dū calor non ita acris adesset, frigidiore
postea morbi inuaserunt, ut testiculorum, calculi renum, iliaci affectus, ulcera crurum
erodentia propter humorum adustionem: & nunc cum tantū sit in primo senio cōstitū
tutus, totq; morbis subijciatur, periculum est, nisi exquisitissime sibi caueat & præca-
ueat, atq; iterum caueat, ne in apoplexiam tandem etiam incidat, aut subito suffocatus
intereat, præcipue cum uiu eatur hoc illi esse hæreditarium ob similem patris interitū.
Oportet igitur, ut tanquam prudens & temperantissimus uir muniat se, atq; ab immi-
nentibus periculis se custodiat: quod non ita difficile efficiet, si rationi & fideli medico
uelit obtemperare. Neq; enim, ut prius dicebamus, utrum aliquod naturale in hac cor-
poris structura esse opinamur: sed sola deprauata uictus ratione contractum. Incipiet
ergo à fundamento solido & necessario, ubi tandem totam præseruationem, totam
etiam curam inuenierit, sine quo nihil exequi poterit, & quo solo omnia facile exequen-
tur. Fundamentum illud est, ut in sex rebus non naturalibus, quantum fieri potest, ni-
hil delinquat. Exercitijs utatur moderatis: euitet omnes aëris excessus, omnesq; animi
molestias: quotidianam alui excretionem procuret: somnum meridianum effugiat,
omninoq; ad uigilias potius declinet: sed præ reliquis omnibus cibum & potum mo-
deretur. Caueat ab aromatum usu, qui mos apud Germanos plus nimio uiget. Vnico
cibo contentus sit, ferculorumq; ac omnium esculentorum copiam euitet. Ideo à lau-
tis mensis, & communi nobilium conuictu, & comotationibus quàm maxime potest
abstineat. Iuniores carnes comedat, sicut hœdorum, uitulorum lactentium, pullosq;
perdicū: oua etiā recentia & sordida conceduntur. A piscibus, leguminibus, pastilibus,
lacticijs, rebusq; omnibus frictis abstineat. A uino quàm maxime abstineat: in ui-
no enim omnia fere inueniet detrimenta, suarumq; omnium ægitudinum fomenta.
Sit ergo uinum uel nullum, si fieri potest, loco cuius utatur uel ceruissia: uel si uinum ad-
mittit, neq; ceruissiam toleret, sit saltem uinum dilutum, pauciferum, clarum, subtile, &
modica admodum quantitate ebibitum. Quantum ad id quod quaeritur, utrum quem-
admodum consueuit, sit in illo singulis annis secunda uena: dicimus, ex quo hæcenus
consueuit, non protinus esse desuiscendum. Sed si ita uiuet, quemadmodum à nobis
est institutum, non aggregabit ea excrementa, quæ indigeant tanta missione sangui-
nis: & tunc poterit paulatim ab annua uenæ sectione desuiscere, præsertim maturio-
ri succedente ætate, in regione frigida & boreali. Ad secundum quaesitum, utrum
ulcera crurum sint curanda nullis factis cauterijs, quæ uulgus fontanellas appel-
lat. Respondemus, cum iam natura assueuerit ad eas partes excrementa corporis,
& ea quidem acerrima & pessima transmittere, si defluxus huiusmodi intercipie-
tur, fore hoc cum maximo ægri discrimine. Sæpe enim uidimus, & habemus parata

exempla multorum, qui ex crurum emanantium sanatione & exiccatione, in apoplexias, & perniciosissimos morbos inciderint. Laudamus igitur cauteria in utroq; crure loco consueto in parte exteriori quatuor digitis infra genu, euitando chordas, & loca nervorum, rite esse facienda. Et ubi cauteria hoc modo peracta destillare, sanientq; emittere satis copiose inceperint, tunc nisi ulcera sponte sanentur (id enim frequenter fieri solet) arte Medici nequaquam sananda esse consulimus. Ad tertium quaesitum, quodnam Thermarum genus illi conveniat. Respondemus, iudicio nostro omnes calidas Thermas ab illo quam maxime esse euitandas, quales maxime sunt sulphureae, nitrosae, bituminosae, aluminosae; aeneae uero, & reliquae huiusmodi, in quibus tamen ferri minera praedominatur, ac consequenter frigidae sunt & siccae, harum usum summo pere laudamus; hepatis enim, renumq; ac dorsi feruorem contemperabunt, per uris nam excrementa corporis expurgabunt, corpusq; totum sua adstrictione corroborabunt. Debet autem hoc corpus ita praeservari, ut bis in anno, uere inquam & autumno, exquisitè purgetur pharmacis, bilem praecipue & pituitam purgantibus. Inter quae omnibus ego praeulerim confectionem Hamech, syrupo rosaceo solutiuo admixto. Et quoniam à me requiritur, ut particularis modus purgandi tradatur, licet hoc praesentibus medicis esset dimittendum, nihilominus, ut amicorum desiderio satisfaciam, particularem purgandi formam exponam. Ineunte igitur uere circa primam Lunae quadrantem, mane hora ante prandium, duodecim drachmas floris cassiae in bolo confectas exhiberem, ac die sequenti syrupum infra scriptum propinare, qui habet:

℞. Syrupi acetosi simp. multae acetositatis

Syrupi de succo limonum ana⁶ 3 1.

Decocti acetosae

Seminum citri

Carnis citrangularum, uel arantiorum, cortice dempto 3 4.

Misce pro uno, & sic pro alijs. Sumptis septem syrupis, pharmacum accipiet, quod ita habebit:

℞. Confectionis hamech 3 4.

Syrupi rosacei solutui 3 4.

Cum modico aquae acetosae fiat potus. Sumat in aurora cum custodia: Postea utatur saccharo rosaceo per plurimos dies, quod etiam laudo, ut familiare habeat. Sanguis autem mittatur è uena basilica dextri lateris, post exhibitionem secundi syrupi, tertio scilicet die ab assumpta cassia. Quantitas sanguinis est pro uirium ratione metienda. Autumno eandem prorsus euacuationem repetet, excepta sanguinis missione. Quantum ad asthma attinet, illud, ut audio, merum fuit symptoma, ob retentionem materiae consuetae ad crura defluere: hoc enim tantum proximo anno inuasit, dum crurum emanatio detenta esset. Propterea emanantibus cruribus crediderim non superuenturum asthma. Si tamen contingeret, in paroxysmo quam maxime esset abstinentia à cibo & potu. Sorbitio tamen paulatim, & per intervalla exhibenda esset, modo aquae mulsae cum hyssopo decoctae, modo cum oxymelite, eodem hyssopo adiuncto. Erectus maneat, neq; omnino iaceat supinus, ubi spirat aer liber, frigidus, minime suffocatus. Ilinat pectus & thoracem totum tam antè quam postè linimento ex adipe anseris, buryro, oleo amygdalarum amararum confecto, adiuncta particula croci. Procuret etiam cum clysteribus acutis alui lenitionem, ita enim euacuabit & auertet materiam. Declinante paroxysmo possit agatici praeparati drachmas duas deglutire siue in forma pillularum, siue ex melle rosaceo collectum, siue dilutum aqua betonica, uel hyssopi, & similibus. Mense Iulio, Anno 1547.

De dispositione Apoplectica.

Consilium XLIII.



Hæbræ laboranti febre quotidiana, symptomata supervenerunt, ut nec loqui posset, nec se commode commovere. Erat autem mulier pinguis, neutiquam iuvenis. Meruebat D. Montanus ne esset species Apoplexiæ. Itaq; statim ordinavit.

℞. Mithridatii optimi ʒ 1.
Sacchari rosacei ʒ 2.

Fiat bolus, & exhibeatur. Et superbibat vini Maluatici optimi admixti cum aqua rosacea, æquali pondere, quantum capere possunt tria cochlearia. Quod si accipere nollet, solo Mithridatio fauces, & os bene illinatur. Tempora item et nares excitentur Castoreo post vesperam. Postea utatur clysteri.

℞. Hieræ picæ ana ʒ 4.
Benedictæ ana ʒ 3.
Mellis rosati ʒ 3.

Misce cum decocto sequentium.

℞. Artemisiæ
Matoranz
Chamæmillæ
Anethi ana M 1.

Decoquantur omnia in iure, & cum prædictis El. misceantur. Hoc repetatur bis aut ter, secundum exigentiam.

De paraplegia ac memoria diminuta.

Consilium XLIII.



Nobilis quidam Veronensis, annos natus circiter 50. ante menses aliquot pariebatur memoriæ diminutionem, ita ut aliquando non recordaretur, quid ante horam egerat. Et accepimus ab amicis, eum passum ante annum, tremorem manuum, & brachiorum, simul & crurum. Excellentiss. D. Montanus coniecit esse paraplegiam, quod sensum & motum inter dum per horæ forsaisis spacium amiserat: cumq; nihil fecisset interea temporis, quod profuisset ad curationem, ita eum aggressus est. Primo purgetur hoc modo.

℞. Specierum Hieræ ʒ 2.
Electuarij lenitivi ʒ 1.

Cum succharo fiat bolus.

Pro syrupo.
℞. Polypodij ʒ 3.
Liquiritiæ rasæ ʒ 4.
Seminis citri ʒ 1.

Decoquantur in tribus ℥. aquæ fumi terræ, ad consumptionem tertie partis, inde facta diligenti expressione.

℞. Huius decocti ʒ 6.
Syrupi infusio. rosa.
Syrupi de Bethonica ana ʒ 1.

Misce sic pro uno & pro alijs. Post secundum syrupum mittatur sanguis ex basilica dextri lateris. Idq; propterea, quia habere constat eum venas, sanguine turgentes.

De leul

De leui Apoplexia cum Catarrho.

Consilium XLV.



C A S U S difficilior curatu, quam cognitu. Naturalem complexionem sanguineam esse, ex omnibus signis, statura, & habitudine corporis, & moribus statuimus. Cor declinat ad humiditatem, cerebrum etiam naturaliter calidum & humidum, tamen etiam magis abundat humiditate aduentitia: ex morbo & ætate dispositionem præter naturam hanc habet, uehementissimum catarrhum scilicet. Is uero aliquando descendit ad nares, & palatum abundantissime, aliquando ad alia membra. Ideo laborat podagra & chiragra. Urinæ frequentes, per longum spacium temporis, hoc modo durantes, & ex eadem materia. Hanc igitur esse credo causam omnium symptomatum. Deinde partes, uenæ tricus uidelicet, uenæ, uia urinæ, ex senio debilitatæ sunt. In præsentiarum molestatur paralyti uniuersali, quia non tantum in manibus per longum tempus hoc malum patitur, sed torturam oculorum, oris, & in pedibus tristem sensationem percipit. Dicitur autem leuis apoplexia, credo, quia inuasit subito, considerandum autem est, an ex nuchæ uel cerebri debilitate ueniat. Hic ex cerebro nocumentum prouenire signa ostendunt. Accidentia enim remissa sunt, non est difficultas spirandi, & per medicamenta facillime melius habuit, nec est aliqua extrinseca causa ex uictus regimine. Est igitur communis causa, & intrinseca debilitas, uidelicet cerebri, & ætas debilitans continue. Quanquam ad hanc leues quoque causæ extrinsece conuenerint, habet uina potentia, nec modicè. Aer etiam aliquantulum iuuat. Causis igitur extrinsecis, materia quantitate & quantitate cumulata est, & multiplicatur somnus, quod arguit multiplicationem superfluitatum in qualitate & quantitate. Tribus diebus nihil excreuit, cum alio qui bis aut ter solet. Hoc igitur incommodum considerandum est. Urina etiam non apparet hodie tam turbida, nec tam multa, quare timendum, ne fiant obstructions.

C V R A T I O. In uictu abstineat à uino, & utatur Mellicrato, item uictu tenui ad siccum tendente, non tamen omnino abstinere propter consuetudinem, ætatem & uirtutem quoque. Loco digestiui mel rosatum darem, propter ardorem urinæ. Non deuenire ad fortiora. Dedi hæcenus tantum Enemata ex decocto quodam, cum melle rosato heri. & nudius tertius. Quia enim materie est multiplicatio, necesse est subtrahere. Nunc procederem ad euacuandum phlegma, suntque proposita quedam, sed stante urinæ difficultate, ad ea non auderem deuenire, sed pillulas tantum darem, quæ euacuarent, & paulatim diuerterent à loco, quales essent Coccæ, item de Hiera cum Agarico, de Hiera simpl. syrupi de Stoechade, de Betonica, cum decocto Saluæ, Betonicæ & similium. Postea confortetur cum Theriaca & Mithridato, cum consensu Dianthos, Saluæ, Sacchari rosati, Acoro, cibaria alterentur cum Saluia & Rosemarino, nutriatur pullis gallinarum & columbarum, perdicibus, auibus teneris, & alijs tendentibus ad siccitatem.

De præseruatione ab Apoplexia & Paralyti.

Consilium XLVI.



R Euerendissimus Antistes sibi consulere cupiens, querit non tantum curationem symptomatum quæ iam patitur, & quæ tamen leuia sunt, sed etiam tanquam uir prudens, quomodo possit præseruari: uidet enim hæc symptomata esse prænuncia futurarum ægritudinum, & in hoc recte & sapientissime iudicat. Considerandus habitus corporis istius Domini, & symptomata, quæ sunt prænuncia futurarum ægritudinum. Dispositiones præternaturam, quas nunc patitur, sunt leues: patitur enim brachium dextrum leuem quandam

dolorem

dolorem, imò non est dolor nisi cum facit insignem motum. In reliquis non laborat: & ideo non multum curat quod nunc est, sed quod futurum. Conqueritur etiam de gravitate aliqua auditus in parte dextra. In reliquis nihil habet præter naturam, bene dormit, bene comedit, egerit, & exercet operationes omnes inculpatas. Dicebat quidem se habuisse quædam symptomata circa ventriculum, sed nunc nihil conqueritur. Sunt tamen hæc symptomata consideranda, & redigenda in suas causas, quia sunt prænuncia graviorum morborum. Primò dolor in brachio. Locus illius tristis sensationis est varius: Primò est periossium, id est, membrana continens os illud inter iuncturam & iuncturam, qui dolor est necessario in membrana; nam os non sentit. Item percipit dolorem in utraque iunctura. Cause quæ? Hic non est abscessus, non est solutio continuitatis; ergo in complexione est morbus. Sed morbus in complexione est duplex, cum materia, & sine materia. Audiuimus à Reverendissimo, quemadmodum consueverit uti regione calida, in quarto scilicet climate, sed etiam in situ prope mare. Accessit in sextum clima, imò in finem sexti climatis, scilicet Tridentum, ubi mutavit aërem per duo climata: sed etiam situm plane contrarium, quia Tridentum est maxime borealibus ventis expositum, & regio sua est exposita Zephyris & meridionalibus ventis, & ita aër Lusitanus est totus contrarius aëri Tridentino. Hic aër multum potuit in corpore præparato, id est, senili. Et licet aliquam habuerit lassitudinem ex alapis sæpe replicatis in confirmatione, tamen quia per undecim postea dies sequentes semper fuit sanus, ideo non credo ego eam debilitatem esse factam propter illum motum, sed potius propter aërem. Nam semper unam partem magis exponimus aëri frigido quam aliam, ut fieri solet: & sic illud periossium & membrana, quia frigida, facile potuit affici & lædi ab aëre frigidioris & insueti, & in habentibus symbolum facilis est transmutatio: & sic credo quod sit facta & impressa complexio frigida sine materia, & hæc subita alteratio ad contrarium facit illum dolorem. Et hæc complexio frigida impressa in membrana, non facile recipit curationem: quia membrana recipiens impressionem aliquam, amittit calorem naturalem & proprium, per quem natura operatur & curat morbos, & ita est debilis: & tunc contingit quod semper solet contingere: ubi enim aliquod membrum ad aliquam intemperiem, & plerumque frigidam mutatum est, non potest fieri concoctio, ut oportet, illius alimenti & proprii, & sic multiplicatur materia cruda circa locum, & sit membrum illud rheumatizans, non quod aliunde defluat materia, sed quod excrementa redundant propter intemperiem; nam qualis est complexio membri, talis est concoctio. Et hæc excrementa etiam non facile dissoluntur, quia membrum est frigidum, & ideo aggregatur materia. Ergo si quaeratur à me, qualis sit complexio introducta in membro præter naturam; dico, quod complexio frigida sine materia à temperie aëris frigida; qua complexione stante, abundant etiam materiae per viam inconcoctionis. Et sic sunt duo: primò, intemperies in parte; Secundo materia, & illa materia etiam est compressa ad partes laxiores & frigidas, & spaciofas, ut sunt iuncturae, quod sæpe evenire solet: & sic patitur dolorem in varijs locis, & sic etiam iuncturae sunt repletæ. Et quod hæc materia non defluat aliunde, probatur: nam modicum est nutrimentum quod devenit ad membrum, & sic est etiam paucum excrementum, & ideo non est magnus dolor, & illa vasa non extenduntur, & muscoli & chordæ & nervi magis infrigidantur: & hæc est causa illius difficultatis motus. Et hanc credo esse potissimam causam illius doloris: primo frigidam impressionem & intemperiem; secundo materiam aggregatam per viam inconcoctionis; quæ tamen est pauca, quia nullus facit tumorem, nullus abscessum. Quod ad alia membra, an à capite defluat materia ad locum per viam catarrhi? Non credo ego quod catarrhus defluat ad illas partes, quia si semel inciperet ille fluxus, & cum plurima pituita sit in capite, credo quod illud brachium longe fastidiora accidentia pateretur, & solent fieri ut podagra, paralysis, morbi articulares &c. Sed cum ille vivat, comedat, & exerceat operationes ut alij sani, & aliud nihil per sentit, credo quod non sit defluxus catarrhi ad illas partes, sed quod sit tantum materia aggregata per viam excrementi propter imperfectionem

ctionem concoctionis, & debilitatem illius membri Præterea conqueritur Reuerens
dissimus Dominus se habere catarrhum copiosissimum, quod plurimum expuit, &
plurimum excernit per nares, & sentit difficultatem auditus. Credo hoc factum esse
ex causis procatartæicis. Nam in die synodi per 13. horas continuas uacauit studijs,
ut audiret; & ex hoc studio si nihil aliud esset, possent fieri cruditates in ventriculo, &
etiam in toto ambitu corporis: nam hepar non corrigit coctionis primæ uitium, & hinc
plurimi vapores ascendunt ad caput, & maxime cum caput laboret in studijs. Et hinc
studiosi plerumque habent debilem ventriculum, quia ubi actio, ibi calor: nam est tantum
unus calor: itaq; cum capite laborant, destituitur ventriculus calore & sua operatione,
& sic repletur capite, quia plurimum laborant capite, unde plurimi vapores attrahun-
tur ad caput, qui non possunt dissilari, quia resoluitur calor cerebri ex multis laboribus,
& inde tales studiosi semper habent caput repletum. Talis est etiam temperatura na-
turalis huius Reuerendi Domini: nam habet hepar calidum, quod testantur uenæ am-
plæ, multitudo carnis: & cum sit educatus in regione quarti climatis, ubi calores inten-
si, & sunt ibi homines nigri, ipse tamen abundans est sanguine bono & naturali, & hæ-
bet colorem floridum etiam in senio, & ideo est quidem caliditas in hepate, sed non
adurens: & ideo generat plurimum sanguinis, unde habet hepar calidum & humidum.
Et in his plurimi vapores eleuantur, si in ullis alijs temperamentis: & sic & ratione
temperaturæ in hepate habet hoc quod sit subiectus repletioni capitis: & hic catarrhus
non solum Tridenti, sed etiam in propria regione generatus fuit: & hinc plurima
materia illius catarrhi deuenit ad dentes. Est in primo senio, quod incipit à septimo
septenario, id est, anno quadragesimo nono, quia agit annum quinquagesimum quin-
tum, & ideo nondum debebant cadere dentes: & dentes illi etiam sunt corrosi, & hoc
indicat continuum catarrhum, erodentem & decumbentem ad dentes. Et hoc notan-
dum pro præseruatione. Hic est chorus symptomatum: primo brachium dispositum ad
omnes affectus, & habet intemperiem frigidam, & ita timenda paralytis, & priuatio
motus, item morbi articulares: magis tamen paralytim timerem. Item cum sit catarrhus,
& nunc plurimum excernatur per nares & os, si ille catarrhus sisteretur, posset
fieri apoplexia, & alix ægri tudines frigida capitis. Et est unum quod dicebat nobis:
solebat euomere materiam pituitosam, & hoc erat ei familiare, qui uomitus iam resti-
tit, quia iam in senio uirtus expulsiua est debilis: & multum referre cum consueta eua-
cuatio desinit, nouit Excell. V. & cum iam senescit, debebant euacuari illa excrementa,
quæ generantur ratione senij: & hæc materia augetur, & frigiditas corporis, & ideo
desertur uiolenter aliò hæc materia, scilicet ad caput. Ideo timenda sunt alia symptoma-
ta & grauiora. Tempore iuuentutis potuit illa materia dissilari. Ergo habemus hic bra-
chium affectum, & caput non quidem per se, nam omnes sensus habuit acutissimos: &
signa sumpta à proprijs actionibus membri nunquam fallunt, & sensus interiores sunt
proprii ipsi cerebro, & non habent aliud instrumentum quam ipsum cerebrum, & il-
lud membrum est sanum, cuius operationes sunt sanæ. Ergo si caput quid patitur, patitur
per consensum partium inferiorum, & non propter propriam intemperiem. Quo
modo ergo præseruabitur? Tollantur omnia illa quæ faciunt incurere in illas affectio-
nes, in quas possunt incurere qui ita sunt affecti. Primo caueat ab omni aëre excessi-
uo, qui primum illum laesit: caueat uentos boreales, & in tempore frigido optime mus-
nari caput: deinde habeat optimam rationem uictus, ne uentriculus & hepar aggre-
gent pituitam, & vapores ascendentes ad caput: non laboret in studijs, & in omnibus
rebus non naturalibus habeat modum. Sed quia non possumus bene ita uiuere, quin
sæpe delinquamus, nam anima præstantior corpore, ideo sæpe negocia sunt obeunda,
quæ nocent corpori, & ideo correctione opus est. Consulerem ego, ut continue uitantur
medicamentis & euacuationibus familiaribus & leuibus, & diuertantur materiæ ad
partes inferiores: ut est usus rhabarbari aut aloes, quam magis probarem quam hie-
ram, quæ magis exiccat quam aloë, quia habet aromata exiccantia usq; ad tertium gra-
dum. Cauerem ab usu agarici, & omnibus quæ euacuant electiue, quia illa destruant

omnes mineras uirtutum. Item laudarem ut fierent cauteria in cruribus, & esset continuus usus horum cauteriorum. Nam quia uult praeseruari, & hic catarrhus posset facere apoplexiam, quia iam etiam tendit ad surditatem, ideo suaderem cauteria, sed postquam aliquoties usus esset illis pillulis. Ad brachiū, quia materia non influit aliunde, corrigenda intemperies illius loci. Et hoc tempore maxime laudarem stillicidium circa illud os ut cadat aqua, quo profundius penetret. Etiam uellem suffumigium facere ex hac aqua, ut reciperet illum fumum: hic enim fumus aperiet & rarefaciet poros & meatus: & postea ubi lauabitur brachiū in ea aqua, maior fiet impressio illius aquae, quia haec est crassior quam uapores, & sic aqua quoque pertransire poterit. Ac sic prius fiat euaporatio, postea in illa aqua lauet brachium, deinde stillicidio utatur. An facienda aliqua euacuatio capitis ante haec localia? Caput est repletum, & hic est maxima difficultas, ne localia attrahant materiam ad brachium, & ubi semel incipit ille fluxus, nulla est materia quae non affluat ad locum illum: & sic & caput erit euacuandum etiam per caputpurgia. Sed tempus calidum uenit, & quod non fieri potest ad perfectiorem euacuationem, faciamus per uires ut possumus, si ut uolumus non licet.

De apoplexia terminata in paralysem dextri brachij & cruris, cum diminutione earundem partium pro nobili Illyrico.

Consilium XLVII.

IC nobilis uir uenit in Italiam cum literis etiam Regijs subscriptis manu Ferdinandi, quae iubent subditos, ac rogant exteros, ut pro uiribus suis iuuent strenuum & egregium hunc militem, hanc praecipue ob causam, ut curetur à paralyti, quam ipse dicit se habere in dextero brachio & crure: & dicit eas partes plus cæteris diminutas, ita ut suspicetur, ne tandem destruantur & deueniant ad sphacelismum uel syderationem, & ita pereant. Licet autem hoc praecipue petat, quaeritur tamen etiam de quibusdam consequentibus: anno elapso, incidisse se ait in quandam apoplexiam, ex qua remansit haec paralytis. Sed ante hoc tempus passus est uaria symptomata, quae omnia nascuntur ab uno eodemque principio, uidelicet à destillatione catarrhi à capite in partes subiectas, quae faciunt diuersa symptomata, prout in diuersas partes descendit: quandoque ad iuncturas & brachia descendit, ut non possit mouere; aliquando ad uentriculum, & habet appetitum uomendi, non uomit tamen, sed longo tempore continue expuit pituitam. Et dicit unum animaduertendum, quod cum à medicis purgatus esset & missus sanguis, incidit in difficultatem omnium motuum: & cum mitteretur ad balnea & ingrederetur, secuta est diminutio sensus & motus, & omnium uirium prostratio, quae diu durabat, ita ut tantum ossa & pellem habere uideretur. Id totum medicorum culpa factum ait, se autem interim non conualuisse. Vtrum hoc modo sit ex uitio medicorum, nec ne? Ex pituitae multitudine esse ortum constat: est enim subiectus maxime pituitae generationi, quae tota à capite oritur: quia ipsemet à capite descendere sentit. Conqueritur & de alijs, sed haec sunt praecipua, ad quae reliqua consequuntur. Vnum aduertendum est, quod possumus conijcere ex habitudine totius corporis & ex ratione uictus praecedentis, quod habet caput ualde subiectum generationi pituitae, hepar praecipue calidum: nam ex colore, habitu corporis, amplitudine uenarum, hoc hepar calidum ostenditur. Qui autem habent hepar calidum, subiecti sunt multis euaporationibus ad caput, & destillationibus. Et reddit rationem Galenus lib. 3. de locis affectis, de dolore capitis, cur facile omnem repletionem capitis patiantur: quod si caput etiam humidum fuerit, eius etiam ratione plura excrementa aggregantur. Et ideo non mirum est,

si hic uir fuerit subiectus plurimis defillationibus, & repletus pituita generata in capite, quæ mucus proprie uocatur à Galeno, cum distinguitur à pituita generata in uentriculo. Habet igitur ortum hoc ex naturali dispositione; & quidem signa sunt tale fuisse se caput. Refert autem ipse, quod à principio ortus habuerit plurimas excrementas circa caput: primo nodum quendam seu duritiem circa oculum dextrum, quem incidere oportuit, ut adhuc ex cicatrice apparet: in ea parte postea paralytim passus: in parte sinistra alias habuit excrementas, quæ quales fuerint, nescit commode exprimere, cum interdum non sit idoneus. Conuersus est plurimum expuere, & varias passus est ægriitudines ex defillatione catarrhi. Sic constituto corpore, exercuit artem militarem, & gladio multa acquisiuit: habet (ut aiunt) triginta castella, quorum maiorem partem gladio acquisiuit, uir strenuus & qui multa animi accidentia passus est, seditiones cum alijs & bella intestina, & in ijs amisit multa, multa etiam ab alijs acquisiuit. Ad hæc accessit ratio uictus: plurimum bibit, nec enim, etiam cum moderatissime bibit, bibit minus ampla situla, & tamen querebat utrum sufficeret. Ego, quia in tempore sanitatis decuplo plus se bibere dicebat, permisi ratione consuetudinis. Plurimum igitur bibere solitus, & liberaliter uiuere: nam bene accommodatus est in omnibus rebus. Nam interdum habet centum currus uini optimi. Accessit igitur ratio uictus, quæ dispositionem naturalem corporis auxit, & nunc est in tempore ætatis paracemastica, & est 40. annorum, in primo senio, ubi deficit calor. Et quia sic uixit, & corpus commodum ad ægriitudines habet, non mirum si inciderit in apoplexiam, si modo apoplexia fuit: ea non amplius laborat, sed tantum cum aliquid molitur, adhuc patitur uertigines, quæ sunt, ut & reliqua symptomata, ad imbecillitatem capitis referenda. Ab ea apoplexia curatus, nunc habet paralytim, quæ potius est ex relatione sua, quam ex ijs quæ apparent, quod cognoscatur. Dicit membra lateris dextri minora, sed non apparet: nam etiam filo mensuram accepimus. Dicit se habere difficultatem in motu, illud nos credere necesse est: sed uideo tamen non minus regere gladium in omnes partes, quam aliquis ualidissimus. Sed dicit se in eo motu magnum laborem pati in ijs partibus, & in omnibus articulis impedimentum: nihilo minus ualidissime mouet. Pollex aliquando magis illi à manu diuulsus in utraq; manu, maxime tamen in dextra: forte in situ eius digiti morbus est, quanquam nescio an id sit ei naturale. Est præter hoc unum aliud: multa imaginatur quæ non sunt. Diebus elapsis cum optime haberet, quidam amicus ad eum accedens, manus illi compressit, & post ipsam compressionem detectus se habere ait, cum tamen non possimus aduertere. Habet & oculos truces, quæ significant animi intentionem acrem; & ratione ætatis 40. annorum, & etiam tēperaturæ, abundat humoribus adultis, quæ omnia obseruanda. Tota hac hyeme, & à principio cū nō hūc aliud cogitarem, semper protestatus sum, me solū non aggressurum curam illius: & quanquā erant qui illi persuadere uellent, ut tū inciperet, & illi integram sanitatem pollicerentur: ego tamen nolui eā aggredi, nisi in uere, & quidē non solum facere uolui. Est obediētissimus, omnia facit quæ iubent medici, & diligenter, uultq; curari. Tota hyeme unctiones & linimenta habuit, pillulas item ex hiera, rheubarbaro & agatice diuersas, sed dimittere coactus, quia simplices melius operabantur & educebant pituitam, quod mirum est, ita uiscidam, ut nō possit auelli à pelui: abundat enim pituita maxime, ut si quod corpus aliud. Sed præter hoc habet aliud: circa regionem stomachi in latere dextro habet excrementiam aliquam, ut nodus uel scirrhus: est tumor languidus, qualis est in herniosis. Nescio an sit hernia uentris prope uentriculum, ita ut siphac, ut Arabes uocant, uel peritonæum ruptū, & aliquid omenti excidit, quod faciat herniam, sicuti solet fieri in partibus inferioribus. Quod si non est, difficillimū erit dicere quod nam genus excrementie sit. Non est scirrhus, nec glandula: si quid est, erit hernia, & quidem est casus ualde rarus. An possit curari? Quo ad morbum, dicerem facilem curatu: quia paralytis leuissima, sine deperditione sensus, nec cum ablatione motus est. Magna enim dicitur paralytis, cum amissione utriusque: parua, cum perditione motus. Hæc est tantum cum diminutione motus, ut ipse dicit. Sed habet alia

difficilia: est confirmata paralyſis, & ſequuta apoplexiā: nec curatus eſt, cum tenta-
ret curā tempore morbi recentis: eſt in primo ſenio in ætate paracmaſtica: caput ha-
bet perpetuo generans pituitam: nec ſatis per omnia obediens, quia ſi uinum prohibe-
as, uitam adimes: & ſi parum bibat reſpectu conſuetudinis, multum tamen eſt ratio-
ne morbi, & parum ſe exercet. Hæc impediunt curationes ut metuam: ideo anceps
ſum propter rationes accipites. Si mihi tamen curandus ſit, ut hodie eſt, ſic aggredie-
rer curationem. Primo exquiſitiſſime purgarem, & ideo mature incepi, ut non una
uice, ſed ut pluribus euacuare poſſim. Accepit minoratium ex flore caſſiæ, quæ edu-
xit pituitam plurimam cum bile non pauca. Iam ſyrupos accepit non paucos de beto-
nica & cichorea, ad concoquendam bilem & pituitam: quia utruq; reſpexi in deco-
ctione materiæ: & bene conferunt, quemadmodum ipſe dicit. Purgarem cum euas-
cuantribus pituitam, cum conſectione hamech, uel pillulis cochijs, uel aggregatijs, &
cum hijs in quibus agaricus & colocynthis ingreditur, quæ educunt pituitam & hu-
mores craſſos, & ſimul reſpiciunt ad humores craſſos, & ad humores auctos, habent
enim ſcammonium & myrobalanos. Ideo idem eſt apud me dare hoc uel illud, quia
eadem intentio eſt euacuare humores craſſos & auctos. Semel purgato corpore,
poſt aliquot dies iterarem euacuationem, & poſt modum ubi tempus balnearum ad-
uenerit, ad thermaſ eum mitterem: eſt enim corpus, quod aptiſſimum eſt, ut acci-
piat eas ſecundum omnem modum adminiſtrandi, uentriculum ſequipedalem ha-
bet, aptus eſt ut bibat: & quanquam hepar calidum eſt, non tamen ita poterit no-
cere, ſi præſertim muniamus & defendamus hepar refrigerantibus, uti conſue-
tum eſt. Habet caput humidiffimum, aptiſſimum ut accipiat ſiſtlicidium. Et quia
de iuncturis etiam quæritur, nataret in ijs, & uteretur etiam tuto. Quid poſt bal-
nea faciendum ſit, poſtmodum ſcribemus, cum intellexerimus quid balnea profece-
rint. Sed quia imaginatur multa, oportet attendere humorem melancholicum, quem
abundare uideo, quod etiam ipſa facies indicat. Sed quid de eo faciendum ſit, tempus
indicabit, ubi primo euacuauerimus. Vnum omiſi, quod ad ſanguinis miſſionem atti-
net. Dicerem mittendum quam citiſſime: ſed unum eſt quod me impedit: dicit ſe an-
tea ex incifione uenæ incidiffe in priuationem ſenſus & motus, atq; ita defeciſſe, ut
tantum oſſa & pellis remanerent. Id ſane ſiue ſit imaginatio quædam, ſiue uerum ſit,
ut ſit ſecta uena à Medico imprudentiore, humoribus crudis abundantibus in corpo-
re, qui attracti ad uenas illa ſymptomata excitauit, tutius erit eum primo euacuare à
pituitoſo humore, & poſtea uidere de miſſione ſanguinis. De caſu uirtutis non eſt
quod uereamur: eſt corpus robuſtum, & facile ſe poterit recreare, ubi ſemel atq; iter-
um biberit: habet optima uina, nec eſt quod properemus in eo: uult enim in conſi-
lijs medicorum conſiſtere, donec integre ſanetur.

Pro eodem nobili Illyrico.

Conſilium XLVIII.



Vratio, quæ in tota hac hyeme eſt facienda à ſua Dominatione modo
infra ſcribetur. Primo omni diligentia conabitur ſua illuſtriſſima Domi-
natio habere rectam rationem uictus, ſine qua ſanitas acquiri non po-
teſt. Cavebit igitur quā maxime ab aëre frigido & uentoſo: & exerce-
bit corpus ſuum mane & ſero ante cibum, ſaltem per horam, exercitio
mediocri, uel deambulando, uel equitando, uel alio motu ſe mouendo, donec totum
corpus caleſcat notabiliter, & maiorem faciat anhelitum: poſtea quieſcat circa horam
ſaltem dimidiam; deinde ſumat cibum, qui quidem ſit in quantitate quantum ſua Do-
minatio bene ſerat, ſeruata ſua conſuetudine, & natura. Sed ſit ille cibus uictus, & ſim-
plex: multitudo enim epularum deſtruit uires uentriculi, malosq; & putridos humo-
res in

res in toto corpore generat. Vinum eligat album, uel rubeum, clarum, quod sit purgatissimum, limpidum, & transparens, non dulce, neq; acidum, sed medijsaporis, quod bibat temperate. Et ante omnia caueat, ne inter coenam & prandium bibat, hoc enim illi maxime nocet. Carnes, quas comedit, erunt uitellinae, haedinæ, cuniculorum, gallinarum, caponum, perdicum, & aulium campestrium. A carnibus antiquis, ut est bubula, omnino abstinebit, & a carne porcina, siue recens, siue salita fuerit. Item abstinebit ab omni genere piscium, a pasilibus, a lacticinijs, & præcipue a casco. Sit contentus prandio tantum & coena, nil ultra comedat, siue noctu siue interdiu. Quotidie curet habere beneficium alui: quod si defecerit, & raro faeces emiseric, utatur aloe non lota una hora ante coenam pondere scrup. duorum tertio quoq; die in forma pillularum. Ab usu ueneris abstineat: est enim zegritudini suæ quàm maxime aduersus. Hac ratione uictus adhibita exacte singulis septimanis caput abluet circa horas uesperinas more infra scripto. Fiat lixiuim satis acre ex cinere forti, & in eo lixiuio decoquantur folia maioranæ, stoechados, rosarum, radices asari, & facta decoctione & expressione distillarum herbarum, postea accipiat quantitas lixiuij, quæ est necessaria pro una ablutione, & in ea imponantur drachmæ duæ agarici incisi, & inuoluti in panno lineo, & bulliat aliquot ebullitionibus, postea fiat fortis expressio, & colatura. Et ex hoc lixiuio lauet caput, & barbam, cum sapone odorifero & muscato. Item singulis diebus in introitu lecti ungat omnes uertebras colli in ea regione, quæ dicitur nucha, & declinet cum eadem unctione ad totam spatulam dextram, & brachium. Vnctio erit infra scripta, & adhibebitur hæc unctio calefacta:

℞. Olei uulpini antiqui

Nardini

De costo

ana

3 1.

De euphorbio

3 8.

Misce, & utere, prout dictum est superius. Item singulis diebus comedat una hora ante prandium rotulas duas ex confectioe infra scripta:

℞. Garyophyllorum optimorum

Nucis muscatæ

Cinnamomi

ana

3 4.

Zedoariz

Zingiberis

ana

3 8.

Piperis longi

Albi

ana

3 1.

Puluerizentur omnia per se, deinde misceantur cum saccharo albo, & aqua be tonicæ fiat confectio in rotulis pondere drach. duarum, de quibus singulis uicibus duas accipiat, prout dictum est. Item;

℞. Agarici electi

3 8.

Aloes

3 2.

Nucis muscatæ

Cinnamomi

Garyophyllorum

ana

3 1.

Puluerizentur omnia per se, deinde misceantur, & cum syrupo de stoechade fiat magdaleon, de quo singulis uicibus formentur pillulæ pondere drachmæ unius, sumenda in aurora, in septimana semel, & eo die custodiat se ab aëre, & ab omni motu corporis & animi. His ita peractis accedet, Deo adiuuante, uer, in quo fortasse cum diuino auxilio se sanum percipiet. Sin minus, eadem diuina fauente gratia aggrediemur perfectam curationem, quam polliciti sumus, ad laudem Dei omnipotentis, qui uiuit ac regnat per infinita secula seculorum.

Pro eodem, continens curationis factæ ordinem.

Consilium XLIX.



Ireca principium hyemis M.D.XLVI, accessit ad nos nobilissimus ille uir Illyricus natione, cum paralyti diminuta totius dextri lateris, præcipue tamen manus & brachij, qui quemadmodum ipse referebat, plurima auxilia uarijs in locis expertus fuerat, diuersorum medicorum usus ad suam salutem recuperandam opera; habuerat etiam Venetijs perito-

rum Medicorum consilium. Quibus omnibus ita instructus cum ad me tandem peruenisset, intuitusq; essem anni tempus atq; æris constitutionem frigidam, in qua uersabamur, ætatem decidentis (agit enim quadragesimum annum) morbi speciem non tantum natura frigidi, sed etiam longo tempore confirmati, nolui tentare curationem, quam ego eo tempore desperabam. Et ita plane & explicite, quemadmodum sentiebam, suæ Dominationi declarauimus, talem curationem tunc omnino non esse tentandam; ideo ei persuadebam, satius esse, ut in patriam abiret, rediturus deinde tempore magis opportuno. Cumq; Dominatio sua decerneret se hic acturam quod ego consulerem, quantum ad curationem attineret, præstare iudicauit tota hyeme morari potius in Italia, uerno tempore postea curationem auspicandam, quam tantum itineris eundo & redeundo frustra conficere, à me petens interim, ut quæ expedire uiderentur mihi, saltem ad præseruandum corpus in tota hyeme diligenter præscriberem. Cui rei cum esset plane satisfactum, aduentante tandem uere curationem aggressi sumus, consilio etiam simul adhibito alterius excellentissimi Medici. Nunc tandem à me petit ille idem Illustris dominus, ut sicut præscripti quæ ad præseruandum facerent in præterita hyeme, ita nunc describam, quæcunq; & ego & alter Medicus ille consulimus pro curatione à principio usq; ad finem, nihil omittentes omnino, & aliud addentes quæcunq; scilicet facere deberet post curationem, quod iam à principio commemorabitur. Volentes igitur huic suæ petitioni satisfacere, dicimus consilium nostrum hoc uere esse, totum corpus primo exquisitissime purgare, & missione sanguinis, & pharmacia. Deinde purgato corpore, ad attenuanda & corroboranda membra pituitoso humore refertissima, primò Apponenses aquas ut biberet, deinde in ipsidem lauaretur, deniq; uapores quoq; & lutum earundem thermarum affectis membris applicaret; & ex hac curatione sperabamus illud commodè successfulum, quod in tali casu succedere potest. Sanguis igitur missus fuit à communi uena non quidem dextri lateris, ne ad affectum tota materia traheretur, & totus etiam affectus per sanguinis missionem magis etiam refrigeraretur, sed sinistrum potius elegimus. Euacuationes uerò fuerunt infra scriptæ. Pro minoratione accepit;

℞. Floris cassiæ 3 12.
Cum saccharo fiat bolus. Deinde Syrupos;

℞. Syrupi de cichorea simplici
De Betonica ana 3 1.
Aquæ lûæ arteticæ 3 4.

Misce pro uno, & sic pro alijs septem. Post septem syropos, sequentem habuit medicinam.

℞. Cassiæ 3 1.
Confectionis hamech 3 3.

Misce, cum zuccharo fiat bolus, accipiendus in aurora cum custodia. Post hanc pro uberiori præseruatione sequentes sunt ordinati syrapi;

℞. Syrupi de betonica
De cichorea
Oxymellis simpl. ana 3 6.
Decocti betonicæ
Cichoreæ 3 4.

I 3 Misce

Misce pro uno, & sic pro alijs. Post septem syrnpos iterum exhibita est medicina.

℞. Floris calsiæ	3	6.
Confectionis hamech	3	8.
Decocti betonicæ		
Cichoreæ quantum sufficit.		
Misce pro potu.		

De paralyſi ſiniſtri lateris.

Conſilium L.

RES & ægrotudo eſt in propatulo, & ea quæ patitur ſunt maniſeſta, & ideo ero brevis. Patitur Magnificus uir impedimentum circa ambulationem in crure ſiniſtro, & circa brachium eiſdem lateris, ita ut etiam oculus ſiniſter ingraueſcat, licet non ſit affectus quantum ad uisionem & ſic illa diſpoſitio occupat totam partem ſiniſtram, & eſt tantum in motu, non in ſenſu læſio. Queritur quæ ſit ægrotudo, & quod accidens, & ſub quo genere ponendum, item à quo morbo dependeat. Quantum ad ſymptoma, utrum ſit paralyſis? Si proprie uolumus loqui, dico quòd non ſit paralyſis: nam paralyſis proprie dicta, eſt particularis apoplexia, & apoplexia eſt paralyſis uniuerſalis: ſicut & ſpasmus & epilepſia differunt, quòd ſcilicet ſpasmus eſt epilepſia particularis, & epilepſia ſpasmus uniuerſalis. Ergo uerſantur circa idem. Sed cum apoplexia ſemper habeat deperditionem ſenſus & motus, ita & paralyſis. Hic autem uidemus tantum eſſe impedimentum in motu, & nullum in ſenſu, & ideo dico quòd non eſt paſſus apoplexiam, nec magnam nec leuem. Iuxta Hippoc. ſoluere apoplexiam leuem difficile, & fortem impoſſibile. Sed quomodo erit apoplexia ſi non ſentiat? & ſic potius erit ſubita motio alicuius humoris ad aliquod membrum, & ita non erit apoplexia, nec uera paralyſis. Eſt impedimentum in illa parte in motu, & ſic nerui & muſculi ſunt affecti, & quod ſpiritus uel uirtus prohibetur uel propter intemperiem, uel propter obſtructionem. Vtrum ſit hic affluxus materiæ, aut ſola intemperies? Audio eum pati granphum, quæ eſt conuulſio quædam leuis, propter ſubitum tranſitum materiæ ad muſculos. Vnde eſt conuulſio leuis, quia eſt materia leuis & uaporofa, & ſic credo illa membra debilitata. Vbi autem eſt intemperies ſine materia, non ſit ea ſubito. Ergo credo quòd ſit facta aliqua præcipitatio alicuius materiæ frigidæ & pituitofæ, quia non habet dolorem, & eſt in uno loco, & non habet calorem, ergo uidetur quòd à materia frigida. Et ipſe etiam dicit ſe à medicis per caleſcientiam eſſe adiutum. Ergo habemus ægrotudinem facientem hoc ſymptoma, & eſt intemperies cum affluxu materiæ frigidæ & pituitofæ. Nunc de cauſa uidendum illius ſubitæ præcipitationis, an à capite, an ab alijs partibus proueniat. Ego habeo coniecturam unam à modo præcipitationis, quia occupauit totam illam partem ſiniſtram, quòd caput fuerit repletum, & ſic uirtus expulſiua ſurrexit & expulſit: nec credo quòd tanta materia à uentriculo ſit tranſmiſſa, ſed quòd à capite illa materia deuenit ad eſt locum. An ſibi generata propter aliquam intemperiem, an ab alijs membris eo deuenit? Ego non audio quòd præceſſerit aliquid, quòd cerebrum ſit obnoxium alicui nocumento, nec quo ad ſenſus interiores, nec quo ad exteriores. Quod paſſus eſt aſthma, & quòd materia à capite deſcenderit, fateor: ſed inde nõ ſequitur quòd illa materia primogenio affectu genita ſit in cerebro: & ita credo quòd in toto corpore generatur illa materia, & ſub modo uaporis aſcendit ad caput, & ſic præcipitatur ad diuerſas partes: & ut hoc credam habeo indicia duor: primũ eſt diſpoſitio corporis, eſt enim totum corpus humidum, & hepar eſt calidum & humidum etiam in ſenectute, multo magis in pueritia tale fuit: omnes enim pueri calidi ſunt & humidi, ſunt item ingluuiſi, & plurimũ ingerunt, & hinc ſunt plurimæ euaporationes, quia ubi calor & humiditas multa

multa, ſibi etiam multa ſit euaporatio, & ita repletum eſt caput, teſte Galeno, 3. de loc. affect. Qui habent hepar calidum, ſemper ſubiectioni ſunt repletioni capitis. Secundo, huic naturali diſpoſitioni acceſſit poſtea ratio uiciuſ, quia delectatus ſemper eſt conuiuijs, & ſic multiplicata ſunt plurima excrementa. Quando erat puer, materia illa ſuperabundans & ſuperflua præceptata eſt ad pulmonem, & fecit aſthma: poſtea in iuuentute, ubi calor ſit igneus & fortior, multiplicata eſt aduſio: quia ubi plurimum de ſanguine, ibi eſt plurimum de ſæce ſanguinis, & etiam bile, & ſic natura incitata, loco aſthmatis generatus eſt fluxus hæmorrhoidarū, per quem ſanguis melancholicus & aduſus expurgatur: quia in mutatione ætatis, ut anno 21. id eſt, in tertio ſeptenario, teſte aphor. 3. lib. mutantur ægri tudines: & ſic eo tempore facta eſt alia ægri tudo, ſive poſtus excretio, ſcilicet mariſcatum. Nam & Galenus quærit, an hæmorrhoidarum fluxus ſit ægri tudo, uel ſola excretio quædam. Et ſic ſemper fuit ſanus. Poſtea in ſenio, ubi iam calor extinguitur, & refrigeratur ſanguis, & totus habitus corporis, multiplicatur pituita. Hinc in Auguſto menſe factis obſtructionibus, ne materia exiret per mariſcas, aggregata ſunt excrementa: quia ſenes uolunt uiuere ut iuuenes, & accedunt ad conuiuiu, quod ſæpe ſoleo in ſenibus reprebendere, & ideo congregant multas ſuperfluitates & frigidas & crudas, & ſic aſcendunt uapores frigidi ad caput, & repletur caput, quo repleto deſluit materia ad partem affectam, Et ſic habemus ſucceſſum huius morbi ex hiſtoria rei. Materia eſt quidem in capite, ſed per conſenſum partium inferiorum, & maxime uentriculi. Quo ad prognofticum, habemus quidem morbum factum, quod eſt conſiderandum: ſed non uideo morbum ſientem, & nullum plane uideo ſignum morbi ſientis. Quando incandefcit, repletur caput: & facta eſt uertigo, quæ eſt ex bile & crudis humoribus in uentriculo, & non cecidit in terram, ſed dixit ad ſeruum ut eleuaretur, quod non eſt mirum, quia habuit debile crus. Et ſic non uideo quomodo generetur hic morbus. Neque erit ratione frigidi tatis uentriculi, quæ non eſt magna, non enim expuit multum &c. Fames illa non eſt ſignum frigidi tatis uentriculi, imò pituita relaxat os uentriculi, & non ſit fames ex pituita in uentriculo, niſi ſit & acida & pauca. Ergo non ſequitur, habet famem multam, ergo uentriculum frigidum. Et ſic non credo quòd ſit uentriculus frigidus, nec quòd ſit in cerebro aliqua noxa, ſed tantum eſſe morbum factum. Denique dicit, quòd poſtquam habuit bonam rationem uictus, iam melius habeat. Et ſi haberet membra iſta debilitata, etſi comederet mannam, tamen generarentur ſuperfluitates. Et ſic non credo ego quòd ſit morbus in fieri, ſed ſolum in facto eſſe. Ergo cura tota ad morbum factum dirigatur, & poſtea præſeruetur, ne iterum aggregetur materia. Nam ſtante aliqua debilitate capitis, erit timendum ne inſciat in maiores ægri tudines. Et ſic credo quòd tantum morbus factus ſit curandus, & nullum membrum faciens curandum.

Petitur à nobis præcipue, an debeat accipere aquam thermarum? Hæc autem aſſumi poteſt uario modo, uel per potum, uel ſtillicidium, uel foueam, uel lutum. Dico ego quòd non ſit differendum remedium ad menſem Septembris, ſed nunc debemus occurrere, quia morbus factus eſt, & membra ſunt debilia ex frigidi tate, & niſi in æſtate hoc fiat, multo minus fiet in autumnò: & ideo dico quòd in his caloribus aliquid ſit faciendum: & aer, 9. Therap. eſt pro ægri tudine, quia ægri tudo eſt frigida & humida, & aer eſt calidus et ſiccus, & ſic eſt conueniens tempus operandi. Non autem darem hanc aquam in potu hoc tempore, ſed potius in Septembri, quia calefacit non ſolum uentriculum, ſed etiam uenas, neruos & muſculos, quod ex ſudore, quem prouocat, uidemus. Quo ad ſtillicidium, dico quòd non conueniet, quia illud membrum, ſcilicet cerebrum, non eſt affectum, & morbo facto eſt occurrendum. Et ſic non ſentio cum medicis Venetis, qui conſuluerunt eiſ Magnificentie ſtillicidium tale. Sed pro parte affecta ſua, derem ego quòd fieret ſtillicidium: uerum quia ſunt maximi calores, & aer balnearum nunc eſt peſſimus, & propter uapores & propter muſcas, non conſulerem quòd accederet ad balnea, ſed quòd curaret ſibi afferri eam aquam tam calidam ac ſicut fieri poſſet, & ſic fieret ſtillicidium pro parte affecta, & maxime circa uertebas colli,

ubi ferme est causa omnium dolorum, & etiam circa alias partes. Et quia habemus aërem una operantem, sentio quidem cum medicis Venetis, quod conveniat stillicidium, sed non in capite, ut ipsi dicunt, sed circa illas partes quas dixi, scilicet uertebras colli, ut uideant medici Veneti quod & nos rem intelligamus. Quo ad foueas & lussi, dimitterem nunc, quia non est tempus opportunum. Interim tamen, ut est consuetudo nostra, & experientia edocti sumus, ne resoluatur illud quod est tenue, & indurentur partes crassiores, emolliatur quotidie illa materia, quando scilicet non est usus balnei. An conveniat cauterium? Ego credo quod omnino fieri debeat: sed maxima questio est, in quo loco fieri debeat. In cauterio habemus quatuor. Primum, corroborationem loci & exiccationem: ideo sæpe applicamus ipsi loco affecto, ut Gal. applicat, synapismos capiti & parti læsæ, & Albucalis capiti applicat cauteria. Secundum, ut fiat diuersio. Tertium, ut deriuetur materia à loco propinquo ad locum alium: cum in epilepsia facimus cauteria in crure, est auersio: deriuatio est, ut cum patiente coxendice dextra, facimus cauterium in loco uicino. Ideo Gal. pro ualidissimo remedio phlebotomauit eundem locum in ischiade. Quartum est euacuatio à loco, ut etiam euacuetur materia in loco existens, cum sit morbus factus. Hic non indigemus diuersione, quia materia illa est in loco, & imbibita in uenis, non potest trahi per auersionem: & ideo non facerem diuersionem in pede altero, quia illa diuersio esset uana & inutilis. Si ratione deriuationis, an conveniat circa partes affectas? Dico, quia tota pars à principio ad finem afficitur, nescio in qua parte debeat fieri cauterium pro illa deriuatione. An uero pro corroboratione loci? Hoc cauterium non debet fieri, nisi post euacuationem materiae illius loci, & ideo non pro corroboratione etiam loci conueniet cauterium. An pro euacuatione à loco, qui est quartus usus cauteriorum? Dico quod nec hoc, quia totus ille locus patitur: igitur non uideo quomodo cauterium conuenire possit. Ideo primo uellem euacuare materiam ad præseruationem, & non ad curationem: & facerem cauterium in brachio dextro, & in crure dextro, non ut curarem morbum, qui est in loco affecto, sed ut, cum applico resoluentia ad illum locum affectum, ne trahatur materia ad locum affectum. Facerem igitur cauteria in brachio & crure sano propter diuersionem, quia tota pars sinistra est affecta: & non facerem propter materiam in loco existentem, sed propter præseruationem, non ut tollatur ægritudo facta. Et sic accipiat istud stillicidium circa illam partem, ut diximus, & cauteria applicentur, prout indicauiumus esse ex re Magnificentiae suæ.

De Paralyfi ex uulnere.

Consilium LI.



VDIVIMVS, nobilissimum uirum uulneratum mucrone ensis, circa quartam uertebam colli, post quod uulnus subsecutam esse paralyfin totius corporis, tam brachiorum, quam etiam crurum, ita ut prorsus amiserit sensum, & motum, & præterea anhelitum fuisse aliqua ex parte interceptum. Sed post nonnullos dies adhibita curatione, anhelitus impedimentum primo fuit sublatum. Deinde tota sinistra pars in pristinam sanitatem rediit, tam in sensu, quam in motu. In dextra uero parte, permansit in brachio & in crure motus priuatio, sensu tamen recuperato. His ita se habentibus queritur à nobis, primo. Quæ causa fuerit uniuersalis paralyfis, & unde postea tam facile in pristinum statum maxima ex parte fuerit restituta. Dicimus ergo, ex ictu penetrante in regionem tertiz, aut quartæ uertebræ, non quidem medullam spinalem aliquo pacto fuisse incisam, incisione insigni offensam tamen & percussam, uel compressam. Qua occasione plurima materia ad eam partem confluxerit, ex cuius concursu loco inflammato & obstructo, non mirum fuit, si ea uniuersalis paralyfis fuit consecuta, non aliter, quam ille, de quo

quo meminit Galen. in lib. de locis affectis, qui cum de curru cecidisset, & percussisset vertebrae dorsii, ex casu amiserat sensum, & motum brachiorum & erurum. Et postea cessante inflammatione, ut ipse ait, brachia quoque & crura in pristinam rediisse sanitatem. Similimus igitur est casus istius nobilissimi, unde postea curata inflammatione, & euacuatis humoribus, per illos clarissimos Medicos, tum etiam resolutionis, uel paralysis malum fuit remotum, quantum factum fuit circa euacuationem, & remotionem inflammationis. Et cum in dextra parte eiusdem loci affecti, non fuerit ita euacuatio facta, uel obstructio curata, siue quod fuerit ea pars magis laesa, uel natura debilior (ut audio) siue quod materia in illa parte fuerit crassior, & magis rebellis, perlsistit nocummentum in parte dextra, tandiu permanens (meo iudicio) quamdiu non tollitur materia, replens eam dextram partem, quae est circa istas vertebrae. Haec est sententia mea de causis paralysis, tam praeteritae, quam praesentis. Quantum uero ad curationem attinet, tota uis consistit in residuo materiae euacuando, & corroborando partem affectam. Circa euacuationem, nescio an exquilitate totum corpus fuerit euacuatum, sicut ego euacuandum censeo. Quod si non fuerit factum, hoc pacto euacuare tentarem. Primo ut acciperet 3 2. specierum Hierae simp. quae in bolum redigerentur cum melle rosato colato. Et facta uentris lenitione, tunc septem diebus continuis haberet in aurora syrupum infra scriptum, uidelicet.

℞. Syrup. de Stoechade

De Betonice

ana 3 1.

Decoctionis Saluiae

Iuae

Arteticæ

Betonice

ana 3 4.

Fiat autem decoctio in aqua Boraginis, misce, fiat syrupus. Post Syrup. autem sumat pillularum Cocciarum 3 4. Et huiusmodi facta uniuersi corporis euacuatione, laudarem masticatoria, euacuante humores & capite, sicut essent: quae hoc modo praeparantur.

℞. Staphisagriae

Medullae Carthami

Piperis

ana 3 2.

Masticis

3 4.

Croci

3 1.

Puluerizentur omnia per se, deinde misceantur, ac cum cera fiant trochisci ad masticandum, qui teneantur mane in ore, ita ut expuat assidue. Sed & caput purgia laudo, placida tamen, sicut est succus Maioranae, uel Betae per nares attractus. Haec sufficiant pro capitis purgatione. Loco uero adhiberem ea, quae resoluunt, & mollificant, siue separaretur mollificatio à resolutione, siue simul uniat. Et si separaretur, optimum esset, ut per duos dies, aut tres illinat locum (ulcere tamen intacto si adest) linimento infra scripto.

℞. Olei Amygd. dul.

Adipis porcini recentis sine sale

Olei Liliorum alborum

ana 3 1.

Myrrhae

3 2.

Croci

3 1.

Misce, fiat linimentum secundum artem. Et ubi hoc linimento locus fuerit inunctus per duos, aut per tres dies, tunc accipiat decoctum Althaeae, & Maluae in uino optimo albo, & in eo ponatur marcescens ignita, uel frusta lapidis molendini, similiter ignita, & uapor, qui ascendere ex huiusmodi lapidum ignitorum humectatione solet commode recipiatur in partem affectam, ita, ut dum recipit fumum, collum moueat hinc inde, quantum potest. Erit autem faciendum hoc in uase stricti orificij, ut totus fumus

sumus magis coarctetur, & ad eam partem magis ascendat. Deinde, per unum diem hoc facto, redibit ad mollificantia, & sic successiue faciet modo liniendo, modo resol- uendo, donec liberetur, cum auxilio Dei. Deinde, si uult peruenire ad resolutionem, hoc fiat unguentum.

℞. Olei de pice, si haberi potest, uel de

Terebinthina, uel de

Euphorbio

Olei de croco

Olei Amyg. dul.

Adipis anseris

Butyri recentis

Ceræ q. s.

℥. 1.
℥. 5.
℥. 3.
℥. 1.
℥. 2.

Misce, fiat linimentum pro loco. Hoc igitur uel altero utatur, prout magis expe- diet. Ultimo laudarem, quod applicaretur ceratum, præcipue sanato ulcere, quale est, uel de Betonica, uel de gummi Elenij, uel (quod præstantissimum est omnium meo iu- dicio) Oxycroceum. Et super omnia, in toto tempore curationis, habebit optimam rationem uictus, cauendo ab omni superfluitate, & utendo optimis cibarijs, & abstinendo à uino, quantum fieri potest, præsertim à uino potenti, & ab aceto, à rebus frigidis, ac uento, à frigido aëre, & coitu præcipue: is enim illi esset maximum uenen- num. Dabit quoque operam, ut habeat aluum apertam, & si non habebit, dytleribus continue utatur, usque ad perfectam curationem. Post hæc æger multis remedijs à Chir- rurgis adhibitis, usus, nondum sanitati restitutus, rursus Patauium accessit, cui Mone- tanus exhibuit Cassiam cum Hiera. Instituit insuper, ut per tres dies sumat aquam bal- neorum Aponensium. Postea per x. alios dies sumeret stillicidium eiusdem aque in loco, in quo uulneratus fuerat, quod stillicidium illi aliquantulum profuit. Postea iussit accedere ad lutum S. Bartholomæi, in agro Patauino, & tunc, quando exibat à luto, statim inungebat loca, quæ fuerant luto operata, donec iterum lutum applicaret tali unguento.

℞. Olei Mastichini

Chamæmelini comp.

Liliorum alborum, cum speciebus

Costini

Irii,

de Euphorb.

de Piperibus,

de Croco

Stiracis electi

Myrrhæ

Sampfuchi

Rosmarini

Sauinæ

Terebinthinæ, seu

Laricinæ

Opopanax

Ceræ Citrinæ

3 4.

3 2.

3 1.

3 5.

3 2.

3 1.

3 3.

Misce, fiat unguentum

Hoc autem lutum cum isto unguento satis notabile inuamentum præstitit, postea cum uoluit discedere domum, tale balneum illi Leonicus præscripsit, quo quandoque uteretur, transactis diebus canicularibus, in quo decoctum sit Chamæmelum, Melisso- rum, Iua, Hypericon, Calamentum, Pulegium, Satureia, Nitrum. Quibus, tempore frigi- diori, addi poterit Salvia, & Rosmarinus, & in hoc balneo sudet aliquantulum, & ubi primum ex balneo exierit, inungatur tali unguento.

℞. Ole

℞. Olei antiqui		lib. 2.
Rutæ		℥. 2.
Piperis		
Pyrethri	ana	3 2.
Euphorbii		
Castorij	ana	3 1.
Rad. Cucumeris asinini recent.		
Bryoniæ	ana	3 2.
Mastiches		3 1.
Cocti		
Inulæ	ana	3 2.
Vini albi odoratiss.		lib. 1.

Decoquantur ad consumptionem vini, & colentur. Tali unguento, seu oleo *in-*
ungatur bis in hebdomade. In reliquis, circa uictum, præscripta sunt ea, quæ solent
in similibus affectibus ordinari. Montanus uero tum circa balneum non admittebat
Satureiam, nec Nitrum. Et unguentum, quod fuit ordinatum post balneum, applicari
debere omnino damnabat, quia nimium exiccat: sed eius loco laudabat ea, quæ posse
sunt & emollire, & resoluerè, sicut est linimentum tale.

℞. Olei Amyg. dulcium		
Adipis porcini, recentis, sine sale	ana	3 2.
Bdellij		
Myrrhæ	ana	3 1.
Croci		3 2.

Dissoluantur gummi in aceto. Deinde simul omnia misceantur, & fiat linimen-
tum secundum artem. Aut, huius loco, etiam sine balneo poterit uti, quod supra ab
Excellentiss. Montano fuit ordinatum.

De paralyti, seu resolutione mediij digiti in manu,
ex defluxu à capite.

Consilium LII.



Larissimi Viri, habemus Magnificum uirum: qui conqueritur de dimis-
nuta operatione tertij digiti dextræ manus. Resolutus enim incidit in
paralytin, quam sequitur dolor lateris, & brachij: de his quidem solici-
tus est, sed maxime de digito queritur, quem mouere non potest. Ut
igitur possit curari, querendæ sunt causæ paralytis, seu resolutionis,
quæ nihil est aliud, quam omnimoda ablatio, uel diminutio sensus, & motus, uel alter-
ratus, & dicitur perfecta paralytis, quando amittitur sensus, & motus. Hic est imper-
fecta. Nam in digito non est ablati sensus & motus, sed tantum diminutus, & digi-
tus redditus debilius, ut non sit sufficiens ad actiones. Est igitur resolutio imperfecta,
quia sensus adest, & motus non est omnino ablati. Querendæ modo sunt causæ, quas
est uno uerbo dicere queam, tamen ut iuniores etiam instituatur, aliquid copiosius
est dicendum. Omnis paralytis duas habet potissimum causas, uidelicet uel ex parte
instrumenti, uel spirituum. Nam omnis actio læditur, læsis illis, quæ faciunt eam actio-
nem, & tot modis læditur, quot modis concurrunt ad eam actionem. Quia igitur in
paralyti fit læsio uel sensus, uel motus, uel tam sensus, quam motus, sunt hæc propter
duo, uidelicet uel instrumentum debile, uel uirtutem, seu spiritus læsos, qui demittuntur
à cerebro: & dant sensum & motum. Querendum igitur est, quid læditur in hoc Ma-
gnif. Viro, spiritus ne, an instrumentum, an utrumq; & ita inueniemus ueram indicatio-
nem, & cura etiam facilis erit. Instrumentum lædi potest dupliciter, uel ut coniunctum,
uidelicet

uidelicet nerui, musculi, seu chordæ, uel quando læduntur uia, quæ hic etiam dicuntur instrumenta, quia per eas transit uirtus ad membrum quod patitur, & continuatur cum suo principio, seu cerebro, ut cum læditur ipse digitus, seu ipsum membrum continuatum. Ita igitur potest esse læsio, uel in instrumento, ut in neruo, uel potest esse in uirtute. Læditur autem instrumentum materia adueniente, uel quoniam sit ibi mala complexio, id est, si sit caliditas, frigiditas, humiditas, uel siccitas nimia, siue aliqua materia. Potest enim impediri motus ex qualibet harum intemperierum, siue materia. Licet frequentius fiat à frigiditate, quam à caliditate, quia non nisi maxima excedat caliditas, & siccitas, corrumpere potest, sed diminuere non. Hoc membrum habet actionem diminutam, ergo est temperies frigida, & humida. Sed hæc potest esse uel cum materia, uel sine materia. Et si cum materia, ea erit calida uel frigida. Si hic est materia, non potest ea esse calida, uel sicca, quia non est corrupta actio. Ergo necesse est esse ex intemperie frigida, & humida, siue sit cum materia, siue non. Sed potest fieri ratione uiarum, quæ sunt in neruis continuatis, atque id ipsum erit etiam humidum, uel frigidum ratione. Potest etiam esse uel ex parte spirituum, & uirtutis, ut propter paucitatem resoluantur spiritus, ut non sufficiant ad motus exercendos, uel quoniam in transitu impedimentum patiuntur, ut non possint uenire ad membrum mouendum. Quam igitur causam dicemus esse in isto? Ex resolutione, uel diminutione spirituum non potest esse, quoniam habet plurimam redundantiam spiritus & sanguinis, totus calidus est, facit omnia sicut puer, cum sit senex admodum. Quod autem sit impedimentum in transitu, non credo, alioqui enim & alia membra impedirentur, & non unus digitus. Relinquitur ergo, quod tantum fiat ratione ipsius membri, seu digiti, in quo erit mala complexio, uel cum materia, uel sine materia. Sed quia digitus sane repente fuit impeditus, ea læsio non potest esse ab intemperie, quæ sit essentialiter in membro. Talis enim non fit, nisi successiue, sed bene ex improviso, & subito materia aliqua potest fluere à loco aliquo, & lædere aliquod membrum. Et ita credendum est accidisse huic Magnif. uiro. Materiam autem frigidam & humidam esse puto, quia uidemus motum diminui potius quam corrumpi, quod fit à materia frigida, & quia perseverat admodum, non est materia calida, quia iamdudum ea esset resoluta. Est igitur causa intemperies frigida, & humida, existens in digito medio, cum materia per defluxum, & non essentialiter. At durat effectus, quia membrum est debilitatum, ut alimentum non possit concoquere, propter presentiam materię frigide, & humide. Sed queritur, unde fiat defluxus ille. Licet hoc sit plane coniecturale, crediderim tamen, quod ille sit à capite. Primo audiuius, eum expositum fuisse maxime Austro, qui potissimum replent caput, ex qua repletione descendunt catarrhi ad partes inferiores, & imbecilliores (ut Galenus testatur 2. de diff. febrium) & Austro flante, semper deterius habet. Hinc est prima coniectura. Secundo, quia percipit etiam dolorem in brachijs, & cruribus, & transitus materię illius fit per neruos, qui cum à cerebro ortum habeant, credendum est, à cerebro materiam illam descendere, & licet in partem dextram magis defluat, tamen nuper admodum coepit etiam labi in partem sinistram, & ad uaria loca defluere, tum ratione ætatis, tum propter malum uictum, & respectu materię, seu defluxus inualescentis. Etiam in uentriculo potest multiplicari pituita, idque propter duas causas, nam ditissimus cum sit, uiuit lautissime, quocumque cibi genere utitur, nihil laborat, neque in repub. neque priuatim, ideo plurimum pituitæ generat, ratione ætatis, etiam si sit calidæ naturæ, tamen redditur frigidior. Quanquam apparet uentriculum bene concoquere, est enim corpus illud repletum bono sanguine, ita, ut ratione ætatis suæ, potius calidior, quam frigidior iudicem, ac bonas fieri coctiones in uentriculo non dubitem. Non enim potest coctio hepatis emendare uitiosas coctiones uentriculi, & qui patiuntur errata primæ coctionis, omnes sunt coloris liuidi. Ille autem est rubeus. Non igitur est dicendum, quod peccet uentriculus, & ideo totum referendum credo ad ipsum caput. Ex his patent causæ leuis illius paralytis, & doloris in latere, ac cruribus, qui sunt ab eodem defluxu, & ita totum esse credo à defluxu materię frigidæ, & humidæ, à capite ad partes dictas.

PROGNOSTICVM. An possit curari. Vbi humor frigidus, crassus, & inuis-
 scatus in aliquo membro, maxime in sene est, difficulter curatur, si modo credimus
 Hippocrati. Primum senium iam excelsit, agit enim sexagesimū annum, & quartam,
 in qua ætate catarrhi & fluxus cuiuscunque generis difficulter maturantur, præsertim
 cum sint in chordis, & nervis, seu mēbris siccioribus, ita credo hic quoque curam diffi-
 ciliorem futuram. Quomodo igitur curabitur? Si materia sit impacta partim, & inuis-
 scata, partim defluat. Primo impacta remoueri debet. Sed ut id fieri possit, oportet ut
 affluēs auertatur prius, & ita præseruabimus eū. Præseruatiua cura refertur ad causam
 efficientem: ad coniunctā uero causam curatio. Prius igitur remouenda efficiens illa,
 id est, defluxus, antequam amoueatur morbus iam factus. Primo euacuetur totū corp-
 us, ac in coquenda ac præparanda materia syrupus de lina optimus est, & ideo arthri-
 tica dicitur, quia maxime conferat artubus & nervis, sed tamen cum uolumus præ-
 parare & concoquere materiam præcedentem, & uolumus ne talis ueniat ad locum
 læsum, crediderim in hoc casu meliores esse syropos, qui concoquant materiam cras-
 sam, ut sunt minus calidi, & qui habent uim incidendi. Conueniret oxymel, atque syru-
 pus acetosus simp. in maxima etiam quantitate, ut ita coqueremus materiā euacuandā:
 præmissio prius minoratiuo, quod educeret materias crudas, existentes in uentriculo
 & intestinis, ex flore Calsiæ, cum speciebus hieræ, quæ non nimium laxabit. In eua-
 cuatione laudo Agaricum, uel cum flore Calsiæ, uel alio ex Agarico composito,
 & pillulas Coccias, aggreg. confect. Hamech. An modo hoc sumatur, uel aliud, non
 curo, dum modo euacuetur pituita. Laudo missionem sanguinis à latere opposito, ne
 trahatur materia ad locum affectum. His ita factis corroborarem caput, exhiberem
 saccharum rosatum, & fieri iuberem exicationes sine calefactione, ut cum Camomil-
 la & rosis in lixiuo, & adderem rosas in maxima quantitate, nec uterem multū astrin-
 gentibus, ne sequeretur compressio, & aueretur fluxus. Ideo ea, quæ sunt in primo
 gradu astringentia, essent mihi grata, quæ non penetrarent ad profundum. Post hæc,
 pro remotione materiæ iam impactæ adhiberentur loco affecto mollificantia. Non
 darem aquas Thermarum per os, sed ponerem digitum in luto, uel habeat lapidem
 molarem ignitū, & extinguat, ut emittat halitum, quem excipiat. Vehementer enim
 exiccat, ut Gal. 14. Meth. de scirrhis docet. Posteaquā per duos aut tres dies fuerit
 mollificatus digitus, iam luto uterem aliquo resoluente, ita tamen, ut semper tribus die-
 bus molliatur, & uno tantum resoluatur. Videndum autem, ne resoluamus materiam
 tenuem tantum, & crassior lapidescat. Deinde uellem, ut uteretur continue cerato Be-
 tonicæ, quod haberet uirtutem corroborandi & resoluendi, aut emplastro facto cum
 Diachylon.

Post hæc eidem sequentia præscripta sunt:

℞. Floris calsiæ	℥ 2.
Specierum Hieræ	℥ 1.
Cum saccharo fiat bolus.	
℞. Oxymellis simpl.	℥ 1.
Syrup. de Betonica	
Cychorij	ana ℥ 5.
Cum decoctione Betonicæ & Endiuicæ	℥ 4.
Misce, pro una uice, & sic pro alijs.	

De sene paralytico, cum febre & suppuratione in aure.

Consilium LIII.



Aborauerat senex aliquot annis catarrho, accessit febris, & suppuras-
 tio in aure. D. Montanus accersitus, audiens eum non posse proferre
 quæ uellet, & linguam hædere, cum antea expeditissime esset locutus:
 urinas in magna quantitate, non albas, sed liquidas, ad colorem plumbi
 tendens.

tendentes, tenues, cum sedimine albo, & pauco. Sitis quoque adesset maxima, nigredo & ariditas linguae, dicebat initium paralytis, seu apoplexiae esse, quae nihil differunt, nisi quod apoplexia est universalis, paralytis particularis. Deinde mens turbabatur, non exprimens intentiones suas. Haec monebat obseruanda, quod ad praedictiones facerent. Febrem autem dicebat nunc curam requirere, et eam sic considerabat. Licet in sensibus febres non dicantur acutae admodum, sunt tamen ut plurimum intrinsecae, et ob hoc uulgo laticae, uel sepultae febres dicuntur: habentque hoc proprium, uidelicet cum multa frigiditate extrinseca, multam caliditatem intrinsecam. Cuius hic sunt signa. Primo, sitis magna, quia appetitus frigidi et humidi arguit caliditatem intrinsecam. Secundo ariditas linguae, faucium, & simul nigredo. Tertio sputa cruda, & tenacia, quod fit, cum uapores calidi miscentur cum materia flatuosa & uiscida, & maxime ante prandium est compactum sputum: ideo tum uidetur expuere bombacem. Quarto exuilijs. Ad sunt autem multa signa frigiditatis, urinae tenues & laevae, quae significant calorem naturalem quasi extinctum esse. Et istae mihi non placent in febricitante, in quo urinae debent esse tinctae. Quod multa emittitur, non est criticus motus, sed significat naturam non bene regulare materiam. Adest sedimentum album, & paucum, quod est signum abundantiae pituitae; & materiae uiscidae in uenis. Habemus ergo febrem cum istis symptomatis & inaequalitate. Ista apud me sunt difficilia, praesertim in sene, & uere frigido. Nam haec symptomata in iuvene non essent uerenda. Est igitur mala ista febris. A quo loco pendet, & ubi est putredor: Humor non facile diiudicatur, praecessit catarrhus uiscidus cum flatibus, ita ut in uia propter compressionem Diaphragmatis aliquoties coactus sit quiescere. Illa pituita alia quando est falsa propter aduersionem, uel admisionem bilis. Non percipit frigus, quia materia non putrescit extra uasa, nec typum, licet semper post prandium uideatur sentire accessionem. Habet suppurationem in aure, & etiam si multum puris exiit, tamen rursus colligitur, & adest pulsatio, quae arguit suppurationem. De dolore pedum non curo: imo uellem ut augetur. Non enim dubium est, quin sit a flatuosa materia, quae dum ad illas partes descendit, diuertitur a membris nobilioribus.

C V R A. Febris coniuncta est cum causa, ideo sine ea curari non potest. Primo abstinere a uino. Quod etsi uideatur attenuare humorem crassum, tamen capiti noxium est. Facerem autem decoctum ex Aniso, Cinamomo, saccharo, quod extingueret sitim, & iuaret caput: Darem iuscula ex Betonica, Salvia, & Rosemarino, & ponerem folia in panno lineo, & sic decoquerem. Et quia nihil praestantius in febrisbus, a pituitoso humore, quam habere rationem uentriculi: darem ante coenam 3 i. Hierae. Vterer frictionibus ex Anethino oleo, cum uino decocto. Aërem etiam exsiccarem, acciperem aquam rosaceam, & imponerem puluerem Caryophyllorum, & coquerem in cubiculo. Exhalaret enim odorem suauem & exiccantem: indigemus autem exiccatione & non calefactione. Circa aurem concoctio materiae est querenda, quia pulsat. Quare acciperem album Cepae, & excuarem & imponerem butyrum, & coquerem in cinere calido, & illo succo illinirem aurem, & instillarem. Et si applicaret Cotum, uellem esset odoratum, iaceat semper super illa aure. Haec in praesenti uidentur sufficere. Sequenti die aeger incidit in paralytin. Biduo post habuit fluxum sanguinis ex naribus, qui cum releuabat aliquantulum. Altero die, post fluxum,

Virtus lassâ cadit, soluantur frigore membra,
Vitaque tartareas fugit indignata sub umbras.

De stupore ac leui resolutione lateris sinistri,
Consilium LIII.

Primo temperaturam consideremus, quæ multū ad rem faciet. Est itaq; temperaturæ calidæ, secundum hepar & cor: quod apparet ex operationibus hepatis, redundat enim sanguine, uenæ amplæ sunt, color rubeus, habitus corporis deniq; & pili, omnia caliditatem hepatis attestantur. Color quoq; ad fuscèdinem tendit, est igitur calor in sanguine declinans ad siccitatem. Cor calidum habuit & siccum, exercuit rem militarem, audax est & fortis. Ergo tota temperatura calida & sicca est. Agit annum 27. prope uigorem ætatis incidit in ægritudinem frigidam, estque maximus lapsus, ergo à causis ualidissimis, quia de contrario in contrariū lapsus est, membra calida fuerunt, nunc essentialiter frigida. Non autem magnus est lapsus ratione intensionis, & gradus ægritudinis, quia accidentia non sunt sæua. Hæc uero conferunt ad curam. Symptomata: Patitur diminutionem circa actionem motus in brachio & crure, præsertim parte sinistra, mouet quidem, sed cum difficultate, non tamen est priuatio motus. In crure sinistro feruet, & rubet, quæ animaduertenda sunt, ut inueniamus curam. In colli etiam parte sinistra tale symptoma percipit, & calorem, & quasi feruorem. Quod ad operationes in cerebro, nulla est læsa, odoratur, uidet, discurrit, optime memoratur, imò quæ à septem partibus neruorum ueniunt, optime habent, licet in lingua parum male habuerit in principio morbi. Ista sunt accidentia, utcumq; nominari debeant. Vt curemus, quaeritur an sit stupor, uel resolutio, ut 3. de locis affect. dicitur. Videtur, cum nullus sensus sit ablatus, stupor potius esse, cum imbecillitate sensus, quàm motus. Nec est resolutio, quia mouetur. Sed cum dolore, & difficultate, ergo si est resolutio, est debilis, quia quædam est ualidissima. 3. de locis affect. ubi uisum in sensu & motu, & paralytis dicitur. Mox do refert causas inquirere. Omnis actio sentiendi, & mouendi est à spiritibus & uirtute animali, quæ possunt impediri dupliciter, uel quia non possunt transire, sed interceptantur; uel quia etiam, cum ad locum perueniunt, non possunt operari, quia membrum inueniunt non bene dispositum. Hic non est uitium in uirtute, uel spiritibus, quia mouetur. An interceptatur, uel impediatur transitus spirituum? quod fit, cum soluitur continuum, uel est inflatio, uel durities, uel obstructio. Ego credo, ab aliqua materia descendente obstructionem esse, & repletum esse principium: sed illa obstructio leuis est. Ideo imbecillitas facta est in crure & brachijs, quia membra facta frigidiora se ipsi sunt. Porro frigiditas motui nocet: primo, quia non apta sunt accipere uirtutem animalem, & ad motum egent caliditate moderata. Est autem hic frigiditas impressa in membris. Virtus non transit, ita non recipitur tantum spirituum, quantum oportet. Secundo diminuto calore in membris, magis recipiunt fluxiones à quibus hæc incommoda secuta. Quod autem frigiditas sit in membro essentialiter, intelligimus ex causis procaccis, quia cum esset ruri, saltabat, ludebat: torus igitur sudauit, & exposuit se pluuijs, ac cum madore mansit, itaq; totum corpus rarefactum & resolutum, pluuia refrigerauit, ingessit multum uini frigidioris (ego quidem noui iuuenem, qui ex pilæ lusu calidus, multum aquæ bibit, & factus est hydropicus. Porro uinum frigidum bibitum plus refrigerat) usus præterea coitu ea nocte, resolutus est calor in cerebro, & ob vapores durantes adhuc, semper est noua fluxio, membra redundabant excrementis, quia proprium alimentum concoquere non poterant, neq; repellere aliorum superfluitatem. Vbi autem principium habet ægritudo? Non à cerebro, quia si principium hoc pateretur, non pars, sed rotum corpus esset male affectum. In hoc igitur uisum, ubi est impedimentum? Ibi ubi imbecillitas incipit, uerbi gratia: Si dorsii pars media læditur, fortasse in quibusdam spondylis, in sinistra parte afficitur, & cerebrum quoq; eo expellit excrementa sua, non tamen est nocumentum in cerebro, deinde materia fluens est mixta, habet partes frigidas & calidas. Hepar licet offensum sit, tamen forte redit ad temperaturam suam. 3. de locis affect. quia hepar calidum facile

confert ad repletionē capitis, percipit calorem in parte sinistra, & imbecillitas membrorum est circa motum ob defluxum materiæ, & tales sunt causæ.

C V R A. Credo quod curabitur, nulla erit difficultas (ut spero) sed quia duo anni sunt, quibus laborauit, opus erit duo uel tria facere. Caput recipit excrementa, oportet igitur euacuare & diuertere materiam, sed ne transeat ad locum affectum, cauendum, uerum ad partes oppositas. Hoc principaliter faciendum, & membrū corroborendum contrarijs. Victus sit attenuans, abstinere a uino, quia eius abstinētia multi podagrici curati, & qui neruorum morbos habent. Fiat aqua cum Cinamomo, saccharo, pailulisq; prouocans urinā. Euacuetur Agarico, confectioe Hamech, Rhabarb. pillulis aggreg. sed prius accepto minoratiuo. Ab opposita parte dextri lateris phlebotometur. Deinde stillicidium aquæ in spondylis sumat, neq; caput tangat. Gal. enim ei qui ex curru decidit, remedia principijs neruorum applicauit, & sanatus est. Capiti autem non applicanda medicamenta, quia caput non male affectum est. Quæ uero diuertunt, ea oppositis partibus sunt facienda cauteria, scilicet ut natura eò transmittat excrementa. Ad roborandum, quia frigiditas causa imbecillitatis, linimentis & fomentis procederem. Sumerem autem Caryophyllos, Calamum Aromaticū, & Acorum communem: quæ tria roborant, atq; una ponerem in duplici uase, & oleum facerem, idq; miro modo roborat neruos, & quod attinet ad malam temperiem, eam corrigunt, uigorē membrīs addunt, quia astringunt. Utatur quoq; Myrobalanis Chetbulis conditis, quotidie cum saccharo rosato.

**De paralyſi imperfecta ſiniſtri lateris, cum lienis tumore, & crurum
ieſtigatione ac tumore, & diarrhea.
Conſilium L V.**



CAsus ab alio recitatus. Nobilissimus uir, sanus ante & aptus ad omnes operationes, non parcens laboribus, & in uictu temperatus, patiebatur aliquando hæmorrhoides, & in pede sinistro tumore cum rubore: qui a seipso dissoluebatur, adhibita comoda uictus ratione & linimento: passus singulis annis febres, sed breues: quæ soluebantur, continuas item desillationes. Iam ante tres annos suppressis hæmorrhoidibus & desillationibus, cum pateretur in pluuijs, & inordinate uiueret, habuit in testiculis pustulas nigras, quas ipse perforauit, & emanauit sanguis niger, post euanuerunt. Deinde habuit duos bubones in cruribus: qui etiam postea sunt curati. Febres item uarias, interdum quotidianas, quando uero tertianas per totam hyemem, quas secutus est tumor lienis & pedum. Sumpsit multa medicamenta quæ nihil profuerunt. Mense Maio profectus est ad balnea Montis falconis: distant a mari medio miliar, & habent augmentū & decrementum sicut mare, & maxime crescunt crescente luna. Ex ijs crura resoluta, & lien ad naturalem dispositionem redijt. Relictis igitur balneis in patriam redijt, & tota ætate & hyeme postea male habuit: nunc febres habebat, nunc lien, aut crura intumuerunt. In Martio sequenti, duo sunt iam anni, bibita quam ligni, unde deuenit ad hoc, ut male moueat linguam, & brachium & crus sinistrum: & ad diarrheam etiam in qua uarij coloris excrementa exhibant, per tres menses: nunc male mouet linguam, & deterius uesperis quàm mane; male mouet brachium sinistrum, sed melius quàm post potiū ligni: tumet crus, uesperis tamen magis quàm mane. Habet tumorem lienis & diarrheam adhuc, in qua materia corrupta non biliosa nec flegmatica: pus expuit etiam, & habet leuem defluxum a capite: uenit & iestigatio in utroq; crure, & uidebatur sentire flammam seu faces accensas sub digito crasso pedum, sed id nunc non sentit. De reliquis querit consilium: excreuit annis elapsis etiam lapillos aliquot, & his passus est dolores renales. Agit iam annum quinquagesimum. Montanus: Si considerare uolumus & apparentia, & quæ audiuius, hepar sine dubio est calidum ex amplitudine uenarum, colore, pilis, Talis habitudo hepatis est insignis, est uelocis motus, &

tas, & promptarum actionum, dum est sanus: postea siue id ratione uictus sequentis factum sit, siue etiam à natura, quia ubicunque calidum est hepar, sanguis quidem multus est, sed habet etiam multa excrementa, uictu præcipue iam inordinato existente, multiplicata sunt excrementa in corpore, & secutus fluxus hemorrhoidum, destillationes à capite, quæ ubi suppressæ, longus catalogus symptomatum secutus est, propter eam suppressionem, febres, pustulæ, bubones, & alia quæ quia præterierunt, ideo non curamus ea. Contigit postea uel ex ratione uictus deteriore, uel ex ligni potu, uel utroque, quia dum ruri uiuebat uarie affligebatur, pluuijs, uentis & alijs, inde secuta paralytis imperfecta, in tota parte sinistra, & lingua etiam: tumor circa regionem lienis, tumores crurum circa uesperum &c. & refert ipse etiam se subito percipere quandam morisionem, ac si quis subito aliquid euellat, & in partibus affectis sectigationem & diarrheam, uel fluxum ventris. Quæritur causa horum symptomatum: sine cognitione enim causarum non poterit curari. Videtur nulla difficultas. Temperatura calida hepatis generat plurimum sanguinis feruentis. Inde hæmorrhoides & fluxus catarrhi, quia ex multo sanguine multi uapores ascendunt, ita ut sola temperatura ad hos morbos sufficiat, si non accedat alia causa, ut suppressæ hæmorrhoides & fluxus catarrhi, & uictus magis inordinatus, siue ob decoctum ligni, siue ob suppressos fluxus priores, quod ego magis credo, quam ex decocto ligni, neque enim probabile est decoctum ligni tam repente generare paralytin & eum defluxum, qui durabat tantum temporis per tres menses & amplius. Potius crediderim ex multitudine humorum deprauatorum factum esse, propter suppressionem euacuationis, sed decoctum mouet causas & materias quietas alioqui, & præcipitauit per uarias partes: materia uaria, sanguis seculentus propter suppressionem hæmorrhoidum, & pituitosa propter defluxum catarrhi suppressum, quæ materię propemodum contrariæ. Atra bilis ex aduisione generatur, & est calida & sicca, phlegma frig. & humid. Et causa etiam est alia longe deterior. Erat intemperies quædam in membris, primo propter affluxum; sed eo perseverante & multiplicata materia, suffocatus est calor membrorum. Materia melancholica deueniens ad lienem, obstruit meatus, & facit tumorem notabilem, & propter contactum hepar etiam frigidius redditum seipso: quod sæpe fit. Sæpe generatur hydrops ex tumore lienis, frigefaciente hepar per contactum & communicationem mutuum; & fortasse lien causa est omnium horum malorum. De frigiditate lienis nõ est dubium, quia propter obstrukciones suffocatus est calor proprius. Quod autem & hepar sit frigidius apparet ex tumore crurum, qui ostendit sanguinem aquosum generari & crudius, propter hepatis imbecillitatē, non satis concoctum, inde defluere ad eas partes. Non enim tumor est ex materia pituitosa ibi perdurante, sed est ex uaporibus, qui nocte resoluuntur partim calore propter tegumenta, partim etiā quod à calore naturali coctiones meliores fiant, nocte dum quiescunt. In die uero cū agitantur intumescunt, cum coctiones non ita perfectæ sint. Hæc ostendunt actionem hepatis diminutam, quæ semper est à frigiditate. Secundo redundat multa pituita in uenis, quod apparet ex crassitie uenarum, quæ est ex frigiditate hepatis non satis concoctis sanguinem. Tercio est sectigatio in illis partibus, quæ est ex flatuosis humoribus in sanguine existentibus, qui non sunt concocti, & illæ sectigationes in parte sinistra maxime, quæ affecta est & imbecillior: in altera parte calor fortior dissipat eam materiā. Hæc ostendunt hepar non esse calidū, ut fuit à principio. Quod autē frigidior uentriculus, ostenditur per excrementa alui, quæ sunt signa primæ coctionis, sunt feces, sed molles, & quasi corruptæ, quia imperfecta est coctio chili, non attingens propriū finem, & adiunt ad hoc obstrukcio in uenis mesaraicis: quod iuuat, quia chylus non debito modo distribuitur, sed quia corruptæ etiam, ostenditur uitiū uentriculi propriæ, & egerit non consuetis horis, quod ipsum etiam uitiū uentriculi, ut & Gal. refert. Habetis uentriculum & hepar frigidioris temperaturæ, ut lædat insigniter operationes: & frigiditatem maximam in liene, & in eo etiam morbum in compositione, obstruktionem & tumorem lædentem operationes. Gal. 1. de diff. morb. Tumor non est ægris

tudo nisi lædât operationes. Ex his morbis & malis complexionibus dictorū mem-
brorum, quæ faciunt primā & secundā coctionē, & lienis etiam qui purgat sang. a
fæce, sequuntur deteriora symptomata. Primo imperfecta paralytis in parte sinistra,
præcipue diminuens motū relicto sensu, indicat magnam intemperie frigidam, & va-
pores ascendentes ad caput; & credo quod habuerit leuē aliquam apoplexiā uel epis-
lepsiā. Principiū enim læsionis fuit in capite, & cōmunicata est à prima uertebra per
omnes uertebras succedentes. Fit autem hoc cōmuniter, ut una pars lædatur ex altera,
& læsa prima uertebra omnes inferiores communicat: læsa igitur prima uertebra
est obstructus meatus ne transire possint spiritus, siquidem illi ad motum necessarij
quod in 8. de placit. uidetur dubitare Gal. siue impediens uirtutem ne transmitti pos-
sit: & ita facta paralytis per totū latus sinistrum, incipiēdo à lingua. Diarrhea est pro-
pter frigiditatem uentriculi, nec concoquentis nec retinentis ut oportebat. Secundo
propter obstructionem in mēlaraicis. Tumor pedis propter hepatis frigiditatem,
multiplicantis sanguinem flatuosum & aquosum, generantem tumorem.

PROGNOSTICVM. Natura indicat difficultatem, membra principalia læsa,
lien obstructus & refrigeratus cum hepate & uentriculo: quæ membra concoquunt
alijs membris: & in sene agente 51. annū, difficile erit remouere paralytin, quia humo-
res uiscosi & impacti in neruis; in sene uix unquā, in iuue diff. culter remouetur pa-
ralysis. Non tamē desistendum est quin aliquid agamus, erit enim aliquid lucri ægrot
cauebit sibi ne in deterius labatur, & aliquanto etiam melius habebit. **CVRATIO**
à natura rei: euacuationes consueat suppressæ sunt, ex eoq; morbi secuti. Ergo iterū
prouocandæ euacuationes. Non curat euacuationes quæ fierent per pharmaca, cum
sit in eo plenitudo propter suppressionē sanguinis melanch. & (nunc maxime) pituitis
tostideo non ponem spem in euacuatione alicuius humoris, sed deueniē ad ea, quæ
redderent membra fortiora, & ponerent in sua temperatura naturalī. Imbecillū enim
redditur membrū, cum ab eo remouetur calor. facta igitur leui euacuatione humoris
pituitosi, prouocare hæmorrhoides, ille supplerent mihi missionē sanguinis; nec aliter
euacuarem, quia hæmorrhoides euacuabunt sanguinem per locū convenientē, & fami-
liarem naturæ: quod in euacuationibus faciendū præcipit Hipp. Aliqui per sanguifuga
dicunt trahi sang. tenuiorē, quia foramen parū est, quod uideri non potest, quoe-
modo igitur talis apertio utilis in proposito? Ego etiam fui in hac sententia olim, &
deridebam eos qui applicabant, sed iam me poenitet, cum ulterius uidi. Tunc putabā
foramen paruum, per quod non posset exire sanguis crassior. Sed postea uidi effluere
usq; ad 20. lb. usq; ad syncopen sang. crassiss. Et est ratio, quia sanguifugæ trahunt san-
guinem ad orificia uenarū, propter attractionē enim & sua quadam mala qualitate fa-
ciunt, ut natura eo mitat excrementa, postmodū sponte aperiantur orificia uenarū, si
præsertim ponatur æger supra aquam calidā feruentē. Non per foramina quæ faciunt
sanguifugæ effluit sanguis ille, sed per solita foramina, & per orificia uenarum, quæ illa
irritatione aperiantur, sicuti cum ex naribus prouocamus sanguinem: abstergentibus
aperimus orificia uenarum, sed dicas, sæpe hoc non succedit? Respon. Et alia sæpe nō
succedunt: nihilominus tamē tentandum est: cum sit rationabilis operatio. Non pono
spem in sanguine quem exugunt sanguifugæ, sed in eo, qui post sanguifugas applicatas
sæpe effluit, ex ipsis orificijs uenarū. Ideo sæpe tentandū erit, si non succederet fluxus:
& tantū fieret hoc, ut ueng illæ inflārentur & intumescerent. Deinde aperirem eas
ferro: sicut medici in Epidemia illa magna quæ fuit post annos Christi, extrahebant
eas uentosis duplicibus, & postea incidebant: medicinas sumerem leuiores, Cal-
siam cum hiera, nō simplicem: non transirem ad agaricū aut alia, sed potius iterarē ui-
ces, pro roboratione credo conuenire balnea, maxime huic uiro, si ulli alij in potu,
lotione, & secundū omnem modum adhibitionis. Primo ad corroboranda membra,
aperiendas obstructions, corroborandū hepar & uentriculum, potus aquæ erit utilis-
simus. Secundo ad paralytin lotiones cōmodissimæ, ad resolutionē materis, quæ hæ-
ret in mīsculis & neruis. Tercio non sit contentus lotionē, sed circa primas uertebras

breior stultitidino, non ex alto cadente, sed levis impressionis, quia in primis uertebis maxime defectum esse iudico, sed si his non iuuabitur, darem mithrid. cum zuecharo rosato, aut aqua rosacea: & per intervalla interdū pillulas hieræ, uel hieram cum flore calisæ uel Rhabarb. & his leuioribus sæpe euacuaretur, ut materia quæ generatur quotidie educatur, & membra reducantur ad meliorem habitū. Localia. Nux muscata & dictamnus cretensis bona sunt ad resolutionem linguæ, sed præstantissimum est mel anacardinum: quod uidi in 7. diebus sanare eos, qui plane loqui non poterant, habeatur recta ratio uictus, quæ sæpe dicta est.

De paralyti leui dextri brachij, cum uertigine, ac multis alijs symptomatis pro muliere. Consilium LVI.



Mulier annorum 45. patitur dolorem & impotentiam mouendi brachij & manus dextræ: interdū etiam sinistræ, laborat etiam in dextro pede pus-
tulis, uel inflammatione aliquando, sed nunc cessarunt: sed tamē aliquādo mouere cogitur pedem cum non uult, & nisi moueat dolet. Percipit & pruritū in auribus frequenter, ut sæpius cogatur eas scalpere, aliquando etiam percipit uertiginē quandam & lipotymiam, sed magis hyeme quā æstate: patitur & tussim aliquando & difficultatē anhelitus. Venter item imbecillus est admodum, ita ut si assumat cibum non satis convenientē, inclinetur ad uomitum, & tamē non potest uomere, menstrua convenientissime effluunt. Passa plurima accidentia animi, & multa incōmoda in longo & diuturno morbo mariti. Montanus: Contigit istī mulieri quod est frequentissimum in omnibus, qui habent membra inæqualia, uentriculum frigidū, & hepar calidū, omnes tales subiecti sunt multis ægrotudinibus: & præcipue capitis destillationibus, quia generatur multū bilis & pituitæ, quorū uapores ascendunt ad caput, & hæc est ratio omnium symptomatum. Quod hepar sit calidū, naturaliter & fortasse etiam aduentitia caliditate, patet ex toto corpore ex amplitudine uenarum, colore, pilis, & de aduentitia etiā ex uictu, laboribus & accidentibus animi. Ideo inceperant pustulæ circa coxas mordicantes, conuellentes & lacerantes eam, ut uarie multis modis se cogeretur mouere, nec stare nec firmare membrum propter dolorē posset: color rubeus, pruritus maximus, quæ omnia signa caliditatis & sanguinis subtilioris, qui generatur in hepate ex caliditate maiore, sicut ex calid. temperata bonus sanguis: has crebro passa est, sed euanuerunt tandem. Ostenditur ergo & esse & fuisse calidius naturaliter, & caliditate etiam aduentitia, ut impediretur ab actionibus convenientibus naturæ. Quod uentriculus frigidior à natiuitate, non possum affirmare, sed quod nunc sit, apparet ex operationibus: primo aciditatē in eo percipit, quæ diminutam indicat coctionem: sequitur enim aciditas cruditatem pituitæ, quæ incipit putrescere, sed non perfecte putrescit: fundatur enim in materia subtiliori frigida aciditas, modo si materia frigida ibi, signū est, quod non sit coctio sicut fieri debebat. Rusticus igitur acidi significant frigiditatem uentriculi, ut & Gal. ait, talem autem aciditatem semper passa est. Ergo uentriculus frigidus est præter naturam. Secundo dicit se mane surgere cum cruditate, ita ut non concoxerit cœnam hesternā, quod etiam indicat frigiditatem uentriculi. Est igitur frigiditas in uentriculo, & caliditas in hepate: quæ licet nunc extinguatur decrecente ætate, & pituita ex uentriculo & capite illuc descendente, non tamen prorsus extincta est: ideo pustulæ inuadunt eam quidē, sed rarius & minori frequētia. Tertio catarrhus saluus est, quia uapores à serosa humiditate & bile ascendunt. Caput igitur recipit uapores, cum uentriculus frigidior, & hepar calidius, fiunt multæ uaporationes, quia calidū uaporosum agit in humido multo, ideo plures uapores & uarij ascendunt ad caput. Quare etsi forte aliter etiā patitur, tamē id est ab alia causā. Nam membrū de duplici causā patitur repletionem, uel quia ipsum non concoquit suum alimentum, & excrementa non expellit, propter debilitatem, uel propter uapores nimios ascendentes, qui diffiliari & expelli nequeunt: ideo destillant per aures, palatum, &c. Hic etsi cerebrum ualidum, tamen multæ sunt superfluitates,

quia & uentriculus & hepar, & totus ambitus uenarum mittunt eo uapores in maiori quantitate: qui qualitatem etiam non naturalem habent. Sunt enim acriores, & ita res plerumque caput. An iam concurrat imbecillitas capitis quæ adiunctæ non dixerim facile, quia optima in formam habet naturaliter & colorem secundum naturam, & sensiteria quomodo habere debet, ut non possim dicere fuisse dispositionem naturalem. Patitur nunc quidem uisus in auribus & oculis, sed tamē ea omnia integra fuisse olim. Percipit & defluxum per nares & palatum, ut percipiat propter multitudinem & malam qualitatem catarrhi excoriationē, & abrasionem gutturis. Est ergo & in capite læsio iam, ita ut illud etiam patiatur per essentiam nunc, quia tamēdum perseverant symptomata in sensorijs eodem modo: & ita cōtingit, ut symptomata quæ nunc patitur, necessario ad sint uel etiā deteriora. Vbi enim uapores illi colliguntur in capite, & ibi congelantur, uel causant ibi morbos periculosos, epilepsiam, letargos, uel necesse est ut descendant, secundū uarias uias. Vapores autē partim pituitosi sunt à uentriculo imbecillo, partim calidi à sanguine euaporantes, qui calidior est & biliosus magis propter caliditatē hepatis maiorē, faciunt ergo materiam mixtā quandoque salfam sub forma pituitæ, sed cū fædine, quia admiscetur uapores à serosa humiditate accedentes. Quandoque percipit sed rarius, catarrhū amarū, ex quo arguuntur uapores non serosæ humiditatis, sed ex substantia bilis quæ amara est, etiā quando cum pituita miscetur. Est ergo materia ex pituita insipida & humiditate serosa, quæ facit fædine, & bile quæ facit amaritudinem. Destillat autem ad uaria membra per uarias uias, interdum per latiores & cōmunes, & facit excoriationem & arrosionem dictam. Quandoque ad pulmonē, & cum in bronchijs colligitur, facit difficultatē anhelitus, & tussim cum insurgit uirtus ad expellendam materiā. Quando per nervos & uertebras dorso ad utrumque brachiū, magistra men dextrum. Quare hoc ex uarijs causis fieri potest, quas nos nescimus, ut una pars magis sit affecta quā alia: sicut uentus nunc ab hac, nunc ab alia parte flat: interdum tamen fit ex rectitudine, sed siue sit ex causa extrinseca siue intrinseca, nihil refert, nō impedit curam, sufficit quod locus ille ad suscipiendum magis aptus sit, deuenit tandē & ad partem sinistram, sed in dextra manifeste motus læditur, & partim sensus etiā. In sinistra dolet quidem, sed non læditur motus, scitis autē, quod quæ lædunt sensum debiliora quā quæ lædunt motum. Et facile fieri potest læsio in sensu, seruatō motu, quia sunt diuersi nerui. Patitur uertiginem & imbecillitatē in omnibus sensibus exterioribus, ac tota uis imbecillitatis est in utroque brachio, & maxime dextro, quia illud dolorem habet, & amittit etiam sensum, quod maxime deterret eam. Patitur etiā acutitatem stomachi ex naturali frigidityte stomachi, qui ex pituita descendente redditur frigidior, & facit deteriores coctiones, propter mutuū illum circulū inter duo correlatiua. Nihil hic dico de causis procatacticas, quia exerceuit se in agris & accidentibus animi, illa non faciunt indicationes. **PROGNOSTICVM.** Non facile tollitur, imò nunquam omnino, sed mitigabitur, cum uentriculū naturaliter imbecillum habeat, & hepar calidum. Alterum humorē crudum, alterum adustum generat, & dum succurrimus alteri loco, alter læditur: sunt enim ægri, duo coqui materiæ. Igitur tota familia male habet. Et Auic. dicit: dispositio stomachi præter naturā mater est omnium ægri tudinum. Et ægri tudo iam confirmata per plurimos annos, adhibita uaria remedia, quæ nihil promouerunt, poterit tamē leniri & præseruari à symptomatis. Cum quibus & quando? Considerans intensos calores non audeat aggredi curationē serio, ut cum uolo tollere ægri tudinē & eradicare: mitigare possumus. Et nunc primo instituerem rectam rationem uictus, abstinere à potu post cenam & prandiu: bibat uinū nec pauciferum, nec potens admodum, sed mediocriter, & bibat moderate: surgat matutino tempore tempestiue (quo solo uidi curatos aliquos) & tum nō occurrat aëri frigidiori & subtiliori, tum excreet, & se ab omnibus excrementis purget. Prandeat & cœnet tempestiue, & tribus horis post cenam eat cubitū, non cum cibus est adhuc in uentriculo, id enim pessimū est habentibus uentriculū & caput imbecille: cibaria sint bona nutrimenti & non multiplicia. Deinde perseverarem, ac singulis 8. diebus, uel etiam quins

quinquies in mense darem cassiæ portionē cum Rhabarbaro puluerisato, aut modico hieræ uel Agarici, caueat hieram simplicem solam. Rhabarb. laudarem & frigid. & humidius quā Aloe, & dicitur pater & anima hepatis. Ad septembrē postea, si hæc succederent, non alia adderem, sed in his perseverarē. Si uero sympt. perseverarent, uellem primo exquisitè euacuare totum habitum corporis: e ducere primo quæ in uentriculo & primis uenis cum cassiæ; postmodum humores incidere & abstergere oxy mellite & alijs, postea euacuare cum Agarico colocynth. Rhabarbaro. Post euacuatio nem, inter omnia, quia conqueritur de uentriculo, maxime laudarem thermas aquarij: quas experti Brixienſes, quia diuites & delicati, podagris & destillationibus & uen triculo maxime laborant; quia cibis indulgent. Non est remedium magis expertum; & incepit etiam Veronæ notum esse, & utilissimæ sunt: habent multum de sulphure & asphalto, ideo non procul inde est petroleum, conferunt ualde ad cerebrum & des tillationes. Ideo in ijs considerem, & cum accipiet aquas aquarij, nunquam percipiet calores, quia semper exhiberi potest etiam æstate, ut dicunt Doctores: sed tum fieri ue lim linimentū in frigidans Galeni, ut ipse Gal. fieri iubet, nō ut uulgo faciunt: est enim efficacissimum si lineatur tota longitudo lumborū, non renes tantū. Est enim ualde in frigidans, & sufficit ad restinguendū calorem hepatis, sicut hodie experior in his calo ribus. Do aquam Thermarū cuidam, & non percipit caliditatem hepatis propter lini mentum, & interim maxime iuuatur in uentriculo, si post hæc bene haberet, bonū esset, si perseverarent accidentia & effectus in uentriculo, perseverarem in supradictis, & sumeret tandem confectiones magnas Mithridatum cum succaro rosato 4. in mense. Item cassiā cum Rhabarb. uel Aloe & alia supradicta, circa brachium locale ad his berem, linirem cum oleis dissoluentibus materiā in membris profundam, ut oleum de Euphorbio, uel etiam Nardinum, quod resolveret materiā & corroboraret mem bra. Diuersiones: credo superiora non opus habere diuersionibus, sed si haberet, lau darem lotiones ex decocto rosarum, Myrtorum & Agarici, qui confert ad tollendas fluxiones capitis, & corroborat, ita ut podagricis etiam multū seruiat, ut refert Diosc. Ad cauteria non descenderem, nisi augeretur morbus.

De brachiorum tremore, Consilium LVII.

Probabile est hominem ab ineunte ætate cudentis nummis occupatum, uehementissimo motu, & magno malleorum pondere, brachia ita exer cuisse & calefecisse, ut plurimo alimento indigerent, quod etiam cōmo disime attraherent per uasa abundanti calore dilatata, tum optime con ficerent, ob bonum habitum, & caloris redundantiam: sed ubi postea à consuetis laboribus desijt, consuetum quidem alimentū ad brachia deriuasse, sed ocio ac desidia effectum, ut sublata pristina dissipatione & excrementorū expullione, calor naturalis paulatim suffocaretur, temperatura brachiorum frigidior redderetur, excre menta colligerentur, meatus constiparentur: unde imbecillitate in ijsdem brachijs par ta, præterquā quod propriū alimentū non recte conijceretur, etiam aliunde defluu ium pareretur, sicut perpetuo comparatum est, à fortioribus ad imbecilliora defluu ium fieri. Ergo & totum corpus languidius, segnus, obesus effectum, & brachia præ frigiditate acquisita, & humorum cruditate, in tremorem insignem incidisse. Curatio esset, ut quam maxime corpus exerceret in aëre temperato, frictionibus longis & assi duis, & balneis uteretur, parcissime uiueret, à uino, quā maxime posset, abstineret, sed decoctum saluæ, cinnamomi, & garyophyllorum, addito zuccharo potaret. A cibis crassis, frigidis, humidis, glutinosis prorsus abstineret, commestationes potationesq; tanquā pestem euitaret. Singulis septimanis pilulis uretur in hunc modū confectionis.

℞. Agarici electi	3	6.
Colocythidis	3	2.

Aloes

Aloes hepaticæ	3	℥.
Garyophyllorum		
Nucis muscatæ	ana	3
Salis gemmæ	3	ijj.

Cum oxymelte simpli fiat magdaleon, ex quo fiant pilulæ 3. singulis vicibus pondere 3. 1. sumendæ in aurora. Post aliquot purgationes, brachia assidue lauentur oleo quod ex benzoi ab unguentarijs conficitur. Cinamomo optime condito cum zucchero, ante & post cibum assidue uesteatur.

De tremore ac ophthalmia sinistri oculi, pro matrona Leonora Sacrata Flischa.
Consilium LVIII.



Vditi & diligenter consideratis affectibus omnibus, quibus infestatur nobilissima matrona Leonora Sacrata Flischa, iudicaverim primam originem esse in cerebro, propter paucitatem & malitiam spirituum animalium, non sine tamen materia aliqua frigida descendente ad partes affectas. Materiam autem descendentem, malitiam, & paucitatem spirituum fieri ob cerebri frigidam intemperiem. Et quod ita sit, coniecturas habeo: primo imbecillitatem omnium intrinsecarum actionum, quæ cerebro propriæ sunt, sicut ingenij, memoriæ, & cogitationis; non enim actiones remittuntur, nisi ob intemperiem frigidam cerebri, præcipue si humiditati coniuncta fuerit. Cum ergo animalis uirtus in cerebro sedem habens, siue sine spiritus uehiculo subito, tanquam solis radius omnes corporis partes illustret, sensumque ac motum adferat, siue uehatur spiritu (hoc enim apud illustriores Medicos non sat compertum habetur) constat tamen sine animali spiritu, siue præcesserit, siue comitetur, nihil agere posse, uel sentiendo, uel mouendo. Sed spiritus animales neque multi, neque boni esse possunt, ubi fuerit ea, quam prædicamus, cerebri intemperies: quicumque enim habent talem remperiem, primo segnes in motu & sensu redduntur, deinde aucto incommodo terpidi; quod si ultra processerit, tremuli, ac tandem resoluuntur, inciduntque in eam, quam paralylin medici uocant. Neque hic à me repetendum esse arbitror, tremorem membrorum fieri æquatis uiribus, quæ sunt ex parte membri grauitantis, & deorsum trahentis, & ex parte animalis erigentis; dum enim æqualiter illa quidem erigit, hæc uero grauitant, fit tremor ex duobus motibus contrarijs. Quod autem hic tremor præcipue fiat ob spirituum paucitatem, ita conijcio; primo quod eo magis tremit sinistrum brachium, quo magis laborat, uel nititur aliquid complecti. Constat enim ex hoc conatu spiritus resolui, & pauciores fieri, unde necessario quoque tremor augetur, sequiturque deinde etiam dolor ob intemperiem frigidam confertim ad membra accedentem, scilicet ex spirituum & caloris subita dissolutione. Præterea dum aliquid acriter intuetur, statim admirando quodammodo brachij tremor augetur, non ob aliam profecto causam, sicuti ego arbitror, quam quod spiritus animales ab illo intuitu dissoluuntur, atque ita paucioribus reditis, necessario tremor augetur. Audio etiam, quod ubicunque stat, cum motus ille sit omnium musculorum, qui tonicus à Galeno appellatur, plurimam fieri spirituum exolutionem necesse est, propterea mira etiam imbecillitas totius corporis consequitur, ingensque dorsi dolor: musculi enim qui in ea parte sunt, præcipue laborant, & ideo sentiunt ueluti contractionem & lassitudinem. Vbi etiam sederit, si difficilis est exurrectio, ad quam causam melius potest referri, quam ad spirituum paucitatem: Denique illud ita esse manifestissime arguitur, quod post quemcunque ingenrem motum præcipue sinistri brachij, dolor ad cor accedere uidetur: quod quidem nihil aliud esse crediderim, quam quoddam ueluti prociuium lipothymia, scilicet ex spirituum multa dissolutione. Quod autem à labore sequatur dolor uehementissimus, incipiens ab ore uentriculi, terminans in uterum, causam esse crediderim, quod in eo labore calor in magna arteria, & uena descen-

descendentibus ferueat, & in eo feruore humores crudi attenuentur, & per ramos cōrundem uasorum deriuentur ad uterū, qui postea flatuati dolorem tanquam puncturę excitent: sedatur postea flatu cum murmure emissio ob compressionē uiarum. Cur autem frequentissime infestetur oculi sinistri pulsū, ophthalmiaq; laboret, illud ego parī crediderim cū intumescat, ac sanguine repleatur. Et cur eiusdem sinistrae partis facies uehementer incalescat, inquisitione dignum est. Id autem fieri crediderim, quoniam ubi dolor & imbecillitas eas partes occupauerit, calidus sanguis & uaporosus illuc rē currit, remouendi incōmodi causa. Est enim (ut aiebat Hipp.) omnium partium corporis mutua quædam conuenientia, ut suapte natura altera alteri succurrat, & secundum omnes affectus consentiant. Si uero etiam pedes intumescant; de huius tumoris causa non possum ita exacte proferre sermonē, cum nec tumoris quidem naturam aut colorem audierim. Superest tamen mihi dubiū non paruū, nunquid sit cedematicus, an erysipelatodes; nam cum intelligam circa naturalia optime habere, forte humor aliquis calidus & crassus ad eas partes decumbit ob hepatis caliditatem; & cum ille tam frequens feruor appareat circa partem faciei sinistrae, circa oculū eiusdem lateris, & cet uicem, suspicionē fecit ne hepar sit calidius. Nouimus enim quā facile uaporibus calidis caput repleri soleat, in his qui temperaturā capitis calidam habent. Sed quicquid sit, in re non mihi intellecta, neq; ab alio explicata, non possum certū ferre iudicium. Tales ergo, uel non multum dissimiles causas esse crediderim omnium symptomatum, quibus nobilissima matrona afficitur, non tamē adeo sum pertinax, ut ita esse, omnino contendā. Casus enim meo iudicio admodū difficilis est, qui non tam facile a quolibet etiā peritis, Medico sit iudicandus, præcipue in corpore quod nunquā uiderit, neq; curauerit, neq; ab aliquo medico præsentē fuerit exaratus, aut manu ductus, ad causas indagandas. His ergo ita se habentibus, supposita recta uicis ratione, quā credo dilis gentissime esse præstandam a peritissimis medicis, ego in hoc genere curationis oculū ad illud præcipue haberem, ut nec cibus, nec potus, nec aliquid extrinsecus occurrens, excessum in aliqua qualitate haberet, sed omnia essent quā maxime temperata. Idemque de quantitate oblatoꝝ prorsus censeo. Substantiā tamē cibi & potus talem eligerē, quæ esset optimi alimenti, & facillimæ concoctionis & distributionis, uellem; que ut in hac re præcipue studiū collocaretur, quod quidem omnibus diuturnis morbis uidetur esse cōmune. Quantū uero ad medicationem attinet, optarem ut assidue uiteretur aliquo leui medicamento, quod uim leniendi haberet, uentriculumque & intestina expurgādi, qualia duo essent præcipua, uel calsia, uel rhabarb. uel utrunq; simul: confectum; nam absq; facultatū & spirituum detrimento, corpus totū hoc consilio mundum conseruaretur, sanguisque purior redderetur, unde & alimenti & spiritui copiosa generatio bene succederet. Si ergo ter uel etiam quater in mense sumeret 3. floris calsiæ cum semidrachma rhabarb. credo bene consultum fore. Quod si forte calsia, ut multis mulieribus contingit, flatu & tormina excitaret, exhiberem 3. rhabarb. cum 3. sacchari rosacei, uel 3. 3. aut 4. syruꝝ rosati solutui: talia enim in purgando hoc corpore excedere non auderem. Pro capite uero, uentriculo ac corde roborandis darem etiam nonnunquā, præcipue ubi aer esset magis temperatus 3. 2. uel etiam 3. 1. optimi Mithrid. adiecta semuncia sacchari rosacei. Laudo etiā si matutinis horis mandet, aut, ut uulgo dicitur, pro masticatorio utatur mastiche, aut garyophyllo, aut nuce muscata confecta: caput enim corroborabit, pituitamq; educet. Illinire etiā sæpe tremantia loca ex aliquo oleo odorato calefaciente ac resolvente, non parū utile existimaues: qualia sunt quæ a pigmentarijs ueniuntur, de styrace, garyophyllo, & huiusmodi. Quod si consueuerit caput abluere, o mittendum non puto, sed lixiuo dulci, in quo maiorana, stoechas, chamæmelū & anethum decoquatur. A fortioribus autem quibus cunctis remedijs in hoc morbi genere, & ab huiusmodi causis generato, & in hac ætate maxime abstinendum putauerim: credo enim ex his, uel similibus, si curari potest, esse curandum: si non potest, quod magis suspicor, saltem esse præseruandam, ad laudem Dei omnipotentis.

De tremore membrorum, & mouendi imbecillitate, pro
Magnifico uiro,

Consilium LIX.



Vppositis his quæ tum ab Excellentissimo medico, tum ab assidentibus & familiaribus intellexi de hoc magnifico uiro, qui tot annis membrorum tremore, & mouendi imbecillitate laborauit, cōsideratq; septuagennaria ætate, temperatura calida & sicca, insigniq; extremorum caliditate, & doloribus pungitiuis, immoderatq; alui adstrictione, consulerem primò circa rationē uictus, ut effugeret pro uiribus molesta animi accidentia, sicut iram & moestitiam, quæreretq; omni studio, ut cum amicis quietam uitam iucundamq; dederet, calidum ærem euitaret, ptisana, lactuca, boragine, portulaca, endiuia in ferculis uteretur; ac si uenterculus ferret, laudarem ut omnino à uino abstineret, & uini loco huiusmodi potum sibi confici curaret.

℞. Aquæ fontis	℥ 16.
Ligni guaiaci	℥ 1.

Bulliant ad consumptionem quartæ partis: coletur & referuetur. Est & hoc poculum præstantissimum ad nutriendum, ut quod nihilo segnius uino nutriat. Pro alui uero lenitione uelim, ut singulis diebussumeret ante cibum libram mediã iuris puli, in quo decocta esset malua, uiolæ, hordeum, & sex uel decem pruna dulcia. Præterea acciperet quater in mense, duabus horis ante prandium, tale medicamentum:

℞. Floris cassiæ	℥ 1.
Rhabarbari electi	℥ 2.

Cum saccharo fiat bolus. Quotidie ad hepar & renes huiusmodi linimento utatur:

℞. Vnguenti rosacei Mesue eiusdem anni	℥ 2.
Vnguenti Sandalini recentis	℥ 1. Misce.

Præterea foueret omnia membra dolentia huiusmodi balneo:

℞. Florum Camomillæ	M. 4.
Hordei	M. 6.
Rosarum siccatum	M. 2.
Violarum	M. 2.

Bulliant in sufficienti quantitate aquæ, in qua moderate calida sedeat ieiunus, bene coopertus uestibus, & in aëre calido: curetq; ut post huiusmodi balneum statim membra huiusmodi linimento inungat:

℞. Olei Camomælini	
Rosati	
Violati	ana ℥ 2. Misce.

Et nisi facta fuerint cauteria infra genu exterius, sicut fieri consueuit, lando ut omnino fiant. Nec displicet hæmorrhoides prouocare, præsertim si natura per eas uias aliquid tentare uideatur. Quantum uero ad aquas thermarum attinet, nullas ego laudarem, nisi forte Calderianas, quæ in agro Veronensi sunt, tanquam ad refrigerandum hepar & renes idoneas. Sed quod ego præstantissimum remedium iudicarem, esset ut ligni Guaiaci decoctum sumeret, non quidem eo uictu tenet, qui solet adhiberi pleriq; sed moderato, qualis ætatis temperamento, & uiribus fulciendis conuenit. Uelim tamen ut quod loco syrupi biberet, in aqua endiuia decoqueretur, quod si ita fieret, si quid unquam huic magnifico uiro prodesse debet, hoc maxime profuturum credo.

De tinnitu aurium antiquo, pro viro integerrimo Domi-
no Mathia Zefz Bohemo.

Consilium LX.



Voniam et purgatio uniuersalis, & potus aquarum thermarum præce-
sit, & ratio uicibus est instituta, ideo ea quæ nunc sint agenda proponam.

Et primo

℞. Olei de pice

Olei amygdalarum amararum ana ʒ 2.

Misce, & frequenter auri guttati instilletur: prodest enim ad surditatem, & au-
rium tinnitum antiquatum, & cerebrum confortat. Pro capitis autem & stomachi
confortatione, semel in septimana utatur pilulis infra scriptis, aut ter in mense, prout
necessitas exegerit:

℞. Nucis muscatæ

Garyophyllorum ana ʒ. s.

Zedoariæ) 2.

Gentianæ) 1.

Rosarum rubearum

Sandalorum citrinorum ana ʒ 1. s.

Aloes opt. succocitr. ʒ 6.

Rhabarbari electi ʒ iij.

Puluerizentur omnia per se, deinde misceantur, postea aspergantur aqua rosa-
cea, & permittantur exiccare, & ita iteretur septies. Postea cum syrupo uiolato forme-
tur magdaleon, de quo singulis uicibus fiant pilulæ ʒ 1. num. 3. cum eodem syrupo
uiolato, & sumantur hora una ante coenam. Lotio pedum fiat ad prouocandū somnū.

℞. Folia falicis.

Anethi

Cortices papaueris albi, quantum sufficit.

De sinistrae auris ac dentium dolore.

Consilium LXI.

℞. Resinæ cedri, qua Dioscorides utitur, ʒ s.

Auicenna habet gummi iuniperinum, quo Italia caret.

Aceti quantum sufficit, & abluantur dentes.

Si dolor ad aures pertingit:

℞. Olei rosati ʒ s.

Ceparum incisarum M. 1.

Vini dulcis quantum sufficit.

Decoquantur instar pultis. Quod si uehementior fuerit dolor, addatur semen li-
ni, & fiat emplastrum: auri imponatur. Præter dietam matutinam pilulis quoque duas
bus cochijis ʒ 1. dimidia hora ante coenam utatur. Quia uero dolor intensior erat, nec
mitigari poterat uel reperiensiuus, uel laxantibus & extrahentibus, nedum tolli, ap-
plicari iussit illi duo cauteria, alterum in loco dolenti secundum aurem sinistram, alte-
rum e regione. Primum uero Chirurgus locum ab inunctionibus mundabat & tonsi-
debat, denique nouacula fricabat. Cauterium hoc erat: nam cauteria sunt duplicia: aut
enim est actuale, aut potentiale. Et quemadmodum illud fit ferro ignito & incisione,
ita hoc rebus terrestribus multum, ne uis cito exhalet, & multum exiccantibus. Pos-
tentia

tentialia autem iterum bipartito diuiduntur in *exsiccatia* & uisificantia: horum usus maximus in diuertendis fluxibus illis qui in siccioribus locis, unde materia dolorifica euacuari debet. Quia uero caput habet siccissimam cutem, nec carnis multum adest, applicari fecit potentiale cauterium *exsiccatia*, ob materiam doloris exiccandam. Fuit autem hoc ex cinere aut sicum, aut quercuum, aut farmentorum fabarum, aut ex cinere alkali, id est, herbar, quæ Empetron est Dioscoridi, unde saponis quoq; & utra sunt; inde fit lixiuum, quod ad spissitudinem decoquitur, & exiccatur: ad idur deinde calx uiua. Multi decoquunt etiam lanarum pulueres, addito sale, quibus loco cauteriorum sæpe utuntur.

De surditate & tinnitu aurium.

Consilium LXII.



Agnificus quidam surditate & tinnitu aurium laborabat, quare præmissa totius euacuatione, caput deinde purgabat per nares. Nam atq; trahere cogeatur in caput brodium pulli indito calamo in nares, cui admixta erant:

℞. Succu blitis	3.
Aquæ maioranæ	2.
Olei amygdalarum dulcium	1.

Nam cum succus blitis sit calidus, resoluit & attrahit; & ne uis restringatur, addita est aqua maioranæ; deniq; ad erosionem prohibendam, adiectum oleum. Purgauerat plus phlegmatis, quàm quisquam facile credat, & surditate atq; tinnitu liberabatur. Postremo caput calidis & exiccantibus lauari triduo post uolebat.

De Parotide.

Consilium LXIII.



X decocto Chamomillæ, Anethi, Liliorum alborum ana. q.s. fiat fomentum cum spongia actu calida; idq; bis. Postea locus inungatur hoc unguento:

℞. Olei amygdalarum amararum	
Chamomelini	
Pinguedinis anseris	
Galli	q. 5.

Misce, & inungatur locus diligenter sæpius in die, ut semper sit humidus. Fia etiam pessulum ex bompice, & imbutum eodem unguento, mittatur in aurem. Iuua-bit ad maturationem. Post biduum, cum intumesceret locus, & mollis esset, ita ut ad suppurationem uenturam speraret, iussit suppurantibus uti, & apponi à chirurgo quæ ad suppurationem deducerent. Vt est farina hordei uel mica panis. Chirurgus applicuit emplastrum ex caricis, passulis, fermento, & æxungia æqualiter mixtis. Id resolu-it, ita ut ad salutem uergeret. Vfus est deinde fomento.

Montanus dixit, parotides post febres aut durante febre, inter malignos morbos referendas, & agre curari, ex decem uix sex euadere: & illis etiam sæpius redire, ac difficulter curari. Si autem sine febre sunt, minus malignas esse.

De diminutione uisus, pro matrona Veronensi.

Consilium LXIII.



Offertur nobis casus huius nobilissimæ mulieris dignus consideratione; quoniam oculorum ægritudines multa habent problemata, quæ nunc temporis angustia omittemus. Symptoma quidem affligens hanc nobilissimam mulierem est diminutio uisus, & magis in oculo dextro quàm in sinistro, quam quidem passa est hinc ab annis quinque, & à uiginti diebus incepit esse in sinistro. Genus autem diminutionis huius & læsionis, est à nobis considerandum. Narrat enim ipsa, in oculo dextro læsionem hanc incepisse, & uidebatur ei quod scintillæ quædam obuersarentur ante oculos, & radij quidam, & maxime cum à longe in aliquod magnum lumen seu lucernam intueretur: qui radij uidebantur circa lumen circulum quendam facere subuiridem, & hoc maxime cum à remotis inspiceret, maxime cum in lumine magno attolleret palpebras, quod uidebat eosdem radios, & hoc præcipue mane cum surgeret electo per horam, & quod in nocte oppletur ei oculi multis excrementis, & uidetur quod sit quasi tela seu umbra quædam ante ipsum oculum dextrum: sed cum abstergit oculos & mundificat, quod remouetur maxima pars illius nocuenti. Præterea dicit quod percipit grauitatem palpebrarum, ut uix uideatur posse attollere, & maxime dextri: & si quis diligentius intueatur pupillam dextri oculi, uidet obscuritatem quandam, quæ non apparet in sinistro: & sic reliqua omnia minus in sinistro apparent, ita quod uideatur esse quasi principium in sinistro illius, quod iam confirmatum est in dextro. Et dicit quod nullum prorsus suauementum percipit à rebus extreme frigidis, sed tantum à moderate calidis, & maxime à rebus uero summopere calidis maxime læditur, quia uidetur quod inflāmentur oculi, & quod repleatur caput. Hæc sunt symptomata, de quibus conqueritur hæc nobilissima mulier, & quorum curationem à nobis exposulat. Sed ut simus boni medici, inuestigemus primo causas horum symptomatum. Pro quorum inuestigatione debetis scire, quod hoc symptoma præcessit dolor capitis, qui diu persenerauit, ad quem secuta sunt postmodum hæc accidentia. Habuit præterea dolores quosdā ueluti arthriticos, & præcipue circa brachia ipsa. Passa etiā est dolores cholicos, & flatus quosdam in uentriculo; dolores præterea renum. Quæ omnia sunt indicia deprauatorum humorum ex ascensione uaporum petentium caput, qui postmodum crassæfacti descendunt ad partes inferiores per uenas, nervos, nucham, atque arterias, & replent totum corpus, & percipit caliditatem à quacunque leui causa extrinseca. Quantum sit de membris principalibus huius Magnificæ dominæ, dico quod uidentur omnia calida esse. Nam hepar, ex eo quod potest per exterius iudicari, est calidum: habet enim corpus carnosum, uenas latas, multum sanguinem, & reliqua omnia attestantur supra caliditatem hepatis. Habet etiam cor calidum, quia potius est uirago, quàm femina, & apertissima est ad omnes hominis operationes, & habet generositatem, ut ita loquar, & audaciam maximam in omnibus rebus, ita ut uideatur quod caliditas sit insignis in corde. Ex operationibus præterea uegetalibus & animalibus indicatur cerebrum esse calidum. Igitur habet mulier hæc omnia sua membra calida, & ut dicit Gal. in 3. de locis affect. in cap. de dolore capitis, corpora habentia membra inferiora calida, & maxime hepar, facile capitis repletionem laborant: & ratio est, quia plurimi ab hepate eleuantur uapores qui replent caput, & præcipue si ratio uictus non sit exquisita, imò perperam facta, neque multum se exerceat. Præterea ista habet stomachum frigidum, ideo debet multa pituita abundare: & ex sexu etiam, quia mulieres sunt natura frigidiore uiris: & credo quod etiam laute admodum uixerit, & nullum penitus exercitium facit. Quod autem uentriculus eius frigidus sit & imbecillis, declarant illi flatus, illi dolores colici, & renum, qui omnes indicant non fieri bonam concoctionem. An uero ratione obiecti, an ratione subiecti? Credere ego ratione utriusque, & quia utatur cibis

diuersis, & quod uentriculus non concoquat. Ex quibus elicio, quod corpus istud aptissimū sit ad congreganda multa excrementa, & præcipue in capite. Præterea uexata fuit diu à maximis animi accidentibus, quæ quantū valent ad replendū caput ipsum, & ad faciendum omnes concoctiones deteriores, norunt omnes. Habemus igitur causas intrinsecas facientes repletionem capitis, scilicet caliditatem hepatis, & omnium membrorum inferiorū, & frigiditatem uentriculi, & etiam capitis imbecillitatem. Habemus etiam causas extrinsecas, scilicet accidentia animi, inordinatam uitius rationē, uigilias, & reliqua omnia quæ uidemus. Cum igitur ex istis, alter oculorum, scilicet dexter, magis imbecillus sit, querenda modo à nobis est imbecillitas ista quænam sit: potest enim esse uel ratione imbecillitatis ipsius uirtutis uisus, uel ratione instrumentorum, per quæ demandatur uirtus uisus: uel ratione spirituum. Quod nō sit ratione imbecillitatis uirtutis uisus, apparet, quia reliquæ operationes aliorū sensuum perfectæ sunt. Quod non ratione spirituum etiam, quia si esset ratione spirituum, aut esset, quia spiritus essent crasses facti, uel refrigerati: sed hoc nō potest esse, quia idem spiritus, qui transeunt ad instrumentū uisus, illi idem transeunt ad reliqua organa sensuum: sed cum in nullo alio sensuum organo lædatur, præterquam in organo uisus, non est credendū hoc ratione spirituum accidere posse. Præterea si ratione spirituum læderetur, magis de longinquo, quā de prope uideret, quia illi spiritus egredientes magis illustrarentur per aërem, & tamē totū oppositū contingit. Quod si sit uitio instrumentorum, aut in neruis esset obstructio, uel impactio quædam humorū crassorum uiscidorū: Non est quod sit obstructio in neruis, quia penitus uisu priuaretur, neque inuiscatio humorū, quia si sic, non uideretur impedimentū exterius, id est, nebula illa & obscuritas in oculo. Si igitur erit læsio in oculo, hæc potest esse in diuersis partibus, quia oculus ex diuersis constat partibus, uel in tunicis extrinsecis & intrinsecis, uel in humoribus. Quod sit in tunicis intrinsecis, nullum est iudiciū: quia si sic, spiritus semper æqualiter impedirentur, & non magis mane, cū surgit à lecto, quā postea. Neque in extrinsecis, quia in cornea nullū apparet esse nocumētū, nec etiam in pupilla. Ideo crederem ego potius uitium istud in humoribus esse, quoniam circa pupillam apparet nebula quædam, quæ magis uidetur esse in humore albugineo, quā in quod sit in pupilla ipsa. Et sic credo quod humor ille albugineus ob permixtionem substantiæ crassioris à capite defluentis, sit denigratus, quia substantia crassiori nutriatur, & ob id non fiat uisio ita clara, quia instrumentum non est perfecte clarum. Et hoc etiam admonet nos ætas, quia excrementa crassiora & frigidiora fiunt procedente ætate: hæc autem sicut audio pertransiit iam 50. annos. Et ita credo, cum ratione materiæ descendens ad humorem albugineum, tum ratione alio menti crassioris, quo alitur, affici uisionem ipsam. Cuius signum est, quod dum surgit, deterius uidet: & hoc est, quia plurimi in nocte uapores concepti, & deuenientes ad humorem albugineum, cum non possint pertransire, causant illud: sed cum abstergit oculos & mundificat, & permanet per horam à surrectione, melius uidet, quia illi uapores resoluti sunt. Et quod hoc sit, patet, quia percipit plures sordes siccas mordaces, dum surgit: & hoc est, quia illi succi deprauati diuersi sunt, & à diuersis causis: alii qui enim à cerebro, aliqui à uentriculo, quia humidi sunt interdum, & interdum mordentes, & supercilia grauantur: hoc signum est, quod ægritudo est materialis, & quod plurima materia tendit ad illas partes, & habet etiam omnia illa impedimenta inæqualiter se habentia, non perpetuo illam turbant. Hoc signum est, quod ibi non adsit semper præsentia materiæ: & quod morbus non est in complexione, quia non semper eodem modo affligitur, tum etiam quia subito aduenit huiusmodi læsio. Sed perpetuo illa materia à capite emanat, quia oculus imbecillior factus recipit excrementa à cerebro, sicut dicit Galenus secundo de diff. febrium, referens causas ophthalmiæ. Credo igitur ego, quod cum symptoma istud diu perseuerauerit, dexter oculus sit debilitatus, & ita credo quod causæ proximæ huius affectus sint humores deprauati partim biliosi, partim pituitosi, & partim adusti, deuenientes ad oculos, & occupantes palpebras, & facientes sordes illas, & perturbantes humiditates oculi.

An uero huiusmodi humores misceantur cum spiritibus, & ratione horum fiat deterior uisio; hoc facile potest contingere. Quibus sic stantibus, quid credis futurum de hac ægritudine? Si uerum est quod habeat causas illas corporeas perpetuo affligentes, & quod iam per quinquennium passa sit istam malam dispositionem, & oh id quod imbecillis factus sit oculus, & sit illa membrorum inæqualitas, etiam sit quinquagenaria, in qua ætate crassescunt tunice omnes & crispantur, atq; humores omnes pauciores & crassiores redduntur, crederem ego huic morbo naturali mixto cum accidentali occurri neuiquam posse, nisi providendo ne in deterius labatur: quia oculus senis non est oculus iunioris: sed si poneremus oculum iuuenis in sene, uideret ut iuuenis, dicit Aristoteles in primo de anima. Providendum est ergo ne in deterius labatur, cum omnimoda cura impossibilis sit. Hoc autem facerem; primo iuberem ut omnia animi accidentia dimitteret; uteretur optima uictus ratione; exerceret se quandoq; & in sex rebus non naturalibus nihil peccaret. Quantum uero ad membrorum inæqualitatem, corroborarem uentriculum & hepar, ut bene concoqueret, & ne uapores malos generaret: & uellem quod continue uteretur aliquo medicamento; uellem ut corroboraretur etiam caput & oculi, præcipue dexter, & purificaretur & abstergeretur pupilla. Quantum autem ad euacuationes attinet, uellem ut hoc uere faceret uniuersales purgationes; primo acciperet aliquod lenitium, ut esset cassia, seu electuarium lenitium, ex quibus purgaretur stomachus ab humoribus crudioribus, & educeret etiam humores malos in primis uenis. Postea uteretur quibusdam concoquentibus, sicut esset mel rosatum, syrupus acetosus, oxymel simplex, syrupus de endiuia: ut exempli gratia:

℞. Oxymellis simp.

Mellis rosati

Acetosi simp.

ana 3 s.

Decoctio uero fieret ex seminibus endiuia, ex folijs boraginis, ex seminibus anisorum, ex eufragia, ex cinnamomo. Et si timeremus nimiam hepatis supercalefactionem, poterimus addere semina melonum, cucurbitæ. Medicamentum uero sit ad diuersos humores educendos commodum, ut docet Gal. in 5. Meth. medendi, ex colocynthide, agarico, & scammonio: & huic cochia sunt similes, atq; etiam confectio hamech, similiter & pilula aggregatiua, quia in hac peccant omnes humores. De phlebotomia uero utrum sit facienda? Ego certe uideo corpus admodum repletum, & licet sit iam quinquagenaria, tamen quia est uirago, & abundat plurimo sanguine, & forte ei etiam defecerunt menstrua, ideo placeret mihi quod post minorationem, quam fecerit, seu ex cassia, seu ex lenitio, & post assumptionem duorum uel trium symplicium, quod mitteretur sanguis à cephalica, & si placeret à basilica, & postea procederet ad purgationem uniuersalem. Quibus peractis placeret mihi, quod haberet aliquod pharmacum sibi familiare purgans caput, quo uteretur singula quoq; hebdomada, sicut essent pilulae ex tribus illis confectæ, quæ caput euacuant, uentriculum & hepar: & corroborant etiam omnia ista membra, quia ingreditur rhubarbarum, agaricum & aloë: & uellem quod ista corrigerentur cum eufragia, cum caps. Veneris, cum modico macis uel cinnamomi: quæ omnia respiciunt caput, hepar & uentriculum, cum spica nardi & consimilibus. Uteretur masticatorio frequenter, quale esset mastiche sola, quia ipsa non potest tolerare aliquod calidum uehemens: est enim efficacissima mastiche simplex ad purgandum caput, & saluam multam educit. His factis, uellem ut accederet ad diuersiones, & ad rohorationem capitis, quia iam fumus certi, quod ægritudo ista materialis est, sicut apparet ex signis iam dictis, ex grauitate palpebrarum, ex lippitudinibus oculorum: & quia etiam non semper permanet, aduenit etiam subito; nulla autem immaterialis ægritudo subaduenit. Ideo oportet deriuare, & diuertere materiam istam à capite: & hoc posset fieri cum cauterijs in cruribus, cum applicatione sanguifugarum, hæmorrhoidibus, quia sicut audio, hoc sibi fuit utile, cum semel fecerit, & cum frictionibus in cruribus & brachijs. Quibus sic factis, accederem

ad aliquod leue collyrium in oculis apponendum. Acciperem igitur sex uel octo radices althæe mundatissimas cum tribus uncijis fornugraci optime preparati, & decoquerem in aqua clarissima, & cum essent decoctæ, exprimerem ualidissime, & acciperem lb. 1. decoctionis huius, & 3. 2. aloes subtilissime pulverizatae & lotæ in aqua uisclarum, & iterum ponerem ad ignem lentum, clarum, sine fumo, & sine pulvere, & rursus decoquerem, donec hæc omnia ad substantiam mellis redigerentur: quod quis dem fiet facillime, propter aloen, & mucilagines illas, & ponerem in phiala, & ex hoc collyrio illinerentur oculi, & maxime dexter, & mane; corroboraret enim oculum, mundificaret, abstergeret, & confortaret etiam. Et sic uoluit Galen. 2. de locis affecti. & in 2. de compos. medic. secundum locos, ubi dixit expresse de dolore capitis, quod siue in substantia cerebri, siue in meningis fuerit, nihil refert, nec propter hoc variatur cura. Ita affectus iste siue sit in albugineo humore, siue in pupilla, non uariatur cura, siue in rhagolde. Hæc sunt quæ mihi pro temporis angustia occurrerunt, tamen rem hanc indices magis atq; magis perpendemus, & si quod in mentem aliud uenerit, consulamus.

De actione uisus diminuta, pro iuuenē Augustano.

Consilium LXV.



Vdicamus actionem uidendi diminutam in hoc iuuenē, cum procul non uideat quantum oportet, sed prope exquisitè possit, non esse ob aliam causam, nisi quia spiritus ex longo studio & labore mentis rarioralesq; discursus, fuerunt resoluti paucioresq; redditi, quàm ut sufficiant longinquæ uisioni. Ac præterea ita longo usu ac consuetudine comparatum est, ut non nisi in interuallo distante, acutè & exquisitè uideat, in quo iugiter insueri consueuerit. Solet etiam id contingere tum in alijs omnibus actionibus membrorum, tum maxime in usu. Ergo curatio huius symptomatis per sua contraria proculdubio administranda erit, uidelicet ut spiritus multi, clari & limpidi generentur, atq; ut procul insueri consuescat eo modo & arte, quam infra docebimus. Spiritus generabuntur si adhibuerit studium in optima uictus ratione, quæ perfici solet in recta administratione rerum, quas medici non naturales uocant. Primum igitur cauebit, quantum fieri potest, ab aëre multum frigido, nec minus etiam a calido, etiam a feruente. Ventorum omne genus euitabit, præcipue tamen Austros, & dum in Hispania moratur, orientales quoq; in Germania uero ab occidentalibus, & omnibus septentrionalibus flatibus cauebit; deniq; omnes excessus aëris sunt fugiendi. Nec dormiat in cubiculo aut loco humido subterraneo, & ubi fenestræ noctu sunt apertæ. Omnes animi molestias, iram, moeroresq; præcipue euitabit. In somno mediocritatem requirit, laudatq; ut ad horas octo extendatur: sed postea meridianis horis non dormiet. Nec post coenam subito cubitum eat, sed duas saltem horas interponat: hæc enim capiti & oculis maxime aduersa sunt. Si fuerit forte adstrictæ alui, quærat quàm maxime singulis diebus naturalia excrementa reddere, non enim hoc parum confert spiritibus clarioribus & minime turbulentis efficiendis. Si eius natura in hac actione defuerit, aliqua arte supplendum: sed præcipuum remedium erit, si pruna Hispanica dulcia arefacta numero octo uel decem, cum pugillo passularum dulcium in iure pulli, aut carnis uuluinæ, uel optimi castrati exquisitè decoxerit, & decoctum mane sumpserit ante prandium: hoc enim sine molestia leniret aluum, & omnes humores corporis temperabit, unde etiam clariore spiritus reddi necesse est. A coitu inter cetera abstinebit, & præcipue si non sit assuetus: nam si prius in eo fuerit inordinatus, non laudarem omnino omnimodam abstinentiam, sed tamen ut quàm maxime fieri potest, moderetur: hoc enim tantum refert, ut cum hic in ratione uictus peccetur, illud unum reliquorum omnium diligentiam impediatur: nam oculorum acuminis

& spiritibus animalibus nihil potest esse magis aduersum. Exercitio temperato quam maxime utatur, presertim sub dio ubi cœli temperies fuerit, & serenitas aëris: magisque deambulationem laudo in hoc nobilissimo iuvene, quam quodcumque aliud exercitationis genus. Exercitadi hora maxime opportuna proculdubio matutina est; neque post exercitium frigido aëri se exponat, nec nisi post horam cibum sumat. A prandio uero & coena deambulare suauiter potest, quod potius laudo, quam quod ociosus sedeat segnis & dormitabundus. Cauebit tamen ab omni ualido exercitio tam mentis quam corporis: & si fieri potest consolo, ut post quatuor horas à cibo nihil scribat, nihil cogitet quod animum torqueat aut sollicitet. Bis in die tantum comedere assuescat, atque inter coenam & prandium ne minimum quidem bibere aut comedere. Simplici cibo quam maxime delectabitur: mensas uarias, uariisque epularum genera effugiet. Caro ab eo eligetur utiulina, castrati iuuenis, perdicum, atque omnium autum terrestrium, præterquam in paludibus degentium: omnes antiquas carnes fugiet, & porcinas. A piscibus magnis abstinabit, & qui in stagnis ac foetidis capiuntur aquis: reliquis parcissimè utetur. Olera, præcipue lactuca, pastilia, lactuicia, legumina, & quæ in sartagine fringuntur, omnia hæc maxime aduersa. Vino utetur tenui, albo, & subrufo, non multum potenti, uel certe plurimum diluto. In secunda mensa comedet pineas, anisum, quandoque etiam coriandrum conditum, & cydonia. Hæc ubi obseruauerit cum multa diligentia, fieri potest ut exquisitissima sit ratio uictus. At quia corporum temperaturæ rarissime sunt æquales & undecumque congruæ, ideo necessario plurima excrementa iugiter generantur in corpore, quæ nisi arte aut natura excernantur, in tractu temporis lædunt imbecilliores partes corporis, quales sunt oculi. Ergo enitendum ut arte quoque & purgationibus corpus statim temporibus emundetur. Vere igitur & autumno hoc modo purgabitur:

℞. Floris cassiæ

3. 10.

Cum saccharo fiat bolus, sumendus hora ante prandium. Proximo die accipiat talem potionem:

℞. Verbenæ

Rutæ

Chelidoniz

Rosarum

Euphrasiz

ana M. 2.

Semini anisorum

Fœniculi

ana 3 iij.

Decoquantur omnia secundum artem in aqua fontis, ad consumptionem duarum partium, & facta expressione & colatura, syrupizetur decoctum cum optimo saccharo. Deinde

℞. Huius syrupi

3 2.

Aquarum euphrasiz

Chelidoniz

ana 3 2.

Misce prouto syrupo, & sic pro alijs septem. Quibus assumptis, sumendum erit proximo die tale pharmacum:

℞. Pilularum cochiarum

4.

Cum melle rosato formentur pilulæ numero 5. deurentur, & sumantur in aurosa cum custodia. Et hæc purgatio bis singulis annis repetatur, autumno inquam & uere. Intermedijs tamen mensibus laudo, ut hora ante coenam sumat unam uel duas pilulas ex infra scriptis, sine aliqua custodia, quod poterit fieri bis aut ter, aut etiam quater in mense:

℞. Agarici deciti

Rhabarbari

Hieræ simpl. Galeni

ana 3 iij.

Garyophyllorum

3 2.

Conterantur omnia per se, deinde misceantur, ponantur in 3. 4. succi euphrasie, donec exiccetur succus in umbra, postea cum melle rosato fiat magdaleon, de quo ad libitum fiant pilule sumendę, sicut dictum est. Et caueat ne oculos abluat cum aqua frigida, imò nec faciem: sed cum uino optimo Aromatico albo, quo etiam abluat os & dentes: nec in hyeme actu sit frigidum, præsertim ubi fuerit in Germania, uel ali qua regione frigida. Quantum uero attinet ad secundum propositum, uidelicet ut asuescat procul intueri, non hoc utiq; facere conabitur, nam magis noceret resoluendo spiritus: sed eligat loca angusta, per quę introspiciat aliquod obiectum uiride, sicut arbores, prata uirentia, & sit hoc aere non multum claro, sicut in meridie, sed potius in uespertino crepusculo, uel aurora, uel saltem in loco umbroso uel opaco, etiam si meridies fuerit. Neq; inutile est, quod multi opinantur introspicere cum per aliquam oblongam tubam intus concavam, uel etiam uitream, ex uiridi uel cæruleo uitro, quod esset præstantius, & poterit terminari uisus non tantum ad uiridia & amœna loca, sed etiam ad limpidissimos fontes, & ad nitidas aquas, quę tamen non currant, sed uel stagnent, uel sensim repant. Pro lotionē uero capitis utatur lixiuio ex cinere salicum uel uitium confecto, in quo maiorana, salvia, betonica & citri folia decoquantur, uel lauri, si citri defuerint: apponaturq; semper agarici 3. 1. Et hoc lixiuio caput abluatur sine multa frictione, cum pannis lineis moderate calidis, & exquisite siccetur, superq; eligatur præparatus cum aromatibus musco & ambra.

Syrupi in superiori consilio descripti, uaria compositio.

1. Succi fœniculi, Verbenę, Rosarum ana 3. 2. Eufrasie M. 2. Endiuie, Chelidonia ana M. 8. Bulliant herbe simul in 2. ss. aquę ad consumptionem medietatis, deinde fiat fortis expressio, ac postea admisceantur succi cum decocto & cum saccharo albo syrupizetur: deinde 12. Syrupi huius 3. 2. Aquę euphrasie 3. 3. Misce pro uno & sic pro alijs, Alibi, sic: 12. Sem. fœniculi, Anisorum ana 3. 3. Eufrasie, Verbenę, Rosarum siccarum ana M. 3. Chelidonia M. 1. Rutę M. 8. Bulliant omnia simul ad consumptionem medietatis, facta deinde diligenti expressione in colatura, syrupizetur decoctum cum saccharo albo.

De diminutione uisus, & pilis in palpebris interius reortis, pro Polono.

Consilium LXVI.



Magnificus Dominus perpetuo cogitare debet, se habere totum caput & oculos, utrosq; ita paratos ad recipiendas superfluitates totius corporis, & omnia morborum genera subeunda, ut nulla iam arte, nulloq; remedio huic uitio succurri possit, ne ab Aesculapio quidem. Non tamen propterea dico quin præseruari possit, & curari à morbis præsentibus & futuris. Aliud enim est imbecille & paratum esse, aliud actu agrotare. Hac igitur ratione D. sua præseruari possit. Primum ita aëris commoditate potiat, ut nec feruenti soli, nec uehementi frigori se exponat, cauebitq; præcipue sub coelo uentoso ac nebulofo diutius immorari, neq; fenestras se exponat, quando uentus aliquis perflauerit, aut aëri nocturno occurret: uel noctu apertis fenestris dormiet, fugiat etiam humidas terrenasq; habitationes. Hyemis tempore dum manebit in uaporarijs, sicut mos suę patrię, non operiet caput nisi cooperimento leui quodam, & postea cum exibat, accipiet cooperimentum pellicum, cum sēssibus optime suffulcris. Vaporaria etiam erunt non ualde calefacta, sed moderate. Cauebit intueri ignem, manere ubi fumus, uel puluis aderit: providebit quantum fieri poterit, ne irascatur, neque tristetur,

aur, aut aliqua animi molestia multum torqueatur. Coitu uero admodum moderate utatur. Mane exercebit corpus equitando aut ambuiando, donec totum corpus incalcescat, & anhelitus fiat magnus & frequens. Surget singulis diebus ante horam Solis, & curabit omnes superfluitates noctu collectas, per omnes vias excernere, tum per alium, tum per urinam, tum per scretum, & per nares, tum etiam pectus nando se, & collum faciemq; panno linceo molliter, suauiterq; perfricando, & aures donec rubescant, nec nunquam lauet faciem frigida aqua, sed uel desistat à lotionē, uel uino utatur albo. Perfricat & absterget simili modo dentes etiam, ablutq; os uino albo. Quæ omnia ubi mane surgens effecerit, tum ad consueta negocia progrediatur, prandebitque quatuor aut quinque ad summum horis, postquam à lecto surrexerit: & septem uel octo horis interpolitis à prandio coenabit, diligentissime obseruando, ne bibat inter coenam & prandium, neq; etiam comedat, contentus tamen prandio & coena: alioqui non erit tutus à recidiua. Cibaria sint simplicia, cum paucis uel nullis aromatibus. Ciborum namq; uarietas corruptionem, cruditatem, & malignitatem humorum generat, unde postea ægrotudines oriuntur. Abstineat à carnibus antiquis, & ab his omnibus quæ in sartagine uel patella assantur. Abstineat à piscibus, caseo, & leguminibus, & auiibus palustribus, olerum etiam usum euitet. Vinum si fuerit consuetus bibere, eligat illud pauciferū, clarū, subtile, & permisceat aqua, quod etiam moderatissime bibet: sed si non fuerit assuetus uino, sed uel aquam mellis uel ceruissiam bibere consueuerit, secundū patriæ suæ morem, tunc laudarem, si se à uino abstinere prorsus: sed uel ceruissiam uel mustum eligat. Hoc si rite & diligenter peregerit, uix imaginari poterit quantum sanitati suæ sint colatura. Si uero contraria feceretur, etiam Medicis omnibus adhibitis, frustra sanitatem sperabit. Sed ut exacte suæ salutis consilium habeat, paucula adjicientur, quæ quicquid in corpore colligetur excrementi, totum excernent: utatur ergo ter uel quater in mense bolo infra scripto:

℞. Specierum Hieræ simpl.

3 2.

Floris cassiæ

3 6.

Misce, & cum saccharo fiat bolus, sumendus tribus horis ante prandium. Præterea laudo quod bis in anno, uel saltem semel, in Vere si semel: in Autumno & Vere si bis, mittat sanguinem à basilica dextri lateris. Præterea si omnibus his peractis, reliquæ etiam suorum morborū permanserint, laudo ut in parte exteriori tibiæ utrisq; usq; infra genu per digitos quatuor cauteria iubeat fieri, quæ uulgo fontanellæ uocantur. Efficacissime enim diuertunt à capite.

Pro eodem.

Consilium LXVII.



VM Magnificus dominus tantum à nobis particularia remedia petat, (iam enim uniuersalibus euacuationibus usus est, & ratio uictus illi est instituta) ideo ne illi desimus, collyrîum hoc erit:

℞. Radicum Althææ

ana 3 3.

Sem. fenugræci

Mundentur diligentissime ab omni forde, deinde decoquantur in aqua fontis limpidissima, sine puluere, sine fumo: sitq; aquæ pondus ℥ss. 3. Bulliat donec remaneat libra una, postea fiat fortis expressio & colatura. Deinde ℞. Aloes optimæ, raræ, & transparentis ac puluerizatæ drachmas duas. Bulliat decoctum cum aloë ad ignem clarum ad consistentiam mellis, deinde seruetur ad usum in uase uitreo optime obturato. Quando oculi mordicantur, abluat uel lacte recenti, uel aqua rosacea, in qua

qua dissolutum ante sit saccharum candi rosatum, & eligat hoc uel illud. Circa palpebrarum curationem postquam inforteliciter expertus est incisionem chirurgicam, ideo nouerit ab ea abstinendum esse, à qua & ego semper abhorru: sed curabit ut euellatur commodissime à perito uulfore. Et remedium celebratissimum apud antiquos, ne pili succrescant, est, ut post euulsionem frequentissime illinatur locus lacte canis. Optimum etiam est, ut pili qui se inuertunt introsum, reuellantur extrorsum, & desglutinentur palpebræ exteriori colla uel alio glutinis genere. Vbi abludendum caput, eligatur lixiuuium dulce, factum ex cineribus dulcibus, ut cinere salicum, & addatur singulis uicibus drachma una Agarici, quæ inuoluta in panno lineo decoquatur in lixiuio, & foriter exprimatur. Abluat autem se uespere, & postea non exeat eo uespere domum. Queritur etiam quòd pedes ei aliquando sudant, eos abluat: & hunc sudorem utilissimum arbitror, quoniam per eum fit aliqua auersio à capite, camque minime impediendam existimo. Postea non conferentibus remedijs præscriptis, ordinauit hæc:

℞ Decoctionis nostræ de eleboro 3 6.

Syrupi de betonica

3 1. 5.

Misce pro uno, & sic pro alijs: dentur mane in aurora. Hos syropos præcedit euacuatio uniuersalis cum præparatione. Postea accipiantur libræ duodecim aquæ Endiuiz, & libra una ligni Guaiaci detriti uel limati, & ponantur in olla magna noua stricti orificij cum suo coopertorio, & ita dimittantur in infusione per horas uiginti quatuor. Deinde decoquantur lento igne ad consumptionem tertiæ partis, fiat expressio & colatura, & feruentur in uase uitreo bene obturato, & diuidatur hoc decoctum in octo partes siue syropos. Sumat duos in die, alterum hora octaua, & prandeat hora duodecima. Alterum hora uigesima uel decimanona, & coenat uigesima secunda. Et dum bibit primum istud decoctum, semper anticipet & præparet secundum, ne deficiat, & ita perseueret usque ad quadraginta dies ad minus. In primis decem diebus suis cibus erit iste: Comedat uncias tres panis in prandio, & medium pullum paruum elixatum, qui non excedat magnitudinem perdici, & medietatem eiusdem comedat in coena, cum eadem quantitate panis: & panis sit optime coctus, non tamen assatus: cauebit etiam à crustis assatis. Bibat duos cyathos uini ad summum, & potius paruos quam magnos. Vinum sit album, clarum, pauciferum. Poterit comedere post prandium & coenam unciam unam uel duas uix passæ parue & dulcissimæ, bene lotæ cum uino albo. Et si non poterit tolerare maiorem dietam, perseuerabit usque ad quadraginta dies: sed si posset tolerare, laudarem quòd post decem primos dies, per uiginti dies postea subsequentes abstineret prorsus à carnibus & à uino, & esset contentus pane & passulis lotis ac præparatis, sicut dixi, & loco uini biberet decoctum eiusdem ligni, quod quidem decoqueretur in aqua putei, & acciperet illud idem quod decoxerat in aqua Endiuiz: tolerat enim duas aut tres decoctiones, si ultimo bene exprimatur. Idem laudo in toto tempore quadraginta dierum, in quibus bibet hoc decoctum, quòd semper octaua die sumat tribus horis ante prandium holum hunc.

℞ Floris cassiæ

3 1.

Specierum hieræ simpl.

3 1. 5.

Cum saccharo fiat bolus.

Restitutus est integræ ualeudini.

De uisus obscuritate ex crassitie spirituum, & alijs quibusdam
symptomatis, Consilium LXVIII.

Videntur accidentia quibus infestatur Reverendissimus D. Oeconomus, omnia ita sibi respondere, ut ab eadem causa dependant. Et primo patitur obscuritatem uisus, secundo plurimum sputum, ultimo manus & pedes incalescunt, & ultra modum sudant. Dico hæc omnia referri in unam & eandem causam: nam assumpsit primo aquas theriacum, postea incidit in hos affectus: & non audiuimus alias causas, quæ hæc potuerint efficere. Ergo uidendum an ratione potius aquarum hæc potuerint contingere. Prius dispositiones naturales considerabo. Est hepar calidum, & hoc patet ex omnibus signis, amplitudine uenarum, colore: & habet imbecillitatem uentriculi, ratione cuius abundat pluribus flatibus. Hæc duo membra sufficiunt ad hæc symptomata. Aquæ illæ sunt calidæ & siccæ, quia habent sulphur, alumen, calcem, salem, & hæc omnia sunt calida. Potauit has aquas, & hæc calefecerunt hepar, & consequenter renes, & per consequens totum corpus: nam orta principijs suis consentiunt: & qualis est temperatura hepatis, talis temperatura uenarum, & sic etiam totum corpus sequi solet: & sic sanguis redditus est crassior, & si sanguis, sequitur etiam quod spiritus, qui semper proportionati sunt sanguini: nam nihil aliud sunt, quam uapor sanguinis bene concoctus. Ergo si sanguis crassius, & spiritus sunt crassiores: Sanguis enim redditus est crassior, propter hepar supercalefactum, & etiam spiritus, qui faciunt omnes operationes in toto corpore. Ille autem sensus qui indiget spiritu lucidissimo & purissimo, merito primo percipere debet hanc læsionem, & hic est uisus. Ergo hæc crassitudo spirituum cœpit affligere uisum. Quod autem sit in spiritibus causa huius diminutæ uisionis & læsæ, apparet, quia in instrumento nulla est læsio, nec in facultate, non enim læsus discursus: ergo læsio in spiritibus. Sed hæc ratio ex remotione aliorum non sufficit, sed ex proprijs signis & pathognomonicis iudicandum est: nam uidet clarius ubi est multa lux, deterius uero in obscuro. Sed in obscuro dilatatur pupilla, in claro constringitur. Et hæc sunt signa imbecillitatis: nam lux plurima illustrat oculum, & humidum aqueum, & crystallinum: & si spiritus qui deferuntur per illum sunt clari, non indigent magna luce illustrante exterius. Vnde qui habent spiritus claros, non possunt uidere nisi semiclaudent oculos, ut quasi subumbrentur spiritus. Et si contra, est signum quod sint crassi spiritus, ut in hoc casu: & ob id in tenebris dilatantur, quod fit propter multitudinem spirituum. Nam cum claudimus unum oculum, dilatatur altera pupilla, quia impetus spirituum qui omnes deueniunt tunc ad unum oculum, facit dilatari pupillam. Sic in his fit, quia enim habent spiritus crassos, indigent plurimo spiritu, ut quod deest in qualitate, suppleat natura in quantitate: & sic fit maior dilatio pupillæ, quia quod deest claritati, conatur supplere copia spirituum. Et in claro constringitur pupilla, quia tunc spiritus non ueniunt ad pupillam, nisi quantum opus est ad illam lucē. Ergo hæc est causa quare læsa sit uisio: primo crassitudo spirituum, & hæc facta est propter crassitudinē sanguinis, & hæc propter calefactionē hepatis, & hepar supercalefactū ex potu aquarū. Et sic ex resolutione causarū patet, quod potus aquarū fecerit diminutionem uisus. Item est alia causa: cum habeat naturalem imbecillitatem uentriculi, quæ non est curata per potum aquæ, hinc plurimum saluæ expuit, propter expulsionem flatuum: nam hæc non proueniunt ex uentriculo, nisi propter tria, ut alias quoties iam dictum in collegijs. Et sic salua illa permiscetur cum spuma, & hæc indicat flatum, alias nō posset expui. Et hi uapores generati ex debilitate uentriculi ascendant ad caput, unde spiritus fiunt crassiores, ut uidemus in suffusionibus, quæ ortū habent ex uentriculo. Causa inflammationis renū (nā urina arenosa & color indicant hoc) est eadem supercalefactio aquarū, ut & hepatis: & renes consentiunt hepati, tū propter propinquitatē, tū propter uenas cōmunes. Præterea est sudor & supercalefactio manuum

& pedum, & hoc est proprium symptomazubi supercalefit hepar, statim inflammantur manus & pedes. Ratio est, quia illæ partes minus habent carnis, & uenæ sunt magis exteriores in illis partibus, & sunt ibi multi nerui & ossa, & hæc ubi incaluerunt, retinent calorem. Vnde in ferro est intensior caliditas, quàm in aqua feruente. Hæc stante caliditate, cum in toto ambitu uenarum aggregentur plurimi serosi humores propter hepar aiarum, quod trahit ad se chylum inconcoctum, & non potest eum conficere: & hi humores crudi attracti ad ea loca calefacta diffillantur postea per cutim, & hinc apparet illa humiditas: & Gal. dicit quod materia sudoris est ἰχρὺς, & serositas in uenis: ergo omnia symptomata dicta ex caliditate hepatis & potu aquæ proueniunt. Sputum non prouenit ab aqua, sed hoc erat etiam ante aquæ usum. Et illæ aquæ non fecerunt impressionem in uentriculum, quod habebat renitentiam, & supercalefecerunt hepar, quod habebat symbolum: & ex his fit circulus. Plurimi flatus & uapores ascendunt ad caput ex uentriculo, & hi iterum ad uentriculū descendunt.

PROGNOSTICON. Nisi prouideat sibi bene, tandem incidet in flatum hypochondriacum.

C V R A. Omnia sint temperata. Caveat à uino potenti, & omnia sua medicamenta sint moderata in caliditate & frigiditate: cum enim sint illa membra contraria, utriusq; cura habenda erit. Ergo hoc sit ei pro regula, quod omnia actū & potentia sint temperata. Non laboret, quia inflamat spiritus: & potius delinquat in nimis etate somni, quàm in uigilijs: & utatur continue quæ possint refrigerare hepar, & non infrigident uentriculum, & hoc est zuccharum rosatum, quod assumat sæpe & semper, & in magna copia: nam refrigeratio eius est satis mitis, ne infrigidetur uentriculus, & quod non potest facere agens debile in pauco tempore, hoc faciet in longo spacio temporis, & magis etiam aget quàm agens forte in pauco tempore. Et ad miscatur etiam aliquid quod facili faciat transitum, ut sunt rosæ, ut Gal. 3. de simpl. dicit, & iuuentur transitus cum diureticis: & si aliqua suspicio incidat ne refrigeretur uentriculus, addamus piper tenuissime contritum, quia piper est tenuissimæ substantiæ, & sic secundum tempus calefaciet uentriculum, & uis eius statim dissolabitur, ut sunt illa quæ sunt tenuia & calida. Galenus plurimum laudat piper, unde ego sæpe precor modernis meliorem mentem, qui cum uident Galenum uti pīfana cum pipere in febribus, putant Galenum dormire, & dicunt quod melius sit uti cinnamomo, & ita illi ordinant cinnamomum. Sed hi non uident istud mysterium Galeni, quod scilicet piper calefacit uentriculum, & non hepar. Et dicit Galenus 4. de tuend. ualet. diospoliticum & diacalamenthum & similia, pessima sunt uentriculo crudo, quia ducunt humores crudos ad hepar, & faciunt obstructions. Nam licet non sit tanta caliditas in cinnamomo, tamen est magis diuturna. Ideo zuccharum rosaceum cum modo dico pipere minutissime contrito, ut facile exhalet, darem ego, & consulerem in hoc Reuerendo uiro. Utatur etiam Rhabarbaro unā cum Zuccharo rosaceo, quod educit materias calidas & etiam frigidas, & aperit obstructions si quæ sunt, & confortat. Hæc esset præseruatio huius uiri, & sic longo tempore curet se. Missionem sanguinis maxime laudarem, quia hepar calidum, prius lenita aluo cum flore cassiæ. Utatur etiam syrupo de cichorea, & cum Geleniabin, & etiam sine aqua. Item

Trochiscis de rosis minoribus interdum uter in brodio pulli. Et non aggrededer morbum totis uiribus, ne fieret deterior.

De uisus obscuritate & macula in altero oculo,

Consilium LXIX.



Onqueritur hic de quadam dispositione præter naturam circa oculum, & maxime quod in sinistro oculo sit imbecillitas uidendi, uidet enim quasi per quandam nebulam; in alio oculo est quadam punctura. In sinistro oculo adest etiam quadam macula circa corneam, maxime ubi terminatur ad pupillam. Petit consilium. Et cum omnis dispositio præter naturam indigeat curatione sibi propria, ideo inuestigandæ causæ illius maculæ. Et quæ sit causa illius nebulæ apparentis in uisione, inuestigabo ego ex his quæ uidî. Iste Nobilis uir ubicunque uersatur, aut aspicit aliquid circa aërem tenebrosam, pupilla sit maior: ubi autem in luce aliquid uidet, redditur pupilla cōstrictior. Hoc est unum quod est inuestigandum, & hoc uidimus heri. Ad est igitur nebula, id est, uidet quasi per nebulam; hoc est ab una trium causarum, uel ab instrumento, uel à uirtute illustrante, uel à spiritu: his enim tribus fit uisio. Ergo apparet nebula, uel propter instrumentum, ut in cataracta, quia in ea, in spatio est quadam aqua obscura, quæ impedit transcursum spiritum, & reddit spiritus obscuros: hoc non est in hoc uiro: nam hæc aqua appareret ad sensum, imò in utroque oculo pupilla est clara, sine aliquo nocumento. Non etiam est materia obstruens in nervo, quia spiritus libere transit, & pupilla dilatur, cum alter oculus clauditur, quod & Auic. ponit. Vnde arguitur quod sit liber transitus spirituum. Ergo nullam uideo obstructionem in uis, per quas uel uirtus uel spiritus non possit pertransire. Ergo hæ partes sunt liberæ, & oculus, quantum ad hanc uisionem impeditam. Sed uirtus etiam non est affecta: quia hæc est in cerebro, & postea determinatur ad ipsum oculum, in cerebro autem non apparet aliqua læsio: ideo nec ad uirtutem hoc referendum. Ergo relinquitur, quia ex tribus his aliquid esse necesse est, quod hæc obscuratio sit in spiritibus, & ad hoc refero omnem hanc obscuratiōnem: & hoc est præcipuum: nam dum est in obscuro aëre, dilatatur pupilla ad oculum, & uidetur cornea constringi ex dilatatione pupillæ. Contra in aëre claro & lucido pupilla constringitur, & cornea dilatatur. Hoc indicat spiritum quidem esse multum qui deueniat ad oculum, sed tamen crassum. Ergo dixerim ego, spiritum emanantem esse propter aliquam materiam crassam admixtam, factum crassiores. Vnde in loco obscuro, cum non adiuuentur spiritus ab aliquo extrinseco illustrante, hinc natura illud quod non potest agere, facit ex multo spiritu, & hinc ex multo conatu dilatatur pupilla, propter multitudinem spiritus aduenientem. Sed in luce clariore illustrantur spiritus à luce: ergo minor spiritus requiritur ad operationem uidendi, & inde pupilla redit ad propriam suam naturam & magnitudinem: & hoc etiam uidetur in illis qui habent crassos spiritus. Ex illa igitur manifestissima dilatatione in obscuro loco, & constrictione pupillæ in luce, dico quod sit hæc læsio uisionis propter crassitudinem spiritus, & non propter crassitudinem corneæ. Et quod hic spiritus sit crassus, sunt multa signa. Patitur etiam in oculo sano dolores. Oculus qui patitur est imbecillior. Et quia quælibet impressio sit fortior in subiecto disposito, ideo ille oculus resistit quidem plus, sed non ita oculus affectus. In oculo sano non potuit se defendere, quia descenderat materia stimularis & acris, tamen se defendit quantum potest. Ergo uterque oculus affectus: sanus, quia est destillans. Oculus autem affectus duobus modis. Et spiritus deuenientes ad oculum affectum, patiuntur. Hæc uidetur esse causa. Et non possumus imaginari quidem quæ causa sit in instrumento. Hoc quantum ad nebulam & obscuritatem, quam percipit uidendo. Hoc in ebrijs uidemus manifeste, & quibus uapores ascendunt ad cerebrum: nam spiritus illi sunt crassi in eis. Et quod illis in paucis tempore contingit, sit in his perpetuo propter causam intrinsecam.

Nunc de macula. Non constat apud me certi aliquid de illa. Si dixerit aliquis,

quod ibi sit cicatrix, propter aliquod ulcus, quod præcessit: uerum est quod contingens quidem sæpe ex ulcere: sed an hic ita sit, in hoc est difficultas. Si fuisset ulcus, uidissent illi qui curarunt. Sed hoc nobis non est indicatum: nam an successerit ulcus ex illo tumore, non est nobis dictum. Hoc ergo apud me est ignotum. Si non ulcus, ergo nec cicatrix: si non cicatrix, ergo aliqua materia uiscida & crassa in causa erit huius macule: sicut & in reliquis corporis partibus hoc euenire uidemus, ut in cute, in qua sæpe oboritur talis tophus aut macula: & in oculo hoc frequentissime accidit. Ergo ego potius crediderim hoc esse ex materia tali, uiscida & duriore, nisi audiam de ulcere. Sed hanc maculam non curo. An autem sit in superficie uel non? Hæc uidi, & sum quidem iam senex, & uisum debiliorem habeo, tamen uidi esse in superficie. Hoc tamen relinquam in dubio, & relinquo hoc conscientijs uestris: & pro nunc pono in dubio, quia uariat cura prout est ille locus. Modo est uidendum de illa obscuritate uisus, quia de hac plus refert, quia in deterius ueniet proculdubio. Supposito quod sit propter obscuritatem spirituum, propter materiam mixtam: & cum materia fluat per oculos, primo quæritur quæ sit illa materia: secundo, unde, an sit in oculo. Quo ad primum, dico esse materiam mixtam, partim pituitosam, quod apparet ex consistenzia & crassitudine, gummositate & uisciditate. Ergo est pituita. Sed percipit puncturas aliquas & corrosiones, ergo est & biliosa. Dominatur quidem pituitosa quo ad quantitatem, sed non quo ad uires. De secundo, unde deriuatur? In oculo non generatur, cum sit copiosa. Et si esset tanta intemperies in oculo quæ generaret hanc materiam, essent alia symptomata in oculo, & oculus non esset tam clarus. Sed an caput, an partes inferiores transmittant? Credo quod non sit referendum ad caput. Illud membrum sanum est, cuius operationes sunt sanæ. Sed hoc caput non est affectum, nam haberet uitiatas operationes. Sed adest grauitas, & adest materia. Dico, quod hoc est propter ascensum vaporum. Non nego ibi esse materiam, sed an ibi generetur, uideat Gal., lib. 2. de diff. feb. de causis periodorum, & de natura fluxuum &c. Ergo non nego à capite materiam fluere ad oculum, sed non uideo uitium in capite, unde generetur in capite. Primo igitur dico, quod est imbecillitas uentriculi. Et hepar habet ualde calidum, cum conqueratur quod nihil calidi possit tolerare. Item quod hepar calidum habeat, manifestissimum est ex habitu corporis, & habitudine uenarum. Stantibus his duobus, quid mirum repleti caput? Ex uentriculi imbecillitate multiplicatur pituita: ex hepatis caliditate ascendunt uapores ex toto ambitu uenarum, ut Galenus de dolore capitis, 3. de locis aff. Ergo cum sint hæc duæ causæ, non mirum si patitur destillationes multas & catarrhum: & cum oculi sint imbecilli, expellitur materia ad oculos. Et uidemus omnia consona rationi. Ex uentriculo sunt uapores crudi, ex caliditate hepatis uapores calidi: ergo materia mixta, quæ habeat diuersas misceas. Concludo ergo caput non esse affectum per essentiali. Sed est repletum, dolet, grauitatem habet capitis. Dico hæc omnia esse per consensum. Item plurimum dormit. Dico, hoc fit propter multitudinem uaporum ascendentium. Vnde ebrii, qui alijs sunt uigiles, & omnino parum dormiunt, tamen tunc cum ebrii sunt multum dormiunt. Vnde credo, ut apparet ex toto habitu & operibus, optimis, quod sit in se calidi & sicci cerebri, & quod non sit deductum ad aliquam intemperiem: sed est quidem affusio materię refrigerantis, sed non in essentia est mutatum cerebrum. Ergo credo quod sit propter materiam pituitosam & biliosam, & quod deueniat à capite, sed non generetur ibi, sed à toto ambitu corporis.

His suppositis de cura dicendum. Potest ne curari? Duo sunt hic: primo macula, secundo obscuritas uisus: & si tollatur materia, ille spiritus remanebit in propria substantia. Tamen cum spiritus sit nobilissimæ naturæ & oculus, facile accipit nocummentum: & hæc affectiones perseverantes non bene curantur: & Auic. dicit, post sex annos non esse curabiles. Ego credo quod cura erit satis difficilis, sed præseruandos

tamen est. Si illa macula est ex ulcere, non potest curari. Si à re quadam dura, ut diximus, & nec tunc etiam. Nam si res illa dura, & topi in cute uix possunt curari, quid fiet in membro tam nobili? Ergo hæc cura impossibilis. Sed quia petit præseruationem, & curationem etiam, si fieri potest, natura rei indicat nobis quomodo sit curanda. Quia repletur perpetuo caput ex causis inferioribus, ergo materia primo est auertenda. Si materia est aggregata, euacuanda erit: quæ continue ascendit, erit auertenda; & quæ generatur, prohibenda ne generetur: quo ad partem generatam euacuetur. Ergo euacuandum corpus. Non tolerat fortia. Ergo faciamus ut bauli, ut Galen. 2. de caus. pulsuum, portant pluribus uicibus quod alius fortis quidam portaret una uice. Ita & nos sæpius & leniter purgemus, ut cum hiera, cum pilulis mastichinis, quas dicit se ferre posse, propter agaricum, quia in capite est materia: euacuant etiam uentriculum propter aloë. Item tolerare poterit pilulas de tribus, ut Rhabarbaro, agarico, & aloë, quia materia est in hepate, uentriculo, & capite. Ergo hæc pilulæ optime conuenirent hepati propter Rhabarbarum; capiti propter agaricum: & uentriculo, propter aloë. Exhibeantur syrapi qui non tantum attenuent materiam crassam, sed etiam quibus clarificentur spiritus: & ideo faciemus ex succo foeniculi, uerbenæ, euphrasie &c. Item betonicam possemus addere, & facerem ita syrupum magistralem, qui attenuaret materiam, & clarificaret spiritus. Et hi syrapi exhiberentur inter pharmacum primum & pharmacum alterum. Euacuato toto corpore, & diuersione etiam simul facta per ipsum pharmacum, tamen necessariae etiam sunt postea continuæ diuersiones, & hæc fiant per pilulas, licet Galenus damnet hunc continuum usum pilularum, tamen non est inconueniens. Facerem ego quidem cauteria, non in capite, quia attraheretur materia: nec in brachijs, quia tunc etiam attraherem ab inferioribus ad superiora: sed in tibijs facerem, scilicet in utroq; crure. Et hæc puto sufficere pro auersione, non pro deriuatione: hanc enim non intendimus. Hæc cauteria teneantur aperta non per menses, sed per annos. His factis non puto caput multum corroborandum esse: si tamen uidetur quod sint faciendæ lotiones, ne recipiat materiam, possent fieri cum decocto ex rosa, pro confortatione, & chamomillæ, & parum gummi sandarachæ diluti, & aliquid etiam agarici addi potest, ut fiat mundificatio capitis. His peractis ego nollem molestare uirum hunc cum aqua balnei, quia sicci habitus, & calidi hepatis. A stillicidio abhorrerem ut à peste, propter intemperiem illius capitis, & credo quod pessis me inde haberet si uteretur eo. Quo ad oculum, non indigemus una intentione. Nam non est uerisimile, quod cum semper aliquid ascendat, quod non aliquid insideat. Ideo corroboretur calor innatus oculi, & concoquatur materia. Ideo cum Gal. nihil præponat foenugræco, hoc enim concoquit sine attractione, & corroborat calorem, & dissipare facit si ibi est aliquid crudi, ergo uteretur frequentissime decocto foenugræci. Quo ad abstersionem & mundificationem præcipue illius pustulæ, cauerem tanquam à peste, à re mordicante. Tutius si recte præpararetur, & ueram haberemus, laudarem: sed quia non recte præparatur, & semper uidemus quod quotiescumq; utimur excitet dolorem, cum tamen ipsi antiqui dicant eam minime esse mordacem, ideo omittitur. Soleo ego parare albumen oui cum zucharo candi rosæ. & ponere in sole in aliquo uase donec exsiccet, & postea contundere & conterere in marmore, & de hoc puluere inspergere oculum. Vel si uolumus facere collyrium, diluere cum usui posulat, cum modico decocto foenugræci: hoc abstergit sine mordicatione. Et confortat etiam hoc collyrium exsiccando, ne recipiat nouam impressionem. Et caueat à fortibus remedijs, prædico enim ei, si multa remedia adhibuerit, quod efficietur totus cæcus. Hoc eum admonitum uolo, & credat mihi.

De quodam patiente tenebrositatem ante oculos
& leuem capitis dolorem.

Consilium LXX.



Conqueritur de affectione quadam circa oculos, quæ ex improviso ei accidit, imaginatur aliquid, postea incidit in somnum profundum, ex quo excitatus, sentit caput aggrauari, & manet dolor capitis, postea imaginationem, seu tenebrositatem quandam seu nebulositatem patitur ante oculos: post somnum sudat. Primo gradus dispositionum naturalium consideremus, & poterimus cognoscere gradum morbi, ac causas. Temperatüram cognoscere facile est, sed gradum scire difficile, imò impossibile. Porro tria membra consideranda sunt, quæ ad rem faciunt, & sunt necessaria, dispositio capitis, in quo est affectus: hepatis, in quo sanguis, & reliqui humores generantur: & ventriculi, qui deseruit operationibus principalibus. Amplitudo uenarum, mollities carnis, capilli, albedo corporis, testantur multam esse abundantiam calidi, & siccit: sed tamen à temperatura recessit: indulgit Veneri diutissime, ex qua resolutum corpus: nihilominus perseverat color, & pili priores, ventriculus flatuosus est, quod frigiditatem arguit, ubi est frigiditas in ventriculo, abundat pituita. Cum uero multa est, sunt cruditates. In capite frigiditas dominatur, & vapores multi ascendentes cum concoqui non possunt, somno lentiam generant, & gravitatem sine dolore, oculorum temperatura bona, & ipse dicit se habere uisum optimum, pupillam parvam & cæsi coloris, qui optimus est. Habet motum, nec tardum, nec uelocem. Est igitur optimæ temperaturæ, nec mala compositio, nec in instrumentarijs, nec in similaribus partibus uitium, in imaginatione uero est uitium præcipuum, quod nunc sæpius iniadit. Quæ est causa huius? Nullum est in uirtute uidendi uitium. Cerebrum etiam non patitur primario affectu. Membra enim afficiuntur uel per essentiam, uel per affluxum, & consensum. Verbi gratia, cum in corpore sano membrum aliquod inflammatur, non est per essentiam, sed per affluxum. Imaginationes hæc non sunt per essentiam: quod non fiant ratione capitis: oculi enim bene uident & caput non dolet, nisi per duas horas: igitur primario affectu morbus non est in oculis: nec fiunt imaginationes illæ ratione oculorum: sed per consensum quem habent cum membris inferioribus, seu per affluxum, non quidem præter fluentem, sed imprimentem, & ibi permanentem. Non itaq; in cerebro morbus proprie, non in oculis, sed oculi tamen præcipue patiuntur, non reliqui sensus, quia habent humores tenues, sunt perspicacissimi, ut Galen. & Arist. testantur. Ideo sicut specula limpidissima facile suscipiunt maculas, ita oculi leui uapore facile læduntur, sunt enim acutissimi sensus. Est igitur refrigeratum caput ex colu, quo etiam oculi exsiccantur, ut refert Aristot. in Problem. Euacuantur enim spiritus, quibus operationes perficiuntur, & dolor capitis sequitur. Nunc dum vapores transeunt partes oculi, sequuntur nebulæ, dum uero sunt in capite, seu ipso cerebro: cessat ea imaginatio nebularum, & dolor capitis sequitur, & quia ex humore calido & sicco fiunt vapores acres, augetur dolor, quousque vapores acres resoluti fuerint, qui cum resoluuntur, & crassiores remanent in cerebro, fit somnus, & dum concoquuntur tales vapores, flatus excitantur, si uero semper permanent: quia vapores semper ascendunt, & quia propter multitudinem, concoqui omnes nequeant; degenerant in humores, & desiliunt per catarrhum interdum, quo cum laborat, leuatur dolor capitis. Quia uero morbus per consensum est in capite, uidendum, quæ sint membra principaliter mandantia. Id ex proprijs accidentibus cognoscitur, primo à uentriculo vapores ascendunt ad cerebrum, qui frigidus est ualde, quod inde patet, quia abundat excrementis, & flatibus. Deinde ab hepate quoque ex toto ambitu uenarum vapores ad caput eleuantur, quia hepar calidum, & tenuem facit sanguinem. Ideo etiam percipit caliditatem in hepate, quando dolorem

dolorem & imaginationem patitur, & sudat etiam. Magis autem ad sinistram partem ea materia defluit, quia illa pars est imbecillior. Passus est gonorrhœam, & ex longo defluxu seminis in erosionem glandis incidit. Barbitionis dedit aquam, unde foramen factum ex mala applicatione, sed curatum à Medico perito, ut nec in bubones, nec pustulas inciderit. Cum sedata esset gonorrhœa, circa brachium leues dolores percepit, qui facile recesserunt. Nec habet signum aliquod, quod sit morbus Gallicus. Quandoquidem capitis dolores soli morbum Gallicum significant, sed sunt dolores continui, & intensi. Quod ad Prognosticum, poterit curari si uult, quia non uideo insigne notamentum, nec morbus per essentiam in capite est: sed uapores dum perpetuo ascendunt, perpetuo faciunt dolorem, aliquando non confertim ascendunt, & tum minus dolet, & materia non ita acris, ut potuerit adhuc facere magnam impressionem, estq; diuersa, quia multa est ex uentriculo, ut uincat caliditatem materię ex hepate, & uenis. Sed facta est aliqua impressio in transitu, non magna, quę poterit curari.

CVRA. In morbis longis recta ratio uictus obseruanda. Primo abstineat à Venere, in qua peccat. Bibat uinum tenue, & pauca ceruicem album idq; parce. Singulis diebus beneficium uentris habeat, Gal. 3. Method. irridet Methodicos, quia uolentes curare oculum, non purgabant totum, quod tamen in omnibus particularibus faciendum est. Quomodo euacuabitur? Phlebotomia & Pharmacia, quę bilem euacuant, & quia uapores non simplices, sed cum pituita, utatur Agarico cum Rhabarb. Vnum optimum, usus Hierę simplicis, qui plurimos curauit, ut ait Gale. Digestiua & concoquentia omitto, quia nota, post purgationem uniuersalem factam, propterea quod uapores per consensum ascendunt à toto: pro auersione applicarem cauteria tibijs, quę optima essent, quia perpetuo fieret auersio. Et ita totam curam in his duobus ponerem, in auersione per cauteria: & ne humores generarentur in uentriculo, unde postea ascenderent uapores, singulis hebdomadis his; ante cœnam uel semel saltem darem 3 2. Hierę. Posset etiam corroborare caput, si ueretur ad hoc quoque lœxiuo ex Myrobalanis, & alijs facto. Decoctum ligni optimum foret, si esset morbus Gallicus, sed quia non est, illud omitamus.

De uisione perpetuo diminuta, corrupta quoq; sed intermitte
tente, pro monacho sanctę Iustine.

Consilium LXXI.



Vm duobus Reuerendus hic pater accidentibus molestetur, id protul-
dubio à nobis præponendum quod magis notum est, & ad minus no-
tum deueniendum. Accidens ergo confessum & notum est debilitas ui-
sus, adeo ut non possit à remotis conspiciere, sed tantum de proximo ui-
deat: & hoc illi perpetuum est, cum iam duodecimus agatur annus, ex
quo huiusmodi accidente afficitur. Aliud uero accidens non perpetuum est, quod dum
intensius aliquid legit, & aliquid fixe aspicit, percipit falsas imagines in aëre apparen-
tes, ut muscas, uel fila, quę ascendunt & descendunt per aërem. Primum est propri-
um, ut dixi, & est uisus operatio diminuta: secundum uero non est proprium, sed con-
sequens ad primum, & est imaginatio corrupta, & operatio corrupta. Et sic sunt duo
symptomata, seu accidentia, quę non dant nobis indicationem curandi de se, nisi prius
cognoscatur ægritudo, & causa ipsius. Ideo ægritudo, & causa ægritudinis querenda
est. Ipse enim narrat, quod dum esset puer sex annorum, ichores quosdam in capite
& crustas habuit, quę cum medicamentis & inunctionibus repressę fuerunt: in deci-
motertio anno post clausuram illarum corpore debilius uidere, & buculq; perseuera-
re: & hec existimat facere ad inueniendam causam istius ægritudinis. Ideo à nobis
uidendum erit, an ista fuerit causa. Sed prius tamen notanda sunt quedam, & primo

consideranda est complexio eius, quia ex complexione elicitur aliquid, quod ad cognitionem causae istius ægritudinis faciet. Iste enim habet habitum corporis satis bonum, robustum, & optimi est coloris, & habet operationes vitales & animales optimas, quia iste optime conficit alimenta: quæ omnia indicant supra caliditatem eius, quia omnia ista procedunt à calido. Ideo nulli dubium est, quin iste sit calidæ temperaturæ. Vtrum uero ista caliditas sit æqualis per omnia membra principalia; an uero sit cum siccitate uel humiditate? Ego quia non uideo multum excessum in humiditate & siccitate, ideo in istis non multum labero, quia non multum etiam faciunt ad rem nostram. Quod autem iste habeat humidum cerebrum, ex naribus & oculis licet uidere, ex forma & figura totius oculi, quia sunt magni & prominentes: ideo cerebrum eius & oculi labuntur à temperamento per calidum & humidum, quod patet ex uenis in eis existentibus, quæ magnæ apparent. Quod uero magis refert, est uidere de loco, in quo sunt symptomata, scilicet in quo subiecto sit iste malus affectus, & de causa materiali faciente istum malum affectum. De subiecto ergo uidentum est, sicut præcipit Galenus l. de causis symptomatum, an ista læsio uel ægritudo sit in substantia cerebri, uel in membranis eius, uel in spiritibus, uel in nervis opticis, uel in instrumento: & si in instrumento, an in tunicis, an in humoribus. Ideo difficile est uidere, ubinam possit esse ægritudo ista, quia hæc est tota rei summa, ad hoc ut inueniatur modus curandi. Quod autem non sit in cerebro patet, quia nulla est de hoc coniectura, quia (ut audio) omnes cerebri operationes recte se habent, & secundum naturam; quia non conqueritur nec de grauitate capitis, nec de odoratu, nec de gustu, nec de auditu, nec de alijs, sed solum de uisu, non autem de aliqua læsione quæ in cerebro fiat: propterea illud membrum sanum est, cuius operationes sunt sanæ. Igitur cum operationes cerebri sanæ sint, sequitur ipsum sanum esse. Neque læsio ista est in membranis, quia si sic, ipse in radicibus oculorum haberet dolorem uel grauitatem: sed nullum illorum habet, ergo non est in membranis. Sed forte dicit quis, quod ista est in nervis opticis: hoc autem esse non potest, quia si sic esset, uel esset constipatio aliqua ibi existens, uel aliqua mala complexio, uel nimia humiditas, uel nimia siccitas: & ubi fuit ista, ibi ut plurimum esset constipatio. Præterea si esset siccitas, faceret alia longe seueriora accidentia. Non est etiam humiditas, quia non est constipatio perfecta. Quod autem non sit constipatio, apparet ex eo, quia nihil uideret, ergo non diminute. Nec potest esse ægritudo in compositione, quia si sic, contorquerentur illi nervi: sed non contorquentur, ergo. Quod autem non contorqueantur patet, quia ipse non habet uisum obliquum, sed rectum: sed si esset contorsio, obliquè uideret, etiam si esset constipatio aliqualis, spiritus essent æquali modo, nec esset causa quare debilitaretur uisus, cum per longum tempus uidet: quia ubi est constrictio nervorum opticorum, uel astrictoria oppilatio in nervis illis, uisus suus semper in illa paruitate perseveraret, & non debilitaretur. Ideo nō possumus dicere, quod in nervo illo sit aliquid quod impediat. Præterea si claudat oculum alius, uidebitis spiritum confectum irruentē in plurima copia. Ideo cum sit liber transitus totius spiritus ad pupillam, non est dicendum impedimentum esse in optico nervo: ergo erit uel in spiritibus, uel in humoribus, uel in tunicis oculi. An in spiritibus, nec ne, cum sciamus uisum principaliter fieri per spiritus, secundario per humores, ut crystallinum, & alios duos, & præcipue per aqueum, ideo sum in hac re multum cogitabundus. Quod non sit in tunicis, certum est: quia ego uideo quod non sit in cornea, quia non apparet nocumentum, nec etiam in uvea, nec in parte in qua est humor albugineus, quia si sic, esset suffusio; non durasset tam diu, quia secundum Galenum suffusio ad summum durat per sex menses, deinde fit turbolentia: sed iste habet oculos claros, & spiritus prodeuntes, & ideo in tunicis non est læsio. Ideo crediderim & in spiritibus, & in humoribus residere ægritudinem istam. Quod autem sit in spiritibus, coniectio: quia cum iste Reuerendus pater incipit uidere, non diminute uidet, sed bene uidet: cum uero diu uidit, iam incipit diminute uidere: ideo credo ego quod sint pauci spiritus, & etiam crassi, qui non possunt ad longum

ad longā distantiam diffundi & dilatari. Et maius signū est, quod postquā uidit per multum spaciū, & facta est multa spirituum resolutio, quod tunc sequitur secundū illud accidēs, & apparent ei muscæ, & fila ascendentia & descendentia. Ideo credo quod simile nocuentū sit in spiritibus, & etiam in humore aqueo, quia nocet ei lux multa & subita: & hoc est accidens ipsius aqueæ humiditatis, quæ facta est propter dēfensionem humoris crystallini: quæ cum pauca sit & tenuis, ideo facile læditur à multo lumine. Et sic uitium est etiam in humore aqueo ex paruitate & subtilitate eius: & sic ægritudo est præcipue in spiritibus, & in humore aqueo. Vtrum uerò ista sit materialis uel non, & à qua materia: & si peccent spiritus, qua qualitate, an propter malam complexionem, uel quia magis crassi, uel magis subtiles, uel magis humidi, uel magis siccī? Certe est dubium non paruum, quia ille dominus dicit se lædi & ab aëre lucido, & æstiuo, & à turbulento. Quamobrem spiritus, si quidem essent subtiles, iuuarentur à contrariis: si autem nimis crassi, non læderentur ab aëre perlucido. Et ideo dico, quia omnis excessus nocet eius uisioni, quod est imbecillitas in spiritibus, quæ non sequitur malam temperaturam simplicem, sed solum paucitatem, adeo, ut sint pauci spiritus, qui si etiam transirent, immutarentur à subiecto, & instrumento non bene affecto, quia figura istius oculi, ut uidetis, non est naturalis, ideo non est commodum instrumentum: & si spirituum materia sit eadem, quæ in bono instrumento bene uideret, hic tamen non potest commode uidere. Et sic quia sunt pauci spiritus, & etiam alterantur ab instrumento non proportionato & idoneo, ideo à quacunque causa extrinseca de facili læduntur. Vnde autem preuenit ista paucitas spirituum? A debilitate caloris innati dixerim ego: & sic credo quod ista paucitas spirituum cum aliqua mala dispositione & affectu in humore aqueo sit causa. Vtrum uerò sit aliqua materia, quæ concurrat ad hoc faciendum, ita ut ægritudo nedum immaterialis, sed materialis dici possit? Certe iste non conqueritur de aliqua mala stomachi temperatura, & habet optimam temperaturam, cū humiditas & caliditas non multū excedant in cerebro, & sic per totum. Et sic credo quod imbecillitas oculi sit causa materialis istius, quia stante imbecillitate oculi, stat imbecillitas instrumenti: & alimentum, quod ad oculos deferatur, non ita recte conficitur, sicut si essent secundū naturam. Et non uideo quod sit alius quis humor, quia non habeo aliquid indiciū, quo deducar ad hoc coniectandum. Dices, quare apparent imagines post fixationem uisus? Dico quod resoluuntur partes subtiliores spirituum, & remanent crassiores, ideo apparent imagines post fixationem uisus, cum spiritus non possint recipere obiectum sicut est, quia quod est intus, apparet etiam exterius. Ideo quando diu laborauit, quia partes subtiliores resolutæ sunt, & restant crassæ, apparent istæ imagines. Cum igitur nullam aliam causam istius affectus possimus afferre, nisi hanc, dicendū est, quod sunt paucae materie facientes huiusmodi accidens, uel quod nullæ sunt, quæ de directo hoc faciunt. Cum igitur iam sint duodecim anni, ex quo perseverat iste affectus, & quia spiritus tales, & oculus qui est magnus & ualde dispositus ad recipiendas istas dispositiones, & sic ægritudo talis, & causæ symptomatum tales, ideo quid circa curationem dicendum est? Certe credo quod iste non possit sanari, neque hoc sperandū, neque tentandum, sicut unusquisque potest iudicare. Sed quid faciendum? Dico quod prouidendum est, ne isti spiritus pauciores, & debiliores fiant. Ideo alendum est corpus optimis alimentis, & cauendum ab extrinsecis alterantibus, neque se exponere debet aëri, neque soli, neque uentis, quæ excedant, & sic ab omni aëris excessu semper cauere. Et ab animi accidentibus: quia quantum animi accidentia faciunt ad resolutionem spirituum, quisque nouit. Et à nimio somno, quia replet caput, & cum oculi sint debiles, omnes superfluitates tenderent ad oculos. A nimia etiam uigilia; quia resoluit spiritus: & à somno meridiano, quia ille maxime replet caput, & maxime ad rheumata facit. Ideo in cibo & potu debet esse diligens: debet enim cauere ad crassos & euaporantibus cibis, sicut sunt legumina, pastilia, fricta omnia, pisces fere omnes, & præcipue ab ijs quæ proprietatem habent contra oculos, sicut sunt Barbones, & alia huiusmodi, & à lactucis, quoniam crassefa-

ciunt spiritus. Et sic eligat uinum album, pauciferum: & post prandium utatur chebulis myrobalanis, sicut deferuntur ex Damasco, quia assiduus coriandrorum usus noceret: citonia cum zucchero conueniunt: & acoris communibus utatur, qui habent stipticitatem, & reprimunt summopere uapores. Deinde habeat aliquod familiare, quo utatur ter in mense ad expurgationem stomachi, & ad expurgandum loca communia, ita ut semper sint uacua, sicut essent pillulae ex tribus, ex hiera simplici, agarico, & rhabarbato, cum succo eufragiae: & succus eufragiae esset optimus cum foeniculis, aniso & zucchero. Praeterea conferrent syrupi ex decocto anisorum, foeniculi, eufragiae & uerbena, si uteretur per 25. dies: & si uellet euacuari, mihi placeret, quia excrementa semper ad debiliores partes tendunt. Quantum sit de balneis, non uideo suauementi aliquid: forte posset sequi aliquid nocumentum: posset tamen tentari. In potu uero cum sit calidi hepatis, quod ex colore, & ex uenarum latitudine patet, cauere oportet ne incendatur. De cauterijs in capite, & setaceis, non approbo, quia facerent spiritus pauciores, & nimis exsiccarentur spiritus. In cruribus autem possent fieri, quia nullum inde sequeretur nocumentum: & si aliquae materiae deberent ascendere, ista esset diuersio. Et quia nidet quod prius se habet, postquam ingressus est religionem, ideo cauendum a suo modo uiuendi: sed comedat spiritus corroborantia, & a resoluentibus abstineat: oua enim recentia dicuntur spiritus corroborare, auellanae, pini grana, & huiusmodi. Extrinseca uero apponenda oculis, non laudo, tantum lauet cum rebus astringentibus & confortantibus, sicut esset aqua rosacea cum modico aloes puluerizato, & ebulliant, deinde elabificentur: & ex hoc potest lauare oculos, uel cum aqua foeniculi, & similibus.

De debilitate oculorum, & periculo suffusionis ex consensu
uentriculi, pro D. Casparo Vngaro.

Consilium LXXII.



Abstineat a nimia lectione & studio, praecipue post prandium & cenam, & alijs etiam horis nimis diuturna. Duo ocularia paret, unum primo ex crystallo, quo in legendo utetur: & alterum ex uitro uiridi, quo non utetur in legendo continue, sed per certa interualla, quo spiritus recreentur. Tertio faciat pyramidem rotundam in acumine non perforatam, ex uitro densiori uiridi, cuius basis tam lata sit, ut utrumque oculum recipiat, intus uero concavam, in quam intuens colligeret spiritus, & radios ad inuicem adiunxerit. Quarto, dicta utatur debita, abstineat a uino nigro crassiore, & omnibus fumosis cibarijs & crasis, qualia lacticia, pisces, fructus & fricta. Quinto, utatur singulis septimanis semel drachma una hierae simplicis, quam in hoc casu mirifice laudat Gale. ita ut ea sola multos in Asia per literas Roma missas se curasse iactitet: uel tantundem aloes accipiat, quam felicissime in hoc casu probauimus, & nunc magis in usu habemus, quod ex ijs quae hieram ingrediuntur, tria nunc non possunt haberi, & male plerumque conficiuntur. Sexto, collyrio usitato utatur, quando extrinsecam aliquam in oculis humiditatem sentiret, aut quando in ipsis oculis uideri possit, abstergit enim illud et exiccat: sed dum nihil in oculo apparet, nec ab extrinseca inconuenienti humiditate infestatur, ab eo desistat. Esse autem malum illud non essentialiter in capite, sed ex uentriculo affecto, colligitur primo, quia ex uomitu coeperat: secundo, quia intermittebat quandoque, non erat continuum: tertio, cum amouebatur, praecipue sentiebat, dum enim calefactus uentriculus, eleuabat uapores. Collyrium commune, quo utetur:

ss. Foenigraci
Radici althaeae

1. 5.
2.

Mundentur diligentissime, & decoquantur in aqua communi purissima sine puluere & fumo ad consumptionem duarum partium. Facta diligenti expressione & coelatura.

ss. Aloes

ss. Aloes optimæ puluerizatz 3 4.

Bulliant omnia simul ad spissitudinem mellis liquidi, & referuetur in vase vitreo bene obturato ad usum.

De ophthalmia ad Corricium iuuenem doctissimum,

Consilium LXXIII.



VI persuaderi possum, Corrici doctissime, me quicquam de re medica excogitare aut præstare posse, quod non abs te perceptum prius ac probe deprehensum fuerit: noui enim ingenium, noui diligentiam ac doctrinam, qua plurimum polles. Tu tamen enixe rogas atq; obtestaris alii quid de ophthalmia conscribam, habiturum te illud tanquam sacrum, & ab Hippocrate missum: utinam tantæ spei de me conceptæ satisfacerem. Sed quoniam amor te decipit, facile fero: amari enim abs te mirum in modum gaudeo. Ergo onus adeo efflagitatum subire non recusabo, haud quidem quod aliquid noui sperem in me: dum me allaturum, sed tantum ne optimo amico defuisse uidear. Habebis autem quicquid hoc est, raptissime scriptum, quum nuncius festinans & ad iter paratus, incunctanter exigat, & de quacunque morula conqueratur. Quum uerò tres similes morbi, ob naturæ propinquitatem, ab imperitioribus medicis plerumq; confundi soleant, *χημωσις, τάρσις, & σφαιμαξία*, (Græcis enim nominibus agendum, ob Latinorum inopiam) primo singula distinguemus, postea ad ueram ophthalmiam accedemus. Est igitur *τάρσις* levis quædam inflammatio, quæ sine ullo discrimine palpebras, tunicam coniunctiuam, & reliquas oculi partes inuadit, ut nullus tamen uel minutissimus ceteri dolor consequatur. Sed nec rubedo aut tumor insignis apparet, ut merito inflammationis potius exordium, quam inflammatio appellari possit: ratioq; à causa intrinseca generatur, & si quandoq; contingit leuissima est, & quæ pauco curamine indigeat: sed fere semper ab extrinseco originem ducit, sole, puluere, fumo, ac reliquis similibus. Ophthalmia autem est inflammatio tunicæ coniunctivæ, quæ sæpe præ magnitudine totum oculum inuadit. Differt *τάρσις* à chemosi & ophthalmia, tum quia semper mitis, tum quia nullius partis oculi proprius affectus est. *χημωσις* item ab ophthalmia differt, quoniam chemosis proprie palpebrarum inflammatio est, licet nonnunquam alias partes in consensum affectus trahat: ophthalmia ad coniunctiuam tantum tunicam attinet, facile autem taraxis in primo intuitu dignoscitur, quæ tamen si negligatur, corpusq; malis succis refertum inuenerit, in grauissimos morbos incidit. Chemosis & ophthalmia cum simplices fuerint, facillime discernuntur: chemosis enim tantum palpebras inflamat, ophthalmia coniunctiuam: sed utraq; sæpe uno & aliquando quam pluribus oculorum morbis complicantur, quorum singuli ex proprijs accidentibus à prudenti Medico distinguuntur. Nos uerò hic de simplici ophthalmia disserere proposuimus: iustum liquidem uolumen, non epistolam conficeremus, si uarias morborum, quæ oculis euenire solent, complicationes, curationesq; singulis correspondentes prosequi tentaremus. Est igitur ophthalmia (ut diximus) coniunctivæ inflammatio, & quatenus inflammatio est, tot habet causas, quot reliquæ omnes inflammationes, & iisdem curationibus tollitur: sed indicatio ne sumpta à natura loci multam habet diuersitatem, ut postea ostendemus. Nunc uidendum quomodo simplices ophthalmiæ distinguantur. Meminisse autem oportet, me simplices appellare, quæ neque ulceri, neque alicui morbo coniunctæ sunt: uel enim à materiæ inhaerentia, uel à forma distinctiones habent. A materia, nam fieri potest à sanguine, à bile, à pituita, à succo melancholico, à flatu, sicuti & reliqui tumores præter naturam. A modo inhaerentiæ, nam quædam per essentiam inest, quædam per defluxum, quædam utroque modo. Per essentiam, ut si

ut si coniunctura aliqua mala temperatura contigerit siue ab extrinseco, siue ab intrinseco aëre, uel cibus, uel coitu, cum coctiones propriæ alimenti deteriores redduntur, & inde excrementa plura colliguntur in loco, unde postea inflammatio. Per defluxum, quia à capite, uel alijs membris materia ad locum imbecilliores pellatur eo modo, quem Galenus secundo de diff. feb. descripsit. Vtroq; modo, ut simul & mala temperies seu laxitas coniuncturae fuerit, & defluxus ab alio membro. A forma distinguitur, nam quædam earum humidæ, quædam siccae sunt, quas Græci *ῥίπες ὀφθαλμίας* uocant. Si ergo fiet à sanguine, maximus tumor in loco apparebit, maximus etiam rubor, tensio præterea, pulsatio & dolor, calidæ lachrymæ exprimentur ad crassitudinem declinantes, quæ ubi moram fecerint, facile exsiccantur: sordes insuper molles eivæ angulos oculi frequenter apparent. Et si à causa intrinseca evenierint, plerumq; corpus ægri sanguine repletum uidebis, prominentibus uenis, colore rubro, qui fortasse in ocio pridem uictitauerit, lautosq; cibos atq; potus ingesserit. Si à bile, tumor modicus, magisq; in superficie eminens, color ad pallidum uergens, dolor acris & mordicans, lachryma uel nulla, uel parua, falsa, aut amara, statim excrecens: sordes in angulis siccae, & asperæ, plerumq; etiam uigiliæ, præsertim si à capite materia defluerit. Si materia fuerit in stomacho, sæpe & febris tertio die accessiones habens. Et si materia fuerit in toto, urinæ, & fortasse etiam excrementa biliosa egerentur: sed & corpus ægri graue, quod cibo & potu calido, ualidis exercitijs pridem abusus fuerit. Si à pituita, tumor quidem maior, sed laxus, color quidam albus, lachrymæ plurimæ, tenues, insipidæ, quæ non excrecant, sordes uel nullæ, uel mollissimæ, & pene liquores: & totum corpus ægri pituitosum, segne, quod multo ocio marcuerit, & cibos potusq; frigidos & humidos ingesserit. Si à flatu, quod rarissime eveniet ob loci raritatem, tensio tantum sine gravitate percipietur, tumorq; facillime, & tota inflammatio discutietur. Quod si per essentiam, non per affluxum ophthalmia contigerit, paulatim & non subito inuadet, & ante inflammationem lachrymæ, & sordes oculorum præcesserunt, & mordicatione à quolibet aëris leui excessu percepta etiam læditur, maximeq; à quacunq; re astringente, quæ forte inflammationi applicatur, cibiq; & potus abstinentia iuvantur. Si per defluxum, dolor plerumq; & tumoris augmentum certas habent periodos, membrisq; unde excrementa illa expelluntur, affectus per sua signa non ægre deprehenduntur, estq; plurimum caput in causa. Si utroq; modo, tunc & utriusq; notæ apparebunt. Distinctio itaq; ophthalmiæ quæ sumitur à forma, est (ut prædiximus) ut quædam ophthalmia humida sit scilicet, quædam sicca. Humida contingit ob materiæ multitudinem, tenuitatem, aut acrimoniam, & loci affecti tenuitatem, raritatemq;, & aëris caliditatem relaxantem, & uirtutis expultricis robur, aut contentricis imbecillitatem. Sicca ob causas evenit oppositas, & propterea Hippocrates primo Epid. sectione secunda, cum in Thaso Austri & imbres præcessissent, successisse aut ophthalmias manantes & humidæ. Et tertio Aphor. flante Aquilone siccas ophthalmias generari: siccas autem ophthalmias uereri oportet, nam si cum siccitate materia adfuerit acris & erodens, non euadet æger ab ulcere maligno. Pessimæ uerò omnium ophthalmiæ sunt, quæ & siccae fuerint, & à materia acris, & cum his imbecillitas magna oculi, & ingens à capite defluxus conuenerit. Atq; hæc quidem de singulis ophthalmiæ distinctionibus dicta sufficiant. Quæ postea multifariam commisceri, conuenireq; possunt, ut sanguis simul pituitæ, aut bili, aut utriusq; iungatur. Oportet igitur prius exerceri in particularibus, singulorumq; signa exquisitissime obseruare, & memoriæ commendare, & inde non adeo difficulter composita quæq; ex signis compositis discernemus. Vbi ergo ophthalmia curanda nobis occurrerit, antequam quippiam facere moliamur, oportet primo, si ueri medici esse studemus, totam eius naturam exquisitissime considerare: huius enim cognitionem curandi indicationes sequuntur, perpetuoq; ex distincta cognitione, distinctæ redduntur indicationes: & qua parte deficiet, eadem deficere indicationes necesse est. Natura autem exquisitissime cognoscetur, si quæcunq; supra reuolimus, diligenter rememorabuntur, quænam materia peccet, siue per essentiam

an per defluxum, sit ne humida, an sicca: eruntq; singula ex proprijs notis, quas dēxi-
mus, perpendenda. Supponatur primum à sanguine bilioso ophthalmiam generatam
propter defluxum à capite, cum raritate texturæ in tunica conjunctiva, quæ redditur
ad excrementa suscipienda paratior, sitq; ex genere manantium & humidarum: talis
enim plerumq; contingit. Hæc ut manifesto apparet, plurimæ commixtionis est: nam
ex diversa materia constat, bile inquam & sanguine, & partim per defluxum, partim
per essentiam loci affectio exoritur. Quod si epidemicam quoq; posueris à constitu-
tione aëris calida & sicca, cui præcesserit australis calida & humida, adhuc eam magis
multiplicem efficiēs. Quæ igitur uia & ratione hoc loco procedendum? Diximus, ubi
naturam rei recte conceperis, primo illiusmodi distinctione uteris. Habemus mater-
iam talem, sanguinem inquam cum bile iugiter defluentem à capite: habemus mem-
brum recipiens, tunicam scilicet conjunctivam relaxatam, nec resistentem alienæ ex-
pulsioni: ex quibus relinquitur, aliquid iam fluxisse, & aliquid iam esse fluxurum. Hinc
oriuntur indicationes quatuor: Prima, ut fluxum prohibeamus: Secunda, ut quod flux-
xit euacuemus: Tertia, ut causam remoueamus, quæ talem defluxum fouet: Quarta
ut membrum recipiens corroboremus, & laxitatem emendemus. Fluxum prohibe-
bimus auertendo & euacuando: id quoq; quo modo, à natura rei colligitur. Cum ergo
quod defluit, sit sanguis & bilis, constat utrumq; in hepate generari: à fonte igitur
commodissime haurietur & auertetur. Vtrum à sanguinis missione prius incipien-
dum? Si sanguis exuperauerit, copiose educendus: si bilis, parcius, ut postea purgatio à
medicamento bilis ducente partem, sanguinis missionem emendet. Basilica ergo in-
cidenda, postridie purgandum. Sic humorum fluxum euacuabimus, deinde tum repel-
lendo, quod inter initia conuenit, tum digerendo, seu per halitum soluendo, quod circa
statum efficiemus: tum utroq; quod à principio augmenti usq; ad statum fieri con-
uenit. Causam defluxus remouebimus, si recto calle uenabimur, quidnam efficiat, ut
tanta uis sanguinis & bilis multiplicetur in capite. Et si fuerit caliditas excedens, refri-
gerabitur: si fuerit uisum amplitudo, moderabitur: si succorum feruor & tenuitas, in-
contrarium habitum ducentur membra: sed coniunctiue raritatem stringentibus ro-
borabimus. Quantum uero ad aëris constitutionem attinet, studebimus uel con-
trarijs qualitatibus emendare, uel ægrum in regionem ægritudinis oppositam duc-
cere. Et hæc sunt communes indicationes, quæ à natura rei sumuntur. Sed quoniam
hunc, sicut reliquos morbos, in certis corporibus, regionibus, temporibus, multisq;
intercurrentibus occasionibus necessario curabimus, ideo bonum artificem singula
quæque illorum spectare oportet, & sub recta uia, rationeq; colligere, quæ postea mi-
nitus tuto & facile possit ad particulares accedere. Vbi ergo communes omnes in-
dicationes, quæ sumuntur à morbo, diligenrer distinxeris, primo totam ægri naturam
recensebis, cuius temperaturæ sit tam in uniuerso, quàm in membris particularibus, &
præcipue in membro affecto, & an ibi ægritudo temperaturæ correspondeat, an sit
diuersa uel opposita, quam habeat compositionem, an rari densue habitus, an gracilis
aut obesi, quæ sit figura membrorum, præcipue capitis, sed potissimum oculorum;
utrum prominentes, concaui, aridi uel humentes, nigri uel cælij, aut alterius coloris,
perspicaces an hebetes, uenis apparentibus an occultis, affectibus obnoxij uel per-
petuo sunt: Deinde de illius consuetudine in uictu diligenter percunctaberis, quo
cibo potuue utatur, quantum & quoties comedat. De exercitijs, item uigilijs, & de
somnia, de animi accidentibus, de coitu, de egestionibus, & reliquis huiusmodi. In
terrogabis quam artem exerceat, quo genere exercitij, & in hoc potissime ophthal-
mici affectum intelliges, legere ne an scribere consueuerit, & quod literarum genus,
minutas ne, an ampliores, & si non ita multum à cibo. Regiones præterea, & anni
tempora obseruabis, calidiora ne, an frigidiora: sicciora ne, an humidiora: nunquid
ægritudini conueniant, uel opponantur. Insuper duo alia, quæ morbi annexa uocare
possumus, summopere sunt attendenda. Primum, unus ne sit morbus, an plures coplicati.
Secundum, quod nam sit illius morbi tempus. In primo uix credi potest q̃ multi medici

cum summo suo dedecore, & aegri detrimento fallantur. Quoties enim oculum tumescentem aspiciunt, sine alia distinctione ophthalmiam appellant, & quod longe deterius est, statim curant, quemadmodum simplices ophthalmiae curari solent, non perspicientes, nam quis humor corneam quoque inuaserit, & palpebras, & nunquid in ipsis palpebris asperitas, quae frequentissime acerrimos dolores, & nouos defluxus excitat, & nunquid aliquod tuberculum, aut ulcus, aut pustula parua est diuerso seu directo pupillae appareat. Haec & alia complurima cum ophthalmia saepissime complicari solent, quibus nisi diligentissime occurratur, non est mirum si postea caecitas, & multa alia incommoda sequantur. Ego enim miserum quendam ophthalmicum noui, cui in ea parte, quae pupillae opponitur, pustula inerat admodum exigua, ut uix sensu perciperetur. Huic imprudens medicus occurrens tanquam solam ophthalmiam curaturus, pomum feruenti cinere maceratum zuecharoq; conditum, temere applicauit, eaq; nocte tamen dolor omnino sedatus est, probeq; obdormiuit, mane laetus surgens medicum accersuit de sanitate gratulaturus, nec minori laetitia gestiens delirus medicus, soluto oculo, propereq; abluto cataplasmate, subsequutus est humor aqueus, qui crystallinum praecedat, ut miserabili euentu aeger altero oculo caecus subinde redderetur: illo enim cataplasmate disrumpa pustula profundiori quam sensu apparuerat, ulcus subortum est. Dies non sufficeret, si errores omnium recensere uoluimus, qui quotidie oculis curandis committuntur. Nec mirum, cum nullum aliud membrum sit, in quo tot partes insint tam exiguae, tam coniunctae, tam molles, tam affectibus obnoxiae, tam simul consentientes, tam parum medicamenta tolerantes, ut omnino sagacissimum medicum esse oporteat, qui talium particularum morbos exquisite distinguat, & ubi distinxerit commodis remedijs occurratur optime de hoc, sicut & de reliquis, ueteres confuluerint, medicos nonnullos oportere ceteris morbis omisis solum esse oculares. Tantum enim negotij in solo hoc membro fore comprehenderunt, ut uix integro officio recte obeundo, totus homo sufficeret. Ergo si quid aliud, hoc maxime intueri oportet ophthalmiam curaturus, sit ne alius aliquis in oculo morbus, uel alia pars laesa praeter coniunctiuam: & praecipue aduertendum an in cornea, & circa pupillam sit nocumentum, in hoc uero totus discriminis cardo uersatur: partis enim nobilitas, & imbecillitas, & erroris nocumentum nunquam nos satis cautos reddit. Si ergo affectus aliquis in ea parte consistat, uidendum an ulcus, uel pustula, an nubecula appareat: & singulis commodè occurrere, rei natura considerata: de his enim non est sermo a nobis propositus, sed ad hoc tantum, ut ophthalmiae ita suas medicinas applicemus, ut separentur a reliquis. Quod si, quemadmodum iam saepe contingit, in ipsomet loco ophthalmiae praeter inflammationem ulcera quoque adfuerint, curatio reddetur procul dubio difficilior: quod & nos protestari debemus, ne forte, quod est in morbo, nobis id uitio uertatur. Deinde ita remedia moderari, ut simul & inflammationis, & ulceris ratio habeatur, ad id caute declinantes, quod magis infestare uidebitur. Et haec satis sint quantum ad morborum complicationes. De temporibus uero ophthalmiae dicendum superest, quae sunt, sicut reliqua omnium aegritudinum, ad curationem admodum necessaria: longe enim diuersa in principio, quam in augmento, aut statu, & facienda, & iudicanda sunt. Ergo tempora in ophthalmia ante curationem distinguere oportet, quod non admodum difficile fuerit. In principio, in humida quidem lachrymae & sordes nulla coctionis signa praeseferentes, seruabuntq; uel nimiam caliditatem, tenuitatem, pallorem, acrimoniam, uel frigiditatem, crassitudinem, lentorem pro humoris peccantis uarietate. In sicca uero nullae prorsus aderunt lachrymae, sordes, neq; adhuc erit humor insignis, dolor tamen infestabit ob continuum defluxum. In augmento & humor & dolor augmentabuntur, lachrymae tamen & sordes quaedam tenues meliorem consistentiam aquirent. In statu maximus dolor, rubor, & tumor: lachrymae uero & sordes in salubri ophthalmia, aequales, albae, concoctae: in perniciofa uero, aut liuentes, aut uirides, aut nigrae, & foetidae, ac in substantia ab omni mediocritate recedentes. Erit praeterea motus morbi attendendus, utrum uelox an tardus, utrum paribus an dispa

an disparibus diebus affligat, quæ nam habeat accidentia. Ex quibus diligenter collectis & comparatis, diligenter prognosticemus quoque quid de morbo futurum sit, & quo tempore foeliciter uel infœliciter terminabitur. Quæ omnia assistentibus prædicentes, simul & culpa absoluemur, ac præterea exquisitè noscimus, quo modo & circa uictum, & circa remedia regendus sit æger. Accidentibus etiam, si quæ erunt sæuæ, quæ rationem causæ habere uidebuntur, opportune occurremus, inter quæ præcipue dolor est, cui frequenter cum stupefacientibus remedijs resistemus, ne forte tantæ materię uis ad locum trahatur, ut suffocato innato calore loci, gangrena aut sphacelos occupet. Cum ergo hæc omnia, quæ diximus, prudenter & maturè collegerimus, à quænam materia ophthalmia generetur, sitne per adfluxum, uel per essentiam, sitne humida an sicca, demum quænam ægri temperatura, quæ compositio, quæ uictus ratio, quæ ars, quibus assueuerit, quod tempus anni, qui motus, qui periodi: cum hæc inquam omnia rectè collegerimus, tum cū optimis remedijs singula repellentes, & illud autem præceptum semper intuentes: Contraria contrarijs mederi, ut plenitudinem euacare, asperitatem lenire, caliditatem refrigerare, quarto humiditatem exiccare, & sic de singulis. Vbi igitur materiam præparatam & probe notam habuerimus, quid restabit, nisi ut hanc artem rectissime exequamur, ac sanitatem uindicemus? Occurrat igitur nobis Socrates 30. annos natus, temperaturæ calidæ & humidæ, qui præter consuetudinem suam ante aliquot dies biberit uina potentissima, aromataque, & mellita cibus bari ingesserit, plurimoque coitu exhaustus fuerit, & nocturno aëri plus æquo se exposuerit: habeatque in coniunctiua oculi tunica maximū tumorem rubrū, durum, pulsantē, cum dolore extensiuæ, ac mordicitiuæ, ut fere sensum acutū pungentium percipiat: emanantes lachrymæ ex angulis oculorum, acres, substantia mediocres, tū colore quadamtenus ad citrinū tendente: sintque in ipsidem angulis sordes mediæ consistentiæ erodentes, sitque grauitas, ac rubedo totius capitis, cum plenitudine uenarū apparentium: urina rufæ & crassæ, pulsus ingens, uehemēs, frequens, & uelox. Talem cū aspexerimus, facile est iudicare ophthalmicū, quoniam in tunica coniunctiua habet inflammationem. Materiam autem inflammationis esse sanguinem bili admixtum, ex notis partim bilem, partim sanguinem indicantibus: & per defluxum capitis, ut eius grauitas, rubedo, & uenarū amplitudo attestantur, concurrente etiam oculorum imbecillitate, quæ præcipue ex intemperato coitu uendicauit: atque inter ophthalmias humidas connumerari debet, ut lachrymæ & sordes ostendūt: demum totius corporis plenitudinem, uel defluxū conspirare, adiuuante regionis & constitutionis intemperie, & nocturno aëre, in quo moram contraxerit, & reliqua uictus ratione. Esse uero simplicem ophthalmiā, nulli morbo præterea commixtam: nam aliæ partes oculi sunt immunes: tempus autem morbi augmentū. Ergo seruatis indicationibus, quas sæpius diximus à morbi natura sumendas, non repugnantibus alijs quæ ab ægri natura, & à reliquis annexis mutantur, sicut hic minime repugnāt, primo reuulsio euacuatioque materię fluentis quærenda est, quæ cū sanguis ac bilis sit, ad uenæ sectionē & purgationem properabimus. Et stante totius corporis plenitudine, quam supponimus (quicquid alijs iudicent uel faciant) ego ita partem missionem sanguinis, ut mane, exempli gratia, basilica secaretur, uespere cephalica eiusdem lateris cum loco affecto, in singulis sectionibus, tali ætate, temperatura, regione & statu coeli, ac plenitudine corporis existente, qualia omnia supposuimus, non minus quam uncias decem extraherem. Deinde ubi alitero die corpus congruè alimento recreassem, postridie mane exhiberem infusionem drach. 2. rhubarbari, adiectis uncij 4. syrupi rosati solutui: uel si corpus robustissimū, pro syrupo rosato, electuarij rosati Medice drach. 5. uel electuarij de psyllio drach. 3. Et hæc quantum ad euacuationem. Loco uero, nactus tali augmenti tempus, in quo simul & multa iam materia defluerit, & multa adhuc defluxura est, applicarem quæ partim repercutiant, partim per halitum digerunt. Vbi modo maximæ indicationes à loco affecto sumuntur, illius enim partis laxitas, sensibilitas, patiendi aptitudo, consensus, & uicinitas maxime pupillæ, & humorū oculi: hæc omnia non sinunt nos applicare aliqua quæ sint

sint uel repercutiendo, uel resoluendo efficacia. Quae enim nimis acerbæ astringentiæ sunt, licet ualidissime repercutiant, has tamen oculi partes irritant, exasperant, maioresq; dolores excitant. Quæ uerò nimis calidæ & acriæ, potenter quidem resolvunt, sed inflammationē augent, & à propria oculorū temperatura partes exterminant. In utraq; igitur facultate tū repercutiendi, tum resoluendi, applicari debent moderatæ: repercutientia quidem, qualis rosa, albumen oui contractū, myrtus, rubus, radices mori, hypocistis, lentiscus: resoluentia uerò, chamæmelum, lilīa, eorūq; radices, foenumgræcum, parthenissī, malua, althæa, & eiusdem radices, atq; huius generis alia. Consulo autē, ut nihil oculo ophthalmico adhibeatur, nisi molle, lene, nullius uisciditatis lentorisue particeps, aut nimis corpulentum: talia enim frequenter adherent affecto loco, & ita impinguntur, dum exiccantur, ut remoueri non possint, nisi locus exacerbetur, dolor excitetur, & inflammatio augeatur. Si uerò ita impacta omittantur, ut multi imperiti & sordidi medici faciunt, computrescunt, & alia forte ratione etiam deteriorem morbum exasperant & adaugent. Ab his igitur quā maxime fieri potest, abstinere oportet. Nec hic ego reticebo, quod mihi familiarissimum est, & quo frequentissime magna sollicitate uti soleo. Rosas, myrtos, rubos, aut reliqua huiusmodi cum foenumgræco, chamæmelo, seminibus lini, & similibus, in aqua simplici, uel aqua etiam destillata plantaginis concoquo, atq; in eo decocto pannos lineos tenuissimos ac mollissimos, multiplices, ad oculi magnitudinem & complicatos, dudum maceratos, oculis admoveo, æstare quidem frigidos, hyeme calidos: obseruentq; diligenter, ut priusquam arefiant, remoueantur, nouis iugiter applicentur, ita sæpe repetendo, donec eorū usus commodo esse uideatur: ex his enim, sine aliqua molestia aut grauitate corpulenti & uiscidi cataplasmatibus, repercutio simul, & per halitum digero, meq; à multis periculis tutum reddo: quale est, quod de pomo cocto, zuecharo admixto, retulimus supra: laudo etiam albumen oui cum lacte mulieris ex optimis cibis nutritæ, contractum exquisitissime, ut nihil uiscidi aut crassi remaneat, & in locum eodem prorsus modo applicetur, quo diximus de decocto. His ita rite peractis, si adhuc fluxus perseveraret, uel inflammatio intenderetur, quærerem deriuationem, tum scarificatione in uenis post aures apertis, aut hirudinibus applicatis, tum etiam si res urgeret, uena frontis dissecā. Postea ad interceptientia medicamenta accederem. Quæ ualide repercutiunt, fronti applicantur, sicut cataplasmata ex albumine oui cum aceto, admixto bolo Armeno, tera sigillata, & eo quem uulgo sanguinem draconis uocant. Quod si dolor maximus adsit, qui tolerari non possit, cum decocto paulo supra memorato admiscerem hyoscyamum, & papaueris nigri semina, & nonnihil ex pomo mandragoræ, uel in eodem diluerem aliquid ex opiatis collyrijs, quæ ex Paulo & Galeno ab omnibus recentioribus describuntur, qualia sunt ab Arabibus Sies appellata. Vbi uerò iam defluxus cessauerit, & corpus caputq; satis euacuarum uidebitur, tantū fomenta ex solo foenumgræco, & semine lini, & huiusmodi reliquis per halitum digerentibus commode poterunt applicari. Quo etiam tempore balnea aque dulcis calida maxime cōpetent: quo etiam eodem tempore uini potus utilissimus erit, nam antea prorsus est abnegandus. Quantum uerò ad uictus rationem attinet, contineri debet æger summa quiete in cubiculo, si fieri poterit, uel ad aquilonem uel ad septentrionem uerso, iubendo ne oculos fricat, aut aliquo modo exasperet, nec quidpiam intueri conetur. Capite elato dormiet super puluinari molli quidem, sed ex rosis siccis, aut minutissima palea, aut alga confectio. A carnibus, uino, ouis penitus abstineat, & nisi secus uires eius ferant, sola prisana & mulso contentus sit, aut eo saltem ferculo, quod panatellā uocant. Quotidie uel natura, uel clystere alius ducatur, mane autē in aurora bibat uncias 6. decoctū boraginis, endiuix, eufragiæ, cū uncia iuleb rosati. Et hac arte ophthalmia simplex curabitur, quæ quidem per defluxum à materia sanguinea & biliosa generatur. Hic reliquas quoq; ophthalmiarū species curaturus eram, quæ ab alijs humoribus oriuntur, & quæ per essentiam sunt, & quæ siccæ appellantur, ac præterea quæ cum alijs diuersis oculorum morbis

complicatz, cum ulceribus, cum chemosi, cum trachomate, cum hyposphagmate, cum ruptura corneæ, cum procidentia uææ, cum suffusione, ac cæteris huiusmodi, quæ sine gulæ propriam diligentiam, & admirandam quandam curam requirunt, & pace audientium dixerim, ab omnibus ferè Medicis nostræ ætatis neglectam, ac penitus ignoratam: Sed nuncius interpellare me non desinit, ut me pudeat adolescentem optimum tam diu à concepto itinere impedire. Hæc igitur omnia in aliud tempus omittebam, quæ si exquisitè & diligenter (ut spero) explicabuntur, in iustum uolumen excrescent; quod fortasse aliquando perfectum tuo nomini dicabitur, cum tu solus autor fueris, ut hoc magnum pelagus sim ingressus. Interim me ama, ut facis, & audenter iube quidquid à me fieri posse speraueris. Vale, Pataviij 16. Calend. Augusti. M. D. XLI.

De præseruatione ab ophthalmia, pro quodam nobili Veneto.

Consilium LXXIII.



STEPHANELLVS hæc exposuit de ægroto. Nobilissimus hic iuuenis in ætate iuventutis constitutus, sæpe habuit principia ophthalmiæ, & semper passus malam affectionem oculorum, à principio natiuitatis suæ usq; ad septimum uel octauum annum, inde usq; ad decimumseptimum melius habuit. Ab hoc iterum sæpe corruptus hac mala affectione, præcipue in sinistro oculo, à quo tamen sanatus, affligitur in dextro, idèq; aliquando autumno, aliquando uere, aliquando hyeme, sed æstare rarius. Semper curatus est missione sanguinis, aliquando etiam alterantibus, sed præcipue post missionem sanguinis melius habuit. In alijs membris nihil desideratur, bene appetit, digerit, egerit suis temporibus, bene exercet omnes actiones, & naturales & animales. Ætatis est 21. annorum, complexionis naturalis calidæ, & siccæ.

MONTANVS Clariss. Doctor, primo proponam naturam totius ægritudinis, postea causas inquiram, & ad curandi rationem inde perueniam. Apparet manifeste, quòd hic Magnificus Dominus per sitata intervalla affligitur in oculis inflammatione quadam, & interdum est inflammatio coniunctiue; interdum palpebrarum, & ea diutius, & frequentius affligit. Aliquando inflammatio tendit ad partem corneæ, & occupat etiam quandoq; partem pupillæ. Ita multiplex est inflammatio, & non simplex. Hoc autem habet perpetuum bonum, quòd quantumuis magna sit, nunquam impeditur uisio, sed semper acerrime uidet, nisi cum ipsam corneam inflammatio occuparit. Cum hæc ita sint, uidendum, ex qua materia constet, una enim & eadem est, eodemq; nomine denominatur, in quacumq; parte corporis sit inflammatio. Ideo Auicenna in tertia primi inter ægritudines uniuersales eam numerat, sed tamen, secundum loca, quæ occupat interdum, denominationem sumit, si in latere pleuritis, si in coniunctiua, ophthalmia. Quia uerò quandoq; etiam non tantum coniunctiuam occupat, sed interdum corneam, quomodo illic uocabitur? Recentiores, Oribasius, & Aëtius, quando inflammatio occupat palpebras, uocant *ἀφθαλμία*, & meminit eius etiam Auicenna de ophthalmia. Cum igitur nobilissimus ille Dominus patiatur omnes illas inflammationes coniunctiue, palpebrarum, corneæ, & pupillæ, omnes considerandas sunt, & uidendum, quomodo curari possint. Quo ad causas, eadem consideratio erit, sed curandi ratio diuersa est. Verum quia curare morbum non possumus, nisi rationem eius sciamus, & membri etiam, in quo hæret, de ipsa ophthalmia, & natura oculorum huius M. D. dicendum erit. Certum est ophthalmiam, siue in coniunctiua fiat, siue in palpebris, siue ubicumq; semper fieri per defluxum; est enim defluxio ad oculum. Ille defluxus necessario habet quatuor condiciones. Non enim fieri potest, ut fiat defluxus, nisi quatuor concurrant, humor defluens, membrum à quo incipit defluxus, ut termi-

netur ad aliquem certum locum, ut sint viæ paratæ & dispositæ, per quas transeat materia. Si aliquid horum deest, non potest fieri defluxus, nec unquam poterimus cur rationem verâ inuenire, nisi hæc omnia consideremus, uideamus ergo, quomodo hæc defluxio fiat secundū ista quatuor. Primo, quis sit humor, est humor calidus, quia inflammatio, ut primo de differentiis morborū, & quarto de ægitudinibus secundum loca, testatur Galenus ophthalmiam esse calidam inflammationem, uel à sanguine, uel à sanguine cum bile. Licet Auice. etiam ab humoribus frigidis fieri dicat, tamen id est contra rationem, licet oculus quandoq; intumescat, & faciat abscessum ob materiam frigidam, tamen ea non est inflammatio. In hoc casu esse inflammationem à sanguine, apparet ex colore & humore redundante. Habetis colorem rubrum, & affluit materia multa calida, & acris, cum dolore, quæ significant prædominium sanguinis. Indicat etiam curatio, quia sicut expresse refert, nullū inuenit remedium magis præsentaneum huic morbo, quàm missionem sanguinis, nec unquam alio remedio scilicet curari potuit, quàm missione sanguinis, ergo sanguis peccat. An modo sit simplex queritur, an uerò permixtus cum alijs humoribus. Raro aliquis humor solus defluit, & ex tota temperatura crediderim adustum cum bile crassa permixtum. Secundo, locus unde principaliter fluit materia. Domini, hic est punctus, ut mihi uidetur, dicam meam sententiam. Constat humorem facientem morbum esse sanguinem, qui non generatur nisi in hepate, & toto ambitu uenarum. Credo igitur humore peccantem, uenientem ad oculos, habere ortum ab hepate, & toto ambitu uenarum, & non à capite principaliter. Et quidem uerū est, non posse peruenire ad caput, nisi transeat per uenas iugulares intrinsecas ad caput, nam exteriores disperguntur per cutim, & tantū nutriunt musculos, & partes exteriores capitis, sed interiores mittunt ramos suos præcipue ad coniunctiuā. Reliquæ enim tunice habent quidē uenas, sed ualde exiguas. Si igitur consideremus anatomen, uidebimus, quod si ascendat sanguis ab ambitu uenarū, & ab hepate ad coniunctiuam, necessariū sit, ut transeat cerebrum, & inde feratur ad oculū. Et ita mandatur à cerebro quidem necessario, licet per accidens id fiat, quia cum ex ambitu uenarum materia illuc delata aggregetur, à uirtute illico tum expellitur ad partem magis debilem, & deinde rursus ad aliam magis imbecillem, donec tandem tale membrum inueniat, quod propter debilitatem expellere nequeat, sed recipiat necessario: ut de temperamentis, & de tumoribus præter naturam tradit Galenus. Cum igitur materia ad oculos expellitur, si ea deferatur per uenas, facit ophthalmiam (nunc non dispuo de uarijs appellationibus, de quibus aliàs dixi) si per nervos, suffusionem. Fit igitur hæc inflammatio, quia per uenas erumpit sanguis ad partes inflammatas, ob sanguinis multitudinem, quæ non est à cerebro, sed ab hepate, & à uenis quæ multiplicant sanguinem, qui deinde ad partes magis imbecilles defluit. Ideo ego primum fontem, unde emanat, dixerim esse hepar, generans multum sanguinis. Et hoc uerum esse, ipse tel euentus ostendit. Nam per missionem sanguinis statim cessat, etiam si non mittatur ex uenis frontis, uel uenis capitis, sed à uenis inferioris brachij, & aliorum membrorum, quia hoc modo deriuatur sanguis, ne ab inferioribus ad partes superiores, & ad caput ascendat, & inde ad oculum defluat. Locus igitur unde defluit materia faciens morbum, est hepar, ubi generatur, secundario caput, quod recipit excrementa aliorum membrorum, & deinde ad membra imbecilliora transmittit. Membrum recipiens manifestum est ipsa coniunctiua oculi, & palpebræ, alæ partes non item, quia in illis non sunt tot uenæ, nec tam grandes, ideo non fit aliqua læsio in illis, cum sanguis per uenas ad eas non ita diffundi possit. Fit igitur defluxus ad oculos, quia debiliores, & ad coniunctiuam præcipue, quia illa habet plures uenas. Viæ sunt uenæ, quæ amplæ, & ad fluxiones paratæ, propter temperaturam calidam. Et hæc sunt illa quatuor, quæ concurrunt in omni fluxione. Ex hoc defluxu modo causatur inflammatio, sed quæ est causa defluxus: cur generatur tāta multitudo sanguinis? Hoc fit ex naturali temperatura corporis, quæ calida est, cuius rei manifesta apparent signa. Dicit aut Gal. temperaturas calidas, quæ non excedunt in paucis, plurimum generare sanguine

sanguinem: ideo maxime tolerare famem, quia abundant thesauro sanguinis in uenis. Esse autem calidum, ostendit latitudo uenarum apparentium in oculis. Ergo hepar calidum est, quicquid sit de corde, nam de hoc parum hic laboro. Generatur igitur multitudo sanguinis calidioris, quia hepar calidum, & qualis est temperatura membri, talis generatur humor. Et quia calidior est sanguis, ideo eo non nutritur, sicut enim cum frigidior est sanguis, non nutritur eo corpus, sed uertitur in pinguedinem, ita ubi calidior, fit excrementum, quod natura ualidior expellit (secundo lib. de facultat. naturalibus) ad partem imbecilliolem, per reliqua membra, quadam successione, donec tandem ad partem omnium maxime debilem perueniat. Et quia uenae amplae sunt, paratior & facilior est defluxio. Hac ratione factum in hoc Magnifico Domino, ut ad oculos pelleretur, cum praesertim caput calidum habeat, ut patet ex nigredine pilorum, ex nigris oculis, & eminentibus. Et quoniam calidum habet hepar, & meatus amplos, & sanguis calidior, & feruens magis natura sursum uergit: ideo erysipelata ex sanguine tenuiori, uel bile admixta cum sanguine, ferè semper in facie apparent. Hic igitur sanguis subtilior ad nutrimentum non aptus, cum ad caput & partes superiores defertur, ibi colligitur, donec à uirtute fortiori expellatur à cerebro, & ex ijs partibus ad imbecilliores, ut ad oculos, qui imbecilles sunt, ut ex figura & eminentia apparet, sed quare magis ad sinistrum? Quia semper ea pars magis debilis est, quamuis & alias causas habere potest, quae nobis ignotae sunt. Non enim possumus omnium rerum causas inuenire, sufficit scire esse imbecillitatem aliquam, cuius ratione non resistit. Ex hoc patet, compositionem non bonam esse, ergo nec componentis debita, ac firma resistentia. Quod ad caput humores tendunt, non tantum corporeae & intrinsecae ac naturales, sed etiam extrinsecae possunt esse causae: ut mala uictus ratio, quam ex relatione cognoscimus, ex studijs, uigilijs, coitu, & alijs quae afficiunt oculos. Quae quia nobis relata non sunt, non possum in medium proferre. Haec uolui breuiter de natura morbi dicere, quia multa alia dici poterant, quae hic necessario omittuntur. Curatio non uidetur simplex in hoc Magnifico Domino, sed mixta, cum adest inflammatio, curabimus, cum non ea adest, praeservationi studebimus. De curatione igitur pauca dixerim, quia facile curabitur, & non est ophthalmia permanens, nec uidetur morbus factus, sed fiens, & cum factus est, statim remota causa, cessat. Habet igitur expeditam rationem, scilicet missionem sanguinis, quam sibi prodesse satis expertus est. Quaerit praeservationem, ne aliquid deterius ei contingat ex hoc defluxu, quia aetate deteriora omnia, & uirtus imbecillior quotidie, posset deuenire ad suffusionem. Quomodo praeseruiabitur? Si fieri poterit, per remotionem causae, ne generetur tantum humoris fluentis, ut pulcherrime docuit Auicenna 22. primi de podagra, cum tenuisset quatuor causas supradictas cuiuslibet fluxionis, pulchrum uerbum Auicenna profert. Remota materia, reliqua omnia frustra erunt; neque recipiens recipiet, neque mandans mandabit. Si igitur prohiberi potest, ne generetur humor, optimum erit. Habebit igitur bonus nam uictus rationem, abstinebit à uino, & bibet aquam: cum soror eius quae paruula eodem morbo & erysipelate, quae ex eadem causa prouenit, laborarit, interim uero ex quo à uino abstinet, & aquam bibit, non amplius laborat, quia feruorem generationis sanguinis, & eius redundantiae principalem causam remouit. Si ergo fieri potest, ut abstineat ab omnibus generantibus sanguinem, maxime calidis & uaporosis, bonum. Caveat ab uino crasso, bibat tenue, aquosum, dilutum, quod quia diureticum est, diuertet etiam aliquid materiae per urinas. In reliquis placeret aqua, sed quia timendum, ne continuus usus illius noceat uentriculo, generentur cruditates, & pituita, quae si eleuentur ad cerebrum: facerent suffusiones loco inflammationis, quae longe deteriores: ideo magis expedit, ut bibat uinum aquosum, quod tenue sit, ut eo facilius penetret hypochondria, & abluat renes, nec ita adhaereat hypochondrijs, ut aqua simplex. Vtatur cibarijs non adujsis, aut melancholicis, sed quae generant sanguinem frigidiorum, qualis est prafana hordeacea, quae frigida est. Si hoc ordine procedat, ut semper

minimum sanguinis generetur, quantum fieri potest, bonum erit. Sed quia hoc difficile, ne homo ita uiuat, ut non generetur multum sanguinis, & ne aliquando excedat, nec ita promptum est, temperaturas alterare, occupatis praesertim circa alia negotia, ideo haec non sufficient. Indigebit igitur continua aliqua, & familiari medicina euacuante, quae diuertat. Et quia uapores ascendunt, faceret ut retraherentur ad oppositum. Darem igitur Hieram uel Cassiam, quae maxime purgat sanguinem, uel utrunque compositum, quod etiam antea laudauimus Magnifico Domino, & laudant Clarissimi Doctores. Utatur & Rhabarbaro, quod maxime iuuabit. Inter reliqua accipias Myrobalanos Chebulos, reprimunt enim uapores ascendentes ad cerebrum, & confortant illud. Laudarem igitur eos secundum omnem usum & exhibitionem, sed praecipue mane, & uespere sub introitum lecti. Sed hoc quoque non sufficit, quia continue generatur & eleuatur sanguis. Ideo remedium non acquibitur causa. Quare facienda aliqua diuersio in morbo tam longo, & causa tam potente. Sed ubi? Galenus de missione sanguinis, & alibi dicit, renes esse medium, & ueluti horizontem, terminantem partes superiores ab inferioribus. Est autem quaelibet diuersio, uel simplex, uel mixta. Si simplex, a parte opposita, & maxime distante fieri debet. Si composita, a loco medio. Si enim partem deriuare, partem auertere conamur, locum medium eligimus. Si uero deriuare, tantum locum proximum, ubi modo haec fieri debeant uidendum. Certum est deriuationem fieri in morbo iam facto, ut si quis laboret ophthalmia iam facta, quae diu perdurasset, nec iam amplius fieret. In tali casu intendimus euacuare materiam, iam ad locum fluxam. Ideo deriuatione simplici utimur in loco propinquo, & post aures, uel ad collum sicut cauteria optima, & laudabilia. Faciunt enim optimam deriuationem materiae iam fluxae. Sed cum pars materiae iam in loco adest, pars uero afflue, sunt cauteria in loco medio, & circa brachia, ut bene dixit Dominus Doctor, in quibus est mixta simul auersio, & deriuatio, quia utraque indigemus, cum materia huiusmodi partim sit in loco, & continuo affluat, ideo locum medium, qui sapit naturam utriusque, eligimus. Sed si simpliciter auertere materiam ad locum fluentem uoluimus, sine aliqua alia intentione, id facimus per locum oppositum, & maxime distantem. Haec est sententia Galeni, & ipsa natura rei sic facere iubet. Hic praeseruationem quaerimus, ergo non factam, aut fientem aegritudinem, sed futuram curare quaerimus. Ergo auersione simplici opus est, quae a loco longinque maxime trahit, dummodo seruetur rectitudo, & fiat *ut ipse*. His igitur omnibus ita stantibus, ego, quia praeseruationem simplicem quaero, & morbus nondum est factus, antequam adueniat, consulerem ut fieret diuersio, seu reuulsio a parte, maxime longinqua, seruata rectitudine, quod fiet, si ponantur cauteria in crure, quia protenditur per lineam rectam, praecipue si de sinistro oculo est metus, ut in eo crure fiat. Quia si per renes, tanquam horizontem distinguitur pars superior hominis ab inferiore, cauteria facta in crure, uel tibijs a superioribus trahent ad inferiora, & ita ad partem maxime longinquam fit diuersio. Omnino igitur uelim fieri cauteria in tibijs, secundo in brachijs seu loco medio, minime uero circa caput, quia morbus non est factus, cui deriuatio ex propinquo debetur.

De ophthalmia

De ophthalmia, cum principio suffusionis,
& ulcere in cornea.

Consilium LXXV.

HIC Magnus uir patitur quasdam dispositiones præter naturam circa oculos, quæ quidem diligenter considerandæ sunt: quoniam partim curatu faciles sunt, partim difficiles, & nunquam curabiles uidentur. Primo est materia quædam existens intra corneam & pupillam, ratione cuius uidet quasi per nebulam interpositam. Secundo, in cornea dextri oculi est album quoddam tendens uersus pupillam, non attingens tamen, quod etiam in sinistro oculo uidetur exoriri. Tertio, in coniunctiua manifestam habet inflammationem, ut ex rubedine apparet. Horum trium ratione, consilium petit. Sed cum ijs alia quædam habet coniuncta, quod per interualla quædam patitur, non quidem dolorem capitis, sed strictionem cum grauitate circa frontem: præterea sibilum perpetuum circa aurem sinistram. De his secundo conqueritur, at præcipue de oculis: de his principaliter uidendum, quia partim morbi sunt, partim symptomata, de quibus queritur. Nebula interposita est morbus in compositione: inflammatio est etiam morbus. Album uero in cornea, an morbus uel symptoma sit, uidebimus inferius. Constrictio capitis, & tinnitus aurium, symptomata sunt. Sed quia neutrum curari potest sine suarum causarum cognitione, cum natura cuiusque rei per causas suas intrinsecas & extrinsecas cognoscatur, prius ergo causæ inquirendæ sunt. Cum itaque primo caput calefactum sit, deinde dolor frontis subsequutus sit, & ultimo morbi oculorum, non dubietandum uidetur, an oculi prius affecti fuerint, an uero caput occasionem dederit. Quia manifeste apparet caput occasionem dedisse, ideo eius dispositio inquirenda, & uidendum quænam causæ fuerint. Id uero ex dispositione naturali, & extrinsecus occurrentibus cognoscemus. De dispositionibus intrinsecis audio quoad caput, semper habuisse operationes capitis secundum naturam, unde non scio quomodo possit esse dispositio in capite, quæ dederit occasionem morbo. Consueuit quandoque expuere, & per nares emitte excrementa, unde in capite humiditas conijcitur à quibusdam. Et hoc unum dixerim uerum perpetuo esse, quod caput humidum semper est excrementosum, & redundat per nares ac os. Sed ex hoc non sequitur oppositum, ut sit caput humidum necessario, ubi plurima excrementa: est fallacia consequentis, quia hæc ab alijs causis fieri possunt, à uaporibus scilicet ascendentibus & replentibus caput, ut fiat seipso humidius, unde plurimum excernitur. Idem de somno, quod qui humidi cerebri sunt, multum dormiunt: non tamen ualet oppositum, quod etiam sicci cerebri naturaliter, plurimum dormiunt interdum, propter plurimos uapores humidos ascendentes, ex quibus interdum etiam subeth contingit. Idem de colore circa faciem: frequenter rubicundus color, barba & capilli rubri, & tamen non est calidum caput: quia signa communia sunt hepatis calidi, generantis sanguinem calidum, qui diffunditur per omnes partes, & nutrit eas, & præstat eundem usum cuti, capiti, & fronti, quem reliquis partibus. Vnde signa hæc communia sunt, nec fidem faciunt, nisi reliqua adiuuent, quæ propriæ sunt operationes, uidelicet intrinsecæ quæ nunquam fallunt. Qui ergo recte imaginatur & memoratur, habet tenuitatem & siccitatem substantiæ cerebri: quoniam humiditas obtundit, siccitas acuit. Qui caput humidum habent, nunquam sunt ingenio perspicaci, nec memoria bona possent. Ideo dicebat Heraclitus, Spiritus siccus anima prudentissima. Is Magnus uir, quia est ingenij perspicacis, ideo est operationum intrinsecarum cerebri optimarum: nam optime de omni re discurret, quamuis literas non habeat. In extrinsecis etiam quo ad motum, agilis est. Præterea quia oculi à membranis cerebri oriuntur, & sunt signum complexionis, ideo oculos paruos, & non magnos secundum

proportionem capitis, prorsus introrsum recedentes : unde crediderim cerebrum in propria natura siccius esse . Quo ad caliditatem, an calidum uel frigidum cum siccitate : Ex quo cor & hepar ponimus calidissima, sanguis feruidus & spiritus calidi generantur, propter quos præcipue cerebrum frigidum generatum esse ait Aristoteles, ut temperet & refrænēt caliditatem spirituum, quo faciant officium suum . Necessē est igitur, ut si quando cerebrum calidum cum hepate & corde concurrat, mores feri fiant, & ut nō homines habeant mores tyrannicos ob caliditatem membrorum & spirituum . Hic uir est mitissimī ingenij, nec mores tyrannicos habet, ideo magis iudico quod cerebrum cum colore faciei & barba rubra, quæ ab hepate habet, sit temperaturæ siccæ & frigida, & ideo magis passibile à quacūq; causā extrinseca: quia frigidum diminuit omnes actiones. Video igitur tali capite existente, quomodo facile catarrhum sit passus per os & nares : quia quicūq; uapores ascendentes non possunt diffilari & concoqui, facile uertuntur in catarrhum : & proinde facile passus est catarrhum, quia facile recipiunt tales temperaturæ, nec possunt concoquere : sicut & senes frigidi & sicci tatione ætatis redundant catarrho propter uapores. Quod autem plurimi uapores ascendant in hoc magnifico uiro, clarum est, quoniam cor & hepar calidum habet, sanguis & spiritus calidi generantur : unde plurimi uapores ascendant, & caput facile repletur, ex qua repletionē uaria oriuntur symptomata . Sed aliud est non præter rationem, quod scilicet ubi hepar calidum, uentriculus sit frigidior seipso, & non ita concoquit, propter deperditionem pinguedinis : unde ratione uentriculi uapores pituitosi ascendant. Et quod hoc sit uerum, inde patet, quod aqua aliquando descendebat ad oculos, quæ humida erat & frigida, quæ proculdubio ex uaporibus pituitosis ortum habuit. Ex hoc ergo ascensu uaporum, existente ipsa dispositione cerebri apta, factum est ut pateretur descensum catarrhi sine aliquo grauiori affectu. Successit postea ætas, exercitium, ambulatio in Sole. Et sicut gutta cauat lapidem non bis, sed sæpe cadendo : nec dici potest, quod prima, uel secunda, uel ultima, uel penultima, sed ipsa continuatio id facit: ita symptomata paulatim succedente tempore, & redduntur grauiora, & magis manifesta. Præterea delectatus est equitatione, uenatione, liberissime uixit, sine delectu ciborum, unde aggregata materia in corpore, & attracti humores ad caput, & repleto capite, principio leuius infestari cœpit : quoniam principio calefieri tantum cœpit caput, quem calorem neglexit . Successit grauitas circa frontem, & uidebatur illi ac si quis stringeret, quia humores decumbebant circa radices oculorum, & membranas ad basim cerebri, quæ corrugabantur, & faciebant constrictionem apertam ad radices oculorum. Cum hæc quoq; non curaret, & in eadem ratione uictus perseveraret, successit inflammatio, & reliqua tandem. Primo inflammatio, quæ ophthalmia dicitur : quia dominium est uaporum calidorum ascendentium, & ideo incepit cum lachryma, quæ falsa erat . Cum deinde ingrauesceret morbus, consuluit medicum, nam adiungebatur aliud malum in utroq; oculo : apparebat nebula, ut omnino quasi per telam intermedium uideret : quia paulatim ingrauescebat morbus, ortus ex causā sanguinea . Sed cum sanguis quotidie magis magisque aureretur, uapores etiam magis bilioli ascendebant, causa etiam biliosa reddita est ipsius morbi, ideo sordes coeperunt apparere in oculis . Successit ergo nebula, quæ suffusio est, seu descensus aquæ, ut uocat Auicenna: quia aqua descendit inter pupillam & corneam, & ita occupat, ut radij uisoris uel uisibiles non possint exire, uel saltem spiritus uisibiles ad eum penetrare . Hæc aqua aliquando crassior, aliquando subtilior est, & diuersorum colorum, prout purior est uel impurior. Mihi uisa est non esse alba nec cærulea, sed ad cineritulum subobscurum colorem accedere, quæ omnium deterrima, uix unquam curam recipit, imò ne per manulem quidem operam remoueri potest, uidetur omnium maxime detestabilis. Quod mirandum est, licet adhuc esset in principio: quia dum sex menses præterierint, suffusio incurabilis est, ut dicit Galenus, & Auicenna confirmat. Hic nunc annum integrum patitur, & eo minus curabilis est: imò Auicenna aliud dicit, quod cum muscæ tantum per sex menses apparent, incurabilis est. Est præter hoc

hoc aliud, materia scilicet alba in oculo dextro, quæ ut plurimum subsequitur ophthalmiam, & incussit multis difficultatem in perquirendo, quid esse possit, quia ipsæ tunicæ ita ambiunt oculum, ut sint continuæ, & nihil possit penetrare sine solutione continui. Hic facta penetratio est, ergo solutio continui, & forte ulcus: perseverante enim ophthalmia, fit arrosio. Et ita in oculo tres morbi sunt in hoc Magnifico viro, suffusio, ophthalmia, & ulcus: & sunt morbi in compositione, & solutione continui. Hæc ergo sufficiant de his tribus morbis, & qui sint curabiles, & qui nō. Nam ophthalmia, & album in cornea, facile curabitur, siue ex vulnere, siue ex resodatione sit: suffusionem inscurabilem credo. Si quis tamen etiam eam possibilem curatu contendat, tunc non ligitare uolo, dummodo constet non venire eum affectum essentialiter à cerebro. Quibus ita se habentibus, satis constat iam quid de prognostico sentiam. Nebulam credo difficilem curatu, præservari tamen poterit ad plurimos annos, sicut multos novi, curatum autem scio neminem. Quibus autem remedijs curandus? Dicit Hippoc. & asseruit Galenus, sæpe ex curatione facia indicari nobis curationem ueram, & naturam morbi. Medicus quidam euacuauit illi, & foelicissime successit, ita ut remota ophthalmia melius uideat. Ideo præterquam quod secundum rationem euacuandum esse uisum demus, sunt enim hi morbi propter uapores ab ambitu corporis ad caput ascendentes, sumpta occasione ab ipso cerebro: unde per essentiam ibi esse dicere possumus, non quod ibi sit primogenio affectu, sed quia successu temporis facta sit aliqua impressio in ipsa substantia membri. In curatione igitur credo euacuationem necessariam, & erit necessarium etiam ut continua euacuatione præseruetur, ne repleatur. Primo ergo euacuandum, quod repletum est: Euacuatio autem multiplex est, ut dicit Galenus de phlebotomia contra Erasistratum, qui disputabat non esse necessariam euacuationem, quia sola inedia euacuare possimus ad quem uelimus gradum. Respondet Galenus, uerum esse, sed quia sæpe contingunt morbi, in quibus statim euacuandum, ut dum tu expectares euacuationem per inediam, moreretur æger: ideo concludit necessariam phlebotomiam & purgationem. Hic morbus dat inducias maximas. Si igitur utatur inedia, id est, parsimoniam ciborum & delectu, iuuabitur, maxime autem in tempore purgationum: quia si ita uti continuo uellet, extenuaretur. Purgetur item, & mittatur sanguis, id enim refrigerabit hepar & euacuabit: poterit autem fieri missio sanguinis à mediana uel basilica. Si hæmorrhoides prouocentur, fiet diuersio cum euacuatione, quæ futura est usus. Euacuetur autem cum educentibus bilem & pituitam: & ideo conueniunt pilulæ cochix, aggregatiuæ, & confectio hamech. Tandem utatur electuario facto ex succo euphrasie, rosarum, & sceniculi, & cum saccharo fiat electuarium, quo utatur quotidie. Utatur etiam aliquando myrobalanis chebulis, nam inhibent ascensum uaporum. Circa oculos utatur collyrijs nostris, quæ conseruant oculos, abstergunt sine exiccatione. Credo cauteria in cruribus, quo ad causam antecedentem, conferre plurimum: sed quo ad morbum factum, non curabitur ex ijs. Erit operæpretium localibus eum remouere, inde poterunt applicari sanguifugæ, & lauari caput cum decocto camomillæ, malux, & rosarum. Temporibus intermedijs laudo usum cassisæ frequentem, adiuncta hiera. Auribus uero insillet oleum amygdalarum amararum, quod quidem non mediocriter profuturum credo. Modus autem euacuationis in periculo suffusionis, talis erit. Principio

℞. Floris cassisæ	3	to.
Specierum hieræ simp.	3	2.

Cum saccharo fiat bolus. Postea

℞. Succo rosarum puri & recentis
 Verbenæ
 Fœniculi
 Chelidoniæ
 Majoranæ

ana 3 5

Purificentur

Purificentur succi, deinde syrupizentur cum saccharo. Deinde

℞. Huius syrupi 3 2.

Aque euphrasie

Feniculi ana 3 2.

Misce pro uno, & sic pro alijs, donec consumpserit totam descriptionem superscripti syrupi. Interim toto illo tempore dum accipit syropos, consulo ut habeat beneficium alui, & si deficiet, utatur clysteribus communibus. Sumpsis syrupis, sumat infra scriptum pharmacum cum custodia :

℞. Floris calsiae 3 1.

Trochiscorum alhandal gr. 8.

Agarici preparati 3 2.

Cum saccharo fiat bolus. Laudo etiam quod dum accipit syropos, habeat puerum uel puellam septem uel octo annorum, quæ uel qui mane ieiuno stomacho masticeet rosam unam recentem, & subito post masticationem similiter lambat oculos. Post hæc ad purgationem capitis ac ad localia deueniet. Habeat optimam rationem uictus. Caveat lacticia, pastilia, pisces. Vinum clarum, pauciferum, album, dilutum cum aqua, in qua decoctum sit feniculum, bibat. Sumat præterea interdum de hoc electuario :

℞. Nucis muscatæ

Macis

Cinnamomi ana 3 1.

Garyophyllorum 3 2.

Sem. anisi 3 4.

Thymi 3 1.

Sacchari rosati optimi ex rosis rubris 3 6.

Muscæ

Ambrae ana gr. 2.

Cum modico iuleb fiat mixtura.

De ophthalmia, & ulcere in cornea,

Consilium LXXVI.



VO sunt in oculo huius iuuenis morbi. Primus est ophthalmia, quæ facile uidetur, utinam secundus tam facile cognosci posset. Est autem ophthalmia inflammatio coniunctivæ, quæ cum incipit, *τάρχεσθαι*, id est consturbatio à nostris dicitur. Cum ad coniunctivam accedit, ophthalmia uocatur, & mutat nomen, quia complicatur ægrotudo. Iam quartus est menlis, ex quo patitur, non tamen perpetuo affligitur, sed per intervalla accedit, & recedit, ut Gal. 2. de diff. febr. de accessionibus febrium enarrat, quia materia aggregata per intervalla, fluit ad oculum, non continuo. Ad defluxum autem, ut semper fieri solet, sequitur dolor, quia inflammatio est in membro sensibili, & tensio & renitentia, ut Gal. refert. Est autem hic materia calida, alioqui non esset inflammatio, cum in hoc differat inflammatio à reliquis tumoribus. Duplex est autem genus materiæ calidæ, sanguis & bilis, utrum ab altero uel ab utroq. Probabile est ab utroq. fieri, quod enim sit sanguis, ex calore moderato, apparet etiam rubedo manifesta; quod bilis ex mordacitate continua, & punctura in oculo. Igitur inflammatio cum dolore à sanguine & bile permixta. Neq. sine ratione, quia maximum symbolum, cum totius temperatura & ratione uiuendi præterita. Nam ex habitu corporis calidæ est temperaturæ, in qua dominatur bilis, & est coloris, quem in Menclao depingit Homerus, *ῥόδιος*, fului, rubeo scentis, qui bilem indicat abundare. Quia cum palidior color, *ὀψέος*, seu citrinus dicitur, non

tur, non est naturalis bilis indicium: sed propter admixtionem aqueæ substantiæ: inde plerumq; tales habent pilos rufos, qui consequuntur caliditatem, & propter adustionem sæpe redduntur melancholici. Est igitur calidissima temperatura, unde plurimū bilis generatur, & sanguis plurimus, sed biliosus, & talia corpora ubi in ocio degunt, & frigidis cibis utuntur, pinguescunt, & bene nutriuntur. Et cum proprium sit calidorum humorum, ascendere in caput, videtur naturalem dispositionem habere non tantum ad inflammationem oculorum, sed ad dolores capitis & ad omnes repletiones, ut Gal. 3. de locis affectis testatur, qui calidum iecur habent sunt omni replezioni capitis obnoxij, ratione cuius subijciunt dispositionibus, quas patitur. Sed præterea habuit rationes extrinsecas omnes. Incidit in Empiricum pessimum, qui decoctum ligni in uino potentissimo exhibuit, cum admixtis medicamentis, ut solent pessimi homines, cum Scammonio & Colocynthide, quæ uenena sunt. Eius signum est, quod ex illa decoctione plurimum egerebat. Vnde suspicandum, non tantum hepar calefactum ob potionem ligni, & uini, sed etiam exiccatum, propter medicamenta purgantia. Accesserunt negotia mercatoria importunissima. Equitauit enim, & ambulauit in regionibus calidis, usus uinis potentissimis, passus ærem feruentem, sub quo caput maxime patitur, ut ferè impossibile fuerit hominem defendi ab his ægritudinibus, unde non mirū incurrisse in ophthalmiam. Hæc igitur quantum ad ophthalmiā, quoniam manifeste in oculo ex uisu deprehenditur, & etiam de causā doloris oculi ex inflammatione, quia coniunctiua membrum sensibile natura est, & materia, & agens, ut postea melius dicitur. Habemus etiam causas inflammationis extrinsecas. Atq; ita quantum ad rationem, & essentiam morbi satis dictum est. Quoad alium morbum, qui cognitu & curatu difficilissimus est, qui fusio sit aqueæ crassæ, quæ obsidet uueam, estq; inter albugineū humorē, & corneam: uidemus, quod non mutatur extra, color oculi, neq; substantia: nisi circa pupillā, alba uel cærulea macula apparet: ideo ne suspicari quidē debemus adesse suffusionem. Dictū est à Doctore, quod sit suspicio de albugineo humore, descendente propter humorem aliquem defluentem à capite: in hoc multam difficultatem habeo, quod hic humor non pituitosus simplex, non albus est, sed cæruleus. Verū de hoc non curamus, siue simplex sit, siue non, hoc mihi difficile uidetur, quomodo per humorem crystallinum & albugineum perueniat ad corneam humor, & ibi figatur sine ulcere. Si laxis albugineus humor esset, non uideret quicquam hic uir, quia si modica aqua in pupillā incidit, impedit, ne uideat, quid faciat hic tam crassus humor in albugineo qui plurimum confert ad uisionem? Refert autem, quod dum aperit oculum, uideatur exire aliquid, quod uelit uidere: sed quasi ab aliquo exteriori impediri, ne uideatur: & quod cornea tunica est crassior, & habet quatuor cortices: cum etiam uideamus aliquid sicut intra pupillam, idēq; sit quasi in superficie. Vnde dicam meam sententiā, semper remittendo me meliori iudicio. Credo non esse laxionem in interiori aliqua parte, sed quod crystallinus & albugineus, illæsi sint, & interiores tunicæ sine nocumento: sed quia ophthalmia quinque menses durauit, cum humore acri, & erodente, credo factam esse erosionē, & quod matetia deuenit ad confinia corneæ, quia quandoq; tam magnam habuit, ut occuparet corneam, quæ alioqui apta ad id est. Materia itaq; secit erosionem, & secutus est ulcus in corticibus tunicæ, id quod à signis habeo. Optime refert Auicenna, qui diligentissimus est in recensendis differentijs morborum oculi, quatuor genera ulcerum circa corneam existentia, prout quatuor sunt cortices, & cum in primo, & secundo cortice sit, dicit apparere colorem album, tendentem ad fuscedinem, & ideo fumū appellat, quia habet colorem fumī, est enim album in nigro. Si in ultimis corticibus ulcus est profundius, non est albedo in tota cornea, sed uel sunt granula, uel riuiuli. Quia igitur in primis corticibus, tota cornea alba erat in hoc iuvene, inde dicatur potius ulcus in his partibus, quam alius morbus. Hinc est, quod, cum aperit oculū, lux uidetur penetrare, non tamen deprehenditur obiectum nisi obscurissime. Quia ulcus est, probabile erit adesse materiam, quod quidem & color indicat, à quo penetrat aliquid ad interiores partes. Hæc igitur causa est non in aliquo intrinseco corde, sed extrinseco;

extrinsecò: ulcus factum est in cornea, ab ophthalmia penetrante, & perforante corneam. Et ita duos morbos habet in eo oculo, ipsam inflammationem, seu ophthalmiam, & ulcus existens in cornea, factum ab eadem materia erodente tunicam corneam. Quod ad oculum dextrum, in quo suspicio est, ne superueniat aliquid, non uideo ophthalmiam notabilem, non est color uiolatus coniunctivæ, neq; in cornea, aut pupilla quicquam uideo coloris extranei. Est tamen uerendum propter tres rationes, ne aliquid aliud superueniat. Primo, quia caput multum repletum est. Deinde habet omnes dispositiones ad id, ut replatur: ex quo facile postea materia potest descendere ad oculum, postremo etiam alia ratione, cum materia descendat ad alterum oculum, & sit quædam approximatio, saltem nervorum, quando materia pervenit ad punctum medium, facile ad utrunq; oculum defluere potest in quocunq; morbo oculorum: ideo raro sunt immunes ab alterius oculi læsione, qui in uno laborant. Est præterea alia ratio in procatactis. Habet motum perpetuum, scribit, laborat, exercet mercaturam, unde deteritur spiritus, & est periculum, ne alter etiam oculus continua agitatione lædatur. Hæ sunt omnes affectiones oculorum, & causæ doloris capitis: & ex his consequenter apparet, quæ sit causa doloris, & caloris renum, uidelicet propter humores calidos, & urinam calidiorē, devenientem ad renes, quod & urinæ ostendunt, quæ rubæ sunt, sicut & sanguis, ad croceum colorem accedentes, & habent spumam propter cruditatem ventriculi. Quia alioqui qui habent caliditatem hepatis, ferè semper successu temporis efficiuntur ventriculi frigidioris, ut sæpe à me dictum est. Et ideo affectio uentriculo, generatur plurima pituita, & sunt spumæ in urina. Et hæ sunt causæ omnium symptomatum, & morborum, de quibus conqueritur hic iuuenis. De Prognostico facile apparet, quid dicendum sit. Oculus sinister, quoad ophthalmiam, posset curari facile & ulcus si uellet, sed credo difficile hoc fore, ex parte ipsius, quod non admittit curam, quia multa requiruntur ad eam, & longo tempore opus est. Ipse autem occupatus est in mercatura, non obedit Medicis, & in hoc credo præcipuam difficultatem esse, si uellet obedire, posset curari. Nam uidi, qui foediora & maiora habebant mala, & tamen sunt curati. Oporteret autem ut sit diligentissimus, quia periculum est de amissione oculi, dum longo tempore imbecillitas deveniret ad interiora, & substantia crystallini redderetur obscurior, & siccior, propter continuum dolorem. Si ipse uelit, ut fiat cura, nemini dubium est ophthalmiam, & ulcus & dispositiones in oculis pendere à causis extrinsecis, & intrinsecis. Quoad extrinsecas causas, & rationem uicis, oportet illum intendere, ut bene se gerat in toto tempore curationis. Intrinsecæ causæ sunt calor hepatis, & cruditates generatæ ex dispositione ventriculi & capitis, quæ remouendæ sunt. Non dubium, quin ab euacuatione incipiendum materiæ enarratæ. Id duplici uia fieri potest, missione sanguinis, & pharmacia. Missionem sanguinis res peterem, etsi ante facta est. Illa enim missio sanguinis, quæ nocet oculis, est, quæ sit superflua, & sine necessitate, & ubi sanguis non est mordax, aut calidus. Et Galenus etiam in ophthalmia usq; ad deliquium animi mittit sanguinem, & curavit hominem, & sæpe phlebotomia curat ophthalmiam, & meri potio, ut inquit Hipp. Velim igitur fieri à uena, uel communi, uel basilica ad 3. 8. aut 10. lenita prius aluo, ut fieri solet. Postmodum euacuatio fiat datis ante syrups concoquentibus materiam biliosam, & pituitosam, ut iidem humores euacuarentur, cum medicamentis iam notis. Factis euacuationibus corporis sufficientibus, ad caput ascenderem, quod particulariter euacuari potest per caput purgia, apophlegmatismos, gargarismata & lotiones capitis, quæ dissibunt, & discutient, quæ omnia fieri possunt. Sed (ut sæpe dixi) in morbis oculorum non tentarem errhina propter affinitatē narium cum oculis, & uehementem motū capitis, qui sequitur exhibitionem eorum, & ita consentit totum corpus. Circa lotiones, ordinem duplicem, confortatiua, & euacuantiā. Non omitterem decoctum Camomillæ, liliorum alborum, & Maluæ: diffiant enim, & concoquant materiam, sunt commoda, & temperata caliditate. Imò si fierent balnea aquæ dulcis, pro toto corpore, in quibus eadem herbæ decoctæ essent, optime conuenirent; mitigarent humores, & diffilarent materias

materias. Quod ad alterationem membrorum, balneum Veronense proposuerim, quo nihil est præstantius in caliditate rerum ab hepatis intemperie, unde vapores ascendant ad caput, ideo præstantissimū est suo tempore; & erit id adhibendum, ubi fuerit exquissite euacuatus. De capite, an cum re infrigidante alterandum? Dubitarem de eo: non propter infrigidationem, sed constipationem & clausuram meatuum, quæ impediret eventationem, unde plures humores cumulantur. Rectum tamen esset, si adderentur Violæ lotioni, & inungatur caput oleo violaceo, quod mitem habet refrigerationem cum humiditate, & idem oleum intra aures positum: quod in alteratione capitis, tam calida, quam frigida, aliqui in aures ponunt. Circa ophthalmiam, quoad oculos, nihil præstantius est, quam ut decoquatur Foenugræcum, & radix Althææ cum rosis, quæ addent vires, & corroborabunt membra, quod maxime faciendum in membro, ad quod fit defluxus: & præter id etiam, rosæ sua leni astrictione adiuuant ad penetrationem, ut Gal. docet in lib. de simpl. medic. Imò si decoquerentur hæc tria, ut fierent mucilagines, inq̃ eo dissolueretur Tutia, collyrium esset pro ophthalmia & dolore oculi præstantissimum, quia sedat dolorem, & concoquit materiam residuam, & abstergit sine mordicatione. Habere enim utrunq̃ decoctum pro fomentatione, & mucilagines pro collyrio, & ulcere suo tempore. Quoad ulcus, nihil præstantius quam Tutia optime loca, ita ut non habeat aliquam mordicationem, applicata uel ut unguentum, uel collyrium, uel pulueris modo. Et credo, quod Tutia non applicari debeat in alijs oculorum morbis, quam in ulceribus. Exiccat enim sine mordicatione, abstergit, & inter omnia medicamenta metallica tutissimum est. Fit ex iisdem aliud collyrium, ex Foenugræco & Aloë lota, sed Tutia est melior. Vñ etiam aliud est, quod referam propter scholares, quia ualde antiquum est, & uidetur expertissimum & rarum. Accipitur substantia, quæ in ouis est recentibus alba præter uitellū ex 20. uel 25. uis, & ponitur in uase stanneo, uel plumbeo ad solem, donec exiccetur, postea contunditur cum saccharo candi rosato, quantum potest contundi. Exiccat hoc quoq̃ sine erosione, & plurimum adiuuat. Ad alterum oculum conseruandum, credo, quod cum locali tantū tutius possumus procedere, quando euacuātū fuerit corpus; & curabitur oculus extrinsecis istis, quæ rectius adhibentur, quam astringentia aut reprimentia, quia omnia talia refrigerant uel calefaciunt. Quantum ad cauteria diuertentia, laudo ea. Sed si hepar, sicut dixi, est causa, quæ fouet repletionem capitis, tutissima erunt cauteria in crure, quæ etiam facilius fluenter: quia mercator est negociosus, & plus euacuabunt, quia in hepate initium est, quam si fierent in brachijs, cum sit diuersio directa. Si uero in capite læsiō, & ab eo immediate uellemus euacuare, melius fortasse in brachio: sed minor est in capite impressio. Et si caueatur ne hepar, & uentriculus mittant uapores ad caput, rectissime fiet: quia materiam, quæ ad oculum fluit, aliter nullo modo diuertere poterimus,

Ad ophthalmiam in senē.

Consilium LXXVII.

℞. Verbenæ
Rutæ
Chelidoniz
Rosarum
Eufragiæ
Forniculi
Betonicæ
Saluiz

ana m. s.

Contundantur & ponantur in balneo Mariæ per H. 24. postea distillantur per alembicum uitreum & seruetur aqua, quæ purificetur in sole per totum Mensem, ita tamen ut non permittatur in Aëre noctis. Eidem pro purgatione in uere ℞. Floris calisæ 3 10. Specierum Hieræ 3 2.

℞. Succo Rosarum

Verbenæ

Fœniculi

Rutæ

ana 3 6.

Syrupizentur cum saccharo purificato antea. Postea

℞. Huius syrupi

3 2.

Decocti infra scripti

3 4.

Misce pro uno sic pro alijs ℞. Foliorum rosarum 3 3. Seminis fœniculi, cheli doniz ana 3 2. rutæ 3 1. decoquantur in lib. 3. aquæ eustragiæ donec remaneat una. Nihil exterius applicari uoluit nisi si Saluæ aqua ablueret uelut, nulla re alia.

De leui suffusione oculi dextri.

Consilium LXXVIII.



ASVM enarrabat Frisimelica. Aguntur aliquot menses, quod degit in aëre frigido & subtili, ubi erant uenti, & exposuit se aëri nocturno, deliquit in cibo, & potu, comedens ostrea, & dulce uinū bibens, incidit inde in dolorem oculorum, à quo euasit primo, sed iterū incidens, uocauit Medieum, qui exhibuit Cassiam, pillulas luctis, & uentosas, nunc patitur diminutionem uisus, ut obscure uideat obiecta, etiam in debita distantia admota, & diu minute in longum. Et est oculus solus, qui patitur, reliquum corpus uidetur sanum. Oculus patitur uisionem diminutam, & obscuram, & adest humor, ut etiam sit mala temperies cum materia.

MONTANVS. Ex quo constat Magnif. Dominum habere circa oculum dextrum, & in pupilla obscuritatem, quæ à nobis uidetur, & ab ipso melius percipitur, cum aliquid uult intueri, uidet enim quasi per nebulam interpositam, & postea ex quacumq; leui occasione, & delicto in cibo & potu, & rebus cæteris non naturalibus exacerbatur, sitq; nebula densior, & dolet oculus, & inflammatur; ideo duo consideranda. Nebula, quæ est perpetua, & impedit uisum, secundo, imbecillitas magna in oculi substantia, ut ex quacumq; leui causa doleat. Hæc suas causas habet, quia nihil fit sine causa. Porro causarum quedam sunt coniunctæ, ut materia & forma, quedam præcedentes, quedam procatartica, quæ extrinsecus occurrunt, omnes debemus considerare, & inquirere, si recte uolumus curare. Antecedentes, & coniunctæ indicant curationem. Procatartica nos docent de essentia & conseruatione. Causa proxima & coniuncta est materia, quæ continetur in oculo, seu parte oculi, qualis pupilla est: eaq; materia iam fluxa est, quæ hæret semper in oculo. Hæc iam proxima causa efficiens materialiter, & formaliter huius symptomatici. Sed an calida uel frigida? Cre do frigidam, quia primo ignaua in motu semper permanet, si enim esset calida, moueretur, & excigaret dolorem, quem hic non sentit, item quia corrumpit actionem, facit materiam uidere uolantem, & alia. Hic non corrupte uidet, sed per nebulam, & semper eodem modo. Et quia duo humores frigidi, potius pituitam existimo, quam melancholiam, etsi à melancholia etiam fieri soleat, & maxime nigra. Hæc affectio à pituita est, quæ habuit suas causas, etsi nunc non habeat, tamen in principio habuit, & fouetur etiam nunc, ut audiuius ex relato. Augetur enim secundū uarium modum uiuendi, quod est signū, quod præter morbum iam factū adhuc augetur humor, qui obstruit, ne possit spiritus transire. Siue enim extramittendo, siue interius recipiendo fiat uisio, non poterit uel diffundi spiritus, uel recipi species, propter humorem in pupilla, uel tunica contentum. Vnde autem proveniat, an à tunica, an à uentriculo, queritur. Crediderim primo genio affectu à uentriculo, quia nunquam augetur, aut dolet, aut inflammatur, nisi præcedenti excesserit in ratione uictus, & factæ sint cruditates. Ita prius uentriculus transmittit

transmittit vapores ad caput, & caput postea ad membrum affectum. Sed etiam quia in altero oculorum tantum quod etiam Galenus notat in signis, an sit à capite, uel uentriculo, dicens, cum à capite in altero tantum oculo est affectus, cum à uentriculo in utroq. Ideo crediderim esse quidem à uentriculo, sed affectum etiam caput detrudere ad partem imbecilliorē. Loca igitur mandantia, uentriculos principaliter, & caput est. Materia frigida, & humida, eadem quæ fecit morbum, illa est etiam quæ fouet. Causæ præcatarrhica extrinsecæ ex aëre nocturno, & Borea frigidissimo. Audiuit causas in loco aperto, ubi fenestræ præcipue uersus Boream, in quo semper flabant frigidissimi venti. Et Boreas duo facit, exprimit materiam à cerebro & partibus superioribus ad inferiores, tanquam manus deducit propter frigiditatem. Secundo, constringit poros, nec permittit diffationem, & ita aggregatur materia. Insuper etiam nocet, quia refrigeratione crudiores reddit omnes humores, & refrigerat cerebrum, ne possit concoquere alimentum. Descendit autem materia ad oculum dextrum, quia præcipue expositus fuit, & magis latus, quam sinister ab eodem uento. Hæ sunt causæ coniunctæ, antecedentes, & præcatarrhica. An modo intrinsecæ causæ conueniant, ut cerebrum humidum, & frigidum, & uentriculus generet multam pituitam, sit dictum conditionaliter? Non sum conuersatus cum Mag. Domino, nec ex proprijs signis certo dicere possum. His causis morbi præpositis, de gradu obstructionis in oculo modo, is leuis est & initium suffusionis, seu principium cataractæ debile, sed non principium tale, quod ad suffusionem facile deducere possit nisi per sex menses relinquatur, ut dicit Auicenna & Gal. Ideo diligenter succurrat, & caueat, quia non dexter tantum oculus pateretur, sed periculum foret, ne communicaret sinistro. Quid igitur faciendum ad præcauendum? Sumus in hyeme, & non possumus discutientibus & auertentibus uti, & uix credo posse tolli morbum iam factum, sed ad materiam iam eleuatam, & morbum futurum debemus attendere, & facere, ne augeatur humor, & ne cunctetur, quia postea nihil possemus agere. Primo igitur teneat exquisitum uisctum, caueat ab aëre, didicit suo periculo, quantum noceat sanis, quanto plus nocebit ægris, caueat ab aëre nocturno, à Borea, & à frigiditate capitis, sit recta ratio uictus, uitet etiam euaporantia ad caput; lacticia, legumina, & pisces, & maxime barbones, & caneros, qui à proprietate nocent oculis. Omnes pisces Venetijs capti præcipue nocent. A uino dulci, & reliquis euaporantibus caueat. Laudarem, ut haberet lenem alium, & semper haberet aliquid, quod diuerteret materias ad oppositum, quo nihil erit præstantius. Ideo per totam hyemem euacuarem continuo humorem, & vapores genitos ad oppositum diuerterem. Pillulæ de Hiera optimæ sunt, quas Gal. prædicat, aut etiam ex sex rebus, accipiet bis in septimana, uel ad minus semel. Circa oculum, pro morbo iam facto, tantum aliquid adhiberem, quod concoqueret sine astrictione. Laudarem collyrium, quo sæpe utor, ex Fœnugræco, & radice Althææ mundatis, quæ decoquere in aqua, & in expressionem ponerem Aloën ad consistentiam mellis, & hoc utor ad principium suffusionis, concoquit materiam, alterat refrigerando, & diffiat per halitum, & non attrahit, imò confortat propter astrictiōem Aloës, & exiccat præparatum opportune: propter Althæam & Fœnugræcum, etiam mollificat, si diligenter conficiatur sine puluere, & fumo. Si dolebit, signum erit non bene factum esse, quia cum bene sit, non dolet. In reliquis nihil agerem, quia hæc præseruabunt, & ex parte etiam curabunt. Ad curam postea integram, expectarem uer, quia enim uideo morbum non crescere, nisi fiant excessus, forte his curabitur. Si uero augeatur morbus, in uere leniter aluo purgata sanguinem mitterem, post corpus exquisite purgarem, & ultimo diuersiones facerem per cauteria. His certe curabitur, siquidem uelit.

De suffusione perfecta, an sit deponenda,
pro luene quodam.

Consilium LXXIX.



CLARISS. DOCTOR, VT PER COMPENDIA quoque procedam, proponuntur nobis duo, utrum in Nobiliss. Iuene possit deponi suffusio, deinde si debeat deponi, quo tempore id fieri possit, & utrum secutura sit aliqua ex eo noxa. Ad primum nemini dubium est, eum habere caput ualde imbecille, oculo esse commodo ad recipiendos uapores, & repletionem à toto corpore. His suppositis, utrum debeat deponi suffusio, quia obijcitur primo, quod non deponenda, quia oculus sit diminutus, & debilis, propter continuum ascensum uaporum. Deinde si deponatur, dicuntur secutura alia incommoda, propter debilitatem loci. Cum enim membrum est debile, & operatio sit, quæ nunquam sit sine dolore, metuendum est, ne sequatur inflammatio, ut non solum is oculus patiatur, sed etiam lædatur alter, quod maxime esset periculosum. Hæc sunt, quæ priores Doctores dixerunt. Quod si addatur etiam hoc, ubi deposita erit suffusio, quod redibit propter debilitatem oculi, non uelim illud omnino asserere. Potest enim diuersti affluxus illius materiæ ad alia loca; & quia dicimus potest redire, dicamus etiam quod potest non redire. Quare amisit iustam magnitudinem oculorum: quia non transit alimentum, aut quia non alitur. Quod non transeat, non crediderim, sed quod non bene nutriatur: unde id contingit? quia cum membrum non facit operationem suam, perit calor, propterea quod non excitatur, ita hic destituitur oculi calore innato, & fit priuatiue frigidior. Deinde propter præsentiam illius aquæ: opus positum enim expellit oppositum. Est ibi descensus aquæ. Cum sit igitur aqua frigida, obtunditur calor innatus oculi. Intercefferunt nouem aut decem anni à quibus non uidit eo oculo, & hæc frigiditas semper fuit. Non igitur est mirum, si iam induxerit intemperiem, & dico, quod si eam deposuerimus, quia deponibilis, ut dicam, uidebit spiritus illuc provenire, & incalescere membrum. Vnde saltem poterimus melius sperare, quam ipsum ita destitutum relinquere; quanquam de omnimoda perfectione dubito, cum uideam oculum ualde diminutum, tamen cuperem, si aliquo modo possibile sit, perueniret ad propriam actionem, neque uereri debebat, quod dicitur, quod non curabitur fortasse. Eodem modo respondetur enim, quod curabitur fortasse. De magnitudine doloris, quod obijcitur, Respondeo, iste dolor est mitissimus, ita ut maior dolor sit in missione sanguinis, quam in hoc membro, quando mouetur suffusio. Inflammatio enim uel dolor conringunt, aut quia uniuersum corpus non prius purgatum, aut quia artifex sit malus, aut æger non obediens, atque ita poterit sequi, nam possibilitas est magna. Est autem probabile, quod non sequatur hoc, cum artifex sit bonus Medicus, corpus purgauerit, & æger sit obediens. Sed si sequatur inflammatio, aut aliud incommodum, sequetur ne ut alter oculus patiatur? Credo quod non patietur alter oculus, etiam stante inflammatione. Fit enim fluxio propter duo, quia membrum recipiens sit ualde debile, uel quia ob suum dolorem & caliditatem attrahuntur humores. In hoc casu, ex utraque causa, ad hunc oculum fluxio, esset ab altero oculo derivatio, & non fieret nocumentum in bono oculo. Atque ita dico, quod etiam sequente inflammatione alter oculus non patietur. Tertio, stante huiusmodi suffusione, longè deterius est quotidie periculum. Vbi enim suffusio, sicut experimento probatur, in uno oculo, necessario etiam alter oculus patitur. Et est ratio, quia spiritus decurrens à cerebro per nervos opticos, per communem terminum diuiditur. Postea & unaquæque pars spiritus transit ad proprios nervos. Vbi autem ad partem obstructam peruenit, redit, & transit postea ad alium locum, quod uidemus aperte, cum alterum claudimus oculum, dilatatur pupilla alterius. Et ita per malum contagiū tandem insicit spiritus alterius oculi. Dico igitur quod sit deponibilis, et si non sumus tuti, aut certi, sit ne futurum perpetuum. Incommoda quoque non necessario sequuntur, & dico, quod omnino est deponenda.

Tempus

Tempus iam instat, sol est ingressus Arietem, & ferè sumus nunc in æstate, & quia dixit Excell. Vestra, quòd tempus hoc sit satis inconstans, quod uerum est, si enim tale tempus perseveraret, omnino nolim fieri. Sed si aër fieret temperator, uelim fieri hanc operationem. Quare eam differre non esset inconueniens. An sit periculum in dilatione? Credo minimum esse periculum in hoc pauco tempore, cum tot sint anni, ex quo patitur suffusionem. De collyrijs applicandis, uelim ea omnino esse temperata ex Fornugræco & radicibus Althææ. Rectificetur etiam ratio uictus,

Sequentia eidem ordinata sunt,

℞. Saponis Damasceni lib. 1.

Caryophyll.

Macis

Cinamomi

ana 3 1. 2.

Iridis

3 2.

Syracis Calamitæ

3 1.

Ambrae

Musci

ana g. 3.

Agarici electi

3 2.

Puluerizanda puluerizentur, & reformatur sapo in forma pillularum, secundum artem. Utetur in lotione capitis. Item

℞. Floris Calsiæ

3 12.

Cum saccharo fiat bolus.

Item

℞. Euphrasie

Betonice

Saluie

Maioranæ

Endiuie

Rosarum rubearum

ana M. 2.

Bulliant in lib. 9. aquæ ad consumptionem tertiæ partis, deinde facta expressio, & colatura

℞. Nucis Muscatæ

Caryophyllorum

Cinamomi

ana 3 3

Forniculi.

Anisi

ana 3 2

Bulliant rursus ad consumptionem medietatis, deinde facta expressione & colatura syrupizetur cum saccharo albo, & aromatizetur cum duobus granis Musci, & totidem Ambrae.

Postea

℞. Huius syrupi

3 2.

Aquæ Betonice

3 4.

Misce pro uno, & sic pro alijs, septem uel nouem. Finitis syrupis sumat sequens medicamentum

℞. Confectionis Hamech.

3 4.

Syrup. rosat. solutiu.

3 3.

Cum aqua Betonice fiat potio: sumat præterea interdum de hoc Elecuário

℞. Nucis Muscatæ

Macis

Cinamomi

ana 3 1.

Caryophyllorum

3 2.

Seminis Anisi

3 4.

Thymi

3 1.

Sacchari rosati optimi ex rosis rubeis

3 6.

Musci

Ambrae

ana g. 6.

Q 3

Cum

Cum modico Iuleb fiat mixtura. Postea utatur maxime pro oculo bono infra scripto pro collyrio temperate.

℞. Fœnugræci 3 2.
Radicum Althææ minutim incisarum num. 6.

Mundentur optime ab omni sordē, deinde coquantur simul in s. q. aquæ purissimæ, ad consumptionem duarum partium, postea colentur, & exprimantur, Deinde

℞. Aloës optimæ, puluerizatæ 3 1.

Bulliant omnia simul sine fumo, ad spissitudinem mellis, & seruentur in vase uitreo, bene obturato.

Alij cuidam ordinata, per hyemem in periculo suffusionis,

℞. Specierum Hieræ simpl. de 6. reb. Galeni 3 6.

Agarici electi 3 3.

Rhabarbari electi 3 2.

Myrobalanorum Chebulorum 3 1.

Zinziberis 3 8.

Salis gémmae 3 1.

Contundantur omnia per se, deinde inspergantur aceto Scyllitico, & permiscantur exiccati, & ita iteretur ter, postea cum syrupo rosato solutio fiat Magdaleon, de quo fiant pillulæ, pro singulis 3 3.

℞. Fœnugræci 3 2. à puluere, & sordibus mundati

Radicum Althææ opt. lotarum, 3 3.

Decoquantur omnia in s. q. aquæ purissimæ, ad consumptionem duarum partium, custodiendo à fumo, & fauillis, deinde facta diligenti expressione, & colatura

℞. Aloës optimæ, puluerizatæ. 3 1.

Decoquantur omnia simul ad consistentiam mellis, & bene seruetur. Perfecta suffusio nunquam curata fuit, nisi manuali operatione; & tamen postea deterior fit.

De suffusione, & imbecillitate uidendi.

Consilium LXXX.



RISIMELICA. Queritur de debilitate visus, & quod parum uideat distincte, & imagines quasdam, & ueluti flammæ cernit, & in oculis uidetur obsessa pupilla, maxime in altero &c.

MONTANVS. Circa ea symptomata, quæ enarrata sunt, non immorabor, uidenda est causa, & quam habeant occasionem, ut inde cura rectius instituitur. Et primo, temperatura & naturalis dispositio corporis uidenda, & membrorum, & maxime oculorum. Hepar ex toto ambitu apparet calidum, cum siccitate, quia color est nigrior, ostendit sanguinem tendere ad adustionem, & uenæ ampliores sunt. Ex hepate calido, & sicco sanguis crassior, facit spiritus turbidiores. Nam qualis est sanguis, tales generantur spiritus, & hepate calido existente tandem uentriculi coctiones sunt deteriores. Et in hoc iuvene uerisimile est uentriculum non satis concoquere, & conficere cibum, sicut fieri solet in ijs qui sunt humidiores, & habent caliditatem magnam. Quod ad caput, audio, quod semper laborauerit catarrhis, ut purgaretur etiam per nares, non multum tamen, & nunc capitis grauitatem patitur, quæ indicat materiam adesse propter plurimos uapores eleuatos à uentriculo, uel etiam, quia ob debilitatem plurimum alimentum non recte concoquitur. Et credo in hoc iuvene utrunque contingere, nam calidum hepar facit caliditatem per totum ambitum uenarum, & ita plurimi uapores ascendunt ad caput. Ideo etiam dicit Gal. qui hepar calidum habent, semper habent caput repletum. Secundo, uentriculus frigidus, & ipsum etiam

etiam cerebrum debile fortassis, ut non concoquat proprium alimentum. Si enim calidum est caliditate ignea, non concoquit, ut debet. Deinde siccus est, ut ex toto habitu capillorum & temperatura constet. Sunt enim tempora plana, & tota facies tornatilis. Considerata temperatura membrorum principalium: etiam oculi temperatura uisenda, quia semper actio sequitur dispositionem passivam, ut uult Aristoteles. Hic nunquam habuit perspicaces oculos, sed semper fuit dispositus ad tales passiones, & circa oculum sinistram uidemus magnam copiam humidi, tendentem uersus pupillam, ita ut media pars pupillae obducta sit a superiori parte, quae impedit uisum. Ita ut cum maxime inspiciat, non totam uideat. Habet & aliud symptoma, quod non apparet, sed ex eo audiuius. Circa noctem uidet flammam, & uelut scintillas, quae symptomata causas habent ualde consimiles temperaturae, iam antea enarratae: quae multo in ocio inordinate postea aucta est. Causam credo multitudinem materiae uiscosae, pituitosae, & adustae descendente ad eam partem, quae est inter corneam, & pupillam, & credo iam incipere suffusionem, sicut satis apparet ex dictis. Imagines autem illae apparent propter spiritus perturbatos a uaporibus eleuatis. Ignis apparet uesperis, propter retentos spiritus, ut Galenus refert de frictione oculorum, quia spiritus, qui uespertino & frigidiori aere reprimuntur, condensantur, & postea eliciuntur lucidi, sicut fit in ictu.

PROGNOSTICVM. Quod ad descensum aquae, & materiae pituitosae, nunquam hactenus uidi curatum aliquem, qui maculas illas haberet, quin semper perseueraret. Cum est integra suffusio, chirurgica manu curatur, sed non perseuerat, imò plerique postea in deterius recidunt, ut & Germani proverbium habent. Nil prodest oculis, quare praeservatione opus est. Abstergatur potius cornea, quam remoueantur illi humores, si tamen fiet curatio, imagines quae apparent tollentur, & fortassis curabitur integra suffusio.

CVRATIO. Materiae ascendentes ad caput, diuertendae sunt, & auertendae, ut non ascendant, & si quid ascendit, id sensim euacuandum, & corroborandum caput, ne recipiat, magis tamen auertenda materia ad partem oppositam, & ut solemus, primo uniuersalem curam praemittere, facienda primo uniuersalis euacuatio corporis. Sanguis fortasse mittendus, si ob calores possumus. Melius igitur ut expectemus autumnum, donec isti calidi dies praetereant, postea in autumno ordine procedere poterimus. Post uniuersalem purgationem in auersione spem ponerem, primo cauterijs, quae auertent materiam ad partem oppositam, & maxime disiunctam. Si non uolumus diuerrere etiam, sed auertere tantum, & sic tutior in tibijs. Sed ego in brachijs facerem, quia simul etiam uelim diuerrere a loco, & auertere. Secundo diuersionem facerem per pharmaca statutis diebus, uel bis in septimana uterer pillulis, quae facerent materiam semper descendere, & maxime Hiera praedicatur a Galeno. Confortarem quoque caput lotionibus. Sternutatoria cauere, quia attrahunt materiam ad loca uicinali loco affecto, sed masticatorijs uterer. Habet familiaria Electuaria, quae in usu sunt, & a V.E. ordinabantur.

De oculis

De oculis

De oculis

De oculis lachrymantibus ex destillatione: quae maxillam etiam, aures atque dentes uexat, pro Iudaeo Turcico.

Consilium LXXXI.



PORTET nos considerare ueram rationem horum symptomatum, ideo sciendum, quae sit naturalis dispositio corporis, ut possumus uidere naturam morbi, & ueram curam. Quantum ad habitum corporis, qui exterius apparet, ut nigredo, bonitas intellectus, &c. statuo hunc esse calidum, & in qualitatibus passivis siccum per excessum. Quod enim habet uenas largas

indicat hepatis caliditatem, pulsus magnus, neque audax, neque timidus est, indicant tamen periem cordis. Renes quoque calidi, ceterum omnia indicia sunt ventriculi frigidi. Semper enim hoc contingit, ubi est magna caliditas hepatis, sequitur frigiditas ventriculi. Consumitur enim multitudo carnis, quæ est in fundo ventriculi. Nec omentum pingue est, nec muscoli habent debitam crassitudinem. Habet ergo primum caliditatem hepatis, quod dum attrahat nutrimentum à partibus vicinis, facit, ut sit ventriculus frigidior. Deinde abundat excrementis capitis plurimis, & tamen non videtur tanta imbecillitas capitis. Nec cerebrum multum calidum est, excrementa etiam non sunt excessiui caloris, lachrymæ non habent falsedinem, sed potius ea procedere videtur à quadam admissione pituitæ falsæ, non multum tamen vitiosæ: ergo necessarium est membrum esse frigidum. Excrementum enim rationem membri, cuius est excrementum, ostendit: frigiditas autem est potissima causa pituitæ: excedit igitur cerebrum in frigiditate: ut non satisfaciat proprijs actionibus, non multum tamen excedit in frigiditate, & mala ratione victus potest esse factum frigidius: siccitas autem in cerebro manifesta est, facta comparatione ad cerebrum hominis temperati, uiget intellectus ratione siccitatis, ut est apud Aristotelem, qui asserit sapientes omnes esse melancholicos. Cum igitur membra essent parata ad dispositionem præter naturam, primo caput redditum est seipso debilius, quare superfluitates aliorum membrorum recepit, & sit hoc præcipue in ijs hominibus qui calidum habent hepar, & frigidiores ventriculus, & sunt maxime dispositi ad capitis repletionem. Recipit igitur caput excrementa ratione membrorum mandantium, & suæ imbecillitatis 2. de diff. feb. Tum caput est repletum, & in eo materia collecta est, cum præsertim in ratione victus etiam peccaret. Lachrymæ erant subfalsæ, plurimum pituitæ ascendebat, eaq; aliquid adustionis habebat, unde factæ sunt lachrymæ falsæ. Postea cum accessisset mala victus ratio, & quia dormiuit sub dio, & alia fecit ad præparandos varios humores, & uapores conducuntia, congregatis plurimis excrementis, non tantum sunt expulsa ad oculum, sed etiam ad maxillam eiusdem lateris descendit humor, & carnes illæ laxæ receperunt, unde destillarunt ichores quandoque crassi & purulenti. Albedo autem erat non ratione paræ, sed quia pituita alba est. Quod autem maxilla non mouetur, non est mirum, cum ex repletione musculorum fiat hoc, ut non possit moueri, & reliqua accidentia in dentibus & auribus, in quibus gravitatem sentit, omnia ab hac causa processerunt. Hic nascitur difficultas, utrum perseverante lachryma iam duobus annis, sit facta fistula, seu foramen sensibile, à cerebro ad locum illum, aut potius ut porus, quod non est adeo inconueniens, cum à natura hoc modo fiant in pueris.

PROGNOSTICVM. Si uult seruare exquisitam victus rationem, spero quod curabitur.

Curationis autem huius affectus, quo affligitur hic uir, potissimum fundamentum est, ut prohibeamus materiam, ne destillet; hoc uero nequaquam facere possumus, nisi membris mandantibus prospiciamus, ita quod tota ratio curæ consistat in eo, ut membra corroborentur, hepar scilicet, uentriculus & cerebrum, ne generentur excrementa in corpore. Quod maxime fiet recta ratione victus, in qua quidem cum multipliciter delinqui possit, in aëre, cibo, potu, & reliquis, ideo curabitur sibi uiuat, & non alijs, quare non amplius peregrinabitur. Proposita recta ratione victus, bis in anno purgabitur, uere inquam & autumnus. Modus uero purgationis erit iste:

℞. Specierum hieræ simplicis 3 2.

Cassia 3 1.

Fiat bolus, detur ante prandium hora una. Postea utatur septem uicibus infra scripto syrupo:

℞. Syrupi de storace 202 3 1.

De infusione rosarum 202 3 1.

Decoctionis forniculi

Anisorum

Rosarum 3 4.

Misce.

Sumat

Sumat deinde infra scriptam medicinam:

℞. Pillularum cochiarum 3 4.

Cum melle rosato fiant pillulæ, quas sumat mane cum custodia. Interdum una hora ante coenam sumat tres infra scriptarum pillularum:

℞. Aloes optimæ

Agarici electi ana 3 3.

Myrobalanorum chebulorum 3 2.

Nucis muscatæ 3 1.

Pulverizentur & commisceantur, deinde aspergantur cum succo rosarum, & persmittantur exiccare: postea cum melle rosato fiat magdaleon, de quo fiant pillulæ pro drach. 3. uel sumat pillulas de hiera simpli. solas, uel cum Rhabarbaro aloë: in hyeme uerò pillulas de tribus. Mastichen masticeet mane, & expuat. Pro confortatione infra scripto remedio utatur:

℞. Tutie optime præparatæ

Corticum ouorum pulverizatorum

Aloes optimæ ana 3 1.

Intoluantur in panno lino, & fiat pila. Infundatur in aqua fœniculi, suspensa cū filo: postea saepe in die exprimatur ea pila in oculos, uel sola aloë puluerata in aqua rosarum posita, quæ roborat, abstergit, & purgat oculos ut uentriculum. Si uerò perseveraret mala dispositio oculorum, & sentiret se non leuari cum remedijs superscriptis, fiant cauteria & fontanellæ in utroq; brachio supra cubitum, per spacium quatuor digitorum parte exteriori tenendo semper aperta cum pila cerea, sicut solet fieri. Corroboventur autem membra, hepar, uentriculus, & caput: & inter reliqua maxime laudo zuccharum rosatum, quod uidetur esse proprium morbis uentriculi & hepatis: abstergit enim, corroborat caput, & prohibet ascensum uaporum. Habet decoctum ex malo granato, balauistijs, rhu obsoniorum, hypocistide, & similibus in uino, quo os abluatur. Caput etiam corroboretur calefacientibus, aspergendo ei pulueres, tum etiam decoctis factis ex maiorana, camomilla, agarico, & cum sapone confecto cum agarico, abluendo caput uesperis, & postea domum non egrediantur. Caput purgia hic quoq; conueniunt, quibus etiam Galenus in morbis oculorum utitur. Quod si aliquis dicat hoc esse male factum, quod diuertamus materiam ex cerebro per locum affectum, is aduertere debet, quod tunc hoc licet facere, quando exquisitissime corpus est purgatum: quam exquisitissimam purgationem nisi præsupposuissem antea ab eo fieri debere, nunquam ei masticatoria proposuissem: gingiuas enim etiam habet paratas ad fluxus, neq; tuta essent caput purgia: diuersiones potius fierent ad partes posteriores, cum frictionibus & cucurbitulis liccis in dorso. Sed his non iuuantibus, postremo (ut iam monuimus) ad cauteria erit confugiendum.

Pro muliere, laborante Morphæa in facie.

Consilium LXXXII.

D. Crassus.



Obilissima mulier, patitur defœdationem in fronte, quæ descendit infra oculos, & occupat partem aliquam faciei, à Nouembri usq; in hunc mensẽ Aprilis. Credo cum esse morbum, qui Græcis ὀφθαλμία dicitur, & prouenit à quouis humorum malorum, qui mixtus sanguini corrumpit eum, & à natura inde ad cutim expulsi, eam uiciat. Euacuatum hæcenus est corpus secta uena, datum postea Rhabarbarū ex infusione, nec tum mitigatus est morbus, sed potius exacerbatus. Applicata quoq; localia sunt extrinseca, quæ exicarent, & roborarent, nihil profuerūt, ita ut uideatur melius habere, cū nihil exhibeatur. Vnū est mirabile in hac muliere, semper enim augetur morbus, cum patitur suos menses.

MONTA

MONTANVS, Si uolumus aliqua afferre remedia huic dispositioni præter naturam, qua laborat nobilissima scœmina, oportebit prius diligenter uidere ipsam dispositionem, à quibus causis pendeat. Et licet ego ante hac non uiderim, quia tamen ex hac accessione, & ex dictis uestris, potui intelligere naturam huius defœdationis esse talem: Color subalbidus est, cum nigredine quadam, ita ut color cineritius ex albo & nigro compositus sit. Quod ad substantiam, habet abscessum, & ulcus est ex materia adulta, ac sicca, quod si scalpatur profundius, sentitur humiditas emanans. Abscessus satis magnus est, sed aliud aduertendum, serpit, & dilatatur per longum & latum descendendo. Habemus igitur abscessum substantiæ terrestris, cum humiditate, quæ magis in profundo est eius materiæ, ut sit quasi serpigo quædam. Primo inquiramus nomen, & postea eius causas. Impetigo est nomen latum, & multa significans, & uere (sicut ille dicit) nomina sunt, sicut moneta & pecunia, tantum ualent quantum uolumus. Si impetiginem intelligimus, non eam, quam Plinius Mentagram uocat, quæ deterior est, quam hodie sit morbus Gallicus, sed de eo morbo (quem uulgo Volaticam uocant) eo sensu non est impetigo, uel lichen, quia is morbus tantum in extrema cuticula est, hic uerò totam cutim occupat, & est longe deterior. Quæritur, an sit lepra antiquorū, & uidetur quod non: lepra enim, non quæ hodie sic dicitur, sed antiquorū, proportionata est Elephantiasi, nisi quod non carnem & ossa occupat, sicut Elephantiasis, sed cutim tantum, estq; morbus uniuersalis. Huius uerò Domine morbus est particularis, frontem tantummodo occupans. Num igitur *αλφει* est, uel *λευκα*? omnino aliquid tale uidetur, est enim Alphas albus, niger & mixtus, quam uulgo Morphem albam, & nigram uocare solent. Supponatur igitur morbus huius Domine esse ex genere Alphorum. Sed quandoq; pituita, quandoq; bilis, quandoq; humor melancholicus aduruntur. Quæritur, qui hic humor aduratur. Si causas extrinsecas, existentes in corpore, & intrinsecas, & signa etiam pathognomonica, quæ subsecuta sunt, consideramus, dicimus humores mixtos aduri, maxime tamen biliosos. Primo de intrinsecis, quia in similibus facilis transitus. Si quæ unquam mulier à me uisa est, in qua dominatur calor excedens, hæc certe est, ut colligi potest ex colore, motionibus, multitudine mensium, tot pueris genitis, quæ omnia caliditatem arguunt. Et cum caliditas totius sit ratione hepatis, & cordis calidi (ut Galenus refert lib. 2. Artis parue) sequitur quod utrunq; membrum, hepar & cor calidum habeat, id quod etiam ex suis proprijs signis colligi potest. Est coloris subnigri, cum rubedine, est rubedo obscura ad nigredinem tendens, quod arguit adustionem sanguinē in hepate generari, & magis excoqui. Ipsa etiam constantia animi caliditatem cordis arguit, & motus arteriarum magnus. Ergo caliditas maxima est, quia, ut Galenus ostendit, qui calidi sunt, tantum sine excessu qualitatis alicuius passiuæ, abundant carne, sine pinguedine, & ieiunium facile ferunt, quia bono alimento abundant. Quibus humiditas accedit, plus habent pinguedinis quam carnis. Hæc modestissima Domina est carnosissima admodum, sine pinguedine. Ergo calida, sine humiditate. Neq; adfunt signa alicuius siccitatis: unde perpetuo tali calore existente, qui non retundatur ab humiditate, redundat sanguis, seipso magis excoctus. Ideo multi aggregari humores, sanguis plurimus, feculentus & aprus, ut aduratur. Bis etiam plurima, quæ propter nimium suum calorem facile aduritur. Delinquit postea in sex rebus non naturalibus, sicut semper fit, in talibus temperaturis, habent enim sanitatem integram, non facile læduntur, ideo non sibi præscribunt ullam regulam uitæ, uescuntur rebus sibi forte fortuna oblatis, & mulieres nobiles non exercentur, nunquam egrediuntur domo, nisi in diebus festis, hinc sunt generatæ cruditates, & multo plicata est pituita, ratione multitudinis ciborum, & pauci exercitij, quæ sit postea acrior in corpore calido & sicco, propter ulteriorem adustionem. Præterea consueta est uesci plurima carne bubula, ex qua, quod concoquitur, generat humores crassos & adustos, quod non concoquitur, cruditates. Et ita multæ acceperunt causæ extrinsecæ, præter intrinsecas, accidentia animi quam plurima. Habet filios multos, & magnam familiam, est prompta & ingeniosa, omnia uellet ipsa procurare, ex quo plurimum augentur humores

mores adusti. Audio quoque aliquot menses esse, ex quibus non dormit. Vigiliæ autem faciunt abundare humores malos, & ita aggregati humores adusti plurimi diuersarum materiarum, quos natura querens exonerare, huc expulit. Et quia, ut Galenus dicit: Cutis locus est, ad quem natura solet omnia excrementa expellere, hicque est calor uigens, non obtusus ab humiditate, nec debilitatus à siccitate, ideo uerisimile est, non tantum ad hanc partem, sed etiam ad alia loca materiam expellere: unde menstrua copiosissima habet, cum sit quadraginta annorum, & menses solcant deficere quadragesimo quinto anno, uel quinquagesimo. Ipsa autem nunc plus menstruis abundat, quam dum erat iuuenis, ideo etiam per alias partes expelli materiam, uerisimile est, per secessum uidelicet, urinam, transpirationem insensibilem. Sed hæc materia crassior est, quam ut possit per transpirationem expelli, ideo contingit, quod dicit Galenus, quod cum materia ibi firmata, non possit expelli, producat diuersos affectus, & producat diuersa materia, generet diuersas species morborum, lepram, impetigines, morphæas. Ergo cum & hic tanta sit copia materie, ut per menses, urinam, secessum, transpirationem insensibilem non possit tota expelli. Fertur igitur ad cutim, & quia crassa, ibi hæret, & in facie potissimum. Et quia meatus ibi ampliores, & materia per se à calore eleuatur, primo frontem occupauit, ubi pori laxi: & minor est resistentia ratione caloris, quia ibi non musculi infarci carne, ideo ea pars frigidior, quam ubi plus carnis est, & uenarum: ideo & imbecillior, & ad eam expelluntur excrementa. Hinc patet natura & causa morbi, & sua etiam sequuntur symptomata, quia dominatur bilis, ideo serpit. Est enim proprium & pathognomonicum signum bilis, facere herpetas, & quia non simplex bilis, sed alij quoque humores admixti, ideo color in nigro subalbidus est, color albus pituitam admixtam, color niger, & ipsa substantia terrestris, & crustacea, humorem melancholicum adesse testantur. His ita se habentibus uidetur manifesta natura morbi, humores adsunt adusti, & subtiliores, ideo non profundum occupant, ut humores crassi, nec extremam cuticulam tantum, sicut impetigines, cum materie sunt subtiliores. Materia crassa est, quæ eleuatur quidem, sed pars crassior subsidet, ita ut totam cutim occupet, & exit pituita, quæ paulatim fit acrior, & ultimo facit *τὸν ἄγαντον*. Quare in causa sunt hi humores tres, bilis, melancholia, pituita, omnes adusti, & ex hac mixtura, sunt maculæ in facie, in alijs partibus non itidem, quia materia expellitur per alias uias, alioquin fortassis in longe periculosiorum dispositionem incideret. His ita se habentibus, cum potissimum causa huius dispositionis sit intrinseca, de prognostico unum dicam. Cum essentialis sit ea temperies, & hepar calidius, difficulter tollitur. Oportet enim, ut inquit Galenus, hominem uacare ab omnibus curis, tertio libro artis parua, & de tuenda sanitate. Ad hæc, ut corrigatur temperatura naturalis, opus est multo tempore, & tamen difficillime tolli poterit, & uix tandem emendatur, & insuper est periculum, ne succedente ætate, cum deficient menstrua, & talis caliditas hepatis manere soleat, omnia sint futura deteriora. Credo aliquam partem curationis in euacuatione sitam esse, cum sit repletum corpus, & generet plurimos humores adustos, qui sunt educendi. Sed tamen in illa non consistit cura integra, sed potius in extrinseco quodam impedimento, quod auferendum est, sicut dicam. Nunc in uere sumus, in quo humores mobiles facile euacuantur, facerem igitur purgationes exquisitissimas, non tantum uentriculi, & eorum, quæ in primis meatibus continentur, sed totius ambitus uenarum. Quo facto, facilius erit alterare membrum. Et quia corpus est obediens, darem lenituum ex Cassia, quo facto, darem quoque syrupos alterantes. Et in hoc casu, sero nihil præpono, ac poterit sero multum, & utiliter uti. Exhiberem itaque octo aut decem uncias, libram etiam, omni die, si uenter toleraret, adderem etiam syrupum acetosum simpl. oxymel etiam quod incidit humores grossos, & facit penetrare, darem unciam unam syrupi acetosi, cum succo Fumi terræ, & exhiberem alios convenientes syrupos. Facile enim in tam scelerici temperatura motum aliquem faceret in purgando, cum præsertim sero etiam subducatur alium, neque hic uereret confectionem Hamedij, cuius darem 3. 3. cū decoctione Thama-

Thamarindorum, & syrupo rosato, & uiolato, qui refranarent calorem, & (quod ferè omiseram) dum acciperet syropos, mitterem sanguinem è basilica dextri lateris. Facta incisione, acciperem idem setum caprinum, & infunderem in id Myrobalanos, Epithymum, folliculos senæ, Polypodium, & adderem radices Ellebori nigri, & euacuarem humores adustos ea facilitate, sicut solemus euacuare in morbo Gallico cum syrups nostris, & ita fierent hæ infusiones, ut in unaquaq; esset drach. s. Corticum radicis Ellebori, & possent corrigi cum seminibus citri, & liquiritia. Hæc enim sapientissime expetior foeliciter in educendis humoribus. Vtatur postea recta ratione uictus, & crebro ac multum accipiat sacchari rosati partem, & singulis septimanis Calsiam simplicem, ante prandium hora una. Hæc enim euacuat humores crassos, & refrigerat hepatis. Si uenterculus nimium relaxaretur, adderem uel puluerem Rhubarbari, uel Sandalorum. His omnibus factis, si nondum perfecte curata esset, iuberem bibere aquas Veronenses. Vidi enim Magnificum quendam uirum Venetum ex earum potu curatum esse ab ulceribus pessimis phagadenicis. Ideo crederem, quòd etiam huic plurimum conferrent. Quantum uerò ad localia attinet, ut audio, lædatur à quocunq; adhibito; quia materia est adusta, ideò nihil omnino apponerem ante perfectam euacuationem. Sed postea, ubi facta esset purgatio exquisita, si uellem extinguere calorem, & amouere malam illam dispositionem, non uideo remedium melius, & quod magis sit ad proprium, quam est illud Galeni ex Solatro, cum oleo rosato contrito in mortario plumbæ. Sed illud tamen ipsum non applicarem, nisi completa purgatione. Post emundationem destillantur aquæ, ex succo Limonum, & Thure masculino, & etsi sepius utatur.

Ad maculas faciei, pro nobili muliere.

℞. Olei abietis	℥. 3.
Thuris masculi	℥. 1.
Succi limonum	℥. 1.

Contundatur Thus, & posita cum reliquis misceatur, & ponatur in balneo Mariae, ad lentum ignem, per horas 12. posita distilletur ab artifice, & seruetur aqua ad abluendam faciem, oleum ad inungendam.

Ad soliditatem dentium.

Confilium LXXXIII.

Vatur Vitrioli oleo, bene facto. Montanus retulit se didicisse ex quadam muliere Curtifana, ad quam cum uenisset ad modum iuuenis, post quindecim annos in eodem fere statu eam reperit, quæ dixerat ex oleo Vitrioli se hoc habere, quod dentes, quos in iuuentute pessimos habuerat, pessimos haberet & firmissimos, gingiuas etiam firmas, & addidisse, quod uideretur sibi ob eius usum tardius senescere. Vis erat autem singulis diebus una aut altera guttula, gingiuas & dentes leniter fricando. Montanus his dictis pro curatione cuiusdam hæc ad didit:

sz. Sandaracæ, id est vernicis		
Masticæ	ana	3 1.
Gummi Elemi		
Terræ sigillatæ		
Boli armeni	ana	3 1. s.

Gummi diffolvantur in aceto Scyllitico, & reliqua pulverizentur. Postea cum oleo Terebinthinæ fiat linimentum addita modica cera, & ut prius dixi, mane fricentur dentes cum panno lineo intus & extra, suavis tamen. Deinde laentur cum vino

aromatico. Postremo fricentur leniter cum predicto linimento & dimittatur, ad incanescationem & purificationem dentium. *℞.* Folia Lentisæ q. s. aceti Scyllitici partem unam, aquæ partes duas. Coquantur ad consumptionem aquæ, & os eo calido ablueatur, tenendo illud aliquandiu, & leniter gingivas fricando.

Dedestillatione ad dentes & gingivas & ardore urinæ
pro quodam mercatore Germano.

Consilium LXXXIII.



AVDITIS omnibus dispositionibus præter naturam, quæ in hoc Nobili viro inveniuntur, & mature his consideratis, indicavimus fundamentum totius curationis ad duo potissimum esse referendum; ad rectam scilicet vietus rationem, & opportunam medicinarum applicationem, illud præcipue admonentes, & testantes medicamenta prorsus nihil profutura esse, imò etiam nocitura, nisi recta vivendi ratio adiungatur, ut erat sententia Galeni. Quantum igitur ad vietus rationem attinet, oportebit primo, ut ab omni aëris excessu caveat, præcipue tamen frigido, & humido. Vnde nec in terrenis habitationibus inmorabitur, neque habitabit ubi fenestree ad Septentrionem sunt expositæ, præcipue hyemis tempore, nec noctu dormiat fenestris apertis, aut denudato corpore, sine stramentis. Evitabit etiam radios lunares, & omnino in nocturno aëre immorari. Venti præterea, cuiuscunque generis, sunt illi contrarii, præcipue tamen Austri & Boreas, Cavebit ab omnibus animi moribus, præcipue tamen ab ira, & moestitia. Post prandium, & cenam nec scribat, nec aliquid intentius cogitet, sed hilariter, & animo tranquillo cum amicis confabuletur. Utatur temperato corporis exercitio maturis horis, citra sudorem deambulando. Studebit singulis diebus naturaliter alui beneficiū ut habeat, quod si aliquando defecerit, mane sumat horis tribus ante prandium 3. 2. uel 3. usque ad 3. s. Terebinthinæ Cypriæ, quæ non tantum alvum leniet, sed optima etiam erit ad renes expurgandos, & provocandam urinam, quo auxilio maxime indiget. Ideo consulo, ut bis singulis septimanis hoc utatur auxilio, etiamsi alioqui ventris beneficium habuerit. Somnum meridianum quam maxime evitabit. Est enim suis dispositionibus omnino contrarius, & præcipue destillationi catarrhi. Cibo inter omnia utetur quæ maxime simplici, nihil enim illi deterius, quam epularum varietas, & multitudo. Sed & vino modice utatur, quod sit substantia tenuis, limpidum, transparens, maturū, nec dulce, nec astringens, viribus medocres, quod parcissime bibat. Cavebitque omnino, tanquam a peste, a comotationibus, neque bibat inter prandium & cenam, evitabit piscium omnium esum, præsertim Venetis, ubi pisces, quanto gustu iocundiores sunt, tanto sanitati deteriores. Fugiat omnem usum lactis, & quæcunque ex lacte conficiuntur, sed a caseo præcipue sibi temperabit. Abstinebit a pastibus, leguminibus, rebus frixis in sartagine, ab oleribus crudis, ab omnibus cibis, qui crassum & viscidum humorem generant. Vnde & carnes agnorum sunt illi quàm maxime aduersæ, forte etiam magis quàm porcinae, de agnis loquor minoribus. Nam si haberi possunt anniculi, illos reliquis omnibus carnibus præferrem. Inter prandium & cenam novem saltem horarum intercedant, fugiatque semper satietatem, & repletionem. Parcius tamen coenat, quàm prandiat. Quanto enim erit cœna parcius, tanto coctiones alimenti erunt meliores, & minus redundabit catarrho, & reliquis excrementis. Cum hac diligenter vietus ratione, quæ perpetuo illi observanda est, vel nullo modo est incipienda, nisi sit animus quoque persequendi, spero quod maxima pars curationis sit perficienda. Ut melius tamen, & tutius perfici possit, medicamentorum quoque auxilium non contemnat, illudque in primis observabit, ut singulis annis in vere purgetur, quod etiam summopere laudarem in autumno. Sit autem purgatio hunc ferè in modum.

℞. Electuarij de Sebesten 3 10.

Specierum Hieræ simp. 3 4.

Misce cum saccharo, fiat bolus, dandus tribus horis ante prandium. Deinde

℞. Oxy mellis Scyllitici

Syrupi Byzantini compl. ana 3 1.

Decoctionis Ceterach

Cichorij

Capillorum Veneris 3 3.

Misce pro uno, & sic pro nouem, Sumptis syrupis, accipiat medicinam infra scriptam.

℞. Confectionis Hamech

3 3.

Oxy mellis Scyllitici

3 2.

Cum aqua Betonicæ, fiat potio brevis danda in aurora cum custodia. Quod si abhoreat à potu, accipiat pillulas aggregatiuas pondere 3 1, s. & fiant pillulæ, num. 7. sumendæ in aurora cum custodia. Magis tamen laudo potum, si tolerabit. Peracta huiusmodi purgatione per 15. dies continuos secuturos, accipiat hora una ante prandium & coenam 3 s. optimi sacchari rosati. In medijs uero temporibus, inter purgationes ordinarias, ut efficacius possit præseruari, non dimittet usum Terabinthinæ Cypriæ, de qua antea locuti sumus. Præterea in toto æstatis tempore, laudo, ut ter, uel quater in mense sumat 3 1. optimi Rhabarbari puluerizati cum 3 1. Sacchari rosati opt. tribus horis ante prandium. In temporibus uerò reliquis optimæ erunt pillulæ, de tribus Ruffi, quæ conficiuntur ex æqualibus partibus Myrrhæ, Croci, & Aloës, ut sumat 3 1. per horam ante coenam eodem modo, ter uel quater in mense. Vbi uerò ardor ille urinæ perseuerabit, bibat singulis diebus mane, antequam domo exeat ad sua consueta negotia 3 10. Vel libram unam iuris pulli, in quo decoctæ fuerint Liquiritia & duæ radices Althææ, manipulus foliorum Maluæ, & 3 s. Seminis Citoniorum; ex quibus facta forti expressione, bibat hoc decoctum calidum, perseueret autem per plurimos dies, erit enim remedium efficacissimum, & tutissimum ad ardorem urinæ sedandum. Vnum tamen est præcipue animaduertendum, quod in uictus ratione omiseram, ut quantum fieri potest, abstineat à coitu, nihil enim magis contrarium suis dispositionibus, ita ut si omnia fiant, & in hoc tantum delinquat, plus poterit hoc solum ad destructionem, quam reliqua omnia ad conseruationem. Et si hæc omnia diligenter obseruauerit, spero illi omnia feliciter successura, cum auxilio summi & omnipotentis Dei, cuius nomen sit benedictum. Ad exiccandas gingiuas, dentesq; firmandos, optimum præsidium, & facile parabile; primo, ut semper mane suauiter fricat dentes intus & extra panno mundo lineo. Deinde abluat os cum uino albo aromatico, in quo nulla sit sensibilis frigiditas, postea teneat in ore inter dentes commotos, & gingiuas affectas modicam aceti Scyllitici, & quanto diutius tenebit, tanto melius. Studebit etiam habere frondes Lentisci uiridis, quas facile habere poterit, & semper aliquid leniter ex fronde confusa teneat in ore. Dictamnium etiam Cretense, quod nunc passim habetur Venerijs, teneat in ore assidue leniter

mastigando. Calamus etiam aromaticus, & Zedoaria, si in ore teneantur, &

mastigentur, hoc idem præstant. Decoctum etiam ligni Indici in

uino albo aromatico, quo frequenter dentes colluat,

summopere confert. Patauij 20, April.

Anno Christi 1550.

De destillatione à capite, ulceribus, animi deliquijs, epilepsia,
 imaginationibus melancholicis, & alijs plurimis sym-
 ptomatibus pro Marchione quodam
 Montisferrati.

Consilium LXXXV.



Vpposita tali temperatura nobilissimi viri, qualem audiimus, quæ du-
 pliciter est inæqualis: primo secundum totum, cum recedat à tempera-
 mento per calidum & siccum: secundo per membrorum nobilium inæ-
 qualitatem & contrarietatem: est enim, ut refertur, frigidioris ventriculi,
 & calidioris hepatis. Supposita inquam huiusmodi temperatura, dicamus
 hoc corpus paratissimum esse ex propria sua natura ad multa magnarum ægritudi-
 num genera, & perpetua præseruatione egere. Quandiu ergo fluebant hæmorrhoides
 & sanguis etiam è naribus, utrunq; magna etiam copia, ut intelleximus, & quandiu
 fistulam in ano apertam & fluentem sustinuit, ob tales diuersiones, purgationes, &
 derivationes, corpus hoc aliquanto melius habuit: ubi vero omnia suppressa sunt, non
 sine ratione destillationes, ulcera, animi deliquia, & forte etiam accessiones epilepti-
 cæ, imaginationes melancholicæ, febres acutæ, pustulæ, & exanthemata in cute, ilupos-
 res & grauitates capitis, aliæq; id genus successiue infestant, infestantq; nobilissi-
 mum uirum. His ergo omnibus multisq; alijs, quæ proculdubio progrediente ætate
 succederent, nisi uita interciperetur, prouisurus, proponam duo communia necessario
 tam in præseruatione, quam in curatione seruanda: primo diligentem uictus ratio-
 nem: secundo auxilia quæ haberi possunt, tum per pharmaciam, tum per manuum ope-
 rationem. Quantum ergo ad uictus rationem, circa aëris qualitatem consulo, ut omnes
 uitet excessus tam caloris quam frigoris: propterea æstate atq; hyeme regetur dili-
 gentius quam temporibus medijs: æstatis enim calor sanguinem adurit, & humorem
 præparat melancholicum; hyemis uero frigiditas auget uentriculi imbecillitatem, cru-
 dos humores & flatus generat, & in his omnia sunt semina ægritudinum. In utroq;
 ergo excessu ea cura abhibenda est, ut æstate à caloris iniuria, in hyeme à frigore, quan-
 tum fieri potest, se muniat atq; defendat. Somnum & uigilias ita moderetur, ut longe
 magis inclinet ad somnum: longe enim præstat in tali temperatura somnum excede-
 re, quam uigilias. Nihil autem magis perniciosum sibi existimet quam animi insignes
 molestias, siue fuerit ira, siue moestitia, siue timor: hæc enim omnia tanquam uenena ca-
 ueat humores corruptentia, membris principalibus perniciem afferentia, concoctio-
 nem omnem impediencia. Quærat igitur omni ingenio late & succunde cum gratis
 amicis uiuere, occasioneq; omnes alterandi animi euitet. Vsum ueneris neq; omnino
 interceperim, neq; admodum concesserim: parcius tamen eius usum eligerem ad ex-
 citandum potius corpus, quam resoluendū. Caucat quammaxime ad Venerem acce-
 dere uel post plurimos animi aut corporis motus, uel post ciborum plenitudinem. Stu-
 deat singulis diebus excrementa corporis reddere. Quod si uel natura uel ægritudine
 fuerit impeditus, erunt remedia salutaria, ut tribus horis ante prandium uel tres drach-
 mas terebinthinæ deglutiat, uel ius pulli, in quo decoctæ sint betæ, malua, mercurialis,
 & pruna dulcia, uel ut sumat cochlearia duo optimi aceti scilicet, uel ut manducet ac
 deglutiat drach. mediam optimi rhabarbari: hæc enim omnia excrementa alui opti-
 me educunt, ac membra naturalia sine læsione corroborabunt. Corporis autem exers-
 citio, quantum fieri potest, congruis horis incumbat, quæ erunt maxime matutine, siq;
 exercitij genus longum potius quam uelox, usq; ad insignem anhelitus mutationem &
 cutis humectationem: notamq; illi arbitror post exercitium muniendum corpus ab
 aëris frigidioris iniuria, atq; in loco tepido quiescendum, neq; ad cibi sumptionem ac-
 cedendum, nisi ubi prorsus quieuerit anhelitus, & totius corporis aduentitius calor,

ita ut omnia ad pristinum statum redierint. Quantum ad cibi potusq; rationem attinet, obseruetur præcipue ne ingeratur nouus cibus, nisi pristinus prorsus concoctus fuerit & distributus, quo errore sicut pleriq; omnes delinquant, ita ab eo maxime cauendum est, tanquam ab omnium malorum fonte & origine. Accedat ergo ad cibum cum naturali fame, quod ut fieri possit, parce comedat ac bibat tam in prandio, quam in coenatimò si bis in die comederet, corpus illud nõ toleraret, ut multi non tolerant. Laudarem ut potius semel tantũ singulis diebus uesceretur, quàm assidue importunis cibis sibi cruditates & humorum putredines compararet. Et hoc caput est & fundamentum curationis totius, sine quo reliqua omnia corrurent, & necessario destruerentur. Caueat etiam à ciborũ uarietate, ex ea enim prauitas concoctionis, putredo, cruditas, satietas nauetaria, humorum malorum redundantia, & omne ægritudinum genus producit. Sit ergo unico cibo contentus, eligatq; qui optimi sit alimenti. Vinum quærat maturum, colore medium & subrufum, substantia tenuissima, lucidũ, & transparens, neq; acidum, neq; adstringens, qualia multa sunt circa Mediolanum. De particulari autem ciborum electione nihil dicendum arbitror, cum nihil uulgatius, nihil omnibus magis expositum sit, quàm ea maxime expetenda quæ sint optimi nutrimenti, & facili concoctionis; credoq; hæc omnia suę Dominationi iam usq; ad fastidium inculcata. Hæc igitur satis erunt quantum ad totam uictus rationem attinet. Reliquum est ad secundam partem propositam accedere, quæ circa medicationem & chirurgicas operationes uersatur. Pro medicatione igitur compertum habemus, corpora inæqualium membrorũ perpetua præseruatione egere: quacuncq; enim diligenti curâ circa uictus rationem adhibita, necessaria tamen pluribus excrementis redundant, quæ nisi optime euacuentur, morbos pariunt. Ergo bis singulis annis hoc corpus euacuandum iudicamus, uere inquam & autumnos; posseq; euacuationem hoc ferme modo perfici:

℞. Floris cassiæ 3 10.
Rhabbarbari puluerizati 3 2.

Misce, & fiat bolus cum zucharo sumendus mane ante cibum. Sequenti die bibat infrascriptum syrupum:

℞. Syrupi de cichorea Nicolî completi ana 1.
Mellis rosati colati 4.
Aquæ boraginis 4.

Misce pro uno, & sic pro alijs usq; ad septem. Deinde accipiat huiusmodi phatmacum;

℞. Confectionis hamech 3 4.
Syrupi rosati solutiui 3 2.

Cum aqua boraginis fiat potus brevis, sumendus in aurora cum custodia. Quod si forte à potione pharmaci abhorreret, loco eius sumi possent pilulæ aggregatiuæ pondere 3 1. s. uel bolus confectus ex drachmis 4. Confectionis hamech cum diatæ tholiconis drachmis sex. Perfecta hac euacuatione, per quatuor subinde dies laudarem ut mane & uesper ante cibum unciam mediam sacchari rosati deglutiret. Quod si etiam in purgatione ueris post secundum syrupum mitteretur sanguis è basilica dextrinâ teris, crederem hoc præstantissimum fore. Et hæc pro annua purgatione. Pro membrorum corroboratione præstantissimum esset, si bis singulis mensibus, imò etiam ter sumeret tribus horis ante prandiũ bolũ confectũ ex drachma una optimi Mithridanici, & drach. quatuor zuchari rosati. A reliquo pharmacorũ genere consulerem ut posset abstinere; neq; enim tot inculcare corpori præsertim debili proficuum est, cum omnia illud habeant commune quod humanæ naturæ aduersentur, secundum propriam substantiam. De stillicidijs, & potu aquarum thermarum, dicam quod sentio. Primo stillicidia in commissuris capitis prorsus respuo in hoc clarissimo uiro: est enim melancholicus, & augetur exsecatio cerebri, quo nihil deterius melancholicis. Præterea caput, iudicio meo, destillationem illam non patitur, quoniam suapte natura non humidũ sit, imò potius siccum: sed destillatio provenit ob multũ uaporum ascensum, quo caput

augiter repletur. Est autem hoc maxime commune: primo, ut quicumque calidi hepatis sint, ad repletionem capitis sint paratissimi, quemadmodum affirmat Galenus tertio de locis affectis, secundo, quicumque frigidioris ventriculi sunt, perpetuam habent materiam crudorum vaporum per vias latas caput replentium. Non est igitur mirum, si clarissimus uir patiatur destillationes, quamuis etiam suapte natura sit sicci capitis, forte etiam calidi. Quantum autem huiusmodi cerebri temperaturis stillicidia thermarum sint aduersa, testatur Galenus sexto de sanit. tuenda. De potu uero thermarum, forte si quæ essent temperiores, non nocerent, cum & membra naturalia euacuarent, & obstructions aperirent, & robur etiam adderent. Hæc tamen iuuamenta fluxa temporanea essent, quibus postea succederet exiccatio ab omni thermarum genere inseparabilis: quam exiccationem quæ incommoda uitæ consequantur, omnes medici norunt. Ex his facile est uidere, quid ego de aquis thermarum sentiam. Quantum ad chirurgicam attinet operationem, laudo primum, ut quacumque arte fieri potest, commode fistula renouetur: plurima enim mala & orta & oritura arbitramur ex illius fistulæ suppressione. Quod si etiam hæmorrhoides prouocarentur, quibus & antea fuit subiectus, fortè & fistulæ uicem supplerent. Sed præterea summo opere laudo ut cauteria fiant, non circa humeros, imò in utraq; tibia in loco consueto. Membra enim naturalia sunt illa, quæ patiuntur, & caput in consensum trahitur: & ideo auersiones circa inferiora sunt faciendæ, credoq; ex crurum cauterijs non mediocriter successurum iuuamentum, præcipue si reliqua quoque instituta conuenerint. Omninoq; illud concludimus, necessario aperiendos esse plures ueluti fontes, quibus redundantes huius corporis materię continue deriuentur, auertantur, & expurgentur.

De catarrho, tussi, anhelitus difficultate, dolore capitis cum uertigine,
dolore podagrico, & œdematiceo tumore cruris,
pro Duce Melpheni,

Consilium LXXXVI.

Intellectis his omnibus quæ à clarissimo Doctore diligentissime explorata sunt circa dispositiones præter naturam Illustrissimi, & Excellentissimi Principis, & proregis in Italia Regiæ maiestatis Galliarum: uidetur hæc esse summaria Patitur primo destillatione catarrhi ad partes subiectas, quæ interdum difficultate anhelitus inducit; assidua tussicula infestatur, non nunquam etiam podagrico dolore afficitur, ac præterea œdemate, & tumore crurum laborat, dolore etiam capitis, & uertigine non parum uexatur. Quæ cum à nobis diligenter perpenſa considerataq; fuerint, coniecimus probabilibus rationibus ducti, fontem primariq; originem horum omnium symptomatum esse imbecillitatem membrorum naturalium ex frigidityte contractam, quæ quidem frigiditytas excessit, tum longo ætatis prouectu, tum etiam mala uiciis ratione in omnibus sex rebus non naturalibus. Hoc ita esse satis indicare potest tumor ille pedum œdematiceus, & sanguis aquosus, qui ex fluxu hæmorrhoidis conspici solet. Ea igitur ita existente intemperie frigida tum uentriculi, tum hepatis, par est omnia consequi symptomata enumerata, præcipue cum his accedat quoque, ut audio, capitis intemperies frigida: plurimi enim vapores crudi tum à uentriculo, tum à toto corporis ambitu ad cerebrum ascendunt: itaq; non mirum est, si inde destillatio continua generetur, cum ea materia uaporum sit perpetua. Sequitur etiam, ut raptu materię, & catarrhi descendens secundum locorum diuersitatē uaria sequantur symptomata, tussis inquam, anhelitus difficultas, dolores articulares, capitis etiā grauitas, dolor & uertigines. Quæ cum ita se habeant, habita ætatis ratione, iudicamus Illustrissimum Principem multa præseruatione indigere, moresq; ideo illi permu-

tandos esse, ut proculdubio longe facilius sit præseruare, quàm curare. Quæ quidem præseruatio nullo modo à Medico fieri potest, nisi Illustriss. princeps eodem prorsus studio teneatur. Primo igitur tota uictus ratio immutanda est, aerisq; excessus omnes summopere uitandi, frigidi tamen præcipue & humidi. Cauebit flatus omnes, tam Austri quàm etiam Boreæ. Fugiat quantum fieri potest omnes animi molestias, atq; à coena & prandio ociabitur animo & corpore, nihil uel intense scribendo aut cogitando, aut dictando, ut Principes solent, sed molliter deambulabit. Neq; dormiet interdum, nisi in tota ætate fuerit consuetus, uel plus æquo noctu uigilauerit. Si ergo dormiendum fuerit, somnus erit perquam breuis, & si fieri potest, non decumbat. Procurabit singulis diebus, ut uenter obediat, & si natura desuerit, supplendū est. Propterea quàm maxime probauerim frequentem usum terebinthinæ Cypriæ; nam præterquam quod uentrem leniet, conferet etiam catarrho & pectori, neruus cerëbrumq; corroborabit, urinā prouocabit, quod senibus præcipue maxime est expetendū. Si etiam caricis, aut ficibus aridis pinguioribus utetur, serè ad eisdem usum conferet. Sumere etiam interdum oxymel scilliticum, uel acetū eiusdem scillæ, si uenter tolerabit, summopere proderit, non tantum ad molliendam aluum, sed etiam ad humores crassos uiscidosq; incidendos, ad tussim & podagram. Consulerem quoq; ut aliquo florum, uel omnibus interpolatim, & alternatim uteretur, etiam absq; leniendæ alui necessitate. Quantum uerò ad cibum & potum attinet, primo illi omnis mensa Principum lauta & deliciosa omnino interdicenda est: unico enim cibo & simplici contentum esse oportet, qui sit facilis concoctionis, & optimi nutrimenti. Neq; in eligenda materia multum immorabor, cum uulgarissima sit, habeatq; assilientem medicum prudentissimum & doctissimum. Potus sit uini minime dulcis, sed maturi, clari, limpidi, & unius saltem anni, non multum potens, medijs coloris, quod etiam parce bibat: abstinebitq; omnino à potu à prandio & coena. Hac uictus ratione sibi proposita utatur, quæ nullo modo uarianda est, sed habitus in ea faciendus: habere enim in præseruatione, serè totam spem debet. Laudo postea, ut nonnullis etiam medicamentis utatur, quæ possunt uentriculum & hepar corroborare, & ab illis intemperiem frigidam remouere. Laudo igitur ut utatur ante cibum diatrionpipereon, quod in rotulis ex saccharo conficiatur, uel diacalamento eodem modo confecto. Nonnunquam etiam summopere conferet usus Mithridatici antiqui, quod ego theriacæ prætulerim in Illustrissimo Principe. Vbi præterea compertum erit medico prudentissimo corpus idoneè euacuatum esse, neq; tendundare excrementis, laudarem tunc temporis frictiones quoq; omnium membrorum, & balnea aquæ dulcis, in quibus tamen decoquerentur rosæ & chamæmelum, & aliquid etiam ablinthij, ut simul & calor innatus augeretur, concoctiones distillationesq; fierent meliores, ac præterea tonus singulis membris adderetur. Quæ intentiones etiam augebuntur, si post frictiones & balnea totum corpus inungatur ex oleo garyophyllorum odorato, uel ex resina, aut gummi nucis muscatæ, quod iam deferri incœpit à Lusitanis: est enim præstantissimum remedium, quod multa experientia comprobauimus ad omnes artus corroborandos, contra podagram, & morbos articulares. Consulerem præterea, ut singulis annis Illustrissimus Princeps bis purgaretur, uere inquam & autumnò: esset autem purgatio mitis, conueniens ætati, & nobilitati. Neque ego transcenderem in purgatione usum casisæ & Rhabbarbari, augendo & minuendo dosim, prout purgatio bene succederet, & uirtus toleraret: nulla enim purgatio est tam exquisita, quæ perfici non possit his benedictis medicamentis, si modo dosim pro uiribus metiamur: nullus præterea humor est in humano corpore redundans, qui his duobus medicamentis educi non possit, siue ille sit crassus & uiscidus, siue terreus adustus, siue subtilis & biliosus, ut quotidiana experientia deprehendimus, & ut restatur quidem apud Græcos Actuarius, apud Arabes uerò Mesue. Non ergo hæc medicamenta excedenda putauerim. Quantum uerò profuturæ sint annuæ huiusmodi purgationes repetitæ in affectibus Illust. Principis, restatur Gal. tum in lib. Quos, quomodo & quando, &c. tū in meth. de missione sanguinis. Ut tamen melius præseruari possit.

possit Princeps Illustrissimus, non displiceret, ubi prius aliquanto tempore omnia, quæ diximus, recte peracta fuerint, accederet etiam ad utriusq; cruris cauteria: plurimum enim possunt in avertendis vaporibus, & humoribus, qui raptum habent ad caput. Consulo etiam, ut familiarem habeat usum, ut mane massichen mandat, ut inde caput purgetur, uel garyophyllum, uel portiunculam nucis muscatæ, uel folia dictamni Cretensis, quæ non sint arida. Ista enim plurimum poterunt ad expurgandum caput, neq; ascenderem ad ualidiores apophlegmatismos, sed his tantum esse contentus. Quantum uero attinet ad errhina, quæ uulgo caputpurgia appellantur, dimitterem huiusmodi auxilia in Principe Illustrissimo, tanquam quæ nimis excutiant, agitent, & commoveant. Hæc omnia si diligenter, & suo quoque tempore recte peracta fuerint, spero Illustrissimum Principem præseruandum, tum ab his symptomatibus, quibus nunc afficitur, tum etiam à deterioribus, quæ in neglecta curatione contingere possent, ad laudem Dei omnipotentis,

De catarrho frigido cum summa debilitate
membrorum naturalium.

Consilium LXXXVII.



Asus per Phrilemicam. Aguntur plurimi anni, quod uidi istum puerum, & ferè semper cum obstructione membrorum naturalium hepatis & splenis: ita ut sæpius laborarit, aliquando febri, aliquando Dissenteria, aliquando alijs morbis. Anno superiori percussus est baculis & ob eas contusiones ualde læsus est circa collū & dorsum: euasit tamen, sine meo auxilio, post secuta febris. Ego uocatus misi sanguinem, & curauī cū magna difficultate, propter tumore splenis & obstructiones. Erat autumnus, iussit ut rus iret præscripta ratione uicius & alijs quibusdam, quæ corroborarent membra naturalia: quæ omnia neglexit, suo modo uiuens. Ego eum non uidi amplius: sed recitant ipsi incisisse eum in tumorem & inflationem omnium membrorum & præcipue crurium, cum magna totius corporis imbecillitate, urinæ etiam uidebantur extraneæ, nihil omnino recte, uiuebat suo modo ita per Hyemem usq; ad Bacchanalia. Et si uidebatur aliquanto melius habere, nunquam tamen erat integre sanus: non bene egerebat, & aliquando cibum euomebat: quod magnam arguit imbecillitatem membrorum naturalium. Postea de nouo iterum inordinate uixit, & accessit etiam ad saltationes, superuenit alia febris cum pustulis quibusdam per totum corpus, quas anus quædam uariolas dicebat, medici petechias cum febre pestilentiali, miserunt sanguinem, ad quod secuta paralytis totius eius lateris, quæ cum recessit, mansit impedimentum in uolueno collo, membrorum naturalium magna debilitas, tumor & inflatio pedum sub noctem præcipue, poterat tamen ire quo uellet. Nunc afficitur etiam catarrho à capite ad uaria loca defluente, maxime tamen ad collū & eius motum impedit, ante ad humeros etiam. Sed eo nunc non amplius uexatur. Et nisi huic catarrho succurratur, periculum erit de Hydropo, uel apoplexia aut subita aliqua Paralyti.

MONTANVS. Symptomata quibus affligitur hic Iuuenis notissima sunt, & sensui apparent. Primum, de quo maxime conqueratur est tumor in collo, impediens sensum & motum: sensum, quia percipit dolorem obtusum, præcipue sub uesperam. Motum quia non potest mouere & flectere in partes, ante, retro, dextrorsum, sinistrorsum. Secundo, queritur de dolore capitis grauatio, quasi uideatur trahi deorsum. Item quod sit aliquid in capite, quod uideatur moueri. Tercio male concoquit & uomit cibum, multis mensibus intumescunt crura uesperis, & in omnibus partibus corporis sentis lassitudinem. Pro his querit consilium. De præteritis nihil dico, quia eorum fiet mentio in inquirendis causis, quæ sint necessariz ad curationem, præcipue

autem uidendum est, an omnia ab uno pendent primo, an à diuersis, id enim plurimum refert, si ab uno primo, eo sublato, remouebuntur omnia symptomata: si diuersa, erit quoque diuersa curatio & composita. Dicam quod sentio, primo de causis intrinsicis dispositiuis, has uideo ex parte temperaturæ & compositionis perpetuo dispositas ad has ægritudines, habet caput & collum non proportionatum reliquis membris, pectus angustum, membra inæqualia, nec dici potest calidus & frigidus simpliciter. Siquidem temperatura à totius dispositione denominari debet, hepar calidum habet, quia morbos calidos perpeffus est, & abundat bile; uentriculum frigidum, ideo sæpe in frigidis morbos incidit, semper sensit gurgitationes circa eas partes, & frequentes obstructions habuit, habuit igitur quod omnes facit ægritudines à materia pendentes, uel mediate uel immediate, inæqualitatem horum membrorum, ob quam pituita & bile abundat, & ideo naturalis dispositio fecit pro aggregatione humorum. Caput etiam deformè, quale Therfites habere dicitur ab Homero, maius proportionè & acutum, quod signum est, materiam quidem redundantem fuisse, sed non bonam, & ita ratione composituræ, caput aptum est ad recipienda excrementa. Cum igitur membra generantia materiam naturaliter ad hoc disposita sint, ut multam materiam generent, & caput membrum recipiens debile, & aptum ad recipiendum ratione situs, & euaporationum ascendentium à uentriculo per uias latas, & propter rectitudinem; ab hepate uero propter calorem generantem plurimam bilem, & sanguinem crassiores & fumosum, & uenas ac uias etiam latiores, ob quas causas, sicut dicit Galenus, qui sunt calidi hepatis sunt subiecti repletionibus capitis. Hinc factum est, ut corpus præparatum sit ad malas fluxiones, propter talem dispositionem membrorum. His ita se habentibus, contigerunt plurima circa causas extrinsecas & intrinsecas, quæ habent uim causæ efficientis, & adduxerunt eum in hunc statum, in quo nunc est. Contusiones circa collum & dorsum, quæ partes debilitatæ & affectæ, ut se ipsi sint imbecilliores, secuta febris, & fuit in timore, accidentia animi corrumpunt spiritus, accessit febris eam obstructionibus, quæ durauit diu, & semper sunt imbecillia membra naturalia, post transactam decimam quartam, ut dicit Auicenna in prima quarti. His factis imbecillioribus, egestionibus etiam sunt mutatæ, non continuit uentriculus cibum ut oportet, & si morbus est ablatus opera uestræ excellentiæ, tamen membra corroborare non poterat, quia dum sufficeretur, utebatur pessima ratione uisus. Cum igitur essentialiter essent male disposita, propter malum etiam regimen incidit in has dispositiones (quia in habentibus symbolum est facilis transitus) uidelicet in obstructiones, luteum colorem, ut minus promptus esset ad actiones, & nunquam fuit in pristino statu post illas contusiones, incidit igitur in febrim, quæ pendebat ex humore frigido, missus sanguis stante crassitate in uenis & frigiditate. Humores igitur redditi crassiores seipfis, & rebelles magis. Auicenna quarta primi, & de tuenda sanitate quart. Item, de missione sanguinis. Ideo etiam statim incidit in paralyfin eius lateris, propter humores crudos, subito illuc delatos. Dum ista febris transiuit, permansit imbecillitas in membris naturalibus, & plenitudo, quo ad uirtutem, humorum crudorum & biliosorum: ex frigiditate uentriculi, & caliditate hepatis, quos dicit natura pellit ad membra imbecilliora, caput repletum, & inde materia destillauit: primo ad spatulas, propter contusiones prædictas, quæ resolutæ sunt; remansit autem circa uertebras colli imbibita, & causat symptomata: impedit sensum, quia dolet & motum, non enim potest moueri. Huius igitur symptomatis causa est materia frigida & cruda, per neruos à capite descendens ad ea loca, & sit dolor ex mala temperatura & tensione, etiam dum destillatur materia, etiam si non moueat. Licet autem hæc materia descendens, à capite generetur, ex parte tamen inferiores partes fouent eam, & præcipue uentriculus facile obstupescit, incidit quandoque in somnum profundum, interdum facile excitatur, propter uapores oppositorum humorum producentes oppositos effectus: atque ita apparent causæ omnium symptomatum circa caput. Habet tensionem magnam circa uentriculum, cum durat, ut uentriculus non possit claudere supra cibum, aut complecti, sicut oportet,

oportet, quod cum non fit, percipitur grauitas, maxima murruratio, & tandem uomitus quæ omnia accidunt, quia non bene complectitur uentriculus cibum, propter opilationes & tensionem. Hic est morbus in compositione, factus ex mala intemperie cum materia & sine materia etiam; quia uentriculus naturaliter frigidior, plus etiam sus frigidatur propter affluxum materie descendens à capite: fit enim circulus ille notus & famosus apud medicos, ut uapores à uentriculo exhalent ad caput, & inde ad ipsum uentriculum materie iterum delabantur: habet igitur uentriculus frigiditatem naturaliter, & per præsentiam materie, quæ est causa illarum obstructionum, & quando bene se non habent illa membra propter obstructionem & intemperiem etiam contrariam, non sunt coctiones uti oportet. Ideo excrementa cruda; quæ sua forma etiam tendunt deorsum. Ideo circa uesperum præcipue descendit ad crura; quia dum ambus lat aperiuntur & dilatantur uis, ut materia facilius dilabatur, ipsa etiam materia attenuatur, & uirtus fortior fit propter auctum calorem, ut materiam expellat ad membra debilitata. Ita uidetis omnia quatuor, quæ in omni defluxu sunt aduertenda, ad hoc esse disposita: Mandans, recipiens, uias, & ipsam etiam materiam, & hæc sunt causæ omnium symptomatum, quæ uidentur omnia oriri ab uno principio, à membris naturalibus generantibus materiam: licet membra præcipue affecta, de quibus ipse conqueiritur sint caput & collum, tamen materia est quæ facit morbum, ad quem sequuntur symptomata, & est unum principium. Ergo curatio simplex, remouere uidelicet causam, quæ facit affectum. De prognostico. An possit curari? Credo non facile, quia membra naturalia affecta, quasi hæreditario affectu à natuitate, & accessit iam habitus, ita ut nisi considerem in adolescentia, non crederem curari posse, sed in ætate spes est. Deinde tanta uis est mali, ut omnes morbi qui à frigida materia fieri possunt, sint timendi, secundum enim diuersum raptum materie fieri possunt Apoplexie uel Epilepsie, Spasmus, Tetani, Opisthotoni, Paralytes, Asthmata, Phrises, Hydropes, secundum quod præcipitabitur materia, sed quia circa caput præcipue perpetua est grauedo. Ideo de Apoplexia uel Epilepsia maxime est periculum: quia iam quasi uidetur stupidus, & perpetuo dormire, nescit explicare quæ uult. Item de Paralyti maximum periculum, quam iam semel habuit. Sed de futuris contingentibus non est determinata ueritas.

CVR A. Si debet curari, fiet id per confortationem membrorum naturalium, & apertionem obstructionum, id quod intendebarum cum primo uisitare eum: sed non poteram agere durius cum eo accedente hyeme, præcludebatur uia eradicandi humores impactos. Ideo sat erat mihi tum, ne caderet in deterius: sed quia pater sollicitus est de filio unico, cui potest relinquere diuitias, & ægritudo est pertinax, quærit curationem instantis. & mauult eam nunc fieri quam postea, quia metuit, ne cadat in deterius, facile accedo in eam sententiam, ut curetur nunc. Inuenienda igitur alia curatio. Si uolumus corroborare oportet humores impactos in uentriculo & primis uenis, neruis & capite euacuare, nec ad id sufficit una coctio, & una euacuatio. Sed necesse est paulatim & alternatim concoquere & euacuare secundum commune præceptum. Leniatur uenter, concoquatur incidentibus oxymel. Syrupus de Betonica, euacuetur cum his quæ sunt accommodata ut Agaricum, confectio hamech, cochlear &c. Postea reiteretur coctio cum fortius incidentibus, & euacuare iterum. Sed quisbus uelles corroborarer? Si tempus esset Thermarum, illæ essent optimæ pro euacuando, corroborando, & penitus eradicando catarrho, sed sumus in inimico tempore, Interim uti possumus amaris, syrupo de absinthio, cichorio, quæ corroborant & aperiant. Electuaria magna: sed ego propter suspicionem morbi Gallici (quantum parentes hoc audire nolint) & pro corroboratione istorum membrorum, & exicatione catarrhi, exhiberem decoctum ligni. Post purgationem tamen exquisitissimam, quæ nunc fieri non potest, calefaceret, exiccaret & confortaret. Non exeat in aërem frigidiorum, sed domi suæ, & in aëre temperato obambulet propter medicinas, ut incommoditas temporis, arte subleuetur. Post collegiū hæc ordinata: R. Calsiæ nuper extractæ ʒ ʒ. Specierum hieræ simpl. Gal. ʒ 2. cum succharo fiat bolus, sumatur statim propter, ita quod cras (ut ipsi arbitrabantur) futurum sit nouissimum.

ꝑ. Syrupi de Beton.

Oxymellis simpl. ana ʒ ʒ.

Decocti Betonicæ ʒ ʒ.

Misce, pro uno syrupo & sic pro alijs.

De catarrho descendente ad uertebras colli, & impediēte
circumgyrationem capitis. Item, de immunda
matrice coniugis, pro Doctore Hieronymo Beck.

Consilium LXXXVIII.

IN eo casu primum locutus Phrisimelica, hæc dixit: Nobilissime confes-
sus, proponitur nobis nobilis Germanus, qui agit annum 55. ætatis, tem-
peraturæ calidæ & humidæ, ut ego possum conijcere, non enim est dis-
tincte id scriptum à Medico quodam, sed ex signis colligo, color enim
corporis rubeus, est mixtus cum albedine quadam; qui testatur super ca-
liditate & humiditate, & optimo sanguine; est etiam uir mediocriter carnosus, lætus,
hilaris, tractabilis, & honorum morum, quæ omnia sanguinem moderatum indicant,
cum certum sit mores etiam ad diuersitatem humorum permutari, ut etiam Galenus
& Hippoc. testantur, in libro de natura humana; pili etiam non omnino nigri, ex quib-
us omnibus colligo probabiliter, esse cum temperaturæ calidæ & humidæ: incidit
olim in quartanam ex usu fungorum, ex qua euasit, ita ut non remanserint affectiones
aliquæ: quæ solent sequi quartanas, ut tumor lienis, laborauit postmodum aliquando
renibus; emisit arenulas, uel ex caliditate renum, uel immoderato uictu, uel negocijs
nimijs, uel equitationibus, quibus multum utuntur Germani, & fortassis ex frequenti
coitu, est enim coniugatus: sed de hoc non conqueritur, nunc autem alio laborat, de
quo consulit nos. Scribitur, quòd laboret dolore in spatulis, prope collū & uertebras,
quem dolorem sequitur symptoma, ut non possit flectere collum in partes, & fortassis
etiam non demittere, ita impeditur motus, & cum uult ridere, percipit dolorem, idēq;
aliquot iam annis patitur, & maxime cum exponitur aëri frigido, iuuaturq; magis à
calido, & læditur à frigido. Quod ad consuetudines, negociosus est in Reipub. nego-
cijs & magistratu, in uictu satis moderatus nunc, etsi iunior indulsit sodalitijs, ut los-
sent nobiles eius regionis: uiuit in regione temperata satis, non palustri nec montana.
Hæc est historia. Querit primo integrum consilium, quomodo possit iuari, an medi-
cinis, an uerò balneis potius, & si balneis curari debet, qualia illi sint exhibenda, &
quomodo; si enim in Germania reperire posset, bene esset, si non dispositus esset huic
uenire. Secundo, querit etiam de honestissima sua muliere, sed dicemus de ipso pri-
mū. Sum istius sententiæ, quòd morbus huius nobilissimi uiri, dicatur defluxus descen-
dens, qui impediatur neruos & motum, ne possit mouere collum ad eas partes: Ideo
dolet, quia motus non est naturalis, sed uolentus, impeditis neruis. Cum enim omnis
motus fiat medio musculorum per uirtutem uoluntariæ motiuam, per neruos ad illos
musculos delatam, ista uirtus necessario recipi debet à musculis, & nerui preparati esse
ad transmissionem. Hic autem impediti sunt & obstructi à re extranea, non quidem
ut non suscipiant (ita enim nullus omnino motus fieret) sed diminute suscipiant, ita
ut si uelit mouere, motus ille sit uolentus, qui causat dolorem, sicut fit à motu uolento,
sequitur enim eum soluta continuitas, & ad hanc oritur dolor. Qualis materia: credo
crassam esse & frigidam, si enim subtilis dissolueretur, & non esset continuus dolor.
Deinde præcipue dolet, cum exponitur aëri frigido, quia tum augeatur illa frigiditas,
quæ est causa difficultatis in illa motione: ut ita fiat maior dolor. Est igitur morbus
huius

huius nobilissimi viri mala temperatura cum materia crassa & frigida, quia non resoluitur, sed durat dolor & est continuus. Item quia laeditur à frigidis. An verò genita sit materia in illis partibus, an verò illoc transmittatur? credo transmitti à cerebro, à quo omnes nervi oriuntur vel mediate vel immediate, & illi qui ad spatulas tendunt proprios sunt, ideo facilius recipiunt. Sed dicas cur caput non laborat, siquidem in eo generetur illa materia? Resp. Quia fortius est & genitam materiam statim expellit, nec mirum est ibi fieri repletionem in tanta ætate, quam in illis partibus magnam esse audio, & regione frigida collata saltem ad temperatam, etsi in victu continens sit, tamen laboribus & versatione in republica multum ingrauescit caput, & congeruntur superfluitates multæ, & forte etiam per consensum est à ventriculo, qui valde consentit cum capite, ita ut à Galeno lib. tertio de locis affectis dicuntur germana illa duo membra, propter mutuum consensum: circa mutationes Lunæ præcipue dolet. Galenus libro tertio de diebus criticis dicit: quod circa novilunium & plenilunium fiant maximæ mutationes in nobis, quia ista duo sydera præcipue in nos agunt, & maxime luna propter vicinitatem & Avicenna de ventosis, crescere in nobis humores ex motu Lunæ, crescere igitur humiditatem crescit causa morbi, ideo morbus & symptomata sequitur.

DE PROGNOSTICO. Poterit curari, sed cum difficultate, etsi enim senes sunt frigidi & sicci, tamen semper ex inconcoctione abundant humiditatibus & excrementis, ita ratione ætatis est una difficultas, deinde etiam regio frigidior & humidior est respectu temperaturæ: præterea si aliquæ malæ dispositiones contractæ sunt in ventriculo & capite, illæ temperies erunt quæ nobis quoque adherent difficultatem: sed nihilominus curatio est aggredienda, quia temperatura bona, ipse obediens, & regio non nimis intemperata.

Ad curam: Quæ curandi ratio? Primo, ut tollatur mala temperatura frigida, cum materia existente in loco, quod cum fiet, locus exercebit operationes: tollemus temperaturam tollendo causam seu ipsum defluxum à capite, postea corroborandum caput, & ventriculus etiam, si is quoque ad eam fluxionem iuvet. Ratio curæ incipiendæ à causis remotioribus, & primo euacuandum totum corpus: utrum sit mittendus sanguis? non possum asserere, sed malim omittere eam, quia humor peccans frigidus & humidus est, regio frigida, & ætas uix admittit, si tamen omnino velit, fiat in uere, sed ego euacuarem corpus alijs pharmacis euacuantibus pituitam, & ita procederem: primo leniatur venter cum cassia & hiera; deinde concoquerem materiam calefacientibus, attenuantibus & incidentibus, ut syrupo de Betonica, de Iua, Oxymelle, melle rosato & similibus: postea euacuarem materiam concoctam cum hiera diacolocynthidis, quæ est optima, pillulis cochij, aut electuario diaphenicon, aut confectione hamech, & quia fortasse non sufficiet una euacuatio, poterit ea reiterari bis aut ter etiam pro exigenti: post euacuationem universalem corporis, euacuarem etiam caput cum caputis purgij, sternutatorijs & masticatorijs, & deventrem tandem ad alterationem capitis, calefaciendo, roborando & exiccando, factio decocto ex betonica, camomillis, steacade, origano, pulegio. Tunc etiam roborarem caput & ventriculum confectionibus magnis, quæ valent ad permutandas temperaturas frigidas, quale est mithridatium, quod optimum apud nos conficitur, & ad eum transmitti potest, & misceri cum saccharo rosato, esset & bona confectio aurea Alexandrina si fieret. Præterea curatis omnibus membris transmittentibus, poterimus postmodum venire ad morbum iam factum, curando euacuare materiam existentem in loco, & auferre temperaturam malam, factis inunctionibus ex oleo camomillino, nardino, masticino &c. si timeretis horum caliditatem, posset addi rosaceum, sunt & emplastra plurima, ad hoc conducentia, sacrum Galeni temperaturam: Item alia quæ sunt calida & sicca. Ad quesitum modo de balneis. Tentanda res primum medicinis, & postea balneis seu Thermis, debent esse calidæ & siccæ, tenuium partium, qualia sunt balnea sulphurea, quæ erunt præstantissima, quod si erunt commista vel calx vel alumen non esset malum, si hic esset, consulerem ut immergeretur in Aponitanis, & acciperet stillicidium, & si illæ non sufficerent, uteretur thermis sanctæ

sanctæ Helenæ, quæ uehementiores sunt, idem in Germania facere poterit, si habuerit talia naturæ sulphureæ, quod si non haberet, esset illius sententia, ut sibi construeret aliquod balneum ex aquis temperatis, in quibus decoqueretur sulphur & alumen, & in illis mergeretur, & sulcidium acciperet. Nam Galenus primo de simplicibus etiam metalla concoqui iubet & illis uti, Sed quæreret aliquis de tempore quo deberet uti Thermis. Hac hyeme quæ acrior nunc est in Germania, & erit antequam hæc scripta ad eum deferantur, uteretur solummodo optima ratione uictus, abstineat à cibis crassis & humidis, à lacticiis, piscibus & carnibus etiam crassioribus, à uinis potentibus, & quia uitur uaporarijs, caueat ne se ex illis subito transferat ad aerem frigidorem, per interualla utetur pillulis, ut interdum cochis, una aut altera pro lubricitate uentris, & euacuatione materiæ, quæ est in uentriculo & intestinis. Adueniente postmodum uere, consulerem ut expurgaret totum corpus, eo ordine quo supra, & tum uteretur balneis ut supra diximus, & uidetur quod plurimum proficere possit. Sed quia ut Galenus testatur, de uictu tenuante in ægitudinibus longioribus præcipua cura consistit circa uictum, præsertim quando materia est frigida & crassa, uelim cum potissimum uti uictu attenuante & tenui: & id ipsa ratio dicat, quia calor naturalis, si non oneretur nimio cibo, uertit se ad materiam, eamque concoquit, partem utilem in nutrimentum transferens, inutilem uero expellens, cum uero plurimo uictu oneretur, calor naturalis supprimitur, ut nec materiam illam aggredi, nec oblatum etiam alimentum recte concoquere possit, ita plurimum pituitæ generatur, & augetur causa morbi.

De coniuge, Quæ scribitur habere matricem immundam, & multo phlegmate onustam, credo eam laborare mensuris albis, habet congestam pituitam in utero, & ideo semel tantum peperit partum imbecilem: qui statim est mortuus. Quæritur quomodo curanda, & an balnea illi quoque cõueniant. Nouit excellentia uestra, quod menstrua alba proveniant aut ex iecore, aut ex uentriculo, crediderim ego quod securum le affectum mittat hic superfluitates suas ad matricem, quæ est receptaculum multorum malorum humorum. Corrigetur alteratione, & sic tollatur mala temperatura illa, exhibebitur primo Hiera cum calsia, postea syrupi quales supra dicti sunt: deinde cochis, uel alia quæ purgant pituitam: sed quia corpus tenue, uteretur hiera sæpius, quæ temperat temperaturam frigidam & humidam. Postea, si biberet aquas balnearum, quæ calidæ & siccæ essent, temperabuntur membra naturalia, uentriculus, hepar & matrix (quod idem fortasse nobilissimo uiro faciendum erit, quod supra omiseram) postea immergetur etiam in ijs, ut magis roborentur omnia ista membra; uteretur etiam confectionibus magnis & mithridato, inungerem uentriculum & hepar oleis calidis: imponerem in matricem corroborantia eam: sed potissimum uictu uteretur attenuante, quæ optima foret ratio curandi.

MONTANVS. Duo quærentur à nobis principalia. Primo, quomodo curandus sit à nobis quidam Dominus in Germania, qui laborat hoc symptomate: Habet circa scapulas & uertebras colli dolorem remissum, sed perseverantem, qui exacerbat sub coniunctione Lunæ: cui est annexum impedimentum in motu ad circulum, non in inflexione, sed circumquaque mouendo. De hoc doctissime conqueritur suis literis, & petit consilium distinctum, utrum competat curatio cum balneis, aut Thermis seu fontibus calidis, an cum pharmacis: quod fortasse sit discrepantia aliqua inter medicos illius loci, utra magis conueniat ratio, uel ipse etiam nobilissimus uir ab alterutra abhorreat. Secundo interrogat circa honestissimam uxorem suam, quæ conqueritur de immunditie uteri, quomodo ea sit curanda. Ut igitur eius dominationi satisfaciam, incipiam à primo. Ex quo patet illud symptoma, qualitate, quantitate, & in quo loco sit etiam, uidelicet circa uertebras colli, apparet iam natura symptomatis. Dolet dolore remisso, qui exacerbatur circa coniunctiones lunæ, & impedit motum circulem: Hæc symptomata nota sunt ex ipsa relatione, sed cause facientes ea latent, & tantum patent medico experto in discursu & curationibus. Quæ igitur sunt cause? est hic dolor & impedimentum motus. Duo igitur læsa circa facultates sentiendi & mouendi, quæ

quæ ambo ad animalem uirtutem pertinet, quæ læsa est dupliciter, in sensu & motu. Querendæ ergo causæ sunt, & primo intrinsecæ. Quia actio animalis impeditur, & omnis actio animalis immediate procedit à cerebro, ergo nocuentum erit uel in cerebro, uel in instrumentis à cerebro immediate procedentibus, qui sunt nervi. Ergo hic est impedimentum uel in cerebro, uel in nervis, uel in utroque. In quo igitur est causa efficiens hoc symptoma? Primo credendum quod sit in cerebro, apparent coniecturæ; audio circa coniunctionem lunæ maxime cum patit; & nos scimus ex Auicenna, cum loquitur de actionibus lunæ, quod uim habeat in nostris corporibus, & præcipue de cerebro loquitur, ita ut id dicat crescere & decrescere ad motum lunæ; & omnes ægri tudines cerebri exacerbantur secundum lunam, ut epilepsia; & omnes defluxus à capite maxime exacerbantur circa coniunctionem lunæ, quæ ut Galenus 3. de diebus criticis, maximam facit motionem, sed intensiue tantum, non extensiue, quia sit in puncto tantum. Quoniam ergo in coniunctione exacerbantur morbi cerebri, non leue argumentum est inde dependere defluxum eiusmodi. Deinde ille dominus est optimi habitus, uividi coloris, bonæ carnis: ergo bene concoquit, & bene distribuit, & primam & secundam digestionem habet ut oportet. Nec consuevit laborare multis morbis, sed mel tantum quartanam habuit ex esu fungorum, & fortasse alia accidentia, & in renibus destillationem arenularum; ita ut si colligamus totam historiam, corpus hoc non est subiectum morbis, quia membra naturalia bene disposita habet. Quod cum ita sit, & hic morbus perseveret, non possumus habere aliam causam nisi cerebrum. Est ergo in cerebro primarius affectus tanquam in membro mandante, & ex eo est origo & fons huius fluxus. Est igitur in cerebro intemperies frigida & humida, uel natura: quoniam sæpe hoc contingit, ut hepar & cor sint bene disposita, & tamen cerebrum sit humidius; uel etiam propter causas extrinsecas, ut quia degit in aëre humidior, & in studio legum difficili uersatur, ac negocijs publicis, unde plurimum laborat etiam tempore coctionis, propter quod impedimentum concoctionis uapores ascendunt, & ita cerebrum laborat; & propter malam hanc uictus rationem non levis est causa huius morbi. Ex his concluderim, temperaturam frigidiorē & humidiorē in cerebro quam oportet, ratione cuius abundant excrementa, quæ collecta tandem, ut Galenus refert de opthalmia, à uirtute expulsiua depelluntur ad locum magis debilem & imbecillum. Iam de membro suscipiente dicendum. Sunt autem nervi: qui siquidem sunt qui suscipiunt nocuentum, ex quo causantur prædicta symptomata. An uero illi etiam consentiant? hoc est necessarium; nam ad hoc ut fiat defluxio, non tantum requiritur ut peccet membrum mandans in generatione, sed requiritur etiam imbecillitas membri susipientis. Quod enim membrum suscipiat, sit uel quia alteratur ad calidum, & attrahit uiolenter, idque duplici ratione, ob dolorem aut inflammationem, uel ex debilitate membri ob aliquam malam intemperiem. In hoc casu nostro sit decursus à cerebro ad nervos. An modo sit uiolenta attractio, an imbecillitas? Credo utrumque concurrere, adest enim dolor qui attrahit, & est imbecillitas. Sed ea an calida, an frigida? Nemini dubium est esse potius frigidam, quoniam omnia attestantur super frigiditate tali, perseverantia per longum tempus: si enim materia calida foret, dissilaretur, nec tandiu perseveraret. Et est dolor remissus, & omnes acuti morbi, ut primo Aphorismorum docetur, sunt uel à materia calida, uel propter nobilitatem loci. Cum igitur hic morbus chronicus sit, necessario eius causa est intemperies frigida. Est igitur etiam debilitas loci, propter intemperiem frigidam, propter quam nec expellit excrementa, nec concoquit proprium alimentum: hæc facit ut facile recipiat, & dolor postea etiam facile attrahit, & ita accipiens dupliciter recipit. Nec est mirum, quia subito generatur materia in intemperie frigida & humida, ideo perseverat & exacuitur in coniunctione lunæ, propterea quod in cerebro præcipue est talis passio. Dolet autem propter materiam presentem, quæ facit intemperiem, compressionem, & solutionem continui. Præterea impeditur in motu, quia ad hoc ut fiat motus, requiritur uirtus illustrans nervos, & obedientia instrumenti, ut sit aptum ad recipiendam impressionem. Hic neutrum est, ut oportet: nam uirtus

non potest illustrare, nam non potest transire ad membrum quod malam habet temperaturam, uel obstructions, sicut radius solaris non potest transire per aerem nimis nebulosum. Hic est materia; ergo uirtus non potest illustrare, & inde spiritus impediuntur & refrigerantur. Deinde instrumentum etiam non potest extendi, dilatari, & contrahi, quod fieri debet in motu. Hic musculus & chorda repleti sunt uiscidis & crassis humoribus, ut non possint contrahi & dilatari. Apparet iam catalogus causarum illorum symptomatum, quorum curatio queritur. Prima causa symptomatis quo ad considerationem, membrum mandans est cerebrum, quod habet intemperiem frigidam & humidam, aggregans humores & excrementa. Secunda, recipiens locus, propter intemperiem frigidam, & in cerebro, & in his membris. Audimus primo de studio, exercetatem quae sola potest resolueret caliditatem cerebri, propter cogitationes, & actiones causarum non ordinatas, quae augent cruditates. Regio frigida, & etas est in 55 anno: primi autem senium terminatur septimo septennio, hoc est, 49. anno, ut in 3. Aphor. sub finem, & inde incipit secundum senium usque ad 63. qui est climactericus maior, sunt enim nouies septem, ex quo paucissimi euadunt, ita ut merito sacrificaret Dijs maximo sacrificio Augustus Caesar, cum eum annum euasisset, ut scribitur apud Aulum Gellium. Ita ratione aetatis frigidus est, & abundat excrementis: senectus enim per se morbus est: & ubi senes, qui natura sunt frigidiores, nascuntur aerem frigidissimum, nihil est perniciosius: indigent enim calore, & inde aestate melius degunt, sicut iuvenes hyeme, ut bene docet Galenus in Aphor. illo: Ventres hyeme calidiores sunt natura &c. eorum solicet qui iuvenes & robusti sunt, non sensum, qui laeduntur a frigiditate. Prognosticum. Si ergo iam uerum est intemperiem esse in cerebro & in nervis, esse in senectute constitutum, in regione frigida, morbum longum & antiquum, non est facilis curatio. Et ratio est, quia non habemus uirtutem & calorem, cuius nos medici ministri sumus, ita ualidam, ut nobis sit amica. Nam ad curationem, ut dicunt Hipp. & Gale. tria requiruntur: natura, ars, & fortuna. In hoc natura nobis deest, quae sine dubio debiliior est in senectute. Ergo dubio procul erit difficultas in curando, non est tamen desperandum. Curatio uero an cum pharmaco, an cum balneis facienda: Hoc quaesitum non erat proponendum: quia nemini dubium est, quin curari cum debeat, utrumque futurum sit usum. Est enim intemperies cum materia, ergo euacuanda est materia & auertenda, & remouenda intemperies in mandante & recipiente, quae cum sit frigida, calidis remouebitur: & ita utrumque faciendum erit, neque erat dilunctiue proponenda quaestio. Euacuationem hac hyeme non tentarem: contentus sit leui fomento, & recta uictus ratione, fugiat frigus, & maneat in uaporarijs, sed non ita calidis, ut quidam apud Germanos consueuerunt, ut excoquant & elixent carnes suas: sed uellem ut mediocriter calefierent, & minus in illis uelutitas esset quam cum exiret, ne subito obijceretur aeri frigido. Abstineat a uino potenti: & si studet, leniter id faciat, & non uentre pleno: minus laboret & cogitet. Vbi haec in uictu omnia peracta erunt, tunc facerem linimentum in ijs partibus, quod nec attraheret, nec repercuteret, sed calefaceret, ita ut luaret coctionem materiae, ut posset facilius postea eradicari. Acciperem itaque myrrham, in qua uis est concoquendi materiam frigidam & crassam, & astringit leuiter, ut corroboret membrum ne recipiat nouam materiam: & gummi Ammoniacum, quod utrumque dissoluatur in aceto. Et ne timeat acetum, cum Galenus exhibeat acetum in longe profundiorum nervorum uulneribus: quibus postea addatur oleum camomillinum, quod resoluunt sine attractione: & oleum rosaceum, quod penetrat: & crocum. Haec mixta simul illinantur. His peractis habeat aliquas pillulas leuiore, quae non moueant materiam: quam postea non educant. Ideo sugiat cochlias, sed sint ex aloe ac hiera simplici. Postea accedente tempore uerno, si uerum est, quod corpus redundat sanguine, non esset alienum ut fieret sanguinis missio, cum podagra etiam & alij morbi frigidi curati sint a Galeno missione sanguinis. Deinde erit euacuanda materia: proinde dabitur minoratiuum ex cassia & hiera. Syrupus de cichorio laudatur a Nicolo inuentore eius in aegritudinibus capitis, & epilepsia. Conuenit etiam syrupus de lua, de storachade, simplex & compositus. Facta concoctione,

euacuad

Ætatem cum omnibus, in quibus agaricus & colocynthis ingreditur, siue pillulis, siue electuarijs. Ideo confectio hamech, electuarium Indum, pillula cochiae, aggregata, confectio hieræ composita, conueniunt. Post euacuationem, ad corroborationem membrorum laudo theriacam & Mithridatum, quia miri in modum conferunt. Ad quæsitum, an conueniant thermæ Italicæ, an uerò Germanicæ, non possum respondere, quia Germanicarum naturam nondum perspectam habeo. Hoc unum dixerim, balnea conuenirent, sed calida, & maxime sulphurea: & si quid haberent aluminis admixtum, non refuto, quia corroborarent membra. Si talia habet in Germania, utatur illis, sed bene provideat. Factitia profunt quidem, meo tamen iudicio non possunt conferri cū natiuis. Nam artis confectiones & mixturæ, non sunt ita perfectæ, ut illæ quæ à natura fiunt. Nostræ thermæ bonæ essent: quare si non reperiret idoneas in Germania, poterit in Italiam accedere. Modus administrationis fieret, ut biberet, lauaret se, & uteretur stillicidio in capite & parte læsa. Ad secundum, cum proponatur mulierem matricem habere immundam, quia questio confusa est, non possum etiam nisi confusè respondere: & curatio necessario confusa erit, cum indicatio sit confusa. Est immundities: ergo abstergenda. Sed cum quibus? Non patet, quia à uarijs causis pendere poterit. Mundificetur ergo, sed cum quibus? sit autem siue à calidis, siue à frigidis humoribus, utatur hiera simplici, quod est præstantissimum in istis defluxibus menstruum alborum, Galeno etiam testificante: quia diuertit, & euacuat, & corrigit membra mandantia. Utatur ergo illa.

De catarrho, pro Illustrissima Ducissa Urbini,

Consilium LXXXIX.



Vm illud nobis propositum sit, ut curemus destillationem Illustrissimæ Ducissæ, præcipuam curam ac diligentiam in recta uisus ratione inprimis illi adhibendam esse existimamus. Igitur à uario ciborum genere sibi temperet, comedat parè, potissimum in coena: inter unam mensam & alteram nihil bibat. Vinum illi conueniens, tenuè sit oportet: aut si natura tale non fuerit, aqua erit diluendum, modo illi aqua à natura non sit infesta. Nec uerò illi esset aduersum, si uinum lenem quandam dulcedinem haberet. A fructibus, piscibus, lacticijs & pastilibus est abstinendum. Interim dum utitur hac uisus ratione, eius Excellentie consulo, ut quotidie in nocte, hora somni, inferius describendi Electuarij cochlearium unum accipiat: illiq; admodum consultum esset, si sæpius etiam in die exiguum eius quantitatem in os acciperet, nec tamen statim deglutiret: sed tam diu ibi retineret, donec paulatim, & sua ferè sponte in spiritali arteriam destillaret. Hoc illi proculdubio saluberrimum est futurum. Illud quoq; mihi maxime probaretur, si faceret sibi consuetudinem sumendi bis in septimana medullam calicæ fistularis, recens è canna extractam: idq; per horam mediam ante prandium. Quantitas autem eius medullæ sit, quanta è canna ponderis unciarum quatuor extrahi potest. Curabit autem eius Excellentia, ut se præsentè è canna extrahatur, atq; illam statim deuorabit: plurimi enim eo modo libentius accipiunt quàm consuetò. Illi tamen liberum erit, hoc ne an illo modo uelit accipere, perinde enim est. Electuarij descriptio ea est quæ sequitur:

℞. Caput papaueris albi

N 20.

Liquiritiæ rasæ

℥ 2.

Carnis filiquarum pinguum dempto cortice, & exemptis acinis

℥ 3.

Bulliant omnia simul in libris 10. aquæ fontis, donec remaneant duæ.

Deinde,

Q

2

℞. Zuecha?

Syrupizentur omnia simul secundum artem, usq; ad consistentiam mellis, deinde seruetur ad usum.

De catarrho, cum affectu quodam melancholico.

Consilium XC.

EX relatione nostri Hebraei comprehendo duo. Primum quod noto ego, est, quod habet aliquam dispositionem ex parte rei, & non ex imaginatione: & est quod patitur defluxum catarrhi, qui veniens à cerebro ad partes diversas, facit diversos dolores. Huic dispositioni possumus credere. Postea patitur passiones quasdam imaginarias, quas non patitur ex parte rei. Dicam primo de catarrho. Cause catarrhi fuerunt fortes, scilicet procatarrctica, cum esset in balneo illo, tunc incepit ille catarrhus. Hæc fuit quidem causa primitiua: sed multa dederunt occasionem huic cause primitiue, ut commoueret antecedentes; nam & hepar est calidum, & ventriculum habet frigidum, & hæc diuersitas est valde mala in conseruatione sanitatis. Et quando est hepar calidum, & ventriculus frigidus, facillime multiplicatur catarrhus. Nam in ventriculo frigido cibus non concoquitur; hepar autem avarum propter caliditatem igneam trahit humores hos crudos etiam ante tempus, & sic plurimi humores crudi distribuuntur per uenas, quia secunda concoctio non corrigit primam & præcedentem, & sic fit necessario euaporatio ad caput. Hinc omnes illi qui habent ventriculum frigidum & hepar calidum, semper habent repletum caput, & hi etiam facile patiuntur affectionem hypochondriacam. Hæc est naturalis eius dispositio, quam facile mouent cause externæ: solet enim comedere plurima, quæ possunt aggregare humores crudos. Et causa illa procatarrctica quæ fecit ut deueniret ad actum catarrhi, ad quem naturaliter dispositus erat, fuit istud balneum: nam ex isto balneo colligati sunt humores: & illa uini potatio Germanorum maxime replet caput, quia resoluunt humores, & fluere faciunt congelatos à frigore. Hic igitur catarrhus cum ita incepit, semper ita durauit. Nam uidemus in illis fluxibus, quod cum semel incipiunt, semper postea illam partem afficiunt, uel quia illa pars facta est imbecillior, uel quia ita consuevit natura, uel quamecunq; aliam causam uelimus reddere. Et sic etiam uidetur contigisse in hac parte. Vtrum sit infectio Gallica? nam dolor est circa crura & periostrum, qui locus uidetur esse proprius morbi Gallici: nam per hoc signum distinguuntur dolores Gallici, à doloribus articularum, quia hi sunt in iunctura, dolores autem Gallici sunt inter iuncturam & iuncturam. Item deciderunt pili ex supercilio. Hæc sunt quidem coniecturæ, non tamen habent aliqua signa certa. Hæc signa non possunt nos inducere, quod fuerit morbus Gallicus, sed solum fuit ille catarrhus, qui occupat partes istas diversas. Quo ad affectum melancholicum, quia multa imaginatur sibi quod patitur morbum Gallicum, quem tamen non patitur: ego credo in tali habitu esse humorem melancholicum, tum quia totum illud genus Hebræorum est ferre melancholicum, tum quia sanguinem habet crassum, & hepar calidum. Et sic non est omnino expers ab affectione illa hypochondriaca, quia habet hepar calidum, & ventriculum frigidum: & si non patitur melancholiam hypochondriacam, incipit fieri, & habet per totum ambitum humorem melancholicum. Hos duos affectus ut tollamus, quid agendum? Ego uellem omnino dare aquam balnei, quia habet catarrhum, & habet dolores circa uniuersas partes corporis. Catarrhus est frigidus, & occupat omnes partes corporis, & sic non est omittenda occasio illa, & est etiam tempus. Mane darem minoratiuum, item syrupum, ut Oxymel, cum aqua Betonicæ, saluæ.

Euacuarem cum confectione hamechi, uel pillulis aggregatiuis, cochijs &c. Purgato corpore, statim mittatur ad balneum. Forte etiam hepar cum aliqua missione sanguinis possemus purgare ab humore melancholico. Aqua illa corroborabit uentriculū, & distribuetur per uenas, & corroborabit totū corpus, & sic & iuncturæ & muscoli corroborabuntur. Euacuabit etiam hæc aqua per sudorem humorē melancholicū, ut ego experientia obseruari. Et uidi multos qui ex usu harum aquarū incoeperunt nutrirī, & accipere bonum sanguinē, cum antea essent extenuati, non quidem per se propter has aquas, sed per accidens, quia scilicet euacuabatur humor melancholicus & siccus. Et sic etiam propter humorem melancholicum conuenienter hæc aquæ. Post balneum si adhuc esset catarrhus, ponerem cauteria pro diuersione, ne ita uapores ascendere possent ad caput, & fiant circa utrumq; crus. Postea accipiat semper per interualla aliquid, ne aggregentur humores, ut sunt pillulæ illæ de tribus, quas maxime laudo ad hanc intentionem.

De dolore dorsi, ex destillatione frigida,
pro mercatore Veneto.

Consilium XCI.



Manifeste patet ex historia lassitudinem præcessisse hūc dolorem, ait enim quōd cum in quadragesima præterita plurimum laborasset dorso, incidit in lassitudinem longam, unde dolor causatus est, qui dolor labor, à Græcis πόνος dicitur. Sed πόνος est affectus potius laboris, quàm labor, & sequitur ex defatigatione: & sicut contingit hoc sponte fieri, ita quoq; à causa extrinseca: sunt enim sæpe iidem morbi à causa extrinseca, qui à causa intrinseca fieri solent. Cum igitur soleant esse, & sint (ut tertio de sanitate tuenda dicit Galenus) tres lassitudines diuersæ, quæ indigent diuersa curatione, quædam ulcerosa, quædam extensua, quædam apostemosa, ut ipse appellat, unaquælibet istarum habet diuersas causas corporeas. Et quamuis à diuersis accidentibus extrinsecis fiant, sunt tamen semper eadem causæ coniunctæ proximæ. Ulcerosa fit propter humores acres erodentes, qui decurrunt ad locum læsum ex labore. Extensua fit, dum flatus tendit ad musculos, & facit extensionem. Apostemosa composita est ex utraq;. Querendum est, quænam lassitudo ex his tribus sit in hoc uiro. Ex quo perseverauit illud idem, quod factum est à causa extrinseca, primo dixerim non esse ulcerosam, quia non audio perpassum esse corrosionem in loco, sed tantum grauitatem quandam circa dorsum, ita ut non possit erigi: uidetur enim tanquam clauum infixum habere in dorso. Nec est apostemosa, nam illa est cum maxima caliditate, & cum extensione, quæ rarissime contingit, & illam semper sequitur febris. Ergo cum nec ulcerosa, nec apostemosa, relinquitur quōd sit tensua propter humores crassos, ut denotat morbus, & perseverantia ipsius doloris. Refert enim ipse dolorem esse grauium, fixum, & permanentem in loco: refert etiam hætenus eum ita perseverasse, licet uariet secundum tempus. Credo igitur quōd ab ea causa primitiua, uidelicet à labore & nimio exercitio contingerit idem, quod in lassitudine spontanea contingit, ubi multiplicantur humores siue acres, siue calidiores, siue frigidiores, qui tensionem faciunt, uel apostemosam, quæ est mixta. Quoniam ergo humores plurimi sunt in corpore, à quacunq; leui causa mouentur, & faciunt lassitudinem. Contigit id in hoc ex nimio labore dorsi: licet enim non adsit multitudo materiæ, nihilominus propter maximum dolorem relaxatæ sunt partes dorsi, arteriæ, & uenæ, & nerui, & propterea incaluit membrum, & propter calorem apertæ sunt magis uix: calor etiam attraxit, unde materia defluxit, & ex ea causatus est dolor: nam non dicerem, quōd tanta esset materia frigida, quæ sponte defluxisset, sed contigit hoc uiolente. Quōd non fuerit materia multa, quæ potuerit hoc facere, habeo coniecturam satis rationabilem. Habet corpus hoc membra scilicet penitus

præparata, ut minime generent humores pituitosos. Habet hepar calidum, ut ex toto ambitu apparet, & quod potius calidos, quam frigidos humores generet. Præterea nonquam conquestus est de uentriculo: uidetur ergo uentriculus calidus. Nec de catarthis conqueritur, & consequenter habet cerebrum calidum, quod non potuit generare humores frigidos, quantum ad naturalem dispositionem. Nihilominus patitur ægritudinem frigidam, propter materiam frigidam, quæ ægritudo non proportionatur suæ temperaturæ. Sed unde contigit? Est mercator, uendit merces, manet in sua officina semper, & mala ratione uictus utitur. Potuit ergo contingere hoc tum ratione dispositionis corporis, tum ratione cibationis, præcipue tempore quadragesimæ, in qua usus est cibariis maxime generantibus humores crudos, qui dum habuissent occasionem à causa procatartica, & incaluisse dorfum, fecerunt morbum istum, de quo nunc conqueritur. Credo igitur defluxisse materiam frigidam ad locum à causis extrinsecis uiolenter, non ratione propriæ temperaturæ: nam propter malum uictum, & artem quam exercet generatus est humor, ex quo dolor. Nemini dubium est quod materia defluens congregatur in aliqua parte, & quod ex ea collectione fiunt duo: primo intemperies, quæ est frigida; secundo materia defluxa, quæ si frigida fuerit, refrigerabit locum; si calida, calefaciet, & itidem de palsiuis dicendum. Vnde generatur intemperies in membro secundum affluxum materiæ. Materia frigida est, ut apparet ex dolore, & perseverantia longa doloris: iam enim est annus, & tamen resolutus non est ex aliqua parte, imò augetur potius. Materia frigida & uiscida est, ergo probabile quod impresserit talem intemperiem in membro ad quod defluxit. Secundo, dum materia sibi colligitur in nervis, musculis, & locis angustis, extenditur & flatuatur, & ex tali extensione causatur dolor. Istæ sunt duæ causæ doloris propriæ, ut altera possit inducere dolorem sine altera, ut recte est interpretatus Auicenna sententiam Galeni, licet importunus Auerrois male intelligat Galenum, utitur enim æquiuocatione. Ex intemperie ergo, primo causatur dolor: ex tensione, & solutione continui causatur dolor: ergo si utrumque convenit, & dominatur hoc & illud, sit acutior dolor. Ergo crediderim quod materia genuit intemperiem, & probabile est (loquor de materia fluxa) quod materia affecterit locum eadem intemperie, qualis ipsa est. Ideo non percipitur amplius dolor, quia æqualiter facta est intemperies in loco: & illud evenit (quod diximus in lectionibus de phrenitide) propter humorem biliosum existentem in capite, quando æqualiter occupat totum cerebrum, cerebrum non percipit amplius nocumentum, quia factum est, tanquam hecticum: ita contingit in membro, ubi perseveravit diutius humor: facit enim membrum tanquam hecticum, ut æqualiter per totum membrum inducatur qualitas secundum naturam humoris. Et ideo non percipit dolorem, nisi quando flatuatur materia propter extensionem, & solutionem continui, cum non possit percipere dolorem propter illam intemperiem habituatam. Hic ad est intemperies permanens frigida, & materia suis temporibus flatuata & extensa: ergo secundum uarietatem temporum dolor efficitur. Ista est ægritudo, ex qua sequitur, quod locus est factus imbecillior, & tandem istæ dispositiones permanentes: factus autem est imbecillus propter intemperiem frigidam & humidam, qua intemperie inducta, necessarium est, ut existente corpore tali, ubi semel est facta illa occasio, defluant postea humores, qui aggregantur in corpore ad illam partem, qui humores sunt necessario pituitosi. Ex imbecillitate præterea loci, & intemperie, datur occasio noui defluxus, ita ut iam partim materia fluxerit, & fecerit morbum, partim fluat, & faciat morbum, & partim factura sit. Oportet ergo ista omnia distinguere recte, pro recta curatione. De materia quæ fluit, dico quod non est uniformis, sed talis, qualis natura cibariorum, ex quibus, præcipue in corpore calido, probabile est quod generentur humores calidiores, & descendant ad partem debiliorem. Eadem ratio est de humoribus fluxuris. Hactenus habuimus, qui sit ille morbus, à quibus causis dependeat, & utrū sit factus, an fiat, uel partim factus sit, & fiat, uel futurus sit. Dicamus modo de accidentibus. Dicit quod in tempore hyemis & æstatis melius se habet, quam in uere & autumnio. Vnde causatur ista diuersitas?

Stante illi humore pituitoso, certum est quod non generatur dolor, nisi quando flatuatur & extenditur humor pituitosus: & hoc fit in temporibus medijs, in uere & in autumnis: in hyeme quiescit, quia tunc materia non flatuatur, quæ excitet dolorem: in æstate tantum resoluitur, quantum flatuatur: in tempore medio flatuatur, quia attenuatur & colliquatur humor, & non potest resolui: aptus enim est ut colliquetur, sed non resoluitur. Vnde dolor maior causatur in temporibus medijs, quam in temporibus calidioribus uel frigidioribus, propter causas iam dictas. Queritur an humores bilioli præter pituitosos adlinet: Possunt ad esse, nihilominus est pituita à prædominio. Non tamen negarim etiam adesse plurimum debile, propter temperaturam suam naturalem, & de sanguine, licet sanguis sit parcius. Est dicendum de loco affecto. Cum dicat se dolere circa ultimas uertebrae colli & dorsi, dico ex sententia Auicennæ, ubi dolor, ibi ægritudo. Est ergo credendum, quod ibi sit circa illas partes materia impacta, & propterea credo breuiter humorem esse, ubi dolor est, & in profundo, quia non audimus quod extra appareat tumor ad tactum: sed interius percipitur dolor circa ossa & nervos, qui proxime deueniunt ad uertebrae. Vtrum in periosio? Credo potius esse in uertebrae, quia consensit totum crus, & coxa: non posset hoc fieri, si in periosio esset, tantum enim doleret in ea parte. Si in musculis, læderentur illæ partes quæ mouentur à musculis: sed cum sentiat totum crus, & musculi illi non moueant crus, qui sunt affecti, credendum est quod nervi uigessimæ secundæ uertebrae sint læsi, & dolorem patiantur, & ita per consensum causent dolorem in mouendo crure. Quia uero materia uiscida & crassa est infixæ in parte frigida & priuata calore, nemini dubium est quod tum ex parte materiæ, tum ex parte loci curatio erit difficilis. Materia enim quæ crassa est, non facile concoquitur, & expellitur: ubi postea est in membro frigido & exangui infiltrata, quod non habet rationem concoquendi, longe difficilior tollitur. Præterea si membrum non habeat meatus apertos & uias, sed sit densum, & compactum, difficilior adhuc est curatio: ut si adhuc materia est in profundo, cui difficilius possint applicari remedia, sequitur etiam ratione situs difficultas curationis. Ergo tum ratione situs & compositionis, tum ratione materiæ, erit difficilis curatio, & longa, ut quotidiana experientia uidemus. Quod si etiam ratio societatis accesserit, & membri affecti cum alijs membris mandantibus sit consensus aliquis, tanto difficilior est adhuc curatio. Cum ergo laborent huiusmodi nervi existentes circa uertebrae, & cerebrum sit aptum ad hoc ut multiplicet catarrhum & pituitam, siue ut Græci dicunt, blennam, siue mucum, magis & minus ratione reperaturæ: cerebrum enim suapte natura est frigidum, quod ascendentibus uaporibus plurimam materiam generat: unde cum in partibus superioribus generetur pituita, consensusq; magnus sit, propter talem consensum membrorum superiorum cum spondylis sit, quod continue descendat materia, & foueatur augeaturq; morbus, & ideo sit difficilior curatio. Quod si accesserit ætas senilis, facilius quidem corripitur à catarrhis: sed difficilior tamen curabitur propter imbecillitatem caloris concoquentis, ut Galenus testatur in aphorismo: Bronchi & coryzæ in ualde senibus coctionem non admittunt. Tot sunt rationes, quare curatio nobis difficilis erit. In curatione non debemus discedere à natura morbi. Morbus iste partim est factus, partim futurus: utriq; debetur curatio, sed diuersa. Quantum ad factum, debemus remouere intemperiem frigidam & humidam, & ita confortare locum. Materia impacta frigida est, quæ est causa propinqua, & continetur in morbo. Sunt causæ alię, est materia continue affluens, & est materia fluxura. Quid debemus facere? Incipiendum est à causâ coniunctâ, quia adfert indicationes curandi. Materia fluxura habet rationem primæ causæ antecedentis, & non est in parte, sed in toto: quandoq; enim materia excrementosa est in toto corpore, quæ habet rationem illius causæ, quæ ubi commodos habet meatus, defluit ad locum imbecilem. Ergo primo euacuanda est materia factura morbum: unde breuiter euacuare totum corpus, & redundantes humores, qui in corpore generantur. Hoc corpus est calidum & siccum, ergo multiplicat humores calidos & siccos, & sanguinem cholericum:

redundat ergo bilis & melancholia, sed minus, postea secundum proportionem de sanguine magis generatur, quàm de bile, & de melancholia. Igitur cum uelimus euacuare, debemus respicere ad redundantes humores. Sed quia etiam adest aliquid de pituita, dico quòd euacuandum est de omnibus humoribus. Lenita igitur prius aluo, extrahendus est sanguis, non dixerim ratione magnitudinis morbi, quia extensius morbus iste non est magnus, nec intensius, sed propter futurum morbum uellem quòd caueret omnino ab omnibus excrementis: ita crediderim esse mundandum totum corpus. Mittatur sanguis à basilica, non tantum ratione diuersionis, sed euacuationis, quia non est maior diuersio à brachio, quàm à pede, ut dicebat Galenus sexto Epid. qui, ubi aegritudines sunt intra hepar, circa diuersionem ambigit, primo commento, loquens de affectibus renum. Et sic aequaliter possumus facere diuersionem, uel à pede, uel à brachio: sed eligerem brachium, quia magis euacuaretur sanguis, propter basilicam magis respicientem fontem, quàm ex saphena. Tales curarem syrupos conficiendos, ut sanguis redderetur bonus. Non dimitterem syrupum de ciborea Nicolai sine rhabarbaro, qui habet aliquam uim incidendi humores crassos, & adaequandi. Haberm etiam aliquid oxymelitis, propter adaequationem, & incisionem. Postea habebrem decocta ex betonica, iua, saluia, boragine, & reliquis, propter intemperiem calidam hepatis. Postea deuenirem ad euacuationem materiae: deinde accederem ad materiam quae defluit, quae debet diuertere, ne defluat. Et licet quando erit euacuatum totum corpus, non fluat amplius, nihilominus laudo ut confortetur corpus faciendo ablutiones capitis. Deuenirem postea ad morbum factum, qui curatur deriuatione, & euacuatione. Et in hoc casu, sicut consueuimus, debemus facere deriuationem prope locum affectum; & deriuationes optimae sunt in hoc casu per clysteres acutissimos, qui deriuant materiam à loco, propter uiciniam loci. Fierent clysteres cum decocto centaureae, & altarum herbarum, quae possunt habere absterisionem, ut anethum, camomilla, & alia huiusmodi. Apponerem bierampicram Logodij, Hermetis, quoniam acius purgabant humores. Haec breuius dico tantummodo pro forma medendi. Postea facta ista deriuatione per clysteres acutos, oportet, si aliquid residuum erit materiae, deuenire ad ea quae mundificant locum: non dico de repercussis, quae non conueniunt in morbo facto, sed in futuro. Ergo euacuarem à loco affecto, ubi utitur Galenus his, quae solent inducere ulcus in locum. Facta ergo prius diligenti euacuatione, facerem scarificationem, uel adhiberem etiam cerata. Praeterea si aliquid perseveraret doloris, & accederet tempus Maij, non displiceret si acciperet aquas thermarum, & ablueret se in istis: & etiam acciperet per potum, quia locus ex aluminosis aquis confortaretur, & aliquid etiam resolveretur: habent enim calcem & alumen ista balnea. Postea his omnibus rite peractis, quantum ad praeseruationem, facerem cauteria ex opposito loco, ne materia fluere amplius. Placeret terebinthina, qua diuerteretur materia per aluum. Utatur acoro, & tandem ea accipiat quae possunt corroborare partes nervosas, & si quid est impactum resolvere, si accesserint ad partes istas. Haec sint dicta, Patauij. M. D. L.

**Pulueres pro catarrhosis à cena, post quorum
usum non bibendum amplius.**

℞. Cinnamomi electissimi	3	℥.
Fragmentorum lapid. preciosorum	ana	3
Osis de corde cerui		1.
Sem. melissae	3	℥.
Zuchari	3 s.	
Fiat pulvis.	Vel:	
℞. Cinnamomi electi	3	℥.
Coriandri preparati	3	℥. s.
Sem. melissae	3	℥.

Rasarum cornu cerui usti				
Corallorum rubcorum		ana	3	1.
Sacchari	3	6.	Fiat pulvis.	Vet;
℞. Cinnamomi electissimi			3	1.
Sem. melissæ			3	1.
Coriandri præparati			3	1. 8
Pellicularum uentriculorum galli			3	1.
Sacchari	3	1.	Fiat pulvis.	

De catarrho ad occipitium & dextrum brachium destillante,
cum uentriculi imbecillitate, in senē,

Consilium XCII.

SI bene considero eam huius Magnifici uiri, cognosco semper fuisse, dum erat iuuenis, sanum & inculpate ualitudinis, ut de nulla re conque- reretur: sed succedente ætate, curæ illi maiores erant, & ær in locis ubi debebat, deterior fuit, ideo passus est dispositionem præter naturam. Atque ideo non conféro rationem morborum, quibus affligitur, ad causam aliam quam intrinsecam, seu temperaturam aliquam membrorum: quia ut dixi, cum fuit iu- uenis, bene ualuit, & ær iam consenuit, pessime ualet: est enim in secundo senio. Nam primum senium in septimo septenario, id est, anno 49. finitur: ipse habet 58. annos: senectus uero ipsa morbus est, sequuntur enim eius multa incommoda, & præ cæteris in ea omnes cõctiones sunt deteriores: nam calor imbecillior cum sit, mul- tiplicantur excrementa præsertim in eo qui non habet rationem sensû, uel propter necessitatem, uel propter electionem. Nam, ut audio, fuit in infortunijs patriæ & bellis continuis, magnas curas animi habuit, ær mutatus in deterius, & ratio uictus in cibo & potu commutata est, & non semper fuit eadem per omnes ætates eius. Ad has causas accedente senio, incidit primum in has ægitudines: nam queritur de uentriculo, qui habet insignem frigiditatem quam percipit. Nec mirum si in hac ætate & tot causis accedentibus sunt cruditates, & pituita in uentriculo multiplicatur, quæ facit frigiditatē; & quia flatuatur sæpe, ideo inflationes in uentre superiore & inferiore percipit, ut multos emittat flatus & ructus, & ex illis emissis percipit iuuamentum, & cum flatus intercipiuntur interdum, ut exire nequeant, faciunt uertigines, sed subito transeunt, quia flatus est & statim euanescit: sed ubi materia crassior & crudior ad par- tes alias præcipitatur, ut ad colon intestinum, & ibi flatuatur, nec exire potest, inci- dit in passionē colicas, & summis angustijs afflictor, donec educatur clysteribus. Quando in hypochondrio dextro uel sinistro acrem dolorem percipit, tunc postea urinas arenosas emittit, quia materia quæ facit calculos, est pituita, quæ postea additur in renibus uel uesica ibi collecta, ut docetur in libro de affectibus renum, qui ascribitur Galeno, sed reuera non est Galeni. Ideo mingit cum dolore, quia cal- culi minuti adhuc existunt. Et aliud etiam patitur, cum flatus illi ad caput ascendunt, quod iam omnino est imbecillius redditum propter frigiditatem, & inde maxime patitur ab illis, & etiam propter debilitatem alimentum proprium non conficit, quo fit ut destillatio nibus laboret, quas omnes senes patiuntur. Hippocrates uero dicit, catarrhos in sensibus difficulter curari: quod quidem à Galeno in commento expo- nitur, difficulter, id est, nunquam. Quod uero in hoc nobilissimo uiro catarrhus destil- let, & defluat ad partem posteriorem capitis ad occipitium, causa reddi potest, quod illa pars sit in eo imbecillior. Nam semper in corpore est una pars debilior quàm alia, etiam si nescimus causas, ideo dolores ibi ciēt, ut non possit mouere caput, & totum brachium dextrum: in sinistro non tam insigniter cruciatur. Hæ sunt causæ omnium symptomatum

symptomatum: inter omnes tamen præcipua est senectus, ratione cuius multiplicentur cruditates, quæ occupant uaria membra. Quod autem integre curari possit, difficillimum est affirmare, id enim non fiet nisi relinquantur in iuuentutem. Iam accedit ad diem mactericum maiorem, quem cum euasisset Augustus Cæsar, sacrificauit dijs. Huius recordetur, & se regat, sicuti debet in hac ætate. Nunquam curabitur quin habeat catarrhum: nec erit eius uenterculus tam robustus, sicut fuit ante annos 30. aut 20. sed tantum lucrabitur ex optimo régime, ut melius uiuat. Primum oportet ut habeat uictus rationem convenientem morbo & ætati, & ut curet coctiones ne generentur cruditates. Utatur cibis boni nutrimenti, & excrementi pauci, ut generent bonum sanguinem, Sit cibus facilis concoctionis, & non redundet in quantitate, & non sit multiplex. Non bibat post prandium aut coenam, nec statim à cibo dormiat, & coenabit sicut fert natura, non tantum nisi duabus horis post cibum eat cubitum, interim sensim deambulat, ut bene descendat cibus. Mane surgat & matutinis horis antequam prandeat, se exerceat: ita enim red det multum excrementorum, & plusquam putet, quod illi multum ad rectam ualitudinem conferet. Procuret quotidie beneficium alui ut habeat. Quantū uero attinet ad medicamenta, quandoque autumno & uere euacuatio generalis facienda. Sed si habeat rationem uictus congruam, & præterea aliquo familiari utatur remedio per interualla, ut hiera, uel cassia iuncta cum hiera, quæ melior quam hiera sola, quoniam hiera nimium exiccat, sicut & aloë, non erit opus illis maioribus euacuationibus & uniuersalibus, quæ extinguunt calorem naturalem. Accipiat quandoque terebinthinam, quæ ad colicam & ad renes utilis erit, quæ etiam à Galeno laudatur in senibus. Quod si uera terebinthina reperiri non possit, habemus lartcinam, quam etiam Galenus accipiendam in eius locum dicit. Pro corroboratione uentriculi Diacalsamentum bonum est in senes: sed in tot cruditatibus magis laudatur Diatrion pipericon, quod etiam posset misceri cum saccharo rosato. Potest etiam admittere lotionem capitis, & semper in lixiuio decoquat 3 1. agarici, in quo ualde acquiesco: lauatur autem uespere caput, nec egrediatur postea ades. Ex usu balneorum non poterit non maximam habere utilitatem, cum maximis redundet cruditatibus. Si uero quis timeret siccitatem, ne ex harum thermarum potu accederet, dico quod ea non potest fieri, si temperate sumatur, & paucis diebus, quia tunc minus exiccabunt. Destillatoria laudo, & caput purgia, ac masticatoria, quod si masticichen masticabit quotidie, maxime laudarem, quia diuerteret materiam à parte posteriore ad anteriorem: nec noceret, etiam si quandoque ad uentriculum descenderet, quia illi etiam conuenit. His non sufficientibus ad cauteria, tanquam ad sacram anchoram, deuenirem.

De sputo sanguinis & puris, ex catarrho.

Consilium XCIII.



Larissime D. non ero longior, cum ille morbus sit admodum expositus per suum genus: uidemus enim eum laborare sputo per tussim: exposit enim catarrhum putrefactum, cum aliqua parte sanguinis, ut uidimus: & febrem continuam patitur. Hæc satis sunt nota. Sed distincte inuenire causas & locum affectum in hoc casu, est admodum difficile. De febre quæ adest non dicam multa, quæ pendet ex catarrho tanquam accidens. Circa inquisitionem causarum uidemus difficultates quasdam. Excellentia uestra proposuit coniectura probabilis, quod possit esse ulcus in pulmone quia præcesserunt causæ quæ potuerunt hoc facere: & indicat quod uena sit erosa, quia putrescit catarrbus sanguis, ex quo fit corrosio: & quia uasa illa pulmonis sunt ualde parata ad corrosionem, propter mollietatem, ideo ualde probabile est, quod sit ratio corrosionis. Præterea cum perferret cum sanguine eiectio puris, est probabile quod pendet ab ulcere: quia ubi pos-

sibi est ulcus: & quia sanguis ille qui expuitur, est ille qui non potuit conuerti in pus. Et sic uidetur esse ex uena in substantia pulmonis & pus & sanguis. Dicam ego primo, Clariss. Doct. me habere difficultatem circa hoc. Nam si esset uena corrosa, cum illæ uenæ in pulmone habeant plurimum sanguinis, haberemus hic plus sanguinis. Hoc autem hic non uidemus, sed paucum sanguinem, & plurimam quantitatem catarrhi & puris. Ergo si ex eodem loco deuenirent sanguis & pus, deberet esse ulcus magnum, & sic, si esset in corpore uenæ, plus etiam sanguinis esset. Præterea quamuis ille locus sit putrefactus, tamen sanguis defluens ad corpus uenæ & locum illum non est putrefactus, & sic sanguis appareret & in maiore quantitate, & clarus, & purior. Vnde uidemus in alijs ulceribus Venarum sanguinem effluere clarum, quia qui affluit, nondum est corruptus & putrefactus. Et sic facit mihi difficultatem, num sit ratione exulcerationis pulmonis. Est tamen pus. Dicam ego quod sentio. Primo, credo quod illud pus sit ex catarrho descendente à capite, qui putrescit in concavitate pectoris, uel in pulmone: postea enim dicam qui locus sit affectus ex his. Ratio est, quia habuit se per catarrhū. Solet autem contingere quod pituita à capite descendens, crassescit & putrescit: est enim sanguis semicoctus: & ita cum sapiat aliquid de natura sanguinis, & sit humidus, facile putrescit, & magis quam humor melancholicus aut cholericus, quia est humida, & sanguis semicoctus: sanguis autem omnium facillime putrescit, licet putredo pituitæ non sit ita detestabilis ut putredo sanguinis. Vnde Gal. querit, quare putredo sanguinis sit ita detestabilis. Facilius putrescit sanguis quam pituita, quia est calidus & humidus, & ita habet causas putrefactionis suæ tam ab extrinseco quam ab intrinseco: sed phlegma tantum ab extrinseco, quia est frigidum & humidum. Vnde etiam dicit Gal. quod corpora calida & humida facilius pariantur putredines, quia hæc corpora subiecta sunt putredini omnis generis. Corpora frigida & humida etiam patiuntur putredines, sed non tantum. Ergo pituita etiam facile putrescit, sed non in eo gradu, & tam intense ut sanguis. Habuit ergo catarrhum, qui est pituita, teste Gal. 2. de facult. nat. Hoc cum sit in loco calido & humido, id est, in pulmone, & illis partibus, credo quod continue putrescat illa pituita, & catarrhus ille descendens, & quod non sit pus ex ulcere quodam, sed ex catarrho ex capite descendente, & putrefacto propter motum in illis partibus. Hinc contingit, quod dum putrescit in illis partibus, habet aliquam falsedinem, ratione cuius abstergit: & addit etiam aliquam putrefactionem ipse locus, propter plurimum motum, quod scilicet quædam uenæ apertæ sint potius uel relaxatæ, quam quod sint corrosæ: & ideo etiam effluit sanguis & expuitur, interdum plus, interdum minus, prout illæ uenæ plus aut minus aperiantur ex illa materia falsa transeunte. Et sic non credo hic esse corrosionem, sed potius apertionem quandam uenarum, non magnarum, sed paruarum: unde etiam ille sanguis apparet non uere rubicundus, sed saniosus, propter motum: & quod ita ille sanguis est ex apertione, & non ex ulcere. Et hoc de catarrho & pure satis. Vtrum autem locus affectus sit in pulmone, an in concavitate pectoris, queritur. Dico ego, ex quo uideo difficultatem anhelitus, & etiam difficultatem in loquendo, quod potius illa materia seu catarrhus putrescat in pulmone, quam in alijs partibus, & faciat sibi illa symptomata: & quod locus affectus sit pulmo: & quia est falsus ille catarrhus & absterilius, ideo facit apertionem uenularum minimarum in pulmone. Et sic ille sanguis prouenit ab eadem causa, à qua pus: nam pus prouenit à catarrho putrefacto, sanguis autem à catarrho falso & abstergente: & ita catarrhus est causa illius sanguinis qui una efficitur cum catarrho. Catarrhus descendens. Sed queritur, utrum sit in ipso capite principaliter & per essentiam, an sit ex partibus inferioribus quæ generant continue materiam catarrhi, & sic ille catarrhus aliunde proueniet, & non generabitur in cerebro. Audiuimus quod dixit, se antea perpeffum esse affectum hypochondriacum, & quod fuerit semper tristis à natura & melancholicus, & multum comedit &c. Et uideo omnes esse causas catarrhi. Nam si est melancholicus propter passionem hypochondriacā, & omnes illi qui laborant melancholia hypochondriaca habent proprie uentriculum

uentriculum frigidum & hepar calidum, ut audietis eras in futuro collegio, quod hoc semper sit necessarium in illa affectione, si aderitis. Quibus sic stantibus, habemus omnes causas catarrhi, uentriculum frigidum, & hepar calidum, avarum, quod semper attrahit chylum inconcoctum & crudum. Et cum posterior concoctio non corrigat priorem, hinc fit quod in omnibus uenis multiplicentur superfluitates, & in toto ambitu uenarum. Vnde quia hepar est calidum, & uenae etiam necessario calidae, quia orta attestantur fonti: cum humores illi crudi sint in loco calido, fiunt plurimae euaporationes. Ergo suapte natura hoc corpus fuit paratum ad hoc ut pateretur catarrhum, teste Gal. Præterea dicit se fuisse ociosum, & in studijs uersari esse: & quantum studia conferant ad catarrhum, nouerunt illi qui student. Vnde Marsilius Ficinus recte dicit, scholares non habere hostem maiorem quam catarrhum. Et sic non mirum si incidit in catarrhum. Et incurrit in catarrhum tempore convenientissimo ad hoc, id est, hoc anno ineunte uere, in quo anno non habuimus uer, sed hyemem immediate consecuta est æstas, & non credo quod in 50. annis tale habuerimus uer, propter maximas humiditates: & ideo uidemus etiam quod plurimi hoc anno in catarrhum inciderunt. Et sic omnia conueniunt ad causas catarrhi, & dispositio corporis, & genus uitæ, & constitutio anni: fortasse etiam habet caput debile, quamuis ego hoc non scio: semper enim fuit timidus, propter spiritus frigidiores, & inde caput fortasse frigidum fuit. Hinc apparet etiam cur catarrhus falsus sit: quia cum frigidus sit uentriculus, & hepar calidum, à quo fiunt adustiones illius pituitæ in uentriculo generatæ, & inde fit falsedo, quæ sit ex partibus adustis in substantia aquea, ut dicit Arist. in 2. Meteo. Et sic habemus catarrhum cum suis causis, locum, & materiam catarrhi. Adest febris continua, queritur an sit accidens, uel morbus distinctus à catarrho? Dico quod hæc febris est potius accidens catarrhi: quia dum putrescit, illa pituita in pulmone, & exeat putrida in tam magna quantitate, & locus sit uicinus cordi, unde non mirum uapores putridos ductos esse ad cor, cum aer trahatur ad cor per pulmonem, & sic etiam trahuntur uapores putridi, & inde propter putredinem in pulmone factam febris est continua. Vtrum hæc sit, uel putrida tantum? Dependet à uaporibus putridis. Cum perseverauerit hæc febris tamdiu in corpore habente hepar calidum & sanguinem adustum, & propter uapores propinquos cordi, uidetur quod sit etiam in substantia ipsa cordis sic facta impressio caloris, & sic in ipso corpore cordis sit facta febris hæctica: & sic credo esse febrem hæcticam. Et habemus signa, quia incalescit post coenam & prandium, & hoc est inseparabile à febre hæctica. Pulsus est ualde inæqualis: primo, quia aliqua putredo: secundo, quia materia est in pulmone, ex quo semper fit inæqualitas pulsus, ut Gal. præ dixit mortem habenti maximam inæqualitatem pulsus, cum esset adhuc sanus, & de caus. puls. lib. 2. uide plura. His ita se habentibus, præsentem catarrhum & illo pure, si queratur à me, utrum sit phthisis, dico quod est phthisis, sed non proprie ulcus pulmonis, sed est illa phthisis de qua loquitur Auic. in ultima parte capituli illius de phthisi: & dicit Auic. esse quandam speciem phthisis, quando catarrhus descendit à capite, & putrescit in pulmone, ex quo arescunt corpora, & consequuntur eadem symptomata quæ consequuntur exulcerationem pulmonis. Et sic est quædam phthisis hæc affectio, sed non proprie: & tales homines sæpe obueniunt nobis in cura, & credo etiam Excell. V. sæpissime tales habuisse: & casus ille propter quem uocatus fui Tarasium, erat ille ipse casus, & similis huic præcise. Et notate hoc. Rarissime curantur, & ut plurimum moriuntur, quia contabescit cor & pulmo: & credo quod ille iuuenis habeat malam interperiem in pulmone, ex tanta putredine contractam. Ego tamen aliquos curauit & ne hoc per arrogantiam dictum à me esse puteris, addam etiam hoc, quod ubi u num curauit, ibi centum fuerunt mortui.

Aggredienda itaq; in hoc cura, sed cum prognosticatione. Cum quibus? Ex quibus sitis morbis, exquisita remedia adhibenda sunt, non curabitur remedijs leuibus, sed ualidissimis. Descendit catarrhus, catarrhum primo sisterem, factis tamen prius putrefactionibus, si non facti sunt, & raderem totum caput, & uelicatoria applicarum capiti,

prius ex leuioribus, tandem etiam ad fortiora, ut ad cantharides, deuenirem. Puto Excell. V. meminisse, quomodo matronæ cuidam nobili laboranti tali catarrho & phthisi, applicauimus etiam uescicatoria ad caput, & natura suppleuit id quod nos non potuimus facere, & caput totum obductum fuit uescicis & crustis, & sanata est ab hoc catarrho, & adhuc uiuit. Ideo in hoc adolescente etiam uescicarem caput, donec fierent crustæ. Postea deuenirem etiam ad exiccationem pectoris & pulmonis, & uescicarem totum pectus: & tandem facerem cauteria circa utrumque brachium, & sic ubique exhalaret materia, & ita desinet putredo, & fiet diuersio materiæ illius. Vnde Gal. in phthisi uera, circa pectus præcipit cauteria, ut satis expurgetur. Sed hæc non possunt fieri ante præparationem corporis. Primò igitur euacuare corpus cum casta & agarico: non darem scammonium & pilulas cochias. Postea ad expurgandum pectus ab illa materia, singulis diebus darem oxymel cum melle rosæ, & sumat una uice ad 3 2. Paulus dabit ad expurgationem pectoris mellis 3 2. una uice his qui expuebant pus. Et ego potius mel rosæ, darem quàm mel simplex. Adderem oxymel, propter penetrationem: dicit enim Mesue, & recte, quod facit penetrare medicinas ad partes, ad quas fortasse non penetrarent. Et Gal. sæpe admiscet suis medicinis acetum. Ergo mane accipiat unciam unam & semis mellis rosæ, & 3 s. oxymelitis, & sumat una uice tantum. Item loco syrupi acciperet magnam scutellam iuris pulli mane, in quo iure essent decocta hordeum, liquiritia, & farsara, ad remittendam falsedinem & acridinem catarrhi. In reliquis parum confido, & credo quod si poterit curari (quod tamen non polliceor) sic curabitur, scilicet ut uescicetur caput, exiccetur pectus cum cauterijs, & fiant uesciæ & crustæ etiam.

De difficultate aperiendi mandibulam ex catarrho
pro domino Andrea Ponticello.

Consilium XCIII.

Symptoma frequenter afficiens hunc nobilem uirum, quod est clausio oris uiolenta, & mutua dentium insertio, cum aperiendi impotentia, siue sit per contractionem musculorum temporalium, siue ob momentaneam resolutionem inferiorum, qui ad os mandibulæ ascendunt, certum est fieri à materia frigida, uel tenui admodum, uel sub forma uaporum, quæ ad eas partes tanquam debiliores à capite uolenter exprimitur. Quod materia frigida sit, indicat perseverantia morbi, perceptio frigiditatis, color extrinsecus, & iuari mirum in modum à calidis. Quod tenuis, uel uaporosa, quoniam (ut audio) æger manifeste percipit descensum. Quod etiam catarrho laborauerit, quod musculi recipientes debiles sint, ostendit, quod prius in iisdem partibus conuulsionem est passus, & quod tamdiu perseverauerit in hunc ipsum locum expulsio. Sed & hæc eadem perseverantia demonstrat nocumentum iam esse iper essentiam in capite, licet forte inter initia potuit aliunde habere consensum. Optimum pro salute consulo, ut uir nobilissimus primo non prætermittat annuas purgationes, ita ut his eodem anno repetantur, autumno inquam & uere: sintque uel pilulæ, uel potiones, uel solidiora antidota, dummodo admittat talia, qualis est agaricus, colocynthis, elleborus niger, pityusa, & reliqua huiusmodi. Propterea laudauerim hieram Galeni ex colocynthide, hieram Logodij, Ruffi, Archigenis, confectionem hamech, pilulas aggregatiuas, & quas cochias appellant: decoctum uel infusum agarici & rhabarbari cum syrupo rosato: bolum ex casta & agarico, & plurima huius ordinis: ut tamen materia prius attenuetur concoquaturque cum oxymelite, syrupo de betonica, de stœchade simplici, cum decoctis ex aniso, fœniculo, ammi, cymino, betonica, & huiusmodi. Et post purgationes utatur caputpurgijs ex succo betæ, & tandem etiam cydamini, & elaterij. Pro musculorum corroboracione illiniatur, mundo existente corpore, ex oleo hoc modo confectio:

℞. Foliorum saluiz

Menthæ

Betonicz

ana

man. 5.

Radicum consolidæ maioris

Calami aromatici

Enulæ

ana.

3 4.

Garryophyllorum

Piperis

Cardamomi maioris

Nigellæ

ana

3 2.

Rosarum rubearum

man. 1.

Contundantur radices & semina suaviter, deinde bulliant omnia secundum artem in sufficienti quantitate uini albi odoriferi, ad consumptionem duarum partium; Inde facta diligenti expressione & colatura, adde olei anethini libram unam. Bulliant omnia simul ad consumptionem uini, & in fine decoctionis adde euphorbij optimi pulverizati 3 2. croci 3 2. & utere. Item singulis quibusq; decem diebus laudus deuoret duabus horis ante cenam, pilulas ex tribus rebus confectas, uidelicet rhubarbaro, aloe, & agarico, æquis portionibus cum melle rosato simul confectis. Sit autem pondus pilularum pro qualibet uice 3 2. Ratio uicis præterquam quod boni & facili succi sit, declinet etiam ad genus attenuantium; utaturq; assidue aniso, fœniculo, cinnamomo, confectis cum saccharo. Quæ ita peracta si non suffecerint, laudare, non tamen ab ijs desistendo, ut accederet ad fortiora auertentia & deriuantia, quale esset cauterium, aut perforatio occipitij, in parte tamen inferiori circa tertiam colli uertebra, & in cute tantum, uel in utroque brachio supra cubitum ad quatuor digitos, in parte exteriori carnosa.

De catarrho, ad oculum & aurem sinistram,

Consilium XCV.



ONQVERITVR de defluxu à capite ad oculum sinistram, in quo apparet macula. Est etiam ad aurem sinistram & fauces fluxio, ergo quatuor consideranda. Primum locus, unde fluat, est cerebrum. An uero per essentiam ibi generetur non conficiendo cerebro alimentum proprium, an uero per consensum aliunde deferatur, uidendum. Hepar constat esse calidum, ex habitu toto, adustione, & pilis nigris. Venterculus ita frigidus est, ut ferè omnibus accidit, qui calidum habent hepar. Stante hac inæqualitate, debilitantur membra, & generantur plurima excrementa, & mistuntur ad caput, quod debilius ante, quia sæpe laborauit catarrhis, & accefferunt causæ extrinsecæ. Fuit sæpe in mari perpellus magna incommoda, ita caput debilitatum, ut nec alimentum proprium conficiat, nec aliunde accepta concoquat. Secundo loco uidendum membrum, ad quod terminantur defluxus, suntq; plura. Tercio, uitæ, sunt autem uenæ, nerui & foramina circa cerebri basin. Quarto, materia. Spuma in urina signum est materiz flatuosæ, eaq; est partim aquosa, partim crassa, quia excrementa membrorum, ad quæ fluunt, diuersa sunt, & in sapore falsedinem referre dicuntur. Fit autem per adustionem falsedo, sicut putredo ex calore remissa, ideo apparet rubedo in sinistra parte. Aduritur autem ea materia ratione calidioris hepatis.

PROGNOSTICVM. Licet morbus leuis, causas tamen magnas habet. Si igitur membra talia permanferint, oerendum ne talis perseueret affectus, ut ijs contingit, qui omnia negligunt. **CVRATIO.** Pro euacuatione materiz sæpe exhibeantur pilulæ Coccie ex Agarico, & Colocynthide. Euacuant enim & diuertunt materiam per seccum.

secessum. Primum autem totum corpus euacuandum, postea tales pillulas habeat pro praeservatione. Illae autem non debent esse ex ualidioribus quia destruant uirtutem, cum crebro illis utimur. Non etiam sunt exhibendae, nisi cum urget necessitas. Exhiberem itaque semel in septimana, aut in 15. diebus hunc bolum.

℞. Agarici

Specierum Hierae simp.

ana 3 1.

Floris Cassiae

3 4.

Fiat bolus, uel fiant pillulae quales sunt de tribus.) 2. pro uice

Per uices haec darem, sed pillulas non tam libenter, propter exiccationem. Caveat ab omnibus, in quibus Scammonium, & Thurbith est, quia laedunt uentriculum. Pro concoctione meliori ante prandium & coenam sumat saccharum rosatum: corroborat uentriculum, & hepar, ac auget spiritus, & calorem innatum, prodest cerebro ob odorem: frigidius est hepate, & calidius quoque uentriculo. In introitu lecti, semel aut bis in septimana sumat parum boli Armeni orientalis, pro exiccatione catarrhi. Pro consecratione oculi, uelim utatur collyrio abstergente, quod tale est.

℞. Aquae rosatae

lib. 4

Se. foenugraeci

3 1.

Radices Athaeae num. 6.

Bulliant ad consumptionem tertiae partis, deinde huius decoctio addatur Aloes opt. puluerizatae, sacchari Candi rosati ana 3 2. Ad aurem. ℞. Olei, facti ex pice nigra nauali, addantur uni parti duae partes olei rosati. De cauteriis & uesicatoriis hoc tempore nil dicemus. Lotio capitis, cum decocto eorum, quae exiccant & roborant (quae alias diximus) est utilis. In cibo ac potu abstineat a uino potenti. Caveat a commensationibus. Coena semper sit parcior. Abstineat a Venere, quia uires destruit uentriculi, & substantiam cerebri.

Pro muliere Vicentina, catarrho laborante, per quae
certas periodos patiente dolor
res uentriculi,

Consilium XCVI.



E repetam ea, quae a singulis explicata sunt, unum proponam, cuius ratione uocati sumus. Paucitur dolores periodicos circa os uentriculi acutissimos, cum squissimis accidentibus, ut dicemus. Iste dolor est symptoma, ergo pender ab aliquo morbo, qui inquirendus est una cum suis causis. Sunt autem tria inquirenda, morbus, symptoma, & causa. Incipiamus a morbo, nam symptoma satis patet, esse enim dolor squissimus. De morbo igitur querendum, an pendeat a materia, an sine materia sit, & an sit aliquid in uentriculo uisum, quod sine materia possit facere dolorem, an fiat propter materiam. Dico, quod pendeat a materia, quod quidem multa arguunt. Primo, audiuiſtis cum eam occupat dolor, eiecſtam esse materiam per uomitum, & ita liberatam. Item supprimitur alius ante dolorem, & post illam suppressionem materiae, sequitur dolor. Item, quando habet sua menstrua debita, libera est: & (ut uno uerbo dicam) quando habuit euacuationes alias quas, fuit libera ista nobiliss. Domina, per totum quinquennium quando laborauit scabie manuum, quia per eas euacuabatur materia, sicut & per duritiem mamillae, & in summa, quocumque modo euacuata fuit materia, semper fuit incolumis. Quandoque eiecit multum per scraetum, & per destillationes, quibus etiam fuit leuata. Est ergo iste morbus materialis. Quae uero materia, quae fecit morbum & dolorem? Credo esse pituitosam. Dico autem pituitam, & eam, quae in uentriculo generatur, & eam quoque, quae in cerebro, & facit destillationes, & propter similitudinem pituita dicitur, quia humor est

frigidus & humidus. Huius rei signa sunt. Primo, quia talem materiam per destillationem euacuat. Secundo, tempore uomitus etiam efficit huiusmodi materiam. An uero sola sit pituita, an uero admixti alij humores sint? Respondeo, non parum succi melancholici admixtum esse, idem ideo iudico. Primo, quia ante dolorem semper insignem famem sentit, ex qua intelligit uenturum dolorem. Sed fames non generatur principaliter ex pituita, ut Galen. 6. de usu partium, ubi de usu succi melancholici loquitur, ait eum incitare famem, non ob frigiditatem, sed ratione corrugationis, quia austerus est, & facit corrugationem. Ita aciditas pituitae non tantum ex ipsa pituita est, in hac nobis illi. Domina, sed ex adustione humoris melancholici. Est enim quaedam species pituitae, quae accessit commixtione humoris melancholici, quam etiam Auicenna refert. Secundo quoque, quia circa regionem lienis apparet tumor, qui uel nunquam, uel raro delitescit. Tertio, temperatura, & totius habitus corporis calidus, & siccus: generatur igitur multum melancholiae in hac sua aetate paraclastica, seu potius in descensu, in quo praecipue melancholia dominatur. Quarto, animi accidentia, quibus ualde & continue molestat. Incidit etiam in maximos terrores, cum uidit uirum in armis, & periculis uersari. Nec mirum etiam, si hac ultima causa sublata, tamen permaneret dolor, & tumor, quia reliquae iam corporeae causae permanent, & perseverant. Hos igitur humores arbitror notandos, pro ijs, quae affligunt nobilissimam hanc Dominam. Nunquid autem morbus in uentriculo incipit per essentiam, an ibi sit per consensum? Certum est, partim per essentiam in uentriculo, partim non ex primogenio affectu uentriculi, sed cerebro esse, & quidem id primum esse affectum existimo. Ccepit laborare primo, ob noui uelaminis facti ex iuncis gestationem, quo humectatum est caput, & postea coeperunt destillationes, nec cessauerunt, donec facerent dolorem uentriculi. Sed quae causae destillationis, cur ex gestatione uelaminis excitatus catarrhus? Primo dicendum de temperatura cerebri, quam ego existimo quoad qualitates passiuas, & nunc, & ante siccam fuisse. Sensus enim excitatissimi & interiores & exteriores, id ex siccitate, ut Gal. ex Heraclito refert in libro, Quod animi mores, & spiritus siccus anima prudentissima, ergo siccitati debetur prudentia. Intellego autem non siccitatem carbonum, sed talem, qualis conuenit humano cerebro. Humiditas enim obtundit, ideo pituitosa capita sunt obtuso ingenio. Ex forma, facies est optime figurata, & bene formata, & expressa, id siccitati conuenit, sicut humida temperatura omnia confundit, & facit Bacchos. Preterea neque collum plenum et robustum, sed gracile & omnia bene figurata. De caliditate & frigiditate dubium est iudicium: quia ab utroque pariter laeditur, nec circa ea, quae apparent, facile aliquid colligi potest. Credo etiam non esse talem aliquem excessum in actiuis, neque fuisse etiam. Sed si quis nunc est, euenit ab alijs causis, & ex eo gestamine. Prius nihil excrementorum habuit, ergo ualde sicca. Et primo caliditas fuit moderata, sed nunc puto totum corpus calidum, & siccum. In hepate credo plus esse de calido, quam de frigido. Sed longe plus de sicco, quam humido. In corde caliditas & humiditas forte aequalis, quod colligo ex operationibus, quia irata placatur facile. Talis autem temperatura, in qua excedit siccitas in corde, etiam si non sit nimia caliditas, illi non facile placantur. Deinde sanguinem generat subtilem, & uaporosum, & ideo prudentiores sunt tales, facileque alterantur a quacunque causa extrinseca. Habent etiam mollem carnem, & texturam raram, ita ut quiduis facile euaporare & transpirare possit. Dum sana erat, exercebat se, & uix erant apertae, & expirabant superfluitates, postea propter raritatem exercitij, aucta excrementa, & retenta, prohibentque transpirationem. Vidi plurimas, quod cooperiunt totum caput, & maxime suturam coronalem, propterea incidere in catarrhos. Vbi igitur coepit defluxus fieri, & retineri uapores, membrum seipso redditum debilius est, quia excrementa suffocant calorem, ita tenuem, & euaporabilem, & assuevit membrum ad recipiendum, & debilitatur ab excrementis, quae excernere nequit. Impingitur materia in foraminibus cutis, & ita generatur catarrhus. Causa igitur defluxionis non est adueniens noua caliditas, uel frigiditas, sed illa detentio uaporum, quae postea ad fauces descenderunt, ubi diu haeserunt.

haeserunt, sicut bolus, quod ipsa etiam sensisse se ait, à quo liberari non poterat. Accessere postea animi accidentia, validissime augmenta resolutionem, quibus calor innatus est diminutus, & uentriculus paratus, ut recipiat facile excrementa, à quibus debilitatus. Postea ad eum defluerunt superfluitates plures, quam expellere posset. Ita paulatim descendente destillatione, & accedentibus causis proximis, & ultimis abortu & diminutione mensurorum, secutus est dolor uentriculi, cuius causa primogenia fuit in cerebro, & per consensum in ipso: sed credo tamen essentialiter quoque factam esse lesionem in uentriculo. Primo imbecillitatem propter intemperiem frigidam; cuius ratione generatur multa materia pituitosa, quae cum altera pituita, quae descendit ex cerebro, & humore melancholico, qui ex splene est, congregata, facit ualidiorē causam horum affectuum, conspirantibus simul tribus membris, & duobus humoribus. Ita humores crassi, mucosi, & tenaces expuntur, & euomuntur, ita ut uix distrahi possint, quia mucus à capite descendens naturaliter uiscosus, & cum postea moratur in uentriculo, magis densatur, & iungitur cum pituita ibi generata. Ista igitur causa à capite, & uentriculo, partim per consensum, partim per consensum est, & sic habemus, quod morbus sit materialis, quae item materia, & ubi generetur. Sub quo uero genere morbi? An sub solutione continui proprie dicta, ad quam sequitur dolor? An uero in complexione, uel temperatura? Credo, quod in utroque sit. Est in complexione, & ea quidem materialis, sed utrum materia remota, sit futura libera? utinam. Hic nobis aqua haeret. Si enim nihil esset aliud, praeter materiam, facile curaretur. Sed credo malam complexionem fixam in uentriculo, cuius ratione semper morbus post curationem reuersus est, & reuertetur, nisi illi intemperiei succurratur. Puto autem eam esse frigidam, & siccam. Quod frigida, constiat, quod sicca, ex gracilitate musculorum colligimus. Ac per affluxum quidem materiae, frigiditas, & humiditas est multa, quae etiam inter ipsas tunicas imbibita, sine dubio fouetur uentriculi multa humiditate crassa, & uiscida. Sed quod ad essentiam attinet, signa sunt siccitatis uentriculi, cuius ratione multa pituita generatur, ut Galen. testatur, primo de temper. Frigiditas uero est, quod patet ex habitu corporis, gracilitate abdominis, quia uentriculus non calescit debito modo, ubi non est pinguedo ab dominis muniens eum. Quod ad aegritudinem, in compositione est manifesta obstructio, percipimus tensionem, an sit perpetua haud scio, non enim tetigi, sed si perseveret, plane in compositione uitium dicendum est. Habemus essentiam morbi, quod sit cum materia, & quae materia, item quomodo per consensum, & per se, quae item aegritudo, & sub quo genere: nunc querendae causae. Et prima causa corporea, est temperatura corporis, cum raritate texturae, & sanguinis subtilitate, quae facit, ut sit paratum subiectum ad omnia nocumenta extrinseca, & haec praecipue causa est, cur hic sit secutus morbus. Deinde sunt aliae extrinsecae acriores, omitto longinquas, & tantum dico de his quae faciunt nouum dolorem, quo ante per octo annos uexata est semel tantum, cum antea singulis annis aliquoties, & interim semper exibat catarrhus per creatum, qui antea liberabat eam: nunc uero per triennium perseverat creatus, nec tamen prodest amplius. Quae est causa? Accesserunt causae, quae longe acriores morbos excitare possunt. Dormiebat ruri, in loco humidissimo, ut Tapetes etiam marcescerent. Erat ei aedificium in cella uinaria, & ibi permanebat assidue in multa humiditate. Deinde uersabatur in uentis Septentrionalibus, non temperabat sibi in cibo, & potu, comedebat uarios fructus. Habet etiam suppressa menstrua, & haec causae extrinsecae accesserunt, ut non mirum etiam, perseverante creatu & catarrho, non esse liberam à morbo uentriculi, cum non sufficiat creatus ad excernendam pituitam, quia plus iam generatur in uentriculo, & ego credo uterum esse sicut uentriculum. Nam menstrua ante ualde aquosa, & non regularia fluxerunt, & annus 44. nunc uel 45. licet sint tempora conuenientia suppressionis mensium, non tamen subito supprimuntur, sed praecedat ordo irregularis. In hac repente cessarunt propter aliquam causam, consentiente fortassis utero cum uentriculo. Queritur modo primo, num curari possit. Non enim cura tentanda est, si nulla spes, ne infamentur

bona remedia. Respondeo de vera & perfecta cura, loquendo ita, ut sanitari perfectissime restituatur, & statui, in quo fuit ante annos 14. ego nihil promitto. Indigebit perpetua præuisione, alioqui nisi aduertet, semper incidet in hunc, & alios morbos, adiutante illo catarrho, qui est quasi morbus factus, & illi congenitus. Sed si sui curam habebit, non infestabitur amplius, uel saltem melius habebit, exst tamen semper ad talem lapsum disposita. Non enim uideo, quomodo hic uentriculus per 14. laborans annos, curari possit. Hoc tamen fieri potest, ut uiuat cum minori molestia pluribus annis. Omisi rationem omnium symptomatum, quæ sequuntur morbum, syncopen, & alia, sed nolo repetere dicta ab alijs, nec in hoc immorari: deueniamus ad curam. Debeamus providere, ne generentur humores, quoties enim generantur, sicut audiistis, inuadit eam hic dolor. Et quia difficilimum, in hac membrorum debilitate providere, ut nihil generetur: quia semper accidunt errata aliqua: ideo quando non possumus prohibere, uidendum ut euacuemus. Primo igitur opera danda, ne generetur morbi causa, & si generata fuerit, ut euacuetur, & quia non continue euacuari potest: ut diuertatur. Circa primum, ne generetur, duo facienda. Ratio aptissima uictus sit, in cibo & potu omnia sint facilissimæ concoctionis, optimi nutrimenti, & aliquantisper attenuantia, ne faciant ad generationem pituitæ. Vinum etiam tale sit. Aer, exercitium, animi accidentia, & reliqua moderata. Balnea etiam aquarum dulcium in hoc casu conueniunt, & in ijs multum considerem, iuuarent etiam coctionem. Præterea haberet, quo corroboraret uentriculum, & cerebrum, quod mihi maxime placeret. Et optimum esse pro confortatione eius crederem saccharum rosaceum, cui si uoletis addere modicum Mithridati, mihi non displicet. Item saccharum uiolatum, uel Boraginatum etiam bonum pro confortatione. Deinde pro euacuatione, utatur per menses duos, uel tres, uel quatuor euacuantibus, quæ neq; calefiant, neq; exsiccent, ut Hiera simplici, cum flore Cassiæ. Corroborahunt enim, & non metuenda est exsiccatio. Pro tertio, in tanta duratione morbi, pro diuersione laudarem usum cauteriorum in brachijs, quæ optime iuuabunt, id quod nos natura docuit. Cum enim pustulas habuit in manu, non laborauit. Et quia morbus urget, ad grauiorem medicationem deueniendum, quia magni morbi maxima requirunt remedia. Thermas etiam probarem, existente tanta copia humiditatum in uentriculo, & in ipsis tunicis, quia exsiccant. Et laudo, ut exhibeantur moderate per 16. dies. Hippo. in lib de aëre, & aquis, improbat usum balnearum, quia faciunt dysenterias. Sed ipse ibi loquitur, de usu eorum continuo in cibo. Hic per 16. dies exhibentur sine cibo, & postea cibi addentur humectantes, & siccitatem aquarum metallicarum restinguentes. Alius quidam Medicus dixit in hoc colloquio, Gal. nunquam meminisse aquæ Thermarum, nisi in 4. de Tuenda sanitate, ubi quosdam eam exhibere refert, posteriores autem & Paulum etiam, multis in locis exhibere.

De usu Thermarum in Catarrho.

Consilium XCVII.



Vuenis laborans catarrho falso, defluente ad pectus, & impediente interdum respirationem, & in sinistro latere dolores magnos faciente, existente magna caliditate hepatis, & frigiditate uentriculi: adductus à Stephanella ad Montanum, rogabat, an pro corroborando uentriculo, & euacuanda materia conueniret potus thermarum: an uero propter caliditatem hepatis esset omittendus. Arbitratur Stephanella esse exhibendas, quia usum maximum præstarent in euacuanda materia, & confortandis membris, ita tamen, ut 15. aut 16. cyathos non excederet, & hepatis fomentis subueniretur, quæ caliditatem Thermarum refrænerent.

MONTANVS primo considerabat temperaturam iuuenis, & eam in pos-
sibilibus qualitatibus in sicco excedere uidebat ex habitu corporis, ex iracundia, & alijs,
eandem siccitatem Venere nimia quoque auxerat. In actibus uero inaequalitatem esse ob-
seruabat, hepar calidum ex uenarum amplitudine, uentriculum autem frigidum, tum
ex consequenti, ob caliditatem hepatis, tum ex tot catarrhis, & malis coctionibus, seu
signis indicabat. Ita hepar calidum & siccum, uentriculus frigidus, & siccus, repugnant
coctioni, quae fit per calidum & humidum. Quod ad Thermas, omnino dissuasit eas,
non quod metueret calefactionem hepatis, sed propter siccitatem uentriculi, quae po-
tu aquarum augeretur magis. Et diligenter cauendum dixit, ne ad phthisin deduceretur.
Quod ad catarrhum, existimauit cum remissum, ubi fonti, seu uentriculo succurrere-
tur, idque contrarijs faciendum dicebat, uidelicet calidis & humidis. A frigidis etiam, &
humidissimis abstinendum, sicut etiam ab omni sicco. Optimum esse Absinthium aie-
bat, & syrupus fiat pro coctione materiae, postea euacuetur cum drach. 6. Calsiae mix-
tae, cum drach. 3. uel 3. 1. Hierae, quae corroborabit uentriculum, & simul refrænabit
lubricitatem Calsiae. Ab Hiera alioqui, & Aloe simplici abstineret, quia exiccant. Sed
temperata cum Calsia exhiberi possunt. Quod enim adest humectationis in Calsia,
in Aloe siccitate compensari potest. Utatur uictus ratione conuenienti, & humectan-
te. Extrinsecus applicetur Emplastrum ex uitellis oui, carnibus Citoniorum, Dactylo-
rum, cum Mastiche, & uino. Vel inungerem linimento corroborante, ex oleo Chamae-
melino, uel Amygdalarum dulcium, cum Mastiche, & modico olei Caryophyllorum,
sed emplastrum magis placet. Abstineat a multitudine medicinarum, & si omnino
Thermas uult bibere, non dentur ultra sex uel octo cyathos, nec aliam aquam acci-
piat, nisi primam reddiderit exquisitae. Victus sit tenuis, & humectans, uinum album,
tenuis, & subdulce, quod ipsum etiam humectet.

De catarrho cum febris continua, & alui fluxione, pro
nobilissimo priore Barletano.

Consilium XCVIII.



Atitur catarrhum magnum defluentem a capite ad uentriculum, & thoracem, efficientem difficultatem anhelitus, & inhæret oris quia uiscidus est. Per uertebrae etiam dorsi ad iuncturas defertur, & ibi dolores ciet, maxime uero debilitat uentriculum. Deinde febrem habet continuam, cum siti maxima, & ariditate linguae. Ad hæc egestionibus putridas, ut apparent in his, qui aliquid crudum & incoctum egerunt integrum, sicut comedunt. Temperatura uentriculi frigida & sicca est. Siccam dico, quia musculos, thoracem, & membra circumiacentia habet gracilia, & tenuia admodum, solida ac dura. Frigidam, quia semper patitur cruditatem & incoctiones. Hepar ualde calidum est, etiam nunc, quia patitur perpetuam & inextinguibilem sitim, & ariditatem linguae. Generat enim hepar plurimum bilis, sicut uentriculus multum pituitae, unde multi uapores eleuantur, & facti sunt, ut caput superabundet excrementis, etiam si cerebrum per se calidum sit, & siccum, quod ingenij bonitas indicat. Sed in sex rebus non naturalibus multum peccauit. Bibit uinum frigidissimum, comedit integras patinas lactearum. Nunc autem nihil ei restat, præterquam pellis & ossa, omnia membra sunt attenuata, & mutilata carne. caret exercitio, uix potest se mouere. Non igitur est mirum, si abundet excrementis. Deinde nunc bibat potum cuiusdam radicis, quae sapore aliquo est prædita, sed nullius caliditatis, nullius astrictionis, aut qualitatibus admodum insignis in gustu; non igitur mirum, si multum frigiditatis ex ea contraxerit. Postea temporis constitutio hoc anno pessima fuit, & generans

multum catarrhi. Has ob causas multiplicatus catarrhus in hoc uiro, ut per os amplius educi non possit. Et ista fuit causa, & origo huius morbi, quem habet. Catarrhus uero spargitur per totum corpus, & primo ad pectus, ubi ciet tussiculam, postea ad uentriculum, in quo omnes quatuor uirtutes laedit. Obtundit enim appetitum; laedit retentiuam uentriculi, quæ a sicco roboratur, ab humido flaccescit, ideo non complectitur cibum, sicut debet, sentit enim rugitus, & ructus post cibum, quos audiui. Et quia non continet cibum, nec amplectitur, & laborat propria frigidityte, ideo sequuntur cruditates, & incoctiones, & generatur multum pituitæ loco chyli. Stante igitur cum his excessiua hepatis caliditate, necessarium est fieri multas obstructions in Mesaraicis, quas sequitur inflammatio, & putredo. Vnde oritur febris, cum præsertim multa pituita sit in uenis, ut testatur urina, in qua plurima subsidencia, & alia excrementa, quæ habent quasi formam puris, quæ iuuant obstructions, & prohibent euacuationes, unde oritur febris, quæ est typhodes, & similis hæctica, ob calorem remissum. Ad fluxionem modò, de qua plurimum sumus solliciti, ea enim uidetur habere rationem causæ, & ad se trahere curam. Est autem cognitio & curatio difficilis. Est hic intemperies frigida, & sicca per affluxum, quomodo igitur faeces sunt biliosæ? Cum bilis a calore generetur, & secundum gradum assationis sit nigra aut flaua, quomodo potest in corpore frigido & humido tanta fieri assatio, & quomodo illæ materiæ putridæ a stomacho ad intestina proueniunt? Diximus hepar calidum, & in eo generari multum bilis, quæ cum deferretur ad intestina, miscetur pituitæ, & fit cholera prasina, quæ maioris famæ dicitur, & ex putredine nouum fit genus humorum, quod cum per aluum excernitur, *oirasis* appellatur, lib. 3. de morbis Epidi. Quod postea apparet particulæ cibi, non concocti, causa est manifesta, propter imbecillitatem alteratricis non potest fieri coctio. Ea autem fluxio sequitur post cibum sumptum, tum enim semper percipit anxietatem, & grauitatem, quia uentriculus summopere laborat.

PROGNOSTICVM. Virtus consistit in tribus. In spiritibus, humoribus & membris solidis. Membra solida eam non habent, quia muscoli, & reliqua sunt extenuata. In humoribus & spiritibus caliditas modica, & ita est impedimentum maximum. Est tamen tam fortis & audax adhuc, sicut semper fuit a principio ætatis.

CVRATIO. Catarrhus tollitur euacuatione, eam non poterit ferre hoc corpus propter imbecillitatem. Solitus fuit purgari sola pillula aloes data. Nunc Diaphrasicon 3 s. parum eduxit, tam est inobediens corpus modo. Si catarrhum totum tollere non possumus, saltem euacuabimus ab ijs membris, ad quæ fluit; & multum declinauit ab eo tempore, quo huc uenit. Iam autem agitur 30. dies. Non debemus propterea desperare, uolumus dare syrupum de Endiuia, Absinthio, sine aquis, quia ita magis roborabimus uentriculum. Sed cum solitus sit comedere pira, dabimus nos pilascula loco pirorum, quæ adiuuant calorem innatum, & nutriunt. Dedimus panem bis coctum, & iussimus bibere uinum, non tamen nimium potens, propter uentriculum. Quantum ad reliqua, possumus dare Diarhodon Abbatis, & Diatrion pipericon. Exopresse enim dicit Galenus resoluere eius uirtutem, antequam transeat ad hepar. Potest etiam fieri talis potio.

R. Corticum Mirobal. Chebulorum 3 1.
Citrinorum 3 6.

Contundantur, & confricentur cum modico olei Amygdalarum dulcium, & infundantur in s. q. aquæ Absinthij, & post 20. horas leuis fiat expressio, in qua infundatur Rhabarbari 3 1. Spicæ Indicæ 3 1. Facta infusione primum cum modico uino Maluatico, decem horis post infusionem fiat fortis expressio, in qua dissoluantur manna 3 1. s. & fiat potio.

De catarrho, cum aure suppurata & febre in senē.

Consilium XCIX.

ISTE nobilissimus uir laborauit dispositionibus præter naturam ante hunc morbum, quas primo inquiram, earumq; causas, hinc curatio sequetur. Prius consuevit laborare catarrho eo, qui proprie dicitur coryza. Hoc autem anno catarrhus ad pectus & crura deuenit, in quibus dolor, tumq; occupauit dolor auris, quæ suppurata est, in qua percipitur pulsus & tinnitus. Laborat etiam febre, & nunc uesperis longe notabilius sentire febrim uidetur, quod ex pulsu percipitur, quàm hodie mane. Nocte præterita perpassus est hoc nocumentum, quod impeditius loquatur, uocem habet quidem, tamen articulate exprimere non potest, nam catarrhus erat in guttore etiamli postea quoq; cum catarrhus tertio expurgasset, hoc mansit malum. Alias uero expeditiſſime loquutus est. Vidi etiam urinas eius liuidas, tendentes ad colorem plumbeum, cum sedimento albo, & pauco supernatante. Audiu iſſum conqueri de interna caliditate, & secundo etiam rubedinem uidi circa Amygdalas. Impedimentum locutionis species erat paralysis & apoplexiæ. Non enim tantum impediabatur uox, sed etiam non cogitabat ea, quæ dicebat. Paralysis autem est apoplexiæ particularis, & hæc apoplexiæ, quæ metuebatur, est remissa admodum. Hæc licet ita sunt, tamen sollicitus sum de causa febris, cum adhuc urgeat, & ea hic maxime sit curanda. Iſta enim febris interius affligit, & exterius quiescit, quæ est una ex malignis, & proprie est febris senū, quæ sepulta dicitur, hocq; habet proprium. Quod mala adſint ſigna uideatis, quia adeſt ſitis, quæ est appetentia frigidi & humidī: unde calor internus uehemens indicatur. Apparet sputum candidum, quod ſit, cum plurimi uapores calidi admiscentur materiæ uiscidæ. Habet item arefactionem faucium, & dicit expuere bombacem quasi, est enim sputum tenax & crassum. Habet etiam uigilias, quod ſit ex mutatione naturalis caloris in igneum. Cum liuor in urina tendat ad colorem plumbeum, ſignificat calorem naturalem extingui. Appetitus uidetur corruptus, & emittit urinam in maiori quantitate, quàm bibat, quod ſignum eſt peſſimæ concoctionis. Nec uirtus bene regulat iſtos humores, quia huic calori plurimum etiam frigoris admixtum eſt. Adeſt itaq; febris admodum difficilis, & in ſene, exceſſit enim 65. annum. Eſt itaq; ſenex in ultimo ſenio conſtitutus & frigidus. Validus autem eſt ignis, qui ab aqua non extinguitur. Et Hippocrates dicit in ſenibus febres ſunt difficiliſſimæ. Catarrhus præceſſit omnino pituitosus, quia etiam plurimos ſenſit ſtatus tempore ſanitatis, & uidetur ſpiritus craſſius, uel aſcendere ex uentriculo ad diaphragma, & ibi etiam impedire ſpirationem: pituita tamen admixtum eſt uel terreum aliquid, uel bilis. Idem etiam catarrhus occupat uenas, & prohibet tranſpirationem, efficit putredinem, ex qua hæc febris, quæ nullum facit typum. Habet poſtea aliud ſymptoma, ſuppurationem uidelicet in aure, & arguitur ibi aliqua materia eſſe in loco abſceſſus: quod colligitur ex pulſu, quem ſe ſentire dicit, & cum pars maturatur, quæ antea fuit cruda, efficit pulſationem. Poſſeſt etiam eſſe, quod uapores retenti circa aures aſcendant ad cerebrum, & ita cauſatum ſit impedimentum circa imaginationem & locutionem. Dolorem etiam pedum ſentit, qui cauſatur à materia ſtatu lenta. Nunc aut tantum attendere febrī, & abſceſſui, ſeu ſuppurationi auris, quibus curatis omnia remittentur. De febrī primo reſpicerem ad eius cauſam, quæ uel intra uenas, uel extra uenas, eius materia eſt uiscida, quod apparet ex cōtentis, quæ non occupant fundum urinae, ſed ſupernatant, ex quo ſignificatur ſtatus, & pituitosum quiddā. Cū igitur ſit materia craſſa & uiscida, erit attenuanda. Itaq; uinū, licet prouocat urinā, tamen quia habet debile caput, & uinum ſemper ad illud euaporat, abſtinendū à uino. Huius aut loco utatur decoctio, uel cū Anifo, uel Cinamomo, uel cū utroq; & ſaccharo. Hæc abſtergerent, & calorem naturalem cōſeruarent, modo nō ueretur actū frigidū, ſed calidū & tepidū. Decoquem Betonicā in omnibus uſculis, quæ efficacior eſt Saluia, & ma

& magis resistit frigori. Huic etiam adderem Anisum. Darem illi iura, sed non carnes, nisi zulum. Et in ista materia viscida semper ea exhiberem, quae leuis essent concoctionis. Curarem etiam clysteribus, quibus adderem mel rosaceum, ad diuertendam materiam. Vterer syrupo de Liquiritia & Betonica, in his sunt iuuamenta contra catarrhum, corroborant etiam cerebrum. Hunc potum exhiberem singulis diebus. Singulis tribus diebus darem pillulas ex Hiera picra, quae tam adiuuarent concoctionem, quam syrupus ipse. Nihil etiam praestantius in febribus pendentibus à materia frigida, quam corroboratio ventriculi. Acciperem uinum album, & oleum Anethinum, & ita decoquerem, donec uinum euanesceret, & cum eo facerem totius corporis frictiones. Ita melior fieret concoctio, & materia discuteretur. Illinantur pedes quoque oleo Anethino & Chamamelino. Quoniam dicit se dolorem pedum sentire; suffitum quoque facerem, & acciperem acetum rosatum cum modica aqua rosacea, & adderem Caryophyllos, ex quibus odor suauissimus, quem semper haberet in cubiculo. Circa aures acciperem Cepam magnam, easque excauata imponderem oleum Amygdalarum, & sub cineribus calidis coquerem, hac cocta, instillarem in aures expressum succum, maturat hoc, & educit suppurationem. His adderem odorem aromatum, qui item exiccat. Si quid deinde euacuandum uideretur in auribus, id successu temporis uidebitur.

De catarrho, fluxu alui, & febris hectica cum putrida.

Consilium C.



F S T hic concursus, & syndrome dispositionum quarundam praeter naturam. Adest enim catarrhus, febris, fluxus alui. Circa ista tria debemus uersari diligenter. Quod attinet ad curationem, non curabimus; si non cognoscamus harum naturam, & causas coniunctas, & proximas. Iste catarrhus incipit in ea, quae erat carnosae & constitutionis bonae, uixitque sine querela, sana. Ex malo uero uictu & regimine malo, cum die carnispruij nocte nimium saltasset, contraxit. Videndum hoc diligenter, quia habemus causas pro morbo. Sed hic nulla erat praeparatio corporis, ideo causae cum diligentia uidendae sunt. Audio eam fuisse humidam carnosam, est aetatis 20. annorum, & nunquam antea in saltando ita excessit modum. Scimus autem, quantum possit caliditas & motus in corpore humido & molli, nam tale facile colliquatur, ut etiam uidere est, quomodo colliquatur sanguis, & caro concreta. Ex illo motu & calefactione superflui eleuantur multi uapores ab humiditate, & carne, in quibus fit colliquatio, & inde uapores ascendunt in caput, & non fit concoctio eorum in capite, sed condensantur, inde catarrhus; ut Galenus 3. de locis affect. dicit, ex superfluo labore, & uaporibus fieri potest, item ab aestu, ut cum sol calefacit cerebrum, quemadmodum laborantibus in sole accidit, et si etiam habeant caput tectum, tamen à sole aperiuntur pori, & ita resolutum cerebrum facile repletur uaporibus, ut in hac quoque muliere contigit. Nam cum sit haec humida, calefacta, perseverauit in ea caliditas, quia habuit magnam humiditatem, itaque multi uapores eleuati, & longus est catarrhus secutus, quia diu perseverauit, & non tam uehemens ante partum, quia erat corpus humidum & pragnans. Nam in pragnante multa excrementa descendunt in uterum, unde tales tolerant malam uictus rationem, quia expurgantur in uterum, & non aegrotant. Haec igitur mulier, cum grauida esset, licet obstructions in ea essent, & membra naturalia labefactata, tamen in pragnante non apparuerunt ea incommoda. Nam descendebant, ut dixi, excrementa in uterum, sed incurrit in hoc malum post partum, quia illae materiae non erant bene purgatae; nec sanguis exiuerat, sed quaedam materiae aquosae fuerunt in corpore illo humido, & modo adfuit febris peccissima, quia secuta putredo. Iste catarrhus mutatus à priori, pro ratione

materię, nunc enim excoriat guttur. Nam licet non sentiat falsedinem, tamen ex putredine acquisiuit caliditatem. Cum prior catarrhus descenderit ad pectus, facta obstructione prædens catarrhus putruit, & locus ille aptus ad putredinem, ubi materia non potest bene concoqui. Est enim calor vehemens, & in catarrho humidum multum, & ita putrescit catarrhus in pectore, & non fecit ulcus, nec empyema. Nam empyema est in concavo pectoris, & est sensibile, & sanies aliquando decumbit ad alteram partem, quia est media membrana. Et ita antiqui linetolum intingebant bolo Armeno, & pectori imponebant, ad cognitionem, qua in parte esset pus, & ita caliditatem obseruabant. Quia ubi putredo, ibi caliditas est. Habet item excreationem facilem, licet materia sit crassa, & nescio quomodo transeat per membranas, & deueniat ad pulmonem, & inde ad tracheam arteriam, & cum in illam deuenit, putrescit, & ita expuitur. Si uolumus dilatare nomen, ut dicamus Empyematicum, quia habet pus, & excernit per screatum, improprie dicemus, non ut Galenus & Hippocrates. Vtrum sit ulcus, unde emanat pus? Ego non uideo, quomodo possit pus exire ex ulcere sine sanguine, ut apparet ex Auicenna: ubi dicit de mictu sanguinis. Mictus, & fluxio sanguinis fit diuersis modis, uel apertione, uel resolutione &c. Vnde male dicimus, est hic sanguis, ergo est ulcus. Item cum exit pus e corpore, non statim est ulcus, ut sæpe uidemus in urinis, quando excernitur cum urina pus, & habet foetorem, & subsistentiam, & tamen non semper est ulcus, quia humor in loco collectus putrescit. Vnde Galenus secundo Prognosticis, dicit, quod sanguis extra uenas exiens putrescit, & uertitur in saniem. Vnde hic quoque potest esse ita, ut sanguis putrescens transeat in pus. Ita etiam pituita putrescit, & fit pus, cum sit sanguis semicoctus. Ego dico, quod catarrhus a capite moram faciens diu, in pulmonibus putrescit, quia est in loco calido, & cum adhuc aucta febris, facit calorem maiorem, & illa materia facile putrescibilis est, & facile excernitur, quia est in trachea arteria, ex qua non transit per longum iter. Habet causam antecedentem hoc pus, quia descendit catarrhus in pectus, & putrescit a calore, qui est tunc ratione febris. Inde autem catarrhus habet fomentum, quia ex toto ambitu corporis exeunt uapores ad caput, propterea quod febris colliquat corporis humidum. Quod uero materia sit uiridis, est causa putredo, quia in alba materia exhalat tenuitas, & grossa pars manet, inde fit minor translucencia, & ita uiridis color. De febre, ex quo audimus ex Doctoribus, quod excreuit post cibum, & non habet typum, sed est continuus, igitur hæc sunt signa febris hecticæ. Hæc habet putredinem & fœtorem circa cor, & ita facile potuit incidere in hecticam. Non ualet autem contra, iudicatur hectica non ratione ulceris, sed saniei. Hæc habet autem saniem in pulmonibus, ergo habet hecticam. Et quia, qui habent catarrhum, sæpe habent febrem putridam, ratione uaporum, ita hæc potest habere febrem putridam. De fluore alui, an sit uel diarrhoea, ex humorum multitudine, & ambitu corporis, uel ex catarrho, & consequatur malitiam eius? Credo quod fiat ratione catarrhi. Cum enim descendit in uentriculum, relaxat eum, & intestina, ac stimulat ad excernendum. Potest etiam esse ex colliquatione, nam audio esse putrida excrementa, & multam habere putredinem, atque ita iudico fluxum colliquatiuum. Item quoties putrescunt humores in uenis, & excernuntur, fit fluxus. Hoc unum scio, ubi sequitur hecticam fluxus alui, propter malitiam catarrhi, siquæ casus pilorum, sequitur mors: ut Auicenna quoque inquit; In hectica, fluxus sequens hecticam mors. Prognosticis. Vbi catarrhus perseverat, & putredo in pulmonibus, pauci sanantur. Vlcus non potest curari, quia quod tangitur a putrido, facile putrescit, ut pulmo. Hic, quia fortiter, & frequenter excernit, ideo non putruit, nam ad putredinem opus est tempore. Sed hic etiam fortis est pulmo, nec in eo ulcus, quia in pulmone multe sunt uenæ, & arteriæ, in quibus si esset ulcus, iam ex arterijs & uenis sanguis efflueret. Hæc semper expuit, & nunquam quicquam exijt cum pure sanguinis. Non igitur potest esse in pulmone ulcus, quin exeat cum pure aliquid sanguinis (ut D. Mont. contra Frisimelicam & Bellocatū doctissime concludit post multas disputationes, quæ de hoc fuerūt inter eos) sanguis erupens ibi ex ulcere potest uerti in saniem, & ita

& ita non sanguis, sed pus excernitur. Curatio est interceptio catarrhi. Incipiendum dico à cauterijs, neq; timerem æstium, aut febrilem calorem, facerem actu cauterium. Quantum ad pectus, procederem cum Electuario de seminibus, seu cum Diacodio, cum Papauere, de seminib. s. Galeni. Poterit dari parum boli Armeni, pro roboratione, & tollenda putredine. Quia uerò sententiam Montani alij aliter intellexerunt, sequenti die proposuit in schola duas conclusiones sequentes. Prima: Nullum ulcus potest fieri in pulmonibus, ex quo sputum sanguinis non præcedat expuitionem puris. Ratio. Quia pulmones sunt uenosi, & arteriosi, itaq; illis exulceratis, statim sanguis erumpit, qui antequam in pus uertatur, à uirtute expultrice per tussim paulatim expellitur. Secunda: In parte carnea non potest esse ulcus, ex quo simul cum sanie non profluit sanguis.

De catarrho fluente ad nares, & os, cum feбри.

Consilium CI.



VM offeratur nobis Dominus, qui conqueritur de catarrho effluente ad nares, & os, atq; inflammatione, cum qua adest febris: & ego sum eiusdem sententia, cuius V.E. nempe febrim & inflammationem dependere à catarrho, ideo de catarrho tantum loquar. Catarrhus iste, quantum ad substantiam, partim crassus, partim subtilis est, quoad qualitates calidus, ita ut efficiat inflammationes, atq; omnino salus. Non quero nunc, utrum ab ins temperie capitis sit, uel ab alijs partibus. Dico, quòd ab utroq; habeat originem. Hepar calidum est, unde uapores eleuantur. Ventriculus habet debilem, & uixit male, & non exercuit corpus, unde aggregauit multa excrementa, & ita à uentriculo, & hepate multi uapores eleuantur, & sit catarrhus, qui defluit ad subiectas partes. Is igitur catarrhus est in capite, atq; indiget curatione. Proponam id quod sentio. Potest curari catarrhus uel curando membra mandantia, ut Gale. 5. Method. curabat catarrhum per caustica, exiccando, & prohibebat defluxum. Secundo, potest curari, ut prohibeamus defluxum, corroborando partes, in quas decumbit. Tertio, ut diuertatur. Quarto, ut tollatur catarrhus euacuando, & ad hoc proponit pillulas Coccias Gal. Est & alius modus curandi, quatenus uel subtilis, uel crassus, uel corrosuens. Queritur, quid modo agendum cum hoc catarrho? Videntur aliqua in hac curatione non attingenda. Ego dimitterem catarrhi suppressionem, applicatione rerum ad caput, quia caput est calidum, nec est purgatum. Item diuersio non est tuta, quia si diuertemus, ad partes affectas id fiet, nam omnes fere partes eo affectæ sunt. Sed per nares possumus diuerrere & illa esset diuersio commodissima, quæ mihi quoq; placeret, neq; est prætermittenda. Cum sit euacuatus, sinatur nunc, & præparentur materia, ac dentur syrapi, ac postea euacuatio fiat, quia diuertetur materia per loca apta, uidelicet per intestina. Præparatio humorum, cum sint uiscidi (non enim potest expuere, nisi habeat liquorem in ore) fieri posset cum syrupo rosaceo, qui contemperat acridinem catarrhi, huic commiscerem acetosum simplicem, factum ex saccharo, qui incidit & refrigerat, hoc modo, g. Syrupi rosati, & acetosi simplicis an. 3. 1. Da cum his syrapius ius pulli iunioris. Nam contemperabit humores, & huic iuri pulli non præfero aquas destillatas. Quantum attinet ad catarrhum, qui descendit ad fauces, & corrodit eas, indigemus contemperatione. Sunt autem inflammationes partim factæ, partim fiunt, ut ipse conqueritur, quia semper defluit, quare nos debemus habere duas intentiones. Factæ indigent repressione, & lenitione, atque euacuatione. Potest etiam fieri repressione tantum, sed repellentia non sint acria, neq; ualde repellentia, ut Galenus ostendit libro sexto de comp. medic. Conueniunt rosæ, & albumen oui, quod lenit. Sed quia indigemus ablutione, decoquerem in aqua uel Endiuie, uel simplici hordium, rosas, Sebesien, luluhas, Liquiritiam & Camomillam cum aliqua portione Maluæ. Hæc q; lenient & mitis

& mitigabunt, repellent & confortabunt. Sed quia opus est, ne statim uis medicamenti transeat solido, ideo concutiat albumen oui, & inspergatur saccharum cum aqua rosacea, & teneat in ore. Item in ore habeat solidum aliquod, ut Diacodium, quia prohibet defluxum catarrhi, & ita continue aliquid in ore gestet. Quantum ad uictum, pitisana nihil melius ei exhiberi potest. Far quoque coctum in iure pulli dari potest, quod contemperabit humores. Item exhibeatur panatella, albumen oui, cum luteo. Vinum non esset concedendum, si recte progredieretur. Hippocrates lib. tertio de ratione uisctus inquit: Tribus casibus prohibetur uinum, quando materia petit caput, quando est cruda, & quando intestina sunt inflammata. Sed consuetudini eius aliquid permittendum, & cum petat, exhibeatur parum uini. Ablutio oris cum uino non conuenit, quia inflammat, & uapores ex eo ad caput ascendunt. Si alius non fluat, adhibe dysliere leuissimum. Post collegium hæc eadem ordinata.

℞. Rosarum	M	1.
Sebesten		
Iulubarum ana	N	10.
Liquiritiæ rasæ	3	ij.

Misce pro decoctione.

℞. Aquarum solatri		
Portulacæ		
Plantaginis		
Scabiosæ		
Lactucæ ana	℞	1.
Syrupi rosati recentis		
Diamoron ana	3	2.

Misce pro gargarismo.

℞. Syrupi rosati recentis		
Acetosi simplicis ana	3	1.

Misce pro syrupo, quem temperabis iure pulli, ut Montanus iussit.

De destillatione ad diuersas partes, & febre, pro Abbate sancti Gregorij octuagenario.

Consilium CII.

Primum quod uenit considerandum, est natura morbi, & subiecti. Subiectum autem est in ultimo senio constitutum, quæ quidem senectus, est pessimus morbus: & comparando morbum hunc ad senectutem, longe maior est senectus, quam morbus, quo affligitur. Habemus ergo ætatem in ultimo senio: habemus corpus quo ad radicem ualidum: quod si compararetur alijs decrepitis, robustum est, absolute tamen non est robustum: nos autem robore indigemus absolute, non per comparisonem ad aliud. Habemus ergo imbecillum corpus: nec est considerata temperies elapsa, sed præsens. Et quo ad præters naturales dispositiones non omitam, quod in hyeme proxime elapsa apoplexiam & paralysem leuem passus est: quæ quantum adferat incommodi in omni corpore, argumento esse potest, quod apoplexia ita prosternt uires cerebri, & calorem innatum, & uires cordis, propter consensum cordis cum cerebro, ut uideamus iuuenes cum in apoplexiam inciderint, nunquam restitui: quanto magis senes, si inciderint: uel non euadent, uel raro, semper tamen percipiunt tale nocumentum. Considerandum igitur est symptoma, quod licet non curemus, tamen admonet, quod ægritudo deterior est. Nunc uero patitur duas dispositiones, destillationem scilicet à capite ad diuersas par-

tes : & quidam quæ occupat fauces , bronchus appellatur , aliam præterea patitur quæ pectus occupat , & catarrhus nuncupatur , ad ichthiam etiam , & ad crus infra genu usque ad talum descendit , & ibidem tumorem facit in præsentem cedematicum : adeoque copiosa est desillatio hæc , ut perseveret nunc cum tussi , quæ non est sufficiens ad excernendum catarrhum crassum. Alia dispositio est ipsa febris , quia iam mensis est , ex quo incepit affligere , & ita affligit , ut nunquam fere fuerit sine febre : ita tamen erat mos febris , ut servaret hunc ordinem , ut alternis diebus magis invaderet. Quo ad febrem , quæ primo consideranda est & forte primo curanda , si consideremus exeuntia , quæ maxime indicant naturam febris , & præcipue urinæ , quæ indicat febres putridas , etsi minorem putredinis habeant extra venas , quia humor qui putrescit intra venas , ille est qui effunditur extra : ideo urinæ indicat humorem putrescentem. Cum ergo urinas rubeas & crassiusculas , quæ tales perseverant , habeat , super humorem peccantem attestantur. Et cum duo sint humores in humano corpore rubei , sanguis , & cholera ^{scilicet} à Græcis appellata , à Latinis rubea , igitur cum non videamus in hoc corpore sanguinem abundare , nec signa sanguinis apparere , & pituitam multam abundare , non est sanguis absque dubio qui peccet : tum etiam , quia sanguis putrescens non facit periclos. Relinquitur ergo quod bilis sit , quæ putrescit in aliqua miniera putredinis , de qua nondum constat. Habemus ergo febrem hanc etiam , & ex putredine humoris bilioli : habemus præterea egressiones biliosas : & hæc duo arguunt bilem putrescere . Et quia invadit sine typo , cum calore levi , & segni , sine siti , sine capitis dolore , & sine sudore , credendum est quod sit mixta cum pituita , & sit ex genere bilium quæ appellantur maioris famæ , & hoc verisimile est , cum abundaverit tanta copia pituitæ , maxime cum corpus sit frigidum , & siccum : hæc enim temperatura (ut dicit Galenus in 2. de temperamento) multam pituitam generat. Bene verum est , quod si caliditas & siccitas temperaturæ excederet , redundaret bilis : quatenus autem remanet uestigium caliditatis , bilis abundat scilicet : processu vero cum sit corpus frigidum & siccum , abundat pituita. Nec verum est id quod olim dicebat Cassianus , cum quo habuimus super hac re dispositionem , quod generaret talis temperatura humorem frigidum & siccum , quia talis humor generatur à caliditate adurente. Vtcrius , cum vir iste frigidus & siccus sit ratione ætatis , non est aliter credendum , nisi quod sit pituita multa bili permixta . Febris ergo , ut ex motu febris & exeuntibus apparet , est febris quæ pendet à cholera vis tellina crassa mixta cum pituita multa : ideo longa est . Talis ergo est causa , & mos febris , iudicio meo. Vbi vero , & quo modo putrescat , videndum est. Omnino bilis generatur in hepate. Sed quomodo in isto viro generetur , multæ causæ adduci possunt , ex regimine maxime facto , cum dulcibus scilicet , quæ bilem generant , & præterea potuit esse causa , quod factæ sint obstructions in hepate à catarrho , & cum in venis mœraicis sint factæ obstructions , nihil magis facit ad calorem augendum hepatis , & ad calefaciendum , sicut obstructio : quia cum sanguis teneatur , calefit , & facit multiplicare bilem : quæ cum partim per venas deferatur , quia venæ omnes non sunt obstructæ , sed plures , ideo non evertitur sanguis , incalefcit , & partim per venas , partim per porum felleum ad intestina defertur : & ideo per secessum , & per urinam , plurimam bilem emanantem videmus. Minera ergo putredinis est , quia venæ sunt plenæ bile & pituita , & putrescit pars in venis , pars extra : sequitur quod putredo varia sit , & modo in venis , modo extra venas sit , quia natura potest transmutare materiam extra venas sine typo , ut in primo à Glauconem dicit Galenus : & non sit rigor in tertiana , nisi propter multitudinem materiæ subito excurrentis ad loca sensibilia , ob sensibilitatem multam. Cum igitur priuetur multa bile sincera , & membra sint sicca sine sensibilitate , ideo potest putrescere extra venas , & intra etiam. Sed quicquid sit , siue extra , siue intra putrescat , materia hæc cholera est crassa mixta cum pituita multa. Sed quantum sit de ratione febris factæ ex obstructione , si aperietur , transpirare poterit , & bilis non generabitur , quia remota prohibitione transpirationis , omnia prospere succedent. Circa catarrhum vero aliter est dicendum : quia senes habent catarrhum congenitum , & cum occupantur ,

tunc fit illis ita congenitus: & aegritudo, sicut Hippo. retulit, branchi & catarrhi in senibus raro maturantur. Dicit Hippoc. raro. Galenus uero exponens in commento, nunquam catarrhos tales in senibus maturari dixit: & ratio est, quia sunt ipsis congeniti, quia cerebrum cum non possit concoquere alimentum, & vapores eleuati ad ipsum non expellantur, ideo tum ratione proprii alimenti, tum etiam ratione uaporum, tum ratione utrorumque, sic fiunt catarrhi senibus congeniti, præterea cum vapores sint multi in corpore senum, propter imperfectionem concoctionum, plurimi ascendunt, & cum non possint expelli, multiplicatur catarrhus; maxime autem multiplicatur in illis, qui habuerunt caliditatem in iuuentute ualidam. Vbi enim perfecta frigiditas est, ut in senes qui fuit frigidus, non fit in eo euaporatio multa, ideo nec multitudo catarrhi, & non nisi propter alimentum cerebri. Corpus autem tale fuit calidum in iuuentute, ut apparet ex toto ambitu, & nunc etiam hepar suum calidum est: ideo fit multa euaporatio ad caput: ideo catarrhi multiplicantur; multiplicatio autem catarrhi ratione cerebri non potest tolli, quia non potest fieri, ut cerebrum non sit frigidius seipso, ideo non possumus curare catarrhum: possumus bene remorari ne cito interficiat. Cum igitur hæc duo ita se habeant in hoc corpore, quid esset dicendum, & quid faciendum? De his quæ possunt contingere, aliquid est dicendum. Quod ad catarrhum attinet, non curabitur perfecte, Quo ad febrem poterit forte, sed cum difficultate: & ratio est, quia febris hæc non est nisi à forti causa, & non habet uirtutem quæ adiuet Medicum, quia Medicus naturæ minister est, ipsa uero operatrix 3. artis medicinalis. Non ergo ita facile curabitur ratione debilitatis corporis, & causæ: & ita sumus in re ualde ambigua. De faciendis est primo uidendum, cui primo occurrendum sit. Dico quod intentio circa febrem dirigenda est, non neglecto catarrho, quia febris periculiosior, quia diffici-
cior est naturæ senis: catarrhus autem familiaris. Ideo febris non seni, sed iuueni est familiaris: neque ea febris hic dependet à catarrho, nisi quia facit obstructionem: & bis multiplicatur, quæ miscetur cum pituita. Ideo obstructiones essent tollendæ, ut febris tollatur: quia si tollamus febrem, poterimus providere, ut iste Reuerendus domi-
nus uiuat diutius: si uero non tollatur, interficietur, quia fiet quotidie deterior, sed quia ab humoribus dependet, tollendi sunt, & providendum est ut obstructiones hepatis aperiantur. Et quia materia crassa est, quæ euacuari debet, attenuantibus indigemus, deinde educentibus humores crassos in uenis existentes. Et sic una indicatio ab humoribus sumitur, alia à uirtute: quia debet sumi uenia à uirtute, tanquam à principe ter-
reno. Nos habemus uirtutem quæ præcipit, & cum sit in corpore senili, & uirtus as-
fecta admodum, non possumus ea facere quæ morbo conueniunt. Primo igitur manna proposita est, & ab ipsa inciperem. Sed diceret aliquis: Tu euacuabis humores sub-
tiles, hic autem crassi peccant, ideo non euacuabis humores peccantes. Dicebat autem Hippoc. Si talia purgantur, qualia purgari conuenit, confert, &c. Cum ergo non pur-
gentur humores quos conuenit, non iuuabitur. Dico, quod etsi tenues humores euacuet manna, non debemus abstinere ab ea, quia ab humoribus præparatis debemus incipere, qui sunt in uenis mesaraicis, ideo tutissime conuenit: & quia iuuabit etiam catarrhum, cum febre non sit occurrendum neglecto catarrho, ideo summopere con-
uenit. Non dico quod manna penitus sanabit, sed quod erit principium optimum: quia uidi ego sæpe, quod manna licet tenues humores euacuet, aperit obstructiones: & facta præparatione, uidi crislum fieri, & post quatuor dies sanitatem secutam esse. Ideo inciperem à manna tanquam à re tutissima, & darem in uespere ipsam; imò felicius operabitur, ut est mos Romæ, ut libentius dent in nocte, & experiuntur feliciter operari, sed ante cibum statim: & exhiberem 3. l. s. uel 2. Postea deuenirem ad alia, nisi natura adiutaret nos, ut non indigeamus alijs. Altera die nec brodium, nec syrupum darem, quia nollem ut brodium lauaret medicinam: nec syrupus distribueret humores, quos uolo euacuare. Altera die, quæ tertia erit, darem syrupum qui habet uim abstergendi, & mundificandi, propositum est oxymel simplex, à quo non recedes-
rem, sed uellem ut esset magis acetosum, & præpararetur cum sua acerositate: id enim

quod habent pharmacopolæ, dulce est. Non derelinquerem mel rosaceum ratione stomachi, quia fenum membra sicca sunt sine pinguedine, & intestina non habent pinguedinem, possemus deuenire ad excoarationem: uellemq; ut esset subamarum, quia multum refert habere optima medicamenta. Postea facerem decoctum, accipiendo aquam endiuizæ, uel capsillorum Veneris, si haberentur capsilli Veneris, nec erit dimittenda farfara, id est, tussilago appellata propter excellentiam, quam habet ad tussim. Ideo uellem quod haberemus has tres aquas ad pondus singularum lib. unius. Et decoquerem in ipsis aliquid anisorum, ut corrigeretur earum frigiditas, quoniam omnes aquæ destillatæ frigidæ sunt, ut etiam aqua destillata à calidissimo simplici, puta à calamentho, quod stimulat linguam uelut piper, non calefaciat, imò infrigidet: & uidi inflammatos homines propter potum decocti ligni Indi, ab aqua calamenti infrigidari summopere. Quia ergo aqua endiuizæ est frigidior, aqua capsillorum Veneris ad temperamentum accedit, uellem miscere anisorum aliquid, ut aperirentur oppilationes, & corrigeretur frigiditas, & decoqueretur ut duæ libræ remanerent: & exhiberentur huius decocti unciz quatuor; oxymellis simplicis, mellis rosati sing. uncia. Cum autem dedissem quinque uel septem syrupos, si uiderem concoctionem, replicarem medicinam, & constante uirtute, cum manna, uel infusione rhabarbari, uel cum syrupo rosato solutio euacuarem, nec accederem ad agaricum, quia laboriose soluit, & nauseam facit. Sed ego non recederem à benedictis, nec haberem uirtutem defectam: oportet ergo manu tenere ipsam, & cum deuenimus ad rhabarbari infusionem, & ad syrupum rosatisolutum, sufficet nobis. Si postea symptoma catarrhus urgeret, cum linimentis procederem: & ego maxime confido in uno à methodo Galeni sumpto. Vellem ut acciperemus adipem anserinum, quia maxime penetrat. Et licet antea qua expositio laudibus extollat anatinum, id perperam dictum, quia textus Græcus habet anserinum. Etiam ille qui traduxit, ea attribuit arietino, quæ sunt attribuenda anserino, cum modico croci, & olei amygdalarum amararum: iuuabit enim mirum in modum ad concoquendum materias crassas. Nunc autem masticatoria non conuenient, sed facta euacuatione: Caput purgia per nares conueniunt ad euacuandum catarrhum, & si per spatium leue facere uellemus masticatoria, possemus. Ideo si uellet masticare radicem capparum, optimum esset, uel mastichent: corroborat enim, nec facit uolentiam attractionem ad fauces: & conueniret liquiritia pro uentriculo, & pro concoquendo catarrho, & pro febre. In ijs immorarer, ut scopus meus esset non recedere à benedictis. Circa rationem uictus, ab eo tollendum uinum potens, & uinum sit tenue, subtile, album, ut nō habeat aciditatem, nec dulcedinem, quia uellemus curare febre, non catarrhum. Quo ad cibum, iusculis ex hordeo optime coctis; & farre cum lacte amygdalarum utatur, & oua forbilia accipiat, quia in tertianis oua iuuenihus exhibebat Galenus: in reliquis regimine fenum utatur, cum aliquibus frictionibus. Quo ad illam excoarationem, non labore supra nates, quia longo decubitu faceret deuenire ad gangrenas, & estiomenum. Ideo petiæ lineæ subtilissimæ in oleo de cerussa madefactæ loco apponentur, uel cum carie lignorum salicis, & cum modico olei rosati: uel puluis ille sicus conueniret, uel item unguentum de lithargyrio simplex: & inter omnia ne molestaretur in decubitu, uellem ut super re molli sederet, & cum subtilissimis petijs, ne aliquid asperum læderet ipsum. Quo ad oedema, uellem ut maius fieret: si tamen timerem ne humor multus destrueret temperaturam cruris, non esset malum si aqua marina salsa acciperetur, & germina ebulorum coquerentur in ea, & fierent lotiones, & petiæ lineæ magnæ infusæ essent: facerent enim ad resolutionem, nec reprimerent: & corroborarent membrum, ne materia illa diutius permaneret destruens calorem innatum. Et ista essent iudicio meo faciendæ.

De Catarrho ad fauces, diminutione uisus,
& purulentis auribus.

Consilium CIII.



MNIA, quæcunq; afficiunt hunc nobiliss. Virum, sunt circa caput. Aus-
diuimus enim totum corpus optime ualere, non solum audimus, sed uis-
demus, quod optime nutriatur. In actionibus naturalibus & uitalibus be-
ne se habet. Sed in capite patitur tria. Primo, catarrhus defluit, & occupat
fauces, & ille timet, ut ad alias quoq; partes defluat. Secundo, queritur de
detrimento facto in oculo, & cum ablatus sit uisus, timet de altero. Tertiò, quod habet
aures purulentas. Nos igitur eius petitioni satisfacturi, consideremus symptomata
circa caput, quia de alijs non conqueritur. Est itaq; catarrhus, qui à capite deorsum
(quia catarrhus significat defluxum) defluit ad partes subiectas. Materia uero ad fau-
ces defluit, de qua queritur, an sit generata in cerebro, uel à cerebro quidem defluat,
ab alijs uero membris transmittatur. Nam prout fit à diuersis catarrhus, ita habet di-
uerfas quoq; causas. Non dixerim, cerebrum non esse affectum, nec quod ab inferiori-
bus nihil ascendat, quia audimus, quæ præcesserunt ab infantia. Cerebrum semper
fuit affectum. Habuit sæpe scrofulas, quæ fiunt à materia uiscida. Et cum uteretur nu-
trici, cerebrum affectum fuit. Cessantibus scrofulis passus est fluxum narium, qui in-
dicabat repletionem capitis. Nunc uero hæc symptomata, quæ enumerata sunt, patir-
tur. Ergo habet cerebrum affectum. Plane igitur credo caput imbecille esse, & malam
in cerebro intemperiem, ratione cuius generetur catarrhus. Ac propterea in cerebro
lesionem essentialiter facientem catarrhum. Sed est ne intemperies pura, ita ut nihil
ascendat à partibus subiectis? Non est possibile, quia habet caliditatem, & humidita-
tem in corpore. Color ad albedinem cum rubedine tendit, habet uenas amplas. Caret
pilis, quia caliditas cum humiditate non generat pilos, ut in pueris. Est copia sangui-
nis, & ad ea confert temperies hepatis, nam in eo fit sanguificatio. Et sanguis immutat
corpus, ut sit humidum & calidum, quia hepar calidum, & humidum multum sangui-
nis generat. Habet etiam cor calidum, & humidum, de alijs enim iam non curo. Qui
uero habent caliditatem, & humiditatem, in illis sit redundantia uaporum, & ideo ta-
libus facile repletur caput à uaporibus. Et si quis habet imbecille cerebrum, plures
ascendunt, ratio est: quia uapores suapte natura ascendunt, & quia cerebrum imbecil-
lum, non concoquantur, refrigerantur, & condensantur. Vt in Alemico fit, uel in ge-
neratione pluuiæ. Habemus igitur uaporosas materias, & deinde imbecillum cere-
brum. Ea q; imbecillitas est accidens consequens ægritudinem, uidelicet intempe-
riem, quam uidemus ex humiditatis redundantia. Huius est signum excrementorum
copia. Nullum enim ut 2. artis paruæ lib. dicitur, est signum, quod indicat magis hu-
miditatem cerebri, quam excrementa. Præterea cum humiditate est calor, ut apparet
ex magnitudine uenarum. Adest igitur caliditas, & humiditas: sed longe maior est
humiditas, caliditas uero remissior. Cum igitur plus sit de humido, nihil mirum, si sint
tot catarrhi, quia caliditas non potest resolvere tantam humiditatem, præsertim cum
sit imbecillitas cerebri naturalis, facta ab humiditate, & accedente caliditate. Respon-
demus igitur quæstioni, quod catarrhus in capite generetur, partim per essentialiam, pro-
pter caliditatem & humiditatem cerebri, partim uero per consensum à membris infe-
rioribus demandantibus ratione caliditatis, & humiditatis. Propterea non mirum est,
si à primo ortu fuerunt generati catarrhi: quia pueri inepto cibo utuntur, Multiplicati
uero sunt uapores & à frigidityte condensati, & à natura expulsi ad emun-
ctoria. Cumq; natura fecerit, quantum potuit, reliqua in
Medici diligentia posita sunt.

De Catarrho ad crura descendente, & in
genibus dolorem excitante,

Consilium CIII.



E facile est iudicare ueritatem manifestam. Excell. uestra bene existimat de origine, & curatione morbi. Sed primo considero unum, quod maxime apud me est aduertendum, quod fuerit calidæ temperaturæ per totum corpus, hepatis & cerebri calidi. Cum igitur habuerit à principio calida ista membra, & nunc frigiditas dominetur in cerebro, ut apparet à multitudine humoris pituitosi, & excrementis, & sit talis lapsus à propria natura, uidendum est, unde habeat originem. Scit Excellentia uestra, quando ægri tudines sunt diuersæ à tēperatura, est maximus lapsus, indigebit igitur cura diligentissima: Cūcā hæc symptomata facile est uidere causas. Primo, obtusus dolor, occupans utrunq; genu, sed magis sinistrum, ac si aliquis digito pungeret. Verum non est nimium pertinax, & si multa materia descendit ad eum locum, impedit potius motum, quā ut dolorem intentum excitet, sentit frigiditatem insignem, dum transit materia. In dolore uero non sentit. Caput ita affectum habet, ut sit nauseabundus, etiam dum est in nauicula, ac si in magna nauis esset. Ideo omnino probabile est, hanc desillationem à capite esse. Ita ortus istorum symptomatum, non est nisi ex hac causa. Qualis modo materia est catarrhi? Ex ratione doloris, nos credimus materiam hanc tenuem esse cum insigni humiditate. In actiuis quoq; non esse intensam, non sentit in descensu, nisi parum frigiditatis. Calida non est, non enim calorem percipit. Existimo ergo ex humore frigido pituitoso non oriri dolores acutissimos, ut Galen. in libris de simpl. dicit, ubi frigidum ulceribus mordax. Ista igitur materia humida est, non multum frigida. Decubuit in locis humidis, & diuersis regionibus, cum esset mercator. Cum autem multi uapores ascendunt ad caput humidum, non potest conficere omnem eam humiditatem, sed necesse est, ut expellat per fauces, & per uertebrae colli, & alias uias ad loca imbecilliora. Et continuo descensu membrum sit imbecillius suscipiens, & mandans fortius mandare assuescit, & uias latas habet, ratione caliditatis naturalis. Descendit igitur ad crura, quæ semper habuit imbecilliora, & quia etiam maxime distant à corde, seu fonte caloris, tanto quoq; sunt debiliora. Non igitur mirum, si ad eas partes humores crudi tenuiores & frigidiores descenderunt. Hæc ergo causa erit omnium symptomatum.

PROGNOSTICVM. Cum talis sit casus, curabitur, si uixerit secundum ea quæ præscribentur. Hoc enim necessarium est ob causas dictas. Habet lapsum capitis à propria temperatura, qui non ita facile curatur, nisi adsit diligentia, & perseverantia. Solent enim huiusmodi, nisi curentur, incidere in podagras, paralyces & alias huiusmodi resolutiones. Bonum igitur erit, si uelit curari, ut perseueret.

CVRA. Corpus debet euacuari, ubi sunt humores desillantés à capite. Necessè est igitur, ut ratione uaporum, & materiæ aggregatæ in capite, omnis massa humorum in toto corpore corrigatur. Euacuantia sint Agaricus, quomodocunq; exhibitus, nihil enim melius ad humores pituitosos extrahendos. Minoratiuū. Cassia cū Hieræ, simp. uel loco Hieræ, Agaricus, uel Rhabarbarum. Præparantia, syrupus de Stoechade, syrupus Acetosus, cum decoctis, uel aquis desillatis Endiuæ, Betonice. Factis mundificationibus corroborarem caput, si modo esset bene euacuatum masticatorijs ex Staphysagria: & cætera caputpurgia, succum Maioranæ usurparem, usq; ad Cyclaminis. Masticarem radices Capparis, quæ ut Dios testatur, corroborant. Extrinsecus quando se peccit, adhiberem pulueres ex Caryophyllis, Maiorana. Ocimo, odoratiss. rosas, Sandaracham, & reliquis, quæ habent uim exicandi & corroborandi. Lauaret caput singulis septimanis uesperis, & postea maneret domi. Liciuuium dulce, ex se, in quo coquantur Polypodium, Camomilla, Stoechas. Fiet sapo ex Caryophyllis, nuce musc. Cinamo-

motimponatur Ambra, erit delicatum admodum pro barba & capillis. In lixiuum etiam ponerem Agaricum, & uterer Agarico loco saponis: corroborat, ut testatur Dios. Postea in frequenti usu haberet Elecuaria, uel Myrobalanos Chebulos, si boni haberi possent, hi enim corroborant caput & uentriculum. Saccharum rosatum præstantissimum est. Ratio uictus sit bona, abstineat à coitu, non ambulet in sole, nec ad austrum & Boream expositus sit. Non dormiat in loco subterraneo. Cubiculum spectet ad orientem. Cibus sit caro uitulina, hœdina, pulli, aues montanæ, oua sorbilia. Pisces fugiat, si uerò lupum reperiat, eum sumat recentem. Lactucam fugiat, & olera. Capresumat, Factis corroborationibus balnealauo. Cum cerebrum fuerit calidū, & siccum, & nunc à temperamento dedinet ad frigidum & humidum, erit optimum balneum. Si debilitas remanserit, fiant fontanellæ, post ea omnia, quæ iam dicta sunt.

De catarrho, qui in oculis facit uisionem corruptam, in auribus tinnitum, in brachio sinistro stuporem,

Consilium CV.



HISTORIA. Magnificus uir, natus annos triginta, molestat in dextro oculo, ita, ut percipiat obtenebrationem, & ei appareant nigra, quæ aspicit, & quasi per telam aranearum perspicat. In auribus sentit tinnitum. In collo, humeris, brachio, coxendice, in sinistra parte affligitur, & nunc in motu sinistri brachij quoque impeditur, etsi illud mouet. Patitur dolorem in iunctura clauiculæ, ubi annectitur ossi pectoris. Dum assumpsit cibum, sentit grauitatem, & eructationes graues. Hæc sunt de quibus conqueritur.

D. MONTANVS. Clariss. **D. D.** propter multas causas sumus hic consulturi de symptomatibus. Primo, hic est uisio corrupta, tinnitus aurium aliquando illi molestus est, percipit defectum in motu brachij sinistri, & stuporem in tactu, circa clauiculas tumorem cum duritie, de quibus querit à nobis consilium. His consideratis, si aliquid dicere uolumus de symptomatibus, aut ea remouere, non possumus id facere, nisi noscamus naturam, & causas symptomatis. Et cum causæ sint duplices, quædam intrinsecæ, quædam extrinsecæ, de intrinsecis nobis dicendum, quæ non æqualiter alterant: sed prout sunt uariæ impressiones, & prout uariè reperiuntur. Quod ut recte intelligere possimus, uidendum est, quæ sit temperatura, per ea, quæ sensui apparent, ac per ista signa deueniemus ad occultorum cognitionem. Sunt autem duo membra, quæ constituunt temperaturam totius corporis, cor, tanquam principium formale, hepær tanquam materiale. Ideo oportet nos inquirere naturam istorum duorum membrorum, ex quibus temperaturam totius cognoscere facile poterimus, & quantum uariantur hæc, ab istis signis cognoscere oportet, quæ perpetuo talia sunt, & à principio generationis talia fuerunt, de quibus secundo libro de temperam. Primo igitur ab his incipiamus, quæ à principio generantur, & hæc sunt pili, qui oriuntur in pubertate, isti non sunt albi, qui indicant dominium pituitæ, uerum flauī. Sed causa flauitæ est multo quædam nigricantis coloris, cum florido, qui à bile est: obscuritas uero indicat quandam aduersionem. Inde colligimus, quod à principio generationis fuerit calidus. Musculi quoque robustiores apparent, & carnis multitudo. Carnosi homines sunt, ubi caliditas est, & ubi ea cum humiditate, sunt pingues. Postea actiones per se uniuscuiusque membri naturam ostendunt. Hic Magnificus Vir semper abundauit sanguine, etiam nunc, cum non recte ualet. Perpetuo itaque uidimus signa caliditatis, etiam in his, quæ ab initio generationis apparent. De corde autem in thorace plurimi pili, amplitudo thoracis, pulsus magnitudo, uelocitas, frequentia, omnia caliditatem cordis indicat, huic membro tamen credetem siccitatem adiunctam. Amplitudo

uenarum, et si fieri potest, ut in sectione uenarum appareant minores, & angustiores, quia carnositas plurima est, & pinguedo, non potest tamen tanta esse angustia, quin respondeat copia sanguinis, quæ humiditatem hepatis arguit. Corpus igitur totum ex his iudicari potest calidæ, & humidæ temperaturæ: est enim expressa Galeni sententia, ubi hæc duo principalia conueniunt in temperatura, corpus totum necessario tale reddi. Et cerebrum tale esse, omnino arguunt sensuum operationes, & præcipue interiorum. Est quidem discursus mediocris, non excellentis, cuius causa est humiditas, Spiritibus enim siccis est prudentissima anima. Ventriculus autem quod sit frigidus ob caliditatem hepatis, est uerisimile. Sic ex his signis temperaturam totius, & præcipuorum membrorum uenari oportet, quæ à primo orta talia sunt, & semper permagent. Verum si sumamus signa ab humoribus, qui quotidie generantur in corpore, uis debemus indies immutari talem habitum, in mollitie, crassitie, gracilitate, secundum dominium uariorum humorum. Sicut hoc corpus lapsum etiam est à sua naturali temperie, ob malum regimen, uictus enim ratio modo frigidior & humidior. Deinde quod ad colorem, qui de humoribus indicat, quia rubedo in hoc corpore non est uis uæ, sed obscurior, potius pituitæ dominium est, quæ album facit corpus, non floridum. Totum igitur corpus hoc immutatum est, & subsecutæ sunt diminutæ actiones, & impedimenta, cum membra ob temperaturam mutatam opera sua non recte perficerent. Sed cum corpus calidum & humidum à natura, quæ nam fuerunt causæ extrinsecæ, quæ illud immutarunt? ubi est caliditas & humiditas in corde, hepar quoque calidum generat plurimum sanguinem, deinde bilem, non tamen multam, & plus pituitæ. Vbi enim caliditas iungitur humiditati, fit elixatio, non autem ullo modo adustio. Vnde abundant tales pituita, quod Galenus testatur, ideo iam sanguis est humidior. Hic accessit postea mala uictus ratio, raro se exercuit, semper in ocio degens, cum egeret exercitio plurimo, ex hoc etiam coepit multiplicari pituita. Ingressit plurima cibaria omnis generis: plurimo somno deditus fuit, uersatus in aëre nocturno, & habitauit in loco, propter situm suum, semper frigido. Facile igitur aggregata sunt excrementa ob symbolum, quod habuit cum loco, & causæ intrinsecæ facile mutantur ab extrinsecis. Continuo, & quotidie aucta pituita, suffocatus est tandem calor naturalis à multitudine materiæ, & secundum uarios impetus, quos habuerunt humores, factæ uariæ ægritudines. Accessit hoc unum, quod plurimi uapores ascenderent ad caput, nam qui calidi sunt hepatis facile patiuntur repletionem capitis, & in cerebro, quod frigidius est, respectu hepatis, naturaliter incrassati descendunt, inde & defluunt ad uarias partes, præcipue uetò ad iugulum, & clauiculam, hinc est initium omnium malorum. Ante oculos apparet nigredo, & obscuritas, quia spiritus perturbantur ab humore crasso, & pituitoso. Vapores omnes pituitosi id efficiunt, sicut apparet in aëre extrinseco, quando illum nebulae obscurant. Ita secundum magis & minus descendunt huiusmodi humores ad alias partes, & faciunt dolores, ut ad Ischiam in brachio efficiunt stuporem, quia uirtus non potest transire, & penetrare ad locum, sicut fit in sole obscurato. Vbi nervus est obstructus, fit stupor, & tunc percipit impedimentum circa motum. Ventriculus etiam factus est frigidior, & deteriores fiunt concoctiones, ob quotidianum descensum catarrhi, ut ita omnia symptomata pendeant ab una causa. Atque adeo iam habetis eorum causas, tam intrinsecas quàm extrinsecas. Sum enim breuior, quia ter incidi in uertiginem, dum hæc dixi.

De Prognostico. Nihil est quod impediat curationem, nisi id contigerit, ut ipse nolit parere. Si infirmus cum morbo facit, sine dubio non curabitur, quia duo plus ualent contra unum. Si autem fiat ex parte uirtutis, euadet. In quacunq; tandem parte sit materia fluxa, poterit relinquere aliquid malignitatis, maxime, quando diu talis intemperies permanserit, ut in oculo, qui patitur obtusionem uisus, & dubium est omnino, an iam morbus sit factus per essentiam.

Curatio quomodo facienda est? ex quo dominantur plurimi humores crudipros

propter malam dictus rationem, patet, quod oporteat removere causam, malam uictus rationem. Cum autem lapsum sit hoc corpus ad frigiditatem & humiditatem, uictus ratio debet offerri contraria, scilicet calida & sicca. Primo, carnes sint sine excrementis, ut carnes auium montanarum, cum modico Cinamomi. Anteprandium utatur Aniso, Betonica optima est etiam, & grata gustui. Granum, quod illi conveniat, potest esse hordeum, reliqua omnia relinquat. Panicum exiccat, si optime coquatur, sed parum adfert nutrimenti, lac a mygd. dulcium non omnino improbat. Non etiam prorsus uinum auferrem, sed offerrem, ita, ut moderate sumeret album, tenue & paucissimum, uel cum aliqua aqua permixtum. Euacuatio fiat attenuantibus & concoquantibus, & prius euacuetur sanguis, postea humores attenuentur. Oxymel, syrupus de Betonica, cum decocto ex Aniso, Foeniculo, & Betonica, pro attenuatione humorum conueniunt. Postea fiat euacuatio cum Agarico, uel Colocynthide mista cum alijs. Factis euacuationibus, quia est lapsus a temperatura calida, tuto calefacientibus uti possumus. Ideo laudarem balnea, quibus primum in potu, postea fusilicidii uti poterit. Reducetur enim hac uia corpus ad suam naturalem temperaturam. Ultimo uelim ut faceret cauterium in crure.

De catarrho in pectore putrescente, & febrem ferè hecicicam excitante, pro muliere Veronenſi.

Consilium CVI.



Bellocatus: Laborauit febrè, quæ post curationem redijt semper, & diuersis modis, iam ab Augusto, nunc uexatur catarrho, faciente grauedinem capitis, & anhelitus difficultatem, quæ prostermit appetitum, ut nihil comedat, nisi sit in forma potus magis quam cibi, laborat etiam nunc febrè, et si ipsa non sentiat, nisi quod noctu uaporationes sentiat, idque tribuit cibo sumpto. Catarrhus meo iudicio a capite ad pectus defluit, & facit difficultatem anhelitus propter impactionem in aspera arteria, ne possit aer libere transire, & refert quandam putredinè, ut uideatur minari ulcus uel phthisin. Qualitatem ipsa refert dulcem potius quam amaram uel salsam, unde coniicimus frigidum, quod etiam profunditas & inclinatio ad somnum testatur, cum ante plus uigilaret. Ergo testatur frigiditatem & humiditatem cerebri, & si per se in 55. ætatis anno sicca sit, tamen hoc est accipiente dentale, attestatur etiam grauedo capitis, & obtusio sensuum, quod uidetur sibi non ita memorari & discurrere: parum etiam catarrhi ad uentriculũ descendit, & facit ut omnis appetentia adimatur ac prosteratur. Flatus item ostendunt caliditatem debilem, non intensam. Est igitur catarrhus humidus & frigidus, & quia putris, cauendum ne fiat ulcus in pulmonibus, causæ autem cur debilitatũ sit caput, ut generet tantum catarrhi, est ambulatio ad ægrotantes affines, dolores animi, & non recta uictus ratio. Iste morbus, febris tot diebus & mensibus, in hac præsertim ætate, apparet tumor circa hypochondria in dextro & sinistro latere ex materia crassa, quæ fecit obstructionem. De febris inane, an ratione putredinis, an uero habitualis iam sit & fixa in membris. Quod quidem uidetur ex pulsu duro, & est fortasse in secunda specie hectica: est enim pulsus paruus & durus, nec percipit ualiditatem illam, cum semper febricitet, quod etiam signum est, esse iam habituatam, & præcesserunt tot febres, quæ in hoc corpore calido & sicco naturaliter etiam cum sana erat, facile potuerint causare huiusmodi febrem. Difficultas anhelitus est ex materia descendente ad pectus, quæ etiam appetitum prostermit, quia pars eius etiam ad uentriculum deuenit: Quid faciendum? considerans Aphorismum: Raucedines in senibus non concoquuntur, & addit Galeus: quia a causa frigida quæ contumax coctioni, & maxime dicit de difficultate anhelie

anhelimus, ideo maxime ureor, ne sit dubium potius de pernicio quam de salute, sed quid agendum? Primo febris, secundo catarrhus adest, quæ duo sunt principalia, sed prius catarrhus tolli debet, qui frigidus & humidus, febris hectica calida est & sicca, ideo difficultas in curatione, quia morbi contrarij: oportet procedere cū ijs quæ ita sunt auxilio uni, & alteri non noceant. Primo euacuandum pectus & caput, non admodum solventibus, nec calidis, quia augerent febre, sed non prætermitterem, quin euacuarem calsia, uel si magis placeret manna, permitterem etiam aliquam portionem Agarici, non magnam tamen, sed potius iterarem uices, quam augerem quantitatem. Catarrhus crassus est & frigidus, opus haberet calidis quæ inciderent, sed ea oberunt febrī. Nec acetosis uterem, quia uentriculus excarnis, & ualde debilitatus est. Nō negligerem tamen syrupū de Iuiubis, qui extinguit caliditatem sanguinis, de liquiritia, cum decocto capillorū ueneris & Betonice contemperatū. Postea paulatim euacuarem caput purgij & sternutatorijs leuioribus, ut decocto corticum mali arancij, uel alijs, non helleboro, masticatoria non adhiberē. De febrī, iam humectantia & infrigidantia danda erunt, sed ea augent catarrhum: adhibenda igitur quædam extrinsecus, quæ non faciunt obstructions, oleum amygd. dulcium cum medico olei uiolati. Balneū forte conueniret, sed id remitto uestris excellentijs. Materia in pectore educenda, opus lambitio, quod careat acetositate, ideo syrup. de liquiritia, de Iuiubis, & si urgeret res, syrup. de hyssopo aut brasiica darem: sed interim dū non urget, alijs uterem leuioribus, ut zoecharo candi. Pro uentriculo facile aliquid dari potest, extra non ualde astringentia possunt adhiberi, sed cauendum, ne materia tendat ad tunicas, & faciat plus periculū. Pro tumoribus quoq; extra nihil adhiberem, ne fieret maior attractio materiæ, habeat sedes continue, & aluum lenem. Victus ratio difficilis, stare in panatella, pane in iure pulli, ouis forbilibus, contuso ex pullis &c. Vinū etiā nec febris, nec catarrhus exigit, quia tamen uirtus prostrata est, concederem uinum subdulce, nō austerum nec asinum gens.

Phrisimelica, eadem omnino enumerare uisus est, nisi quod catarrhū dicebat mixtū ex materia frigida, quia insipidus & bile crassa, quæ generetur propter febre, & ob id imminere ulcus in pulmone, uel etiam in præsentī esse: si incipiet expuere sanguinem, iam de eo desperatum. Quanquam sic etiam difficillime curabitur, propter obstructionem ingentem, & febre hectica, quæ catarrho plane contraria. Quare res protrahi potest, & pallio tegi, priori sanitati nunquam restitui poterit. Victus tenuis non attenuans, sed mediocris, darem pro syrupo aliquid oxymellitis cum syrupo de Endiuia, & admiscerem aliquid Betonice, euacuare cum leuioribus, agaricum non exhiberem, nisi in parua quantitate.

MONTANVS. Habemus catarrhum maxime urgentem nos, cuius ratione uocati sumus. Est enim siccissimus ratione qualitatis & quantitatis, & ratione symptomatis. In pulsu uidentur hæc esse differentia, ut sit paruus, frequens, inæqualis, & etiam durus: circa hypochondria tensio est, prostratio appetitus, difficultas anhelus, & corpus uidetur tabescere: quæ symptomata cum omnia sint præter naturam, diligenter sunt considerandæ causæ eorum, ut recta prognosticatio & cura inueniatur. Videtur catarrhus causa omnium symptomatum, ideo ab eo incipio. Est ex genere fluxionum, ideo habet locum unde manat, locum ad quem, uias item per quas, materiam etiam quæ fluit. Hæc quatuor sunt consideranda. Primo emanat à capite, quia nulla fluxio catarrhus dicitur, nisi à capite emanet, sed quia non semper ibi generatur, uidentur an ibi generetur, an sit per affluxum. Ego ex temperatura & affectionibus animi iudico essentialiter generari in capite. Nam & hoc familiare est toti familiæ; & locus Veronæ talis est, ut homines post quadagesimum annum omnes laborent catarrho, & plerique eo moriantur, ibi cum fuit nuper ita auctus est catarrhus in ipso cerebro, ut non potuerit discutere uapores ascendentes, nec proprium alimentum consistere. His accedunt aliæ causæ, febres longæ & diurnæ exsiccentes corpus, & deprauantes

tantes omnes coctiones, ex quibus etiam vapores ascendentes molestant caput. Ita
 catarrhus ille ex uentriculo quotidie augetur, ubi non fit coctio. Cum igitur omnes
 hæc causæ concurrant, & catarrhus membrum mandans habeat, propter causas extrin-
 secas, & propter vapores etiam ascendentes, ideo non mirum, quod tam diu perseue-
 ret. Recipiens membrum est unum præcipue pulmo, ideo per tussim excernitur. Est
 enim tussis motus pulmonis, ad excernenda excrementa in eo contenta, & ipsum
 etiam quod expuitur spumofum est, ideo potius ex substantia pulmonis, quam ex alio
 loco. Hic igitur est locus recipiens, uiz sunt communes per colatorium ad Arteriam, &
 inde ad pulmones, sed non tamen ad pectus fluit, & si id quod nos præcipue sollicitos
 facit, ad pectus fluit, tamen ad uentriculū quoque pars descendit quædam, & quia frigis-
 dus & humidus est, ideo relaxat & prostermit sensum appetendi, & sic fit mala coctio.
 Et ex eodem catarrho, quia materia crassa & uiscosa destruens concoctionē, ideo ueng
 mēstruæ, & quæ sunt inter lienem & uentriculū, obstruuntur ex parte, & quia mate-
 ria uiscida in locis calidioribus inflatur & turget, & generat flatus, de quibus queritur
 Mag. dom. Materia etiam plurima ad musculos peruenit, propter quam tensio magis
 est in musculis, quam in uenis aut intestinis, quia raro sentiuntur: ideo ego nō credide-
 rim, nec in hepate, nec in splene uitū esse, quia nec color, nec coctiones id ostendūt in
 excrementis. Et Hipp. ait; qui catarrho laborant raro duritie splenis laborant: omnia
 igitur symptomata enarrata eueniunt ex catarrho defluente à capite ad pulmones &
 uentriculū. Nec sunt signa heclicæ pulsus frequens, paruus & inæqualis, sed causa om-
 niū est catarrhus. Gal. 5. de locis affectis, & 2. de causis pulsū: quando materię crassæ
 & uiscosæ in pulmonibus, pulsus paruus est & inæqualis, quia non dilatat sufficienter
 pulmo, propter grauedinem, quia igitur paruus est pulsus, & non replet necessitatem
 euentationis, ideo suppletur frequentia, quod deest magnitudini; & excrementa præ-
 cipue extinguunt calorem naturalem, faciunt uirtutem motuam, & omnes alias debi-
 les. Hæc igitur sunt causæ pulsus parui & frequentis, sed de duritie pulsus ambigitur Ga-
 le, 2. de puls. & 3. de prognosi. puls. Cur pulsus paruus & frequē in febris pestilenti? quia
 morbus in substantia cordis, quæ cum generet spiritus, generat pauco & malos spiri-
 tus, quia statim debilitatur uirtus, ideo pulsus paruus, & tamen frequē, quia magnus est
 calor præter naturā, qui euentationem requirit, durus uerò pulsus est propter siccitatem.
 Hæc quidem sunt signa cōmunia febris heclicæ, sed non propria, ita ut soli heclicæ
 cōueniant, ideo non ex ijs concludendū est, quod febris heclica sit. Pulsus enim & du-
 rus, & frequens, & paruus esse potest, ex qualibet causa alia: Sic durus pulsus ex quali-
 bet siccitate, potest tabescere & macrescere, non tamen esse heclica. Scimus enim pro-
 pter defluxū catarrhi, plurimas fieri atrophias, & defectū caloris naturalis, quia ob ma-
 lum nutrimentū destruitur, nec deducit alimentum ad partes alendas uel nutriendas,
 nec concoquit. Sic in hac Mag. dom. habemus causas, quæ faciunt uelocem, paruum &
 durū pulsū, ipsam senectutē: potest enim exiccare corpus non ab heclica tantū, sed à
 quacunque alia causa, quæ impedit coctionē, quia materia transit in excrementa, quæ de-
 bebat abire in nutrimentum, & calor diminuitur: ideo corpus non nutritur, sed tabe-
 scit, idē contingit frequentissime laborantibus catarrho, etiam sine heclica. Vtrum
 sitiam heclicā? Resp. ea à duobus arguitur, ut dicit Gal. temperies naturalis & intem-
 peries debent sensu iudicari, quia actū tales sunt. Vtrum calor heclicus debet sensu
 deprehendi? Bene Galenus dicit: Vbi heclica ibi calor mordax ad tactum, ita ut quo
 uementius tangas, tanto magis sentias, cuius oppositum in hac muliere, quia sentis-
 tur frigiditas, ideo non est heclica. Quod ad signū de inflammatione post cibum, Con-
 tingit id quidem febris heclicæ, sed non in ea sola, & hæc non statim à cibo grauitatem
 sentis, sed noctu, nec est à cibo. Hæ rationes me mouent, cur nō existimem esse febrem
 hecticam, & deprehendi in hac Magnifi. dom. cum quieuit, sæpe non adesse febrem,
 in horis matutinis, quando quiescit, non sentio illam inæqualitatem pulsus nec paru-
 tatem, quanquam, ut dixi, illa non sunt signa propria, deprehendi eam aliquando sine
 febris. Ergo non est heclica. Adest quidē febris, sed non heclica, sed talis quæ sequitur
 putre-

putredinem, & est per accidens, pendet ex catarrho, utinam solus catarrhus possit curari, materia est crassa & pituitosa, quæ putrescit in pulmone propter moram, ulcus non est quia non sunt signa, possunt putrescere materiae sine ulcere, in ea qualitate pectoris cal. & humida bene debemus uereri, quia quod tangitur à putrido, putrescit facile, & pulmo maxime aptus putredini, sed quia hic sumus in senio, durior est & siccior, ideo non ita facile putrescit, sicut & Auicenna & Galen. in commento 46. tertij Aphor. Eos qui transeunt 35. annum nō ita facile incidere in phthisin. Quid igitur diceres? prognosticon manifestū est, cum habeat tantum catarrhum sine febris hectica, à capite defluentem, uix possum credere quod curetur, quin cito etiam deueniet ad mortem, tabescit enim magis, & plurima habet animi accidentia. Quid faceres? Vnum dicam, ut concordentur prophetae & scriptura, Auicenna in 3. de fluxu catarrhū ubi febris cum catarrho, non cures febrim, etiamsi sit hectica. Hic igitur catarrhum curabimus, quo facto duo fient, uidebimus si sit hectica, & facilius occurrere poterimus, non curato catarrho incidet in hecticam & phthisin seu ulcus pulmonis, sicut fiet si nō praeueniet mors: est enim in maximo periculo, ut hæc omnia fieri possint, uolumus igitur curare catarrhum, quicquid sit hectica, debet euacuari materia quæ fluxit, quæ fuit diuersa: Ego in spatulis ambabus uesicatoria adhiberem, & etiam cauteria, illis non satis facientibus, ut materia diuerteretur à loco nobilissimo, nec me impediret quicquam si posset ferrē uirtus, inciperem tamen à uesicatorijs; materia fluxa excernenda, sed quia natura prompta expuit cum magna difficultate, adiuuarem eam: darem diuretica, quæ diuertunt & euacuant per urinam & aluum lenirem, & euacuarem paulatim & frequenter, sed leuioribus. Cassia præstantissima est, sed ab eius usu frequentiori abhorreo, quia nimis relaxat uirtutem naturalem, ideo uelim ut uentriculus corroboraretur Reubarbaro, quod prodesset uentriculo, quare in frequenti usu cassiæ semper adderem Rebarbarum; syropus darem concoquentes, & adderem decocta polipodij, liquiritiæ, scabiosæ & betonicæ, ut fieret facilius excretio, & polipodium occurrit humori melancholico (cui subiecta est hæc mulier) sua qualitate & euacuando, & similis conuenit pectori, quia amicum pectori & similiter liquiritiæ, nec malum erit postea iterare florem cassiæ cum aliquantulo Rebarb. uel Hieræ simpl. roborantis uentriculum, ne sequatur nimia relaxatio eius, & ita perseuerarem euacuando & concoquendo materiam. Gal. 5. meth. de oxymellite, id inter omnia acida non exasperare dicit, & ab omnibus alijs cauere iubet, in affectibus pulmonis, præterquam in hoc, ideo ab eo non abhorrerē, si adderetur aliquid ex melle rosato, quod leuiter astringit. Quæ enim ualde astringunt exasperant, quæ in primo gradu astringunt corroborant. Cras igitur detur decoctum, sequenti die cassia ut dixi, correctæ. De febris cum tempore paulatim uidebimus uilitando eam sapius, optime cognoscemus, si adsit febris hectica necne. Post collegium dum domum iret & Phrisemelica & Bellocatus contendebant esse Hecticam, sed curata est, nec fuit Hectica.

De catarrho diuturno pro nobili iuvene, Domino
Adamo à Dietrichstein.

Consilium CVII.



IN adolescente uix circa annum 20. constituto, alioqui boni habitus, satis proceri corporis & optimæ indolis, non potest esse catarrhus tam diuturnus, tam molestus, tam confirmatus, nisi intemperies cerebri insigniter frigida & humida fuerit, est enim catarrhus mucosus, pituitosus & frigidus. Vnde autem contracta fuerit huiusmodi intemperies, siue à natiuitate, siue à magno excessu, circa omnes, uel aliquas

aliquas sex res naturales, haud satis compertum habeo : quantum uero ad praesens negocium attinet, non ita multum refert, siue naturalis, siue acquisita haec fuerit intemperies. Hoc unum proponendum, neq; facile neq; cito remouendum fore, imò indigere exactissima diligentia medici quidem, sed longe magis aegrotantis: ex longa enim perseverantia curationis poterit aeger ad meliorem habitum deduci. Alios qui periculum imminet, ne in deteriore aliquem morbum delabatur, praecipue aetate maturiori succedente. Enixe igitur tanto discrimini est resistendum, atq; in primis exquiratissima ratio uictus habenda est, sicut uere in omnibus diuturnis morbis obseruari debet. Primaria ergo diligentia circa aërem sit, omnino enim tam frigiditas quam humiditas aëris est uitanda, sed nec flatus cuiusq; generis admittendū: uel enim cerebrum replent, uel refrigerant, uel constipant, omnes certe concutunt atq; agitant, terrena etiam habitacula: praeterea frigida & humida uitabit, ubi studia literarum uel aliqua mentis intentio sit adhibenda, obseruabit ne fiat cibo adhuc existente in uentriculo: probabile autem est sibi fore per quatuor aut quinque etiam integras horas, interim ergo quiescendum uel leniter deambulandum, remisso animo simul cum amicis laetis ac iucundis, & quacumq; hora omnino animi molestias euitabit: illae enim catarrhum non tantum fouent ac augent, sed omnino etiā generant. Exercitia laudamus matutinis horis, quae sint placidiora quidem, sed longiora, usq; ad manifestam mutationem anhelitus, totiusq; corporis calefactionem insignem, ita tamen, ut post exercitium euitet aeris excessum omnem, flatus, frigiditates, humiditates, immutetq; uestimenta, si forte sudorem habuerit. Laudo ne comam nutriat, caputq; abluat semel saltem singulis septimanis, sitq; ablutio talis: Sumatur lixiuum dulce ex cinere uel fossilis, uel populi, uel sarmentorum uitium, uel nucis aut huiusmodi, & ex eo quantitas eligatur unice ablutioni conueniens, in qua chamemelum, rosa, malorana, & betonis ca decoquantur simul cum duabus drachmis Agarici minutim incisi, & in panno lino inuoluti, qui postea pannus post decoctionem diligenter in suo decocto exprimitur, hoc lixiuo caput abluat, adhibito sapone aliquo odorato, quales distrahuntur a pinguentarijs: hora ablutionis tutior est uespertina, ante coenam scilicet, ut aeris omnia incommoda facilius euitare possit. Post ablutionem suauiter ac leniter exsicceetur, cum pannis moderate calidis. Vni rei praecipue studeat, ut mane ante solis ortum exurgat, neq; comedat nisi quinque horis postea, ita enim catarrhus noctu collectus optime concoquetur ac digeretur, ac cibus in prandio uentriculum purum inueniens, optimam concoctionem perficiet. Nihil enim pestilentius his qui catarrho subiecti sunt, quam sero a lecto surgere, atq; ad prandium accedere, nocturno catarrho adhuc fluctuante: a prandio caueat ne aliquo modo dormiat, neq; bibat neq; comedat, nihil enim inter prandium & coenam omnino sumendum est, si quis catarrho liberari stupet: imò & coena longe parcius debet esse quam prandium, tam in cibo quam in potu: laudaremq; si uespere a carnibus abstineret, sed nec cubitum eat, nisi saltem duabus horis transactis a coena, interimq; leuiter deambulet, uel siet: ita enim noctu leuissimum caput erit, excrementis ac uaporibus omnibus liberum. Ergo ut haec commode fieri possint, praueat horas ut mature surgat, mature prandeat & coenet. Cibus illi omnino simplex est eligendus, ciborum enim multitudo catarrhis aduersissima est. Vinum sit illi pauciferum, album, limpidissimum, bene maturum, quod etiam parcissime bibet. Carnes animalium iuuenum, castratorum, pullorum, hoc dorum, uisulorum, leporum etiam iuniorum & cuniculorum, & auium campestrium. Abstineat a palustribus cuiusq; generis: pisces etiam euitet & caseum, & lacticiuorum uniuersa genera, & legumina & pastilia, panesq; azymos, & quaecumq; in fartagine allantur. His ita recte dispositis necessarium est quamplurimo tempore seruare institutum: neq; enim tam facile, sicut etiam supra diximus, tollitur affectus, tam longo tempore confirmatus. Quantum uero attinet ad medicinas, noui hunc illustrem dominum ab quocumq; genere medicamentorum abhorre, ut nesciam an unquam talem inuenierim, ideo ne frustra offerantur, quae nullo modo sunt admittenda, placidissima

quæq; proponamus, quæ non nisi à pertinacissimo reijci possunt, & primo utatur saccharo rosato, in singulis anni temporibus, singulis etiam diebus si libuerit, uel saltem ter aut quater in septimana, sumet autem hora una ante prandium, & 3. s. singulis uiscibus, Utatur etiam ante prandium odoratissima & iucunda confectio quæ habet:

℞. Rosarum rubearum

Sandalorum citrinorum

Sem. citri ana 3 1.

Ligni aloes optimi & sinceri 3 2.

Sacchari optimi quantum sufficit.

Misce, & fiat confectio in rotulis 3. 2. & utatur ante prandium & coenam, singulis uiscibus rotulam 1. assumat; quod si pateretur rhabbarbari optimi 3. 1. mane tribus horis ante prandium, mandere sensim primo, deinde deglutire, haberet remediū præstantissimū, Quod si id noluerit, enitatur saltem his singulis mensibus, non coenatus ire cubitum, & eo uespere lectum ingressurus, sumat 3. infra scriptarum pilularum:

℞. Rhabbarbari electi

Aloes succo citrini

Agarici optimi ana 3 1. 2.

Nucis muscatæ

Garyophyllorum

Gingiberis ana 3 s.

Pulueriscentur omnia per se, postea miscantur, deinde aspergantur succo rosarū puro, & permittantur exiccari, & sic iteretur septies. Deinde cum melle simplici fiat magdaleon, & seruetur ad usum. Item laudo ut ingressu lecti unam aut alteram guttam in utramq; aurem inijciat olei ex optima Terebinthina, & opposito bombice muscato dimittat usq; ad sequentem lucem. Si etiam mandat mane granum massiches, expuatq; quicquid saluæ redundauerit, saluti egregie consulat. Atqui ubi hæc rite & diu peracta fuerint, spero Illust. D. ab omni deteriori dispositione præseruatū, atq; ad meliorem habitum profecturum, diuino tamen aspirante auxilio.

De catarrho cum dolore capitis, tinnitu aurium, ac multis alijs symptomatis, Pro Polono.

Consilium CVIII.

Ellocatus: Habemus casum difficilem nobilis Poloni, ætatis annorum uiginti octo, uel circiter, qui ab ineunte ætate uaria patitur symptōta: in pueritia pustulas, in adolescentia dolores capitis, pectoris, dentium, de fluxuum, catarrhi, Gonorrhæam, febrem quotidianam, dolores artuum, præcipue circa pedes, & maxime dextrum. Postea usus pessimo regimine in sex rebus non naturalibus: coitum, scriptionibus inordinatis post cibum, & omni hora, Gonorrhæam passus per sex menses, & ea suppressa dolores oculorum successit dolor in ventre inferiori cum torminibus magnis; successit febris ingens ob potum uini cum diarrhæa magna, quibus curatis iterum sensit dolores circa partes pedum posteriores, ita ut ambulare non posset, & hæc dolores circa pectus & partes uiscinas secuti. Nunc de talibus conqueritur symptomatis: de tinnitu in aure dextra maximo, de dolore capitis, de fluxu catarrhi, de dolore in humero, in digito etiam magno dextri pedis, qui non impediunt eum in negocijs, sed noctu tamen plus affligunt. Habet & bubones in inguinibus: propter hoc accessit ad thermas in Germaniam, & per menses septem bene habuit, sed quia reuersus ad inordinatum regimen, symptōmata redierunt.

MONTANVS. Ex tam immensa congerie symptomatum, elicimus primo tinnitum aurium, dolorem capitis, defluxum catarrhi, dolorem in utroque brachio & in pede, & si hæc symptomata consideremus, omnia referri debent ad defluxum, proveniunt enim omnia à defluxu materiæ. Cum igitur materia sit quæ facit symptomata, videndum ubi ea generetur, & qualis sit. Habet dolorem capitis & tinnitum aurium, queritur an sit propter primogenium affectum in capite, an propter consensum capitis cum alio membro? Idem querendum de dolore in cubito & digito pedis, si curationem recte instituere volumus. Est etiam defluxus catarrhi, qui licet semper in capite generetur, sed interdum etiam cerebro fortiori ac validiori existente sit, cum vapores ab alijs membris ascendentes tot sunt, ut à cerebri caliditate concoqui nequeant, sed ad inferiora iterum depellantur. Primo igitur causæ extrinsecæ considerandæ, postea & extrinsecæ: ubi enim & naturales & acquisitas dispositiones habemus, affectum facile agnosceamus. Membra habet inæqualia, hepar calidissimū, & symptomata talia quæ hepatis caliditatem sequuntur. Stomachus est frigidus, quod indicant plurima excrementa, semper redundavit depravatis humoribus à prima ætate, quod quanquam ad rationem victus referri potest, tamen ab hac præcipue causa dependet, quod satis constat, cum sine dubio multi alij in eadem domo eadem & peiori fortassis ratione usi, non laboraverint, & quod talia membra necessario etusimò diffaciant accidentia, etiam in bona ratione victus sæpe auditis. A calore præternaturali hepatis fiunt humores adusti & depravati, etiam consistente optima ratione victus. Ita ventriculus frigidus semper plus pituitæ præternaturalis facit, quæ finem debite coctionis non assequitur, & cum peruenit ad hepar, non potest illud emendare vitium primæ concoctionis, nisi sit admodum leue, & quia calor præternaturalis plus facit de excrementis, de bile & succho melanch. adurendo chilum: non igitur mirū hunc tuum venem à pueritia subiectum tot morbis cholericis, propter multum bilis, unde febres tertianæ, & phlegmatis, unde febres quotidianæ, & vapores ascendentes à ventriculo frigido replent caput, generantque varios catarrhos & defluxus per diuersas vias descendentes; postea etiam generantes diuersos affectus, prout ad diuersa membra defluunt. Duo igitur illa membra distemperata, & in sua dyscrasia apposita: alterum frigidum, alterum calidum, causæ sunt omnium horum affectuum. Ad hæc accessit pessima ratio victus, scribebat tota die, laborabat mens, & omnes coctiones fiebant deteriores. Post scriptionem sine exercitio præcedente ad crapulam & consortia commensationum accessit, quod generabat excrementa deterrima: præcipue circa caput, quod debilitatum erat exercitio mentis continuo: & iuuit aer frig. & illius regionis, qui multum facit ad alteranda corpora, ut refert Hipp. de aëre & aquis, & locis. Ob has causas incidit in magnas dispositiones, & accessit hoc, quod incidit in malos medicos, qui curauerunt eum uenenis, applicuerunt argentum viuū, quod repercutit humores à partibus exterioribus ad intrinsecas, & ita subito & ualide, ut pellat ad centrum: & sua etiam qualitate destruit naturam membrorum, ut uidemus paralyfin sequi, & uertigines & epilepsias, ita ut unumquodque membrum cui applicatur destruitur à propria temperatura, nec ea tantum quibus applicatur, sed ea etiam quæ recipiunt ut caput &c. Hæc igitur causa ad reliquas accessit, & destruxit cola & membra, & eorum temperaturam naturalem, ita ut si prius habuisset temperaturam laudabilem, ratione cuius resistere potuisset fluxui, nunc non posset resistere propter debilitatem. Ideo circa eas partes humores colliguntur, nec expelli possunt, caput debilitatum catarrhum non ita tenuem generare potest, ut prius, & membra alimentum suum non ita conficere, nec excrementa expellere, ita uitium est in mandantibus & recipientibus. Mandantia membra hepar & ventriculus, quæ tanquam fons in quibus generatur materia, humores scilicet & vapores depravati, qui mittuntur ad alias partes, per musculos & nervos ad membra inferiora per alias vias latiores, & defluxus illius natura mixta est, sicut duo etiam vaporum genera mixta sunt, quæ semper ascendunt. Ideo apparent etiam signa mixta ex pituita & bile, recipientia caput principaliter, de

inde & alia, quæ ipsa etiam debiliora propter continuitatem defluxus, qui obtundit & suffocat calorem naturalem, ut red datur seipso frigidior: & illinito etiam adiunxit ad faciendum caput imbecillum ad excernendas operationes debitas. Hinc causantur symptomata, dolor capitis, tinnitus aurium, quia materiae viscosæ dum inflammantur, turgent propter calorem debilem, qui non potest diffilare, sed inflat tantum: sit tinnitus aurium, quia materia mouetur, & spiritus exire nequeunt, in materia viscosa moti à calore imbecilli, postea pars descendit per vias latas. Quare non ad pectus, quia partes illæ fortiores sunt, ut non recipiant, sed repellant. Alia pars per vertebrae, spondilos & uenas etiam, ac arterias nervosque ad musculos deuenit, & facit dolores articulorum & iuncturarum, sed nescio an dolor in ipsis iuncturis, an vero inter iuncturam & iuncturam, quia his distinguitur dolor podagricus à morbo Gallico, quia morbus Gallicus occupat partes quæ sunt intra iuncturas: articularis uero ipsas iuncturas infestat. Omnia igitur symptomata pendent à membrorum inæqualitate, accedente mala ratione uictus, & debilitate aliquorum membrorum & illinitione Mercurij, sed utrum aliqua mala qualitas in hoc iuvene faciat difficiliorem curationem. Versatus est cum meretricibus, quæ magnam copiam morbi Gallici habebant, & est uerecundus ualde, ita ut cum medicis libere non loquatur. Successit scabies longa & bubones, non habeo argumentum demonstrans, sed coniecturas multas, quæ coniunctæ faciunt opinionem firmiorem. Circa Prognosticum, Quia membra ita naturaliter se habent, ut necessario multiplicentur excrementa: indigebit continua ratione uictus exquisitissima, maxime cum membra mandantia sint inæqualia, & recipientia debilia, & maior nunc ætas in deterius labatur. Neque curabitur nisi summam diligentiam præstet in ratione uictus, ita ut tota quasi cura ab ea sola pendeat, si obtemperabit in ratione uictus, & purgabitur debito modo, per uices & interualla temporum, facile curabitur. CVRATIO. Est fluxio materiae, ergo euacuanda. Quia materia fluens, concoquendum & euacuandum esse, tritum est ab omnibus: id factum est, licet posset fortasse fieri ulterius. Sed queritur de balneis, uenter frigidus abundat materia humida plurima, caput debile propter longum defluxum, & materiae maliciam, credo optimum remedium fore possum Thermarum, cum bibet non 60. cyathos, sed 14. cum enim 14. lb. aquæ in uentriculo habuerit, satis erit, nec accipiet secundam aquam nisi primam egerit. Hepar non poterit admodum offendere in transitu, quia statim ad renes defluit, & in tam parua quantitate absterget, mundificabit, prouocabit urinam, & addet robur membris. Postea ex euentu res melius iudicabitur: si profuerint hæc, intingenda ratio uictus, & singulis mensibus bis uel ter pill. uel electuario aliquo euacuabitur subinde, in quibus non transeat aloe, cassia, rhabarb. Ad agaricum nunquam deuenire in illis ætibus euacuationibus. De stillicidio, quia caput imbecillius, commodum erit, si sit moderate calidum, & non ex nimis alto cadat. Caput habet discrasiam frigidam, ergo bene tolerabit, etiam si natura fuisset aliqui calidum.

Pulvis pro exiccatione catarrhi.

Post purgat. ℞. Sandaracæ, Mastiches ana 3. 2. Maior. Stech. Florum maior. Se. Basilic. ana 3. 1. s. Caryophyl. Nucis muschatæ, Macis ana 3. 4. Santalorum sing. ana 3. 1. Pulueriscentur omnia, deinde misceantur, & fiat pulvis subtilis pro commissuris capitis: ponat in capite uesperti post punctionem, sub introitu lecti & mane etiam si uelit.

Pro diuersione aliqua per nares.

Vngat nares pinguedine asneris, attrahat item per nares succum maioranæ.

In catarrho cum uulsi sicca & angustia pectoris, si nescias an renuis uel crassus, oleum amygd. dulc. cum saccharo fiat bolus, utilissimum & securissimum: dilatat pectus, & facit expuere.

Aut ℞. 3. 1. Olei amygd. dul. recentium. 3. 1. Penidizrum. Misce.

Pro puero, cui catarrhus foetens per nares copiosus exibat.

Consilium CIX.



Vrahitur, si uolet, facile. Abluat caput Agarici decocto, purgetur sola hiera, quia humidus, utatur succo maioranae, & mastice masticem, sed praferrem decoctum Berge uel maioranae cum zuchcharo uel manne duo uel tria grana, & attrahat per nares: utatur bono regimine uictus. Retulit Montanus, se quendam pro desperato a medicis Veronensibus Venetias missum, phthisicum iam, & qui quotidie duas scutellas puris expueret, curasse solo usu zuccari rosati, sed id dedisse in maiori copia, ita ut fere nihil aliud comederet, & pharmacopolae Veneti illi zuccarum rosatum uendere nollent, sed cogeremur alia unde afferre. Vixit tribus annis post sanus. Sed quia mulierem pulchram habebat, in eandem recidebat aegritudinem: ex qua mortuus est post triennium.

De catarrho, & fluore sanguinis ex haemorrhoidibus cum macie corporis, & dolore pectoris, pro illustrissima matre illustrissimi Ducis Florentiae,

Consilium CX.



Ritum audiuius, quod ista Illustrissima mulier habet sua membra nobiliora ualde inaequalia, quod est maxime attendendum. Habet enim uentriculum frigidum & humidum, cum deheret esse calidus & humidus pro concoctione fienda: hepar est frigidum & humidum, cum deberet esse calidum, est tamen excessus frigiditatis: habet praeterea cerebrum calidum & humidum, cor uero calidum & siccum. Stantibus ergo istis horum membrorum inaequalitatibus, nobilissima haec mulier uexatur multis dispositionibus praeter naturam, quae sunt septem. Prima enim est catarrhi destillatio a capite descendens ad inferiora, qui in substantia modo tenuis est, modo crassus: in sapore uero perpetuo est insipidus. Secundo patitur flatu & rugitus in ipsis intestinis. Tertio dicunt hanc pati fluxum haemorrhoidum admodum excedentem, qui in principio confertim confluxit fluere in maxima copia, ita quod quandoque effluxerint 25. lb. quandoque uero decem, quandoque duodecim. Et aiunt hunc fluxum ferè semper praecessisse menstrua. Nunc uero non ita confertim & affatim fluit iste sanguis, sed paulatim & continue: & sicut tunc menstrua talem fluxum praecedebant, ita etiam nunc praecedunt & subsequuntur: non tamen tempore menstruorum patitur huiusmodi fluxum. Quarto patitur diminutionem menstruorum, ita ut nunc duae aut tres unciae sanguinis effluant. Quinto, ipsa est arefacta & extenuata, & cachectiam habuit, & circa oculos, & fauces, & circa tibias tumores quosdam. Sexto habuit urinas continuo albas, tenues, & crudas, & in magna etiam quantitate, licet nunc non sint tam copiosae. Septimo aiunt habere dolorem pectoris, modo in dextro latere, modo in sinistro, modo in medio, quod siue appellat, qui talis est naturae: in principio incipit calor, & motus fluxionis sanguinis futurae, & paulatim paulatim descendit, quousque ad pectinem deueniat, & cum ibi est, tunc erumpunt menstrua, & cessat talis dolor. Ista sunt accidentia praeter naturam afficientia nobilissimam hanc mulierem, quae scripta sunt ab Excellentissimis illis Medicis, quae consideranda sunt a nobis: quoniam, ut inquit Galenus, neque affectus praeter naturam, neque symptomata, neque aegritudines possunt curari non cognita causa, & essentia ipsius: quoniam ab essentia, & a propriis causis sumuntur uerae indicationes curandi. Et ideo seriatim procedendo, primo dicam causam illius destilla-

lationis catarrhi, à quo multa incòmoda dependent; nulla enim natura inuenitur magis prona ad catarrhos generandos, quàm ea, quam diximus istam nobilissimam mulierem habere, quia cum uentriculus sit frigidus & humidus, sequitur quòd fiat mala decoctio, & per consequens multi adsunt humores crudi, à quibus multi uapores ad caput eleuantur. Cerebrum autem cum sit calidum & humidum, ideo idoneum est, ut habetur lib. 2. artis medicinalis, ad suscipiendas tales superfluitates & uapores, qui à plurimo sanguine & tenui, in hepate antea calido & humido generato, eleuantur. Vnde non tantum à uentriculo, sed etiam à tota massa sanguinea plurimi uapores ascendunt ad caput, qui, cum eius cerebrum sit calidum & humidum, facile ab ipso suscipiuntur, & maxime si accedat aliqua ex extrinsecis causis, ut si fiat peccatum circa cibum & potum, circa animi accidentia, circa aërem, in quibus omnibus puto hanc nobilissimam mulierem peccasse; habitauit enim Florentiæ, ubi est aer subtilissimus, qui est causa fluxionum. Præterea non est mirum si quando talis catarrhus fuit crassius, quandoque uero tenuis, quoniam talis fuit secundum uarios & uarios cibos, & uarias concoctiones. Quòd autem sit perpetuo insipidus, hæc potest esse causa, quoniam hepar, uentriculus, & cerebrum, omnia ista ad hoc conspirant. Et sic uidetur mihi quòd istæ sint causæ istius catarrhi, & qualitatis substantiæ, & saporis. De secundo modo dicendum est, scilicet de flatu, & rugitu, & dolore intestinorum. Si enim uentriculus ipsius natus est frigidus & humidus, & sæpe fiunt desillationes à capite, & fiat ille circulus debili existente calore, ratione obiecti fiunt flatus; quia cum materia est frigida, & calor innatus est debilis, statim ex eo eleuantur uapores, & flatus, ex quibus sequitur dolor. De tertio accidente dicendum est, scilicet de fluxu hæmorrhoidum, unde proueniat. Certe ad inueniendam causam huius fluxus, utar distinctione Galeni 3. de causis accidentium. Vel enim talis fluxus sit ratione uasorum & meatuum, qui magis dilatantur: uel quia dilatantur orificia uasorum propter rarefactionem (prætermisso modo dilatationis uasorum quæ sint ex confusione, atque etiam prætermisso fluxus qui ex erosione sint, quia non faciunt ad rem nostram) uel sit talis fluxus uitio sanguinis, uel quia plurimus sit sanguis, uel quia nimis tenuis, uel quia sit acris, ita ut exciter uirtutem expulsiuam; uel nimis feruens, ita ut faciat intumescere uenas; uel sit ratione membrorum mandantium, quorum uirtus sit potens in expellendo, uel ratione imbecillitatis uirtutis recipientium; ex istis enim potest causari talis sanguinis fluxus. Sed dices, à qua causa putas prouenire istum fluxum sanguinis? Dico quòd forte ab omnibus. Primo enim quòd concurrat dilatatio uenarum & orificiorum, potest coniectura assequi ex duobus signis; nam dicit fluxum sanguinis incepisse dum igni dorsum exposuit, ex quo non tantum uena cava propter caliditatem potest fuisse aperta, sed etiam alia, quia calidi est aperire, ita quòd causa procatactica fuerit caliditas. Alia coniectura potest consequi à iuuantibus & nocentibus, quia bis cum aquam balnei Villæ & Aquæ rii sumpserit, illico cessauit fluxus; aqua enim A quarij est aluminosa, & astringens. Præterea ex sola lymphatione aquæ balnearum Villæ, quæ aucta est ex impositione ferri, unde aucta est uis astringendi, fuit liberata. Præterea existimo illud accidens non solum contigisse ex uasorum apertione, sed etiam propter sanguinis multitudinem, quoniam emanarunt interdum 25. lb. sanguinis, interdum decem, interdum duodecim. Et præterea talis effluxus hæmorrhoidum cuenit, postquam dimisit phlebotomiam frequentem. Quia igitur impeditæ fuerint consuetae excretiones, & ut scitis ex 2. de ratione uictus in morbis acutis, consuetudo interdum uertitur in naturam; quia igitur dimissa fuit phlebotomia consueta, natura tentauit aliam excretionem. Et sic patet quomodo multitudo sanguinis fuerit causa huius defluxus. Etiam a credo, & tenuitas sanguinis fuit in causa, quia sanguis qui exit tenuis est, & prius à prædominio cholerae, nunc uero aquosus. An uero nunc etiam sit cholericus, nec ne? Dico quòd non potest esse cholericus: sed fuit feruor in sanguine tunc, dum bis assumpsit stillicidium Sancti Philippi, quod calidum est, ut illum catarrhum sisteret, & semper post assumptionem irrigationis, in fluxum sanguinis deuenit, ita quòd calefacto corpore data fuit occasio

prodeundi sanguinis. Et sic ratione latitudinis uenarum, & apertione orificiorum, & ratione uirtutis expulsiuæ fortis, & ratione multitudinis sanguinis & acridinis, & tenuitatis ipsius, factus est iste fluxus. Et licet ille medicus, qui scribit ad nos casum, dicat quod corpus sit arefactum, addit tamen, uirtutem non resoluit: & ad hoc etiam concurrit imbecillitas contentiuæ. Et quia dubitatum est, an iste sanguis fluat à partibus superioribus, scilicet ab hepate, & ad inferiora per intestina descendat; nam dicunt, est maxima copia, & uidentur potius declinare in hanc sententiam, quam quod sit fluxus hæmorrhoidum. Sed non inconuenit quin etiam ex hæmorrhoidibus possit provenire: imò credo quod ex ipsis ueniat, si posset uideri, quia iam multitudo sanguinis facta fuerat. Et nos uidimus non tantum 25. libras fluxisse ex hæmorrhoidibus, sed etiam 36. & 40. in paucissimis diebus, & ex naribus in uno die 10. & 20. & 25. libras uidimus effluxisse, in quo tamen sunt debiliores uenæ. Ideo dico quod non concludit, hic est fluxus sanguinis copiosus à sede, ergo non ex hæmorrhoidibus. non tamen ego assero quod ex hæmorrhoidibus contingat, quia nullam habeo coniecturam super hæc: sed tamen bonum esset si haberemus præsentem, & possemus uidere, quia si ab hæmorrhoidibus fluere, facile uideretur. Sed si esset ab hepate talis fluxus per concuitatem intestinorum, esset commissus cum facibus quandoq; quod tamen non est dictum ab Excellentiss. illo Doctore. Siue ergo ab hepate, siue ab hæmorrhoidibus, satis est quod sit ex apertione uenarum, & ex multitudine sanguinis, & ab acrimonia, tenuitate, & eius seruore. Tertiū symptoma est, quia habet mensura nunc diminuta, quia non excedit duas uel tres uncias sanguinis. Dico quod hoc est duabus de causis: uel ratione ætatis, quia agit, ut audio, 42. annum, & fortasse amplius, & plerumq; in tali ætate deficiunt menstrua ex toto, uel saltem diminuantur. Præterea habet auersionem, scilicet fluxum hæmorrhoidarum, ideo non angor in hoc. Præterea adest urina alba, tenuis, & cruda: de hoc non habenda est cura, quia frigidit corpus ex rarefactione habitus, & ex frigidityate coctiones fiunt deteriores, & ideo urina appareret crudior: præterea color, qui deberet esse in urina, fortasse auertitur per defluxum sanguinis. Præterea dicunt quod adest arefactio corporis & imbecillitas, & tumor in facie, oculis, & tibijs: hoc habet cum sit frigidius corpus; & rarefactio, quia factis detractionibus concoctionibus, facta est atrophia, & sic non potest fieri assimilatio, & sic consequitur dispositio ad cachexiam, & ad hydropem, ut 2. de facult. natur. & sic ad anasarcam. Præterea ait dolere ei pectus modo in parte dextra, modo in sinistra, modo in medio, & postea cum sequitur fluxus, cessat dolor. Talis potest esse causa, quia pars subtilior & tenuior catarrhi peruenit ad aliquas uenas, quæ siue trahatur à uenis, siue ab arterijs, ideo distenduntur, & sic causatur dolor, quia natura illuc transmittit talia excrementa, & non cessat motus naturæ, donec transmiserit ad loca consueta, scilicet ad uterum. Cum igitur talia sint symptomata, talesq; habeant causas, aut tali notatione causarum possunt præuideri quid circa singula sit iudicandum, & qua arte sit singulis occurrendum. Quoniam ergo plurimus sanguis euacuatus est, ideo uidendum quod corpus sit infrigidatum, & rarefactum: ex quo sequitur, quod etiam hepar sit infrigidatum, & ideo posset sequi hydrops, sicut patet ex 6. particula Aphorif. Vel etiam ex retentione sanguinis posset fieri scirrhus in splene, uel in hepate, & sic sequetur omnino hydrops, quod apparuit ex illis tumoribus. Sed dices, quare nunc non apparêt illi tumores: dico quod ratio est, quia nō effluit sanguis in ea copia qua prius. Sed si talis sanguinis fluxus non cessauerit, refrigerabitur hepar, & ea frigiditas, quæ nunc est per absentiam caloris scilicet sanguinis, fiet positua, licet nunc existimē quod non sit positua, & sic omnino sequetur hydrops, quia hydrops est propria passio sequens ad ipsam hepatis frigiditatem. De desillatione autem dico, quod ea non potest penitus sisti: bene potest mitigari, si uoluerit uti recto uictus regimine: & sic alia sex symptomata poterunt emendari, si ipsa uoluerit uti recto regimine: quod autē curetur non credo. Et si possit omnino sisti talis fluxus, ego non laudarem, quoniam Hipp. & Gal. 6. Aphor. 12. dicunt, quod semper cū fluunt, debet una aperta relinqui, quia aliter

fieret collectio multarum rerum præter naturam, & sic deueniret uel in scirrhum hepatis, uel splenis, & tandem in hydropem caderet. Pro cura uero omnium istorum symptomatum tradam distinctas curas omnium. Et pro destillatione à capite ad inferiora: primo corroborabimus membra, ex quibus eleuantur uapores, ut hepar, & stomachum: dico stomachum, ne ita esset aptus ad recipiendum. Suppono tamen uersales euacuationes fieri cum consuetis, & cum facillimis. Si enim uellet hac æstate purgari, aliud esset, quàm si autumnò: quoniam hac æstate sumeret leues syrupos, qui plures haberent intentiones, & respicerent omnes affectus: & ideo eligerem syrupum de endiuia, quia habenda est ratio ne hepar nimis incalcescat, & uentriculum corroborare oportet, ut possit melius concoquere. Et hoc non facerem cum uehementer calidis, sed cum moderate calidis, & ad roborationem corporis, & inferiorum, darem syrupum de betonica, quia non habet caliditatem de qua sit timendum, & habet proprietatem respiciendi caput, mel rosatum, ieleniabini zuccarinum, & acciperem singulorum 3. 6. ita ut essent 3. 18. in singulo syrupo, & cum decoctis siue ex cichorea, siue ex coma absinthij, ex betonica, ex uiolis. Post aliquot syrupos darem uel mannam, uel cassiam cum infusione rhabarbari, uel cum syrupo rosato solutiuo. Sed nunc non consistamus in agarico stante illa caliditate. Si uero autumnò uellet purgari, pro digestionem materiæ exhiberem oxymel compositum: pro euacuatione darem agaricum, & eius infusionem, & darem confectionem hamechi: quoniam euacuat materias crassas, & euacuat à capite propter myrobalanos, & habet uim alstringendi & corroborandi. Postea procederem ad corroborationem membrorum per exterius & interius, & uellem quòd recta uictus ratione uteretur. Pro corroboracione uentriculi & capitis, uellem quòd continue uteretur zucchero rosato, & bolo Armeno, antequam ingrederetur lectum, quia Galenus multos asthmaticos solo bolo Armeno sanauit: præterea corroborat inferiora, & exiccat catarrhum, & confortat, & corroborat omnia membra principalia: ideo dicunt isti quòd resistit uenenis. Et sic illa bolo Armeno uteretur singulis diebus, uel saltem alternis in uesperis, cum uadit dormitum. Et uteretur lotionibus capitis convenientibus cum lixiuio dulci, cum rosis, balauftijs exsecantibus & infrigidantibus: quia caput calidum est & humidum, ideo cum contrarijs debemus occurrere, cum myrtis, cum corticibus granatorum, & etiam cum agarico decocto in lixiuio: & sapo confectus esset ex agarico, iride, & sapone communis. De reliquis uero accidentibus, & de flatu, credo quòd curata destillatione, & roboratis membris, omnia cessabunt: tamen pro flatu uteretur zucchero rosato cum cinnaomomo, cum garyophyllis, macis, & reliquis huiusmodi: & illa corroborant etiam uentriculum. De fluxu quærerem moderationem tantum, & maxime si non ab hamorrhoidibus: & omnia quæ diximus conferunt etiam ad corroborandas uirtutes. Vellem ut uteretur myrobalanis chebulis, indis, & citrinis, & præcipue chebulis. Præterea in sex rebus non naturalibus nollem ipsam delinquere: & si posset euitare illum aërem tam subtilem, laudarem ut iret aliquo extra urbem: præterea fugeret animi perturbationes, & accidentia, quantum fuerit possibile, & uteretur moderato exercitio.

Cibus autem neq; nimis tenuis, neq; nimis crassus sit, sed medius: sed si esset aquosus ille sanguis effluens & acris, darem cibos crassos.

Vellem præterea ut uteretur confectione facta ex pista-

cijs, & ex seminibus melonum, cum granis

pinij, licet fortasse melius esset si

ne huiusmodi granis.

De ijsdem affectibus, pro eadem,

Consilium CXI.



Veniā inter malos corporis affectus huius Illustrissimæ Dominæ quæ quadragenaria est, præcipuus esse uidetur ille sanguis eiecūs à se; unde credimus etiam corpus exaruisse, & seipso imbecillius redditum iam pridem, quod tum crura, tum facies intumuisse uideantur, & à defillatione, ut patet, non parum foueri; & cum nō sit nobis explicatū, utrum à uenis, quas hæmorrhoidas uocant, an ab intestinis deferatur, determinare nolumus id quod coniecturis tantum assequi possumus. Et quamuis à uenis hæmorrhoidalibus pleriq; nostrum potius effundi arbitrabantur, tutiorem tamen partem colligimus; itaq; remedia ita moderaturi sumus, ut undecunq; fluxerit, communis utilitas consequatur. Primo ergo ex malo corporis habitu necessarium est excrementa multa in uentriculo, & uenis, & extra uenas quoq; aggregari; postea natura stimulata ad expulsionem non definit à continua sanguinis excretionē, cum quo & laudabilis excernitur. Propterea consulimus, ut is à medicis præsentibus proxime sistatur, & corpus exquisitè purgetur, ita tamen ut habeatur ratio temporis & uirtutis, nec ad ualida medicamenta accedatur. Igitur molliri prius uentrem uolebamus, uel clysteri, uel electuario de sebesten sine scammonio, uel lenitiuo simplici, uel tali quopiam, prout in uarijs regionibus uarij usus seruari solent. Deinde syrupum quoq; exhiberi, qualis est de cichorea Nicolī, uel rosaceus, uel de betonica, hoc modo:

℞. Syrupi de cichorea Nicolī	℥	1.	℥.
De betonica	℥	1.	
Decoctionis betonicæ			
Cichoreæ	℥	3.	

Misce, fiat syrupus sumendus 9. aut 10. diebus. Deinde sumeretur medicamentum, quod haberet rhabbarbari optimi drachmas duas, spicæ grana sex, madesiant in aqua agrimoniz; addatur, diacatholiconis drachma, syrupi rosac. solutiuī ℥ 2. misce, & fiat potio. Qua purgatione perfecta, si satis corpus purgatum fuerit, bene erit: sin minus, tunc iteretur. Purgato autem corpore, tunc uolumus primo, ut singulis diebus ante prandium & cenam utatur saccharo rosaceo, ita præparato;

℞. Sacchari rosacei unius anni	℥	4.
Garyophyllorum	℥	8.
Cinnamomi	℥	1.

Misce. Post cibum uero per horam sumat myrobalanos chebulos optime præparatos, ex his scilicet, quæ ex Alexandria deferuntur, & Genuæ potissimum inueniuntur; & in hoc præsidio summe confidimus. Præterea consulimus, ut singulis septimanis dormitura assumat boli Armeni quantum est granum ciceris. Deinde ut ter uel quater singulis mensibus sumat rhabbarbari optimi scrupulum in puluerem redactum; quæ admisceantur uel cum drachma sacchari rosacei, uel cum passulis & saccharo. Postea stomachus quidem illinatur assidue istiusmodi unguento:

℞. Olei de floribus aranciorum, quod habetur in officinis eorum qui conficiunt Aromata	℥	1.
Mannæ belzoini, quæ ibidem reperitur	℥	1.
Garyophyllorum		
Macis	ana	℥ 8.
Ladani optimi	℥	2.

Misce, & fiat linimentum pro stomacho: erit enim stomacho utilissimum, & odoratum, & præcipue dignum, si rectè conficiatur. Ad hepatis uero aliud unguentum nō minus nobile parabitur ita confectum;

- ℞. Olei de rolis paruis confecti, quod apud unguentarios uulgo ap-
pellatur oleum de rosetis 3 1. 2.
Olei de spica, quod apud eosdem
unguentarios inuenitur 3 1.

Masticis

Rhabarbari de c^{is} 3 1.

Specierum triafandalorum 3 1.

Misce, cum modico ceræ albæ fiat linimentum pro hepate. Præterea uolumus
ut singulis septimanis caput abluat hoc modo: Conficiatur lixivium ex cinere salicis,
aut uitis, in quo decoquantur rosæ, myrti, & ladanii durioris frustulum, & agarici 3. 2.
quo lixivio lauibitur caput, & sapone infra scribendo utatur:

℞. Saponis optimi 3 2.

Agarici 3 2.

Iridis

Garyophyllorum ana 3 2.

Camphoræ 3 1.

Misce, & fiat sapo secundum artem. Laudamus præterea ut masticen assidue
teneat in ore, mandat, expuat, coneturq; ut per nares pituita excernat, sicutq; a medi-
cis caput purgia, prout illis magis opportunū uidebitur. His igitur ita diligenter per-
actis, non minor pars reliqua est, & maxima: sine hac enim frustra reliqua adhibe-
buntur. Est autem ratio uiuendi, quam exquisitissime seruare debet, si se ab extrin-
secis periculis præseruari uoluerit. Ergo primum eliget aërem temperatum, cauendo
a nebuloso, & crasso, & a tenui, & frigido, qualis est Florentinus, præsertim acceden-
te hyeme; & uitabit etiam uentos, Solis ardorem, & pluuias, & demum omnem aëris
excessum. Et curabit ut quotidie naturalia excrementa excernantur per aluum, per
urinam, per palatum, per nares. Iubebitq; sibi fieri matutinas frictiones in brachijs, &
partibus superioribus, quæ sunt supra diaphragma, sicutq; frictiones leues & longæ.
Deinde cum electo surrexerit, se exerceat deambulando, donec anhelitus immute-
tur. Cibum eligat qui optimum sanguinem generet, & facile concoquatur, qualis est
caro perdicum, pullorum, phasianorum, hœdi, annalisq; castitati: & si ob nimiam inas-
sationem sanguinis debilem se senserit, quandoq; sumat ouorum recentium uitella, &
cum uino albo Aromatico aquæ permixto lente decoquantur ad lactis consistenti-
am, & hoc ferculo ante cibum utatur: esset enim optimi nutrimenti, & ualentissimum:
utatur præterea ouis forsilibus. Ab oleribus, leguminibus, & ijs cibarijs, quæ uulgo
lacticinia & pastilia dicuntur, a piscibus etiam abstinendum est. Post cibum etiam utat-
ur confectione ex pistacijs, seminibus melonum, & saccharo. Vitet ciborum diuer-
sitate, neq; ad mensam accedat, nisi præteritum cibum recte concoctum senserit.
Vinum eligat paucaferum, maturum, substantia & colore moderatum, quod etiam
parce bibendum est: ac potissime obseruabit, ne inter coenam & prandium bibat, longè
tamen deterius est, si post coenam dormitura potauerit. Inter medicamenta uni-
cum superest præstantissimum, quod superius suo loco omissum fuerat, quod ita
habet:

℞. Succi foliorum myrti

Succi agrimoniz ana 3 3.

Succi absinthij

Succi hypocistidos ana 3 2.

Hoc succo post purgationem inungantur renes, uenter, stomachus, & utraq; hy-
pochondria, & quod est in partibus inferioribus circa lumbos: est enim membris
mandantibus efficacissimum, & uasis recipientibus corroboratum. Hæc si fuerint
peracta, speramus illustrissimam Dominam a multis imminentibus periculis præser-
uatam iri, Deo fauente.

De quodam catarrhoſo.

Conſilium CXII.

EX accidentibus indico deſluxum à capite ad partes propinquas, videlicet ſeptem neruorum paria, quia facit impedimentum in motu, eſtq; lenis ea diminutio, ut non poſſit recte mouere quaſdam partes in capite, Secundo, deſcendit per medullam ſpinalem, & impedit quoq; quia facit relaxationem in uertebra, & ideo, ubi ceſſat uinculum, ibi neceſſe eſt fieri impedimentum. Eſt autem in 1. 2. & 3. uertebra, & declinat parum ad exteriorē rem partem. Tertio, impedit deglutionem, quantum enim reſſectitur, tantum reſtringitur Oeſophagus. Facit etiam catarrhus impedimentum in muſculis aperientibus. Nunc autem quòd ſint ab externis cauſis, credo. Quia diu in aëre humido permanſit, morſtitas paſſus eſt, ſtuduſt à prandio & cœna, moratus in loco ſubterraneo, hæc omnia ſæpe etiam cauſant paralyſin. Quare conſicio quidem, caput debilius factum, ut in eo ſit læſio eſſentialiter, ſed fouetur tamen morbus à ſtomacho, & hepate calido. Et catarrhus falſus eſt, quia habet hepar calidum.

CVRA. Remoucantur impedimenta, ne auferant ſenſum & motum. Loco autem niſil applicandum: ſed tollatur cauſa, quare omittantur reſoluentia, donec poſt euacuationem confortetur cerebrum, & uentriculus, ut generentur boni humores. Sed primò fiat euacuatio exquiſita à iuncturis, quæ an fieri poſſit hoc calido tempore, querendum. Ego darem Caſiæ ʒ 1. cum Agarici ʒ 1. ſ. Frigidiori uero tempore ſyrupos. Poſtea fierent ex ſucco ſaluæ & roſimarini ſyrupizatis, & aqua betonicæ portiones, poſt quas iterum ſumat Caſiam cum Agarico, Deinde omni die ſaccharum roſæ tam uſq; ad autumnum.

De Angina.

Conſilium CXIII.

Robatur ex Auicenna, ſi quis uult morbum recte indagare, debet naturam locorum affectorum cognoscere. Angina ipſa eſt in laringe, ibi ſunt tot nerui, quot muſculi: locus igitur eſt admodum cognitu difficilis, quare tractabimus iam ſecundum ueram methodum. Caput Auicennæ non eſt de Angina, ſed de præſocationibus: ideo breuiter dicendum quid ſit præſocatio: Arabes omne anhelitus impedimentum, præſocationem uocant. Duplex eſt autem modus exercendi nos: primus ut in praxi quando ad ægrum accedimus laborantem dolore gutturis, cum anhelitus impedimento, ibi non eſt accurrendum ad libros, ſed debemus cognoscere ibi propriam ægritudinem, & quomodo lædit, hic eſt modus exercendi particularis: alius modus eſt uniuerſalis. Primo de cauſis uniuerſaliter dicemus: ſit iſte motus anhelitus ab aliquo instrumento. (ſunt hic duo, locus & morbus, qui eſt impedimentum anhelitus) Sunt autem tria potiſſimum neceſſaria ad reſpirationem, quæ actionē faciunt instrumenta, & ſunt muſculi: & quoniam dicimus inſpirationem & expirationē, neceſſe eſt eſſe uias, per quas corpus ipſum tranſit, hoc igitur eſt ſecundū. Tertiū eſt uirtus mouens, ubi igitur unum iſtorū tantū impeditur, erit anhelitus impedimentū: ſi duo, maius: ſi tria, maximum. Instrumentis ſæpius impedimenta accidunt, ſunt autē instrumenta unus ſolus magnus muſculus, qui diaphragma dicitur, & muſculi intercoſtales per ſe, hi mouent Thoracem. Vix ſi obſtruitur, & præcipue rimula quæ Græcis γλῆρις dicitur, ſubito ſuffocatur animal. Aliæ uix ſunt circuli integri, qui ſunt in ſubſtantia pulmonis, qui obſtruſti aut obturati faciunt impedimentum anhelitus, atq; ita etiam ſuffocabitur animans. Virtus mouens quæ in cerebro

cerebro est si aufertur, cessabit anhelitus. Principium uiarum est ipsum cor, si cor impeditur, cessabit attractio: hi sunt tres modi quibus impeditur anhelitus per se. Per consensum autem, ut si muscoli qui debent dilatari in eo quo dilatantur, contracti fuerint à uicinis partibus, & hic quot erunt impediētes causæ, tot erunt rationes difficultatis anhelitus, uix etiam impediuntur, si à uicino comprimuntur, sic in principio motionis potest fieri impedimentum anhelitus communicatione, & ita processim nunc usq; ad primas causas. Causæ læsionum primo in musculis sunt, aut causæ quædam proximæ: omnes autem causæ proximæ symptomati ægritudines sunt: ex definitione morbi ubi nulla est differentia inter actionem læsam & causas, morbus sunt causæ antecessentes: ab omnibus enim his & coniunctis provenit læsio: causæ proximæ sunt morbi, morborum tria genera sunt, in complexione, compositione, solutione continui. Cum igitur impedimentum in musculis est, sub quo continetur: Respondeo primo sub complexione sine materia, calidum facile potest per accidens exsiccare musculus, & sic impedire motum. à frigido, ut in consulsis cum materia, ut ex sanguine inflammatio: ex bile erisipelas: ex pituita oedema: ex melancholia scyrrhus. Secundo sub mala compositione in magnis obstructionibus, ut in paralyti, quando adest materia quæ obsidet uiam, quæ est inter neruum & musculus ex solutione continui: si nervus frangitur, contunditur, impeditur. Causæ antecessentes repletio in toto corpore, uel in parte corporis unde fluunt materiæ, & impediunt motum, & possunt esse omnes humores, & serositas sanguinis. *πνευματικῶν*, aliquis occurrens maximo frigori, unde muscoli & diaphragma impediuntur ab actionibus, & cerusa bibita hoc facit, sic & fungi, generant enim humorem uitreum, hoc est ratione musculorum mouentium. Hic motus habet aliud impedimentum in principio motionis, ut in cerebro, quinto enim pari neruorum affectio, potest fieri impedimentum: non quod muscoli sint affecti, sed principium motionis. Secunda causa per se sunt uix quæ possunt obstrui, & præcipue rimula quæ sit à tertia chartilagine. Studiose relinquo aërem à quo suffocantur, raro tamen contigit, ut maxime Neapoli, & in pestilenti aëre, sed ea reducitur ad extrinsecas siue procacateticas causas. Quod primo constringit huiusmodi uias per se, uel est in aspera arteria, uel in annulis paruis atq; pulmone: in his obstructionibus suffocatur animal, quod raro contingit: uel quod etiam indurentur omnes annuli, quod sepe contingit, est quando rimula illa obstruitur primo & per se: fiet autem ista suffocatio quando muscoli annectentes tertiam chartilaginem primæ, inflammantur & intumescunt. Reliquæ omnes fiunt per consensum, ut quando in œsophago fit inflammatio, uel quando prima & secunda uertebra dislocatur: fit enim hoc per compressionem chartilaginum: mediocres consensus sunt in illis musculis, quibus secunda tertiæ connectitur chartilagini: uel prima secundæ, sed non sunt acutissimi sicut duo primi modi. Hactenus de causis uniuersalibus, nunc de particularibus: Occurrit modo qui laboret maximo dolore gutturis, cum difficili anhelitu: habet difficultatem anhelitus, quod debet primo considerari, dolor enim est communis ad omnem inflammationem, adest difficultas anhelitus, est itaq; aliquod impedimentum in illa rimula, per quam anhelitus transit, constringi itaq; necesse est. Fit autem varijs modis: uel quia musculi proximi sunt impediti, uel quia reliqui intumescunt. Nomina modernorum sunt, quando inflammatio est in musculis interioribus, Græcis *κωρυξ* dicitur, quasi strangulatio canina, quæ ita est pernitiōsa ut statim suffocet, coguntur homines exercere linguam, ideo canina dicitur. Quando est luxatio spondylii *παραγογγυλῆ* est quæ accedit ad eam, quando contingit læsio in duobus paruulis musculis, in basi tertiæ chartilaginis, & quando in musculis annexis ossi hyoidi: tumor provenit ad pectus, & sunt musculi longi annexi primæ chartilagini. Tria sunt ueluti relatiua inter se: causæ, signa & indicationes, quæ ad modum de causis dictum est. Dicemus etiam de signis: principia enim uniuersalia debemus præponere. Signa quædam sumuntur ab intrinseco, quædam ab extrinseco. Intrinseco, id est, ab dispositionibus quæ sunt intra corpus: Extrinseco, id est, quæ extra veniunt, ut aer, ratio uictus, exercitium &c. Hæc non habent

tantum artis, quia ea solum ab ægris quaerimus, quare non est artificiosum, sufficit ut sciamus quot sint, & cognoscamus exacte. Ab intrinseco quædam pathognomonica dicuntur, & sunt proxima ipsius morbi, & ab eo emanant tanquam umbra à corpore & referunt morbum & locum affectum. Indicantia igitur propriū affectum dicuntur, pathognomonica. Quædam cōmūia quæ non proprie indicant morbum, sed aliquid cōmune: ut sunt gravitas, tarditas, uelocitas morbi, uerbigratia, signum pathognomonicon in pleuritide sputum est citrinum sanguinolentū, urina cruda uel concocta non indicat ægritudinē, potest in pleuriticis esse bona urina, & eger moritur, mala autem semper malum indicat, multiplicantur enim incōmoda, ita signa cōmūia non indicant certo morbum aut locum affectum. Pathognomonica dicunt habere duas conditiones, uel saltem unam earum, oportet enim ut perpetuo consequantur morbum, & uni morbo particulari tantum conueniant uerbi gratia, difficultas anhelitus est signū pathog. pleuritidis, quia illi perpetuo cōuenit, sed non soli, orthopneæ enim & anginat etiam conuenit. Dicitur tamen pathog. signum pleuritidis, quia semper sequitur eum morbum. Curuitas unguis soli tabi conuenit, sed non semper, nō est perpetuū: calefieri immediate post cibum conuenit soli hecticæ, & semper illud est uerum pathog. signū, de his primo dicemus. Signa respiciunt suas causas, & quot sunt causæ tot erunt signa, sicuti si considerentur causæ in cōmuni, habemus signa cōmūia, si in particulari, particularia erunt signa: difficultas igitur anhelitus in se consideretur & accidentia quæ sequuntur, quæ signa sunt. Utilitas anhelitus est, ut calor naturalis eueniretur, & spiritus alantur, & natura semper conatur ne impediat: ut autem anhelitus in musculis, in uis & in uirtute consistit, ubi fuerit difficultas anhelitus, necesse est eam esse ex horū trium defectu, uel aliquorum uel omnium. Videmus autem quod illi qui patiuntur difficultatem anhelitus propter musculos & uias impeditas, dilatant collum, & stant recti, ut facilius spirent: ita enim non impediuntur neq; uia neq; muscoli, hæc igitur signa sunt quæ proprie sequuntur difficultatem anhelitus; & si augetur difficultas, augentur & signa. Consentiant autem omnia membra in difficultatē anhelitus, quod facile ostendit ipse pulsus, qui emanat à principio uitæ, erit necessariū inæqualis, sed hoc est signum uniuersale, ubicunq; uirtus aggrauatur, uel à multitudine uel ab imbecillitate, ut bene 1. & 2. de Pulsib. dicitur. Hæc igitur sunt signa pathognomonica uniuersalia indicantia quantum. Difficultatis anhelitus signa distinguuntur causas: primo à loco affecto, deinde ab ipsa affectione sumuntur. Locus affectus sunt aut musculi aut uia, si musculi seu principia mouentia sunt affecta, uidendum sit ne in diaphragmate an musculis intercostalibus, uel in uertebis colli superioribus, uel in cerebro. Si in diaphragmate dolor loci aderit, neq; possumus spirare quacunq; leui spiratione. si in musculis intercostalibus: possumus spirare, sed leuiter, quod non fit ubi diaphragma fuerit impedum: si uertebæ, cognoscemus an ceciderit ex alto, an ea quæ exhibuerimus prouenerint; si ex cerebro, ex nocuentis cerebri secundū naturam causæ. Uia duæ sunt: aspera arteria, & substantia seu annuli pulmonis: si in aspera arteria fuerit obstructio, erit strepitus in anhelatione; si fuerit ratione siccitatis, tantum erit difficultas in motu, ac si ligatus esset pulmo: si in substantia pulmonis non sit ille sonitus, sed cum substantia pulmonis habeat duos usus, ut sit stratum uenæ arterialis, & ut excoquat & præparet cordi aërem (sicuti hepatis caro sanguinem præparat omnibus membris: ita caro pulmonis aërem præparat cordi, ut inde spiritus generentur) non impeditur anhelitus, cum est uitium in substantia pulmonis, sicut quando est obstructio in aspera arteria: sed spiritus & aër, qui debebant præparari cordi, commiscantur crasis humoribus, qui fracti ob necessitatem penetrationis instant pulmonem, ut impediat eor, ne ita uentilentur, unde difficulter spirant, & hoc modo de Astmate fit transitus ad hydropem, cum cor non nutritur sicut debet: & est eadem prorsus ratio quæ in hepate. Signa particularia. Quando est uera cynanche in musculis exterioribus, conuentibus primam tertiam chartilagini, eminent oculi, rubet facies, & statim suffocatur æger, sicut qui suspenditur. Quando ob dislocationem spondilium, signa sunt, quod

nifesta apparet cavitatis in uertebis colli, si in paracynanche, difficultas anhelitus non est tanta, deglutit difficulter, & præcipue si in oesophago sit tumor. Si uero tertia species, quæ est in musculis secundæ chartilaginis, difficulter quoque spirat, neque acutissimus est dolor, febris remissior, & accidentia remissiora, quando est in musculis scuti formis, difficulter suffocatur, habent scutiformem chartilaginem, quæ resistit inflammationi & tumori. An autem omnis Angina sit inflammatio? dubium est. Nam musculi illi proprii conuelluntur ad principium suum, cum excitantur, non tantum cum inflammantur, & tamen ipsa actio est læsa: uidelicet aperire ipsam linguam aut rimam. Fecimus hæcenus discursum omnium signorum, quæ indicant difficultatem anhelitus per se, nunc de ijs quæ per consensum dicemus: Quando membra uicina inflammantur, & ueniunt ad tumorem, dilatatio & anhelatio impeditur: ita lien, hepar, uentriculus, quæ membra uicina sunt diaphragmati, inflammata, impediunt dilatationem eius. Quæ igitur sunt signa distinguenda, an per se sit, an per consensum? Primum quod occurrit est, quando nihil uitæ essentialiter in membris proprijs est, sed in proximis. Si lien est affectus, agnoscitur ex dolore in loco, in parte sinistra, ex colore melancholice subnigro, & subfusco: quando non purgatur lien ab eo humore, sed tumescit & impedit diaphragma, & per consequens anhelitus: si uentriculus, dolor est circa locum & grauitas: si hepar, signa hepatica sequuntur, sed nunc non uolo dicere, ista enim non sunt propria huius loci. Quando est propter uiam, quæ sunt annuli pulmonis, & aspera arteria per consensum fit, cum comprimuntur: præcipue si fiat suppuratio inter pulmonem & thoracem, Græci *πνεύμα* dicunt. Impletur flatu thorax, & tunc non sequitur pulmo. Sequitur enim dilatationem thoracis ratione uacui. Vbi autem repletus fuerit locus, non sequitur pulmo, atque ita fit difficilis anhelitus, & uix impediuntur ne possint dilatare: signum distinguens hoc, sunt signa Empiæmatis. Diximus hæcenus de omnibus signis indicantibus locum affectum: ueniendum nunc est ad ea, quæ affectionem indicant. Sumuntur autem ab alio principio, uidelicet à tribus generibus morborum: morbus uel est intemperies, uel mala compositio, uel solutio continui. Si intemperies aliqua est, uel frigida, uel calida, uel sicca, uel humida: si frigida, omnia signa sunt frigiditatis: si calida, caliditatis signa manifestabuntur: & sic de alijs, si erit mala temperatura calida & humida, erunt omnia signa talia: & talis uel erit in loco tantum affecto; uel diffusa per totum: si tantum in loco affecto erit caliditas ad tactum, si cum humiditate erit mollicies, si materia ut sanguis, erit color rubens & tumefactio uenarum: si in reliquis partibus, apparet quoque in alijs locis arteriarum plenitudo: si fuerit ijs in partibus, pulsus magnus & uelox, & reliqua capita sunt consideranda: tempus anni, regio &c. Et sicut de sanguine diximus, ita & de reliquis humoribus: si à bile caliditas madax, cum siccitate, dolor mordacior & exasperatior si in carne fuerit, sic de humore melancholico, frigiditas tactu percipitur, & sic de reliquis. Ita iudicabis eodem modo de signis, quæ ex mala compositione aut solutione continui sunt. Diximus hæcenus de signis pathogno, quæ aut soli morbo, aut semper, uel & soli & semper conueniunt: Morbus hic motum habet, non igitur sufficit essentiam morbi scire, sed oportet scire tempora motus, & eorum tempora querenda sunt: sunt autem tempora morborum, principium, augmentum, status & declinatio. Penes quid sumuntur hæc signa? Tempora morborum sumuntur à motione morbi, quando mouetur, ab uno loco ad aliud tendit uel ad salutem, uel ad mortem uel ascendit, uel descendit: in ista alternatione semper est aliquid quod indicat. Inuenerunt igitur medici quatuor tempora, & principium determinant moderni: Totum illud spacium, quando non apparet aliquis motus: ubi autem incipit moueri augmentum, quod dicetur donec non amplius augetur, totum deinde spacium, quo nec augeri nec diminui uidetur status, & quando diminuitur declinatio dicitur. Ex quibus signis indicantur hæc? Si accedam ægrum, & inueniam pulsum paruum, frequentem, urinam albam, tenuem primo: postea in tertio mutatur pulsus, & adhuc minor, & quod magnitudini deest, tantum auxit frequentia, Urina tamen eadem adhuc permanet, tunc est auctus morbus: si iam ratione ægritudinis

hæc accidant (nam de extrinsecis quæ pulsū mutare possunt, ut coitū & alijs, nihil hic loquimur) semper ponderabimus hoc, quod dicit Galenus in prognosticis: Signa quæ indicant tempora & prognostica, debemus considerare secundum dignitatem, & uniuscuiusque morbi maxime propria præcipue attendenda, urinæ non mutantur, quando natura non concoquit morbum. Accidentia non crescunt quando virtus non est valida: si sit febris continua, uel ægrotudo renum, aut uelice quæ habeat manifestum signum in urina, aut ægrotudo in uenis; & sit mutata urina, ægrotudo erit mutata. Est enim proprium signum & pathognomicum, si sit pleuritis, & sputum mutatur, ægrotudo inuitatur. Est enim proprium excrementum illius morbi mutatum, sed si urina sit mutata in pleuritide, & sputum retineatur, non propterea ægrotudo mutata est, quia illius coctio non fit in uenis, quarum urina est signum pathognomicum. Quando morbus neque declinat neque augeatur dicitur status, penes operationes naturæ meliores uel peiores, sunt propria & præcipua signa temporum. Intelligantur autem ista tempora penes mutationem. Augeatur morbus quando natura pugnat cum ipso morbo, & tunc in crisi medicus longe aliter se habet quam uulgares: ubi enim apparentia accidentiū ostendunt pugnam morbi cum natura, timet uulgaris. Medicus maximam uitæ spem alit: Quantum ad tempora igitur sufficit scire coctiones & cruditates morbo proprias. Signa prognostica sumuntur ab iisdem, à quibus sumuntur coincidentia morbi essentiam, & ab interioribus: sunt eadem substantia, sed ratione differunt, illa tanquam umbram consideramus, hæc tanquam cruda uel cocta, uehementiora aut leuiora. Consideramus autem prognostica penes tria: imbecillitatem & fortitudinem uirtutis. Secundo coctionem & cruditatem excrementorum. Tertio penes magnitudinem accidentium, aut paruitatem. Dies prognosticorum ex arte dierum prognosticorum accipiuntur. Indicationes. Videndum modo quomodo debeant curari. Principium curationis enascitur ab aliqua ratione indicationis, curatio autem debetur morbo proprie à quo incipit tanquam à carceribus. Indicationes autem sumuntur non tantum à morbo, sed à uirtute quoque & reliquis, quæ sunt: anni tempora, regio, ætas, temperatura, locus affectus, consuetudo, ars, propria natura, ut multi sunt qui calsiām nec agaricum sumere possunt, & sic de alijs. Ex his decem tria sunt, quæ quotidie ob oculos habere debemus: Indicationes scilicet, quæ sumuntur à morbo, à natura, à loco affecto. Indicatio à morbo: in difficultate anhelitus, symptomati est occurrendum, quod est remouendum: oportet igitur remouere causam quæ facit eiusmodi symptoma, causa si fuerit actio læsa, erit necessario dispositio præter naturam, supponamus quod signa dicta indicant quandam malam temperaturam. Contraria autem contrarijs curantur: est temperatura mala, oppositis ergo remouetur, si iam distinctæ erunt causæ morbi, distincta erit indicatio & cura: si confusæ, confusa erit curatio, si tantum scio esse malum temperamentum, indicatio adhuc est confusa, nescimus enim quale sit eiusmodi temperamentum. Sed si dico calidum excedere, statim sequitur refrigerandum esse, & sic est distincta causa, quare curatio distincta. Sed talis temperies potest esse uel cum materia uel sine materia: si est cum materia, duplices sunt indicationes, oportet refrigerare locum & euacuare materiam, materia autem aut fluxa est, aut fluit: aut partim fluxa est, aut partim fluit: tria tunc facere oportet, materiam fluentem prohibere, fluxam euacuare, & locum refrigerare. Sed nondum possumus operari, quia dimisimus unam diuisionem qualis sit materia, si sanguis est permixtus bili, sanguis per phlebotomiam extrahi, bilis euacuari debet, refrigeremus locum affectum, materiam fluxam euacuemus à loco: quæ fluit prohibeamus ne fluat, quæ fluxit ad locum localibus tantum eget, quoniam locus calefactus debet refrigerari. Quoniam mala temperatura cum materia sanguinea & biliosa partim fluxa est, partim fluxura: debemus accedere ad opus, & primo oportet uidere an eiusmodi materia sit in toto corpore, an uero in aliqua parte. Si enim non esset in toto corpore, non esset purgandum totum corpus: si fluit à membro ad membrum, illud membrum solum purgare debemus, & intercepte materiam quæ fluit excicando &c. ut si

materia fluit à capite ad tonsillas, exiccandū caput ventosis uel alijs &c. si à toto corpore, quid agere debemus? Est enim in loco mala temperatura calida, cum materia quæ est euacuanda sanguinea & biliosa, partim fluxa & partim fluxura, hæc intercipi debet, illa euacuari; omnes uenæ redundant, debemus igitur euacuare totum corpus, ubi sanguis peccat plurimū, à phlebot. incipimus. Moderni fuerūt ex dimidio empyrici & dogmatici ex dimidio, qui intentiones inuenerunt & non indicationes. Hic sumus quinque indicationes, ergo quinque intentiones; & quod primum est in discursu, ultimum est in operatione, & e contra. Incipimus à phlebotomia & purgatione. Hæc ars resolutiua dicitur à Gal. primo artis paræ. Resolutio fit à notione finis, primo phlebotomamus, postea purgabimus, & ueniemus ad locum, adhibebimus discutientia & resoluentia, deinde ad malam temperaturam, refrigerabimus locum & corroborabimus, quod fit remouendo acquisitam illam malam temperaturā. Tandem sequitur sanitas. Ante quàm ad alia descendamus, sciendum diuisiones omnes fieri secundū aliquem scopū, et si scopi sunt uarij, uarias esse diuisiones. Nostra methodus unam sibi eligit intentionem & finem, qui ad curationem morborum utilior, & magis necessarius uidetur, qui morbi essentiam & naturam indicat, ideo ea uisi sumus diuisione signorum, quæ præsentem morbum indicant, si modo alios scopos haberemus, alias diuisiones signorum faceremus, ut Gal. 3. Prognost. diuidit in signa quæ semper idem significant; & sunt pathognomonica, uel *τρυφή*; & illa quæ aliquando bona sunt, aliquando mala, ut in urina alba hypostasis, sudor stante cruditate signum malum; si appareat in die laudabili, est bonum tale signum. Primo tamen Aphor. 12. alio modo diuidit signa, quæ possunt indicare morbum, ubi dicit: Signorum quædam sunt pathognomonica, quædam assidentia, quædam iudicatoria, quædam cruditates: de his omnibus diximus in diuisione. Obijciat aliquis: de syndreuentis non est facta mentio? Resp. Sub hoc nomine non fecimus mentionem, sed diximus quædam signa esse communia, quoniā non indicant certū aliquid de essentia morbi, & talia sunt omnia signa, quæ non sunt pathognomonica; sic apud philosophos habent signa, quæ temperaturam perpetuo consequuntur, quædam tamen alia habent aliam proprietatem, quæ non sit communiter in omnibus: Ve inflammatio hepatis habet sua signa propria & assidentia pathog. ut est sitis immensa, urina rubra & crassa, cōcoctio deterior, prauitas in ea parte. Assidentia aut sunt difficultas anhelitus, quādo inflammatio adeo magna est, ut cōptimat diaphragma, & difficulter spiret homo, uerū nos hic, quia introducendis legimus, non oīa sumimus, sed utiliora, & subeōmunib. *ευνόμιον* comprehendimus. Ad rem. Diximus necessarios esse locos, à quibus præcipue curationes indicatiuæ sumuntur, & in ijs quæ præferuntur ad essentiam morbi, tres esse præcipuos, in quibus maxima ars, & à quibus indicationes sumuntur: morbus, locus affectus, & natura seu uirtus, sed quoniā in morbo duo consideramus: essentiam & motū, & omnia signa essent frustra, nisi ab ijs fumerentur indicationes, à quibus colliguntur intentiones, à temporibus igitur & motu morbi sumenda indicationes; alia enim remedia necessaria in principio, alia in augmento, alia in statu &c. Diximus antea esse euacuandū, quādo sit materia fluens partim, & partim fluxa. Nunc de tempore est quærendum, quando sit euacuandum, an in principio aut augmento? Semper est in principio euacuandum. Hæc indicatio à natura rei sumitur, unde omnes indicationes sumi debent. Morbus pendet à materia, quæ est res præter naturā, non debemus igitur dare inducias, semper enim sit cum periculo; sed duo sunt impedimenta ex parte corporū, quia corpora quæ purgare uolueris, debes prius fluida facere, & ex parte humorum sæpe materiæ sunt crassæ, uiscidæ & grossæ, quæ etiā impediunt, concocta moueri oportet, nō cruda: stante igitur prima indicatione, si non possumus propter has duas causas, illæ remouendæ quamprimum, & statim accedendum ad curationem, ubi dominatur sanguis, statim primo die fiat phlebotomia, quia non indiget concoctione, 4. de tuen. sanat. & in lib. quos & quando purgare oportet. Quod si uix fuerint obstructæ, nō subito phlebotomandū, ne materiæ crudæ & inconcoctæ trahant ad uenas, ideo præparare oportet prius uias, & humores obstruēs meatus tollere

tollendus, qui si bilis fuerit tribus indiget, duo propria sunt, & unum commune: cum omnibus commune est ut concoquatur. Concoctio autem est, ut separet bonū à malo, neque est diuersa hæc sententia à Philosophis: humor autē biliosus crudus dicitur, quando mixtus ex malis humoribus, talis enim est euacuandus. Sicogeremus naturam ante concoctionem tantū boni ageremus, quantū mali, quod est ualde incommodum: fiat igitur cōcoctio in bile. Et inde est error Rasis, quem Auic. bene intellexit. Propria bilis sunt, quod ob tenuitatem imbibitur porositate membrorum, ideo abstergentia frigida adhibemus, ut aquam endiuiz, decoctum hordei, cucurbitæ & eius sem, ut educatur quod est in profundo, & obstruit poros. Secundum propriū bilis est, quod acris est & mordax, ita ut si ante præparationem extrahatur, fiat inde dissenteria: prius igitur præparetur bilis, & contemperetur rebus emplasticis & frigidis, quæ bilis acrimoniam extinguat: factis eiusmodi præparationibus (quas ex egestionibus, ut ex sputo in pulmone, ex sanie in uulneratis & urinis ei deberi agnoscat) facile educetur. Si pituita, tribus indiget, cōmuni primo coctione & duobus proprijs: crassa est, igitur incidentibus præparari debet, & his quæ habent tenuitatem substantiæ: & quia lenta & uiscosa, & adhaerens ac impacta, oportet abstergere, & quidem cum calidis & siccis in tertio. Melanch. humor tribus indiget: primo coctione: secundo duobus proprijs: quia crassus incidetibus mediocriter calidis, ut aceto: & quia sicus leuiter humectantibus, quæ soli humori melanch. conueniunt: unde & practici nostri calida & humida exhibent, sed multam humiditatem cum paucō calore, ideo & comestio raparum & earum decoctum probatur modernis, & reuera optime conuenirent, nisi flatuosa essent. Propter statum enim periculum est ne in splene fiat repletio. Venter enim propter statum non potest recte concoquere, unde uiz obstruuntur & implentur, quæ repletio transit ad splenem. Repetendo igitur dico, statim in principio euacuandum esse humorem, nisi impediamur ab istis duobus, tunc enim abstinendū ab euacuationibus tam diu donec adsunt. Quæret aliquis, nunquid si impedita fuerit euacuatio, & in principio & augmento, remota autem fuerint impedimenta in statu, an tunc debemus euacuare? Respon. Nunquam in statu neque prope statū euacuare debemus, etiam si apparet concoctio: quia hoc tempore est maxima naturæ pugna cum morbo, & unū ex tribus his sequetur: uel enim natura uincet, & nil est quod agimus, nec oportet in periculum ponere quod certum est: uel natura à morbo uincitur, duo sequuntur incommoda, magis enim aggrauatur natura remedijs, cum ante morbo plus satis sit occupata, & facilius opprimitur. Secundo infamantur etiam remedia, & ars uel pugna anceps est, nec constat an uincat natura uel morbus, & tunc quoque nequaquam euacuare decet, quia committimus rem fortunæ & casui. In declinatione bene poteritis euacuare & exhibere medicinas, si debilis sit natura, ut non possit expellere inimicum, & tunc est adiuuanda & confortanda primū natura afflictā pugna, & postea adiuuare eam poteritis euacuando. Indicationes quæ sumuntur à loco affecto, sumuntur etiam à natura rei, mirabili enim arte hæc se inuicem consequuntur, & semper secunda presupponit primam, & tertia secundam. Ex essentia morbi inuenitur materia, ex motu tempus, à loco affecto modus operandi. Hinc autem à natura rei discimus naturam loci affecti considerantes, & primo eius substantiam: utrum carnea, nervosa, ossea, membranosa, an raræ an laxæ substantiæ ut pulmo, densæ ut renes, utrum sensibilis ut muscoli, nervi, insensibilis, ut hepar, consideramus & situm: item operationē, an nobilis sit an ignobilis, an sit receptaculum excrementorū ut uesica, an propinquū alicui membro nobili uel non: an sanguineum uel exangue, an habeat foramina & uias, Et si habet: utrum habeat finem uel exitum, & quomodo terminetur meatus, an intrinsecus, an uero extrinsecus. Hæc omnia quærere oportet, quia loci diuersitas intentionem parit diuersam. Nam si substantia loci carnosa est, humidum membrum est: iuuatur à frigidis, læditur à siccis, si sit nervus, os, cartilago: sicca enim sunt & secundum propriam suam naturam curationem expetunt, & multum refert an in secundo uel tertio gradu. A modo substantiæ, an laxam uel densam, in laxo possumus ponere medicamenta crassiæ substantiæ,

facile enim ob naturam membri penetrabunt: si solidum, durum & densum, indigemus substantia tenui & subtilissima; ut sunt pulueres, qui cum adhibentur subtilissimos & tenuissimos pulverizatos esse oportet. A sensibilitate. Si membrum ualde sensibile, cauendum ne ualde mordicantia apponantur, ut neruis, aliter in spasmus induceremus ægrum, si os est non timemus a mordacibus, dummodo usui sint, ideo in *καρα γίν* a terebinthina cauet Gal. in neruis ob mordacitatem, cum alioqui sit medicamentum convenientissimum. A situ huius etiam mensuram sumetis, an profundum sit membrum, an superficiale, si est in superficie, utimur *ijs* quæ in primo gradu, si profundius recurrimus ad secundum uel tertium gradum, ne antequam deueniant ad locum læsum, amittant vires, unde cum uolumus exsiccare pulmonem, utimur rebus ualde exsiccantibus, etiam si uno gradu indigemus: si uero uentericulus, præcisam exhibemus mensuram, quia statim illi occurrit. Ideo Gal. *καρα γίν* in neruorum uulneribus profundioribus aceto utitur, quia putat id uim suam amittere, antequam ad locum deueniat, si uero non sunt profunda, & nerui uiciniores, ab aceto cauet. Ab operationibus. Nobiles operationes non oportet impedire, si uitium in stomacho, non licet impedire actionem eius rebus nimium frigidis, etiam si talibus indigemus, quia eius operatio, quæ corpori uniuerso alimentum præparat, impeditur. Fit enim coctio a calore, ideo non absolute frigida exhibenda, sed moderate calida admiscenda. Neque relaxare oportet eum nimis, ut non possit cibum amplecti, ita in membris nobilioribus attendendum. Sed in bubonibus aut adenibus, uel parui momenti membris, non timemus ob membrorum ignobilitatem, quare etiam medicamentis foras trahuntur aliquando. Si autem aliquam uitæ necessariam actionem faciat, diligentius attendendum: Et primo percutiatur materia, ut in Angina, si fiat inflammatio in musculis intrinsecis, ratione cuius non possit aer transire per foramen, statim mederi oportet, quia netantillum stare homo sine respiratione posset. A uijs etiam insurgit intentio; ut in hepate, si est inflammatio in conuexo, quia hi meatus respiciunt ad intestina, medicinam proponimus, quæ per secessum ducat, si in concauo, quia uias uersus renes trahet, urinam prouocantia exhibemus. Ita igitur natura loci affecti considerata est.

De paupere pleuritico.

Febre pestifera, tussis sicca, non potente quicquam eijcere laboranti, ordinata sunt hæc a Montano.

℞. Olei Sem. lini

℥ 2.

Detur pro lambitio qualibet hora, dilatabit mirum in modum. Item decoquatur carduus cum aqua calida, & bibat illam quantum potest: pro dolore decoquantur Brasicæ plurimæ in aqua ad perfectam consumptionem, deinde pistentur, cui adde pul. Sem. Cimini q. s. cum butyro, farinis sem. lini, & Fornugræci, incorporentur optime, & fiat emplastrum pro loco affecto. Et quouis mane bibat succum purum Vincæ per uincæ loco syrupi. Est curatus.

De altero pleuritico.

Consilium CXIII.



Derat febris continua, difficultas anhelitus, tussis uehemens cum spūto, dolor in latere dextro pungitius, ita tamen ut in eo latere quiescere possit. Pulsus durus, & serræ instar. Montanus pleuritim esse statim iudicabat. Exhibuerant oleum sem. lini, id improbabat, tanquam nimis resolutum, cum materia adhuc sine dubio esset in fluxu. Imposuerunt alii qui loco dolenti sacculum, nescio ex quibus rebus aridis, id etiam reiciebat. Et statim uespere

vesperi sanguinis 3 s. extrahi iussit. Et cum seniore 60. uel 50. annis obijcerent, non minus tamen 6. 3 mitti uoluit, quod Hipp. usq; ad mutationem sanguinis fieri uelit. Victum ordinauit ex ptisana hordeacea, ter cocta, coquatur hordeum integrum in aqua, donec crepat, postea abiecta aqua piliatur, & cum aliqua aqua expressum temperetur, donec fiat succus aliquantulum spissus, potest ita fieri cum hordei modico & saccharo. Penidias confectas habeat pro scratione, & quia aperiunt, & faciunt tussim, corpus lubricum uoluit. Item

℞. Olei Chamamel. Liliorum alborum, rosati ana 3 l.

Adipis anseris recentis, huius anni 3 s.

Misce cum modico ceræ, fiat linimentum pro loco patiente. Adeps anseris additur propter penetrationem, quia hic inter omnes adipēs maxime penetrat.

R. Olei amygd. amar. Adipis anseris ana 3 l. s.

Misce pro unctione totius pectoris, ad facilitandam tussim, & resoluendam materiam, sed hic attendendum dixit, ne plus resoluatur, quam possit rejicere, quia ex hoc uiderit plurimos mortuos, qui materia agitata cum a uirtute ejci non posset, subito suffocarentur. Pro syrupis

℞. Syrupi uiol. Mesuæ compositi 3 l. s.

Aquæ uiolarum 4.

Misce pro uno, & sic pro alijs syrupis, & quotidie duos accipiat.

De cura pleuritici.

Consilium CXV.



Veniens quidam Nouocomensis febris laborabat, cum magna anheditis difficultate, tussi uehementi, cum dolore insigni lateris punitiuo, ægre expuens. Montanus pleurisin metuens, quia ante biennium etiam laborarat, statim sequentibus uti uoluit:

℞. Florum Camomillæ

Melliloti

Rosarum ana M. l.

Contundantur grosso modo, & in aqua decoquantur, pro fomentatione loci affecti cum spongia. Item

℞. Olei Camomill.

Sem. lini ana 3 l.

Rosati completi

Anethini ana 3 2.

Misce cum modico ceræ, fiat linimentum post fomentationem. Pro uictu, panis tella uratur sine butyro, & sale. Vino penitus abstinēat, ita ut non odoret. Bibat aquam hordei, cum saccharo, quia os etiam sæpius abluat, & quæ exhibentur, dentur tepida. Vesperi deinde accipiat bolum:

℞. Calsiæ nouiter extractæ 3 10.

Pul. Liquiritiæ

Hyslopi ana 3 l.

Cum saccharo, fiat bolus. Sequenti die uenam aperire iussit, & extrahi sanguinem ad 3 5. uel 6. donec mutaretur color, ē basilica sinistri lateris, ubi erat dolor, & ordi-

nauit

℞. Syrup. uiolati 2.

Penidiarum 1.

Syrup. de Liquiritia 5.

Misce pro lambitio. Item

℞. Syrup. uiolati Mes. De Farfara ana 3 l.

V

4

Aqua

Aque scabiosæ

Inula

ana

3 2.

Misce pro uno, & sic pro alijs. Hunc bis sumat in die, mane & uesper, tribus horis aut quatuor ante coenam. Inungat partes pectoris ante & retro oleo Amygdalarum dulcium, ita ne tangat regionem uentriculi. Sequenti die cum Montanus Venetias abiret, & Bellocatus urinas ictericas, tingentes, & ad nigredinē obscuram accedere uideret, & de doloribus æger plurimum quæreretur, uocatus est Frisimelica, qui iam desperatum propemodum dicebat. Iterum sanguinem misit, & emplastrum applicuit suum, & cum septima meliuscule haberet, illo solo leuatum esse prædicabat. Septima Montanus iterum accessit, dolor & tussis sese remiserunt, nec sanguinem, ut præcedentibus diebus, sed materiam concoctam expuebat. Urinæ licet ictericæ adhuc tingeant, non tamen ita nigre erant. Petebat æger carnes & uinum. Sed Montanus concedere nolebat. Et ut ad minimum ad 11. uel 14. diem, in præscripta diæta perseveraret, iussit maioris securitatis causa, dare panatellas tantum, & aquam coctam. Emplastrum quod supra dictum est à Frisimelica fuisse adhibitum, in superiori quodam consilio descriptum est, cuius argumentum est: De catarrho cum pleuritide. Vbi ante Montanum loquitur Frisimelica,

De catarrho, pleuritide, & febre pestilenti.

Consilium CXVI.



Vm primum uenissem (agitur iam 5. dies) ad magnificam hanc Domum, dolebat ex capite, inueniebam eam febrile: tussiebat, & nihil expuebat. Suspicebam illico de pleuritide: sed quia conquerebatur se toto triduo beneficium uentris non habuisse, cassiam extractam ob lenitionem alui exhibui, & ut hiberet aquam hordei cum zuccharo decoctam, uelcereturq; loto pane & ptisana, iussi. Pectus meo iussu cum oleo amygdalino & lilij aceto inunctum est, Cassia bene operata est, & altero die multū egressa materia. Tercio die minui sanguinem ex basilica dextri brachij ad 3 10. & locus interim inunctus est, neq; in diæta quicquam mutatum. Quarto die, ut dolori capitis, qui quodammodo familiæ toti hæreditarius est, quo etiam annis retro actis sæpe laborauit, facerem medicinam, & lenirem quadantenus pectus ipsum, dedi electuariū de penidijs, cum syrupis de glycyrrhiza, & de farfara. Ipsa etiam bibit syrupū acetosum simp. cum farfaræ decocto. Hæc ueni, & egressa ipsa copiose, & cum ita egerebat, iterum rigor eam inuasit, qui seruat tertianæ febris periodum. Superioribus diebus claræ urinæ erant, iam uero crudissimæ, & prorsus iumentitæ, ut inquit Hipp. Accessit ad alia mala tinnitus aurium, quod ante biduum senserat: pessime dormiuit: lingua erat aspera & sicca: non delirauerat: sed an essent uspiam maculæ in posterioribus corporis partibus, iussi inquirere alias Dominas: nam febrem pestilentem alia indicabant. Primitiue causæ fuerunt: cum longius iter fecisset & incaluisset, domum reuersa uestes exiit, ut totum corpus obrigeret: unde obstructio secuta, quæ putredinis causa. Et quia catarrho frequenter laborat, iam descendit in pectus: unde inflammatio pleuritica. Hoc die mane eclegma ordinari quod usurparet:

R. Oxymellis simp.

Succi liquiritiæ

ana

3 2.

Misce

Et emplastrum, quo etiamnum utitur:

R. Maluarum

Florum camomillæ

ana

M. 2.

Meliloti

Anerthi

Violarum

ana

M. 1.

Sem. lini. Foenugraci ana 3 2.
Decoquantur in aqua, & contundantur.

ss. Olei amygd. dulcium
Liliorum alborum
Sesamini ana 3 2.
Pinguetinis gallinæ 3 1.
Farinæ hordei
Fabarum quantum sufficit.

Fiat emplastrum. Cibus panis lotus fuit, & quia petebat pomū coctum cum zucharo, concessi, ut pectus leniretur, & confortaretur cor. Neque enim ueritus sum, ut in bilem converteretur, quod fieri assolet, quia admixtum erat zucharum, ut maior eius esset utilitas. His prædictis, ad alia examinanda, quæ quidem cogniti uideantur necessaria, accedamus. Temperatura eius est calida & sicca, atq; ita semper iudicauimus: uis enim eam iam inde à pueris. Frequentissime caput dolet, quod hoc familiare est familiæ: pariter etiam ex uentriculo est ægra. Agere nunc eam credo annum 40. Patitur inflammationem pleuriticam, & quæ ad eam sequitur febrem. Materia mixta est à prædominio cholerae & pituitæ, quod cognoui ex emissio sanguine: ostendit etiam præterita uiuendi ratio. Cum enim pro arbitratu suo uiuere, multum congestis cruditatibus, cum ob alias causas, tum quod obitum mariti sui Clariss. Doctoris impatientissime ferret. Laborauit ob easdem cruditates catarrho ferè perpetuo, & qui hoc laborant, facile in pleuritidem incurrunt, & ita non tantum febris putrida subsecuta est, sed etiam pestilens ob materiam putridam nimis. Pessimi humores collecti fuerunt antea, & ex ratione uictus non bona, & naturali quadā dispositione. Accesserunt cause primitiue: corpus enim alioquin uarijs affectionibus obnoxium, motu uolentiore calefactum, & post aëri frigidiori expositum, obriguit, ac cutis omnis transpiratio prohibita, ad obstructionem uapores plurimi cumulati, qui quia exhalare non potuerunt, & calor extraneus accesserat, computruerunt, atq; sic facta est putredo, totius usq; adeo massæ sanguineæ ebullitio. Indicio sunt urinae perturbatae, quæ mihi ostendunt perturbationem sanguinis maximam: item tinnitus aurium significat ebullitionem humorum. Et etsi adesse pestilentem febrem satis constet, tamen maculae nullæ apparent, eo quod materia ad cutim non est transmissa. Prognosticon. Vereor ne decessat, propter pestilentem dispositionem. Nam cum alia symptomata sint uehementia, naturam etiam pestilentem esse magis & magis docent: inflammatio enim est ingens, & materia plurima. Sed nondum est desperandum: nos nostræ operæ non parcesumus. Cura: Febris & inflammatio pleuritica simul erunt curanda: sed quomodo? Causam utriusq; tollendo. Qua ratione phlebotomia. Quocirca lenius etiā prius uentrem celsa, totum namq; corpus fuit repletum: deinde secui uenam. Quid? conuenit ne phlebotomia in pestilentia? Ego ante non uidi: sed enim quamuis uidissem, tamen ut materia euacuaretur, stante præsertim uirtute, & ut natura posset dominari, secuissem uenam. Materiam concoxi cum syrupo farfaræ & acetoso, qui in hoc casu plurimum ualet: dein ut expueret facilius, pectus inunxi. Sed quaestio hic esse posset, an bolus armenus eclegmati immisceri possit, qui mea sententia multum iuaret. Et si quis negat, propterea quod astringat, respondeo cum Gal. fac esse quod astringat, tamen pus tredinem tollit: & ego hic putredinē ualde timeo. Cibis usq; adhuc panis lotus fuit: hodie parum pulli dedi. Quod si quid mutandū fuerit, me uolente etiam poterit mutari: quamvis malim nos stare cum omnibus istis usq; ad septimū. Postremo contra pestilentiam icordij puluerē & decoctū laudare maxime. Syrupū etiam de liquiritia, & de farfaræ: uel cum sacch. uiol. permiscebimus bolum armenū, atq; hæc mihi facienda uidentur. MONTANVS. Tendimus ad eundem scopum, Clariss. domine Doctor, nam utriq; cura ea incumbit, ut mulier hæc magnifica sanetur. Considerabo igitur naturam morbi paulo diligentius, ut de instituenda curatione facilius concludi possit. Natura autē morbi ex symptom. cognoscit, quæ in hoc casu sunt: difficultas respirationis,

tussis, febris, dolor pungitiuus, quorum *omnesque* constituit nobis pleuritidem. Deinde de catarrho laborare eandem Dominam, non est cur alijs rationibus inquiramus: sen su enim percipitur quòd etiamnum defluat: audimus enim in faucibus & aspera arteria sonitum. Nobiscum faciunt etiam alia signa, ut grauitas capitis, de qua conqueritur, & aurium tinnitus. Laborauit insuper etiam catarrho, antequam in febrem incidere. Sunt igitur morbi huius Doming, pleuritis & catarrhus. At multū mecum dubitauit, febris ne inflammationis pleureticae sit symptoma, uel morbus per se, atq; ab illa seiuinctus; atq; certis quibusdam rationibus adducor, ut statuam febrem esse morbum, & non symptoma, quia humores putrescant in uenis. Ergo pleuritidem habet, & febrem, & catarrhum, morbos distinctos: cum his morbis urina subingualis ebullitionē humorū in uenis indicat, quia magna putredo. Ergo hæc domina sic se habet nunc. Quod ad habitudinē corporis, est liccum & gracile corpus. Siccitas manifeste apparet cum caliditate, sed ille calor est debilitatus. Etiam habet stomachū imbecillē, & caput debilitatum à natiuitate. Est corpus inæquale, & illa in prima senio: & in australi & bo reali tempore sumus, quæ conferunt catarrho, autore Hipp. Vnum notandum, diligenterq; exquirendum, qualis nam sit pleuritis, uerane & sincera, ut quæ in pleura sit, an non sincera & notha. Vna coniectura hæc est, quæ arguit non ueram esse, nec à subtili humore, quia nec dolor pungitiuus est, neq; magna difficultas anhelitus: ipsa namq; dicit sparsum esse dolorē, (lege Gal. 2. de loc. aff.) Est igitur potius in locis sparsis, quam in membranis, nempe musculis in pectore, quia membranae non ita facile recipiunt. Sputum præterea semper pituitosæ substantiæ, quia musculi pectoris inflāmantur potius intrinseci quam extrinseci. Pulsus durus est quando membrana inflāmantur: uerum hic neq; pulsus ita durus est, ergo pleuritis hæc à materia crassiore est. Ad est catarrhus perpetuus, fouens morbū perpetuo: tussis quoq;. Satis de catarrho & causis, quia uentriculus semper laborat, posita caput, ista est causa materialis, & efficiēs catarrhi. Vtrū febris accidens inflammationis & catarrhi, an ueram causam habeat separatam? dico quòd urina talis sequitur magnam in uenis ebullitionem, & putredinem, & ubi febris (7. Aphor.) accidunt, sequentes putredinē, cor petentes uapores, interimunt. Sed hic putredo & ebullitio & febris pestilens, quo ad causam proximam magna putredo, ut non tantum uapores putridi ascendant, sed massa etiam sanguinis putrescat, sed nondum in corde, quia ubi cor corripuerit putredo, omnia destruantur: sed dum in humoribus est putredo, potest curari, sed raro, & à peritis Medicis. De natura febris, catarrhi & pestis, satis sit dictum. **PROGNOSTICON.** Iam primo omnium, quod ad catarrhum attinet, uenit in mentem mihi Aphor. 2. Hipp. 2. sectionis. Branchi & catarrhi in ualde senibus difficulter curantur. Et uidetur in hanc regulam cadere dominus, ut ratione ætatis morbum difficilis curationis fore satis appareat. Quo ad pleuritidem, raro inflammationes in senibus contingunt: sin autem, ægre curantur, & præsertim in hyeme. Pulsus tamen etiam est gracilis & tenuis, quod significat multos spiritus non adesse: quare non facile curabitur. Coctionis signa nondum apparent: etiam febris molesta & periculosa: & ista complicatio est pessima, & habet contrarias indicationes. Ista relaxantibus lenientibusq; eget, febris pestilens exiccantibus: quin cura eius 3. Epid. exiccatio, quare cura difficilis. Catarrhus etiam utriusq; dispositioni nocet, & augeat difficultatē spirandi, & febrem: augentur obstructions in uasis, & ubiq; ideo ex illis rationibus morbus difficilis. **CURA.** Hic est catarrhus, pleuritis & febris, quæ sunt separata secundum materiā: dico nullum esse istorum contemnendū, quia omnia habent rationem causæ. Ergo catarrhus principio diuertendus, & dolor leniendus. Quidnam agendū? Respondeo ad id quod dubitabatur de phlebotomia in febre pestilentiali. An sit uena secanda? Et assero non secandam uenā, idq; autore Galeno 11. Meth. Non enim curamus putredinem nisi sanguinem seruemus, sed in peste maxima est putredo. Vnde dicemus, in principio febris pestilentis phlebotomare optimum, quia refrigeratur corpus: & phlebotomare dico optimū suo tempore, cum putredo aucta est minime, quia eo modo uirtus debilitatur et putredo augetur, deinde

de uictu dicam. Sumus in quinta die, & indicatur uirtus, quæ uineet materiã, quia co-
piose expuit, & facilliter. Verumenimvero Hipp. de rat. uict. 2. inquit: Vbi incipit co-
ctio apparere, primis diebus debemus augere cibum, ut uirtus possit augeri, & maior
fiat sputi facilitas & reiectio, quod uictus cõ modus facit: sed ubi non signa coctionis
adsint, uictus tenuis datur. Pulli ius primum darem: si tolerabit, & uirtus fortior sit sin-
minus, darem contusum, ut uirtus sustineatur, cui uel soli debemus attendere, sine qua
nihil facimus. Pro concoctione, ut adiuuetur catarrhus, & materia inflammationis, ut
conferrem cordi, ne putredo augeatur, nihil scio melius ad incisionem humorum, scis-
licet sine caliditate, quàm syrupum de succo acetosæ: in oxalide enim uirtus incidens
di, refrigerandi & corroborandi inest. Et licet Hippo. 1. de rat. uict. ab astringentibus
& acidis cauendum putat, præterquàm oxymelle: sed ibi est aciditas sine astrictione,
quod & Gal docuit, idq; multo magis si saccharum admisceatur, illud itaq; exhiberẽ,
quod uim etiam habet, ut sedet calorem febrilem. Postea aqua farfaræ, id est, tussilagi-
nis confert ad tussim. Atq; his pro digestiuis uteretur. Pro peste, an bolus armenus con-
ueniat, quæritur. Si haberemus Gal. bolum, quem tantopere prædicat ob exiccationẽ
sine astrictione, nihil haberẽ prius, præsertim cum ille foeliciter dederit eundem asth-
maticis. Sed noster ille (quem rubricam Synopicam esse inter doctos iam conuenit)
exiccat cum astrictione: quare ne periculosus error cõmittatur, abstinendum censeo.
Ego dicam unum obseruatum dignum in hoc casu. Quia exiccare uolumus pestem &
catarrhum, & præparare, utemur cornu cerui usti loco boli armeni, idq; exhibebimus
cum zuccharo, uel in iure pullenam corroborat cor, & catarrhum exiccat, ut si quid
aliud. Malim uti unicornu, si esset eius nobis copia: non enim inueniri nego, sed in mi-
nori copia, & maiori precio, pro quo interea cornu cerui utemur, quod istius æquiuale-
ns est. Non obfuerit etiã subinde uti seminibus acetosæ, autore Gal. (quæ astringe-
re aiebat Frisimelica, sed negabat Montanus.) Proderit etiam scordium refractũ,
cum zuccharo rosato. Placet & cornu cerui, uel in Iulep, uel in succo acetosæ: fiat ecle-
gma, & teneat sub lingua zuccharum candi quoq;. Quod attinet ad potum, a uino ab-
stineat, bibat aquam hordei cum saccharo, sed prorsus non frigidam. Emplastro porro
utatur, eius enim foelix est usus, quia facile tolerat. Reliqua etiam omnia à Claris. D.
Doctore ordinata, seruetis. In acutis morbis est occasio præcepti, quare oportet Mes-
dicum prudentem esse, quia in horas, quæ non sperabantur, contingere solent, quæ
uarietatem postulant, & quotidie leniatur uenter. Domina in sexto die est mortua.

De præseruatione à Catarrho falso, sputo sanguinis, stillicidio, & de
potu thermarum Lucensium, pro equite Corn. Clementino.

Consilium CXVII.

DVo sunt quæ à nobis in casu illustrissimi equitis Cornelij Clementini
requiruntur. Primo, quæ arte sit præseruandus à destillatione pituitæ fal-
sæ: à capite ad partes subiectas, à stillicidio urinæ, & excretionem arenas-
rum, uiscideque materiæ, & à sputo sanguinis ob corrosam uenam par-
uam pulmonis contingente, ut referitur. Secundo, utrum illi comperant
aquæ thermarum Lucensium. Incipiam ab hoc secundo, nam & hoc uidetur maxime
ad præseruationem conferre. Supponentes igitur hepatis ac renum caliditatem, unde
par est & urinæ stillicidium, & arenas generari, Lucenses aquas, illas inquam quæ
ferreæ sunt, crediderim præstantissimum fore remedium hepati & renibus corro-
borandis, num excedentem caliditatem contemperando, tum laxitatem uasorum ad
mediocritatem ducendo: retundent etiam falsedinem pituitæ, quam probabile est ob
hepatis sanguinisque feruorem fieri: simul etiam uenis pulmonis egregie tonus ad-
datur; & cum saliedo destillantis materiæ retundetur, maxima ex parte tollitur
periculo

periculum corrosionis. Nec obstat ventriculi frigida & humida intemperies: primo enim remouebitur humiditas, cum omnes thermarum aquæ, siue calidæ siue frigidæ fuerint, semper exiccent. Exiccata ergo redundante humiditate, ventriculus proculdubio reddetur robustior, & apertius cibum amplexabitur, & consequenter felicius concoquet. Quantum uero ad aquarum frigiditatem attinet, poterit interim defendi ventriculus cum linimento calefaciente, quale est oleum de garyophyllis odoratum, de styrace, addita mastiche & ladano. Non ergo ab harum thermarum usu abstinendum censuerim. Reliquum casus quod ad præseruationem attinet, cum iam plurima sint peracta à clarissimis illis medicis, eius rei potissimum gratia, præcipua sunt duo cauteria, tum brachij, tum scincipitis. Neque uerisimile est eos, qui ad tantam accesserunt præseruandi diligentiam, dimisisse exquisitissimam uictus rationem in omnibus sex rebus non naturalibus. Ideo ne ineptire uidear, indignum duxi, ut hic à me explicarentur circa uictus rationem, quæ etiam semidoctis medicis sunt comperta. Vnum tantum proponam, quod in omnibus his affectibus, & in tota syndrome, nullo penitus repugnante, ad præseruationem summopere conuenire uidetur, uidelicet frequentissimus usus duorum remedium, secundum omnem administrationis modum, sacchari inquam rosacei, & rhabarbari. Consulerem ergo eius illusterrimæ D. ut singulis diebus ante cibum uteretur saccharo rosaceo etiam ad uncie quantitatē, ac præterea quater in mense tribus horis ante prandium manderet ac deglutiret drachmam optimi rhabarbari. In reliquis omnino abstineret ab omnibus ualidioribus medicamentis: & in qualibet etiam magna purgandi necessitate non excederet rhabarb. cassiam, mannā & syrupum rosatum solutiū. Quæ omnia si recte obseruentur, & addentur his quæ clariss. illi Doctores iam pridem consuluerunt, spero non tantum ad præseruationem ex catarrho cum sputo sanguinis, sed etiā curationem, ubi oportuerit, subueniunt.

De destillatione catarrhi ad partes subiectas, fluore alui penè dysenterico, assiduo uomitu, torminibus uentris, cum febre assidua & insigni totius corporis tace, pro
adolescente filio Medici.

Consilium CXVIII.



Non ab re Excellentia tuā onus istud grauissimū uix subeundum potest, curandi huius nobiliss. adolescentis, tanquam illius diuini præcepti memorem: Cave ne malarum ægritudinum curam suscipiens, mali medici nosmen adipiscaris: præterquam enim quod difficillimis quamplurimis, & inter se etiam discrepantibus morbis infestatur, adeo consumptus est & labefactatus, tamq̃ uirum imbecillū, ut penè nulla omnino uia relinquatur, qua etiam medicus audacissimus aggredi uelit prouinciam tam difficilem: nihilominus, ut tibi uiro amicissimo & doctissimo morem geram in re tam ardua, tanquam Iphiclus, hærenti sine adminiculo, dicam quod faciendum iudicarem. Cum ergo adolescens iste nobilissimus simul destillatione catarrhi ad partes subiectas laboret, alui fluore penè dysenterico, assiduo uomitu, rugitibus, & torminibus uentris, febre forte assidua, insigni totius corporis tace, ego tentandum censerem primo, ut fluore alui sisteretur, uomitus sedaretur, & uentriculo robur adderetur, ut corpus nutrirī incipiens redderetur ualidius, nosq̃ simul aptiores redderet ad reliquos affectus tollendos: quod si cut fieri posse dubito, ita iam faciendum necessarium esse duco. Et quoniam ab excrementis biliosis tam per uomitum, quàm per secessum maxima copia redditus, iudicamus esse hic maximam hepatis caliditatem, cuius ratione forte ex plurima bile assidue generata, & ad uentriculum intestinaq̃ erumpente, perseverat alui fluore, uomitus, inappetentia, & sitis: ideo ad hepar accederem curaturus, tanquam ad omnem malorum

rum fontem: quod cum calidum sit refrigeratione proculdubio indiget: cumq; eius tonus sit ualde remissus, leui etiam adstrictione roborandum iudico: & ut hæc fiant, aliquo exquisito, potenti, & parato remedio indiget. Nihil igitur ad hæc omnia peragenda præstantius occurrit, quam potus thermarum Calderianarum: in illis enim, propter plurimam ferri materiam, magna uis est refrigerandi & astringendi: nec tantum id præstat, sed & ualidissime præstat. Et quoniam, licet Hippocrates dicat, maximis morbis maxima & exquisita remedia adhibenda sunt, sicut etiam Gal. testatur in 5. Meth. in magno morbo à leuioribus incipere nihil aliud est, nisi parare ægro longum interitum: ideo hanc præcipue æstatis occasione nactus, quam citissime ad hoc auxilium accedat, priusquam uires huius corporis, alioqui ita affectæ, ad extremum debilitentur. Et si suspicio aliqua occurreret, ne inde uenterculus aquarum frigiditate læderetur, facile huic quoq; incommodo occurrere possemus, illinentes eam uentriculi partem quam refrigerandam timemus, cum oleo, quod uim habeat calefaciendi simul & corroborandi, sicut præcipue oleum est odorati ex garyophyllis, quod à pigmentarijs confici solet, addita mastiche, & modico ceræ. In ratione autem uictus occurrit magna dubitatio, nunquid huic iuueni uinum competat: uirium enim imbecillitas, ac uentriculi frigiditas, uinum potius exposcere uidentur: at illa insignis hepatis caliditas, febris, & destillatio, omnino contrariū postulant. Crederem ego in hoc casu, dum transper hepar refrigeretur, cui maxime, ut supra dixi, insistendum est, tutius esse si omnino à uino abstineret, utereturq; uel iure leui pulli iunioris, quod uulgo aquam puli medici appellant, uel etiam hordei decocto in optima & tenuissima aqua, quæ facile distribuitur, & transcat hypochondria: cui si quid etiam adderetur quod uentriculo confuleret, moderatæ caliditatis, non etiam displiceret, & hoc esset quale est cotoneum cum saccharo conditum, si eius frustum simul cum aqua & hordeo decoqueretur: fieret enim potus iucundus uentriculum roborans: & cotoneum ex condimento & saccharo patet aliquid remissæ caliditatis acquisiuisse. Ergo huiusmodi potus, præter hoc quod hepar refrigerabit, non etiam uentriculo nocebit. Hoc uellem clariss. Doctor, tentare, antequam ad aliquam aliam curationem accederem. Quod si Excellentiæ quoq; tuæ idem uidebitur, nihil ultra morandum iudicauerim, quin ad opus accedatur. Si uero contra senserit, idq; ad me scribere dignetur, entar sedulo, ut aliud proponam, quod magis Excellentie tuæ satisfecerit, cui plurimum me cōmendo. Erit etiam mihi gratissimum audire successum curationis filij tui suauissimi, & quidnam proficiant remedia, quæ simul conuenimus esse facienda. Oro igitur ut me quoq; ad moneas: nam de eo æque ac de filio meo audire cupio, quod bene succedat. Vale.

De præseruatione sputi sanguinis, & curatione Catarrhi descendens ad pectus.

Consilium CXIX.



Aborauit quidam Patauinus fluxu sanguinis ex pulmone, qui curatus erat à Bellocato. Rursum tamen ex ualido exercitio, & nimia Venere incidit in eundem affectum. Excellentissimus Montanus catarrhum maximam causam huius mali esse uoluit, qui ex cruditatibus generatis in uentriculo, & sub forma uaporum ad cerebrum delatus esset, deins de ad pectus & pulmonem, permixtus multo statu descendisset, ac uenulam quandam in pulmone suo impetu & mala qualitate soluisset. Cura igitur & præseruatio talis fuit. Nos habemus eundem casum, quem Galenus in 5. Metho. habuit de sputo sanguinis, à catarrho originem trahente, ergo iisdem etiam indicationibus curatiui utemur. Sicut autem Galenus testatur, tria potissimum erunt facienda. Primum: ut fiat uenæ sectio, & minoratioq; materię simul, cum his enim diuertetur san-

guis, nec amplius ad locum affectum defluet. Et quoniam ab Excellentiss. Bellocatus fuit secta uena, & euacuatum caput pillulis Coccij, ideo de hac prima inrentione nihil dicemus. Secundum: Gal. instituit uesicatoria in capite, ut catarrhus descendens ad pulmonem interciperetur, sed quoniam non possumus habere ea, quæ Galenus usus paui, utemur nos interea Sinapi, Euphorbio, Pyrethro, Cantharidibus, quibus uesicas excitemus, quas teneat apertas, quandiu fuerit à catarrho molestatus. Tertium. Fias confortatio pectoris, cum electuario papaueris albi, cum saccharo rosato, ut ait Auicenna, nec transeat papauer album. Nostri moderni septies decies exhibent Philonium in sputo sanguinis, quo nihil detestabilius, teste Galeno in lib. xxi. r. m. v. Ratio ulcus sit tenuis, mediocris, nec idare inuiscentia multa, ut sunt pedes uitulorum; tunc meo enim cruditatem in uentriculo ex his generari. Potus nec sit uinum, nec propterea aqua, quia frigida nimis, & causa erit maioris catarrhi copiz. Decoquatur hordeū in aqua, cui admiscerem & medullam, & semina pomorum Cotoneorum, quibus consutum erit sputo sanguinis; præterea astringunt etiam, nec calefaciunt uentriculum, absq; eo, quod non hepar calefaciant, quod admodum calidum in isto nobilissimo uiro. Abstineat etiam ab omnibus excessibus, præsertim à coitu, si uitam suam propriam amet. Habuit secum mulierem, ex quo incidit in maximam imbecillitatem uentriculi, unde plurimus catarrhus generatus fuit. Vesicatoria ualentiora possent fieri ex Adarce, Lepidio, id est, Piperella, Hyperide, & tandem caustica capiti applicari.

℞. Pyrethri

Sinapi ana 3 2.

Euphorbij 3 iij.

Cantharidum 3 2.

Fermenti

Caricarum denudatarum ana 3 1.

Fiat mixtura cum lixiuo.

D. Bellocatus usus est in catarrho defluente ad pectus istis pillulis opo.

℞. Dragacanthi, Succi liquiritiz, Gummi arabici ana 3. 1.

Cum sapia quantum sufficit, fiat pasta.

De Catarrho, in quo periculum de tabe, pro nobili Veronensi,

Consilium CXX,



IC nobilissimus uir factus est serè tabidus ob copiam catarrhi defluentis à capite ad pectus & stomachum, unde extenuatio & macies totius corporis sequuta est, liber tamen ab hectica febre existit, Cuius, ut ueram curationem instituamus, principio operæ præciū est caput exiccare, pectus deinde corroborare, quod utrunq; futurum credimus materiz euacuatione. Pro capitis exicatione puluis sequens toti capiti aspergatur:

℞. Sandarachæ 3 iij.

Maioranzæ

Rosarum rubearum ana 3 6.

Seminum ocimi 3 2.

Ladani 3 iij.

Puluerizentur omnia per se, deinde misceantur. Quod si non esset præfens puluis tantæ efficaciz, ut inde aliquid iuuamentum sequeretur, utatur sinapis, Galeni descriptione 5. Metho. ex stercore columbino. Pro stomachi confortatione utatur seminis & zucchero rosato. Pro catarrhi lenitione, & confortatione pectoris, melle rosato. præterea utatur Diacodio confectio in hunc modum;

Capitum papaverum	num	20.
Siliquarum dulcium	3	3.
Liquiritiz rase	3	2.

Eximantur ē siliquis grana, & decoquantur postea omnia in ℥. 12. aquæ purissimæ ad consumptionem trium partium, ut scilicet remaneant ℥. 3. Deinde colentur, & exprimantur. Postea

℞. Penidiarum

Zucchari candi rosati ana ℥. 8.

Decoquantur omnia simul ad consistentiam mellis, & sumat de hoc electuario cochleare unum in introitu lecti. Præterea pro euacuatione catarrhi sumat singulis mensibus bis aut ter hunc bolum:

℞. Specierum hieræ simp.	3	2
Floris calsiæ.	3	1.

Cum zuccharo rosato fiat bolus.

Aquam bibat in qua cocta sit farfara, & eam misceat cum oxysaccharo. Fiat etiam amlixium forte, in quo decoquatur agaricus, quo lauetur caput semel uel bis etiam in septimana. Diebus intermedijs aspergatur pulvis iam ordinatus. Per nares attrahat decoctum iridis, arantioris, aut maioranz. Postremo fiant fontanellæ in brachijs per transversum, & in cruribus per directum diuertentes, ut quæ non profunt singula, multa iuvent, ut saltem aliquid diuertatur. Vesicatoria si fierent in capite, mirum in modum mihi placerent. A cauterijs autem capiti adhibendis, etiam si uiderim in his magnos effectus, abhorreo: nam raro commode fieri illa posse scio, & ut bene fiant magnum semper adest periculum. Et uidi ego Venetijs puellam iuuenem, & Patavij scholarem etiam adolescentem, utrumque in catarrho non desperato, post cauteria facta misere interijisse, cum tamen ab excellentiss. Chirurgo & sine dolore fierent. Huius uero causam existimo fibras illas duræ matris transeuntes meatus cranei, & alligantes cerebri cum nervis commixtis, qui sunt ualde sensibiles, unde facta adustione in cauterio ad os usque, illæ partes facile læduntur, ad quod sequuntur spasmi. Præterea sunt quedam capita, quæ futuras habent ualde largas, per quarum commissuras maiores etiam duræ matris portiones transeunt, quæ proinde facile læduntur. Si tamen hæc cauteria in capite bene fiunt, & non læduntur, aut aduruntur nervi, ualde profunt, sed est magnum periculum. Et propterea Gal. in tota cura catarrhi, nunquam dignatur nominare cauteria, sed tantum uesicatorijs utitur. Arabes tandem, qui sua omnia habent ex Galeno, cum uiderent uesicatorijs se parum proficere; nam ea quæ recitat Galenus de stercore columbino, & alijs, ut cantharidibus, quia cantharides molestiores sunt propter mictum sanguinis, ideo ad cauteria transuerunt, relinquentes uesicatoria: Arabes enim erant ignari anatomiz, ut quæ lege apud illos prohibita fuit: & eam quam sciunt, uidemus esse fragmenta ex Galeno collecta: & proinde hæc non ita diligenter considerabant. Sed de his hæcenus sufficiat.

De Catarrho, cum tussi, & sputo sanguinis, Pro Matrona Veneta Nobilissima.

Consilium CXXI.



Volebam primo loco loqui, quia primus adfui, & uidi sputum sanguinis, audieram etiam prolixius de catarrho, ut reliquos Clariss. Doctores rectius informare possem. Talis igitur est magnifica Domina, laborat sputo sanguinis per interualla, & quidem raro, ita ut duobus annis & dimidio, quibus laborauit catarrho, bis tantum laborauit sputo sanguinis, cum tamen continue laboret catarrho. De utroque igitur dicendum erit, & primo

de ijs quæ sensui apparent, ex quibus postea reliqua, quæ minus nota sunt elicientur. Primo de sputo sanguinis; quantum ad quantitatem non multus est nunc. Imò si uos humus limitare, dicendū erit potius esse paucum. in spacio enim 24. horarū non audio eam expuisse, nisi hoc mane paululum sang. quantitas erat 3. uel ad summū 4. guttæ, ampliores quantitate fortassis unius unguis, ita ut non sit quantitas omnium 3. 1. sanguinis, substantia crassissima est sang. & compactus, color obscurus & niger: quo ad mixtionem admixtus est sputo, sed ita ut emineat supra omne sputum, tanquam sit sua uosum aliquid, quod faciat eum supereminere. Hæc uiedbam sanguinem non admodum dissimilem hodierno, nisi quod copiosior aliquantulum erat, non multū tamen; & hæc sunt quæ uidi. Postea audiui ex charissimis marito, & astantibus Venetis, eam ante sex dies confertim & repente expuisse sanguinem copiosum, ad quantitatem dimidiæ scutellæ una uice, idē cum tussi, quæ posthac etiam semper durauit, ita ut nunquam reiecerit sanguinem nisi cum tussi. Medicus Venetus Massa, deterritus quantitate sang. statim sine alia re præmissa uoluit sistere sanguinem, & usus est reprimentibus à primis qualitatibus, ut frigidis & secundis etiam restringentibus, uidelicet bolo armeno, Tragacanto, & inuscantibus: ut portulaca, ita usus est suppressi sangis, ut pauca quantitate eijceretur; post hæc cum eiectus sanguis per sputa, non tanta quantitate, & semper circa horas matutinas, semper mane quando excitatur expuit sang. quæ hora matutina est. Toto reliquo tempore noctu & die, eiecit quidē catarrhum, sed sine sanguine. De catarrho, qui cum sanguine eijcitur, crassus est, nec albus, sed luidus, spumofus non omnino quidem, sed habet spumam intermixtam cum substantia catarrhi, sapor salsus dicitur, sed secundum maius & minus, secundum diuersa tempora, semper tamen aliquid salsedinis habet, & semper cum tussi per annum & dimidium. Dicit se præterea sentire grauitatem capitis, ac ueluti torporem quandam. Hæc sunt quæ audiuius & uidimus de catarrho & sputo, quæ ambo diligenter consideranda, & uiruntur curandum est. Dicam prius de sputo: sputū sanguinis hic est, & cum sputo & tussi educitur. Ergo in pulmone est sanguis ille, qui insurgente uirtute expellitur. Est enim tussis motus pulmonis, qui fit ad excernenda ea quæ sunt in pulmone, præter naturam; ut & Gal. & Auic. definiunt, & præcipue Auic. diligenter distinguit huiusmodi sputa sang. cum dicit: Quando sanguis expuitur, sit illud uel spuendo, tunc est in ore; uel screando, & est in gutture; uel uomendo, & est in uentriculo; uel tussiendo, & est in pulmone. Hic per tussim eijcitur, ergo est in pulmone. Sed hic potest à multis locis exire: non enim necesse est, si eijcatur à pulmone, quod ibi sit primogenius affectus. uidendū igitur an à pulmone exeat, an ex aliqua parte pectoris defluat, uel à capite deueniat, & postea per tussim expellatur. His enim modis potest sang. reijci à pulmone: uel enim à capite defluit, & ibi colligitur, ac insurgente natura per tussim expellitur; uel ex ipso pulmone emanat, aut corrupta substantia pulmonis percussione aliqua, uel acri materia, aut etiā non ex substantia pulmonis, sed ex uenis, apertis earum orificijs, uel disruptis aut corrosis, uel ab aliqua parte pectoris. Videndū igitur unde proueniat in hac M. D. Ergo quod sit à pulmone, uel uenis in eo cōtētis; reijcio: quia si ex substantia pulmonis, tū esset ita admixtus spumæ, ut minima pars sang. esset cum minima parte spumæ: sanguis etiā floridior esset, & subtilis: ut testatur Gal. de usu partiū. Si hinc deflueret, actū esset de M. D. Nec a uenâ rupta, quia esset sanguis rubens & clarus in maiori quantitate, nec tam crassus, & quia putrefactus est, etiā colligi potest, quod ex longinqua parte ad pulmōē deferatur: uidelicet uel ex capite, uel ex aliqua parte pectoris, ita ut mors aliquā faciat, anteq̃ eo deueniat. Vtrū iam à capite sit, an ab aliqua pectoris parte, in hoc, ut ingenuè fateor, sum dubius: licet quodā capite deueniat, lignum sit, quia per nares etiam defluit, tamen his posterioribus diebus nihil per eas defluxit, neq̃ in faucibus dulcedinē aliquam percipit, quod fieret sanguine per eas descendente. Hæc aliquot guttæ apparuerunt per nares defluere. Sed cum inde nō coeperit huiusmodi sang. excretio, ideo aniceps sum an à capite. Quod autem à pectoris aliqua parte prouenire possit, patet: quia si ex capite deflueret, esset parata, & facilis excretio per bronchos sine tanta tussi. Hæc tussis tota die & nocte durat, &

tamen eius paruum quantitatem eijcit horis matutinis, cum magna difficultate, quod signum est esse sanguinem in pectore & musculis. Et aliud signum quod nocte magis patitur quàm interdiu, quod ipsum etiam refert Avic. in hoc casu; & apparet etiã dolor in pectoris certa parte, qui arguit super solutione continui. Si esset sine solutione continui, ita ut sanguis resudaret, quod fieri potest ex qualibet parte, id fieret sine dolore. Sed quando provenit, ex solutione continui, ut in inflammatione & apostematibus apparet, fit cum magno dolore, ut in pleuritide: longe igitur plures coniecturæ sunt, quod ex pectore emanet, & in hac parte anceps sum, propter difficultatem; non eijcit nisi post longam tussim, magisq; noctu quàm die laborat, sanguis etiã propter moram longiorem in pectore crassior est & liuidus, & dolorem sentit tendentẽ versus axillam inferiorem sinistram in regione thoracis, idẽ maxime tum cum spuit sanguinem, isq; dolor est in una parte pectoris, licet per consensum nervorum faciat etiam dolorem circa spatulam: sed siue à capite siue à pectore sit, satis est, ut uitemus illum scopulum, ne sit à pulmone, à pectore quidem magis periculosum, sed tamen sanari potest. Utinam à capite, quia tum adhuc facilior curatio. Vtrum autem rejiciatur à pectore, uel quia aperiantur orificia uenarum, uel quia resudet, uel sint uenæ corrosæ? Magna suspicio est de corrosione, quia catarrhus falsus est, calidus & acris, & tussis est ualidi motus, qui dubium facit ne sit rupta uena. Sed quia pauca quantitas, non credo ruptam uenam aliquam, sed esse arrosionem & absterisionem aliquam, ut fit in catarrho falso. Ita credo sputum sanguinis in hac magnifica Domina provenire à pectore propter apertionem orificij uenæ alicuius, propter catarrhum falsum abstergentem & erodentem, & motum tussis ualidiorem, & ipsam etiam naturam sanguinis, quem credo in ista domina subtilem esse & flatuosum. Apparet enim ex naturali dispositione corporis & excrementis, calidum est hepar, ut apparet ex colore corporis, gracilitate, uentis amplis, est prompta ad omnes actiones, quæ omnia sunt signa caliditatis. Est ergo calidioris & subtilioris sanguinis, præterea redundat pituita plurima, quod est propter uentriculi frigiditatem maiorem, quàm naturaliter debeat esse. Id quod ab actionibus iudicatur, quia scilicet pituitam generat, & alioqui sequi uidetur necessario ad caliditatem hepatis, quæ absumit pinguedinem omenti, & musculos inferioris uentris graciliores reddit, & corpus extrinsecis aëris offensionibus magis obnoxium; sicut fit omnibus qui sunt calidi hepatis, ut uentriculum habeant frigidiorẽ. Hinc igitur sanguis seipso subtilior est, & propter pituitam admixtam flatuosus etiam. Propter quod cum calor agit in materiam uiscidam, flatuatur, ita igitur ex naturali etiam temperatura sanguis facile flatuatur, & expellitur per orificia uenarum. Habemus igitur naturam morbi, materiam, locum affectum, & causas cur exeat sanguis inde; uis delicti propter abrasionem, ac propter subtilitatem ac flatuositatem sanguinis. Catarrhus oritur à dispositionibus intrinsecis paratis ad catarrhum, quia hepar calidũ, uentriculus frigidus, & cerebrum si non à natura (sicut omnino arbitror) tamen uiolenter factum est calidius. Ideo & catarrhus falsus est propter uapores calidos, qui eleuantur & miscentur pituitæ. Et ita fit falsedo & catarrhus. Nam propter naturalem dispositionem generatur plurimũ pituitæ in uentriculo, & caput propter suam caliditatem uenas apertas habet & latas, attrahit facile, sicut omnes qui calidi sunt capitis, sunt subiecti destillationibus, quia uis paratæ sunt, & propter caliditatem attrahitur materia. Stante autem huiusmodi dispositione naturali, causæ procatectice facile imprimunt. Solita est se multum exponere soli, ad dealbandos crines, ut solent eiusmodi nobiles & magnificæ mulieres, ociose uiuit in delicijs, comedit fructus in magna quantitate, & omnia alia etiam quæ offeruntur sine delectu, nec se exercuit mouendo corpus, igitur aggregata est materia & insuper morata in sole. Ergo non potuit non necessaria laborare catarrho. Hæc igitur est dispositio naturalis causæ corporeæ, extrinsecæ, & procatectice. Hic catarrhus descendit per uias communes ad pulmones; cum uero natura surgit ad expulsionem, rejicitur cum tussi, durauit autem iam diu propter causas iam enumeratas.

PROGNOSTICON. Nemini dubium est de spūto sanguinis, si à pulmone deueniret, quod actum esset de M. D. sed quia ut dictum est, uel est ex capite uel ex pectore (dico enim disiectiue de ijs, de quibus non sum certus) utrumq; curabile est, sed maior erit difficultas, si à pectore. Hic coniecturis agitur, non demonstrationibus. Aegritudo curabilis est, sed si tamen obedire nolit, non erit res facilis. Oportet igitur ut uelit, quia illa altera aegritudo catarrhus scilicet, non tam facile curabitur, ut spūtum sanguinis, quia causas habet magis ualidas.

CVRA. Oportet corroborare membra quæ generant catarrhum, habita ratione uentriculī, hepatis, pectoris, & uiarum etiam. In alimentis oportet utatur bonis cibis, generantibus bonum chylum, & minime excrementosis. quantum ad spūtum sanguinis præsens, quod primo respiciendum est: laudarem ut abstineret à calefacientibus; quæ enim refrigerant, & sanguinem crassiores faciunt, magis conueniunt; quia qualitate peccat sanguis ille, non quantitate. Videndum igitur ne ferueat & flauetur: sit cibus dimīnutus, ne generet tantum pituita; & sit talis qui generet bonum sanguinem, sed paucum, ut carnes pullorū & auiū: & sint cibi inuiscentes, sed non probocraassiores, ut iura ex pede uisulino, nunc in principio, quia metuo esse sanguinem concretū, qui si putresceret esset magnū periculum. Ideo abstergere uolui, & refrigerare magis quàm incrasare: ideo ordinaui pituitā & aquā mulsam cum zuccharo, coriandro, & cibarijs lenioribus: pituita abstergit & refrigerat; aqua mulsā, si quis esset sanguis leuiter concretus, sine arrosione, soluet. Coriandrum præter absterfionem & resolutionem refrigerat etiam; uolui etiam ut continuo lamberet mel rosatum, ut confortaret & abstergeret, & si quid esset concreti sanguinis illud expueret. Noli adhuc bere fortiora propter suspicionem uenæ apertæ. Aetius & Paulus in hoc casu institunt usum mellis simplicis, sed mihi mel rosatum magis placet, quod præter absterfionem confortat etiam, & est suspicio uenæ apertæ, propter usum continuum ceparum & aliorum, quod inter signa Auicē. in hoc casu regens. Ideo Mella: non usq; adeo malefecit, dando inuiscentia & refrigerantia. in his perseverarem, & omnino abstinerem à uino: quod tamen heri non potui ei persuadere; noluit enim quicquam comedere, nisi uinum exhiberetur. si uos illi persuadete potestis, ut omnino abstineat, facietis. Curabitur etiam ut aluum semper lenem habeat. ego dediſſem cassiam. sum autem impeditus propter fluxum menstruorum, quem hac nocte habuit satis copiose ut audio. De secunda uena. Galenus de missione sanguinis: propter duas causas uenam secare iubet: uel ratione multitudinis sang. si sit maior quantitas, uel si propter impetum maiorem fuit subito motu, confertim ad aliquam partem. hic non est impetus magnus, nec tanta copia aut quantitate effluit. Si tamen posthac tanta copia appareret, ut diuersione sit opus, paulatim extrahendus erit: duæ uncie una uice, idq; bis aut etiam ter iterandum. Id enim obseruauī in huiusmodi diuersionibus plurimū prodesse. sed si non sequeretur maior impetus: plane abstinerem; quia habuit copiosum fluxū mensis: ut ipsa natura uideatur sua sponte diuertere. Ab euacuatione autem abstinerem nisi retentis menstruis, à morbo postea magis urgeret. nec dum etiam excederem cassiam & rhabarbarum, quod siliit & purgat sanguinē. Syrupos hæcenus non dedi, sed mel rosatum tantum lambere iussi. quod si uultis alios, potestis syrup. rosaleb saccharinum uel rosaceum exhibere, cum aquis consolidæ & plantaginis, si esset exulceratio, uel cum aquis boraginis aut betonicæ, si nulla exulceratio adesset. Deniq; secundum impetum sang. & qualitatem & quantitatem iudicabit medicus continue. De futuris enim non possum dicere. De catarrho postea longior cura erit reperienda: diligentissime se gubernabit in sex rebus non naturalibus. Abstineat à mora sub sole: nec cum uitæ periculo conetur suos crines dealbare: ac illud consideret, se tū melius habere, cum ab huiusmodi pernicioſa consuetudine abstinet. Habeat rectā uictus rationem: contenta sit unius generis cibo, cumq; parce etiam comedat. Vinū bibat parce, tenue, dilutum, nec inter passus bibat unquā: nec interdū dormiat. Postea faciem diuersiones per cauteria in cruribus; non enim aspernanda sunt; cum nihil illis sit melius

in defluxionibus continuis catarrhi, Laudarem deniq; omnem diversionē rectam, ut frictionem &c. Optarem ut in continuo usu haberet sacch. rosa. neq; ab eo unq; discederem: nam in salū descensu catarrhi plurimū confert. Potest misceri cum sacch. uiol. possunt etiam addi semina aliqua frig. uel etiam inuiscentia, ut tragacanthū. Vtatur etiam masticatorijs, & præcipue mastiche simp. quæ tuta est: etiam si aliquid eius descenderet, confortaret pulmonem. Si uultis etiā caput corroborare, in aures immittendū est oleum amygd. amar. uel caputpurgijs utendum. Hæc satis. Gal. 3. de sympt. causis dicit: Cum sanguis fluit, id fit uel ratione sanguinis, uel uirtutis, uel instrumenti. A uirtute solet accidere in crisi, cum natura superat morbum. Ab instrumentis, propter solutionē cōtinuā, uel aperta orificia. A sanguine, ratione malæ qualitatis aut quantitatis.

De catarrho, & spūto sanguinis cum phthisi, pro puero Hebræo.
Consilium CXXII.



Rimo spūta diligenter extinguantur pedibus in terrâ: nec expuat in muros aut lectum: quia periculum est a tæbe alijs odorem haurientibus, præcipue consanguineis & iuuenibus. Comedat carnes uitulinas, hædi- nas, pullinas, oua recentia cocta in aqua aut cinere. Vinū pauciferum sit albumq;. Caput sæpe lauetur, idēq; uesp̄i, quando amplius non exhibit ædes, ex lixiuio dulci, in quo decoquantur camomilla, maiorana, & agarici 3. 1. in pestia ligata, & postea exprimantur. Aliquando terebinthinę uidelicet lachrymę, aut pinguedinis abietis accipiat quantitatem nucis, corroborabit caput, mundificabit pectus, & aluum molliet. Capilli inciduntur, & in uertice ponantur huiusmodi pulueres, capite prius mundato pectine:

℞. Laudani electi		3	2.
Rosarum tubearum			
Sandarachæ	ana	3	ij.
Garyophyllorum		3	1.
Maiozanæ		3	1. s.

Puluerizentur omnia per se, deinde misceantur, & imposita capiti permittantur per diem & noctem. Quouis mane loco syrupi bibat brodium, in quo decoquantur enulæ, marrubij, singulorum quantum sufficit, & hyssopi parum. Enula pistetur ante, & post decoctionem fiat fortis expressio: quod si gustui ingratum esset, addatur mellis aut zucchini parum. Hoc per decem dies continuabit, postea quiescet per quatuor uel sex dies, & iterū inchoabit; interdum clysteres fiant uisitati ex rebus solitis cum melle rosato, uel etiam simplici, cum rosatum raro bene præparetur. Pruna non conueniunt illi, sed passulæ sunt conuenientissimæ. Iste etiam puluis erit optimus pro exsecatione catarrhi defluentis, post omnimodas purgationes;

℞. Sandarachæ			
Masticis	ana	3	2.
Maiozanæ			
Stoechados			
Florum maiozanæ			
Sem. Basiliconis	ana	3	1. 2.
Garyophyllorum			
Nucis muscatæ			
Macis	ana	3	4.
Sandalorum omnium	ana	3	1.

Puluerisentur omnia, deinde misceantur, & fiat puluis subtilis pro commissuris capitis, & imponatur uesp̄i capiti post pectinationē in introitu lecti, & mane etiam si uolet. Pro diuersione aliqua per nares, ungat nares pinguedine anseris; attrahat item per nares succum maiozanæ.

De Catarrho cum tussi, excretionē sanguinis, uigilijs, Amstelred.
1609. 16.
 & corporis extenuatione.

Consilium CXXIII.

Habemus in hoc nobiliss. uiro duo, ratione quorum uocati sumus, Catarrhum, quo triennio laborat, & cum tussi excreuit sanguinē. Querit igitur a nobis de his consilium. Nam quæ consequuntur hæc duo, de his posita dicemus, ut de uigilijs, & corporis extenuatione. Nunc de catarrho qui descendit à capite. Non enim esse, aut dici catarrhus potest, nisi descendat à capite ad diuersas partes, & ita posito catarrho, dicimus affectū esse caput. Membrum enim læsum est, cuius actiones sunt læsæ. Nunquid cum catarrhus sit ex capite, etiā sanguis ex capite? Fluit certe ex capite in pulmonē, ergo in capite est. Sed uideamus, an sit principaliter, uel per consensum. Caput dicimus esse affectum. Affectio in membris pluribus modis fit. Primo, cum in eo principaliter est, & primogenia affectio dicitur. Secundo, quando ab alijs aduenit, quod per consensum uocamus. Hic queritur, an sit per consensum, uel essentialiter, quia ad curationem hoc nos scire refert. Si dicamus, quod sit principaliter ortum à capite, quodq; sit primogenio in capite, nullo modo simpliciter uerum est, sed si intelligamus quod primogenio afficiatur, quia sit suscipere aptum excrementa redundantia in corpore, propter suam debilitatem, quia semper fortiora membra ad imbecilliora demandant materias, potest concedi. Quia membrum noti ægrum in se, sed sanum, tamen cum sit imbecillū, est aptū ad recipiendum excrementa. Crediderim autem in hoc uiro, si ullum membrum aptum ad recipiendum excrementa, & debile sit, hoc esse caput. Affectus igitur in capite per consensum est, & est intemperies cum affluxu materię. Quia intemperiem duplicem ponimus per essentiam, & per affluxum materię, quia propter imbecillitatem recipit caput omnem euaporationem, unde uero imbecillitas. Credo propter cerebri compositionem & intemperiem. Arbitror enim cerebrum esse calidum à natuitate, quia audio mobilem in omnibus operationibus cerebri, & ualidum esse, quod sit ratione caliditatis, præterea uenę oculorum tumēt. Quod ad passiuas qualitates, inclināt ad siccitatem: est promptus ad operationes. Magis enim acuit homines siccitas, quam caliditas. Vnde Gal. in libro: Quod animi mores, dicit siccitatem plurimū conferre ad motum. Si uis argumentari, quod sit humidum, quia multū dormiuit: dico quod somnus non indicat humiditatem naturalem, sed aduentitiam, quia uapores intrus ad cerebrum euehuntur. Ideo statuo, cerebrum eius fuisse naturaliter calidum, & siccum, & ita aptum erat ad attrahendos uapores, quia calida & sicca sunt apta ad trahendum. Item calidi est dilatare, & ita dispositio ad recipiendum, quia uenę amplius facilius concedunt aditum. Est igitur intemperies cum affluxu materię, quæ attracta ab imbecillitate cerebri tum in compositione, & intemperie naturali. De intemperie aliorum uideamus, fuit semper gracilis & biliosus, id indicat hepar eius calidum. Idem colores pilorum testantur. Habet igitur hepar calidum & siccum, uel naturaliter, uel consecutiuę, ita autem sit uentriculus frigidus, licet naturaliter non sit frigidus, quia ormenti pinguedo exhauritur, quæ adiuuat concoctionem, & muscoli ab dominis tenuiores sunt, quia exsiccantur ab hepate calido, & inde frigidus uentriculus euadit. Stante frigiditate uentriculi, & caliditate hepatis, non solum sequitur quantitas uaporum, sed & qualitas. Tempore adolescentię, cum non esset hepar tam calidum uel igneū, erant uapores mitiores, & ita cum adoleuit, non potuit bene dormire: quia calor acrior euaporat, ut ex ferro. Sed cū puer esset, optime dormiebat. Cum uero est factus iuuenis, primo ratione ætatis factum est hepar calidius, & accesserunt talia, quæ acuiunt humores. Visus plurimo coitus, inde exsiccat humor, & acuitur uapor. Exhausta enim humiditate naturali, fit calor acrior. Deinde ratio uictus idem potuit præstare, uentriculo existente imbecilli. Et ita ex ratione uictus, & coitus, & hepatis calidi, est uentriculus

frigidus, & multa in eo excrementa generantur. Non mirum igitur, si caput afficitur, quia Gal. 3. de loc. aff. autore, illi sunt apti ad dolores capitis, in quibus hepar calidū, unde plurimi vapores eleuantur, quibus miscentur vapores frigidi à uentriculo, & deueniunt ad caput, & fit catarrhus diuersus, ex hac collectione diuersa. Fit autē uaria proportio catarrhi, iuxta proportionem uaporum, efficiturq; diuersus in sapore, colore, et substantia. Substantia quidem aquosus, crassius, colore niger, albus, sapore salus. Quod fit, ut dixi, ex uaria cōmixtione uaporum. Porro descensus catarrhi ad pulmonē, causa est difficultatis anhelitus, quia fit repletio pulmonum, unde se non possunt bene dilatare, quia ista diuersa materia replet pulmones. Vnde etiam uigiliæ sunt, quia uapores calidi eleuantur ad caput. Fit uero acidus à frigiditate, & à putredine salus. Et in sensibus quamuis acidus, uigiliæ sequuntur, quia non est mitis catarrhus. Quantum autem ad sanguinem, quod à cerebro fluat, apparet ex eius substantia, est enim niger & grossus. Si a pulmone, floridus & tenuis elicit. Et à signis absidentibus, uidemus, cum exspuit sanguinē per tussim, & ex sanguine effluente ē naribus. A signis subsequētib; etiam, si a pulmone esset, corrossi pulmones forent, & is iam tabidus, nam Gal. dicit, non posse tales curari, qui expuunt sanguinem, & uix triduum uiuere. Est igitur ex uenis capitis, & per consensum capitis. Nā sanguis calidus generatus in hepate profluit per uenas & arterias, & uenæ tument, & aperiuntur orificia uenarū, & defluit ad pulmones, & ex illis excernitur, sed procedit tamen generaliter à capite. Hactenus de morbis, causis, & symptomatis. Quantum ad curationē, cum sint membra affecta ex principalibus, & affectio quasi naturalis sit, uix potest curari, sed debet preseruari. Nō igitur debet uiuere, ita ut illi, qui habent membra naturaliter bene affecta, sed eo modo, ut habeat rationem membrorū distemperatorū. Deinde uidendum est, ut intercipiamus congeriē materiā ad cerebrum, ut sit cerebrū ab his immune. Primo igitur interciperem ascensum uapourū, & ab hoc inciperē, ac deuenirē deinde ad cerebrum alterandum & roborandū. Ita primocausę facienti consulerem, postea morbo iam factō. Sed ante omnia euacuare corpus, etiam missione sanguinis, & pharmaco. Queritur an sanguinis missione debeamus euacuare. Clariss. D. uolunt mittere sanguinē, sentio cum illis, quia multitudo sanguinis dat indicationē euacuationis sanguinis. Sed quia secundū Gal. non semper emittimus sanguinem, ut euacuemus, uerum, ut diuertamus & refrigeremus, ut dicit in Meth. de missione sang. Duo igitur indicant in hoc uiro mittendum; primo ut refrigeremus hepar, & diuertamus uapores, & ita mitterē parce, sicut fecit Gal. ubi erant humores mali, qui etiam parce mittebat, & epicrasiam uocabat, & alebat bene. Quod ad euacuationem; corpus est exiccatum; ideo timemus exiccationem ratione euacuationis. Exiccatio est in pharmaco duplex; causa euacuationis, & ratione siccitatis medicamentorū. Euacuare igitur lenibus, ut Agarico, Rhabbaro, cum Calsia, uel Manna, syrupo Cichorii, oxymelle, melle rosato. Facta euacuatione, utrum membra sunt confortanda, nunquid balnea etiam conueniunt, pro conuersione? Videmus uentriculum frigidū & siccū, licet cum adsit pituita, sit frigida intemperies, & humida. Sed naturalis intemperies est sicca, & ita illę materię contentę, uidelicet pituitę, debetur euacuatō. Frigiditati autem & siccitati alteratio. At thermę conueniunt uentriculo ratione frigiditatis, sed ratione siccitatis non conueniunt. Vnde Gal. iubet semper considerare qualitatem utranq;. Et ita si magis exicauerint, augebīs eius frigiditatem, quia caliditas fundatur in humido radicali. Sed an conueniant thermę hęc. Cum sit materia pituitosa, conueniunt modice, & paruo tempore exhiberi possunt, ut exiccetur pituita, & calefiat uenter. De alijs membris non multa dico in præsentia Medicorum. Facta ei sunt cauteria in cruribus, & recte, quia experientia & ratio dicit, quod materia auertatur ad membra illa ignobilia. Obseruetur igitur ratio uicūs. Pro capite laudo lotiones, in quibus agaricus, rosę, camomilla, betonica, &c. roborant enim ista. Et ijs factis, credo illum optime ualiturum.

Consilium CXXIII.



Vincip patitur nobilissimus ille iuuenis, tussim, ex destillatione Catarrhi falsi, crassi, & pituitosi longa tempore. Expuit aliquando etiam sanguinem, habet interdum febrem, & tensionem circa hypochondria, & uigilias. Sputum est purulentum. Quod ad temperaturam eius, in pascuis licetitas dominatur per totum corpus: In actiuis est inaequalitas. Hepar & cor, calida esse, ex uenis latis, & magno arteriarum pulsu constat. Ventriculus frigidus, quia superabundat in eo pituita, & uapores ad caput ascendunt, cerebro existens te frigidus & siccus. Talia corpora sunt destillationi obnoxia, ut patet ex libro de locis affect. quia propter caliditatem uenarum, multi uapores petunt caput, & id propter frigiditatem, uel saltem remissam caliditatem eos conficere non potest, ideo infrigidantur, & accipiunt formam catarrhi. Destillatio igitur est ob dictas qualitates, & est falsus catarrhus, propter aduersionem siccitatis terrestres in aqueo humido, factam a uaporibus calidis adurentibus. Fuit autem intemperans in sex rebus non naturalibus, praesertim in coitu, & cerebrum habet adeo siccum, & frigidum, ut non tantum aliena excrementa, sed & propria alimenta non possit concoquere: hinc plurima generatur pituita, quae postmodum descendit per tracheam arteriam ad pulmonem. Et quia falsa est substantia, & mordax, excitat tussim, natura insurgente ad expulsionem. Sputum etiam sanguinis est ob falsum catarrhum erodentem uenam aliquam in pulmone, uel musculis thoracis, & facientem suppurationem. Idem testatur dolor in sinistro latere praecipue, sed ea corrosio non magna est, quia non multum sanguinis uidetur, nec tanta admodum accidentia. Febris putrida, pulsus magnus, uehemens, & creber adest. Est enim putredo in pulmone ex materia falsa & pituitosa, quae per respirationem communicatur cordi. Ea uero cum attigerit substantiam cordis, erit hectica. Tensio hypochondrij dextri est materia pituitosa, a uentriculo deueniente ad uenas Mesaraicas, & obstruente eas, uentriculo praesertim ob debilitatem non bene concoquente chylum. Vigiliae propriam & immediatam causam habent ipsam cerebri siccitatem, quae efficit uigilias, sicut humiditas somnum. Pituita enim praeternaturalis non facit ad somnum, sicut senes etiam in quibus abundat pituita, propter siccitatem cerebri non possunt dormire, quia cruda est pituita, & non concoquitur a cerebro.

PROGNOSTICVM. Stante tali intemperie, difficile est eiusmodi corpus reducere ad temperamentum proprium. Cum autem non possit tolli causa, difficile tolletur morbus. Deinde omnis corrosio in pulmone, etiam minima, est difficillima curatu. Tertio, pro assidentibus, arcendi sunt proximi a conuersatione huius aegroti, propter ulcus pulmonis, nec permittendum, ut sputum exiret in cubiculo. Medici cum etiam uidi incidere in phthisin ex solo odore sputi.

CVRA. Hostis pessimus est continua destillatio a cerebro, ea si remouenda, tollenda eius causa. Curetur igitur primo, ut sit corpus mundum, darem calsam statim. Ut uentriculus perpetuo esset mundus, darem rhabarbari singulis diebus ad magnitudinem ciceris. Eueuato postea corpore, pro auersione materiae fiant cauteria in oculis & humeris, quae minus periculosa sunt, quam ea, quae sunt in commissuris. Cibis utatur refrigerantibus, & emplasticis, chondro, farre, pituitana. In singulis ferculis ponatur pes utulinus, uel Diacodion, uel gummi Tragacanthi. Sumat singulis diebus mel rosatum ʒ 1. s. Decocti betonice ʒ 3. Consert pectori, & supercomedit saccharum rosatum. Bis in septimana sumat calsam. Destillatio continua est, primo propter uapores ascendentes ab ambitu totius, ac propter uapores ascendentes ex uentriculo: deinde propter frigiditatem cerebri, non concoquentis alimentum proprium.

De Catarrho, & spūto sanguinis periodico, pro nobili Veneto.

Consilium CXXV.



Vir nobilissimus uiri supponatur hepar, & cor calidæ admodum temperaturæ à natiuitate fuisse, & uentriculum à natiuitate frigidum, sicut hoc perpetuo accidit ijs, qui habent hepar calidum, & rationale est, quia tales non habent multam carnem in suis uentriculis, quod est unum quod in uentriculo facit caliditatem, cum plurima caro est in fundo ipsius: tum etiam, quia caliditas hepatis adurit pinguedinem quæ in omento est, quæ etiam ipsa caliditatem facit: tum quia musculi longitudinales abdominis graciles sunt. Et ideo quia tales non habent musculos amplos circa fundum stomachi, nec pinguedinem circa ipsum myrach, & circa cutem ipsam, ex his male concoquunt. Præterea habent nocumentum, quia non retinent in uentriculo cibum, quandiu oporteret retinere pro optima concoctione, quia hepar propter sui intensam caliditatem attrahit ad se citius quam oporteret. Habet igitur nobilissimus ille uir frigidum uentriculum à natura, cum hepate calido, addita omni mala uictus ratione, & maxime in coitu: quia ut audiui in duodecimo suæ ætatis anno cepit uti coitu immoderato admodum. Et nos scimus quod in illa ætate, cum sit incrementum, uix sufficit alimentum pro incremento corporis, ideo non opus est ut aliò demandetur: & huiusmodi habent texturas raras, ut non possint sustinere sanguinis missionem. Et scimus ex Galeno, quod maior sit euacuatio ex unica seminis emissionem, quam si quadragesies mitteretur sanguis. Et ideo credo ego, quod causa ista fuerit efficacissima ad augendam uentriculi frigiditatem. Sunt & alia signa: solius est aliquando redundare pituita acida, quam euomit alio quando. Habet præterea cerebrum inæquale admodum. Et quia uideo aliquos medicos hæsitare circa capitis temperaturam, ex hoc arguo cerebrum neque temperaturæ admodum calidæ, neque admodum frigidæ esse: quia sic faciebat Gal. 3. Meth. loquens de aceto: quia acetum non excedit neque in caliditate, neque in frigiditate, ideo, inquit, dubitauerunt multi an esset calidæ, an frigidæ temperaturæ. Ita ergo de cerebro istius uir nobilissimus uiri, dico non excedere multum per caliditatem, neque frigiditatem. Et primo quantum ad agnata: pili enim sunt albidii, & sic capilli, an uero sint molles & tenues, quia non tetigi, non possum hoc dicere: habent enim colorem attestantem super debilitatem caloris, & super debilem frigiditatem, tamen uidetur mihi quod magis ad frigiditatem declinet. Vtrum uero cum remissa caliditate uel frigiditate iuncta sit humiditas, uel siccitas? Si deponere debeo quid sentiam, dico quod magis siccitas dominatur: & ratio est, quia uideo promptitudinem operationum in augendo: & cum non sit immensa caliditas, sed remissa, si ei iuncta fuisset humiditas, non fuisset ita acris ingenij: sed ubi non est caliditas admodum intensa, tamen iuncta sit siccitas, illi promptissimi sunt ad operationes, & acris admodum ingenij, & magis etiā, quam qui calidi sunt admodum cerebri. Ideo qui moderatam habent frigiditatem cum siccitate, illi sunt acerrimi ingenij: imò uidemus melancholicos optimi ingenij esse, quia habent cerebri temperaturam frigidam & siccam, non tamen cum multa frigiditate. Arguitur præterea ex ægritudinibus calorem cerebri esse diminutum: & quia non poterat conficere alimentum sibi demandatum, ideo pusillus redundabat, quæ pusillæ à pituita salsa proferunt. Habuit præterea à principio suæ natiuitatis redundantia catarrhi per nares, quæ omnia arguunt super debilem cerebri caliditatem. Item ex mala uictus ratione, & præcipue ex coitu redditum est frigidius, quia nos scimus quantum in frigiditatem ipsæ coitus. Ideo quantum ad cerebrum, crederem ego quod sit frigidæ & siccæ temperaturæ: & sic etiam uentriculus, quia siccitas est ei naturalis cum caliditate remissa, quæ postea ad frigiditatem declinauit, tum propter inordinatum regimen, tum propter coitum, cuius signum est redundantia pituitæ: cum etiam hepar sit calidæ & siccæ tempe-

temperaturæ. Ex qua membrorum inæqualitate si studuisset dedita opera in istas multitudines incidere, nihil aliud fecisset, & maxime si in fluorem sanguinis devenire uoluisset. Primo enim habuit fluorem sanguinis per nares, secundo per sputum, tertio per urinam. Et iam sunt septem anni, ex quo patitur symptomata hæc. Præterea incidit in aliam dispositionem peiorem, scilicet in catarrhi destillationem à capite, à qua procedunt symptomata multa: & præter fluorem sanguinis habet tensionem etiam circa hypochondrium dextrum, & etiam quandoque cum dolore ad tactum habet diffcultatem anhelitus, quæ incipit in consilio thoracis, & membrorum naturalium. Et quæsiui ego diligentissime, an percipiat sonitum aliquem in anhelitu, & negat se sentire. Habet præterea febriculam diuersam quidem, quia prima uice, quæ tetigi ipsum, inueni calorem adurentem tactum cum pulsus inæqualitate. Heri uero cum tetigi, sensi caliditatem quidem, sed admodum remissam, & in pulsu non tantam inæqualitatem: & hodie reperi caliditatem adhuc minorem; & urinae rubæ perseverant. Et ista sunt accidentia, quibus affligitur nobilissimus uir iste. Et licet nunc non patiatu sanguinis fluorem, tamen non minus est considerandus, quàm sit catarrhus qui ad est, quoniam natura sanguinis nobis ansam & ad iudicandum, & ad curandum maximam dabit. Incipiam ergo primo à catarrho, deinde ad fluxum sanguinis deueniam. Quantum sit ad catarrhum, oportet primo uidere in quo loco generetur catarrhus iste: deinde, cuiusnam sit naturæ, & reliqua quæ in catarrho considerari debent ac solent. Catarrhus enim est species fluxionis: generatur ubi excrementa multiplicantur, uel in toto uel in parte, & in partem corporis imbecilliores demandantur. Quod contigit in isto uiro: ex membrorum inæqualitate, & mala uictus ratione, cacochymia multa, & desprauationes, multorum humorum diuersitates, & etiam ex animi accidentibus quamplurimis, quæ passus est nobiliss. uir iste, secutæ sunt. His ita aggregatis cum cerebrum à natiuitate fuerit debile, & nunc maxime sit debilius propter causas iam dictas, non mirum est si iste fluxionem patitur tum propter uapores à toto, à uentriculo, & ab hepate ascendentes. Et caput est magis aptum ad suscipiendas superfluitates, ut dicit Gal. 3. de locis affect. quàm corpus, in quo est caliditas in ambitu uenarum, & in hepate: & cum cerebrum naturaliter debile sit, non potest diffilare uapores illos nec concoquere, & hoc non solum per consensum, sed etiam per essentiam, & ratione propriæ imbecillitatis: ideo uere rheumatizans est. Habet præterea texturam admodum raram: ideo à quolibet extrinseco tum calido tum frigido patitur mirum in modum, cum etiam non habeat calorem innatum ualidum. Quantum uero ad naturam catarrhi, tenuis est & frigidus, & insipidus, quandoque tamen salus. Quod autem sit tenuis, cognoscitur ex hoc, quia fluuit, & in principio tenuior adhuc erat: ideo Venetijs medici plurimum laborarunt, ut crassifacerent, sicut refert magnificentia sua. Quod autem sit frigidus, patet à substantia, quia pituita de se frigida est, nisi aliquid extrinsecus adueniat. Præterea est pituita insipida, quæ arguit maiorem frigiditatem. Præterea longam moram traxit, diu etiam perseverauit: sed cum catarrhi diu perseverant, licet sint cerebri calidi, tandem fiunt frigidi. Tum etiam propter prauationem signorum catarrhi calidi, arguitur catarrhum istum frigidum esse: quia si esset coryza, quod nomen tractum est ἀπὸ τοῦ κορυζῆν, quod est lacerare & mordicare, quod etiam annotauit Auic. nares mordicaret: sed non habet mordacitatem aliquam in descensu, neque in naribus, neque in palato, neque in faucibus, & est sine sapore aliquo. Non habet præterea sitim: ideo iudicandum est esse frigidum. Quod si aliquando aliquam salsedine habuerit, hoc forte fuit, quia salsedo, ut uoluit Gal. & Arist. fuit propter putredinem humoris crassi & adusti: uel, ut uoluit Auic. propter permixtionem uaporum calidorum & acrim, sit salsedo. In isto ab utraq; causa tum à pituita putrescente, ut uidebimus, tum ex permixtione uaporum calidorum, quia totum & maxime hepar calida sunt, à quibus eueporant uapores calidi & acres in non parua copia, ideo in natura sua frigidus est, & tenuis, & insipidus, quandoque tamen salus, propter causas iam dictas, & loquor de defluente. Quantum ad descensum uidebimus, quod habet tres uias, per quas descendit: pri-

primo per gulam ad oesophagum; & nos uidimus, cum accessimus, ipsum euomentē catarrhum, & pituitam illam à capite defluxam. Item destillatio illa quæ uadit ad uentriculum, facit obstructionem, & difficultatem anhelitus, licet sit in fine naturalium membrorum, quia tangit ipsum diaphragma, ideo potest facere anhelitus difficultatem. Alia uia est per quam descendit catarrhus iste, & est per uenas capitis, & deuenit ad uenas thoracis, & fortasse est occasio non leuis quòd expuat sanguinem. Tertia uia est aspera arteria, & descendit ad pulmonem, & excitat tussim, quæ est motus à natura factus ad expellendum excrementa in pectore contenta. Videndum modo est, an istud quod expuitur sit in concuitate pectoris, quia locus ille non est debilitatus, nec dolor præcessit, nec abscessus aliquis, sicut solet contingere in epyematibus, post ægitudines pectoris, & post pleuritidem, & post peripneumoniam. Ideo credo ego quòd sit in substantia pulmonis. Vtrum modo sit purulentus? dico quòd non est immunis, nec liber omnino ab aliquali putredine, quæ fieri solet in humore qui potest putrescere, & non descendit ad fundum urinae, quia non totaliter putridus est, & quia permixtus est cum pituita spumosa. Quòd si odoratis, sentietis aliqualem putredinē, non qualis est illa quæ provenit ab ulcere: & sit ista putredo à caliditate hepatis & membrorum inferiorum, quæ resoluit ipsius tenuiores partes. Posset etiam per admixtionem bilis deferri per uenas, quod non credo, quia bilis signa perciperentur. Vtrum uero ab ulcere facto in pulmone proveniat sanguis iste? dico quòd non, quia nullum est signum hoc indicans; nam si esset ulcus in pulmone, ad esset febris fixa perpetua; & licet sit exemplum Gentilis, nescio quomodo potuerit ipse imaginari, quo pacto etiam si inducatur callus in uena, non perseveret febris hectica. Præterea non audiui, quòd Magnificentiæ suæ incalescat post cibum, quod indicat mihi non esse febrē fixam. Præterea si tangetis arterias, non inuenietis in ipsis maiorem caliditatē quàm in reliquis partibus, quod quidem obseruavi, neque etiam duritiē aliquam. Præterea habet inæqualitatē in pulsu, quod non conuenit in pulsibus hecticorū, imò sunt illi æquales. Præterea si esset hectica febris, colliquarentur solida membra: sed non colliquantur, imò nutriuntur. Et sic dico quòd nō uidetur mihi, quòd adsit febris hectica. Neque etiam est suspicio de phthisi; quia si esset phthisis, ut dicit Gal. 1. de locis affect. uolens indicare an ulcus sit intrinsecum uel extrinsecum, dicit, esse pus. Non igitur est phthisis, quia non adest sanguis cum pure, neque pus ullum, neque uiride, neque pus quod non possit cōmisceri cum sputo. Præterea ubi est uera tabes, nō poteritis ingredi thalamū, quin percipiat odorē malum. Præterea uirtutes omnes constant; sed si tabesceret pulmo, non constaret uirtus cordis, nec esset talis color, si esset cōsumptio in substantia membrorum. Sed quæ est causa huius febris? dico quòd ista est febris potius putrida, proueniens ab humoribus pituitosis emanantibus per uenas pectoris, qui diffunduntur per sanguinē, & faciunt febrē occultam, quam Græci typhodem appellauerunt, & Latini Arabes, quæ simillima est hectica. Et aduertatis quòd textus antiquus Aui. habet, cum rigores; sed nouus stat bene, qui dicit; sine rigore. Talis ergo febris est, nec ita facile est iudicare, licet sit calor præter naturam, & pulsus inæqualis: quia, ut bene dicit Gale. 4. de causis pul. & in De loc. aff. loquens de Antipatro medico, ubi materix sunt in pectore contentæ, sunt pulsus inæquales. Cum igitur sint in isto humores in pulmone qui putrescunt, faciunt calorem quendam præter naturam, qui mediū est inter calorem febrilem & non febrilem, & faciunt etiam maximā inæqualitatem: sit etiam propter uapores illos putridos eleuatos ad ipsum cor: & quia cor non potest ita bene euentari, ideo sit febris erratica. De fluore ipsius sanguinis duo dicam: & primo de causis fluoris sanguinis per sputum; deinde de eo qui per nares, & qui per urinas, & quare cœnosus aliquando fuerit. De sanguine igitur qui per sputū eicitur, certum est quòd uel à superioribus, uel ab inferioribus membris excernitur, qui per tussim à pulmonis partibus eicitur, & nō per uomitum; quia tussis, ut iam dixi, est motus factus à pulmone, ad excernenda excrementa ipsius pulmonis. An uero ad pulmones à capite demandentur, plurima sunt indicia quæ possunt hoc persuadere. Primo

quia ante fluxum apparet calor & grauitas circa ipsum caput, & cum emanat sanguis à pectore, illico cessat & calor & grauitas illa. Præterea est & alia coniectura, quia eo tempore quo defluit sanguis per tussim, eodem tempore defluit etiam per nares, præterea sanguis qui expuitur, niger est quandoq. potest etiam addi priuatio signi, quod est, quando à pulmone deuenit, spumofus est, ut dicit Gal. 5. Aph. 14. & 5. de locis aff. iste uero sine spuma est. Sed quia alij medici, qui ipsum curarunt, non affirmarunt, quod à capite fluere, imò inquit, quod ei dixerunt à partibus superioribus pectoris, emanare: ego si quod sentio in medium asserere debeo, dicere à pulmone emanare, & non à capite, Et ad hoc me mouet autoritas Gal. in 5. de tuen. sanit. qui dicit contra antiquos: Etiam sanguis à capite defluit, dum fauces occupat, & si mordacitatē nullam habeat, tussim excitat, & maxime antequam uenit ad pulmonem; nam si perueniret, ibi congelaretur & cōcresceret, & faceret sæuissimā accidentia, & rigores maximos, & contractiones caloris, quorum neutrum huic accidit. Præterea sanguis dum defluit, percipitur maxime in uigilia: sed iste nobilissimus uir nunq. percipit talem descensum, ideo non possum persuaderi quod à capite defluat. Neq. rationes, quæ istis difficultatem pariunt, uim aliquam faciunt: nam dicunt, cum accidit isti sanguinis spatium, percipit caliditatē circa caput & grauedinem, quæ cum expuerit cessat, quia credo hoc esse ex uaporibus eleuatis à partibus inferioribus qui petunt caput: quia dum sanguis aggregatur, inflammatur pulmo, & fit id quod fieri solet in peripneumonia, si peripneumonia est inflātio pulmonis. Cum igitur sanguis iste tenuis permixtus sit tuitæ à toto defluat ad partes pulmonis, inflāmat ipsum, à qua inflammatione eleuantur plurimi uapores qui petunt caput, & inflāmant & aggrauant ipsum. Et quia fluit à naribus etiā tunc temporis, dico quod illa potest esse causa, quod cum sanguis est feruens in toto, uel ab aliqua causa antecedenti, uel à causa aliqua extrinseca, à pluribus partibus potest simul erumpere, quia potest pars illius sanguinis deuenire ad nares, & illinc fluere: & sic potest esse causa quod caput inflāmetur & aggrauetur, cum sanguis à toto transmittatur ad nares. Et quia quandoq. talis sanguis qui expuitur, niger est, ideo credunt isti à capite provenire. Sed potest etiam à pulmone fluere, & esse talis coloris: quia scimus, quod nihil citius putrescit quā sanguis, cum est extra uenas. Ideo quandoq. apparet rubeus, quia illico cum exit uenas expuitur: quandoq. uero subniger, quia facit moram, & in principio apparet aliquantulum spumofus ex uehementi tussi: cum uero facit morā, deficit esse spumofus. Quia bene ualet argumentū: expuit sanguis spumofus, ergo prouenit à pulmone: non tamen ualet eius oppositū, non est spumofus, ergo non prouenit à pulmone: & hoc dicit Gal. 5. Aph. 13. qui dicit: Quicumq. sanguinē spumofum expuunt, his ē pulmoneeductio est. Gal. in fine illius cōmenti dicit, quod cū is sanguis qui expuitur, spumofus est, indicat ulcera in pulmone, ita quod uere dicatur solius pulmonis ulcera indicari, non uero ulcerato pulmone spumofum expui, dicit Gal. Sæpius enim uidimus quibusdam ex alto cadentibus, uel calcitratis, atq. in palæstra percussis, sanguinem plurimū expui cum tussi bene coloratū, sine ullo dolore, quem ratio dicat ex aliquo pulmonis uase disrupto prodire. Et sic dico quod licet nō sit spumofus, potest tamen à pulmone exire. neq. credo quod à substantia pulmonis exeat, sed à uenis in eo existentibus. Sed contra instabis, si à pulmone, ergo phthisis. Dico quod nō ualet, quia triplex potest esse causa exitus ipsius: uel apertio orificiorum uenarū, uel disruptio ipsarum, uel corrosio ipsarū. Dico quod quando est corrosio in ipsis uenis, quod tunc cauet à phthisi: cum uero factio est in uenis, quia ut plurimū, sicut dicit Gal. 5. meth. propter solutionem continui fit inflātio, & sic fiunt tabidi: sed si ante triduū eis occurratur, plurimi sanantur: quia si prohibeatur inflātio, tunc sanantur: sed si ita relinquatur, post triduū sequitur inflātio, & sic tabidi fiunt. Sed in apertione orificiorū uenarum, quod in extrinsecis partibus uidemus, quandoq. quod in naribus aperitur aliqua uena, quæ post fluxionē sanguinis clauditur: sic etiam dicendū in interioribus, quia illa orificia clauduntur: & nos curauimus annis præteritis Cameranū, & aliū Doctore de Bataglijs, qui spuebat sanguinē ex apertione orificiū

penarum. Est tamen hoc etiam periculosum, quia potest contingere quod sanguis ille non bene excernatur, & cum ibi retineatur, putrescit, & putrefacit quod sibi proximi est: quia quod tangitur à putrido, putrescit. Et ita credo esse in isto nobiliss. uero, quod officia uenarum pulmonis aperiantur quandoq; & fuerint causa expuitionis sanguinis: & quia bene mundificatus est, & expuitur totus ille sanguis, non causat accidentia talia. Sed adest tussis maxima, quæ si perseverabit, credo quod facile ad rupturam uenæ deueniet. His statibus, quid dicendum de hac ægitudine? quia est destillatio perpetuo perseverans à capite ad pulmonē & ad pectus, & fluxus sang. periodicus & peiore timendus est, & est tussis uehementissima, propter quam maius adhuc instat periculum de sputo sanguinis. Dico quod statibus eisdem causis sequuntur ijdem effectus: quia nisi remoueat illa mala cerebri & uentriculi intemperies, in peius quoq; dilabatur. Sed quomodo reducetis cerebrum & uentriculū ad propriū temperamentum? quia non facile erit, imō difficillimum, maxime cum sit lapsus ad contrarias qualitates, à caliditate scilicet ad frigiditatem. est tamen possibile. Sed id, quod mihi facit difficultatem, est, quia dicit Gal. in 1. Aph. oportet seipsum præstare obedientem, & non tantū medicū opportuna facientē. Et quia morbus est longus, certe credo quod non poterit pati optimam uictus rationem in sex rebus non naturalibus, & maxime in cibo & potu, in animi accidentibus, & in Venere, quia (ut credo) habet pulcherrimam uxore. Et sic possibilis est cura, sed difficillima, si quæ alia sit. Et quia adest illud sputum sanguinis: & uos scitis quid dicat Hipp. in 4. Aph. sanguis eiectus à quacunque parte corporis, malum. præterea adest multitudo catarrhi, quæ maior est, quàm sit ci-bus & potus quem assumit. & est malus etiam, quia purulentus, uarius, quia subtilis & crassus: & tamdiu perseverat, ideo mali moris est, quia fuit curatus ab Excell. Medicis, & tamen non potuit sanari. Ideo dico, quod licet sit uictuū, habet tamen iter longum admodum: propter quod attendendum est ad uirtutes non tantum præsentēs, quia propter longam ægitudinem tandem fient debiles, & sic non facile est prognoscari. Credo tamen quod possit curari, & quod ægritudo longa est, eradicabilis tamē: & quia uirtutes in hoc itinere tam longo possent deficere, ideo illis providendum est maximopere. Quantū modo attinet ad curam, uos scitis esse sententiā Gal. 5. Meth. in cap. de cura catarrhi, ubi est sputum sanguinis, à leuioribus non est inchoandum, quia sic facere, est parare ægro longum interitum: ideo à fortissimis inchoare curare. Et Gal. in eo loco à tribus maximis & ualidissimis inchoat: primo cum ualidissimis euacuantibus, & sæpissimis: & legatis ipsum, quia docet facere quasdam pilulas cum agarico, quæ ualde similes sunt pilulis cochij, & sæpissime euacuabat secundo in synapsimis fortibus: tertio in corroboratione membrorum, in quo utebatur dia-spermaton, & theriaca noua, & antiqua. Ideo in primis curandum est, ut corpus istud exquisitè euacuetur: & circa euacuationem huius corporis proposita sunt duo instrumenta: primum fuit emissio sanguinis: secundum pharmacā. Quantū ad euacuationē, possumus ipsam facere. Quantum ad indicationes sumptas à causis antecedentibus, sunt enim uapores calidi, & multi ascendentes à toto ad ipsum cerebrū, ideo insurgit una indicatio, quod remouenda est caliditas hepatis, quod fiet per euentationem sanguinis, ut uidemus etiam ex urinis, quia sunt ruberæ, quæ indicant etiam de quantitate sanguinis, & ideo posset ex hæmorrhoidibus, si apparuerint, fieri. Et licet adsint multa pituita, tamen poterit fieri parcissima: quia dicit Gal. 5. Meth. & 4. de tuen. sanis. tunc ubi est putredo mixta in febribus, etiamsi indigeamus phlebotomia, debemus tunc uitæ thesaurum conservare, qui est sanguis. & idem dicit Auic 1. 4. Quantū possibile est, caue à missione sanguinis, quia est thesaurus uitæ. Et illud corpus indiget magis euacuari per pharmacum, quàm per missionem sanguinis. Ideo si feceritis copiosam phlebotomiā, facietis multa incommoda, tum quia suspicio est de ruptura uenæ: & scitis Galenum in De missione sanguinis dicere: Non solum facienda est phlebotomia, quando magnus est morbus, sed etiam quando futurus est magnus. & 5. Meth. cap. de Catarrho: Vbi corpus dispositum fuerit ad rupturam uenæ, & pectus angustū

fuerit, & ipse fuerit longus, etsi nunquam inciderit in rupturā venæ, mittas tamen san-
 guinem propter præcautionem, & sic cum sit multitudo sanguinis, ratione cuius soles
 aut rumpi venæ, uel cum sanguis solitus sit erumpere ad partes pectoris, tunc indica-
 tio est de missione sanguinis. Et quia in uere maxime solet abundare, ideo indicatione
 sumpta ab hoc, non esset malum mittere sanguinē in hoc subiecto, & hoc ut prohibe-
 mus uapores ascendentes ab hepate ad caput, uel ratione auersionis. Ideo paulatim ex-
 traherem uerbi gratia 3 2: deinde nutrirē, & iterum alias 3 2. & sic iterum nutrirē,
 & sic partiremur. Quantū uero ad euacuationem, dico quod totum debet esse exquiste
 euacuatum, quia tunc caput magis potens erit ad excernendum proprias superfluita-
 tes, & debemus uti euacuationibus quæ trahant à capite. Ideo in singula hebdomada
 euacuarem ipsum, cum rebus tamen leuibus, & non dimitterem agaricum: quod si uo-
 mitum excitaret, abstinere ab ipso, sed prius tentarem an excitaret. Ideo exhibe-
 rem florem calisæ cum agarico, uel therebinthinam, uel cum confectiōibus confue-
 tis, ut essent pilulæ aggregatiuæ, quæ optimæ sunt, quia haberent quicquid habent de
 læ pilulæ Galeni: nam in illis est rhabarb. agaricum, scammoniū, & portiuicula colo-
 cynthis, cum myrobalanis. purgarem cum cochijis: pilulæ etiam de hiera cum agari-
 co sunt leuiiores. Sed quia non euacuamus, nisi concoquamus materiā, & quia sunt di-
 uersæ materiæ in pectore, aliæ enim sunt crassæ, aliæ fluidæ: ideo alia præparatione in-
 digent quæ fluunt, & alia quæ crassæ sunt. Ideo in illis uteretur rebus abstergentibus, &
 incidentibus: in fluidis autem in crassantibus. & hæc de materia iam fluxa. Quæ autem
 à capite desluunt, uidentur præparatæ: neq; enim admodum crassæ, neq; admodum
 tenues, neq; parietibus adherentes sunt. Ideo pro incisione materierū crassarum, quæ
 in pectore continentur, uterer rebus ualde incidentibus & abstergentibus, ut esset sy-
 rupus de liquiritia, syrupus de farsara, de hyssopo, de betonica, & consimilibus. De
 corroboratione uero membrorum mandantium & recipientium, quantum sit de re-
 cipientibus cum bene euacuata essent, uterer zucchini rosato in maxima quantitate,
 & bolo armeno: nam bolus armenus simplex post purgationem prohibet descensum
 catarrhi ad pulmonem: & uteretur etiam theriaca noua & ueteri: sed cum sunt uigilæ, no-
 ua: quando non adsunt, ueteri. Et uellem ut uteretur myrobalanis chebulis conditis,
 quia confortant uentriculum, cerebrum & hepar. Quæritur modo, an stillicidium in
 hoc casu capiti conueniat. Et quia dixere aliqui, quod temperatura huius capitis est ca-
 lida & sicca: quod si ita esset, minime conueniret, quia dicit Gal. lib. de tuen. sanitijs
 qui sunt calidi & sicci capitis, non conueniunt thermæ, quia magis augent affectum.
 Sed quis dixerit, quod bene à natiuitate caput fuit calidum & siccum, nunc autem per-
 mutatum est ad frigidum & siccum, Ideo non abstinere à balneo calido: imò credo
 quod per ipsum reducerem cerebrum ad proprium temperamentum calidum & sic-
 cum: prius tamen quærerem caput ex omni parte expurgare, & cum caput purgiss, nō
 ex aqua maioranæ, betæ & uiolarum, quia uidentur illa frustra adhiberi: ideo deueni-
 rem ad succum cyclamini, id est, panis porcini, & ad alia huiusmodi, quæ maximā uim
 in expurgando capite habent. Abstinere à gargarismis, quia suspecti sunt propter
 descensum materiæ: nam maiorem quantitatem ipsius traherent. Quantū ad mastica-
 ria, uterer mastiche simplici primo, deinde staphisagria cum pipere, ut per os catarr-
 rhum expueret, ne ad pectus descenderet. Quantū ad reliquas diuersiones, quia facili
 est cauterium in genu sinistro, facerem aliud in dextro, & in alijs etiam paribus, sicut
 in brachio & collo, quia ab ista aegritudine imminet maximū periculum. Accederem
 etiam ad synapsimos ex thapsia, ex flammula Iouis, ex apio canino, seu ranunculo. Ca-
 uerem tamen à cantharidibus, propter illum mictum sanguinis. Et sic procederem
 cum reliquis huiusmodi uelicatorijs, quæ facerēt crustas. Deinde super caput, pro con-
 fortatione apponeret pulueres ex ladano, garyophyllis, & agarico, pari portione. Vel
 lem & ut caput laueret cum aqua, in quibus decoctæ essent herbæ calidæ, & odoratæ,
 quas temporis angustia pretermitto. Haberet præterea pomū quod continue odorare-
 ret, confectum ex rebus odoratis: ut ex nigella, ladano, nuce muscata, garyophyllis, ma-
 ce, ambra, musco. Et hac uia procederem.

De catarrho & sputo sanguinis,
Consilium CXXVI.



CV M fuerit, adstetq; sputum sanguinis cum catarrho, & adhuc imminet periculum de maiori, nosq; hic sumus, ut prohibeamus periculum futurum, ut recte curemus, inuestigandæ sunt causæ huius fluxus sanguinis. Ex potu aquæ Thermarum visus est leuari: quod ualde notandū. Ostendit enim morbi fuisse mineram, & fomentum ratione uentriculi, qui cum multas generat cruditates, uapores ascendebant ad caput fouentes & augentes catarrhum. Viuit cum meretrice, ideo sequuntur incommoda, quæ solent consequi, dum non sunt roborare se, & uires augere, plus comedunt quàm possint conficere, & uirtus debilitatur assiduâ uenere, ideo incidunt tales in pessimas ægitudines, propter plurima excrementa aggregata. Propterea istum catarrhum credo habere fomentum à membris inferioribus. Est præterea naturaliter calidi hepatis, & ideo uentriculi frigidioris. Quare omnia habet, quæ ad catarrhum requiruntur. A uentriculo per uias latas ascendant uapores crudi ad caput. In uenis multiplicatur sanguis crassius adustus, & excrementosus, cumq; uires sint latæ, facile ex ijs ascendant, & exhalant fumi ad caput. Ideo Galenus 3. de locis affectis dicit eos, qui calidi sunt hepatis, naturaliter subiectos catarrhis. Hic uero catarrhus habet uariam naturam, quandoq; saluus est, quandoq; non, aliquando subtilior, pro uarietate humorum & uaporum ascendentium, pro ratione etiam putredinis, accidentium animi, motus, ciborum. Credo autem quod ex longo descensu deuenit ad sputum sanguinis, Nec puto rupturam uenarū, aut corrosionem. Non enim tam cito consolidata essent. Nec credo refudationem, quia sanguis est crassior, sed arbitror fuisse apertam uenam aliquam, & eius rei habeo rationem, quia uideo præcessisse flatum. In urinis abundat spuma, & plus etiam abundasse dicitur diebus præcedentibus. Vbi autem materia flatuosa & crassa in uenis, & hepar est calidius, calor aggrediens materiam illam crassam flatur, hinc facile impellitur. Secundo etiam ratione uasorum, quia cum homo laborat, calor & spiritus reddunt se ipsos calidiores, fit maior motus, & ideo facilius aperitur uena, & hinc credo, eum deuenisse ad sputum, cumq; ob causam facilis erit restrictio, quia cessante motu, ac materiaeducta per medicamenta, & missione sanguinis facta cessauit, & uena non est amplius aperta.

CVR A. Galenus 5. Method. tria ponit capita principalia in fluxu sanguinis ex catarrho. Primum, quod ubi sputum sanguinis, debemus remouere causam, uel per missionem sanguinis, uel per pharmacum, ut ipse se fecisse dicit in puero & muliere. Hæc optime facta sunt in hoc iuvene. Missus est sanguis, & datæ sunt pillulæ Coccia, quæ exhibentur ibi à Galeno, licet sub alio nomine. Secundo Galenus omni diligentia querit interceptionem catarrhi, applicat capiti uesicatoria, ut ad hunc modum prohibeatur descensus. Tercio, confortat pulmonem, contra fluxum sanguinis, & ne recipiat defluentem catarrhum cum ijs, in quæ ingreditur succus papaueris, & semina frigida, ne fiat ruptio uenarum. Quod igitur ad hæc duo posteriora pertinet, post præmissas euacuationes adhiberem aliquid circa caput, quod roboraret & prohiberet descensum. Primo, tonderentur capilli, & applicarentur uesicatoria, quibus cum efficacioribus propter tempus nunc careamus, facerem unum ex Adarce, Euphorbio, Sinapi, Nasturtio, Pyrethro, cum modico etiam Cantharidum. Licet enim in ijs sit periculum de prouocatione sanguinis per urinam, id tamen non omnibus contingit, & si contingit, minus periculum est, & remotis Cantharidibus, iterum facile utetur sine discrimine: sine ipsis autem non facile habebimus effectum. Ideo erit necesse eas addere, & postea cum fermento & caricis applicarem, ut fieri solet, tribus aut quatuor locis, & tenerem aperta, ut materiam diuerterem, deinde educerem, postea pectus roborarem. Et quia sputum sanguinis non est ratione corrosionis uenæ, nec subtilissimus

sanguis, sed potius ex seruire & ebullitione sanguinis, propter causas dictas, ideo non ita anxie intenderem incrassantia, ne augerem pituitam. Et ideo non exhiberem a^o quam Portulacæ, quam tamen ipse etiam heri ordinavi cum Bolo Armeno, & Dragacantha. Audiebam enim tantam copiam sanguinis effluere, ut periculum esset de syncope, ideo feci curam coactam. Nunc quia non uideo talem casum, ab ijs abstinere, propter suspicionem frigidi uentriculi, qui coitu etiam debilitatus est, ne usu frigidiorum, & maxime Portulacæ, cum per se sit crassæ substantiæ, & frigidissimæ, & per destillationem aqua extracta multo frigidior sit sine dubio, cum etiam a rebus calidis extractæ aquæ sint frigidæ. Ideo ab ea abstinere, nisi hoc requireret maior copia sanguinis, quæ nos cogeret ad curam symptomatis. Biberet ergo loco eius aquam in qua coctum sit hordeum, cum carnibus Cotoneorum, quæ mundificaret, aperiret sine corrosione, roboraret uentriculum sine calefactione. Possunt etiam addi semina Cotoneorum, quia in ijs est mucilago quædam, ualde propria pectori, quæ facit ad remouendum acumen, & erosionem catarrhi. Utatur alimento mediocri, cibis qui facile concoquantur. Quod ad Elestuaria confortantia pulmonem, non ascenderem ad ea, quibus omnes utuntur moderni, & communiter hodie practitantes, a quibus abhorreo ut a peste, qui omnes ad Philonium accedunt, & id sæpius exhibent, cum Galen. 2. lib. secund. loc. capite de dolore, & 12. capit. Therapeut. de dolore intestinorum ostendat, quantum ipse abstinere ab opiatis, & si quando cogatur semel exhibere, quanta cura laboret in uentriculo corroborando. Credo etiam D. Cassianum hanc solam ob causam mortuum esse, quod toties N. & N. exhibuerant Etilonium, ut ita uentriculum eius posternerent, & eius uxor lachrymans mihi conquesta est, se plusquàm 30. lib. soluisse, pro Philonio. Ego itaq; exhibere semina frigida, quale est semen Papaueris albi cum saccharo rosato, quod non iubet transire Auicenna in isto casu.

De sputo sanguinis.

Consilium CXXVII.

Primo dicimus cauendum esse ab omni esu leguminum, & ab ijs quæ pastilia uocantur, a lacticinijs, a rebus frictis in sartagine, ab uuis, & pomis, & omnibus quæ sunt flatuosa: præterea a rebus acerbis, ut sunt omnia aromata, allia, cæpæ, & huiusmodi; item a uino dulci & a turbido, multo & crasso, ab aceto & rebus salis, a carnibus antiquis, & ab auibus palustribus, & piscibus, præsertim qui capiuntur in paludibus & aquis coenosis. Non comedat diuersa cibaria; neque ubi habet in stomacho crudelitatem, supercornet aut prandeat, sed abstinere, donec se concoxisse percipiat. Habeat quotidie uentris beneficium: quod si natura defecerit, adiuet eam modo clysteri, modo uncia floris cassiæ, modo decocto maluæ, betæ, & mercurialis, cum oleo & sale: cuius amplum cyathum bibat duabus horis ante prandium, calidum: & si illi adiciat unciam sacchari, adhuc erit præstantius. His igitur procurabit, ut alius mollescat, modo hoc, modo illud eligendo, ne natura unum remedio assuescat. Si etiam utatur passulis dulcibus ante cibum, leniatur uenter, & conferent pectori. Caueat ab exercitijs uehementibus, ab equitationibus uolentis, præsertim sub frigidissimo aut calidissimo aëre, aut uentis exposito. Caueat ab ira, rixa, clamore, & deniq; uitet omnes motus corporis & animi etiam. Coitu utatur moderatissime. Quantum uero ad medicamenta attinet, purgetur bis in anno, uere inquam & autumnus, poteritq; purgationis modus esse talis:

℞. Floris cassiæ

3 1. 3.

Cum saccharo fiat bolus, sumat hora una ante prandium, Sequenti die bibat syrupum hunc:

℞. Syrupi

℞. Syrupi de betonica

De lupulis ana 3 1.

Decocti betonicæ

Lupulorum 3 4.

Misce pro uno hausto, & ita pro alijs usq; ad 9. Bibitis syrupis, proximo die sequenti tale pharmacum accipiat:

℞. Rheubarbari electi 3 2.

Spicæ 6 7.

Irrorentur cum uino aromatico, & infundantur in aqua lactis per horas decem. Deinde facta diligenti expressione, colaturæ adde

℞. Confectionis hamech 3 iij.

Misce, fiat potio danda in aurora in custodia. Hunc modum purgandi debet seruari tam in uere quàm in autumnino, nisi quòd laudarem ut in uere uenam secarer basiliam dextri lateris. Ante omnia uerò pro conseruatione sanitatis, laudo ut omni mense accipiat tribus horis ante prandium tale lenitium alui:

℞. Rheubarbari electi 3 1.

Floris calisæ 3 1.

Misce, fiat bolus cum zucharo. Singulis uerò diebus ante prandium & coenam dimidium uncie zuchari rosati sumatur: & hoc consulo toto anno non esse omitterendum. Sumat præterea semel in septimana frustulum boli Armeni ad quantitatem paræ fabæ, dum ingreditur lectum. Et hoc seruando cuitabit, nutu Dei, discrimina quæ negligentibus possunt accidere.

De empyemate ex suppressione menstruum, pro puella.

Consilium CXXVIII.

Probabile est in adolescentula in flore ætatis constituta, temperatura calida, ex omnimoda suppressione menstruum, sanguinem regurgitasse ad partes thoracis, ut frequenter contingit etiam usq; ad uenarum fracturas, & ibi collectum, siue fecerit inflammationem, & pleuritim, siue alius quam aliam abscessus speciem, tandem suppuralse, & erupisse ad pectoris cavitatem, ut in de successerit ægritudo, quam Græci *πνεύμα* uocant. Quæ cum soleat terminari uel erumpendo extrinsecus ad cutis superficiem, uel suffocando, uel ex eundo per sputum, uel deriuando ad uentrem uel urinam (quemadmodum optime declarauit Auicenna) duas ex quatuor uias inuenisse sibi hoc morbi genus audio in hac honestissima adolescentula: nam & sputum purulentum excernit, & præterea in dextro latere ad uacuitates uentris decumbit materia, quæ etiam uidetur ibi colligi, neq; ad naturales exitus, siue per aluum, siue per urinam excerni, sed colligi tantum extra illos meatus, & per flatum discuti, quemadmodum ex instructione colligere potui. Et cum ægritudo sit iam per quatuor annos confirmata, & partes quæ fluxionem recipiunt, imbecilliores redditæ sint, & ita totum corpus magna ex parte constabuerit, fortiterq; iam incipiant quæ sputo excutiantur, uereor ne ægritudo tendat ad perniciem, nisi & inter deploratas sit referenda: imò non leuis quoq; suspicio est, ne deueniat ad contagium, ita ut assistentes quoque non debeant conuersari circa ægotam, præsertim pueri & affines. Hæc de tota natura morbi satis. Nunc de curatione quæ fieri potest, dicendum est. Ratio uisus præcipue instituida est, ut caueat à quocunq; aëris excessu, magis tamen à frigido, & ab humido. Venti omnes sunt illi aduersi, tam boreales, quàm etiam australes. Caveat ne in loco terreno & humido dormiat, aut habiter; nocturnum aërem non accipiat. Ab omnibus animi molestijs

quam procul recedat. Corpus moderate exerceat, citra lassitudinem tamen, alicui beneficii singulis diebus querat, ad quam rem commodissimæ sunt passulæ dulces singulis diebus ante cibum assumptæ unciarum duarum quantitate. Vino utatur tenui, claro, bene maturo, minime austero, aut acerbo, aut acido, neque à cibo bibat, præcipue post coenam, parcius sit coena quam prandium, utrumque tamen moderatum. Caveat à leguminibus, pastilibus, lacticinijis, piscibus, fructibus, herbis, præcipue crudis, à rebus frigidis. A carne ueteri caueat, item suilla & recenti & salita; etiam ab auibus quæ in aquis degunt, sicut anseres, & reliqua huiusmodi. Utatur bono pane, bene fermentato, bene cocto, ouis recentibus, carne uituli, uel pulli, uel auium paruarum, oryza, farre, spelta, & hordeo, nonnunquam etiam panico, & milio: miliaceum tamen panem euitet. Capiti quoque maxime consulet; nam destillatio à capite uerus est fons incepti empyematis; quod aliter quatuor annis non perseverasset. Laudauerim igitur ut singulis septimanis lauratur caput, & optime exiccaretur cum lixiuo, in quo decocta fuerit maiorana, abrotonum, calamentum, folia lauri, & pulegij: sed die quo lauatur, maxime effugiat aërem, quantum fieri poterit. Item inspergatur toto uertici capitis puluis inscscriptus:

℞. Sandarachæ			
Mastichis			
Gummi helemi			
Picis colophoniz	ana	§	2.
Storacis calamitæ			
Belzoin			
Myrrhæ	ana	3	2.
Laudani electi		3	4.
Rosarum rubearum		3	1.

Puluerizentur omnia per se, deinde misceantur, & ex hoc puluere inspergat caput singulis diebus, mane & uespere. Item etiam illi alternis diebus, uel saltem bis in septimana accipiendum tantum lachrymæ pinguis abietis, uel terebinthi, quantum est nux parua, & deglutiat cum hostio, uel aliquo tali, ut libitum fuerit. Præterea ter in mense circa mediam noctem optime sumet inscscriptum bolum, & uespere parcissime coenabit:

℞. Floris cassiæ		3	1.
Agarici trochiscati		3	3. uel 4.

Misce, & cum zucchero fiat bolus. Item liniatur totum pectus ante & retrolinimento inscscripto:

℞. Adipis anseris			
Olei amygdalarum amararum	ana	3	1.
Myrrhæ		3	3.

Et cum modico ceræ fiat linimentum molle. Nihil tamen præstantius in hac curatione existimauerim, quam ut menstrua prouocarentur: si qua enim res profutura esset, hanc maxime fore existimo. Pro ratione ergo uirtutis, quam ego metiri nequeo, laudarem ut singulis mensibus circa lunæ coniunctionem tribus diebus ante & post, bis in die ante cibum abluerentur sua crura, & foverentur, spargendo aquam usque ad pectus, & semper trahendo inferius cum inscscripta lotionē:

℞. Pulegij			
Calamentij			
Maioranæ			
Artemisiz	ana	man.	3.
Cyclamini			
Aristolochiæ rotundæ	ana	3	1.
Centaureæ minoris		man.	2.

Decoquantur

Decoquantur omnia in stulis duabus aquæ ad consumptionem tertiæ partis. Post lotionem uero applicandæ essent cucurbitulæ ab aliqua muliere, duæ quidem sub poplitibus, duæ uero aliæ infra coxas. Tandem ijs nihil proficientibus, mitterem sanguinem, si uirtus toleraret, ab utraq; saphæna, & sæpius iterarem semel in mense.

De tussi ex catarrho cum sputo sanguinis, pro adolescente
te Bononiensi.

Consilium CXXIX.



Dispositionem præter naturam huius adolescentis nobiliss. in membris esse spiritualibus nemo dubitare potest: tussi enim affligitur, quæ earum partium proprium symptoma est: & quod per tussim excernit, catarrhus est crassus, uisulentus, subniger, ad citrinitatem quoq; declinans, quandoq; salus: & præter huiusmodi catarrhum sanguinem etiam nonnumquam expuit quantitate paucum, colore (ut audio) uariū, quandoq; enim atrum, quandoq; rubentem. Hactenus in promptu est symptomata contemplanti, quæ pars corporis affecta sit. Iam uero duo supersunt cogniti difficilia, sine quorum cognitione uera curatio non potest inueniri. Primum, utrum uitio spiritualium utriusq; symptoma contingat, catarrhus inquam, & sputum sanguinis, an alterum tantum, uel neutrum: at uero nihil ijs patientibus, quantum in se est, aliunde deferatur materia atq; oriatur. Cui alia quoq; annexitur difficultas: nam ubi etiam constaret aliunde fluere istas materias, ad hæc superesset inquirendum, cuius membri uitio id fiat principaliter, an cerebri, an uentriculi, an hepatis, an omnium, uel plurium ex istis. Altera principalis difficultas est cogitare, quæ pars spiritualium potissimum afficiatur, utrum musculi, an caruitas pectoris, an caro pulmonis, an bronchia, & lenes arteriæ, & uenæ, uel plura ex istis. Hæc sunt difficultates, sine quarum exquisitissima cognitione & distinctione, necessarium est curationem etiam cæcam, & fortunæ destinatam esse, non electioni, aut arti. Ad primam igitur difficultatem audiuius nobilissimum iuuenem à primis statim annis semper subiectum fuisse destillationibus, ex quo arguitur uitium & affectum fuisse in cerebro eius, cuius ratione plurimis excrementis redundauit. Vel igitur humiditas cerebri naturalis (teste enim Gal. 2. Aris. medic. cerebrum humidum, excrementosum, & destillationibus subiectum est) uel hoc fuit non naturalis humiditatis ratione, sed frigiditatis potius, quæ etiam siccitati coniuncta fuit: talis enim remanet peries cerebri frigida & sicca, forte etiam magis quàm humida, destillationi subiicitur, non quidem ipsius temperaturæ ratione (à sicco enim quatenus siccum est, nullū provenit excrementum humidum) sed quoniam in frigido & sicco cerebro necessario plurima excrementa colliguntur, tum quia proprium alimentum non bene consistit caliditatis defectu, tum quia non bene diffilat & discutit excrementa, tum etiam quia superfluitates reliqui corporis ad tale cerebrum propter imbecillitatem facile ascendunt, neq; diffillantur. Necesse est igitur ut colligantur, condensentur, & multiplicentur, unde oritur destillatio. Cerebrum igitur huius nobilis iuuenis est frigidum potius & siccum in suapte natura, quàm humidum. Argumento est tum ipsius capitis forma, tum animales operationes intrinsecæ, ex quibus frigiditas & siccitas cerebri arguitur: hæc enim duæ qualitates in cerebro maxime faciunt ad prudentiam, quemadmodum erat Arist. & Gal. sententia, & non, ut uulgus medicorum opinatur. Stante tali dispositione, accedit postea naturalis hepatis caliditas, quæ arguitur ex amplitudine uenarū, & colore cutis subnigro & pilis. Accedit præterea cordis caliditas, quod indicatur ex promptitudine ad iram, & ex motu arteriarū. Vbi autē huiusmodi temperata calida hepatis fuerit cū frigiditate & siccitate cerebri coniuncta, maxima occasio exoritur ad destillationes & catarrhos generandos: caliditas enim hepatis sanguinē feruentem biliosumq; generat, à quo cōtinuū uapores ad cerebrū eleuātur. Ideo 3. de loc. aff.

Galenus dicebat, eos maxime plenitudini capitis esse subiectos, qui calidi hepate sunt. His postea uentriculi imbecillitas accedit, & fit integer circulus, & perfectus omnino, ut nihil etiam desit iam ad omnem numerum causarum catarrhi explendum. Imbecillitatē autem simul uentriculi esse, & insignem in hoc nobili iuvene, medea declarant, siue ista imbecillitas sit naturalis, siue acquisita: hoc enim mihi non constat, nisi quod potius crediderim fuisse acquisitam: habuit enim causas extrinsecas ad uentriculi robur debilitandum ualidissimas, sed præcipua fuit illud assiduum studendi munus horis etiam importunissimis, quod cuilibet etiam mediocri pater, quantum posset in corruptenda concoctione, & omnibus uentriculi uiribus relaxandis. Accesserunt & aliæ causæ extrinsecæ ualidissimæ, uidelicet molestia animi accidentia, & mala uictus ratio in omnibus sex rebus non naturalibus, quæ potuerunt simul & cerebri & uentriculi uires debilitare. Sed tarditas etiam concoquendi cibum, manifestissimum signum est imbecillitatis uentriculi. His ergo omnibus ita se habentibus, non est difficile iudicare, catarrhum in pectus descendere, per consensum scilicet aliorum membrorum: primo propter imbecillitatem cerebri aggregantis plurima excrementa ratione sui temperamenti frigidi & sicci; secundo propter intemperiem calidam & siccam hepatis, ratione cuius plurimi & assidui uapores ascendunt ad caput; tertio, ratione uentriculi tarde & diminute concoquentis, & plurimam pituitam generantis, cuius uapores perpetuo ad caput ascendunt per uias laticas. Tot igitur sunt causæ destillationis. At cum potius ad pectus descendat, quam ad alias partes, necesse est aliquam quoque occasionem esse in ipso pectore, cuius ratione ad illud potius, quam ad alias partes materia destillat, inter quas potissimam iudicauerim præparationem loci: ad nullas enim partes commodius descendit materia fluens à capite, quam ad bronchum, seu caput laryngis, quod semper apertum & præparatum est, propter necessitatem respirationis. De causa autem falsædinis catarrhi, quam interdum percipit, non est difficile uidere: facile enim falsus effici potest, propter uapores calidos ab hepate ascendentes. Quod uero non perpetuo falsus percipiatur, sed raro admodum, signum est maximum, insignem esse intemperiem in uentriculo, cuius ratione plurima pituita generatur, quæ possit omnem acrimoniam humorum retundere: signum etiam est cerebrum immodice frigidum, & ipsum retundere falsædinis causas: & inde est quod quoties falsædinem percipit, sicut ipse refert, prius illi incaluerat cerebrum ab aliqua causâ extrinsecâ. Quod etiam catarrhus per antiquam tussim à pectore eijciatur subtilis admodum & fluens, indicat cruditatem & frigiditatem catarrhi propter causas prius commemoratas. Quod uero quando à pectore excernitur, crassius, quandoque subuiscidius, quandoque etiam subniger est, indicat plurimam moram factam in pectore calido, ubi partes subtiles fuerunt resolutæ, addita etiam aliqua putredine propter nimium calorem. De sputo autem sanguinis, quæ sit eius natura, & quæ causa, in secunda difficultate dicitur. Et hæc satis de prima difficultate à nobis proposita. Nunc accedamus ad secundam, quæ talis erat, utrū sanguis iste per tussim reiectus, uel à cavitare pectoris, uel à carne pulmonis, uel à bronchijs, uel lenibus arterijs, uel à uenis in pulmone existentibus excernatur: Plurimum enim refert, & ad prognosticum de eo quod futurum est, & ad cognitionem præcipue curationis, utrum sit hoc, uel illo modo. Circa hanc partem coniecturis procedere oportet: res enim cognitu difficillima est: primo tamē remouebimus ea, quæ mihi nullam difficultatem faciunt. Neque à carne pulmonis sanguinem illum excerni uerisimile est: nam neque hoc esset sine febris in habitu, neque sine pure, neque sine foetore anhelitus: tum enim maximum ulcus adest, cum nulla corporis pars facilius putrescat, quam caro pulmonis. Præterea sanguis à pulmone eiectus spumæ ita est admixtus, ut minima pars spumæ parti minimæ sanguinis admixta sit. Non etiam prodire ab arterijs, satis indicat ipsa primū crassior sanguinis substantia: deinde, quoniam perpetuo sanguis exiret: non enim posset consolidari arteria pulmonis. Si etiam à bronchijs uel asperis arterijs eijceretur, propter ipsorum soluram consuetudinem aliquid ex ipsis substantia prodiret simul, quod nunquam uisum est. Quod etiam

etiam non prodierit ex ruptura vel corrosione alicuius uenæ in pulmone existentis, facile inde conijciatur, quod & maior copia sanguinis exiret à uena vel corrosa, uel disrupta. Neq; possumus dicere fuisse consolidatam, quia corrosa nunquā consolidari potest, disrupta uero intra triduum potest consolidari, postmodū autem nunquam, ut Gal. 5. meth. docet; uidemus enim in nobili iuvene sputū sanguinis etiam per aliquot menses perseverasse. Relinquitur igitur, uel quod hic sanguis refudet per poros, uel meatus ipsarum uenarū, uel quod certis quibusdam temporibus aperiantur orificia, uel capita capillarium uenarū in pulmone existentium, unde excernatur sanguis plus uel minus, secundum quod magis uel minus illa orificia aperiantur, quemadmodū uidemus fieri exterius apertis iisdem uenarū capitibus, uel in naribus, uel circa hemorrhoidas; quandoq; enim multus sanguis inde exit, quandoq; paucæ guttule, prout orificia illa magis uel minus aperiantur. Inde est, quod nobilis etiam iuuenis quadam die excreuit tantū sanguinis, quantū est hemina uel scutella. Hactenus uidetur hoc esse satis probabile, & in hac parte potius hæret malum. Posset tamen etiam fluere per colatoriū simul cum catarrho, sicut etiam frequenter contingit, ut inde postea simul cum eodē catarrho ex pulmone per tussim exiret; & huius rei augetur suspicio ex eo quod audimus, uidelicet quod cum eijceret illam quantitātē sanguinis magnā, quam paulo supra diximus, non excernebat per profundā tussim, sed per leuem quendam sreatū: indicabat enim à capite hunc fluxū deuenire, qui cū maiores asperæ arteriæ bronchos occuparet, & mor dicaret, leuem illam tussim & sreatū excitauit. Sed aliud est etiam, quod non temere præteriri oportet, sed diligentissime considerari & examinari. Refert nobilis iuuenis se abhinc sex annis, minus & magis quidem, perpetuo tamē fuisse detentū dolore quodā circa sinistram mamillā, qui dolor sæpiissime tactu externus percipitur, dumq; in eam sinistram partē decumbit, magis dolet, & premitur; at si in dextris decumberet, sedato dolore quiescit: deniq; in quācūq; partē decumbit, semper minus dolet, quā si in sinistram sese flexerit. At præterea, dolorē illum semper ascendere usq; ad humerum sinistrum. Ex his ergo omnibus secundum rationē colligimus, materiam aliquam quotidie colligi, & descendere ad illas partes, tanquam ad debiliores: & quod locus huius collectionis sit, uel in musculis extrinsecis illius partis sinistræ, uel in concavitate quæ est inter illos partis sinistræ; uel in concavitate quæ est inter illos musculos, & membranas quæ costas ambiunt. Cur autem locus ille fuerit debilitatus, multæ potuerunt esse causæ: duas tamen non parui momenti uidimus: primam, percussionem in ea parte; secundam, armorum gestationem. Quibus ita se habentibus, non est alienum quod ex illis partibus ita debilitatis materia quæ ibi collecta residet ad partes interiores pectoris, à pulmone mediante tussi excernatur. Vbi etiam considerandum est, nunquid etiam ulcus aliquod ex longa humoris corruptione subiectum fuerit, unde etiam sanguis cum materia simul excernatur. Hæc ergo habeo quæ de causis huius sputi sanguinis possum asserere, si ex principiis artis secundum rationem, & non casu uel ad placitum loqui uolo. Reliquū modo est, ut prædicti omnes affectus remoueantur. Circa quod duo principaliter erunt agenda: alterum quod circa præsentium symptomatum curationem uersatur, alterum circa imminentiū præseruationem. Quantū ad præsentium curationem, triplici curabimus instrumento: primum erit ratio uictus, secundum medicatio uel pharmacum; tertium auxilia per opus chirurgicū. Per rationem uictus: aer primo occurrit, circa quem diligentissime erit enitendū, ut omnes excessus deuitet: pariter enim & à frigiditate & caliditate aeris, sicut & à nimia humiditate & à siccitate lædatur. Quærat igitur maxime temperatū; nam alteratio facile contingit, uel propter uentos, uel propter pluuias, uel propter uicissitudines, æstatis inquam & hyemis. Itaq; neq; se uentis, neq; pluuijs, neq; seruarii æstatis, neq; algori hyemis exponat, sed se in optima domo contineat, uel si necessarium fuerit exire, mutuat se ab aeris iniuria, caput præcipue: uitet etiam nocturnum aerem, & loca subteranea, & humida. Raro abluat caput: quando autem laudandi tempus erit, eligantur horæ uespertinæ, ita ut postea non exeat domo, neq; aëri se exponat. Lixiuum erit ex

cinere salicum, uel uitium, in quo decocta sint chamæmelum, anethum, rosæ, & maiorana, ponatq; in ea parte lixiuij, ita præparata & excolata, qua uult lauari, tantam quantitatem agarici boni electi puri, quantum est pondus 3. 2. dimittaturq; infundi in eo lixiuius dictum agaricum per totam noctem in petia lineæ; postea mane ebulliat ebullitione una, & cum hoc lixiuius lauetur caput; erit enim utile, & tanquam medicina, non tantum curans, sed etiam præseruans. Exercebit corpus moderate, non fortiter; & in primis exercebit partes inferiores, ad quod deambulatio optima est. Hora exercitij sit matutina, reiectis excrementis consuetis, sitq; tribus bonis ante prandium, ita ut perfecte quiescat ab exercitio ante cibi assumptionem. Optimum etiam erit illi, si frictions mane fiant in partibus inferioribus, & in brachijs etiam, antequam surgat è lecto, & quanto erunt longiores, & crebrius repetitæ, tanto melius, erit enim efficacissimum ad roborandum corpus, & ad diuertendam materiam. Exercitiū autem crurum paucum admodum debet esse. Sed inter reliqua, duos maxime affectus uitet; iracundiā & coestitiam. Cauebit ab assidua scriptione, uel lectione, præcipue post cibum, maxime prone incumbendo scripto libro. Procuret ut quotidie beneficium alui habeat; quod si quandoq; deficiat, non negligat: est enim illi admodum opus, ut uatur aliquo modo clysterum lenientium, cum aliquo ex his tribus quæ subscribentur. Primum est, accipere ius pulli tribus horis ante prandium, in quo iure decoquantur malua, mercurialis; & facta expressione & colatura, addatur semuncia sacchari cum modico olei dulcissimi, & bene maturi, uel olei amygd. dulcium. Secundum remedium est, ut accipiat terebinthinam pinguem & puram, quantitate 3. 2. uel trium, & deglutiatur, una uero hora post ius dictum sumat terebinthinam in forma pilularum, aut in bolo, ut melius placuerit. Tertium est, ut accipiat 5. aut 7. ficus aridas, pingues admodum & optimas, à quibus totam cutim detrahat, & accipiat tantum carnem mollem intrinsecam, & cum hac carne admisceat 3. 2. medullæ cartilag. & fiat bolus, quem deglutiatur eodem modo, & horis, sicut de duobus superioribus dictum est. Ista tria sunt optima & familiarissima remedia ad aluium emolliendam in sanis etiam sine aliqua molestia. In nocte quærat, ut septem horis tantum dormiat, octo quidem etiam, at non imperamus; sed caueat postea tanquam à peste, à somno meridiano. Bis tantum in die comedat, atq; hora comedendi sit hora quinta, postquam lecto surrexerit. Spatium inter prandium & coenam sint horæ 9. si prandium iustum & integrum fuerit. Post coenam non ingrediatur lectum, nisi post duas horas, & interim non sedeat, nō dormiat, neq; apud ignem moretur, nec frigeat, præsertim caput; caueat à calore, calefiat autem sensim, non subito ad ignem; deambulet, uel stet; duo enim optima inde acquirere: suauius noctu dormiet, secundo melius concoquet, & minus lædetur à catarrho. Vbi cumq; autem igni approximabit ad frigoris iniurias propellendas, sit ignis mediocris, scilicet ex lignis dulcibus, & caueat ne caput incaleseat. Inter prandiū & coenam neq; aliquid comedat neq; bibat, præcipue post coenam; nihil etiā catarrho deterius quam dormituri bibere. Potus sit uinum colore rufum, clarum, limpidum, bene maturum, potentia mediocre, quod nullo modo sit acidum, uel acerbum; tale enim uinū aduersissimū est, tussimq; præcipue excitat. Cibaria sint unius tantum generis; nihil enim deterius, quam ciborum inter se differentium uarietas. Abstinebit ab omni lacticiuorum genere, ab omnibus pastilibus, ab acris esculentis, sicut sunt allia, cæpæ, & huius generis; ab aceto, præcipue acri, & potentia; ab omnibus oleribus, præter betonicam, saluam, boraginem, & lactucam, quæ etiam non tantum ratione cibi, sed ratione medicinali cuiusdam conceduntur. Cauebit ab omni piscium genere qui capiuntur in paludibus; raro etiam & parce alios comedat, qui in optimis aquis degunt; & non omnis generis, sed quales sunt lucij, marfones, themali, & huiusmodi. Cauebit tamen à frictis in sartagine non tantum piscibus, sed omnibus quæ hoc modo friguntur: ideo & oua detestabilia sunt decocta in sartagine. Abstinebit à carnibus salitis cuiuscumq; generis; à carne antiqua, sicut bubula, & castratorum antiquorum; abstinebit à carne porcina tanquam à peste; ab omnium auium genere quæ degunt in palustribus locis,

locis, sicut anates, & anseres. Fercula eligat, sicut far, & oryzam, hordeum, speltam, panem cum: omnia ista grana sint optime decocta in iure optimo: admisceatur aliquid lactis aniygdalarum dulcium, uel seminum melonum. In aestate conuenient etiam cucurbitarum coctarum cum modico cinnamomo. Ab acetarijs consulo ut abstineat. Fructus parcissime comedat, non omnium tamen generum, sed aliquid peponis optimi, uel pruni genus, quod uulgo uerdaceum appellatur: ficus etiam optime maturas, ut in tempore autumnus: pyra decocta cum saccharo: si quandoque etiam comederit pineas post cibum, aut auellanas, cummodo parce id fiat, & bene dentibus conterat, non erit omnino asperendum. Carnes conueniunt uisulinz, hordinarum, pullorum, nonnunquam etiam columborum iuuenum & pinguium, omnium auium campestrium pinguium præter coturnices: nec uisupero carnem leporis iunioris, uel cuniculi, oua sorbilia, uel in aqua decocta, non indurata, si fuerint recentia, & ante cibum exhibita, sunt optimi nutrimenti. Et hæc de tota diæta, siue uictus ratione sufficiant. Quantum attinet ad medicamenta, quanquam Galenus in 5. Therapeutices curet catarrhum cum sputo sanguinis ualidis simis purgationibus, nihilominus spectata habitudine nobilissimi iuuenis, corporis gracilitate, hepatis caliditate, & uirium omnium imbecillitate, unum propono, quod illi perpetuo obseruandum erit, si me iudicem sequatur, ut nunquam inclinet animum ad sumenda aliqua medicamenta fortia aut solutiuia, in quibus ingreditur aut scammonium, uel colocynthidis, uel turbit, utique assentiat agarico, quod quidem erit summa, & ueluti apex omnium suarum medicinarum, ultra quod excedere perniciosum erit: imò nec agaricum temere sumendum: neque solum non præparatum, ut infra patebit. Laudo igitur, quod corpus quidem suum sæpe expurget, est enim hoc necessarium, cum sit admodum excrementosum. Purgationes uero sint in omnibus qualitatibus moderatæ. Simplicia quidem sint, sicut cassia, rhabarbarum, manna, medulla cnicus, terebinthina, & ultimo agaricum, Composita sint, sicut syrupus rosaceus, uel uiolaceus solutiuus, electuarium de sebesten simplex, electuarium lenitiuum, quandoque etiam hiera simplex de sex rebus, raro tamen propter nimiam exiccationem. Purgabitur autem purgatione magis exquisita bis in anno, uere inquam & autumno. Forma aut purgandi talis erit:

℞. Floris cassiæ 3 2.

• Pulueris glycyrrhizæ
Hyssopi ana 3 2.

Misce, & cum saccharo fiat bolus, sumendus hora ante prandium. Sequenti die incipiat sumere infra scriptos syropos:

℞. Syrupi uiolacei compositi Mesue
Mellis rosacei colati ana 3 1.
Aque tusilaginis 3 4.

Misce pro uno syrupo, & sic pro alijs. Post syropos sumat alterum duorum medicamentorum, prout illi felicius succedet. Alterum tale erit:

℞. Floris cassiæ 3 10.
Agarici præparati 3 2.

Misce, cum saccharo fiat bolus. Alterum:

℞. Rhabarbari electi 3 2.
Spicæ gr. 5.

Irrorentur uino albo aromatico, & infundantur in aqua tusilaginis per horas decem: deinde facta diligenti expressione & colatura, adde agarici optimi præparati scrup. 4. syrupi rosacei solutiuus unc. 2. Misce, & fiat potio breuis, danda in aurora cum custodia. Istæ erunt annæ purgationes. In medijs autem temporibus, laudo etiam quod frequenter aliquid sumat quod lenius purget, ne scilicet excrementa aggregentur. Purgationes autem erunt, uel quales dictæ fuerunt in capite de diæta, uel quod assumat cassiam simplicem hora una ante prandium uncia pondere: erit enim medicina facilis, pectori & hepati ualde conueniens, quæ euacuet sine extractione, à qua tanquam à pessifero ueneno abhorreat oportet. Laudarem ego præcipue,

si suus uenterculus toleraret, & nihil aliud impediat, sicut febris, uel inflatio hypochondriorum, uel dolor capitis, à quibus Deus ipsum custodiat: laudo inquam, istis non impediētibz, ut post autumnalem purgationem mane bibat lac asininū, asinae quā fieri potest sanissimae, & iuuenis; neq; multum distantis à partu. Bibat autem mane, non hora syrapi, ut male consueuerunt alij, sed hora tertia diei, postquam reddiderit sua omnia excrementa consueta, & bibat cyathum, uel duos, etiam tres, quantum scilicet suus uenterculus bene tolerare potest. Postea caueat cibum, quandiu bene cognouerit lac esse perfecte concoctum, & fame prouocetur ad cibum, tunc modice prandebit; erit enim hora tarda, horroresq; ut sit contentus pro prandio insculo hordeaceo cum saccharo, & postea coenet uberius, seruando quae dicta sunt in capite de diata. Perseueret in hac lactis portione usq; ad 15. dies, magis tamen aut minus, prout melius uel deterius tolerabit. Istud erit remedium efficacissimum ad humectandum corpus, & nutriendum, & reuocandam famem, quod etiam uere poterit iterari, imò & aestate, & quotiescunq; libuerit, si modo prospere illi successerit, ut spero. Haec de purgantibus quae per os sumi debent. De linimentis autem, uel cerotis exterius applicandis, nihil scribo, in illis enim parum confido. Quantum uero attinet ad opus chirurgi, cum primis mihi placeret, si catarrhis perseueret, ut facta purgatione autumnali applicarentur uesicatoria capiti, & excitarentur uesicae & crustae, quae postea omni diligentia conseruarentur. Idemq; omnino fieret circa partem sinistram pectoris, ubi percipit dolorem, uel si nollēt uesicatoria, propter molestiam (essent enim molesta in ea parte) saltem foueat, & illinat locum modo infra scripto:

℞. Hyslopi		
Betonicae		
Salviae		
Scabiosae		
Centaurij minoris		
Pulegij	ana	man. s.

Decoquantur in sufficienti quantitate aquae, & uini albi, aequaliter commixtis, & cum ea decoctione calida foueatur locus cum spongijs. Facta fomentatione locus statim exsicceur, postea inungatur hoc linimento:

℞. Adipis anseris		
Gallinae		
Butyri recentis	ana	3 5.
Myrrhae		3 3.
Croci		3 2.
Euphorbij		3 1.

Misce, & cum modico ceræ fiat linimentum. Laudo etiam, quòd pro auersione materierum ascendendum ad caput, post purgationem ordinariam fiant cauteria uel fontanellae in utroq; crure in loco consueto, & dimittantur apertae usq; ad perfectam sanitatem. Si etiam quandoq; haemorrhoides sponte accederent, optimū esset: ac non accedentibus, si contingeret (quod Deus auertat) sputum aliquod sanguinis, laudarem ut prouocarentur, & tenerentur apertae: esset enim optima & recta diuersio. Et haec de Chirurgia satis. Quantum uero attinet ad praeseruationem, ne scilicet incidat in sputum sanguinis, & membra omnia corroborentur, nihil unquam poterit praestantius habere, quā frequentissimum usum sacchari rosacei, quo utetur mane, uesper, & quaecunq; hora uoluerit, dummodo non impediat horas coctionis. Magnum est etiam arcanum ad excicandum catarrhum pectoris, & ipsum pectus corroborandum, tum ad prohibendum sputum sanguinis, si in introitu lecti deglutiat boli armeni orientalis optimi, quantum est granum ciceris rubei: est enim efficacissimum in praeseruatione, sicut periculosum in curatione. Vesicatoria ex his confici solent, ex folio apij nascentis in pratis, flore luteo, folijs aculeatis, cortice interiore bryoniae, flammula louis, sinapi, euphorbio, pyrethro, thapsia, nasturtij semine, herba quam uulgo appellant

fulsariam, quæ nascitur in hortis, folio oblongo, & pingui, gustu erodente linguam, longo pipere, & similibus. Inter reliqua tamen efficacissimum, & perpetuæ veritatis in omni temperatura, quod nunquam fallit, sunt cantharides.

Eidem ante scriptum consilium hæc fuerunt ordinata.

Primo detur clyster uesperis cōmunis cū melle rosato, sequenti die castam accipiat. Postea singulis diebus accipiat infra scriptum syrupum, duab. horis ante prandium:

℞. Mellis Rosati 3 2.

Aquæ farfaræ 3 3. bis item uel ad minus semel in septimana accipiat 3 s. ex infra scripto Electuario:

℞. Zaccari rosati 3 6.

Reubarbari Electi 3 2.

Misce & hoc modo habita bona uictus ratione progredietur usq; ad suum colorem.

Cuidam mulieri in catarrho ad pectus descendente, hæc ordinata.

Confici iussit syrup. ex succo farfaræ, Betonicæ, Capillorum Venetis, liquiritia & scabiosa &c. & hunc exhiberi ita ut post quartum, uel quintum quencq; syrup. acciperet 3 1. Agarici, & ita per uices paulatim attenuet & euacuare conetur, capiti uero inspergat puluerem ex sandaracha, rosis siccis, sandalis, landano, tenuissime puluerizatis omnibus & commixtis, cerata capiti applicari non probat ab exemplo puellæ cuiusdam, quæ in catarrho copiose fluenti ex cerato applicato, quod catarrhum sistebat, per dies aliquot curata uidebatur, ob catarrhū firmatum, sed paulo post ita copiose fluebat ut moretur, subito enim una uice tantum catarrhi defluebat ut suffocaret. Nec cauteria in futura coronali probat. Ersi enim duo adiuti sint, tres, tamen ex ijs mori uidit, neq; amplius uelle se facere dixit.

De angustia pectoris ex catarrho & imbecillitate uentriculi, pro Gallo.

Consilium CXXX.

PUrgetur principio hunc in modum:

℞. Cassiæ 3 12. Postea

℞. Succo Farfaræ

Betonicæ

Saluæ

Violarum

Calendulæ ana

3 6

Purificentur succi, deinde cum saccharo fiat syrupus.

Postea

℞. Huius syrupi

3 2.

Decocti betonicæ

Violarum

Farfaræ

3 3.

Misce pro uno, & sic pro alijs.

Post secundum syrupum mittatur sanguis ex uena communi brachij dextri: id enim & tempus, & morbus, & complexio exigere uidetur. Post exhaustos septem syropos:

Z 2

℞. Floris

IOANNIS BAPTISTAE MONTANI

℞. Floris calisæ	3	10.
Agarici præparati	3	2.

Misce, cum saccharo fiat bolus. Post hanc purgationem uniuersalem habeat pilulas, quibus sæpe utatur, quarum descriptio talis erit :

℞. Agarici præparati	3	3.
Aloës succocitrini	3	4.
Rhabarbari electi	3	2.
Spicz		
Caryophyllorum		
Nucis muscatæ	ana	3 1.

Puluerizentur, & misceantur, & cum syrupo de stoechade fiat magdaleon : de quolibet singulis uicibus fiant pilulæ tres, pondere unius drachmæ, de quibus unam accipias semel in septimana, tribus horis ante coenam. Item

℞. Lachrymæ abietis pinguis	3	2.
-----------------------------	---	----

Inuoluantur in nebula, & deglutiat cum uino semel in septimana, tribus horis ante prandium. Item

℞. Boli Armeni orientalis	3	1.
---------------------------	---	----

Deglutiat bis uel ter in septimana in introitu lecti. Item

℞. Dictamni Cretensis		
Pyrethri		
Piperis	ana	3 1.
Staphisagriz		3 2.
Masticis		3 2.

Puluerizentur omnia, & cum cera pauca fiant trochisci masticandi mane tribus horis ante prandium, masticando eos continue per horam, & expuendo, bis aut ter in septimana. Præterea fiat inunctio narium tali linimento:

℞. Adipis anserini		
Olei amygdalarum amararum	ana	3 1.

Vngat uesperti in introitu lecti partem nasi superiorem, quæ est inter utrumque oculum. Item

℞. Decocti betæ		
Majoranæ	Hotdei	
Betonicæ, quantum sufficit.		
Cum modico zuchari,		

Et hoc actu calidum attrahatur per nares mane antequam egrediatur ædes. Præterea tali brodio uti poterit:

℞. Enulæ campanæ 3 1. dempto medutillio interiori decoquatur in scutella brodij ad consumptionem duarum partium. Deinde facta diligenti expressione, addatur zuchari semuncia, & sumatur actu calidum ter in septimana tribus horis ante prandium. His etiam pilulis utatur :

℞. Succu absinthij		
Liquiritiæ	ana	3 1.

Misce, fiant pilulæ sex, quarumumat unam alternis diebus, una hora ante prandium. Habeat diligentem rationem uictus, & se muniat à frigidiore aëre, & à uentis. Ad æstatis postea initium, purgato corpore modo superius dicto, bibat aquas Apollonitanas.

PRO EODEM.

Consilium CXXXI.



Vm ordinatis non rite usus per hyemem, tere redeunte, in eadem incidit symptomata: catarrhum uidelicet defluentem cum difficultate anhelitus asthmatica. Montanus cassie 3. 12. dedit, postea ordinauit syrup.

℞. Succifarfaræ, Betonice, Saluiz, violarum calendulæ, ana 3 6. Purificentur succi, deinde cum saccharo fiat syrup. postea

℞. Syrupi supra scripti 3 2.

Decocti betonice

Violarum

Farfaræ

3 3.

Misce pro uno & sic pro alijs, post secundum syrupum mittatur sanguis ex uena communi brachij dextri. Id enim & tempus, & morbum, & complexionem exigit dicebat. Postea rursus bolum sequentem.

℞. Floris cassie 3 10.

Agarici præparati 3 2.

Misce cum saccharo fiat bolus. Postea ad Thermas abiit, eas bibit primo, deinde in ista dem lauit, propter Asthma seu pectoris angustiam, post Thermarum potum melius habens aliquanto, Venetias fuerat, ac sibi uictus ratione uarie excedens, cum amicis liberius uiuens, in febriculam incidit, ex qua postea Patauij expirauit.

De rauedine & angustia pectoris.

Consilium CXXXII.

℞. Foliorum farfaræ

Capillorum

Scabiosæ

Ceterach

Violarum recentium

Marrubij

ana

M. 2.

Bulliant in s. q. aquæ cisternæ ad consumptionem mediam, deinde facta diligenti expressione & colatura, syrupifetur cum saccharo ad bonam formam.

Deinde ℞. huius syrupi 3 2. decocti farfaræ, & capillorum uen. 3 3. Misce pro uno & sic pro alijs.

Electuarij len. 3 1. de Sebesten soluti drach. 3. cum saccharo fiat bolus, sumat 5. horis ante prandium. Postea iuit ad Thermas, & cum aquas non excerneret, ideo omittere iussit, & quia rauedo erat ex catarrho ad uentriculum, præscripsit sequens medicamentum: ℞. Balauft. Berbe; Acatiz, Rosarum siccarum, Myrtillorum, Sandaracæ, Tragaganti, Gummi Arab. Mastice ana 3 2. Puluerizentur omnia per se, deinde misceantur, & seruetur puluis pro usu infra scripto. Primo ℞. aquæ plantaginis 3 4. diamoron, mellis rosati ana 3 1. Misce & cum hoc actu frigido, mane ieiuno stomacho, fiat Gargarismus expuendo, postea iterato ter aut quater dicto Gargarismo, accipiat spatula lignea mollis, super qua ponatur puluis prædictus, & illinatur & aspergatur à ministro in uulnam & partes adiacentes, & ita iteretur singulis diebus, Deinde ℞. olei Amygd. recentium, penidiarum ana 3 3. Misce fiat lambituum, de quo sumat singulis diebus, paulatim lambendo sape & parum, uacuo tamen stomacho, ne impediantur coctio.

Item;

Z 3

℞. Maioræ

℞. Maioranae
Myrtillorum
Sandalorum citri
Sandaracæ
Rosarum rubearum
Laudani electi ana

Pulueriscentur omnia per se, deinde misce, fiat pulvis subtilissimus pro capite commisturis.

Purgatio pro catarrho falso cum frigidityte
uentriculi & dolore capitis.

Consilium CXXXIII.

℞. Florum cassiæ 3 12. cum saccharo fiat bolus.
℞. Succii farfaræ
Scabiosæ
Betonicæ
Cetroch recent. ana 3 5.

Purificentur succi, postea syrupiscentur cum saccharo albo. Deinde

℞. huius syrupi 3 3.
Decoctionis infra scriptæ 3 4.

Misce pro uno syrupo, & sic pro alijs usq; ad 7. uel etiam nouem.

℞. Liquiritiæ rasæ 3 3.
Polipodij 3 2.
Capillorum Veneris 2 1.
Betonicæ 2 8.

Decoquantur ista in ℥ 2. aquæ farfaræ, donec remaneant 3 16. Deinde fiat co-
satura, & seruetur decoctum per 4. Syrupos. Postea decoctum repetatur quando
sufficit.

℞. Agarici præparati 3 2.
Floris cassiæ 3 10.

Misce cum zaccharo fiat bolus, sumat post ultimum syrup. in aurora.

℞. Saccari rosati
Violati ana 3 4.

Misce, & sumat una uice 3 s. una hora ante prandium, & una hora ante coenam,
& sub introitum in lectum.

De Asthmate, pro nobili muliere Vicentina.

Consilium CXXXIII.



ISTORIA referente Stephanella: Nobilissima mulier, ætatis uiginti
septem aut uiginti octo annorum, ab ineunte ætate uexatur difficultate
anhelitus, & primum octauo ætatis anno ea laborauit, quo tempore id
fieri putabant propter uermes, & adhibita sunt remedia, quæ tamen mor-
bum cum non ex toto eradicarunt, sed subsequenter temporibus ite-
rum eam inuasit, quia tum menstrua sua nondum habuerat, medici cum uiderent se
eam integre non curare posse, existimauerunt sub aduentum menstruorum malam al-
iam dispositionem mutatum iri, sed id non est factum, uenerunt enim menstrua, sed
nec tempore debito, nec iusta quantitate, quare uiro data est, si forte ex concepto libe-
rorum, & partu malum mitigaretur, & melius haberet, peperit quinq; quatuor
filios, & unam filiam, sed filiorum unus morbo quasi hæreditario mortuus est difficul-
tate

tate anhelitus, nec unquā respirare commodè potuit, mēstrua etiā cum non concessisset latebant interdum, interdū uero alba & foetida effluebant, quōd uidentes medici ante quinquennium eam iterum ex integro purgarunt. Exhibuerunt aquas Theriacales & cauteria etiā in utroq; crure, in ultimo partu malum ingrauescebat magis ita ut pleuritica uideretur, sed tum etiā ope medicorum liberata est, non tamen integre restituta, sed adhuc uexatur aliquando, idē hyeme & tempore frigido & humido, magis quā calido & sicco.

Sequentia D. Montanus: Constat igitur inter nos clarissimi uiri & nobilissimi scholares, uexari hanc dominam difficultate anhelitus, & quidem ea specie, quæ Asthma dicitur: Est autem Asthma ut describit Galen. & Auicenna, cum quis citra febre crebro respirare cogitur, nec nisi erecto thorace spirare potest. Quærendum igitur de natura huius symptomatis uel morbi, ut uocare uolumus, & de causis etiā a quibus omnis indicatio, & recte curandi ratio sumitur. Causæ Asthmatis tres esse possunt Extrinsecæ & intrinsecæ, hæc duplices. Quædam enim intrinsecæ, sunt causæ materiales quæ præstant materiam ac subiectum morbo, quædam uero efficientes. Ita igitur sunt triplices causæ Asthmatis, nunc oportet uidere, quomodo se habeant in generatione huius symptomatis, incipiam ab intrinseca materiali, quia citius agit efficiens aut tardius. Per dispositionem subiecti & materię, in quam agit uidendum utrum hoc corpus sit naturaliter dispositum ad hoc symptoma, an uero propter ualidissimas causas alterantes sit facta mutatio & impressio. Circa subiectum, reuera de dispositione huius corporis, non facile dixerim, quia quandoq; coniecturis remotis progrediendum est, & maxime circa qualitates passiuas, quæ continuo mutantur. Quandoq; coniecturis rationalibus procedendum, quibus facile persuadetur humanus intellectus. Quia tam cito corpit laborare sub annum ætatis 7. uel 8. suspicionem mouet fuisse dispositionem naturalem generandi materiam & causam huius rei, sed quicquid fuerit eo tempore, de præsentibus uideamus. Cum considero uenas amplas potius quā constructas etiā in musculis & uasa latoria, uideo hepar principium eorum esse calidū, à principio ortus fui, hæc enim signa sunt, quæ non mutantur, & sunt ea ex quibus colliguntur qualitates passiuæ, de quibus non facile dixerim. De corde non possum notare, nisi ex amplitudine Arteriarum, quæ permanet, reliqua enim mutantur. De cerebro ex capillis iudicari non potest, quia isti etiā arte mutantur, possunt tamen fuisse à natiuitate nigri. Sed quantum ad principalem constitutionem corporis, quæ nunc est, non quæ fuit olim, credo iam in illa Mag. domina omnia membra conspire ad interperiem frigidam & humidam. Primo enim redundat destillatione humeris pituitosi, mucosi, frigidi & humidī, quod signum est alimentū eius esse tale, quia excrementum eiusmodi, & uirtutem debilem esse, quæ non concoquat alimentum proprium, quia est multitudo excrementorum, uentriculus pituita abundat, quod apparet ex rugitibus & flatibus, de quibus præcipue queritur hæc Mag. domina, quod occupent totum uentrem, ita ut uideantur interdum occasionem præbere Asthmati, & ex illis orti difficultas hæc anhelitus, sunt & alię coniecturæ uentriculū abundare pituita, sed satis est singulorum unam dare rationem. Hepar sine dubio nunc frig. & humid. (olim calidū fuisse dixi) quia sanguinē pituitosum & flatuosum generat. His ita se habentibus cor consecutue frigidum & humidū est (intelligendo has constitutiones secundum naturam propriam membrorum, & referendo eas comparisone ad eadem membra naturaliter se habentia, nam cor etiā frigidū, ut esse potest, calidius tamen est hepate quouis) & dico consecutue, quia stante frigiditate & humiditate sanguinis, ex eo nutrimento etiā spiritus generantur frigidiores. Nam ut & Gal. testatur. Qualis sanguis est tales sunt etiā spiritus, & quia nutrimentum cordis frigidum, cor etiā consecutue se ipso frigidius redditur. Atque ita totum corpus est lapsū ad frigidam & humidam temperaturam. Deutero quia hepar calidū à principio fuit, & Renes & uterum tales fuisse puto, quod si is etiā nunc patitur, sit illud consecutue & fortassis minus patitur uterus, quā omnia reliqua membra, quia officium suum

recte facit, recte concipit & etiam parit masculos, sic disposito corpore non dubium est, quin sit facilis lapsus ad Asthma, qui morbus frigidus est, & rarissime aliter fit, nisi uel a materia frigida, uel qualitate cum materia mixta: Ergo causae dispositivae similes in hoc corpore, & facilis fuit impressio, cum praesertim statim in prima iuventute eam inuaserit, necesse est dispositionem similem & ad hunc morbum aptam fuisse, patitur ergo quia ad eum est disposita. Accesserunt causae extrinsecae, quae in bene preparato corpore multū faciunt, & id alterant uarijs modis pro dispositione corporis, tunc iuuenis comedit fructus omnis generis & peccauit in reliquis causis alterantibus, sicut & hodie peccat circa easdem. Hinc factae causae corporeae intrinsecae in corpore preparato uidelicet materia frigida multiplicata est & excrementosa in singulis membris, donec tandem coepit laborare praecipue ex capite, & in uentriculo sentiret rugitus, postea cum apparerent menstrua, talia erant quales humores in uenis, uidelicet materia pituitosa & menstrua alba corrupta, item & foetida, quia cum sanguis ille sit crassius & uiscosus ut uix transire per uenas possit, corrumpitur propter moram in loco angusto & calido, ita putrescit ac foetet: eliq; uariorum colorum pro diuersitate putredinis (ut obiter etiam aliquid dicamus de mensuris illis) Hae ergo sunt causae efficientes, quae postea materia proxima efficiuntur, pituita uidelicet, ampliore eam significato intelligendo, non pro ea quae in uentriculo tantum, sed etiam alibi per totum corpus & maxime in cerebro generatur. Humor ergo pituitosus & flatus sunt causae intrinsecae & corporeae. Sed quia difficultas anhelitus potest fieri ex tribus causis quas *explicauimus* uocat Galenus de causis pulsū, item de difficultate spirandi & de causis anhelitus; ex uirtutis debilitate, ex aucta necessitate, ex corrupto instrumento, uidendum quae nam sit causa difficultatis anhelitus in hac Mag. domina. Credo autem hic omnia tria impediri, quod uidelicet ipsa uirtus, propter aggrauationem humorum proflernatur, ut dicit Galenus de plenitudine & de missione sanguinis, ubi non uult mitti sanguinem, quando in corpore est multum pituita: propterea quod uirtus aggrauata sit debilis. Augetur etiam necessitas non quia est materia frigida, sed quia ipsa in bronchijs continetur, eosq; obstruit, ut impediat liberum transitum spirituum; atq; ita coarctatur calor circa cor, & propterea fit maior necessitas euentandi. Tertia causa: Instrumentum, etiam non potest libere dilatari quia oppletur pituita & obstruitur. Est igitur impedimentum in omnibus tribus his, & non tantum unum instrumentum impeditur, sed praeter bronchos diaphragma etiam comprocunetur propter flatum in uentriculo. Porro ex solius diaphragmatis compressione fieri interdum difficultatem anhelitus, etiam testatur Galen. Ideo de hoc flatu haec Mag. domina praecipue queritur. Apparet hinc etiam in quo loco sit materia faciens difficultatem anhelitus, partim in bronchijs, partim in uentriculo, ubi flatuatur & facit difficultatem anhelitus. An modo ibi sit per consensum an per essentiam? Apparet ex ipsa re pulmonem pati praecipue per defluxū, quia quoties patitur haec nobilissima domina Asthma, semper praecedat dolor capitis frigidus, & percipit destillationem quandam a capite defluentem, cuius signum est, quod occupet bronchos, quia percipit sonitū quandam, quando spiritus transit bronchos, ut quasi rauca sit, & cum seipso loquatur, & in causa est maxime postea uentriculus ex magna parte, qui mittit materiam ad caput, & facit uisum illum circuitum, de quo toties audiuius. Hinc igitur apparet natura morbi, quae eius causae, quod habeat omnes dispositiones procatacricas etiam perseverantes & efficientes magnas, ac materiam pituitosam, ex capite & uentriculo, & locus etiam, uidelicet in bronchijs praecipue & uentriculo.

PROGNOSTICVM. Quia naturalis dispositio talis est, & coniungitur etiam tot causis, uix poterit integre sanari. Quia autem membra mandantia mandare consueuerunt, & recipientia recipere, sit quasi habitus, qui ut scitis, difficulter a subiecto remoueri potest, & uix propter continuum defluxum etiam dilatantur & debilitantur, sicut & Galenus inquit superfluas euacuationes facere ulcera, quia dilatant uias & faciunt aptas ad omnes defluxiones, ideo difficilimum erit, tollere habitum, cum praesertim

hunc fit in florida ætate & ipsa ^{ætas} ante quam si non solvantur catarrhi non facile possent curantur in decrefcente ætate, habebit igitur in toto tempore uitæ suæ, sed secundum maius & minus, prout uolet obedire medicis, si considerabit suam ægritudinem, & erit temperans, patietur accidentia leuiora, quia non tollitur materia qualiscumque sit, membra etiam ad fluxionem habituata, tollitur fluxio, ut dicit Auicenna de podagra & optime.

C V R A, materia igitur tollenda, intercipienda & auertenda, quæ tolli non potest, & corroborentur membra principaliter mandantia & recipientia quantum est possibile, fiant euacuationes consuetae & uniuersales bis in anno, uere & autumnio exquisita, idq; continuetur. Nam Galenus de Phlebotomia, dicit se multos ex Asthmate & Epilepsia liberaſſe, ſolis purgationibus uernis temporibus, poſt etiam certis interuallis, habeat euacuationes ſuas leuiores familiares, quas etiam ſi infamare uidetur Galenus 3. Aphoriſ. tamen in talibus morbis magnis neceſſarias & utiles comperimus, & fortasſe non id uult Galenus: dicta enim talium uirorum diligenter inſpicienda, & recte interpretanda ſunt. Accepit heri lenitiuum ex caſſia, dentur modo ſyrupi ex betonica & oxymellite ana 3 1. addantur aquæ deſtillatæ, ſed quia materia frigida & ſlegmatica, malim decoctum ex cichoreo & Endiuia 3 3. euacuetur poſtea cum conſeſſione Hamech, uel pillulis cochijs, uel etiam fortiſſimis ſi uideantur neceſſe. Poſtea bibat aquam Thermarum, quæ ſupplebunt euacuationem, & membra etiam confortabunt; Siſſilicidium ſi adhibere uult, ſit leue, & fiat non niſi bene euacuato corpore, cum maſſicatorijs, caputpurgijs, non tamen gargarismiſ. Pro diuerſione poſtea, quia habet fontanellas in utroq; crure, fieri etiam poſſunt in brachijs, ſed ego magis laudarem, ſi fierent continuo uelicatoria ad uerticem capitis, quibus ego multos curauim ab eiufmodi fluxionibus & catarrhis. Pro confortatione membrorum utatur exquisita diæta, abſtineat à crudis & fructibus, ſumat ſæpe ſaccarum roſat. & theriacam interdum, habeat & pillulas in uſu, quæ aſſidue euacuent materiam, in quibus contentus eſſem hiera & aloe, à fortiſſimis cauere & præcipue ab Agarico, lædit enim uentriculum, & auget fluxiones, trahendo à ſuperficie, & circumferentia ad centrum, unum bibat album & pauciferum, in quo decocta ſint Betonica, Saluia, & Roſmarinus.

Additio. Cuſdam alteri Aſthmatico dedit Caſſiam cum Hiera, poſt ſyrupos de Betonica & Liquirit. cum decocto Enulæ & hyſopi, Tertio purgauit cum Caſſia & Agari. Quarto miſit ut biberet Thermas Aponitanas, & ultimis ſex diebus in iſdem nataret.

In paroxyſmo Aſthmatico.

Sumperat mane caſſiam, & tamen in paroxyſmo, qui ueſperi ſemper affligebat erat, loqui non poterat, ægre anhclabat, & cum tuſſi multum expuebat.

MONTANVS tres eſſe intentiones dicebat, quarum prima eſt Diuerſio, eam fieri uolebat per clyſtera, & quidem eo ueſperi dari clyſtere, ex decoctione comuni, cum 3 4. oxymellis, & 3 2. mellis roſat. Secunda, Dilatio peſtoris, quam uoluit fieri cum oleo Amygdalarum dulcium, id continuo paulatim lambendo, & recitabat hiſtoriam de quodam domeſtico ſui patris, qui ſemper cum ſentiret uenturum paroxyſmum aſthmaticum, bibebat hauſtum olei ſimplicis, & ſanabatur. Tertia, ſi catarrhus deſcendat à capite, cum intercipere, id ſe non ſentire aiebat, ſequenti tamen die pro euacuatione materiæ pituitosæ, uoluit, ſiquidem conſtaret uirtus, exhiberi ſequentem bolum.

℞. Agarici troſcati	3	1. s.
Caſſiæ	3	1. Miſce fiat bolus.
Vel ℞. Agarici troſcati	3	2.
Syrupi uiolati ſolutiui	3	4.

Miſce fiat potus, cibis ſit puſana, quo minus nutritur eo melius, potus oxymel & cum decocto Beth. in capil. Veneris quæ ſunt herbæ peſtorales.

Monacho cuidam Asthmatico.

Ordinato uictu conuenienti, prout posset, prohibitis pifeibus, leguminibus, bulbis, frictis &c. praefcribebat electuarium sic confectum: Accipiat radices Enulae, easq; contundat exemptis filis contusioni repugnantibus. Adijciat postea contusae tantundem faccari, & tantundem Terebinth. Laricinae, utatur mane tribus horis ante prandium & noctu ante coenam, praeter id semel uel bis in mense utatur uesperis 3 1. 4. Agarici in pillu. coq; sero parce coenet.

De catarrho ad pulmonem descendente, cum febris hectica, & suspicionem Phisus.

Consilium CXXXV.



Lariss. D. Doctor, ut per compendia agamus, dicam quae uidi & audiui ex historia. Deinde quid sentiam de causis morborum & curatione, illa quae sunt nota uestrae excellentiae aequae quam mihi, recitabo breuiter. No-
uit, quod tam longo tempore fuit in carcere saeuissimo, in quo & circa corpus, & circa animum uarie affectus est, & praeter haec contigerunt ma-
iora dispendia, habuit (sicut solent in hac aetate iuuenes) rem cum muliere infecta, &
contagium accepit, post quod in infortunium longe maius incidit in medicum imper-
ritum, qui suos illi syropos ex calchanto seu uitriolo exhibuit, quos ubi accepit, in gra-
uissimum sputum sanguinis incidit, quod maxime est animaduertendum, & in catar-
rhum, & licet aliquanto opera illius medici inceptis a sputo sanguinis melius habere,
a descensu tamen uel potius excretionem catarrhi illius putrefacti, nunquam est libera-
tus. Eo tempore quo primum eum ceppi uidere, uocatus ad eum in carcerem, reperi
eum cum catarrho, & febris putrida, medicus curabat eum (respiciens ad sputum san-
guinis) adstringentibus & exiccantibus, ut iam tamen meo iudicio inciperet tabesce-
re, & incidere in febrim intensiorem, quam obrem iussi illa dimittere, & adhibere me-
liorem rationem uictus, & postea uidebatur melius habere, aderat tamen febris putri-
da propter obstructions, quas non poteram ita subito remouere, ut integrè libera-
rem eum, nam bis uel ter tantum eum inuissere poteram, idq; casu, ut subito huc redire
cogerer. Admonebam tamen, ut uel huc accederet, uel alium medicum sibi quaereret,
uerum ipse dum quotidie se liberatum iri credit, neutrum fecit, sed subinde deterius
habuit ex mala ratione uictus, & mala applicatione medicamentorum, quae etiam si
sint optima, non tamen sunt medicamenta, nisi adhibeantur non solum quantitate des-
bita, sed tempore etiam & loco conueniente, ubi & quando oportet. Nihil horum fa-
ctum, quia nemo neq; tempus, neq; modum, neq; quantitatem ordinauit, omnia con-
fusa ad ministrata sunt, ita ut balnea etiam, quae ad humectandum corpus post febrim,
& exiccationem factam, ordinaueram, non recte exhibita sint, subito postea exposuit
se aëri, & frigora perpeffus est, post quae in catarrhum incidit longe grauiorem, sicut
fit etiam in senibus, ut si ex locis calidioribus, uel balneis subito egrediantur in aërem
frigidiorum, aut se exponant uento, semel atq; iterum, ut corripiantur a catarrho. Dum
igitur sua quadam calamitate (breuiter enim ea cum ante iam sint nota uestrae excel-
lentiae, sufficit tangere) in carcere uarie est afflictus corpore & animo, incidit in mor-
bos grauissimos, a quibus pessime curatus, tandem uenit ad praesentem dispositionem
deterioram, secundum omnem considerationem. Tria enim membra praecipua seu
loca principalia affecta sunt ualde, ut non possint amplius uel ulterius laedi, animalis fa-
cultas plane prostrata, ita ut non possit se amplius mouere aut erigere, cogniti iacere
propter uirtutem uoluntarie mortuam extreme debilitatam, uirtus etiam intrinseca ce-
rebralis laesa est, non amplius conficit alimentum proprium, nec excernit ex-
crementa, quae multiplicata locum magis debilitant, & faciunt ut plurima etiam excre-
menta

mentia ab alijs membris eo deferantur, quæ cū nec diffidentur à uirtute, nec concoquantur, perpetuo descendit catarrhus, & ad pessimum locum descendit, ad pectus scilicet & pulmones: qui enim per nares descendit, facilius curatur, qui ad fauces, medio loco se habet, qui ad pulmones, pessimus est, quia inuenit uias communes & latas, & cum ad pectus peruenit, tussim excitat perpetuam, & quia est in loco calidore, facillime putrescit: ideo etiam hic expuitur materia putrida & saniosa. In corde, non dico in humoribus aut spiritibus, sed in ipsa cordis substantia intemperies est calida & sicca, habemus enim hecticam febrem in habitu, quæ est quando cordis substantia patitur intemperiem calidam & siccam, ideo pessime dispositum est, quia calor naturalis & spiritus non possunt esse boni, cum cor, quod est fundamentum & principium caloris innati est supercalefactum, & tabescit ob intemperiem intense calidam & siccam. Hepar etiam & membra naturalia male affecta, non concoquunt alimentum, nec expellunt excrementa, ideo abundant materia putrida, quia plurima excrementa generantur tam in prima quam secunda coctione, hepar loco sanguinis bilem generat, uentriculus loco chyli pituitam: hanc ob causam excrementa foetida sunt & putrent, nec alitur corpus, sed tabescit, & fit siccitas illa in membris solidis, & est ætioria ob defectum alimentum idonei, & imbecillitatem uirtutis naturalis, ita à capite usque ad pedes, non est inuenta in eo sanitas, & cum architectus sit deficiens, secundum omnem partem corporis, quid nos agemus? Sed accessit aliud: si catarrhus solus descenderet ad pectus & uentriculum, & esset imbecillitas tanta omnium uirtutum, adhuc superesset spes aliqua, sed accedunt duo alia grauissima: ista febris hectica uidetur excedere gradum, qui curari possit, uidetur excicare omnis humiditas nutriend, & hectica iam inuasisse ipsum Glutinem, ut uocat Auicenna, & membra solida, quod apparet ex caliditate & ariditate cutis, item quod uidetur sicuti puluis apparens supra carnem, & cū fuerit musculosus & pinguis, beneque compactæ carnis, nunc omnia sunt absumpta, & uix ossibus hæret. Accedit aliud horrendum proorsus: habemus plura indicia, non tantum putrescere catarrhum in pectore, sed adesse ulcus ipsius pulmonis, idque ex pluribus suspicionibus metuo, primo certi sumus, quod accepit illos syrupos cum uitriolo, cuius proprium est erodendo interficere, & uidimus alios qui ab eodem syrupos istos acceperunt, & subito inciderunt in tabem. Secundo aliud signum est longe firmitus, subito post exhibitionem syruporum, incidit in spurum sanguinis, quia facta est artrosio in uenis & ulcus. Tercio quedam spuma ita foetida & purulenta sunt, ut moueant maximam suspicionem ulceris, sed non habeo id pro comperto, non enim sunt demonstrationes, sed coniecturæ rationales, quæ faciunt suspensionem: non tamen affirmo id, de quo non sum certus, utinam non sit, sed dubito ne adsit. Hic est casus, qui breuiter recitari potest, sed non tam cito curari.

DE PROGNOSTICO, quomodo possum prognosticare bonum, ubi nullum est bonum, & uirtutes regitiuæ omnia cerrupte faciant. Medicus minister nature est, quæ non hic concoquit cibum, quomodo igitur dirigeret instrumenta medici, & medicinas? Hoc signum maximū non posse curari, quia natura non diriget propter uirtutem mortuam, frustranea igitur erit omnis operatio, sed quia agros amicos nostros, & uita dignos uiros non debemus relinquere, dicam quid facerem, si forte inueniretur uia curandi, quia Deus etiam in difficillimis inuenitur, & nos non possumus exquirere scire gradum morbi, cum non certo agnoscamus temperaturam, ut Gal. libro tertio meth. ait se, si temperaturam exakte nōder, fore ceu Aesculapium quendam, fortassis morbus erit in eo termino, quem nos non suspicamur, cum & Hippocrates dicat, non esse certas prædictiones in acutis de salute & morte, quod uaria in ijs præter spem contingere possint, non igitur est derelinquendus.

CVRA. Sed quæ uelis remedia adhiberi? Natura morbi indicat, quid agendum: membra debilia, oportet ut confortentur, & quoquo modo id fieri possit, & quia repleta pessimis humoribus, illi prius euacuandi: cerebrū destituit perpetuo, est igitur euacuandum & confortandum. Euacuandum cū his, quæ diuertunt ab opposito, & trahunt extra cutē, hoc faciendum cū his quæ possunt inducere uellicas, in quibus ita cōsidit Gal. in 5. method,

metho, ut his solis catarrhos grauissimos posse curari affirmet, quia duo faciunt, quibus maxime indigemus ad nostrum propositum: euacuant extrahendo, & calefaciunt cerebrum, ut melius possit concoquere alimentum proprium, & excernere excrementa, sed quia hic iuuenis male fortunatus, aduerso fato regitur, usus est pessimo instrumento, idēq; multo peius applicauit, excitauit enim uescas, & permisit iterum exiccari. Et ita repetebat uescas aliquoties, nec tamen ut oportebat, quia non habuit medicum qui dirigebat actiones, sed erat potius in manibus carnificis quam medici. An modo iterum sit tentandum? Mihi clarissime Doctor gratissimum foret, esse uescas per totum caput, sed timeo omnia instrumenta in corpore hoc tam sicco, uelim adesse uescas, sed in hac caliditate & ariditate totius corporis, metuo, ne si uescatoria adhibeantur, plus iusto calefaciant & exiccent caput, & inde sequerentur uigilia nimia, maxime si cantharidum puluere uteremur, posset mingere copiosius, id quod antea ei euenit, ut post adhibitum puluerem cantharidum minxerit tota die ac nocte, quantum autem exiccet copiosus mictus, notū est, ideo relinquerē caustica & uescatoria, & facerem aliud: lauarem caput lixiuio diuertente hoc modo: ponerem Agarici notabilem portionem, cum rosā & camomilla, in lixiuio non forti, sed dulci ex ligno salicum, ita ut in singulis lotionibus essent ad minus drach. 2. Agarici fortissime & diligentissime expressi, expurgaret, exiccaret & corroboraret cerebrum & ipsum uentriculum, ut testatur Dioscorid. in capite de Agarico, hoc igitur uteretur, quia non licet uti uescatorijs. Postea ex puluere sandaracae cum rosā & lignis iuniperi contritis cum stoeade, & maiorana, fiat puluis minutus, qui spargatur per totum caput, hæc pro corroboratione & euacuatione capitis. Ad hæc decoquerem camomillam, maioranam, & Agaricum in aqua, nō lixiuio, & attraheret per nares. Post de membris naturalibus maximam rationem habebrem pro rectificatione hepatis & uentriculi sine exiccatione, ut docet Galenus 7. method. de cura tabidorum, ubi dicit: non esse utendum exiccantibus, quia augmentisfectum, conarere redigere ea ad suam temperiem remouendo caliditatem igneam: igitur quotidie his in die ante prandium & cenam utatur § 1. Zucchari rosati cum boraginato & uiolato, sic enim esset moderatissimū in qualitatibus passiuis, & potius ad humiditatem declinaret, in actiuis caliditatem remissam haberet: imō esset frigidum totum, rosæ frigidae & siccae in primo gradu, uiolæ frigidae & humidæ, in secundo gradu, Borago temperate refrigeraret & altringeret leniter, ideo summopere conueniret in hoc casu, sed darem in notabili quantitate § 4. singulis diebus ante prandium & post prandium, ante cenam, post cenam, nutrirer enim & corroboraret, & id quod ante cibum sumeretur ad hepar, quod post cibum ad uentriculum conduceret, exterius emplastrum adhiberem, quale præcipit Galenus *ῥῶνι & ῥῶ τῶνι* ex rebus familiaribus & nutrientibus, quæ ualde corroborarent, quia facile recipiuntur à uirtute, uter hoc, cuius uim mirabilem sepe sum expertus in multis casibus. Acciperem carnes dactylorum & citoniorū cum pane assato, uel farina hordei decoquerem in uino Aromatico, & contunderem, postea miscerem oleum Amygdala. dulcium, & conficerem ita emplastrum, quod deinde semper cum applicarem, miscerem cum duobus uitellis ouorum, & apponerem diligenter in forma emplastri omnibus membris naturalibus, idēq; cum exaruisse, semper renouarem pro toto corpore humectando, quia balneis aquæ dulcis, in quibus plurimum considerem, non amplius possumus uti propter debilitatem, acciperem medullam cruris utuli, cum oleo amygd. dulcium, & uino pauca sero permixtam, & cum hoc leniter fricaret totum corpus, ut excitarem calorem in membris, & non resolverem, posset addi etiam ijs oleum uiolarum pro refrigeratione, si timeres nimiam calefactionem. Cor maxime affectum est, quare uellem, ut ipsum etiam haberet fomentum, acciperem unguentum rosatum, Mesue recens, & ponerem circa cor, ut continuo refrigeraretur, & hæc ad confortationem & alterationem membrorum. Pro euacuatione: Video ventrem fluere, & dicit Galenus, quod nolit dare medicamentum, quum sponte alius fluit, etiam si is fluxus non satisfaciat intento medici, propterea, quia timendus sit casus uirtutis. Id præceptum si usquam alibi, in hoc certe

certe nostro casu maxime verificatur, ideo non uteretur aliqua euacuatione, præsertim in tabescente & extreme debilitato. In uictu uteretur optime nutrientibus, pitinam hordeaceam nunquam omitterem, si non acresceret in uentriculo, darem mane & sero, & coquerem in prodio pulli, ouis forsislibus cibarem, & alijs humectantibus, uinum autem sit non nimis dulce, propter fluxum alui, clarum & limpidum, medium inter album & nigrum: nigrum enim omnino non placet, album uero prouocat urinam, & non bene nutrit, habeat medium, non asperum nec acidum, sed subdulce, in quo res misse superet dulcedo, talia uina reperiuntur Vicentiz. Hæc in ratione uictus & medicamentis facerem circa hunc ægrum, & ita dictum est, quid sentiam de causis morborum huius iuuenis, & etiam de ratione curandi.

Sermo Phrysimeliæ abbreviatus. Ego breuiter suppono, quod tot annis fuit in carcere difficili & pessimo, unde in catarrhum incidit & febrim putridam, quæ nunc tandem declinat ad tabem, suppono temperaturam calidam & siccam, nam in præsentibus duo sunt considerata, febris fixa & forte hectica, catarrhus à capite defluens ad pulmones, qui facit suspicionem de ulcere. Esse febrim hecticam, ostendit totus habitus corporis, cutis & pulueres per carnes sparsi & alia, prouenit autem ex febre putrida, quæ diu durauit, & quidem in carcere sputum etiam sanguinis, & catarrhus etiam tam diuturnus plurimum exiccant, catarrhus ortus est ex carcere deterrimo, & loco in quo fuit calido & humido mala administratione & usu balnearum, mala uiuendi ratione, quem & restrictio à medico facta auxit. Est autem catarrhus nec saluus nec acris, sed insipidus, sed deterius cæteris est, quod eum iudico pati ulcus in pulmonibus, quod apparet ex his quæ efficiuntur, quæ saniosa sunt, foetida & putrida, & uisimus guttulas aliquot sanguinis his diebus (quanquam hæc à naribus defluere possint, quia præcessit fluxus sanguinis narium his diebus) accedit potus uitrioli, quem ipse Galenus improbat, patitur circa omnes partes, ad regionem hepatis sunt obstructions, fæces quotidie deteriores, & urinæ sunt nigrae magis, ut satis appareat omnia membra naturalia pessime affecta.

PROGNOSTICVM. Statim primo die suspicatus sum adesse hecticam & phthisim, ac plane pro desperato habeo, non tamen relinquendus.

CVRA, indigemus duobus, humectare membra exiccata, & exiccare catarrhum seu remouere, balnea in remouenda siccitate excellentissimum remedium, uesicatoria educerent catarrhum, & exiccarent, lac asini bonum pro humectatione, sed nunc nihil horum exhiberi potest. Pro catarrho: Caput alterarem & leniter calefacerem, laudo lotionem institutam, & pulueres ex sandaraca, exiccant enim & prohibebunt defluxum catarrhi, sed uelim prius adhiberi caputpurgia, quæ nec calefaciunt, nec exiccant, sed educunt materiam contentam in capite, qua non euacuata non poterit alterari caput: post poterunt adhiberi lotiones, & admisceri reliquis hordeii, quod frigidum est & exiccat, pro membris naturalibus laudo faccarum rosatum, & exhibui etiam ante aduentum excellentiæ uestrae mane cum syrupis, emplastrum laudo, & sæpe eo utor. Pro humectatione totum corpus inungatur oleo amygdalarum dulcium, potest adiungi medulla carnis uituli, si uultis addere uinum, sit modicum & paucissimum, ne exiccet. Victus sit frigidus & humidus, pitinam in iure pulli cocta, feci ferculum ex carne pullorum cum pineis, propter lubricitatem uentris, potest admisceri faccaro rosato, aliquid boli Armeni, aut terræ Lemniæ: pro tutela pulmonis, & perpetuo haberet, quod descenderet ad pulmones. mane pro syrupo darem decoctum farfaræ, in quo confido, roboraret & abstergeret, quia timeo ulcus.

MONTANVS uoluit bolum Armenum quantitate ciceris solum esse exhibendum. Nec uoluit, ut semper aliquid teneret in ore quod descenderet, quia impedit concoctionem. Decocto etiam farfaræ iussit addi capillum ueneris.

Post habitum collegium, hæc illi sunt præscripta.

℞. Florum camomillæ	M	1.
Hordei	P	1.
Maïoranzæ	M	2.

Decoquantur omnia in s. q. aquæ uolarum ad consumptionem medietatis, deinde facta diligenti expresseione, addatur saccari opt. ʒ. s. & seruetur pro caput purgio.

Item: ℞. Medullæ cruris uituli	ʒ	2.
Olei amygdalarum dulcium recentium.		
Violarum ana	ʒ	1.

Cum modico uino paucifero, misce pro confortatione totius corporis. Item

℞. Carnis citoniorum decoctorum in uino austero	ʒ	4.
Carnis dactylorum	ʒ	3.
Passularum	ʒ	4.
Farinæ hordei	ʒ	3.
Olei amygdalarum dulcium	ʒ	3.

Misce omnia, & cum uino decoctionis citoniorum fiat emplastrum.

Item: ℞. Boli Armeni Orientalis ʒ 1. diuidatur in partes 6. detur una sub introitum lecti.

℞. Farfare	M	2.
Detur eius decoctum, uel mane pro syrupo, uel ante prandium cum saccato rosato.		
℞. Saccari rosati		
Violati		
Boragnei ana	ʒ	4.

Detur ut supra dictum &c. Sequenti die, quia phthisicum certo credebat, ac eius anhelitum & sputa inficere & astantes, & qui eum uisitarant, præsertim ieiuno uentriculo, ordinauit primo ne ad parietes, uel in camera usquam expueret, sed in sua uasa, quæ subito extra cubiculum delata purgarentur. Secundo, ut quotidie mane euen taretur & purgaretur cubiculum. Tertio, ut fierent suffumigia odorata.

℞. Aquæ rosatæ partes duas		
Aceti optimi partem unam		
Pulueris Sandaracæ		
Caryophyllorum ana.		

Bulliant continuo ad lentum ignem in cubiculo faciunt odorem gratissimum amabilem, & in contagiosis morbis ac peste optimum, tandem mortuus est. Vfus erat cauterijs, quæ nihil profecerant, nec uelicatoria uoluit admittere, præscripsit igitur sequentia.

In catarrho ordinata nobili Veronensi.

Fiat lixiuum forte in quo decoquatur Agaricus, quò lauatur caput semel uel bis etiam in septimana, diebus deinde medijs aspergatur puluere ex sandaraca, rosæ & agarico facto, per nares attrahat decoctum iridis, maïoranzæ, Arantiorum, & fiant fontanell. in brachijs per transversum, & in cruribus per directum diuertentes, ut quæ non profunt singula multa iuuent, & saltem aliquid diuertatur. Pro muniendo pulmone omni nocte ante ingressum lecti, accipiat granum boli Armeni quantitate ciceris, semper ante cibum & post cibum accipiat ʒ 1. saccari rosati, cuius usum Auic. & ego aliquando expertus sum Venetijs in quodâ, cui exhibui etiam usq. ad ʒ. 1. s. in die adeo ut non reperiretur sacca, ros. Venetijs, & curauit eum a catarrho deterrimo, singulis diebus utatur ʒ 1. mithridatijs. Sequenti die cum de uelicatorijs & cauterijs loquerer,

dixit se

dixit se in catarrhis abhorrere à cauterijs capiti adhibendis, etiam si uiderit magnos in ijs effectus, tamen raro commode fieri, & ut bene fiant, magnum semper adesse periculum, & se Venetijs puellam iuuenem, & Parauij etiam scholarem adolescentem, utrumque in catarrho non desperato, post cauteria facta, misere mortuum uidisse, cum tamē ab excellentissimo Chirurgo & sine dolore fierēt, eiusque causam allegabat fibras illas duræ matris transeuntes meatus cranei, & alligantes cerebrum cum neruis commixtis, qui sunt sensibiles ualde, & facta aduisione in cauterio ad os usque illæ partes facile læduntur, ad quod sequuntur spasmi. præterea sunt quedam capita, quæ futuras habent ualde largas, per quarum commissuras maiores etiam duræ matris portiones transeunt, quæ eo facilius læduntur: si tamen bene fiant & non lædantur aut adurantur nerui aliqui, ualde profunt, sed est magnum periculum, & propterea Galenus in tota cura catarrhi nunquam dignatur nominare cauteria, sed tantum uescicatorijs utitur. Arabes tandem (qui sua omnia habent ex Galeno) cum uiderent uescicatorijs non proficere. Nam ea quæ recitat Galenus de stercore columbino, & alia non sufficiebant illis, ad effectus quos laudat Gale. & cantharides adhibita essent, modestiores propter urinationes copiosas, ideo ad cauteria transierunt, relinquentes uescicatoria, erant enim ignari Anatomix, ut quæ lege apud illos prohibita erat, & eam quam sciunt, uideatis fragmenta esse ex Gale. collecta, ideo hæc non ita considerabant.

Complementum pro Veronensi.

Factus est deinde Empyematicus, accessit in fine Ianuarij. N. cum Montano, qui nihil consuluit, cū uideret eum extreme laborare, loquebatur tamen de tinna aquæ dulcis, & inunctione ex amygdalarum dulcium oleo, quod dicebat optimum remedium in omni catarrho, & maxime in hoc casu, deinde post balneum exhiberi lac dulce recens multum, idque optimum remedium affirmabat, si præsertim stuba fieret in qua laueret, ne externum frigus subito post balneum occupans ei noceret, possunt coqui in aqua, folia maluæ, uiolarum, salicum, sed parum spei supererat, quod magna laboraret difficultate anhelitus, cum insigni debilitate uirtutis. Mortuus est tandem in medio Februarij.

Lac asini in catarrhis datur, uel ob falsedinem, uel ut nutriat. Remouet enim falsedinem. Et cum à uentriculo bene concoquitur, humectat & nutrit corpus.

Ordinata cuidam scholari in catarrho non nimis maligno.

Singulis diebus uoluit ut biberet prodium pulli mane loco syrupi, uel prodium carnis de uitello, in quo decoquerentur Beticæ Bosæ, Marrubij ana M. i. deinde singulo triduo uoluit ut acciperet unam cannam calsiæ listulæ, & ex ea succum comederet tribus horis ante cibum, quia aperit, diuertit, & humectat. Erat enim temperaturæ siccioris, omni die præterea sumet faccari rosati 3 s. immediate ante cibum, nisi ea die accepit cassiam, uinum bibat album, tenue, comedat pullos, carnem uitulinam, far bene coctum, panem in prodio, salatam
ex lactuca, endiuiâ, boragine, capparibus,
abstineat à nimio studio.

De catarrho, cum empyemate, hectica, & multis
alijs symptomatibus coniuncto.

Consilium CXXXVI.



Postquam diligentissime audiui historiam casus nobilissimæ Domine, quæ iam decem menses laborat, considerabo præcipua. Patitur tres dispositiones præcipuas, à quibus multa symptomata consequuntur. Principalia sunt, primò catarrhus: secundo mala compositio in membris naturalibus omnibus, & extenuatio insignis: serè est sine musculis, intestina continguntur à cute. Præter hanc gracilitatem habet & insignem tensionem, ut non tantum patiatur, ita dolor est & ægritudo ipsa. Catarrhus proprie in se non est ægritudo, sed in genere fluxus, est actio læsa: tamen quia curatur, principaliter ingreditur curam morbi. 12. therap. Quandoq; symptomata trahunt ad se curationem, & habent rationem causæ, & curantur ut morbi, & faciunt indicationes separatas ut morbi. Est ergo primo catarrhus, secundo mala compositio. Tertia ægritudo est febris, quæ est de genere continuarum, licet habeat paroxysmos. Consequuntur fluor alui, præfocatio uteri: macies consequitur ad quemlibet istorum morborum, est accidens quod non trahit curam ad se. Incipiat à catarrho, secundo à mala compositione, & tertio de complexione mala, id est, febre. Vtrum hi morbi se habeant ita, ut unusquisq; proprias habeat causas, & an uno remote remoueantur omnia? 7. Aphor. Aliquando febres non sunt morbi per se, sed accidentia aliorum morborum. quandoq; negliguntur febres, & curantur ægritudines principales, à quibus dependent, ut facimus in pleuritis de, ubi tota cura est ad inflammationem. Vtrum hoc modo sint hæc? Dicam prius de catarrho, neglecta febre, qui generatur in capite. Queritur, utrum læsio sit in capite primogenio affectu, an sit læsio per consensum? uel, utrum sit in cerebro nocuentum, ratione cuius sit inductus catarrhus? Naturaliter habuit cerebrum calidum & siccum, ut patet ex nigredine capillorum, crassitie, nobilitate omnium operationum: prompta fuit in actionibus, ista promptitudo indicat caliditatem eius partis, in qua est principium motus. Vnde uidetur calidum esse cerebrum, non expuit, nihil ex naribus profluit. Nam ex calido & sicco cõcoquitur bene alimentum. Secundo, tale cerebrum est potens in dissilando: tertio, aperit uias & meatus, ut fiat facilis effusio & euaporatio excrementorum. Incidit in catarrhum, cum habeat cerebrum, quod in sua natura non erat dispositum. Vnde est colligendum, quod ad contrarium maxima facta est permutatio. Non possum persuaderi quòd producta fuerit intemperies frigida & humida, cum prius calidum & siccum cerebrum fuerit, cum manserit in sole & sulphure: utebatur calefacientibus, quæ non possunt inducere intemperiem frigidam & humidam. calidum quidem resoluit humidum, in quo est caliditas, & fit frigiditas: ut in cinere & carbone, frigidus est cinis, & carbo ex priuatione humiditatis. Non fuit causa aliqua ut humiditas induceretur: bene potuit fieri intemperies frigida & sicca per resolutionem humiditatis. Cerebrum fuit à natura calidum & siccum: dico quòd successit intemperies frigida & sicca. Vidimus catarrhum frigidum, qui non fuit nisi à causa frigida. Vnde ergo tanta humiditas in illo cerebro, cum sit frigidum & siccum? Omnia corpora frigida & sicca redundant humiditatibus & pituita: ut in senibus, quanto magis sunt frigidiores & sicciores, tanto humidiores, per uiam concoctionis. Credo intemperiem frigidam & siccam in cerebro esse, & talis intemperies maxime subiecta est contumeliæ, si qua alia intemperies. Acquisita ergo illa intemperies cerebri frigida & sicca, est principalis causa & origo huius catarrhi. Successerant alia quæ fors uerent ex partibus inferioribus, uiuebat ex quibuscunque cibarijs: ubi debile cerebrum, sufficit intemperies cerebri. Forte & uentriculus non fuit in bona dispositione: & calidum hepar habuit, unde uentriculus frigidus redundat excrementis, & sic multiplicatur catarrhus ratione inferiorum membrorum. Videnda ad hæc duo, quæ sunt de essentia

lucius catarrhi: primum, de substantia catarrhi: secundum, de loco ad quem descendit materia, quod est maximum dubium apud me. Primo de loco uideamus. Loca ad quæ potest defluere catarrhus, primo sunt musculi extrinseci: secundo, cavitates pectoris: tertio, substantia pulmonis: quarto, aspera arteria. Catarrhus ad quas partes descendit? Non occupat tanquam locum principalem asperas arterias, ita ut ibi moram faciat, nam fieret asthma, quod non uidemus: quoniam catarrhus occupans arterias, cum obducuntur asperæ arteriæ percipitur cantus & clangor, & quando anhelaret, fieret motus: dum enim transit spiritus, & percutit catarrhum crassum, facit sonitum talem. Vtrum in substantia pulmonis? Absit: nam esset difficultas anhelitus propter dilatationem & constrictionem: non haberet anhelitus liberum, esset difficultas magna, pateretur anxietates cordis maximas: cum enim in corde conficiantur spiritus vitales, inficerentur à catarrho. Cum pulmo sit putrescibilis ualde, propter humidam substantiam & excrementosam, & molliem substantiam suam, si catarrhus putridus moraretur in pulmonis substantia, generaret ulcus, & deuenisset ad phthisim, quod absit. Non in musculis exterioribus, nam perciperetur dolor ad tactum. In quo igitur loco? Credo quod descendat ad cavitatem pectoris. Sed per quas uias? Ex anatome uidemus uias communes à cerebro ad pulmonem non esse, nisi asperam arteriam maiorem. Si catarrhus ad pulmonem tendit per asperam arteriam, in pulmone manebit. Interfunt costæ, musculi, diaphragma, quomodo ergo transit? Sæpiissime contingit quod transit à pulmone, & expellitur à natura fortiore ad cavitatem pectoris, & contra à cavitatem pectoris ad substantiam pulmonis: ut ex peripneumonia sit empyema, quia catarrhus putridus expellitur à substantia pulmonis ad cavitatem pectoris, qui tandem à natura expellitur ex eadem cavitatem pectoris ad pulmonem, & expulsi per tussim. Similis est transitus cum materia est in pulmone: est enim leuissima membrana pulmonis. Natura enim sollicita de membris nobilibus, quando ad ea peruenit aliqua materia, expellit eam ad partem ignobiliorē, ut ad cavitatem pectoris, quæ longe est ignobilior quàm substantia pulmonis. In cavitatem pectoris facit motum, putrescit materia, & excitat tussim, ac tendit ad pulmonem, non ut ibi maneat, sed ut expellatur. Credo autem catarrhum non solum deuenire ad pectus per pulmonem & putrescere, sed etiam à toto ambitu uenarum uenire materiam ad locum imbecillum: teste enim Gale, 2. de facul. natur. omnes superfluitates defluunt ad partem debilem, & semper aggregatur materia, ut apparet in fistulis & malignis ulceribus, quia debile membrum suscipit omnia superflua & excrementa. A toto igitur ambitu corporis deuenit materia, & facit empyema. Quare diuretica cōueniunt materiæ pectoris, quia materia à uenis descendit: & est magnus consensus inter uenas & pectus, ideo diuretica conferunt pulmōi & ægritudinibus pectoris. Locus ergo catarrhi proprius in quo putrescit, est cavitates pectoris: descendit partim à capite ad pulmonem, & cōcavitatem pectoris, partim factio loco imbecillo & suppurato à toto corpore, & multiplicatur ita catarrhus, qui expulsus per tussim ad pulmonem excernitur. Est igitur hæc mulier empyematica, & habet materiam suppuratam in concavitatem pectoris. Quod sit materia putrida, patet ex colore & crassitudine. Est pus, quod duplex est: primo, ex putredine sanguinis non fit, nisi sanguis putrescat, id semper sequitur ulcus: secundo, quando materia pituitosa putrescit extra uenas, & facit pus. Pus pituitæ non ita foetet, quia ipse sanguis putrefactus deterrimus est, & magis foetidus quàm pituita putrescens. Ergo est pus non ab ulcere aut putredine sanguinis, sed à putredine pituitæ, & recedit à malignitate puris sanguinis. Sic & pus melancholicum, & bilis longe deterius est. Pus istud si esset sanguinis uel aliorum humorum, ulcerasset iam pulmonem propter transitum. Catarrhus in propria substantia quando descendit à cerebro, credo quod sit subtilis, quia est insipidus, & propter subtilitatem transmittitur à pulmone ad pectus, in quo crassescit, putrescit, & resoluuntur partes tenuiores putridæ, & per uirtutē expulsivā excitatur tussis, quæ est motus pulmonis, quo rejicit molestiam, uel ob intemperiem, uel materiam aliquam existentem in parte membrorum spiritalium, ut in pleuritide, quæ est extra totam cavitatem pulmonis, tamen

fit ex ea maxima tufis, cum materia non fit in pulmone. Ita hic quoq;. Quomodo transeat materia craffa ex pectore ad pulmonem, non mirandum, cum & in offe pus transeat per poros ad carnem. Non debemus mirari opera naturæ, tranfit per meatum membranæ, & excernitur, quod uix credi poffet, nifi effer notiffimum omnibus medicis. Ex quo eft etiam illa febris, quia cum putrefcat materia tanta in cauitate pectoris propinqua cordi, non poteft fieri quin putridi uapores afcendant ad cor. Et hæc febris pro multitudine uaporum etiam augetur & minuitur. Patet quod febris e uaporibus putridis, eft putrida. Singulis diebus uesperis circa horam 22. percipit frigus, poftea calor fuccedit. frigus, quia tum excitantur uapores putridi in re putrefcente, & cæteræ periodi effumationis, ut in omni ftercore apparet, in alijs horis fumat, in alijs non. In eo tempore effumationis propter fumum tranfeuntem ad cor excitatur febris, imò magis una hora quam alia. Non eft inuentum à medicis, naturæ fecretum eft hoc, quare una hora eleuentur uapores præcife, & non alia hora. Oportet admirari fecreta naturæ. Num hæc febris fit putrida, uel an fit etiam febris quæ fecerit maiorem impreffionem? Credo quod inducfa fit heftica: quando longo tempore tango, percipio infignem caliditatem igneam ex tactu, unde tanta extenuatio. Febris præcedens non fuit diuturna, non funt nifi octo dies quod sentio tantam febrem. Vereor febrem fixam, occultam, difficile cognofcibilem, quando in prima fpecie hefticæ difficile agnofcitur à medicis per coniecturas cognofcenda, ut Galenus cognouit mulierem fuam, quæ erat calida & licca, & habuit ephemeram &c. Pulsus fecundum naturam, caliditas non mordax, non percipit fe habere, ideo difficile cognofcitur. Tres funt fpecies: prima, quando abfumitur pinguedo tantum: fecunda caro: tertio cor, & illud quod continet membra. Prima & fecunda fecundum Auicennam difficillimæ funt cognitionis: tertia ab omnibus percipitur. Dubito, fitne prima fpecie hefticæ, & fit confumpta nimis propter febrem continuam, tamen audio nunquam quoq; liberari à febre. Habemus ergo primo catarrhum fuppuratum & putredinem. Putredo eft, quia rubedo circa maxillas. Quando putrefcit humor circa pulmonem, ut in peripneumonia & empyemate, afcendunt uapores & calefaciunt maxillas, in iftis tribus, fcilicet in peripneumonia, ulcere pulmonis, & empyemate. Primo eft catarrhus, putredo, & empyema. Secundo, febris putrida & fixa quædam, tenfio hypochondriorum, febres fequuntur obftrucciones: tamen non credo obftruccionem fummam hanc, fed catarrhus & febris faciunt debilitatem fummam in membris naturalibus: ubi 2.4. diem tranfit, facit debilitatem. Descendit etiam pars catarrhi ad uentriculum, unde male concoquit, percipit rugitus, mala item compositio & complexio frigida eft in membris naturalibus, cuius fignum uentofitas, gracilitas extrema, & confumpta pinguedo tota: unde fufpicor effer hefticam. Fluxus item fequitur, ubi febris permanens & fuppuratio in pectore debilitauit calorem innatū, ut iam succumbat, & fequantur fluores alui, longæ ægri tudines, & pleuritides quoq; ubi tendit ad fuppurationem, & mortalis eft. Ex his quæ propofui, uidemus quàm fit timorofum.

C V R A. Multa effer quibus indigeremus, & quæ faceremus. Primo oportet ut prohibeamus catarrhum defcendentem. Secundo, ut quod in pectore, educeretur, & confortaretur pectus ne reciperet, refrigeraretur febris, confortarentur membra naturalia. Catarrhus fiftitur cum rebus ualde liccantibus. 5. Meth. Ad tria reduco totam curam: primo, ut fiftamus catarrhum: fecundo, ut confortetur pectus: tertio, ut occurratur omnibus humoribus. Sunt ifta tria uehementiffima. Primo circa caput, uel fectur totum caput, ut diffoluatur catarrhus, ut exeat extra cutem, & non fluat ad pulmonem, quod non nifi calidiffima efficiunt, quæ afficiunt uirtutem, calefaciunt totum corpus. Timorofum in febribus talibus adhibere calida capiti. Secundo, ut euacuemus cum pillulis cochijs: ingrediuntur fortia, ut scammonium &c. & in magna quantitate. Ego non auderem dare eas hic in fluore alui, imbecillitate omnium membrorum, & febre. Tertium quod fuit, eft ut refrigeretur pectus, & utitur ibi Gal. theriaca noua, & diapharmaton. De duobus primis nō auderem, quia nec corpus, nec imbecillitas patitur.

Non audeam super uesticatorio, uelim tamen ut unum fieret quod noli omnino preterire, ut tonderentur capilli usque ad cutim, & uelim imponere pulueres, ex quo non possum caustica ponere, ex sandaracha, mastiche, rosis, quæ non calefaciunt uehementer, sed exiccant, & confortant caput ne descendat materia. Eiset præsentaneum remedium uesticare, sed non audeo: nec cerata, retinerent enim usque ad tempus, postea tota materia repente decideret, & repente suffocaretur, per duos aut tres dies manet, quia suspendit catarrhum, interim multiplicatur, & in termino duarum horarum ex repentina descensione suffocantur. Fiant leues frictions, ne agitetur caput: exiccetur tantum cum panno suffumigato, aqua rosacea, aceto & garyophyllis. Tale suffumigium habeat in cubiculo, & suffumigentur panni, & caput foueatur line frictione, ut inde fiat exiccatio. Quando ista non sunt, interea in tempore quieto habeat stuppam cannabis nam, super quam papyrus exiccatam, & super ponat reticulum seu uittam, ut semper fiat exiccatio, & fieret crebra permutatio ex istis. Si febris cessaret, statim uelim adhuc bere uesticatoria, quod esset optimum & præstantissimum ex cantharidibus. Diapermaton esset præstantissimum, tendit ad febrem, & confortat pectus: sed hoc facere non possumus. Laudo bolum armenium optimum, & aquam farfaræ & Consolidæ, ut accipiendo boli armeni pulueris 3 2. cum lib. 1. aquæ consolidæ & farfaræ, donec tota fieret rubra, & tota uirtus transeat in aquam, phialam agitando: singulis diebus mane & uespere quando uult dormire bibat cyathum unum aut semis istius aquæ. Mel rosati 3 1. faceret ad fluxum uentris, & corroborat uentriculum, confortat substantiam pulmonis & pectoris, & corroborat cor, ne recipiat illam detestabilem putredinem. Galen. dat in asthma, & longe magis ubi non est asthma, neque facit difficultatem anhelitus: credo quod non esset deterius remedium quam Diapermaton & theriaca noua. Cauerem à phlonio & stupefactiuis tanquam à peste, ut multi faciunt ad sistendum catarrhum. Neque pilulas de opio darem. Vespere pillulam unam de cynoglossa sine opio retineat sub lingua, ad sistendum catarrhum, & roboranda membra. De febre. Auic. si cum catarrho est febris, non curandum de febre, sed attendas Medicus ad catarrhum: febris enim pendet ab eo tanquam accidens: cessante catarrho, cessabit febris. Si esset prima species hecticæ, curaretur tam facile ut scabies: non enim ualde curarem eam, si non esset catarrhus: neque tamen contemnerem. Propter fluorem alui corroborandus uentriculus, & attendendum refrigerationi corporis. Præsanam hordei accipiat, sed in ea cum iure pulli facta ponat aliquid quod habeat uim astringendi & corroborandi. Galen. imposuit frustum cotonei, corroborat enim hoc, & conuenit catarrho, & refrænat lubricitatem pitæ. Mane accipiat ouum forbile, carnem pulli contusam, bibat item mane uinum, uespere non. Circa 12. horam habuit paroxysmum: nunc incipit circa 8. horam: posset cibari ad nonam horam: ad 17. horam, potissimum aut ad 16. cenare, minus cibi sero sumat. Pro fluxu sumat syrupum myrthinum cum puluere mastiches intus. Inter syrupum & cibum sit una hora. Quo ad confortationem & præfocationem matricis, ungatur cum linimento Mesue. Nollem confortare eam cum oleo liliorum alborum. Circa pectus febris non permittit emplastrum, ne nimium relaxando præcipitaretur materia. Inungerem pectus cum unguento ros. Mesue. Cor confortarem cum his quæ habent uim exiccandi, eo modo tamen ne arescat, cum bolo armeno in aqua farfaræ cum melle rosaceo. Curata febris, subito accederem ad uesticatoria, quia oportet attendere catarrho. Pro uentriculo fiat linimentum ex mastiche, cotoneis, dactylis. Coquantur in uino dulci non potenti, facia forti expressione per cribrum: adde olei chamæmelini & absinthij quantum sufficit. Fiat linimentum. Hoc etiam usus est Montanus in quodam, cui tota ab dominis pars ita erat exiccata, ut intestinum uideretur contractio, ut retulit postea

Montanus eundo domum.

De duobus ægrotantibus altera Phthisico, altero
Hectico, Vbi multa de pulsibus.

Consilium CXXXVII.

INfirmus iste in sinistra parte, perpetuo diu noctuq; à mense Septembri usq; ad Bacchanalia, sed non nisi ad tactum, doluit, sicut mihi, interrogatus respondit. Nunc nihil dolet nisi circa uentrem: in affecto latere antea etiam cubans doluit. Hoc præcipuum est symptoma, ex quo reliqua dependent. Inquiramus igitur eius causas. Iste dolor uel est à mala temperatura, sine materia, uel cum materia: non à simplici, quia ad tactum doluit, postea multum etiam sanguinis excreuit, & cessauit dolor. Etiam si simplex mala intemperatura fuisset à principio, tamen diu sine affluxu permanere non potuisset. Est igitur affluxus materię frigidioris, quia per sex menses durauit. Sed ubi est materia? In parte exteriori pectoris: quia cubans in latere affecto, doluit, propter compressionem: si enim in interiori parte fuisset, non doluisset in eodem latere cubans, quia materia costis incumbens non extendit locum. Quare etiam totum oppositum accidit, si in latere non affecto cubat. Dolet enim tunc locus affectus, quia materia suspenditur, si est in interiori cavitae pectoris: si uero in exteriori, quiescit sine dolore. Est ergo materia in exterioribus, intra uenas ibi existentes, quæ erant tumefactæ. Nam si extra uenas, putrisset, aut apostema aut scirrhus apparuisset. Ergo obstructæ fuerunt uenæ à sanguine crasso ibi collecto, quo natura irritata, postquam se patiens præter solitum mouisset, compressus hominum multitudine, Venetijs die Iouis in Bacchanalibus agitata est materia, & postea subito erupit, & transijt per membranam succingentem costas ad pulmonem, & tandē expuit. Fuit iste sanguis purpurei coloris. Ergo à pectoreeductus, & crasse substantię, cum sanguis à pulmone proueniens sit rubens, spumofus & tenuis. Igitur in exteriori parte pectoris fuit prima affectio: non tamen immediate sub cute, sed in interiori parte musculorum, quia non doluit ad tactum. Et quia locus iste debilis permansit, adhuc nonnihil dolet. Post sputum sanguinis natura euacuationem à loco est aggressa, sicut etiam faceret Medicus, uolens se iuuare: eduxit multum sanguinis ex uenis narium, quod nisi fecisset, impetus fuisset factus ad suffocationem. Non potuit autem ita exquisitè purgare, quin remanserit in pulmone aliquid: sed de hoc nihil dicemus, quia prius uidebimus sputum. Tussis si non est ex sanguine in pulmone deo cecento, erit forte propter leuem destillationem ex capite, uel ob consensum, uel est sicca propter malam qualitatem, quæ infecti pulmonem, ad cuius expulsionem uires intendit natura. Dolor uentris est propter consensum, fortassis circa diaphragma. Sanguis est unā euacuatus, & ita calor debilitatus, non potuit alimentum uitæ conficere, nec uirtus retentiu continere quantum conuenit: quare flatus exorti dolorem inferentes; frigus in extremis, & uelut horripilatio in toto est, ex uapore potius quàm ex materia. Alias horripilatio fit, quoties mala qualitas, aut humor mordax uel calidus uel frigidus, subito per membra sensibilia spargitur. Hic non est humor, quia fieret febris, sed est potius uapor, qui non potest exhalare. Nam si ægrum corpus, nihil dissipatur, nisi symptomaticè: si sanum, optime dissipatur: si medium, medio modo se habet: & quia isti uapores non sunt tennes, sed crassiusculi, non dissipantur, hinc fit ut diutius hæreant, & horrorem ita perpetuo inferant. Extrema frigent ob caloris inopiam, quia sunt exanguia. Iam habet febrē, quam ego credo esse hecticā, complicatā tamen cum putrida: quia pulsus est durus, uelox, frequens, & inæqualis, magnus non est, sed magnitudinem compensat frequentia & uelocitate. Inæqualitas pulsus semper duo significat, aut febrē putridā, aut pulmonis affectus. Est autem ista putrida ex materia putrida, crassa, quam Græci τρυφώδης, Auicenna Laticam appellat, in qua obstruitur calor, nec potest libere transire, τρυφώ enim Græcis significat idem quod sepultus calor.

Hodie

Hodie deterius multo se habet quàm heri oportet igitur attendere euentationi & excitationi ad prohibendam putredinem, & aperiendas obstructions. Præterea corroborandus est calor naturalis, quo corroborantur omnes uirtutes, expectandum præterea, num dolores sint proportionati futuri altero die. Pituitosa bordeacea erit illi ualde conueniens, quia abstergit, refrigerat, lenit etiam ratione aquæ. Sed ne acefcat in uentriculo, parum cinnamomi addere oportet, quod etiam prohibet putrefactionem & confortat, concoquit pituitam existentem in uentriculo, & corrigit eius frigiditatem: ac licet uerum cinnamomum non habeamus, uti tamen possumus eo quod habemus, aut etiam cassia lignea. Loco alimenti sumat uitellum oui, aut carnes etiam: est enim ualde debilis. Vinum sit album & leuissimum hoc ad humectandum confert. Est enim humectatio nunc non est utilis, ob putredinem, tamen facit ad aperiendum & euentandum. Nam & humida corpora dummodo euentantur, non putrescunt. Nec parum alimenti adfert humiditas illa ex uino tali. Nunc cum adeo sit debilis, & res procedat in deterius, ordinabimus linimentum pro parte sinistra dolente, quod partim istam humectabit, & facilitabit etiam sputum, nec tamen putredinem augebit. Sumimus oleum camomelinum, & adipem anserinum. Adeps anserinus ualde penetrat, est enim subtilissimus marum partium, relaxat, resoluit, & habilitat pectus ad motum. Probari potest etiam subtilitas & penetratio, si infundantur in manum, tunc enim celerrime pertransit, & in substantia positus cito diffunditur ad magnum spatium. Anethinum est resolutiuum materię calidæ, ut sanguinæ, & est concoctiuum frigidæ. Nota: Quæ concoquere aut maturare debent inflammationem à sanguine & calida materia, non debent transire primum gradum caliditatis, sicut camomelinum, amygdalarum dulcium, & liliorum alborum, quæ in primo gradu sunt calida. Quæ concoquere debent materiam frigidam, non debent transire secundum gradum caliditatis, ut anethinum calidum in secundo gradu. Quando miscentur medicinæ calidæ in primo gradu, cum calidis in tertio, tunc totum mixtum est remissum in secundo, iuxta Galenum, sicut ostendimus in nostra Methodo de compositione pharmacorum. Ex oleis in hoc casu præferrem camomelinum, quia etiam uim habet corroborandi: habet etiam leuem astrictionem. Et iam ista tria agere intendimus: Victum instituemus, linimentum ordinabimus, & corroborabimus omnia naturalia. Ad corroborationem ergo iuuatur totus uenter inferior, cum oleo de absinthio, quod si paulo melius habere coeperit, medicinas ordinabimus. Vix euadet hic, sed eligemus ægrum alium, de quo maior sit spes, ne si omnes prius desperati moriantur, nostra culpa perijisse dicantur: sicq; uos facietis in præxi, non sunt desperati casus recipiendi. Est à me quæsitum, utrum possimus ueram cognitionem sumere ex urina, quæ semel corrupta, calida aqua post reparatur. Respondeo, nihil sumi posse: nam in urina considerari debet liquor, color, substantia, subsidentia. Sed hæc omnia destruantur, posita ad ignem urina: semper enim magis tinctoria ad ignem redditur, quia partes quædam tenues adurantur, quæ mixtæ cæteris, tingunt, quandoq; etiam minus tingitur, cum partes non sunt aptæ ad unctionem. Substantiam facit calor naturalis, quia magis uel minus attenuat. Idem non potest calor ignis: non enim eodem modo potest regere, quo calor naturalis. Idem de liquore dicendum, sunt enim liquor & substantia ualde annexa. Limpidiores plerumque redduntur. Subsidentia autem semper nulla est post calefactionem. Est ergo nihil certi ex tali urina: sed est inuentum hoc auarorum Medicorum, qui multum ea ratione lucrantur. Auicenna inquit, multi putant urinam collectam post sex horas non esse inspiciendam: ego uero nec post unam horam. Quidam post tres dies uident, & prædicant, modo dies unum Mucenigum. Quando urina statim putrescit, non est facta concoctio, pus & sedimen in urina, media sunt inter putrefactionem & concoctionem. Sumat ouum sorbile, fouellam brodij carnis uituli aut pulli, loco syrupi: licet etiam carnes manducare,

℞. Adipis anserini

℥ 1.

Olei anethini

Camomelini

ana

℥ 1.

Misce pro unctione pectoris in parte dolente;

℞. Olei absinthij

℥ 2.

Misce pro unctione totius ventris inferioris. Pro educatione materierum putridarum & catarrhalium, ordinabimus nunc remedia ex facile acquisibilibus, ne nobis accidat quod Venetijs cuidam insigni Medico super hydropico consulenti accidisse nouimus, qui non sine risu aliorum consuluit, exhibendam esse urinam camelorum, quam ex India afferri oporteret. Medicamenta sunt exhibenda quæ possunt haberi, quæq; non sunt ita magno comparabilia, si medearis pauperi.

℞. Terebinthina pinguis

℥ 2.

Zucchari rosarum puri

℥ 4.

Agarici præparati

℥ 2.

Misce, detur in auroa quatuor uicibus, aut prout patiens ferre poterit. Lachryma ipsa terebinthina seu laticina, dilatat, abstergit, & tabidis iuxta Dioscoridem est accommodata. Succus rosarum refrigerat, confortat & expurgat. Agaricus euacuat materiam. Temperatura ipsa uel febris non potest tolli, nisi causa sublata. Cibus sit humidus & refrigerans. Ego semper sumo naturam rei, & inde omnia primum deduco, quæ à me dicuntur, seposita interim omni autoritate: postea uero Hipp. Gal. & aliorum sententijs comprobo. Hæctico electuarium non dabimus, quia euacuauit heri quater, & dicit se mitigationem manifestam sentire ex pharmaco assumpto. Sed tamen in sinistra parte conqueritur adhuc de dolore uehementi, ita ut quiescere non possit: quare unum tantum fiet, in cæteris relinquamus eum his quæ iam sunt ordinata. Ordinabimus ei linimentum, quod uim habeat corroborandi locum, ne recipiat fluxionem. Non tamen eiusmodi erit corroboratio, qualis solet adhiberi in inflammationibus, quæ est correctio seu reductio temperaturæ. Erit hæc tamen restrictio, ad quam maxime faciet absinthium, betonica, chamædrys: habet enim uim maximam corroborandi omnia membra naturalia, cum enduia, cichorea, & rosis, si timetur caliditas. Facta ex his fomentatione, liniendus erit locus cum oleo camomelino & absinthino.

℞. Absinthij

Chamædryos

Cichoreæ

Betonicæ

aria mari. 1.

* Bulliant in sufficienti quantitate aquæ ad consumptionem medietatis, & fiat cum spongia fomentatio.

℞. Olei de absinthio

Chamemelini ana ℥ 1. ad inungendum locum post fomentationem. Phthisicus hodie quiescet, sed tamen interim utetur suis fomentis. Pulsuum differentias, quæ possunt uere à medicis cognosci, non scio plures quàm istas sex. Si Galenus potuit alias cognoscere & obseruare, bene est. Hoc scio, quod omnes nos non alias cognoscimus quàm illas communes: quod de alijs alij dicunt, forsitan sunt imposturæ. Prima differentia pulsus, est magnitudo, quæ indicatur secundum omnes dimensiones, scilicet, longum, latum, & altum: quandoq; enim sentitur unica tantum dimensio, scilicet longitudo, & tunc percipitur arteria, uelut filum quoddam tenue extensum. Et talis non est magnus pulsus, quia non habet omnes dimensiones. Eius opposita differentia est paruitas. Secunda est uelocitas quæ sumitur ex celeritate motus usq; ad quietem: ei opposita est tarditas. Tertia est frequentia & raritas, quæ attenduntur penes quietem. Quarta est inæqualitas & æqualitas, quæ attenduntur penes omnes prædictas differentias. Est autem inæqualitas duplex: una, unius tantum pulsus, & hæc est fortassis incomprehensibilis; altera plurium, & dicitur inæqualitas *disruptiua*, quasi collectiua, ex multis pulsibus collecta. Vehementia etiam & debilitas pulsus potest cognosci: nam uehemens est, quia medici tangentis manum ualde pulsar: debilis contra. Item plenitudo & uacuitas. Si quærat à uobis aliquis, quânam differentias habeat istius pulsus: credo inter uos alios aliud responsuros: sed ut habeatis eam re artem aliquam, nunc de pulsibus

fibus dicam. Sex differentias pulsum habeatis semper præ oculis, sicut elementa quædam; tot enim cognosco, & cognosci posse credo. Vltimas quatuor positas à Galeno, si qui cognosceret, bene est; ego ingenue fateor me non cognoscere. Nihil enim minus unquam uolui quam decipere. Itaq; haud æquo animo patior me interpellari inter tangendum, & explorandū pulsum, quod nihil ad eo magnam requirat diligentiam ut pulsus: ut mirum sit alios confabulari interim, & tamen omnes pulsum differentias assequi. Ego nescio an possint esse tam ingeniosi, & tanta celeritate discurrere. Vos debetis esse maxime diligentes, ut eas quas dixi differentias, cognoscatis. Primum considerabitur, utrum sit magnus an parvus. Nam & à natura primum intenditur magnitudo, quam si potest perficere, ea sola contenta est. Non abundat enim in superfluis, & in omnibus moderata natura. Itaq; frustra sunt alie differentie, ubi in pulsu est magnitudo. Consideratur autem magnitudo in tribus dimensionibus, scilicet utrum sit altus, hoc est, an multum eleuetur; an longus, per quatuor digitos æqualiter: an strictus uel largus. Potest enim istorum aliquod esse sine alijs, & nihil in his sine causa accidit. Secundo consideretis utrum uelox sit, hoc est, utrum celeriter moueatur in pauco tempore; an tardus, qui longo tempore mouetur. Attenditur hæc differentia penes motum: percipiuntur enim in quolibet pulsu semper ista duo, motus & quies. Tertio, utrū frequēs sit an rarus? Frequens est, quando brevis quies intercedit; rarus, quando longa est quies inter duos pulsus; sicut uites raras dicimus, inter quas magnum est intervalum; & rarus auditorium, cum miser doctor uix quatuor discipulos habet: frequens autem, cum sedent confertim. Est igitur frequens pulsus, quando quietes sunt parue; rarus, quando quietes sunt longæ. Quod Galenus gloriatur se a morem deprehendisse ex pulsu, apertum mendacium credo esse: eo fuit ingenio, ut uoluerit in omnibus &c. habuit nescio quid Græci. Quarto est uehementia & debilitas consideranda. Vehemens dicitur, quando est ualidus,urgens, & certat cum digitis uestris, nec uult cedere. Debilis autem, quando non facit resistentiam. Sed hic habeatis unam cautelam, ne durities uos decipiat, & ne uehementē iudicetis, qui est durus. Differunt enim uehemens & durus pulsus: quia durus post pressionem quasi uictus cedit ac cessat; sed uehemens resistit fortiter. Quinto, an sit plenus uel uacuus: apparet enim aliquando arteria ac si esset uacua. Sexto utrum sit æqualis an inæqualis, maxime an inæqualitas systematica: Non autem turbet uos uocabulum, quia nihil est in uocabulo: potestis uos dicere colelectium, pro systematica. Est autem inæqualitas systematica, quando decem uel duodecim sunt pulsationes, & nulla est æqualis seu correspondens alteri. Simplex inæqualitas est, quando in una pulsatione percipitur magna diuersitas; ut si in una parte morō dicat, in altera minime; aut in uno tactu est uelox, in altero tardus &c. Istam diuersitatem non puto posse deprehendi, cum uix quies in pulsu percipiatur. Quare nugæ esse arbitror reliquas differentias, quas certe impossibile est cognoscere. Et quod Galenus diuidit postea genera pulsum usq; ad minimum, credo ipsam rississe cum scriberet. Quidam dicunt se posse pulsum ferrinum percipere, quod splendidum est mendacium: sicut Medicus quidam dixit agrū habere ferrinū pulsum, & cum alter doctor eum se deprehendere posse negaret, tandem & ipse confessus est, nec se deprehendisse, hoc tamen ideo dixisse, ut si forte alter cognouisset, ipse nō minus scire uideretur: sed quando tu non cognoscis, inquit, neq; ego cognosco. Hæc de differentijs pulsuū, cras de causis agemus. De salute hæctici despero, sed tamen nunc bene se habet: uirtus satis constat. Vrinæ sunt laudabiles in substantia, & colore: sputū est heterogeneū, spumofum, tenue, & in quibusdam partibus coctū; pars crassior, uridis, suppurulenta uenit ab una parte, & sputum spumofum ab alia. Factū est autem spumofum ideo, quia spiritus cū humore est admixtus, & contractus ad minima. Crassior autem pars est cruda, putrida, & derelecta à natura, unde non potuit spirituari, seu spirituosā fieri: non enim admittit spiritū ista crassities. Viriditas cruditatem & malignitatem significat: spirituosā pars procul dubio descendit ex capite in pulmonem, nec multam moram fecit in ipso, alioquin enim putruisset. Est iste noster æger in capite de empyemate. Non est mirandū quod

pus per membranam succingentem costas in pulmone recipiatur: nam ut Galenus etiam inquit, natura multa alia facit miranda magis, ut quod pus per os transit, quæ quomodo fiant, non possumus imaginari, fiunt tamen, & omnes medici tanquam manifestum id recipiunt. Hac nocte uehementer doluit in latere affecto, forsan quod heri plus iusto comederit, sicut ipse faretur. Et quando repletio adest in corpore, ac pulsus non est facilius debilior, iterabimus eius medicinam de terebinthina, ut natura alias excrementis suffocata excitetur. In hectico hodie nihil mutabimus, quia uirtus satis est imbecillis, & pharmacum multum eduxit. Verendum ne incidat in symptoma grauißimum, quod ferè accidere solet cum catarrho, in tabidis maxime, ut cum diarrhico fluxu pereat, propter uirtutis imbecillitatem, quæ consistit in tribus, in calore & spiritu, in sanguine, & in solidis. Quando hæc omnia bene se habent, ualida etiam est uirtus: quando deficit unum, imbecillior sit ipsa. In tabidis autem omnia ista deficiunt: deficit enim calor, sanguis, muscoli consumpti, & denique nihil aliud sunt quam ossa & cutis, ut ait Galenus: non mirum itaque si ex retentricis imbecillitate in diarrhoeam incidant, hinc enim & fæces iam indigestæ apparent. Potest etiam esse propter catarrhum. Ita uidebitis semper fieri, quando prouenit fluxus, quod ut plurimum contingit tabidis, tunc mors est proxima. Fiat huic tamen fomentum ex ablinthio & aceto, ad corroborationem, quia propter frequentem egestionem multum est debilitatus, & corroboratio ista non est proprie dicta, sed largius sumpta. Quia uero confortatio cum nihil aliud sit quam reductio ad temperiem, esset in isto procedendum cum frigidis & humidis. Pulsus est admodum paruus, sed uelocitas non admodum mutata. Si hæc nondumprehendistis, exercete manū & mentem, ut possitis deprehendere. Velox, paruus, magnus, sunt relatiua in comparatione ad aliud, ad temperatum scilicet in calido aliquo aut bilioso. Pulsus in se non recte dicitur magnus aut uelox, sed bene in comparatione ad Socratem calidum & humidum: & excessus notamus tantum in pulsibus. In uelocitate non recessit pulsus, sed mutauit insigniter frequentiam: est enim multo frequentior quam heri. Nam cum tria sint quæ pulsus faciunt, necessitas, uirtus, instrumentum: necessitatem habet eandem quam sanus, & forte etiam maiorem, & duritiem instrumenti. Ergo non potest dilatari ad iustam & opportunam dimensionem. Natura ergo prouidet cum uelocitate. Sed quia etiam uirtus imbecillior, non est uelocior: ad uelocitatem enim requiritur uirtus, siquidem senex non potest bene currere. Supplet ergo frequentia, quod magnitudine & uelocitate non potest: & est frequens pulsus perinde ac formica operosa: nec desunt ista usque ad mortem, quia ultimum est refugium miserorum, pulsus. Nusquam desperet medicus, quando constat in pulsu magnitudo, uelocitas, uehementia: si aduenit pro his frequentia, malum. Quantum ad tabidum, pauca sunt dicenda, & pauca etiam facienda, deuenit enim ad extremam extenuationem, & ad fluxum uentris, quod pessimum est, iuxta Hippocratis illud: A tæbe habito fluxus uentris superueniens malum, ac ferè omnes moriuntur. Sic Cassianus noster, & M. Antonius Bagolinus. Est autem malum & per uiam signi, quia significat defectum omnium uirtutum. Virtus enim naturalis non concoquit, non sanguificat, non distribuit: & præterea catarrhum augeri ostendit, qui descendit ad stomachum, & lenit aluum. Et per uiam causæ malum est, quia ipse nutritio indiget, quod subtrahitur per defluxum uentris. Non loquemur igitur amplius de isto, nisi quod conabimur facere dum uiuit, quæ possumus. Appetit lac, quod dabis ei, sed in quo ferrum candens fuerit extinctum, ut partes serosæ, tenues, abstergentes auferantur, & maneat pars casealis, ad alui astrictionem non parum conferens. Linimentum etiam ordinabimus ad corroborandum uentriculum, & sistendum aluum.

℞. Ladani electi	℥	ss.
Mastiches	℥	2.
Olei de ablinthio	℥	1.

Misce pro unctione stomachi. Ladanum, præterquam quod concoquit, etiam facit ad penetrationē. Mastiche appropriata est stomacho, & absinthium mirifice roborat uentriculum. Affligitur in sinistra parte, & non potest quiescere in opposita, quia tumor iste iam deuenit ad partes interiores. Ex chamæmelo & chamædry facere possumus fomentationem. Præterea emplastrum meliloti est optimum: quia resoluit, maturat, & confortat. Si materia indiget resolutione, tunc resoluit: si maturatione, maturat: si utroq; utrumq; facit. Ergo loco dolenti applicabitur illud emplastrum meliloti, sicut pridem dixi. Ita iste miser est mortuus cum fluxu uentris.

De cardiaco affectu & tensione ac inflatione uentris inferioris, pro nobili matrona Vicentina boni habitus, & ætatis 47. annorum.

Consilium CXXXVIII.



QUAMVIS casus iste tractatus sit ab Excellentissimis Doctoribus, qui & doctrina & experientia sunt illustres, temerariumq; uideatur absentem me uelle aliquid addere his, quæ ab illis præsentibus optime administrata fuerunt: nihilominus ut ego quoq; officio meo satisfaciā, præsertim rogatus, & illis etiam ipsidem excellentissimis Doctoribus hoc idem petentibus, dicam quid sentio. Primo igitur ut ex his quæ relata sunt, conijcere possim, hunc affectum inter cardiacos numerandum censerem, ob calidos uapores, uel alicuius extremæ qualitatæ participes, ad cor ascendentes, ac deinde ob talem affectum corde imbecilliore reddito, (à quo calor naturalis generatus per totum corpus diffunditur, dans actum uitæ) subsequutam esse imbecillitatem quoq; concoctionis, & præcipue eius concoctionis quæ maiore indiget alteratione, ea scilicet quæ in uentriculo celebratur: unde postea multiplicatis humoribus crudis, status plurimi generantur insidentes cum circa hypochondria, tum in intestinis, tum etiam in ipso uentriculo. Et sic duo tantum complicantur affectus, cardiacus scilicet, & tensio inflationeq; uentris inferioris, ex diuersis quidem causis procedentes, sed ab uno fonte emanantes. Cardiaci igitur affectus causas esse crediderim intrinsecos quidem uapores, sicut dixi, tum calidos, tum extremæ qualitatæ participes, occasione sumpta intrinsecus ipsorum generationis à naturali caliditate hepatis, forte etiam renum & matricis. Accedente postea primo retentione menstruum ante debitum tempus, in tali præcipue temperatura: secundo suppressione quoq; copiosissima urinæ, quæ singulis mensibus uicem menstruum supplebat: sed non minus fortasse quoq; adiuuante seminis retentione, quod quidem semen à propria electione propter religionem retentum fuit. Quantum enim ad affectus cardiacos generandos possit retentio cum menstruum, tum præcipue seminis, indicat longa serie Galenus sexto de locis affectis. His ita se habentibus, quantam sermo mihi est cum uiris doctissimis, qui meam sententiam ex paucissimis etiam uerbis comprehendunt, curationis caput esse crederem in hac Magnifica matrona, diuertere materias & extraneos uapores ad cor ascendentes, ad partes oppositas, & (quod uix spero nos consequi posse) ut hac iam prouectioni ætate menstrua rursus prouocarentur. In quatuor diuertentibus maximam spem ponerem. Primum diuertens esset diligentissima & exquisitissima urinæ prouocatio: nam si toto eo tempore, in quo ea copia urinæ, uicē menstruum excernebatur, sana degebat hæc nobilissima matrona, & post illius urinæ suppressionem statim cardiacus affectus incipit: consentaneum rationi est, ut urinæ copia reuocata sedetur affectus. Secundum diuersum præstantissimum esset, si hæmorrhoides ita prouocarentur, ut singulis mensibus

sibus uicem menstruorum supplerent. Neq. timenda est illa crebra sanguifugatum applicatio, paucis enim mensibus applicatis sanguifugis, hæmorrhoides sponte fluere. Tertium diuersum esset, ut crebro per certa intervalla sumeret benedictum aliquod medicamentum, ter aut quater in mense, aut etiam sæpius, quod aluum subduceret: per hoc enim diuerteretur materia, & uacuaretur per inferiora, neque propterea facultates læderentur. Atq. apud me tale esset præcipue medicamentum, quod ita haberet:

℞. Specierum hieræ simp, de sex rebus	3	2.
Rheubarbari optimi & bene maturi	3	2.
Garyophyllorum		
Cinnamomi		
Rosarum rubearum		
Sandalorum citrinorum	ana	3 2.
Zedoariæ optimæ	3	1. 3.
Seminis citri	3	1.

Puluerizentur omnia per se, deinde misceantur, postea aspetgantur succo rosarum puro, & permittantur exiccare, & hoc iteretur septies, postea cum syrupo de corticibus citri fiat magdaleon, de quo singulis uicibus fiant pilulæ tres pondere unius drachmæ sumendæ sine custodia horis tribus ante prandium, uel si tardioris fueris operationis, hora ante cenam. Erit enim remedium præstantissimum, conferens flatibus uentris, remouens cordis affectus, diuertens & euacuans humores crudos corruptos, obstructions apetiens, & membra naturalia corroborans, quod quidem manifeste patere potest ex his, quæ in eius descriptione reperiuntur. Quantum & ultimum diuersum esset, ut his omnibus curam non perficientibus, tandem quoq. cruribus cauteria in loco debito & consueto applicarentur. Quantum ad ipsius cordis corroboracionem attinet, extrinsecus quidem tali linimento uteretur, quod habet.

℞. Vnguenti rosati Mesue recent.	3	1.
Rosarum rubearum		
Sandalorum citrinorum	ana	3 1.
Zedoariæ		
Specierum cordialium temper.	3	2.

Misce, & si opus fuerit, ad dito modico oleo rosato completo, fiat linimentum pro corde. Intrinsecus uero confectione uteretur, quam tum ipsi cordi, tum ipsi uentriculo corroborando mirum in modum confectre semper expertus sum, quæ habet:

℞. Sem. citri	3	1.
Ligni aloës optimi	3	1. 5.
Rosarum rubearum		
Sandalorum citrinorum		
Zedoariæ	ana	3 2.
Corallorum rub. elect.	3	5.
Musci		
Ambre	ana	gr. 2;

Puluerizentur omnia per se, deinde misceantur, & cum aqua rosata & zuchato albo fiat confectio in rotulis pondere drach. 3. sumatq. singulis diebus hora ante prandium. Hæc ergo, sermonem habens cum doctissimis uiris, breuiter admonenda censui, non quidem ut Mineruam instituerem, sed ut officio meo non deessem. Nam si uellem explicare pro intentione mea prima, quæ sint urinam prouocantia, item rationem uictus instituere, cum ad tales medicos sermo habeatur, omnino ineptire uiderer.

De puero laborante debilitate uentri-
culi & uomitu.

Consilium CXXXIX.

PVER annorum 14. ex uentriculi imbecillitate, quam à partu ut arbi-
tror ego & ab ipsa nutrice (Nam ea quoq; uentriculũ debilem ha-
buerat) contraxit, certis temporibus uomere solebat materiam uiscos-
sam, Cholericam tamen, idq; interdum singulis, interdum binis, inter-
dum etiam ternis mensibus, semel. Et semper cum uomebat cibum alis
quot diebus fastidire ac quasi deterius habere solebat. Hæc uero uice, in lectum se
conijcere coactus est, ac ubi aliquot diebus decubuit, uocatus D. Montanus uisa uris
nia cruda nec satis etiam colorata, uentrem tetigit, ac ibi tam rectos quam alios Mus-
culos turgidos ac inflatos reperit, ita ut puer etiam, durius aliquanto attingente co,
dolorem sentiret. Voluit igitur ut singulis septimanis bis sumeret pill, aloes non lotæ
3). 1. uel ut curaret fieri tales pillulas.

ss. Aloes

Rubarbari

ana

3 1.

Pulueriscentur per se & postea misceantur & aspergantur succo rosarum, & per-
mittantur exiccare. Idq; iteretur septies, postea cum melle rosato fiat Magdaleon de
quo singulis uicibus sumat pillulam unam 3). 1. pondere. Idq; bis in septimana:
Vinum biberet album & pauciferum uel cum aqua cocta mixtum, in cibo, lacticia,
Caseum, Pisces, & omnes fructus caueret, etiam uvas; extrinsecus nihil plane admo-
ueri uoluit.

De debilitate uentriculi pro Nobili adolescente,

Consilium CXL.

SI recte obseruauì, quæ dicta fuerunt ab E. V. intellexi nobilem hunc
adulescentem usum fuisse plurimis fructibus horarijs, peponibus præci-
pue, qui sunt illi, quos uulgo Venetijs Peponas appellant, & humidiores,
quam Melopepones: usus est inquam frigidissimis fructibus in maxima
quantitate, & sine aliquo delectu. Sunt enim nonnulla corpora, quæ fa-
cilis patientur, alia difficilis. Habet uentriculum frigidum, qui male concoquat, &
caput patiens maximas destillationes, & imbecillitatem, præterea habet hepar calis-
dum, quæ si coniunguntur cum mala ratione uictus, non mirum est, si hæc dispositiones
accescerunt, quas audiui, & potuissent deteriores contingere, nisi flos ætatis præue-
nisset. Primo, si considero, quæ consequuntur, Pepones habent hoc proprium, ut per
multam & redundantem putredinem inducant affectum cholericum, qui passio cho-
lerica uulgo dicitur, quando confertim tam supra, quàm infra egeruntur excremen-
ta cum maximo dolore, sicut audiui etiam in hoc accidisse, & est signum Pathognomo-
nicum indicans huiusmodi affectum, ubi per superius & inferius egeruntur excre-
menta, quod contingit propter redundantem humorem putridum in uentriculo, præ-
cipue ex usu fructuum humidorum, & facile putrescentium generatum. Quæ dispositio
ubi cessauit, per remedia adhibita recte, alia symptomata successerunt non sine ratio-
ne. Nam Galen, in capite de cucumeribus dicit: Multi quæsiuerunt comedere cucu-
meres, neq; inde perceperunt nocumentum, unde credunt nihil nocere eos, decipiens

tur tamen, quia succedente tempore multiplicantur humores crudi, qui deinde putrescunt, unde consequuntur febres putridæ, & pestilentes sæpe. Quod etiam in hoc nobilibili, tuene uidetur contigisse, nam primo subito egressit, & per superius, & inferius, & subsequutum est accidens colicum. Sed illi postea humores, qui erant in toto ambitu, non potuerunt ita euacuari, ut in stomacho & uisus ductuum, sed permanserunt, quibus successit autumns; & hyems, quo tempore tunc quieti erant humores, postea aduentante uere, in quod omnes humores mouentur, & tamen propter debilem calorem non resoluuntur, cum colligantur; obstruunt meatus, & putredo consequitur: unde non mirum est, si consecuta fuerit febris, quæ deinde curata fuit adhibitis conuenientibus medicamentis. Nihilominus, ut fieri solet, post usum istorum fructuum, non tantum aggregati sunt humores crudi, sed etiam membra fuerunt relaxata. Quomodo enim aliter fieri potuit, quin isti fructus in magna quantitate assumpti cum morarentur in membris, non fecerint imbecilliorum tonum membrorum naturalium; propter relaxationem, & humiditatem illorum aduentitiam, inde accessit maior imbecillitas membrorum, quam par erat, & excrementitia quoque humiditas, quam conueniret suo naturali temperamento. Probabile est etiam quod obstructions in uenis Mesaraicis semper permanserint. Quibus ita se habentibus, non est mirum etiam si sine aliqua manifesta causa, stante huiusmodi intrinseca dispositione, à causis etiam leuioribus, non apparentibus, inciderit in tot accidentia, & nunc perpetiatur eosdem dolores. Videtur quod inclinaret ad affectum colicum, licet proprie non sit, sed impotentia potius quædam uentriculi, non potentis regulare, quod offertur, transeunt enim cibi in flatum, quia relaxatus est, & debilis. Et Galen. 3. de Sympt. causis dicit: ubi actio uirtutis contentiæ læsa est, cum uentriculus non continet, quantum, & quomodo oportet, quod percipitur maxima grauitas, quando oblatum est illi cibus, quia quando non continetur commode cibus à uentriculo, necessarium est, ut percipiatur grauitas. Hinc poeta; leuis est, quod bene fertur onus, & male latum onus facit grauitatem. Ex grauitate postea uentriculi consecuta sunt fastidium & nausea, nam quod grauat corpus, querit natura expellere, & propterea non est mirum, si propter relaxationem uentriculi acquiritam ex nimia humiditate non bene contineat cibum, sed euomat. Est enim proprium sicci continere, & humidi relaxare, & expellere. Vnde propter talem intemperiem aucta est uirtus expellendi, quæ corroboratur ab humido, & reddita est imbecillior contentiua, unde expellit & est cum rugitu & flatu, quia permanet aliqua portio de eo, quod nutrit, & illud quod continetur, in flatum conuertitur, qui deinde facit ea tormina, quæ percipit, & propter talem causam non potest continere cibum. His ita se habentibus quomodo procedamus in cura? cum contrariis. Sed ex quo præcesserunt tot euacuationes, non est probabile, esse multitudinem humorum, qui sint in causa, ut tot symptomata consequantur, sed causa horum attribuenda est imbecillitati uentriculi, quæ consequitur multam humiditatem & relaxationem. Ergo occurrendum erit calefacientibus & exiccantibus. Et quando uentriculus admodum imbecillus est, non oportet multo cibo ipsum aggravare. Iuberem ergo, ut in modica quantitate cibos assumeret, & illos repetitis uicibus, ac parum biberet. Nihil enim illi deterius, quam potus præcipue uini, quia statim accescit, ubi inuenit imbecillum uentriculum, unde aciditas postea uentriculi mordicat, inflatur, & fluctuat in uentriculo. Non tamen exhiberem aquam, quæ refrigeraret uentriculum, & faceret contrarium illius, quod querimus. Darem igitur in potu ius pulli, cum modico sacchari ad abstergendum, unde haberet calefactionem uentriculi, abstersionem humiditatis aduentitiæ, addito saccharo, quod biberet loco uini, & modice semper. Si à uino omnino abstinere noller, detur aliquid uini aromatici, aut Maluatici, sed paucissimi, ne sitim augeat. Comedat quæ attenuandi uim habent, ut scilicet in brodio coquantur Anisa confusa crassiuscule, inuoluta in panno lineo, & in brodio pulli ebulliant, facta postea expressione. In his enim est, quod attenuaret & occurreret flatibus.

flatibus. Cibus esset illi idem, qui attenuaret & bene nutrirer, ut sunt aulculæ Montanæ, habent enim vim exiccandi, & attenuandi in substantia. Sed ex quo nunc non possunt commodè haberi, placerent columbacei pulli, & gallinacei, quos tamen non primo die occisos comederet, sed tertio ab hinc die, vellemus quando occiduntur, non strangularentur, sed iugularentur, nollem enim ut sanguis distribueretur per totum corpus, sed haberet mundam carnem; unde magis exiccaret ista caro pulli; ergo hi coquerentur vel assarentur, sed semper aliquid imponeretur, quod attenuaret ut aromata, Cinamomum, Caryophyllorum aliqua portio, nucis muscatæ, in modica quantitate, ne inflammaretur. Posset autem comedere assa, in pauca quantitate semper, sed eo modo præparata, & parum biberet hoc tempore, quo laborat huiusmodi affectu. Quantum ad medicinalia, exhiberem singulis diebus Diatrionpipericon, quod calefaceret & exiccaret uentriculum, & si quis humor in uentriculi tunicis esset impactus, propter subtilitatem Piperis, Anisi, Thymi, quæ ingrediuntur, uirtus illius medicæ menti illum excuteret, exiccaret, & non calefaceret hepar, si Galenio credimus, assis gnanti etiam rationem propter tenuitatem substantiæ suæ: euaporat enim caliditas piperis antequam ad hepar accedat. Vteretur ergo Diatrionpipericon mane, & uespere ante cibum. Quantum ad medicamenta, quæ euacuant illud quod assiduo generatur in uentriculo, laudo usum Hieræ simplicis 3 s. in pillula, alternis diebus. Exterius applicaret unguenta, quæ hoc idem præstare possunt, qualia sunt odorata, confecta à peritis destillatoribus, non ab Aromatarijs, qui omnia corrumpunt. Vellem oleum Caryophyllorum, in eo enim est gratus odor, confortans spiritus, admiscerem aliquid Mastiches cum eo oleo, credo quod conferret. Quod si quis oleum de Styrace, seu Belzoinum admisceret, optimum esset, præcipue de Styrace fieret linimentum præstantius. Instantibus doloribus uteretur in clysteribus Hiera picra, melle rosaceo, cum decocto Chamæmeli, cum seminibus Fœnugraci, & alijs quæ solent discutere, & carminare flatus. Hoc modo faciendo, credo, quod restitueretur pristinae sanitati. Quod si succederet febricula, quæ modica esset, non esset mala. Quod si instaret, & febrî etiam esset succurrendum: inter cætera remedia optimum est; ut assumat octo cyathos aque Aponitanæ, per septem aut decem dies, quoniam iam purgatus est sufficienter, confortabunt eum exiccabunt & calefacient uentriculum, & si quid impactum est uiolenter, excutient. Fuit curatus.

De frigidityte uentriculi cum uomitu pituitoso ac bilioso.

Consilium CCLI.



Vidam anno 24. ætatis patiebatur uomitum nulla periodo seruata, sed pro materiæ quantitate molestabatur. Euomebat materiam biliosam, cum uiscosa pituita commixtam. Eo uero die, quo uocatus erat Montanus, plurimam substantiam aqueam, subnigram, cum plurimo humore pituitoso, uiscoso, & tenaci, gustu acido, & amaro euomebat. Hoc malo cum aliquot mensibus laborasset, uarios consuluit Medicos. Hi undique huius mali causas inquirentes plerumque dixerant, nimiam hepatis caliditatem in causa esse; quod esse falsum, manifeste arguit aciditas, quæ à frigido provenit, ideo etiam cum medicamentis frigidis diu multumque usus esset, nihil ex ijs melius habuit. Usus etiam erat moderato cibo non uario, sed selectissimo. A calidis uero & aromaticis iurabatur, & cum Maccis aut Salutam uino immitteret, ei proderat. Causam uero procacitatem narrabat ipse, unde huius mali putabar esse originem. Mulierem scilicet quandam sua sibi mensura propinasse, ut ita ceu philtro quodam ad amorem alliceret, ab eo enim tempore, hoc malo se fuisse uexatum. Montanus uolens succurrere frigida huic deprauata uentriculi temperatura, quod sæpius iam purgatus erat, & sanguinis missione, & humorum euacuatione, etiam tutissimum iudicauit, ut Hiera picra Galeni, quam ab Andromacho habuit, familiariter uteretur, quam tamen ita mutauit.

℞ Aloës optimæ

3 10.) 2.

Cinamomi

Asari

Crocī

Cubebarum

Macis

Spicæ

ana

) 2.

Misce cum melle rosato, fiat Magdaleon, de quo singulis uicibus fiat p̄sulla una, pondere) 1. sumenda hora ante coenam. Hanc sumat singulis diebus, aut si alteris uelut, sumat pro qualibet uice 3 1. Iussit & uti uictu laudabili, & optimo, abstinere à frigidis, humidis & crudis, uti autem aromaticis, & ijs, quæ cient bonam concoctionem, uinum eligere bene maturum, aromaticum, sed minime potens, clarum, & tenuis substantiæ.

De magna uentriculi & omnium naturalium membrorum imbecillitate,

Consilium CXLII.



Vuenis erat, & tensiones habebat in utroq; latere, & maxime dextre. Querebatur de dolore uentriculi, & appetitu prostrato, & totius corporis debilitate, capitisq; doloribus, maxime cum mouebat, quod per consensum Montanus fieri arguebat. Urinæ erant paleares, tenues, multæ, in quibus subsidebat plurimum materiæ subalbide, quæ plurimum pituitæ in corpore generari ostendebant, præterquam quòd ex toto corporis habitu, & colore faciei satis appareret. Pedes, & præcipue dexter in qua parte maior erat tensio, interdum tumescebant, descendente eò materia. Montanus, quia tempus non patiebatur ad Thermas eum mittere, quæ fuisset cura faciliior, & magis uelox, uoluit, ut singulis diebus acciperet pro syrupo.

℞. Syrupi de Marrubio, de Absinthio ana 3 1. sine aquis destillatis, uel simpliciter, uel in brodio pulli. Et propter imbecillitatem membrorum naturalium dicebat ei, ut à medicinis alijs abstineret, ne illi nocerent. Deinde tale Emplastrum pro regione uentriculi, & omnium membrorum naturalium dedit.

℞. Carnis Dactylorum

Citonicorum

ana

3 6.

Olei de Absinthio

Mastichini

ana

3 3.

Panis affati, & infusi in uino aromatico

3 4.

Misce omnia simul, & cum modico uini Maluatici fiat Emplastrum in bona forma, quod si obambulare uolet, potest fieri in sacculo, de tela tenuissima, & ligari, ne castus supra alia membra (alijs simpliciter panem tostum infusum in Maluatico, & aspersum puluere Caryophyllorum, & Mastiches adhibuit) Pro capitis unctione.

℞. Olei lil. alborum

Camom. Amygdal. amararum

ana

3 1.

Vngatur uesperis à temporibus uersus spatulas, quando uult ingredi lectum. Cum surget mane mastiget Mastichen, & pituitam, quam facit & attrahit, diligenter expuat, & ubi satis diu, multumq; expuerit, uideat an per nares quoq; prouocare possit, & ad hoc accipiat Betas, & Maioranam, & decoquat in aqua & expressum succum, cum modico sacchari, leniter per nares attrahat, non nimis se fatigans. Semel in septimana lauet caput, ante coenam, cum iam ædes non amplius egrediatur, Lixiuum dulce sit ex lignis uitium, in quo decoquantur, & post decoctionē fortiter exprimentur Betonica,

Storchados,

Storachados, Maiorana ana ℥ i. rosa. rub. ℥ s. in petal ligata, Agarici electi drach. 3. panno scorum ligato. Item sapo.

℞ Ireos

Caryophyllorum

Nucis muscatae

Macis ana

3 ℥.

Agarici electi

3 2.

Saponis Damasceni q. s. fiat sapo secundum artem.

Hoc faciat per 8. aut 10. dies, donec uideatur, quid profecerimus, interea utens bono uictus regimine, bonis cibarijs, & uino quidem mediocri, non tamen nimis tenui. Non comedat sine fame, nec inter coenam & prandium, & quantum potest, fugiat cruditates.

Linimentum pro uentriculo, cuidam, qui exiccari toto corpore, & ad hecticam declinare uidebatur, ordinatum.

℞ Olei amygdalarum dulcium

Medullae cruris uitali ana

3 ℥.

Mastiche

3 iij.

Caryophyllorum.

3 2.

Misce, & fiat linimentum pro stomacho, addendo modicum cereæ.

Alterum.

Carnes dactylorum contusæ, exprimantur, & succus unâ cum puluere Mastiches, Caryophyllorum, Galangæ, incorporentur cum oleo Chamæmelino, & Maluatico, uel alio uino bono, fiat in forma linimenti, quo inungatur regio uentriculi, ita ut non tangatur hepar.

De uentriculi magna imbecillitate.

Consilium CXLIII.



MONACHVS quidam iuuenis ex studijs, & sua illa uictus ratione, nocturnis uigilijs quoque, inciderat in magnam membrorum naturalium, & præcipue uentriculi imbecillitatem, ita ut status generaret plurimos, exstantes illi acerbissimos, & quandoque etiam colicis similes dolores, quibus sæpius astringebatur toto triennio, colorem nihilominus bonum habebat, qui hepar calidius esse satis ostendebat. Montanus hæc ei ordinauit.

℞ Specierum hieræ simpl.

3 2.

Mellis rosati

q. s.

Ad bolum conficiendum, sumatur mane horis tribus ante prandium, Die autem immediate sequenti incipiat sumere syropos infrascriptos.

℞ Mellis rosati, syrup. Absinth. ana

3 ℥.

Aquæ Cichorii

3 3.

Misce pro uno, & pro alijs similiter. Post ultimum syrupum die sequenti sumat infrascriptam medicinam.

℞ Confectionis hamech

3 4.

Cum saccharo fiat bolus, sumatur in aurora cum custodia.

Deinde

℞ Sacchari rosati

3 2.

Specierum arom. rosat.

3 ℥.

Bb

4

Misce,

Misce, & sumat $\frac{3}{4}$ s. ex hac confectione singulis uicibus hora una ante prandium, sumat, incipiendo à die immediate sequenti, medicinam. Post accedat ad potum aquarum Apontensium, & bibat de aqua 12. usq; ad 14. calices, nec subsequenter, nisi priorem antea per urinam aut secessum die præcedenti, aut nocte reddiderit, bibat. sumat autem mane in aurora leuiter deambulando. Vino utatur albo, & paucifero. A studijs intempestiuis caueat. Victus ratione conuenienti utatur, abstineat à carnis, alijs, tortis seu placentis, piscibus, leguminibus, & alijs quæ flatu generant, & uentriculo aduersantur. Medici calida exhibuerant, & Cinamomo plurimum uti iusserant. Id Montanus prohibuit, & omnino à calidis abstinere iussit, ne inflammato hepate incidat in melancholiam hypochondriacam, quæ hac ratione fieri solet. Pro roboratione uentriculi. Myrobalanos Chebulos sumat sæpius, & lignum Aloes puluer. in rotulas factum, & parum Rhabarbari, masticeretur mane & postea abluatur os uino Maluatico.

De debilitate membrorum naturalium,
& præsertim uentriculi.

Consilium CXLIII.



CARISS. Doctores, cum simus consulturi pro hoc iuvene nobilissimo, multa dicemus in hoc casu profutura etiam scholaribus, & ita utriusque proderimus. Virtutes corporis in hoc omnes sunt læsæ, ita, ut uix distinguere possimus operationes læsas à morbis. Nam naturalis non concoquit, neque expultrix expellit, sicut debebat, sentit rugitus, uirtus præterea distributiva est læsa, quod sentit statim post cibum sumptum, atque ita omnes operationes sunt læsæ, appetit enim parum uel nihil. Animalis multifariam læditur. Imaginatur ea, quæ non debet, & timet, quæ non oportet timere. Motuæ quoque sunt debiles. Vitales etiam læsæ sunt. Timor enim oritur in corde, sicut & ira. Videtis igitur omnes operationes læsas in hoc corpore, ita ut partim corruptæ sint, partim diminutæ. Ardo rem percipit circa partem dextram, euomit præter naturam biliosa & amara. Sequuntur multa accidentia, amaritudo atque sitis post cibum, difficultas anhelitus. Hæc sunt symptomata, ratione quorum nos conuocauit, ut consuleremus. Nos igitur in primis exquiremus causas symptomatum, ex quibus innoscitur morbus. Et quia morbus non curatur, nisi lapsus morbi cognoscatur, necesse est primo inquirere temperaturam membrorum principalium, uidelicet cordis, hepatis, & cerebri. Et fortassis hepar erit nobis instar omnium, ac maxime facit ad cognitionem reliquorum, cum omnia ex hepate uentri trimentum fumant. Non autem noui cum tempore sanitatis, sed color niger indicat hepatis caliditatem, perpetuo habet status in uentriculo, scitis autem provenire eos à calore diminuto. Est igitur primo uenter frigidus; cerebri autem temperatura, an calida sit, uel frigida non possumus iudicare. Non enim nouimus certo aliquam operationem. Redundauit catarrho, & à causis alterantibus extrinsecis facile potuit affici, pedes ambulauit ex Francia in Italiam, cum non esset assuetus. Cibo & potu male usus, solet aquam bibere, bibit uina Gallica, quæ maxime sunt nocentia. Hinc in uentriculo dominatur frigiditas & siccitas. Studijs etiam præter naturam sese applicat. Et confectus est ex his causis & accedentibus alijs, quod non excernit, sed habet alium asitum. Potuit id primum contingere ex parte secum, & uirtutis etiam, nam illæ exiccatae sunt, & pituita crassior circa illas, retinet eas. Non appetit, licet frigiditas augeat appetentiam, humor tamen frigidus excitat nauseam potius. Temperatura igitur frigida & sicca est, quæ notabiliter lædit operationes. Est enim penitus opposita calido & humido. Non retinet, lib. 3. de causis symptomatis, ubi loquitur de signis, quæ sequuntur uitium recentricis, quæ duo sunt, nempe, quando non retinet tantum, quantum oportet, & quando non amplectitur, sicut debet. Quando hæc sunt, sequuntur rugitus,

rigitus, flatus quoq; & pondus etiam, quæ indicant uirtutem retentricem diminutam. Postea ad uirtutem distributiuam, non fit distributio, quia manifestissimæ sunt tensiones in regionibus hepatis. Illud enim considerandum, quod tensio necessario indicat obstructionem. Ex obstructionibus sequuntur malæ distributiones, inflanturq; uenter, ut percipiunt hi, qui habent obstructiones. Non percipit nutrimentum ex ipso cibo, etiam si plurimum studeant comedere, quod ideo fit, quia non distribuitur, & dum sumpsit cibum, percipit difficultatem anhelitus. Id fit, cum cibus cum phlegmate miscetur, flatuatur, & ita comprimitur Diaphragma. Amaritudinem quoq; oris percipit, quia uapores calidi & biliosi ascendunt ad os. Hactenus uidimus, quod catalogus omnium horum proueniat ex mala temperatura frigida, & sicca uentriculi. Accedit caliditas percepta in dextra parte super hepar, quæ hinc incipit, quod biberit uinum absinthites, cum Cinamomo in maxima copia, quia facta calefactione excedente in hepate ascendunt uapores, qui faciunt timores, eo quod obstruantur uenæ Mesaraicæ. Illa actio læsa in uirtute motiua, quod piger est ad motum, & motus tardus, prouenit, uel quia impedimentum est in musculis, uel in principio, ut cum impediuntur spiritus. Spiritus autem impediuntur, quando pituita in medio est, sicut lumen solis impeditur à nubibus. Sed cur magis in sinistra parte? quia in ea parte fuit semper imbecillitas maior. Non autem percipit ægritudinem, sed impedimenta actionum. Et ita tandem concludimus esse in membris naturalibus, præcipue frigiditatem & siccitatem, essentialiter existentem in uentriculo, ad quam multiplicatur humor pituitosus.

PROGNOSTICVM. Si fuerit una intemperies sola in aliquo, est curabilis quidem, si autem duæ sunt complicatæ, incurabiles efficientur. Longe autem facilius est extirpare humidum, quàm humectare siccum, & præsertim in uentriculo, qui est membranofus. Poterit igitur præseruari, non autem curari absolute.

CURA. Quantum ad præseruationem, quia curari non potest, lapsus tamen hepatis calidus, poterit facilius emendari. Pro huius igitur alteratione curam habere debemus, circa rationem uictus. Si enim ea utatur debito modo, facile reducet ad temperamentum, si dimittet uidelicet illa calefactionia, & adurentia. Utatur cibis ijs, qui sunt faciles concoctionis, ut sunt pulli, auiculæ, iuscula, quæ tamen non sint nimis pinguis. In hac re dubium magnum. Ex quo præter omnem suam consuetudinem incipit, ut bibat uinum, utrum debeat redire ad aquam. Vtrinque sunt rationes. Quia dum biberet aquam, bene se habuit, dum biberet uinum, semper male. Habet præterea hepar calidum, unde plurimi ascendunt uapores ad caput, & fit debilis ille motus, & alteratur ab aqua temperatura hepatis. Ex altera parte est debilitas uentriculi, qui adhuc magis refrigeratur. Et quia eam quatuor annis bibit, & est assuetus, ego nollem ut biberet uinum tale, quale hactenus bibit, sed tale quale Galenus exhibuit suis ægris, quod est maxime lymphatum, clarum, & tamen minime astringens. Fiat præterea huius ex hieræ 3 l. Calsiæ 3 6. & exhibeatur alternis diebus, uel semel in septimana. Ab alijs medicinis omnibus, syrupis, & potionibus abstinere uellem.

De stomachi anxietate, & morbo Gallico pro
sexagenario Anno 1550. 18. Martij.

Consilium CXLV.



Lariss. Doctores, ut conueniamus in ratione exhibendi remedia, quibus sanitatem huius uiri restituere conatur, cū audio Exc. uest. animū suum ad hoc inclinare, ut sumat decoctum ligni, in quo & ipse totam spem curationis ponit, ego quoq; confido, quod hoc solo decocto curabitur, debito modo assumpto. Ut igitur quod conclusum est, à me ratione ostendatur, oportet primo de ægritudine loqui. Laborat autē iste Mag. Vir duabus dispositionibus

præter

præter naturam una est morbus Gallicus, quilibet uideatur delitescere, semper tamen eius aliqua uestigia se ostendunt. Sed illud præcipuum, de quo conqueritur, est affectio uentriculi, post enim assumptum cibum patitur stomachicam passionem, & anxietatem. De qua re, ut par est, cum maxime sit sollicitus, petit à nobis auxilium. De uirisque uerò affectibus agendum. De morbo Gallico nihil aliud dicam, cum constet quas causas habeat. Loquendum igitur tantum de dispositione uentriculi, unde possit fieri. Duo igitur hic sunt quaerenda, primo in quo loco uentriculi uideatur esse affectus, an circa os uentriculi, an circa fundum eius. Secundo quis affectus sit, qui morbum ipsum faciat, utrum mala complexio, an mala compositio, uel soluta unitas. Ista sunt consideranda à me, si secundum rationem debeo concludere, quid illi conueniat. Dicam unum, cum considero omnia quaecumque auditui recitata, tum ab ipso, tum ab excell. uest. & omnia simul confeto, uidetur mihi, quòd primo locus proprius, ubi sit affectus principalis, nequaquam sit os uentriculi, imò quantum in seipso est, bene ualeat, & si patitur aliquid, patitur potius per consensum. Credo ergo affectum esse circa fundum uentriculi, & dicam coniecturas, quare ita sentiam. Deinde credo circa fundum non esse malam compositionem, neque obstructionem, neque aliud, quod possit referri ad malam compositionem principaliter, sed quòd mala complexio ibi existat, quæ nam illa? Nam primo uidetur, si nos referimus causam istius intemperiei ad frigiditatem principaliter, hoc non posse ita sustineri. Video enim quòd laborat in concoctione, & maximam habet anxietatem, nihilominus bene nutritur, generat bonum sanguinem, quia habet bonum colorem, non multiplicatur humoris crudi, non conqueritur de aliqua re, propter quæ aggregentur cruditates. Hoc autem est perpetuum Galeno teste, ubi prima concoctio in uentriculo propter frigiditatem non potest perfici omnino, quod non emendetur in secunda, quæ fit in hepate etiam bene disposito. Cum igitur uideam in hoc corpore generari sanguinem laudabilem, sanitatem perfectam, & plus quam huic ætati conueniat, non dixerim frigiditatem esse principaliter in uentriculo, ratione cuius hæc incommoda sequantur: quia uidetur rationi consentaneum, quòd plurimi crudi humores deberent generari propter frigiditatem, præcipue cum uideamus hoc proprium non adesse, uidelicet quòd insolenter concoquat, nam statim facies decolorata ostenderet affectionem uentriculi. Ergo per ea inuestigari oportet, utrum sit aliqua alia intemperies causa huius affectus, præter frigiditatem. Inclino animum ad hoc, intemperiem esse principalem causam huius affectus, eamque esse humiditatem circa fundum uentriculi. Afferro huius rationem, quòd humiditas peccet, non ita tamen, ut non consequatur frigiditas illam humiditatem, humiditas enim obtundit caliditatem. Quod signum est, quòd humiditas causa sit? quoniam humiditas ipsa hoc facit, ut uentriculus non possit bene amplecti, nec continere cibum, sicut oportet, nam ad bonum amplexum requiritur siccitas moderata: huius enim est constringere, sicut humiditatis superflua relaxare. Vnde habes hoc? ab anxietate, quam ipse dicit se sentire: percipit enim grauitatem post cibum, & ait se non posse tolerare cibum, postquam cum assumpsit, non est quod tarde concoquat, sed grauat quod male fertur onus. Est ergo illud Galeni 3. de causis symptom. ubi loquitur, de ista molestia in concoctione, quando cibum male fertur in uentriculo, & dicit ibi causam esse immediatam, quia uentriculus non amplectitur cibum, unde sequitur molestia in concoctione, & ubi non recte continetur cibum, non recte potest concoqui, ex quo sequuntur rugitus, flatus, qui dum ascendunt ad os uentriculi, faciunt, ut percipiat primo caliditatem circa os uentriculi, qui postea flatus à fortitudine oris retruduntur ad fundum stomachi, unde circumuoluntur isti flatus. Ergo propter istam humiditatem existentem in fundo uentriculi cibum non bene continetur, propterea sunt flatus, & rugitus, quia calor innatus, quamuis in seipso bene concoquit, non potest tamen concoquere, sicut oportet, quoniam uentriculus non potest cibum amplecti, sicut debet. Ac quòd res hoc modo se habeat, sequuntur postea nonnulla signa. Primo est illud, quòd ipse dicit, se edere multos flatus, nullum tamen per se peritus, tantummodo per inferius. Et hoc est unum, quòd potius in fundo uentriculi est affectio.

Descendit enim flatus ad partes inferiores non ad superiores. Est aliud signum: dicit, quod quando quiescit, non uidetur affligi, nisi parum admodum, sed affligitur quando mouetur, & quo intensius mouetur, eo magis affligitur, cuius signum quoque est, quia cibus non potest concoqui à uentriculo, quia non amplectitur, & dum quiescit, melius amplectitur, & melius concoquitur cibus. Quod si esset ratione frigiditatis affectio ista, potius à motu adiuuaretur concoctio, quia ex motu augetur calor, sed hic contrarium accidit, quoniam ex motu faciora sequuntur symptomata. Audio etiam, quod iste nobilis uir multas egerat humiditates. Et ita omnia signa uidentur potius attestari humiditatem quam frigiditatem. Et quod illa sit potissima causa huius dispositionis, deinde ipsa temperatura, hoc idem uidetur testari. Est enim humidum corpus, & etiam si caliditatem habeat, habet etiam non minorem frigiditatem, quia pingue olim fuit, nunc uero arefactum magis, quam prius, cum deficiat circa cibum, quod parum comedat, cum antea bis in die comedere consueuerit. Sed hic difficultas est, cum humiditas, & non frigiditas principaliter hic peccet, non immerito aliquis querere posset. Vnde est illa fames, de qua loquitur: nihil enim magis extinguit famem, quam humiditas. Facile hoc soluitur, nam cum in ore uentriculi circa quod sit fames, non sit affectus ille, sed in fundo, non propterea necesse est, ut afficiatur locus, in quo propria passio famis. Et ideo bene adhuc consistit, quod humiditas sit in fundo, & tamen nihilominus sentiat famem, & naturalem: cum enim hepar admodum calidum habeat, quod plurimum absorbit, ideo indiget multo cibo, præsertim cum etiam assuetus sit tali cibo uti, cumque non habeat cibum idoneum, necessarium est, ut famescat. Vnde dicit quando parum cibi mane sumpserit, ualde famescit, & quasi rabie quadam afficitur, quia est inanitio, quæ facit famem. Appetit ergo cibum, quia indiget eo. Sum igitur adhuc eius sententiæ, quod humiditas potius sit causa huius affectus, quam frigiditas, licet consecutiue cum tanta humiditate calor quoque sit diminutus, non in se, sed quia humiditas ipsum obtundit. Hæc satis, quantum ad debilitatem uentriculi, tam ad causam eius, quam ad ægitudinem. Quantum ad morbum Gallicum, nihil de eodiam, quoniam non curatur ille nisi suo antidoto, & ideo cum appareant eius uestigia, ualde est aduertendum, ne alijs ægitudinibus associetur: associatur autem ferè omnibus, ac illas longas, ac pertinaces ad curandum reddit. Contra fieret cæteris paribus, ubi non adesset morbus Gallicus. Et propterea de hoc morbo admodum debemus esse solliciti, etiam si præcipua quæstio sit de affectione uentriculi.

DE PROGNOSTICO nihil aliud dixerò. Si uolet curari, quotuplex erit curatio? Vna debetur morbo præsentì, altera futuro, quæ potius præseruatio est: nam, ut audio elias curatus fuit ante septem & octo menses, non tamen præseruatus. In curatione duo faciendæ sunt: primum, ut curetur à præsentì ægitudine, qua laborat: secundum, ut præseruetur, ne amplius in eam incidat. Prius tamen, quam ad hæc ueniam, unum dicam, quod inter reliqua signa, quæ faciunt me credere humidam intemperiem in uentriculo esse, fuit assumptio decocti ligni, quia illa assumptio maximam uim habet exiccandi, est enim ualde siccum, & non ita calidum ut siccum, propter partes terrestres plurimas. Ex illo igitur exiccatus fuit uentriculus, & sanus tam diu uixit, quam diu fuit inanita humiditas propter decoctum ligni: si autem intemperies fuisset frigida, propter decoctum ligni uentriculus frigidior esset factus, & ex hac assumptione potius deterior esset effectus. His ita se habentibus, quomodo curanda præsens ægritudo? Dico, quod non erit efficacius remedium, quam decoctum ligni. Primo enim de suspicionem morbi Gallici non est dubium, quod nullo alio quam hoc solo decocto curari poterit. Secundo, cum sit humiditas superflua in uentriculo, nemini est dubium, quod exiccabitur hoc decocto. Ergo decoctum hoc duas respiciet ægitudines. Purgarem quidem corpus ante eius exhibitionem, sed benigne, non purgantibus illis medicinis, quæ solent præmitti morbo Gallico. Efficem contentus lenitione & syrupis, ut de Absinthio, Oxymelle simplici, & quiescerem inter duos syrnupos, ad præparationem ipsius uentriculi. Decoctum cum quo dari debent syrupi, posset

posset esse ex Cichorio & Absinthio, si uellet tolerare propter amaritudinem, sed non curo multum de aquis, quia sufficeret syrupus solus, propter maiorem moram, quam in uentriculo faceret, quam aqua, quae cito penetrat. Postea purgabitur cum rebus benedictis, in quibus nulla essent scammoniata, uel solutiu, sed cum Rhabarbaro. Facta purgatione, accederem ad decoctum ligni. Insungerem leuem dietam, ut comederet carnes hœdi, uel caponum, & in modica quantitate. Biberet uinum pauciferum, non cum aqua ligni commixtū, quia ipsum destrueret. Vbi erit postea curatus à morbo Gallico, si uellet sustinere sanitatem suam, & eam conseruare, uteretur alio regimine, & penitus abstineret à coitu, quo nihil magis uentriculum debilitat, & in alijs rebus non naturalibus haberet optimam rationem.

De uomitu Cholerico, cum singultu.

Consilium CXLVI.

HISTORIA morbi à Frisimelica recitata. Habemus ægrum in ætate cōsistente, temperaturæ calidæ & siccæ, qui laborat uomitu, & nausea; uomit materiam cholicam adustam, tendentem ad nigredinem interdum. Iracundia uehemens est. Incidit in hunc morbum ex potu Maluatici, unde crediderim inflammatum iecur generare plurimum bilis, & adurere sanguinem, ob id etiam uentriculus debilior, adeo uti ex consensu nonnumquam incidat in syncopas. Non habuit beneficium uentris, cum tamen sint exhibitæ pilulæ & clysteria. Primo uelim soluere aluum cum clystere leuiori ex oleo, melle rosato, uel saccharo, atq; electuario aliquo, Diaphænic. uel Calsiæ, idēq; pro euacuatione, & diuersione. Secundo pro refrigeratione hepatis, darem syrupum de Endiuia, cum decocto Endiuia. Cibū instituerem leuem, panē lotum cū contuso, ut cōsulatur uirtuti.

MONTANVS: Constat hic esse maximum uomitum materiæ biliosæ, pituitosæ, atq; etiam adusti humoris, ut ex colore apparet, quem aliquando nigrum esse aiunt: primo uiscosa, acris, & amara uomuit. Estq; hic morbus species quædam cholericæ passionis, in qua tantum raptus materiæ est ad orificium uentriculī. Ortus autem est à suis causis, ab hepatis caliditate, quod primum in seipso tale fuit. Est enim biliosus ualde, deinde etiam propter inordinatam uictus rationem, & accidentia animi grauissima. Bilis acuta est, quia facillime, & præter omnem rationem irascitur. Egeſcit primo humores acres, admixtos plurimæ pituitæ, si sinceri fuissent, & atri, fortasse læthale esset, ut & Hippocrates ostendit, præsertim in uomitu. Sed salus eius fuit, quod esset admixta cum plurima pituita, & quidem ita admixta, ut tota illi esset unita, atq; hoc modo obtunderet penitus acrimoniam humorum illorum malignorum. Et cum egeſcit plurimam materiam, nihilominus tamen patitur etiam singultum, qui, sicut sentis, non tantum fit ex repletionē, sed etiam ex acrimonia, sicut & Galenus recitat se sæpe habuisse singultum ex commestione piperis. Quare ex singultu etiam colligimus acrimoniam humorum in uentriculo concentorum.

CV R. A. Iuberem, ut pararetur, & nunquam deficeret ius gallinæ pinguioris, uel pullastri, quod tantum non esset gallus, sed gallina, uel capo, & tale ius biberet continuo pro siti quantum uellet, & si uomeret, rebiberet, alterabit enim & rectificabit humores, & bibat quantum potest. Cibis sit Chondrus, id est, far bene coctum, uel oryza, quæ decoquantur, ut Galenus iubet, cum frustio Citonei, uel mali Granati, ut obtundatur acrimonia humorum, uel pisana, uel oryza cum iure pulli pingui. Hodie quia nimis tardum est, fiat panarella, & habeat prodium pulli, quo nihil præstantius in passione cholerica, alterat, obtundit acrimoniam humorum, abluit & rectificat. Si modo cras uoletis dare syropos de Endiuia, rosis, Cichorio, aut talia quædam quæ aperiant obstructions, & diuertant per urinam, non improbo, sed nunc bibat ius pulli. Velpe-ri postea hæc ordinauit:

℞. Florum Chamæmel.	M	2.
Rosarum	M	2.
Seminis fœnugræci		
Seminis Lini	ana	℥ 2.
Anethi	M	1.

Bolliant in uino & aqua ana partes æquales ad tertias, & cum spongia fiat fermentatio.

℞. Olei Chamæmelini	℥	2.
Mastiches		
Rosati completi	ana	℥ 2.

Cum modico cæræ fiat linimentum pro stomacho. Altera die cum uomitus perdurasset, & singultus etiam, & per clystereeducta esset materia uiscosa, & uiridis seu bilis uitellina: Montanus, qui materiam non tantum in uentriculo contineri, aut cavitatibus eius adherere suspicabatur, sed intra tunicas imbibitam maxime circa os uentriculi, & heterogeneam, ideo Hiera eam educere uoluit, quæ ad hoc ualet mirabiliter, & addidit Cassiam pro euacuandis humoribus crassioribus, & temperanda mordacitate, si qua est in Aloe, & acrimonia specierum.

℞. Specierum Hieræ	℥	2.
Florum cassiæ	℥	2.

Misceatur cum saccharo, fiat bolus, sumendus mediâ hora ante prandium, Et uespere perdurante uomitu ordinatus syrupus.

℞. Syrupi de Endiuia	℥	5.
De Absinthio	℥	3.

Misce, sumat lambendo, cum cochleari sæpius. Et fuit reiteratus clyster, qualis heri datus.

℞. Aquam decoctionis Coriandri, & pro qualibet libra aquæ	℥	2.
Granatorum uini		
Oxymellis simplicis	℥	2.

Pro potu. Voluit uti uictu tenui. Laudauit præcipue chondrum. In tota Italia dixit uinum non esse peius Marzamino, propter uarias eius facultates, astringit, est dulce, acerbum & crassum. Vinum Granatorum optimum aiebat in deliquijs ex morbo stomachi.

De uentriculi dolore, colico & Diarrhea,

Consilium, CXLVII.



IVIS nobilis Patavinus, Doctorem ad se accersitum miserat, qui de eius constitutione ita nobiscum commentabatur: Complexio eius est calida & humida, ut ad oculum apparet; nec dum annum quadragesimum, ut opinor, egressus est. Is iam inde usq; ab ineunte ætate uarie se exercuit, nec quicquam minus potuit, quam in ocio transigere ætatem, quare in militiam profectus stipendia diu fecit. Ab hinc annis duobus exercitia primum omisit, & ocio semmo se deditit corrupendum; quare etiam homo iste uarijs est mutationibus obnoxius. Nuper dolore uentriculi laborauit, & colico, ex quibus iuante diutina clementia conualuit. Nunc uero de lapide renum & dolore haud mediocri conueritur. Atq; altera iam dies est, ex quo fluxu uentris laborare cepit, & quemadmodum uidetur, deiecit crassam pituitam cum bile ex clysteri, quo materiam peccantem moui. Præscripti deinde dietam optimam, ac inunxi uentriculum oleo mastichino. Sed quia omnis materia nec dum excreta erat, sequebatur uentris rugitus, & dolores

alij:quare clystere ordinari ex hordei decoctio, cum melle rosato sole. Ad hec mala accesse-
 fere etiam dolor, uigilia, sitis. Sed quem discursum quis habere posset in hoc casu? Tria
 aut in primis sunt consideranda, quod passim Gale, inculcat: Res naturales, præter na-
 turales, & aer ambiens. Alijs omisissis consideremus symptomata, quæ primò conside-
 randa ueniunt, & nos in cognitionem tum morbi, tum causarum inducunt. Symptomata ue-
 rò sunt, dolor uentriculi, & colicus, ex intemperatura nimirum, cum materia scilicet eo
 delegata, quia egerebat copiose, propterea quòd non exerceretur ut antea, & ideo co-
 piofa & crassa egerebat. Deinde fluxus uentris est symptoma, quia exiens est mutatus;
 atque is est diarrhicus. De lienterico Galenus multa, 5. Aphorif. 1. Et lientericum non
 esse, uel ex eo constat, quòd non inconcocta, neque diminute concocta egerat. Incon-
 coctiones & cruditates hic dicimus, uel quòd non digestæ sint materiae, uel concoctio-
 ni contrariæ. At iste fluxus promanat ex multitudine materiae, quæ corrupta est, &
 quia multa, & quia calor naturalis imbecillus. Imbecillus uero est calor naturalis factus,
 ob omisfa exercitia, quæ eum uel sola accendunt; deinde quia in hac declinandi est æta-
 te. Posiremo, quòd ea superfluitatum excretio non fiat, quæ olim stantibus exercitijs
 fuit ob calorem uegetum. Sed dicat aliquis, quomodo corrupta sunt excrementa, cum
 non foetant? Non foetent, quia non admodum sunt adustæ faeces; corrupta uerò à fri-
 giditate positiua, quæ corruptionis non minus est causa quàm calor extraneus. Hinc
 illud quòque est, quòd albescant, & sint spumosa aliquantulum. Atque eadem nunc est cau-
 sa lapidis: nam calculi aut congeruntur à calore, aut quia materia crassa congeritur.
 Quid igitur faciendum? Tria potissimum: euacuandum est corpus primum, deinde
 membra sunt alteranda; tertio præcipienda sunt illi usitata exercitia. Membra autem
 alterari non possunt, nisi corpus prius purgatum sit: itaque uentriculum roborabo inun-
 ctione oleorum, mastichino, nardino, quibus addam etiam rosatum, propter corporis
 temperaturam. Cessante uentriculi dolore, obstructions ut tollam, summa ope nitar;
 id autem fiet syrupo de cichorea & betonica, quia materiae frigidae: atque hac de causa
 acetosis superfedehò. Deinde curabo purgari uberius corpus, aut hiera, aut alephans-
 ginis, quibus addam aut aureas, aut cochias, pro ut materia fuerit pituitosa. Post hæc al-
 terationi ipsius uentriculi intendam, & dabo:

℞. Diacalamenthii 3 2.

Aromatici rosati 3 1.

Quod reliquum est, repetat sua exercitia, aut utatur diæta attenuante, id est, cali-
 da & sicca, & uescatur rebus paruis, & sæpe bauriat oxymel.

De uentriculi imbecillitate, dolore ac flatu, cum multis alijs
 symptomatis, pro Illustri Hispano.

Consilium CXLVIII.



Multa symptomata uel accidentia, de quibus conqueritur Illustr. D. Indu-
 cio meo, ad causas intrinsecas duas sunt redigenda. Quæ tamen causæ so-
 mentum incrementumque à causis extrinsecis nascuntur, & continue nan-
 ciscuntur. Interiores ergo causæ sunt: frigiditas uentriculi maior quàm
 expedit, & excessus caliditatis in hepate & renibus, & toto uenarum
 ambitu. Ex his duabus causis efficitur, ut prima coctio sit diminuta & pituita, quan-
 titate & qualitate excedens dominetur, colligaturque in uentriculo, & subinde distribu-
 tur, primo ad uenas mesaraicas, & deinde hepar, ibique plures variasque efficiat obstru-
 ctiones. excessus autem caliditatis in hepate & amplitudine uasorum; quæ necessario
 talem temperaturam consequitur, multiplicat sanguinem, bilemque adustam, ac præterea
 pituitæ partem distributam, crassiore calidioremque reddit. Cum igitur massa sanguinis
 expur-

expurgatur, attrahiturq; serosa humiditas ad renes, prompte simul excernuntur ex occasione amplitudinis uenarum, reliquæ quoq; superfluitates pituitosæ & adustæ dumq; in renum angustijs immorantur, ulterius aduruntur, unde & calculi arenæq; plurimæ generantur, quæ postea per urinarios meatus ad uesicam delatæ, & confertim ad ceruicem ipsius infarciæ ita occludunt meatum alioqui angustum, ut interim urina prorsus retineatur tam diu, quam diu plurima urinx copia impetu factio erumpat, sed antequam erumpat, dolor circa illas partes excitatur, & areolarum asperitate & acrimonia, dolorq; ille maior & minor efficitur, prout etiam excrementa illa retenta, quantitate plura aut pauciora sunt & mitiora. Pituita autem in uentriculo collecta, & occlusa in uenis mefaraicis dum intumescit, & in spiritus flatuosos uertitur à calore agitata, uarios affectus producit. Nam ubi spiritus inter tunicas cum uentriculi tum intestinorum recluditur, dolores excitat uel colicos uel coeliacos, pro ut uel uentriculi, uel intestina occupauerit, pars uero eiusdem spiritus, quæ repente & confertim traducta per hepar ad renes detruditur, dolores excitat nephriticos, modo in dextro modo in sinistro rene, frequentius tamen in sinistro, quoniam pars illa imbecillior est: qui ubi amplior maiorq; efficitur, communicat etiam & protruditur usq; ad spatulam humerosq; eiusdem lateris, obseruata rectitudine transiurus, siue nervos ibi existentes, siue uenas aut arterias, aut etiam ista omnia simul occupauerit, ubi uero spiritus ille, & uapor ad superiores partes confertim detruditur, suffocationes efficit maiores uel minores, pro ut maior uel minor copia uaporum fuerit. Quod autem huius suffocationis causa ad dictos vapores sit referenda, præter alias rationes hoc maximo iudicio comprobatur: quoniam sicut uelocissime inuadit, ita etiam uelocissime resoluitur, quod quidem est flatuosæ materiæ proprium non corpulentæ & crassæ: cui etiam rei aditipulatur prima illa origo suffocationis, quæ inuasit à commestione lacticiniorum, & uini diluti, cum oliuis, quæ omnia procul dubio spirituosæ ad modum flatulentæq; sunt cibaria: neq; ratio aliunde petenda est podagrici doloris, dextri pedis pollicem occupantis, quam ab illis prioribus duabus causis, frigiditate scilicet uentriculi pituitam generantis, & caliditate hepatis in quo bilis generatur, ex quo uix & meatus ampli progrediuntur, per quos comode possit transire materia: consentaneum autem rationi est, ut crassior quidem humor ad pedes deorsum descendat, leuior autem & flatuosior superiores magis partes appetat: quod autem magis occupet pedem dextrum quam sinistram, causa est, quoniam ab hepate per uenas talis materia descendit, unde seruata rectitudine, quæ naturæ familiarissima est: dextram potius partem quam sinistram inuadit. Hæc sunt causæ intrinsecæ omnium horum symptomatum, quæ morbi ab illis. D. appellantur numero 8. urinx quædam suppressio & ardor. Secundo, suffocatio nocturno tempore à primo somno repente occupas. Tertio, dolor renis precipue sinistri. Quarto, dolor spatulæ sinistræ. Quinto, dolor uentriculi. Sexto, uentositas & oppilatio, ut ipse uocat, quæ uidetur permanere in fundo uentriculi, & colo intestino. Septimo, continua stomachi imbecillitas. Octauo, dolor podagricus remissus in pollice pedis dextri. Istæ autem duæ causæ quas intrinsecas diximus, plurimum adiuuantur & fouentur à causis extrinsecis male applicatis, ut aëre, cibo & potu, exercitio incongruo, uenere, & reliquis alijs cognatis, utrum autem frigiditas uentriculi, quam prædiximus & hepatis caliditas, fuerint Dominationi suæ cognati, & naturales affectus an aduentitij: De hepate quidè facile dixerim caliditatem esse cognatam. De uentriculo autem non ita constat, potuit enim facile cum propter uehementia studia literarum, tum propter uenere, aut propter alias immodicas mutationes, quæ frequentissime in humana uita contingunt, præcipue quæ libera non est, sed negocijs rebusq; agendis addicta, ad talem intemperiem deduci. Hæc igitur dicta sint de causis illorū omnium symptomatum, tam intrinsecis quam extrinsecis, superest nunc, ut de præseruatione futurorum agatur, & de curatione præsentium, & quoniam ut sententia Galeni est isdem fere remedijs præsentem morbum curamus, quibus à futuris præseruamus, ideo maxima ex parte, quæ de præseruatione dicentur, ad curationem transferri poterunt: fiet potissime præseruatio cum his quæ

calorem innatum conseruant, quo totum animal gubernatur, neq; enim excedere potest in eo corpore, ubi calor naturalis dominatur, alicuius membri uel caliditas uel frigiditas. calor innatus conseruabitur, si recta ratio in sex rebus extrinsecis occurrentibus obseruabitur. Primo igitur cauebit Illust. D. ab omni aeris excessu siue calido siue frigido: frigidus intemperiem uentriculi & cerebri augebit, calidus hepatis, renum & uenarum: & eadem omnino ratio est de cibis seu calidis seu frigidis. Labores uero atq; animi accidentia si moderata fuerint, calorem naturalem excitabunt, concoctiones distributionesq; adiuuabunt: si deficient, torpidum frigidumq; totum corpus efficient, si exuperabunt, primo quidem calor igneus excitabitur, & naturalis diminuetur, postea uero ubi maior fuerit exuperantia, calor etiam igneus resoluetur, & torpida succedet frigiditas. Ergo in omnibus excessus est uitandus. A somno meridiano quam maxime oportet abstinere, inde enim caput repletur, destillationes excitantur, unde postea Illust. D. affectus foueri, ad augeriq; possint. Egestionis alui quam maxime sunt procurandae, inde enim auersio ad contrarias partes, ac praeterea euacuatio excrementorum paratur, ad hanc lenitionem summe probauerim frequentem usum Hierae simplicis Gal. de 6. reb. Nā ex hac uentriculus roborabitur, obstructions aperientur, hepar euentabitur, excrementa simul auertentur, & per inferiora ducentur, quae omnia in hoc corpore a nobis quam maxime sunt expetenda. Erit usus Hierae ut accipiat 3 1. in catapotij formam redactam, hora ante coenam, bis in septimana, sed & assumptio Terebinthinae uel Laracinae lota, totidem quidem uicibus, sed horis sumendi immutatis, mane enim assumi solet 3. horis ante prandium, assumendi quantitas circiter 3 2. Haec in alijs quidem non inferior hiera, in uentriculo tamen corroborando longe imbecillior. Quantum uero ad nutrimentorum substantiam, etiam me tacente intelligendum arbitror, ut cibos potusq; eligat optimi succi, non facile corruptibiles, & qui citissime concoquantur, distribuanturq; tales sunt carnes haedorū, castratorum iuuenum, uitulorum lactantium, pullorum atq; auium campestrium iuniorum, quales perdices sunt, phasiani & passerulorum omnium montana genera: Turdi etiam, ficedulae & columbarum pulli non sunt aspernandi. A piscibus abstinendum consulo, a lacticijs, a pastilibus, a leguminibus, a carnibus antiquis & salitis, ab ouis uel duris, uel antiquis, uel sartagine decoctis, ab acetarijs crudis abhorreat, sed praecipue a ciborum uarietate, imò unico cibo contentus sit, cruditatem etiam effugiat, nihil enim ea pestilentius. A Germanicis compositionibus commellationibusq; quam maxime abstineat, uinum uero eligat purū, subtile, lucidum, colore medio cre inter nigrū & album, minime acerbum, sed neq; dulce, mediū enim saporis, coloris, & potentiae esse oportet, quod etiam parce bibat, & inter prandium & coenam a quocunq; potu omnino abstinebit. Vbi haec rite peregerit, sciat maximam partē suae non tantum praeservationis, sed etiam curationis transigisse. Quantum uero attinet ad pharmaciam, suademus Illust. suae D. bis singulis annis purgari, uere inquam & Autumno. Purgationem ueris ita faciendam statuerem circa 5. diem Martij non impediēte lunae coniunctione, triduoq; ante praeparato uentriculo cum tenuiori uictus ratione, mane sumat tribus horis ante prandium leue pharmacum ita habens.

℞. Florum cassiae

3 1.

Specierum hierae simpl.

3 2.

Cum saccharo fiat bolus, sequenti die syrupum assumet ita habentem.

℞. Syrupi de Absinthio

De cichorea Nicolī cum Reubarb.

ana 3 1.

Decoctionis liquiritiae

Salutae

Betonice

3 4.

Misce pro uno syrupo & sic pro alijs. Deinde ℞. Confectionis Hamech 3 4.

Syrupi rosati solutiu

3 3

Cum aqua Betonicae fiat potus, sumat in aurora cū custodia, die immediate sequente septimum syrupum, post die uero accipiat zaccari rosati 3 simp. hora ante cibū mane

& serg

& sero, atq; ita perseveret per dies quindecim. In hac tamen purgatione ueris, laudarem, ut sanguinem mitteret à uena hepatis ad 3 8, uel 10. Autumno autem eandem prorsus repeteret euacuationem, sanguinis tamen missionem omitteret, in reliquis anni temporibus inter ambas euacuationes utatur Illustris, S.D. bis in mense, aut ter ad summum, ad præseruationem pillul. quæ ita habent.

℞. Sandalorum citrinorum

Rosarum rubearum

Garyphylorum

Nucis muscatæ ana 3 4.

Aloes electæ

Rheubarbari ana 3. 6.

Pulueriscentur omnia per se, deinde misceantur, posita aspergantur succo rosarum puro, posita permittantur exsicari, & ita iteretur septies. Deinde cum melle rosaceo fiat magdaleon, de quo singulis uicibus fiant pillulæ tres, pondo unius drach. sumendæ hora ante coenam. Laudo præterea ut iidem bis in mense sumat quatuor horis ante prandium, optimi mithridatici in bolum redacti, uel in pillularum formam 3 2, & superbibat tantum uini aromatici, quantum caperent cochlearia duo. Venterculum muniri quidem suadere in pannis lineis duplicibus, quantum sufficeret ad calorem optime retinendum & conseruandum; qui quidem panni linei quam maxime puri, & ab omni sorditie liberi seruari debent. Apponere uero cerata ex mastiche, siue ex quacûq; alia materia ad usum continuû, ego prorsus non laudauerim, quicquid alij uelint dicere: exungunt enim talia omnia longo usu humorem naturalem, ita ut tandem refrigeretur uenterculus; nam de gutture uulturis, pellibus leporû, & alijs huiusmodi nihil aliud dixerim, nisi esse apertissima impostorum commenta, quibus ignorantiam propriam uelare nituntur. Quantum attinet ad emplastrum Diachilon, laudauerim quidem, si discutiendus esset tumor, uel abscessus maturandus, sed in casu nostro de renibus proposito, putarim hoc esse superuacuum; neq; aliud incommodum nobis faceretur. Zuccarum modice sumptum, ego quidem non improbauerim: utrum ubi dilui oportebit, aqua erit diluendum fontana, quæ maxime tenuis sit, & nullius qualitatibus particeps, ubi ista non habentur, copiamq; habuerit aquæ recentè destillatæ, limpide & puræ, minime putridæ, laudari quæ ex Betonica, uel Absinthio, uel Salvia sublimabitur. A qua ligni Indici ubi corpus exquisitissime purgatum esset (hoc enim admodum est necessarium) uerno tempore assumendum consulerem, quoniam mirum in modum uenterculum corroborat, intestina & renes. Quod si præcessisset etiam suspicio aliqua morbi alicuius ad nos non relati, tunc omnibus numeris hanc decoctionem profuturam iudicauerim. Admoueri igni, & ex lignis præcipue mitioribus, quales salices sunt & iustes, hyberno tempore maxime laudo, nihil enim frigore in hac præcipue ætate, & ad hos morbos detestabilis puto. Exercitium tunc obeundum puto, quando decoctio exquisitissime facta est in hepate aut uenis: quod quidem præcipue habemus maturis horis, sit autem exercitij terminus anhelitus mutatio manifestissima: placet autem ut superiores partes magis exerceantur quàm inferiores. Equo insidere tunc optimû est, cum renes & totum corpus fuerit expurgatum. Alijs temporibus non ita tuta equitatio est, à coena & prandio negocijs tuto non uocabitur, nisi ubi uenterculi concoctio exacte fuerit perfecta. Id uero fieri non potest etiam in ualidioribus, nisi post horas quatuor, à cibo sumpto. Post coenam somnum capiendum consulo, non nisi horis duabus peractis: ita ut interim sua illust. Dom. suauiter decambulet aut flet, non sedeat, caput mane fricet pectine & spongia.

Id uero fiat in aëre tepido ac minime frigido.

De monacho colico.
Consilium CXLIX.

Neciderat monachus in febrem: medicus qui tum accersitus erat, ante coctionem mouerat materiam, & hæc quia non erat satis euacuata, in intestinis coaceruata, dolores colicos excitauit, ante uero quam quicquid fieret, censuit Frisimelica clysteribus subducendam aluum, & communibus ad eam rem utebatur, cupiens post euacuationem incidere uenam, ut hoc pacto febris quoque mederetur facilius. Pulsus erat magnus & tardus, ob uisum oppressam à multitudine materiarum: quare illi hoc subebat parari clystere.

℞. Olei chamæmelini

Amygdalarum dulcium ana ʒ 2. s.

Calsiæ nouiter extractæ ʒ 1. s.

Hieræ pieræ ʒ 3.

Melis rosati ʒ 2.

Misce fiat clyster. Clystere supra modum dura squibala eduxerat, & copiosæ sed quoniam pulsus ualde inordinatus erat, & rubra urina & crassa, ut quæ materiarum multitudinem in uenis quoque contineri significaret, iussit denuo idem clystere administrari, in cibus seu iusculis decoqui radicem cichoreæ, propter attenuationem & incisionem materiarum grossarum. Eademque intentione exhibendum censuit syrupum cichoreæ & betonicæ ana ʒ 1. una cum decocto.

De magna alui adstrictione, quæ per septem dies durauit.

Consilium CL.

RObauit Montanus clysteria lenientia ex oleo simplici & butyro uelli oleo litorum alborum, Camomillæ, Anethino ana partes æquales, quod in hoc casu non transcendendum existimauit. A Clysteribus acutis in principio cauendum, quia plus exiccat. Medicinæ etiam trahentes non exhibendæ: dum enim à superficie ad centrum trahunt, & uitæ non sunt aperta, augetur materia & malum crescit, singulis diebus bibat scutellam brodij in quo decoctæ maluæ M 1. uel maluæ mercurialis & betæ ana M 1. per os postea exhibuit olei Amygdalarum dulcium, Amygdalarum amararum ana ʒ 4. & super inglutiat 3. pillulas de Aloe simplici, cum doloribus uentriculi ex flatibus, post clysteria lenientia præmissa iam ante & non operantia, cruciaretur, per os exhibuit specierum hieræ simpl. Gal. ʒ 1. fiant pillulæ 3. postea superbibat olei Amygdalarum dulcium, amygd. amararum ana ʒ 5. & quiescat, non cessante dolore, iniiciatur clystere ex oleo communi, Butyro, uino Maluatico ana ʒ 5. quod contineat quantum potest, si neque hoc iuuat, addes clysteri iam dicto ʒ 1. Hieræ.

Methodus de uentris fluxibus.

SVPONIMVS FLUXVM uentris, ut alias ostendimus, esse actionem Slæfæ facultatis expulsiuæ ipsorum intestinorum. Vel igitur huiusmodi læsio primogenio affectu inerit intestinis, uel aliunde communicabitur, si aliunde communicabitur: uel ad ipsa non transmittitur quod transmitti debet, uel desertur quod deferri non debet. Primo, Dicamus non transmitti quod est transmittendum, quando facultas motiua à cerebro descendens, aliqua occasione intercipitur: ita ut omnes muscoli in recto intestino existentes resoluantur, & iam præter uoluntatem continuè excrementa egerantur. Sicut contingit in epilepsijs & apoplexijs, in aliqua interdum paralyfi. Hoc fluxus genus sub symptomate sensuum contentum, nomine

cæci

caret, tanquam qui semper à sua causa dependeat, & eius curatione tollatur. Secundo, aut deferitur quod deferri non debet, uel à causa extrinseca, ut à cibis, uel quantitate, uel qualitate, uel ordine, uel tempore sumendi excedentibus, uel ratione medicinæ nimium effrenis, uolenter attrahentis humores & mordicantis. Tercio, uel ratione ueneni assumpti colligantis & putrefacientis, quodlibet ex proprijs accidentibus, ut ex historia relata per ægros, uel assidentes cognoscitur. uel fuit à causa intrinseca, & tunc motus huius cause uel erit naturalis, uel præter naturā. Si naturalis, criticus hic fluxus appellabitur. Consequiturq; ægritudo nullo plerumq; remedio indigens. Si præter naturam, id quod deferitur, uel erit sanguis, & hic uel ab hepate transmittetur ad intestina, ob alterantis potentia imbecillitatem, & si hæc imbecillitas fuerit ob caliditatem, sanguis effluens niger & crassus uidebitur, sin fuerit frigida, erit sanguis tenuis, abluitioni carnis recenter maciatæ similis: appellabiturq; hic fluxus hepaticus, uel deferitur ab omnibus uenis ob mutilationem alicuius membri, uel retentionem hæmor. uel menstruorum, aut fluxus sanguinis narium, eritq; defluens ruber & naturalis. Est autem uterq; horum fluxuum sine dolore, atq; hic ubiuis à Galeno cruenta dysenteria appellatur. At si quod defluit, bilis fuerit cum alijs quamplurimis humoribus, in extraneas qualitates à putredine mutatis, appellari solet hic fluxus nomine generis Diarrhæa, cuius notæ sunt egestio biliosa, cum prædicta humorū diuersitate. Dolor nunquam in eodem loco persistens, sed omnia intestina, modo hic modo illic uelut lacerans & diuellens. Multitudo excrementorum confertior, totiusq; corporis repentina extenuatio. uel erit quod deferitur pituita, quæ uel à stomacho aut cerebro descendit, & hæc uel salia, uel acida, uel insipida. Quæ à cerebro descendit, dignoscitur per signa destillationis aut catarrhi, appellaturq; hic fluxus à recentioribus cerebrialis. Qui uero à stomacho fit, discernetur per inappetentiam, per nauseam, per paucitatem litis, diciturq; hic fluxus stomachalis. Si pituita erit acida, dolor erit moderatus, iuuabiturq; uenter à calidis. Si insipida, nullus omnino dolor infestabit. Si salia, dolor erit uehementissimus, & sitis, & sæpe febris & abrasio intestinorum, quæ fere semper dysenteria fit. Si quod deferitur nigrum fuerit, uel fuscus melancholicus purus non assatus, qui ob imbecillitatem splenis deijcitur: appellaturq; hic fluxus splenicus, uel ut ipsi loquuntur, splenicus: uel erit atra bilis generata, propter succi melancholici, uel flauæ bilis aduersionem. Atq; inde eodem die plerumq; fit lætalis dysenteria, cancriq; intestinorū. At si fluxus uentris sit primogenio affectu, uel erit ob malam intestinorū complexionem: & fluxus iste à recentioribus stercorarius, uel stercorosus dicitur. Neq; enim intestina ob imbecillitatem continent excrementa, sed creberrime egeritur. Notæ huius fluxus sunt liquida, & non adeo foetida egestio, sub forma tamen stercoris, pituitæ comixta; modicus uentris dolor, excitatio ad egestionem interdū, frequentiorq; noctu, ac præcipue sumpto cibo. Quod si talis mala complexio non intestina tantum, sed etiam uentriculum occupat, fluxus ille lienteria, & aliquando coeliaca appellatur, quæ maxime indicatur, quando cibus sumptus statim egeritur, nihil aut parum mutatus. uel uitū erit in compositione, & tum generatur fluxus quem chylosum appellant, quando sunt obstructæ uenæ mesenterij, quod indicat chylus, cum fere liquide egestus nullus aut parui admodū foetoris est particeps: uel erit ob cicatricem à dysenteria in stomacho, aut intestinis relicta, euenitq; inde altera species lienteria, de qua loquitur Paulus. Vel erit solutio continui, id est, ulcera in intestinis, & hoc uel in superioribus, appellaturq; hic fluxus communi nomine dysenteria: quem acerrimus dolor intestinorum, continuusq; subsequitur, egestionem cruentæ & squamosæ, uel in intestino ultimo, quod rectū dicitur, & est Tenasmus, qui cognoscitur ab inani & ingenti excernendi desiderio, dolore acris, sedis loca torquente. Notandum apud antiquos coeliacum affectum, sumi pro lienteria, ac cum illa confundi, quandoq; pro eo fluxu quem nos Diarrhæam diximus appellari. Et hoc est necessarium, ut animaduertamus, & remedia distinguamus, quæ ab antiquis ad coeliacos sunt descripta, quæ quandoq; uidentur opposita, ac reuera ita sunt. Quoniam & coeliacus affectus nomen æquiuocū est ad dispositiones cōtrarias.

De cholera.

Consilium CLI.



Necideram in eam passionem ex potu uini, ut ego suspicor: & quod sy-
rupos ex sero lactis caprini sumerem cum succo fumiterræ, non prius
apertis uijs communibus, quod serum in uentriculo remanens, flatu ex-
citabat, & extendebat totum uentrem inferiorem, ita ut in anhelitu etia-
am impedimentum sentirem. Prima nocte quæ erat 2. Maij dolores
augebantur, ita ut somnum impedirent, non plane tamen. Cum ter sese materia per
uentrem euacuaret, die secundo quasi pondus me in utero gestare sentiebam, non cus-
rabam tamen, nec à cibo neq; à potu abstinebam, noctu postea uapores caput peten-
tes, somnum insuauem faciunt & inquietum. Strercora me ex ipsis intestinis ascenden-
tia euomere somniabam, & alia nescio quæ somnia, succedit nausea, & ea nocte oculus
uomitibus per interualla apparebant. Primo ea quæ uesperis comederam, uinum etiam
redolebant, postea sumi terræ uaporem & aloes etiam (eo enim uesperis pillulas acce-
peram) mixta erat materia plurima & pituitosa & cholericæ, ita noctem pessimam ha-
bebam & grauiâ somnia. Die subsequenti aluus etiam mota, tres sedes habui. Venit
Montanus & audita historia, uidens uirtutem satis constantem, uoluit ut eo die brodi
pulli biberem quantum uellem ad obtundendam humorum acrimoniam, nec eo die
aliquid comederem, nisi uesperis panatinam sorbere cuperem, ac omnino quiescerem,
ne materia motus aliquo modo impediretur Apho. 20. prim. per quæ iudicantur,
aut iudicata sunt integre. Ego me in lectum conijciens quiesci quantum potui, & eo
die præter brodia nihil sumpleram, sub uesperum semel adhuc, sed parum uomui, pos-
tea cessauit uomitus & aluus etiam sistebatur, noctem habui quieram non ita tamen
ut præcedentem. Sequenti mane Montanus reuersus uoluit ut inciperem melius co-
medere, carnes pulli uel uisuli, & bibere aliquid uini, sed bene aquati, & si natura nihil
amplius operaretur, ut eo uesperis acciperem 3 2 Hieræ simpl. cum melle rosato in
bolum congestæ, pro euacuatione reliquiarum à natura relictarum, ne quæ relinqueren-
tur in morbis recidivas facerent, 2. Apho. 12. Noctu melius habere & quietius dor-
mire ceppi, ac sequenti mane 4. sedes habui copiosas, materia educta biliosa & mali-
gna admodum, erodens etiam anum, ita ut aliquot diebus ea loca dolerent admodum,
postea conualescens consului num de integro corpus purgandum, dissuasit illud, cum
sola diæta rectori, id quod intenderem, efficere possem, ita conualui. Interrogatus se-
quenti die quid agendum, si in tali uomitu & fluxu uentris uirtus etiam deficeret. Res-
pondit distincte: si sit ex acrimonia humorum infestantium os uentriculi & syncopen
excitantium, subito exhibendum panem tostum intinctum in uino granatorum, Malua-
sia, uel uino aromatico: si ex inanitione nimia, ob purgationem maxime, brodijs pulli
aliquid substantiæ habentibus utendum

De cholera pro clarissimo Frisimelica.

Consilium CLII.



N cholera morbum Frisimelica incidit, reuersus ex itinere Tridentis
no: quod fructus plurimos comedisset, & aquam super bibisset. Erat enim
abstemius. Vocatus Montanus, uidens eum in maximis doloribus, &
extremis angustijs, & de se ipso desperantem, uoluit ut statim exhibe-
rentur Hieræ simpl. 3 2. cum 3 4. electuarij lenitius & 3 2. Mi-
chridati, quod propter suspicionem ueneni addidit, sed accepto unico bolo, illum illico
iterum

iterum euomit, & cum sentiret subleuationem, reliquos accipere noluit. Acceperat iam clysterem ex communibus, cum melle rosato, & diaphenico, at parum eduxit, quia non diu continebat; pro sedandis doloribus ordinauit.

℞. Camomill.

Anethi

Absinthij

Rosarum ana M 1.

Decequantur in aqua pro fomentatione loci cum spongia. Item;

℞. Olei Camomillini

Anethini

Rosarum complet. ana ʒ 3.

Ponantur in uesica, & applicentur calida pro fomentatione.

℞. Furfurum medianorum M 2.

Olei Camomill. ʒ 4.

Vini optimi aromatici uel maluat. ʒ 6.

Misce, fiat emplastrum pro loco, si est siccus addatur plus olei camomill. pro applicatione commodiori. Cibus panatina lenis, & potus brodium pulli quantum uellet, & hoc & sequenti die. Cordi fiat epithema ex speciebus & aquis cordialibus contemperatis. Voluit his uteretur; etsi dolor non sedaretur omnino, acciperet hieræ partem residuam, etsi neq; tum sedaretur, superberet olei Amygdal. dulcium & amararum ana ʒ 4. quod in extremis doloribus exhibere solet, ipsi uero fomentis quidem usi sunt, sed pro medicamentis clysteria tum exhibuerunt, mane dolores erant mitiores. Voluit Montanus exhibere hieram cum cassia sine mithrid. quia uiso uomitu uidebant non amplius adesse suspicionem ueneni, nec flatuositatem, cassiam non metuebant, cū ab hiera refrenaretur, & aliquid iam materiæ educitum, exhibitū fuit hoc.

℞. Hieræ s. ʒ 2.

Florum cassiæ ʒ 4.

Sed non retinuit, statim euomit. cum bile etiam multa, datus paulo post alius clyster acutus, in quo hiera picra erat. Vesperī aliquid ne dandum esset deliberabant. Stephanella esse aliquid dandū per os, quod euacuaret, & quidem cito, quod similem paroxysmū, uel paulo minorem saltem sequenti die metueret, & se huiusmodi accessiones in alijs uidisse dicebat. Francanzanus nihil per os exhibendū putabat, quia corpus iam euacuatū per uomitū & clysteribus, ideo cū clysteribus rem agendam, cū præsertim dolorem nō amplius in uentriculo, sed intestinis potius sentiret. Montanus se harū quidem accessionū causas non uidere, etsi enim pulsus in primo retractus uisus esset, non tamen febrem propterea necessario esse, cum & æqualis satis, & calor mitis & suauis, non igneus, sed humidus in corpore appareret. Possibile tamen esse, ut tale aliquid fiat, cum in dysenteria etiam accessiones de 3. in 3. uiderit in nepote capitane. Voluit tamen dari aliquid per os, quod clysteria inferiora tantum & crassiora intestina abluerent, non uentriculum & intestina gracilia, nisi per attractionem fieret, quæ in tam pauco momento, quo æger clysteria retinuerat, non erat possibilis. Vomitus præterea paucū fuisse, nec euacuatam materiam omnem, ipsam grauitatem uentriculi, & in intestinis gracilibus dolorem, ipsum deniq; uitæ regimen, & plurimorum fructuum comestitionem indicare, ideo dandum aliquid Mannæ, quæ educeret feliciter humores subtiliores, & etiam aliquam partem crassiorū, in intestinis & uis communibus contentā, sine attractione, adeo benigniter, ut parū à cibo differret, datū mannæ ʒ 2. sed neq; hoc accepit, usus clysteribus, neq; brodia bibit, sed aquā coctam cū mastice & Cinamomo, sequenti die cū febris illa Ephimera restaret, Stephanella, ex pulsū retracto, siti & calore capitis, tertianā iudicabat putridam, uolebat dare syropos ex acetosa, cich. boragine, Engliua

Endivia in decocto brodij. Montanus hanc febrem Ephimeram esse dixit, quod calor humidus adhuc esset non siccus & igneus, pulsus retractus ex affectione ventriculi ac sic symptoma sequens collyricam passionem, frontem uero & totum caput calidum magis quam reliquum corpus, propter plurimos uapores igneos ascendentes, & iam esse Ephimeram illam in uia ut proxime ad putridam accedat s. Methodi, scd̃ mē- tuere ne fiat febris putrida continua, idēq̃ cito, quod & calor paulatim siccior fieret, & urinæ notabiliter magis turbidæ. Ideoq̃ statim sanguinem mittendum, sed quia noles- bat, saltē eo uesp̃ri Mannam acciperet, id factum & conualuit. Montanus in febris- bus, primis quatuor diebus, quæ fieri debent mouenda, postea cum alterantibus præ- cedendum.

De Cœliaca anu,

Consilium CLIII.



Hanc anum non lienteria, sed cœliaca laborare, uel illud erat argumēto quod instar pultis excerneret: & quia utriusq̃ eadem est cura, primo Montanus ordinabat fomentum, quo abdomen foueret, spongia illa imbuta.

℞. Corticum granatorum

Balaustiarum

Gallarum

ana

man. s.

Rosarum

Absinthij

Foliorum Myrti

ana

man. s.

Misce, deconquantur in uino austro. Deinde pro confortatione ventriculi & in- testinorum utatur hoc puluere in panno murice primum tincto, deinde maluatico consperso, postremo inspergatur puluis, & abdomini calidus imponatur.

℞. Pulueris mastiches,

Garyophyllorum

Rosarum

Foliorum labruscæ, id est, cœnanthis

ana

3 l.

Pulueriscentur & commisceantur. In cibo uero decoquantur.

Seminis sumach

Fœniculi

ana

3 l.

Contundantur grosso modo. Misce. His ita ordinatis, altero die magis con- cocta excernebat, & pauca. Pulsus itidem tranquillior erat, quanquā urina liuidita- tem eandem præferret, quam Doctor in Gonorrhœam, qua anus antea laborarat, referebat. Cæterum in lienteria ex ulcere nihil præsentius medicamento sequenti.

℞. Succu granatorum uel diacydonitis

3 3.

Boli armeni

3 2.

Misce, ac interius sumatur, exicat enim ulcus. Et si succus non sit, agresta uti pos- sumus & succo, quanquam gustui non sit grata. Victus erit siccior carniū, sed fa- cilioris concoctionis ut sunt perdices, phasiani, aues montanæ & non aquaticæ, neq̃ proximæ partui. Vinum non sit acetosum, in cibis decoquantur genera sumach, cum tantillo Cinamomi, quod illud corroboret & astringat, hoc maxime confortet totum corpus, auctore Galeno libro octauo, & tēns.

De fluxu ventris periodico.

Consilium CLIII.



MAGNIFICA Domina patitur symptoma simplex, estq; fluor alui, qui tamen non est continuus: sed modo per tres dies, modo per 15. modo per mensem, quandoque, ut nunc, tribus diebus non egerit, hodie tamen faeces liquidas egressit, & sic zegritudo duravit sex annos. Non autem curabitur, nisi cognoscatur, unde proveniat hic morbus. Inuestiganda igitur causae huius morbi. Non faciam catalogum, quot sint genera fluxuum. Primo vero supponam, quod hic fluxus non procedat propter defluxum descendentem à capite, & irritatam alvum, quia nullo catarrho infestatur. Nec à toto corpore hic fluxus emanat, is enim diarrhæa dicitur, & fit cum dolore intestinorum, quod hic non fit. Relinquitur ergo, quod sit ratione viscerum inferiorum, ventriculi, hepatis, lienis, intestinorum, & horum vel omnium, vel aliquorum. Ponam unam conclusionem, ut ordinate procedam, eamq; signis Pathognomonicis probabo. Credo, quod dependeat à ventriculo hic fluxus principaliter, & deinde etiam adiuvet alia qua dispositio in hepate, & postmodum in liene: intestina nihil faciunt, nisi quod continuo hoc fluxu reddita sint imbecilliora, quod sit in omni ferè fluxu, quoniam debilitata non possunt amplecti, sicut convenit, nec bona sit retentio, sequitur fluxio alui. Hic siue sit exiccatio, siue aliud, necessario est intemperies. Apparet enim aciditas in eructatione, quod significat ventriculi frigiditatem, quia abundat pituita, quod apparet ab egestionibus. Sed qualitates passivæ non facile deprehenduntur, simus contenti de activis. Intemperies ventriculi est, vel quia ipsius ventriculi substantia frigidior sine affluxu materiæ: talem hic esse nego, quia ubi est fluor alui, ob talem intemperiem frigidam, apparet chylus non bene concoctus, quod hic non fit, tantum pituita plurima apparuit. Præterea, si esset ob frigiditatem, ex quo substantialiter inhæret, perpetuo hæc esset, & consequenter perpetuo hic fluxus duraret. Alia est intemperies ob affluxum materiæ, atque eam hic esse dico. Ex affluxu enim materiæ frigida, & humidæ, quæ imbibitur intra tunicas, & propter præsentiam huius affluxus, tunicæ ventriculi non possunt suum calorem ventriculo communicare, ut bona fiat concoctio. Et si debet ventriculus recte amplecti cibum, oportet, ut mediocriter se habeat inter humidum, & siccum. Si enim humidior, non retinebit propter nimiam lubricitatem: si siccior, non apte amplectitur, & Galen. 3. de causis symptomat. dicit, ubi ventriculus non bene continet, percipitur flatus, rugitus, gravitas & dolor ventriculi. Quod hic percipitur gravitas per se, significat cibum non bene contineri in ventriculo, rugitus significat idem, & præterea calorem esse diminutum. Sequitur deinde, ubi materia est imbibita intra tunicas, ut & appetitus destruitur, hæc enim facilitatione suorum vaporum ab ea ascendentium, unde os amarum est, ut cibum nauseat. Ubicunq; ergo non bene appetitur, consequenter non bene continetur, deinde non trahitur ad alimentum, quia calor circumstantium partium est quoque diminutus. Hic itaque fluxus est, & cuiuscunq; generis sit, coloris habet plurimum, tamen cineritj, ob frigiditatem, ubi vero plus accedit putredinis, fit coerulescens: Gal. 3. de facult. natural. Si consideramus humores secundum naturam, sunt quatuor, si secundum putredinem, quæ est præter naturam, nec à natura regulatur, sunt infiniti. Hinc quoque percipitur tensio ventriculi, quandoque hæc materia intra tunicas tumescit, quandoque non, tunc scilicet, cum hæc materia est in profundo. Credo itaq; principalem causam huius defluxus esse intemperiem frigidam ventriculi, ob materiam affluentem, quæ hanc materiam fovet. Hæc pituita continuo fovetur per sex annos, quod fieri posse videtur sine ipsius ventriculi intemperie. Non nego hic esse aliquam intemperiem ventriculi, sed non tantam, quæ immediate causa sit huius fluxus.

fluxus. Primo audiuius, quod habuerit plurima accidentia animi, quibus molestat, quod maxime destruit calorem naturalem, & multiplicat tales humores omnes, quibus intumescit splen, & sunt hydropici, quia ob uicinatem hepar refrigeratur. Et quia hic sunt signa abundare humorem melancholicum, hinc etiam ob membra adiacentia uentriculo, hic humor congregatus est. Quidam contendunt hunc fluxum esse hepaticum, & hepar habere dominium in hoc deluxu, vel propter obstructions, uel ob intemperiem, uel ob solutionem continui, sunt fluxus hepatici. Dicunt hunc fluxum non esse ob intensum hepatis calorem, quia Gal. *ατρε το πρε* dicit, in tali casu apparere feces, ut in fluxu colliquatium, quasi cibi & carnes colliquate, quod hic non apparet. Dicit praterea Galenus, ubi infrigidato hepate fit fluxus hepaticus, apparet diminuta sanguinis coctio, & aquositas, nec bene a uenis attrahitur, sed regurgitat ad uentriculum, & fit uomitus sanguinis, quod quidem hic non est factum. Ergo non est fluxus hepaticus, neque ob intemperiem, aut propter obstructions hepatis. Itaque plane credo hanc pituitam in uentriculo collectam, obstruere uenas inter uentrem & hepar, hinc ob putrescentes ibi humores uarij coloris feces apparent. Est quidem hic hepatis calor magnus, quod apparet ex urina coloris aurei, & granulis referta, non tamen tantus est calor, ut faciat fluxum colliquatium. Vtrum modo splen concurret? Partur moerores animi: hinc collecti humores melancholici, qui etiam in egestionibus apparuerunt, nec esse potest, quin afficiatur splen affecto hepate, & uentriculo. Non est hic fluxus stomachicus. Hic enim est ob intemperiem malam uentriculi. Est ergo hic fluxus ob humorem imbibitum in tunicis uentriculi: quando hic humor resoluitur, cessat fluxus. Habet omnes operationes alias sanas, quare etiam alia membra non peccant. Ventriculus est redditus quidem frigidior, talis tamen frigiditas non est causa immediata huius fluxus. Quare fluxus non erit stomachicus.

PROGNOSTICVM. Dico, quod possit sanari, non tamen facile, quia cum hac pituita habeat suas uias paratas per tantum tempus, habitus aliquis in hoc tempore est factus, non tamen est adeo senex, quod destruiatur calore.

CVRA. In hac cura duo aduertenda. Primum, cum sit periculum, ne incidat uentriculus in habitualement frigiditatem, querenda remedia, quae non infrigident uentriculum, hepatis tamen ratio habenda, ne calefiat, sed potius alteretur ad oppositum, & ita temperabimus medio modo, ut principaliter uentriculus expurgetur ab istis imbibitis humoribus, ac postmodum corroboretur. Quod difficilior erit euacuatio, ne, ne rursus incidat in peius. Accipiat aquam balneorum Patavinorum, quia hic facta est aliqua impressio frigida in uentriculo: potus itaque exiccabit ui sulfuris, & mineralium subtilis substantia est in his balneis, quae penetrabit ad eos humores exiccandos, ac ratione salis absterget, & corroborabit uentriculum, sumat tamen modicum aquae, ne laedatur. Si curabitur hoc pacto, bene, si non, curandum, ut uentriculus semper sit euacuatus ab hac materia: quod postea uidebimus.

De fluxu uentris partim hepatico, partim lien-
terico, partim celiaco.

Consilium CLV.



ASVS recitatus à Frisimelica: Superioribus diebus cum huc uenisset hic Magnus uir, querebatur de fluxu præter naturam, & putabat causam, quod primo Augusti mense in caloribus illis uehementibus noctu frequenter permutasset lectum, & interdum se exposuisset aëri nocturno, & dormiuisset fenestris apertis. Ex eo tempore totis his tribus mensibus, hoc fluxu laborauit. Laborauerat ante dolore capitis, & defluxu catarrhi, ad partes inferiores, & præcipue brachia, tandem superuenit febricula, quæ cum non intensa

fuit, non multum duravit. Vltimo accessit hic fluxus, in quo quandoq; sanguinem, quandoq; feces egerit, laboravit etiam hæmorrhoidibus, ad quas restringendas multa sunt adhibita, sumi,unctiones, syrupi, medicinae, & tandem sunt restrictæ per medicamenta, per os assumpta, & foris applicata, ut satis imbecillus & macilentus evaserit. Iam die ac nocte 7. aut 8. egerit sanguinem interdum cum fecibus: interdum feces sine sanguine, easq; diversi coloris, cineritij, subnigri, interdum sanguinem aquosum, sicut est lotura carnis. Hypochondria in parte dextra ad ventriculum & hepar tensa sunt, imò totus venter: sed magis circa partes prædictas. Exhibui syrupum ex decocto Cichorii, & Agrimonie, quæ attenuat, aperit, & roborat iecur, cum syrupo eiusdem, & curaveram fieri Electuarium ex melle rosato, & alijs. Sed quia melius habebat, & non toties egeribat, ut iam Venetias ire uellet; non feci. Nunc iterum coepit similiter egerere. Ideo voluit consilare. E. V.

MONTANVS. Ex quo habemus Clariss. D. Magnificum Dominum laborantem fluxione, uel profluvio alui, & ut id curemus, vocati sumus, oportet considerare naturam fluxus: quia etiam uno uerbo dicimus fluxionem, tot tamen ea habet differentias, ut fortasse uix ullus morbus alius. Oportet igitur querere causas, & naturam eiusdem, à quibus omnes indicationes sumuntur. A natura rei igitur incipiamus, quæ eo difficilior, quo maior discrepantia inter clariss. Doctores. Alius enim fluxus potest esse ratione corruptorum humorum, & caliditatis hepatis, alius ratione frigiditatis huius. Ad ueritatem quesiti venire oportet ex natura rei. Materia, quæ exit, est multis formis substantia, qualitate, quantitate & horis egressionis præter naturam. Singula ordine consideremus. Substantia uaria est, quædam crassa, quædam tenuis, quantum ad qualitatem, quædam sanguinolenta, quædam pituitosa, ita ut miscella omnium humorum adesse uideatur. Colore diversi, subniger, uiridis, subalbicans, rubeus appareret, & sine foetore, quod est obseruandum. Quantitas est satis notabilis, tota die ac nocte plus egerit, quam par sit, & mirum quod plus egerat, quam assumat cibi, & hoc durat per tres menses, & sic quantitas maxima extensiuæ, & intensiuæ. Horas certas non seruat, plus tamen interdiu, quam noctu egerit, sed non sunt statæ horæ. Cum hæc itaque omnia ad hunc modum se habeant, oportet uenire ex his accidentibus in cognitionem causarum. Tria sunt hic præter naturam, Substantia excreta, non enim naturale est, ut aliquis egerat sanguinem, bilem, pituitam, & humorem nigrum, sed debent egeri feces, & excrementa primæ concoctionis, ut 2. Prognost. legitur. Est etiam qualitas & quantitas præter naturam 2. de diff. feb. Duæ uero sunt principales causæ in qualibet fluxione: membrum mandans, & recipiens, duæ deinde accessoriæ: materia generata, quæ defluit, & uasa, per quæ defertur. Discutiam in hac re, sicut me docuit Galenus: & ibi, & alijs in locis plurimis. Quæ igitur causæ substantiæ mutata, membrum mandans, an recipiens? Appello recipiens, intestina quæ recipiunt, mandans, à quo talis materia defertur. Hic non est causa membrum recipiens, sed generans illam materiam. Si enim non generaret, non deferretur per eas uias. Dicimus ergo uitium esse in aliquo membro generante, & illud inquirendum, an unum uel plura. Vbi igitur generatur, & quod est membrum generans? Incipiam inquisitionem à substantia, postea ad quantitatem, & qualitatem deueniam. Videmus uarias materias uariarum naturarum, quæ in uno & eodem membro nō possunt generari, quia unumquodq; secundum suam determinatam complexionem generat proprium, & determinatum humorem. Hic humores contrarij, ergo in eodem membro generari nequeunt, quia contrarias causas habent. Adest pituita, quæ frigida & humida, estq; uel pituita uera, quæ in uentriculo generatur, uel per similitudinem sic dicta (2. de potentijs naturalibus) qualis est mucus descendens à capite. Hæc præfens an ad cerebrum, uel uentriculum referenda, inquirendum est. Dico de cerebro, nos non habemus signum manifestum, quia nunquam perpessus est catarrhum, neque per nares, neque per os, ut diceremus illum subiectum esse distillationibus, ergo causa ad uen-

triculum referenda est, non ad cerebrum; licet autem semper generetur pituita naturaliter in uentriculo, nouimenta non affert, si ea se secundum naturam habet, tamen ubi plus gignitur quantitate, & qualitate peccans, generatur uel à frigiditate, uel ab alijs qua causa procacitica, ut à cibis frigidioribus. Sunt tres menses, in quibus nihil desiquit, præterquam in principio Augusti, comedendo Melones & Angurias, sed non potuit ab illo principio fieri tanta intemperies. Et quia perseverat tandiu cum bono regimine uictus, uerisimile est fieri ex temperatura uentriculi, nõ persicentis primam coctionem. Crederim igitur membrum mandans & generans pituitam, esse uentriculum, quæ fuit præter naturam, quia in maxima copia generatur. Adest materia etiam adusta, quam ad lienem referendam esse constat, quia in ipso aggregatur, licet non generetur, illa materia, sed in hepate: tamen ad lienem perferitur, tanquam excrementũ, & pro ipsius lienis alimento. Ita ad lienem referri debet, si non primarie, secundarie saltem, quia non attrahit debito modo, uel quia plus attrahit, ut non possit conficere, & ita plurima quantitas illius humoris in eo congregatur, quod inde colligo, quia cum tango dextrum hypochondrium, non uideo resistentiam, sed possum comprimere. Cum uero tango partem sinistram, & regionem superiorem uersus uentriculum, & lienem, uideo tensionem insignem, quæ indicat materiam aggregatam in uentriculo, & liene, plus quam in alia parte, quæ regurgitans ad intestina, admiscetur cum alijs fecibus. Est igitur inter membra mandantia etiam lien. Habemus & alias materias, non tantum citrinas, sed uirides, & prasinas, quæ significant adustionem bilis ulteriorem, factam in hepate, ita ut non tantum generetur in hoc corpore bilis naturalis, quam apellant flauam, seu citrinam, sed & uiridis propter maiorem adustionem. Est ergo membrum generans huiusmodi humorem aliquod, quod ratione suæ intemperiei non naturalis generat humorem peccantem quantitate, & qualitate. Sunt autem duo membra generantia bilem, unum uentriculus, qui prasinam generat, alterũ hepar, quod flauam. Vnde modo est tanta excretio bilis? Non est ratione uentriculi, quia comprobauimus illum factum esse frigidiorẽ. Prasina autem bilis generatur ratione calidioris intemperiei, aut ciborum calidorum, ut bene notat Gal. Hic nullum istorum apparet. Ergo oportet hoc referri ad membrum aliud calidius. Licet enim prima generatione generetur bilis prasina in uentriculo, citrina autem in hepate, tamen ipsa etiam bilis citrina, si aduratur ulterius, in prasinam uertitur, seu uiridem. Cum igitur in uentriculo ob frigiditatem generari nequeat, necessarium est, ut generetur in hepate, & in uenis. Ergo in ijs erit aliqua caliditas intensa, alioqui enim generari non posset. Nunquid igitur est caliditas maior in hepate, & ambitu uenarum, quæ generet? Hoc nisi per signa exterius apparentia iudicari potest. Video autem hic manifesta signa caliditatis, & adustionem in fecibus, quæ non potest referri ad alias causas. Est ergo aliqua caliditas præter naturam, uel in hepate, uel in uenis. Et ita credo, diuersos humores habere diuersas causas, uentriculi frigiditas pituitam generat, lien imbecillior, quod plus humoris melancholici ad eum defertur, quam conueniat: hepar calidius generat multum bilis, & adusti humoris. Multiplicatur atra bilis, quam non potest attrahere totam, quia plus est, quam oportet, & non ita concocta, ut naturaliter fieri debet, ideo uirtus expulsiua insurgens mittit huiusmodi materiam ad membrum recipiens, scilicet intestina. Habemus igitur causas generantes diuersam substantiam, modo præter substantiam adsunt diuersæ qualitates. De colore nihil dicam, quia prius exposuimus. Sed quedam materia est malorum morum, in quibus est uis seu acciscentis. Hæc materia exiens non facit dolorem, sed alia habet accidentia. Primo sanguis exit multiformis, de quo aliquid dicendum est. Quidam admixtus fecibus, quidam admixtus cum pituita non uera, sed ea, quæ est indumentum intestinorum, & adhæret illis ad usus notos, & plurimum huius materie admixtum est: & sanguis est satis floridus. Alius sanguis niger est, qui admixtus fecibus, ut uideatur unius. Videndæ horum causæ. Floridus sanguis admixtus cum pituita solidiore, adherente intestinis, fit propter

propter humores adustos, & calidos, & pralinam bilē, quæ semper exeunt, & attrahunt aliquid de illo indumento, & aperit uenarum officina, & sic extrahitur ille sanguis, alius rary dictus ab Auicenna, qui præcedit dysenteriam, hæc enim sequitur, si fiat excoriatione maior. Hic autem fit sine multo dolore, quia nondum est excoriatione, sed tantum abrasio, licet quandoque dolore sentiat. Quantum ad sanguinem excrementum, credo illum manare uel à toto ambitu uenarum, & hepate, & tunc est permixtus fecibus, quia de longinquo uenit sanguis uero qui supernatat feces, non commixtus ijs, credo quod ab hæmorrhoidibus, quas perpelius est, ita habemus 3. differentias sanguinis, scilicet, & suas causas. Opinor autem, quod hic sanguis fluat à toto ambitu uenarum, quia dum in hepate generantur humores præter naturam ob caliditatem nimiam, sanguis acrior se ipso redditur, & dum transit per singulas partes corporis ad nutriendas eas, natura non attrahit nisi meliorem partem. Excrementa postea expelluntur à uirtute expulsiua ualida per intestina, & hoc puto fuisse principium huius fluxionis, perdurat autem, quia tot habet causas mandantes, & ita à toto ambitu uenarum mitti crediderim, camque ob causam corpus aridius se ipso factum, quia non nutritur debito modo. Hic igitur defluxus partim potest dici diarrhæa, potest etiam dici defluxus à toto ambitu uenarum, & secundum alium sensum hepaticus, quia fit uitio hepatis, generantis malum sanguinem, uel ob temperaturam ipsius frigidam, quando defluxus est sicut lotura carnis, uel ob temperaturam calidam, quando sanguis generatur quidem, sed tenuior, potest etiam dici stomachicus, id est coeliacus, quia uenter debilitatur. Itaque fluxus est omnino mixtus, & habet multas causas. Quod ad hos mores malos attinet, quos fecit, & deteriores facere potest, credo, quod referendum sit uitium ad intemperiem membrorum mandantium & generantium, ut & Galen. refert, nam in membro generante, quod intemperies est fruior, eo peiores mores sequuntur. Quantitas quoque partim referenda est ad intemperiem membrorum generantium, & mandantium multos malos & crudos humores, qui expelluntur, partim ad imbecillitatem membri recipientis, quia non resistit. Quia igitur plurima materia, dicendum est adesse maximam discriam in istis membris, tam mandantibus, quam recipientibus, scilicet intestinis, quæ debiliora & laxiora seipsum facta facilius recipiunt, propter nimiam humiditatem relaxantem, ut dicit Galen. in Aph. Quibus iuuenibus alii laxiores, &c. & totam causam fluxus lienterici refert ad humiditatem, relaxantem intestina. Hic quoque comedit fructus, pepones, angurias, quæ humidiora excrementa generant, & relaxant intestina, & constitutio anni adiuuat, ut est 2. comment. Epid. de constitutione humida, & Australi, sequente calida & sicca, sequi dysenterias in corporibus cholericis, & recitat optimas causas. Temperatura huius corporis admodum cholericæ, ut etiam ad aduersionem inclinet. In uere constitutio Australis fuit, successit æstas admodum calida, & sicca, ideo accedente mala ratione uictus, & debilitatis intestinis ob humiditatem fructuum, in corpore sunt aggregate plurimæ materie, successit diarrhæa, quæ durauit tandiu. Sunt autem hic quædam difficultates quæ discutiendæ sunt. Queritur, si intemperies calida & sicca in hepate, & in toto ambitu uenarum, cur non adsit febris? cur non doleat? cur non biliosus uomitus? cur non sitis? Omnia ista explicata facilia sunt. Primo, non habet sitim, quia plurima redundat pituita in uentriculo, quæ extinguit & obtundit sitim, etiam in febribus ardentibus, ubi est cum illis fluxus, quia obtunditur appetitus calidi & sicci. Cur non uomitus biliosus? quia materia biliosa descendit ad intestina per meatum fellis. Cur non febris? quia non adeit putredo, sed materia statim eijcitur per intestina, non autem sequitur febris, ubi humores non putrescunt, uel intra, uel extra uasa, & cum humores tales hic exeunt, nequaquam causant febrem. Quod autem uideatur apparere simile aliquid loturæ carnis, id est, talis sanguis, qui est aquosior, puto hoc esse propter apersionem uenarum, & sæpe fit in caliditate hepatis, quando frustratur coctio in uentriculo frigidior, transmittitur chylus ad hepar non concoctus, & hepar præter naturam calidum, crudum humorem partim adurit, partim inæqualiter concoquit, ideo ex ipso humore crudiori, & rebell

concoctione, facit tenuiorem sanguinem, & magis aquosum, non quia non adsit caliditas, sed quia pars transmissa sit rebellis magis caliditate hepatis adurente, & inaequaliter concoquente. Ita potest exire sanguis aquosus ratione caliditatis hepatis.

PROGNOSTICVM. Magnificus Dominus mansurus est per aliquod tempus in tali dispositione, quia plurima membra in eo affecta, & diu durauit. Potest etiam fieri, ut membra fiant frigidiore hyeme, & praesertim hepar. Exhalante enim calore ob cruditates, relinquitur frigiditas in omnibus aegritudinibus chronicis, quae a calore incipiunt, & desinunt in frigidam dispositionem: ita uero successu temporis fieret fluxus hepaticus, qui a frigiditate hepatis procedit. Credo, quod curabitur, sed non ita facile. Vtinam aestatis tempus esset, & credo, quod nihil praestantius esset, quam aqua Thermarum Veronenis, sed nunc non licet, quod autem illis curari posset, omnino arbitror.

C V R A. Habemus membra admodum affecta, & natura inclinata, ut ex toto ambitu uenarum materiae transmittantur, & sunt obstructions plurimae in uenis Mesaraicis, obtunditur uirtus Mesaraicarum propter tantum concursum humorum, & materiam plurimam, ubi regurgitant, uelut in Euripum quendam, qui fluit, & refluit. Et primo, quantum ad uentriculum, curandum est, ut concoquat. Calefiat etiam, sed ita ne noceamus hepati cum ijs, quae extrinsecus applicantur, & propterea maxime considerem in linimentis diuersorum generum, quae coctionem uentriculi iuuant, absque eo, quod calefaciant hepar. Nolle exhibere Diatriopipereon, licet id Galenus laudet 4. de sanit. tuenda, quod calefaciat uentriculum, absque eo, quod calefiat hepar, tamen cum assumetur in quantitate maiori, quam par sit, & crebrius transit ad hepar, illinerem cum oleo Ahlinthij, spicae & aromatibus calidis, Mastiche, Ladano, Caryophyllis, Cinamomo. Ex his, & alijs facerem linimentum pro uentriculo. Postea uellem, ut singulis diebus acciperet confectionem aliquam confortantem uentriculum, ut Diarrhodon Abbatis. Corroborat enim, & non nocet hepati. Hepar non mutandum, neque refrigerandum, neque calefaciendum, quia certo certior sum, si materia quae offendi, & a toto ambitu uenarum ad id transmittitur, confestim diuertetur per urinas, sudorem, & alias euacuationes, redibit ad suam dispositionem naturalem calidam & siccam. Confido in diureticis, quae essent temperata, ne facerent resolutionem calefaciendo, uel refrigerando, ut sem. Melonum, sem. Citrullorum, Endiuiae, Lactuae, cumque his apponerentur quaedam calida, ut Apij, Petroselini, Carui, Anisi, contunderentur omnia grosso modo, & fieret decoctio, postea miscebuntur cum syrupo de Ahlinthio, uel Cichorio, & singulis diebus accipiet. Considerem & in diuersionibus, & corroborarem intestina astringentibus, bolo Armeno, cum saccharo rosato, quod in hoc casu utile, quia non tantum debemus prouocare urinam ratione diuersionis, sed etiam cauere, ne membra recipientia, cum laxa sint, amplius recipiant, itaque cum astringentibus & exiccantibus, cum relaxatio sit causa debilitatis, & fluxus. Laudo & terrae Lemniae usum. Facerem frictiones singulis diebus prouocantes sudorem, etiam cum his, quae dissoluant materiam per cutim. Vterer balneis dulcibus, quia diuertunt, & in hoc praestant, quia diuertunt materiam & iuuant concoctionem & praecipue debilitatem uentriculi, & corpus transpirabile reddunt. Sperarem in Cichorio, quia nutrit hepar arefactum, & aperit obstructionem. Ad haec etiam, confortarem membra: utatur ultimo certa ratione uictus, quae praescribetur.

Electuarium post fluxum hepaticum ordinatum.

ss. Passularum mundatarum, & bene lotarum primum in aqua,	
postea in uino lib. 2	
Rhaharbari electi	3 4.
Sachari opt.	3 4.

Puluerizetur

Puluerizetur Rhabarbarum, & omnia simul incorporentur, & ultimo addendo Caryophyllorum 3 2. seruetur in capsula bene cooperta: sumantur ex hac mixtione 3 2. singulis uicibus ante prandium, semel, bis uel ter quacunq; in septimana, urgente necessitate. Confert ad hepar confortandum, quod debilitatum est ex fluxu hepatico qui præcessit: ad impinguandum, & nutriendum, & ad aperiendas uenas Mesaraicas.

De fluxu uentris, & mala dispositione, relicta
post Dysenteriam.

Consilium CLVI.



CASVS. Habuit fluxum dysentericum cum excoriatione intestinorum ex uino potenti, rebus dulcibus & salis, uenere nimia, interdum etiam sitatim à cibo, & negotijs plurimis. Cum dysenteria aderat febris continua, & dolores uehementissimi, tum præcipue, cum excerneret. Exhibita sunt enemata, & decoctum ex Myrobalanis, cum Rhabarbaro puluerizato, nam alia accipere noluit. Data quoq; Cidonia in cibo, & sic tandem cohibitus fluxus, remansit tamen mala dispositio uentriculi. Appetitus prostratus est totus, & adhuc plus iusto, ac sæpius egerit.

TRINCAVELIVS: Omisissis præteritis de præsentibus loquemur, causas eorum credo esse ex resolutione, non ex materia calida uel frigida, quæ post fluxum dysentericum & euacuationes etiam non potest adesse in tanta copia, ut causet hæc symptomata, sed fiunt ea, quia est resolutus, post fluxionem non dormiuit, uexatus grandissimis doloribus, & euacuata materia plurima, cum quibus etiam dissipantur spiritus, fuit enim dysenteria uehemens cum magna arrosione intestinorum, non pituitæ solum uesientis, sed ramentorum etiam. Adhæc secuta resolutio, quæ est causa præsentis dispositionis: quæ non est à materia aliqua calida uel frigida, post tot euacuationes spontaneas & cum medicamentis, sed quia uenter debilior, & adsunt obstructions in sinistro præsertim latere, quæ impediunt transitum, ideo post dysenteriam uidi sæpius feces, quasi cibum non satis concoctum, & chylum quendam cum materia permixtum, ideo crediderim esse debilitatem uentriculi. Et licet dicatur parum comedere, tamen ex multis & uarijs uescitur, & inter reliqua, etiam oua in aqua cocta, quarum albumen induratum magis, difficilius concoquitur, Ita ut hac tante debilitate uentriculi, & quantitate & qualitate sua onerent uirtutem: hac de causa adhuc hodie plurimum adest materiæ ob frigiditatem uentriculi generantis pituitam plurimam, propter cibum amplius quam possit concoquere. Antea febris aderat cum fluxu, ea reliquit eum, non tamen integre ut uidetur.

PROGNOSTICVM. An possit curari, nihil mihi facit difficultatem nisi mores ipsius, nihil fere uult accipere, quod habeat uel odorem uel saporem aliquem, omnia ei dant fastidium.

CVRA. Quomodo uelles eum tractare si posses? Primo uellem ut parce beret & comederet, ter in die, sed parce ei exhiberetur cibus facilis concoctus, contusa ex elixis uel assatis etiam (licet hæc amplius quidem nutrant, sed difficilius concoquantur) oua forbilia &c. De uino credo necessarium propter uenterculum, nec tamen potentissimum, & quia nunquam solitus est diluere uina nec potentia neq; paucifera, ideo si haberet uinum mediocre, concederem sine aqua, nec laxaretur uenterculus magis, si haberet aliquid leuiter astrictiōis esset gratissimum. Acciperet aliquoties panem in maluitio maceratum, id comederet, sed parum utatur. Quiescat corpore & animo, nec molesteretur curis, habet enim opus recreatione: pro exercitio frictions adhiberi possunt. Hæc erit uictus ratio, cuius quantitas sit talis, quam possit uenterculus

concoquere, Medicinas postea si uellet darem syrup. de menta, sed cum uideam obstructionem, exhiberem syrup. de Absynthio, cum de cichorio & aliqua portione Reubarb. quod respicit uentriculum, & lecur, & simul discutit obstructions. Darem igitur syropos de absynthio, & cichorio Nicoliana, uel sine aquis quo diutius manerent in uentriculo, uel diluerem in iure aut cochleari uini, ne tanta esset amaritudo & odor & qualitas uini, iuuaret uentriculum, nec transiret ad hepar, si uelit omnino, addere aquam Betonicæ, Absynthij &c. si non uelit syropos, detur decoctum absynthij, & cichorij. Superioribus diebus comedit folia uiridia Absynthij nostro persuasus, sed syrapi magis penetrarent, & hi syrapi essent mihi pro medicina alterante & soluente, etiam si alius sponte fluat & lenis sit, & semper in una 3 syrup. de cichorio Nicolii sit 3 1. Reubarb. quod purgat bilem & pituitam, ut uidemus experientia, & attenuat. Alijs itaq; medicamentis non uter, propter debilitatem uentriculi & propter imbecillitatem intestinorū. Vterer Reubarbaro potius quam alijs, si nolit hæc, exhiberem trociscos de rosas, & de Reubar. sicut pill. 3. possunt misceri & Trocisci de absynthio, quanquam illi sunt calidiores.

MONTANVS. Clariss. D. prætermittam præterita, de quibus nulla est consideratio, & dicam de præsentibus, quæ uideo, & audio, & ex fundamentis ad causas ueniam, ut de curatione loqui possim. Incipiam autem ab excrementis, quæ indicant, utrum affectus præcedens remotus, auctus uel diminutus sit, & in quo statu ægritudinis simus. Hæsterna non uidi, sed hodierna erant compacta, & uidebantur habere formam, quam laudat Hipp. 2. Prog. & accedere ad substantiam mellis concretæ, color tamen non naturalis erat, sed nigrior, substantia inæqualis, & materia liquidior cum spuma etiam. Audio præterea ex ægro, dum egerit, affici doloribus circa uentriculum, & intestina gracilia, & interdum etiam circa intestinum rectum, qui dolor non ita acutus est, ut prior, non tamen ablati. Urinæ habent spumam hærentem in corona, color ad rubedinem tendens, non proportionatus temperaturæ, nec clara est, ut in sano, habet dispersum sedimentum per totam substantiam urinæ, & crassum. Habet præterea magnam appetitus prostrationem, & uirtutis, abhorret ab omnibus, non dormit, & licet absidentes eum hac nocte putent dormiuisse, ipse tamen omnia audiuisse affirmat. Præcessit dysenteria longa, & insignis cum febre, quæ exiccat, & facit arescere membranas & tenues illas partes, ut quasi breuiores factæ uideantur. Hic conueniunt omnes causæ, quæ faciunt graciles musculos, & remouent pinguedinem corporis. Corpus naturaliter siccum. Febris exiccans, & fluxus, & tamen habet musculos adhuc boni habitus, nec exaruit, & in parte sinistra apparuit tensio, & tumor præter naturam. Hæc omnia consideranda sunt ad ueram inuentionem curæ. Incipiam ab excrementis, quorum superiora nō uidi, ideo nihil de ijs dicere possum. Sed diebus præteritis cineritia quandoq; quandoq; alba excreuit, & luto candidiori similia, & nunc nigra excernit, quod deterius est, & auget intentionē meam, melius enim esset perseverare excretionē unius generis, nam cum sunt uarij generis, indicant esse varias causas, & interdū oppositas, & morbum esse difficiliorem. Sed quicquid sit, præcessit dysenteria acrim humorū, ita ut etiam ramenta intestinorū egereret, quæ sunt ab acerrimis humoribus erodentibus & adustis. Accessit temperatura adusta, quæ plus generat bilis adustæ, quam naturalis, & color niger totius corporis indicat dominium talis humoris. Accesserunt & alia, quæ augent adustionem, uidelicet ratio uictus, & in præsentia sunt obstructions in liene, est tumor in omnibus intestinis, & habet uentrem inflatum. Ideo credo, etiam si cessauit fluxus propter optima remedia uestra, tamen ex his signis adhuc perseverare intemperiem uentriculi, & membrorum naturalium, circa quæ magnus labor est. Nam nisi remoueantur, incidet in fluxum hepaticum, uel alium morbum, quo tota deinde hac hyeme laborabit. Sed quas tamen credis esse dispositiones? Credo primum uentriculum frigidiorē seipso, & ideo multiplicari humorem pituitosum, qui relaxat uentriculum, & destruit appetitū, quia pituita adhæret impacta orificio uentriculi, & facit prostrationem appetitus, quia cōtraria est corrugationi, quæ est causa famis.

Ideo arident ei acida, & incidentia propter eandem causam: quia pituita abundat in ventriculo, & cum reddit frigidiores: unde inappetentia sequitur, & cruditates etiam eib quas exeunt excrementa, non colorata, ut uidit Excel. V. diebus præteritis. Nam ubi cruditates sunt, feces albæ egeruntur, quia non fit bona concoctio in ventriculo, & humores crudi exeunt. Video etiam, quod abundet flatibus, quia uenter heri multo magis tumidus, quam hodie, & sæpe incitatur ad egerendum, & nihil egerit. Est ergo in ventriculo frigiditas, ratione cuius sequuntur dicta symptomata. Deinde in hepate fuit, & nunc etiam est, licet non tanta caliditas, quanta fuit ante, cum generabatur maxima copia bilis adustæ, quæ fuit causa dysentericæ. Nunc non tantus calor, quia humores calidieducti sunt, & eorum euacuatio refrigerat corpus. Secundo, quia in longis ægritudinibus semper caliditas resoluitur, & exit, frigiditas uero remanet. Tertio, propter remedia exhibita purgantia, non est tantus calor modo. Talis tamen adhuc est, qui nobis facesset negotium. Ideo & urinæ tinctæ, & excrementa nigra & inæqualia, quia membra inæqualia à quibus excernuntur, uenter frigidus, hepar calidum, & permiscetur etiam aliquid de fæce sanguinis, propterea quod lien propter obstructions non ita attrahit, sicut oportet: ideo regurgitat in intestina, & exit cum fecibus, & hanc ob causam sunt nigra etiam, non tamen propter caliditatem hepatis aduræ entis humores. Varias igitur colligo ægritudines in hoc corpore, frigiditatem uentriculi, caliditatem hepatis, obstructions circa regiones lienis, quarum manifesta est causa, illa inæqualitas membrorum, pituita obstruit meatus, & ideo lien non attrahit, sicut oportet, ergo abundat humor melancholicus in maiori copia, quam debet, & ita educitur per intestina. Hinc etiam sunt uigiliæ quæ præcesserunt, & exiccarunt cerebrum. Cerebrum natura siccum trahuit, accessit fluxus calidus, & uapores calidi & siccifcendæ runt ad caput à melancholia & bile, unde timet magis quam debebat, desperat, & despondet animum præter rationem, quod proprium est melancholicorum. Cum dormit, imaginatur se non dormire, & sentire omnia. Quibus prouidendum præcipue. Obstructions aperiendæ sunt, confortandus uenter, & cauendum ne hepar caleat magis, non tamen uellem refrigerare, quia si humores euacuentur, & aperiuntur obstructions, euentabitur caliditas eius, & sponte redibit ad temperamentum, & sequetur sanitas. Uenter igitur corroborandus, & aperiendæ obstructions. Quibus: Sola ratione uictus curati poterit, si obtemperet. Ea igitur primo instituenda. Comodat cibos facilis coctionis, & multi nutrimenti. Detur opera, ut calor naturalis augeatur, quo restaurato, uenter corroborabitur, & optime faciet operationes suas, hoc fiet, si utatur illis, quæ faciunt bonum sanguinem, quæ sunt nota. Vinum sine dubio dandum est, tanquam medicina nutrienda, sed illud sit subtile, clarum, limpidum, album, non aquosum & flatuosum, nec acidum, nec acre, non quidem Maluaticum nec fortissimum, sed tantum sapiat naturam uini. Est enim solitus bibere uinum potens sine aqua, & corpora magis nutriuntur cibis consuetis. Tale uinum præterquam quod nutriet, aperiet etiam obstructions, & cōcoquet materiam, quæ in uis est, & erit medicamentum & alimentum. Si album non inueniatur, accipiat mediæ coloris, & quod non sit nigrum, sed transparens. Deinde frictions fiant cum uino aromatico, & oleo de spica, quod non habeat fortem odorem, & si habeat, refrangatur cum oleo amygd. dulcium, & uino Maluatico, cum hoc calefacto illinat leniter corpus totum, confortabit enim membra, & reuocabit calorem naturalem, & supplebit exercitium. Si perseverarent uigiliæ, acciperem Anethi, Chamæmeli flores & Nymphaeæ, & folia salicis, si haberi possunt, & uesperis pedes & manus in eo decocto tenerem, corroborabit calorem natium, & prouocabit somnum, & erit etiam bonum ad humorem melancholicum. Accidentia animi quoque moderabuntur, sit lætus, & non seipsum affligat. Hæc ubi facta erunt circa medicinas non dereliquerem ea, quæ exterius applicantur, & uideo à uobis occurrere esse oleo Absinthij & Mastiches, item fasculo Absinthij appposito. Ego unum adderem, in quo confido plurimum, & cuius uires sæpe expertus sum mirabiles, quando corpus erat imbecille ex longa ægritudine.

Accipio carnes Dactylorum & passularum, & Citoniorum coctorum, & ea decoquō facio in uino Maluatico, postmodo addo oleum de Absinthio, & Amygdalis dulcibus, cum mica panis assat, & ex omnibus bene contusis facio Emplastrum in optima forma, idē in sacculo panni linei subtilissimi membrīs naturalibus applico calefactū, iuuat mirabiliter, & corroborat. Hæc si facta fuerint, & deinde uultis aliquid pro liene facere, poterimus uti oleo Amygdal. amararum, & oleo de Capparibus, cum Bdellio, Ammoniaco, & puluere corticum radicum Cappar. pro linimento. Per os syrupus de Absinthio optimus, item de Cichorio Nicoli, quia in uentriculo est frigiditas & copia humoris frigidi non imbibiti. Oportet igitur abstergentia, corroborantia, & aperientia exhibere, & confortantia hepar, qualia sunt Absinthium & Cichorium; si uultis addere decoctum ex capillis Veneris & Ceterach, nihil melius pro liene, & alijs obstructionsionibus, & ita satisfaceret omnibus intentionibus; hos syropos si accipiet, bene faciet. Trochiscos laudo, imò semper Trochiscos, & syropos cum sumere uelim. 1. uel Trochisc. ex Rhabarb. uel ex Absinthio, si uero non uult utrunq; accipere, accipiet alterum, si neutrum, saltem confectionē accipiat ex Trochiscis contusis, & Rhabarbaro. Si uult, bene est, si non uult, quid agendum sit non uideo. Postea altero die iterum conuenerunt, & cum uiderent egestionem multas adustas cum debilitate uirium, quidagen dum iterum consuluerunt, & sic coepit Montanus loqui: Videmus dominari bilem, & est periculum, ne fiat fluxus hepaticus, qui fit ex frigidityte hepatis, & facit excrementa similia loturæ carnis, ob alterantis uirtutis imbecillitatem, ex nimia frigidityte, quia per continuum fluxum exhalat calor, hepar exiccatur, & ultimo infrigidatur, & sic fluxus hepaticus, ut bene dicit Auicenna, quem postea curamus uis pallsis, &c. Oportet igitur attendere hepati, alterando illud & corroborando, ita ut non infrigidetur, per ea quæ intrinsecus dantur, & exterius applicantur. Darem syrupum de Absinthio, & Cichorio, ut heri dictum, cum Trochiscis de rosīs, quæ humidæ sunt, & moderate frigida. Miscerem syrupo aquam Endiuæ, quæ frigida & humida. Extrinsecus illinear oleo rosato, & uiolato cum modico Mastiches, quia prorsus frigida non sunt adhuc membris concoquentibus, etiam si peccent caliditate, uel species de tribus Sandalis cum unguento Mesues. Si non uult syrupum, accipiat brodium pulli alteratum, (quod, ut bene dicit Auicenna, conemperat humores) cum herbis illis, Absinthio, Cichorio, capillo Veneris, & Ceterach. Interrogabat Trincauella, an iterum posset accipere Myrobalanum Chebulum conditum; Montanus & illos, & alia omnia astringentia improbauit, nec uoluit listi aut impediri illum fluxum materiæ cholericæ. Si uellet radices Cichorei conditas, accipiat. Vinum ei quæratu tenue, pauciferum, & huiusmodi substantificæ, tale enim penetrat & iuuat ad apertionem obstructionsionum, & prouocat urinam, quod maxime ad propositum. Nam optima cura in fluxu uentris est, prouocatio urinæ. Si uellet fieri principium dysentericæ, possent inuiscari intestina per os, & dysenteria. Per os acciperet Tragacantham in omnibus ferculis, pro muniendo uentriculo, & intestinis gracilioribus, & magis placet, quàm seuum hirci, quia amabilius est. Cauere ab astringentibus & exasperantibus, quia faciunt inæqualitatem humorum, & augent dolorem. Inuiscantia autem obtundunt humorum acrimoniam, quæ est causa doloris. Exhiberem etiam dysenteria cum seuo hirci, pro muniendis intestinis grandioribus, deinde deriuarem materiam ad oppositum, per prouocationem urinæ cum omni ingenio, in syropis & ferculis. Et omnino debetis attendere ad hoc, ne incidat in peius malum, quod accidere potest, cum sit debilis, & materia magna. Si adesset dysenteria, tunc penitus abstinere a uino, nec respicerem uentriculum, sed cauere magis principalem, etiam si oriatur quedam cruditas, biberet aquam decoctam, uel brodium pulli, quod esset melius.

De Dysenteria.

Consilium CLVII.



Alenus auctor est nono Meth. cap. 14. medicatorias indicationes peti à morbo, à corporis temperamento, & aëre ambiente. Hæc itaq; in medicatione instituenda, primum diligenter consideranda & perpendenda sunt. Nos à temperatura initium sumemus. Eam uerò calidam esse, & ea quæ essentiam consequuntur probant, & symptomata. Color citrinus, significat cholicam dispositionem; accedit iuuentus, quæ est sicca; consuetudo uero repugnat, nam pro arbitratu suo uixit, & obuia quæq; ingressit. Aër ambiens & hyemalis, frigidus & siccus. Ab horum consideratione, quæ partim naturalia sunt, partim non naturalia, ad ea accedimus, quæ sunt præter naturam. A symptomatis uerò incipiendum est, quia hæc notiora sunt nobis, ut effectus morborum, qui nos in morbi cognitionem deducunt: cognoscitur enim ab exeunte mutato, ut hic sunt egestionis inconstueta ipsius sanguinis, cui bilis est admixta; & operatio est læsa, quæ in hoc est læsio sensitiva, id est dolor, auctore Gale. lib. 1. de sympt. cap. 6. Locus doloris est uenter ipse: species doloris est pungitua, quæ humorem peccantem arguit, & inde est, quod tenasmus accedit, adfunt & uigilia, & sitis, quorum causa est febris. Pendent autem à morbo læsa sensitiva, dolores, per unitatis solutionem, per humores ab hepate, ad intestina, quæ soluantur & abraduntur, causa bilis supercalefactio hepatis, & diæta non bona.

De duobus dysentericis.

Consilium CLVIII.



Prior laborabat fluxu uentris triginta diebus ferè, non tamen eiciebat sanguinem, nec ad ulcus intestinorum, quod proprium est dysenteria, uentum erat, nec febris laborabat, quæ ueram dysenteriam semper comitatur, apparebat tantum in fecibus pituita illa, uestiens & ambiens intestina, & abrasio incipiebat, ita, ut metuenda esset grauior, ni prospiceretur.

MONTANVS hunc syrupum ei ordinauit, sumendum omni die.

ꝑ. Syrup. Endiuia

Betonica ana

Aquæ Endiuia

In cuius tantum una libra sit decocta.

Sem. Citoniorum

Malux

Althææ

ana

3

1.

3

4.

3

5.

3

2.

Cibus, pulvis, uel confusum, uel panatella, & semper in iusculis sumat puluerem Tragacanthæ gummi liquefacti in aqua rosarum 6. grana, & eius sumat cochleare unum in uice, & quia carnes mandere, & deglutire non poterat, concessit ut ad eas uteretur succo Citoniorum, item succis, aut lactucis conditis. Potum concessit uinum, non libenter tamen, quia ab aqua abhorre omnino sensit, modicum quidem & pauciferum, ne hepar supercalefieret. Clysteria etiam adhiberi uoluit, non ex rebus fortioribus, ut alij putabant, sed ex sola ptisana hordeacea, scilicet hordeo, in iure pulsi cocto, confuso postea, & bene comminuto cum uittello oui. Alteri qui iam erat dysentericus, & cuius in fecibus apparebat manifesta abrasio, & sanguinolenta etiam, & febrem insuper patiebatur quonidie, syrupum dedit eundem, ut superiori. Clysteria uero duo, alterum mane, ex ptisana hordeacea, & uittello oui abstergens, alterum uespere ex decocto seui lurini, oleo Myrtino, & sicis Frillimelica ordinaret, cæcæ leuiter. Ab Hypocistide

tamen

tamen & omnibus astringentibus omnino in dysenteria cauendum dixit. Cibum eundem, quem supra cum Tragacantha in aqua rosarum liquefacta, exhibuit. Aliorum, quia non tam delicatus erat, nulla est facta mentio. Potū ius pulli simplex, uel in quo etiam sit decoctum modicum Portulacæ, idē non per triduum adimendum aiebat, sed subinde recenter fieri uoluit, ne putresceret, & de eo, ut biberet quantum uellet, concessit. Vinum omnino prohibuit, quod id calefaciēdo hepar, generet sanguinem magis biliosum, qui postea erosiones quoq; generat. ac dixit, se tum adhibere, uel aquam hordei cum saccharo, uel si maior necessitas, ius pulli, uel summa necessitas, deuenire ad aquam Portulacæ. Tertio die post, fluxus inualuerat quidem, sed febris erat minor. Quare ad roborandam uirtutem hanc ordinauit confectionem.

℞. Gummi Tragacanthæ

Gummi Arabici

Sandaracæ

Mastiches ana 3 1.

Succi Liquiritiæ

Sem. Portulacæ

Endiuizæ

Lactucæ ana G 10.

Coterantur omnia per se, deinde misceantur, & cum saccharo albo fiat confectio in rotulis pondere drach. 2. de qua sumatur una rotula mane, & sero, hora ante cibum.

Item:

℞. Emplastri Diaphæniconis 3 2. pro toto uentre.

**De Dysenteria, pro Magnifico Domino
à Dietrichstein.**

Consilium CLIX.



Neiderat in fluxum uentris ex esu fructuum, à quibus nihilominus abstinebat, admodum se exercebat, & ita calefacto hepate, fluxus adeo creuit, ut tertia die metuentes malum uocarent medicum, nondum erat aliū quā abrosio. Montanus ordinauit clystere abstersum, ex pulli brodio, aqua hordei cum uitello oui & saccharo, cibum ordinauit aues montanas, carnes pullorum, & pisanam hoc modo factam. Hordeū decoquatur in aqua tam diu donec crepet. Postea abiecta aqua hordeū pistetur & exprimatur succus. Deinde decoquatur in optimo brodio pulli, cum aliqua parte lactis, sem. melonū ad spissitudinem aliquam, & deinde incorporetur cum uitello oui. pro potu uinum pauciferum bene mixtum cum aqua in qua, decocti sint corianduli sinezaccarō. Mane postea syrupum accipiat ex syrupo de rosis siccis, Endiuia ana 3 1. Aquæ cichorei 3 4. ab omnibus astringentibus abstinat. Sequenti die nondum apparebat abrasio aliqua, de qua curandum. Humores autem plurimi & diuersi, ita ut iudicaret corpus euacuatione aliqua opus habere. Ordinauit Mannæ opt. 3 2. diluantur in iure pulli feruentissimo, uolendo semper cum cochleari donec dissoluatur. Deinde exprimatur diligenter, & cū à facibus erit purgata, addatur Rhabarbari pulueratī drach. s. & bibat una hora ante prandium. Non inuenientes mannā bonā, dederunt syrapi rosati solutius 3 3. Rhabarbari electi drach. s. puluerizerit Rhabarbarū, & ponatur in syrupo cum modo dicto aquæ Endiuizæ, fiat potio, & deur tepida. Vesperti iussit ungi stomachum oleo de Absinthio, cum masticino æqualiter mixto, & quia feces plurimæ educerent, cum aliqua abra;

abrafione & febris, clyfterem ordinavit abfterfivum, ut fupra. Vino abftergere iuffit per biduum, & bibere aquam hordeaceam cum coriandro & zaccaro coctam. Quinta die excoaratio in facibus maior, tum inuifcantibus procedendum dedit, quæ ueftirent inteftina, & à rofione munirent, ordinavit igitur:

℞. Adipis hircini ʒ 2.
Olei rofati omphacini ʒ 1.

Mifce, & diluantur in aqua calybeata ferrariorum ℥ 3. bulliendo per aliquot ebullitiones, donec remaneant ℥ 2. & injiciatur uesperī, hora ante cenam. Antequam autem id fiat, mane ante prandium hora una accipiat lenitium.

℞. Hordei cum corticibus fuis M 2.
Furfuris latioris P 3.

Bulliant in brodio pulli. Huius decocti accipiat scutella una cum dimidia, & zaccari albi ʒ 2. & exhibeatur pro clyfteri. Deinde femper decoquantur in fuis carnibus pedes uitulorum, comedat etiam ex pedibus decoctis, comedat cristas gallorum, hepata, pedes, & cerebrum, & alarum extremitates, non tamen dimittat pro meliori alimento etiam pulpas albas, hæ enim erunt pro alimento, reliqua ad medicinam. In omnibus fuis ferculis & brodijs femper ponat mane & fero tantum Tragaganti diffoluti, in aqua simplicī uel rofati (pro ut magis placet) quantum est nux pontica sine auellana. Item ter aut quater in die deglutiat tabellam unam pondere drach. 2. uel circa ex confecto Tragaganti albi. His perfiftebat tota die, & fequenti, quia adhuc abraffiones & materia cholericæ apparebant. Vesperī fūrum ordinavit pro uentriculi corroboracione, quia à cibo naufcabat.

℞. Syrupi de Abfinthio
De Endiuia
Geleniabini zaccarini ana ʒ 2.

Sumat cochlearia duo, mane & fero tribus horis ante cibum, fequenti die, quæ erat feptima, noctu quieuerat, & fluxus etiam frequentia ceffarat: febris nulla apparebat, nec excoarationes aut materia cholericæ, sed pituitofæ exhibant. Iuffit prætermitti inuifcantia, comedat oua mollia, auiculas, pullos, uinum cum aqua mixtum, quia autem fūrum illum fumere non poterat, quin uomeret, & ideo ab eo abhorrebat, ordinavit confectum.

℞. Specierum Diarrodon Abbatis ʒ 1.
Aromatici rofati ʒ 1.
Zaccari albi q. s.

Fiât confectio in rotulis pondere drach. 2. fumatur una ante cibum, per horam mane & uesperī. Ad concoquendam autem materiam & diuertendam, ordinavit hæc pro prouocanda urina:

℞. Radic. petroselin.
Graminis ana M 1.
Arundinis ʒ 2.
Foliorum Endiuie
Boraginis ana M 1. ℥ 1.
Hordei P 1.

Bulliant omnia fimul in iure pulli tenui, & bibat amplam fcutellam ex eo in aurora actu calidum, & quiefcat pofterea. Octaua die melius habebat, natura enim ipfa diuerfioni intenta plurimam materiam per urinam expulerat, fæces pituitofæ erant, cum quibusdam etiam partibus compactis, fed conquerebatur de dolore & torminibus, ideo ablutiui clyftere fieri iuffit ante prandium, & ut in reliquis perfisteret. Post aliquot dies cum de debilitate uentriculi & flatibus conquerebatur, generatis ex pituita in uentriculo retenta, uoluit ut fingulis diebus tribus horis ante prandium acciperet ʒ 3. fūrum de Abfinthio fic facti.

R. Succ. de Absinthio

Succi de menta ana 3 3.

Purificentur succi & cum zaccaro albo syrupificentur.

De Dysenteria.

Consilium CLX.



Epos Patauini Capitanei, puer duodecim annorum, sine aliqua euidenti causa notabili, nec præcedente fluxu aliquo uentris, subito in dysenteriam incidit, ita, ut paucis horis quater uel quinquies ad secessum iret, cumq; abrasione notabili intestinorum, materiam cholicam, & ualde malignam excernebat, sine dolore uentris & torminibus.

MONTANVS: Clysterem ordinauit abluentem, ex decoctio hordei in brodio pulli, cum zaccaro rubeo, & uitello oui, cessauit ea nocte fluxus, nec sequenti die quicquam percepit. Tertia die fluxus redijt eodem plane modo, sicut ante, cum aliqua alteratione febrili. Iterum aliquoties excreuit materias biliosas cum abrasione. Montanus iterum clysterem ordinauit eundem, si dolores haberet; uictum ex auis montanis: perdices, phasianos, turtures, propter caliditatem, minus probabat: pro uino aquam coctam cum coriandris: pro ferculo ptisanam supra descriptam cum saccharo, eam quotidie etiam bis comederet, syrupum mane ex Endiuia, hordeo, & coriandris, in brodio tenui decoctis, & regionem hepatis inungi oleo rosato completo, pro refrigeratione. Iterum sistebatur fluxus ea nocte, & sequenti die etiam. Montanus Cassiam exhiberi uolebat, quod metueret humores in eo corpore contineri, quos cum natura non potuisset expellere, tentasset tamen, ut ita eo medicamento iuuaretur, & interim hepar etiam corrigeretur Rheubarb. sed nolebant metuentes fluxum uentris grauiorem: sequenti quæ iterum tertia erat, fluxus iterum redijt & grauior. Montanus adhibito propter mulieres Phrisimelica etiam, cassiæ 3 s. exhibuit, cum 3 l. Rheubarb. id cum quatuor aut quinque uicibus bene euacuasset, febris illa delinuit, & fluxus etiam non apparuit amplius, iussit tamen persistere aliquot diebus in diæta & syrupis ordinatis, & cauere ab omni genere fructuum; atq; ita euasit.

Pro quodam dysenterico.

Pro syrupo: R. Syrup. de cichorio sine Rheubarb.
Gelenabin zaccarini ana 3 l.
Decocti pentaphyllorum
Agrimoniz
Rad. petroselini 3 4.

Fiat decoctio in aqua cichorij. Mulieri cuidam in fluxu has easdem herbas cum cichorio & Endiuia decoctas in brodio, exhibuit pro syrupo.

Pro confortatiuo.

R. Sacchari rosati
Violati ana 3 3.
Diatrion sandalon
Diarrhodon abbatis ana 3 l. s.

Misce, fiat electuarium, una hora ante prandium & coenam sumendum.

De dysen

De Dysenteria.

Consilium CLXI.



IN Septembri, filius Ioachimⁱ Genensis in fluxum dysentericum incidit, cum feбри, apparebant excoriationes cum materia æruginosa uiridisq̃, usi erant statim aqua calybeata, & alijs astringentibus, quæ omnia remouenda dixit Montanus, & pro refrigeratione, quia febrim præcipue timebat, hunc ordinauit syrupum:

℞. Syrupi de Endiuia

De rosīs siccis ana ʒ s.

Aquarum cicborij & borag. ana ʒ l. s.

Misce pro uno & sic pro alijs. Pro corroboratione membrorum naturalium, præcipue uentriculi unguentum hoc:

℞. Olei de Absinthio

Rosarum comp.

De Camomill. ana ʒ l.

Inungatur tota uentris regio; comedat carnes pullorum, & auium montanarum, perdicum &c. ℞. Tragaganthi ʒ 2. dissoluantur in aqua rosacea, de quo postea quantum est una nux auellana, ponatur in brodijs quæ comedit uel bibit, & in ijs semper etiam decoquatur pes uituli, & una radix petroselinī. Vino abstineat, bibat aquam coram cum coriandro & radicibus graminis, & saccharo, quæ tamen si omnino uinum uelit, leniter uino intingi potest. Pro clysteri lenitio accipiatur brodiū in quo coctus sit pes uituli, & immittatur Tragaganthum, ut supra, sed addatur aliquid zacchari rubei, uel loco zacchari addantur mellis rosati ʒ 2. & seui bircini ʒ 1. postquam egest sit, accipiatur pannus lineus subtilis, & intingatur in aqua plantaginis, & cum eo abluatur intestinum rectum, & tabula e nucẽ arbore calida habeatur, super quam sedeat, calor enim ille adstringit & penetrat ualde, ut Galenus etiam in Synanche hoc remedio utatur.

Vtrum fluente aluo, uel existente uomitu aliquo
debeamus curare fluxum hunc, fluxu.

Consilium CLXII.



Proponitur fluxus sanguinis narium, aut fluxus uentris: Modèrni pro parte affirmatiua proponunt argumenta, & dicunt, quod fluxus debeat curari fluxu. Et primo citant auctoritatem Auicennæ 16. tertij de curatione fluxus, ubi Auicenna bene dicit, & quandoq̃ fluxus fluxu curatur, & uomitus uomitu. Ergo per locum ab auctoritate, etiam fluente aluo licet purgare. Præterea habent auctoritatem Galeni, libro secundo Aphorism. illo in Aphorismo ubi dicitur, quæ relinquuntur in morbis, & dicit Galenus, quod etiam si fluxisset aluus, debemus etiam fluxu curare fluxum, quia ea quæ relinquuntur in morbis, rectius facere solent. Arguunt insuper experientia. Videmus inquit quotidie Medicos, ubi fluunt hæmorrhoides, uel sanguis narium, uel sputum sanguinis copiosum, curare tum fluxus istos per alios fluxus, per sanguinem ex uenis milium. Quod quidem omnino contrarium est sententiæ Auicennæ hoc loco, quæ quidem auctoritas ab Auicenna prolata, confirmatur à Gale. primo ad Glauc. ubi dicit. Si in febris fluxat aluus, non debemus moliri altam euacuationem, neq̃ per sanguinis missionem, neq̃ per pharmacum. Affert rationem, quia contingeret debilitas uirtutis & alia multa. Pro utilitate questionis, distinguere debetis. Vbi fluxus superuenit in corpore humano, ui-

E c dendum

dendum est, utrum dependeat ab aliqua materia aggregata in corpore sano alioqui existente, in quo neq; febris adsit, neq; abscessus, neq; adlit alia ægrotudo, ac tum accedat fluor alui, & egerat homo iste materias biliosas, uel pituitosas, quæ insigniter peccent in qualitate; uel iste habet fluxum cum febre, uel alia ægrotudine, quæ postulat curationem particularem. Magna differentia utrum hoc modo, uel illo sit fluxus. Nam si fuerit in corpore, ubi nulla sit ægrotudo simul, tunc uidendum, nunquid ille fluxus sit idoneus pro illa materia, & dum fluit materia, an corpus seipso leuius percipiatur, aut melius sese habeat. In hoc casu totum opus naturæ permittere debemus, iuxta præceptum Hippocratis. Si talia putgentur qualia &c. Quòd si aluus fluat, & homo tunc percipiat se debiliorem reddi, nec fluxus ille sufficit pro plenitudine, uidetur quòd natura sit impotens ad expellendum. In hoc casu fluxus fluxu curatur, cum nulla sit ægrotudo, & nullam hominis, uel uirtutis imbecillitatem afferat: hic ualde cauendum, ne materia retenta ægrotudinem faciat, quare adiuuanda ægrotudo est. Et hoc est, quod Auicenna loco citato dicit, fluxum fluxu curari, non absolute, ita ut regula esset uniuersalis, sed dicit quandoq; in hoc casu scilicet, quando fluit aluus, uel uomit aliquis: sed non tantum, quantum oportet, tunc necessarium est, ut arte suppleatur, in quo natura deficit. Et hoc est, quod Galenus in Aphorismo dixit, quæ relinquantur & quando natura non potest expellere, quantum erat expellendum: Medicus ipse adiuuat eam. Quòd si fluxus est cum ægrotudine, & non est sufficiens, debemus ne adiuuare naturam? Galenus non uult, nam considerat non tantum præsentia, sed futura etiam. Scitis, quando adest febris, & opotet materiam euacuare, illa euacuatio, quæ à natura fit, paulatim expellit materiam, sed uos euacuatis primo per medicinam soluentem, omnis autem medicina soluens calida est, ergo auget febrim, exiccat, colliquefacit corpus, deiecit uirtutem, cum nos humectantibus non exiccantibus, refrigerantibus non calefacientibus, conseruatione uirtutis, non deperditione uirtutis indigeamus. Præterea debilitantur intestina, ne retineant etiam alimenta propria, & quid deterius in mortem? Hinc bene Gale. octauo Therap. ubi curat hominem patientem synocham sine putredine, mittit sanguinem usq; ad syncopen, & statim illam curat, cum non adsit putredo. Sed undecimo Meth. ubi curat hominem putridam febrem patientem, mittendum quidem sanguinem dicit, sed minus quam requirat ægrotudo. Quare? Quia euacuato sanguine, uirtus fit debilior: unde nõ sufficit ad maturationem, & concoctionem humorum. Et ideo, quando nos consideramus non tantum præsentia, sed etiam futura, ubi fluat aluus cum febre, & non tantum quantum oportet, non debemus supplere nos, ne faciamus omnia incommoda dicta. Videtis quando Auicenna dicit fluxus fluxu curatur, & quando non, & quomodo autoritates concordentur.

De acutissimo dolore uentriculi ex uermibus.

Consilium CLXIII.



Postquam & ego quoq; pro ista nobili puella sum aliqua dicturus, ut satisfaciam meo loco, alteram nonnulla, de quibus inter nos consistere debet. Cum uerò iam eam non uideamus, ad relata me conféro, ac suppono in temperatura caliditatem & humiditatem excedentem, id enim arguebat Clariss. D. ex colore cutis, dicit eam esse albam, cū colore rubeo, habere capillos albicantes cū quadam citrinitate, & esse carnosam. Statuamus ergo fuisse calidā, & humidam secundū naturalem tēperiem, deinde esse in pueritia. Ergo ratione ætatis, & tēperaturæ, & habitus corporis arguimus, quòd in ista puella plurima redundet humiditas, habemus hoc etiam ex ratione sexus, quoniā puella, ergo humida. Tria ex go sunt, quæ indicant redundantiam humiditatis, & calorē mediocrē, quoniā humiditas

ista obtundit acrimoniam caliditatis. Stantibus his omnibus semper redundauit, & nunc redundat humiditas in hoc corpore, absq; eo, quod ægrotauit, & consequenter habuit calorem innatum remissum. Suppono aliud, quod in ætate 2. annorum superuenerint menstrua ex loco consueto prodeuntia in pauca quantitate. Suppono tertio, quod tandem cessauit fluxus istius materie rubæ, & superuenit aliud postea symptoma, quod isti Medici ex ratione tantū crediderunt esse epilepsiam, & hoc ex eo conijciunt, quia apparebat spuma circa os. Audio etiam quod conuellebatur, non tamen certo constat ex relatione Doctoris de conuulsione, quia nihil de ealocutus est. Suppono quarto, quod tandem cessauerit post aliquas purgationes fluxus iste per uterum, qui sicut exibat per matricem prius, nunc per os, nec amplius per matricem; cui postmodum successit epilepsia, à qua fuit liberata anno præterito per pharmacum. Hoc uero anno undecimo ætatis suæ inuasit eam febris, & ab ea non tantum non remota est febris, sed ex una effecta est duplex, quam iudicarunt Doctores esse pituitosam, propter urinas pallefcentes, pulsus raros, undosos, & paroxysmos singulis diebus inuadentes æqualiter. Et nō tantum duplicata est febris, sed accessit etiam aliud symptoma, quod crediderim esse melancholicam, cum magno clamore absono, & summa exclamatione, & cum interrogaretur, quæ esset causa huius clamoris, respondit, quod pateretur maximum dolorem circa uentriculum. In reliquis non imaginatur perperam, nec delirat, nisi in paroxysmo aliquid de scorpionibus imaginatur. Ista omnia sunt, quæ circa hanc puellam contigisse audio. Stantibus tot symptomatibus, primo incipiam à defluxu sanguinis per uterum. Si quis à me quærat, quodnam nouum genus symptomatis, nunquam scriptum, aut auditum ab aliquo, hoc sit, (nunquam enim uidi menstrua rubea in tantilla ætate, bene uidi alba in puella 3. & 4. annorum) causa huius noui, & tam rari symptomatis fuit dispositio corporis, nam quia calida & humida à natiuitate fuit, unde redundauit sanguine, & apta fuit, ut citius prodiret sanguis, quoniam ea caliditas non fuit tanta quæ excoquat, & consumat humiditatem, sed caliditas ista obtusa est ab humiditate redundante. Vnde oportet, ut plurima excrementa redundent in ea, & ita natura parat aditum, ut excernat superfluitates per conuenientes regiones. Verum est, quod uterus conueniens locus est mensuræ & cum humida esset, & priuaretur exercitio, ratione etiam ætatis & temperaturæ habuit causas omnes intrinsecas, quæ potuerunt hoc facere. Sed non propterea probabile, cum puellæ plurimæ habeant easdem conditiones, & maiores quandoq; & tamen menstrua ex illis non erumpunt. Credo difficile esse ponere os in cælum, tamen si consideramus omnia possibilia, multa possumus dicere circa hæc. Stante enim naturali hac dispositione, facile est, quod accedant causæ procatarepticæ, ut talia fiant. Potuerunt enim hoc modo aliqua contingere, quæ dederunt huic puellæ occasionem, ut sanguis in hac ætate prodierit. Sed de hac naturali dispositione non loquar plura. Exiuerunt ergo menstrua, uel potius imago menstruorum, uidelicet guttulæ quædam sanguinis, & post cessarunt, siue quod humores crassiores obstruxerint uias illas, præcipue cum illud esset uiolentum, facile potuit fieri, ut uijs illis obstructis menstrua cessarent, uel quia à mulieribus ipsis fuit suppressum, quia usæ sunt astringentibus, suppressus est ergo ille fluxus sanguinis post constrictionem. Vbi natura aliuetu erat excernere sanguinem per illas uias, quæsiuit alias, sicut sæpe contingit, ubi flatus per uias inferiores constringitur, tunc per os exit. Arbitror aliquid tale contigisse, nam postquam menstrua erant repressa, natura aliam sibi præparauit uiam per superius, & per os eiecit ea, quæ per inferiora excerneret, unde tandem uentriculus habuit plurima signa, cur debiliior esset factus, & consecutum est symptoma, quod uocarunt Vicentini Doctores epilepsiam, quæ ipsam per interualla affligit, & est probabile à uentriculo procedere, propter uapores eleuatos ad cerebrum. Sed dignum est consideratione, an fuerit epileptica, quia subseruiet nobis ad sequentia. Clariss. Doctores, si uolo loqui secundum rationem, non audio ipsam fuisse epilepticam, quamuis apparuerit spuma circa os, nihil enim audio de conuulsione. Concedatur quod fuerit conuulsio, quærat

an fuerit epilepsia vera, uel motus aliquis, ad quem motum consentiat cerebrum, propter aliquid aliud. Credo quod circa uentriculum fuerit laesio, quodq; ratione uentriculi consentiat cerebrum, unde sensum & motum amisit. Quid potuit esse hoc? Porro quod sit per communicationem, quod fuerit ratione uermium, unde hanc coniecturam habeam, apparebit ex dictis. Purgata fuit pharmaco, & statim cessauit epilepsia, quoniam causa, quae faciebat (de qua dicam) siue materia, quae laedebat os uentriculi, per cuius consensum causabatur motus epilepticus, fuit deducta, qua remota symptoma cessauit, non uero causa symptomatis, id est intemperies uentriculi, quae generabat materiam, ex qua fiebant conuulsiones, & ideo conseruata causa morbi & intemperie, licet remotum sit symptoma, contigit ut rursus generetur materia pituitosa, quae tunc non erat ita corrupta, quia nuper genita intra uenas distributa est, & generauit febrem, non epilepsiam, quia non ad caput amplius ascendebat, sed generauit febrem pituitosam. Habuit autem ista febris accidentia pituitae, urinam albam, & caetera, quae ad phlegmaticam febrem attinent, unde apparet fuisse ueram febrem phlegmaticam, propter imbecillitatem uentriculi. Contigit postea dum illi curarent febrem, & esset intemperies uentriculi, isti modo attendunt ad materiam peccantem, non ad aegritudinem, sed ad causam, & rationabiliter quaesierunt preparare materiam pituitosam cum syrupis attenuantibus & incidentibus: materia preparata est incisa & attenuata ijs, quae incidunt, & quia tenuis substantiae sunt, & urinam prouocant, maximam copiam urinae eduxerunt, quae non curauerunt puellam, sed perseuerauit causa, imbecillitas scilicet uentriculi, unde quotidie generata est pituita. Urina prouocata est, sed frustra, perseuerante interim intemperie uentriculi. Deinde Medici isti uolentes extirpare febrem, quaesierunt eam euacuare cum pharmaco, in quo est uis electiue attrahendi, & Agaricus fuit exhibitus. Omnia autem pharmaca sunt calida, & sicca mordicantia, & qualitatem habent uenenosam, & trahunt materiam a se, perficte ad centrum: ideo maxime cauendum ab illis, ne imbecillo uentriculo exhibeantur. Et licet plurimum de materia pituitosa eduxerint, tamen propter plurimam uenenositatem aliquid derelictum istius pharmaci, quod praecipue accidit in puellis, & in corporibus symbolum habentibus, unde facta est maior imbecillitas, multiplicata adhuc est pituita, & ex una quotidiana febre facta est duplex, nihilominus processerunt isti adhuc cum suis syrupis, qui communiter sunt, & nos scimus quomodo componantur, tamen omnes qui degustant, dicunt esse dulces, quia dominatur mel in ipsis, & nisi dominetur, sunt insigniter amari. Ista puella habens pituitam plurimam, & debilitatem maximam uentriculi, ad tantam deuenit multitudinem pituitae, quod accesserit aliud symptoma. Percipit nunc maximos dolores circa os uentriculi, ideo prius fuit imaginata de scorpionibus, credo id fuisse, propter plurimos uapores delatos ad cerebrum. Nunc conqueritur de dolore uentriculi, certum est, quod est acutissimus dolor circa uentriculum, cum quo etiam consentit cerebrum. Et merito est acutissimus, quia uentriculus est admodum sensibilis. Exclamat & merito. Quoniam potuit esse causa istius doloris? Certum est, quod fuerint aliqui uapores ascendentes ad uentriculum, nec enim perpetuo clamat, sed interdum, quia uapores isti qui mordicant uentriculum, corrupti sunt, & saeva accidentia faciunt. Vtrum tantum sit dominium pituitae, a qua uapores eleuentur ad uentriculum, & ad cerebrum, a quibus tot saeva accidentia sequantur? Videamus quae effectus, quos facit pituita. Inducit somnos, grauitates, obtusiones sensuum corporis. Nam materia humida non facit dolorem nisi maxima extensione. Modo hic sunt acutissimi dolores, & tales, qui non possunt ab ea exprimi, est potius anxietas quaedam, quae prouenit a qualitate acuta magis, quam ab humore pituitoso. Credo quod sint uermes multiplicati in uentre: ostendimus enim excessum humiditatis tum ratione aetatis, tum sexus, & temperaturae. Quae cum adfuerint, materia pituitosa generata in uentriculo, accessit primo epilepsia ista, quam credo fuisse ratione uermium, sicut & dolor iste. Scimus enim quod uapores eleuari a uermibus faciunt epilepsiam, ut ait Galenus & Aristoteles. Curata

fuit pharmaco. Hic notā obiter, uermes saepe interficiuntur, sed non statim exeunt, sed corrumpuntur, & postea exeunt, & in forma pituitæ obductæ educuntur: quicquid sit probabile est, quod fuerint uermes, quia pituita non potuit facere epilepsiam, nisi materia fuisset magis uenenosa. Nunc uero habet dolores, & potius anxietates stomachicas, quæ non habent nomen. Et uermes non apparent: Triplex est genus uermium. Quidam parui sunt, exsistentes circa intestinum rectum, & musculum. Sunt alij terebetes dicti. Alij lati, qui sunt deteriores omnibus, non enim facile exeunt, sed faciunt deterrima accidentia, & quandoq; uidentur tales uermes, & non exeunt nisi magna difficultate interficiantur. Ergo illa pituita, quæ solet inuestire intestinorum tunicas, illa generat uermem, quandoq; secundum longitudinem intestinorum. Et quod uermes sint, uideo non tantum habuisse causam suæ generationis, propter materiam pituitosam, sed propter exhibitionem frequentem syruporum dulcium. Vnde crediderim, quod in ista puella sit uermis laus in causa, quod ita affligatur. Quod si feces uideremus, magis de hoc certus essem, sed consideratis scruissimis accidentibus credo aliud quod esse detestabile genus uermium. De essentia morbi hoc dictum sit. De futuro quid sentiam, etiam indicabo. Procul dubio quoniam uidemus puellam hanc nobis sem in hac ætate constitutam ita affici dolore uentriculi, credo quod non facile curabitur, nisi menstrua naturalia accesserint, quæ adfunt in propinquo, quia tendit ad decimumquartum annum, qui secundus septenarius est.

Pro curatione non essem multū occupatus in solutiuis, sed maxime cauere ab illis. Vterer his, quæ abstergunt pituitam, & euacuant materiam in primis uenis existentem, & in uentriculo, deinde attenuantibus uter, & his quæ materiam coctam expellunt, deinde confortarem omnia membra, & præcipue uentriculum. Quantum ad euacuationem, non credo aliud esse præstantius remedium, quam Agaricum, & Rhabarbarum, quæ duo uel permiscerem simul, uel sola exhiberem. Sed quoniam materię pituitosæ sunt imbibitæ intra tunicas uentriculi, Hieram præferrem alijs, quia subtilioris est substantiæ, propter aromata ingredientia, incidit, penetrat, abstergit, & amara est, & ita magis interficit uermes: quod si admisceatur Rhabarbarum, credo, quod fuerit optima mixtio. Oxy-mel Scylliticum nonnihil præstaret ad abstergendum, & exiccandum os uentriculi & occidendum uermes. Sed acetum Scylliticum cum hoc, quod facit purgationem, maxime ad incisionem & absterfionem prodest. Secundo, pro euacuatione & concoctione in uenis, non uteror syrupis, sed decoctis, in quibus non esset saccharum. Si uellet ferre, optimum esset decoctum Absinthij, Chamædryos, Saluiz, Cichorij, Anisorum etiam, quæ non habent amaritudinem. Scordium non displicet. Ista est uia, qua ingrederer. Placeret, ut uteretur uel Mithridato, uel Theriaca, sed magis placeret ʒ i. uel drach. s. Mithridati, facit enim ad uermes. adq; corroboratiōnem uentriculi, placerent Trochisci de Absinthio, de Rhabarbaro. Et ita assidue his confortantibus uter. Comedat Anisa mane ante prandium, & uespere ante coenam. Et uellem ut in omnibus haberet optimam rationem uictus. Primum exhiberem uinum, sed quia redundat pituita, post euacuationes præmissas: uinum esset pauciferum, & si toleraret uentriculus, quod haberet aciditatem, & astringentem: unde tale uinum non displiceret. Quantum ad cibaria attinet, sint attenuantia non excrementosa, uesca tur auibus syluestribus. Et ita procederem in ista puella, donec aliud uiderem. De cataplasmate exterius applicando, uellem continue euacuare uentriculum, donec perfectè euacuatus est. De alijs exterius applicandis non essem occupatus, Clysteres alios non facerem nisi ex lacte & saccharo, quia non euacuationem per clysteres nisi ex intestinis crassis querimus: sed materia est in uentriculo. deinde clysteres at-

tenuant & subtiliant intestina. Ergo uacuare per pharmaca in

os assumpta, quia materia non est in intestinis, & uel

sem ipsam euacuare cum Hiera (ut

dicti) & Aloe,

De quodam puero, qui ex uermibus cade-
bat in lipothymias.

Consilium CLXIII.

R Ver quidam duodecim natus annos, optimi coloris, & habitus corporis, ferè quotidie sub horam 22. incidebat in angustias & dolores circa regionem uentriculi, alioqui sanus. Montanus primo ex materia contenta inter tunicas uentriculi arbitrabatur fieri, ideo pillulam unam de Aloe exhibebat in septimana, quæ minuebat aliquid, sed non totum auferbat. Solus tunc erat alioqui uermibus laborare, & cum colorem bonum uideret faciei, & bene nutrirî, status uenenosus à uermibus excitatos in causa esse putabat, ideo ordinauit purgationem, & unctionem:

℞. Scordij
Sem. Citri
Boli Armeni orientalis
Terræ sigillatæ
Corall. rub.
Rosa. siccarum
Sandali citrini, Electri ana

Puluerizentur omnia per se, & addito Musci grano 1. & auri puri folijs 3. accipiat 3. 1. per uicem, tribus horis ante prandium in brodio, bis uel ter in septimana. Item

℞. Aloes opt. Myrrhæ ana 3 2.
Ladani electi
Mastiches ana 3 1.
Olei de Absinth. 3 1.

Misce, fiat linimentum pro stomacho, cum modico ceræ, si opus sit.

De puero, qui unguentis repercussis curatus à scabie,
in febrem incidit & uermes.

Consilium CLXV.

Exhibuit paululum calicis cum saccharo, & syrupum ex sero lactis capræ cum succo boraginis & saccharo, quo esset delicatior potus, pro expurganda materia, & mundificando sanguine, unctiones omnes in delicatis reprobauit, & maxime repercussivas, subsequenter diebus, puer à febre liber uidebatur, eam ob causam, qui eius curam habebant, purgari noluerunt: omiſsa purgatione, uermes (quibus abundare non senserunt) adeo in magna copia sunt generati, ex materia illa putrescente in corpore, ut ascenderent in uentriculum & gulam, ut facerent febrem acutissimam & paroxysmos, propter uenenosos illos uapores à uermibus ad cerebrum ascendentes. Subito uocatus Montanus, clysterem exhibuit, cum non totum sumperat, sed nihilominus excreuerat copiose, & uomuerat quoque, sicut ardebat uehementi. Ideo potum ordinabat ex oxymelle simplici, aqua acetosæ, succo arantiorum non dulcium, & modico aquæ rosacæ, eius biberet quoties uellet, & quantum uellet, quod & nutrimentum aliquod daret (nihil enim comedere uolebat, & resisteret putredini, ac uermes etiam pelleret, nec se curare dicebat, quod nihil comederet (dummodo biberet illam potionem) quia magis de suffocatione uirtutis, quam resolutione timeret. Voluit etiam ut inungeretur regio cordis unguento rosato. Mense recenti, cum modico aquæ rosæ, ad reficiendos spiritus cordis laborantes propter febrem & uermes. Postea in paroxysmo uehementiori cum pulsus quasi perditus uideretur, & cor

& cor admodum laboraret, frictiones ordinavit in partibus inferioribus à natibus versus pedes & ventosas secas apponi voluit, & deinde etiam scarificari, pro aërificatione humorum, & puer pati noluit, propterea cordis regionem sæpius inungi unguento supradicto voluit, vesperi suppositorium exhiberi iussit ex melle simpl. & si illud non operaretur, dysenterem ex lacte, & zuccaro ut supra: Vnctiones sæpius repeti circa præcordia, & Thetiacæ bonæ aut mitridati exhiberi quantitatem unius fabæ. Deinde de potu suo uti quantum vellet; & in eo inspergi pulverem unicornu, pro cibo coquæ folia acetosæ in iure pulli, & id dari cum vitello oui. Et quia ventosas recusavit hoc ordinavit:

℞. Olei amygdalarum dulcium	3	2.
Aquæ chamomillæ	3	4.
Salis nitri	3	2.

Contundatur nitrum, & decoquatur usq; ad consumptionem aquæ. Si forte paroxysmus aliquis superveniret, suppositorium iussit ex melle imponi. Mortuus est ea nocte.

Pro alio puero trium annorum vermibus laborante,

℞. Rhabarbari	3	2.
Syrupi acetosi multæ acetositatis	3	1.
Aquæ acetosæ	3	3.

Misce per sex dies bibat hanc potionem.

De fluxu Hæmorrhoidum, & suppressione urinæ.

Consilium CLXVI.



LVXVS sanguinis è sede esse potest, vel ex ulcere, vel ex erosione, uenæ, vel apertione hæmorrhoidum. In hoc casu non est ex ulcere, quia adestent magnæ cavitates in intestino recto. Non ab erosione, quia in maxima quantitate sanguis excerneretur, non immixtus fecibus, sed cum aquositate & mucositate quadam. Pendet igitur ab apertione venarum hæmorrhoidum, adest autem levis quædam abrasio, cum dolore præcipuo. Nam ex continuo fluxu, & sorditie contraxit leuem excoriationem. Conqueritur et de vesicæ obstructione, ardore urinæ, & dolore perinei, quod est spatium inter anum & testiculos, qui non potest esse, nisi aliqua materia de venerit ad ipsam vesicam, quæ biliosa fuerit cum admixta pituita. Est etiam aliquid putrefactum, quia adest febris. Causa ardoris ac doloris est acrimonia bilis, putredo febris, obstructionis pituita. Cura est, ut abstergetur materia, non uteretur astringentibus, sed his, quæ sine erosione mundificent, ut est decoctum hordei, uel fabarum, item furfuris. Astringentibus ideo non puto utendum. Nam si materia aliqua discederet à superioribus, & ita interciperetur, esset tenasmus metuendus. Nam is fit à materiæ expulsi ad intestinum rectum, & musculum Sphincterem, in quo est obstructio facta, quas cum musculus non obediens expellere nequeat, facit tenasum, qui longe maior est dysenteria, unde in frequenti infectione in locis frigidis, uel usu astringentium musculus inobediens ad expellendum redditus tenasum causat, idè (ut testatur Avicenna) ab astringentibus plurimum contingit. Cauendum igitur ab astringentibus, ne tenasum inducamus. Nec ullus fluxus teste Avicenna est astringendus, nisi ægrum ad manifestum casum uirtutis deduxerit. Dico non quemlibet casum uirtutis, aut leuem suspiciorum. Et Gal. in Therapeuticis dicit, accidentia non debent curari in morbis, nisi habzant rationem causæ. Et illud dicit, ubi syncopen in morbo curat, estq; cura illa coacta, non regularis: sic quando astringimus fluxum, loquimur autem de fluxu spontaneo, non de uiolento, ut ex casu, uel incisione uenarum, hic enim statim comprimendus & astringendus est. Hic igitur

non astringendum, sed potius diuertendum est, ut Galenus sputum sanguinis per missionem sanguinis curat. Nostri statim currunt ad bolum Armenum, non respicientes missionem sanguinis. Galenus. 5. Methodi, docet curare duos, qui patiebantur rupturam uenarum, curat foeminam & uirum, utrunq; synapsimis & Diaspermaton & Theriaca noua. A muliere non mittit sanguinem, sed a uetro. Et addit rationem. Nos tamen hoc tempore importune omnibus mittimus sanguinem, nec curamus inanitionem, aut uirtutis defectum. Igitur si multitudo sanguinis, aut status affuerit, confert missio sanguinis in sputo. Si uero sputum sanguinis fuerit a sanguine calido erodente, utimur Diaspermaton & relinquimus missionem sanguinis.

De Hemorrhoidibus fluxibus, pro nobili muliere.

Consilium CLXVII.

EX his quæ percipere potui, tum ex Illustrissimo Domino recitante, tum ex instructione excellentissimi Medici, indicauerim Illustrissimam Dominam pati fluxum hemorrhoidum simplicem, neq; enim sufficiens signum est, ex Mesaraicis sanguinem fluere, quoniam circa eas partes dolor sentiatur: cum idem possint status efficere, uel alia materia ibi reclusa, ut contingit in obstructionibus, a quibus non arbitror Illustrissimam Dominam immunem esse. Quod uero faeces uel praecedunt, uel sequuntur, utrumq; continue uidemus in hemorrhoidum defluxu contingere, & ratio ita manifesta est, ut explicatione non indigeat. Est autem perpetuum signum, sanguinem a superioribus partibus per egestionem emitti, si faecibus fuerit ualde permixtus, quod non audio hic euenire. Imò quod uel praecedat, uel subsequatur. Omitto accidentia seuiora, quæ contingerent, si fluxus a Mesaraicis prodiret, praecipue ubi grummi retinentur. Nam syncopæ, quas audio nunquam succedere, ex multa fiunt inanitione, quæ maxima syncoparum causa est, ut 12. Therap. testatur Galen. Ex fluxu autem redundanti Hemorrhoidum, ita solet hepar refrigerari, per priuationem sanguinis, & spirituum, ut homines frequenter inde primo in malum habitum, quam *μαχέσις* uocant, deinde tandem in hydropem incidere consueuerint, quod quidem iam euenire in Illustriss. Domina, ex instructione percepi: habet enim totius corporis colorem pallidum & exanguem: quod est cachexiæ peculiare. Habet tumorem pedis, quod etiam initium Hydropis. Crediderim igitur hepar illius insigniter refrigeratum: non tamen quia aduenerit illi in substantia aliqua essentialis frigiditas, sed quia priuatur sanguine & spiritu: qui ex uapore sanguinis generatur. Hic pauci & mali generantur: & cum color mediantibus spiritibus impertiatur toti corpori, per actuale calorem, nec cessarium est, ut corpus refrigeretur, spiritibus uel quantitate, uel qualitate corruptis. Refrigerationem intelligo hic priuationem caloris innati, cum qua refrigeratione stat saepe caliditas ignea ex uaria putredine humorum: & contingit in diuersis corporis partibus. Ethinc est, quod quidam hydropici, quandoq; etiam plurima bile redundant, quamuis frigidissimi sint hepatis, & perpetuo citrina replentur aqua, non ob aliud, quam propter obstructiones, unde putredines & calor igneus augentur. Ideo & frequentissime hydropici & cachectici febricula laborant quæ tum a meo dico tum ab ægro percipi potest: Hoc genus febris a Græcis Typhodes, ab Arabibus latica appellatur. Hoc dixi, ne mirum sit, cur stante frigiditate hepatis in Illustriss. Domina, redundant quandoq; humores acres & rodentes: qui quidem ignis caliditatis indicia sunt. Ex his patet, quid ego sentiam, de dispositionibus Illustriss. Dominæ: Quas uero causas habuerit huiusmodi fluxus tam copiosus, non satis mihi constat

fortasse tamen contingere potuit, ut stante hepatis naturali caliditate, ut refert medicus excellentissimus, quod sanguis paracelsusæ ætatis redditus sit se ipso magis adustus & melancholicus, ut in talibus temperamentis contingit. Accidentibus forsitan etiam accidentibus animi & alijs molestijs, & mala uictus ratione. Multiplicato igitur Melancholico humore, natura per hæmorrhoides, ut par erat, excretionem tentavit. Perpetuo autem ita in reliquis omnibus evacuationibus contingit, ut quoties superfluent, uiz relaxantur, membra recipientia sunt imbecillia, unde postea continuatur defluxio, & habitum contrahit, qui postea nulla arte emendari potest. Hæc de causa & morbo quantum potui cōijcere. De prognostico hoc unicū dixerim, ualde mihi suspexit esse egritudinē. Nunc & morbus confirmatus est, & quemadmodū nuper dixi, fluxio induxit malum habitū: præterea ubi membra, in quibus naturalis caloris sedes est, uel materialiter, uel formaliter, sicut hepar & cor, fuerint refrigerata, haud facile calefiunt. Cum enim in his sint facultatum domicilia, sitq; naturæ medicus minister, quid erit illud quod calefaciet, si natura deficit? Tentandū tamen est, si perfecte curare non possumus, ut præseruiemus hanc Illust. dom. à deteriori dispositione, in quam facile possit incidere, sicut est hydrops, uel mors repentina, ex interuentu ualidioris syncope. Neq; propterea dico non posse eam curari, quamuis difficillimum sit. Quibus autem remedijs id fieri possit? Credo præstantissima instrumenta esse, uel intentiones operandi: Primo, ut auertatur fluxus ad oppositas partes. Secundo, ut ita regatur corpus, ut optimum sanguinem generet. Tertio, ut membra mandantia corroborentur, ne expellant quod expellere non debent: uiz etiam per quas fit expulsio, & loca quæ recipiunt, sunt confortanda, hoc tamen ultimo loco, iudicio meo, cum maxima cautela & timore fieri debet. stante enim sanguine malo & corrupto, & perseverante expulsione nobilioris membri: si fiet importuna astrictio, cohibebitur sanguis, & tunc à syncope & à suffocatione, seuissima contingent accidentia. Optime igitur dicebat Hippo. Vbi hæmorrhoides astringendæ sunt, unam semper apertam relinquendam esse. Incipiamus igitur primo à bona sanguinis generatione, quæ sit per uictus rationē, ac primo consulo, ut eligat amœnum aërem, in hilari domicilio ad Orientem libere, si fieri potest, exposito: cuiusq; omnes prorsus animi molestias. Et si musicis delectatur, cum illis conuersetur, & tandem exquirat omnia animi delectamenta, ex aëre enim puro & animi iucunditate, multiplicantur spiritus, tum quantitate tum qualitate perfecti. Exercitium moderatum admittat superiorum magis partium, quam inferiorum. Et quamuis mulier sit cui non competant exercitia uirorum: pro salute tamen laudauerim, ut admittat, atq; ita si arcu delectaretur, esset in hoc casu præstantissimum. Est etiam aliud exercitij genus à Medicis repertum, ociosum quidem sed utile, & est ut duæ plumbeæ pilæ, ponderis, pro ratione uirium exercentis, utraq; manu teneantur, & inde ita crebro & uario manuum & brachiorum iactu, superiores partes exercentur, hoc enim maxime facit ad coctiones corroborandas, & calorem naturalem augendum, facit etiam diuersionem de qua sumus locuturi: uinum eligat iudicio meo album magis quam nigrum. Inde enim lucidior & melior sanguis generabitur, sed ita præparetur, ut uindemiæ tempore accipiantur 8. uinz expressæ partes, & 2. limpidissimæ aquæ, in qua prius decoctæ sint, Polipodij ℥ 4. Betonicæ ℥ 10. rosarū siccar. ℥ 6. Baccarum Mirri ℥ 5. Bulliant omnia simul in prædicta aqua. Deinde facta diligenti expressione, & colatura, superijciatur uinz expressæ succus, atq; ita dimittatur secundum consuetudinem seruere, postea extrahatur & seruetur. Hoc unum optime nutrit, sanguinem lucidum generabit, atq; etiam membra quantum satis fuerit, corroborabit. De reliquo uictus genere, credo ex longo morbo, iam assueuissē, ut nihil delinquat, si tamen delinqueret, ad moneo nihil illi fore perniciosius. Tota enim uis est in recta uictus ratione. Nam medicamenta in corpore priuato sanguine & spiritu, uel parum proficiunt, uel etiam magis lædunt. Abstineat igitur à quocunq; genere fructuum, à leguminibus, à lacticinjs, ab acetarijs crudis, ab omni carne antiqua & salita, ab aromatibus, ab acris cibarijs, qualia sunt allia, caper; & ne in hac parte morosa

fit. Utatur cibus optimi alimenti & facilissimæ coctionis, quæ præsentī Medico ita nota sunt, ut omnino sit superuacaneum enumerare. Hæc satis pro ea parte quam proposuimus, ut procuremus sanguinem perquam optimum generare. Pro auersione & retractione ad partes oppositas sanguinis fluentis, faciet primo exercitia prædicta. Deinde assidue fiant frictiones manuinæ in brachijs, spatulis & pectore, ita ut suaves quidem sint & leues, longiores tamen, ut cutis floreat & rubescat, tamen pro illius corporis statu, ubi etiam importunus fluxus quandoq; molestaerit, optimum est, ut sinistro lateri uentosa in lienis regione applicentur. Non etiam malum esset, si hoc idem fieret in dextro hypochondrio, in hepatis situ. Ligare etiam brachia ligaturis dolorosis, non leue præsidium est, omnino enim longe tutius est diuertere quam confringere, quod si quandoq; euenerit, sicut audio euenire, ut sanguis qui exeat, sit corrosens, biliosus & feruens, præstantissimum remedium est in hoc casu, mane singulis diebus ius pulli pinguis bibere tribus horis ante prandium, & copiose etiam bibere. Nam si quid aliud facit ad acrimoniā sanguinis temperandā, ius pulli maxime facit; testariq; possum, me plurimos fluxum hæmorrhoidū patientes, hoc solo remedio curauisse; continuandus est tamen usus huiusmodi iuris, per plurimos dies. Neque enim pauco tempore perficere potest. Erit etiam cogitandum, nunquid huiusmodi auersionibus prædictis non iuuantibus conueniant fortiores: qualia sunt cauteria, uel in brachijs, uel in spatulis applicata. Nam quantum ad me attinet, illis ego quam maxime assentire. Hæc de auersionibus. Pro membrorum mandantium corroboratione, laudarem, ut exterius quidem hepati applicaretur linimentum ita confectum:

℞. Olei de spica sumpti à pigmentarijs, quos uulgo perfumarios uocant	℥ 1.
Olei de rosetis ab iisdē desumpti	℥ 1. s.
Masticis	℥ 4.
Sandal. citrin.	℥ 2.
Ambræ	
Musci ana	℥ 3.

Misce, & cum modico cærx fiat linimentum pro hepate, si etiam haberet sacculum ex syndone de Chermes, in quo consueretur huiusmodi puluis, laudarem.

℞. Garyophyl.	
Nucis muscatæ ana	℥ 2.
Macis	℥ 3. s.
Laudani electi	℥ 3. iij.
Sandal. citrin.	
Rosarum rubearum ana	℥ 1.
Ambræ	
Musci ana	℥ 4.
Masticis	℥ 6.

Misce, & fiat sacculus pro stomacho. Interius uero summopere laudarem usum Mirobāl. Cheb. conditorum, ut mane unum assumeret tribus horis ante prandium, uel acciperet optimi Mithridatici 2. zaccari rosati 3 s. Misce, &umat eadem hora, ut dictum est, de Mirobalanis. Ista enim maxime faciunt ad membra naturalia corroboranda. Pro confortatione uiarum & uenarum relaxatarum, non ut superauerim futuro uere, si sumeret aquam aquarij, quæ est in agro regij Lombardiæ. Ita tamen, ut non pertransiret decem uel duodecim cyathos, & nō sumeret secundā, nisi prius redidisset primā, laudaremq; ut ipsa concederet ad dicta balnea, & non tantum biberet, sed cum illis quoq; se ablueret. Pro confortatione loci recipientis, & ipsorum hæmorrhoidum, laudo ne confringantur, sed tantummodo prohibeantur à contrarijs, caueat

caueat, ne sedeat super re frigida & humida, aut dura, aut aspera, caueat ab equitatu, neq; adeo placeant currus, præcipue currentes, uel tracti in locis lapidosis, & inæqualibus, suffumigium tamen factum ex his quæ infra scripta sunt maxime confortat ea loca, sine manifesta adstrictione & habet;

℞. Laudani electi	3	5.
Thuris optimi	3	2
Sandaracæ	3	1.
Bdelli	3	3.

Cum mucilage tragaeanthi excipiantur, & fiant Troisci parui, pro suffumigio locorum hæmorrhoidum, abluerem etiam loca ex decocto absinthij, rolarum & betonicæ, compertum est non parum prodesse. Quod si præterea bis uel semel saltem in septimana 3 s. optimi Rheubar. masticauerit, maxime faciet ad corpus mundificandum, & ad membra mandantia, & ad uasa etiam corroboranda.

De intemperie membrorum naturalium ac obstructione, 2
materia frigida & crassa, orta, pro Francisco Casali,
Medico Brixiano excellenti.

Consilium CLXVIII.



VM in proprijs negotijs affecti sumus, iudicium quoq; proprium afficitur, ut delitescat. Sed ego propter officium fidelis amici huius excellentis medici non deficio, & quod in eo casu facturus essem, assero. Et primum hoc pro fundamento apud me constituo, hunc morbum non esse uno impetu aggrediendum, ac depellendum, sed paulatim remouendum. Cum enim in naturalium membrorum essentia intemperiem esse iudicem, obstructionesq; ac materię frigidæ & crassæ collectionem, patet neq; quo ad intemperiem, neq; quo ad materiam, neq; quo ad membrorum affectionum naturam, aliquid esse uolenter impetuoseq; agendum. Constituta igitur optima uictus ratione, quæ in hac cura primaria esse debet, ad medicationem accedendū. In uictus ratione obseruarem, ut omnia cibaria essent optimi alimenti, facilis coctionis, sed quantum fieri posset, attenuantia; ideo uinū subtilissimū, mediocris substantiæ sit. Præponerem cibis omnibus usum anisofructus, aut fœniculi, aut cinamomi, ante prandium & cenam. Panem optime fermentatū, cum modico salis & puluere anisorum conficerem; reliqua cibaria nouit sua Excellentia. Et bibat parce, nam desiderarē ut plus humoris per urinam excerneretur, quā biberet. Somnus sit satis prolixus, meridianus tamen euitetur. Mane satis tempestiue surgat, & moderate exerceat corpus; sitq; quammaxime fieri possit, læto & iucundo animo. Aliquid uum habeat semper mollem, & pro hac re laudarem maxime frequentem usum resinæ terebinthinæ, de qua sugnat Excellentia sua mane tribus horis ante prandium drachmam unam aut duas; præter quā enim quod moderate leniet aluum, etiam ad uentrem roborandum, & obstructiones uiscerum aperiendas sine molestia conferet. Et hoc facto deinde purgationem exequeretur.

℞. Specierum hieræ simp.	3	2.
Electuarij lenitiui	3	1.

Cum zucchero fiat bolus, dandus tribus horis ante prandium. Concoctio:

℞. Syrupi de absinthio		
Oxymellis scyllitici	ana	3 1.
Decoctionis cetrach, id est, asplenij		
Cichoriæ		
Agrimoniæ	3	4.
Chamaedryos		

Misce pro uno syrupo, & sic pro alijs septem. Euacuatio per pharmacum.

℞. Confectionis hamech

3 4.

Oxymellis scyllitici

3 2.

Cum decoctione cetrach & florum cordialium fiat potio danda in aurora cum custodia. Hic meus esset curandi modus, quem si necessitas exigeret, in autumno repeterem. In medijs uero temporibus non prætereat dictum usum sex rerum non naturalium. Laudarem ut singulis septimanis bis sumeret Rhabarbari in puluerem redacti sesquidrachmam, postea illud assumere uel cum resina terebinthina, uel cum saccharo rosaceo, uel cum passulis Corinthijs, ut ei placeret magis. Quod si etiam bis in mense sumeret Mithridatici optimi drachmam uel in pilulas redactam, uel in formam boli, admiscendo sacchari rosati drach. 2. credo illud fore ad calorem naturalem corroborandum, & ad membra principalia summopere collaturum. Iis essent nunc contentus: credoq; si omnia diligenter exequetur, ut mandantur, quod Excellentia sua sanis tatem adipiscetur.

De potu Thermarum, an conueniat in dispositione uentriculi frigida, & obstructionibus, existente insigni caliditate hepatis, & lienis.

Consilium CLXIX.



QUÆRITVR à nobis, an debeat bibere aquas Thermarum. Non igitur occupatus ero alijs questionibus, nisi quatenus sine illis ad propositam questionem respondere non possum. Primo autem nihil possum dicere nisi optime sciatur morbi natura, nam ab ea indicatio proprie sumitur, quid agendum, sicut ab alijs postea reliquæ, quomodo & quando. Natura igitur morbi primo inquirenda. Conqueritur ipse, quod habeat rugitus & flatus in uentre, ascendentes ex sinistra parte circa regionem lienis, & hypochondriorum ad furculam usq; ubi hærent, in parte sinistra maxime, ut interdum uideatur ardere is locus, interdum uero uacuum esse, ut hodie, nec de hac re dubitatum est, quia flatus tanguntur, & rugitus audiuntur. Quando enim uult, comprimit uentriculum, & percipitur rugitus maximus. Præterea affectum cordis habet, quia ascendit alibi quid, quod uelit suffocare cor, ceu aqua. Circa actiones tamen cerebri & sensus tam exteriores quàm interiores, bene habet, bene imaginatur, & quæ debet, recte rationatur ac memoratur, delectatur conuersatione hominum, & sodalitijs. Exteriores quoq; sensus omnes integri, nec motus impeditus est. Heri præter consuetudinem dicit se incidisse in uertiginem aliquam, & obtenebrationem oculorum, dum ambularet, & antea nunquam sensit, nec timet, nisi cum materia illa petit cor, tanquam suffocatura. Præcipuus igitur morbus sunt flatus illi, ac rugitus circa abdomen totum, seu Mirach, & totam regionem hypochondriorum ascendentes, excitantesq; calorem circa furculas. Et isti flatus habent causas materiales, & efficientes. Causa efficiens est, ut & Galen. refert, calor diminutus, qui non potest perfecte concoquere materiam, tamen aggreditur eam, & ita excitat flatus. Calor autem diminutus esse potest, uel in seipso, ut cum temperatura frigidior, uel propter abundantiam materiae. Videndum igitur, utrum sit. Hepar calidum insigniter ex toto habitu corporis, ex nigredine, & pilis & egestionibus etiam cholericis (ut ipse recitat) Ratione igitur caloris non est diminutus, sed satis sufficientem haberet, si non esset materia in uentriculo aggregata, & eam uel non concoquit uentriculus debilitate & frigidity impeditus, uel propter obstructiones non recte distribuit, hinc fit, ut hypochondria tensa habeat (ut sæpe diximus alijs) quia abdomen gracile est, & sine pinguedine omenti, propter hepatis insignem caliditatem colligantem, & consumentem pinguedinem. Item propter assiduum

Asiduum studium, quod ipsius uentriculi imbecillitatem generat. Et ideo materia aggregatur, quia alimentum non distribuitur, ut oportet, nec perfecte concoquitur, ideo ebullit, ac feruet, & rugitus facit. An modo aggregetur materia in uentriculo, uel liene, uel intestinis uel alibi uidendum, quia semper de sinistra parte magis queritur, & cum eam superius comprimit, descendit flatus, cum inferius ascendit. Coniicio intra peritoneum, & musculos colligi materiam, & musculi recti ad furculas terminantur, ubi terminantur & flatus. Suh ijs igitur, & inter eos ascendunt & descendunt rugitus. De materia difficultas est à qua sumitur indicatio operandi, an sit materia uaporesa, quæ à sanguine in uenis feruente, adusto atq; ebulliente excitetur, & inde ad hæc loca deueniat; & sic omnino uidetur, quia maximos percipit ardores in parte sinistra & circa hypochondria, & circa furculas, seu terminum ad quem terminatur, ubi quasi ignem percipit. Si materia frigida pituitosa esset, non faceret tantum calorem, quia à re calida fit quoq; calida impressio, non à pituita uel humoribus lentis. Si hoc uerum non esset, sed ex uitio uentriculi, non esset uerus flatus hypochondriacus, quem desinit Galenus ex Diode, uel esse feruorem sanguinis uaporesi in uenis inter uentriculum & hepar, uel propter obstructionem aut inflammationem pylori. Vbi addunt recentiores etiam fieri eam obstructionem ex materia frigida, quod considerandum esset an sit possibile. Possunt autem flatus hypochondriaci esse sine melancholia hypochondriaca, sed melancholia hypochondriaca nunquam est sine flatibus. Et ibi disputat Galenus contra Diodem, ubi dicit propter feruorem sanguinis adusti fieri melancholiam hypochondriacam, non ob frigiditatem, & id satis constat, siquidem in primis principijs constare uidemus. Frigiditas diminuit actionem, facit torporem & stultitatem, non corrumpit actionem. Corruptio uero fit ex caliditate, pituita uero torpidos & segnes facit homines. In hoc credo permixtionem utriusq; & iudico illum habere uapores adustos ascendentes, quia circa lienem percipit feruorem, ideoq; existimo, uenas & meatus, qui à splene sunt, ad uentriculum & alias partes, plenos esse humore melancholico, crudo. Habet præterea multum pituitæ, propter incoctiones in uentriculo, ideo sentit eructationes acidas, quas etiam Galenus eos habere dicit, & postea liberari. Prouenit autem ea aciditas ex leui corruptione, quæ non assequitur finem. Materia autem putrescit, quod non possit distribui suo tempore. Ita igitur ego materiam non simplicem puto, sed mixtam, sicut causæ sunt diuersæ: frigiditas uentriculi & imbecillitas, non concoquentis debito modo, nec distribuentis, ad quod sequuntur obstructiones, & caliditas in hepate, ac feruor in ipsis uenis, ac noxiæ etiam caliditas, ipsius lienis. Morbus igitur compositus est ex diuersis & oppositis temperaturis, quare remedia opposita querenda sunt, sed de ijs nihil à nobis nunc queritur. Sed de balneo, utrum potius Thermarum Apponitarum conueniat: Fauentinus iussit ut triduo biberet, postea uero stillicidio uteretur 23. aut 25. diebus. Ego potius contrarium facerem, biberem aquam 14. aut 20. diebus, stillicidium uero omnino omitterem. Sed de potu aquarum uidetur occurrere hæc dubitatio, quia ægritudo duplex. Quod ad frigiditatem uentriculi attinet, & obstructiones, conueniret optime, quia morbus est in compositione, sed illa caliditas ignea in lienis regione, qui est initium, unde egreditur flatus, & terminatur postea in iugulo, & feruet sanguis in ipsis uenis, hepatisq; caliditas contrarium suadent quibus non dubium est, non conuenire Thermas. Num igitur dehemus desistere? Ego quidem exhiberem. Sed interim uellem habere rationem quoq; aliorum membrorum. Natura aquarum insigniter calida est, ita igitur prospiciendum est uentriculo, ne noceamus alijs membris, & præsertim hepati ac lien. Primo igitur non excederem 12. aut 14. calices in quantitate, hoc est, ne biberet ultra 10. aut 12. libras ad summum. Deinde munirem iecur, & lienem etiam infrigidante Galeni. Non enim aliud scio remedium magis securum, & bonum, dummodo sit recens, & diligenter confectum. Vngerem autem totam regionem lumborum secundum totum longitudinis spaciū, & hepatis etiam locum. Hoc modo non nocebit aqua, quia magis figitur in uentriculo, & locis frigidioribus; ad hepar uero & loca calidiora non perue-

nit, aut ea solummodo transit, nec moram facit. Quod ad os furculæ attinet, ingrederer aquam, & lauarem totum corpus. Quamquam ad tollendum hunc morbum, etiam alijs remedijs opus fore credam: sed possunt primo aquæ experiri. Stillicidium omnino improbo, quia magis calefaceret caput, & fieret Maniæ tandem.

De Melancholico Hypochondriaco.

Consilium CLXX.



Non possum dissentire admodum à uestris Excell. quia omnia sapientissime cogitata & ordinata sunt à uobis. Sed cum dignus sit iuuenis, in cuius curatione laboremus, ut loco meo etiam satisfaciam, dicam primo quæ uidere & deprehendere possum sensu. Primum temperatura ac habitus corporis, etli tendit ad caliditatem & siccitatem, tamen non arbitror generatum sanguinem crassiores, quia morum optimorum & boni ingenij est, sed semper pronus ad iram, in qua tamen facile placatur. Inde spiritus tenuior, & sanguis etiam subtilior ac calidior indicatur. Ex his enim ingenium promptum ad omnes actiones. Qui autem tales sunt, habent uentriculum frigidum, uel saltem frigidam intemperiem facile acquirunt, quia resoluuntur, & non possunt contrarijs resistere, propter subtilitatem spirituum. Hic deliquit in cibo, potu, & animi accidentibus, quæ resoluunt ualde. Inde uentriculus debilitatus non concoquit, & hepar calidum facit sanguinem crassiores, unde sequuntur flatus hypochondriaci. 3. de locis affecti. Est enim hæc passio feruor quidam circa uenas Mesaraicas, qui oritur cum uentriculus non recte concoquit, & cibus non coctus perfecte, sed crudior ad hepar deferretur, & sit ebullitio quædam, & motus præter naturam, ex quo eleuantur uapores, reddentes spiritus obscuriores primo, & postea cum augentur secundum proportionem, & acres fiunt ob adustionem, faciunt uarios affectus, quales solent habere, qui corruptam habent imaginationem, secundum rationem uaporum ascendentium. Ideo ridet, & lætantur, nunc irati alios percutiunt, sicut omnia contigerunt in hoc iuvene. Primo quidem ex ratione uictus, & leui timore, qui auctus postea uenit ad melancholiam, nec puto à capite factum. Non enim in eo principaliter est affectus, sed primam causam credo esse ratione uaporum ascendentium à partibus hypochondriorum. Cæterum quia abundat sanguine cholerico, est ualde afflictus animi accidentibus molestissimis. Inde aucta humorum adustio, & tota quasi massa sanguinis adusta, tandem in ambitu uenarum propter exercitia, accidentia animi, rixas, malam rationem uictus, uisgilias, ambulationes nocturnas, multiplicatus humor melancholicus per aliquam adustionem. Nec puto esse proprie faciem sanguinis, quia non est ea moestitia, quæ sit ex toto corpore refrigerato propter abundantiam facis sanguinis: sed semper quasi hilaris: nisi quod interdum propter adustionem humorum sequuntur alia accidentia sauiora. Iudico igitur, omnes rationes ad duo referendas: ad uapores ascendentes ex hypochondrijs, facientes melancholiam, uel myrachialem, & ad uapores ascendentes ex sanguine, facientes uaria symptomata pro ratione uariæ adustionis. An caput afficiatur querendum. Non mirum pati illud, cum maxime recipiat uapores, cumq; sit perpeffus tot sæua accidentia tamdiu. Non enim adsumus à principio, sed malum multo ante præcessit: ut requiratur iam in curatione magna diligentia. Duo autem maxime necessaria sunt: Medici diligentia & cura, hocq; instrumentum non deerit. Secundo, ut æger se præstet obedientem oportet, & ut omni modo obsequatur, alioqui frustra erunt omnes conatus. Requiritur tamen & assidentes cōmodi, qui administrant res, ita ut sunt ordinatæ: quæ ubi omnia recte perficiuntur, speramus illū rediturū ad sanitatē. Habet cerebrū tales operatiōes, ex quibus lumē ingenij apparet. Ad est memoria omnium præter

præteritorum, in quo maxime spero; quia memoria est ex ijs, quæ consideramus in intellectu. Ergo non ita valde corrupta est quoque imaginatio, cum seruetur omnium memoria. Non enim est tanta perturbatio, quin ibi etiam sit aliqua lux, sicut aqua etiam, dum accipit aliquam imaginem, non est ultime perturbata. Est ergo signum quod possit curari. CVRA. Nemini dubium est, si volumus curare nobilissimum iuuenem, debere hæc fieri. Primo, humores adusti multiplicati circa uentriculum, & in toto ambitu uenarum exquisitissime euacuandi. Secundo, providendum ne noui generentur. Tertio humectandum corpus, quod præcipuum est in omnibus patientibus affectus melancholicos, & hoc maxime considerandum ijs, qui eos curant. Primo humor euacuabitur ijs, quæ recte humorem ducunt, in hoc maxime animaduertendum, ut non exhibeamus tantum confectionem hamech, aut pilulas coccias, cum elleboro, quia euacuant pituitam potius, quam melancholiam, sed utamur etiam quæ melancholiam educunt de cocto Myrobal. Senæ, Epithymo, Elleboro. Coccias uero cum Elleboro solas si dederitis, ad 3. 1. uel etiam 3. 2. s. tantum erit in illis Ellebori, ut uix pulicem euacuare possit, præterquam quod maximum sit impedimentum, simul pituitam & melancholiam euacuare. Nam in transitu unus humor impedit alium, & pituita obstruit meatus, ut postea hæreat humor melancholicus, & creet deteriora accidentia. Quare ego hac in parte Coccias cum Elleboro non audio. Primo autem pituita euacuanda exquisitissime, & postea melancholia poterit commode educi. Pituitam igitur concoquerem syrupis, & euacuare exquillite. Amara æger respuit, sed si componatur agaricus cum trochiscis Alahandal in forma pillularum, & deauratur, acciperet. Syrupus fiat ex preparantibus, ut oxymelle, cichorio & alijs. Postea factis euacuationibus accedere ad balnea aquæ dulcis, propter humectationem. Deinde concoquerem humorem melancholicum, qui non potest melius concoqui, quam cum rebus mediocriter calefacientibus & humectantibus, quod facere solent aquæ dulces, quæ etiam aperiunt vias, ut fiant latiores, & implebunt etiam secundum & tertium, ut humectetur totum corpus, & ne generentur humores acres, & adustis. Videtis igitur quas utilitates habeant, ut non male dixerit Galenus, solis balneis aquarum dulcium se multos curasse absque medicamento alio. Postea per interualla certa exhiberem Elleborum in sufficienti quantitate, ita ut in singulis exhibitionibus essent 3. 2. corticum Ellebori præparati, & fieret decoctum myrobalanum, quibus adderem quædam corroborantia membra principalia, ut Caryophyllos & alia similia. Huius decocti 3. 2. cum rebus dulcibus exhibere, uel si non ueller bibere, contunderem 3. 1. uel 3. 2. substantiæ Ellebori, & darem in rotulis cum rebus dulcibus, uel semel in septimana, uel bis: post ad usum balnearum deuenirem quotidianum, uel bis etiam in die, cum cautione, quia magna apertio pororum & resolutio, quæ tandem exiccat, sequi posset. Ideo fortasse esset obseruandum, quod Galenus præcipit de usu balnei, ut ponatur statim in aqua frigida, quod non uelim consilire; sed hoc, ut corpus leuiter exiccatum cum pannis, illineretur postea oleo uiolato & rosato. Humectat enim & refrigerat, & prohibet resolutionem sua uiscositate. Et corroborarem membra, præcipue recipiens, Caput lauari cum humectantibus, & pro eo non displiceret medicamentum hoc: scilicet. Maluam & Camomillam, decoquantur cum modico hordei, ut abstergat. Quidam addunt caput hœdi, uel adipem, sed illud est unctuosum, ut hæreat, quare forte abhorreret, ideo in decocto herbarum solo perlingerem. Auferre quoque pilos usque ad cutem, postea illinerem oleo amygdali dulcis. (cui tantum tribuit uir summus Auinzoar, ut dicat humectare caput, ita ut etiam redeant capilli) & oleo uiolato. idem perpetuo facerem die ac nocte, 4. aut 5. uicibus. Est enim dulce: & quandoque solo oleo amygdali, quandoque mixto cum uiolaceo, ne nimis calefieret: nam calefactionem metuo. Secundo curarem, ne generarentur humores mali: quod fieret primum hac corroboratione membrorum; deinde etiam ratione uictus humectante moderate uterem. Laudare uinum album, tenue, humectans, qualia sunt uina paucifera, dulcia, limpidissima, tenuia. Uictus sit attenuans, oua forbibilia corroborant cerebrum, & faciunt bonum sanguinem. Bibat iura pulli quantum potest, humectant enim & corroborant stomachum, ut sentire Galenum recte dicit Auienna. qui uidit meliores codices.

De flatibus Hypochondriacis, cum doloribus uentri-
culi & intestinorum.

Consilium CLXXI.



Ocissimi iuuenes, natura symptomatum & morborum tam in hac nobili matrona, quam alijs omnibus, ostendunt quæ sint agenda: Ideo primum proponenda sunt symptomata & morbi, quibus hæc nobilis matrona affligitur, postea causæ & curatio est inuestiganda. Primo tristatur hæc domina plus quam oportet, sine causâ, timet semper, extra tempus, & modum. Secundo abundat flatibus tum infra, tum supra, est repleta flatibus in omnibus membris naturalibus, matrice, uentriculo & intestinis. Patitur præterea magnos dolores, ut cogatur iacere interdum, cum magno timore astantium. Quæ igitur affligunt hanc nobilem dominam, est timor assiduus, qui tamen maxime augetur, cum dolores inuadunt: sunt autem pruritus & flatus assidui, & dolores acerrimi in uentre. Hæc tria consideranda, & querendæ causæ, quæ indicabunt curationem. Sed quia causæ inquiri non possunt sine dispositionis naturalis cognitione, quæ primo indicat gradum morbi, quantum distet à statu naturali, & præterea hoc præstat, ut facile uideamus, quænam fuerint causæ intrinsecæ morbi. Plerumque enim dispositiones naturales dant occasionem præternaturalibus, propterea quod in habentibus symbolum, est facilis permutatio. Video in hoc corpore duo maxima: Habitum naturalem non bonum, & temperaturam non bonam. Quantum ad habitum corporis eius, est rarissimæ texturæ, ut apparet ex contactu carnis, mollissima enim est, cedit, ita, ut maximam partem possumus in angustum locum intrudere. Est igitur rarissimæ texturæ, ideo facili de causâ resoluitur, quia spiritus ex ea raritate facile diffantur & exhalant. Habet deinde in temperiem & inæqualitatem membrorum naturalium, & ideo est mala temperatura: quia ubi est inæqualitas, & temperatura contraria in membris, malum censetur per uiam signi, & per uiam causæ: quia semper necessario generantur excrementa, siue incalescat, siue refrigeretur corpus, semper aliquod membrum nocuum patitur. Primo uentriculum frigidum habet, ut patet ex operationibus, si excrementa consideramus cum flatibus plurimis, qui significant calorem membrorum naturalium immixtum, & præcipue uentriculi, in quo fit prima coctio: cuius coctionis excrementum sunt feces alui: item arguit multitudine pituitæ excretæ: item compositio corporis. Habet magnifica D. totum abdomen gracile, sine pinguedine & carne musculorum, ita ut Hypochondria utrinque subsideant, & abdomen etiam circa uentriculum depressum, quod ostendit nullam esse omenti pinguedinem, & ideo semper significatur frigiditas uentriculi. Hepar autem calidum est, ut apparet ex uenis, & colore totius corporis, cutis & pilorum nigro, quia sanguis nigrior est & adustus. Recte enim ait Gal. 4. de tuen. san. Color corporis semper arguit dominium humorum, nisi ad profundum humores resederint. Humores igitur adusti sunt ex caliditate hepatis, quod est instrumentum generandi sanguinis, & humorum in corpore. De corde, utrum calidum fuerit, nec ne, quicquid ante fuit, nunc credo non esse talem caliditatem, de qua sit curandum, quia timor frigiditatem arguit. An modo naturalis sit ea frigiditas, non facile dixerim, quia naturales temperaturæ immutantur. Ideo Galenus iubet temperatas naturales, non quales fuerint, sed quales in præsentem sint consideras. Hic timor, ergo frigiditas. Audacia enim calorem arguit 2. de temperam. & 2. artis paræuz. De cerebro non habeo signum manifestum, uel caliditatis, uel frigiditatis. Nam neque capilli, neque color faciei est certum signum temperaturæ cerebri, sed potest esse ex caliditate hepatis. Ex operationibus cerebri melius arguitur. Habet operationes uiuaces, ergo cerebrum calidum. Sed quæ à colore cutis & pilorum signa sumuntur,

communia sunt, cum ex hepatis caliditate, ut dixi, contingere possit, generantis huiusmodi mores adustos, qui postea per totum corpus sparguntur. De operationibus modo instrictis: optimum ingenium habet, quod arguit subtilitatem substantiæ, non caliditatem. De mobilitate earum operationum non sum certus, non enim nota mihi fuit antea, sed credo spiritus subtilissimos in toto corpore, propter raritatem texturæ totius. Quod autem maxime nos sollicitos habet, est hepar calidum, ventriculus frigidus, & excarnis, & omnia intestina gracilia, & frigida necessario, quia privata sunt omnis pinguiori, ac propter suam propriam gracilitatem facile sentiunt externos motus, quia non habent pinguedinem, & unctuositatem illam interius tuentem intestina & uestientem, ideo facile percipiunt omnia nocumenta leuiora. Consequenter uterus, qui per se nervosus, & maximam habet confinitatem cum ventriculo & intestinis, facile in consensum tractus est, & frigidior seipso redditus, cuius argumentum est redundantiæ flatuum. His suppositis, sequuntur symptomata, mœstitia, & rugitus, quo fere semper affligitur. Eum affectum credo reducendum ad flatus, quos 3. de locis aff. Gal. hypochondriacos, uel myrarchiales uocat. Isti enim flatibus & tristitia perpetuo obnoxij sunt, & eam passionem maxime patiuntur, qui calidum hepar & uentriculum naturaliter frigidum habent, ita ut omnibus, qui laborant eo affectu, hæc duo membra inæqualia sint. Atque hæc ratio est, quia, ut dicit Gal. eo loco, in hoc morbo fit inflammatio, & ebullitio humorum crassorum in uenis Mesaraicis circa hepar, præbente materiam uentriculo, hepate autem calorem, ita ut in tali dispositione membrorum, concurrant causa materialis & efficiens. Materialis est pituita crassa, generata in uentriculo frigido. Efficiens est calor hepatis, materiam illam crassam in Mesaraicis inflammas, unde feruntur uapores in caput, à quibus habet mœstitiam hanc præter rationem. Rugitus fiunt propterea quod debilitato calore naturali generantur flatus. Per interualla postmodum capitur & doloribus intestinorum, & uentris, cuius rei causa intrinseca manifesta est: quia paulatim per singulos dies generatur materia crassa, quæ colligitur in concauitatibus, & etiam inter tunicas uentriculi & intestinorum, præcipue tamen in intestino crasso, quod colum uocant: ex qua geniti flatus retinentur, propter multitudinem secum crassiorum, & causatur dolor, quia feces obstruunt, & includunt intestinum, tuncque flatus cum impetu querunt exitum, & cum erumpere non possunt, inflatur, atque ita causant dolorem, & eius rei signum est manifestum, quia sæpe patitur retentionem fecum, ut audio. Ideo flatus cum exire nequeant, talia fiunt, non tantum in intestino colo, sed etiam interdum in alijs, ut sæpe in uentriculo: ubicunque materia crassa & pituitosa impedit, & prohibet flatus, ne exeant: & ideo in diuersis locis queritur se sentire dolorem, quandoque supra in uentre, quandoque infra, prout retinetur materia pituitosa flatulenta in diuersis partibus, generata ex uentriculo frigido, & matrice etiam consentiente. Et sic habetis causas efficientes & materiales. His ita se habentibus, patet natura omnium symptomatum, & quæ sint ægritudines, quæ faciunt accidentia talia: & sicut in apoplexia, epilepsia & melancholia solent contingere, uidelicet ut sit intemperie in capite, quæ non est proprie ægritudo, sed dispositio, ratione cuius mouentur illi paroxysmi per interualla: ita hic est perpetua intemperie in hepate & uentriculo contrarie affectis, & generantibus multum pituitæ & bilis, ex quibus per interualla excitantur dolores. Mœstitia uero perpetuo manet, sicut & apoplectici & melancholici semper attoniti sunt, & nunquam in bono statu. Hæc igitur materia morborum & symptomatum. De prognostico dicam, quod sentio, cum Galeno, ubicunque flatus hypochondriaci, in omnibus prolongantur, ideo hæc magnifica domina etiam hoc morbo diutius laborat, nec aliquo modo adiuuatur ab applicatione frigidorum, neque calidorum, uel parum admodum. In præsentī tamen tempore dum applicantur calida, quæ uentriculo primum occurrunt, in quo plurimi flatus & pituita, quæ digeruntur, ideo sentitiuamentum. Sed postea cum calor ad hepar transit, augeat eius intemperiem, magisque inflammat. Quod cum uident medici, res frigidas applicant, & ita longe magis nocent, sicut plerumque fit à medicis illis in curando, qui tandem ad contraria reperiunt, cum

tamen utrinque noceant. Cum igitur intemperies fixa, & agritudo prolongetur in omnibus, erit agritudo longa, nec potest curari cito, sed posset quidem cito mori, si non recte curetur. CVRATIO. A rebus naturalibus quantitas operandi sumitur. Videmus raritatem texturæ, & corpus à quacunque causa resolubile, spiritus exhalabiles, & membra gracilia, & admodum sensibilia, ideo enim sæpe dolores recurrunt, quia membra habet sensibilia. Cum igitur resolubilis, & facile lædatur à quocunque excessu, debet magna cautela esse in pharmacis, sicut statim à principio admonui eius maritum, ut ab omni genere pharmacorum sciuorum cauere, uteretur optimo regimine, moderareturque affectus quantum esset possibile. Quomodo igitur curares? Ex quo nunc sumus in uere, & aggregauit plurimos humores multorum generum, sicut fieri necesse est, stante intemperie in membris naturalibus, & accedente continua molestia, & quod uiuit in aëre non consueto, aucti sunt plurimi humores melancholici, cholericici, & pituitosi, qui educendi sunt, sed medicamentis facilibus, & potius iterando, quam eam obruendo. Iam sunt tres uel quatuor dies, ex quo persuasi, ut euacuaretur, data est communis consensu nostro Calsiæ 3. 1. cum Hieræ 3. 1. ut educeret materiam contentam in uentriculo, & primis uenis. Sed cum sint modo alij humores in ambitu uenarum, illi educi possunt uel pharmaco electiue ducente, uel missione sanguinis. Vtrum uero horum conuenit, utrinque ne, an alterum tantum? Clariss. Doctores si extraheretis 3. 4. sanguinis, non uideo incommodum. Et si esset niger & adustus, per interuallum iterum extraherem sine nocumento. Ita enim sanguis ille crassior, & non nutriens educeretur paulatim, & interim generaretur bonus sanguis, sicut fieri consuevit in alijs melancholicis, et in hoc etiam casu admittit Gal. 3. de locis aff. Mitterem igitur sanguinem, sumptis tamen ante duobus uel tribus Syrupis, postea iterum euacuarem, sed non transirem ad fortiora, quæ trahunt electiue, sed auerem potius dosim. Nam ego omnes medicinas benedictas, etiam calsiam & aloem trahere credo, si dentur in sufficienti quantitate: sicut etiam illa, quæ maxime per electionem (ut uocant) trahunt; in tam parua quantitate exhiberi possunt, ut tantum per contactum euacuent: sicut modicus magnes trahit ferrum per contactum, magnus uero etiam à longinquo. Et hoc Galen. innuit de Aloe. Ideo credo quaslibet medicinas benedictas exhibitas in maiori quantitate, plus trahere, quam electione educentes in pauca, licet in pauca quantitate id tantum euacuent, quod contingunt. Darem igitur non ea, quæ pauca quantitate uiolenter trahunt, ut scammonium: cuius 3. aut 3. G. aut ad summum 12. tantum G. exhiberi possunt, sed darem calsiam cum hiera, & potius uices iterarem, quam intendere uires medicinarum. Syrupi propositi à Clariss. D. Doctore mihi non displicent. Mel rosatum abstergit humorem frigidum & uiscosum, & confortat uentriculum: syrupus de cichorio omnia habent conuenientia, & amaritudine sua contemperat hepar super calefactum, & aperit obstructions, ideo non omitterem. Accipiat igitur eos, & euacuetur medicinis benedictis, non ijs, quæ uehementer trahunt, quia tales ferre non poterit. Facta euacuatione dirigatur ad rectam rationem uictus, in qua præcipue spem ponat, & quia à uino præcipuas sentit alterationes, eligat uinum pauciferum, non nimis aquosum, aut crudum, uel acerbum, sed bene maturum, propter uentriculi debilitatem, carnes comedat meliores, reliqua iam illi sæpe enarrata sunt. De electuarijs: saccharum rosatum, & modicum Diatrionpipereon non transirem, quia reliqua omnia nimis calefaciunt, & exiccant, piper uero, ut Gal. dicit, & ratio ipsa subiicit, calidum quidem est admodum, & calefacit, & exiceat usque ad tertium, sed non facit impressionem, quia statim exhalare eius calor propter substantiæ tenuitatem, antequam ad hepar transeat. Ideoque hoc utitur etiam in sensibus, cum tamen alioqui ab alijs minus calidis abhorreat, quæ sunt substantiæ crassioris, & calorem diutius, propterea retinent. Exhiberem igitur, sed raro Diatrionpipereon, saccharum uero rosatum sæpe darem, quod si quam perciperet inde frigiditatem, admiscerem aliquid specierum aromatici rosati. De balneis putauimus, si medicus ea moderate applicet, & muniat hepar ne calefiat, non improbanda, dummodo diligenter exhibeantur, & quidē in passione hypochondria ea mirabiliter sum expertus balnea iurare.

De flatibus hypochondriacis cum descensu Catarrhi,

Consilium CLXXII.



Falsimelica narravit historiam hoc modo: Doctus & nobilis iuuenis, ex Britannia Galliae oriundus, est affectus dispositionibus praeter naturam, ex quibus licet uideatur sanus, & obambulet, ita tamen afficitur, ut non possit exercere operationes debitas: non potest incumbere literis, ut uult, nec alias operationes homini necessarias debito modo exercere. Historia autem rei fere talis est: Cum esset in patria usus pessima ratione uiuendi, uescebat lacte & lacticiuijs, fructibus horarijs, & aquam etiam bibebat plurimam, exercebat se horis non convenientibus. Postea cum esset Tolosae in studio literarum, incubuit legibus per multos annos, non habita ratione nec loci, nec temporis, semper inharebat studijs post cibum, & ante, die noctuque, ac simul animi quoque ac cidentia uaria patiebatur. Ibi quinque annos moratus, postea Bononiam uenit, ac byeme, in aere per se frigido & humido, ac subtili etiam degens, incidit in affectus molestos. Prius Tolosae affligebatur circa uentrem inferiorem, praecipue in parte sinistra, sentiebat rugitus plurimos, ac flatus, & dolores interdum, ita ut hora una uel duabus horis post cibum affligeretur, ut non posset incumbere literis, nec reliquas operationes exercere. Adhibita sunt multa medicamina, sed non inuenerunt. Nunc Bononiae etiam in catarrhum incidit, quo uexatur plurimum. Temperatura a naturali declinat per calidum, omnia enim membra per calidum declinant. Cor calidum, quia mobilis ac pulsus magnus, hepar calidum, quia abundat sanguine, & carnosus est, non nimis tamen, uentriculus imbecillus ac frigidus fortasse, potius ex aegritudine, maloque regimine, quam naturaliter. In pascuis ad humiditatem declinare uidetur, quia carnosus aliquantum, & cum rubore albus. Res praeter naturam quas patitur, sunt rugitus maximi in parte sinistra, praecipue post cibum dolor in parte illa, & circa caput. Multa imaginatur, quae non sunt imaginanda, & insomnia habet grauiora, unde credo melancholicam hypochondriacam esse, qualaborat. Haec enim describuntur eius signa apud Gal. 3. de locis aff. cap. 6. Estque affectio circa uenas Mesaraicas, uel ex obstructione, uel ex inflammatione, uel ex utroque orta. Hic obstructio est, inde fit rugitus ille, cum chylus concoctus transmittitur ad hepar; sequitur dolor propter obstructionem & inflationem. Imaginatur etiam, & cogitat tristitia, & somnia terribilia habet, propter humores adustos, exhalantes ad caput. Habet dolorem capitis, quia uapores inducunt malam temperaturam in cerebro, quae causat dolorem. Causa horum omnium uentriculus frigidus, ratione cuius plurimum appetit, male tamen concoquit, ideo cruditates multae generantur. Hepar calidum, adurens humores, efficiensque eos crassiores: unde sequitur obstructio, & inflammatio in partibus secori uicinis. Idem auxit ratio uictus, usus lacticiuiorum & fructuum. Caput postremo calidum attrahit uapores a partibus inferioribus ad se, unde dolor capitis, & alia symptomata. Catarrhus etiam plurimas habet causas: primo, quia caput calidum & humidum, & tales obnoxij catarrhis, cum praesertim inordinate uiuunt, sicut solitus est facere hic aeger. Deinde statim a cibo studebat, ideo ascendebant uapores ad caput: praeter studia quoque, patiebatur frequentes agitationes animi, & tristitiam, quae etiam replent caput. Accessit postea aer Bononiensis, qui frigidus ac tenuis, & humidus per sese replet caput. Materia catarrhi est insipida, non crassa, sed senilis, quae per essentiam quidem generatur in capite, fouetur tamen etiam a membris inferioribus mandantibus eam. Ad catarrhum sequuntur uaria symptomata, tussis quandoque, aliquando sputum, interdum affectio uentriculi, prout ad uaria loca defluit: obstructio quoque alui, quia faeces inuoluntur pituita. Hi sunt affectus praeter naturam, & eorum causae, quas etiam sequuntur uigiliae, & quod ineptior ad studia.

PROGNOSTICVM. Morbus antiquus, & multa adhibita, quæ non profuerunt, ideo res difficilis, propter intentiones curandi difficiles, quæ non ita facile curari possunt. Curandi autem intentiones sunt: Primo aperire obstructions in Mesaraicis: secundo, tollere causam ex qua fiunt. Incipiendum ab euacuatione, quæ educat humores crassos & adustos, obstruentes meatus, ut postea membra naturalia, hepar, & uentriculus corroborari, & capitis temperatura, quæ ex aëre frigidior contraxit, alterari possit. Fiat attem euacuatio per subductionem uentris, & sanguinis. Primo, leniatur uenter cum Calsia & Hiera. Secundo concoquatur materia cum syrupo de Endiua, Cichorio, & Fumoterræ etiam, propter adustos humores, & similes attenuantes, & aperientes sine calefactione. Tertio post duos aut tres syropos secarem uenam, & mitterem sanguinem chasilica dextri uel sinistri brachij. Quod si catarrhus respiciatur, à communi poterit hoc fieri, sed basilica magis placet in hoc casu. Quarto euacuatur cum ijs, quæ ducunt humores crassos, & adustos, ut confect. Hamech, cum Calsia com mixta, uel pillulis Coccijs, cum Elleboro. Semel euacuato corpore iterum repetatur euacuatio, quia unica uice non poterit perfecte euacuari. Instituitur recta ratio uictus, attenuantium in primo ordine. Cibaria non sint crassa, sed calida & sicca in primo & secundo, & sine superfluitatibus, postea alteretur uentriculus, qui ualde imbecillis est, cum leuiter calefacientibus & astringentibus. Confectiones quidem plurimæ sunt, sed propter hepar calidum, cuius adustio non augenda, sit Diarho don aromaticum rosatum, Diatriotipipereon, Diacalamentum cum saccharo rosato. Ad aperiendas hepatis obstructions, & lienis, mitterem ad Thermas, quæ roborant uentriculum & membra naturalia omnia, aperient etiam omnes obstructions, nec supercalefacient hepar, si illi occurramus. Nam & experientia comprobat, conferre eas aquas huiusmodi melancholiz, si purgato antea corpore, & cum certo moderamine exhibeantur. Ad tollendam dispositionem capitis post euacuationem, cum caput purgij, & masticatorij id euacuarem. Lauarem cum lixiuo modico calefaciente & corroborante, ut ecamomilla & betonica. Et tandem si nullam uiderem inflammationem ex potu aquarum, consentirem fortasse in moderatum usum stillicidij, sub quo non diu moraretur. Si hæc in uere non iuuarent, in autumno repeterentur, quia hæc ægritudines difficiles non possunt una uice tolli.

MONTANVS. Symptoma, quod patitur nobilis hic iuuenis, ita notum fuit omnibus medicis, qui curarunt ipsum, ut non oporteat de eo dubitare. Patitur melancholia hypochondriacam, ut merito determinatum est ab ipsius medicis. Quosupposito, de eo affectu querendum, uidenda eius natura, & ex quibus causis procedat, quo inuento, habebitur modus curandi. Et sæpe nos de eo locuti sumus, & causas diximus, è quibus generetur, ita ut notæ sint, tamen propter presentiam horum iuuenum, ut illis satisfiat, nonnulla dicam. Hic affectus & cognitu & curatu difficilis est; cognitu primum, quia uideo medicos plurimos circa inquisitionem causarum eius discrepantes. Nam Galenus cum de hoc affectu loquitur ex sententia Dioclis, et si satis exprimit causas eius, tamen satis diminutas exponit. Dicit enim nasci ex inflammatione quæ est in Mesaraicis, inter uentriculum & iecur, & nihil addit nisi inde sequi imaginationes melancholicas. Licet enim ascendant ad caput humores adusti & nigri, qui faciunt obscuritatem & timorem, quàm cum pueri timent, cum sunt in te nebris. Id tamen non uidetur sufficiens, quia multa alia contingunt in hoc morbo, quæ ad id non uidentur consequi: inter quæ illud præcipuum est, quod non conquiescant de latere dextro, ubi sunt uenæ illæ, in quibus dicit Diodes esse inflammationem: sed circa sinistrum latus apparet rugitus, dolor, & tensio, quæ sensu & tactu percipitur. Igitur ea determinatio Dioclis & Galeni non uidetur sufficiens. Præterea cur rugitus & flatus, perpetuum signum est eius affectus, qui generatur ex inflammatione hepatis, & uenarum, quæ potius rugitus destruere deberet. Fiunt enim rugitus ex calore diminuto, ut uult Galenus, & ante eum etiam Aristoteles. Hic calor intensus est, qui debebat discutere, & remouere flatus. Hæc causa est, cur omnes Arabes & La-

mini, qui postea de hac passione locuti sunt, in magnam confusionem incurrerunt, uti semper faciunt, ubi deest lux, & perspicuitas, ut incidant in magnas tenebras. Quid igitur dicendum? Dicam quid ego observauerim in illis, & plurimis à priori, unde etiam à posteriori animaduerti omnes eos hanc habere causam difficultatis, nempe contrariam dispositionem duorum membrorum naturalium, ventriculū frigidum valde, & hepar valde calidum, & quidem varie fieri passionem ipsam, & symptomata variari, prout varia est dispositio illorum membrorum. Perpetuo tamen hæc duo membra sibi inuicem respondent, videlicet ut sit ventriculus frigidus, hepar calidum. In hoc iuvene, qui magis patitur rugitus, dolores & tensiones in sinistro latere, quam in dextro, quæ sunt causæ particulares? Si considero habitum naturalem totius, est proceræ satis stature, gracilis, agilis ad omnem motum, coloris (quo ad suam nationem, est enim Britannus, & ad Septentrionem remotus, sub altitudine poli 50. grad. ubi sunt naturaliter homines albi) nigrioris. Dico si albus esset, non esset signum necessarium frigiditatis in ea regione, quia ex colore non possumus colligere caliditatem, uel frigiditatem, nisi in regionibus temperatis, ut docet Gal. 2. de temp. sicut Aethiops non necessario calidus est, quia niger est, si uero albus esset, frigidus haberetur absque dubio. Ita hic iuuenis, natus in frigida regione, ubi naturaliter omnes albi, tendit ad rubedinem purpuream, uenæ amplæ, cito loquitur, & ad omnem motum promptus, plenus sanguine & spiritu, ergo calidus & siccus. Hepar quoque calidum ratione sui temperamenti, & quia augetur caliditas eius à calore cordis, potest enim calor cordis augere caliditatem hepatis, licet calor hepatis non possit augere caliditatem cordis, ut bene docet Gal. 2. art. paræ, & nos alias declarauimus. Duo igitur membra principalia calida de terminant totius corporis habitum. De cerebro coniecturæ sunt magis remotæ. Nam ab operationibus intrinsicis proprium de illo iudicium sumi debet. Extrinseca nihil necessario indicant, ut & agnata, sicut oculi qui coniecturam faciunt, non certum tamen. Oculus enim acute uidere potest, uel male, tam ratione propriæ dispositionis organi, quam ratione originis seu cerebri. Sed operationes intrinsicæ intellectus, discursus, memoria uere indicant de temperatura cerebri. Mihi non motus est, sed uideo ingenium promptum, quod arguit subtilitatem substantiæ cerebri, quæ non potest esse humida nimis, quia cum humiditate uiscida esset crassities. Et ideo Gal. in lib. Quod animi mores &c. Cerebrum siccum demonstrat animam prudentissimam. Video magnam ingenium, & paratum ad discursus & literas, nihil etiam plus conqueritur, quam quod non possit studere. Promptitudo autem & multitudo in operibus arguunt caliditatem, unde & in cerebro temperatura sicca & calida, ut secundum totum uideatur temperatura calida & sicca. Et quia talis temperies est secundum totum, & corpus est gracile, cor calidum augens caliditatem hepatis, & ideo hepar calidissimum habet, erunt partes circa ventriculū excarnatæ & graciles, sine pinguedine ab dominis, & crassities musculorum, quæ conseruant ac fouent calorem naturalem uentriculi, qui calidus est & humidus, ut & Gal. ostendit cum ait: Cui ex uulnere pars omenti ablata est, de teriores sequuntur coctiones. Sequitur igitur frigiditas uentriculi omenti priuationem. Et hinc causæ proximæ huius dispositionis, ad quam accesserunt fomenta alia, quæ facerent, ut ratione hepatis generaretur plurima adustio, & uentriculus frigidior generaret excrementa. Vacabat studijs horis importunis, in regione frigida magis aucta excrementa, & spiritus inflammatus, & cogitationes etiam magis inflammabant hepar. Nam & illæ semper calefaciunt, donec ad ultimum gradum deueniant, in quo refrigerant. Accessit comestio lactis, quod, quia hepar calidum, efferuescit, & pars unctuosā & pinguis in bile uertitur: quod serosum & caseale est, generat humores crassos & pituitosos, atque ita tota substantia corrumpitur, & generant humores crassi & adusti. Accessit usus fructuum horariorum, qui generant pituitam & humores crudos. Ita naturali dispositione aucta à ratione uictus, tandem deuenit ad affectum melancholicum, quia humores pituitosi crassi cum chylo admixti, ab hepate calido inde attrahuntur, & crudus chylus in uenis

Mefaraicis effervescit, & ab hepatis calore inflammatur, unde fiunt plurimæ evaporationes nigrae, & obscuræ, sicut fit, ubi calor vehemens subito occupat materiam humidam, crassam, viscosam. Vt in olla apparent vapores & fumi nigri bulliente materia crassata & in corpore vapores crassi ascendunt, qui sunt causa imaginationum, & inde metus, ac facit ad melancholicum affectum ipsorum vaporum nigredo. Et ideo necessario concurrunt hæc duo membra ad excitandam hanc passionem, quia si hepar solummodo calidum, non fierent ruginus, nam discuterentur & dissolverentur à calore. Atq; requiritur ventriculus frigidus, ratione cuius generentur excrementa multa crassa, viscida & flatuosa. Sed concurrunt alia in hoc iuvene. Primo ex frigidityte ventriculi, omnes actiones & operationes naturales diminutas habet: plus appetunt tales quàm possint conquire: deinde non bene continent, & amplectuntur cibum, quia plus ingestum est, quàm oportet, & quia ventriculus est frigidior: & illa est propria causa rugitus & gravitatis, ut à Gal. docetur, utq; poeta innuit, leve fit, quod bene fertur onus. Deinde alia causa extrinseca adiuvavit. Cum igitur propter caliditatem hepatis generentur plurimi humores adusti & seculenti, ac melancholici, qui redundant inter lienem & hepar, attrahuntur à liene pro alimento, & simul cum ijs defertur excrementum, ac reliqui humores crassi & viscosi, unde intumuit lien, & factæ obstructions maiores in parte lienis, quàm in parte secoris, quia humores crassiores sunt & maior est ibi frigiditytas. Hinc est, quod pleriq; eorum circa partem sinistram conquiescantur præcipue, ubi diu duravit morbus, non quia non verum dicat Gal. sed quia succedente tempore trahitur in consensum lien: quod duo sequuntur. Primo auctum esse morbum, eò quòd lien est etiam tractus in consensum. Secundo, quòd sit magnus excessus caliditatis in hepate & longe maior, quàm frigiditytis in ventriculo. Eam ob causam valde affligitur adolescens hic nobilis, licet alios quoq; viderim, qui plus affligerentur. Sic igitur patet, quæ sint causæ ægritudinis, videlicet frigiditytas ventriculi, & caliditas hepatis, & auctum esse morbum adeo, ut pervenerit ad latus oppositum. Ex quibus sequuntur symptomata, dolor capitis ex vaporibus, qui ab obstructione atq; ebullitione & toto ambitu venarum, præcipue autem lienis & hepate tanta quantitate ascendunt, ut mirum sit etiam, quòd non magis doleat. Vigiliæ sunt propter vapores adustos exiccantes. Catarrhus ut plurimum insipidus, de hoc mirum, quia longe magis verisimile esset, si falsus diceretur, si tamen insipidus est, potuit causari propter aërem Bononiensem. Nam ea ciuitas tota occlusa, versus Austrum habet montes, unde aër frigidior, & est humiditas plurima: quia solum, ex quo maxime alterantur qualitates aëris, est humidum, pingue. Et est ibi longe pinguius, quàm Patavii, quòd ab Austro defenditur montibus, à septentrione nullum habet impedimentum, ad alpes libere perflatur à Borea. Ex eo itaq; aëre frigido & humido potuit fieri tanta cerebri ipsius intemperies, ut catarrhus secutus sit frigidus, ratione loci ubi generatus est, quòd si esset quandoq; falsus, sit ratione variorum vaporum ascendentium. Astrictio alui symptomata est perpetuum ijs: quia hepar calidum plurimum chyli attrahit, & licet multum etiam ambilis eam ob causam generetur, quæ postea ad intestina descendens debebat irritare egestionem: tamen acrimonia bilis obtunditur à pituita multitudine, & humorum crassorum generatorum in ventriculo: quæ ipsum etiam meatum à cysti fellis facile potest obstruere: & licet non obstruat, intestina inuestit, & munit, ut acridinem bilis minus patiantur: inuoluitur etiam facibus: quæ cum diutius retinentur, exiccantur ab hepate exugente & attrahente humidum, unde fiunt scybala, ut à Gal. appellantur. Hæc sunt causæ omnium symptomatum, & natura totius morbi. Circa prognosticum unum dicam, cum Gal. qui ex Diode ait, in quocunq; qui correptus fuerit hoc morbo, eum prolongari. Ex toto igitur genere, cum longus sit morbus, indiget plurimo tempore: quia naturales habet dispositiones membrorum contrarias, quæ contrarias curas requirunt: & quia dependet ab intemperie essentialiter in membris existente, difficulter eradicari potest. De curatione unum suppono, quòd est Galeni & antiquorum. Hic morbus non debet curari ab aliquo excedente, sed à temperatis omnibus: & maxime

caveri debent euacuantiæ electiue, quia si hepar calidum, & uentriculus imbecillis, medicinz, quæ à toto ambitu tanquam à circumferentia ad centrum (ut Gal. probat) trahunt, materiam alibi etiam contentam trahent ad membra affecta, quod non potest tuto fieri, cum potius ad alia diuertere debeamus, quam ad offensa trahere. Sed est aliud malus malum. Tales medicinz debilitant uentriculū, & destruunt mineras uitæ, & faciunt homines cito senescere: est etiam hepar, & uentriculus præcipue, ad modum iam ante imbecillis. Tertio, uenæ illæ, & uix dum assidua attractione uexantur, debilitantur & relaxantur, & præparantur ad destructionem, ita ut deinde pessimi fluores sequantur. Et ideo cauere ab omni medicina, quæ electiue trahit, & darem quæ non à longinquo euacuent, sed tantum per contactum educunt, quales sunt cassia, hiera, electuar. lenitiuum, rhaharharum, diacatholicon bene factum, in quo nihil solutiuum, quæ tuto darem ante prandium, aut ante coenam. Ab his non discerem, sed Diacatholicon raro bene sit. Ideo si eo uti uellemus, oportet præparari separatim in parua quantitate, & ex præscripto, pro hoc nihili. Purgarem igitur frequenter, & non uno impetu quia non toleraret cum præsertim habitu sit rariori. Syrupos exhiberem concoquentes & aperientes, ut syrup. de Cichorio cum Rhabarb. uel sine illo. Habet enim omnia quæ temperant hepar. De absinthio, qui uentriculo confert. De pomis dulcibus pro humore adusto. De boragine, capillis ueneris, cum decocto Ceterach, & fumiteræ, ac alijs. Hi omnes suo loco ac tempore exhiberi possunt unum modo, alterum alio tempore, & alterum in forma syrupi, aliud in forma decocti. His per uices concoquerem, & per interualla euacuarem, præq̃ omnibus uiderem, ut aluum teneret lubricam. Sed totum situm erit in ratione uictus, ut sit potus uini albi, clari, limpidi, non austeri, sed bene maturi, mediocri in robore & debilitate. Cibi sint boni nutritimenti, & quam minime excrementosi. Aer temperatus, non frigidus, nec nimis um calidus, eumq̃ crebro mutet. Hoc enim mirum in modum iuuat in morbis melancholicis, & præsertim in iuene. Quærat somnum, & multum dormiat quantum postest: plurimum enim iuuat somnus in hoc affectu. Humectat caput, ita ut cura melancholiæ sit somnus. Crebro utatur balneo aquæ dulcis. Et postquam egreditur balneum, illinat corpus oleo amygd. dul. uel oleo uiolarum, cum amygd. commixto. Humectabit corpus, & humores adustos contemperabit. Crebro bibat brodia pulli, quæ ut Gal. affirmat, & fidelissimus eius interpret. Auic. declarat, contemperant humores. Caveat à uenere superflua, utatur tamen quandoq̃ non multum, sed ut excitetur corpus, non resoluatur & exciccetur. Latetur, & quærat esse cum socijs quantumcumq̃ potest, caueat à nimio studio literarum, utatur etiam exercitio temperato. De misione sanguinis eam laudo, & facta una euacuatione mittatur à uena basilica, refrigerabit enim hepar. De aquis thermarum queritur: & uidentur intentiones contrariæ. Nam quod ad uentriculum calefaciendum, & roborandum, non potest ferè inueniri remedium præstantius: sed timendum est propter hepar calidum, ne illud magis inflammetur. Sed re uera, si exhibeantur illæ aquæ cum cautela debita, & dentur in quantitate modica, non 40. calices (ut quibusdā moris est) nec die sequenti bibatur alia, nisi præcedentem aquam prius reddiderit: Muniat etiam hepar limimento infrigidante Galeni contra calefactionem aquæ, & uinum eo tempore non bibat forte: Ita plurimum iuuabitur eo balneo uentriculū, & curabitur. Quod si hepar nimium inflammaretur, posset postea accedere ad aquam halneorum Veronensium, quæ supercalefactionem illam restingerent, & hoc uideo à multis fieri in hoc ipso casu. Imò noui quendam Medicum nostrum, senem, qui utranq̃ aquam, & Patavinam & Calderiacam commiscet, & ægris exhibet in Maio, ea de causa, ne hepar supra modum calefiat, quod tamen an bene factum sit, nec ne, nunc non disputo. De stillicidio ex reiuentu iudicabimur, cum uiderimus, quantum alijs remedijs profecerimus.

De melancholia Hypochondriaca, cum doloribus uentriculi, ac Lipothymia.

Consilium CLXXIII.



Alus à Medico propositus: Nobilis iuuenis patitur dolorem periodicum cum intensum in regione uentriculi multis iam annis, & æstate magis hoc affligitur, quàm hyeme; & noctu plus quàm interdiu, qui dolor aliis quando circa orificium illum molestat, ut Cardiacus uideatur, aliis quando in fundo stomachi, ut uideatur stomachicus, aliquando in intestinis, ut colicus appareat, quandoq; rugitus sentitur in latere & hypochondrijs, cum tensione, quasi myrachialis foret. Liberatur autem à dolore impolito enemate. Vriæ spumose sunt, & crassiusculæ, & cum dolores sentit, brachia dolent, & contrahitur quasi à brachio infra.

MONTANVS. Proponuntur duo symptomata, de quibus conqueritur nobilis iuuenis, maxime tamen de uno; Primum est dolor stomachi intensus, qui dilatur per totam regionem uentriculi, præcipue tamen circa os, qui periodicus est, & maxime noctu inuadit. Secundo, est moestitia quædam, qua cogitur amare solitudinem, & aliquando plorat. Hæc ad suas causas reducenda sunt, ut inuentatur curatio. Et hic non nullæ quæstiones propositæ, quæ in sermone soluendæ sunt, cur scilicet æstate magis affligatur quàm hyeme; cum dolores à pituita generentur, qua magis abundat hyeme quàm æstate. Item quod periodice affligitur, & maxime noctu. Sunt & annexa, ut de perditione motus, & sensus brachiorum, tempore doloris. Adest dolor & moestitia, queritur an ex eadem causa? Crediderim provenire utrunq; propter malam temperaturam uentriculi & hepatis: ita ut duæ sint intemperies, una in uentriculo, altera in hepate, inter se contrariæ. Atq; hæc sunt causæ omnium symptomatum. Ex frigidityte uentriculi plurima pituita multiplicatur, ex caliditate hepatis bilis multa, quæ etiam aduritur. Ex his consequuntur: primum, quod generata pituita fiant obstructions circa uenas Mesaraicas, quia hepar calidum attrahit alimentum ante perfectam coctionem, atq; ita humores crassi & uiscidi eò delati, obstruunt meatus angustiores. Deinde hepar generat bilem, quæ cum non habeat liberum transitum, propter pituitam in uenis Mesaraicis infarctam, & etiam in uenis ipsius hepatis, quæ angustiores quoq; sunt, magis incalescit, & aduritur, ac postea ad obstructions facit. Cumq; ferueat, & non habeat liberum transitum, magis ebullit & incalescit præter naturam, & generat plurimos uapores crassos, quia cum pituita plurima commiscetur. Et hinc est, ut refert etiam Galenus de sententia Dioclis, cur ex illis uaporibus moestitia oriatur, quia biliosi sunt quidem, sed nigri propter aduersionem, unde perturbant & obscurant spiritum, ac sequitur timor, sicuti pueri nocturnas timent tenebras. Quia, ut etiam Galenus dicit, nihil refert, utrum intrinsecæ uel extrinsecæ sint tenebræ. Ac inde etiam plorare cogitur, quia habet tenebras illas intrinsecas, quæ causant moestitiam. Dolor uentriculi non est præter rationem, cum plurima pituita in uentriculo generetur, plurima bilis in hepate calido, & hepar amplectitur uentriculum, multi uapores ascendant à pituita ebulliente in uentriculo, propter calorem ambientem, & quia materia uiscida, tam cito transire uapores, & euaporare non possunt. Fit enim extensio, cum in loco angusto fluctuat materia, & propter uisciditatem non resolvuntur facile. Flatus inclusus extenditur, & fit maxima solutio continui: præterea intemperies pituitæ subito occurrens membris sensibilibus, etiam dolorem inducit. Quia, ut dicit Galenus ex sententia Platonis, repentina mutatio est, quæ dolorem inducit. Et maiores dolores circa os uentriculi percipit: quia flatus ascendant, & locus ibi est angustior: & quia uentriculus, seu subtilissimus omnium membrorum, sensibilis est, in eo excitatur dolor acutus, qui ratione acuminis facile causat aliorum symptoma, deliquium animi, ut uideatur interdum periculum de morte, nec

sine ratione, quia maximum est commercium inter os uentriculi, & cor, ita ut antiqui uocarint morsum cordis, dolores oris uentriculi. Aliquando ad inferiores partes dolor percipitur, prout flatus occupant uaria loca. Et quia iuuenis est, tandem attenuatur ac dissoluitur, & uirtus expulsiua insurgit, & depellit, adiuuantibus ad hæc clysterijs, adhibitis ab excellenti Medico. Sed cur non potius per uomitum expelluntur? Id primo fieri potest, eo quod quidam naturaliter ita affecti sunt, ut uix aliqua ratione possint euomere, sicut audio hunc etiam esse, uel inde insuper, quia humores pituitosi potius per secessum eijciuntur, quam per uomitum. Et ideo Hippocrates ait: uomitum hyeme periculosum, quia tum pituita abundat in corpore, æstate magis prodest, cum multiplicatur bilis. Cum autem generetur pituita in uentriculo, & plurimæ sint obstructions in uenis Mesaraicis, sequitur, ut impedito transitu humorum, insilient hypochondria, & percipiantur rugitus, quia materia illuc decumbit, nec liberum habet exitum, propter obstructions, & sequitur murmur, tanquam currentis aquæ, quia uapor ibi contentus ualde crassus est, & similis aquæ. Sed unde habet uentriculum frigidum, & hepar calidum? Quod hepar calidum, ostenditur primo ex colore subnigro, qui dominium sanguinis adustioris significat, habet amplas uenas, de multitudine pilorum nihil dicam, quia tantum 20. annorum est, nondum sunt emissi, ut debent. De frigido uentriculo, unum habet indicium, quia semper multiplicata in eo est pituita, cuius duo sunt indicia, inclinatus fuit ad epilepsie morbum: qui prouenit uel ab humore pituitoso, uel ab aura frigida, præterea asthma habuit, quod ab iisdem causis prouenit. Sed pituita uel in uentriculo generatur, & ea proprie pituita dicitur, uel in cerebro, quæ improprie pituita nominatur, cum sit potius mucus. In cerebro autem non est generata, alioquin cerebrum frigidum, & humidum haberet, quorum neutrum est, ut apparet ex operationibus. Nam in uirtute animali promptissimus est, cum frigiditas & humiditas tarquam faciant. Habet operationes intrinsecas omnes uegetas, acres, & acutas, quod neque a frigiditye intensa, neque ab humido fieri potest. Nam ut Gal. ait ex Heraclito, spiritus siccus, anima rudentissima. Ab humiditate nihil prouenit, præterquam uapor. Vnde huius cerebrum potius siccum cum moderata caliditate. Sed multum dormit, & est epilepticus. Id non est propter pituitam generatam in capite, sed in uentriculo, cum caput nec humidum sit, nec frigidum excessiue, sicut operationes ostendunt, quæ sunt indicium temperaturæ. Si igitur in uentriculo generata pituita, necessario à prima constitutione in eo frigiditas & humiditas fuit, ideo semper abundabat pituita, quæ in puero epilepsiam (quæ mater puerorum ab Auicenna dicitur) generabat propter abundantem humiditatem. Postea exsiccat capite uirtus expulit eos vapores ad pectus, unde asthma secutum est, nunc ad uentriculum, & intestina, & ita dolores excitat. Atque causas hoc modo intrinsecas habuit disponentes ad hos affectus, uidelicet uentriculi frigiditatem, & hepatis caliditatem. Caliditas autem aperit, & facit humores aptos ad ascensum, ut 3. de loc. affect. dicitur. Vnde secuta Melancholia hypochondriaca, quæ est feruor humoris adusti, ebullientis circa uenas Mesaraicas, quæ ebullitio fit à frigiditye uentriculi, & hepatis caliditate. Hæ causæ intrinsecæ plurimum adiutæ sunt ab extrinsecis. Degit in aëre crasso, qui, ut 3. Epid. scribitur, implet corpus cruditaibus, quæ obstruunt meatus, & impediunt transpirationem. Vfus quoque pessimo genere uictus: accidentia animi grauissima accesserunt: litigauit de uita: quod uel solum sufficiens ad melancholiam faciendam: gestauit quoque grauia arma: quæ plurimum calefaciunt hepar: quia habent resistentiam per Antiperistasin, & friges faciunt uentriculum, quia non habet resistentiam. Sed cur brachia uidentur relaxari? Non mirum, cum fiat lipothymia, si deficient extrema, quia calor ab illis ad interiora trahitur. Cur per iocunde inuadit? Hoc quoque non mirum, inuadit enim secundum quod multiplicatur pituita sufficiens, ad hoc, ut faciat affectum, præcipue in iuene: & quia medicinis utitur: & si non seruat morbus rationes in periodis, signum est, quod non seruat rationes in uictu, ut & Gal. refert. Cur æstate magis, quam hyeme? In hyeme quidem pituita generatur, sed optime conficitur, præsertim in iuene, in quo etiam,

cum est melioris habitus, non generatur ea copia. In ætate maxima imbecillitas est uentriculi, quia calor totus est in circumferentiâ, & exhauritur uentriculus calore: & accedunt alia in hoc iuvene. Bibit plurimum: mansit discooperto pectore: dormiuit nudus: comedit fructus: atque ita debilitatur uentriculus, & angentur cruditates. Sed cur noctu magis patitur? Quia tum magis contrahuntur humores, & non ita dissipantur, & noctu simul in corpore congregantur prandium & coena, quæ non bene concoquuntur, ideo plus pituitas generatur. Hæc satis de causâ morbi & symptomatum. Quod ad prognosticum, dicam cum Galeno, in quibuscumq; contingit hic morbus, in omnibus ijs prolongatur, non perniciosus est, sed non facile etiam curatur. In longum producit, & serè semper ad mortem usque comitatur aliquem: cum habeat duas causas validissimas ab ortu tales essentialiter: intemperiem scilicet frigidam uentriculi, & calidam hepatis. Quarum si unam tantum haberet, uix possemus succurrere, ut quotidie fieri uidemus intemperie aliqua simplici, quid fiet in contrarijs: cum sit periculum, ne calefaciendo uentriculû, inflammemus hepar, & refrigerando hepate, obliuiscimus uentriculo: siue exterius, siue interiûs id facere conemur. Præterea plurimum ualeat confidentia infirmi in curandis morbis, sed in his melancholicis nihil minus est, quàm confidentia: sed semper desperant: ita ut & morbus & infirmus nobis contrarij sint. De curatione igitur unum dicam, omnia temperata exhibenda, & fugiendi excessus in calido, & frigido. Cauenda etiam medicamenta soluentia, quia calida sunt, & attrahunt à uenis ad uentriculum, ad quod duo sequuntur incommoda, trahunt per hepar, quod magis debilitatur, & relaxant uenas, ut præparentur ad fluxus. Secundo, uentriculus ipse etiam plus patitur, qui iam antea satis affectus. Et Mesue dicit, nil magis destruere mineras membrorum, quàm medicamenta solutiu: & soli alioz unam tribuit prærogatiuam, quòd illa confortet stomachum, in quo cardo uersatur rei. Cum igitur sit euacuandum propter multiplicationem humorum, non uno tempore, simul & semel id faciendum: sed per interualla tentandum: sicut in quartana: quæ ut Galenus ait, exacerbat à medicamentis. Non transirem flumem Cassiæ, Rhabarb. syrup. rosatum solutiuum. Vterer etiam frequentissime syrupo de Cichorio Nicol. cum Rhabarb. quia omnia in eo conueniunt, & Rhabarb. etiam soluit. Habeat optimam rationem uictus, in accidentibus animi, cibo & potu, item in uenere, quæ scribi melius poterunt. Quod ad Thermarum potum, corroborant uentriculum, quod requirimus: sed danda suo tempore modeste, ne impleatur corpus, ac distribuatur per uenas: cum instantio nostra hoc tantum uelit, ut calefiat uentriculus sine calefactione hepatis. Non transirem in exhibitione quatuor cyathos, & nihilo minus munirem hepar, ne superscalfieret, sicuti solemus facere. Missio sanguinis placet, propter refrigerationem, ex qua tollitur melancholia, & tristitia, quæ est ex adustione. Mitterem autem ab hepatis uena tempore uerno, uel autumnali, quia & ætas, & morbus & temperatura hos postulant.

De passione Hypochondriaca, pro quodam Abbate.

Consilium CLXXIII.



Passio hypochondriaca in quocumq; reperitur, & à quacumq; causa fiat, ut dixit Gal. tertio de locis affectis, ex sententia Dioclis, semper est longa, diuturna, morosa, nec facile curari potest. Ideo non mirum, si Reuerendus pater sex annis ea fuerit uexatus. Licet enim Diocles & Gal. sine ulla temporis determinatione dicant, tamen quotidiana experientia constat, quod huiusmodi passiones plerumq; ad interitû homines comitantur. Et quamuis tum Medicorû diligentia, tum ægrorû obedientia aliquod præbeant interuallû, penitus tamen non tollunt unquam. Imò a deo sunt importuna, ut minima quaq; occasione, aut errore recedant.

redeant acerbiores quàm antea. Et quanto hominis ætas magis maturefcit, tanto ætius infestatur. Et qui causam, originem, & locum, ubi radican- tur, considerat: facile cognoscit, quàm sint detestabiles. Ortiuntur enim à mala complexione calida, in Mesenterio atq; in uenis, quæ ibi sunt. Quare cum situm mediæ sint inter stomachum, & hepar, sunt importunæ ob malam, quam habent temperaturam calidam, in attrahendo, perfidæ in corrumpendo, & illud mittendo corruptum ad hepar. Ex quibus necessarium sequitur corruptio, & cruditas, Ebullitio quidem, & corruptio ob dictam caliditatem: cruditas, quia coctiones suis temporibus fieri nequeunt, cum nec cibus tantum diu contineatur, quàm oportebat, propter uolentiam & intempestiuam attractionem, quæ sit ab immodico calore, existente in loco supradicto. Et calor præterea igneus non naturalis, non æquam facit concoctionem: Partim enim adurit, partim inconcoctum relinquit & sine ulla coctionis forma. Ista materia post modo, cum sit substantiæ uiscidæ, calefacta intumescit, & replet stomachum, ac hypochondria rugitibus, ac uaporibus, & flatibus, qui dum mouentur, & agitantur uarie, præterquam quòd cerebri operationes offendunt, non sinunt etiam cibum contineri in stomacho, quem tumefaciunt, & infrigidant. Nam cibus à calore naturali cum sit destitutus, augentur cruditates, & pituita multiplicatur. Ex quo, cum stomachus sit refrigeratus: tum quia gracilis redditus ob defectum omenti pinguis, tum quia inanitus, & rarefactus à seruore loci proximi inflammatus, & ob multitudinem quoq; pituitæ in locis proximis: duæ admodum contrariæ dispositiones perseverant, caliditas & frigiditas. Caliditas quidem & seruos in dictis uenis, frigiditas uero & pituita in stomacho, flatus & rugitus in hypochondrijs. Nam id quoq; signum, quòd miseri ægri percipiunt nocumentum à medicinis, tam calidis, quàm frigidis. Et sæpe Medicus angitur, nescius quo itinere progressi ad curationem debeat. Ideo quoq; curam sæpe relinquunt: Et præterea, id quod in longis morbis, qualis iste excellenter est, ægri amittunt patientiam & spem, sæpiusq; regimen mutant, ac modum uolentes aliquando inuenire, nunquam inueniunt. Non est igitur mirum, si ægritudo ista tot rationibus diuturnissima sit, ita ut Reuerendum Abbatem dolor potius suæ sortis capere debeat, quàm admiratio, quòd non curatur. Nec enim nouum aliquid patitur, quod alijs, qui tali morbo affliguntur, sit insuetum. In cura igitur istius non licet præstinare tempus mensis unius, aut anni, sicut in alijs contingit. Sed oportet in toto uitæ suæ tempore curationi operam dare: interdum præseruationi, interdum curationi attendendum. Et utriusq; horum præstantius fundamentum, & conueniens est recta uictus ratio, in sex rebus non naturalibus. Et quoniam in hoc consilio alloquor uirum peritissimum: fat erit rerum tantum capita attingisse: nam in his reliqua intelligentur. Primo igitur notandum, quod aer crassus, & nebulosus, & uenti Australes, & loca humida reddunt spiritus crassiores, astringunt cutis meatus, prohibent euentationem, & distillationem uaporum. Vnde imagines humorum melancholicorum multiplicantur, & seruos Mesenterij maior efficitur, cæteraq; accidentia omnia, quæ sequuntur. Non dicam de anxietate animi, superfluis laboribus corporis, de nimio ocio, uigiliarum, aut somni excessu, à quibus cauere debet tanquam lætiferis inimicis. Sed præ cæteris, id perniciosum est ipsi, aluum parum lubricum habere: sicut è contra salubre admodum lubricum esse: atq; sæpe eam exonerare: ita namque uapores omnes descendunt & diuertuntur. Ideo laudo usum Cassiæ, & Terebinthinæ, Rhabarb. aut coniunctim aut seorsim sumptorum. Cibi esse debent boni nutrimenti, facili concoctionis, nec oportet materias nominatim exponere, quia sunt notissimæ. Vinum esse debet tenuissimæ substantiæ, pauci caloris, bene maturum, quod non sit austerum, & mediocriter inter potens & imbecillum. Comedat minus quàm mediocriter, bis in die, & fugiat cruditates, sicut uenenum. Non incumbat studijs, nec sinat se corripì ab aliqua anxia cogitatione, maxime post cibi assumptionem: uersetur cum iucundis hominibus. Conueniens mane faciat exercitium. Purgetur bis in anno, & in uere ex basilica sanguinẽ minuatur. Summe laudarem balnea Cælderiana, quòd ad penetrationem et urinæ motionem: alioqui essent contraria, & noxia. In medicamentis

nihil præpono Celsiæ. Hæc enim qualitatibus manifestis, substantia & uirtute aromatica magis conuenit huic ægitudini, quam alia aliqua. In reliquis consulo Reuerendo Abbati, ut Medicos fugiat, & Medicinas: facile enim erunt causa sui exitij. Quia in hoc casu communis consuetudo aliquorum Medicorum est exhibere calida, & (ut ipsi inquirunt) carminatiua uentositatum. Dum autem illi symptomati attendunt, non aduertunt, quod ægro noceant, & interitum accelerant, augendo causam atq; originem ipsius ægitudinis.

De affectu hypochondriaco, pro Comite de
Montfort Germano,
Consilium CLXXV.



Laborare Illustrissimum Comitem eo affectu non dubitamus, quem antiqui medici flatum hypochondriacum, recentiores myrachialem appellarunt: ita enim esse, & molestia præter causam, perpetuèq; ferè circa hypochondria rugitus facile ostendunt. Cum uero huiusmodi affectus à contraria intemperie duorum membrorum dependeat, uentriculo inquam frigidiorè, & hepate calidiorè, habemus in Illustrissimo Comite utriusq; intemperaturæ manifestissima signa: nam & tarde admodum concoquit, plurimacq; redundat pituita, & quod ad uentriculum attinet, iuuatur à calidis, nocumetocq; afficitur à frigidis. Renes uero calidiores, arenarum rubearum frequens & copiosa ciectio ostendit, urina lutei coloris, subtilis, pellucida: pustulaeq; quandoq; erumpentes, mordaces, ulceraeq; emanantia, caliditatem insignem hepatis arguunt. Aegritudo igitur Illustrissimi D. est intemperies uentriculi frigidior, & hepatis calidior, à quibus proxime generantur symptomata cruditatis, flatuum, molestiæ, ob uapores feruefactos & adustos, à uenis mesaraicis ascendentes ob materiæ inflammationem in illis partibus collectæ. Hinc oritur curationis difficultas, & morbi longitudo: cum enim uentriculus calidioribus ad curationem indigeat, hepar uero frigidioribus, non potest medicus alterum sine alterius insigni noxa curare: unde etiam morbi longitudo consequitur, præcipue quoniam duo illa membra uniuerso corpori nutriendi inserviunt, quæ cum ægrotent, necessarium est nutrimentum quoq; generari neq; aptum, neq; utile corpori. Tot igitur sunt causæ & longitudinis, & malitiæ morbi, quibus postea si accesserit mala uiuendi ratio, & medicorum importuna & male intellecta curatio, tunc nihil deerit ad perniciem Illustrissimi Comitis perficiendam. Primo igitur pro scopo curandi illud est proponendum, ne aliquis medicus audeat totis uiribus, uel magno aliquo impetu ad motum tollendū proficisci, siue purgando, siue alterando, uel corroborando processerit. Cum enim purgationes fiant per attractionem humorū à tota corporis circumferentia per hepar ad uentriculū, uenenosa uirtute pharmaci uiolenter attrahente, necessarium est ut ab huiusmodi purgatione tam uentriculus quàm hepar mirum in modum debilitentur, exiccentur, proprioq; ac naturali calore destituantur, ac consequenter ad omnem perniciem præparentur. De alteratione uero & corroboracione quid dicere oportet? Quomodo enim uel uentriculum, quantum oportet, calefaciet medicus, uel refrigerabit hepar, sine alterius maximo detrimento? Ergo primum providere debemus, ut placide moderateq; omnia pertractentur, & siue purgatione, siue alteratione indigeat (utroque enim indigebit) tam hæc quàm illa cautissime fiat: quodq; imo impetu confertim fieri non potest, longo tempore paulatim efficiatur, atque hæc uidetur esse tota ratio curationis in Illustrissimo Comite, à qua si tantillum discesserit, præterquam quod frustra laborabit, maximis etiam periculis se exponet. Exordiendo igitur curationem magis particularem, dicimus Illustrissimam D. S. potissimam spem in rectissima uictus ratione constituere debere: ac primo omni diligentia procurare debet, ut ab omnibus animi molestiis prorsus liberetur, fugiat præcipue aulica negotia, in quibus nunquam ab ambitione, ab æmulatione, ab ira, à suspitione & odio poteri

poterit separari: hæc enim omnia ita aulæ & regijs domibus sunt annexa, ut nullo unquam tempore, neque segregari poterint, neque poterunt. Quandiu igitur in negotijs aulicis implicabitur, tandiu morborum suorum causam præcipuam fouebit. Ergo si sanitatem procurat, ad animi quietem, & ad tranquillitatem confugiat, proprijsq; fortunis amplis & honestis contentus sit, eligatq; habitationem optimi aëris, & iucundam, opportunisq; & commodis uenationibus corpus exerceat, atque in alijs honestis uoluptatibus occupetur, cum iucundis amicis uersando, ludendo, & confabulando, de nullaq; alia re minus, quam de sua ægitudine sit sollicitus, tantum se custodiat, & muniat, in reliquis morbum contemnat. Cauebit tam à frigore intenso, quam à calore: unde & uentos omnes euitabit, niuesq; horridas, & pluuias: sed aëri tranquillo se semper exponat: & si quandoq; aliquo urgente negotio cogetur in aërem intemperatum accedere, muniat se opportune his, quæ illi temperaturæ aduersari possunt. A Venere non omnino uellem ut abstineret, imò (quemadmodum ego opinor) moderata Venus illi non mediocriter conferet, si modo commode, & suis temporibus illa utatur. Tempus opportunum tam Veneris, quam exercitij est, cum uenterculus sit à cibo uacuuus: facta enim prima concoctione, tam ad Venerem, quam ad exercitium accedere oportet. Procuret præ cæteris omnibus, ut quotidie habeat alui beneficiũ: & ad hunc usum summo opere laudo illud etiam quod prius admonui, ut habeat familiarem terebinthinam Cypriam, quam deglutiat ad quantitatem nucis paruæ, tribus horis ante prandium, semel aut bis aut ter in singulis septimanis, prout expedire uidebitur. Nam præterquam quod aluum mollem efficit, uenterculum etiam purgat, obstructions aperit, urinam prouocat, calefacit uenterculum, neq; propterea hepar lædit, imò & illi mirum in modum confert, aperiendo, abstergendo, & mundificando. Quantum uero ad cibum & potum attinet, primo euitabit tanquam pestem multitudinem cibatorum, sed unico tantum cibo contentus erit, neque illo copioso, sed semper citra satietatem à mensa recedat. Erunt cibi laudabiles, à quibus nunquam discedet, caro pullorum, hœdorum, uisailorum lactentium, phasianorum, perdicum, & auium campestrium pinguium, præter euturnices, quas uulgo qualias uocant: turetur ouis sorbilibus, & recentibus. Abstinebit ab omnibus earnibus antiquis, ab auiibus palustribus, à carne porcina, à piscibus, à leguminibus, ab oleribus, à fructibus, à caseo, & ab omnibus lacticinijs, ab usu aromatum, à rebus frictis in sartagine. Vinum eliget album, clarum, pellucidum, bene maturum, mediocriter potens (uina enim potentia sunt illi maxime infesta) quod etiam uinum moderate bibet, in prandio tantum & cœna: & omnino comotationes effugiet. Hæc est uictus ratio à S. D. diligentissime seruanda, in qua ferè tota curationis spes statuenda est. Quantum uero ad medicamentum, in illis ero admodum parcus: laudare tamen ut his singulis annis moderate se purgaret, uere inquit & autumno. Effet purgatio huiusmodi:

℞. Specierum hieræ simpl. 3 2.

Floris cassiæ 3 10.

Cum saccharo fiat bolus, sumendus hora ante prandium. Deinde

℞. Syrupi de cichoria Nicolii sine Rhabbarbo

Mellis rosati ana 3 1.

Aquæ absinthij 3 4.

Misce pro uno, & sic pro septem. Deinde

℞. Rhabbarbi electi 3 2.

Spicæ gr. 10.

Irrorentur uino albo aromatico, deinde infundantur in aqua endiuizæ per horas decem. Postea.

℞. Syrupi rosati solutini 3 4.

Misce, & fiat potio, danda in aurora cum custodia. Hic est modus purgationis, quem tam uere quam autumnio poterit obseruare. In spatijs uero intermedijs, si quandoq; terebinthinæ usus non sufficiat ad uenterculum idoneè expurgandũ, poterit quandoq; mandere scrupulos duos rhabbarbi electi, & deglutire tribus horis ante prandium.

G g 3 Vtetur

Vtetur etiam frequentissime ante prandium & coenam saccharo rosaceo ad unclæ quantitatem; est enim & uentriculo, & hepati, & renibus quammaxime utile. In extrinsecis autem linimentis parum admodum confido, ideo illa omnia consulo prætermisso. Neque hic electuariorum & confectionum multitudinem congero, noui enim quantum turba ac multitudo remediorum confertim congesta diuturnis morbis nocere solet. Et hæc si recte obseruauerit, spero Illustrissimam S. D. bene habituram, cum Dei optimi auxilio, cuius nomen semper sit benedictum.

De Melancholia hypochondriaca.

Consilium CLXXVI.

ERAT sententia Galeni, Magnifici & Excellentissimi uiri, doctissimiq; scholares, in libris Prognosticon, quod ea quæ possunt breuibus explicari, ualde sit ineptum longius dicere. Ego igitur ero breuior in hac mea oratione, & proponam ea quæ sunt necessaria in casu huius nobilissimi adolescentis. Patitur status hypochondriacos, quod non possumus negare, quia & timore percipiuntur, & nos audiuius. Est ibi melancholia, & status percipiuntur manifeste; ergo merito appellatur hæc affectio status hypochondriacus. Sed hoc est accidens seu symptoma, ergo consideranda eius causa, & morbus, à quo pender hoc symptoma. Huius igitur symptomatis querenda ratio, & ex hac pender omnia reliqua accidentia. Hic status hypochondriacus quo ad rationem formalem, est quidam status seu uentositas, quæ pendet à quodam humore crasso, ita ut non possit diffilari: quia si posset diffilari, non faceret rugitum. Ergo pendet ab humore crasso, qui facit ne possit diffilari illa uentositas. Nunc querenda causa efficiens, proxima & remota. Primo, proxima causa efficiens nulla alia datur, nisi illa quam dat Galenus 3. loc. affect. cap. de melancholia, scilicet quod est inflammatio & ebullitio circa hepar in regione dextra inter uentriculum & ipsum hepar in ipso mesenterio, ut dicit Galen. ex Diode. Ergo est quoddam calefaciens hunc humorem, & faciens hanc inflammationem. Sed nullum est aliud membrum in corpore humane quod faciat humores præterquam hepar: unde sequitur quod hic calor proficiscitur ab hepate. Et ex hoc discursu habemus, quod sit caliditas hepatis ignea, faciens hanc ebullitionem. Sed hæc inflammatio est in aliqua materia, quia non solum est inflammatio ibi, sed etiam inflammatum requiritur. Ex caliditate hepatis sequuntur multa. Primo, cum calidi sit attrahere, & continue trahatur chylus ab hepate per uenas mesaraicas ex uentriculo, si hepar sit ualde calidum, cum plurimum consumat, indiget continua restauratione, & sic hoc hepar plurimum attrahet de ipso chylo ex uentriculo, & habebit continue illam attractionem propter suam caliditatem extensiuam, & sic habebit quasi gulositatem quandam, ut vocat Gal. Et hinc accidit quod attrahat chylum ad se non bene concoctum in uentriculo, sed crudum, & trahit eum uiolenter per uenas mesaraicas. Ex hoc sequitur, quod materia multa, & humores crudi perueniunt ad hepar, & erunt rebelles concoctioni, quia coctio prima non corrigitur in secunda coctione. Et hi humores crudi cum ebulliant, generant illam inflammationem. Sed hoc non est solum, sed accedit aliud: quia hepar calidum generat plurimum de bile, & ita etiam plurimum de humore melancholico generabitur. Humor melancholicus naturaliter est frigidus & siccus, sicut & reliquæ omnes melancholiz species, sed maxime naturalis. Et quamuis lien attrahat ad se humorem melancholicum separatim, & generatum in hepate, tamen non potest lien tantum trahere quantum generatur, & ita humor melancholicus retinetur in hepate: unde hic humor melancholicus naturalis frigidus & siccus, miscetur cum illo humore crudo. Et ita sunt hic duo humores facientes hos status, & qui aptissimi sunt ad generationem flatuum utriusque: & hinc omnes melancholici apparent ueneri, quia habent plurimum flatuum, ratione quorum multa sit erectio & inflatio: & ideo plurimum appetunt, licet parum possint. Et cum sint hic duo humores qui maxime sunt apti ad flatus, scilicet

humor crudus & humor melancholicus naturalis, non mirum si flatuantur. Et cum sit illa ebullitio circa hepar & ventriculum in ipsis uenis mesaraicis, ideo regurgitat materia illa frigida ad ventriculum, ubi inuenit plurimum humorem crudum, & inde ventriculus infrigidatur, ut postea etiam causam infrigidationis ventriculi reddemus: & ita hic humor melancholicus ingreditur humorem illum pituitosum, & non potest se inde explicare, & sic fit status ille & rugitus. Et sic sunt duæ causæ, humor naturalis melancholicus, cum humore pituitoso. Hæc autem omnia intensius sequitur frigiditas ventriculi, quia semper ubi est ignea caliditas hepatis, consumit illam pinguedinem, quæ est in abdomine, quæ conseruat & colligit calorem ventriculi, & ideo diminuta hac pinguedine infrigidatur ventriculus. Sed præter hoc est adhuc aliud. Quia splen cum redundat humore melancholico & intumescit, refrigerat etiam uicina membra. Hepar autem non potest ita facile refrigerari ab illa frigidityte collecta in splene, quia calidior: sed in habentibus symbolum facilius fit transiuit: ergo ex humore melancholico aggregato in splene, ventriculus etiam infrigidatur. Et ita ex utroque latere uiolatur, & diminuitur calor ventriculi & robur, qui refrigeratus auget humores crudos. Et hic humor crudus consequenter audet ebullitionem & flatuositatem, & ita fit circulus quidam, & inde prolongabitur etiam morbus, quia quasi in circulo quodam recurrit omnes causæ, ut dictum: frigiditas enim ventriculi adiuuatur à multis, ut magis generet cruditates, & materiam huius ebullitionis: & caliditas hepatis, & humor melancholicus in splene redundant. Et hinc Galenus tertio locorum affectorum dicit, quod in quibuscumque contigerit esse status hypochondriacus, in omnibus prolongatur. Signa huius affectionis adfunt: est tristitia & timor, qui solent esse in melancholicis. Primus effectus melancholiz, est timor, qui est potius præludium quoddam: & sic timor est perpetuum signum melancholiz: non tamen ibi necessarium ut sit melancholia, sed tantum principium melancholiz indicat: nam sunt multi melancholici qui non timent, adeo ut seipsos etiam interficiant. Et ideo Galenus querit, quare Diocles nihil de his loquitur: & dicit Galenus, quod illa tristitia sequitur, cum augetur melancholia illa: & non est necessarium, quod ubi est status hypochondriacus, ibi sit melancholia. Non deuenit ergo ad summum hæc affectio, sed est in aliquo gradu: nondum communicatum est nocumentum ipsi cerebro, quod absit. Accidentia quæ necessario sequuntur, morbum declarant. Primo spiritum copiosum, quia ventriculus est frigidus, & abundat pituita & cruditatibus, & status facit, quod pituita ascendit. Nam ex uentriculo nihil excerni potest, nisi uel per uomitum, uel per flatum, uel eructationem: & inde fit multum spiritum. Sequitur aliud accidens, scilicet imbecillitas crurium: quia calor naturalis est debilitatus, & non generatur multum de bono sanguine & spiritu, in quibus consistit uirium robur: & quia multi humores crudi & frigidi in uentriculo existunt, qui transseunt per hepar ad uenas, & postea sparguntur per musculos, & faciunt istam debilitatem membrorum & lassitudinem. Et non est hoc mirum, cum sepe ista materia transiens ad uenas, faciat paralylin & stuporem. Sequitur aliud accidens, quod corpus non nutritur, & non augmentatur, ut extendatur in omnes dimensiones: quia non generatur caro, quia sanguis est corruptus, & humores indigesti. Et natura est magis sollicita de membris radicalibus & solidis, quia hæc faciunt ut animal sit animal, & in his est uita: caro autem non est substantia principalis istorum membrorum. Et quia ista materia nutritiualis non fuit sufficiens pro nutritione & augmentatione utriusque, ideo natura magis fuit sollicita de membris solidis, & dat alimentum illis partibus quæ magis indigent, quia non sufficit materia pro utroque. Et ideo uideris quod tantum augeatur in longitudine. Et hinc etiam illa macies quæ est in carne nata, caro enim multum est diminuta. Hinc etiam aliud accidens est, scilicet quod color totius corporis est subfuscus, quia humor talis dominatur, scilicet Melancholicus, ut patet ex libro quarto, de uenda ualitudine. Sequitur adhuc unum, scilicet adfrictio alui ut plurimum, quæ est ex caliditate hepatis, quæ exurit totum humidum ipsarum facum. Et hinc patet uerum, quia si hæc affectio esset, ratione uentriculi

principaliter, existerent facies humidiores. Sed hepar maxime patitur in caliditate, & facit hanc malam dispositionem. Ista ægrotudo est proportionatissima huic adolecenti; nam est calidissimi hepatis à natiuitate, licet primo habuit carnem multam; & illa caliditas hepatis est ei naturalis, & à patre, & ex semine materno. Noui patrem, qui erat calidissimus. Præterea & fratres eandem intemperiem habent. Item ipse exercet cogitationibus mentem, & hæc omnia inflammant spiritus & hepar. Et sic sanguis est crassior, & adustum alimentum à caliditate hepatis, & omnia recte se consequuntur. Primo etiam antequam laboraret quartana, habuit flatum, postea successit quartana. Multiplicatus est humor melancholicus, & crudi humores attracti ad hepar, unde facta ebullitio, & etiam obstructio uiscerum ab illo crasso humore. Et quia uirtus fuit fortis in expellendo, facta sunt illa exanthemata per uniuersum corpus, aut si uolumus appellare escharas; sunt autem quedam efflorescentiæ cutis, & sunt potius ex quodam flatu pituitæ falsæ, quam ex materia, quia cito accedunt, & statim recedunt; fiunt ex humore crasso, sanguineo & melancholico, & faciunt pruritus, quia etiam bilis uel pituita falsa admixta. Curatus est ex quartana & exanthematibus illis, & remanserunt illi flatus. De Prognostico satis dictum supra. Circa curam unum dicam, & ponam pro fundamentis to huius cure, quod scilicet debemus cauere ab omni pharmaco solutiuo fortiori, & non possumus hoc casu aliquid deterius & perniciosius facere quam hoc. Ratio est, quia si detur fortius pharmacum, ista omnia consequentur: nam primo non euacuabitur ut oportet, quia sunt multe obstructiones quæ impediunt, ut non possit duci materia, & hepar supercalefactum magis calefiat; & quia uentriculus est debilis, & necesse est illas materias duci ad uentriculum, ideo magis infrigidabitur & debilitabitur uentriculus; & sic omnino non conueniunt pharmaca solutiuia. Et hoc sit primum fundamentum huius cure, quod bene aduertendum; unde necessario morbus & cura eius erit longa: primo, ex sua natura; secundo, quia non possumus uti remedijs. Et Galenus ad Glau. dicit, quod quartana acrius curata, duplex fit quartana. Ideo humor melancholicus benignè & clementer tractetur. Primò concoquatur. Primum igitur in curatione huius est euacuatio sanguinis, & non una uice solum, sed sæpius fiat: quia ubi melancholica humor est in uenis cum sanguine, est mittendus sanguis. Deinde fiat epicrasis, id est, contemperatio. Nutriatur corpus, & paulatim generetur bonus sanguis: & nihil magis conuenit pro melancholia, quam phlebotomia, & quidem iterata, ut Galenus sentit. Postea epicrasis, id est, optima nutritio & restauratio. Deinde deuenire ad syrupos qui alterent humorem melancholicum & concoquant. Confortare & euacuare non possumus simul, quia confortantia stringunt, & euacuantia soluunt. Concoquentia sint omnia humectantia, & modice calefacientia. Ego non uter alio, quam quo soleo uti in his qui abundant humore melancholico. Acciperem ius pulli iuuenis, & decoquerem in hoc radi. polypodij, quia sunt dulces, & non multum calefaciunt, & gratæ gustus, & non fortiter euacuant: duas radices liquiritiæ, tres boraginis uel buglossiæ; & uter hac decoctione loco syrupi. Neque soleo aliter facere in his. Ius pulli omnes humores acres temperat & æquat. Et hæc decoctio paulatim etiam euacuat humorem melancholicum; & singulis quatuor diebus de ea accipiat. Darem florem cassiæ, uel flores cassiæ cum Rheubarbaro, quia hæc maxime conueniunt, & non trahunt à longinquo: Velfaccharum rosa. cum Rhubarb. darem, Et tali medicamento supra posito uteretur per totam ætatem, etiam in diebus Canicularibus: & sic per totam ætatem procederem cum illis alterantibus: neque alia ratione procedere possum, quia non debemus refrigerare propter uentriculum, nec calefacere propter hepar: & ideo optime conueniunt illa quæ diximus. Utatur optima ratione uictus. Vina sint alba, matura, & tenuia. Vina rubra sunt acerba & immatura. Alba conueniunt, quia facilius distribuuntur per uenas, & non hærent in hypochondrijs, & digeruntur per urinam, & humectant. Cauter uentur acerba uina. Sed cum dico uina alba, non sunt capiendæ flaua, nam illa sunt calidissima & infestissima hepati calido. Vere igitur sit album. Quo ad balneum, dico quod non conueniat, quia hæreret in hypochondrijs, & inflammaret. Galenus dicit, quod

quod aqua pluvialis adhæret hypochondrijs, & inflammat, multo magis illa aqua aluminosa. Medici Veneti voluerunt illi dare lignum, sed ego sum in ea opinione quod lignum nihil faciat, nisi sit morbus Gallicus. Non enim operatur quia calidum, humidum vel siccum, sed quia tale. Ideo hoc ego non consulerem.

De affectione hypochondriaca confirmata ex
liene, pro nobili adolescente,

Consilium CLXXVII.



Mnia quæ sunt enarrata in hoc confesso per Excell. D. Hieronymum, sunt integra syndrome, & concursus eorum quæ possunt indicare affectionem hypochondriacam: & non simpliciter quidem ex illis, habet enim multos gradus; sed hæc enarrata indicant confirmatum hunc affectum in malitia. Et ita non simplex est affectus, scilicet affectio hypochondriaca, sed etiam confirmata. Verum quia non curamus symptomata, sed ea solum consideramus in hunc finem, ut veniamus in cognitionem morbi, quo cognito & inuento omittimus omnia illa signa & accidentia: nam nullum symptoma trahit curam ad se, nisi sub ratione morbi; uenio igitur ad affectum & motum, hoc est, melancholiam hypochondriacam. Ero brevis, & procedam tantum per conclusiones. Hic affectus fit, cum illæ uenæ inter ventriculum & hepar inflammantur, non quidem inflammatione ea quæ phlegmone dicitur & apostema, sed quædam *φλόγως*, id est, ardor quidam est, & quædam effervescentia. Et sunt humores crudi & melancholici qui sunt in illis partibus, & non trahuntur ab hepate, sed ibi statuantur, & inde rugitus incipit, qui postea communicatur ventriculo, & fit frigidior. Nam habet hoc proprium hæc affectio, quod calidior incipit in hepate, & postea frigidatur in ventriculo; & quare hoc sit, alibi demonstratur. Hæc igitur est proprie affectio hypochondriaca, quæ fit propter obstructionem & inflammationem obortam in illis uenis, propter frigidum ventriculum & hepar calidum. Sed queritur hic, num talis affectus sit vere & proprie in hoc uiro, an sit quidem affectus similis huic, qui tamen eadem faciat symptomata? Nam sæpe contingit, quod sunt aliqui affectus non quidem proprii, sed tamen similes; & hoc sæpiissime contingit in curando, ut in pleuritide, quæ non semper est propria, sed interdum in musculis, & tamen affectio serè similis. Item Hipp. dicit, febrem causticam etiam ex pituita falsa fieri, & esse causam improprie sumptum. Ita sæpiissime contingere solet, & etiã hic ita fit: nam duæ species hypochondriacæ melancholiæ à modernis medicis & recte ponuntur; una est propria ex effervescentia in uenis hepatis, alia est affectus non ita proprius, sed qui tamen facit sæuiora accidentia, qui non est ex effervescentia circa dextram partem, sed in parte sinistra, ubi sunt uenæ illæ inter ventriculum & splenem, & tamen habet eadem symptomata quæ solent accidere in parte dextra. Et sæpe nos uidimus hunc affectum, & sic experientia quoque testatur, præterquam quod describitur à modernis & Arabibus qui proprie hunc affectum describunt, quod omnes isti rugitus incipiunt in parte sinistra, & non à dextra, ut est etiam hic. Queritur igitur, cuius generis sit hic affectus, an sit ratione inflammationis hepatis, & illarum uenarum quæ sunt inter hepar & ventriculum, an uero sit ratione inflammationis splenis, & illarum uenarum quæ sunt inter splenem & ventriculum? plurimum enim refert hoc ad curationem. Respondeo, non possum iudicare nisi ex signis. Non audio quod afficiatur aliquid in parte dextra, nec habet hos rugitus & flatus nisi in parte sinistra, sub istis costis mendosis, ubi est situs splenis, & inde dicit fontem esse illorum dolorum. Et cum omnia parlatum in sinistra parte, & de hæc sola conqueratur, crediderim ego quod hæc melancholia hypochondriacæ non sit uitio hepatis, sed ratione lienis male affecti: quia dum replentur illæ uenæ inter lienem & ventriculum, tunc fiunt illi flatus. Et nullus humor est tam flatuosus quàm melancholia, & magis etiam quàm

quàm pituita. Hinc melancholici sunt salacissimi, propter plurimas uentositates, & inuuantur etiã ex coitu, quia illæ uentositates expelluntur. Et quamuis hic humor sit frigidus & siccus, & terrestris, tamen non ideo dicendum, quod non sit flammofus, sed dicatur talis respectu aliorum humorum, quia plus habet de partibus terrestribus, & ideo cum calor agit in illum, est rebellis ut dissoluatur, & inde conuertitur in flatus, & facit flatus molestissimos. Lien repletus hoc humore, refrigerat & totum corpus, & uniuersum sanguinem. Hinc & spiritus fiunt syluestres, quia sanguis etiã est talis, unde & spiritus erunt melancholici. Et quia spiritus sunt proxime domicilium animæ, ita fiunt & operationes malæ. Cũ ergo & vapores multiplicentur, ascendentes ad caput & ad os uentriculi, & spiritus in toto corpore fiant frigidi propter sanguinem frigidum, hinc fit ille chorus omnium illorum symptomatum quæ patitur. Habet unum insigne quod est considerandum, & est hoc, quod non potest concoquere nisi ligetur, & stricte; nam teste Galeno lib. 3. de causis symptom. cum uentriculus non continet cibum, tunc sequuntur uentositates: nam continet flatus cum non stringitur: nec constringitur, quia plurimi flatus. Vnde & ipse doctus ab experientia, quæsiuit remediũ ostensum à natura: & sic cum ligatus est uentriculus, melius complectitur cibum. Credo quod hoc symptoma oriatur, quia uentriculus non bene continet cibum, & non amplectitur, propter flatus. Plurimum sputum ex ore mittit, & uariorum odorum & diuersorum, pro diuersitate concoctionis: quandoq; etiã putrescunt cibi in uentriculo. Et cum ille flatus in uentriculo semper sustollat humidum aliquod, semper est sputum tale: nam ille flatus eleuat illos humores. Et ideo dicebat Galenus, quod non potest aliquid exire ex uentriculo nisi per illa tria: uomitum, eructionem, & flatum: plurima autem materia congregatur in uentriculo, propter obstructionem in liene & frigiditatem; nam lien interdum refrigerat non solum uentriculum, sed etiã hepar, adeo ut sequatur hydrops, ut scribunt Doctores, tantum propter consensum splenis. Si igitur tanta est refrigeratio lienis, ut trahat in consensum hepar, multo magis infrigidabit uentriculum, qui magis est paratus ad lapsum frigidum. Et hinc generatur in uentriculo propter frigiditatem plurima pituita, quæ suspenditur à flatu: & hinc est illud sputum. Vapores melancholici ascendunt ad caput, & causant illam tristitiam, ut patet ex Galeno. Præterea cum in hoc corpore sint spiritus tenebrosi, generati ex sanguine frigido, qui sparguntur per totum corpus, sic infrigidatur etiã totum corpus, & fiunt malæ concoctiones, & hinc est illa macies, & dispositiones illæ impetiginum, siue alphi, siue morphea, quocunq; nomine appellare uoluerimus, nihil refert, quia non generatur sanguis bonus, sed corruptus. Et sic patet, quod series omnium illorum symptomatum sequitur ex illa ægritudine quæ est in liene: & si quæ à nobis omiſsa sunt symptomata, hæc omnia eo reduci debent, tanquam ad causam. Hæc autem ægritudo in liene est duplex: prima est in complexione, quia lien est frigidus: secunda est in compositione, quia sunt obstructiones, ut tactu percipi potest. Et sic locus principaliter affectus, est ipse lien, qui ita affectus in consensum trahit & reliqua membra: & credo etiã quod propter lienem hepar non generet bonum sanguinem, & sic afficitur ex liene & hepate, unde omnino credo, quod hæc hypochondriaca melancholia non est principaliter in hepate & suis uenis, sed in liene & suis uenis. Et hoc satis de natura huius morbi & symptomatibus, quæ omnino inde dependent.

C V R A. Hæc ægritudine curata, curabuntur etiã omnia symptomata, ut rugitus, macies, morphea, sudor &c. An possit curari? Clariss. Doct. quamuis ille morbus & affectus ratione splenis, faciat maiora accidentia, quàm qui est ratione hepatis, tamen dico, quod facilius curatur quàm ille, quia non est in hoc morbo affectum aliud quod membrum principale, licet etiã hepar patiatur per consensum, non tamen principaliter: & credo si possemus curare lienem, & aperire suas obstructiones, quod non esset magna dyscrasia hepatis: nam non est magna lesio hepatis, quantum ad frigiditatem, quia non est tumor pedum, ut solet esse in illis. Et nunc habeo quandam nobilem, qui laborat hac affectione hypochondriaca cum tumore pedum, & est propter frigiditatem

frigiditytem hepatis factam ex frigidityte lienis. Nec sunt in hoc casu signa alicuius caliditatis insignis, sed sunt signa humoris melancholici illius qui est sex sanguinis: & semper tales humores sic generantur prout est intemperies membri affectu: nā quodlibet ita operatur & concoquit, prout est sua temperies. Præterea lien est durus, ergo erit agritudo longa. Tamen si potuerit pati & curam, & omnia alia quæ erunt agenda, poterit curari, & si non ita integre, tamen ita ut non pigeat uiuere. Sed cum quibus? Si uellet recipere aquam balnei, dicerem quæ essent faciendæ ante balneum. Si uero non uult, longe aliter de cura eius mihi dicendum est. Ego omnino exhiberem. Sed est gracilis & exsiccat. Dico quod hoc non debemus timere: nam etiam sine illis a quibus exsicabitur, & longe magis. Imò & decoctum ligni exhibemus semitabidis, quia remouemus causam illius gracilitatis, deinde incipio melius nutrire corpus, & sic possumus dicere quod lignum faciat pinguedinem per accidens, scilicet remouendo illud quod faciebat gracilitatem. Ita hic est quidem gracilis, sed tollendæ sunt causæ gracilitatis, & corroborandus uentriculus. Et longe maius est iuuamentum in remotione obstructionum in hoc balneo, quam nocumentum in exsiccando. Atqui si aqua hæc non edaceret, sed hæreret in hypochondrijs, non darem ego: sin egerit, si mouet sudorem, si urinam, uellem uti. Et hæc aqua educit multum de atra bile. Si uellet assumere, ante aquam aliquid facerem, & post assumptionem aquæ possemus iterum colloqui de rebus eius, quia nescio quomodo se habebit post balneum. Ante balneum uellem euacuare corpus, & statim cras mane darem calsiam cum hiera, ut consueuimus: deinde darem syrpos incidentes cum oxymelite, de cichorea, & in tribus diebus darem calsiam cum drah. 2. agarici, pro euacuatione corporis. Facta hac, accederet ad balneum: & instat nunc tempus. An secunda uena? Non uideo tam magnam imbecillitatem quo minus liceat incidere uenam: licet enim non habeat multam carnem, tamen habet multum sanguinem, & malum, quod apparet ex tumore uenarum: & sic emisso sanguine malo, fortificaretur natura à sectione uenæ, & euacuaretur malus sanguis, ut reliquum posset melius concoquere & uincere.

De eodem adolescente nobili, an sit mittendus ad balnea.

Consilium CLXXVIII.



Quamuis hæc materia diligentissime fuerit à me pertractata, tamen ut satisfiat magnifico patri uolenti audire dispositiones filij sui, ego breuibus explicabo sententiam meam magnificentiæ suæ. Cum sit triplex species melancholiz, teste Galen. in locis affectu, quæ affligitur homo: una, quando caput tantum per se patitur, & redundat in eo humor melancholicus, unde afficitur tristitia, & alijs affectionibus melancholicis, totum autem reliquum corpus est immune. Secunda species est, quando non solum caput, sed & corpus uniuersum redundat humore melanchol. ita ut totus sanguis sit eo humore infectus. Tertia species est, quæ dicitur affectio hypochondriaca, non quod sit in uenis aut capite, sed sit quando uapores ascendunt ab utroque latere ad caput, & ita inducunt tristitiam, & difficultatem anhelitus, & cætera symptomata melancholica, secundum quod hic morbus est maior uel minor. Hic queritur nunc, utrum hic adolescens patiatur unam speciem tantum, aut duas, aut omnes: Primo suppono, quod non est tantum affectio hæc in capite: & hoc est manifestissimum. De alijs duabus dico, quod patiatur utranque: nec frustra dico hoc. Primo, quod hoc corpus redundat humore melancholico in omnibus uenis, testantur primum illæ maculæ (seu escharas seu pustulas appellare uelimus, nihil refert) hæc indicant humorem melancholicum. Et quod fuerit melancholicus constat

constat, quia accessit quartana incipiendo, quod non potest esse ex alia causa, nisi ex abundantia humoris melancholici; ut omittam alia signa, nam fuit intentus curis studiorum, & diligentissimus in studijs, & perpetuo cogitavit. Sed hoc est extrinsecum, & ferè semper ita est, quòd ea quæ extrinsecus accidunt, si inueniant dispositum corpus, facile id ipsum afficere & mutare possunt. Intrinsecum est hoc, quòd habuit à principio generationis hepar ualde calidum, & etiam forte ipsum cor; & ex his factum est totum corpus calidum abundanter. Et hoc indicat etiam augmentum illud repentinum & magnum; nam calor fortis cum inuenit & habet materiam aptam extensioni, facile illam superat & concoquit. Nam licet complexio eius naturalis in origine sit calida & sicca, tamen in prima ætate fuit humidior; & quia illa ætas est humida, & illa humiditas potuit obtundere calorem, ergo cum in illa ætate fuerit humidus, & calor fortis, ideo optime nutritum fuit hoc corpus, quia affuit & à gens, & etiam materia conueniens fuit agenti. Et uidemus etiam experientia, quòd pueri melancholici in principio celeriter augentur & crescunt, propter fortitudinem caloris agentis in illud humidum, quod est proprium illi ætati; sed non diu permanet illud augmentum, & fiunt graciliores propter tenuitatem caloris. Et ita in hoc adolecente illud repentinum augmentum indicat mihi calorem magnum. Item habitus corporis, habet enim uenas amplas, calorem subnigricantem, qui indicat caliditatem sanguinis. Nam sanguis cum exit ad cutem, facit colorem cutis. Et ita ex hac coniectura patet hunc iuuenem habuisse à principio ætatis hepar calidum, & hoc adurit sanguinem, & hi homines sunt apti, ut adurant sanguinem. Vnde Galenus dicit, qui sunt calidi & siccī, tempore paracelsicæ ætatis fiunt melancholici. Sed iste iuuenis præuenit hoc tempus; habuit ergo naturalem dispositionem ad humorem melancholicum; & accessit studium, & curæ, & multæ cogitationes, unde magis est exiccatus sanguis, & corpus affectum; nam curæ (quæ dicuntur quod cor urant) primo inflammant sanguinem, licet postea infrigident, resolutio toto humido, & cum hoc etiam omni calore, & inde aucta est illa dispositio. Et forte etiam bibit uinum uetus, ut solent Veneti nobiles bibere Maluaticum, & comedit aromata, melum se exercuit. Sed hæc quæ diximus sufficiunt, & fuerint satis in causa ad sciendum affectum illum quem nunc patitur. Hæc quo ad coniecturas, quibus ego colligo hunc iuuenem repletum esse humore melancholico in toto corpore & uenis, & sic laborare secunda specie melancholiz. Tertia species melancholiz est, cum sunt obstructions circa illa uiscera, siue sita in latere dextro; & hæc dicitur proprie affectio hypochondriaca à Galeno: uel ex latere opposito, & hæc species est etiam ualde frequens; & quandoque etiam in utroque latere contingit, & hoc est deterius. Hæc tertia quæ est & an propter inflammationem extantem in uenis hepatis, an propter ebullitionem factam in uenis splenis: Dico, ubi dolor, ibi ægritudo; & in utroque latere percipit status, ut nunc audio, signum est quòd in utroque latere sunt obstructions; & si magis in latere dextro, signum quòd maior obstructio est in hepate & eius uenis. Ergo prima ratio illius melancholiz hypochondriacæ & tertiæ huius speciei est, ut sint ibi illæ materiæ in uenis, quæ effluunt propter obstructionem, & hinc fiunt status. Ex his sequitur necessario frigiditas uentriculi, quia hepar calidum indeficienter attrahit, & attrahit chylum inconcoctum, & sic non potest eum conficere: unde per totum corpus multiplicantur humores crudi, quia concoctio secunda non potest corrigere primam, & sic ille humor crudus augeat flatuositatem melancholiz. Et cum hepar adurat sanguinem, & multiplicetur humor melancholicus, hinc cum superest, & non potest recipi & concoqui à hene, obstruit lienem, quia lien nimia copia illius humoris suffocatur, & non potest conficere totum nutrimentum, & ita obstruitur. humor uero qui non potest confici, redundat & regurgitat in totum corpus; & sic hæc duæ species melancholiz se inuicem consequuntur, & secunda species nutrit & fouet tertiam, & tertia secundam, & sic fit circulus; & cum est circulus in causis, efficitur difficillima cura. Et quia splen repletum humore melancholico est frigidum, ideo solet infrigidare hepar: nam sæpe ex splene refrigerato ita infrigidatur hepar, ut sequatur hydrops, ut uidimus hodie in D. Benedicito, qui

cto, qui laborat affectione hypochondriaca, atq; ita infrigidatum est hepar, ut secutus sit tumor pedum. Hic autem iuuenis nondum deuenit ad illum gradum, quia humor nondum ita collectus, neq; affectio splenis ita inualuit, ut possit communicare nocuum mentum hepati, communicat tamen uentriculo, & hinc illud sputum, ut iam saepe dixi, & alia, &c. Et hinc etiam est illa restrictio alui, quia dum humor melancholicus multiplicatur, transit ad uentriculum, & etiam ad intestina descendit, & ibi flatuatur, & sic sua flatuositate suspendit faeces, & inde aluus astringitur. Praeterea bilis quae solet naturaliter ab hepate per porum felleum ad intestina peruenire, & ea abstergere, & excitare uirtutem expulsiuam, non peruenit eo, propter obstructionem illius pori, & inde intestina illa non possunt abstergi: & sic non fit hoc officium bilis, ad quod a natura ordinata erat: & inde aduruntur illae faeces, & fiunt squibala tanquam pilulae caeparum. Et haec sunt aegritudines & accidentia huius adolescentis. Patitur ergo duas melancholias, & in toto, & in hypochondrijs: & hoc ualde aduertendum, quia non patitur simplicem affectum, sed duplicatum.

De Prognostico. Dico ex sententia Galeni, ut & antea dixi, in quibuscumq; generatur melanch, hypochon. in omnibus prolongatur, & sic suapte natura est longus hic morbus. Et quia est circulus, ut dictum est, unde difficilis erit curatio. Quo ad curam. Proxime satis dixi, & replicabo unum quod tunc temporis dixi. Nulla maior perniciēs horum, & quod inducit in incurabiles aegritudines, quam multiplicare phar macas: & uos uidebitis, quanto magis exhibebit Excel. uestra illa fortia medicamenta, tanto deterius habebit. Sint itaq; placidissima remedia, & sine uiolentia procedendū. Proponitur unum, utrum debeat accipere aquas Apponitanas, quia curam aliorum dixi proxime, & post assumptum balneū dicam etiam aliqua de ea. Et dico ego quod omnino debet accipere hanc aquam: nam habet sulphur, alumen, cinerē, & calcem, & haec possunt aperire, quam apertionem maximē querimus, & hanc maximē praestabit nobis aqua. Sulphur aperit, & educit etiam humorem melancholicū. Et uidi in quadam nobili Domina, ex quaeducta est maxima copia humoris melancholici per potum huius aquae Apponitanae. Item corroborat & uentriculum: & in hoc generatur pituita, & sic etiam uentriculo conueniet. Vnde credo huiuscemodi aquam profuturam magis noper, dumodo exeat. Si uideatur inflammare, quia hepar est calidum, potest inungi hepar, & circa dorsum, & exhiberi zuchcharum ros. & alia ad prohibendam nimiam calefactionem hepatis: sed non accipiat magnam quantitatem una uice. Patres nostri accipiebant maximam quantitatem, ut 30. aut 40. cyathos, & ita magis debilitarunt & obruerunt uires. Calor innatus est, qui dirigit medicamenta, qui non est supprimendus. Ego darem per 15. dies in modica quantitate: quia primi dies praeparant, & ultimi proficient: & confido proculdubio quod melius se habebit.

De melancholia hypochondriaca.

Consilium CLXXIX.



Egritudo, qua affligitur hic nobilis uir, iudicio meo est melancholia hypochondriaca, non sicut illa Dioclis, quam describit Galenus lib. 3. de locis affectis, quae nascitur per inflammationem humorum, aut ebullitionem in uenis inter stomachum & hepar. Sed haec ab illa diuersa est, quoniam niam ex inflammatione seu ebullitione humorum crassorum maiorum est, qui sunt inclusi in uenis sinistri lateris inter splenem & stomachum, a quibus eleuatur quamplurima uentositas: & quia splen redditus est debilis, saepenumero intumescit, & crassior apparet, nec etiam ad se trahit faecem sanguinis, sicut oportet: & ita faex ista per sanguinem dispergitur, & reddit eum nigrum, pallidum, & melancholicum. Omni igitur diligentia curare debemus, ut illae uenae melancolicae sinistri lateris aperiantur, & liberæ fiant, & splen confortetur, ut suo officio fungi possit, & ita sanguis purus

efficiatur: ex quo etiam sequetur, quod stomachus nullam ventositatem patietur. In primis igitur curare debemus, ut sit aer optimus: quoniam in humoribus ipsis melancholicis plurimum refert optimi aeris electio: curareque debet præ omnibus nimis palusdosum & crassum, sicut communiter est in locis Veronenlib. planitiem uersus, & debet cauere ne in locis humidis degat & subterraneis, ac expositis Tyrolum uersus. Omniaque animi accidentia euitabit, sicut iram, tristitiam, mororem, omniaque ingenio conabitur late uiuere inter muscos & bonos socios. Exercebit se conuenienter mane equitando, eundo, & parua pila ludendo, aut simile aliquid faciendo. Curabit quoque, ut quotidie beneficium ventris habeat. Circa uictum euitabit omnes carnes antiquas, ut bubulas, castrati antiqui, atque quæ crassum dant nutrimentum, ut pernas salitas & recentes, omnesque aquatiles aues, anates, anseres, & huiusmodi cibos, omnesque pisces, exceptis quibusdam, ut lupis qui in aquis currentibus uiuunt, auratis, carpionibusque recentibus. Comedat lemnulas, mazarones: ab omnibus alijs omnino cauebit, præcipue ab anguillis & huiusmodi, quæ crassum & uiscosum dant nutrimentum. Præterea omnia lacticia cauebit, & præcipue caseum tam recentem, quam salitum: omnia pastilia, plantas, tortas, rostitolos, panem calidum, male fermentatum, & sine sale, ac pessime coctum: omniaque legumina fugiat cuiusque generis, aut recentia, aut exiccata, aut cruda, aut cocta. Cauebit etiam ab omnibus fructibus, & si eis quandoque uti uoluerit, accipiat ante reliqua cibaria, sed parce admodum. Omnes salatas crudas seu acetaria fugiet, sed cappares earum uice comedat, asparagos, lupulos, lapathum, endiuia coctam, cichorium coctum, aceto & zucarcho conditum, uel oleo & sale. Vinum bibet album, sed pauci coloris, quod rosetum uocant, subtile, transparens, & bene maturum. Vnico cibo sit contentus, neque inter prandium & coenam bibat, neque sine fame comedat. Vellem ut hoc anno mense Iulij, primum tamen aliquantulum purgato corpore cum casia & Rheubarbaro, & syrupo rosato solutiuo, acciperet aquam balnearum de Caldera, eo pacto, quo ei dicent excellentissimi medici qui aderunt. Bis in anno se purgabit, in uere & autumno: & uelim quod mitteret basilica cubiti sinistri sanguinem. Intermedijs uero temporibus, inter uer & autumnum accipiet ter & quater in mense per horam ante coenam infra scriptas pilulas:

℞. Epithymi Cretensis 3 6. Agarici electi 3 iij. Corticum radicum ellebori nigri 3 4. Specierum hieræ simpl. 3 4. Cum melle rosato fiat magdaleon, de quo singulis uicibus drachmam unam accipiat, & formentur pilulæ tres cum melle rosato: & eo die quo assumet has pilulas, sumat etiam unam scutellam panis loti seu panatellæ, & aut nihil aut parum admodum bibat, accipiatque sæpiissime per horam ante prandium conseruæ florum boraginis atque buglossæ parum. Ante syrosos sumere poterit:

℞. Electuarij lenitiui 3 10.
Cum zucarcho fiat bolus. Pro syrupis:

℞. Syrupi de fumoterræ
De buglossa
De pomis ana 3 5.
Aquæ boraginis 3 4. Misce.

Pro purgatione uero:

℞. Confectionis hamech 3 4.
Syrupi rosati solutui 3 3.

Aquæ betonice quantum sufficit, fiat potus.

Post hanc medicinam utatur sequenti electuario:

℞. Sacchari rosati 3 2.
Conseruæ florum boraginis 3 2.
Buglossæ 3 1. 5.

Misce fiat electuarium. Et hæc pro nunc sufficiant pro tali dispositione.

De flatibus hypochondriacis, pro sacrificio,

Consilium CLXXX.



Primo custodiat se ab omni genere piscium, & præsertim palustrium, ab omnibus leguminibus, tam recentibus quam exiccatis, ab omnibus lacti cinij, & præsertim caseo antiquo, ab omnibus pastilijs: olera etiam sunt illi pessima, uti tamen quandoque poterit lactuca leuiter decocta, & boragine, & calendula, quæ uulgo dicitur fior de ogni mese. Bibat uina clara, limpida, & omnino abstineat à crassis, nigris, dulcibus. Comedat tantum in die bis, neque bibat inter coenam & prandium, præcipue uesperis. Euitabit omne genus sacramentorum, ut carnes salitæ sunt, pisces saliti, oliuæ, & eiusmodi. Non comedat carnes antiquas cuiuscunque generis sint, sicut bouinæ, caprinæ, castratorum antiquorum. Euitabit item carnes omnes palustres, sicut anserum, anatum, & similes. Et hæc quantum ad uiuendi rationem. Utatur singulis mensibus bis in potu uncijsex infra scripti decocti, ita ut sint duo dies continui, & bibat mane in aurora. Decoctum erit tale:

℞. Myrobalanorum citrinorum

Chebulorum

Inderum

Emblicorum

Belliricorum ana 3 2.

Contundantur grosso modo, & fricentur manibus cum oleo amygdalarum dulcium, deinde infundantur in ℥ 2. aquæ fumi terræ per diem & noctem. Postea

℞. Epithymi

Polypodij

Folliculorum fenæ ana 3 1.

Seminum cistri

Glycyrrhizæ rasæ ana 3 2.

Corticum rad. ellebori nigri 3 1.

Decoquantur omnia simul in prædicta infusione ad consumptionem medietatis. Facta diligenti expressione & colatura sumatur decoctum, quod totumumat, duabus uicibus duobus diebus, quemadmodum dictum est. Item habeat caput semper sine capillis, ita ut attondatur usque ad cutim, postea uesperis quando it dormit, inungatur oleo amygdalarum dulcium. Item abluat caput bis in septimana infra scripta decoctione.

℞. Maluæ

Radicum althææ

Florum camomillæ ana M 2.

Boraginis

Calendulæ ana M 1.

Furfurum tritici P 2.

Bulliant omnia simul in aqua fontis ad consumptionem medietatis. Cum hac aqua colata caput abluat, & post ablutionem & exiccationem illinatur prædicto oleo amygdalarum dulcium, & habeat semper capillos detonsos usque ad cutim, ut dictum est. Item frequentissime etiam singulis diebus, si possibile est, bibat ante prandium per horas tres magnam scutellam brodij pulli cum modico zucchero: hoc enim erit illi maxime utile. Item semper teneat suum ventrem mollem, & utatur clysteribus frequenter cum oleo communi & decocto maluarum, althææ, camomillæ, addito modico salis, & uncijsex duabus mellis rosati colati.

De passione hypochondriaca, cum annexis symptomatibus, nimirum tremore cordis, & uentriculi mordicatione, & totius corporis macie, pro Veneto.

Consilium CLXXXI.



Lristatur iste Nobilissimus uir sine causa, timet non timenda, & non laetatur, hoc est primum symptoma, quo maxime affici consuevit. Est aliud, quod quotidie in maciem deuenit, & maxime hoc anno uidet se aridior factum, quam duobus praeteritis annis. Conqueritur praeterea, dixitque hoc anno in prima quadragesimae hebdomada correptum esse a quodam cordis tremore, quo frequentius solebat corripi. Dixit etiam, singulis diebus affligi circa finem concoctionis ante prandium & coenam erosione uentriculi, ut debilitetur, & quærat subito cibum, & famem incurrit, a qua irritatur: assumpto autem cibo nihil sentire dixit. Hæc ergo sunt symptomata, ut ea per capita colligam, quibus affligitur: Tristitia, metus sine causa perseverans, tremor cordis non perseverans: tertium est gracilitas, quartum mordicatio uentriculi ante cibum. Hæc symptomata cum sint præter naturam, tolli debent, sed sunt inueniendæ causæ, quia sine inuentione causarum non possumus modum curandi & præseruandi inuenire. Incipiamus igitur a primo illo affectu, a timore subito et tristitia præter rationem, quam melancholiam appellant: huius symptomatis, inquam, incipiamus causas indagare. Certe timor iste prouenit, quia corruptæ sunt imaginatiua & cogitatiua, quia cogitat quæ non sunt cogitanda: imaginatiua autem & cogitatiua sunt operationes animales in cerebro apparentes secundum medicos. Est igitur affectus iste cerebri, & actio corrupta operationum intrinsicarum animalium cerebri. Causa potest esse dispositio existens in cerebro præter naturam, uel in toto ambitu, uel in parte aliqua. In cerebro autem non potest principaliter esse, quia habemus signa manifesta: habet enim interualla manifesta, & perseverat pluribus temporibus sine ipso affectu: si enim haberet affectum in cerebro essentialiter, perpetuum haberet timorem. Non est igitur in cerebro essentialiter, sed per consensum. Consensus autem iste præcipue & per se & talis metus sine causa a uaporibus melancholicis, & ab humoribus melancholicis provenit, ut dicit Galen. 3. de loc. affect. & sunt uel in cerebro, uel in ambitu totius corporis: & duæ sunt species melancholiarum, & non sunt plures, quia uel uapor uel humor est per essentiam in cerebro, uel in ambitu uenarum. Non possumus autem dicere, quod sint in uenarum ambitu per se, ut probabimus: quia non consequuntur accidentia, quæ solent consequi, ubi humor melancholicus fuerit in uenis, ratione cuius humoris uapor ascendit, & sunt symptomata melancholica, ut dicemus. Cum igitur non sit in cerebro causa ipsius, nec in ambitu uenarum, querendus est ergo alius locus. Et quia metus non est causa per se, nisi ab humore melancholico, & cum non sint illæ duæ species, uidendum est quæ sit causa huius metus. Gal. posuit aliam speciem melancholiæ loco citato, quæ hypochondriacæ appellauit, ratione membrorum naturalium: & posuit illam ex Diocle, ex feruore sanguinis existentis in uenis mesaraicis inter hepar & uentriculum causatam. Cum ergo non sit in cerebro, uideamus an sit in ambitu totius, uel in uenis illis mesaraicis. Quod potius sit imaginatio ista & tristitia præter rationem, ratione affectus hypochondriaci, per signa probatur propria & pathognomonica. Primo uidemus affectum habere periodos. Sed posset quis dicere, illa etiam quæ ratione uenarum fit, ab ambitu quarum ascendunt uapores uel humores melancholici, potest habere periodos: ideo signum istud fit commune. Præterea patitur tremorem cordis, scitur autem quam communicantiam habeat cor cum uentriculo, imò dolor in ore uentriculi appellatur morsus cordis, & cardiacus affectus: & nesciebant antiqui distinguere an cordis, uel uentriculi esset affectus. Ego potius credo, quod ratione uentriculi fiat, quoniam nobiliss. iste uir habet cor uali distinge

caliditatis & siccitatis, resistens nocuentis. Ideo tremorem non patitur in corde ratione imbecillitatis, sed ratione uentriculi; ergo propter uapores ascendentes à mesaraicis uenis fit. Mordicatio etiam apparet circa finem concoctionis, eamq; percipit talem, ut desicere uideatur, nisi cibum assumat: & hoc est ratione humoris acidi mordicantis, quæ mordicatio facit ut incidat in talem defectum, ex quo cibo sumpto quiescit. Præterea propter priuationem reliquorum signorum, quod affectus iste non sit ratione sanguinis adusti in uenis existentis per se, quia non uideo nigredinem in corpore, ut possimus dicere à sanguine adusto in uenis existente causari, quia carnes lucidæ sunt, & optimi coloris; & dicit Galenus 4. de tuen. ualctud. humoris dominium à corporis colore indicari, nisi in profundum decubuerint humores. Si ergo in uenis humorem illū haberet, nutriretur ab humore illo, & color carnis similis esset humoris illi. Cum igitur non uideam uestigium melancholici humoris, quia illi qui talem habent in uenis humorem, & nutriuntur ab illo, efficiuntur admodum nigri; & ex alia parte cum uideam signa propria attestantia affectum hypochondriacum, ideo nō dubitavi, quod passio hæc melancholica sit ratione affectus hypochondriaci. Sed quoniam hanc ægritudinem non possumus curare, nisi uideamus eius naturam, & quomodo eam consuequantur accidentia alia, dico ego omnia symptomata dependere ab hoc affectu; & si remouebimus hunc affectum, remouebitur tremor, qui fit ratione uaporum, qui eleuantur ab illo loco. Præterea ærfectio totius pendet ab eadem causa, & natura huius ægritudinis hoc indicat; quia dicit Gale. quando humores crudi in uentriculo generantur, hepar attrahit humores illos crudos à uenis mesaraicis; & quia fortior fit attractio propter ualidam hepatis caliditatem, & humor tenuis facile ebullit, ideo fit inflammatio, & eo maxime accidit, ubi hepar calidissimum sit, & uentriculus frigidus. Et cum nobilissimus iste uir sit temperaturæ calidissimæ, & habeat caliditatem in hepate cum frigiditate uentriculi, quæ licet naturalis non sit, est tamen acquisita frigiditas multa in uentriculo, tum quia delectatur calefactione uentriculi, tum etiam quia dicit se habere deterius hyeme quam in æstate. Et licet dixerit Hipp. Ventres hyeme natura calidissimi sunt, illud dicit per antiperistalsin, quia frigiditas aëris occurrans unit calorem intetius, ideo ualidus est. In senibus autem frigiditas occurrens penetrat ad uentriculum, quia non fit in illis antiperistalsis, cum sint pauci caloris: ideo peius se habent in hyeme, sicut animalia frigida: non iuantur autem, nisi qui habent antiperistalsin à ualidissimo frigore. In ætate uerò calor aëris corrigit frigiditatem, ideo melius se habent. Præterea abundat rugitibus, & flatibus, & pituita crassa, hoc est signum frigiditatis; cumq; eleuantur à uentriculo uapores ad caput, facit circulum, & multum refrigeratur. Stante ergo hepatis caliditate, & uentriculi frigiditate, tardatur concoctio, abundat cruditas, hepar calidum attrahit multum cibum crudum continue. Et cum in uenis illis mesaraicis sit redundantia talis humoris crudi, exhalatio fit deterior, quia obstruuntur; & quia maior fit caliditas hepatis propter obstructionem illam, cum non possit transpirare, contingit quod ex maxima caliditate hepatis naturali & aduentitia & ex obstructionibus, sanguis multiplicatur crassius & adustus ex nimia caliditate, & ille sanguis redundat ad uenas, & ad ambitum uenarum, redundat dico per accensum: nec principalis ægritudo fit in uenis, sed per consensum à primo affectu, quia adustio tantum fit in hepate ratione maximi caloris hepatis. Et hinc pendunt omnes leges & Prophetæ. Est ergo sanguis aliquis adustus in ambitu totius, qui cum non sit simplex & uerus, sed mixtus pluribus crudis humoribus, & cum coctio fiat à calore moderato, ideo corpus non bene nutritur. Et licet plurimus sit sanguis in uenis, non nutritur, quia non est gratus nature, ideo exarefcit, & licet sumat cibum, non facit pro uera nutritione. Et hæc est causa tertij symptomatis, propter cruditatem & putrefactionem humorum tenuium, qui transeunt in aciditatem, ideo illi euomunt acida. Tum etiam ratione obstructionis causantis caliditatem maximam in hepate, non nutritur ut oportet, quia sanguis non est laudabilis: uentriculus enim non concoquit, propter frigiditatem: hepar uerò propter caliditatem maximam non facit sanguinem idoneum, & a durit: uen-

trculus aut crudū dimittit humorem. Causa uero cur debilitatem ante cibū sentiat, est, quia cum fiunt digestionēs, membra redduntur avara: ideo uenae trahunt ab hepate, hepar à uenis mēsaricis, mēsaricę à uentriculo. facta ultima cōcoctione, cum percipit uentriculus mordicationem, debilitatur, quia indiget multo nutrimento tum, propter humorē mordicantem: sumpto cibo obtunditur acrimonia humoris, & hepar inuenit quod attrahit, & uenae, & tunc cessat symptoma. Hęc igitur sunt symptomata, & causę symptomatū, quę pendent ab affectu hypochondriaco, quem melanchol. hypochond. appellant. Cur aut habeat interualla per 2. annos: hoc est, quia cū non sit per essentiam in capite, sed ratione obstructionis, & humoris feruescentis in uenis mēsaricis, ideo habeat interualla: & si leuabitur obstructio ab euacuantibus, & à uictu debito, liberabitur. Si uerò multiplicabitur, hoc est, uel ab aëre, uel à cibo, aut ab aliqua aliā extrinseca causa, uel ab humore corporeo, augebitur morbus. Nō fuit aut mirum si hoc anno multiplicatus sit, quia (ut dicit Hippocrates & Galenus tertio Epid.) cum aër nebulosus est & humidus, spiritus exilient in ambitu totius, & sanguis ab aëre nubiloso crassescit, & non fiunt debitę transpirationes, multiplicantur humores, fiunt malę coctiones, calor naturalis obtunditur, fiunt obstructiones, & symptomata dicta causantur. Vnde ego crediderim, symptoma hoc etiam non nisi per accidens contigisse, quia humor melancholicus non per se, sed per accidens multiplicatus est, propter feruorem hepatis a durentis, ob obstructionem quę facit inflammationem in uenis, & sanguis seipso calidior factus est: affectus autem non est per se à melancholico humore, sed à phlegmatico frigido ebulliente circa illas partes. Vnde à medicis cura uariatur non parum: alij frigidam credunt esse affectionem, & ad calida recurrunt, & non parum nocent, quia hepar inflammant: alij ad frigida descendunt, & nocent, quia frigidus est uentriculus, hepar calidū: unde fit, ut cum unū sanetur, alteri noceant. Cum igitur humor phlegmaticus frigidus sit causa huius affectus, & non humor calidus, frigiditate non indiget, sed indiget apertione obstructionis. Ideo Gal. 3. de loc. aff. contra Dioclem disputans, cū de inflammatione uenarū mēsaricarum loqueretur, dixit Dioclem non assignasse rationem, cur ex ascensu uaporū fiant tristes imaginationes, cum tamen humor melancholicus non sit redundans: ac si uideretur alienum, quod fieret affectus melancholicus, & non ab humore melancholico. Ideo Gale. posuit tres differentias, & quod alia sit melancholice species, cū uapores eleuantur ab humore crasso frigido, quibus spiritus obtenebrescent: & illę tenebrę sunt causa quod timeant, cū spiritus non habeant eos, timentq; ac si uiderent tenebras, & essent in tenebris exterioribus, quia natissimus ut uiuamus luce ex spiritu animali, scilicet qui lucidus est. Qui ergo fuerint tenebrosi ex melancholia uera, patiuntur melancholiam: qui aut ex uaporibus ab humore pituitoso eleuatis, hypochondriacam passionem incurrunt, propter obstructionem uenarum mēsaricarū ab humore pituitoso. Cognita natura morbi, apparet quid præstigiendū. Ego nullum aliud præstigiū proponam, nisi quod à Galeno propositum est, qui loquens ex Diode dixit, quod à quacūq; causa proueniat hypochondriaca passio, prorogatur in pluribus, & non curatur, nisi diligentes simus, & in multis annis. Quantum ad curationem attinet, cum hic duo sint humores multiplicati præter naturā in ambitu totius, tam ratione uentriculi, quā ratione hepatis, ut ex urina apparet, quę coloratior est, quia seruer est in toto, & excessus maior quā sit opus, & obstructio adest: ideo ad ueram curationem, primo cacochymia, quę est in toto, remouenda est: quia non curabitur obstructio hepatis, & eius temperatura unā cū temperatura uentriculi non rediget in melius, si permittamus hos humores etiam quo ad præseruationem. Imo si stabit cacochymia, succedet ægritudo, & uel in humorem melancholicum incidet, uel in ægritudinem deteriore. Ideo primo est euacuandum corpus, & hæc prima est indicatio recte operandi. Circa euacuationem modo bene constituti sunt multi modi: & primo missio sanguinis proposita est, deinde pharmacia. Vtrūq; conuenit, quia sanguis malus multiplicatus nō debet permitti, sed euacuari, ut natura rectificata hepate faciat meliorem sanguinem. Sed ubi hæc duo cōueniunt, debemus incipere à missione

sione sanguinis, antequam medicamentum purgans exhibeamus: nisi forte lenitum exhibere uellemus, ad euacuandum id quod in uentriculo & in intestinis, & in uis (ut isti dicunt) ductum reperitur. Et accederem ad uenam illam quæ à fonte euacuat, ad basilicam scilicet, ut fieret euentatio & refrigeratio hepatis. Si etiam à uena media, ut propositum est, fieret, non esset error: quia Hippocrates in 2. reg. acut. & Galenus dicunt: Si non inuenitur basilica, mediam tangas. Ideo non est disputandū, an media uel basilica sit secanda. Si à media, euacuabitis, quia habet ramum magnum à basilica, ab hepate etiam trahet: sola autem media solet secari, cum læsio est etiam in cerebro, ut ab utroque euacuetur. Facta sanguinis missione, non omitterem euacuationem per pharyngiacam. Sed quia corpora cum quis purgare noluerit, oportet fluida facere, maxime si obstructio sit in melsaracis, debent aperiri, ut melior fiat attractio: ideo syrups abstergentes & aperientes conueniunt. Tales autem syrups sumuntur ab indicationibus recte operandi: & quia suppositum in toto, sanguinem calidorem humori crudo permixtum, stante uentriculi frigiditate, cum prima concoctio non corrigatur à secunda, si in uentriculo est cruditas, attrahitur talis, ideo humor crassus est incidendus. Et quia hepar calidum est, non utemur calidis incidentibus: ideo usus syrups acetosi conueniret. At dicit Hippocrates 3. reg. acut. cum Galeno, acetum conuenire magis biliosis, quam melancholicis: & dicit sibi unum uerbum, quod acetum facit degenerare bilem in pituitam: an uerū sit, & fieri id possit, remitto alijs considerandis, quia Gal. loquitur cum illum transit sicco pede. Quamuis igitur acetum non conueniret, quia abundat humor melancholicus, associabitur cum syrupo de pomis, in quo est frigiditas & humiditas ad contemperandū feruorem sanguinis, & humor ille adustus reducetur ad temperiem: ex acetolo autem habebimus incisionem, & cum melle rosato parabimus ad abstergendum. Decocta accipiemus ex buglossa, boragine, capillis Veneris. Pro euacuatione autem eligerem eradicatua, ut confectionem hamechi, in qua est agaricum & colocynthis, quæ crassos humores euacuant: est præterea sena, polypodium, epithymū, quæ euacuant efficacissime humorem melancholicum, & maximam habet uim corroborandi, quia ingrediuntur in ea myrobalani omnes: & forte magis dicenda est medicina securitatis à Mesue, quam diaphinicon. Et si uellemus aliud, syrups rosatus solutiuus addi poterit ad confortandum cor, hepar, quia facit solutionem aliarum medicinarum meliorem. Circa euacuationem hæcenus persisterem. Propositum est, an hæmorroides essent prouocandæ. Certe feruor sanguinis circa uenas melsaracis existens ita calefacit hepar, ut necessariū sit quod multiplicetur humor melancholicus in uenis. Eset optimū tempore ueris prouocare ipsas: sed postquam hominem dimitemus sibi ipsi, redibit dispositio. Si ergo haberet hæmorrhoidas quæ ueris temporibus fluere, contemperarent hepar, & euacuarent melancholicum humorem. Sed in appositione sanguifugarum nihil spero, quia crassum sanguinem dimittunt, & attrahunt subtiliorem, cum non sit sibi foramen. Utilitas autem, quam spero, non ex attractione sanguinis, sed quia aperiuntur per se ex tali applicatione. Et uidi ego metatorem frumentarium, cui affectio liene à tumore maximo, iussu ut prouocaretur, & duabus sanguifugis applicatis ita aperta fuerunt, ut exirent uiginti libræ sanguinis, ita ut crederem bouem iugulatum. Quia ergo uidemus quod sponte in multis sanguis euacuatur, apertis illis, non ex sanguifugis sperarem utilitatem, sed ex apertione quæ sequitur. Proposita fuere balnea ex dulcibus aquis: & ego illa laudo, quia corpus humectant, coctionem adiuuant, calorem hepatis contemperant, & corpus maxime corroborabunt. Ideo parare poterimus solum domi, & sibi permanebit usque ad guttur, & post balneum corpus inungetur cum oleo de rosetis. Balnea tamen non sient nisi factis prius euacuationibus, & apertis obstructionibus. Ad præseruandum, quia in præsentī modica est obstructio, licet sanguifugæ non prouocarent, paucum damnum facient, quia uncie duæ uel tres ad plus euacuarentur, uel aperirentur, quod esset ualde utile. Proposita autem fuere balnea Patuina & Calderiana. Patuina nullo modo conueniunt ratione siccitatis: & si non timerem uentriculum, laudarem Calderiana,

& credo quòd conuenirent, quia aperiunt obstructiones, & prouocant urinam: & domino Fabio Contareno affectio olim melancholia, mirum in modum profuerunt. Nunc autem conqueritur de uentriculo frigidiori: sed scio curatum fuisse melancholica affectione, & nescio quomodo conqueratur, cum sit pinguis, & optimam habeat habitudinem. Et hæc dicta sint circa balnea. Pro confortatione, & conseruatione sanitatis, & ad contemperandum hepar & uentriculum, & ad apertionem uenarum mesaraicarum, laudarem pro re familiari continue utenda, ut tempore totius anni uteretur zucchero rosato cum puluere rhabarbari, quia ex hac semper educeretur aliquid aggregatum in mesaraicis. In æstate uero, prætermisso zucchero rosato, calsæ drachmas quinque uel sex, cum semidrachma rhabarbari eligerem: præter illos dies æstiuos, cū zucchero rosato miscerem confectionem dianthos, & species diamusci dulcis, & diacinnamomum. Præterea circa cibum & potum & circa reliqua recte se habeat. Et circa potum, credo quòd tota uis consistat in electione boni uini, quia uinum continuum est: & ideo uinum bene maturum, & album, & cerefolium esset eligendum. Conuenientius autem pro stomacho esset quod minus album est, quia uina alba in hac ciuitate Venetiarum habent quandam crassitiem. Et ita ego isto itinere procederem.

PILULÆ PRO MELANCHOLICO.

℞. Epithymi Cretensis	3	1.
Aloës optimæ	3	8.
Garyophyllorum		
Nucis muscatæ	ana	3 2.
Corticum ellebori nigri	3	6.

Cum syrupo de corticibus citri fiat magdalen, de quo fiant pilulæ, pro singula drachma tres: sumantur ante coenam per horam, bis in septimana.

De intemperie frigida splenis, cum tumore insigni, cruditatibus uentriculi, & corporis atrophîa ac decolorationibus, cum metu futuræ aquæ inter cutem, pro nobili Polono quadragenario.

Consilium CLXXXII.



Portet ut nobilis iste uir, si curari debet à longa & difficili ægitudine, quæ est præcipue intemperies frigida splenis cū tumore satis insigni, ex qua postea multifariæ dispositiones præter naturam consequuntur, ut cruditates uentriculi, & in iecore, & in toto ambitu uenarum, atrophie & decolorationes, ex quibus non immerito timetur tandem aqua inter cutem: oportet inquam, si ab his sæuis dispositionibus liberari cupit, ut præcipue habeat exquisitissimam uictus rationem, quæ competat primario morbo, sine qua diutissime & diligentissime seruata, frustra medicorum implorabit auxilium. In primis igitur eligat aërem in quo habiter subtilem, minime palustrem, minus frigidum quàm fieri possit. In quo aëre cauebit etiam ab omni excessu uentorum, ubi postea sereno celo & tranquillo se exercebit in uenationibus, & eiusmodi motibus nobilibus. Laudo huiusmodi exercitium, si modo suo tempore fiat, uidelicet mane, uel paulo ante coenam. Euitet omnes animi molestias, sed iram præsertim & mœstitiam. Mane surgat diluculo, septem horis dormiat, caueat à meridiano somno, esset enim illi admodum lethalis. Deambulet & exerceatur in cubiculo proprio, motibus, frictionibus, peccinationibus, cantu, lectione alta, excernendo excrementa per spiritum & narium, quæratq; redere

derealui & urinæ egestionēs. Vbi uero hæc omnia peregerit diligenter, mundasq; & odoratas uestes induerit, tunc ad exercitium se conferat extra domum, si serenitas cœli apparuerit: sin minus, intra domum sese contineat, ludendo pila, uel gladio, uel alio aliquo exercitio. Bis in die, non amplius comedat, idq; satis parce, unoq; cibarij genere contentus sit, & illud sine aromatibus sit, sed cum modico croci & cinnamomi tantum. A uino etiam caueat crasso, dulci, nigro, & potentifed eligat tenue, album, clarum, pauciferum, quod etiam parce bibat, uel si assuetus sit ceruixæ, illam bibat moderate, bene tamen confectam: hic enim morbus maxime requirit temperantiam. Ergo cauebit à compotationibus. Inter prandium & cœnam nihil nec comedat nec bibat. Cibaria sint, carnes iuuenum pullorum, hœdorum, uitulorum, auium campēstriū, ut sunt perdices, phasiani, aues paruæ, oua forbilia. Nec uitupero in ferculis hordeum, far probe concoctum, si parce utatur, præcipue uerò addito croco. A reliquis ferculis abstineat. Pane utatur madefacto in iure carniū cum petroselino, & modico cinnamomo. A piscibus omnino abstineat, & à cibarijs arte confectis, sicut à tortis, pastillis, & omnibus lacticijs, à leguminibus, oleribus, à carnibus antiquis, & omnibus cibis crassis & seruilibus. Panem azymum, uel male coctum ne comedat, nec aliquod placentarum genus. Quantum ad medicinas, hoc primum obseruet, ut & uerè & autumno, quousq; perseveret hæc mala dispositio, euacuetur modo infrascripto:

℞. Floris calsiæ

℥ 1.

Sumat hora ante prandium.

Deinde

℞. Oxy mellis simplicis

Syrupi de absinthio

ana ℥ 1.

Decocti polypodij

Cetrach

Endiuæ

℥ 4.

Misce pro uno, & sic pro alijs septem.

Deinde

℞. Confectionis hamech

℥ 4.

Trochiscorum alhandal

℥ 10.

Misce, & cum zuccaro fiat bolus, sumendus in aurora cum custodia. Postea interquiescat per duos dies, & iterum accipiat zuccarum rosatum semper ante prandium & cœnam per duas horas. Deinde sumat istos syropos:

℞. Myrobalanorum Indorum

Citrinorum

Embllicorum

Chebulorum

Belliricorum

ana

℥ 4.

Contundantur grosso modo, & fricentur manibus cum oleo amygdalarum dulcium. Postea infundantur per diem & noctem in ℥. 10. aquæ sumiterræ, postea decoquantur ad consumptionem tertiæ partis. Postea adde:

Corticum radicum ellebori nigri ℥ 4.

Liquiritiæ

Polypodij

ana

℥ 6.

Seminum citri

℥ 8.

Bulliant donec remaneant ℥ 5. Postea adde folliculorum fenæ.

Epithymi Cretensis

ana

℥ 1. s.

Bulliant, donec remaneant libræ tres. Ultimo colentur, & exprimantur, & setuatur decoctum.

Postea

℞. Eiusdem decocti

℥ 6.

Syrupi de infusione ros.

℥ 1. s.

Misce, & detur mane hora syropi. Sumat autem per sex dies continuos: sed si nimis euacuerent, sumat alternis diebus: deinde quiescat, & utatur uictus ratione præscripta.

Erit

Erit autem tempus ueris & autumnus, in quo euacuabitur. Inter hæc uero tempora placet ut familiares habeat pilulas, quibus utetur ter in mense hora ante coenam.

℞. Succo cetrach

Succi Chamædryos

Succi Polypodij recentis

ana 3 1.

Exiccantur in umbra secundum artem.

Deinde

℞. Agarici electissimi

Rheubarbari electi

Aloës hepatici

ana 3 3.

Gingiberis

Cinnamomi

Garyophyllorum

ana 3 1.

Salis gemmæ

3 1.

Misce, cum melle rosaceo fiat magdalen, de quo fiant pilulæ pro singula drachma tres, sumendæ ut supra. Si uirtus constiterit, laudo ut uere tantum, mutat sanguinem è basilica sinistri lateris, die sequenti post caliam.

De tumore splenis duro, post diuturnam febrem, pro
Reuerendo Boschetto Mediolanensi,

Consilium CLXXXIII.



Euerendus Dominus Ludouicus Boschettus, post longam febrem passus est & patitur tumorem durum in splene multæ duritiei & magnitudinis. Pro cuius curatione, si ex toto fieri poterit, ordinandum est in primis regimen in cibo & potu, subinde deueniendum est ad medicinalia.

Quantum ad cibos attinet, euitandi sunt omnes humores crassos generantes, necnon & humores melancholicos facientes, qui habentur in consilijs de melancholia, & in alijs omnibus ferè. Elixæ plus conueniunt, quàm assatæ: non tamen ex toto prohibetur usus assatæ carnis, præsertim paruorum auium. Pisces sint maritimi, uel de flumine currenti petroso, squamosi. Oua recentiora, ac tremula. Ex oleribus conceduntur beta, borago, spinachia, lupuli, asparagi, artichiochi, endiuia, cichoria, & lactuca tempore calido. Cappares cum aceto & oleo conditi, & aliquantulum cocti, conueniunt ante alios cibos: similiter sardellæ uel anguillæ salatæ cum aceto & oleo conditæ ante alios cibos conceduntur: oliuæ etiam mediocriter salatæ interdum conceduntur. Aromatum, item porri, allij usus, & caparum, prohibetur, æstate maxime, hyeme uero non nisi paucus conceditur. Aceto & acetosis uti licet. Fercula sint ex rebus supra conlatis: brodium uel ciceris, ual caulium, uel raparum. Ex fructibus conceduntur uuxæ & ficus bene maturæ, tam uirides quàm siccæ, pistacia, amygdalæ: tempore autem calido interdum concedo passulas, pruna bene matura, ac melopepones. In potu uitet aquam: uinum autem sit antiquum, album, quod modice flauum dicunt uel medij coloris, mediocris potentia, subtilis, boni odoris & saporis, non dulce, uelut nouum, crassum, & turbidum, nigrum. Euitanda sunt ciborum & potus repletio, & uarietas: saccharo & melle cum alijs cibis raro utendum est. His obseruatis, ineunte uere extrahantur quinque uel sex uncia sanguinis ex basilica sinistri lateris, nisi forte sanguis hæmorrhoidalis multum fluxerit. Subinde capiat infra scriptum syrupum, & medicinam:

℞. Radicum tamarisci

Scolopendriæ, quæ cetrach dicitur

Chamædryos

ana man. 2.

Corticum radicum capparum

3 2.

Continet

Contundantur, & decoquantur in libris octo aquæ ad consumptionem medietatis, & huius decoctionis accipe libras quatuor; mellis, aceti ana libram unam, & fiat oxymel.

℞. Supraſcripti oxymellis 3 ℥. s.
Aquæ cetrach 3 3.

Misce, & fiat ſyrupus. Deſiciente aqua cetrach ponatur aqua decoctionis tamarifci, in qua ſæpe ferrum ignitum ſit extinctum, & capiat ſingulo die unum uſq; ad ſeptimum. Deinde capiat medicinam infraſcriptam;

℞. Polypodij
Folliculorum ſenæ
Storachados
Paſſularum
Liquiritiæ ana 3 ℥.
Myrobalanorum Indorum 3 3.

Decoquantur in libris tribus aquæ lactis, donec remaneant uncie nouem; deinde addantur epithymi drachmæ ſex, bulliant unica ebullitione, & facta colatura addantur floris caſiæ drachmæ ſex, ſpecierũ hieræ ſimplicis ſcrupuli duo, & fiat potio, quam capiat ſummo mane, & taret prandium horis ſex. Facta purgatione, quæ reiteretur, ſi opus eſſe uidebitur medico adſtanti, ſit frequens uſus electuarij infraſcripti in quantitate drachmæ mane, bibendo poſt uncias tres ſtoui uini, decoctionis tamarifci, cetrach, corticum radicum capparum, chamædryos, partibus æqualibus.

℞. Cetrach, Chamædryos
Radicum tamarifci
Corticum radicum capparum ana 3 6.
Ammoniæ
Rubeæ tinctorum ana 3 4.
Polij
Artemiſiæ ana 3 3.
Galbani
Seminum hyperici
Nigellæ
Amygdalarum amararum ana 3 2.
Cardamomi fructus
Peridymeni ana 3 1. s.

Ammoniæ diſſoluatur cum aceto, & omnia excipiantur oxymelle ſcyllitico, & fiat electuarium. Applicanda ſpleni exterius ſunt mollientia, ſubinde reſoluentia, uel miſcenda mollientia cum reſoluentibus. Sit igitur frequens uſus inunctionis lienis cum oleo infraſcripto:

℞. Corticum radicum capparum
Foliorum tamarifci ana 3 1.
Olei communis lib. 2.
Vini albi boni 3 6.
Decoquantur ſimul ad consumptionem uini. Item

℞. Cere
Olei antiqui
Ammoniæ ana 3 6.
Croci 3 2.

Aceti quantum ſufficit ad diſſoluendum ammoniacum, & fiat in forma ceroti. Item ſi uſus frequens unguenti de arthanita parui, deſcriptionis Meſæ, & loco applicetur uel ſuccus cetrach, uel ſuccus ebuli. Item accipe ſalis uſti quantum ſufficit, diſſoluatur in ſucco tamarifci, uel cetrach, uel in decoctione corticum radicum capparum, & cum ueſica actuali caliditate ſæpe lienĩ applicetur. Item.

℞. Visci quercini			6.
Calcis uiuæ			8.
Corticum radicum capparum			2.
Picis liquidæ			8.

Dissoluatur viscus ad ignem cum pice liquida, cætera puluerizata misceantur, & leni applicentur. Item

℞. Cere			
Terebinthinæ			
Picis	ana	3	4.
Auripigmenti			
Calcis uiuæ			
Aluminis			
Myrrhæ	ana	3	3.
Aceti quantum sufficit.			

Auripigmentum, calx, alumen & myrrha cum aceto dissoluantur, & cum cæteris excipiantur in forma cerati, quod ultimo post reliqua applicetur. Item

℞. Cere			
Picis			
Resinæ			
Adipis tauri	ana	3	4.
Baccarum lauri			3.
Salis usti			
Ammoniaci	ana	3	1. 8.

Aceti quantum sufficit ad dissoluendum baccas lauri puluerizatas, sal, & ammoniacum, & fiat ceratum. Item

℞. Corticum radicum capparum		3	1.
Foliorum tamarisci			
Cetrach			
Chamaedryos	ana	man.	1.
Rubæ tinctorum			1.
Cardamomi			8.
Rutæ siccæ		man.	1.
Piperis		3	3.
Anisorum			
Foeniculi	ana	3	8

Decoquantur omnia in aceto acerrimo pro fomento faciendo cum spongia supra lienem, post usum tamen mollientium. Item

℞. Bdellij			
Sepi utulini			
Ammoniaci			
Radicum ireos	ana	3	2.
Opoponacis			
Galbani			
Baccarum lauri			
Styracis			
Thuris	ana	3	1.
Piperis grana		num.	160.
Cere			
Terebinthinæ	ana	3	6.
Vini quantum sufficit.			
Fiat ceratum.			

Et quoniam pleraque cerata sunt fortia, ante purgationes quatuor primis uti poterit, post purgationes autem quibuslibet.

De lienis obstructionibus & duritie, cum periculo hydro-
pis & reliquis quartanæ febris, pro doctissimo
iuuene Vtinenſi, domino Ioanne
Baptiſta Luuifino.

Conſilium CLXXXIII.



Onestus ille iuuenis, qui nobis sanandus in præſentia proponitur, cum uarijs præter naturam affectibus uexetur, & inter ſe contrarijs, nimirum diuerſis etiam auxilijs inter ſe pugnantibus curandus eſt. Vitijs itaque tollenda, prius recenſeamus: deinde propria auxilia, & ita ſeruabimus methodum. Laborat itaq; in primis lienis obstructionibus, atq; duritie adeo, ut ſerè ſcirrhus uocari poſſit: atq; hic eſt præcipuus morbus, de quo conqueritur iuuenis. Etiam non nihil obstructionum in meſaraicis patitur. Flatu præterea in uentris culo, & toto ſerè abdomine abundat, cum inſigni tenſione atq; ſonitu, ſi quis digitis pulſet: propterea ipſi diſcrimen magnum hydropis imminet, niſi iam inchoata ſit tympanites cum leui aſcite. Nihilominus ipſum hydropicum appellari poſſe negamus, ſed ſpleneticum potius, quoniam eo ſanato, à quo tanquam à fonte cætera uitia emanant, totum corpus ad priſtinam ſanitatē reuertetur. Præterea & febre quadam laborat, quæ reſiduum eſſe uidetur quartanæ, quæ ipſum Decembri menſe proximo inuaſit, & pluribus menſibus infeſtauit. Nunc uero quodammodo erratica eſſe facta uidetur, cum neque certum diem, neque horam in ſuis circuitibus ſeruet. Huiusmodi tamen febris cula non eſt ægrotanti admodum moleſta: neque enim ipſe propterea decumbit, ſed domo exit, & quolibet expedite admodum & prompte deambulat: nullum præterea in initio acceſſionis rigorem, aut extremorum frigiditatem percipit. Hi ſunt præter naturam affectus, quibus ille infeſtatur, opemq; à medicis implorat, ne in peius labatur, uerum priſtinam ualeitudinem recuperet. His cognitjs à cauſarum narratione ſuſperſedebimus: hanc enim à nobis ægrotus non poſtulat, ſed illico ad remediorum explicationem accedemus. Omnibus itaque per clariſſimos medicos conſideratis, ita illis ſatiſfaciendum eſt. Primum quidem, quoniam omnia hæc uitia à materia pendent, ut à cauſa, ea prius remouenda eſt: id uero duplici inſtrumento fieri poteſt, uenæ ſec-tione, & purgante pharmaco. Antequam ad alterum iſtorum ueniamus, alius leni-enda eſt, deinde materia aliquibus conuenientibus ſyrupis præparanda. Accipiat ergo per quartam horæ partem ante prandium electuarij lenitiui, ut uocant, ſcſcunciam, idq; aut ſub forma boli cum ſaccharo, aut cum ſero caprino liquetur, aut cum aqua cichorij, & ſumiterræ, & fiat potio. Sequenti die in aurora huiusmodi ſyrupum accipiat:

℞. Syrupi de ſumoterræ ſimplicis

Acetoſi ſimplicis .

De cichorio ſimplicis

ana ʒ s.

Decoctionis infraſcribendæ

ʒ ʒ.

Miſce, & fiat ſyrupus.

℞. Agrimonij, id eſt, eupatorij

.. Cetrach, id eſt, aſplenij

Endiuiz

Cichorij

ana man. s.

Aquæ quantum ſufficit.

Miſce, & fiat decoctum ſecundum artem. Quater aut quinquies huiusmodi ſyrupo accepto, maneprius aluo lenita ſponte, aut clyſtere comuni, per horam ſaltem ante cibum ſecetur uenâ interior cubiti ſiniſtri, extrahaturq; ſanguis moderate uſque ad uncias ſex, aut ſeptem, aut pro iudicio præſentis medici: melius tamen fuerit ſi hæc

sanguinis quantitas duobus uicibus, non semel extrahatur, neque propterea à syruporum assumptione desistat, quoad in urina concoctionis bonæ signa uideantur. Quibus utilis pharmacum summo mane assumat :

℞. Agarici præparati	℥	4.
Confectionis hamech sine scammonio	℥	5.
Aquæ lactis	℥	3.

Misce, & fiat potio. Vel ita :

℞. Diasenæ	℥	1.
------------	---	----

Sacchari quantum satis est.

Misce, & fiat bolus. Accepto hoc medicamento iterum syrupi accipiendi sunt, sed prioribus efficaciores, hoc pacto :

℞. Syrupi de endiuia		
De fumoterræ compositi		
De pomis compositi	ana	℥ 8.
Decocti infrascripti		℥ 4.
℞. Fumiterræ		
Stoechados		
Asplenij Cichorij		
Tamarisci	ana	manip. 5.
Aquæ communis quod satis est.		

Incidantur omnia crassius, & mixta, in aqua decoquantur. Tales syrupos accipias numero septem, uel etiam plures. Postea hanc medicinam sumere debet :

℞. Confectionis hamech compositæ	℥	4.
Electuarij lenitius	℥	6.

Misce, & cum saccharo fiat bolus. Hoc medicamento assumpto per duos dies aut tres quiescat, iterumq; ad novos syrupos accipiendos accingat se: cum enim morbus à materia pendeat contumaci ac rebellis, non unica præparatione & purgatione educi potest, sed pluribus eget. Itaq; huiusmodi syrupis, sequentibus diebus etiam utetur.

℞. Syrupi acetosi de quinque radicibus		℥ 1.
De epithymo		℥ 5.
Decoctiois infrascriptæ		℥ 3.
℞. Corticum radicum capparum		
Polypodij		
Dulcis radicis		
Passularum enucleatarum	ana	℥ 8.
Asari		
Fumiterræ		
Filicis		
Tamarisci		
Asplenij		
Betonice		
Agrimoniæ		
Cichorij	ana	manip. 2.
Corticum radicum ellebori nigri		
Florum cordialium	ana	℥ 1. 2.
Seri caprini quantum sufficit.		

Misce, fiat decoctio secundum artem. Cum huiusmodi syrupos acceperit septem aut octo, postea illico talem medicinam accipiat :

℞. Rheubarbari optimi	℥	1. 2.
Spicæ	℥	1.
Vini aromatici parum		
Decocti proxime scripti quantum sufficit.		

℞ Fiat infusio per diem naturalem; deinde facta expressione.

℞ Confectionis hamech

Electuarij Indi ana 3 2.
Syrupi rosacei solutius 3 1. 5.

Misce, & fiat potio. Vel loco huius potionis accipiat pilularum cochiarum cum eleboro scrup. quatuor, aut pilularum Indarum, de fumo terræ, ana scrup. duos, & res formentur cum aqua fumiterræ, & fiant pilulæ quinq;. Deinde cum ita exquisitè corpus euacuatum fuerit, accedendum est ad alia remedia, quæ cum iecoris, tum lienis obstructions ualenter expediant. Itaq; semper in insculis suis decocta sit radix petroselinæ, & foeniculi cum folijs, & parum asplenij. Et quoniam morbus longus est, neq; unico remedio diutius utendum, quia ei natura assuefacta non paritur, ideo modo utatur hoc decocto;

℞ Radicum arnoglosi, id est, plantaginis siccæ

Corticis lauri
Chamædryos
Lapatis sylvestris
Foliorum hederæ ana M. 1.
Aquæ lactis quantum sufficit.

Misce, fiat decoctio usq; ad consumptionem tertie partis, & in fine parum aceti, quantum sit potabile, admisceatur; & ex hoc decocto summo mane sumantur uncie 5. *Authoc;*

℞ Scordij

Foliorum salicis
Radicum eryngij
Anagallidis cæruleæ habentis florem, ana M. 8.
Filicis
Chamæmeli
Agrimonij ana M. 1.
Aquæ lactis quantum sufficit.

Fiat decoctio ut supra. Postea ubi hoc usus fuerit per aliquot dies, inde utatur quibusdam remedijs sub forma pilularum, aut pulueris, & pastillorum, ad referendas occlusiones hepatis, & lienis. Ad iecoris autem obstructions hoc sit remedium;

℞ Radicum chamæpityos

Radicum cichorij ana 3 4.

Conterito, & melle cocto excipito, & ad auellanae magnitudinem præbeto, & aquæ calidæ 3 4. ab eius assumptione forbendas dato. Item lupini iecoris siccæ drachmam in puluerem redacti, cum uncia syrupi de cichorea propinato;

Pro lienis obstructionibus:

℞ Scillæ assatæ

Corticum radicum capparum ana 3 1.

Contunde, & præbe ex posca drachmam. Aliud ualde laudatum: Accipe seminum uiscis contusi & cribrati per subtilissimum cribrellum drachmas tres, atq; ex posca præbeto bibendum; atq; ita alternatim in aurora exhibebis modo spleneticum, modo iecorarium medicamentum: sed multo frequentius spleneticum, longe enim magis in hoc iuvene splen, quam iecur ægrotat. Item ultimo possunt aliqui pastilli ad partes faciendas uiscerum occlusiones exhiberi, ut exemplum sit: Accipe pastillorum de rhabbaro, aut de rosæ, aut de eupatorio drachmam, redigatur in puluerem, & cum uncia decocti cichorij & asplenij in aurora exhibeantur ista eodem modo. Post pastillos autem exhiberi potest, aut drachma confectionis dialachæ, aut diacurcumæ, aut Mithridati, aut theriacæ, si bona haberetur. Atq; ita semper uariando, modo unum, modo aliud ex antedictis remedijs dandum est, neq; diutius in uno insilendum. Quod si caliditas febrilis interdum cogat, aliquantulum de speciebus diarrhodon admiscenda est. Præterea exterius fomenta spleni adhibenda sunt, ut ex decocto geniste, filicis,

asplenij, chamæmeli, seminum lini, anisorum, dauci, cumini, & spongia ex hoc decoctis madens applicanda, uel uesicula bubula huius decocti plena superponenda: deinde cum oleo de capparibus, & amygdalino, & nardino iungendum est. Sed hæc olea debilia sunt, ideo ad cerota & unguenta magis mollientia & digerentia ueniendum est, quale est cerotum de meliloto, aut ocyphi cerotum: oportet enim simul mollire & digerere: ideo cerotum diachilon mollium cum oleo trino optimum est, aut cataplasma ex radice cyclamini, hoc modo:

ꝑ. Radicum cyclamini

lib. 1. 2.

Caricarum pinguium

lib. 2.

Aceti quantum sufficit.

Coquantur, & fiat cataplasma optimum. Item, sterus gallinarum, sicum, conusum, cribratum, in oxymeli concoquito, & confidenter imposito. Item, optime facit farina bordel, lupinorum, fabarumq; ex oxycrato imposita: præterea pyrites, aut molaris, aut gagates longitudine octo digitorum, latitudine sex digitorum, non multæ crassitudinis, ignescat, acetoq; aspergatur, panniculoq; in aceto calido madefacto inuoluatur, & loco imponatur affecto, ibiq; quamdiu calidus est, permittatur. Emplastrum quoque ex hoc lapide à Galeno fit diapyrites uocatum, quod mirum est in scirrho discutiendo. Veruntamen totum ferè in ratione uictus sicum esse existimandum est, siquidem omnis diuturnus morbus maximam ex conuenienti uictus ratione opem sentit. Quapropter aer in primis eligatur, qui neque in calore excellat, neque in frigore, & ad sicum dedinet. Caveat itaq; à pluuijs, nebulis, & uentis australibus, neque incolat, si fieri posset, loca palustria, lacustria, aut aquis uillis tum currentibus, tum stagnantibus irrigua, sed stagnantes longe sunt pessimæ: præterea loca olidis putridisq; uaporibus resecta euitentur, sed aer sit purus, apertus, & leui aura boreali perflatus. Exercitium corporis, cum febre caret, sit ante cibum, exonerata prius aluo, & id quidem moderatum, ingrediendo, aut equitando, & alijs gestationibus utendo. Quod si non possit, fricetur eius dorsum, crura & brachia deorsum uersus cum panno lineo tepido, non ualde molli, neque aspero, usque ad cutis ruborem. A cibo quiescat omnino per tres aut quatuor horas. Loquatur ante cibum alta uoce, & uociferetur. Noctu dormiat, quantum ad concoctionem satis est: meridianum somnum, nisi assuetus sit, caueat. Quotidie ante cibum aluum exoneret aut sponte, aut glandula simplici ex melle cocto, aut addita drachma specierum hieræ, aut per dysitere ex decocti chamæmeli, betæ, surfurum, mercurialis, maluæ, libra, olei anethini unc. tribus, sachari rubei uncijs duabus. Animo sit semper læto, nihil triste cogitet, seraper se conualitum esse credat: solitudinem fugiat, mulcis delectetur, semper amicorum & hominum iucundissimorum consuetudine utatur. Cibi uero & portiones, in quibus maxime uictus ratio consistit, sint attenuatorii, incisorii, absterfiori, & æritum rerum. Comissiones per interualla interdum proderunt, ut sinapis, piperis, sacchari, & huiusmodi, præcipue cum febris sedata fuerit, modus autem cibi est, ne satietur. Potus uini sit paucissimus, quantum satis erit ad sedandam sitim. Panis itaq;, ut ab eo incipiamus, ex polline triticeæ farinæ conficiatur cum mediocri sale, & bene fermentetur, præterea, ut flatus, quibus hic ægrotus abundat, discutiantur, conficiendo pani cornu misceatur semen anisorum, sceniculi, seseleos, cumini, & optime coquatur. Carnes sint hœdi aut ueruecis iuuentis, aut uituli lactentis, pullorum gallinaceorum, aut columborum in turribus degentium, auicularum quæ ex arboribus, montibus, aut campis uictum quæritant. Visentur aues in aquis degentes, & carniuoræ: oua etiam forbilis profunt. Etiam omnino hæc carnes elixentur, & in iusculis coquantur radices forniculti aut petroselini cum solijs, aut utraq;, & condiantur cum cinnamomo omnia cibaria, & aceto. Pisces non sunt boni, nisi saxatiles. Oleribus interdum elixis uesci poterit, ut betæ,

beta, malua, aut quod cerefolium vocant, mentha, petroselinum, & reliqua huiusmodi. Abstineat ob omnibus leguminibus, à brassica, rapis, cucurbitis, cucumeribus, lacte, & omnibus lacte confectis, & lacticiis. In aceterijs frequenter utatur capparibus ex oxymelite, aut folijs buglossæ & boraginis coctis, & endiuiz, intibi, aut cichorij. Fructibus uti potest, uvis passis ante cibum & post, interdum amygdalis, nuclei pinei stomachum lædunt. A pomis, nucibus, castaneis, uvis, persicis, melonibus, & breuiter ab alijs omnibus fructibus, præter ficus, & eis consimiles, abstinere melius fuerit, donec huiusmodi febris & obstructions penitus sublata fuerint. Potu utatur uino albo, tenui, non acerbo, cum quo permisceatur aqua, in qua ferrum candens igne sæpe sit extinctum. Optimum erit si omnia ipsius cibaria in tali aqua decoquantur. Præterea fiant uascula ex ligno tamarisci, in quibus uinum, quo uti debet, contineatur. His omnibus ita congruenter institutis, & corpore diligentiissime, ut superius comprehensum est, purgato, si febris abolita fuerit, tunc credimus ultimum & præsentissimum remedium fore, si aquas Apponenses potauerit, quarum experimenta multa uisa sunt in aperientis uiscerum obstructionibus, & omnibus naturalibus membris roborandis. Atq; ita, Deo annuente, huic nobilissimo iuueni pristinum corporis robur & ualetudinem restitutum iri speramus, atq; indubitanter confidimus.

Pro nobili, cui hepar inflammatum, & uentriculus ob id debilitatus erat,

Consilium CLXXXV.



QUIDAM NOBILIS à quibusdam rei medicæ imperitis peruersus, maluaticum nimium hausit, ac in uindemia uinum, nigrum, ut pote fortitus, hoc consilio, ut imbecillitas uentriculi, quæ ex frigidityte ortum habebat, corrigeretur, cumq; ad potum uini fortioris ætias calidior accessisset, inflammatum est illi hepar, cuius demum intemperatura multo maiorem uentriculo imbecillitatem conciliauit. Nam cum actiones hæ sint uentriculi, appetere cibum, ingestum retinere & concoquere: duæ eius partes sunt: superior, quæ nimirum appetit, siccor ac frigidior: inferior uero calidior & humidior. At uero caliditas nimia hepatis exiccat humidum, cum quo calor dissoluitur: nulla est concoctio, nec appetentia cibi ulla, ob uentriculum calefactum nimis. Quid ex his prognosticandum? Corporis imbecillitas: quia uentriculus non concoquit, sed corrumpuntur uerius omnia, quare uomitus frequens: & quia obstructum hepar, atque etiam supercalefactum, nulla est in corpore sanguificatio. Calefactio hepatis & obstructio tollenda esset missione sanguinis, à qua abstinendum est propter uinum imbecillitatem, ne magis prosternantur. Quare dieta uentriculus corroborandus, & ministrandi cibi pauci, & facilis coctionis. Interdico illi uino omni, nisi austero. Decoctum endiuiz bibat, nam omnia cichoracea confortando uentriculo apprime sunt utilia. Dico autem cichoracea, endiuiz, sonchon, & si quæ sunt alia id genus: nam quia amara, ideo sunt calida: calefaciunt igitur & confortant, & leniter etiam refrigerant. Quare syrupum de cichoræa cum rosato ordinaui. Confortato uentriculo, totoq; adeo corpore, accedam ad infrigidationem hepatis, quæ fiet per phlebotomiam basilicæ dextri lateris,

De tensione hypochondrij dextri, ex hepatis scirrho, cum cachexia
& dolore dorsi, qui ad renes extenditur.

Consilium CLXXXVI.



T satisfaciam officio meo, quatuor proponam. Primum erit explicatio omnium symptomatum, quibus affligitur Nobilissimus iste uir. Secundo est querendum, quis sit locus principaliter affectus, uel dans occasionem symptomatibus; & simul ægritudinem queremus, an una uel plures sint. Tertio uidendum, qui mores, quod tempus, quis motus, qui terminus, & quæ causæ tam extrinsecæ, quàm intrinsecæ. Hæc sunt à nobis dicenda. Circa symptomata, ut à notioribus incipiam, primū quod occurrit, & manifeste apparet, est tensio hypochondrij dextri, circa costas mendosas in regione uentriculi cum dolore, ut uix percipiatur, cum leuiter comprimitur; si uero fortius comprimat, manifeste percipitur. Secundum quod apparet, est tensio in toto uentre inferiori, ita quod dextra uentriculi, intestinorumq; regio inferior tument præter naturam. Præterea conqueritur de dolore, qui incipit, ut ipse asserit, à spina, & extendit se usque ad utrumq; renem, percipitq; intendi cum mouetur, ascendit scalas, & se exercet. Habet præterea egestionis liquidas, & quod notandum est, quandoq; ueluti loturam carnis egerit. Urinas tennes & uarias habet, aliquando fuluas, aliquando albescentes. Conqueritur aliquando, sed raro, quod nauseam patitur cum deiectione appetitus. Principalia uero symptomata sunt, tensio dextri hypochondrij, cum dolore dorsi, qui ad utrumq; renem extenditur. Habet præterea in toto corpore non quidem atrophiam, sed dispositionem ad cachexiam, quia non uidetur mihi admodum emaciatus, habet tamen carnem subrutidam. His ita existentibus symptomatibus, oportet primo considerare locum affectum, an sit unus uel plures: secundo, dolorem & tumorem hypochondrij dextri, quoniam ex eis causas omnium symptomatum inueniemus. Nulli dubium est, quod ibi est dolor & tumor: & ex quo est in dextra parte prope costas mendosas in regione uentriculi, nemini dubium est ægritudinem facientem hæc duo symptomata esse uel in hepate, uel in uentriculo, aut in musculis exterioribus. Sed quod non sit in uentriculo, ex actionibus uentriculi apparet, quia actio laesa indicat affectionem: & quia non uidemus actionem aliquam uentriculi laesam, non possumus dicere esse in uentriculo. Quo ad uirtutem appetendi, licet non appetat, ut solitus est appetere, comedita ment: & licet eueniat ut uideatur affectus contentiuæ: quia tamen raro id accidit, ratione obiecti uidetur contingere, cum multum & copiosissime bibat & comedat. Præterea non habet fluctuationem in uentriculo, quod est signum, iuxta Galeni sententiam in tertio de causis symptomatum, pathognomonicum, cum uirtus contentiuæ est affecta; quia cum non continet uentriculus quantum & quomodo oportet, fluctuationes apparent. Ideo quantum ad contentiuam, bene se habet. Quo etiam ad concoctionem, ex egestionibus non apparet lesio; & licet sint liquidiores, non ualet propter hoc, quod non sint concoctæ, quia quo ad substantiam & colorem sunt concoctæ. Quare autem sint liquidiores, dicemus. Cum igitur omnes operationes sunt sanæ, igitur uidetur sanus uentriculus, non dico sanum, quindicam esse diminutum, quia uentriculus patitur per consensum membri affecti, propter propinquitatem, imò reliqua membra naturalia compariuntur. Si igitur nocumentum est in uentriculo, illud est ratione compassionis. Cum igitur non sit in uentriculo ægritudo faciens ista symptomata, erit uel in musculis, uel in hepate. Sed non est in musculis, quia dolor est obrusus per compassionem, & uix percipitur, nisi fortiter cōprimatur. Præterea reliqua signa etiam apparent, quæ indicant affectionem hepatis. Erit igitur in hepate, tum quia dolor & tumor sunt in regione hepatis, & ubi dolor est continuus, ibi est ægritudo. Cum ergo in dextra parte sit, & non sit nec in musculis exterioribus, nec in uentriculo, ergo in hepate est.

Iste discursus mihi uidetur rationalis, & sic locus affectus inuentus est iudicio meo. Sed hic difficultas est, quæ sit ægrotudo in loco isto. Dicam sententiam meam (saluo semper meliori iudicio) non quidem animo contradicendi, sed ut id quod sentio, pro rei ueritate in medium adducam. Mihi inquam uidetur, quod ægrotudo hæc, quæ in hepate est, nullo pacto sit calida, sed prorsus frigida; & dicam coniecturas, quæ me mouent, ne uidear ad placitum loqui. Primum est totius cutis decoloratio, quia color plumbeus uidetur esse in toto, qui attestatur super dominium frigiditatis. Et maxime quod urget me, & persuasit ut id crederem, fuit, quia ipse dixit, quod omnes in patria sua admirabantur, & percunctabantur ab ipso, cur ita decoloratus esset. Cum igitur indicet color priuationem sanguinis laudabilis, ad liuiditatem tendit. Sufficit ergo quod plumbeus color super dominium frigiditatis attestatur, quia Galenus 4. de tuenda ualetu. dicit, colorem dominium humorum attestari, nisi ad profundum decumbant: raro tamen (inquit ipse) ad profundum decumbunt. Sed præter illum colorem, est illa dispositio præcedens; quia scitis quod proprium munus hepatis est sanguinem facere; quando temperatura ipsius excedit per caliditatem, assat sanguinem, & calidior rem facit, & corrumpit: cum autem sanguis calidior multiplicatur in toto, & superassatur, non potest uniri nec assimilari, & tunc non contingit decoloratio, nec tumor, sed ulcera in toto uel in parte apparent, in quam præcipitatur humor. Ideo alia symptomata, & alie ægrotudines sequuntur ad caliditatem intemperatam hepatis: hic autem est potius diminutio, & infœlicitas sanguinis: propterea quod sanguis non concoquitur, & inde abundat sanguine crudo. Et ista uidetur una coniectura, ut credam frigidam ægrotudinem esse in hepate. Sed alie sunt fortiores. Prima est, quia Galenus dicit in 8. & τὸ πρῶτον, quod ubi in hepate est mala temperatura frigida, uirtus alteratrix afficitur, ut liquidæ appareant egestionis, similesq; loturæ carnis: & hæc indicant ægrotudinem frigidam. Sed ultra auctoritatem Galeni, ratio hoc indicat & dicat, quia hepar non potest deducere chylum ad rectam formam sanguinis, ideo regurgitat ad intestina, & apparet lotura carnis. Quod etiam ibi adsit frigiditas patet, quia nō sit attractio chyli, ut oportet, quia ubi est affectus calidus, non solum non deficit attractio, sed fortior fit. Nec debet dici, omnem dyscrasiam corrumpere actionem, & deficere: uerum quidem est quod corrumpit actionem naturalem, sed ubi fiat excessus per calidum, deficit ex superabundantia caloris coctio, & corrumpitur, nec fit actio bona, deficit autem, quia superassat, & superat. Ita ubi est caliditas in excessu, quanto maior caliditas erit, tanto maior fiet attractio, non quidem secundum naturam, sed præter naturam, quia plus attrahit, quam oportet. Præterea dicit Galenus, si in hepate talis affectus fuerit, & diutius perseverauerit, fiet temperatura frigida. Si ergo in isto perseverasset affectus calidus per quatuor annos, deuenisset ad tabem: sed potius in cachexiam deuenit. Præterea si tangimus, non apparet quod ibi sit insignis caliditas: imò obtusa est, ergo non potest esse affectus calidus in hepate, nec in extremis. Et ista sunt signa, quæ mihi satis persuadent, intemperiem frigidam esse. Diceret aliquis, quid dicis de egestionibus illis liquidis, & de urina fuluæ? Dico quod causa potest esse tam intrinseca, quam extrinseca. Extrinseca quidem, assumptio uini potentissimi inflammantis hepar alioquin naturaliter calidum insigni inflammatione. Intrinseca uero potest esse, quia ibi adsunt obstructions, nec liber est transitus humorum, qui generantur in hepate, congregantur in loco, calefiunt, & corrumpuntur, & hepar calefit, ex qua calefactione generatur postea bilis, quæ apparet per urinam, & per excrementa. Et ita possunt esse causæ tam intrinsecæ, quam extrinsecæ. Præterea caliditas renum potest esse causa, quia fiat quod sit caliditas in renibus, & frigiditas in hepate superacquisita. Istæ sunt coniecturæ, quæ mihi persuadent ut credam intemperiem frigidam potius quam calidam esse in hepate. Vtrum modus sit intemperies sola, an uero præter eam sit aliquid aliud? Cum ibi sit dolor ex compressione, & tumor in eodem loco præter naturam, ergo ibi est aliquod genus humoris præter naturam. Sed quod genus? Scitis ex GALENO, quomodo hepar ad scirrhus sit paratum. Ego uereor, & utinam non sit, quod

ſibi ſit ſcirrhus, licet non inſignis; ſed tumor præter naturam frigidus, non quidem à melancholia, ſed à pituita craſſa cauſatus; quia ſcitis ex Galeno, ſcirrhum dupliciter fieri poſſe, ut inquit in ſecundo ad Glauconem, à melancholia, & à pituita craſſa. Quòd autem crediderim eſſe ægritudinem compoſitam in hepate ex intemperie frigida & humida cum ſcirrho incipiente, & in conuexo hepatis, id me mouit, quia tactu percipitur talis tumor. Igitur mihi uidetur, quòd locus affectus ſit hepar, & pars illa quæ amplectitur ſtomachum, & in parte eius gibba; & non ſolum intemperiem ad eſſe, ſed malam compoſitionem, principium ſcilicet ſcirrhi. Et hæc de eſſentia ægritudinis. Quantum uerò attinet ad mores, ad tempus ægritudinis, & ad alia, credo mores eſſe peſſimos. Primo, quia in hepate eſt, & in membro nobiliſſimo, cum ſit inſtrumētum generationis ſanguinis neceſſarij ad uitam, ex quo generantur ſpiritus: ergo ægritudo mala eſt ratione membri. Præterea principium ſcirrhi eſt, & pauciſſimi poſſunt curari; & Galenus dixit, nunquam curatos eſſe ſcirrhos. Præterea eſt peſſimorum morum, quia eſt maximus lapſus à naturali temperamento, quia ex habitu totius corporis, & quia mores habet bellatoris uiri, calidi eſt cordis & hepatis; & cum ad frigiditatem lapſum ſit, maximus eſt lapſus, & ex conſequenti ægritudinem credo malam eſſe. Præterea ratione ſubiecti, quia hic homo non indulgebit præceptis noſtris. Quo ad motum, quia ita tardus eſt, credo quòd ſit chronicifſimus, quia iam quatuor anni ſunt, necdum apparet principium. Ideo crediderim tum ex intemperie, tum ex ratione, ſcirrhi eſſe principium, quia omnia adhuc ſunt imbecillia; nec frigiditas ualida eſt, ut faciat hydroperem, bene credo uenturam. Quo ad terminum morbi, credo quòd in hydroperem terminabitur, ſi uerum eſt quòd talis ſit intemperies, & ſcirrhus, & quia iam incipit turgere uenter. Reſtat modo, ut de cauſis tam intrinſecis quàm extrinſecis dicamus. Sed antequam hæc dicamus, reliqua quæ ſequuntur ad iſtam ægritudinem, explicabimus. Primo conſequitur tumor tñ in dextra, quàm in ſiniſtra parte. Cauſa huius uidetur manifeſta, cum ſanguis non ſit ſicuti oportet, ſed pituitoſior, flatuatur in locis ſubcalidis, & cum flatuatur in loco ubi ſunt inteſtina, tunica inteſtinorum, omentum, abdomen, quæ partes dilatantur, implentur flatu, & intumeſcunt, & ad aſcitem uel tympanitem terminabitur. Et quia ſplen conſentit, non attrahens ſæcem ſuam, plumbeitas apparet, quia miſcetur ſanguini; præterea dolor in dorſo conſequitur, qui extenditur ad renes. Credo quòd cauſa ſit ſanguis ille pituitoſus delatus ad uenam cauam in gibbo hepatis: cum ad uenam illam deſertur in loco calidiſſimo exiſtens, ebullit pars illa, & ita apparet dolor in uena caua: & quoniam ramificatur in duas propagines ad utrumque latus, & ad renes diſtribuuntur, extenditur dolor uſq; ad renes, propter uenas illas quæ ad renes deferuntur. Augetur autem cum aſcendit ſcalas, & cum exercet ſe, quia tunc turget ſanguis magis per motum, & inflammatur magis frigida materia exiſtens in uenis copioſa. Etiam urina multa conſequitur ex plurimo potu, quia ſunt aperta uiz: & quoniam ſumus adhuc in principio, non ſunt ſæua ſymptomata. quia ergo multū bibit, ergo multū urinae egerit. Quo ad cauſas illius intemperaturæ hepatis, à qua dependet talia ſymptomata, dico quòd aliquæ ſunt extrinſecæ, aliquæ intrinſecæ & corporeæ, ſeu antecedentes. Extrinſecæ quidem & manifeſtæ, quia audio uirum intemperatiſſe: eſt: ideo circa omnes res non naturales fecit multa peccata; & quia miles fuit, circa aërem, circa coitum inordinate ſe habuit, & breuiter omnia fecit delicta, quæ fieri poſſunt circa ſex res non naturales. Et ex fuerunt cauſæ extrinſecæ & primitiue, ex quibus poſtea ortæ ſunt obſtructiones, propter crapulas, & maxime quia ad eſt ſuſpicio ueneni aſſumpti. Sed nunquid poſſit uenenum aſſumptum à quatuor annis citra, eſſe cauſa? Credo quòd non, nec poſſumus imaginari, quod genus ueneni hæc fecerit ſymptomata. Bene poſſunt eſſe uiri qui faciant uenena, quorum notitia non deuenit ad nos. Sed quoniam ad tria capita uenena omnia deducuntur, quorum quædam per qualitatem manifeſtam frigidam interſiciunt, aliqua per calidam, aliqua per occultam qualitatem: ſi fuerit uenenum quod per frigiditatem operatur, dicebat Galenus lib. 5. de ſimplici medicina, ſi prima die non operatur, ſtatim ceſſat eius uirtus: quia faciens moram

non potest pertransire ad cor, & alteratur à calore innato, & nō amplius sit uenenum: cui si calidum quippiam permisceatur, facilius & citius penetrabit, & magis interficiet. Habentq; sua signa: cerussa inficit dentes: mandragora, cicuta, & reliqua frigida offendunt sua signa. Quia ergo pertransiuerunt quatuor anni, ideo non potest esse suspicio de ueneno frigido. Calida uero uenena sunt illa, quæ per corrosionem operantur, ut auripigmentum, risigallum, sublimatum: ubi hæc fuerint assumpta, corrosionem faciunt, & uomitus æruginosus sequitur, nec deficit actio nisi forte purgato toto corpore, cor fuerit corroboratum ex Mithridato: sed hæc confectio occurrit uenenis, quæ à proprietate, & à forma occulta operantur. Si uero fuerit uenenum quod à forma specifica operatur, statim interficit. Si forte diceretis, ex pugna inter corpus & uenenum talis sequi accidentia: non uideo quomodo id fieri possit. Posset aliquis dicere, inficitur hepatis, sicut ex uulnere accidit, cum curatum est uulnus, remanet adhuc imbecillius membrum, ita poterit uenenum causare qualitatem malam ex illa infectione. Dico, hoc posse quidem dici: sed si consideramus symptomata, illum leuem uomitū, non uideo quomodo tam diu potuerint perseverare symptomata. Quantum ad signa illa iam dicta de fuga coqui, si ego essem iudex, essent signa efficacissima ad torturam. Sed si considerata fuerit res à propria essentia, fuga coqui potuit esse, quod cum hic sit uir magnificus & terribilis, timens eum aufugerit: sicut pincernæ Cardinalis de Medicis euenit, qui auditis querelis, quod Reuerendis, fuit ueneno interemptus, aufugit timens, postea tamen compertum fuit ipsum fuisse in re illa innocentissimum. Hæc uolui dicere, ut ostendam signum nullum sumi à natura rei de ueneno assumpto. Sed quicquid sit de illa suspitione, quod potuerit facere huiusmodi imbecillitatem, nō uariabitur cura, modo conueniamus in causa, & quæ sit temperatura in hepate. Quo ad causas intrinsecas, credo tum ex malo regimine, tum ex ueneno assumpto (si uultis uenenum assumptum fuisse) multos humores crudos fuisse aggregatos obstruentes, & intemperiem illam causasse, & adhuc multam cacochymiam perseverare unā cum symptomatibus. Et ex his quæ diximus, credo hæc fuisse symptomata, & quis locus affectus, & quæ ægritudo, & quæ causæ tam intrinsecæ quā extrinsecæ. Remanet ultimum, quod modo sit curanda hæc ægritudo. Circa quam curationem, sicut distinximus de causis, & natura morbi, ita etiam in ipsa distincte debemus procedere, quia tunc distinctas habemus indicationes, cum natura rei fuerit distincta. Indicationes autem curatiue potissimum à causa, & à loco affecto sumuntur: & quia causæ aliæ sunt intrinsecæ, aliæ extrinsecæ, de extrinsecis primo dicemus. Dico igitur cum rebus omnibus extrinsecis attenuantibus esse procedendum ad calidum declinantibus, ut obstructions aperiantur, & crassi humores attenuentur, & intemperies mala tollatur, quæ tamen non sint eleuatae in caliditate, quia causa faciens ægritudinem cum ualida non sit, ualidis etiam non indiget. Ideo moderate calidis utemur, quæ in primo calida sint: & sic prænam concederem, confectam tamen cum modico piperis uel cinnamomi: & reliqua nihil placerent, quæ currunt eodem cursu. Vinum moderetur in potentia, & tenue sit in substantia. Carnibus utatur modicæ superfluitatis, facili decoctionis: & circa reliqua seruetur ratio hæc, ut crudi humores non multiplicentur, nec obstructions, uel propter multitudinem somni, aut paucitatem exercitij. Quantum attinet ad causas intrinsecas, est primo causa, quæ habet formam causæ antecedentis, præter eam quæ loco affecto coniuncta est. Et cum in toto sit cacochymia, ut ex temperatura & ex colore appareat, ideo corpus primo mundificandum est ijs instrumentis distinctis: primo curatione per secessum: secundo prouocatione urinae: tertio prouocatione sudoris uel distensus per halitum. Et hæc tria credo esse necessaria. Per secessum autem euacuabimus, cauendo ne exhibeamus medicinas trahentes à longinquo, ut dicit Galenus in secundo uel tertio de fac. nat. qui ait, quod nimia euacuatio medicinarum ualidarum colliquit substantiam hepatis, & relaxat ita uenas, ut præparetur ad recipiendas superfluitates: & præterea attraheremus cacochymiam ad loci affectum. Ideo benedictis medicinis uti debemus, quia cum his attrahimus ab hepate, splene, & ab intestinis: & nollem

& nollem ut transiremus hepar, ideo Rhabarbarum, manna, diacatholicon, lentitium, essent conuenientes medicinae: & si modicum agarici uellemus exhibere, possemus, sed in modica quantitate, quia à longinquis attrahit, ut etiam à iuncturis attrahat. Et hæc si quando ad euacuationem per seccum, preparatis tamen prius humoribus, non cum his quæ habent proprietatem ad hepar, quia tunc nolumus corroborare: sed cum syrupo acetoso, oxymelite, cum melle rosato. Secundo per urinam euacuare uellem materias quæ sunt in conuexo hepatis: tunc syrupus de cichorea, qui habet Rhabarbarum, hysanthinus, de radicibus, & omnes alij qui prouocant urinam, mihi placerent, alijsq; tam simplicia, quam composita. Et in isto secundo processu ita facerem. Tertio per sudorem & per halitum euacuare, ut malus habitus solueretur: & cum oleis calidis aperientibus, & cum balneo preparatis cum herbis habentibus uim resoluendi & aperienti procederem: & eo tempore uter euacuatione, quæ euacuat per hæc omnia. Tunc laudarem balnea Patuina, quia illa hunc affectum tollent: & credo quod balnea S. Helenæ, ubi adest bitumen, magis conuenirent, in quo est uis molliendi, ut si qua durities esset in partibus, solueretur. Imò ne aliquid intactum relinquam ad intemperiem tollendam hepatis, cogitarem de potione ligni, ut prouocarentur urinæ, & tolleretur intemperies. Vellem etiam ijs ita peractis me conuertere ad locum affectum, & linimentis uter haberentibus uim corroborandi, sicut est oleum de spica, de absinthio: & deuenirem ad confectionem habentem uim corroborandi. Et inter reliqua post euacuationes factas, donec uiderem sanitatem exactam, uellem ut in qualibet septimana pilulis ex hysa & Rhabarbaro uteretur, ut si quid residuum esset in hepate, tolleretur, & obstructions etiam, & per interualla assumeret florem calsiæ cum Rhabarbaro, maxime in tempore æstatis, & perseveraret, & contineret se in recta ratione uictus. Et ista est forma, qua ego procederem.

De hydropicis

Consilium CLXXXVII.



HYDROPS est nomen accidentis. Videndum igitur est, quæ sit ægri-
tudo, unde hæc proueniat. Est autem ægritudo faciens hydropem in-
temperies frigida hepatis: eaq; est immediate causâ, Hippocrate & Gal.
restantibus. Sicut igitur non potest esse febris, nisi sit caliditas ignea in
corde, ita non potest esse hydrops, nisi sit frigiditas hepatis, siue posita
aqualitas, siue uentositas proueniat ex diminuto calore. Cum autem generetur san-
guis ab hepate, necessarium est magis aquosus, & flatuosus. Talis autem frigiditas uel ac-
cessit hepati immediate essentialiter, uel ob resolutionem & defectum sanguinis, ac
spirituum, ut sit in hæmorrhoidum fluxu nimio, aut sanguine narium, unde sæpius
uidemus hydropem generari. Hæc priuatiua est frigiditas hepatis, alia positiua. Et hi
sunt duo modi, quibus contingit hepatis frigiditas. Potest autem etiam alio modo con-
tingere, ob multitudinem humorum in corpore dominantium, ut si pituita plurima
abundet corpus, ob multam cibi molem, ita ut ratione subiecti, id est ægri, sumentis
multum & malum alimentum, confundatur & suffocetur calor hepatis, ut non possit
conficere bonum sanguinem. Vel sit ob scirrhum, uel apostema, contingens uel in he-
pate uel uentriculo: uel ob plurimos flatus: semper igitur frigiditas debet esse in cor-
pore. Cum igitur hic constet esse hydropem, & propterea frigiditatem, qualis sit causa
dendū. Temperatura huius fuit calida & humida. Si loco naturalis calor is, successisset
non naturale frigus, primum deuenisset ad quandam *maximam*, postea ad Anasarcam, sic
enim incipit Hydrops. Secundo non præcessit euacuatio sanguinis: ergo non po-
test esse frigiditas priuatiua. Tertio, non potest esse ex deprauatione multorum humo-
rum, quia non uixit intemperanter, relinquitur igitur quod sit ex obstructione, quæ
facta

facta est in uenis mesaraicis. Habuit enim febrem tertianam intensam, in qua maxime patitur uentriculus, ita ut nesci intra 14. dies curentur, in pessimas incidant egritudines. Cum igitur precesserint febres, postea intumuerunt pedes, uerisimile est factas esse obstructions in illis partibus, & ita refrigeratum hepar per consensum. Cumq; est frigiditas in hepate, necessario sequitur frigiditas (per consensum) aliorum membrorum. Talem igitur fuisse causam credo. Intumuerunt pedes, & cum natura habuit alimentum incommodum, non amplexata est, quare crudum, & inconcoctum fluxit per omnes partes, & illa pars, in quam magis agere potuit calor, flatuata est, nam calor agens in materiam & non resoluens flatur, sicut circa autumnum & uer sunt plurimi flatus: æstas autem resoluit eos, hyems uerò cōuertit in aquas. Ita diebus præcedentibus cum calor ualidior esset, uidimus tympanitem, nunc suffocata caliditas, ob multam materiei redundantiam apparet Ascites. Hanc mutationem non miremur, utrumq; accidit à piuita, sed antea est flatuata, nunc resoluta in aquam manifestissime apparentem in uentre, cum materia flatuosa. Habemus igitur ita actiones læsas, quarum causa est frigiditas in hepate, facta primo per consensum, nunc uerò, ut uereor, essentialiter propter longam moram.

PROGNOSTICVM. Vbi multa copia humorum frigidorum, maxima debilitas caloris, & spiritus sequitur, longus & difficilis morbus, membra affecta, ut suo officio fungi non possint.

CVRA. Necessè est ut hepar redeat ad temperaturam suam naturalem; & quia habemus tam ualidum hostem, circa materię educationem animaduertendum. Faciem igitur hoc, ac singulis diebus euacuare aliquid, cum illis, quæ aperiant obstructions, & calefaciant corpus, talem calorem scilicet addendo, ut possit conficere alimentum. Darem igitur, quod mihi est familiare, ligni illius Indi ꝓ 1. cum rhubarb. ꝓ 1. subtiliter puluerisati. Ex hoc sumat duo cochlearia quotidie, uel alternatim hieræ simp. ꝓ 2. ante ecenam. Singulis etiam septimanis accipiat elaterij ꝓ 4. uel 3. cum lacte, hoc modo: ꝓ 2. Elaterij ꝓ 3. Lactis ꝓ 2. educit illud aquam, & si hoc non satis esset, darem ad ꝓ 5. uel sex Elaterium. Omnino cuperem, ne multum, imò parum biberet, quia exiccatio est huius morbi cura. Exiccat autem lignum, & roborat. Id tribus horis ante prandium sumat. Vellem uinum tenue quod biberet, staret per medium diem è uase exhaustum prius quàm biberet, quia tenuius sit, & acerbitas aufertur, & uellem quoq; quàm primum ex uase sumptum esset, imponeret Cinamo. Caryophyl. aliquid, nec excederet unum cyathum. Cibi actus, & potentia sint sicci, panis cum Aniso & Foeniculo. Carnes condiantur cum Cinamomo & Caryophyllis, quæ exiccant, & prouocant urinam, ut petroselinum, & sint carnes bonæ. Ante & post cibum utatur duobus cochlearijs Anisi præparati, & opt. mastice. Febris ei non nocet, quia exiccat. Extèrius nihil applicarem. Si uellet, darem balnea, ita tamen, ut quantum biberet, tantum etiam per urinam excerneret.

Alia curatio Hydropici.

Monacho sexagenario Ascite & tympanite laboranti, dedit pillulas de Aloe, nec uoluit uti fortioribus, & eduxit aliquid quotidie, ac roborauit membra, ac aperuit obstructions. Item Absinthite, uinum dedit album, subacidum, propter excitandum appetitum. Diuretica exhibuisset, sed plus urinæ reddebat, quàm biberet. Limacum carnes cum suis cochleis contruxit, & superposuit, ualde profuit, educunt & exiccant mirabiliter.

Alia Hydropici cura.

Habuerat quidam morbum Gallicum, ex quo factus fuit Hydropicus, dedit Elaterij ꝓ 10. cum aquæ lactis ꝓ 3. postea syrupum de Absinthio, & aquas Theriacum.

Victum præscripsit tenuem, & dedit asparagos. Pro ictione pedum iussit accipere Anethum, & Chamamelum. Alia. Quidam habebat durissimas obstruções hepatis, & splenis, eratq; Hydropicus, ei consuluit, ut decoquerentur cortices fraxini cum aqua, & modico aceti, & cum syrupo de Ceterach biberet. Deinde accederet ad Thermas, & dum biberet aquas, exciperet singulis diebus fumum de lapide molari ignito, & aceto asperso. Et reliquo tempore se ungeret oleo Amygdalarum dulcium.

Puellæ Hydropicæ.

℞. Elaterij	ʒ	7.	
Seri lactis	ʒ	8.	Item

℞. Agarici præparati

Aloes optimæ

Rhabbarbari electi ana 3 2.

Cum oxymelle fiat magdaleen, de quo fiant pilulæ 3. pro singulis uicibus 3 1.

Item

℞. Anisi

Caryophyllorum ana 3 1.

Diachylon cum gum. 3 3

Extendantur supra corium, & applicentur toti uentri ab ore stomachi usq; ad umbilicum.

De hydropæ pro puero in hospitali S. Francisci.

Consilium CLXXXVIII.



Ydrops hic oritur à fluxione. Estq; fluxio in suo genere generalissimus morbus, sed hydrops pender à mala temperatura, quæ in corpore est, propter excessum frigiditatis, quæ facit, ut non possit concoqui materia, sed maneat in corpore sicut aqua, estq; ille proprius caracterissimus hydropis, quod ubi debebat esse calor, ibi est frigiditas. Regula est, ubicunq; uidebitis in agro totum corpus affici mala temperatura, hic dicatis uitium esse in principio alicuius uirtutis. Verbi gratia, si nulla pars corporis mouetur, dicatis uitium esse in principio motus, id est in cerebro. Si uero unum membrum esset immobile, alterum mobile, iam non est uitium in principio. Sic ubi uideris unum membrum laborare uitio cõctionis, ut cum crus intumescit, reliquum uero corpus est in bono habitu, non est uitium in principio uirtutis naturalis. In hoc puero non est uitium in motu, quia mouetur, nec læsæ operationes cerebri, quia imaginatur, & memoratur, nec exteriores sensus læsi, quia uidet, audit, nihil ergo uitij in operationibus animalibus, quæ sunt à cerebro. Quantum ad uirales operationes, pulsus boni satis, ergo calor influit à corde. In naturali uitium est, quod indicant læsæ operationes, non enim nutritur, ut debet, crura, & pedes arefacti, & alimento priuati, uenter turgit, sunt igitur extrema sine nutrimento, nec uenter nutritur, sed habet materiam aggregatam potius, quàm nutrientem. Est ergo uitium in principio, quia æqualem uidetis læsionem in toto, est arefactum alimentum per totum, ergo uitium in hepate, & quia est diminuta actio, necesse est eam ex frigiditate provenire: quia ubi est corrupta actio, ibi est calor præter naturam, ubi est diminuta frigiditas. Est ergo hepar temperaturæ frigida, quod colligitur ex actione diminuta. Sicut proprium in febribus cor nimium excalescit, ita in hydropæ semper hepar nimia frigiditate afficitur, ut testantur Galenus & Auicenna. Est ergo hic intemperies frigida, & est facta dispositio, & impressio. Videndum tamen, an cum materia, an sine materia, & si ex materia, an per essentiam, an uero per affluxum. Postest autem utroq; modo contingere talis frigiditas in hepate, uel essentialiter, ex naturali dispositione hepatis, quia frigidus: tales hepatici dicuntur; & sæpe etiam incidunt in hy-

in hydropem, præsertim cum & cor est frigidius, etiamsi non sit affluxus alioqui, nec apostemata frigida, nec scirrhi; uel etiam per affluxum, quando multitudo materiei affluentis obstruit uias, & calor eliditur, & impeditur transitus, propter generatum apostema, aut scirrhum. Potest etiam talis frigiditas fieri ex resolutione caloris, ob defectum alimenti, & cum exhauritur sanguis. Ita ob fluxum hæmorrhoidalem nimium, sæpe uidetis hominem in hydropem labi. Sicut Medicus Florentiæ, qui ex nimio fluxu hæmorrhoidum incidit in hydropem, ubi uolebant calefacere hepar. Ego dixi caute à calidis, quia frigiditas non est in hepate per essentiam, sed propter priuationem alimenti. Si adhibebitis calida, deducetis eum ad tabem. Si uultis curare, debetis nutrire, & regenerare sanguinem amissum. Si esset ex intemperie frigida sine materia, illa corrigi deberet calidis. Sed ibi est frigiditas per priuationem, ob remotionem alimenti seu sanguinis, qui fouet calorem. Cum igitur possint esse tres causæ frigiditatis, quæ ex illis est in hoc puero? Hæc à forma & magnitudine sumenda, uenter tumet magna mole, externa membra sunt arida, id fit, quia uenter abundat alimento, & illud non conficitur, cætera membra carent. Si frigiditas esset per essentiam, totum corpus esset inflatum & tumefactum, brachia etiam & pedes, quæ species Hypofarca dicitur. Sed hic æger Asciten habet, quia membra arida sunt, nec ita sonitus percipitur, nec est simplex intemperies sine materia. Sed est aliquid quod impedit. Non est etiam positua frigiditas essentialiter facta in hepate, alioqui enim omnia membra pariter tumerent. Ergo priuatiua: sed non ex defectu alimenti, non enim sanguis ex eo effluxit, ergo ex affluxu materię, quia totum corpus turget, obstruuntur meatus, & prohibetur transitus, ne alimentum possit per uenas commode distribui. Ideo cibus aggregatur, & in aquositate redigitur, transitq; inter peritonæum & intestina. Diffusatur enim eo per uenas, ubi etiam inuenit partes frigidas, & si in uentum transit, plenum aëre fit abdomen. Si uero in aquam, fit Ascites, & raro fit unum solum: sed sæpe semper utrumq; nisi quod quandoq; plus de aëre, quandoq; plus de aqua, prout plus, uel minus est frigiditatis.

PROGNOSTICVM. Puer ille morietur, quia quatuor iam annos laborat, & præter obstructionem, duritiem quoq; hepatis patitur: hepar in scirrhum incidit, & ego credo, eum scirrhum habere, ut lapidem, sed propter duritiem non potest attingi: est ergo refrigeratio essentialiter in hepate, & est morbus, primo in temperatura per affluxum, deinde in compositione, quia meatus obstruitur; & in figura, quia tumor præter debitam figuram, in quantitate, nam uenter magnus, & in numero, quia ibi plurima aquositas præternaturalis: operationes uitalis & naturalis læsæ. Vtrum autem in corde sit febris? Non credo: calor tamen aliquis esse potest. Est enim pulsus paruus, frequens, & inæqualis. Sunt autem tres causæ contenturæ pulsus. Virtus mouens arteriam, instrumentum & necessitas, seu usus euentationis. Vbi aliqua horum mutatur, mutantur & pulsus. In hoc paruus, quia uirtus debilis non potest mouere, frequens, quia multis supplet uicibus natura, quod semel non potest: inæqualis, quia natura aggrauatur multa materia, cupit cito euentare, & defatigatur cito, & rursus insurgit, non aliter ac baiulus portans magnum onus, nunc currit, nunc paulatim it, nunc tremunt crura, nunc stat. Semper priusquam ad opus accederitis, consideretis, utrum possitis agere, & sic poteritis prognosticare, uel saltem ambiguitatis rationem dicere. An igitur possit curari, uidendum est à causa efficiente, & materia, quia omne agens per hanc agit. Causa efficiens est calor innatus. Deinde materia, quæ debet expelli, eam necesse est proportionatam uirtuti esse. Sed hic superat, nec est aliqua proportio, quia materia quotidie augetur, & uirtus minuitur, ergo uereor ne moriatur. Non enim potest sequi actio, ubi non est proportio efficientis, & materię.

CVRATIO. Indicationes à natura rei sumuntur. Hic refrigeratum est hepar. Sed contraria contrarijs curantur, ergo calefiat. Item à materia corporea, id est, humorum euacuatione. Incorporea intemperies alterationem indicat, hic ad est frigiditas

cum materia: non igitur possumus alterare sine expulsiōe. Est enim frigiditas per fluxum materiæ, & pendet ab humore. Ergo non incipiat a frigiditate hepatis, sed aperiat obstructions, & expellat materiam. Sed quia materia crassa concoquenda est, ut separetur bonum a malo, & quia concocta, non cruda mouenda. Si non esset tanta frigiditas, possent applicari calida in primo gradu, sed hic materia frigida atq; rebellis admodum, ergo potestis dare calidum usq; ad secundum, ut Bdellium, Myrrham, & alia, quæ concoquant materias crassas, & frigidas: Emplastra ex Fœnugræco, aceto, Stoechade, Betonica, Amaraco uiridi, & decocta facere. Idem & in potu faciendum. Sed in principio non curetis nimium aperire, nisi factis aliquot euacuationibus, quia alias per uenas distribuetis crudas materias, & facietis Hypofarcâ. Euacuantia aquam duo sunt præstantissima, quibus Medici utuntur: succus Iridis, quo cunctis modo datur, eius dosis drach. 3. uel 4. Elaterium, cuius dantur sex uel octo ad summum g. sed quia excoriat, ego soleo admiscere lac asini, uel caprinum, uel uaccinum, usq; ad 3. 4. Sæpe etiam clysteres dantur, qui per aluum educant materiam. Cibis utatur exiccantibus, facilibus concoctionis, auius assatis cum Cinamomo, Caryophyllis, & Macere, quæ calefaciunt. An a potu debeat abstinere: Vbi est Tympanites cum ariditate membrorum, oportet ut bibat, nisi enim nutriatur alimento humido, non habet distributionem alimenti, ergo cum humido oportet iuuare distributionem in membris aridis, Bibat igitur uinum album, tenue, mediocre, non acidum, sed bene maturum.

De hydropico ex ascite cum Tympanite.

Consilium CLXXXIX.

Habemus hominem qui fuit Curfor, & prius incidit in anginam, quæ uixit cum per 40. dies. Est ualde prudens, ut mihi uidetur, inter eius ordinis homines: quia audiuit uinum non conuenire, abstinit a uino per duos menses: quia uerò sitijt admodum, multum aquæ bibit, in quo non satis fuit prudens: & iam undecimus est dies, ex quo incidit in tumescitionem pedum, & uentris inflationem. Credit se melius habere, cum non appareat tumor adeo magnus in pedibus: sed deterius habet multo, quia materia ascendit ad uentrem, & percipit ex motu uelut fluctuationem quandam, & uidetur initiū esse ueræ tympanitæ, & ascitæ: plerumq; enim iunguntur ista. Tympaniam non possum deprehendere ita manifeste hodie, ut heri ex uentris inflatione. Sed quibus ex causis oriatur Anasarca sit, quoties intemperies est in uenis & hepate, sine aliquo alio insigni nouamento: ascites uerò & tympanites fiunt, quādo sunt obstructions in hepate, mesarich & splene, ut cibus non possit reddi per omnes partes. Et semper sūt istæ duæ species cū obstructionibus insignibus. Vidi Venetijs religiosum quendam ordinis Prædicatij in hospitali S. Ioan. & Pauli, hydropicū ex ascite & tympanite, qui fuit curatus. Adfuerunt mecum excellentiss. medici plurimi, scilicet, Papiensis, Eugubinus, Trincanella & alij. Habebat is, ut dixi, ascitem cum tympanite, & tabem cum febre hectica: oportebat tum exiccare & humectare: quare eramus in maxima discordia. Ego uolebam ut multum biberet, sed quæ aperirent, quia habebat plurimas obstructions. Præterea ut humectaretur, quia ad tabem peruenerat. Ordinabam ego syrupum acetosum, cum omnibus quæ prouocant urinam. Eugubinus uolebat quicquam esse bibendum, & narrabat de quodam historiam, qui per sicca fuit curatus. Papiensis, ut litem dirimeret, concludit, neque liberaliter, neque omnino nihil esse bibendum. Res extrahebatur usque ad noctem, deducebant nobiles unumquemq; Medicum ad suam cymbam. Ibi tum Papiensis, quod antea dissimulauerat, conuersus ad Magnificum quendam, dixit, si uultis curare hunc Dominum, profecto non aliud erit faciendum, quàm quod consuluit Baptista Mont. Vidi repleum quendam aqua inter cutem, qui non poterat uentrem

uentrem sustinere, sed fascia ligatum continebat. Vidi alium qui in ponte Riuus alti elemosynam petebat, mendicum hydropicum tantum in brachio: is adeo distentam habebat manum, ut facile æquaret manicas ad terram usque demissas. Vidi etiam puellam hydropicam in gutture tantum, ut tumor longissime dependeret, quam curavi per incisionem. Est ergo hydrops abscessus quidam, qui in qualibet parte corporis accidere potest, præcipue tamen in abdomine. Quanto deterius habent, tanto plus habent de aqua: & similis, plus de uento. Est igitur tympania minus malum quam ascites. In hoc autem nostro est adhuc plus de uento quam de aqua, nec adhuc facta est putredo. Accipiat iam syrupum acetosum, diarhodon, ordinatum à Domino Hieronymo de Saxonia, quem non mutabimus, quia aperit & confortat: sed loco aquarum iubebimus fieri huiusmodi decoctionem:

℞. Chamædryos

Agrimoniam

Cichoream

ana

℥. 1.

Coquantur in libris duabus aquæ ad consumptionem tertiæ partis: facta expressione diligenti, seruetur decoctum pro quatuor syrupis, cum syrupo ordinato à Domino Hieronymo. Item accipiat ante syrupum pilulam infra scriptam:

℞. Specierum hieræ simpl.

3 ℥.

Fiat una pilula.

Per agrimoniam intellige eupatorium antiquorum, non argemonem: debemus enim nominibus uti usitatis, & habere intensionem rectam. Habebit inde hæc suauis menta: egeret singulis diebus, aperiet, corroborabit uentriculum, concoquet melius, & extirpabit aquam. Agrimoniam, chamædryos & cichorium habent etiam proprietatem ad hepar: & quia obstructionem magis habet in uentriculo, singulis diebus accipiat unam pilulam de hiera. Quando septies, aut prout uideritis, ista exhibueritis, poteritis alia maiora exhibere. Nunc nihil exterius applicetur, ne materia attrahatur. Accipiat syrupum tantum cum pilula, quia ista pilula plurimum eduxit: unde colligere possumus, esse in concauo magnas obstructions, quæ uentositatis causæ sunt, & imbecillius coctionis. Quare nisi istæ ablatae fuerint cum uentositatibus, nunquam curabitur. Necesse igitur est, ut accipiat hieram. Præterea uolo fomentum ex absinthio, cum uino potente & aceto, sine aqua, ordinare, quia uolumus resolueret: ut fomentetur uenter cum spongia bis uel ter, deinde linimentum adhibeatur.

℞. Absinthij

M 2.

Aceti fortissimi

Vini optimi ana quantum sufficit pro fomentatione.

℞. Pulueris Cimini

Anisi

Carui

Ameos

ana

3 ℥.

Olei de costio

Nardini

ana

3 ℥.

Cum cera fiat linimentum molle pro loco.

Tertio die abiit Montanus, & post octiduum rediit, ac prohoemij loco sequens nobis retulit.

De eodem Hydropico, in quo multa de uiribus fumi
terræ explicantur. Consilium CXC.

IN fene isto hydropico, uidetur mihi malum auctum, quia intumuit uehementer, etiam facies magis est tumida, si recte animaduertetis. Causam audietis. Cura nostra, si recte meministis, erat directa in id, ut calefaceremus, & exiccarem hepato, quia ex longo aquæ usu, quam copiosissime biberat per sex fere menses, nimium sese refrigerauit: obstruitur ergo uix inter hepato & uentriculū mesaraicæ, & facta est tympania flatū habens inter peritonæū & partes alias, quæ raro, imò nunquam est sine aqua. Est præterea uir circa 56. uel 60. annū. Est ergo morbus frigidus, ut omnis hydrops essentialiter est frigidus. Exhibebamus ergo syrupos calefacientes & aperientes, & singulis diebus unam pilulam de hœra, ut calefaceremus, & paulatim educeremus. Præterea fecimus inagistrale linimentū uentri & pedibus, & ita in hoc puncto reliquimus patientem, & abiuimus alio uocati, credentes ita perseveraturum eum in medicamentis ordinatis. Sed aliter factum inuenimus. Nam interim accepit succū fumi terræ, cum sero lactis, & extra usus est emplastro meliloti. Videamus quid ista possint, an intentionibus nostris satisficiant. Serū lactis refrigerat & humectat, teste Gal. lib. de alim. & simpl. facult. Quamuis Mesue dixerit habere uim calefaciendi & exiccandi, sed eam admodū leuem, nec insignē. Quare & ipse ubi uult refrigerare in humoribus adultis, exhibet serū lactis tanquam aquā, (non putemus Mesuem, uirū certe magnum, contradixisse Galeno) quæ habet frigiditatem, actu potius humiditatem quam potentia. Quare Gale. uolens infrigidare, accipit aquam ualde frigidam in synochis & causionibus, & ista frigiditas potest remoueri facile cū aliquo simplici: nam si addatur sulphur, calamenthū &c. tunc calefacit magis: uisum enim aqua tanquā fundamentum, materia, basi & subiecto aliorū calefacientū & refrigerantium. Tale quid præcise imaginatus est Mesue de sero lactis. Et sine dubio per se, & absolute loquendo, uoluit serū esse frigidum: sed quia à lacte uulgo separatur cū coagulo, quod est calidū & siccū, facile in se recipit istas qualitates, aut secundū Dioscoridem cum oxymelite. Credidit ergo propter adiuncta, serum esse calidum & siccū, non per se. Et ita est concordandus Mesue cū Galeno, neque propterea est mendacius arguendus, sed proprie confusus est dicendus, quod propriū est Arabū: nam omnes Arabes potius sunt confusi quam mendaces, quia procedunt confuse, aut quod ea quæ bene intelligebant, non poterant exprimere, aut quod male uersi & translati sunt. Certe Mesue non debebat absolute dicere serum esse calidū & siccū, sed distinguere, scilicet, serum præparatum secundum modū Dioscoridis, aut etiam ut nos facimus, esse aliquando ex parte calidum & siccum, licet in se sit frigidum & humidū. Sed si non uis conciliare ipsum hoc pacto, crede magis Gale. principi Medicorū, qui distincte loquendo, aperte serū frigidum esse ponit. Non ergo dandum fuisse, ubi calefacere & exiccare oportebat. De fumoterræ nullus certus est gradus à Gale. neque ab alijs expressus: ubi enim Gale. subicit, ibi miris modis alijs cæcunant & cōtendunt: uelut etiam de rhabbarbo, argento uiuo, ferro: methodū eorum nō habent, quia destituuntur luce Galeni. Sed nos certum gradum dabimus, uera methodo inquirentes. Gustanti apparet, in fumoterræ amaritudo satis insignis, hoc est, supra mediocritatem, non tamen aloë & absinthio comparanda, & præter ipsam nulla percipitur uis aut astringendi, aut acrimonizæ. Ergo amarus est cū aqueis partibus pluribus. Signū huius est quia aquositas eius uidetur linguam humectare. Præterea tenuilla herbula plurimum reddit succum, & si tantum saluiz, calamenthi aut absinthij sumpseris, duplo fere plus ex fumoterræ extrahes, ad hæc facile exiccatur, & fit prorsus effœra, sicca, sicut foenū: nec retinet ea succum, sicut aliæ plantæ, quia succus eius est tenuis, subtilis: percipitur igitur amaritudo cū insipiditate. Sensus autem magis percipit sensibilia intensa quam remissa: sed aquea cū sint insipida, non mouent sensus. Amaritudo autem est obiectū gustus, fere ut dicit Arist. uellicans, quod sumpsit à Platone. Amaritudo est ex partibus terrestribus adultis, insipiditas ex frigida

frigidity & humiditate. Et licet plus adsit humiditatis & frigiditatis, tamen non ita percipitur: non enim movent sensum, nisi frigiditas valde intensa fuerit. Scimus nunc esse partes diuersas in fumoterræ, sicut in coriandro, quod & calidum est & humidum. Ratione amaritudinis fumoterræ est calidus & sicus, abstergens & aperiens, & hæc non potest secundum gradum pertransire: nam omnis amaritudo in caliditate non pertransit secundum gradum, quia per uehementissimam adustionem fit acris sapor. In amaris simplicibus partes igneæ potius exhalant, & remanserunt terræ. Sic absinthium est calidum in primo gradu: succus autem eius, quia terrefactitas est magis remota, est calidior. Ita aloë non pertransit secundum gradum. Si ergo absinthium calidum est in secundo gradu, quid dicemus de fumoterræ, qui adiunctam habet plurimam humiditatem? Certe uix attingit primum gradum caliditatis. In passivis autem est ferè temperatus, quia habet amaritudinem cum multa humiditate tenui: quare valde abstergit, & obstructionem liberat, & non calefacit: potest etiam refrigerare & humectare multa aquositate. Quare recte dicitur abluere melancholicos humores, & conferre succis adustis, quod experientia in omnibus terris probauit: & certe experientiæ est plurimum fidendum. Quod si opiniones omnes vulgi huius urbis coniungerentur, de fumoterræ, aut re alia, optimus exurgeret medicus. Quare ego consulo, ut quoties refrigerare, humectare & abstergere uolueris, fumus fumoterræ: non autem quando intentio occurrit calefaciendi & exiccandi. Male ergo hactenus factum est cum ægroto nostro. Neque emplastrum meliloti admodum facit ad propositum nostrum, quod in duritie confert, sicut etiam cerotum celsi descriptione Philagrii, ut habent luminaria. Sed in isto uolumus resoluerè, & etiam una corroborare, ut tonus membrorum maxime principalium conferueretur. Nam quando laxa sunt reddita, non possunt bene conficere alimentum: ergo & illa remouebimus. Hæc prohiæmij loco dicta sunt hac uespera, quæ uobis valde utilia esse iudico. Neque uerò me quisquam iniquum esse dixerit in alios medicos, qui ea uobis propono & declaro, quæ recta sunt & artificiosa. nam hæc esset magna malignitas, indigne bonis disciplinis. Primum omnia symptomata obseruate circa egrum, postea eadem diligenter audite, si uultis proficere. Hydropsicus quia habet tympaniam cum ascite, magis tamen tympanitem, est iam in manifesta declinatione: perseverabimus tamen adhuc in nostris intentionibus, quæ sumebantur à ueris indicationibus. Calefaciemus & exiccabimus hepar, & obstructions auferemus, tumorem etiam ex flatu & aqua resoluemus & euacuabimus. Quatuor ergo ista faciemus. Ordinabimus autem linimentum, non emplastrum (Sumo autem emplastrum modo moderno: quod nos cerotum uocamus, appellantur emplastrum) quia emplastra dum exiccantur, decidunt, & per lectum sparguntur, & sunt ægris molesta.

℞. Olei de costo	℥.
Nardini	℥. s.
De absinthio	2.
Masticis	3
Specierum diacimini	3

Cum modico ceræ fiat linimentum pro toto uentre.

℞. Syrupi acetosi	
De radicibus ana	℥.
De absinthio	s.

Detur mane sine aquis: quia humida ut aqua, non conueniunt, ubi habemus aquam & uentum: atque ubi aperire uolumus obstructions, in regione stomachi & mesariciis, oportet medicamen ibi morâ facere. In radice credo quod fuerit calidæ & sicæ temperaturæ: sicut etiam ex habitu corporis apparet & colore: qui ex malo regimine prouenit. Fuit enim cursor, & post magnam defatigationem, ut fit in tabernis, uini plurimum hausit potentis, aut etiam crassi. Collegit multum etiam adustionis, melancholici humoris, qui defecit in crure: solet enim illa loca petere propter grauitatem, unde uarices, & cacochylia ulcera fiunt. Ex colore igitur, asperitate ad tactum, & calore etiam,

sibi apparet humor adustus, qui longe aliter est tractandus, quam superiores illi affectus, qui calida & exiccantia requirunt. Nam cruribus in hac dispositione conueniunt res abluentes & refrigerantes. Optimum igitur fuerit lauare pedes sero lactis, in quo sint res abstergentes, ut fumus terræ: si uero sumptibus parcant, aqua hordei cum fumo terræ, folijs boraginis, & aliquanto fursuris.

℞. Hordei		P	4.
Fumi terræ			
Boraginis			
Endiuizæ	ana	M	2.
Fursuris		P	4.
Ebulorum		M	5.

Bulliant in stulis duabus aquæ, ad consumptionem medietatis.

De eodem Hydropico,

Consilium CXCI,

Cursor pelus nunc habet et quam antea unquam, quia nihil eorum quæ præscripsimus, fecit. Vrina est alba, liuida, non pallida; nam hæc esset satis bona, si pallida aut citrina; sed plumbea aut cineritia, significat frigiditatem, & extinctionem caloris naturalis. Luciditas & splendor urinæ, aliorumque quæ sunt in corpore, sunt à calore & spiritu. Ergo priuatio luciditatis indicat spirituum priuationem. Hydrops est accidens, non ægritudo. Intemperies autem hepatis, & mesaraicarum obstructio est ægritudo. Prouidimus ergo cum calefacientibus, aperientibus & abstergentibus, sed nihil est adhibitum. Morietur bonus senex, nisi adhibeatur summa diligentia. Potest commodè adhiberi in hoc casu emplastrum diaphcenicon, meliloti, Agrippæ. Sed quia aggrauant, & etiam exiccant, sunt ægris molesta. Linimentum igitur ordinauimus, quod idem faciat. Semper est operanda, ut non tantum salutaria ordinemus remedia, quod ad morbum attinet, sed etiam grata ægrotis, & quæ minime ipsis sint molesta. Semper cum uultis aperire, addantur amara, quia ista cum fundentur in materia crassa & terrestri, moram faciunt, & obstructions aperiunt: acria incidunt potius, & penetrant. Galenus fuit non dico simplex, ne putetis me Galenum reprehendere, sed bonus uir: nimio quodam studio uoluisse conformare Dioscoridi. Nam cum ille in fumo terræ dixerit uim esse mouendi lachrymas, hic etiam præter methodi rationem dicit cum habere acrimoniam.

An diuretica conueniant in præseruatione affectus renum & uesicæ, pro Magnifici & Clarissimi Marco Antonio Contareno Prætoris Parauino, & equite aurato dignissimo,

Consilium CXCI,

Queritur an in præseruatione sanitatis Magnifici & Clarissimi domini Marci Antonij Contareni conueniant diuretica. Et ut sub uniuersali, particularis rei ueritas magis elucescat, non erit absurdum uniuersalem questionem proponere: An in tempore sanitatis, ad præseruationem conueniant diuretica, ijs qui renum uesicæque affectibus sunt parati. Nam quod conueniant, uidentur nobis persuadere aliquot rationes & autoritates. Primo enim, quæ uias aperiunt urinarum, & abluunt materias impactas, & crassas incidunt, ea maxime confectæ uidentur ad talem præseruationem: sed diuretica cuiuscunque

cuiuscunque generis, hæc omnia maxime efficere possunt; ergo. Confirmatur, quia molis titudo urinae proculdubio utilissima est abstergendo, abluendo, & incidendo, ut tantum renes quam vesica purissima remaneant: ad urinae autem multitudinem generandam nihil efficacius diureticis; ergo. Præterea Paulus in tertio lib. cap. 45. præservandis à calculo, diuretica exhibenda iubet cum oxymelite; idemque omnino asserit Avic. lib. tertio, Fen. 18. tractatu secundo, cap. 18. Præterea autor ille qui de renum affectibus scripsit, in præservando renes à passionibus, utitur uino albo tenui, & cibis attenuantibus, quæ omnia sunt diuretica. Ergo diuretica videntur convenire in præservatione sanitatis. In oppositum, quod minime conveniant, arguitur sic: In conservanda sanitate renum & vesicæ, summopere cavendum est ne materia trahatur ad loca infirma, sed potius avertatur: à diureticis autem trahuntur materiae, ergo diuretica non conveniunt. Neque obstat quod aliqui dicant, trahi quidem materias, sed easdem quoque educi. Nam præterquam quod non conveniat evacuari, & materias attrahere per loca infirma, est & aliud incongruum, quod in longo transitu & mora, multæ materiae sæculentæ aliis quid, semper relidet, impingiturque parietibus tum renum, tum vesicæ, quæ successively ad maximam molem perveniunt, ut in matulis videre licet. Præterea in quolibet membro evacuando, intentio perpetua medici est, ut illud corroboret, augeatque vim, quam Galenus tonum appellat: quæ vis seu tonus secundum magis & minus omnibus membris est necessaria, ut resistat extrinsecis, & proprias vires conservet. Id autem sit rebus mediocriter astringentibus. Ergo à diureticis cavere debemus, quæ omnia, quatenus diuretica sunt, vim habent aperiendi & attenuandi, non adstringendi. Præterea manifestum est, renes & vesicam, ubi semel aut bis afficiuntur, ut plurimum imbecilliores reddi, & præparari ad nocumenta facile suscipienda. Quod inde apparet, quod qui sepe mel aut bis calculum, vel retentionem aut difficultatem urinae perpessi sunt, vix possunt omni conatu præcavere, quin toto vitæ curriculo non subijciantur ipsi. Certum autem est, quod ad loca imbecilliora in humano corpore semper propelluntur, decumbuntque excrementa totius, ut Gale. 3. de naturalibus facultatibus dicit. Igitur non sunt aperiendi renes aut vesica, alioqui debiles in tempore suæ sanitatis; aut præparandi ad excrementa suscipienda: sed potius corroborandi, & adstringendi, ne facile recipiant nisi serositatem tantum, quam naturaliter attrahunt. Præterea autor de renum affectibus, in præservatione sanitatis, avertendos esse humores corporis asserit, per alium præcipue, ut scilicet (ut ipse ait) urinae clariore purioresque reddantur. Præterea Nicolaus vir doctissimus, sermone 5. tractatu 9. detestatur in tali præservatione diureticorum usum: cum asserit ea renes debilitare, & ad superfluitates totius corporis suscipiendas disponere, & renes tanquam lacunam efficere. Vnde concipe (inquit) errorem communiter practantium, & assiduo utentium eis. Arculanus etiam in 9. ad Almanforem, cap. de ardore urinae, cum cognovisset diureticorum usum summopere nocere, experientia & ratione ductus: nesciretque quomodo Rasis & Avicennæ auctoritatem salvaret aliter, non male distinxit diuretica, asserens levioribus quidem nos interdum uti posse, à fortioribus tamen cavendum. Ex ijs igitur apparentibus rationibus in utraque partem, oritur ambiguitas, quid magis credendum sit. Sed profecto viros doctos, & in medica arte eruditos, qui scire potius quam altercati student, ne sint tales, quales Petrarcha descripsit: Non discere, modum contender uaghi, id est, qui sapere haud cupiunt, sed lites necesse malunt, nulla impedit dubitatio: facile enim discernunt, quo tempore, & quibus competant, & quando prohiberi debeant. Ad sophisticas igitur molestias evitandas, distinguemus quæ ad rem pertinent, ut clara singularum rerum habeatur cognitio, quæ ad rectum usum accommodetur. Primum ergo sciendum, diuretica communiori significato sumi posse pro quibuscunque, quæ quocunque modo urinae copiam efficere possunt: & sic omnia aquea, aut liquida, quæ tenuis substantiæ sunt, diuretica appellant, inter quæ vinum præcipue album, tenue, & pauciferum est: habent enim à tenui substantia, quod facile penetret ad vasa urinaria; habent ab aquositate multa, & paucio succo ad alimentum idoneo,

quò copiam urinæ faciant; nam & facile iisdem de causis separantur à natura, & ad renes attrahuntur. Sub hoc etiam communi significato includuntur, quæcumq; cum tenuitate substantiæ abstergunt, & penetrant: hæc enim ijs qualitibus uias aperiunt, crassioresq; humores modice attenuant, & uiscidos abstergunt, quæ omnia urinæ copiam poterant intercipere. Et sic semina melonū, gramen, adianton, hordeum, diuretica appellantur. Alio modo proprie sumuntur diuretica pro ijs, quæ uim habent separandi serositatem admixtam sanguini, colligando, incidendo, distinguendo, quæ omnia munera sunt caloris. Et hæc sunt necessario tenuis admodum substantiæ, calida & sicca in tertio, sicut seseli, daucus, anisum, foeniculum, petroselinī semen: & de ijs expressit intellexit Galen. non de alijs diureticis agens, s. de simplicibus medicamentis, cap. 12. Sciendum secundo, renes & uesicam disponi ad facile suscipiendos affectus; uel uitio essentialiter in ipsis existente, ut mala complexionē frigida, exempli gratia, aut calida, aut aliqua ex alijs octo, cum materia, uel sine materia; uel mala compositione, ut nimia uiarum latitudine, aut angustia, aut obstructione impactorum humorum, aut abscessu, aut scirrho, aut huiusmodi; uel ubi aliunde uitium emanarit, ut si in toto sanguine plurimus fuerit succus deprauatus bilis, uel pituitæ, uel alterius cuiuspiam humoris, uel à capite distillatio emanauerit, uel aliquid tale. Tercio, aliud est conseruatio sanitatis, aliud præseruatio, conseruatio enim est, ubi remotis omnibus impedimentis corporis, tam complexionis, quàm compositionis, & continuitatis, totum studium nostrum est conseruare quod acquisiuius, quod quidem fit cum ijs quæ custodiunt proprium calorem membri, propriam temperaturam, compositionem, continuitatem, & tonum. Præseruatio uero à timore uel cautela non separatur; uidet enim semper aliquid imminens, proximumq; periculum, quæ adhuc duplex est, uel enim illud periculum iam actu in corpore est, uel iam proximum est ut adsit. Primo modo, uel ibi est aliqua ex malis temperaturis, uel compositionibus, quæ actu quidem non faciunt ægritudinem, sed facturæ sunt. Secundo modo, quando non est quidē adhuc ita, sed iam præsens corpus est, ut in aliquid eorum collabatur. His igitur ita prænotatis dicimus, in conseruatione sanitatis illius qui in morbos renū, uel uesicæ incidere consuetus est, nullo modo conuenire diuretica, siue proprie dicta, siue improprie, nisi forte quatenus alterant, & alterando corroborant; ut, exempli gratia, si quis esset frigidiorum renum, uel uesicæ, conuenirent illi diuretica proprie dicta, nō quatenus urinam prouocant, sed quatenus calefaciunt; si uero haberet renes calidos, conuenirent illi diuretica frigida, ut semina melonū, cucurbitæ, quoniam alterarent suā frigiditate contrariam temperaturam, nec male talia alterantia eligemus diuretica, quoniam promptius & facilius ad eas partes deferuntur. Vnde & Gale, decimo *libro* *traktat* cap. primo, admisceri iubet diuretica lenitius & emplasticis, non quia ut diuretica conueniant, sed ut conducant reliqua &c. Si uero ratione temperaturæ aggregarent humores crassos & uiscidos, aut uias angustas haberent, conuenirent inter reliqua attenuantia diuretica communiter dicta liquida, & tenuia substantia, modice calida, quale est uinum album: & non etiam hoc quatenus diureticum, sed quatenus alimentum tenue præbet, & facile per uias angustas penetrat. In præseruatione uero sanitatis uel est præseruatio primo modo dicta, uidelicet quando aliquid in corpore est præter naturam, non quidem faciens ægritudinem, sed iam facturum: & tunc uel illud est in renibus & uesica essentialiter, ut in secundo modo patuit, uel in alia parte corporis. Si in renibus & uesica, uel erit mala complexio cum materia, uel sine materia. Si sine materia, erit alteranda per oppositas qualitates, ut frigida cum calidis, calida cum frigidis, & sic de singulis; & tunc per accidens poterunt conuenire diuretica, ut in præcedenti capite dictum est. Si uero fuerit cum materia, & illa materia erit calida, & ita conuenient diuretica frigida communiter dicta, ut semina frigida nota. Si uero fuerit materia frigida, præsertim crassa aut uiscosa, tunc maxime conueniunt diuretica proprie dicta, non tamen semper, & quocumq; modo, sed ubi prius totum corpus purgatum fuerit, si in corpore fuerit suspicio multitudinis eiusdem humoris. Diuretica enim in hoc casu non tantum præparant humores, sed

sed etiam euacuant, ut testatur Gal. in primo sexti Epid. Si uero fuerit uisum in compositione, uel uiz erunt nimis late, tunc sic nullo modo competent diuretica, sed potius adstringentia: si uero uiz fuerint stricta, in hoc etiam casu nullo modo cōpēnt diuretica absolute, sed per accidens, ut quę generant tenues humores, uel crassos incidunt, tale enim corpus humoribus indiget tenuibus, & bene concoctis, aliter renes facile obstruantur. Si uero fuerint obstructions uiarū, certum est eas indigere aperientibus, & incidentibus: & quoniā talia sunt pleraq; diuretica, ideo hoc nomine diuretica conueniunt. At si renes & uesica nullo uitio laborent, sed propter humorū multitudinem, & nimiam potentiam membrorū expellendum, materias ad eas partes præcipitantiū, nullo modo in eis conueniunt diuretica, neq; per se, neq; per accidens; imò potius utendum erit auertentibus, & purgantibus, uel per uentrem, uel per uomitum, uel per sudorē, aut uias alias magis paratas. Si uero præseruatio sumatur secundo modo, quando scilicet nullum uitium in corpore fuerit actu, corpus tamen ita se habeat, uel paratum sit, ut ipsa uesica, & renes ex qualibet leui occasione incidere possint in huiusmodi affectus, tunc neq; in hoc casu ullo pacto diuretica debēt admitti, quatenus diuretica sunt, nisi ratione alicuius qualitatis, quę membrum corroborare possit, ut in præcedenti capite diximus. His igitur ita uniuersaliter distinctis pro casu Magnifici & clarissimi Prætoris, suppono illum esse subiectum retentioni urinę, quę sit propter crassos & uiscosos humores collum uesicę obstruentes, & impediētes transitum urinę, ut nos ita nunc experimento probauimus. Supponimus secundo istum Clarissimum & Magnificum uirū habere sui morbi purissima & longissima interualla: purissima, quoniam in tempore suę sanitatis libere admodum & copiose mingit, ut ego notauī dum mingerem obseruarem: potius ut dubitandum, sit ne uias nimis latas habeat, ratione quarum facile incidat aggregata in corpore materia uiscosa, in huiusmodi affectu, dum scilicet ex materia facile ad uias uesicę prolabitur, neq; habet aliquid aliud accidens interim affligens siue ardoris, siue difficultatis urinę. Suppono tertio, suam Magnificentiam non ita exquirere uiuere: sed licet non ingurgitet se sicut heluo, uiuit tamen nullū genus cibi aspernans, & nullum habens uinorum delectū. Quibus ita suppositis, dico ex superius probatis, quòd si iste Clariss. uir actu iam ægrotauerit propter præsentiam materiei, uel si non ægrotabit, percipiantur autem ex signis manifestis habere illum in uis urinę aut uesicę humores crassos & uiscosos, qui proxime iam facturi sunt accidens, expedit illi in hoc casu, euacuato prius toto corpore, & præsertim uentriculo & intestinis, ut per diuretica præparet, & euacuet illas materias in renibus & uesica contentas. Vtrumque enim ex diureticis fieri potest, ut diximus ex primo 6. Epid. & conuenientissime euacuabimus per urinam, quę in uesica & renibus sunt, ut tertio Artis parue, cap. de causis præseruantibus. Si uero nihil quidē humoris in illis partibus habuerit, sed in toto corpore sint, & continuo aggregentur, maxime cauebimus à quocunq; diureticorum genere. Si uero corpus omnino mundū fuerit huius Clarissimi uiri, neq; alia re indigeamus nisi pura conseruatione, dico nullū prorsus conuenire illi diureticū, quatenus diureticum: dico quatenus diureticum, nam ego sæpe admonui suam Magnificentiam, ut quammaxime cuitaret quęcunq; crassos humores generant, ac propterea inter cetera laudari uinum tenue, paucaferum, non quia uinum esset urinam prouocaturū: sed quia facile concoqueretur, distribuētur, tenuēq; alimentū generaret, imò & crassos humores attenuaret, quod in hoc Clarissimo uiro maxime quærimus. In usu uero sanitatis suspectum habeo summopere uinū album: nam plus æquo penetrat ad urinę meatus, & secum excrementa concludit. Tutius ergo est uinum tenue quidem, sed subrubrum, habet enim quod attenuet, & humores minime crassos generet: sed non quòd ita uirinas prouocet, & aperiat. Tota ergo uis in præseruando Clarissimum uirum est, ut humores crassi minime generentur, & si generati fuerint, per omnes potius uias educamus quàm per urinam, per uentrem scilicet, & per uomitum, & per sudorem: facile enim per sudorem est euacuare, si congrue exerceatur, ut bene notauit, & optime dedarauit autor de renum affectibus, in capite de præseruatione. Si uero artificio concoquendæ

concoquendæ sint materiæ crassæ, utatur oxymelite, & omnibus incidentibus, & abstergentibus, quæ minime excedant in urinae prouocatione. Quanto enim minus crunt diuretica, proculdubio tanto magis conferent, nisi forte, ut diximus, iam materiæ ad illas vias decubuerint; tunc enim postea diureticis educuntur. Atque ipsi declaratis iam apparet, quid ad argumenta in oppositum respondendum. Ad primum, in quo assumitur, diuretica aperire vias urinæ, & incidere, & abluere, concedo, & propterea etiam conuenire, ubi scilicet materiæ fuerint in illis partibus cuiuscunque generis, ut arenulæ, calculi, pituita, sanguinis grumus, aut tale aliquid. Ad auctoritatem Pauli & Auicennæ, & aliorum quorumcunque, fateamur bene exhiberi, & in præseruatione conuenire, ubi scilicet aliquid residui materiæ fuerit in renibus & vesica, sicut ibi facit Paulus & Auicenna:eductio enim calculo iubet diuretica per aliquot dies pro præseruatione exhiberi, ut arenulæ, & pituita, quæ ut plurimum relinquuntur, excerni possint: & propterea Paulus quidem iubet dari oxymel cum leui diuretico, quale est gramen, aut adianton. leue dicit, quoniam timet cum fortibus, ne nouæ materiæ præcipitentur; dat tamen leue, ut oxymel facilius deducatur ad abstergendum & incidendum, ita ut videatur uti diureticis potius per accidens, quam per se. Auicenna uero præcipit per vias utendum diureticis, ita ut paucis aliquot diebus utamur diureticis leuibus, ut scilicet præparemus leuiter humores ibi existentes ad exitum, nec nouos attrahamus: postea semel tantum uno impetu cum diuretico forti iam præparatos excutiamus. Vbi expressè declarat Auicenna, quantum timeat longum usum diureticorum, nisi quando materiæ actu in renibus sunt. Ad autorem de renum affectibus, dicimus uinum album paucifera exhiberi, ne humores crassi, & ne bilis etiam generetur, quæ sunt materiæ calculi. A uino autem crasso & nigro, utcumque fieri potest, abstinendum.

De præseruatione à calculo & podagra, pro Illustrissimo ac
Reuerendissimo Cardinali Petro Bembo.

Consilium CXIII.



Quoniam arenæ quæ in urinis subsistunt, calculum fieri uel in renibus, uel in vesica indicant, ut quarto Aphor. Galenus testatur, dolor autem affectum distinguit, ut secundo de locis affectis ostenditur, certum est per seuerante dolore in renibus, ac simul arenulis in urina subsistentibus, renes ipsos à calculi suspitione minime liberandos. Ergo Reuerendissimus dominus meus, cui omnia debeo, cum in hoc ipso discrimine sit, summa ope adiuvandus est, ne incidat in deterius: quod spero facillimum fore, tum quia sua Dominatio prudentissima, & tuendæ sanitatis studiosissima semper fuit, ac præceptis exquisitissime parens, quæ saluti profutura cognouerit, tum quia me plurimum amat, mihi quoque consulenti maxime confidit: quod quantum momenti afferat, ut medici remedia proficiant, indicat Auicenna sexto naturalium, qui fiduciam ægri, quam de medico concipit, & arti & consilio, & omnibus medicinæ instrumentis præferendâ opinatur. Circa præseruationem igitur totum consilium uertemus, non enim iam factum, sed futurum incommodum curamus, atque ita rem moderabimur, ut rationem quoque podagræ habeamus: nam audimus suam D. in eam proxime incidisse. Alioqui duo isti affectus, renum inquam calculus, & podagra, talè inter se consensum perpetuo seruant, ut peritus medicus, dum alterum curat, non minori studio debeat alterum curare, ita eueniet ut cum duobus simul sit dimicandum. Proponemus ergo duo instrumenta præsentis negotio maxime necessaria, alterum in ratione uictus, alterum in medicamentorum quorundam auxilio consistens. Quantum ad rationem uictus attinet, primo D. S. quammaxime fieri poterit, omnem aëris excessum euitabit, frigus inquam, solis ardorem, uentos præcipue meridionales, et ex opposito septentrionales, pluias, nebulas, et reliqua huiusmodi, quæ

coeli temperiem ad immodicos flatus trahunt. Propterea & cubacula, porticus, flatio-
nesq; eligat temperatas, atq; ab huiusmodi prorsus incommotis muniet caput, & capis
operimenta ita moderabitur, ut neq; aggruari caput, neq; refrigerari sentiat. Catar-
rhos enim & destillationes summo opere cauere debet, tanquam quæ ad calculos gene-
randos non paruam afferant occasionē. Reliquas etiā corporis partes indumentis,
sive noctu, sive interdiu, talibus muniet, quæ nec nimis calefaciant, nec parū à frigoris
iniuria tueantur: renesq; præcipue tueri debebit, ut nullo qualitatis excessu laborent.
Omnino enim huius affectus propriū est, ut pariter tam ab immoderato frigore, quā
calore exciretur: ergo utrunq; vitare oportet. Exercitijs utetur temperatis, videlicet
usq; ad anhelitus mutationem, cauebitq; præcipue à pomeridianis. Horum commodis-
simum tempus erit matutinis horis, ubi prius corpus recte fuerit procuratū, alui, urinae,
screatusq; educationibus, capitis congruis pectinationibus, faciei, manusq; lotionibus.
Ab exercitio quiescat: nec citius ad prandium accedat, quā anima spiritusq; exquisitè
sedato, & calore ad pristinum gradum remissio. Animi uero molestias, sed præcipue
iracundiam & moestitiam tanquā pestes euitet: inde enim & concoctiones deteriores
fiunt, & feruor sanguinis præter naturam augetur: nam in moestitia quæq; interius aus-
getur, nisi cum immodica fuerit & diutissime perseverans. Ab his autem causis calculi
potissime generantur, si corpora fuerint præparata, ut perito medico facile patet. Stru-
debit etiā diligenter, ne post cenam prius cubitū accedat, quā duæ horæ excesser-
int: nec supinus omnino cubabit. Somni tempus septem horas non excedere optas-
uerit, nisi forte longa consuetudo secus faciendum persuadeat. Mane circa Solis ortum
surgere enitetur: si tamen ea hora dormire consueuerit, saltē moderabitur eniteturq; ut
quā breuissimus somnus sit: tuncq; magis laudarem, ut sedens potius dormiret, quā
decumbens. Postea D.S. exquisitissime procurabit, & huic etiā præsidio tanquam sa-
luberrimo maxime fidet, ut singulis diebus semel tant saluus commodè ducatur. Et si
forte uomere consueuisset, aut certe facile ad uomendum accederet, laudarem summo-
pere ut singulis mensibus euomeret, inde enim & euacuaretur corpus, & humor auer-
teretur. Præterea ad cibum non accedat D.S. cruditate existente in uentriculo, sed ex-
pectabit sensum appetitus manifestum: & in ipso comedendi initio semper aliquod
iusculum, uel liquidum assumet edulium, deinde ad solidiora uertetur, ita tamen ut nec
uaria, nec multa offerantur. A uarietate cauebit, uerbi gratia, carnes cum piscibus ad-
miscere, aut cum utroq; fructus, aut lacticia: nec minus uia piscibus male adhaerent.
In stomacho diuersarum naturarum cibi admiscendi non sunt, & præcipue si qui facile
putrescunt solidioribus succedant, ut lac aut fructus horarij carnibus. Vitabit etiā
cibaria ex diuersis generibus confecta, sicut est omne placentarum genus, quod uulgò
tortas & rosiolos appellant, à frixis præcipue abstinabit, sunt enim inquinata potius,
quā cocta. Hæc autem omnia licet ad reliquum usum sanitatis maxime euitare con-
ueniat, præcipue tamen ad præseruationem à calculo, in quo cruditates omnes prorsus
sunt fugiendæ. Cibo assumpto, sensim quidem deambulet, ut facilius ad uentriculi
fundum descendat, à ualido tamen exercitio & equitatu cauebit. E ferculis comedet
pisanam hordeaceam, far, oryzam cum lacte amygdalarum, & zucharo, ac modico
cinnamomo. Iusculum paretur cum petroselino, & omphacino liquore, quem uulgo
agrestiam uocant: raro poraginem, betam & feniculum comedat: nonnunquam tamen
cucurbitam, ac caules hyemis tempore non omnino uituperamus. Pro acetarijs ute-
tur cappare, cichorio, lactuca, boragine, endiuia, asparago etiā & dauci specie quam
carotam appellant, præcipue corpore puro existente. Quòd si talem sibi uiuendira-
tionem præscribet, multum illi auxilij allatura est. E fructibus horarijs ante cibum in-
terdum assumet, sed parce, pruna bene matura, præcocia, armeniaca, persica, magis
tamen melopepones & optimas ficus eligimus, omnia tamen parce sumenda, sunt
enim potius humectando & refrigerando corpori, & aluo leniendæ, quā nutris-
tione expetenda. Ex autumnalibus uero post cibum comedet pyrum decoctum uel
cotoneum cum zucharo, tamen neque admiscebit anisum, uel feniculum, ut nonnulli
perperam

perperam faciunt. Carnes comedat, ex agrestibus lepores, si iuniores fuerint, sin serus, omittendū: idemq; de ceruis asserimus. Nec omnino malum pronunciamus, si quandoque apri modicum ingesserit, est enim optimi alimenti, & si modo parce sumatur, non ita difficulter concoquitur. Aues item comedet, quales perdices, francolini, phasiani, turtures, turdi, & reliqua id genus montana omnia; nam notissimum est ab omnibus palustribus abstinendum. Ex domesticis uero animalibus, hœdi annales, castrati, uiculi lactentes, pelli gallinacei & columborum: à reliquis abstinebit, præsertim à carne bubula. In uino autem eligendi, non modicum studium adhiberi oportet: habet enim unum præ cæteris alimentis quod corpus humanum maxime afficiat & mutet, tum quod citissime & plurimum nutriat, tum quod copiose ingeratur, tum quod sit eius usus assiduus, quæ pane excepto, nulli præterea alimento contingunt. Vinum igitur eligetur quod quammaxime fieri potest, nullum qualitatū excessum habeat: neq; enim nouum esse debet, neque peruetustum, sed medium: nec album, nec atrum, sed subrubrum: nec potens, neque adeo pauciferum ut uentriculo noceat, sed moderatum. Duo tamen suprema in uino desideramus, unum ut quantenuissimum limpidissimumq; sit, atq; permaturum, nullius aciditatis uel dulcedinis particeps, sed eum maxime saporem præ se ferat, quem uinosum uocant: talia ego sæpe bibi Romæ Salernitana. Hæc sunt quæ circa omnem uictus rationem optauerim Dominum meum semper obseruandissimum obseruare, qua obseruatione spero assecuturum, ut non tantum à calculo, & molestia podagra præseruetur, sed à reliquis quoq; innumeris morbis diuissime immunis persiliat. Quantum uero attinet ad medicamenta, ea quidem pauca admodum & leuissima proponemus. Si enim talem uiuendi rationem sibi constituerit, qualem præscripsimus, non erunt medicamentorum auxilia multum necessaria. Quia tamen non semper lineam ita exquisitè attingere possumus (homines enim sumus) propterea laudo, præcipue si fuerit assuetus, ut bis in anno, principio inquam ueris & medio autumno, scilicet mense Octobri, suauiter purgetur, ut nobilia & delicata corpora solent. Deinde ut toto anno Rhabarbari usum familiarem sibi proponat, ita ut saltem ter in mense assumat ex eo, quantum sunt duo scrupuli uel integra drachma, siue mandendo & deglutendo absq; alterius rei commixtione, siue permiscendo uel cum zucharo rosato, uel cum passulis, prout Dominationi suæ commodius esse uidebitur. Studebit autem ut habeat myrobalanos chebulos optime conditos, qui ex Alexandria deferuntur, quorum unum mane tribus horis ante prandium assumet: est enim optimum & singulare remedium non tantum stomacho, & membris omnibus naturalibus corroborandis, inter quos renes connumerantur, sed cerebro quoq; ut etiam sensus omnes tam interiores quàm exteriores exacuat, ac præterea gustui satis iucundum sit, & humanæ naturæ familiarissimum.

De præseruatione à calculo & podagra, pro Illustrissimo
& Reuerendissimo Cardinali, Petro Bembo.

Consilium CXCIIL.

Ex Italico latinum factum, per Hieronymum Donzellinum.



QVamprimum R.D.V. literas, mihi profecto quamgratissimas, accepi ac legi, magnam mihi oblatam esse occasionem sensi, qua eius summa tum humanitate, tum benignitate reuera frui possem: non eam tamen quam ego tum primum cognoscerem ac admirarer, illam enim iamdiu antea & cognoueram, & multis etiam modis eram expertus, atq; ideo in animo mihi solide inhaerebat. Nec uero cuiquam mirū uideri debet, si in uiro nobilissimis naturalibus

natalibus prædito, & quem natura atq; ars certatim omni uirtute ac probatissimis moribus locupletarunt, omnia humanitatis lumina splendebant, & si quo magis illum fortuna in cælum uehit, eo ipse se tum magis benignum, tum erga omnes affabilem præbeant: cum eorum longe diuersa sit ratio, qui tam præclaris naturæ atq; animi dotibus destituuntur: illi enim & insolentiores, & omnium contemptores esse solent. Quam itaq; mihi suæ erga me & beneuolentiæ & beneficentiæ significationem candide admodum declarauit, eam summa animi alacritate amplector, & ingentis thesauri loco mihi conferauit. Deum profecto opt. max. precor, eam mihi det occasione, ut ego una cum reliquis omnibus qui erga amplius. R. D. V. nomen præclare admodum sunt affecti, & benignitate & liberalitate candidissimi eius animi, frui aliquando possim. Vxor mea non sine manuum osculo, reuerenter illam salutat. Mei uero liberi eam in gratiâ & dolenscunt, ut illi aliquando obsequantur & seruiant. Quod uero ad meâ qualemcunq; consultationem attinet, ea fuit à me descripta pro ratione earum rerum, quæ tum mihi fuerunt exploratæ. Cum autem V. R. D. omnia quæ ad affectus suos pertinent, distincte ac explicate iam scripserit, neq; hæcenus aut calculû, aut eius principium adesse suspicemur, sed solam renû imbecillitatem, & forte etiam eorû meatuû nimiam amplitudinẽ: cum etiam podagra nunc primû coeperit infestare, quæ tamen admodum fera est ac imbecilla: propterea pro exacta notitiâ & curatione horû symptomatum intelligere oportet, senilis ætatis hæc esse incommoda, quæ necessario illi consequantur. Membra enim omnia non ex morbis, sed ipso naturæ curriculo imbecilla redduntur, hæc quidẽ magis, hæc uero minus, prout in ipsis naturæ primordiis magis aut minus ualidam sortita sunt constitutionẽ, aut prout unusquisq; in suis actionibus alterû altero grauius afflicxit, fatigauit, aut nimio labore exhaustit. Omnia igitur sensû mēbra ipso naturæ cursu sunt imbecilla. Quibus autẽ accidit ob dictam iam rationẽ, reliquis corpus habere imbecillius, hi destitutionibus, uertigini, lippitudini, surditati, sunt obnoxij: sæpe etiã sensibus destituuntur, aut alijs huiusmodi morbis infestantur. Aliqui ex pectore magis laborant, quibus etiã tussis accidunt incurabiles: alijs uero asthma, aut rauedines. Aliqui autem in uentriculo, renibus, uesica, aut articulis conflitantur, quibus singulis morbi accidunt peculiare, ut nausæ, uomitus, calculi, uenarû ad renes pertingentiû apertiones, dysuriæ, podagræ, arthritides, & alij ijs similes morbi. Paucissimi aut forte nulli reperiuntur, qui in senectute alicui ex his affectibus non sint obnoxij. In eo tantû est discrimen, quod alij alijs grauius aut leuius, citius aut tardius affliguntur. Id uero aliunde non prodit, quàm quod uariæ sunt in hominibus temperaturæ, uariæ partiû corporis compositiones, summa in uita ac uiuendi ratione uarietas, magnum in astrorû aspectibus, ciborû generibus, animi affectibus, studijs ac uiuendi institutis discrimen. Omnium tamen ex æquo una est conditio, ut quicunq; sit senex, senectutis incommoda declinare non possit, sed aliquando, aliquo saltem modo, dictis calamitatibus afficiatur. Accidit autem hæc omnia, non ulla ui morbi: sed ut dictum est, ipsius naturæ motu, quare inuitabilis ea est necessitas: natiui liquidẽ calor quotidie seipso fit imbecillior, & membra sicciora: cum enim calor cibum pro ratione cõcoquere ac distribuere, & ut antea consueuerat, non possit, humoribus partim crudioribus, partim putrescentibus corpus repleti est necesse: qui certe eo magis redundant, quo membra iam arefacta & imbecilla utcunq; multo egeant alimento, eius tamen exiguam quantitatem, tum quia imbecilla sunt & sicca, tum etiã quia ipsum nutrimentum à natiuo calore non ut decet est præparatum, attrahere, ac illo frui non possunt. Vbi igitur humores dicto iam modo creuerint, eo quod cum pauci essent, ad legitimam alimenti formam à natura minime potuerint permutari, duorum alterum necesse est sequi, scilicet ut à natura quadantenus maturati expellantur, aut ab uno membro in aliud protrudantur: quorû certe ea iam est conditio, ut nec tueri seipsa, nec deperditæ substantiæ iacturam refarcire possint, quin potius illam minui, & quotidie plurimum labefactari experientia ipsa docet. Atq; hinc D. Hip. permotus, nec semel, nec iisdem uerbis, suis in monumentis uersissima illa oracula pronunciavit: Senibus spirandi difficultates, destillationes cum tussis, urinae stillicidia, urine

difficultates, articularum dolores, renum passionēs, apoplexiæ, mali habitus, pruritus totius corporis, uigilia, alui, oculorū humiditates & narium, uisus obtusus, glaucedines, auditus graues. Alibi uero: Seniores iuuenibus plurimum ægrotant minus; qui uero morbi ipsis accidunt longi, magna ex parte comitantur ad mortem. Hæc omnia ideo à me fusius sunt explicata, ut R. V. D. inde intelligat, ob renum quam percipit imbecillitatem, non admodum sibi dolendum esse, cum ea & naturalis sit, & ætati suæ consentanea. Sed neq; ea qua ante 25. annos fruebatur ualeitudo, aut speranda est, aut expectanda. Illud potius curet, ne malum augeatur, aut renum imbecillitas progrediatur, ut aut calculum aut alios grauiores morbos gignat: hoc enim aliquando accidere illis solet, qui cum sint intemperantes, suam ualeitudinem parum curant. Illud uero D. V. R. minime est metuendum, cum non recens, sed multorum annorum consuetudine temperanter uiuendi habitum sibi compararit. Primum igitur dicam, quæ tuendis renibus conueniat, tum uiuendi tum curandi ratio. Deinde ad particularia quædam postulata, de quibus illa me interrogauit, distincte respondebo. Cum recta uiuendi ratio duplex habeatur, uniuersalis scilicet & particularis: in hoc affectu, quemadmodum in alijs quoq; non huius tantum, sed illius etiam est usus. Vniuersalem eam uoco, quæ & si ualeitudini conseruandæ in uniuersum est accommodata, uni tamen affectui magis quam alteri uidetur conuenire. Particularis autem est illa, quæ præter communem obseruationē certis limitibus ita est circumscripta, ut unicū morbi genus respicere, illiq; soli aduersari uideatur. In cōmuni illa ratione explicanda, diutius mihi non est immorandum: certum enim est mihi R. D. V. illam ita instituere, ut in ea parum desiderari possit. Iam enim omnibus notissimū est & uulgatissimum, optima cibaria esse ingesrenda, & à crassioribus abstinendum. Particularem igitur uiuendi rationem tractabo, cum uniuersalem illam à R. D. V. exacte obseruari non dubitem. In particulari igitur hac renum curatione illud in primis est animaduertendum, immoderatū & calorem & frigus, illis esse infestissimum: cum enim caloris proprium sit meatus amplificare, eadem opera plures quam oportebat humores etiam trahit, & eos qui in loco retinendi crant, expellit. Frigiditatis autem contraria penitus est ratio: ea enim nec sanguinis serum trahit, quod quidem proprium est renum officium, neq; illud ut decet ad uelut eam pellit: quo fit ut contrarij hi affectus sæpe in senibus conspiciantur: nam prout aut ex frigore, aut ex calore fuerunt affecti, sit ut aut exiguum quid, & non nisi ægre & guttatim mingāt, aut sanguinolentū quendam humorem copiose profundant. Igitur utrunq; extremum à renibus diligentissime est arcendum. Solent autem renes nimium incalefcere, cum quis laborat nimis, aut calidiori cœlo se exponit, siue illud à sole æstiuo, siue à copioso igne in calidioribus cubiculis incaluerit: præterea cum quis calidioribus cibus, ut aromatis, ac uinis potentioribus utitur. Idem facit etiam Venus, quæ in senibus nullum unquam locum habet. Cum autem laborem nimium, aut nimiam aëris caliditatem disco, ac corporis affecti, ac renum imbecillitatem, comparationem fieri debere semper intelligo, quæ à leui quocunq; excessu, ob exiguum resistendi uim, haud mediocriter alterantur. Refrigeratio autem immoderata fit aut à loco in quo quis degit, aut ab aëre, aut à frigidioribus cibus, quales sunt fructus, cucumeres, cucurbitæ, lactuæ, endiuia, omphacium, & reliqua his similia: præ cæteris autem frigida aqua, & uina refrigerata. Nimia igitur caliditas & frigiditas renibus præcipue aduersantur. Verum non hæc sola infesta sunt, sed reliquarum rerum omnium excessus: quanquam non æque ac rerum illarum quæ nimium aperiunt, usus, à medicis eò quod urinā permoueant, diuretica sunt appellatæ: huiusmodi sunt, asparagi, pastinacæ, apium, petroselinum, fœniculum, ficus, pepones, melopepones, uinum album subtile, et reliqua his similia. Hæc uero multo magis noxia sunt à cibo: nam præterquam quod plus iusto urinaris meatus aperiunt, crudioris etiam cibi partem aliquam, & minime concoctā excrementa eò deducunt, quæ multorū malorum autores esse possunt. Quæ igitur plus æquo aperiunt, in reni ualeitudine conseruanda semper noxia sunt: eadem autem à cibo sumpta, ualde sunt perniciofa. Hoc autem à me in quadā tractatione, in gratiam

gratia clariss. viiri Marci Antonij Cōtarenī philosophi, aduersus aliquot medicos qui contrarium sentiebant, fusius ac diligentius est explicatū. Cum uero aperientū usum reprehendimus, non ita est accipiendum, quasi uero ea quæ nimium adstringunt, renibus sint utilis: ea enim aliquando, potissimū uero cum tum ipsi, tum meatus ad ipsos pertinentes excrementis sunt repleti, multo magis sunt noxia. Adstringunt autem uina austera, pyra, cydonia, palmulæ, & huiusmodi reliqua. Ex cibis etiam euitandi sunt illi, qui crassum ac uiscidum nutrimentū præbent, & quæ pinguis sunt & adiposa. Crassum alimentum gignunt legumina omnia, pisces maiores, ut thunni, sturiones, ombri, anguillæ quoq; tenchæ, ostrea, limaces, fungi, terræ tubera: quadrupedum maiorū carnes, ut bouis, cerui, apri: aues quæ in paludibus degunt: uina dulcia aut nigra: quod si utraq; præditi sint qualitate, tum plane sunt perniciofa. Viscidi alimenti cibaria sunt, caro suilla, pastifia, caseus recens, & omnia ex lacte quocunq; modo parata, placenta quæ uulgo tortæ uocantur, pulmenta quæ pasta sunt obducta, fricta omnia: ea etiam quæ in melle aut saccharo uulgo multatariam condiuntur, aut aliqua simili ratione misceantur, quemadmodum etiam crustula, & omne itriorum genus. Hæc omnia renibus ideo aduersantur, quod crassos ac uiscidos humores gignunt, quos deinde ampliores facti renes, facile ad se trahunt, & aut urinarios meatus obstruunt, aut caliculum ipsum creant. Quod si compressi ac refrigerati sint renes, sanguinis serum crassius ac uiscidius factum minime ad se trahunt: unde fit ut multiplici periculo corpus repleatur. Siccioris alimēti cibaria sunt lepores torrefacti, cerui, caprea, & diuturnior aceti usus. Ut autem summatim dicam, nullius rei excessus renibus est salutaris: atq; hoc illis præ ceteris membris est peculiare, ut apud Græcos tritum sit in sermone proverbium, *ἡσυχία καὶ ὕπνος*. Rationem eius rei non altam esse puto, quàm quod renes à natura ideo facti sunt, ut sanguinis serum ad se trahant, & ut ab eo excremento uniuersum corpus expurgent. Ut autem cōmodius possent officium hoc præstare, & eorum substantiam densiorē esse oportuit, & meatus habere angustiores, ut solum serum & aqua sanguinis pars attracta, transmitteretur. Hinc etiam uidemus, cum iusto latiores sunt facti, ipsum etiam sanguinem trahere, ut in sanguinolentis urinis apparet. Cum igitur talem & substantiam & structuram renes habere oporteat, si à quouis excessu læduntur, mirum uideri non debet: siue enim paulo magis astringantur, siue latiores fiant, à sua actione impediuntur: & siue crassior siue tenuior paululū fiat sanguis, eadem oritur incommoda. Hoc autem imbecillioribus corporibus frequentius contingit, aut cum renes maiorem quàm reliquæ partes fortitæ sunt imbecillitatem. Hæc autem ita se habere, quibus exactius rem considerans, facile iudicabit. Ut itaq; ad particularem R. D. V.urationem ueniam, illud in primis statuo, rerum omnium excessus esse fugiendos, tam frigoris quàm caloris, idēq; non solum in aëre ambiente, uerum etiam in cibo ac potu, & in his quæ urinam mouent aut adstringunt: ac ut summatim dicam, in omnibus quæ à mediocritate ad extremum aliquod discedunt. Hæc hæcenus de uiscis ratione seruanda, à nobis sint dicta. Quod autem ad medicamenta attinet, assiduus sacchari rosa. usus, in præseruandi ratione, præ ceteris omnibus mihi summo pere probatur: uix enim quicquā magis salutare à nobis excogitari potest, & quod sine ullo nocumento aut perturbatione omnes corporis partes iuuat, præcipue autem renes, qui, ut diximus, ab omni excessu lædi solent. Hoc salutare auxilium ita est temperatum, ut si latiores facti sint renes, ad conuenientem naturæ suæ statum illos deducat: quod si obstructi sint & pleni, abstergat: si incaluerint, refrigeret: nec tamē affectibus frigidis nocet, cum sit (ut antea dictum est) in omnibus qualitatibus suis temperatissimum. Ventrículum autem ab omnibus excrementis præ ceteris mundum reddit ac roborat, ipsam quoq; abigit destillationē: quæ certe adiumenta quàm senibus sint necessaria, quibus facile potest iudicare. Maxime igitur mihi probaretur, si quotidie mane per horam unam ante prandium R. D. V. mediam eius unciam sumeret, ac deinde leniter deambuaret. Consultū etiā mihi uideretur, si aliquando, ut bis aut ter in mensē, aut media drachma optimi ac exacte maturi rhabarb. illi adiungeretur: quo sa-

ne tempore per tres ad minus horas ante prandium erit sumendum: hoc enim uniuersum corpus mundum maxime conseruaret, & à multis alijs morbis & à podagra posset præseruare. Quæ autem commoda renibus asferre possit, quibus uulgaris etiam medicus intelligere facile potest. Nam præterquam quod per urinam exacte illos mundificat, postea etiam roborat, & sine ui adstringit. Atq; hoc, in ea qua R.D.V. prædita est temperatura, pro præseruatione, satis mihi uideretur. Si quando uero contingeret ut renes adeo aperti essent, ut iam sanguis ex cerneretur, tum reliquo corpore mundo existente, quale proculdubio esset, si præscriptam uiuendi rationem obseruaret, suaderem ut ad idoneam renum adstrictionem, in aurora inferius descriptum puluerem, in aqua capil. Ven. aut asparagorū, aut cardui, aut sceniculi, sumeret calidè;

℞. Boli armeni orientalis		3	1.
Gummi arabici			
Tragacanthi	ana	3	2.
Rosarum rubearum			
Myrtillorum			
Hypocistidos	ana	3	1.
Coralliorum rubeorum		3	8.

Misce, & fiat puluis subtilissimus, cuius singulis uicibus sumatur semidrachma, cum 3. 4. alicuius ex prædictis aquis. Interim etiam dum renes ita erunt aperti, & descripta superius potio bibetur, hoc unguento renes etiam illinentur:

℞. Succi foliorum lentiseci			
Foliorum myrti			
Radicum consolida: maioris	ana	3	1.
Vnguenti infrigidantis Gal. simp.		3	2.

Misce, & fiat linimentum secundum artem.

Hæc omnia facilia satis ac familiaria, efficacissima tamen, cum nimia dilatazione renes iam laborabunt, administrari debent. Quod uero ad purgationem bis in anno moliendam attinet, si R.D.V. institutam iam uiuendi rationem obseruabit, & si rhas barbarum, ita ut superius dictum est, sumet, minime fore necessariam puto, præsertim cum ea uti non consueuerit, neq; ullam unquam huiusmodi purgationem admisit. An uero quarundam thermarum aquæ conueniant, ut Lucensium de Villa, aut Veronensium de Calderio: Cum sua natura frigidæ sint, & uentriculo infestæ, non ita facile assentior, & illarum usu minime opus fore confido. De fructibus ita sentio, R.D.V. ab illis quoad fieri potest, debere sibi temperare: quò enim exactius hoc hæcenus seruauit, eò in posterum nocentiores illi erunt fructus, cum eis minime sit assueta. De uino autem quod quaeritur, album ne an nigrum magis conueniat. Ego medio colore prædium magis probarem, rubrum scilicet & clarum, ac probe maturum, nec tamen nimis potens. Huiusmodi ferè sunt Salernitana, & quædam etiam Romanensia. Aceti autem usum penitus non reprehendo: certum enim est mihi R.D.V. condimentum tantum loco illo uti: id uero cum exiguum admodum sit, obesse nihil potest. Quòd uero ita adhibitum nervis nocere, & articulari morbo aduersari quidam dicunt, ualde est ridiculum: cuius sane rei multæ mihi sunt rationes, quas ne molestus sim nolo nunc recensere. Lacarum ac lacticia omnia probari à me non possunt: cum tamen R.D.V. illis sit assueta, & eorum usu plurimum delectetur, aliquando ante alios cibos recentissimum lac, ioncatam etiam quam uocant, aut pinguiorè illam partem, quam ideo quòd in suprema lactis parte in uiscidam quandam crustam concreuit, caput lactis solent appellare, & recentem etiam caseum, sed parce, comedet: à ueteri autem penitus abstinebit. E piscium genere, arbores uocatos, barbos, auratas recentes, & in profundo mari uiscitantes, aut in craniculis, aut in iusculo coctas non reprehendo, quin potius illorum esum innoxium fore puto. Autumnales fructus, ut pyra, cydonia cum saccharo cocta, R.D.V. aliquando degustabit, sed parce admodum, quemadmodum in rebus omnibus illa semper est modestissima. Cæpæ atq; allia sua quidē natura ut alimenta, prauis

sunt nutrimenti, ac penitus reiiciendi: quod si aliquando profunt, id certe non ut alimēta, sed ut medicamenta præstare solent: crassiora enim phlegmata incidunt, aut flatus pellunt. Hæc mihi nunc in animo occurrerunt, de quibus R. D. V. admonerem, atq; illi responderem: quæ certe si non eiusmodi fuerint ut ipsa res postularet, atq; ego etiam exoptarem, non meæ uoluntati, quæ erga R. D. V. propensissima est atq; obseruantissima, sed meæ potius imperitiæ est adscribendum. Meam etiam in scribendo tarditatem ut boni consulat supplex rogo: maxima enim & frequentissima à magnificis ac nobilissimis uiris exhibita mihi negotia (nam & extra ciuitatem proficisci, & cum alijs medicis longas quotidie habere consultationes cogor) ne horum tam quidem oculi aut quietis mihi concedunt, ita sane ut successiuis horis R. D. V. pauca hæc scribere uix potuerim. Cui humiliter me commendo, & supplex sacras eius manus, summa animi ac corporis adhibita submissione, reuerenter exosculor. Patauij.

Ad debilitatem Renum, & eos expurgandos & confortandos.

Consilium CXCIV.



Irca uictum utetur cibo simplicissimo, unius tantum generis: multitudo enim ciborum quàm maxime est euitanda. Vinum bibat album, limpidum, & bene maturum: & si erit potens diluatur aqua cisterica, uel fluuij clarificata. Non bibet inter prandium & coenam, & præcipue cauebit à potu post coenam. A carnibus antiquis abstinebit: carne porcina, piscibus, lacticijs, passilibus, leguminibus, à rebus frictis in sartagine: abstinebit à coitu, à studio post coenam & prandium, à frigore, præcipue pedum. Conabitur quotidie habere beneficium alui: utatur ante cibum cochleari uno anisorum, uel simplicium uel conditorum cum zuccharo. Bis in septimana per totam hyemem 3. hor. ante cibum accipiet infra scriptum bolum:

℞. Pul. beton.

Saluæ

ana

3 1.

Lachrymæ uel olei abietis

3 2.

Fiat bolus, & deglutatur cum hostia uel nebula infusa in uino.

De præseruatione à calculo renum, pro ciue Veronensi.

Consilium CXCVI.



Asus huius nobilissimi uiri indiget præseruatione & curatione: debet enim præseruari ab his quæ facillime possunt euenire. Cum enim sit frigidus uentriculi, hepatis calidissimi, & renum, cum uenis amplis & latis, ut par est in tali temperatura: primum non est mirum, si redundat plurimis arenulis rubeis excretis per urinam: excoquitur enim materia tum pituitosa tum biliosa, & aduritur à superflua renum caliditate, unde excernuntur arenulæ. Sed postea successu temporis facta imbecilliori uirtute excretiua, & multiplicatis uentriculi cruditatibus, uerendum ne arenulæ concrecant in lapidem cum maximis doloribus, ut fieri solet, & subiiciatur calculis renum, fortasse etiam uesicæ: imò & ab iisdem causis senile corpus incidere posset in dolores articulares, & podagras, & alias huiusmodi malas ægritudines. Ergo summa diligentia præseruandus est: præseruatio autem cum indigeat longo tempore, & assidua diligentia, tota est in manu patientis. Igitur erit nostrum consulere, suum autem erit parere & præseruare. Circa igitur

tur uictum custodire se debet ab omni aëris excessu, & ne alterer corpus tam ad calidum, quam ad frigidum, utrumque enim nocebit. Ideo uenari hyemis tempore, & in nauicula piscari plurimum nocet, quia aër extrinsecus refrigerat & humefiat: labor uero intrinsecus calefacit & exiccat, & ita in utroque extremo simul existens etiam corpus maxime afficitur. Debet igitur primo omnes excessus aëris euitare, tam caloris quam frigoris, omnes item excessus laboris & exercitij, præcipue post cibum, sed moderate se exercere: neque enim ab exercitio abstinere debet, & id horis matutinis, & post cibum quiescere. A coitu quantum possibile est abstinere: sed præcipue nocet uentre repleto. Habeat quotidie alui beneficium, & si non habuerit, utatur mane iure pulli, in quo decoquatur malua, pruna sicca dulcia 10. aut 12. & passularum uncia, & facta diligenti expressione, bibat scutellam huius brodij calidam tribus horis ante cibum. Erit enim hoc remedium, & ad temperandum hepar & uentriculum, & ad leniendum aluum accommodatum, ad renesque expurgandos. Vinum eligat pauciferum, id est, leue, coloris rubei clari, non multum, saporis mediij, non dulcis neque acidus. Caveat ab uisitis, & ab omni uino turbido, & crasso, & potenti, & dulci: caveat etiam à uino refrigerato, & à potu aquæ frigidae, & non bibat post prandium aut coenam. Utatur tantum carnibus iuuenum animalium, sicut uitulorum, hœdorum, castratorum iuuenum, auium omnium campellrium, præter coruines. Utatur ouis sorbilibus & recentibus. Abstineat quam maxime ab omnibus aromatibus, omnibus salis, à rebus frictis in sartagine, à caseo & lacticinij, à passilibus, ab herbis, & maxime crudis, & ideo euasabit aceraria, poterit quandoque temperate uti asparagis dulcibus decoctis, capparibus & lactuca, & cichorea cum modico cinnamomi: ab alijs omnibus abstineat. Euitabit multitudinem ciborum, sed semper unico cibo sit contentus. Laudo ut pro conseruatione stomachi utatur uel aloë ante coenam pondere scrupuli unius, uel rhabbarbo, ut consuevit, ante prandium tribus horis pondere semidrachmæ, uel etiam flore cassiæ cum rhabbarbo. Hæc omnia conueniunt & contemperant, euacuantque membra lassa præter omne nocumentum. Sed inter omnia maxime mihi placet usus ipsius aloës, neque timebit caliditatem eius, etiam tempore æstatis, & permittet dicere uulgares medicos quicquid uolunt. Laudo præterea, ut quam frequentissime sumat semunciam ante cibum circa horam unam, optimi sacchari rosati per totum annum, etiam si quotidie fumeret: est enim præstantissimum remedium. Consulo igitur ut iubeat preparare sibi hoc anno uas magnum illius sacchari pro toto anno: facile enim conficitur etiam in domo propria. Hæc pauca sunt, quæ credo nunc sufficere: & si omnia diligenter obseruauerit, proculdubio ab omnibus incommodis præseruabitur. Quantum attinet ad linimenta circa renes, laudo potius unguentum infrigidans Galeni simplex, quam aliquid aliud.

De præseruatione à calculo renum, pro quodam Germano.

Consilium CXC VII.



Veretur de dolore, qui iuxta regionem lumborum in spina dorsi incipiens, uergeret uersus lumbos ipsos, & regionem renum, & tum præcipue cum frigiditatem aliquam perciperet. Calculos nullos senserat, sed arenulas interdum mingebat. Montanus hæc ordinauit:

℞. Specierum hieræ simp. ʒ 2.

Cum melle rosato fiant pillulæ tres sumendæ per horam unam ante coenam, semel in septimana. Item

℞. Piperis albi
Longi
Nigri

622 3 2.

Tymi,gingiberis

Anisorum

ana G. 6.

Zuccari optimi

q. s.

Cum aqua melissæ fiat confectio in parvis rotulis. Sumat rotulam unam pro uis
te, bis in septimana, aut rarius aut sæpius, secundum maiorem uel minorem necessita
tem. Vtetur autem præcipue hac confectioe quando inuadet ipsum suum frigus.

Oleum hieræ archigenus tres guttæ exhibitz per os ad difficultatem urinæ, do
lores renum & calculi.

De arenulis & metu futuri calculi, pro iuvene Siculo.

Consilium CXCVIII.



Vm hepatis ac renum caliditas efficiens causa sit, ut arenæ & calculi ge
nerentur: materia autem sint humores, partim biliosi, partim pituitosi,
qui ex parua uictus ratione suam originem ducunt: ideo in legitima eius
morbis curatione, utraq; causa necessario est submouenda, ita sane ut nis
mia eorum uiscerum caliditas mitigetur, dictorum autem humorum cos
pia inhibeatur. Ad ea uero præstanda, duo potissimum sunt instrumenta, quorum al
terum est optima uictus ratio, quæ etiam magis necessaria mihi uidetur: alterum uero
est illud, quod ex medicamentis peti solet auxilium. De priori itaq; in primis, de pos
teriori autem deinceps dicemus. Communis uiuendi ratio non tantum ex cibo &
potu, uerum etiam ab aëre, animi affectibus, somno & uigilia, inanitione & repletio
ne, motu & quiete, solet immutari. quin imò hæc posteriora, non minorem quam ci
bus & potus, uim habent corporis immutandi. Propterea in ea præseruatione, quam
in nobili hoc uiro moliri tentamus, omnia ex æquo sunt consideranda. Igitur ab om
ni aëris tam calidi quam frigidi excessu: à deambulatione ac labore omni qui sit in aë
re aut ob solem æstuante, aut à uentis agitato, potissimum uero ab Euroaustro & Aus
stro, quoad per ipsum fieri potest, abstinere. Minime autem in cubiculis, quæ aut in
plana humo sint, aut humida, sed ne sub dío quidem, aut sine stragulis, aut nudus, ut in
magnis æstibus fieri solet, dormiet aut cubabit. Ab ira, tristitia, omniq; animi grauiori
molestia ac perturbatione, pro uiribus sibi temperabit. Corpus mane exercebit, aut
uesperi per horam unam ante coenam. Nec tamen statim ab exercitio cibum sumet,
sed per spacium mediæ horæ ad minus quiescat. Neq; ab exercitio adhuc calidus ue
stes deponet, nec uento, aeri uel frigidiori se exponet. A cibo, longiori quoad fieri pos
test temporis spacio, ab omni corporis atq; animi labore abstinere. Igitur neq; scri
bendum neq; legendum illi est aliquid, nisi id cum uoluptate aliqua coniunctum sit, &
minime fatiget. Hoc uero spacium in horas aliquot extendi uellem: quòd si tandiu
quiescere illi non licebit, saltem ut sero ad labores sese conferat, pro uiribus curabit.
A cibo debet à somno abstinere, potissimum à prandio: à coena uero nisi post duas
horas erit illi dormiendum. Mane autem surget è lecto tempestiue: hoc enim renibus,
oculis ac membris omnibus summopere prodest. Igitur à longiori ac nimio somno
sibi temperabit. Dabit etiam operam ut singulis diebus alui excrementa educantur,
id quod si sponte non fiat, iure inferius describendo per horam unam ante prandium
assumpto, id fieri curabit. Huius autem iuris ea uis erit, ut non tantum aluum mollire,
sed humores etiam temperare, & renum caliditatem possit mitigare.

℞. Hordei mundati

P. 1.

Radicum althææ

num. 3.

Mercurialis

M. 1.

Bulliant hæc omnia in libris duabus iuris polli, donec dimidium absumatur: &
addito sacchari tantillo, dicto iam modo, calidum bibatur. A coitu etiam potissimum

abstinebit, & penitus quidem à cibo. Ille autem in coeundo perniciosus erit modus, si præter ordinem ac rationem fiat; ut si in coitu diutius immoretur, nec præparatum iam semen statim emittatur: si præter naturæ ordinem mulieri uir subiiciatur: si flans coeat, aut alio modo qui nimium fatiget, & dorsum labore nimio afficiatur. Hæc uero omnia ab hoc iuvene in coitu sunt obseruanda, ut quæ maximi in hoc affectu sint momenti. Igitur in coitu temperatissimum illum esse oportet, & si me auscultabit, in duabus septimanis, aut ad summum in una semel tantum coibit. Ea quidem Hippoc. est sententia: Vnciam unam seminis importunè eiectioni, plus afferre detrimenti, quam sanguinis quadraginta; idque non tantum renibus, sed capiti quoque ac membris omnibus maxime est noxium. Quod ad cibaria attinet, in primis abstinebit à pane non ut decet fermentato, aut minus probe cocto, à crustulis & bellarijs quocunque modo paratis; à pane etiam quocunque alia ratione præterquam in furno, ut sub cineribus, cocto; & si oleum aut butyrum aut liquor alius admixtus illi fuerit. Pessima etiam sunt omne genus pascula, ut offulæ & lagana, & fercula omnia quæ ex attenuata pasta parari solent, siue ea simplex, siue alijs rebus sit admixta: & quanquam quocunque modo cocta noxia sint, in farragine tamen fricta, ut in uniuersum fricta omnia, admodum sunt perniciofa; potissimum uero cum alioqui tota sua substantia a duerferentur. Euitandæ illi sunt antiquæ carnes omnes; ut boum, castratorum, suum, & reliquorum huiusmodi animalium; cauium præterea palustrium, ut anatum & anserum; pisces quoque maiores, ut thunnus reliquos pisces comedet moderate. Lacticinia omnia illi sunt fugienda, quemadmodum etiam caseus tam recens quam salitus. A cibo fructus nullos; ante cibum uero generosi peponis partem aliquam, & pruna probe matura comedere licebit, omnia tamen parce. Oua recentia sunt illi salubria, aut in cineribus cum cortice, aut in aqua sine cortice, prout illi magis arridebit, ita cocta, ut mollia sint ac tenera, non dura. A ciborum uarietate in una mensa sibi temperabit, & unico cibi genere contentus erit; & tota unius diei alimonia in tres partes diuisa; unam in prandio, duas uero in coena sumet. Olerum genus nullum probo, præcipue crudum, ut acetaria; quanquam capparæ, asparagus & lupulos, cum tempestiua fuerint, ut parce comedat illi concedo. Potus erit uinum album potius quam nigrum, subtile, & quoad fieri potest, minime potens; quod dilui etiam debet aqua non admodum frigida, quæ non recens sit ex puteo aut fonte hausta, nonnunquam etiam cum glycyrrhiza aut hordeo aut althæa, prout urina magis aut minus est mitiganda, decoqui debet. Hic autem illi perpetuus mos erit, ne ingerat cibaria aut nimis calida, aut nimis frigida, sed temperata. Hæc, quod ad uiuendi rationem attinet, ut à calculo præseruetur, dicta sint satis. De medicamentis autem ita à nobis est statuendum. Cum morbi paroxysmus constituta quadam periodo ad medium Maij mensem reuertatur, & usque ad medium Iunij perseveret, ceteram ac statim euacuationem, inferius illi præscribendam, ad medium Martium circa moliri omnino est necessarium. Illud autem in primis mihi probaretur, ut ex basilica eius lateris in quo uehementior percipitur dolor, siue illud dextrum sit, siue sinistrum, sanguis mitteretur. Quod si latus utrunque dolor infestaret, in dextro uenam secandam esse iudicarem. Mittendi sanguinis pondus infra octauam ne subsistat, sed ne decimam quidem unciam excedat. Particularis autem euacuandi ratio & progressus erit huiusmodi: Antequam euacuationem auspicetur, per duos dies rectam uiuendi rationem instituet, & in cibo ac potu parcius erit, quam antea consueuerit. Tertia autem die, per horam mediam ante prandium, floris calsiæ 3. 10. accipiet; sequenti uero die cum iam calsia suam absoluerit euacuationem (alioqui per clystere in quo sit med roscatum, aliud erit excitanda) hora diei tertia, eo quo diximus modo, mittendus est sanguis. Quinta demum die inferius describendis syrupis uti incipiet;

℞ Syrupi acetosi simp.

Mellis rosati

ana

3

℥.

Decocti infra scripti

3

4.

Misce pro uno syrupo.

℞. Radices althææ	num.	4.
Seminum malvæ		
Melonum		
Anguriæ		
Cocurbitæ	ana	3 2.
Capillorum Veneris		
Comarum uirentium foeniculi	ana	M. 1.

Bulliant omnia simul in libris duabus aquæ endiviæ, usq; ad consumptionem medietatis, deinde coletur & exprimatur, pro tribus uicibus; & sic perseveret usq; ad nosem syropos. Sequenti uero die, post syropos accipiet purgans hoc medicamentum;

℞. Floris cassiæ	3	6.
Electuarij de succo rosarum	3	2.
Syrupi rosati solutivi recentis	3	3.

Misce, & cum aqua capillorum Veneris fiat potio, danda in aurora cum custodia. Octo deinde consequentibus diebus, aut etiam quindecim, id quod longe utilius fuerit, mane ac uesper, per horam unam ante cibum accipiet sacchari rosati unciam mediam. Atq; illi suadeo, ut per totum annum sacchari rosati usum faciat sibi familiarē, ac horis iam dictis frequenter illud sumat; pauca enim aut forte nulla auxilia inueniet suæ affectioni magis salutaria. Dictis iam euacuationibus administratis, per integrum mensem hoc unguento renes inunget:

℞. Succi rosarum		
Violarum		
Plantaginis	ana	3 1.
Olei rosati comp.	3	2.
Ceræ albæ	3	10.

Misce, & fiat linimentum pro renibus. Illud uero præ cæteris curabit, ut post purgationes & sobrietate & recta uicijs ratione utatur, omniaq; superius præscripta obseruet. Quod si in Sicilia, quemadmodum in Italia in agro Lucensi & Veronensi prope Calderium, ferreæ thermæ essent, author illi essem, ut per duos aut tres annos deinceps, in æstate, in canicularibus diebus biberet eam aquam, & more etiam consueto in ea lauaret. Mihi, etiam maxime probaretur, si his saltem in mense hæc pilulis uteretur;

℞. Rhabarbari electi		
Aloes		
Agarici præparati	ana	3 2.
Rosarum		
Myrobal. citrinorum	ana	3 1.
Spicæ		
Sem. foeniculi	ana	3 2.

Puluerizentur omnia per se, deinde misceantur, & cum mucilagine radicis althææ condita cum zuecharo fiat magdaleon, de quo singulis uicibus fiant pilulæ tres, pondere drachmæ unius, quæ per horam unam ante coenam sumantur. Et hæc, quod ad præseruationem attinet, dicta sint satis. Cum autem paroxysmus infestabit, si forte (quod Deus auertat) reuerteretur, illud primum curabit, ut si ille facilis est ac paratus ad uomitum, omnem cibum qui tum in uentriculo continetur, statim uomat: quod si quid præter cibum euomere etiam posset, utilissimum fuerit, & adhibita dexteritate debet adiuuare. Post uomitum unus aut alter, aliquando etiam tertius & quartus clyster erit iniiciendus: spacium autem inter unum & alterum interponetur, quantum doloris acerbitas concedet. Clysterium descriptiones sunt huiusmodi;

℞. Foliorum camomillæ		
Foliorum maluarum	ana	M. 1.
Furfuris		

Bulliant in sufficienti quantitate aquæ, ad consumptionem medietatis. Deinde

℞. Calsiæ pro clysteribus	℥	1.	8.
Mellis violati	℥	2.	
Olei communis	℥	4.	

Misce, & cum prædicto decocto fiat clyster. In secundo clysteri seruatæ superiori decocto, sequentia electuaria adjiciuntur:

℞. Hieræ picæ	℥	3.	6.
Mellis violati	℥	2.	

In tertio & quarto clysteri eadem, si opus fuerit, adjiciuntur.

Illud autem in primis adnotandum, nisi prius aut per uomitum, aut per clysteres, aut per utrumq; quod multo melius foret, fuerit euacuatus, loco affecto & dolenti, nec lintamina calida, nec unguenta, neq; alicuius generis fomenta, ut ferè fieri solet, aliquo modo applicanda esse; hoc enim dolorem auget, malum cumulat, & miserum hominem magnis cruciatibus confligaret. Quamprimum autem hæc facta fuerint euacuationes, leuioribus tum fomentis utendum erit, ut uitriolo in oleo seminis lini mortificato. Sequens etiam est utilissimum:

℞. Farinæ ex qua conficitur panis, duos plus minus pugillos.			
Sapæ			
Olei dulcissimi			
Vini dulcis optimi	ana	cyathum	unum magnum.

Omnia simul misceantur, & lente bulliant, ac interim permisceantur, donec acquirant formam emplastri, non quidem solidioris, sed potius mollis: illud deinde insuoluantur in lineo panno, & loco dolenti applicetur, ad dolorem enim sedandum est efficacissimum.

Iniectis clysteribus & uomitu etiam excitato, si dolor adhuc perseveraret, hoc illi medicamentum purgans exhibebitur aut mane aut uesperti, prout magis uidebitur expedire; sed in media etiam die aut nocte exhiberi potest, in huiusmodi enim affectibus nulla interponenda est mora.

℞. Floris calsiæ	℥	3.	6.
Specierum hieræ simp.	℥	3.	2.

Misce, & fiat bolus cum zucharo.

Diuidatur in parua frusta, & sumatur: deinde iuris in quo oleum, malua & hordeum sint decocta, ℥. i. statim bibat. Quod si post medicamentum perseveraret adhuc dolor, accipiat olei amygd. dulc. olei amygd. amar. ana ℥ 4. aut 5. quo accepto, per septem horas ab omni cibo ac potu abstinebit. Hisce omnibus administratis, si peritinax adhuc esset dolor, mane ac uespere tribus horis ante cibum, hoc decoctum sumet:

Accipe iuris in quo decoctus est pullus ℥. 2.			
Radices althææ	num.	2.	
Foliorum maluæ	p.	1.	
Grana alchechengi	num.	10.	
Cicerum rubrorum	g.	20.	
Cinnamomi crasse contusi	℥	3.	8.

Misce, & bulliant ad dimidium, & colentur: deinde in eo decocto imponatur butyri recentis, aut si ille abhorret à butyro, olei amygd. dulc. recentissimi ℥ 1. & sacchari optimi tantundem. Hoc totum bibatur calidum temperate. Quandiu dolor per seuerat, sobrietas mihi maxime probatur. Igitur elixus panis, & succus hordei ex iure pulli, illi erit cibus: aqua autem in quo hordeum & saccharum sint decocta, erit potus. Interim etiam frigidum nihil bibet. Singulis etiam diebus clysteribus utatur, non quidem quales superius sunt descripti, sed è solo eo decocto, cui olei chamæmelini ℥ 3. olei rosati completi ℥ 2. uitelli ouorum num 2. adjiciantur. Atq; hæc quidem præsentate paroxysmo administrari debent.

Pro Germano nobilissimo Belzero laborante Calculo;

Consilium CXCIX.



Obilissimus Germanus annos natus 60. ut intelligimus: optime se habens, & qui uestitur optimis cibis, in hac ætate constitutus, cum permanisset sanus usq; ad 54. ætatis suæ annum, primum conquestus est de hac ægritudine de improviso. Cum enim forte uellet emittere urinã, suppres-
sa est subito urina, & animaduertit aliquid esse, quod impediat. Multitu-
do autem urinae eiecit calculum, deinde uisus est sanus, & ita mansit ab anno 1542.
usq; ad annum 43. sine dolore. In mense Martio huius anni proximi circa lumbos
magnus dolor eum corripuit, isq; primo maximus, in secundo uero accessu balneis
lenior factus paulatim est, & sequentibus diebus exierunt plurimi calculi exiles, ut pi-
sa parua, eosq; facile eiciebat. Quodam die post suppressa urina, ut ne minimum qui-
dem urinae reddere posset, ut etiam de salute ipsius desperaretur. Aquam igitur diu-
reticam sumpsit, ex cuius potu cum maximo dolore eiecit tres calculos: primum ut
fabam, reliquos minores. Hoc notandum in hoc casu, quod ante nihil præcessit, & do-
lor tantum fuit in fistula, cum primum calculum mingeret; nunc dolor incipit ante cal-
culos, & quidem circa lumbos. In hoc casu tria quærentur. Sunt enim duo problema-
ta nascentia ab euentu rei: Primum, quid sit, quod huic uiro nascantur tam cito tam
multi calculi, & tam magni, non apparentibus, neq; in urina arenulis, neq; in renum
regione doloribus, neq; aliquo horum uestigio. Secundum, quæ sit præseruatio, ne ge-
nerentur amplius calculi, & quia metuit, ne adhuc adsint, hinc tertium oritur, si sint
plures calculi, quomodo curandus? His tribus ordine respondendum: Primo natura
morbi consideranda est, si uolumus eum recte curare. Vellem me posse aliquid scire
de temperatura corporis. Id enim per magni refert, sed ut audio, eam ignoramus om-
nino, ideo de morbo dicam. Calculus est ex genere fluxionum, quia fluit ex una par-
te in aliam, ut reliqui humores, licet sit solidus, fluit tamen & mouetur, ac seruat ueram
naturam fluxionis. Quia igitur fluxus, natura eius in quatuor consistit. Est enim pri-
mum membrum mandans, generans, & expellens. Secundo, uasa per quæ materia
transmitti potest. Tertio, materia & causa generationis calculi, efficiens & materialis.
Quarto, natura loci recipientis. His cognitis naturam morbi perfecte sciemus. Quod
ad primam partem, nemini dubium est, quod & Hipp. & Gal. 1. sexti Epid. circa inte-
stium pulchri commenti ponit, ubi de tota natura calculi loquitur, & autor libri de re-
num affect. (quisquis ille fuerit, mentem Hippoc. & Gal. optime est assecutus) docet;
quod sint loca calculi renes, & uesica, sed in renibus generati habent diuersa loca; uel
enim in carne ipsorum generantur. Sicut enim topi generantur in musculis, ita in
carne renum solent generari lapides: uel generantur in concauitate, quæ est in medio
renum. De materia autem quænam sit, sciendum ex iisdem autoribus, quod sint om-
nes quatuor humores, potest esse pituita, bilis, humor melancholicus, quandoq; san-
guis concretus, & tandem in lapidem uersus, sed crebrius est ex bile mixta cum pi-
tuita, quæ tanquam gluten se habet ad calculos, ideo subrubeos ac subcitricos semper
uidemus, cum mista quadam albedine extrinsecus, & præcedunt plerumq; in ijs qui
pariuntur calculum, arenulae fulvae & asperæ, quæ non possunt conglutinari, nisi per
aliquod uiscidum, sicut est pituita: & donec effluunt illæ arenæ, satis sunt tuti, quia ex-
pultrix uirtus ualida est ad expulsionem, sed quando retinentur, fiunt calculosi. Ex co-
loribus igitur habebimus materiam peccantem, quæ facit ipsum calculum, estq; plerumq;
bilis uel pituita, & quidem ubi pituita, sunt lapides duriores, nec ita asperi, ubi
bilis inæquales, fragibiles & asperi. Causa efficiens est calor, qui uel naturaliter
uel accidentaliter reperitur in ipsis renibus, uel quia natura calidi renes, uel ob
laborem, uel coitum, uel cibos calidos calefacti excoquant materiam, non aliter ac
lapis

lapis in fornace coquitur. Talis modo materia habet etiam causas procaciticas, nec tantum fit à qualitate, sed quantitate, & licet aliquis bene uescatur, & cibis exquisitis, tamen in maiori quantitate, ut non possit concoqui, repletur cruditatibus. Addit Auicenna debilitatem uirtutis expulsiuæ, quia ubi uirtus segnis in expellendo, & materia adest, & calor uehemens, statim fit calculus, & in talibus, ubi semel inualis, saepe redit. Viæ sunt uasæ urinaria, quæ renibus coniunguntur, & ducunt urinam ad uellicam, quæ si sunt lata, exit sine dolore magno, si uero angustæ, ut plerumq; uidebitis, defluxus lapidis erit cum summo dolore, ut in syncopen & mortem æger incidat: idq; interdum etiam ratione calculi fit, cum sint asperiores, quales ex bile & materia sicciori generantur; molliores uero ex pituita, & facilius exeunt. Membrum quod accipit est uesica, per quam effluit urina. Plerumq; enim contingit, quod lapis genitus in renibus mittatur ad uesicam, in qua si moram traxerit, paulatim noua materia uiscosa singulis diebus accedit, quæ adhæret lapidi, & coagulatur, unde crescit in maiorem quantitatem, si præsertim uirtus expultrix debilis non expellat. Si uero uirtus expultrix fortis est, expellitur paulatim, & si est amplus meatus uirgæ, id facile fit: si angustus, facit magnum dolorem & periculum, accedente præsertim asperitate calculi. Hic est totus processus causarum calculi. Iam igitur cognita natura calculi, facile erit respondere quæsitis. Ac primo, quod cur tam cito, tam multi, & tam magni lapides generentur, sine dolore expellantur, & non præcedant arenulæ. Nescio an hic uir sit humidæ temperaturæ, sed ex calculis conijcio, quia sunt coloris flauis & albicantis, quæ indicant dominium bilis & pituitæ. Et uidetur adesse caliditas hepatis, uir est oculosus, uitur optimis uinis in aëre frigido & Germanico, ubi pori obstruuntur, quare non mirum, si natura multum deferat ad renes: ex plurimis cibis & materia multa generantur plurimi lapides: & quia ibi est caliditas renum: adest sic fortitudo causæ agentis & efficientis. Non igitur mirum si generantur cito: sed cur sine dolore in transitu ad uellicam perueniāt, & tamen dolet in uirga? Gal. in comment. dicto: quando calculus generatur in cauitate renum, non soluit continuitatē, quia maior est meatus: si sit in loco amplo, non facit dolorem; & quia uir calidus habet amplos meatus, & calculus ipse solidus ex pituita generatus, ideo in transitu non sentit dolorem. Sunt enim duæ causæ doloris: ob intemperiem nunquam facit dolorem calculus: sed ratione solutionis continuitatis ob magnitudinem, duritiem, asperitatem, contundendo & incidendo. Sed hic calculus generatus est in concauitate renum in loco amplo, ubi nec premit nec extendit, & caret omni asperitate, constat ex pituita, sunt solidi, leues, & bene cocti, & sunt meatus ampli, ideo non percipit dolorem in transitu, remota enim causa remouentur effectus. In secunda excretionē illorum sensit dolorem magnum circa lumbos, circa regionem renum, & ille calculus grauabat, quia generatus in ipsa substantia & carne renum, ideo premebat & faciebat carnem intumescere, & comprimere adherentem panniculum, seu membranam, quæ ualidissimi est sensus, unde sensit maximum dolorem. Tandiu ergo mansit sine dolore, donec parui erant. Cum autem maiores, doluit dum expellerentur. Erant enim instar fibræ, & ductus inæquales sunt, & anfractuosi, & semper impingitur in anfractibus, & fit dolor, ideo ob magnitudinem dolorem fecerunt, & obstruxerunt meatus urinæ, & ita non potuit excernere urinam, donec ei data fuit aqua diuretica. Sed quare calculum nunquam præcesserunt arenulæ, si habet latas uias & uirtutem expulsiuam fortem? Fortasse hoc contingit, quia tam calidos renes habet, ut præueniat expulsionem coctio, & maturatio propter fortissimum calorem. Et hæc quoq; causa cur cito generentur, & causa quare non expellantur, quia subito regenitæ sunt arenulæ, quæ corripiuntur à pituita, & concoquuntur postea à calore, ac magnitudinem acquirunt, antequam expellantur. Hæc ad quæstiones. Ad præseruationem, quæ est nobilior, nunc deueniamus. Non autem multum differunt indicationes præseruandi & curandi, ut de tuen. saniti. lib. 4. dicitur, quia quæ ad præseruationem requiruntur, faciunt etiam ad curam, præcedunt

Quint tamen indicationes præseruationis. Necessè autem est, ut in sex rebus non naturalibus optime se habeat, nihil comedat, quod humores generet calidiores, uel pituitosos, omnia sint ~~simplicia~~ ac temperata, media inter crassum & tenue. Bilis enim à calidis & siccis cibarijs, pituita à frigidis & humidis generatur. Quare debet temperate edere & bibere. Et quia nemo tam prudens quin cadat aliquando, prouidendum est, ut præueniat purgando eos humores, qui huiusmodi malum causant, & corroboret membrum, ne facile recipiat. Cum quo instrumento? Optimum est ex Rhabarb. & Agarico, & misce aliquid Myrobal. & aliquid temperatum, quod facile transeat ad uias urinæ, ut Cinamomum cum feminibus melonum, ut in tali forma:

℞. Rhabarbari	3 iij.
Agarici electi	3 2.
Cinamomi	
Myrobalanorum	
Sem. Melonum	ana 3 s.

Semel in septimana accipiat. Utatur etiam refrigerante Galeni, ungendo loca renum. & sumat singulis diebus saccharum rosatum. Si calculus affectus est, oportet illico mittere sanguinem à poplitibus. Sed nunc non secamus eas uenas, sed Saphænam. Facta diuerfione materiæ, cum his quæ leniter euacuant, ut simplici Cassia, procedere postea oportet, & darem Cassiam cum Agarico. Si esset in renibus, utatur oxymelle, & aqua mulla: nunquam frigidis, nunquam calidis procederem, sed semper temperatis, uel incidentibus: quia terreum, quod à calido coagulatum est, ut lateres, nec à calido nec à frigido dissoluitur, ut patet ex Arist. 4. Meth. quare non possumus progredi nisi cum incidentibus & lenientibus. Admisceatur igitur oxymel cum aqua mulla. Bellocatus ex Dioscoride protulit: Afellos, quos dicunt, in puluerem redactos, cum decocto Petroselinij, & Apij prodesse laborantibus calculo. Item sanguis leporum extra corpus etiam impositus lapidem frangit. Exiccatur etiam, ut seruetur ad usum, quemadmodum sanguis hircinus. Spongia quæ in rosetis nascitur, puluerizetur, & cum æquali pondere Cinamomi data frangit, & præseruat. Si adest dolor in lumbis, balneum in oleo prodest: & ungatur cum oleo scorpionis.

De calculo pro eodem.

Consilium CC.



Aeris excessus omnes sunt uitandi: frigus tamen præcipue fugiendum. Circa renum regionem nihil applicet, à quo uel caloris uel frigoris redundantiæ, percipiant: prorsusque studeat ut omnia temperata in calid. & frigid. tam per os quàm exterius corpori admittat. Hic enim morbus hoc habet proprium, ut utroque tam caloris quàm frigoris excessu, lædatur. Animi omnes ingentes motus, quantum humana fragilitate fieri potest, euitet: præcipue iram & mœrorem. Somnos longiores effugiat: præsertim meridianos: & nisi noctu aliqua occasione à somno impeditus fuerit, tempestiue surgat. Eoq; tempore exercitio tam animi quàm corporis commodissimo utatur. Vtrinque enim alternatim admitti potest, præcipue corporeum: usque ad sudorem & anhelitus frequentiam. Ita tamen ut peractio exercitio, caueat ab aëre frigido: & si sudauerit, sudor exquisitè abstergatur, quiescatq;. Vt inter prandium & exercitium saltem una hora intercedat. Procuret omni conatu quotidianas alui excretiones. At si aliquando desecerint, hoc familiari utatur præsidio. Mane hora una aut altera ante prandium, gallinacei iuris heminam amplam bibat, in quo decoctus sit manipulus maluæ & mercurialis: addita in fine portiunculæ zuchari. Eundem usum optime præstabunt caricæ pingues. 1. ficus aridæ. Si decem aut quindecim iugiter in prandio sumantur. Præter

quàm enim quod alium mollem efficiunt, renes etiam non mediocriter purgabunt. Bis tamen singulis diebus prandio inquam & coena cibum moderate & citra saturitatem assumat, neq; in medijs intervallis aliquid potet: quia & inter comedendum parce admodum bibendum censeo. Sit autem unico cibi genere contentus, & prae cipe euitet carnes, pisces, lac, & butyrum, lacticiuorumq; omne genus piscibus com miscere. Ad secundum cibum ne accedat, nisi priorem se exacte concoxisse cognoverit, & quoniam scribit se exquisitissimo cibo & potu uti, uelim in eo perseveraret. Verum quantitatem & uarietatem eodem tempore euitet. Velim tamen à piscibus omnibus abstinere. Carnes eligat uitulas, hœdinas, pullaceas, aues omnes, quæ in montibus & locis campestribus minimeq; palustribus degunt: lepores quoq; & cuniculos iuniores. Vratur ferculis bene elixatis: qualia sunt far, oryza, spelta. Sumat iura omnia in quibus laudatæ carnes excoquantur. Oua forbilia uel simplici aqua elixata summopere laudo. Pro acetarijs & condimentis cappares, intyba, oliuas, con cesserim: nonnunquam æstatis tempore lactucas etiam. In secunda mensa pyra aut poma cocta & saccharo uel fœniculo, aut aniso aspersa. Summopere euitet aromata & iuseulorum genera illa feruentissima, quæ non minus comedunt uiscera, quàm ipsa comeduntur: quorum in Germania frequentissimus usus est. Vinum eligat tenue, lucidum, maturum: quod nec dulce nec acerbum sit: in quo nullus emineat sapor, nec tamen insipidum, sed potius sapidissimum sentiatur: optarimq; ipsum colore album potius. Ceuissiam autem cum flatuosa sit, nisi necessitas cogat omnem dimittendam censeo. Si tamen ille bibendo assuetus fuerit, neq; inde nocumentum percipiat, poterit interdum ea uti: si uini probabilis copia defuerit. Hæc omnia si diligenter obser uarentur satis sufficere possent, tum ad tuendam sanitatem, tum ad remouendos fo mites futuræ ægritudinis. Sed quoniam ea est humana imbecillitas, ut nec in propria uita seruanda semper ad amissim seruet, imò frequentissime delinquat, delireiq;. Ideo adminicula quoq; adscribentur, quibus errores corrigi possent, & sanitas casu ra fulciri. Primum igitur commodissimum iudico, ut semel aut bis singulis annis to tum corpus exquisitè purgetur circa idus Aprilis & Septembris, effectq; purgatio hu iusmodi: Primoumat hora ante prandium Floris opt, cass. & recentis 3. 10. cum zac charo ad bolum redactæ. Syrupum hie sequenti in aurora calidum bibat, quem usq; ad nonum eundem repetat:

℞. Syrupi acetosi			
Mellis rosati	ana	℥	1.
Decoctionis infra scriptæ		℥	4.
Radicum althææ	num.	℥	4.
Sem. Melonum			
Maluæ			
Anguriæ			
Cucurbitæ	ana	3	2.
Comarum uiridium fœniculi	℥.	℥	1.

Bulliant omnia simul in duabus libris aquæ endiuizæ, usq; ad consumptionem medietatis, deinde coletur & exprimatur, pro tribus uicibus. Sumptis 9. syrupis, ita deinde purgetur:

℞. Floris Cassiæ	3	6.
Electuarij de succo rosato	3	2.
Syrupi rosati solutui	3	3.

Cum aqua capillorum Veneris fiat potio, sumenda in aurora cum custodia. Laudo etiam quàm frequentissime ante cibum unciam optimi Zucchari deglu tui. Summopere enim confert ad stomachum, hepar & renes corroborandos.

His ita anno integro peractis, spero salutem non remum tantum, sed totius quoque corporis affuturam. Quod si reliquæ quædam permanserint, longa experientia comperit habeo, ad hoc genus morbi potum aquæ thermarum ferrearum, quales sunt in Italia in agro Veronenſi Calderianæ, & in Lucenſi Villanæ, desperatos etiam renum dolores, & aptitudinem ad calculos generandos, hoc ſolo præſidio sæpe ſanari proſuſ. Sunt autem potandæ in diebus canicularibus, coelo ſereno & feruentiſſimo: præmiſſis exquiſitiſſimis totius corporis purgationibus. Vbi uero dolores iam in actu inſeſtauerint: primo uomitum prouocabit; deinde dyſteribus per inferius eſt ducet materiam inteſtinalis impaſtam hoc modo:

℞. Florum Camomillæ

Anethi

ana

℥. i.

Fœnugræci

Sem. Lini

ana

℥. i.

Cumini

℥. s.

Decoquantur in aqua fontis ſufficienti ad dimidium, ſumatur huius coctionis libra, & miſceatur cum uncijs ſex olei Camomil. & imponatur tanquam remedium ad excutiendos, ſtatus, ſedandosque dolores præſentiſſimum. Quod ſi adhuc dolor perſiſterit, addantur libræ eiſdem decoctis:

℞. Hiæræ picræ

℥. 6.

Diaphœniceis

℥. 4.

Olei anethini

℥. i.

Exterius uero cum lana ſuccida applicetur oleum de Scorpionibus, cum oleo Amygdalarum amararum conſectum, uel oleum liliorum alborum, aut anethinum, aut camomillæ, aut quæ ex his componuntur. Utaturque eo tempore cibo tenuiſſimo, ſitque illi potus ius pulli calidum, cum cinamomo aut aniſo. Et ſi neque his dolor ceſſauerit, hæc utatur ſtatim medicina:

℞. Floris caſiæ

℥. 6.

Specierum hiæræ

℥. iij.

Miſce, & fiat bolus cum zucharo, & ſtatim ubi hunc bolum ſumpſerit, ſumat heminam unam iuris, in quo decocta ſint folia maluæ & hordeum. Velim ſingulis menſibus pro præſeruatione ſumeret pilulas tres:

℞. Rhabarb. electi

Aloes optimæ

Agarici

ana

℥. 2.

Rofarum

Myrobal. citrinorum

ana

℥. i.

Spicæ

Sem. fœniculi

ana

℥. s.

Puluerizentur omnia per ſe, deinde miſceantur, & cum muſcilagine radicum Althææ, condita cum zucharo, fiat magdaleon. De quo ſingulis uicibus fiant pilulæ tres, pondere 3. ℥. quas ſumet hora una ante coenam. Hæc ſunt quæ pro huius uiri nobiliſſimi ſalute in medium attulimus. Vellemus tamen priuſquam his uratur, prudentiſſimum medicum conſulat; qui pro ægri natura nobis incognita, poterit omnia moderari, conſulatque de miſſione ſanguinis, eo tempore quo his in anno uniuerſales facit purgationes: quæ ſummopere nobis placeret, poſt duos primos ſyrupos exhibitos. His omnibus diligenter obſeruatis, ſperamus Dei

Optimi Maximiſque nutu à ſummis cruciatibus fore liberum.

De Calculo, pro eodem, Vbi de Phlebotomia in senē agitur; &
aliæ quædam quæstiones à Belzero pro-
positæ dissoluuntur.

Consilium CCI.



Væritur, sanguis ne mitti possit nato quinquaginta septem annos, & la-
boranti calculo. Quoniam bonæ ualeitudinis est, uenas habet amplas, &
multum sanguinis; bene potest etiam in hac ætate, respectu huius mor-
bi, sanguinem mittere. Porro hæc missio in uere fieri debet, & in basilica
dextri lateris. Quantitas sang. mittenda est secundum considerationem
temperaturæ, & substantiæ sanguinis, obseruando diligenter qualitatem regionis,
naturamq; eius & proprietatem, ac etiam rationem latitudinis ac elevationis poli.
Vnus erat ante uino sublimato cum hedera syluestri, & calculos excreuerat. Ea medi-
cina cum illi interdica; nunc quærit cur ipse iuuamentum senserit. Possit etiam quæ-
ri, utrum uinum sublimatū illud cum hedera syluestri prodesset ad calculum renum,
Sed quia illud non quæsitum est, ad id quod quæritur respondebimus: Quod à calo-
re & siccitate concretum est, non potest nisi per contrarias qualitates dissolui ac li-
quesieri; ita & de calculorum dissolutione sentiendum. Calculus renum ab igneo ca-
lore concoctus, non potest uino sublimato aut alijs rebus calidis & siccis dissolui; imò
ab his magis induratur. Quod autem ad dissipationem & dissectionem calculorum
attinet, sciendum quod illi qui ex calore cocti & concreti sunt, non dissoluantur nisi
per substantiam subtilem, & penetrantem ad fundum usq;: siue ea substantia sit frigida,
ut est succus limonum & acetum; siue calida, ut uinum sublimatum & aquæ destilla-
tæ; aliæ calidiores etiam in 3. g. de quibus aquis dissoluentibus calculos omnium
Medicorum libri sunt repleti. Quare uinum adustum ratione substantiæ subtilis &
penetrantis, dissoluit lapides, sicut in historijs de aceto Hannibalis legimus: quo ipse
rupes & montes lapideos fregit & dissiecit. Quod ad præseruationem ne congre-
gentur arenulæ, & fiat calculus, superfluum existimo aliquid addere, cum illud in consi-
lio nostro, quod ante aliquot menses suæ D. misimus, satis clare ostenderimus. Caueat
ab eo, quod ab aliquo ei (quantū intelligo) persuasum est, quod mihi displicet; nempe
quod utitur quotidie illis cibis quæ urinam prouocant; ut Petroselino, quod omnibus
cibis immiscet, & cum ijs utitur: quo Petroselino, tanquam medicamento inconue-
nienti, ipse omnem materiam trahit ad loca imbecilliora, ut ad renes & uesicam; quo
meatus ampliantur & fiunt maiores, & ita ipse multos fluxus è Petroselino prouocat.
Qui solet esse error non minimus & cōmunis Medicis illis uulgaribus & imperitis;
in quo plerumq; impingunt. An calculi tam grandes in renibus generari potuerint,
cum tanta angustia ureretur? Quod calculi in renibus non excreuerint in tantam
quantitatem facile concedo: non enim uideo quomodo tam grandes lapides per tan-
tam angustiam emitti queant, sine maximis doloribus & uitæ periculis. Sed ueritati
uidetur admodum consentaneum, quod in renibus coeperint fieri, & postea cum ad
uesicam uenerunt, paulatim creuerint & aucti sint, donec ui tandem sint expulsi. Quo
modo euitari possit fluxus Catarrhalis, quo sub finem hyemis laborat quotannis? Ad
euitandum catarrhū necesse est, ut regimen uictus in consilio nostro descriptum dili-
genter obseruet, siquidem sanitatem suam conseruare uelit. Præter ibi memorata ter
uel quater in mense uti poterit pilulis infra descriptis, uesperī una hora ante coram;

Agarici electi 3 6.
Aloes optimi
Garyophyllorum
Nucis muscatæ ana 3 4.

Puluerizentur omnia per se, deinde misceantur. Postea infundantur in succo rosarum puro, & permittantur exiccare sub sole, & ita iteretur septies. Postea cum syrupo de sicca de fiat magdaleon: de quo formantur pilule tres, pro singulis vicibus. Est etiam maxima & optima medicina pro euitando catarrho, confortare uentriculum, hepar, renes & uesicam. Quod fiet, si singulis diebus ante prandii & cenam sumas Zucchari rosati ʒ 1. uel 2.

Pro quodam laborante calculo renum,

Consilium CCIII.



Verebatur æger de grauissimis doloribus circa partem lumborum intra trinq̃ tendentibus uersus regionem uesicæ, ac inde ad testiculos etiam, quæ res impediærat eum, quo minus biduo urinam mittere posset. Accedebant ad hæc copiosissimi alij fluxus etiam, & quasi ad diarrhoeam tendentes, cum magnis doloribus intestini, pruritu etiam, & tenasmo fortissimi. Exhibuerant succum raphani: quem dicebat Montanus sua caliditate totam faucium regionem, stomachum ac uentriculum inflammasse, foris applicari quidem posse, sed intra corpus non sumendas tales mulierum medicinas. Montanus uideret omnia hæc symptomata à calculo generari, uoluit ut statim (nondum enim comederat aliquid eo tempore præter ius) eo mane acciperet;

℞. Specierum hieræ simp. ʒ 1. s. cum melle rosato fiant pilule. Et quia corpus eo fluxu uentris satis euacuatum uidebatur, iterum quoq̃ ut foueret, permisit.

℞. Furfurum puriorum q. s. eos misceas cum uino cocto, & oleo optimo, æquali quidem, sed pro furfuribus sufficienti quantitate, idq̃ postea coctum, & panno inuolutum calidum loco lumborum, & regioni uesicæ apponere iussit. Pro doloribus intestinorum & fluxu uentris non ordinauit aliud, quàm elysiere ex uitello oui, & pusana hordeacea, id est, hordeum decoqui iussit in iure pulli, donec aperiatur: deinde illud conterî, & misceri donec consistentiam aliquam liquidioris pulmenti contraheret, idq̃ cum uitello oui mixtum imponi. Intestina enim id absterget & confortabit, doctoremq̃ propter uitellum oui mitigabit (apposuit etiam interdum testiculis farinam fabaceam calefactam.) Huic, ut esset efficacius, addiderunt interdum aliquid furfurum, & mellis rosati. Cibum ex pullo pisto, panatella & alijs: irem ius pulli, & alia esse uoluit leuiora, ut auisculas. In potu uinum non concessit propter fluxum, ut arbitror, & etiam ratione supercalefactionis hepatis. Iussit igitur sumi ius pulli, & in eo decoqui 2 s. aut 30. grana Ciceris rub. Liquir. ʒ 1. & Althææ radices 4. uel 5. idq̃ eum bibere pro exigentia & ratione sitis. Voluit etiam ut si quidem pilulis Hieræ non iuuaretur ea uespera, sumeret ʒ 4. olei Amygd. dulcium, & ʒ 4. amararum, ac misceatur, ac duabus vicibus ebibat. Erante eum haustum Penidiarum ʒ s. & tantundem post eum haustum deglutiet: ita tamen, si ex priori iuamentum (ut sperabat) perciperet, alterum non sumeret, ne uentriculum alioqui debilem, nimis relaxaret. Eo die sumptis pilulis urinam eiecitursummo impetu, & quasi cum quodam flatu in lectum erumpentem, ita ut urinale disruptum uideretur. Quare Montanus sequenti die uoluit ut oleum sumeret, sed eius loco hunc syrupum ordinauit:

℞. Cicerum rubeorum	num.	30.
Radicum althææ	ʒ	1.
Florum Chamæmeli	ʒ	3.
Seminum Alkekengi	num.	10.
Foliorum Maluæ	℞.	1.
Cinamomi	ʒ	2.

Bulliant omnia simul in duabus scutellis iuris pulli ad consumptionem medieta-
tis, deinde facta diligenti expressione

℞. Butyri recentis

Sacchari albi

ana ʒ i.

Misce omnia simul, & bibat calidum loco syrupi. Regio stomachi inungatur un-
guento ex oleo Absinthij, & Malliches pulueriz. 3. 2. factio cum modico ceræ. Pro-
futurum etiam affirmabat, si immitteret totum ventrem inferiorem in balneum aque
dulcis, in qua decocta essent Chamamelum, Foenugræcum, Anethum & Malua. Sed
hoc uti non potuit propter consuetudinem nimis delicatam. Aliquet diebus post,
cum & fluxus paulatim sifteretur, nec tantos dolores uel in intestinis uel alijs partibus
sentiret, & arenulas aliquando copiose excerneret, nec tamen omnino leuaretur, sed
subito post sumptum cibum, & maxime à coena cum dolores inuaderent, & in intes-
tinis cum uentositatibus molesti essent, non tam uehementes quidem, sed tales tamen
qui somnum impedirent, donec fomenta suprascripta adhiberet & clystera: roganti
causam Montanus dixit, illud esse proprium symptoma laborantium calculo renali, à
Galeno etiam enarratum in lib. de passionibus renum, & addidit rationem, uel quia
assumpto cibo in uentriculum, & calore naturali in eum agente, necessarium etiam es-
set generari flatus & uentos, qui expulsi inflarent intestina, & facerent tenasum, &
dolores illos: uel etiam quòd uentriculus cibo inflatus succedenter comprimeret par-
tes uicinas, ut ea compressione concitaretur dolor. Concessit etiam, ut inter assumen-
dum cibum ulno uteretur albo, & non acerbo, ac paucifero. Syrupum etiam suum æ-
ternis tantum biberet diebus.

De calculo, gonorrhœa, & colico dolore.

Consilium CCIII.



EX insigni iecinoris caliditate, & uentriculi frigiditate, tanquam à qui-
busdam fontibus oriuntur omnes dispositiones præter naturam, de quib-
us conqueritur Reuerendus Dominus. Inde enim repletur caput ob
plurimos uapores, tum à toto uenarum ambitu, tum ab ipso uentriculo
elatos, quorum ratione catarrbus, seu destillatio copiosa generatur. In-
de etiam cruditates in toto uentre multiplicantur, quæ postea colici doloris materia
efficiuntur. Arenulæ uero, calculi, & gonorrhœa germina omnia sunt iecinoris, & re-
num calidorum. Quibus ita se habentibus si R. D. S. uelut ab huiusmodi & alijs quoq;
quamplurimis incommodis, quæ ob negligentiam facile contingerent, libetari, opti-
mum, ut in uictus ratione nihil, quantum fieri potest, delinquat. Cum enim membra
ea, quæ ita naturaliter quasi sunt affecta, corrigi nequeant, habent necessario & perpe-
tuo causas intrinsecas, quarum ratione facillime in eas omnes molestias potest inci-
dere. Ergo perpetua quoq; diligentia adhibenda est, ut illa accidentia quæ ab his pro-
ueniunt, remittant. Quantum igitur ad aerem attinet, ab omni excessu tam frigoris
quàm caloris cauebit, & à uentorum præcipue, nocturniq; aeris iniuria, capillos bre-
ues admodum habere curabit, ac paulo extra cutim, abluetq; caput singulis mensibus,
quater, lixiuio ex uitis confecto, in quo rosæ, Chamamelæ, Maiorana, æquis parti-
bus decoquantur, addita etiam Agarici drachma, ligati in petia, sitq; abluendi hora
potius uespertina ante coenam, nec subinde post lotionem aëri frigidiiori se exponat.
Balnea etiam dulcis, & potabilis aquæ mediocriter calefactæ, non mediocriter expe-
dient, si tempore maturino adhibeantur. Deinde suauiter exiccato corpore illinatur
statim oleo rosato odorato, uel oleo uiolato, quæ habentur apud unguentarios, non
aromatarios. Exercitio utetur assiduus quidem, sed moderato matutinis horis, & post
exercitium quiescet in loco calido, ubi conabitur plurimis uicibus spiritum, uel anho-

linum continere, ut inde excrementa per totum corporis habitum melius, & validius excernantur. Animi molestias omnes, tanquam pestem vitabit, curabitq; ut quotidie excrementa debita, per alium præcipue, excernat. Quod si quandoque defecerit, utatur decocto Maluz, Mercurialis, ex iure pulli, cum passulis dulcibus & saccharo. Vel ex Cassia fistula bolus conficiat, & ad uncie pondus deglutiat. A Venere non, omnis nõ quidem abstinerebit, sit tamen in illa parcus, nec ad eam accedat corpore uel repleto, uel nimis ieiuno. Virunq; enim pariter nocet, sitq; ueneris usus utilitatis potius, & necessitatis, quàm uoluptatis ratione. Diurnus somnus non placet, nisi ob nocturni indigentiam. Utatur cibo simplici. Nihil enim deterius, quàm epularum copia, seu multitudo. Eligat pullorum carnes, uulorum, autum omnium campestrium, hœdinas, & castrati, à reliquis omnino abstineat. In esu piscium sit parcissimus, oua recentia forbilia admittantur. Caveat à lacticiuorum genere, à pastilibus, à rebus frictis in sartagine, à fructibus, nisi forte quandoq; uel modicum quippiam melonis optimi, uel ficum degustet. Vino utatur bene maturo, & subtile, uel subruceo, uel albo limpidissimo. Caveat à turbido & nigro, præcipue, si dulce fuerit. Euitet comestiones & frequentia pocula, neque inter prandium & cenam bibat. Hæc sunt, cum quibus maxime cura perficietur: sunt enim totius suæ sanitatis, & præseruationis fundamenta. Quantum uerò ad Medicinalia attinet, S. D. in eo statu, quo reperitur, pharmacorum auxilio non indiget. Si tamen aliquo remedio utendum est uexante gonorrhœa, illinat utrosq; lumbos à summo ad imum, cum unguento tali.

℞. Sandalorum Citrinorum

Rosarum rubearum ana 3 iij.

Vnguenti rosati Mesues eiusdem anni 3 2.

Misce, & fiat linimentum. Poteritq; omni tempore hora ante prandium & cenam, confectione trium sandalorum uti, ita ut rotulas habeat, de quibus singulis uiscibus drachmam accipiat. Quod si arenularum seu calculi læsionem senserit, sumpta prius cassia, pondere 3. 12. bibat decoctum infra scriptum;

℞. Cicerum rubeorum num. 30.

Sem. Alkekengi, id est, Solani uescicatorij 3 s.

Ceterach M. 1.

Cinamomi 3 s.

Foliorum foeniculi M. 1.

Bulliant omnia in duabus scutellis iuris pulli, donec absumatur pars dimidia, inde facta expressione, & colatura

℞. Decocti præscripti 3 4.

Sacchari 3 1.

Bibat quatuor uel quinque horis ante prandium, erit enim remedium præstantissimum. Si colico dolore uexaretur, adiungat specierum hieræ simp. 3. 2. Floris cassiæ 3. 6. Cum saccharo fiat bolus. Clysteribus utatur mollioribus primo, deinde etiam acutis, à ciboq; interim abstineat, & si fieri potest, euomat. Catarrhus cum lenis admodum sit, & uix perceptus, quemadmodum audio, sola uictus ratione curabitur. Hoc tamen anni tempore æstiuo, accedentibus iam diebus canicularibus summopere laudo, ut calderianas aquas bibat, in eisq; lauetur. Optime enim profunt ad calculos, arenulas, & gonorrhœam.

De suspicionem calculi in renibus, cum multis alijs symptomatis, pro Polono.

Consilium CCV.



Larissimi D. dixit Galenus in primo de locis affectis, in multis artem nostram habere coniecturas. Et quarto Aphorif. saepe nos illas coniecturas fallere: quod si unquam continget, fiet id maxime in casu huius Magnifici Domini. Est enim ualde difficilis, & habet difficultates quidem contradictorias, circa pedes ei contingunt duo opposita: Primo

cum est in lecto opertus pannis, non potest id aliquo pacto ferre, ob nimium calorem: postea stuporem sentit, in planta pedis & in digito pedis tumorem, quæ duo sunt contraria; stupor enim est actio frigida, & tamen nullo modo fert calorem. Sunt & aliæ difficultates; unde proueniat seminis retentio circa ultimum actum Veneris. Propterea non potest mittere urinam nisi contrectet uirilia & testiculos. Nisi cognosceremus causas horum symptomatum, difficulter inueniremus eorum curationem. Præterea cum mane somno excitatus surgit, non potest clausam aperiare, nisi admovent alteram: nec apertam claudere uoluntarie: & etiam cum erigitur semper sentit dolorem in dorso continuum, & quasi pondus quoddam: cum decumbit aut sedet nihil eiusmodi patitur. Hæc symptomata difficilia sunt, & habent quasdam contradictiones inter se. Antequam autem dicamus de causis, oportet uidere, quæ nam fuerit naturalis temperatura huius Magnifici Domini, & quæ nam nunc sit. In hoc tempore uideo maxime musculosum, licet habuerit ægritudinem aliquot iam annis. Habet musculos robustos, non ex pinguedine, sed carne solida & tactu aspera. Ossâ solida habet & neruos manifestissimos, & uenas latissimas, fuit magnus & fortis in bello, Veneri plurimum indulsit: pili erant flauis, ut audio, unde crediderim eum in duobus membris, corde & hepate fuisse satis insignis caliditatis. Quod autem non habet pilos nigros, nec carnem nigram (secundo de Temperamentis Galenus, & secundo Artis paræ) quæ extra cutim apparent, intelliguntur in regionibus temperatis, non in ijs, in quibus est aliquis excessus. Frustra quæres albos homines in Æthiopia: contra non reperies nigros apud Scythas &c. sic de alijs. Testatur etiam hoc quod fuerit calidæ temperaturæ: nam aliud audio, quod fuerit sanus admodum, illi autem qui habent frigida illa membra, facile in putridos morbos incidunt, hic nunquam fuit infestatus morbis. Ad hæc alia accesserunt incommoda: à causis alterantibus, aëre extrinseco, exercitijs uarijs, accidentibus animi, cibo & potu, in quibus omnibus excessit hic Magnus Dominus, habitat in quadam ciuitate Poloniæ, aëre frigidissimo, Et est fluius frigidus, qui rapidissime transit eam: iamq; senex, non potest ita resistere causis alterantibus, natus annos quinquaginta septem. Scitis autem aërem frigidum admodum obtundere calorem innatum. Deinde totis diebus est in uenationibus, & tunc non prandet, uesperis autem in reditu post motum cum amicis est, & multum cibi ingerit. Est autem longe peior repletio post inanitionem, quam inanitio post repletionem. Varijs cibis utitur & inordinatissime. Accidentia animi perpessus quam plurima: in consilij manent duobus mensibus continue, interim de regno plurimum considerantes. Indulsit Veneri plusquam oportuit. Ex his causis alterantibus, quoniam non debite corpori applicantur, omnes hi morbi orti sunt. Hinc omnia illa membra perpessa sunt malum: & primo uenterculus aggregauit humores crudos, unde fit quod secunda coctio non potest corrigere primæ coctionis uitia, & ita factum est tandem, ut totum alimentum crudum relictum sit, ex quo multa incommoda secuta. Generatum plurimum pituitæ, ob uenterculum non bene concoquentem, & multum bilis etiam, propter nimiam caliditatem hepatis. His ita se habentibus multiplicata sunt excrementa, quæ causa sunt tot symptomatum. Incipiam ab eo de quo est maxime sollicitus: pondus in dorso est mihi ualde suspectum, quia dubito de calculo in renibus, quem uere maximum credo, perpetuum enim pondus percipit cum se erigit: cum autem sedet, aut curuus est, non ita. Venæ emulgentes quæ connexæ sunt cum uena cava, à renibus, quibus impactus est calculus, grauantur, ideo non potest manere erectus, quia tum magis pendent renes, cum uero acquirit, non

non multum sentit doloris, quia non ita pendent, in curru autem, quia curvus uoluitur & irrequietus manet, plurimum dolet. Est & aliud quod me facit suspicari adesse calculum: quod ubi materia præparata & efficiens idoneum, facile inducitur forma. Passiens optime paratus fuit: in hoc Domino calor is uis ingens, & generata est etiam materia pituitosa plurima. Vnde autem est quod in pedibus habet illa duo opposita suporem, & tamen non potest ferre calorem. Fuit paratus ad Erysipelas, & fuit paratus ad suscipiendos calores: & quia multum fuit materię calidę, solita est ea illos effluere, ipsi autem calidissime se operiunt cum decumbunt in lecto. Supor in planta pedis esse potest, quod materia per nervos & uenas transierit ad plantam, & hæserit ibi: digitus uero cum mouetur dolet, quia materia comprimitur, quia est in nervo & tendine, mouetur, ac ex subita alteratione dolorem percipit. Sed cur urinae supressio, & quod cum tractantur testiculi, insurgit appetitus mingendi? Credo quod sit propter humores plurimos, qui occupauerunt eas partes & uasa seminaria, quæ cū a testiculis ad penem determinantur, ad communem locum, ubi simul & urina & semen eijciuntur, credo quod collum uesicę sit obstructum ab aliqua cruda materia, & præter id etiam aliquę sunt obstructions in uasis seminarijs, ita ut iuuent se mutuo ad obstructions faciendas: sed cum tangit & tractat testiculos, concurrunt eo spiritus ob delectationis suauitatem, qui spiritus faciunt apertionem, non quod ipsi extrahant humores, sed quod sua caliditate faciunt uirtutem expulsiuam faciliorem, & ob tenuitatem aperiunt loca, & calefaciunt meatus ut laxentur, & sequitur ille effectus. Audio etiam quod cum egerit nobilis ille Dominus, nullo pacto potest emittere urinam: quod sit, quia cum feces transeunt intestinum rectum, comprimunt uesicam & obstruunt meatum eius, ut non possit mingere donec feces excreuerit. Dum coit & semen peruenit ad ea loca non potest exire. Sed ibi permanet cum magno dolore, quia ibi collectum excitat maximos dolores, ut Galenus testatur sexto de locis affectis, facit decolorari homines in toto corpore. Hinc est quod tam pallidus est hic nobilissimus Dominus per totum corpus, & quidem illa causa sola esse potest tantę frigiditatis totius corporis. Quod uero post somnum, manum si noctu clausam habuerit, sponte aperire nequeat, nec claudere si apertam nisi alteram manum admoueat, sit propter humores crudos, qui generantur in corpore eius dum dormit, a quibus uapores attolluntur, & transeunt ad loca imbecilliora, ob eos muscoli repleti non possunt exercere proprium officium, donec post exercitium & agitationem calor ad eas partes redeat, coctione in uentriculo expleta. Ructatio sit post cibum duabus de causis, quia grauitas multa est quæ facit, ut non possit continere. Secundo, quia cum sit concoctio & uenter non continet, quantum & quo modo oportet, ideo sequuntur illa impedimenta ex diminuto calore. Has horum symptomatum causas esse crediderim, quod si illa omnia symptomata tantum essent, nec esset aliqua suspicio de calculo, sicut in principio dixi, sperarem omnia facile posse curari arte medici: sed si ea ex calculo partim pendent, res erit difficilior.

CVRA. Est hic discrasia frigida & humida, ea est corrigenda, & ad naturalem temperaturam, quantum possibile est, reducenda, remouenda sunt omnes causę extrinsecę, quę oppositę sunt huic temperaturę. Sit uictus attenuans & tenuis, aer temperatus, & exercitia & animi accidentia quantum sit possibile, fugiat, totum deinde corpus euacuetur, quod est repletissimum. Somnus enim plurimus est, indicans maximam repletionem, ac plurimum cibi comedit bis, ter aut quater in die.

Extrahatur sanguis, quia uenę repletissimę sunt, & testatur morbus & uirtus: decem aut duodecim ꝑ extraherem; aquam Balnei sumere est necessarium.

De calculo uesicæ, cum stranguria, pro Nobili
puero Italo.

Consilium CCVI.



NE conteratur tempus in superfluis, prætermiffa longa præfatione, rem ipsam aggrediar. Nobilis puer conqueritur de quibusdam dispositionibus præter naturam, circa actiones quæ sunt in emittendo urinam: & quia non sunt unius generis, distinguendæ sunt. Primo patitur quandam constrictionem urinæ: quandoq; enim guttatim emittit: quandoq; accedit pars aliqua urinæ, & tendit ad penem, & dum est in medio, regurgitat, & facit angustiam. Patitur præterea gravitatem circa partes illas: cum maxima difficultate sedet, & cogitur sedere erectus, diuæricatis pedibus: & dum urina retinetur in pene, & exit, percipit dolorem & ardorem. Quærendum ergo, an symptomata hæc habeant unam causam, an diuerfas. Primo tamen constat in uesica calculum esse, quem tenent clarissimi Chirurgi. Supposito hoc, quærendum uidetur, an ista symptomata habeant pro causa coniuncta, calculum in uesica, an uero non sit causa omnium calculus. Si considero ea quæ clarissimus Chirurgus cum instrumento percepit: percepit non esse in collo uesicæ, sed in fundo: ergo non potest esse calculus causa, ut fiat stranguria. Erat enim sententia Galeni, primo de locis affectis, de puero illo, in quo retinebatur penitus urina, cum dubitaret de causa suppressionis, crexit puer, & quæsiuit, & deprehendit quod erat in collo uesicæ calculus obstruens, ubi cum esset remotus, incepit libere emittere urinam & mingere. Et ideo ubi calculus non obstruit collum uesicæ, non est impedimentum emissionis urinæ. Cum iste puer non habeat hanc stranguriam tantum, sed urinæ retentionem omnimodam, & quod magis animaduertendum est, cum habeat ardorem, & illam angustiam, meo iudicio utile erit, ut prætermiffa causa calculi, & ipso calculo, uideamus causas quæ possunt facere ista symptomata. Nemini dubium est, quod cum ipsa stranguria non tantum proveniat, quantum obstruatur meatus uesicæ, sed quando sunt humores erodentes, qui dum occupant uesicam, irritatur ad expulsionem, unde guttatim exilit urina: & cum retinetur, colligitur, & confertim exit: & ubi acris est, ut ferè in senibus contingit, qui stranguriam patiuntur, quia egerunt nitrosa, & baurachia, propter plurimam materiam admixtam, scilicet falsam pituitam. Cum igitur nos uideamus, sicut obseruauimus cum D., imponeret fistulam intra collum uesicæ, & dilataret hinc inde oniculum, propterea tamen non edidit aliquam copiam urinæ, sicut solet fieri quando retinetur urina, ubi aliquid circa collum est: & ideo manifestissimum signum est, quod circa collum uesicæ non est obstructio, ratione cuius fiat stranguria, sed erodentes urinæ sunt causa, ut non possit retineri urina, quia stimulat uirtutem expultricem, unde perpetuo distillat. Credo igitur quod causa ipsius stranguriæ, & illius angustię, sint mordentes urinæ, quæ expelluntur, nec expelluntur libere, sed pars quæ circa collum inhaeret, dolorem excitat in parte sensibili, unde per consensum spiritus omnes concutiuntur, & fit syncopa, quæ appellatur angustia, & uidetur totus dolere, & dolor ille est lipothymia, & prohemium syncopes. Quod autem hoc contingat cum aliqua mordicant penem in urina, notat Arist., unde qui aliquid mingunt tale, horrescunt propter acrimoniam urinæ. Vbi igitur urina efficitur mordacissima, non est mirum si loco horripitationis, quæ fit in lumbis, in ægris faciat angustias: sicut enim magis ad magis, ita simpliciter ad simpliciter, ut est regula topica. Credo ergo has causas esse horum duorum symptomatum, stranguriæ inquam, & lipothymię: erat enim ista materia acris in capite, & omnibus membris. Crediderim lapidem non esse in causa, cur ita sit urina acris. Causæ non sunt dispositiones in uesica, sed est temperatura calida & sicca, hepatis præcipue & cordis. Audiuimus etiam hunc puerum habuisse pessimam rationem uictus, & dum esset sub præ-

præceptore, ingessisse crassa cibaria præter omnem consuetudinem suam, fabas, pisas, legumina, & reliqua, quæ aggregant humores pituitosos, nam exercebat satis se, animo vexabatur strenuitate sui præceptoris, unde erat materia aggregata. Et cum copia humoris crudi multiplicaretur, quæ non fuit in totius ambitu, sed in hepate & renis mesaraicis, & inueniret hepar calidum, & cor calidum, non est mirum si ille humor pituitosus in locis calidis aggregatus, fiat falsus modo adustionis. Unde existente tali temperatura, aggregati humores crudi facti sunt falsi: qui dum fuerint paulatim aggregati, & per calorem hepatis ulterius adusti, sunt duo consecuta: primo lapis generatus est in uelica. Quare generatur: Habet materiam pituitosam, calidam postea, materia erat idonea exteriori acquisita. Erat secundo agens præfens calida temperatura, unde necessario consecutus est effectus conueniens, calculus, ex materia pituitosa lapideata, sicut lateres indurescunt, quoniam primo per calorem excoquantur, deinde per frigus condensantur, unde neque per calidum neque per frigidum possunt dissolui. Ita redditur calculus sicut lateres penitus indissolubilis a calido uel frigido, sed bene potest incidit. Cur magis in uelica generatur, quam in renibus? Gal. affert causam, & dicit: quod hoc est in pueris propter ualidam uirtutem expulsiuam: nam quæ in imbecillioribus & senibus retinentur in renibus, expelluntur in pueris ad uelicam; quæ materia ibi retinetur, & cum prius excocta fuerit à calore, refrigeratur, & à caliditate uelicæ magis & magis excoquitur. Ille calculus in uelica primo percipitur tactu; deinde in syncopis percipitur grauitatē insignem circa partes pectinis. Non potest sedere, nam collum uelicæ uertit circa terram, quod dum constringitur, constringitur uelica; igitur & non potest sedere, & sit impedimentum in uarijs sitibus. Adest pruritus circa partes illas: sed longe certius est dictum iam signum. Adest etiam illa eadem causa stranguriæ, multitudo materiæ pituitosæ, quæ continue transmittitur à partibus superioribus, quæ sua mordacitate facit symptomata illa. Credo uniuersalem causam esse referendam ad materiam antecedentem horum symptomatum pituitosam, quæ fouet & regit calculum, & facit ardorem urinae & stillicidium. Querendum modo uidetur, an calculus sit morbus in compositione, uel in complexione. Certum est quod in compositione, & quod ille morbus generatus fuit propter affluxum materiæ. Est etiam credendum, imò ferè necessarium, quod sit intemperies frigida in uelica, non absolute tamē, cum adsit pituita falsa, à cuius falsedine caliditate acquisiuit: ergo potest esse intemperies in uelica frigida sine defluxu materiæ. Hæc est tota ratio huius ægritudinis, & consequenter apparet prognosticum. Si uolumus iudicare de futuro, dico quod stranguria, & ardor urinae, poterunt tarde curari. Vbi exquisire ipsum euacuabimus, & alterabimus illam intemperiem superacquisitam propter acrimoniam, curabitur excoriatio, & ulceratio in epidermide, quæ leuis est: credo quod ista facile poterunt curari: in senibus non curarentur. Nephritici &c. dicit Hip. Sed quantum ad calculum, dico quod non curabitur sine incisione: nam nullus, licet plurimi tentarint dissolutionē, nemo tamen eam est affectus: tamen exhibuerunt primo ea quæ abstergunt & incidunt uisciditatem, dum esset appensus lapis corpori uelicæ, unde facilius postea extraheretur: præterea illa quæ comminuerent superficiem lapidis, & eam partem lapidis quæ mollior est: continue enim lapidis pars post partem augetur, licet non sit uera auctio, sed iuxta positio. Cura igitur ita exordienda: primo exquisitissime euacuandum corpus, ut omnino tollamus materiam istam falsam, & diuertatur per euacuationem. Facta euacuatione haberem non diuretica tantum, sed potius incidentia & abstergentia: bene diuretica admiscerem his, quæ eorum penetrationem adiuuarent. Primo igitur purgaretur leniendo uentrem, exhibere calsiā, quia lenis humor falsus, diuertit per intestina, euacuat humores crassos, ut testatur primo Aëtius arius, & postea Mesue. Hiera est diuretica; darem electuariū de sebesten limp, deinde exhiberem quæ incidunt humores crassos. Haberem primo intentionem incisionis, & attenuationis, postea confortatē. Vterer syrupis, ut melle rosaceo, syrupo de betonica, de flechaderili enim sine mordicatione incidunt. Nolo oxymel simplex, uel squillitico, uel ex acetosis aliquem syrupum, ne adderetur acrimonia propter acetum: &

ideo isti syrupi non essent convenientes, nec etiam bysantinus sine aceto. Haberem postea aquas distillatas, quæ facerent penetrare syropos ad partes, ad quas alioqui non penetrarent. Facta concoctione purgarem ipsum cum agarico: non abhorrerem à confectione hamech, nam licet sit solutiva, tamen euacuat diuertendo, dum trahit à circumferentia ad centrum. Ideo trahendo ad ventriculum, diuerteret illam materiam, quæ causam antecedentem habet ab ipsis renibus. Respiciendo ætatem pueri, si excederet 14. annū, mitterem sanguinem, quæ missio sanguinis esset opportuna ad euacuationem & euentationem, & remouendam malam qualitatem humorum. Fortasse si aliqua adest redundantia sanguinis, quia habet uenas latas, possent etiam uentose applicari non sine ratione. Vbi ista pituita esset euacuata, & factæ euacuationes, quærendum, an aquæ calidæ thermarum conueniant. Obsunt calidæ, augent falsedinem, non habemus intentionem: amplius, iam præterijt occasio. Postea exhiberem quæ cōminuerent & inciderent lapidem: uellem distillare limones non in alembico plumbeo, quoniam cum uapor limonis sit acutissimus, generaret ceruissam, & faceret uenenum: & hæc aqua est magis penetrabilis, quam acetum. Ergo facerem alembicum uitreum, & distillarem limones & chelidonium, in quibus duabus aquis confiderem: postea in destillatione ponerem raphanum, ex quibus facerem destillatam aquam efficacem ad cōminuendum lapidem, & gratam gustui. Quod si postea cum illa aqua aliquid illis admisceretur, si cessaret ardor urinæ, optima esset: si non cessasset, serum caprinum adderem. Et ita puerum istum regerem, ad hoc ut conuenienti tempore (credo enim in ætate hoc esse importunū) incidatur, & extrahatur lapis: & fiet faciliter incisio. Utatur attenuante uictus ratione omnino. Et ut semper lenem habeat aluum, frequentissime utatur cassia pro diuersione & euacuatione humorum crassorum. Ut corrigatur sanguis in uenis, assumat bis in septimana cassiam, cum portulaculæ rhabarbari. Cum isto progressu tenerem istum puerum toto hoc tempore. Pro stranguria & angustijs apponerem decoctā althææ, maluarum, camomillæ, fenugræci, sandalorum citrinorum: facerem fomentum, & olea linirem conuenientia circa pectinem. Quod si magis urgeret, tunc peritus Chirurgus, & bene exercitatus, lac instillaret.

De calculo uesicæ, dolore renali, & iuncturarum, cum ardore urinæ, pro ciue Florentino.

Consilium CCVII.



Vdicamus calculos per urinam excretos, dolores circa renes, ac iuncturarum affectus, à plurima pituitosa materia generari. Indicium est urina turbida, subalbida, sero lactis similis, cum sedimento crasso & albo. Calculorum color calci antiquorum parietum similis, eorumque substantia crassa & dura. Præterea uictus ratio comestationibus & potui dedita, cum paucitate exercitij. Ex temperatura etiam calida, & habitu corporis, & animi moribus, appetitui & uoluptati mancipatis, credimus hunc in ueneris plus æquo excessisse, unde calor naturalis, & concoctiones omnes diminutæ fuerunt, accedente præcipue ætate, quæ accedit ad septimum septenarium, & consequenter ad finem primi senij, si Galeno & Hipp. credimus. Ardorem autem urinæ fieri arbitramur parum ex priuatione humoris in glandulis ureteris nimia uenere consumptis: partim uero ex mordacitate urinæ, quæ in immensum aucta fuit ex admixtione plurimæ pituitæ salis. Habuit autem pituita falsedinis causas, tum ex naturali hepatis caliditate adurenti, tum ab obstructione & putredine. Et hæc quidem de causis & natura affectuum: nam de uesicæ calculo nos quoque iudicamus adesse, si uera sunt quæ intelleximus, ex equitatione impediri ac laedi, in peccine grauitate percipi, prurire præputiū: quæ omnia coniecturæ faciunt, uesicam calculo laborare: ac nos quoque chirurgis parū confidimus.

Quantum ad curam, arbitramur eam difficilem fore: ætas enim maximo impedimento est, si Hippocrati fidem adhibemus: nephriticos enim, & circa vesicam dolores, asserit non facile curam admittere in senibus. Sed præter Hippocratis auctoritatem, ratio quoq; & rei natura nos ita cogit fateri, quam tamen consulto omitto: neq; enim hic docemus, sed consulimus quid agendum. Credimus ergo hunc nunquam ita consueviturum, ut tuto sibi possit confidere, quin in eodem affectus incidat quacunq; etiam leui occasione incidente: posse tamen efficere, cura & assidua diligentia adhibita, ut vel nunquam, vel rarissime molesteur actus, quamvis inclinatio perseveret, ut autem hoc commodissime fiat, primo maxime eniti debet, ut in sex rebus non naturalibus nihil, vel minimum delinquat. Ac circa ærem, cauebit omnes excessus, tam calidos, quam frigidos: uentorum omne genus, præcipue tamen australes & boreales, nocturnum coelum, habitationes humidæ & tætreas, apertis fenestris noctu quiescere, & reliqua huiusmodi. Somnum meridianum præcipue fugiat: nocte septem vel octo horas dormire studebit: reliquo tempore, quantum fieri poterit, uigilabit. Exercitia matutina conueniunt, ac superiorum potius partium, quam inferiorum: proinde equitationes magis laudarem, si affectus uellicæ tolerarent: sed arcu exerceri, aut iaculæ lapidum, ac similibus, tutissimum iudicarem. Post cibum quiescat tam animo quam corpore: quies tamen non ea sit, ut iaceat, uel aliquo modo decumbat, quin potius stet, uel molliter deambulet, sine aliquo labore. Ab omnibus animi molestiis quamlongissime recedat, lætus cum iucundis amicis uitam degat. De reliquis, nitatur aliu habere lenem: quod si natura defecerit, leniet uel clysteribus, uel resina laricis quam pinguisima, quam mane sumat ad magnitudinem nucis: uel sumat carnem pinguium caricarum ad unciam, medullæ cruci, id est, cartami drachmas duas, & facto bolo deuoret ante prandium, & ius pulli eadem hora bibat, in quo decocta fuerint malua, beta alba, mercurialis. Cibus ita temperet, ut bis tantum in die comedat, neq; bibat unquam inter coenam & prandium, absce datq; a mensa citra saturitatem. Sit cibus simplex, atq; unius generis: multitudinem epularum & uinorum, tanquam pestem euitet. Sunt autem cibi qui maxime laudantur a medicis, boni nutrimenti, & facili concoctionis, qui cum omnibus medicis sint notissimi, consulto omittantur. Vinum eligerem pauciferum, substantia tenue, liquore purissimum, colore uel album, uel rubeum, clarum, sapore neq; acidum, neq; austerum, sed maturum. Hæc ubi rite peracta fuerint, maximam partem suæ præseruationis peractam arbitror. Cum uero uel necessitate itineris, uel societate, uel incontinentia sæpe delinquant homines, unde humores maligni generantur, qui possint ad loca imbecilla fluentes morbos generant: ideo necessarium putamus ad conseruationem aliquod habere pharmacum familiare, quo ter aut quater in mense sine aliqua molestia utatur. Tale autem esse poterit:

℞. Agarici optimi

Aloës optimæ

Rhabbarbari bene maturi ana 3 3.

Rosarum rubearum

Sandalorum citrinorum ana 3 1.

Gingiberis

Cinnamomi ana 3 8.

Puluerizentur omnia per se, deinde misceantur, & fiant pilulæ cum melle rosaceo pro qualibet uice tres, & sumantur drachma singulis uicibus mane tribus horis ante prandium. Laudamus præterea, ut bis singulis annis purgetur, autumnino inquam & uere. Purgatio talis sit:

℞. Floris cassiæ

3 1.

Specierum hieræ

3 2.

Nn Misce,

Misce, cum saccharo fiat bolus, sumendus tribus horis ante prandium. Item

℞. Syrupi magistralis facti ex succo betonicæ, & succo saluæ
secundum artem, ℥ 1.
Decocti infrascriptendi ℥ 4.

℞. Agrimoniz ana mar. 1.
Cetrach
Polypodij
Glycyrrhizæ
Rosarum ana ℥ 1.
Seminum melonum ℥ 1. s.

Decoquantur in libris tribus aquæ maluæ destillatæ, donec remaneant libræ quæ:
deinde seruetur decoctum pro sex synypis. Dentur autem syrupi usque ad nonum vel
duodecimum. Postea

℞. Confectionis hamech ℥ 4.
Syrupi rosacei solutui ℥ 3.

Cum aqua betonicæ fiat potio danda in autora. Talis sit purgatio tam ueris, quam
autumni. Vere tamen tentarem missionem sanguinis à dextro latere post duos pri-
mos syropos faciendam. Peractis purgationibus postea per 15. saltem dies continuos
probarem, ut acciperet sacchari rosacei semunciam hora una ante cibum bis in die.
Ad membra uero corroboranda primo laudarem, ut crebro caput ablueretur ante
cenam, ita ut à cubiculo postea non discederet. Lixiuum esset è cinere salicum, aut uir-
tis, in quo decoquerentur maiorana, chamæmelum, rosæ, betonica, & stoechas, addita
etiam agarici electi semidrachma. Utendum etiam consulo masticatione mastiches
simplicis mane, tandiu ut deglutiat granum eiusdem mastiches. Utatur etiam assidue
immediate ante prandium seminibus melonum confectis usq; ad semunciam: post
prandium uero comedat pistacia confecta ad numerum decem uel quindecim ad sum-
mum. Partes pectinis quotidie illinat oleo amygdalarum dulcium recenti, uel lilio-
rum alborum, uel camomelino, uel mixto ex his. Vbi uero ardor urinæ multum ur-
get, factis purgationibus quibusdam, uel lenitione uentris, & iuncta tenui dieta,
utatur frequenter in die linctu confectio ex oleo amygdalarum dulcium, & penidij:
ac mane loco syrupi, sumat sequens decoctum.

℞. Seminum alchechengi, uel solatri uesciarij ℥ 10.
Cicerum rubeorum gr. 30.
Radicum althææ ℥ 1.
Seminum maluæ confractorum ℥ 8.
Cinnamomi ℥ 1.

Bulliant in fure pulli, & facta diligenti expressione & colatura, accipiatur scutella
fatis ampla huius decocti, & in ea ponatur sacchari uncia, & tantundem butyri recen-
tis. Bibat hoc totum noctu calidum quantum sustinere potest: hæc enim potio maxi-
me faciet ad urinæ ardorem sedandum. Sedeat etiam in decocto maluarum, anethi,
althææ, chamæmeli, seminum lini, foenu græci: plurimum enim confert ad hunc usum,
magisq; si decoctum fuerit ex aqua & uino albo simul commixtis. De aquis thermarum,
neq; ferreæ solæ placerent, neq; sulphuræ: placeret tamen, ut si in regione ad id
commoda esset æger, potaret calidarum thermarum aquas, quales sunt Apponenses,
& Porrhetanæ: postea suo tempore biberet aquas ferreas, quales sunt Calderianæ uel
Senenses, ita tamen ut calidæ sumerentur uere, media autem ætate ferreæ: neq; enim
aliter tutam putarem potionem. Non esse autem deferendas aquas thermarum ad loca
remota, multis rationibus persuademur, sed bibendas credimus seruato adhuc suo na-
turali & actuali calore.

Pro laborante calculo uesicæ.

Consilium CCVIII.



QUANTVM ad symptomata, quæ patitur hic Clariss. Vir, ea sunt circa instrumenta urinaria, circa uesicam, & reliqua uasa. Necessè est igitur querere causas affectus in his partibus. Primo autem consideremus temperaturam. Ita enim sciemus, quantus sit lapsus, & perueniemus ad cognitionem causarum. Temperaturam igitur cognoscetis ex suis indicijs. Membra sunt inæqualia, quod inde patet, quia perpetuo abundat uomitu, permixto ex bile & pituita. Pituita generatur ob defectum caloris, bilis ob nimium calorem hepatis generatur, & est excrementum sanguinis, ergo testatur caliditatem hepatis. Pituita uero in uentriculo generatur, unde colligimus uentriculum esse frigidum. Color uero subniger calorem indicat intensum, & quia color indicat dominium humorum, sequitur sanguinem crassiorem, & nigriorem dominari in corpore. An autem frigiditas uentriculi sit naturalis, aut aduentitia, difficile est nobis iudicare, quamquam id fortasse coniectura assequi possumus: sed non admodum nobis est necessarium id scire. De cerebri & cordis temperatura non habeo unde coniecturam sumam. Cum autem talis sit temperatura hepatis & uentriculi, à quibus membris omnes generantur humores in corpore, quocumq; cibo uescatur: non est necessarium, quod à uictus ratione eueniret hoc malum, sed est à temperatura inæquali utriusq; membri. Symptomata, quibus afficitur, est primo dolor renum, cum quo sæpe eiecit calculos, interdum excreuit plurimas arenulas, iam uero his diebus eiecit calculum. Habet præterea nephriticos dolores, postea est perpetua grauitas in Raphi, inter anum & testes, pruritus quoq; est in glande, ut cogatur nonnunquam scalpere, & dum ambulat intense, non potest tulsire: & id per interualla augetur, ut non possit tulsire. Præterea solebat esse laxæ alui, nunc est astrictæ, & sentit flatus circa nouulum & pleniluniam. Sed hæc interdum fallacia sunt, quia non faciunt alterationes suas, nisi in puncto cõiunctionis, aut in tribus diebus ante & post. Quare ad aspectus lunæ non sunt referenda. Hæc sunt symptomata. Causæ. Gal. 6. Epid. dicit, quod sit eadem prorsus causa materialis lapidis uesicæ & renum, eademq; efficiens causa. Dicemus nunc causas communes. Materialem causam Paulus & Auicenna, sicut & omnes Arabes, dicunt esse materiam crassam uiscidam, quæ postea excoquitur à calido. Sed hæc neq; natura rei, neque autoritas Galeni admittit 6. Epid. ubi lapides generari à quocumq; humore, & discerni à colore dicit. Si enim rubet, sanguis, si flauus, bilis adest, &c. & id natura rei testatur. Fiunt igitur ab omni humore, sed hoc quidem uerum est, si siccum debet conglutinari, necessario concurrit materia humida, quæ est pituita, alioqui exiccatur semper habet friabilitatem, & hoc forte uoluit Paulus, sed quod lapides solum ex ea materia generentur, falsum est. Materia huius calculi eadem inuenitur, quæ solita est per uomitum eijci, quod testatur etiam color lapidis, est enim flauus. Quare biliosa est materia quæ conglutinetur cum materia uiscida. Efficiens causa postea calor est resoluens partes tenuiores (Meteor. 4.) concoquens postea, & affans ac compingens reliquam materiam, ita ut non resoluitur à suis contrarijs. Vbi modo generentur, an in corpore renum, aut in concauitate, non uolo nunc dicere, cum sint sufficienter dicta à Galeno. Dolor modo ille excitatur ad motum urinæ, quandoq; extenditur, maxime dum calculos, aut arenulas excernit, patitur ardorem, & retentionem urinæ. Fit autem ardor urinæ uel ob acrimoniam urinæ, uel ob ariditatem in urinæ meatu, quando humiditas illa naturalis, & emplastica, quæ in meatu est, absumitur, cum urina mordicet penem, lædit, sicut intestina quoq; tecta sunt pituita, ne acrimonia humorum abrasantur. Vtriusq; harum

causarum esse potest, usus est multo coitu, qui meatum exiccat. Et urinae etiam acrimoniam habent, sunt enim nitrosae & salae, liuidae, & decoloratae, non à dominio bilis, sed ab humore falso, & nitroso. Causam ueram huius ardoris crediderim esse calculum in uesica satis insignem, quo calculo ibi exorto redditur uesica seipsa imbecillior: commune enim id est, quod recipiens membrum est imbecillius semper, idcirco statatur grauitas illa in pectine, & loco medio inter anum & testiculos. Ab eo calculo quotidie aliquid abraditur, quod penetrans meatus angustios sua asperitate facit ardorres. Stante igitur eadem ratione uictus, item fortitudine membrorum mandantium, & recipientium imbecillitate, non est mirum, si semper eosdem cruciatus habeat. Ipse dicit augeri eos quandoque post plenilunium, & nouilunium, quia tunc mutat rationem uictus. Retentio urinae est ex eadem causa, quando enim materia uiscida fluit, & aggregatur in uesica, necesse est, ut deueniat ad locum angustum. Quia autem uiscida, obstruit interdum meatus: huius signum est, quod cum emittit urinam claram, male habet, dum turbulentam melius, quia illa materia impressa molesta est, cum autem excernitur, non laedit eum. Testiculi dolent ex consensu, ut in Anatome discimus: duae enim uenae satis insignes ueniunt ad didymum parastatis. Crura autem patiuntur, quia bifurcatio uenarum magna est in ea uena, quae ad poplitem tendit. Adfunt autem omnia signa calculi, quae à ueteribus describuntur. Pruritus in capite uirgae, erectio praeter uoluntatem, grauitas in pectine, & collo uesicae, mingit crebro, sed parum, urinae liuidae, in quibus arenulae: in equitatione magnam molestiam percipit, habet uentositates in intestino recto, quae mouent dolores, intestinum extenditur, & generatur maximus dolor. Est constrictio alui, comprimitur intestinum rectum, primo de causis symptomatum. Videmus igitur esse calculum in uesica generatum ex materia cholerica, & uiscida. Malum prius habuit in renibus, & postea in uesica. Hoc est consuetum, in aetatis uigore, & adultis, quod quando calculi generantur, primo fiant in renibus: sed in imbecillioribus in uesica oriuntur. Est autem hic 45. annorum & in primo senio.

PROGNOSTICVM. Cum calculus sit morbus, qui redit per periodos, etiam si optime & diligentissime seruetur uictus ratio, cura est difficilis: de hoc uiro autem, credo quod non curabitur nisi ope chirurgica.

CVRA. Causae sunt efficientes, quae habent causas materiales: & aliae generant has materias. Est igitur prohibendum ne generetur haec materia recta, uictus ratione, quae instituenda est suo contrario, quae prohibeat generari pituitam, & bilem in cibo, in potu, & alijs. Quantum ad materiam iam genitam, ea est euacuanda, ad quod duo proponuntur, misio sanguinis & euacuatio. Misio sanguinis fiat è basilica. Incidatur materia syrupis incidentibus, cum aceto, quia non nocet, nisi cum neruis occurrat, uel non sint nisi moderate calida, mel rosatum, syrupus de Betonica, de Stoechas de, oxymel, & similia hic usurpentur. Postea euacuetur. Quod ad particularia, corroboretur uentriculus cum saccharo rosato, Diarrhodon, & alijs, quae habeat familiaritatem: optima enim sunt, & prohibent ne generetur materia. Quantum ad curam lapidis existentis in uesica, an possit comminui, nec ne, quaeritur. Non uideo rationem, quia siue calidis, siue frigidis procedamus, semper augebimus calculum. Si incidentia, quomodo ea dabimus, uesicae ne noceant, quae est membranosa, sed quid si quae à proprietate aliqua haec faciunt? ego non curo haec, quia sunt arcana, quae non inquitro. Adhibere aliquas defeculationes optimum est, si modo essent artifice. Sed credo omnino, quod debeat incidi, si uelit curari.

De mictu sanguinis, pro quodam Episcopo Vngaro
Anno 1547. Mense Decembri.

Consilium CCIX.



ARBITRAMVR sanguinolentam urinam & turbidam reddi ab hoc Reuerendiss. Episcopo, propter dilatationem factam tum in cavitatibus renum, tum in uasis urinaris: propter intensam caliditatem à motu uiolento primo generatam, dum curru salebroso itinere concuteretur: præcipue circa dorsi regiones, deinde succedente intenso calore, dum cum ueste pellicea sub sole ardente montem ascenderet. Ex his igitur omnibus tantus calor circa partes renum fuit excitatus, ut ob nimiam dilatationem urina sanguinolenta excreta fuerit. Et inde est, quod nunc quoque, quotiescunque defatigatur & corpus exercet, in idem symptoma incidat, turbidæ scilicet & sanguinolentæ urinæ. Excitatur enim dilatatio ob motum, quæ in quiete delitescit. Ardor autem in excretionē urinæ, simulque dolor circa anum, ab eadem causa provenit: uidelicet ab illa urina seculenta, habente in se partes acres, & rodentes, uel bilis, uel humoris adusti, uel pituitæ salsæ, uel omnium simul. Dolor uero, qui circa ani regionem percipitur, est in ipsis musculis colli uesicæ, quod quidem collum illis partibus adiacet, & in ea potissimum parte non sine ratione dolor percipitur, quoniam uesicæ collum admodum angustum est, & strictum, & ualde sensibile ob musculos, & nervosas partes circumfacientes. Cum ergo urina acris, & crassa in parte tam angusti orificij immoratur, & intercipitur, causat dolorem, qui uero ardor apparet in uirgæ capite, in urinæ emissionē, est propter illam eandem causam. Locus enim glandis sensibilis est, ultra omnes alias partes illius membri. Hæc de causis morbi & symptomatum. Cum ergo morbus sit dilatatio, cura est restrictio, & corroboratio partium dilatatarum, qua curatione peracta illico & symptomata quoque simul remouebuntur. Audimus enim neque ardorem, neque dolorem percipi, nisi eo tantum tempora, quo turbida sanguinolentæque urina emittitur. Sublata ergo huiusmodi urina, aufertur dolor, & ardor, ea urina remouebitur, remota dilatatione. Ad dilatationem igitur prohibendam totis uiribus accedendum. Et quoniam ad rectam curationem particularis ægritudinis totum corpus debet esse mundum, & malis humoribus uacuum: igitur ante loci corroboracionem, corpus rite purgari oportet. Sed præter indicationem, quæ à morbo sumitur, non minor est illa, quæ ab aëre, quemadmodum optime testatur Galen. 9. Therap. Cum ergo nunc aërem habeamus hyemalem, qui quidem omnibus medicationibus est inimicus, sitque Reuerendiss. ille uir, qui ægrotat in regione frigidissima, persuaderem, ut interim habita recta uictus ratione, uer proximum expectaret. Et tum primo purgaret corpus modo infrascripto.

℞. Florum Calsiæ 3 1.
Specierum Hieræ simpl. 3 2.

Cum saccharo fiat bolus. Sumat eum mane hora ante prandium. Die sequenti mittatur sanguis à uena basilica dextri lateris, usque ad uncias octo. Deinde

℞. Syrupi de Absinthio
Mellis rosati
Acetosi simpl. ana 3 6.
Decoctionis Agrimoniz in aqua Endiuiz 3 4.

Misce pro uno, & sic pro septem. Deinde

℞. Confectionis Hamech. 3 3.
Syrup. rosati solutiui 3 3.

Misce, & cum aqua Agrimoniz fiat potio, sumenda in aurora cum custodia. Facta purgatione utetur quotidie Eleuario infrascripto tribus horis ante prandium pondere 3 1.

℞. Sacchari rosati confecti ex rosis rubeis	3	6.
Specierum tria Sandalorum	3	2.
Spodij		
Acaciae	ana	3
Coralliorum rubcorum		3
		1.

Misce cum modico syrupo de Mentha, fiat Electuarium, sumat de hoc (ut supra dixi) poteritq; illico uno haustu deglutire tantum vini optimi, quantum caperent cochlearia duo, & non ultra. Item

℞. Unguenti Comitissae de corticibus castanearum.
Sandalini ana 3 1.

Conficiantur simul cum oleo rosato completo, fiat linimentum, quo unguatur utriusque tota longitudo lumborum bis in die, à principio usq; ad finem. Item

℞. Aquae, in qua ferrum fuerit extinctum situlas quatuor, in qua decoquantur Rosae

Balaustiae
Camomillae
Nucis Cupressi ana m. 1.

Et cum aqua hac tepida foueat lumbos, cum spongijs mane & sero ante linimentum. Vera tamen & citissima huius morbi curatio esset, si post purgationem in hac aetate mense Iulio, biberet per dies 15. aquas Thermarum, in quibus dominatur minera ferrea, & in iisdem bis in die nataret, ut fert consuetudo. Tales autem sunt in Italia prope ciuitatem Lucae, & in uilla Veronensi, quae Caldarium appellatur. Vtrum sint tales in Pannonia ignoramus. Hac iudicio meo uera est curatio Reuerendiss. huius uiri. Interim abstineat à comestationibus, uinum bibat dilutum cum aqua, in qua ferrum lucidum & tersum fuerit extinctum. Caueat ab aromatibus, & rebus dulcibus & mellatis, à coitu, ab exercitijs, praesertim quae fiunt equitando, uel ambulando. Se agitare tamen non utupero, & omnia exercitia, in quibus mouentur partes superiores, in inferioribus quiescentibus.

De Mictu sanguinis, cum Vrinae ardore.

Consilium CCX.

IN casu egregij uiri aetatis annorum 64. & paulo plus, temperamenti calidi ad humidum uergentis, cordis paululum sicci, & cerebri, renum calidiorum, scribitur: cum iam pluribus annis ingentibus doloribus, ex artrosis, et calculis afficeretur, ad eam renum imbecillitatem deuenisse, ut ex leui labore, siue pedibus incedat, siue equo uehatur, urina prodeat cruentata: & non modo sic appareret, ut saepe fieri solet: uerum ita, ut sanguis in profundo urinae concresecat: cum leui dolore renis dextri (perinde ac si quis impositam curcubitulam incidere) non diu perseverante, sed horis fere duabus, & decedente cum urina. Medicus qui casum scripsit, arbitratur mictum sanguinis ex renum imbecillitate, & apertis in renibus ostiolis provenire, dolorem uero & ardorem ex mala intemperie, forte sine continui solutione, quoniam nunquam pus uisum fuerit. Et certe cum apud Galen. 7. 7. 7. sanguis è uenis non erumpat, nisi ostiolis adaperitis, aut ipsis uenis ruptis, uel exesis, non tamen in praesenti casu sit uena rupta, neque exesa, neque enim sanguis multus una uice effluxit, nec pus uisum fuit. Concludere igitur necessarium est, hunc mictum sanguinis in uenarum meatu apertos, & renum facultatis retentivis imbecillitatem referendum esse. Dolor uero & ardor urinae, quomodo sine continui solutione fieri possit, non uideo, cum, ut Galenus sentit, dolor non accidat sine solutione continui, quam certam esse causam uoluit cuiuscunque doloris immediatam. Verum censeo Medicum intelligere eam solutionem continui, ad quam pus sequi consuevit,

Quare

Quare dicendum puto, morbum uel potius causam esse intemperiem calidam renum, cum facultate retentrice debili, cumq; amplitudine ostiolorum: quam sequitur, ut per urinam sanguis & alia crassa excernantur, quæ dolorem & ardorem excitant, solent enim membra fortia superfluitates redundantes ad infirma propellere. Causa uero, quod in labore potius, quam in quiete hæc eveniant, ea est, quod quemadmodum hepatis & uenter in motu non probe nutrimentum concoquant, aut retinent, & transit incoctum, & propterea exercitationes fieri non debent, nisi prima coctione in uentriculo, ac secunda in hepate, & uenis perfecta. Ita ex motu & labore facultas renum retentiva fatigatur, unde est, quod sanguis & alia excernuntur, ex quibus ardor & dolor excitantur. Quod ad prædictionem attinet, dicit Hipp. 6. Apho. 6. Renum & uesicæ uicia in senibus difficulter sanantur; & in 6. Epid. Renum uicia post annos 58, sanata non uidi. Et licet non perpetuo sit in Medico, ut releuetur æger, id tamen agendū in chronicis est, ut morbus non augeatur, sed ipse, uel symptomata, uel ambo minuantur. In curatione præsupposita uniuersali euacuatione totius, quoniam indicatio sumpta de morbo, eiusq; causa, est de renum infrigidatione, & ostiolorum urinam excolantium contractione, & de uictu à suo naturali temperamento, calido & humido adhibendo, nec non subtiliante; ideo, quod iam dixi, censeo huic nobili uictus rationem eam adhibendam esse, quæ senibus conuenit, quoad omnia membra, exceptis renibus, quos infrigidare & corroborare conuenit. Non tamen calidis sic utendum, ac si renes calidi non essent. Victus autem senibus congruus est, apud Gal. & alios calidus, & humidus, humores tenues faciens, quare fugiendi cibi & potus omnes crassi, & uiscosos humores generantes, unde calculi & arenulæ, & excrementa crassa solent fieri. Quoniam uero hic tenes frigidis indigent, reliqua autem membra calidis, oportebit frigida calidis admiscere. Quare fere quotidie lactucis, Endiuia ac huiusmodi simul utendum cum alijs cibis erit, præcipue in æstate & temporibus calidis in ea quantitate, & tam sæpe, prout præfenti Medico uidebitur. Pro renum quoq; infrigidatione, & facultatis retentricis robore exterius unguenta uaria applicari possunt, in primis infrigidans Galeni, in modo, quo ipse docet, nempe sub actuali frigidityte sæpius ipsum uariando, cui & Camphora, & Sandali & semperuiui succus, & id genus alia adijci possunt. Quod si maiori opus fuerit adstrictione, licebit uti unguento, quod habet granorum Myrti, corticum medianarum quercus, nucleis Cupressi, foliorum Cupressi, Sumach, Hypocistidos, corticum granatorum, rosarum rubearum ana ʒ s. Conterantur modice, & decoquantur in ℥. 4. uini austeri, donec medietas absumatur. Deinde:

℞. Olei Omphacini

Supradictæ decoctionis ana ℥ 1.

- Decoquantur in duplici uase, ad uini consumptionem, & in fine addantur Sandalorum citrinorum ʒ 2. Caryophyllorum ʒ s. postea cum ʒ 4. ceræ albæ, fiat linimentum molle, quod sæpius cum reliquo decoctionis lauetur. In eundem usum proderit decoctum ex omnibus supradictis, renibus imponendo; ut uero si quid in renibus est, expurgetur, ab ipsis etiam materiæ diuertantur, magno præsidio erunt pillule, quæ fiunt ex Rhabbarbari subtiliter puluerizati ʒ iij. Terebinthinæ q. s. Fiat massa pro pillulis, ex qua sumenda erit ʒ 1. uel ʒ 4. mane ieiuno stomacho, per horas sex ante prandium, profunt etiam sita assumpta.

℞. Nucorum pini

N 30.

Excoriatarum amygdalarum

N 20.

Tragacanthæ

ʒ 4.

Succi Liquiritiæ

ʒ 2.

Croci

ʒ s.

Cum uino cocto ut supra, fiat Electuarium, cuius ʒ 2. sumantur mane ieiuno stomacho, cum ʒ 4. huius decoctionis.

Nn 4

℞. Sacchar

℞. Sacchari albi 3 1.

Liquiritiæ mundæ

Seminis Portulacæ ana 3 iij.

Coquantur in 3. ℥. aquæ ad consumptionem tertiæ partis. Item.

℞. Seminis lini

Sem. Papaveris albi

Cucumeris

Tragacanthæ ana 3 2.

Anisi 3 4.

Et cum aqua decoctionis Liquiritiæ fiant Trochisci, summo mane sumat leiuo stomacho 3 1. s. cum 3 3. supradictæ decoctionis.

De ardore urinæ pro muliere.

Consilium CCXI.



Xcernebat per urinam squamulas cum plurima spurca materia, & interdum etiam aliquid sanguinis, ita ut hinc esset aliqua suspicio de apostemate, imò nisi alternis noctibus magis affligeretur, & dolor non esset continuus, apostema certo adesse iudicassent, quanquā possit etiam esse aliquid principium. Montanus ut per caniculares hunc syrupum biberet, ordinauit:

℞. Radicum & foliorum Pentaphylli

Ceterach

Capillorum Veneris ana

Coquantur in s. q. aquæ maluæ destillatæ, & postea pincentur, & iterum coquantur forti coctione, deinde rursus pincentur, idēq; ter aut quater iteretur, donec exquisitissime percoquantur, & bona expressio fieri possit, expressum deinde coletur, & syripizetur cum saccharo.

℞. Huius syrupi 3 2.

Aquæ lactis caprini 3 6.

Bibat per multos dies continuos, ita tamen, ut semper per interualla quinti aut sex syruporum, euacuetur cum Calsiæ 3 6. uel Rhabarbari 3 2. quod magis placet. Post calores ad ualidiora accedendum, si posset accedere ad balnea Calderiana, quia nunc tempus est, maxime opportunum foret. Purgaretur autem primo 3 10. Calsiæ, acciperet deinde unum syrupum, 3 2. de Endiuia, & 3 6. feri caprini, donec syrupus supradictus fieri possit, postea 5. uel 6. ex his accipiet, & iterum purgetur cum Calsiæ & Rhabarbaro, & ita accedat ad aquas. Localia nulla adhiberi uelim ante mundificationem corpus, quod frigida astringant, calida autem adhuc magis laxant.

De ardore urinæ, ischuria, gonorrhœa, lue Gallica & febre erratica, pro nobili Veneto.

Consilium CCXII.



Vatior sunt ea, quæ in hoc nobilissimo atq; magnifico uiro sunt præter naturam, de quibus conqueritur, & quorum ratione ad nos accessit, quæ considerare debeo. Primum est arder urinæ; secundum, impedimentum ipsius, quod tale est, quod non libere mingit, sicut prius: & urina tenuius exit quam solebat; tertium est fluxus quidam præter naturam, & inuoluntarie

Iunioris ætatis ab ipso ueretro, quem gonorrhoeam (si libet) nunc appellemus: quæ-
tum est febris erratica. Istæ sunt dispositiones præter naturam, quæ molestant hunc
nobilem uirum, & de quibus conqueritur, quæ sunt considerandæ à me. Et ut ordinate
procedam, primo recensendæ sunt dispositiones eius naturales, naturalisq; temperies
ipsius: quia nos scitis quantum referat cognoscere cuiuslibet naturalem temperiem, &
ad morbos cognoscendos, & curandos, & ad modum recte operandi, & ad tempus cu-
randi, & ad loca quibus debent applicari. Sed re uera difficillimum admodum est tem-
peraturam cuiuslibet cognoscere. Et tantum tria sunt principalia, quibus singulorum tem-
peraturam dignoscere possumus. Primum sunt actiones omnium uirtutum: oportet
enim uidere quomodo se habeant secundum, excrementa omnia: tertium, quæ exte-
rius apparent, quæ communiter accidentia dici solent. Ex actionibus enim cognosci-
mus membrorum temperaturas, quia qualis temperatura membri, talis est actio ipsius:
sed ubi corpus est affectum, non una tantum actio est uel ablata, uel diminuta, uel cor-
rupta, sed plures: ideo dispositiones naturales in singulis cognoscere difficillimum est.
Et dicebat Galenus in prooemio libri primi ad Glauc. & in tertio Methodi: Opus
est, si uolumus aliquem recte curare, cognouisse ipsum in sanitate, & singulorum mem-
brorum temperaturam, colorem, habitudinem, natium calorem, articularum pulsum,
quisnam fuerit à natura. Quæ si sciremus, magnitudinem morbi satis aliquando iudica-
re possemus: & sic ex euntia, & accidentia. In casu nostro habemus omnes difficultates
istas: siquidem prius non nouimus. Tamen si discurremus per singulas actiones tam
animales quam vitales, & naturales, percipimus naturales si non corruptas, saltem dis-
minutas, propter multa accidentia, quæ in hoc corpore contigerunt: siquidem actio-
nes quæ cerebrum & cor ipsum consequuntur, non bene nisi ex conuersatione assidua
cognosci possunt. Ideo considerabo tantum unum in hoc Nobilissimo uiro, scilicet
actiones naturales, quod nostro proposito attinet, quia neq; circa cerebrum, neq; circa
cor uidetur aliquis excessus manifestus: sed bene circa naturalem membrorum tempe-
riem, quia ipsa sunt, quæ uere laesa sunt. Si ergo exacte considerauerimus ipsorum lapsum,
habebimus quod à nobis intenditur. Reliquis igitur omisissis, ad inquirendum natura-
lium membrorum dispositionem, & hepatis præcipue, accedemus. Primo ergo conside-
remus, quæ nam fuerit naturalis istius uiri temperies hepatis, antequam ad accidentia
deueniamus. Sed non habemus actiones aliquas, nec à sanguine, nec ab excrementis,
nec ab extrinsecis accidentibus, uidelicet à colore, calore, &c. ex quibus in cognitio-
nem naturalis istius temperiei deuenire ualeamus. Sunt tamen quædam, in quibus cir-
ca hoc iudicium nostrum firmare possumus: est enim amplitudo uenarum, atq; natus-
corum, sunt & pili, & structura corporis, quæ omnia etiam indicant præteritam tem-
periem. Sed hæc in hoc uiro non sunt talia, ut intensam caliditatem uel frigiditatem
indicerent: attestantur tamen magis supra caliditatem, quia uenæ sunt satis amplæ, & stru-
ctura corporis satis magna, & pili non sunt adusti, nec crispi, nec subalbi, sed potius
subrubi, tendentes ad nigredinem. In passivis uero qualitatibus nullum uideo signum,
ex quo possim iudicare uel multam siccitatem, uel multam humiditatem. Quod autem
calida temperatura sit, indicatur etiam ex eo, quod maxime fuit & est pronus in Ve-
nerem, & caliditas hepatis immediata causa est salacitatis. Ideo bene Plato concupis-
centiam in hepate, irascentiam in corde, animalem uirtutem in cerebro posuit. Quod
autem caliditas renum faciat ad salacitatem, dico quod non per se, sed per consensum
solum, quia facit ut uasa illa seminaria sint amplæ, & lata, & sic per consensum. Sed he-
par præbet caliditatem & materiam ipsius salacitatis, & immediata causa ipsius est, ut
inferius patebit. Arguitur igitur ex ijs quæ apparent, ut ex moribus præteritis, quod
sit calidæ temperaturæ hepar huius Nobilissimi uiri, in quo est uis sanguificandi. De
uentriculo, nec ex præteritis, nec ex præsentibus, audio aliquem excessum, neq; in ca-
liditate, neq; in frigiditate, nec de ipsius dispositione nunc multum curandū, maxime cū
non cōqueratur de ipso. His igitur ita se habētibus, credis ne tu, quod talē nunc seruet
temperaturā hepar istud, qualem habuit antea? minimequidē dico quod ipsa tēperatura
hepatis

hepatis longe diuersa est ab eo quod prius erat, & essentialiter firmata iam in hepate per plurimos annos. Sed quænam est intemperies ista? Dico, quod cum prius calida esset respectu proprii temperamenti illius, non respectu temperati, sed respectu sui ipsius, erat à prædominio calida, nunc lapsa est ad frigiditatem respectu ipsius, non absolute, & habet diminutas hepatis operationes, & non solitas, propter additam frigiditatem. Hoc autem indicat color apparens in toto hoc corpore: quia scitis ex quanto de tuenda ualitudine, non longe à principio, quod humorum in corpore existentium dominium cognoscitur ex colore cutis, nisi humores illi in altum sese receperint. Et ibi dat signa & causas, quando in altum & profundum recedunt, scilicet, uel propter frigora, rigores, animi affectus, ut timorem, tristitiam ingentem, & incipientem uerendum, &c. In isto autem est color plumbeus, liuidus, exanguis cum fuscitudine quidam, & non habet colorem suum naturalem, floridum & uiuidum, sicuti apparet, ubi est hepatis caliditas iuncta siccitati: & talis color iam per plures annos perseverauit. Præterea abundat plurima pituita, quod indicatur ex urina, quæ immediate profluit à sanguine: ideo indicat temperamentum sanguinis, sanguis uero temperamentum hepatis, siquidem in eo generatur. Vrina autem quo ad colorem cum sit subalbida, quo ad substantiam crassa, redundans plurima pituita, ideo signum est, quod sanguis est pituitosus: si sanguis est pituitosus, ergo hepatis labitur ad frigidum: si sic, & tamen præcessit caliditas hepatis, ideo redundat adustionibus, sicut dixit GALENVS libro secundo artis medicæ. Qui sunt calidi & sicci hepatis, procedente tempore fiunt frigidi & sicci. Hepatis igitur istius nobilissimi uiri tum propter plurimos labores, tum propter plurimas resolutiones, quæ accesserunt propter delicta, ad frigidum declinauit: & quoniam diu perseverauit ista intemperies, credendum est quod iam sit firmata. Accedit aliud insuper considerandum, quod non modicum de hac re fidem faciet, an scilicet perpeffus sit morbum Gallicum: & sicut scitis, morbus Gallicus sedem habet suam in hepate, & ut alias dixi, est intemperies ipsius hepatis. Quod si adesset in hoc nobili eiusmodi morbus, magis esset læsum, & generaret humores magis adustos, quam prius, sicut apparet. Et sic hepatis licet ad frigidum labatur, & per consequens pituitam generet, illam tamen adurit: & sic si bilem generat, ita etiam dicendum est de melancholia. Ideo multum refert ad dispositiones eius cognoscendas, scire an sit perpeffus morbum Gallicum. Ideo dicam libere id quod sentio, uidelicet quod credo, quod perpeffus sit morbum Gallicum, & nunc etiam patitur. Et ad sunt præter communia illa signa, quæ maximam faciunt coniecturam, quod scilicet concubuerit cum infectis huiusmodi morbo mulieribus: tamen ista coniectura potius legislatorum, quam medicorum est. Habuit etiam pustulas, & bubones: & licet disiunctiue non ualeat, hic est bubo, hic sunt pustulæ, ergo adest morbus Gallicus: coniunctim tamen ualeat, hic est bubo & pustulæ in uetro, ergo adest morbus Gallicus: & cum habuerit rem cum inquinatis, hæc non sunt leues coniecturæ ad suspicandum hic adesse morbum Gallicum: licet quælibet harum per se sumpta leuem faceret coniecturam, omnes tamen simul sumptæ non solum persuasionem, sed etiam fidem certam & firmam faciunt. Sed dicetis uos, præter pustulas & bubones in pudendis in morbo Gallico laborantibus, solent etiam consequi pustulæ in capite, & dolores inter iuncturam & iuncturam in periostijs illis: sed hæc in hoc non fuit, ergo non laborat morbo Gallico. Respondeo quod non ualeat: quia licet non habuerit dolores, & in capite pustulas, hoc ideo fuit, quia perpetuam ex renibus euacuationem habuit, & materia quæ debebat facere dolores illos, & illas pustulas, euacuata est per penem, & diuersa est alio, ideo non fecit illa accidentia. Cuius signum est, quod quando erat in nauis, & quidam medicus representauit huiusmodi fluorem, statim sensit dolores in omnibus membris ex retentione illius materie: & si nunc eam retineret, eadem accidentia causaret. Sed dicet quis uestrum: Tu ex colore ipsius arguis supra morbum istum, sed huiusmodi color pallidus sequitur huiusmodi fluorem. Dico, quod si tantum iste color esset propter refrigerationem hepatis, & propter exitum illarum materialium, esset subalbidus, & cachecticus, & non plumbeus,

plumbus & fuscus: fuscedo autem cum palliditate indicat adustionem humorū, quanta solet huiusmodi morbus generare. Ideo suspicor hunc uirum affectum esse morbo Gallico. Præter intemperiem hepatis, quæ frigida est, credo etiam adesse frigiditatem respectu morbi Gallici. Ex hæc quo ad temperiem membrorum naturalium. Accedamus modo ad eas dispositiones præter naturam, quibus affligitur nobilis iste. Est primo ardor urinæ: hoc autem contingit, uel ratione ipsius urinæ, uel ratione instrumenti. Ratione uero urinæ dupliciter, uel quia urina mordax, falsa, acris, & calidior in se, uel quia addita sit ei aliqua substantia falsa, uel acris. Quid credis tu, quæ sit causa istius ardoris? Dico, quod est non ratione propriæ substantiæ ipsius urinæ, quæ sit falsa, acris, & mordax, præter eā quæ sibi propria est: quia color ille subalbidus, & substantia ipsius crassa, non indicat mordacitatem esse; sed iste ardor aduenit propter materiam falsam ipsi urinæ adiunctam & purulentam. Aut est ratione instrumenti, & sic esset, uel quia in ipso ueretro esset excoriatio aliqua, uel ulcus, uel exiccatio illarum humiditatum, quæ solent esse in glandibus penis, quæ factæ sunt à natura, ut ui sua emplastica humectens longitudinem penis, ne urina in transitu propter sui mordacitatē excoriet: & sic etiam intestina uestita sunt pituita illa crassa, ne mordacitas fecum, & bilis in transitu corroderet ipsa: & quando intestina ipsa propter aliquam qualitatem priuantur illa humiditate, tunc contingunt abrasiones. Sic etiam contingit in pene, ubi propter excessum aliquem superflue Veneris, uel aliam ob causam consumitur huiusmodi humiditas, arefcit meatus uirgæ, & mordacitas urinæ occurrit membro immediate, & sic causat ardorem. Hic credo quod sit materia mordax propter falsedinem, non propter acrimoniam. Sed siue sit nitrum, siue sal, siue ex utraque materia tam purulenta tum nitrosa, per adustionem, nihil refert: nam ubi substantia humida iuncta est cum terrestri, & pars terrestris aduritur, tunc fit falsedo: & si ulterius aduratur, fit amaritudo: licet Auis cenna uoluerit ex admixtione bilis & pituitæ fieri falsedinem. Sed alias ostendit, quomodo hoc fieri nequeat, & quod hoc repugnat rationi, ueritati & experientiae: quia ex amaro mixto cum insipido nunquam fit falsedo, sed bene quidem amaritudo: falsedo autem sit ex adustione partium terrestrium in ipso humido. Cum ergo iste plurima abundauerit pituita, & intemperie ad frigidum, & propter morbum Gallicum adustione, facta est falsedo propter moram ipsius pituitæ in hoc corpore: & licet respectu proprii temperamenti lapsus sit hepar ad frigidum, respectu tamen temperati habet caliditatem maximam: & sic augetur falsedo, & sic hepar generat humores adustos, quos per urinam excernit. Et quia non est perfecte concocta illa materia, licet aliquæ partes adurantur, ideo in exitu causat horrorem, sicut contingit dum pus mouetur de loco ad locum. Ex ista est causa, quare urina in exitu mordet, & horrorem faciat, propter subitū motum materiæ mordicantis partes sensibiles. Præterea credo ego quod adsit etiam ariditas illius humiditatis, ex qua sequitur ardor, & maximus. Quod autem sit ariditas, patet ex præcedentibus & enarratis: quia, ut audiuitis, maxime Veneri deditus fuit, & ante tempus, & nunquam pepercit, ita ut dum adhuc adolescens esset, annos circiter quindecim natus, in decem diebus quinquagesies concubuerit, ita exanixa fuit huiusmodi humiditas, quæ etiam sola coitione exiit, quandoque etiam ex longo isto defluxu, qui decem & octo annos perseuerauit, & ex intemperie incaluit locus etiam propter assiduas functiones, & propter plurimum coitum substantifica illa humiditas resoluta est: tum etiam quia pars illa non nutritur, sicut oportet, quia facta est debilis, propter ea quæ dicta sunt, etiam quia occupatus fuit perpetuo in multis laboribus, in exercendo mercaturam, & in regionibus quidem calidissimis, in Oriente, & in Aegypto, ex quibus maxime exsiccatu est. Ex hæc quo ad hunc ardorem urinæ. Habet præterea retentionem urinæ, ita ut urina libere non exeat, sicut solebat, sed subtilius. Pro quo notare debetis, quod tria sunt apud Græcos, dysuria, stranguria, & ischuria. Dysuria est, cum urina difficulter exit: Stranguria, cum urina guttatim exit: ischuria uero, cum totalis retentio urinæ est. Dysuria igitur seu difficultas urinæ est, cum quis licet libere mingat, cum dolore tamen, & cum difficultate mingit: sicut

sicut accidit in dysenteria, illis qui sic affecti sunt, plurimum quidem egerunt, & plus quam oportet, sed cum difficultate. In stranguria guttatim exit, & non potest retineri, sicut uria uel ablata totalis emissio urinae est, uel diminuta. In hoc igitur est ischuria, non ablata a crio, sed diminuta tantum: iste non mingit ample, libere, sicut solebat, sed siccitate. Causae autem retentionis urinae sunt, uel quia est defectus in expulsiua uirtute, quae non expellit id quod debet, ut quarto & sexto de accidenti & morbo Gallico docet, uel uitio urinae, uel uitio instrumenti. Expulsiua uirtus debilitatur uel propter frigiditatem, uel propter aliquid aliud, ut non possit fungi proprio munere. Vitio urinae, uel quia non habet solitam & debitam mordacitatem, quae mordicet, & insurgere faciat expulsiuam uirtutem ad expellendum, uel propter sui crassitatem, & in istis non est defectus. Vel in instrumento, quod est uel collum uesicae, uel meatus uirgae. Et cum ista sit ischuria, impedimentum non potest esse in renibus, nec in uesica, nec in uasis illis quae deferunt urinam ad ipsam uesicam; in meatu autem uirgae, uel collo uesicae potest esse impedimentum, uel quia obstructus sit ob calculum uel inflammationem, uel propter callum, uel aliquem humorem ibi impactum, ut grumum sanguinis. Hic non est calculus, quia nullum calculi signum adest, nec arenulae in urina, nec aliud quidpiam. Non callus, quia hoc semper ita esset, & eodem modo mingeret: sed nunc quandoque libere magis mingit, quandoque minus. Nec etiam adest inflammatio, quia non adsunt aliquae inflammationis signa. Non ulceratio, quia exiret sanguis: quod si interdum exierit, sed hoc fuit propter immisionem candelae. Ideo credo quod causa, quare non libere & ample mingat sicut prius, sit materia aliqua uiscosa, quae in illis partibus continetur. Quod apparet, quia antequam mingat, exit quid uiscosum album, quod apparet in fundo urinae. Et sic credo materiam aliquam esse impactam, & in meatu ueretri, & in collo uesicae, quae adhæreat in illis partibus, quae crassa est in propria substantia, quod indicat crassities, & turbulentia urinae. Et haec sunt signa quae uidimus, & causae in hac difficultate uel tenuitate urinae, quae non erant praetermittenda. Quo ad gonorrhoeam, utrum huiusmodi fluor quem nunc patitur, sit appellandus gonorrhoea nec ne? Dico quod credo a principio uirum hunc passum fuisse gonorrhoeam, propter omnes rationes: quia (ut scitis ex sexto de locis affectis, & sexto de tuen. sanis, & in sexto de accidenti & morbo) gonorrhoea est inuoluntarius exitus seminis, qui accidit uel uitio seminis, uel uitio uasorum seminalium: quoniam ista duo sunt, quae per se faciunt gonorrhoeam, alia uero per accidens, & per consensum: ut cum quis ex alia uia imaginatione semen emittit, & iste uerberibus, & non medicamentis curandus est. Quandoque ex caliditate renum, quia quandoque potest esse tanta caliditas in renibus, ut dilatet & aperiat uasa seminaria, & hoc faciat non quia aliquod commercium ista uasa habeant cum renibus, sed solum propter uicinitatem: quia nullum uas seminarium uadit ad testes, quod affinitatem habeat cum renibus. Non in dextra parte, quia uas seminarium dextrum oritur a uena caua, quae descendit ad dextram partem. Nec etiam in sinistra, quia sinistrum deducitur a magno ramo uenae concauae, qui ramus concauae antequam ad renes pertingat, emittit per longum spatium a se ramum, qui postea facit alium ramum, qui ad sinistrum testem pertingit, & ex eodem ramo, qui facit emulgentem, uasa seminaria oriuntur. Nec per arteriam habet commercium cum renibus, sed multum distat ab his quae ad renes pertingunt. Ideo non uideo quomodo gonorrhoea possit fieri uitio renum, nisi per consensum, & ratione uicinitatis, & non per se, quicquid dixerit Auicenna. Potest igitur propter uicinitatem renum cum uasis seminariis fieri gonorrhoea, eo quia adeo calefacti sint ipsi renes, ut ratione uicinitatis incalescant uasa illa, & sic dilatentur, & ita exeat semen inuoluntarie: & sic potest excusari Auicenna. Et potest provenire fluxio seminis ratione musculorum, dicebat ipse: sed huiusmodi fluxio non est a musculis, sed per uirtutem expulsiuam; & non concurrunt musculi, nisi quando quis uelit uehementer conari. Sed dicet quis, quomodo exit sperma per conuulsionem, cum quis in epilepsiam inciderit? Dico quod hoc contingit propter uillos, qui contrahuntur, & extenduntur, & mouentur motu spasmodico; & sic omnes musculi mouentur & excitantur.

Galenus tamen in 6. de tuen. san. reducit huiusmodi fluxus ad istas duas causas, uel ratione seminis, uel ratione ipsorum uasorum seminariorum, quæ sint affecta & uitiata, & imbecillia reddita. Et contingit de semine, sicut de lacte in mamillis: sicut etiam sanguis efficitur sub forma lactis in ipsis mamillis, ita sanguis in uasis seminarijs, & in illis inuolutionibus efficitur sub forma seminis. Contingit autem ut exeat semen propter imbecillitatem istorum uasorum, uel quia relaxata & aperta sunt & calefacta, ita quod trahant, quod non deberent trahere, & cum sint debilitata, multa excrementa ad illa demandantur, & sic inuoluntarie exit: quod etiam contingit de lacte in mamillis existente. Quando uero fit ratione uitij existentis in semine, hoc cōtingit uel ratione multitudinis, uel ratione malæ qualitatis aeris, uel huiusmodi. In isto erat uera gonorrhœa ratione uasorum, & uiarum dispositione, per quæ fit huiusmodi transitus, & præsentia humoris mali, & ratione imbecillitatis uasorum, quæ effecta sunt imbecilliora propter malam uictus rationem, & propter excessum & immoderatū coitum. Et sic quia dilatata fuere illæ uiae, & aucta est materia ratione malæ uictus rationis, ideo huiusmodi dispositio perseverauit. An modo etiam nunc patiatur gonorrhœam, & fluxū seminis inuoluntarium: quia materia seminis, quæ est sanguis provenit ab hepate: spiritus uero fermentans huiusmodi semen, à cerebro & à corde emanat: sanguis autem iste cum ad uasa seminaria uenerit, in illis uasis conficitur. Ideo libere dico, quod credo illum non pati nunc ueram gonorrhœam: sed ad alborū fluxionem istum uenisse opinor, qui fluxus fit à materia quadam pituitosa & corrupta, quæ cum uias paratas & apertas inuenit, illuc defluit ad uescicam. Et sic credo quod in tota massa sanguinea sit uitium ratione hepatis, quod lapsum sit à proprio temperamento per frigidum, & maxime cum accesserit illa infectio morbi Gallici: & quod recipientia sunt debilitata, ut Auicenna 22. tertij: sunt mandantia fortia, scilicet hepar, & totus ambitus uenarū, plurima superfluitas pituitosa, & adusta, & falsa, & uasa dilatata fuere, cū etiam à natura sint lata, quia calidè fuit temperaturæ à prædominio, ideo habuit amplitudinem uenarū & uasorum, quæ etiam uasa dilatata sunt propter plurimū coitum, & longum defluxum: & sic mandantia sunt fortia, recipiens debilia, uiae latæ, & multitudo materiæ malæ. Et sic credo quod ista si debet dici gonorrhœa, seu iste fluxus, sit permixtio quædam seminis, & aliorum humorum. Et sicut in mulieribus contingit, quod post fluxum gonorrhœæ sequitur fluxio alborū, uel ratione hepatis, uel ratione totius, quod acquisuerit malam temperiem, & aggregata sit cacochymia, & materia mala: & cum uias reperiat paratas, hinc fluunt huiusmodi alba, si est mulier, per uuluum, si est uir, per penem: ita credo in isto fuisse, quod plurimæ materiæ pituitosæ ratione hepatis & totius ambitus uenarum, per uenas emulgentes ad uescicam deuenerunt, & minguntur ita putridæ. Sed dicetis, si sunt putridæ, ergo ibi deberet adesse ulcus. Dico quod non ualet, quia materia pituitosa potest circa uenas putrescere, ita ut pus appareat, & tamen non sit ulcus, ut uidi superioribus diebus in quodam uiro Fulginate. Quod autem sit materia pituitosa, uidetur ex colore: alba enim est illa materia quæ fluit, & putrefacta, nullum præ se ferens calorem. Quantum & ultimum accidens erant febres quædam erraticæ. Et multi mirantur quæ nam sit causa istarum, contingentium maxime post quartanam. Sed si cognoueritis causas istas, non mirabimini: & quandoque antecedunt quartanam, quandoque uero subsequuntur, quia aliquæ quartanæ habent affinitatem cum illis. Sed quænam sunt causæ istarum erraticarum, quæ nullum seruant ordinem? Nulæ alie certe nisi tres illæ, quas Galenus in fine secundi de diff. feb. assignauit, ubi dicit, quod febris erratica fit, uel quia permutatur humor putrescens, uel quia uariatur ratio uiuendi, uel quia alius humor putrescit in aliqua parte corporis, & alius in alia. Et sic prout uariæ generantur putredines propter uarios humores defluentes ad uarias partes, sic uariæ sunt febres & periodi, cum humores uarij sunt, qui putrescunt. Nam interdum putrescit pars subulior sanguinis, quæ fit naturam bilis, ideo facit paroxysmum tertianæ: aliquando fæx sanguinis, & sic facit paroxysmum quartanæ: quandoque pituita putrescit, & sic facit paroxysmum quotidianæ. Alio uero die fieri potest

quod putrescat pars crassior, & sic facere potest quartanam, quia illa adusta fuerit. Fiunt etiam ex variatione ciborum, quando uiuunt modo uno modo, modo alio, modo plurima ingerunt, modo pauca, modo crassa, modo tenuia; & sic prout uarij humores generantur, sic ex putredine illorum fiunt postmodum uariae periodi. Tertia causa istarum est, quando est aliquis locus, ad quem precipitetur aliquis humor, & ibi putrescit alius autem ad aliam partem, & ibi putrescit: & sic uariae febres possunt fieri pro uarietate humorum putrescentium. Sed quae causa est in hoc Nobilissimo uiro istarum febrium? Dico quod omnes concurrunt, quia abundat omnibus humoribus, habuit uarios paroxysmos, & sic duos uel tres paroxysmos quartanae habuit, postea secuta est transmutatio, & habuit sextanam, prout modo unus, modo alius humor computruit, & exiit ad exteriores partes uenarum: quia non aequaliter generati sunt isti humores, quia non seruat eandem rationem uictus, & in uasis seminarijs, ut uenis in testibus, & uesica, potest putrescere iste humor pituitosus, a quo eleuantur uapores putridi, & perunt cor: & sic ponunt ipsum cor in calefacto esse. Et sic credo quod omnes istae tres causae concurrant ad generationem febris erraticae in hoc Nobilissimo uiro. Accedamus modo ad curationem istorum accidentium, praetermissa febre, quam non habet, nec de ipsa conqueritur. Et primo quo ad gonorrhoeam, quia, ut dixi, credo quod certa illa materia quae a ueretro emanat, non sit semen, sed cum semine permixtam esse plurimam materiam pituitosam, salsam, putridam, quae a toto ambitu uenarum, & ab ipso hepate emanat, ex qua sequitur ardor urinae, & retentio seu emissio illa urinae diminuta. Et ideo credo, quod si remoueatur fluxio, remoueuntur etiam omnia alia. Sed cum in qualibet fluxione quatuor sint: mandantia, recipientia, uix, & materia, ideo debetis primo providere, ne mandantia mandent: secundo, recipientia corroborare; tertio, uias altringere, principalis tamen intentio est, ut dicit Gal. sexto de tuend. sanit. intercipere materiam, quia stante materia & imbecillitate membri, semper de necessitate sequitur fluxio: materia autem intercipitur, prohibendo ne generetur. Hoc autem fit recta ratione uictus adhibita circa qualitatem & quantitatem, ne tantum comedat, quantum appetit; quia si sanguis bonus efficietur, natura uia pro se retinebit. Et hoc quo ad qualitatem & quantitatem ciborum. Ita etiam de uino: non sit nimis calidum, aperiens, nec nimis frigidum, sed temperatum in calore & substantia. Quo ad exercitium, moderate se exerceat, non dormiat in meridie, & reliqua huiusmodi. Quo ad euacuationem uero humorum qui generati sunt, plurima sunt instrumenta: Primum est euacuatio proprie dicta per propria loca, per uomitum, per secessum, per urinam, per sudorem, & diuertendo per cauteria: quia natura rei indicat nobis: cum diu perseverauerit iste morbus, ideo difficillime expelletur. Cum igitur iam sint decem & octo anni, ex quo perseverauit morbus iste, ideo si sola euacuatione proprie dicta uelimus procedere, non bene succedet. Sed postea oportet corroborare membrum mandans & generans, ne noua generetur materia, & debemus auertere ipsam antequam membrum recipiens corroboremus: quia si prius corroboremus quam diuerteremus, posset ad aliud membrum nobilius precipitari haec materia: ideo a leuioribus euacuationibus incipiendum est. Et primo lenienda est aluus. De missione sanguinis, tum propter diuersionem, tum propter suspicionem illam quam habeo de morbo Gallico, & propter adustionem quae in hepate generatur, suaderem ut fieret a basilica lateris dextriphebotomia. Quo uero ad praeparationem materiae cum syrapsis, uaria sunt instrumenta. Notum est quis sit humor superfluous, & quae intemperies, ideo cum incidentibus & abstergentibus praepararem, quae tamen non essent diuretica: & talia essent sicut oxymel, mel rosatum, syrupus de betonica. Cum ijs uel decoctis similibus praepararem materiam, & cum solutiuis appropriatis postea eduцерem. Istitis peractis antequam ad corroborationem mandantium, & ad uisum consuetudinem deuenirem, facerem prius cauteria, ut diuerterem materiam. Sed cum morbus sit infra renes, qui tamen habet originem in partibus superioribus, an magis conueniret quod huiusmodi cauteria fierent in brachijs, an uero in tibijs? Dico breuiter

breuiter quòd facerem in tibijs. Rationem nunc non assigno, quia essem nimis prolixus. Deinde ad corroborationem membrorum mandantium & recipientium, & ad constrictionem uirum deuenirem. Et quia duo proposita fuere: primū, an decoctum ligni Guaiaci in hoc Nobilissimo uiro: secundum, an balnea Apponensia uel Veronensia conuenirent, ideo modo ex his quæ supposita fuere à nobis, conueniret decoctum ligni: in ipso enim est forma illa specifica, quæ ex toto formæ morbi Gallici aduersatur. Non enim curat quia calidum uel frigidum, humidum uel siccum, sed quia tale, quo ad qualitates tamen manifestas habet caliditatem ultra secundum gradum, siccitatem usque ad tertium. Ideo exhiberem istud decoctum ratione illius morbi Gallici: & ratione formæ suæ specificæ, etiam adstringit & corroborat membra. Quòd autem habeat uim calefaciendi, quia erat dubium, nam calefactio in primo gradu non sentitur, sed à ratione sensui coniuncta dignoscitur, ut Galenus in libro de simplicibus medicina testatur, ideo dicebatur ab aliquibus, primo occurso non pungit linguam, ideo calidum in primo. Dico quòd mordicat linguam, & quòd est calidum in secundo intensius etiam: & dico quòd quando caliditas fundata est in substantia tenui, illico mordicat linguam, & cito euanescit. Ideo dicit Galenus in quarto libro de tuenda sanitate, loquens de Diatriopipereon, licet sit medicina ignea, ita ut uentriculum inflamet, tamen quia in substantia tenui & subtili fundata est, cito euanescit, & ad hepar non peruenit. Sed cum est in substantia crassa terrea, huiusmodi substantia non permittit actionem caliditatis adeo facile percipi: nam auripigmentum, quia eius caliditas fundata est in substantia tenui & subtili, ideo si apponatis super linguam, ulcerabit. Sed in ligno, quia eius caliditas fundata est in substantia crassa & terrestri, ideo primo occurso non percipitur eius caliditas, sed per decoctionem extrahitur, ideo in ipso percipitur amaritudo. Ideo calidum & adustum est, quia Galenus & Auicenna uolunt, quod ubi est amaritudo, ibi adsit caliditas: sic etiam Aristoteles & Theophrastus uoluerunt, licet Auerroes negauerit, quia in opio est amaritudo, & tamen est frigidum. In decocto hoc est amaritudo, & acrimonia, & maxima, ita quòd quandoque qui usi sunt isto decocto, toti erysipelati sunt: quibus uerò exhibitum fuerit cum aqua Endiuie, nihil calefacti fuere. Ideo decoctum huiusmodi habet caliditatem in secundo, quia acrimonia non stat in primo tantum caliditatis gradu, sed cum intensiori. Et quia quærebatur, an miscendum esset, & decoquendum cum aqua Endiuie: & uidebatur quòd non, quia dicebatur, quæ operantur per specificam formam, & à proprietate occulta, si commisceatur cum ipsis aliis quid, destruetur eorū forma specifica. In secundis qualitatibus hoc contingit: sed endiuia & huiusmodi, non destruunt formam huius specificam. Et quia dabatur exemplum de Magnete illo alio, quòd non potest trahere ferrum, & non potest agere sua forma specifica, dico quòd ideo est, quia allium habet formam specificam contrariam Magnetis actioni, & si alia illinatur re, non propter hoc amittit formam suam specificam Magnes. Et uos scitis, quòd ex uno particulari non sequitur unum universale: etsi in Magnete contingeret hoc, non tamen contingit in hoc decocto cum Endiuia: imò non calefacit, sed refrigerat. Cur est quòd cum aqua communis sit primum frigidiorum, non magis reprimat caliditatem ligni, quàm aqua Endiuie? De hoc diximus dum de morbo Gallico ageremus. Ideo exhiberem istud decoctum, tum quia qualitatibus manifestis prouideri, quia calefaciendo & exiccando corroborabit, & exiccabit materiam illam: & quo ad formam specificam, quia in hoc timeo de infectione Gallica. Quo uero ad aquam thermarum, licet de directo morbo Gallico infecta esse uideatur, & licet multos uiderim laborantes isto morbo, ex aqua balnearum laesos fuisse, tamen darem huic nobili uiro, si istud decoctum non ex toto sanabit ipsum. Sed à quo est incipiendum? Ego inciperem à decocto ligni alterato cum aqua Endiuie, quia hoc indicat & naturalis eius temperies, & anni tempus, quia nunc sumus in æstate. Ideo factis exquisitis euacuationibus, quæ debent fieri, & factis etiam diuersionibus, exhiberem istud decoctum, ex quo desperatos etiam sanavi, in maximis etiam caloribus hoc modo præparato, quia sic non timerem calefactionem. Et si ex toto non leuaretur & liberaretur,

exhibere aquam thermarū Veronensium, adhibita solita diligentia. Et sic credo quòd sanabitur, si omnia, quæ dicta sunt, exacte, & summa cum diligentia, sicut fieri debent, obseruabuntur. Et hæc satis.

De ardore urinæ, ac frequenti mictione.

Consilium CCXIII.



Ræmissa ratione uictus, utatur quolibet mane, quando est in itinere, frusto cinnamomi optimi, & trititando in ore deglutiat succum. Bis tamen in septimana loco cinnamomi sumat rhabbari drah. mediam diebus inter-
polatis, & illud mandendo succum deglutiat. Ante cibum sumat semun-
ciam anethi præparati, & omni die inungatur locus, qui est intra unam &
alteram natem, oleo scorpionis facti ex oleo amygdalarum amararum. In autumno &
uere purgetur infra scriptis medicamentis:

℞. Specierum hieræ simpl.	3	2.
Floris cassiæ	3	1.

Misce, cum zuchcharo fiat bolus, & sumatur tribus horis ante prandium. Deinde sumat sequentes syropos per septem dies continuos:

℞. Syrupi de cichorea Nicolî		
De Absinthio ana	5	1.
Decoctiōnis infra scriptæ	3	4.
℞. Aquarum maluæ		
Althææ ana	15	1.
Aceti albi	3	4.
Foliorum pentaphylli		
Betonicæ		
Agrimoniæ ana	3	1.

Bulliant ad consumptionem tertiæ partis, & seruetur pro syrupo. Octauo die su-
mat sequentem medicinam:

℞. Syrupi rosati solutiui	3	3
Confectionis hamech	3	4.

Cum aqua althææ fiat potio, danda in aurora cum custodia. Post hæc, per tres
uel quatuor dies continuos sumat unciam zuchchari rosati ante cibum mane & sero.
Verum laudo quòd in uere incidatur uena basilica dextri lateris, & in autumno post
purgationem utatur aqua balnei sulphurei, uel aluminosi, & pro quolibet mane acci-
piat duodecim cyathos per dies duodecim; & si sint balnea, submergatur in eis. Loca
lia nulla adhiberi uelim ante mundificatum corpus, eò quòd frigida adstringant; cali-
da uero adhuc magis lædant. Parauij 15 47.

De eiectione materiæ crassæ & fetidæ per urinam, cum
dolore renum, ac siti ingenti, & an Calderia-
næ aquæ in hoc casu conueniant.

Consilium CCXIII.



Difficillimum est iudicare in huiusmodi Magnifici Domini casu, utrū ex-
pediat illi Calderianam aquam potare: hoc enim præcipue uidetur ex-
quiri. Difficultatis causæ oriuntur, tum ex parte corporis patientis, tum
ex ipsis dispositionibus præter naturam. Audio primum, corpus hoc
redditū esse admodū imbecillum, cū maxima appetendi deiectione, &
arctissim

arefieri ac tabescere, at potus aquarum mineralium constantes vires requirit, est enim efficacissimum potentissimumq; remedium, ideo debiliori corpori oblatum, sæpe hominem potius quam morbum tollit. Dispositiones etiam corporis ad medelam admodum sunt ambiguarum & maxima illa sitis tamdiu perseverans indicat, uel magnas obstructions, uel multam putredinem, uel febrem occultam. Quicquid horum fuerit, Calderianæ aquæ suspectæ sunt. Eo autem magis uereor, quia intensissime sitit: & cum audiam frigus inexpugnabile superadditum in exterioribus partibus modo, ut exteriora maxime frigeant, & interiora ferueant, uel febrem malignam, uel intrinsicè abscessum, aut inflammationem portendit; ideo & hic quoq; thermarum aquæ suspectissimæ sunt. Sed & illud, quod audio materiam plurimam per urinam educi, quæ admodum crassa sit, sæculenta & sordida, impedit omnino rectam Calderianarum aquarum exhibitionem. Si quis modo illarum aquarum naturam cum hac dispositione recte & secundum artem comparauerit, facile intelliget quam importune impediatur, astringiturq; materia profluens ob uim aquarum astringentem, quod facillimam dabit occasionem ad supprimendam urinam, cum maximo patientis discrimine, cui suppressioni aliqui ualde paratus est, & in illam perquam frequenter solet incidere. Quid quod dolores nephriticos, uel colicos, uel fortasse etiam utrosq; iam proximis diebus non sine discrimine perpeffus est: ad hos enim affectus astrictio & frigiditas aquæ maxime infesta est. Hæc sunt, quæ me ualde ancipitem reddunt, utrum Magnus iste uir aquam thermarum Calderianarum recte sit potaturus. Nam ex alia parte postea, ad dilationem tam amplam, sicut audio, meatuum urinariorum, & ad corroboracionem imbecillitatis partium omnium naturalium, præcipue quæ ob redundantem humorem contigerit, præstantissimus est earum usus: ad ardorem urinae etiam non parum conferret; sitim præterea quæ ob puram intemperiem & caliditatem intrinsecorum membrorum contigit, ualidissime extinguet. Cum ergo utrinq; rationes adsint, quæ persuadeant, an accipi debeant, an non debeant, in ancipiti perfluo, cum plane scire nequeam exquisitum sui corporis statum uel gradum, aut etiam naturam dispositionum. Ideo hanc deliberationem præsentibus Medicis determinandam relinquo, ponderatis utrinq; rationibus, tum his quas ego percurri, tum his etiam melioribus, quas ipsi excogitabunt. Interim pro præsentis dispositione, quæ præcipue uidetur affligi, fluxu uel delictu materiei crassæ, uiscosæ & foetidæ, per urinam, cum dolore circa partes renum, considerem ut potu uteretur loco & hora syrupi, quo ego in huiusmodi affectibus efficacissime uti consueui, cuius descriptio talis est:

℞. Pentaphylli cum radicibus & folijs	M	4.
Granorum alchechengi	℥	1. s.
Agrimoniæ	M	3.
Verbenæ		
Rosarum siccarum ana	M	2.
Limones minutim concisos	N	3.
Simul cum corticibus suis.		

Contundantur omnia grossò modo, & aspergantur cum uncijis octo infusionis rosarum. Postea destillantur per alembicum uitreum, uel per balneum Mariæ, deinde seruentur aqua ad usum.

℞. Huius aquæ	℥	5.
Syrupi de cichorio Nicoli sine rhabarbaro		
Myrtini ana	℥	1.

Sumat singulis diebus in aurora loco syrupi. Laudo præterea, quod singulis diebus, uel tribus horis ante prandium, uel immediate ante syrupum accipiat ℥ l. in forma pilulæ, de infra scriptis trochiscis.

℞. Trochiscorum de absinthio, De rosâ ana	℥	2.
De aniso	℥	2.
Succiliquiritiæ	℥	1. s.

℞ 3 Misce

Misce, & cum syrupo rosato fiant pilulæ pro singula 3 iij. sumendæ ut supra. Pro unctiõne dorsi, hoc est, totius regionis lumborum secundum longitudinem utrinque:

℞. Pinguedinis anseris	3	2.
Olei rosati completi	3	3.
Rosarum rubearum		
Sandalorum citrinorum		
Masticis ana	3	2.
Ladani pinguis	3	1.

Misce cum modico ceræ albæ, fiat linimentum secundum artem, ad usum, ut dictum est. Vinum eliget limpidum, mediocriter, coloris subrubri. Utatur in cibo carnibus siccioribus, boni tamen & optimi nutrimenti, quales maxime sunt pulli, perdici, phasianorum, gallinacei, leporis iuuenis; aues omnes campestris, præter coturnices; turtures etiam conueniunt, & oua forbiliz; à reliquis omnibus eduljis, quàm maxime poterit, abstinabit. Hæc sunt quæ absenti in re difficili consulenda uidebantur, remittens me in omnibus saniori iudicio.

De fluxu materiæ pituitosæ per uirgam,
pro Ciue Taruisino.

Consilium CCXV.



Luxum hunc, qui creditur esse seminis, magis putarem esse materiem crudarum, quæ in toto corpore multiplicantur, siue propter uentriculi frigiditatem, in quo frigidi humores multiplicantur, & inde attracti propter hepatis & renum caliditatem, ad uasa seminaria præcipitantur, quæ uel propter flatum, uel propter nimium Veneris usum, uel propter magis nos labores, aut equitationes, plus æquo fuerunt dilatata & relaxata. Aliqua enim harum causarum, uel omnes potuerunt concurrere: quæ cum explicatæ non fuerint, per idoneas coniecturas à nobis querendæ sunt. Quicquid igitur fuerit, hoc unum constat, curationem moliendam esse, tum per optimam uictus rationem, ne humores plus æquo aggregentur, tum per auersionem ad alias partes, tum per membrorum corroboracionem. Quantum igitur ad primum attinet, euitabit omnes aëris excessus, quantum fieri poterit, tum caloris, tum frigoris. Eliget regionem quàm maxime temperatam, quantum ab eo poterit fieri. Fugiat etiam omnes animi molestias; cauebitq; post prandium uel cenam, ne laboret tam corpore quàm animo, sed quiescat, leuiter tamen deambulando, ut cibus melius resideat in uentriculo. Simplici cibo semper utatur, fugiendo epularum diuersitatem, qua nihil magis aduersum. Eligat carnes laudabiles, pullorum, hœdorum, uisulorum, & castratorum iuuenum; neq; oua recentia uitupero. Cauebit à piscibus, à lacticinijs, à pastilibus, à fructibus, ab acetarijs crudis, ab oleribus, & à rebus frictis in sartagine. Vinum eliget pauciferum, rubeum, uel si hoc defecerit, album, limpidum, non multum potens, quod parcissime bibet: omnesq; euitabit comestaciones & comotationes, si sanitatem acquirere cupit, alioquin omnia frustra tentabit. Quantum uero attinet ad auersionem materiæ, & euacuationem, primo toto tempore suæ aduersæ ualitudinis bis singulis annis purgabitur, uere inquam & autumno, poteritq; purgatio hoc modo perfici.

℞. Diacatholiconis	3	1.
Specierum hieræ simp.	3	1.
Misce, & fiat bolus cum saccharo.		

Deinde.

℞. Syrupi

℞. Syrupi de mentha

De absinthio

De endivia

ana 3 s.

Decoctionis pentaphylli & betonicæ, in brodio

macro pulli

3 4.

Misce pro uno, sic pro alijs.

Deinde

℞. Confectionis hamech

3 4.

Trochiscorum alhandal

gr. 6.

Misce, & fiat bolus cum saccharo, dandus in aurora cum custodia.

Vd.

℞. Pilularum aggregatiuarum.

3 1. s.

Fiant pilulæ quinque eodem modo sumendæ. Et hæc erit annua purgatio, tam uere, quam autumnò celebranda. Deinde efficacius etiam auertendo utetur ter uel quater in mense Rhabarbaro cum saccharo rosato, sumens ex eo drachmam cum semuncia sacchari rosati tribus horis ante prandium. Hæc auersiones ubi non suffecerint, laudo tandem ut fiant in cruribus utrisque remedia à perito chirurgo, quæ sunt cauteria. Quantum uero ad corroborationem membrorum attinet, factis omnibus purgationibus & auersionibus, & præposita uictus ratione, quam prædiximus, laudo ut congruis temporibus, circa finem ueris, aut principium autumnì, bibat aquas thermarum, in quibus alumen & sulphur dominetur. Partes & renum & lumborum ipsdem temporibus post harum aquarum potum illinet unguento de corticibus castanearum, uel eo quod cum sandalis conficitur. Ventriculum etiam illinet unguento confecto ex oleo de absinthio, & mastichino. Quandoque etiam, ut ter uel quater in mense, mane, quinque horis ante prandium, sumat drachmam Mithridatici: summopere enim ad membrorum corroborationem confert. In omnibus autem temporibus à multa equitatione cauebit, & præcipue in sellis duris, & in equis qui tolluntur ac cursim incedunt, & denique ab omni labore earum partium, quiescant crura, renes, & dorsum. Et hæc si obseruabit, spero illi omnia feliciter succedura, ad laudem Dei omnipotentis, cuius nomen sit benedictum.

De fluxu materiæ albæ è uirga per decennium, pro
Magnifico Contareno patritio Veneto,

Consilium CCXVI.



Vamuis Magnificus iste uir multis affectibus præter naturam uexetur, sicut refertur, unum tamen præcipuum est, cuius ratione à nobis consiliū requiritur: & est destillatio quædam albæ materiæ non mordicantis, neque foetidæ, colore subpallidæ, quæ paulatim quidem, sed continue, & iam per decennium perpetuo è uirga emanat. Queritur igitur quod genus sit hoc symptomaticis, nunquid id ad gonorrhœam, uel ad aliud quippiam tale sit referendum? an uero sit alterius generis, & quæ sit ægritudo, quæ ratio, unde actio laesa consequatur: deinde ubi consisterit de specie tum symptomaticis, tum morbi, qua arte curari possit, si modo curationem admittat. Ac de symptomatico quidem, non crediderim esse gonorrhœam, neque enim ego semen excerni audio, ac propterea nec dicerem esse excretionem seminis. Sed nec pus esse diceridum est, cum ulceris nullum signum, quod ego intellexerim, appareat. Non etiam humiditatem è glandulis in collo uelicæ existentibus esse crediderim, cum non inde sequatur ardor urinæ, quod proculdubio consequeretur, si per decennium eo affectu alius quinz laborasset: habet enim illa humiditas hunc usum præcipue, ut acrimoniam urinæ obundet, oblinatque, & tanquam uestiat suo lentore partes colli uelicæ sensibiles ad acrimoniam urinæ sedandam. Ergo in eam potius partem inclino, ut materiæ

pituitosæ, tenues, & crudæ, cum portiuncula aliqua bilis admixta, propter hepatis & renum caliditatem, destillant per urinæ meatus, atq; ita excernantur, præcipue cum hic Magnus uir amplos habeat meatus, & calidos renes, ob hepatis scilicet caliditatem, ac præterea in tota sua florenti ætate plusquam oportuit Venere indulserit, neq; rectam rationem in uiuendo seruauerit. Confirmat hanc coniecturam uentriculi audita imbecillitas, cuius ratione pituita proculdubio multiplicatur. Indicat etiam hoc ita esse nodulorum scirrhorum multitudo, qui in uirga frequentes & multi sunt. Indicat etiam difficultas illa in emittendo lotio, quod sine certo conatu expelli non potest: hoc enim contingit, quoniam pituitosa uiscidaq; materia facile circa uesicæ collum impingitur, lociq; illius angustias magis coarctat: uirtutem etiam expultricem imbecillio-riorem reddit tum refrigerando, tum etiam urinæ acrimoniam plus quam satis est obtundendo. Cum ergo tale opiner esse symptoma ob materiam pituitosam ad eam partem defluentem, causasq; habere corporeas, uentriculi imbecillitatem frigiditatis causa, simul cum hepatis & renum caliditate, & meatuum amplitudine, curationem molis- endam arbitror cum his, quæ huiusmodi affectibus opponuntur. Ac primo corroborandum esse uentriculum, ne scilicet pituita multiplicetur: & euacuanda quæcunq; hæc-ctenus fuerit generata; deinde hepatis & renum caliditatem temperandam, meatusq; roborandos. Ergo ab euacuatione totius corporis incipiendum: primo cum his, quæ præparatas materias, quas uulgo communes uocant, euacuent; deinde cum his, quæ residuum concoquant, postea educant. Consulere igitur ut Magnus iste uir curan- sibus primo fumeret florem cassiæ pondere uncie, cum drach. duabus specierum hiere, ex quibus bolus conficeretur, maneq; tribus horis ante prandium exhiberetur. Deins- de fumeret infra scriptum syrupum:

℞. Syrupi de absinthio	
Oxymellis scyllitici	ana 3 1.
Decoctionis cichoreæ, & agrimonie in iute tenui pulli	3 4.
Misce pro uno, & sic pro septem.	Postea
℞. Confectionis hamech	3 4.
Diacatholiconis	3 1.

Misce, & cum zucharo fiat bolus, dandus in aurora cum custodia. Facta hac pur- gatione utatur pro familiari remedio tum ad leniendam alui, tum ad corroborandum uentriculum, singulis septimanis semel saltem bolo uel pilulis, quomodo illi libuerit, confectis hoc modo:

℞. Terebinthinæ optimæ	3 1.
Rhabarbari electi	3 1.

Misce & sufficiat hæc quantitas pro duabus uicibus, si in bolum, uel in pilulas res- digatur. Placet etiam usus frequens zuchari rosati, si sumpserit semunciam paulo ante cibum cum scrupulo specierum aromati rosati. Laudo etiam ut præmissa euacuatione utatur bis in anno, autumnino inquam & uere; neq; enim facile aut cito tolletur hæc dis- positio, quæ per totum decennium perseverauit: sed si curari cupit hic nobilissimus uir, non tantum utetur præscriptis medicinis, sed etiam habebit optimam uictus ratio- nem, sine qua omnia proculdubio frustra fient. Cauebit igitur præcipue a cœmestatio- nibus, & comotationibus, parcusq; erit tam in cibo, quam in potu, utaturq; simpliciter obsonio, & epularum uarietatem euitabit; nihil enim illi perniciosius. Cauebit a pisci- bus, passilibus, lacticiis, fructibus, carne porcina, auribus palustribus, carne agnorum, & bubula, & prorsus quæcunq; antiqua fuerit. Vinum bibet limpidum, maturum, neq; adeo potens, sed moderate. Cauebit quammaxime fieri potest a Venere. Aëris etiam excessum euitabit. Atque hac uictus ratione, & medicamentis, spero felicem successum in hoc magnifico uiro, ita ut prorsus ab omni incommodo, tam præsentis, quam futuro, sit liberandus, quantum attinet ad hanc, de qua consulimus, agritudinem, cum laus de omnipotentis Dei, cuius nomen sit benedictum in secula.

De fluxu pituitoso per urinam, ulcere in tauro, tabe,
manus contractione, & hypochondriaca affectione.

Consilium CCXVII.



Symptomata quæ patitur hic Magnificus uir, sunt hæc: Primo est defluxus per urinam, quem putat esse gonorrhoeam: secundo patitur ulcus circa taurum, quæ est pars inter testes & anum: tertio arefactionem & tæbem totius corporis: quarto contractionem manus dextræ: quinto imbecillitas uentriculi adest, & caliditas hepatis, unde patitur affectionem hypochondriacam. De primo. Conqueritur de gonorrhoea, uidendum quale sit symptoma, an fluxus seminis, uel aliud quiddam: nam multum refert hoc scire. Non credo illum affectum aut esse aut fuisse gonorrhoeam: primo, quia passus est illum fluxum longe ante tempus seminis, ut circa annum ætatis suæ quintum aut sextum, & eo tempore nondum mouetur semen, quia nullum est instrumentum paratum ad illum fluxum seminis, & nondum habuit tunc semen: quia omnis illa materia ex qua debeat generari semen, transit in augmentum corporis, & nulla est superfluitas pro semine generando, & sic non fuit illa superfluitas seminis. Secundo uidemus, & locum & symptoma non esse consentanea quod sit gonorrhoea: primo, non apparet aliquid quod habeat rationem seminis, sed arenulæ apparent, & aliæ materiæ adultæ. Itæ sæpe minxit sanguinem, qui indicat talem materiam deuenire à renibus, quod sæpe contingit, cum nimis relaxantur renes, & renes affecti sunt per se: & sic: affectus est in renibus, & non in uasis seminarijs. Item fluxus seminis fit aut ob abundantiam seminis, uel propter caliditatem, uel propter amplitudinem uasorum feminalium: quod in hoc uiro non est: est enim siccissimæ temperaturæ, & sanguinis paucissimi: & qui non habet sanguinem, non habet semen multum, quia semen generatur ex optima parte sanguinis. Item non habet inclinationem ad Venerem, & ego noui ipsum adolescentem, & possem miræ narrare de eius continentia. Item ex longo defluxu seminis ulcus fit non circa partes tauri, sed circa pubem: & sic perforato peritonæo fieret ibi abscessus, & non transiret per penem. Et hinc uidemus, quod sæpe inflantur testes & uasa feminaria, & sæpe inflatur pubes, & medici putant esse ramicem, cum sit propter inflationem illarum partium & arteriarum & uenarum. Hic autem contigit inflammatio circa os uesicæ inter testes & anum, ubi chirurgi solent incidere & extrahere lapides. Nam continuus defluxus huius materiæ à renibus, non per uasa feminaria, sed per uasa urinaria, quia hæc materia est adusta & feruens, tandem circa collum uesicæ, ubi locus est angustus & carnosus, fecit ulcus, & sic forte inducta est fistula: & inde emittit urinam inuoluntarie, quia muscoli ibi existentes læsi sunt, & quia os uesicæ est affectum. Et licet collum uesicæ esset affectum, & os uesicæ esset sanum, non exiret urina inuoluntarie. Sed ad os uesicæ non peruenit semen, sed habet aliam uiam: & hoc nõ debebat exulcerare partes uesicæ, sed alias partes uirgæ. Et sic nõ credo ego esse gonorrhoeam in hoc corpusculo, quod adeo est extenuatum. Sed hoc ulcus est in tauro, propter materias acutissimas deuenientes ad os uesicæ, quæ fecerunt ibi inflammationem, & sic illa pars est perforata, & etiam inducta fistula, quod facile fit in partibus illis nervosis, & musculis uesicæ & ant, ubi facile sunt fistulæ. Patitur præter hæc duo, arefactionem totius corporis, & magnam caliditatem hepatis, cum frigidityte uentriculi & rugitu, & affectionem hypochondriacam. Causa horum symptomatum etiam querenda est: dispositio sua naturalis consideranda quantum ad hoc. Semper fuit calidus, & anno 18. ætatis suæ incidit in tæbem, & fuit desperatus à medicis, sed liberatus diuinitus, ut retulit nobis. Est longæ staturæ, & productus in longum, tamen omnia membra habet gracilia, quod testatur caliditatem

caliditatem seminis seu materiae, & eiusdem paucitatem: in prima eius generatione non enim poterunt hæc membra in latum extendi propter paucitatem materiae, & ideo prolongata sunt: & calor primo in longum extendit, deinde in latum, & habet etiam maximam raritatem texturæ. Et hæc duo sunt signa paucitatis materiae & caliditatis, & ideo à quacunque causa extrinseca facillime patitur propter raritatem texturæ. Præterea & membra etiam principalia omnia sunt calida. Hepar uals de calidum generat plurimum sanguinem biliosum & melancholicum, habet pilos multos, & sic plurimum abundauit excrementis quæ sunt à calore immoderato. Item cor est calidum, quia iracundum & magnanimum, & constans in actionibus & audax, ut sciunt illi qui eum nouerunt. Cerebrum etiam calidum & siccum, quia adest promptitudo ingenij, quæ est ex siccitate cum tenuitate substantiæ. Ex caliditate cerebri habet mobilitatem & promptitudinem in actionibus, & fuit uersatilis ingenij undique & celerrimi, ut ego noui ipsum. Et inde merito cerebri iudicatur calidum, ex proprijs & immediatis cerebri operationibus. His stantibus plurimus sanguis melancholicus generatur, & per consequens spiritus melancholici, qui & obscurantur. Vnde semper fuit religiosus, & considerando naturam melancholicam uidebimus quod omnes sunt religiosi, ut testatur quotidiana experientia. Ex hac temperatura non mirum si habet naturalem imbecillitatem uentriculi, cū sit uentriculus sine carne, & nullam habeat ferè pinguedinē omenti, & nullos musculos ferè, quibus per antiperistalsin fit cōlesactio uentriculi: & si Aristot. credere uolumus, ipsa etiā pinguedo calefacit posituæ. Ergo uentriculus est siccus, quod patet ex habitu totius corporis: quia si caro est sicca & muscoli, multo magis uentriculus qui est neruofus. Ergo uentriculus est frigidus & siccus, & hepar est calidum. Et hæc sunt causæ hypochondriacæ affectionis, ut sæpe dictum est hoc anno in colloquijs, quomodo hæc fiant, & obstructions, & eleuationes uaporum &c. ideo de his satis. Macies ferè tabida est, propter duo efficacissima ad tabem: primo propter inopiam sanguinis: unde ferè semper patitur atrophiam: ex qua sæpe homines ad tabem deueniunt, cum scilicet membra non nutriuntur: secundo propter plurimam caliditatem & siccitatem in toto corpore, unde ariditas. Accedit tertium, maxima raritas texturæ, quia plus diffilatur quàm recipiatur ad membra & nutriatur. Item quodlibet membrum concoquit alimentum proprium, & nutritur secundum propriam suam naturam, teste Gal. Et cum omnia illa membra sint gracilia à natiuitate, parum attrahitur nutrimenti & conficitur. Hinc etiam plurimum abundat humoribus acerbis, erodentibus, & acutis, stante caliditate hepatis & totius corporis. Et quia orta attestantur suis principijs, & renes plurimum communicant hepati, & propter situm, & propter uias amplas, ideo etiam renes sunt calidissimi. His stantibus non mirum si plurima materia excreta est per uias urinales per totam uitam suam, & sic factæ sunt illæ exulcerationes in uijs urinae quas patitur: & etiam ex dispositione illa, calculi & arenulae generantur, quæ apparent in urina: nam causa materialis horum est pituita, quæ sit multa in frigido uentriculo, & ita excernitur per urinam hæc pituita, ut patet in hoc uiro, quod una cum urina materiae pituitosæ excernuntur. Causa efficiens est calor ingens hepatis & renum. Et ideo etiam facile generantur illæ arenulae, quia pituita quæ est uiscida, est tanquam gluten, & arenulae sunt ex bile, unde sunt siuæ. Passus etiam est chiragram: habuit enim primo dolorem chiragricum, qui pessime curatus est, & ipse nesciuit esse chiragram, & admiratus est cum ei dicerem. Est autem chiragra defluxus materiae catarrhalis ad iuncturas manuum. Et fuit pessime curata, quia non debet curari cum remedijs extra adhibitis: ipsi autem usi sunt relaxantibus & mitigantibus, quo nihil poterant facere deterius: hinc enim factum, quod magis affluxit materia, & facta ibi materia gypsea obstruxit neruos & chordas, hincq; abbreviantur & dilatantur & contrahuntur. Et facta hac obstructione, etiam facta est arefactio. Et hoc corpus in quo est caliditas hepatis & uentriculus frigidus, est aptissimum ad articulares morbos, quia adest pituita, & bilis eam ducit. Et Auic. dicit quod ad hoc requiruntur quatuor. Et passus etiam est in pede, ut mihi dixit. Hæc sunt symptomata

ptomata & causæ, ad quas redigenda sunt omnia: quæ causæ fuerunt adiutæ ab extrinsecis, & in rebus non naturalibus, in quibus plurimum deliquit.

De prognostico. Quæ sunt naturalia non possunt bene remoueri, & uidemus omnia ista dependere à dispositione naturali. Quo ad ulcus, credo quod non sit curandū, ut etiam sentiunt Exceſſi. V. Quo ad contractionem, uellem experiri aquam Apportionam, & etiam lutum illud aquæ Apportionis. Circa uentriculum & hepar, ut alterū refrigeretur, alterum caleſcat, credo ego quod nulla arte id fieri possit. Dabo tamen ei consilium, & remedium unū quo utatur singulis diebus, & toto tempore uitæ suæ hoc faciat. Accipiat singulo mane, aut quodcumque uoluerit, oxy mel optime & diligenter confectum, & mel rosaceum eodem modo confectum, & assumat una uice duo aut tria cochlearia, & hoc sæpe & semper fiat: sic enim ex longo usu huius medicamenti uentriculum pedetentim abstergetur, & corroborabitur sine calefactione hepatis. Non possem ego imaginari aliud remedium & melius & tutius, & ipse sentiet se optime uari, si non desinat. Postea ter uel quater in mense 2. aut 3. Rhubarbari, admixta portione calisæ sumat. Hieram uereor, quia suspectam habeo iam in corpore extenuato: & Galenus dicit quod in sicco uentriculo non sit exhibenda hiera, de tunc, ualet. In Rhubarbo non est tanta exiccatio, & etiam absterſio. Et singulis mensibus ter aut quater assumat hoc. Confert etiam ad calculos oxy mel, de quo supra dictum, quod sæpe sum expertus: imo etiam actu frangit calculos. Corrigitur etiam fluxus materierum per uias urinæ cum melle ros. hoc modo sæpe assumpto. Porro leniunt etiam uentrem oxy mel & mel ros. Et ita meo consilio non uellem uti alio remedio pro his omnibus quæ dixi. An aqua Veronenſis cōueniat, quæ semper contulit ipsi? Ego dicam quod sentio. Credo omnino quod semper fuerit adiutus quantum ad passionem renum, nam sunt feræ & frigida, & sic refrigerarunt hepar & renes, & uiuæ sunt corroboratæ, ne fieret illa dilatatio uiarum: & sic in quolibet defluxu materierum conuenit illa aqua, ut in fluxu feminis, hepatis, & alui. Et sic credo quod contulerit his affectibus. An uero etiam ratione uentriculi conueniat, est apud me dubium: nam infrigidant hæc aquæ, quod testatur experientia: licet habeant caliditatem actu, & habeant sulphur, tamen potentia habent frigiditatem. Nam & coriandrum habet in se partes calidas, & tamen infrigidat, & multa alia eiusmodi. Ita philonium propter calidas res quas habet non calefacit, sed infrigidat propter res frigidas. Item ultra hoc exiccatur etiam hæc aqua. Si dicat quis, stomachus est laxatus, ergo indiget exiccatione: & hanc præstat hæc aqua. Dico quod indiget exiccatione quæ euacuat, & non illa exiccatione quæ consipit, & sic magis affigit materiam ad uentriculum. Et indigemus hic euacuatione materię, & tunc uentriculum euacuata materia per se confortabitur, quod fiet per pharmacum supra dictū. Et sic renibus quidem conferet hæc aqua, non autem uentriculo, qui fiet imbecillior. Si uult, ratione renum assumat, non autem uentriculi.

De urinæ stillicidio ob pituitam crassam uisceris
damq; urethram occupante,

Consilium CCXVIII.



Ir quidam 30. annorum, habitu totius corporis imbecilli: colore subrubro: amplis uenis &c. sensit maximos flatus circa pectinem & anū. Vnde difficillime potuit urinam red dere, & alium exonerare. Vrina quæ sæpius retinebatur: ita ut consertim nil potuerit mingere: sed uase uitreo appenso uirgæ guttatim emittebat urinam: summo dolore, unde & febrē nōnunquam patiebatur. Sed nullam certū ordinis, sed cū urina detineretur, & ipse grauiss. dolores pateretur, oriebatur febricula mitis caloris per totum corpus. Vocatus Mont. integras actiones uidit: sed ex pulsus inæqualitate & mediocri frequentia, febriculam deprehendit. Vrina guttatim emissā alba erat turbata, crassa, pauca, in fundo crassum nil subsidens: faeces paucæ & circumuolutes, multa substantia crassa, uiscosa.

lulus it

Iussit Montanus, ut sumeret Ele& . lenitui 3 10. Calsiam enim abhorrebat: & non confidens syrupis aromatariorum, iussit domi in brodio pulli macilenti, decoqueretur althææ, maluæ, hordei, partes æquales: & huius decocti hauriret mane scutellam unam amplam, cum zaccaro. Sumptis aliquot diebus hîc brodijs, multam pituitam uiscosam, tenacissimam instar puris, eiecit confertim: nouumq; uerò guttatim, prout materiæ multitudo tenacitasq; permiserat. Causa tantæ pituitæ uentriculi frigiditas erat naturalis: faciens malas concoctiones: & hepatis nimia caliditas, attrahentis & postea mittentis eos humores ad alia membra: quorum fortiora expellebant, imbecilliora uerò se receptacula præbebant: renes scilicet & uesica: quæ cum nec in suum alimentum conuerterent, nec ob imbecillitatem ad alia transmitterent, indies eo confluentes materia, & aucta ea, ob nimiam molem constringebatur meatus, ne urina libere transire posset. Virtus tamen expultrix uesicæ pro fortitudine uirium guttatim exposcerat. Materia uerò propter moram in ijs meatibus & quantitatem etiâ destituta à naturali calore, occupabatur præternaturali: ac ita causabat febrim: quæ euauuit cum materia medicamēto attenuata excerneretur: tunc etiâ cessarūt flatus & dolores. Victu utebatur attenuante: pullis iunioribus, eorū iure, uino maturo, limpido, minime potenti. Post aliquot dies hac uictus ratione usus, tantum puris cum urina excreuit, ut omnes admirarentur: neq; cogitare poterant (quod plurimi faciunt moderni) ulcus aut apostema hîc fuisse. Etsi enim pus sit inditium apostematis tantum: si tamen corpus totum apostema fuisset, tantum puris minime generare potuisset, nec dolorem perciperet, existens signum solutionis continui, nisi quod dum excerneret hanc materiam ob ipsius uiscositatem & tenacitatem, & suā molem læderet meatus, per quos ferebatur.

De urinæ difficultate cum pruritu, dolore dorfi ac renum,
grauitate in inguine, & lue Gallicâ,

Consilium CCXIX.



Vpposita historia fideliter recitata, consideranda sunt præcipue symptomata, eo, quia ut hæc tollamus, à nobis consilium petitur. Symptomata autem sunt hæc: Primo quidem conqueritur de difficultate urinæ cum quodam pruritu: hic enim Magnificus uir cum uult urinam emittere, id libere efficere non potest, imò dolore afficitur circa partes illas, & quodam (ut diximus) pruritu, ita quòd non potest libere mingere, donec prius exierit materia quædam crassa, qua egressa facilis postea est exitus urinæ. Deinde conqueritur de dolore circa renes & dorsum. Præterea est aliud symptoma: nam uidemus eius urinam colore glaucam admodum, & est talis color tendens & propinquans albedini, & appellatur rufus Galeno, secundo de temperaturis. Talis igitur est color urinæ. Secundo, quo ad luciditatem, hæc urina subobscura apparet: præterea quo ad substantiam ipsam est subtilis: quo autem ad contenta, hæc habet hypostasim, siue potius sedimentum crassum, uiscosum: in superficie etiam urinæ plurima adest spuma. Hæc symptomata in urina, propter illud sunt consideranda, eò, quia talis uir circa partes illas dicit se dolorem sentire cum pruritu, & de illis conqueritur membris, ex quibus exit urina. Conquestus est etiam de alio, quòd in principio urinæ esset foetida, ita quòd secundum quod nobis reulit excellentissimus medicus, qui curam huius Venetijs habuit, medici illi arguebant putredinem ulcerosam in uesica esse: hoc nos non uidimus, sed ipse sic reulit. Sunt postea alia subsequentiâ symptomata ad hæc, ex quibus illud unum est, quòd percipit pondus in inguine: ac etiam narrat, quòd si incommode pedem in terra figat, aut pedem infistat, sentit dolorem in illis partibus, scilicet in partibus ipsius uesicæ. Habuit & alia annexa symptomata, scilicet morbum Gallicum: unde fuit peruncius unctione illa maledicta argenti uiui, propter quam dentes ad unum ex ore decidere, licet uis

licet uisum sit, ipsum ab eo sanatum tunc temporis morbo. His uisus symptomatibus, ac fideliter enarratis, singulorum causas inuenire operæpretium duximus, quo recte curare, & tollere hæc symptomata ualeamus: quoniam ab hisce causis, ex quibus sunt symptomata, curatiue sumuntur indicationes. Consideremus ergo singulorum symptomatum causas. Primo quo ad difficultatem uring, quam patitur, dicimus non esse in his immorandum, scilicet in inuestiganda huius symptomatis causa, enumerando causas omnes quæ tale symptoma causare potuerunt, cum aut imbecillitas membri sit, aut materia, aut ambo, quæ materia collum uesicæ obstruxerit, aut aliquod tuberculum: huius causa per se patet. Prætermisiss itaq; omnibus, dicemus causam suppressionis urinæ esse materiam crassam ad hærentem collo uesicæ, & obstruentem meatum illum: obstruendo enim supprimitur urina, cuius signum euidentissimum est hoc, eo quia cum prius laboret ut mingat, hæc emissâ materia cessat labor & dolor, & postea libere mingit. Subsequitur postea ad utinam emissâ, & materiam crassam, illud symptoma, pruritus in collo uesicæ, propterea, quia (ut bene dictum est à suo Doctore) hic Magnificus uir calidæ fuit temperaturæ, nunc autem cum sit in ætate sensili, in qua dominatur frigiditas, pituita fuit reddita falsa & nitrosa, tum propter adustionem, cum fuerit calor naturalis diminutus, & auctus extraneus: tum propter putredinem humorum in senibus, ex quibus fit falsa pituita. Vnde hæc materia falsa cum per collum uesicæ, quæ est maxime sensibilis, permeet cum urina, causatur ille pruritus ea in parte, id est, in collo uesicæ, in qua facile figitur materia, cum ibi sint multæ cavitates, quemadmodum ex anatome potest cognosci facile. Et sic habetis iam causas horum prædictorum symptomatum duorum, quare scilicet difficulter in principio mingat, ac etiam propter quid in ea parte patiatur pruritus, propter materiam falsam in coli uesicæ cavitatibus adhærentem. Cum autem symptomata hæc tales habere causas, scilicet pituitam falsam declarauerimus, reliquum est ut uideamus, à quibusnam membris mandantibus uesica talem recipiat materiam pituitosam, & cur sic magis ipsa, quam alia membra fluxionem recipiat, ac etiam per quas uias demandetur: quia iam declaratum est, quæ sit materia fluens, quæ est pituita falsa, crassa, deducta ad putredinem propter aliquam causam, sapore falsa, foetida. foetidam diximus, quia prius perceptus est foetor, licet nunc non adsit, cum tamen fuerit quandoque magnus, ut retulit Nobilissimus uir. Et ita crassa uiscidaq; fuit hæc materia, ut in longum spatium continue traheretur, absq; hoc scilicet quod divideretur. Talis ergo fuit materia. Cur autem uesica potius recipiat superfluitates quam cætera membra, nunc uideamus: quia solet etiam talis materia ad pectus, aut ad pulmones, ad pedes, ad articulos, iuncturas, labi. Sed quid fuit in causa, quod in hoc Nobilissimo uiro materia hæc ad uesicam deflueret, non ad alium locum? In corporibus humanis aliquando aliqua pars alijs redditur imbecillior, & illud non modo contingit, ut scilicet pars aliqua reliquis sit imbecillior propter aliquod accidens, sed à natiuitate etiam. Vnde à natiuitate aliqui habent pectus adeo imbecillius, ut illic semper defluat materia. Aliqui uero habent musculos debiles, alij iuncturas, in quibus articularis morbus non absit; alij uesicam, sicut habuit hic Magnificus uir: & sic non modo secundum accidens, aliqua pars alia est imbecillior, sed, ut diximus, etiam à natiuitate. Quod fuerit per accidens aliquod uesica facta imbecillior, omnibus manifestum est: siquidem hic Nobilissimus uir plurimum equitauit, itineraq; habuit, perpassusq; est maxime, ex quibus agitata fuit uesica propter illos motus non parum: unde est eius uirtus resoluta. Præterea huius etiam in causa fuit multus coitus, cui toto tempore ferè fuit deditus: ex quo fuit euacuata humiditas radicalis, exicca ta sunt membra, & præcepit quæ sicca sunt, ut est uesica. Hæc autem reddita imbecilli, transmittunt fortiora membra excrementa ad illam. Et sic quicquid fuerit in causa imbecillitatis uirtutis uesicæ, aut uicis ratio, aut id fuerit à natiuitate, satis sit scire hoc, quod propter eius imbecillitatem sit. Vesica materias defluentes recipit, quoniam, membrum fortius, ut 2. de potentijs naturalibus, & prima primi, doctrina sexta, cap 3. dixit Auic.

expellit superfluitates ad debilius, & minus nobile. Quod autem sit reddita imbecillitas uelica, patet, quia est eius diminuta actio, quod indicatur ex frigiditate eius. Haec itaque ergo habemus quoniam sit materia, & qualis, & quae fluat: & quod sit membrum recipiens propter imbecillitatem eius, aut sit imbecillitas à natiuitate, aut propter rationem uictus malæ, aut propter quid aliud quod inciderit, nihil refert, quia non impedit curationem. His uisus, modo per quas uias defluat materia talis ad uescicam, exploremus. Vix propinque, per quas defluat talis materia ad locum, sunt uasa urinaria: per sola hæc deuenit ad uescicam, & non per alia membra, nisi per refudationem dixerimus. Huius signum est, quia ibi percipitur dolor in membris, quibus adhærent uasa hæc urinaria, scilicet in uelica & renibus, ut supra diximus. Si enim materia defluxa est ad uescicam, & defluit, certe iter erit per uasa deferentia talem materiam, & contingetia ad uescicam: sed talia sunt uasa urinaria, scilicet pori dicti uritides, qui contangunt uescicam & renes, unde talia incipiunt uasa: qui quidem renes recipiunt per uenas emulgentes materiam urinalem ab hepate. Ergo per renes necessarium est quod materia transeat per uasa urinaria ad uescicam: per renes inquam, quia est membrum superius. Nunquid autem renes sint & ipsi membra mandantia, inquirendum est. Dico quod nullum contingit uitium renibus, propter quod talem mandent materiam: bene tamen crediderim ex receptione materiae factos esse imbecilliores, ita quod malim ego dicere, recipere præcipue à toto corpore, ut postea deueniat materia ad uescicam: & sic sint duo membra recipientia, tamen ad uescicam ultimo terminatur materia. Modo uidendum est, quæ nam sint mandantia. Pro quo obseruandum, pituitam, quam dicimus esse materiam defluentem, partim in uentriculo, partim in hepate generari, licet differat pituita quæ est in hepate, ab illa quæ est in uentriculo: quia illa in hepate est mixta sanguini, hæc autem non, ut 2. de facult. natur. Est quasi pure æquiuoca pituita quæ est in uentriculo, sicut illa est quæ fluit à naribus, improprie tamen dicitur pituita: sed uera pituita est, quæ generatur in hepate cum sanguine, & contra distinguitur sanguini ac alijs humoribus. Nunquid ergo sit membrum principale mandans hepatis? Notandum, quod corpus huius Nobilissimi uiri fuit calidissimum, quod patet ex multis signis, & talibus, ut mutata etiam temperatura denunciet statum præteritum: ut uenæ late, quæ sunt indicium, ut dicit Hippocrates, hepatis calidi: semper enim manent etsi mutata sit temperatura. Præterea habitus corporis, habet enim multos pilos, habet corpus subnigrum, uirtus uitalis adhuc fortis: quæ omnia sunt calidioris temperaturæ signa, ut & eius calciamenta adurerentur: illud autem erat propter motum, ex quo uapores multiplicabantur, ac penetrabant per cutim ad calciamenta. Fuit igitur calidioris temperaturæ. Sed aliud est fuisse, aliud est esse: modo enim cum deuenit ad sexagesimum annum, non adest amplius caliditas illa, sed deuenit ad frigiditatem: cuius indicia sunt ipsius excrementa, ut urinam uidemus enim urinam admodum glauci coloris tendentis ad albedinem, qui quidem color attestatur frigiditatem. Si consideretis etiam urinam quo ad luciditatem, hæc est supobscura: obscuritas autem indicat frigiditatem. Deinde si attendamus spumæ quæ est adhærens, hoc signum est calorem esse diminutum, quod non potuit materiam illam dissolvere. Præterea sedimentum est crassum, quod denotat pituitam crassissimam, & sic frigiditatem membrorum: si enim pituita, quæ est naturalis, frigida humida existit, & sentitur, quanto magis si hæc erit crassissima, erit frigida: cum crassities non proveniat nisi à maxima frigiditate. Et sic concludendum, urinam provenire à membris frigidis, & indicare membra frigida. Et non tantum ex ijs indicatur, sed etiam ex uno alio, scilicet ex multitudine urinæ, quæ attestatur frigiditatem: cum enim sit multa materia, signum est, quod non potest duci à calore, & ideo euacuatur per uias has, quemadmodum & per halitum, & per sudorem: nec huiusmodi posset euacuari, si calor dominaretur. Et ideo iam patet dominari frigiditatem, maxime cum sit senex, in qua ætate semper calor diminuitur. Præterea usus est labore superfluo, qui maxime facit ad exiccationem humoris radicalis. Fuit & coitus, fuit et pestis illa, scilicet applicatio argenti uiui, quando laborabat morbo Gallico, quod

quod quidem est frigidissimum, prout considerauere optime Arabes: dico Arabes, nam Galenus non cognouit. Et notandum quod Rasis dixit argentum uiuum non tantum non esse frigidissimum, sed calidissimum dixit esse in quarto. Sed crediderim quod Rasis intellexerit de argento sublimato: id enim calidissimum esse in quarto, uerum est. At argentum uiuum, de quo diximus, est frigidissimum, ita quod & Auic. dicat hoc inducere paralyfes, stupores &c. & penetrat ad medullas ossium, ita ut calorem extinguat naturalem, & est ut uenenum. Videtis ergo causas extinctionis caloris: primo est ætas senilis, mala uisus ratio in sex rebus non naturalibus, in quibus omnibus iste peccauit: præterea unctio illa. Quantum etiam ad id adiuuet infectio Gallica non dixerim, quia uos scitis quantum a durat, exiccet, quæ omnia faciunt ad exiccationem caloris, & humidi radicalis, & consequenter abbreviatur uita. Cum tot ergo causæ concurrant, non tantum erit dicere pituitam generari in hepate, & multiplicari, sed & in uentriculo, in capite, ex quo sunt catarrhi, qui sunt propria passio senum: & hic etiam laborat catarrho. Et cum (ut dixit suus Excellentiss. Doctor) possit catarrhus fluere ad alias partes etiam subiectas; tamen quia in hoc uiro uesica est pars imbecillissima omnium, ad eam fluit: nam inuenit uias, uasa, quæ diximus, per quæ deferatur materia ad uesicam. Et sic iudicium meum est, quod recipientia membra sint duo, & renes, & uesica, quæ tandem recipit materiam. Mandantia autem primo sunt hepar, quod generat nunc pituitam, cum sit lapsus à sua temperatura calida ad frigidum, & ratione ætatis, & aliarum supradictarum causarum. Extat & uentriculus multam generans pituitam: & hic est passus etiam dolorem colicum, patitur & catarrhum. Et sic caput etiam mandat, & omnia conspirant ad confluxum: & sic non est mirum, si confluat materia multa ad locum: & hic adeo fuit catarrhofus, ut cum spueret siue in templo, siue alibi, multi qui eum nouerant, facile ex uiso spuito iudicarent hunc Nobilissimum uirum ibi fuisse: & adeo quandoque expuebat, ut multum admirarentur medici, & nunc etiam, licet à frigidis & humidis cibis & pituitam generantibus se continuo abstineat, tamen continue multiplicatur talis materia. Colligendo ergo fragmenta, ne pereant. Iam habemus quæ sint membra recipientia, quæ sint uix, & uasa, per quæ materia defluat ad uesicam: quæ quidem uix sunt late, & paratæ ad deductionem materię, propter duas rationes: primo propter caliditatem hepatis, quod dilatat, & sic fiunt apertæ uix: secundo propter ea quæ ad talem uiam dilatandam iouerunt, ut fuit coitus inordinatus multus, equitatio, & huiusmodi, quæ trahunt materias ad renes & ad uesicam. Habemus & quæ sit materia, quæ sint membra hanc generantia. De causa falsæ materię dictum est, illud esse propter putrefactionem pituitæ, cum sit iam senex: ex putredine enim, quæ sequuta est diminutum calorem naturalem, facta est pituita falsa, nitrosa, quæ falsedine sua proritat partes illas. Ex ijs subsequitur: illud quod percipit nocumentum in partibus inguinis, & cum terræ figit pedem, & cum mouetur inordinate. Et circa hoc notandum quid dicant moderni: inquirunt enim, huiusmodi signis apparentibus indicari lapidem esse in uesica, qui lapis ibi conquassatur. Cum posita audiunt, quod uirga erigitur, huius causam assignant, esse scilicet uapores in poros illos erumpentes. Excitatur & pruritus quidam ex materia falsa, qui est cum quadam delectatione, eo, quia licet sit falsus, tamen est cum aliquali dulcedine. Hæc sunt signa calculi posita à modernis, ita quod ijs positis ponatur & calculus inesse. Verum huiusmodi signa possunt etiam existerre ex materia crassa flatuosa: quare non concludunt de necessario, quod sit calculus in uesica. Et semper aduertit unum in tot colloquijs, ubi fuerunt excellentissimi uiri chirurgi, quod scilicet nullum signum calculi ex his habeant: at semper uolebant ad hoc uidendum an sit calculus, ut immitteretur syringa: sic & nos debemus etiam facere. Sed hic crediderim in causa esse materiam, quam diximus crassam, uiscidam, cum aliquali falsedine. Et sic habemus symptomata, & causas eorum. De prognostico autem quid dicam: Id uidelicet quod Hippocrates in Aphorif. & declarat Galenus: Nephritici senes non curantur. Habemus prognosticum hoc, quod

non curabitur curatione perfecta, quæ totum auferat morbum; sed bene erit prohibere, ne tanta materia generetur; causam enim generationis pituitæ poterimus diminuisse, sed non omnino tollere, ex ætatis dispositione, in qua nunc est: prohibebitur autem recta uictus ratione. Et sic oportet hunc nobilissimum uirum alijs negotijs positus, soli rationi uictus attendere, ut sunt res optimi nutrimenti, uinum habens bonum odorem, quod declinet ad aliquam uim incidendi. Utatur cinnamomo, aniso, ante cibum, quæ possint calefacere: at non exiccetur, sed humectetur, cum sit iam senex, ex optimis alimentis. Se etiam exerceat moderate, ut dicit Galenus in fine quinti de sanis, tuen.

Balneum autem aquæ dulcis quantum conferat? Dico nihil convenientius posse inueniri, & hortor ut bis in septimana temporibus debitis utatur balneo huiusmodi, quia optimum est auxilium, quoniam subtiliabit materiam, adiuuabit calorem innatum, & consequenter concoctionem, confortabit membra, & in illo immoretur donec uoluerit: post ungatur oleo illo de rosas, quod moderate calefacit, ne transpiret calor. Post caueat ab accidentibus animi, & se gerat bene in omnibus sex rebus non naturalibus, recta uictus ratione instituta. Post purgarem, materiam tamen prius præparatam & concoctam. Tandem deuenirem ad corroborationem membrorum affectionum: quia alteratio sit facta euacuatione eradicatiua. Sed quoniam in principio adest aliqua materia apta ad euacuandum, uterer lenientibus uentrem, ut cassia, manna, syrupo rosato solutiuo. Hoc facio, esset ne commodum mittere sanguinem? Sed cum sit senex, & sit materia crassa uiscosa, non mitterem. Posteaquàm leniissem uentrem, deinde præpararem materiam, deinde euacuarem, & procederem cum incidentibus hanc materiam crassam uiscosam, ut cum syrupo de betonica, de liquiritia, melle rosaceo, oxy-melite simplici & composito. Concocta materia deuenirem ad euacuationem, & euacuarem cum pilulis aggregatiuis, aut confectione hamech, aut cochij, aut cum pilulis agarici: & uellem quod uteretur ante prandium horas tres diaspolitico, diacalamentho. His factis deuenirem ad alterationem membrorum, ut renum, ne amplius materia per has partes ad uesicam expelleretur. Et id agerem medicamentis roborantibus & uentriculum, & alia membra, essent autem medicamenta, quæ non sint ualde calida, ut aromaticum rosatum, syrupus de cichorea, diacalamentum, &c.

De quodam, qui ob casum ex alto, difficultate urinæ,
& doloribus genitalium laborabat.

Consilium CCXX.



VIDAM ex alto cadens in alserem, pedibus expansis, eo modo, quo equorum sellas ascendimus, partes inguinum uicinas læserat, & præcipue uesicæ collum, ita ut urinæ quandam difficultatem sentiret, & sæpius, imò singulis horis ferè tam noctu quàm interdiu mingere cogeretur, nectamen libere, sed guttatim propemodum emitteret, ac dolores ingentes circa uesicæ collum, & uicinas partes sentiret. Montanus rogatus hæc ordinauit, & quidem ea subito institui uoluit. Primo cibus suus erit talis: semper pro ferculo suo utatur pisana hordeacea cum saccharo, deinde comedat oua recentia, tremula simul cum suo albumine. Poterit etiam carnes comedere uel pulli, uel auium paruorum, abstinere omnino à cibis salis, piscibus, caseo, leguminibus, carnibus antiquis. Bibat uinum album subtile, dilutum cum aqua mulla, siue decocta cum saccharo. Semper ante cibum mane & sero per horam comedat 3 1. Sacchari rosati. Item bis in die ante prandium ac coenam sedebit in decoctione infra scripta actu calida, suauiter & sine labore.

℞. Rosarum rubearum	M.	4.
Radicum Consolidæ maioris	3	4.
Radicum Althææ		
Rad. Maluæ	ana	3 6.
Florum Chamæmeli		
Anethi	ana	M. 3.
Saluæ		
Betonicæ		
Rorismarini	ana	m. 6.

Decoquantur omnia simul in aqua & uino æqualibus partibus commistis, ad consumptionem tertiæ partis, & in decocto actu calido bis sedebit in die, ante prandium & coram, sicut dictum est. Deinde se ungat circa collum uelicæ, id est inter anum & testes & inguen utrinque, ac totam pubem oleo infra scripto.

℞. Olei Chamæmeli		
Rosati		
Liliorum alborum	ana	3 2.
Vini albi optimi	lib.	1.
Lumbricorum terrestrium	lib.	s.

Abluantur lumbrici in uino bono duabus aut tribus ablutionibus, deinde decoquantur in istis oleis, cum prædicto uino aromatico, usque ad consumptionem uini, & cum oleo inungantur loca supra dicta. Item

℞. Rhabarbari optimi	3	8.
Caryophyll.	grā.	10.
Puluerizentur, deinde		
℞. Mellis rosati		1.
Aquæ Consolidæ		3.

Misceantur omnia simul cum prædicto Rhabarbaro puluerizato, & detur in possum singulis uicibus calidum, hora syrupi circa auroram. Item si non habeat beneficium alui, utatur clysteribus cum decocto furfurum, Maluæ, & Consolidæ, addito oleo communis, & rosati mellis 3 1/3. Quiescat etiam, molliter sedeat, & nunquam supra rem duram perseueret, maneat in lecto molli, quiescendo, donec dolor urgeat. Vbi hæc fecerit, & adhuc dolor adsit, laudo, ut mane bibat unum cyathum lactis recentis ouini, si mul cum uncia sacchari, uel uncia una Penidiarum; quod fortasse erit melius.

Cuidam in difficultate urinæ, cum pruritu uirgæ, qui quandoque mingebat aliquid sanguinis: post purgationem & potum thermarum Apponiensium ordinauit ut biberet lac ouis cum saccharo, uel si hoc habere non possit, lac capræ, sed cum maiori sacchari portione. In dysuria cuidam alteri ordinauit, ut biberet decoctum, brodij in quo essent decocta & expressa:

℞. Radices althææ	N.	1.
Foliorum maluæ	M.	1.
Liquiritiæ rasæ	3	s.
Sem. Citoniorum confectorum	3	1.

De suffocatione matricis, cum alijs symptomatibus,

Consilium CCXXI.



LARISS. Doctor dixit omnia, & in hoc habeo gratiam: Ego tamen dicam, quæ uidentur mihi ex propria conscientia, & suppono matronam in ætate 33. annorum, temperaturæ satis laudabilis, & uiro sano iunctam, &c. pati grauius symptomata. Primo suffocationem: quod demon-

frant signa; difficultas anhelitus, & impedimenta circa moſum, ut nec loqui, nec mo-
 veri poſſit; & ſentit ſtatuſ a partibus inferioribus ad ſuperiores, & ſunt ſuppreſſa me-
 ſtrua. Sed cum uniuſ ſymptomatiſ uariæ poſſint eſſe cauſæ: ideo diuerſæ ſunt curæ;
 ergo inquiratur cauſa proxima, ut uera curatio inſtitui poſſit. Soler autem præſocatio
 accidere propter uterum male collocatum, uel propter uitium compoſitioniſ, uel cole-
 lum intortum, ut materia exire non poſſit, ſed congregetur, & comprimat membra
 uicina per ſucceſſionem, uſque ad Diaphragma, non quod uterus eo aſcendat, ſed per
 quandam communicationem: ut comprimat membra proxima ſucceſſiue uſque ad
 Diaphragma. Poſteſt etiam hoc contingere propter intemperiem contractam, uel per
 eſſentiam, uel per affluxum materiæ cuiuſdam: uel corruptæ uel non corruptæ; quæ
 ſibi putreſcat, & recipiat externas qualitateſ: & faciat aſcendere uapores. Poſteſt etiam
 contingere ex retentione ſeminis, & hoc eſt peſſimum. Prouenit etiam ex ipſo ani-
 mi affectu: Idcirco ego ſæpe uidi: cum aliqua mulier ex zelotypia uiri, irascatuſ. & ani-
 mus ualde afficiatur: tunc enim ſit illa ſuffocatio. Et ego noui quædam muliereſ:
 quæ ita irascebantur & afficiebantur a zelotypia, ut ſtatim caderent in hunc morbum;
 & perpeſſæ ſint ſeuiffima accidentia. Sed a qua nam ex hiſ cauſiſ prouenit ægritudo
 huiuſ Nobiliſſimæ mulieris: cum enim tot eſſe poſſint; uidendum eſt quæ nam hic
 proxima ſit cauſa. Quod apud me ualde eſt difficile. Nam primum audio hanc
 mulierem eſſe diuitem: & charum uirum habere a quo diligituſ. Et ideo non credo
 quod proueniat ex ira aut zelotypia. Nec tamen hoc certum ſtatuo: quia nulluſ
 mihi ea de re quidquam retulit. Sed tantum ex communi ratione & coniectura.
 Quod non ſit ex retentione ſeminis patet: quia uirum habet iuuenem: niſi aliquid
 ſit, quod neſciamuſ. Quod non ſit ex humore crudo, uel aſtuſo, patet ex temperamē-
 ra, colore, & habituſ corporiſ & motu, quia eſt in perpetuo motu. Et licet comedat
 lactucaſ, non poſteſt inde tanta copia humorum generari, cum uentriculuſ & hepar
 ſint membra bene conſtituta: neceſſe eſt coctionem primam, ſecundam, & tertiam
 bene ſe habere, & toſigna apparent eiſ rei. Eſt boni coloris, abundat ſanguine, quod
 oſtendit color in corpore, teſte Galeno. Vnde igitur tanta pituita, a qua obſtructio eſt
 uelim dicere eſſe male compoſitioniſ uitium, neſcio quā recte faciam: cum niſi de
 hoc ad noſ ſit ſcriptum, & poſteſt eſſe aliud. Habet autem cor caliduſ, quia ad iram
 prompta eſt; & ab hac cauſa ſæpe uidi præſocataſ, cum ſpirituſ efferbuerunt, & ebe-
 tenebantur, inde ſtatim conciderunt in ſuffocationem. Ideo non poſſum bene ſu-
 dare rationem, quia non bene eam expreſſit, qui ſcripſit, ſed ut dicam meam ſententi-
 am, credo, ſi qua eſt cauſa, eam eſſe multitudinem humorum aggregatorum in ueniſ,
 non pituitæ, ſeu bilis, ſed plethoram omnium æqualiter, & ideo dico, quod uel hoc ſit
 ab affectibus uel a plethora: & poſſunt iuuare cauſæ extrinſecæ, ut animi affectioneſ
 &c. Et quia illa anhelituſ difficultaſ non durat, ſed eſt in paroxyſmo tantum, quando
 ſenſuſ & motuſ impedituſ: ideo certum eſt uaporeſ aſcendere: cum uidelicet ex toto
 corpore & ambitu uenarum aggregetur materia multa ſanguinea, & deueniat ad ute-
 rum & impleat uenæ uteri. Non exit inde, ac ſi exit, non tota exit, ſed relinquitur
 pars: quæ dum moram facit, ſibi corrumpitur, ex qua uaporeſ inde ad cor & ſuperiora
 membra aſcendunt. Et ita non uideo aliam rationem, quā plethoram illam per to-
 tum ambitum corporiſ. Et quando illa plethora deuenit ad locum propriuſ, licet pars
 euacuetur: tamen tota euacuari non poſteſt, ideo putreſcit. Et ad hec ordinanda cura.
 Nam alia cura eſt, quando plethora, alia quando materia cruda.

PROGNOSTICVM. Facile curabimur ſi tollatur plethora, & caueatur
 multiplicatio ſanguiniſ.

CVRA. Eſt, ut reddatur corpus æquale. Primo uictui aliquid detrahen-
 dum, & utenduſ boniſ alimentis. Non ponerem curam in euacuatione, aut miſſio-
 ne ſanguiniſ, quia reſoluerent potiuſ corpus, quā tollerent cauſam. Curatio itaque
 duplici

duplex est, una in paroxysmo: tum frictions, ligaturæ, & tandem ventosarum applica-
tiones sub poplitibus & coxendicibus conveniunt. Item missio sanguinis, enemata, &
omnia quæ diuertunt vapores à superioribus ad inferiora. Extra paroxysmum, pro
præseruatione teneatur corpus mundum, sæpe euacuetur cum hiera & casia, aut Rha
barbaro, & in hebdomade ita semel aut bis. Hoc enim modo & euacuatio, & diuersio
fiet. Et crederem, quòd ex solo hoc possit conservari à paroxysmo: quia in quolibet
fluxu quatuor sunt consideranda. Est habenda ratio membri mandantis, & recipientis,
sed præcipuum est, ut tollatur materia: ea sublata tollentur symptomata, utut sint dis-
posita membra: quia materia principaliter mandatur: & hæc est sententia Anticennæ.
Missio quidem sanguinis est bona: sed tamen frequens in eodem corpore, non est lau-
dabilis: si autem non sufficit hæc mundificatio: uti poterimus alijs diuerentibus: pro-
uocare hæmorrhoides: applicare cauteria in utroq; crure: quod est efficacissimum re-
medium, quando materia tendit ad superiora: quia facit diuersionem continuam. His
factis, optimum esset confortare membra mandantia & recipientia, ut hepar, quod cau-
sat sanguinis multitudinem, refrigerantibus, ut non tanta efficacia excoqueret, & etiam
adureret sanguinem. Vteret saccharo rosato, licet ego credam, quòd non sit admodum
opus alterare hepar, potius alterarem membrum recipiens, & prohiberem superflui-
tatem in uenis. Laudarem igitur maxime pro diuersione, & dissilatione tertiz conco-
ctionis, ut sudaret mediocriter cum balneis aquarum dulcium, quod est optimum pro
excrementis in ambitu uenarum & corporis: quia dissilantur materię, aperiantur me-
atus cutis, ne aggregentur vapores. Utatur igitur frequenter, & postea cum extierit frie-
cet, ut dissilatur melius vapores, & ultimo exiceatur. Corroboratione nescio an sit
utendum: si adesset ei imbecillitas, consulerem. Sed potest fieri ratione excremento-
rum, quæ expelluntur, & non sufficienter. Si ergo materia educetur, cessabit affectus, &
erit uterus confortatus. Dicit aliquis, menstrua sunt suppressa: Non puto uias angus-
tas esse, cum sit calidi hepatis, potest fieri, ut sint obstructi meatus: qui sanguinis missio
ne iterum aperiri possunt: ideo ego considerem in præseruatione, bona uicibus ratio-
ne, & continua euacuatione, ac diuersione per cauteria. Frisimelica plane diuersum
sentiebat. Putabat utendum uicibus attenuante: carnibus calidis & siccis, ut sunt colum-
barum cum decocto Apij, & Cinamomo. Secundo concoquendum attenuantibus, ut
decocto Pulegij, Calamenti, & syrupo de Betonica, cum aliqua parte Cichorij: post in-
cidendam saphænam in utroq; pede tempore menstruorum. Matricem roborandam
cum balneis euocantibus menstrua, ut Matricaria, Pulegio, & rosis. Et quia iam pepē-
rit, imponantur ei, quæ diuertunt ad inferiora, ut Mercurialis. Exhiberem calamen-
tum Montanum, quod attenuat & roborat. Item Diacalamentum. Ultimo Mithrida-
tum cum modico Philonij. Sed Montanus existimabat plane abstinendum à calidis,
quia sanguinem sicciorē, & magis melancholicum redderent, si ante tanta hepatis ca-
litate, si attenuarent.

De mensibus diminutis, cum febre Hectica ex putrida facta,

Consilium CCXXII.



Dolor capitis, asperitas cutis, ardor oculorum, dolor in spina dorsii, & ven-
tris, hæc sunt symptomata, cum sunt menstrua quantitate diminuta, &
qualitate corrupta, ut hiæ: quia aquosa & pallida. Affligitur à quocunque
medicamine, & incurrit in febriculam. Nam cū agitur materia, facile fit
ebullitio et putredo. Optimi est ingenij, habet igitur spiritus tenuissimos
& subtilissimos, & calorem naturalem ac sanguinem talem. Habet calorem moderatū, par-
tē exuperantē in qualitatibus passivis. Habitus est ualde rari, hepar recedit à tempera-
tura reliquorum membrorum: quare facile inflammatur, & ventriculus frigidus multiplicat

pituitam. Catarrhus est ratione membrorum inferiorum mandantium. Musculi abdominis sunt graciliores, & hac ratione uenterculus sit frigidior: ac propter istam extensionem, arteriæ magnæ motum in uentre puellæ sentimus. Hæc frigiditas uenterculi causa est, quod incidit in menstrua alba, quia hepar calidum ante coctionem nutrimentum attrahit. Fuit sana, antequam haberet maritum. Nunc cum resoluitur, sit debitor. Non fit dolor in capite, quia leues habet humores, & textura rara est, ideo resoluitur, sit autem grauitas ab humoribus crassioribus. Dolor dorsi est, cū sanguis descendit ad matricem, & quia est pituitosus, flatuatur, & uentos facit, ita fit dolor. Habet febriculam quasi semper, non potest esse putrida, quia bene appetit, bene dormit, & tamen febricitat, pulsus frequentior, & uelocior. Adest autem perpetuum signum febris hæcticæ, statim post cibum incalescere: potest igitur esse in primo gradu febris hæcticæ, estq; illa facta ex febre putredinali, qua antea laborauit: sed illa febris est febris leuis.

PROGNOSTICVM. Credo quod possit facile curari, quia corpus est facile alterabile, etiam si membra debilia generant multam materiam.

CVRA. Primo remouendæ obstructions, & cienda menstrua: his factis, si corpus fuerit supercalefactum, alterandum. Aperimus attenuando, subtrahendo, & abstergendo. Missio sanguinis non est necessaria, & iam facta. Nunc igitur debet concoqui, & euacuari materia. A ualidioribus medicinis omnino abstinere, neq; unquam transire Rhubarbarum, Agaricum non omitterem, corroborat uenterculum, cor confortat, & omnia membra naturalia, ut ait Dios. Additur ei sal gemmæ, leuitatis ratione. Nos medicinam ex Aloe, Rhubarbaro, & Agarico faciemus: & Aloe erit loco salis. Nec uerenda est stipticitas Rhubarbari: manifestum enim est, quod uehementer aperit & abstergit. Aliudq; est, cum intra corpus assumuntur talia, & aliud, cū extra applicantur, quia exterius astringunt partes cutis, interius penetrant, ut Absinthium. Syrupi dentur, ut acetos. compos. de Cichorio Nicoli, & mel rosatum. Erit enim facilis incisio. Ita paulatim euacuabimus. Alteratio fiet corroborantibus uentericulum, saccharo rosato, & corpus inungetur molliter oleo rosato post frictiones. Item fiant fomenta post euacuationem ex decocto Chamæmeli. Applicentur uentrosæ coxis. Balnea his omnibus factis non erunt necessaria.

De suppressione mensium, cum grauitate capitis, pro Magnifica Muliere,

Consilium CCXXIII.



QVonia casus huius Magnificæ mulieris futurus est omnino longus (quod illam intellecturam opto) & molestus, ideo erit diligenter incutenda ratio curandi illam. Et hoc uelim sibi penitus persuadere, hanc rationem non assecuturam suum effectum, nisi longissimo tempore: quoniam difficiles morbi non curantur paucillo momento temporis: nam hoc omnibus perspectum est, quod breui tempore, nil bene efficitur. Hoc ergo pro constituto & supposito habeat, se non liberam euasuram ab his dispositionibus quibus afflicta est, nisi diuturnitate temporis, aliter meum consilium non penderet nucem casus. Hoc existente fundamento, dico principalem partem curationis suæ, consistere in recta ratione uictus. Et ideo circa aërem hæc diligenter aduertat, ut effugiat aëris frigiditatem, uentos cuiuscunq; qualitatis, & maxime nocturnum aërem, nec habitet in locis humidis & subterraneis, & ne prope accedat ad ignem, maxime uero capite. Præterea consulo, ut lauet caput semel tantum in septimana, cum lixiuo dulci, in quo decocta sit camomilla, malua, betonica, & maiorana: & exiccabit caput pannis lineis mediocriter calidis, non multum fricando, sed suauiter exiccando. Hora uero huius lectionis

lutionis erit commodior uespertina quàm matutina. Inter omnia maxime euitabit molities animi, & iram, quoniam hæc ciuissime uitam eripiunt hominibus. Præterea exercebit se moderate mane, uel domi res domesticas tractando, uel foris deambulans: hoc agat prout illi commodius. Item studebit ut omni mane alius saltem semel respondeat: & si alius non fungetur munere suo, accipiat quartam partem uncie unius Terebinthine per horam ante cibum, quod eam iuuabit in his suis affectibus non mediocriter. Circa cibum, quamuis iam habeat modum uiuendi sibi præscriptum in tam diuturno affectu, tamen ego dicam ea quæ sunt magis principalia, & maxime de uino, quod ut commodum sit, multum refert. Habeat ergo uinum pauciferum, clarum, & transparens, subtilis, non intensi coloris, optime maturum, & ante omnia ne sit austerrum. Et de tali uino in prandio & coena bibat mediocriter, quod non sit actu frigidum, & ideo igni paucillum adhibebitur, ut illa frigiditas actu exaltens, repellatur. Varietatem ciborum euitabit: unico cibo contenta sit. Fugiat carnes antiquas, ut sunt bouinæ, castratorum antiquorum, aues aquaticas, ut anseres, anates, carnes porcinas, tam recentes quàm salitas, nec pisces cuiuscunque generis comedat, nec caseum, nec pastilia. Sed cibus suus erit, pulli, caro uitulina, oua recentia, far, spelta, hordeum, & milium præparatum in optimo brodio. Pro insalutatio comedat aliquando cappares, cichorium, boraginem, & lactucas coctas. Et hic erit suus modus uiuendi. Circa uero medicamenta hoc obseruet, ut his purgetur in anno, hunc in modum:

℞. Floris cassiæ 3 1.

Specierum hieræ 3 2.

Cum zuccharo fiat bolus, detur tribus horis ante prandium.

Deinde

℞. Syrupi de cichorea Nicolî cum rhabbaro,

Byzantini completi ana 3 1.

Brodi pulli, in quo decoquantur radices petroselinî, 3 4. Misce pro uno syrupo sic pro alijs. Finitis istis syrupis, accipiat infra scriptam medicinam:

℞. Confectionis hamech 3 4.

Syrupi rosati solutiui 3 4.

Cum aqua boraginis fiat potio breuis. Detur in aurora cum custodia. Præterea laudo ut acceptis duobus syrupis primis, secetur uena basilica brachij dextri: & si hæc morrhoides apparerent, maxime laudarem, ut aperirentur appositis sanguisugis, & postea statim reciperet fumum ex aqua, in qua bullierit camomilla. Item, consulo ut sæpiissime utatur zuccharo rosato: ut si singulis diebus acciperet 3 s. zucchari rosati ante cibum, uehementer laudarem. Item semel uel bis in septimana accipiat drachmam mediam rhabbari, uel masticando illud, uel puluerizatum miscendo cum 3 1. unę passæ, uel cum zuccharo rosato. Et hic modus est præseruandi hanc Magnificam dominam ad uernum tempus: quo tempore, si placuerit suæ Magnificentiæ, me certiore reddat de uale tudine sua.

De suppressione mensium, & Hystericis affectionibus,
pro nobilissima puella Germana,

Consilium CCXXIII.



Supposita temperatura nobiliss. adolescentulæ, pituitosa scilicet, uenis paruis, & occultis, colore albicanti: supposita etiam mensium suorum suppressione: ex qua uteri præfocationes accessere, simul etiam cum cordis tremore; his inquam suppositis: queritur nunquid cum ad menses prouocandos, tum ad symptomata remouenda, conueniat sanguinis missio ex sanguina, & aluminosarum Thermarum potio, siue balneum. Respondemus, quantum ad missionem sanguinis attinet, non ita temere procedendum. Cum enim pituitosus sit san-

fit sanguis ille, & consequenter crudi humores redundant in uenis, & si in uenis, longē magis in uentriculo, & intestinis, missionem sanguinis hoc tempore potius nocivam puto: nihil enim deterius, quā sanguinem mittere humoribus crudis existentibus tum in uentriculo, ac primis uenis, tum etiam in toto uenarum ambitu, si modo & rationi & Galeno credimus. Præterea dum saphenam consulimus incidendam, ut sanguis promouetur & deriuetur ad uterum: impediētibz obstructionibus uenarum, quæ perpetuo consequuntur crudos humores, & pituitosum sanguinem, frustra tale præsidium molimur: sed non frustra tantum, imò etiam cum magno discrimine: nam ex sanguinis importuna euocatione, corpus non refrigerandum refrigeramus, humores crudos augemus, & omnino dispositionem reddimus deteriores. Quantum uerò ad aluminosas aquas attinet, in propatulo est, illas omnino in hoc casu derelinquendas, cum enim adstringant, & conspiciant, tam interius quā exterius applicatæ, nos uerò apertionem & incisionem quæramus, erunt omnibus suffragijs aluminosæ aquæ repellendæ. Cum ergo parentes illi optimi nimio forsan amore obcæcati, utrumq; remedium proposuerint: parcent, si nos alio lumine rem spectantes contrarium sentiamus. Proinde doctiss. Medici iudicium laudamus, qui & ipse ab utroq; importuno remedio uidetur abhorrere. Quid uerò agendum est pro mensibus retentis huius nobiliss. adolescentulæ? quam postea retentionem plurima sequuntur symptomata: necessarium duco, ut habita prius rectissima ratione uictus tam in cibo ac potu, quā in alijs sex rebus non naturalibus, purgetur primo exquisitissime, deinde ad ea perueniat, quæ aperiant. Non enim probabile est in puella delicata, & bonæ temperaturæ, quintum decimum annum ætatis agente, menses retineri, uel quia sanguis crassus, uel quia paucus, uel quia imbecillitas uirtutis sit expellentis: ergo (me iudice) ad uiarum obstructionem causa referenda est. Purgatio hoc modo fieri debet.

℞. Specierum hieræ simp. 3 2.

Florum calsiæ 3 1.

Cum saccharo fiat bolus, sumendus tribus horis ante prandium.

℞. Syrupi de absinthio

Oxymel. scyllitici ana 3 1.

Aquæ Cichorii 3 4.

Misce pro uno syrupo, & sic pro nouem. Positea.

℞. Agarici præparati 3 2.

Floris Calsiæ. 3 6.

Misce & fiat bolus, dandus in aurora cum custodia. Facta euacuatione, tunc accipietur coma Absinthij quantum manu capi potest, & decoquatur in aqua cichorii: cuius decocti circa quinq; aut sex uncias, mane quatuor horis ante prandium per plures dies accipiet. Atq; interim bis in septimana, accipiet pillulam Aloeticam, ex Aloe purâ, & non lotâ, pondere unius scrupuli, hora ante coenam. Et eisdem temporibus mane, & uesperî ante coenam, abluentur illi crura ex decocto Pulegij, Maiorani, foliorum Lauri & Chamæmeli, sitq; aqua calida: qua etiam inspergantur coxæ deorsum perfricando. Eodem tempore dum in balneo commoratur: applicentur uentosæ sine scarificatione sub utroq; poplite, & ita perseueretur per multos dies. Ultimo his non iuuantibus sanguis quoq; mittatur à saphanis: qui quidem in hoc casu ultimo loco mittendus est, & non in principio, sicut plurimi faciunt: communem mittendi sanguinem regulam obseruantes. Efficacissimæ quoq; erunt pillulæ infra scriptæ: ubi Aloe non satis perfecerit: quæ habent.

℞. Myrrhæ

Crod

Aloes

Agarici præparati ana 3 2.

Puluerizentur omnia per se, deinde misceantur, postea aspergantur cum succo

Maioræ

Maioranz, permittantur exsecari, & ita iteretur septies. postea fiat Magdaleon cum syrupo de Absinthio: formetur pillulæ pro singula drachma tres: sumendæ tribus horis ante prandium, his in septimana. Quantum uerò ad cordis tremorem, & hysteriacas suffocationes attinet: si forte plus æquo molestat, his quoq; succurrendum est. Pro cordis igitur tremore laudauerim, ut linimento uteretur in hunc modum factio.

℞. Vnguenti rosati Mesuæ	3	1.
Specie. cordialium temperatarum	3	2.
Rosarum rubearum		
Sandalorum citrinorum ana	3	1.

Misce cum modico olei rosati completi, fiat linimentum pro corde. Item

℞. Sacchari rosati		
Conseruæ borag.		
Florum Nymphææ ana	3	2.
Specierum Diamus. dulcis		
Aromatici rosati ana	3	2.

Misce omnia cum syrupo de Corticibus Citri: fiat Elechuarium: de quo sumat cochlearia duo singulis uicibus, paulo ante prandium, & ante coenam. Pro hysteriacis suffocationibus si forte contigerint: præsentanea remedia sunt, ut frictiones, ac ligaturæ fiant in cruribus, & circa genua, & cucurbitulæ apponantur sub utroque poplite, & quandoq; etiam, ubi uapores plurimi ad caput, & cor irreperint: ponenda est magna & ampla cucurbitula circa umbilicum, in parte inferiori ad uteri regionem, atq; interrim forrida naribus apponere debent, ut sunt calceamentorum ueterum soleæ usitæ: pennæ perdicum, & reliquarum auium, quæ & ipsæ adurantur. Locis uero, & ori uteri, odoramenta apponantur, fiant pessaria madefacta oleo Maioranz cum Musco & Ambra. Hæc enim præstare poterunt, quæ intendimus: atq; his remedijs spero nobis lils. a dolescentulam euasuram, cum summi Dei auxilio, cuius nomen benedictum.

De suppressione Menstruorum, pro coniuge nobilis

D. Seruatij à Teuffenbach, ex Stiria, Anno

Christi 1549, Mense Nouembri,

Consilium CCXXV.



Vpposita dispositione uteri præter naturam nobiliss. mulieris, cuius ratione menses sunt diminuti, uel infecunditas timetur, supposita etiam intemperie frigida præternaturali, cum gracilitate corporis, & uenarum exilitate, dicimus hoc corpus indigere & præseruatione, & curatione: Præseruatione, quantum pertinet ad ipsam intemperiem naturalem: curatione, respectu actionis lætæ in utero existente. Erunt tamen pleraq; eorum, quæ afferentur, utriq; communia. Pro præseruatione igitur, quod diligentissime obseruari oportet, est optima ratio in sex rebus non naturalibus, ac primum omnes aëris excessus euitabit, præcipue tamen ubi frigiditas uel humiditas, uel utraq; simul excesserint. Ergo status omnes Boreales, & Australes cauebit, non exponet se, uel aliquo pacto habitabit in locis septentrioni oppositis, nec in terrenis habitationibus, aut humidis quoquo modo. Non abluet caput horis matutinis, ita quemadmodum moris est. Post lotionem aëri se non exponet, præsertim si in aëre frigiditas, uel status aliquis domineatur. Pluuiofas etiam constitutiones cauebit, & quantum fieri potest, tunc temporis intra domum se continebit, suffumigijs utetur ex aromatibus odoratis intra cubiculum suum, qualia sunt, quæ ex aromatibus confici solent à pigmentarijs. Laudauerimus maxime, si ipsdem suffumigijs uteretur localiter ad uteri corroboracionem; excipiendo uapores intra uterum, quantum fieri potest, uelibus undecunq; circumiectis ne alium

ne aliunde uapor expiret. Hoc fieri poterit crebro, & quocumq; tempore anni, erit enim remedium efficacissimum ad uterum aperiendum & roborandum. Et ne aliquid erret in materia, poterit suffumigij talis esse descriptio:

℞. Caryophyllorum			
Nucis muscatæ			
Calami aromatici			
Seminis Ocymi			
Florum Maioranae	ana	3	℥.
Ladani electi & opt.			
Myrrhæ			
Syracis			
Benzoini	ana	3	℥. s.

Puluerizentur puluerizanda, & liquanda liquefiant, deinde in oleo spicæ odorato pigmentariorum, & modico ceræ, uel picis Colophonizæ, fiant Trochisci parui, pondere unus drachmæ, & seruentur pro suffumigijs. Laudo, ut caput abluatur semel in septimana, præcipue si fuerit assueta, hora conueniente potius ante coenam, ut tutior sit ab aëre, facilius etiam illis horis intra domum se continebit. Lixiuum sit dulce, ex cinere salicum, seu sarmentorum uitis, in quo postea lixiuio cōfecto decoquantur, Maiorana, Chamæmilla, Betonica & rosæ cum 3 ℥. Agarici simpl. Et istud erit auxilium pro capite abluendo. Exercebit corpus horis matutinis, quantum poterit, uel intra domum circa familiaria negotia, uel extra illam quomodo documq; libuerit, si aeris qualitas parietur. Euitabit omnes animi molestias, præcipue moerorem animi, quo nihil in hoc morbo potest esse perniciosius. Curabit, ut quotidie aluus subducatur. Quod si natura deseruerit, utetur etiam alternis diebus si oportuerit 3 s. optimæ Laricinæ aut Terebinthinæ, tribus horis ante prandium. Hoc remedium non tantum mollem aluum seruabit, sed etiam maxime faciet ad omnes obstructions tollendas, & aperiendas, ad purgandos renes, & uescam, ac uterum aperiendum, ac mundificandum; ideo consulo, etiam si id non faceret ratione emollendi aluum, sumatur ratione medicamenti. Circa cibū & potum, abstinebit ab omnibus cibis crassioris nutrimenti, à lacticiinijs, caseo præcipue, à piscibus, ab oleribus crudis, à fructibus cuiuscumq; generis, ab auibus palustribus, à carne suilla, tam domestica quàm ferina, à uino dulci, turbido, parceq; comedet & bibet, & bis tantum in die. Fricetur antequam à lecto surgat, frictione leui, & suauis, longatq; in toto corpore, optimumq; erit, si mulier, quæ perfricabit, manus illinat oleo Amygdalarum dulcium. Et hæc sunt ad præseruationem maxime necessaria. Quantum uero ad curationem attinet, laudo ut his singulis annis, uere & autumnopurgeatur. Purgatio autem poterit esse talis.

℞. Specierum hieræ simpl.	3	℥.
---------------------------	---	----

Commisceatur cum melle rosato q. s. & fiat bolus paruus, uel pillulæ, quæ exhibeantur tribus horis ante prandium. Deinde.

℞. Oxyfacchari, id est, Syrupi de saccharo, & aceto confecti	3	℥.
Decocti Betonicæ, & rad. Petroselinii	3	℥.

Misce pro uno, & sic pro sex alijs. Acceptis syrupis, sumat amplius.

℞. Agarici præparati	3	℥.
Rhabarbari	3	℥.

Infundantur in aqua Betonicæ per horas 24. & fiat expressio fortis.

℞. Diacatholiconis	3	℥. s.
--------------------	---	-------

Misce, fiat potio breuis. Post hanc purgationem laudo, ut ante prandium tota hyeme utatur confectione Diacimini, uel Diatriopipereon, uel aromat. ros. quomodo documq; libuerit, uel saccharo rosato, utatur semel in mense, summo mane 3 ℥. Mithridati opt. sumpto modico uini albi aromatici. Inungat infimam partem circa uterum ad pudendum usq;, odorifero oleo ex Styrace, uel Caryophyllis, uel Benzoinio, uel oleo de Spica, prout ei erit magis gratum, Imò erit optimū, si cum iisdem oleis illinatur pessarium

peffarium & imponatur. Conuenientibus uerò temporibus, uidelicet uel post medium ueris, uel circa finem æstatis, optimum erit etiam bibere aquas Thermarum in Italia, uel Aponensium, uel Poretanarum, uel earum, quæ de Aquario appellantur. Et hæc sunt, quæ digniora occurrunt, ut pro salute Magnificæ Domine notarentur, ad laudem Dei optimi maximi.

De mensruis albis pro eadem Matrona.

Consilium CCXXVI.



QVONIAM post consultationem meam, audiui nobilissimam Matronam, præter alias dispositiones præter naturam, uexari etiam fluxu mensruum alborum: ita ut quandoq; calida actu effluant, & ad luteum colorem tendentia: siue cum ardore & pruritu: & cum etiam cõspexerim eandem nobilissimam Matronam, quam antea non uideram: facile deprehendi ex colore, habitu corporis, & uenis, habere aliquam caliditatem in hepate: cuius ratione bilis quoq; multiplicetur: unde etiam calidi renes sunt, propterea etiam redundat arenis, uexaturq; dolore ferè assiduo circa lumbos: quæ omnia à nobis diligenter sunt perpendenda. Pro curatione igitur, præter ea, quæ in prima consultatione faciendâ decreueram, dico hepatis quoq; temperaturam, & renum respiciendam esse. Laudo igitur, ut ante cibum mane, & uesperti quotidie, aut quando crebrius fieri poterit, utatur saccharo rosato eiusdem anni, ad pondus 3 s. Hoc enim mirum in modum faciet in emendando hepate. Erit tamen, & hoc remedio, & alijs descriptis, utendum tempore prolixo, si perceptura sit iuuentum: est enim ægrotudo chronica. Vfus etiam Rhabarbari ante cibum commanducati, & deglutiti efficacissime proderit ad mensrua illa alba abolenda: similiter etiam hepar & renes non minus confortabit: detur autem mane tribus horis ante cibum pondere ʒ. ii. bis in septimana. Oportet autem ut diligentissime caueat, ne aliquis, siue Medicus ille fuerit, siue alius, quoquo modo Empiricus, aut scemina (ut moris) persuadeat, uti aliquibus astringentibus, & impediētibz fluxum alborum mensium: siue per suffumigia, seu cerata applicata, siue per ea, quæ per os, siue per ea quæ deglutiuntur: quocunq; enim modo talem curam tentauerit, maximo suo periculo faciet. Retinebit enim excrementa uiolenter in corpore, & utero, unde necessario generabuntur incurabiles ægrotudines: quod facile indicatur ex eo tumore, qui tam frequenter apparet circa uterum. Neq; enim alia ratione fit, quàm cum materiæ retinentur, & flatuantur. Quid ergo contingeret, si omnino confertim, & uiolenter retinerentur? Hoc uolui admonere, cum nouerim, quàm facile credatur aliorum consilijs: ferè enim omnes cum huiusmodi fluxus curant, adstringentibus utuntur. Caueat igitur, me consule; ubi enim membra redundantia recte curata fuerint, materiæq; partim euacuatz, partim in alium locum deriuatz, non laborabit uterus, uel si laborabit, tunc tutius poterit Medicus corroborantibus uti. Et ne aliquid deficiat laudo, ut reliqua quæ scripsimus, si non iuuerint, neq; propterea fluxus ille remoueat: ut fiant auersiones per cauteria in utroq; brachio, in parte superiori, uersus spatulam, à Chirurgo tamen perito: qui sciat anatomen, & situm neruorum & musculorum: erit enim hoc præstantissimum in auertendis materijs ad oppositas partes. Balnea etiam calidarum aquarum, quæ in præcedenti consultatione laudaui, iterum commendo: neq; enim minus facient ad hæc mensrua abolenda, si opportune, & suo tempore admoueantur. Post aliquot dies cum intenderetur dolor, pro illo leniendo sequentia ordinauit.

℞. Maioranz

Artemisia

Chamædrys

Chamæmeli

Liliorum alb. ana M. 1.

Sem. Lini

Fœnugræci contusi ana 3 1.

Decoquantur omnia in duabus libris uini albi, non dulcis, cum pari quantitate aquæ, usq; ad consumptionem tertie partis. Et cum hoc decocto fiat fomentum spongia expressa, iterando bis uel ter, postea abstergatur, & apponatur emplastrum sequens inuolutum in panno lineo hoc modo confectum.

℞. Olei communis

Vini dulcis

Butyri recentis ana 3 2.

Furfurum medianorum, quæ sunt inter farinam, & furfures
latos 3 3.

Ponantur omnia in olla ad ignem, & bulliant ebullitione leui donec fiat emplastrum, quod applicetur leniter calidum & frequenter iteretur.

De imbecillitate uentriculi, fluxu mensium alborum,
pro matrona Veronensi.

Consilium CCXXVII.



VT matrona ista nobilissima præseruetur, primo attendendum est recte uictus rationi. Atq; in primis cauere oportet à cibis pastilibus, à lacticijs & piscibus, placentis, à carnibus suillis, ab auibus quæ in aquis degunt, ut anseribus & anatis, ab oleribus crudis, & fructibus, præter ficus bene maturas; ab omnibus rebus frictis in sartagine, à leguminibus, à carnibus antiquis, sicuti bouinis. Vinum nec nimis potens, nec nimis pauciferum, sed mediocre, limpidum, & clarum, & præcipue non sit acerbum: non bibat inter coenam & prandium, præcipue post coenam. Quantum attinet ad medicinalia, consuescet sumere singula septimana semel tres scrupulos hieræ simplicis in formam pilularum redactos, una hora ante coenam. Descriptio hieræ erit ista:

℞. Aloes optimæ 3 6.

Cinnamomi

Mastiches

Spicæ

Croci

Asari

Cubæbarum ana 3 1.

Puluerizentur omnia per se, deinde misceantur, postea fiant pilulæ, singulæ sint unus scrupulus. Præterea illinet renes uniuersos inscribendo linimento:

℞. Consolidæ maioris

Rosarum rubearum

Radicum rubi

Nucum cupressi

Rasuræ tabularum ana 3 2.

Bulliant omnia simul in aqua communi, ad consumptionem duarum partium.
Deinde;

℞. Olei rosacei completi

De cotoneis

Demyrtil ana

3 1.

Bulliant omnia simul ad consumptionem aquæ.

Deinde

℞. Sandarachæ

Mastiche

Thuris

ana

3 2.

Conterantur minutissime, & ponantur in prædictis oleis, & commisceantur: deinde fiat lenimentum, addita modica cera. Hoc linimento illinet uniuersos renes usque ad sedem, prætermittenda spina dorsi: & temporibus calidis illinet eo frigidis: hyeme uero modice calefiat, quoad tepescat. Præterea laudo, ut alterno mane, una hora ante prandium, sumat pilulam factam ex mastiche in puluerem redacta, quæ optima sit, & electa. Hæc autem pilulæ formentur cum melle rosaceo: pondus singularum pilularum erit scrupulus. Hoc modo si perseverauerit in hac uictus ratione, & his remedijs nra fuerit, non uereor quin sua Dominatio non sit intentam sanitatem consecutura, ad laudem Dei omnipotentis.

De sterilitate.

Consilium CCXXVIII.



St nobilissima mulier, quæ conqueritur de sterilitate: cum tamen sit iuuetata uiro in flore ætatis constituto. Et non uidetur ex apparentibus, quod talis sterilitas procedat ex aliquo horum. Maritus tamen patitur gonorrhœam. Vxor percipit dolorem circa uentriculum: & interdum in capite. Menses etiam sunt albiore quam conueniat: nec tamen uerè albi: nec sunt in quantitate debita. Ipsa non est incontinens: sed in ipso actu tardissima. Certum est, quod causa sterilitatis uel est in instrumentis, uel in materia. Non numerabo omnes causas, quomodo uitentur instrumenta, neque quomodo uitietur materia. Dicam per conclusiones. Dubitatur an sit ex defectu mulieris: pono hanc conclusionem, uitium esse in muliere per se, licet in masculo sint plurimæ rationes quæ adiuant: & dico, quod est una causa, ratione cuius sequitur talis effectus. Ego omnia audio esse in ea frigida: temperaturæ, quantum ad genitalia. Primo est tardissimi coitus, & sine appetitu. Præterea ex his, quæ emittit scilicet menstruis audio, quemadmodum sint mucosa, & habent humiditatem, talis humiditas & reliqua signa arguunt magnam frigiditatem in talibus membris. Et dico magnam, quia cum sit iuuenis 22. annorum, & diuissima, est tamen frigida: & talis frigiditas, quando est intensa, facit sterilitatē. Primo condensat uterum, ut corylidones sint strictiores, ut non transeat materia menstrui ad uterum: & fiunt leuia, quia semper mucus aliquis ibi adest. Et mucositas corylidonū facit, ut conceptus non retineatur. Non dico, quod non retineat, & non concipiat, quia nō possit seruari semen: sed quia acetabula sunt impura: & sunt repleta illo moco, ut nō possit peruenire ad uterum ipsum menstruum. Et semen emissum à muliere, facit potius ad uoluptatem, quam ad conceptionem. Nam reuera materia conceptus, est sanguis menstruus, qui cum non possit exire in hac muliere, non potest fieri conceptus, ut primo de semine dicitur. Et istæ sunt causæ necessariæ: nam quando est frigiditas intensa ualde, non fit generatio: si uero modicus sit excessus, & reperiat semen appositum, fit conceptus: sed cum fuerit magnus excessus, non fit conceptus. Quod autem uir cito emittat semen: non est credendum, quod aliquo tempore non sit in aliqua dispositione emissum semel & simul, ideo hoc non est necessarium. Præterea gonorrhœa potest impedire: quando semen non est ita concoctum bene: tamen hoc non est necessarium, quin aliquo tempore sit concoctum. Et credo, quod tantum uitium sit in muliere, ex aliquo perpetuo, & necessario in ipsa mouente: uidelicet ex frigiditate uteri: quæ facit corylidones ita strictos, & facit mucositates ut non possit generare. Ita pos-

tissima causa est frigiditas ipsius. Et non negauerim de mala ratione uictus, & de mala uentriculi temperatura. Et ista breuissime dicta sint. Credo quod mulier in causa sit; & siquidem uerū est, quod sit causa frigiditas; oportet ut calefiat & siccetur & corroboretur. Et si caput desiliat, occurratur capiti & uentriculo. Ideo arbitror optimum esse, ut concoquatur materia pituitosa cum incidentibus, attenuantibus, abstergentibus, ut syrupo de Betonica & Oxymelle. Factis uero concoctionibus, euacuetur pituita cum pillulis, quæ habent Colocynthidem & Agaricum, quia uere ista euacuant pituitam. Et post purgationē deueniamus ad balnea; quæ maxime conueniunt: bibenda prius, postmodū maneant in illis; ex quo fouebitur locus proprius; & facile inde cōcipiet, auxilio Dei, cū partes illæ fuerint roboratæ ex tali balneo, & ex medicamentis iā enarratis.

De ingenti testiculorum pruritu.

Consilium CCXXIX.



Asus recitante Stephanello. Laborauit, materia collisa in digito pedis sinistri; & quia non abstinere ab ocreis & fatigationibus, apostema sibi ortum est. Chirurgus sanauit neglecta corporis purgatione. Postea anno præterito in aestu, & maximis caloribus, ut miles equitauit per totam Italiam. Incidit in pruritum in scroto, inde materia paulatim exiit, secta est uena, his euacuatus est etiam pillulis & syrupsis, uenas hæmorrhoides aperuit, & loca illa etiam adhibita. Nihil tamen proficiens huc se contulit.

MONTANVS. Clarissimi Doct. ex quo audiui casum optime expositum prorsus deberem abstinere à locutione, sed tamen ut satisfaciam magnificis uitis, qui huc me uocant, & scholaribus & meo etiam officio; dicam pauca, supponendo historiam quam clarissimus Doctor, qui primo loco locutus est, diligenter exposuit. Vnum est cuius causa sumus uocati, quod est principaliter considerandum. Habet enim circa scrotum testiculorum, & circa infimam partem femoris, circa coxas pruritum quendam, ut non possit abstinere quin scalpat omnibus horis, id est symptoma, sed quia cognitis causis uariis potest esse lapsus, necessario oportet quantitatem lapsus scire, si uolumus recte applicare remedia. Nihil enim est quod facit magis ad exquisitam curationem, quam nosse lapsum & quantitatem ipsius: quem licet exquirite cognoscere non possumus, propterea quod temperatura quandoque exquisitè cognosci nequeat, tamen prope accedemus; & si gradum scire difficillimum est. Sed isti clarissimi D. optime considerantur temperaturam, ex quo uiderunt habitum & colorem corporis, ea enim sunt quæ indicant temperaturam corporis, & maxime hepatis & cordis. Primum ab hepate incipiemus, quod præcipue facit temperaturam: licet à corde fluat calor per petuo, tamen ex eo generatur sanguis & caro, deinde ex sanguine spiritus & calor; qui postea alterantur in corde, & sunt uiales spiritus, in cerebro animales: color est niger, pilos habet nigros, unde dominium caliditatis indicatur, totus habitus est musculosus, uenæ amplæ, multitudo pilorum, hæc de caliditate hepatis. De humiditate autem & siccitate: ubi calor tantus generatur in hoc corpore, plurimum sanguinis generatur: qui non habet siccitatem neque humiditatem excedentem, sed temperatus est in his plurimum carnis habet & plurimum pinguedinis: ut habet Galenus secundo de temperat. Hic habet solidas carnes. Est ergo caliditate & humiditate & siccitate temperatus. Secundo artis paræ, ubi loquitur de magnitudine corporis, quod proueniat ex multitudine materię, & calore, si igitur magnus est hic uir, sit ob multitudinem materię & calorem: siccitas autem inobediens est ad extensionem. Quantum ad cor, ex operationibus quæ sunt in ipso & ex ipso cognoscitur temperatura eius. Nō uersatus sum cum hoc nobiliss. D. quare non possum exquirite hac de re iudicare.

Videtur tamen constantissimi animi, sed quia tota hæc temperatura noscitur à distemperatura hepatis, sufficit nobis eius temperaturam nosse. Dicimus igitur quòd hepar calidum est & temperatum in siccitate & humiditate. Videndū iam an istud symptoma sit per essentiam aut per consensum. Est hic pruritus cum dolore, eius causa vel erit mala temperatura, vel compositio mala, vel solutio continui. Certum est quod in his testibus est vel mala temperatura, vel solutio continui, & credo utrumq; reperiri in hoc loco, quædam enim symptomata sibi cohererent. Galenus in lib. de tremore & spasmo, dicit, quòd materiz subtiles, quæ moventur ad locum, facillime penetrāt cutim, si materia crassa sit & frigida, in musculis hærens, facit tremorem; si tamen sit subtilior, facit scabiem; si autem subtilissima in superficie cutis, facit pruritum. Secundo, de causis symptomatis. Materia quæ excitat dolorē pungitium, provenit à subtili vel pituitoso humore, qui putrefactus salsus efficitur. In hoc est utrumq;, partim ex putredine, quod in dicatur ex mole corporis, bene comedit, melius bibit, parum se exercet, calidi est hepatis: pituitosa autem hæc materia proxima est corruptioni: partim ex subtili etiam materia, quia ibi generat multum bilis, & plurimū etiam de fecce sanguinis. Nam ex mala uictus ratione sequuntur infinita incommoda, sed quia huiusmodi pruritus non ibi generatur, sed fit per defluxum aliunde, sequuntur quatuor. Primo locus unde fluit: secundo, uia per quas: tertio, locus ad quem: quarto, materia, quæ omnia consideranda: uia sunt uenæ per quas defluit: membrum unde fluit est hepar, quod naturaliter calidum est: nec mirum si accedentibus causis extrinsecis, fluxionibus sit subiectus, armatus per totam Italiam equitauit: exercuit se in maximis caloribus, statim post cibum: quòd quantum faciat ad malas coctiones, cum hepar est in motu, omnes cognoscitis: & postea uina potentissima: locus ad quem fluxit multiplicata materia, debilitatus est: neq; fuisset factus defluxus ad eum locum, nisi debilitas membri id passa fuisset: huiusmodi enim non fluunt nisi à membro ualidiori ad debilius. Postea equitatio multum facit ad hoc, quod testes patiantur, & humor ad hæc loca declinauerit, unde & materia resoluta est, & facta uia communis ad defluxum. Curato autem pede, quod inepte Chirurgus fecit, ut sine euacuatione curaret, facta restrictione in eo loco, materia quæ fluit alium, defluere autem partem materiz etiam à liene probabile est: multiplicantur enim humores multi in corpore, & cum lien plenus sit humore suo, ratione obiecti regurgitat materia per uenas, & ita causat symptoma. Hæc sufficiens dicta sunt in testimonium rerum, quæ enarrata sunt ab Excellentijs uestris.

PROGNOSTICVM. Quando membrum Regale, ut hepar hoc loco, assueuerit mittere excrementa sua ad locum imbecilliores: curatio est difficilis.

Quando sit curandus. Hoc tempore hyemis non potest aggredi curam perfectam, nihil molietur in hyeme: humores sunt congelati, non obediunt medicinis, & aliud quid ualide esset agendum, quod fortassis noceret. Interim donec determinetur curatio, quantum ad Calsiam, nunquam eam præterirem. Facit enim tria quibus indigemus: primo euacuat humores: secundo alterat hepar, respectu enim hepatis calidioris, frigida est & humida: tertio diuertit materiam à scroto per secessum, & quia Calsia fluida admodum est, & non habet uim aliquam adstringendi, longus usus eis laxat huiusmodi membra. Rheubarbarum autem corroboraret & uentriculum & hepar, & aperit obstructions, si igitur simul miscerentur, optimum esset. Poteritis idem facere cum syrupo rosato solutiuo. Victus sit parcior quàm solet, ita tamen parcus, ne sanguis aduratur, pulli facillime aduruntur, & inde fierēt acuti humores: ideo oportet crassiora exhibere. Oriza optima est ad hoc, ut uiscositas humoribus addatur. Lac amygdalinum, pitufana, fercula herbarum dentur aliqua: Borago, lactuca, quæ inter omnia olera accedit ad hoc, ut bonum generet alimentum, & sanguinem crassiores, quo nōs indigemus. Vinum, quia consilium nostrum est alterare, & nihilominus consideranda est consuetudo, Hippocrate teste: ut uirtutis instauramentum. Ideo uelim, ne pura aqua dentur, sed uinum celsiolum, in quo non sit aliquis calor prorsus, & sit tenue, quia opti-

me penetrat ad partes, accipiat aliquam vini portunculam cum aqua. Localia nunc lau-
do emplastrum illud Chirurgi ex cerussa aceto & sulphure, bona ratione confectum,
uellem ut per intervalla utatur etiam hoc, ad discutiendam materiam, ut dissileat & sis-
ant euaporationes, & aperiantur pori, & obtundatur acrimonia materię, decocto
scilicet maluarũ cum fursure, endiuia & radicibus Althęę. An phlebotomia faciendę?
Optime consulis, euacuat enĩm & alterat: & tempora, & ætas, & omnia probabunt, in
maxima copia euacuabit, si phlebotomatus fuerit bis, unde optime semper se habebit.
Detur postea syrupus Cichoreę Nicolĩ, cum decoctis appropriatis, eo tempore eas
cuatio fiat cum confectiõne bamech, & syrupo rosato solutino, sed hæc erunt consulen-
da tempore ueris. Sufficit modo declarare intentiones, si postea omnibus dictis iam
effectis, adhuc perseverarent istę fluxiones, necessario faciendā erit à loco diuersio, &
fiet cum cauterijs in crure: uel in ambobus si opus erit.

Pro Ischiadico.

Consilium CCXXX.



Um acceditis ad ægrotum, quod primum debetis agere, est istud. Pri-
mum contemplantini uultum, deinde colloquamini cum ipso, postea tan-
gatis pulsus, & obseruabitis omnia quę uobis ad morbi cognitionem
erunt necessaria. Decumbit hic Ischiadicus, qui ad tabem fere peruenit.
Adsunt febris continua, tabes totius corporis, dolor in sinistra parte cir-
ca glandulas, inguinis dolor, non erigit crus, sed fleuit. Ista omnia consideranda in
hoc ueniunt. Quomodo curandus hic erit & liberandus ab his affectibus? Indica-
tiones erunt necessariae. Vnde? à natura morbi & symptomatibus. Sed præsupponemus,
primo eius temperaturam, quę est calida, sicca, cholericę: est enim gracilis, & talis fuit
sanus: pili plurimi in corpore, & nigri, crassi, uenę amplę. Laborauit antea ex hepate:
antea, ut dixit, laborauit morbo Gallico. Est Ceretanus, uagabundus, uixit inordinate,
ut solent isti. Incipiamus à primo symptomate. Primo sensit dolorem cum tumore in
partibus glandulosis circa pubem, qui causatus est à materia pituitosa, uel etiam ex fe-
ce sanguinis, in eam partem natura debilem delata, propter ambulationem, & uicium
inordinatum: communicata deinde est propter loci uicinatem, neruis & musculis mo-
uentibus crus, qui aut resoluti sunt, aut debiliores facti: forte etiam per uertebras dorsi
delata aliqua materia eo decubuit. Morbus ergo est mala intemperies, uel obstructio
in istis partibus. Febris est symptoma: quia materia multa in locum aliquem depulsa,
non bene euentata, necessario putrescit: & puto febrem esse hecticam, quę ut pluri-
mum iungitur putridę, et si ex ephemera potest fieri transitus in hecticam, sicut dicit
Gale, multo magis ex putrida, præcipue in cholericò corpore diu laborante. Si uelis
febrem morbum appellare, nihil refert. Febris putrida fere semper iungitur hecticę.
Et hoc est quod Auic. inquit, primam & secundam speciem hecticę cognosci difficil-
lime. Contrarium dicere uidetur Galenus, sed Auicenna intellexit de hecticā con-
iunctā putridę: & sic doctissimi isti uiri non sunt pugnantes. Atrophia seu tabes, fit
propter dolorem febremq;: sed primum uicium est in neruis & musculis pedum. In
cura respiciendum est ad id, quod est principale, quo ablato auferuntur & cætera, unde
decimo Metho. quod habet rationem causę sine qua non cætera curari possunt, quod
perpetuo in complicatis uirijs est obseruandum. In hoc casu dum dolor adest, tolli
nequaquam cætera poterunt. Dolor ergo primo fedetur. Solet autem sedari aut per
mitigatorium, aut per stupefactiuum, aut per euacuatium. Non per duo priora, ergo
per euacuationem. Sed iste humor faciens dolorem, uel totus decubuit in par-
tem, uel habet adhuc causam fouentem. Euacuare ipsum non ausim, quia fuit satis
purgatus, & heri sumpsit pillulas satis fortes: præterea est arefactus omnino. Sed
ex loco

ex loco oportet tollere materiam. Instituitur regimen primo, deinde à loco materia euacuatur. Sed quibus modis: aut fomentis, aut emplastris, aut utrisq. Et nota, si per emplastra applicata rubescit locus, erit iter curæ cognitum, quia materia dissipabitur & resoluetur: sin minus, cura erit difficilis & impossibilis. Postquam igitur facta est generalis euacuatio, fomenta applicabimus, & emplastra quater aut quinques: si tunc mor non obedit, ad fortiora ibimus: si neq. tum, ad chirurgiam ægrum mittemus. Inter reliqua semper habeat patiens uentris beneficium. Aqua mellis loco uini bibatur: nam bene nutrit, & melius quam uinum. Inijciatur aliquid saluæ & betonicæ, propter corroboracionem neruorum, & resolutionem materię. A clysteribus primo incipimus leuioribus, deinde fortioribus. Resoluere & mollire oportet in hoc casu. A leuibus incipiamus, & tandem ad dropacissimos perueniamus, si ista non conuulerint.

℞. Anethi siccī

Florum camomillæ

Maioranæ

Pulegij

Calamenthi

ana

man. 1.

Sem. lini

Fœnugræci

ana

3 1.

Ebulorum uiridium

man. 4.

Bulliant omnia simul in sufficienti quantitate aquæ, ad consumptionem medietatis, pro fomentatione, cum sponsa iteretur quater;

℞. Hyssopi ceroti

Dialthææ

ana

3 1.

Butyri recentis

3 2.

Misce, fiat linimentum pro loco, quod adhibeatur post fomentationem.

℞. Aquæ communis

lib. 3

Mellis 3 5. s.

Saluæ

Betonicæ

ana

man. s.

Sumitur octaua pars mellis.

Bulliant in aqua ad tertiam partem, bibat loco uini. Conualuit, & discessit. Pro Iuene quodam sciatico: bibat aquam mellis, & clysterēumat ex maluæ brodio, cum hieræ picæ 3 3. Mellis rosati 3 1. Olei 3 3.

Pro Ischiadico.

Consilium CCXXXI.



V M Ischiadicus dolor sit ratione fluxionis, & fluxio præsupponat materiam fluentem: locum, ad quem sit defluxio, debilem & imbecillum: membra in quibus materia generatur, ad hoc conuenientia: utq. materia subinde expellatur per uasa, meatusq. amplos, per quos apte eadem defluit materia: cum inquam hæc ita se habeant necessario, ideo in curatione huius nobilissimi uiri prouidendum, ut materia, quæ fluit, fluxuraq. est, congrue educatur: & membra materiam generantia corroborentur, & ad meliorem habitum perducantur. Et locus defluxioni subiectus qui præcipue in coxis est, & ipse reddatur robustior, deturq. opera, ut uix & meatus non ita ampli, neque lati existant. Primum igitur pro materia educenda procurabit, ut in uere & autumno (ut fieri solet ferè in omnibus qui alicuius fluxionis occasionem patiuntur) purgetur, sitq. purgatio eiusmodi.

℞. Caisiæ nouiter extractæ

Agarici præparati

3 1.

3 1.

Qq 4

Misce

Misce cum saccharo, fiat bolus. Facta huiusmodi purgatione leniori, die sequenti mittatur sanguis ē basilica eiusdem lateris, ita ut iteretur bis in eadem die; sit autem copia sanguinis in quacunque uice ad 3 3. deinde infra scriptos syropos sequentibus diebus accipiat.

℞. Syrup. de Betonica	
De Præasio, id est, Marrubio	
Mellis rosati	ana 3 s.
Decoctionis luez	
Chamaedrys	
Endiuizæ	3 4.

Misce pro uno, & sic pro alijs quinque, uel septem. Post exhibitos syropos sumet medicamentum, quale est.

℞. Agarici præparati	2 3.
Trochiscorum Alahandal	gra. 10.
Floris Calsiæ	3 1.

Misce cum saccharo, fiat bolus. Spatio autem intermedio inter duas purgationes, ueris inquam & autumnis, utetur pillulis communi nomine de tribus appellatis, quæ confici solent ex Agarico, Rhabarbaro, & Aloë. Sumat autem 3 1. singulis uicibus hora una ante coenam, & eo uesperti parum admodum coenabit. Et hæc, quantum ad materiam fluentem euacuandam attinet. Sed quoniam eadem materia derisuari potest, uel auerti; pro auersione laudarem uomitum bis in mense; si facilis illi esset uomitus; & posset prouocari sumpto oxymelle cum aqua tepida. Pro deriuatione autem materiæ fluxæ, & facientis lischadicum dolorem actum, probarem cauteria, quæ uulgo fontanellas appellant, in tibia eiusdem lateris infra genu, per 4. digitos in loco consueto. Et hæc de materiæ euacuatione, auersione, & deriuatione tam fluxæ, quam fluxuræ. Ne uero eadem materia generetur noua, & perpetua indigeret euacuatione, prouidendum. Primo, ut membra, quæ illam generare possint, corroborentur. Non uideo autem in hoc nobilissimo uiro signa aliqua, quibus indicetur imbecillitas quædam esse in uentriculo, uel in hepate, uel in alio quopiam membro naturali, imò appareret secundum totum corporis statum boni habitus, & substantia & colore, ac reliquis qualitatibus; ideo suspicor potius, quod ea materia generetur propter errata aliqua in ratione uictus, quam ob aliquam membrorum imbecillitatem, ergo curabit ad prohibendum nouam materiæ generationem, ut in sex rebus non naturalibus bene degat. Sunt autem exercitij horæ eligendæ matutinae, ac sereno aëre, alioqui intra domum se exercebit potius, euitabit animi molestias, quam maxime fieri poterit. Sed inter præcipua adiumenta in hoc corpore est, ut procuret alium habere mollem, ita ut quotidie copiose etiam egerat: quod si natura deficiat, supplendum erit cum decoctis mane ante prandium sumptis. Decocta autem erunt talia, ex Betæ, Maluarum, Mercurialis, Passularum Corinthiarum decocto, ex iure pulli, addito oleo. Clysteres quoque commodissimi sunt in hoc casu, imò præcipui iuuamenti, etiamsi fuerint acutiores, adiecta Hiera (quam picram uocant) uel etiam Hiera Hermetici, aut aliqua alia. Nunquā tamen in clysteribus mel rosatum prætermittatur. Caveat a somno meridiano, mane excitetur, surgatq; a lecto diluculo, & post reddita excrementa, ad exercitia se conferat, & ad res suas gerendas, illud enim tempus erit maxime opportunum. Cibum eligat unius generis, & omnino euitet cibariorum multitudinem, abstinebit a pastibus cuiuscunque generis, a lacticinijis, a leguminibus, a carnibus antiquis, carnibus porcinis, & alijs, quæ sunt semicrudæ, a uibus palustribus, a piscibus quoque cuiuscunque generis. Sed uescatur utulis, hœdis, pullis, a uibus campestribus, lepore iuueni, cuniculis, & reliquis huiusmodi carnibus, a uino consulo abstinendum. Sed optima ei erit aqua multa, eoq; magis, quia audio in patria illi assuetum. Cauebit a comotationibus quam maxime poterit, neq; inter coenam & prandium aliquid bibat, aut comedat. Hæc si recte obseruauerit, materia noua non generabitur, quæ ad membrum affectum defluat. Pro

membris corroborandis, in quibus est materia generata, laudo ut optime muniat ues-
simentis uentericulum, utraq; hypochondria, caput & membra extrinseca, sicut manus
& pedes. Pedes enim quam maxime tegi debent tum à frigido, tum ab humido. Hæc
satis puto pro roborandis membris intrinsecis, in quibus nullum est uitium intrinse-
cum, ut ego conijcere possim. Quantum uero attinet ad uias latiores redditas, per
quas facile fluit materia, laudò, ut habeat radices Acori, conditas cum melle, uel sac-
charo, uel Myrobalanos Chebulos, uel etiam saccharum rosatum, uel Saluæ folia tes-
tuuora, saccharo confecta, & aliquo istorum utatur assidue mane, & uespri ante pran-
dium, & coenam, quantum est pondus 3 2. uel 3 iij. Atq; hæc pro roborandis etiam
omnibus reliquis membris. Ad corroborationem uero loci, ad quem fit defluxus, qui
est tota pars à uertebra usque ad imum pedis, præcipuum remedium est, ut illa pars
teneatur calida præ reliquis omnibus quam maxime, & muniatur contra frigus, id est
caligæ eius partis fulciantur pellibus, ac præcipue laudo uulpinas.

De Ischiade.

Consilium CCXXXII.



VIDENTVR esse duo actionum genera læsa: unum est in actione
uoluntaria, non enim potest mouere crus. Est etiam in sensu læsio, nam
est dolor, qui est sensus tristis. Inquiram igitur causas. Est dolor, ergo est
soluta unitas. Valet enim consequentia: soluta est unitas, ergo est dolor, &
si dolor est, soluta est unitas. Solutio autem continui fit tripliciter. Primo,
quando soluitur quod est in membro ratione missionis, ut frigiditas, & acredo soluit
continuum, quia frigiditas mordicat, et non apparet solutio unitatis quo ad instrumen-
tum. Est alia solutio continui, quæ non separat instrumentum: sed quando comprimit
partem, eaq; extenditur, uel comprimitur, sed non separatur. Tertia est, cum pars à
parte separatur. Ab his tribus solutionibus fit dolor. Hæc ratio dicat, & Galenus tes-
tatur. Quæ igitur causa erit in hoc uirg? nam refert ad curationem. Quantum ad ter-
tiam, non uideo, quòd musculi, & fibræ sint solutæ. Non colligitur id ratione, nec sen-
su apparet, nam ubi facta est ruptio, ibi perspicua est læsio, & quantum deperditur de
illis fibris, tantum de actione. Nam cum neruus offenditur, non transibit uirtus ad
partem, ut uidemus in neruis, ubi fit separatio, item in fibris, ubi etiam fibræ carnis
sepatantur, fit inflammatio. Hic nihil huiusmodi est, & quando fit talis solutio, fit per
contusionem, uel incisionem, & sequitur inflammatio. Et ita hic non est solutio fibræ-
rum in musculis, & carne, sed sunt tensiones, nam ad uigessimam tertiam uel uigesi-
mam secundam uertebam est compressio, quia ex uolenta, uel sinistra uersione, nerui
seruientes huic motui comprimuntur, & fiunt dolores ingentes, ut omnes uos scitis, &
torquetur dolore, donec neruus redeat ad locum suum, & si magna contorsio, diu dus-
rat, si parua, parum. Et si neruus redeat ad locum suum, tum locus factus imbecillior est,
ut si ueniat leuis impressio, facile imprimit eam, ac redeat illa contorsio. Et ego id ex-
terior in uno crure, quod cum semel erat contortum, & nunc facile contorquetur: Ita
etiam in hoc uirgo contingit primo grauis contorsio, sustinuit pondus graue, ut hauriret
uinum, dumq; corpus totum sustineret, ibi facta est contorsio; redijt iterum, cum labo-
rasset illis diebus, exercitio maximo partes incaluerunt, & fecit tensionē, ex qua dolor,
& facta est solutio continui, quæ est in secundo genere solutionis. Accessit causa dolo-
ris affluxus materiæ, & etiam intemperies, quæ ibi inducta: & ita intemperies cum af-
fluxu materiæ repente facta fecit dolorem; ergo nō est solutio, ut sit separatio partium.
Causa, quòd non mouetur, est, quia nerui proueniunt mouentes crura à 22. uertebra,
læsis illis neruis, non est mirum, quòd non moueant bene crura, quia sunt impe-
diti, &

diti, & spiritus non bene demandatur, & accedit dolor ad genu etiam, propter quem defluit humor & intemperies fit in partibus subiectis. Credo has causas doloris esse & impediri motus. His instantibus uidendum, an morbus sit factus, uel fiat, non loquor de contorsione, nam iam declinat, non augetur, sed num sit in augmento defluxus humoris, an possit facere inflammationem. Nam uideo corpus repletum & molle, uensa latas, non se exercet, non accipit medicamenta, & habet repletionem non quo ad usum, sed est repletionem sanguinis, sed ad uirtutem quia membra infirmiora: uidendum est, an sit influxus. Ac ita inciperem ab euacuatione diuersua, propter intentione fluxus fluentis, & fluxuri diuerterem Caisiae flore, & mitterem sanguinem e basilica brachij eiusdem latetis, ratione diuersionis. Deinde si nihil hoc impediret, euacuarem a loco, ut fecit Galenus in Ischiadica incisa saphæna. Vbi dolores infra renes, debemus euacuare per uenas poplitis, si dolor stabit, concoque humores, & euacua, prius (ut dixi) preparatis humoribus, & separatis bonis a malis. Euacuarem autem confectione Hammech, quæ est optima, ingreditur Colocynthis, Scammonium, Agaricus, Sena. Darem pillulas aggregatiuas, maxime enim conueniunt, & sunt meliores illis fortioribus. Facta euacuatione ad affectum locum uenirem, & facile etiam fieret reditus ad sanitatem, ratione uictus, & quiete sine localibus. Nec erit opus ijs uti, antequam euacuatur, inungat locum oleo Chamæmelino: fouebit nervos, & materias emolliet, & leniet dolores, quia illud oleum est lene, non attrahit. Postea optimum esset, ut uteretur fomentis, & balneis suo tempore.

Pro Milite quodam, qui ex equitatione equi malecuntis, & nimia Venere patiebatur dolores Ischiadicos.

Consilium CCXXXIII.

PRIMO ad locum nihil uoluit applicari omnino, & quia iam cerata posuerant, ea adimi iussit. Deinde in cibo & potu maxime temperantem esse uoluit, & uti panatellis, ouis recentibus, farre bene cocto, pullis. Postea potum talem ordinauit.

℞. Aquam de fonte puro, & pro lib. 2. in ea ponatur cochlearium mellis, & aliquot Saluæ folia, diligenter despumetur ad ignem lentum, & decoquantur usque ad octauam partem consumptam, postea in uirum effundatur, & permittatur subsidere sedimentum, & postea utatur pro necessitate. Ut alius leniretur & materia euacuaretur, tale clystere ordinauit.

℞. Specierum Hieræ	3	6.
Mellis rosati	3	3.
Centaurei minoris	℥	1.
Florum Chamæmelinorum		
Anethi	ana	℥. 8
Olei Chamæmelini	3	4.
Salis pugillum.		

Misce & fiat clystere: quod hodie & cras injiciatur. Post hæc fortioribus progrediendum dicebat.

Pro Ischiadico,

Pro Ischiadico, cum tumore testicul.

Consilium CCXXXIII.



CLARISS. Doctores, duo sunt præter naturam considerata in hoc uiro. Primo, dolor circa Ischion, & coxam dextram, impediens etiam motum. Secundo laborat etiam tumore in testiculo sinistro cum dolore, de quibus conqueritur. Primum quod intendimus, est, inducere sanitatem, quam non possumus inducere nisi cognitis causis, quæ extrinsecæ sunt: quæ etsi non satis sunt ad indicationem curandi, tamen conferunt, & iuuant. Causæ intrinsecæ sunt formales & materiales, ad quæ consequuntur accidentia. Et si recte uolumus ægritudinem cognoscere, necessarium est harum causarum essentiam cognoscere, & intensiorem ac remissionem earum: pendent autem hæc à magnitudine lapsus. Oportet igitur, ut primo consideremus temperaturam huius corporis naturalem, & ita obiter habebimus ansam repertiendi causas morborum. Dispositio naturalis singulorum membrorum, ut cerebri & cordis, esset cogniti facilis, si quis diu esset cum eo uersatus, sed hodie primum eum uidi. Verum tantum habitudinem consideremus, ex qua Medici aliquid cognoscunt. De temperaturæ gradu nihil dico, difficilissimum enim est, eum unquam exquisitè cognoscere. Temperatura tantum generalis facile cognoscetur, ut & Galenus testatur 4. de tuend. ualitud. Ex colore enim cognoscimus dominium humorum, nisi in profundo decumbant. Color autem niger est, unde iubemur colligere adustionem humoris melancholici, calida igitur temperatura est, & fuit. Ab hepate namque sanguis generatur calidus, ergo colligitur hepatis calidum fuisse, & esse. Sed quoniam sine musculis magnis, totumque abdomen gracile est, & omnis pinguedinis expertus, ita etiam erit in omento, ut non sit multitudo pinguedinis in eo, atque adeo necessario uenter non bene conficiet alimentum. Nam ubi pingue est omentum, melius conseruatur, & augetur calor existens in uentre. Arbitror igitur in hoc corpore uenter consecutiuè esse frigidum. Sunt & aliæ causæ, quæ possunt nobis hoc persuadere: hepate enim calido existente necessario uenter frigidus effici, sæpe dico. Quibus stantibus, uerum est multos uapores ad caput ascendere, sicut uidimus & totum corpus abundare excrementis. Plurima igitur excrementa recipit cerebrum, quod necessario subiectum est repletioni. Cor autem omnino calidum esse uidetur, sed in eo non sumus solliciti. Accessit pessima ratio uiuendi, quæ facit ad augenda excrementa. Est religiosus, uescitur piscibus, condimenta varijs, caseo, rebus frixis, quæ omnia quam sint apta ad repletionem, & excrementa generanda, notum est. Postea somnus pomeridianus accessit, ac perseverauit in hac ratione uiuendi plurimos annos. Debilitato corpore & extrinsecis causis actis, tandem uictus succubuit, & coepit laborare tumore testiculorum in Scroto sinistri testiculi. Et refert, quod ferè à principio iuuentutis in inguine quandam tumorem senserit, qui diu durauit, neque recordatur quando incepit. Dum perseveraret tumor, & caneret, repente percepit descendere tumorem ad pellem, didymum dictam, & ad testiculum, quo tumore ibi facto, nunquam amplius percepit dolorem in inguine. His ita stantibus, quantum ad historiam, queritur: Vtrum huiusmodi tumor præter naturam sit, quoniam ibi est materia, uel an sit pars aliqua corporis, uel monstrum, uel excrementum, omnino aliqua materia est. Postea querendum est, nunquid facta fuerit aliqua ruptura in loco, uel apertio, aut referatio materiæ subtilioris. Non credo rupturam esse, & quod Epiploon, aut intestinum exciderit: cum enim diu eum habuerit, non conqueritur tamen de deteriori concoctione uentriculi. Dubitatur modo, ipse dicat se tumorem percepisse diu: non possumus igitur aliter colligere, nisi materiam fuisse causam, & est materia segnis, ac crassa, qualis est pituita. Ex cantu autem arteriæ & uenæ intumescunt, ita ut aliquando rumpantur uenæ. Dum igitur canebat, situ ad hoc adiuuante, pars materiæ subtilior facta, deuenit per membranam ad testicu-

ad testiculum. Nec mirum est, quod per membranam ueniat materia crassior, uide-
mus enim quando in pectore putredo est, excerni à pulmone per tussim crassa, & ta-
men pars illa transit membranas: quare etiam sine ruptura potuit fieri iste tumor.
Materia igitur deuenit ad testiculum sine ruptura: quia facta ruptura difficile esset in
testina etiam non procidere: & ponit tandem ita contingere, quod materia ad tan-
tam peruenit crassitudinem, ut scirrhum efficeret, & puto scirrhum iam uerum esse
inductum. Si esset caro, non esset tam resistens ad tactum, nisi ad callum iam peruenis-
set. Possum autem abscessum hunc tumorem etiam optime appellare, apostema Grae-
cis dicitur. Hoc sit satis quantum ad tumorem præter naturam. Locus est membrana,
quæ immediate contegit testiculum. Adest præterea dolor uertebrae coxæ dextræ,
ischiadicus dictus. Est enim primo dolor ischij ab eo loco usque ad genu, & inde ad
talos, & habet ea omnia, quæ ponuntur in definitione ischiadis: quia est morbus arti-
cularis, & habet eandem rationem quam habent fluxus omnes ad aliquam partem.
Quando fit defluxio, non oportet querere, utrum sit per consensum, an primario affec-
tu. Potest esse defluxio dupliciter, ab uno membro ad reliquas partes corporis, ut à
cerebro: aut ab una parte ad aliam: in illa autem dicimus uitium esse. Nam in fluxione
quatuor necessario requiruntur. Membrum mandans: quod ualidum est, mandat sua
excrementa ad loca affecta. Recipiens, quod debile est, & aptum ad recipiendas flux-
iones. Tertio, requiritur materia quæ fluit. Quarto, uia aperta, quæ diligentissime
considerandæ sunt. Quantum ad imbecillitatem recipientis loci, sit ea uel ratione
temperaturæ, uel compositionis malæ, uel solutione continui. Hic nulla est solutio con-
tinui proprie dicta, quod distingo contra malam intemperiem. Neque in composi-
tione uitium. Non enim est dislocatio ossium, dislocatio insensibilis esse potest: ossa
autem simul sunt compacta, relinquitur igitur, ut sit intemperies, si consideremus
causas procatacticas, sicut audimus hunc Reuerendissimum patrem incidisse in hunc
affectum tempore hyemis, cum noctu surgeret. Longe autem facilius musculi lumbor-
um expellunt, ex sententia Auicennæ 22. 3. quam ligamenta, & ea, quæ sunt circa
ossa: quæ postea dura sunt, in quibus materia hæret, quare difficillime auellitur. Fuit
tempus frigidum, non igitur mirum, si illæ partes facilius fuerint affectæ, ratione tem-
peraturæ frigida: nam in habentibus symbolum facilis sit transitus: ubi semel debilis
tata sunt, & aliorum excrementa receperunt. Id postea subinde magis factum est,
donec tandem per essentiam facta est læsio, & imbecillitas, ut reliquorum membro-
rum excrementa facilius reciperet, quia proprius locus non est. Et ideo concludimus,
quod habet aliquid præter naturam, id quod adest per consensum, quia membrum man-
dans mandat, & inde est uitium in loco. Non est autem hic primogenius affectus, ut
scilicet ita laboret membrum, ut in eo inceperit prima occasio. Mandantia membra
sunt uentriculus, & repletum caput, ex quo per spondylos & nervos descendit materia
ista crassa, per uenas etiam aliqua alterius materiæ portio illuc peruenit, & istæ sunt
uiæ, per quas materia deducitur. Materia quæ fluit, est crassa pituita, ideo non facit in-
signem dolorem. Iuuatur etiam à calidis, melius enim habet aestare, quam hyeme. Ita
iam omnia apparent, circa considerationem morbi facientis dolorem obseruanda. Mem-
brum igitur principale mandans caput, uia, nervi & uenæ. Locus autem recipiens est,
ubi os femoris connectitur cum osse ischij. Materia est pituita, cum igitur uiderimus
naturam horum symptomatum, ad curam accedendū. Incipiam autem eodem ordine,
quo in indagandis causis utor. Curantur abscessus, & tumores præter naturam, uel per
operam chirurgi, uel per medicamenta. Vtrum autem opera manuali egeamus. Auic-
enna de tertia specie herniæ dicit, quod quandoque materia decumbit ad partem illam
scroti, & sæpe facit, ut tumorem abscondere, & eradicare debeamus. Donec tamen acce-
deret tempus magis opportunū, tentare medicinas omni modo. Non fuit bene intel-
lecta neque bene curata causa morbi: quia ligamenta apposuit, et pro hernia curauit, quæ
re exterius applicata remouenda. Ego uellem emollientibus & resoluentibus uti: pin-
guedinem porci, oleum Amygdalarum dulcium, Myrrham, Crocum, Ammoniacum probe.

Hæc omnia ponentur simul, & unguentum de Althea, compositio Diapalma: nunquam satis laudata à Galeno cum oleo è Ruta. Tentarem omnem emollitionem, sed quia quandoq; obstruuntur meatus cutis, optimum est, ut nunquam ponamus colligantia, nisi etiam ponamus lenientia, ut ex decocto Chamæmeli, Althææ. Hæc enim penetrant ad profundum, & locus quoq; mundus remaneret. Hoc modo nisi succedat, ad incisionem transeundum. Remedia communia contra Ischiadem sunt, quæ respiciunt causas: quæ quatuor sunt in quolibet defluxu. Audio eum esse euacuatum: postea acutis clysteribus usus est, ut eroderent etiam intestina; ob eam causam emplastica quedam addi oportuit. Aquam Poretanam quoq; bibit, quæ plurimè euacuat: quare non puto iam temere aliquid superflui in corpore esse. Aquæ autem Poretanæ calidæ sunt, nec est differentia aliqua inter eas, & Patauinas in caliditate. Quare etiam nunc urinæ tinctæ sunt, & plurimum mingit, quare meatus aperti sunt ab illa aqua poretana. Si tamen aliquid adhuc exhibere uellemus, esset id flos Calsiæ. Sed quia huc accessit sumus, potissimum ut consulamus, utrum lutum balnei conveniat, & quibus balneis utendum. Sunt in his balnea quæ emolliunt, sunt quæ resolvunt, ut S. Helenæ, sunt quæ astringunt, ut aluminosa. In fluxionibus duo faciendâ, euacuanda materia, & corrigenda dispositio, facta in membro. Si materia fluens sit, interciperem eam. Sed quando est aliqua materia in loco fluxa, quæ facit symptomata, hæc indiget remotione. Antequam membra alterentur, prius emolliiri hæc debent, & resolui. Concoquantur igitur ea materia, & deinde resoluantur: sed hic omnino cauendum est, ne nimis resoluatur, & quod bene fluidum est resoluatur, crassum autem remaneat. Emollitione tantum peccare potius possumus, quam resolutione. Resoluta materia, si calefacientibus indigemus, laudarem balnea sulphurea. Si tamen ea querimus ad retinendum, quod sibi conuenit: astringentibus id fiat, & tunc aluminosis uterem. Bituminosa autem ubi emollientia inquirimus. De cauterijs factis, procederem cum ijs, si tamen perfecteretur fluxus, possunt rursus fieri in eodem loco.

De Arthritide ex melancholico humore.

Consilium CCXXXV.



Vidam dolores percipit in articulis, & nervosis partibus totius corporis mirabiles. Cum enim eum corripunt, faciunt, ut continue cogatur moveri, & interdum cum movetur, edit sonitum, non aliter atq; ciconiæ rostrois suis strepitum excitant, agitur enim, ut nullo modo contineri possit. Interea semper iracundus est, suspiciosus, ac timet continue. Montanus materiam viscosam crassam in nervorum partibus contineri putabat, quæ agitatione concussa, strepitum illum seu sonitum edit: sicuti cum nubes concutiantur fit tonitru. Iuvatur autem illo strepitu, quia materia agitata incalescit, & concussa paulatim dissolvitur. Dedit Calsiæ 3 i. cum 3. 2. specierum Hieræ. Syrupo de oxymelle, melle rosato, & de Betonica, cum decocto luxæ, Betonice, Salviæ, utebatur. Purgatio erat ex confectione Hamech, cum syrupo rosato solut. postea ligni decoctionem illi exhibuit sine suis syrupis magistralibus, quod iam ante à Medicis admodum esset purgando extenuatus. Balneum de aqua dulci fecit, partim pro humectatione, partim etiam pro concoctione & resolutione materiæ.

Pro muliere patiente dolorem articulorum.

Consilium CCXXXVI.

Historia talis est. Laborat dolore articulorum. dolor acutus durat 24. horas, postea aggreditur aliam partem. Non fit mutatio coloris, iuuatur à frigido, læditur à calidis. Causa procatartica, cum apud ignem sudasset, ingressa est aquam frigidam. Iam petit an conueniant aque Patavinæ. Consideranda igitur natura morbi, & balnei. Morbus fluxio est, inuadens per certas periodos modo has, modo illas partes. Si igitur fluxio, membrum mandans, recipiens, & materiam considerare debemus. Bene autem dixit Gal. Eunuchi non incidunt in podagram, sed nunc omnes, & Eunuchi & mulieres ob immoderatum uictum. Membra recipientia sunt articuli; occasio fuit extrinseca, nempe balneum frigidum. Sed est alia causa fortior, nempe dolor ex quo attracta est materia; & cum dolor attrahit materiam, uix paratæ sunt ad fluxiones, & humor per alias, atq; alias uenas transit nunc ad unum membrum, post occupat alias partes. Primum in pedibus dolor fuit, qui attraxit istam materiam. Habuit etiam talem morbum pater, & affines; unde quasi à natiuitate simili morbo laborauit, quæ est causa primitiua. Secundo, hoc etiam ab ortu contractum, ob imbecillitatem neruorum. Mandantia membra. Arbitror mandari à toto corpore, & toto uenarum ambitu. Materiam puto habere occasio nem ex malo uictu; & uidetur in ea dominari siccitas: est subtili coloris, & habet uenas angustas, & cum eam inuasit podagra cessarunt menstrua: forte data occasione, materia quæ debebat uenire ad uterum, declinauit ad alia loca. Quæ sit materia, difficultas est. In lib. *κρῆν τὸν* tria habemus signa, quibus materias dignoscimus in iuncturis. Primo color in loco, an liuidus, uel rubens &c. Hic rubor non apparet, ergo non est calida. Symptoma: dolor uelociter transiens: calidi est, acres & citos dolores facere. Videtur quidem esse calida ab ijs, quæ extrinsecus admoventur; nam iuuatur à frigido, læditur à calido, ergo debet esse calidus fluxus. Ego credo frigidam materiam & pituitosam esse, quia manifeste tophos uideo in loco. Præterea non apparet color, neq; in principio, nec in statu. Igitur frigidam esse puto. Propter perseuerantiæ etiam doloris: quanquam enim acutus est, tamen non cessat. Est autem acutus, quia iuuamentum habuit à calido. Quod autem nocumentum percipit à calidis rebus, hoc est, per accidens, ubi enim pituitosa quiescit materia, applicatis calidis, incipit dissolui, & digeri, & facit dolorem. Acutus quoq; fit dolor, cum materia frigida tenuis pertingit neruos, sicut etiam in intestino à uitrea materia fit dolor acutissimus, Galen. 3. de simplici. Dolores à frigido ita acuti, ut mordicerent, sicut à calido, ita & à frigido, sed ista materia pituitosa mobilis est. An etiam admixtum est aliquid calidi? Perpetuum est serè in omni fluxione, ferri materiam per uenas (& neruos etiam, sed rarius) ubi semper crumpit aliquid materie calidioris, & admiscetur, quæ postea resoluitur, manente frigido, ut 2. de differ. febr. ait Gal. An poterit curari? Si id ab ortu habet, quia iam tendit ad senium, difficile erit. Si à causa procatartica, poterit curari. Cum igitur hoc sit, cum quibus? In qualibet fluxione oportet primo euacuare materiam Gal. de missione sang. dicit se purgationibus uernis, & phlebotomia multos curasse. Quandoq; sola purgatio curat. Sed dicat aliquis si materia frigida, cur non afflixit hyeme eam, sed uere? quia uere dilatantur uenæ, materia flauatur, & attenuatur. Fuit ex quo site purgata cum uomitu, usq; ad sanguinem. Et in doloribus articulorum cessat dolor, solo uomitu. Si quid tamen materie in uentriculo remansit, poterimus exhibere florem Calsiæ, aut syrupum solutiuum. Facta euacuatione si fluxum uolueris prohibere, corroboranda sunt membra, & astringenda. Corroborare membrum est inducere proprium membro habitum, ut si mala temperatura, remouere eam. Rheumatismus fit dupliciter (2. de natur. facult.) non enim solum membra recipiunt aliorum excrementa, sed

sed nec sua etiam concoquunt. Hic topi apparent, optimum igitur erit remouere malam temperaturam. Rectæ enim operationes à recta temperatura proficiuntur: anima enim ex temperatura bene habet aut male. Balnea ei conueniunt, quia corroborant uentriculum. Bibat aquam, & exterius utatur balnei luto. Sed stillicidium, quia materia non est à capite, non conducit. Utatur recta uictus ratione, si uolet curari, quod erit difficile.

Pro muliere in principio Podagræ.

Consilium CCXXXVII.

Premissa purgatione, & exhibito potu aquarum Aponensium; tum pro euacuatione ulteriori, tum etiam pro calefactione uentriculi generantis plurimam pituitam: ita ut per interualla plurimum uomeret, & per alia quot dies postea tota uirtus prostrata esset. Pro uentriculi ulteriori confortatione iussit fieri confectionem ex speciebus Aromat. rosati & diars rhodon Abbatis, cum saccharo, non multo plus quam species essent: & sumpta rotula una, uel duabus, hora una ante cibum, inungi regionem uentriculi oleo Absinthino cum Mastiche. Pro curatione pedis podagrici ad Thermas redire iussit Aponitanas: ut ibi primum reciperet fumum, qui rarefaciet pedem ad modum spongiæ: penetrat enim, aperit & exiccat: maxime tamen aperit. Postea lauabit pedem aqua, quæ facilius penetrabit post rarefactionem fumo factam, & magis exiccabit. Ultimo ad lutum S. Bartholomei accederet, quod durius & grossum est, & hoc modo facilius penetrabit, & exiccabit amplius, & simul etiam mollicabit propter bitumen, quod admixtum habet. Aponense lutum tantum exiccat, & magis placet, ut lauetur in aqua, quam ut guttæ instillantur parti affectæ, quia gutta applicatur illis membris, quæ in aqua permanere nequeunt. Accipiat igitur fumum, & lauetur per septem dies, postea ad lutum totidem diebus accedat.

Pro laborante dolore ossis sacri, & debilitate mouendi crura.

Consilium CCXXXVIII.

Conqueritur de duobus symptomatibus. Primum est dolor circa os sacrum. Secundum, quod non potest bene eleuare crus. Videndum quis locus, & quæ pars corporis sit affecta. Clarum siquidem est hunc dolorem esse circa os sacrum. Non est quidem affectum os, quia ossa non sentiunt, & ita non dolent. Nec musculi uidentur affecti esse illi, qui sunt pro ingressu, & crurum subleuatione: quia dolor non esset profundus, sed in superficie, & recte impediretur ingressus. Sed iste ambulat, & crura subleuantur. Restat igitur quod ista ægrotudo inest nervis orientibus ab illis uertebis inferioribus, & deuenientibus ad ipsos crurum musculos, quibus affectis causantur dicta symptomata. Credo, quod ista ægrotudo non est facta ex intemperie calida uel frigida, quia partes circumstantes essent admodum calidæ aut frigidæ, & maiori infestarentur dolore: sed quod adsit præsentia materiei frigidæ & crassæ, cum aliquali materia pauca, calida, & subtili. Signum est tale, quia augetur dolor in calidiore, & frigidiore tempore, his enim temporibus materia frigida & crassa mouetur à calido, quæ quidem euaporat, sicq; occupando maiorem locum, & distendendo partes illas, dolorem auget. A frigido uero constringitur, & comprimitur in illis partibus, & augetur etiam dolor, quod proprium

est talis materiz. Colligitur autem ibi materia per defluxum à capite per spinam, & hoc ratione uidelicet debilitatis illius loci, quæ causata est à diuersis caulis. Habet caput repletum, & hoc ideo, quia hepar calidum, à quo uapores ad cerebrum ascendant, unde materia stillat ad locum inferiorem imbecillum. Visus symptomatibus uisæ ægritudine ea producente, & similiter caulis ipsius ægritudinis, ueniendum est ad curationem. Primum igitur sumenda est indicatio à morbo, qui ut tripliciter se habet, ita tres erunt indicationes. Is enim morbus habet partem factam, cuius causa est materia illa collecta, & impacta neruis illis. Præterea partim est in fieri morbus. Continuo enim præter materiam ibi imbibitam, quæ se habet ut causa coniuncta, materia defluit à capite, & fouet, ac auget ipsum morbum. Deinde habet partem, quæ nec facta, nec in fieri, sed est futura, cuius causa est materia, quæ transmittitur ab hepate, & à corpore ad ipsum caput, idcirco replet. Et sic attendendum est morbo iam facto, morbo qui est in fieri, & futuro. Quomodo uero est attendendum? auferendo causas. Et primum incipiendum est à causa futuri morbi, quæ est multitudo sanguinis crassi, & humoris ab hepatis caliditate orti. Vnde ista materia debet euacuari tam sectione uenæ, quam pharmaco. Et ita facta uentris lenitione cum Cassia & Hiera, aut cum aliquo huiusmodi, ut solemus facere pro præparatione materiz, ordinarem talem syrupum:

ꝑ Syrapi completi Cichorij Nicoli

Oxymellis simp. uel Scyllitici ana 3 1.

Decoctionis Ceterach

Betonicæ in aqua Boraginis destillata, ut
habeamus penetratiuum 3 4.

Sumptis duobus syrupis, secanda uena in cubito eiusdem lateris, postea assumas reliquos syropos. Præparata materia euacuanda est pilulis Coccij, de Agarico, uel de Hermodactylis, quia habent rationem & convenientiam cum iuncturis: Electuario Indo, & confectione Hamech &c. Et non simul euacuanda est, sed repetenda bis uel ter euacuatio, quoniam morbus est chronicus. His tollitur causa futuri morbi, & sic morbus futurus aufertur, quo sublato simul tollitur causa morbi fientis, tollitur enim fluxus. Si uelimus aliquid agere pro diuersione huius fluxus, debemus uti masticatorijs, & consulo ut utatur his omni tempore. Caput purgia autem facienda purgato corpore, abluendum caput lœxiuo, in quo decoquantur Betonica, Chamæmelum, & rosæ &c. Tandem ueniamus ad morbum iam factum, qui remouebitur & ipse ex remotione causæ. Causa est materia frigida, & crassa impacta in illis partibus & neruis, quam oportet euacuari, tam deriuando clysteribus acris, ut ex Centaurio minore, &c. quam etiam per locum affectum insensibiliter, & quæ possunt attrahere & digerere, & talia sunt caustica, ut esset radix Brionicæ, flammula louis, Thapsia, & alia caustica & uescicatoria: imò ex his possunt fieri emplastra & alia medicamenta. Et hæc sufficiant, quæ si ab ipso seruabuntur, credo eum sanum futurum. Est enim morbus sanabilis, sed longus tum ratione materiz frigidæ, & causæ facientis morbum, tum ratione neruorum, qui sunt frigidi. Non eleuat crus, quia nerui sunt aliquantulum affecti, id ut præstare non possint. Vratu autem uictu optimo,

quia, ut Gal. inquit, qui bonam uictus rationem tenere nequeunt, ijs optimam medicinam præscripsi superuacaneum est,

De præſervatione à Podagra & Calculo, pro nobili uiro Domi-
no Matthia Zefz Conſule L. Bohemo.

Conſilium CCXXXIX.



Ir nobiliſſimus atq; prudentiſſimus, agens annum ætatis quadrageſimi ſecundum, habitus corporis optimi, petit à nobis conſilium, quomodo toto tempore uitæ ſuæ effugere poſſit Podagram, non quod eam iam patiatur, ſed quod timeat, ne declinante ætate & calore decreſcente, in eam incidat, propterea quod aliquando (ut nobis refertur) leui deſtillationi ſubjiciatur. Cum igitur quærat modum præſervationis à podagra futura, conſilium meum eſt, ne quid magni molliatur ſub hyemem, quæ iamiam aderit, ſed habito bono regimine uictus in ſex rebus non naturalibus, leuibus aliquibus piſulis utatur, quæ paulatim educant materiam. A uino ſi abſtinere poſſet, optimi fore iudicarem: ad ſanitatē enim eſſet certa uia. Sed quia id durius uidebitur, cum ſit aſſuetus uti optimis uinis, ſaltem accipiat quatuor amphoras aquæ, in quibus coquat quatuor ciſſas ſaluæ, & totidem betonicæ, donec remaneant tres amphoræ aquæ, quibus deſinde facta diligenti expreſſione, addat octo amphoras uini albi bene maturi, & ſimul bullire permittat, idē poſtea bibat. Abſtineat à piſcibus, fructibus, leguminibus, caſſeo, & omnibus, præter carnem uitulinam, pullorum, aucicularum montanarum, oia recentia, panem in brodio, panatellam. His contentus uiuat ad minus per annum. Cum ſua coniuge honeſtiſſima non niſi à natura ſtimulatus, & ſeiunio ſtomacho uerſetur. Ab aëre maxime nocturno fugiat, & diurno etiam craſſiore. Muniat caput contra uentorum & aëris iniurias. Ad præſervationem uero utetur hiſ piſulis:

ꝑ. Aloes optimæ

Rhabarb. electi

Agarici electi & leuis ana 3 2.

Garyophyllorum

Nucis muſcatæ

Sandalorum citrinorum

Rofarum rubearum ana 3 1.

Myrobal. chebulorum 3 1.

Puluerizentur omnia per ſe, deinde miſceantur, poſtea aſpergantur ſucco ſuæ ærteticæ, & permittantur exiccari, & ita iterum uſq; ſepties fiat, poſtea cum ſyrupo de betonica fiat magdaleon, de quo ſingulis uicibus fiant piſule tres pro ſingula drachma. Quidam laudant radicem Cinarum. Eſt enim radix cuiuſdam Cannæ ex India, quæ facit ut plurimum urinae emittatur, aliquando ad mortem etiam. Vidi ego in quodam quotidie 40. calices urinae eiſci. Et hæc erit tota ratio præſervationis à futuro morbo, quem timet, & ab alijs plurimis ab eadem materia oriundis.

Rurſus, quia dominatio ſua petit conſilium præſeruatium à calculo pro quodam amico ſuo, idcirco Dominatio ſua, ut à calculis ſe immunem omnino reddat, ope præprecium eſt, ut in ſex rebus non naturalibus recte ſe gerat. Nihil ergo comedat quod humores generet calidiores, uel pituitoſos: omnia ſint exæta & temperata, media inter craſſum & tenue: bilis enim à ſiccis & calidis cibarijs, pituita à frigidis & humidis originem ſumit. Oportet igitur cauere à calidis, frigidis, craſſis & tenuibus, ne Scyllam fugiendo incidat in Charybdim. Temperate itaq; edat & bibat. Et quia nemo tam prudens eſt, quin cadat aliquando, prouidendum eſt, ut præueniat purgatio eos humores, qui apti ſunt cauſare huiuſmodi malum, & corroborando membrum, ne facile generet, & recipiat facile. Cum quo instrumento? Optimum eſt ex Rhabarbaro & agarico medicamentum, admiſcendo aliquid myrobalanorum, & aliquid

R 3 tempe

temperatum, quod facile pertranseat ad uias urinæ, ut cinnamomum cum semine melonum, Exempli gratia:

℞. Rhecubarbari	3	ij.
Agarici electi	3	2.
Cinnamomi		
Myrobalanorum		
Sem. Melonum	ana	3 6.

Semel in septimana utatur. Si calculus effectus sit, necessarium erit illico mittere sanguinem à poplitibus, quibus nunc non utimur, sed saphenis, facta diuersione cum ijs quæ leniter euacuant, ut calsia; postea adiungatur calsia agaricum. Si esset in renibus, utatur oxymelite, & aqua mulsa. Nunquam frigidis, nunquam calidis procedendum consulo, sed semper temperatis & incidentibus: quoniam terreum, quod à calido coagulatum fuerit, ut lateres, non à calido nec à frigido diluitur facile, ut Aristo. 4. Meteor. testatur. Quare non possumus progredi, nisi cum incidentibus, quibus minuuntur. Admisceatur igitur oxymel cum aqua mulsa. His omnibus diligenter & exquiritè observatis, credo quòd D. sua non solum à calculis, quos timet, præseruabitur, uerumetiam à grauissimis morbis vindicabitur, cum auxilio Dei Optimi Maximi, cui soli honor, gloria, & imperium in secula.

APPENDIX.

Huic uero Bohemo non conferentibus remedijs in consilio positis, instituit potuerem sequentem capiti inspergendum;

℞. Laudani electi	3	4.
Spice		
Storchados		
Maiozanæ		
Roris marini		
Asari	ana	3 1.

Puluerizentur minutissime, & inspergantur capiti. Laudauit etiam usum Alexandrinæ aureæ. Pro potu uero

℞. Cinnamomi electi	3	2.
Anisi	3	ij.
Zucchari	3	4.

Decoquantur in aquæ cōmunis lib. 6. ad tertias. Victu tenui utendum consuluit.

De morbo articulari, pro Generoso D. à Stubenberg,

Consilium CCXL.



Iussitrem Dominum ex auditis accidentibus, constat articulari morbo laborare: ita ut iam sit confirmatus: omniaq; eius membra ad summam imbecillitatem ac defluxum continuum deuenisse: ut ne dum possint alienis excrementis resistere: sed ne proprium quidem alimentum concoquere: uel proprias superfluitates expellere, quòd alienis excrementis non resistent; ingentes tumores accedentes in singulas partes corporis, axillas, umbilicum, ilia, genua, ac pedes declarant. Quod propriū alimentum non conficiant, indicio est insignis ariditas, & uniuersi corporis tabes: ex quibus etiam facile conijci potest, membra principalia male habere, caloremq; cordis, & spiritus multifariam uiosatos esse: neq; adesse illis uel propriam qualitatem, uel quantitatem: quibus accedit mala concoctio tum uentriculi, tum hepatis & uenarum: & plurima à capite destillatio, ob insignem frigiditatem. Si enim cordi frigiditas accessit, quid arbitramur cerebro contigisse? Ex his sequitur ægritudinem confirmatam esse, nec aliquo artificio

tolli posse. Leniri tamen symptomata ac dolores posse, si modo ipse sibi non deerit, rectissimæ utatur uicius ratione, arbitramur: ad quam tota serme præseruatio dirigenda. Primo igitur ærem eligat quàm maxime fieri potest temperatum: uidelicet in quo nullus excessus appareat, præcipue tamen frigidi tatis: deinde etiam humiditatis. Vnde uentos euitabit tum Boreales, tum etiam Australes, & habitationes humidas & etiam terreas: nocturnum ærem quem etiam cauebit per fenestras admittere. Induatur uestibus, quæ optime muniant ipsum à frigore: quæ sint admodum mundæ, & à sordibus omnibus expurgatæ. Nec parum conferet, si interiores tunicæ, cum mundissimæ sint, odoratissimis etiam suffumigijs reddantur odoratæ. In summa delectetur gratis odoribus. Hæc enim maxime conferent ad spiritus caloremque naturalem reuocandum & corroborandum, & ad cerebri uitia corrigenda. Lauet caput præterea semel saltem singulis septimanis, ex lixiuio factum cum cinere lignorum dulcium, in quo decoquantur saluia, maiorana, betonica, & aliqua etiam portio rosarum, & loco saponis utatur Agarico, quem etiam poterit in eodem lixiuio decoquere: erit enim admodum uile. Præterea ubi lotus fuerit, ærifer eodem die non exponat: atque optime excutatur pannis non admodum calidis. Euitet omnes animi molestias, præcipue tamen moestitiam & iram: Altera enim calorem naturalem elidit, altera humores præcipites reddit, caueat igitur ab utraque: uiuatque cum amicis quàm maxime læte & iucunde poterit. Laudarem ex quo deambulare non potest, ut saltem obequicaret, ubi tranquillitas esset æris: uel curru ueheretur: atque omnino quæreret aliquod exercitij genus, quod quidem faciendum esset mane, ubi omnia excrementa noctu collecta reddidisset. Frictiones etiam admodum placent, mediæ uidelicet: neque admodum ualidæ, neque admodum leues, quæ omnibus partibus corporis adhibentur. Quamuis enim nonnullis uideantur humores attrahere, si tamen fiant non repleto corpore, horis opportunis, quemadmodum fieri oportet, innatum membrorum calorem corroborabunt, coctionesque adiuvabunt, meatusque dilatabunt: unde excrementa facilius diffidentur. Denique membra omnia facilius nutriuntur, & melius alienis excrementis resistunt. Ideo frictiones debite & opportune factas admodum laudarem: imò si post frictionem eadē membra illinentur oleo odorato, ueluti quod ex spica conficitur, uel ex garyophyllis, esset additamentum optimum. Quæ uero ex balsamo siue ex stirace confici solent, propter acriorem caliditatem non placent, nam plus æquo resoluunt. Cauebit ne dormiat post cibum, nisi duæ horæ ad minimum intercesserint: & omnino à meridiano somno cauebit. Ita igitur uesperis coenabit, ut amplum admodum spatium habeat temporis ad decubitum. Quanto enim maius spatium intercesserit, tantò felicius noctu deget. Ob quam rationem & parcior cœna conferre solet. Caueat ut comedat siue in cœna siue in prandio, ubi percepit priorem cibum non optime fuisse concoctum. Nihil enim deterius quàm ingerere nouum cibum super alium inconcoctum aut corruptum: ideo tam cœnam quàm prandium ita moderabitur in qualitate & quantitate cibi, ut possit in toto eo spacio, quod est inter prandium & cœnam, totum alimentum optime conficere. Propterea interim neque bibet, neque aliquid prorsus gustabit, quamuis enim modicum esse uideatur, illud tamen modicum ad maleficium summam habet efficaciam. Ad hæc etiam maxime conferet, si uarietatem ciborum euitabit, & unico cibo contentus sit. Quotidie uero studebit, ut pro ratione alimentum & potus excrementa per aluum & urinam reddantur: quæ si defuerint, arte adiuvanda sunt: & uel clysteribus lenientibus succurrendum: quales sunt qui ex decocto maluarum, betæ, & surfurum conficiuntur: oleo ad dito communis, sale & uitello oui, & quandoque 2. 3. mellis rosati: uel si clysteres non placuerint, optimū erit remedium, quod etiam ad hunc usum celebravit Gal. ut malua, betæ, mercurialis in iure pulli decoquantur, & facta expressione mane huius decocti ʒ. propinetur 3. ho. ante prandium: leniet enim aluum sine molestia. Circa ciborum potusque electionē, cū hic sit maxima sylua, ea tantū dicemus quæ sunt eligēda, omisisis ijs quæ sunt euitāda, quæ propemodū sunt infinita: carnes eligat quib. optime uesci potest, sicut uisulnæ, hæding, castratorū

leuenum, leporum iuniorum & cuniculorum, gallinæ, columbacei etiam puli, Turres atq; aues compestres, præsertim si iuniores fuerint. Nam in carnibus antiquis hoc uitium est, ut pessimum succum generent: ideo ab omnibus cauendum. Hæ sunt carnes comedendæ, à reliquis omnibus abstinendum; quæ siue elixentur, siue etiam assentur, non uitupero: dum modo assatæ larido non operiantur, ut coquorum mos est; uel elixæ, iusculis compositis admodum & refertis aromatibus non condiantur: ut mos est plurimis Germanorum. Vitiantur enim hoc modo carnes, & pessimi alimentum reddantur: & omnia uiscera torrefaciunt. Simplici igitur iure decoquantur, uel quod maxime laudauit Galenus, decoquantur cum oleo, aqua, porro & anethi seu scenicæ coma. Oua recentia admodum placent: dum modo sine aliquo pingui uel decoquantur uel comedantur: nihil enim ouis magis aduersum quam pingui atq; unctuosæ aliquid misceri, dum in uentriculo coquantur. Ab omnibus piscibus cauendum consulo, ab omnibus acerarijs & oleribus crudis, quamuis nec cocta libenter admiserim. Fercula comedi possunt, qualia sunt oryza, hordeum, far, spelta, panicum etiam & milium, si in pingui iure decocta fuerint: quamuis enim paucum adferunt nutrimentum, non tamen omnino malum. Quantum ad potum attinet, si uino fuerit assuetus, non omnino improbarem hac præsertim ætate. Vinum tamen eligerem colore album, nam illi audiendi non sunt, qui uino albo podagricis interdiciunt, quod antiquis præcipuum fuerit remedium contra articulares morbos, ad materias per urinæ meatus auertendas. Vinum igitur album eligatur, substantia tenui, lucidissimum, sapore neq; acidum neq; astringens, neq; dulce; sed quod saporem illum præ se ferat; qui proprie uinosus ab antiquis uocatur; & nos uulgo maturum appellamus. Sit autem medium inter potens & debile. Hoc uinum mediocri quantitate bibat, in cœna tantum & prandio; temporibus intermedijs, ut etiam supra diximus, caueat omnino, non à uino tantum, sed ab omni potus genere. Hæc ubi recte instituta fuerint circa uictus rationem, maximam partem suæ præseruationis erit assecutus, ut tamen tutius & melius muniat; quædam etiam medicamenta afferentur, quæ uitia occurrentia casu, subinde emendare poterunt; atq; etiam interim membra corroborare. Instituenda igitur illi est primo purgatio annualis, quam in eunte uere in hunc modum faciendam consulo:

℞. Floris Calsiæ 3 10.

Specierum hieræ simp. 3 2.

Cum zucarò fiat bolus, sumendus tribus horis ante prandium, postridie syrupum accipiet qui habeat

Mellis rosati 3 1.

Syrupi de absinthio tantundem

Decocti betonicæ

Liquiritiæ 3 4.

Ex ita perseueret 9. uel 11. diebus, totoq; hoc diebus spacio foueantur hypochondria, uentriculus, totum abdomen, pectus, ceruix, & singulæ corporis partes, oleo Camomelino moderate calido, quod melius bis aut ter etiam in die iterabitur. Quibus peractis, apparentibus in urina coctionis signis, sumat pharmacum infra scriptum;

℞. Floris Calsiæ 3 1.

Agarici præparati 3 2.

Liquiritiæ puluerisatæ 3 2.

Misce, fiat bolus dandus in aurora cum custodia. Postea tribus subsequentibus diebus sumat zucarum rosatum pondere 3 s. hora 1. ante cibum mane & uesper. Viatur præterea ter in mense bolo infra scripto, quem tribus horis ante prandiumumat;

℞. Carnis pinguisimæ siccam, quæ per setaceum cribrum fuerit excolata 3 s.

Medullæ Cartami 3 2.

Misce

Misce, fiat bolus. Quod si parum eduxerit addatur simul Rhabarb. puluerisq; ti 3. i. eritq; medicamentū præstantius; & si bolus duriusculus fuerit, emolliatur cum syrupo de liquiritia, laudo tanquam remedium præstantissimum. Ut familiariter etiam utatur, singulis diebus mane 3. aut 4. horis ante prandium, radicibus Acori cum zaccaro conditis, uel myrobalanis chebulis: idem enim præstare possunt, facilius tamen radices fortasse etiam fidelius comparabuntur. Præterea singulis septimanis abluat caput circa uesperas, ita ut exquisitissime postea exsicceetur, blande tamen sine multa frictione, cum pannis moderate calidis. Ablutio autem erit qualem supra descripsi mus. Vbi uero contingat ut accessio dolorum infestet, laudo ut quietus persistat, foras uerq; loca dolentia, uel cum lana succida moderate calida, uel cum pelle uulpis noua, & locum nulla prorsus re alia illinat, nisi oleo Camomillino, uel ipsa Camomilla uiridi contusa, si haberi potest, uel flore calsiæ cum floribus camomillæ puluerizatis: quod quidem sæpe experimur præstantissimum remedium ad sedandos dolores podagricorum. Hæc auxilia tutissima sunt; concoquunt enim materiam doloris sine agitatione, uel motu aliquo uel attractione, & adiuuant mirum in modum calorem naturalem affectum. Cætera omnia quæcunq; possunt uel materiam discutere uel attenuare, uel repercutere, uel ualide calefacere, uel tale aliquid operari, qualia multa prope innumera applicari solent podagricorum doloribus, omnia prorsus tanquam perniciosam abijcienda consulo; & utinam talia quædam Illustriss. hunc D. in præsentem calamitatem non duxerint. Scio enim plerisque omnes in similem calamitatem peruenisse ab huiusmodi medicamentis perductos. Toto autem accessiois spacio habeat alium quàm maxime mollem, quæ adiuuetur clysteribus mollientibus, sitq; tenuis admodum uictus, quantum eius natura potuerit tolerare. Vinoq; prorsus per omnia accessiois tempora abstineat: cuius loco utatur aqua multa cum salua & Cinnamomo. Ita autem commodè parabitur, si sumantur aquæ partes 12. mellis optimi despumati pars una, deinde modicū quid cinamomi saluicæ admisceatur, prout egri gustui magis familiare uidebitur.

De Podagra cum multis symptomatis complicata.

Consilium CCXLI.



Postquam clarissimus Doctor omnia ita exquisitè in hoc casu considerauit, & tam diligenter tractauit, ut uix mihi dicendum aliquid reliquerit, ego ut loco meo satis faciam, dicam pauca quædam, quandoquidem & in morbi essentia, & in curatione conueniã cum Excellentia sua. Obseruauit igitur ex relatīs, duodecim esse symptomata, quibus partim consuevit affici uir iste, partim nunc afficitur: & quatuor sunt ea, quæ consueuerunt hunc hominem molestare, quæ sunt causæ istorum symptomatū, quibus nunc uexatur. Nam in tempore puerinæ passus est fluxum sanguinis narium copiosissime quidem & frequentissime. Post quem subsecutus est fluxus hæmorrhoidū, in quibus emanabat plurima sanguinis copia. Nunc autem easdem quoq; patitur, sed non cum fluxu sanguinis, sed cum dolore tamen & tensione & grauitate. Tertio passus est dolorem nephriticum maximū, cui medici quāplurimis remedijs occurrerunt. Quarto dolorem arthriticum, ita ut nullus articulorum sit, qui non infestetur dolore. Et ista sunt quæ consuevit pati, quæ etiam sunt causa eorum quæ nunc patitur, & sunt octo. Primo percipit dolorem quendā propter materiã à nucha per medullam spinalem ad inferiores partes descendentem, quæ quidem materia actu calida est, à loco unde incipit, usq; ad locum quò pertingit, id est, à capite usq; ad pedes, & alias partes ad quas defluit huiusmodi materia. Secundo ista materia deuenit etiam ad fauces, & gustu salsa est. Tertio patitur inflammationē insignē in summitate nariū cum rubedine, ex qua emanat materia quedam uirulenta, quæ uidetur esse pus quoddā; quæ materia calida admodū est & feruens.

Post

Post exitum uero istius materię, exit sanguis, cuius exitu subleuatur ab ea. Quarto habet tumorem splenis satis apparentē tactui. Quinto ardorem urinae, leuem quidem; sed interdum impeditur urina, ut non possit libere exire, & tenuissime exit, ita ut plurimum temporis absumat in mingendo, nec exitus urinae satisfacit uirtuti expulsiuę. Sexto, in urina sunt arenulae rubę, quę subsidunt in fundo. Septimo dolores patitur podagricos, & quandoq; etiam Chiragricos, & quoddam stillicidium aquę frigidissimę. Octauo consuevit pati, maxime tempore æstatis, ingentem dolorem capitis. Vltimo imbecillitatem uentriculi maximam habet, addit se uix posse alimenta conficere. Scio Domini, uos admirari quomodo in isto corpore possint tot esse præter naturam: siquidem uidetur nullum membrum principale illarum habere, & unum ex illis symptomatis uidetur alteri aduersari. Sed si cognoueritis temperaturam istius, mores & exercitia, facile cognoscetis omnia ista tum ex temperatura ipsius naturali, tum ex uiuendi ratione orta fuisse. Incipiamus à temperatura membrorum principalium, & primo à temperatura naturali cerebri, quod quidem calidissimum est, ut licet uidere ex multitudine operationum, non dico ex optimo discursu, (quia bonitas ingenij non à caliditate cerebri prouenit, sed potius à temperata frigiditate) Sed bene multitudo operationum cerebri à caliditate prouenit. Iste perpetuo cogitat & meditatur. Præterea indicat nobis calidum cerebrum aliud, scilicet quod non potest in hyeme operimentum aliquod capitis ferre: & si apponatur aliquod, statim inflammatur, & sic semper à calido læditur, maxime in æstate. Color etiam faciei hoc indicat, licet hoc signum sit commune, ut Galenus secundo artis parue declarat. Qui habent in facie rubedinem plurimam, & in oculis uenas apparentes, illi habent temperaturam cerebri calidam: ideo ex istis iudico cerebrum illius esse calidum & sic cum. Quod autem hepar & renes calidos habeat, patet ex colore faciei, ex uenarum amplitudine, & nihil calidi potest pati, nec hepar nec renes, sed maxime frigidis iurantur. Quod etiam cor habeat calidum, argumento est, quia est plurimorum negotiorum: fuit miles animosus & audax: isti mores sequuntur temperaturam cordis. Quod renes sint calidi, indicatur ex arenulis illis rubeis, & ardore urinae, & sic habet cerebrum, hepar, cor, renes calidos. Aliud modo est symptoma illis oppositum, scilicet uentriculus frigidus, quod indicatur, quia non bene concoquit cibos: minimum sitit, cum habeat tot membra calida, & catari hum maxime calidum, deberet multum finire, parum appetit, & est profundissimi somni: & hoc non nisi à frigiditate uentriculi prouenire potest, in quo generatur plurima pituita, à qua eleuantur uapores plurimi frigidi ad caput, & sic causant somnum, licet temperatura cerebri potius super uigilijs indicet, quam ut somnū admittat, quia est calida. Cum igitur habeat ista membra taliter præparata, & tales mores, & huiusmodi exercitium, in quo nihil facit secundum rationem, sed cum sit mercator, exponit se aëri frigido, & patitur frigus pedum, & multa incommoda in inneribus tum terra, tum mari, & equitat cum non debeat, & edit horis incongruis, & dormit quando potest. Ex hoc igitur uitę genere non est mirandum, cum talia membra principalia habuerit, si in tot symptomata inciderit: nam scitis quod dixerit Gal. 3. de locis affectis, cap. de dolore capitis, quod ubi hepar & torus uenarum ambitus calida sunt, corpora illa repletioni parata esse: & ratio est, quia ubi hepar & uenę sunt calida, habent sanguinem feruentem, ex quo eleuantur uapores: & sic cum cor sit calidum, & arterię, in quibus spiritus est feruens, transmittuntur plurimi uapores ad caput, & faciunt ipsum redundare plurimis excrementis, & cum accesserint ad hoc frigiditas uentriculi, eleuantur uapores pituitosi, & replent caput, accedit etiam mala uictus ratio. Et sic in hoc sunt omnes causę, quę repletionem capitis faciunt. His ita stantibus, dum adolescens fuit, subiectus erat illis fluxionibus, tum propter temperaturam, tum propter uictus rationem, & cum expurgabant ipsum, sanus degebat: sed iam sunt uiginti anni, ex quo sanguis ille desinit, & tunc immutatio subsecuta, nephritis scilicet, id est, dolor renum: quo curaro, in dolorem articulorum omnium incidit, & in podagram, & tunc habebat fluxum hæmorrhoidum,

tum, & tamen non sufficebat, sed iam sunt quatuor anni ex quo suppressæ sunt hæc
 morrhoides. Nunc autem tantam gravitatem, dolorem & inflammationem sentit: &
 ita à duabus consuetis euacuationibus destitutus fuit, scilicet à fluore sanguinis narium
 & hæmorrhoidum, & perseverant eadem cause aggregantes superfluitates, & inde
 sunt hæc omnia symptomata, quia annum iam agit 45. & est in principio senectutis,
 & iam calor naturalis incipit diminui, cum sit destitutus à proprijs euacuationibus.
 Videndum est an sit una causa omnium istorum symptomatum. Et dico quòd primū
 est caput, quod primogenio est affectum. Et notate, quòd differt dicere aliquod mem-
 brum esse primogenio affectum, & esse affectum per essentiam. Nam membrum di-
 citur primogenio affectum, cum læsio primo apparet in eo, & prius ægrotat ipsum,
 quam alia. Per essentiam uero dicimus membrū esse affectum, cum membrum in pro-
 pria essentia læditur, & non per consensum. Et sic caput erat primogenio affectū pro-
 pter uapores ascendentes ad ipsum, quia in ipso læsio primo uidetur, postea uero læ-
 sum est per essentiam. Gal. 3. Aph. 12. Desillatio capitur dupliciter: proprie & im-
 proprie. Proprie desillatio quæ ad fauces uel pectus descendit, dicitur catarrhus, &
 sic ille nullum catarrhum patitur, quia nullam læsionem habet in pectore, nec tussim;
 nec anhelitus difficultatem, de quo etiam mirandum est. Intellego autem catarrhum
 improprie, pro fluxione à superioribus partibus ad inferiora: & ab isto proueniunt
 omnia symptomata: & iste à capite per uarias uias descendit, quia est maxima copia
 materie; primo per uias cōmunes ad fauces & uentriculum peruenit. Non autem de-
 scendit per asperam arteriam (quod cur fiat, alias dicam) sed per uenas, arterias, ner-
 uos, & sic per omnia uasa, & per spondylos: & refert quòd percipit humorem calidū
 à nucha per spondylos usq; ad pedes peruenire, & per uiam communem ad fauces,
 & sentit fædinem. Et quotidie bis excernit, & hoc est ratione catarrhi, quia alioqui
 deberet huic esse alius strictissima: sed catarrhus descendens lubricat & debilitat con-
 tentiam, & ad uentriculum etiam deuenit, cuius signum est, quòd leui sreatu expuit.
 Quòd etiam eadem materia per uenas & nervos descendit, apparet ex tumore illo
 podagrico, & ex tumore splenis. Et non sufficiunt istæ etiam uia, ex quibus nunc à
 capite ad alias partes solet defluere, quia materia est multa, ideo sentit repletionem
 capitis, & gravitatem, & æstare maxime affligitur à dolore capitis. Hæc cum ita se ha-
 beant, primo uidendum, quæ sit materia defluens, quia scimus istam defluere. Ista est
 calida & subtilis. Quòd sit calida patet, quia ex gustu fædinem percipit, & calidita-
 tem etiam in defluxu, & inflammationem in naribus: & quod exit, est calidum. tum
 etiam propter materiam descendentem ad renes, quia in urina apparent arenulæ ru-
 bæ, ut Epidemiorum part. tert. comment. quinto & sexto: ubi docet ex colore are-
 nularum cognoscere, quæ sit materia peccans. Sunt autem arenulæ rubæ in isto, er-
 go materia calida. Sed cur est quòd materia ista descendat per nervos, & non faciat
 contractionem, spasmus & conuulsionem? Dico quòd hoc non fit, quia non firma-
 tur in netuis, sed quia expulsiua uirtus fortis est, ideo expellit ad iuncturas, & capita
 musculorum, ubi prouocat dolorem mordicando, propter qualitatem suam malam,
 & propter intemperiem quam causat, & facto dolore, attrahitur noua materia, quia ut
 bene dicebat Galenus 2. de different. febr. & de tumoribus præter naturam: mem-
 brum potest dupliciter debilitari, uel quia priuatur proprio & innato calore, uel quia
 habet caliditatem præter naturam. Sed in iuncturis est utrumq;: primo sunt debiles
 ob priuationem proprii caloris: hoc autem contingit propter materiam quæ ad eas
 partes præcipitata fuit, quæ multis de causis ad illas partes magis quàm ad alias con-
 fluxit: tum etiam quia adest dolor: & ubi dolent, incipiunt intumescere, & tunc sequi-
 tur inflammatio, & apparet tumor quidam nitens, & color eius est ruber tendens ad
 purpureū, quod indicat multū sanguinis crassioris ad illas partes per uenas descendere
 & facere inflammationē, & sic talis podagra est calida, quæ est semper cū inflammatione.

Quantum ad alium exitum, ad fauces, & ad uentriculum, percipit tum ex gultu, quia apparet faldedo, tum quia pessime concoquit, & percipit materiam ad uentriculum præcipitari, & per uenas capitis parum materię ad nares tendit, & facit inflammationem: quæ quia tumet & rubet, ideo est materia sanguinea: & cum materia si fers uens, ideo facit uelicas in naribus, post quas exit aqua purulenta, & ultimo sanguis ater. A quo modo causatur tumor splenis? Dico quod iste habet hepar calidissimum, ideo redundat plurimo sanguine faculento & crasso: & qui tales sunt, dicit Aristoteles, in paracraftica ætate, melancholici sunt, & humoribus melancholicis redundant. Cum igitur iste sic habeat hepar calidum & siccum, ideo redundat plurimo sanguine crasso & melancholico. Quod ita sit, patet ex fluxu hæmorrhoidum, quæ etiam nunc intumescunt, licet natura propter imbecillitatem expulsiuæ non possit sese exonerare, & propter materię crassitiem: ideo ille sanguis ad splenem defluit, & cum plurimus sit & faculentus, non potest confici ab ipso, & ideo superfluitatibus plenus redditur, & intumescit, ut dicit Galenus. Quod ubi intumescit splen, corpus marcescit, quia tunc redundant humores crassi maliq̃. Et sic dico, quod splen intumescit magis propter multitudinem alimenti mali & crassi, quam ex catarrho à capite defluente. At dicit Hipp. 6. Epid. com. 2. Aph. 4. qui subiecti sunt catarrho, non incidunt in tumorem splenis. Et Auic. cap. de catarrho, idem dicit de splene, qui uidetur contrariari Gal. quia Gal. affert tres causas, & primâ refutat Auic. primâ accipit tanquam Gal. & ipsum impugnat, sed ipse Gal. eam refutat, & adfert alias Auic. quas etiam habet Gal. & dicit, quod causa cur catarrholi non fiant splenetici, est, quia patientes catarrholi sunt frigidi, & plurimis cruditatibus abundant, & non sæce sanguinis, & cum non abundant sæce sanguinis, propter frigiditatem, ideo splen ipsorum non potest intumescere. Sed Galenus recitat tres causas, & primam quæ Sabini fuit, refutat, quod qui patiuntur in uno membro, non possunt in alio affici. Hoc non est bonum. Secunda ratio, quæ mihi uidetur cum priori eadem esse, quod natura scilicet non possit excrementa sua transmittere ad tot diuersa loca: sed cum fuerit aliquod membrum debile, ad illud omne superfluum depellit. Tertia, quam approbat Galenus & Auicenna etiam accipit, est cum dicebat, quod qui catarrholi sunt, frigidi essent, & tales non abundarent sæce sanguinis. Sed cur est quod ille simul destillationē & tumorem splenis patitur? Dico id fieri propter caliditatem membrorum inferiorum: & eadem causa quæ facit destillationem pro parte, facit tumorem splenis, quia generat plurimum sanguinem crassum & faculentum, ex quo repletur splen. Primo igitur est catarrhus falsus, qui fit propter uapores biliosos, ab hepate & ambitu totius eleuatos ad caput, & cum ipsum calidum reperiant, magis ibi excoquantur. Urina acrior, in qua arenule rubæ: hoc fit tum propter materiam descendentem ad illas partes, tum propter eorum acrimoniam. Urinæ impedimentum & suppressio fit, quia materię catarrhales collum uelicæ & meatus obstruunt, & ita stricta uia subtilis exit urina. Et hæc sunt causæ multiplicantes symptomata. Sed quod nam iudicium facis de hoc homine? quia uideo, quod si ista fluxio non fieret, caderet uel in apoplexiam, uel in pessimos morbos. Dico quod stante uentriculi frigiditate, quæ est cum propter catarrhum descendentem, tum propter caliditatem hepatis, absumentem pinguedinem omenti, tum deniq̃ propter pessimam uictus rationem: stante etiam caliditate hepatis & cerebri, concludo quod casus sit difficillimus, tamen minorando materiam medicamenti, & rectâ uictus rationem præscribendo: credo quod si non sanabitur ex toto, in meliorem tamen statû redigetur. Ideo si possemus refrigerare mandantia membra, ne tam calida essent, illi multum prodesset, & maxime continuis alimentis, quibus remouemus causas, ne materię de nouo generarentur. Cura igitur ad hoc redigatur, ut causæ harum fluxionum corrigantur. Et licet cerebrum mandet, tamen inferiora etiam ad ipsum mandant, scilicet hepar, uentriculus, & ambitus totius & omnium uenarum. Ideo debemus incipere à causis proximis, quod fiet prohibendo, ne materia noua generetur: quia si remoueatür materia nunc generata, & prohibeatur ne noua amplius generetur.

generetur, remouebitur etiam fluxio. Cum igitur plurima adfit materia generata in hoc corpore, & cacochymia, ideo euacuanda materia. Et notate, quod exquisitè antequam è domo proficisceretur, euacuatus est, & postea propter agitationem maris plurimum euomuit: nihilominus aliquantulò euacuarem, & prepararem materias, & rursus euacuarem uel ter uel quater, ut ita exquisitissime corpore euacuato, alterarem membra, & sic prohiberem ne noua materia amplius generaretur. At cum tria genera euacuationis ab Excell. V. sint proposita, uidelicet misso sanguinis, cauteria, & euacuatio pharmaca, ego laudarem missionem sanguinis, quia caliditas membrorum inferiorum, est causa omnium istorum symptomatum: & sic euacuaremus simul, & refrigeraremus hepar, facta prius lenitione alui cum flore calsiæ, quia semper omnem sanguinis missionem uolo, ut præcedat aliqua lenitio alui, non tantum per clysterem communem, aut florem calsiæ, quæ euacuat à ventriculo crassos humores, feruidos & adustos, sine aliqua attractione: quin etiam do minoratiua cum scamnoneatis aliquando fortioribus. Quicquid dicant alij, nunquam statim ad digestiua descendam: quia si prius digestiua exhibemus ante aliquam minorationem materiæ, humores crudi per uenas transeunt, atque eas obstruunt, & sic augent putredinem, uel eam si non adfit, efficiunt. A basilica igitur dextrilateris mitterem sanguinem. Syrupi essent de endiuia, de rosis. Intermitterem syrupum de papauere simplicem, quia uolumus preparare materias, non sistere. Præterea adderem oxymel (quod licet in ægritudinibus neruorum uisuperetur, tamen uideo Hippocratem exhibere in pleuritide, cuius causa est passio membranæ, & præstantis, est: & tertio ὤνισ, ubi neruus in profundo est uulneratus, iubet cum medicamentis misceri acetum, ut uirtus medicamenti uel ipsius aceti perducatur ad locum, nam in transitu annihilatur uirtus aceti, maxime quando permixtū est cum melle. Et licet in isto abundant humores biliosi, illi tamen sunt permixti cum pituita: cuius signum præbet falsus humor, qui uel propter adustionem pituitæ, uel ut Auicenna uoluit, ob permixtionem bilis cum pituita progenit) cum aqua endiuie, buglossæ, uel decocto eorum, aut alijs huiusmodi. Quo ad euacuationem, euacuarem etiam cum cochliis in principio, ut Galenus 3. Meth. etiam euacuat cum istis, & Rhazes ab eo accepit, & cochias appellauit. Ibi namque curat Galenus catarrhum cum istis in principio: & sunt optimæ in euacuanda materia crassa, pituitosa, existente in iuncturis, qui à longinquo trahunt: & cum pilulis de hermodactylis, & alijs in quibus agaricum & colocynthis ingrediuntur, quia in hermodactylis est uis trahendi à iuncturis, unde inflant uenas: ideo primæ, scilicet cochix, magis placerent. Euacuato corpore deuenirem ad corroborationem membrorum, & ratione podagræ diuersionem facerem. Credo quod si posset à uino abstinere, cū tanta caliditas sit in inferioribus membris, quod præstantissimum hoc esset remedium, licet habeat uentriculum imbecilliozem: fortasse si remouebitur catarrhus, & contemperabitur hepar, melius concoquet: & sic pro potu darem aquam correctam cum zucchero, uel cum modico cinnamomi & anisorum: & quia etiam Galenus dicit, quod uinum potens noceat neruis: sed patientibus podagram, uinum prohibetur, non quod forte tantum à potentia noceat, sed etiam alia de causa. Galenus tertio de ratione uictus, loquens de uino, ne trahat, inquit, materias fluxioni paratas per uasa: & ideo aquosum & subtile etiam nocet, quia aperit & præparat humorem, ut fluat ad iuncturas. Ideo uetamus uinū podagricis, quia timeamus nimiam apertionem, & humorum subtiliationem. Sed aqua magis refrigeraret quàm uinū, & non ita attenuaret. Et Auicenna proponit aquam mullam, abstergit enim, & per uias urinæ purgat: sed aqua cum saccharo & modico piperis an noceret splenī dico, quando splen esset tumefactus ex uentositate uel frigiditate, quod noceret: sed intumuit propter caliditatem, ideo proderit potus. Sed cur est quod aqua chalybeata exhibetur splenetico indurato: propter feruorem sanguinis, hoc fit, quia refrigerat hepar, quod ubi est refrigeratum, minus generat de fæce sanguinis. Hinc falso existimant, qui putant ex inflammatione hypochondriorum intumescere splenem. Quod si uinum uoluerit,

illud sit dulcissimum, quantum possibile est. Quod ad cauteria in capite, neq; actualia, neq; potentialia facerem, quia vitium non est cerebri, sed membrorum inferiorum, quæ mandant ad ipsum. Si esset catarrhus ex imbecillitate tantum cerebri, quod non posset concoquere proprium alimentum, forte convenirent: sed quia tota materia ab inferioribus membris ad ipsum eleuatur, ut non possit concoquere, nec diffilare, nec reprimere tot vapores, & quia calidum est cerebrum, non facerem cauteria, sed cum pulueribus frigidis & humidis, quales essent ex flore nenupharis, violarum, rosarum, (quia rosæ propter tenuitatem suæ substantiæ, faciunt ut talia penetrent, & sunt frigida: etiam) vapores reprimerem, & temperarem remperaturam cerebri. Quod autem cauteria non facerem ad talos, in causa est multitudo ibi nervorum, chordarum ac ligamentorum, sed potius infra genu: & plurimos noui taliter curatos, exhibitis prius opportunis remedijs. Nec mihi displiceat, ut assumeret aquas thermarum Veronensium, quas Calderianas uocant, quia conferrent spleni, & refrigerarent membra inferiora, hepar, renes, & uentriculum corroborarent sua astrictione. Ideo si aliquæ aquæ conferrent, credo quod istæ conferrent. Deinde in conseruatione uellem, ut denuo isto remedio uteretur, acciperet maximam aquæ quantitatem, & in ipsa myrobalanos, folia senæ, epithimum decoqueret, in quo decoctio infunderetur rosæ multoties, & in hac infusione pro una ℥. 4. uel 5. drachmas Rheubarbari apponeret, & facta infusione exprimeret, & faceret syrupum, qui optime euacuaret materias crassas & calidas omnes, & refrigeraret hepar, & acciperet uel semel qualibet septimana, uel ter in mense 3 quatuor pro uice. Nam ex myrobalanis habemus confortationem iuncturarum, & ex Rheubarbaro confortationem hepatis. Et hæc sunt quæ in hoc casu uolui dicere.

Pro uiro robusto podagrico, purgatio.

℞. Pilularum cochiarum 3 1.

Cum melle rosato formentur pilulæ, ab eo sumendæ in aurora, cum custodia.

Deinde.

℞. Mellis rosati

Syrupi de betonica ana 3 1.

Aquæ saluæ 3 4.

Misce pro uno & sic pro alijs quinque. Deinde;

℞. Pilularum aggregatiuarum 3 4.

Trochiscorum alhandal 6 8.

Cum melle rosato fiant pilulæ, & ea sumat in aurora, cum custodia.

De tumore pedum.

Si & mane & uesperis pedes semper tument: signum est materiam ibi firmatam quæ resoluitur ex saluâ, rosâ, camomilla, decoctis in uini & aquæ æquali portione, cum modico salis: & in eo teneat pedes mane & uesperis, ante coenam: beneq; abluat. Si uero uesperis tantum intumescant, mane non: cruditatis signum id est, & ratione uictus corrigendum: & trochiscis de absinthio uel Rheubarbaro.

De dolore genu obtuso ex destillatione pituitæ à capite,
pro Magnifico Veneto.

Consilium CCXLII.



Num considero recte considerandum, quòd iste Magnificus uir natura est calidæ temperaturæ hepatis & cerebri, uentriculi etiam non omnino frigidi, sed frigidiusculi. Cum ergo ab ortu suo habuerit calidum hepar & cerebrum, & nunc appareat dominium frigiditatis, & patiatur frigidam dispositionem à pituita, ut ab exeuntibus apparet, & à multitudine humoris pituitosi, iudicandum est non esse frigiditatem illam naturalem in capite. Cum ergo fuerit lapsus talis à propria natura, ideo forte non ita facile tollitur: quia cum ægrotudines contingunt præter propriam temperaturam, maior erit lapsus, quam si contingant similes propriæ temperaturæ. Ideo si frigida temperatura à frigida ægrotudine occupatur, minor erit lapsus, quam si calida ægrotudine affligeretur. Si ergo cerebrum fuerit naturaliter calidum, & nunc frigidam patiatur ægrotudinem, maior est lapsus: ideo diligenti cura est curandus. Circaq; symptomata primo conqueritur de dolore obtuso occupante utrunq; genu, maxime sinistrum: & dicit ita leuem esse, ac si pungeretur digitus, & leuiter suppuraretur, & leuis dolor perciperetur, cum tamen clamosi soleant esse: & licet multa materia descendat ad locum, & impediatur motus, nihilominus non dolet, nisi moveatur. Iste est modus doloris. In descensu autem materia percipit in motu illo frigiditatem: cum uero figitur, non. Conqueritur præterea quòd non potest libere mouere caput, & cum ascendit cymbam, uidetur quòd nauseam habeat, ac si fluctuaret in mari: & omnino conqueritur de debilitate capitis. Probabile est illam destillationem, quia omnia referuntur ad destillationem, à capite provenire: & cum aliqua calida, aliqua frigida, aliqua crassa, aliqua tenuis sit, pro modo doloris & pro modo descensus, credo quòd ista sit tenuis cum insigni humiditate: in actiuis uero credo quòd non sit multum frigida, nec calida. Et quòd non sit calida, patet, quia percipit frigiditatem aliquam. Non est etiam frigida admodum, quia frigiditas facit dolorem: quia Gal. dicebat 4. de simplici medicina, declarans illud Hipp. dictum: Frigidum ulceribus mordax, quòd frigidum soluit continuum. Et in sexto de locis affectis, & in secundo etiam inquit, ex humore frigido pituitoso fieri atrocissimos dolores, ut uideretur perforari locus, ut in colico & podagra: iste autem Magnificus uir est sine dolore, licet multam habeat materiam. Si igitur excedit, excedit per frigidum, & ita materia destillans humida sit & frigidiuscula, non tamen admodum frigida uidetur. Ex colore barba pilorum, est calidi cerebri à natura: ideo non potest deduci ad tantum lapsum, nisi fuerit admodum frigidum. Nec est multus lapsus, quia non patitur nouementum in hyeme, & melius se habet in æstate aliquantulum. Ideo non est hic tanta frigiditas, quia tempore hyemis, qui habent frigidum caput, læduntur. Est ergo destillationis causa, frigiditas capitis, non tamen multa. Fuit autem acquisita, uel quia decubuit in loco illo frigido & humido, uel quia in aëre frigido uersatus sit, ut incideret in lapsum, & in uapores ascendentes ad caput, sicut fumus ad caminum, qui inuenientes cerebrum seipso debilius redditum, non resoluuntur: nec cerebrum ita conficit alimentum sibi delatum, uti conuenit. Ideo humores illi in capite aggregati descendunt à uirtute expultrice propulsi per spondylos colli, per guttur, fauces, per uiam uentriculi, sed maxime per nervos à uertebis deductos ad iuncturas decurrunt tanquam ad partes debiles: & quia à natura institutum est, ut alterum membrum recipiat excrementa alterius, requiritur ut debilius sit, quia ita à natura factum est, ut fortiores partes transmittant superfluitates suas ad imbecilles: extremæ autem partes imbecilliores sunt, quoniam distant à fonte caloris & ab hepate, & sunt paratæ destillationibus frigidis: quia sicuti humores frigidi sunt parati ad partes inferiores

descendere, ita calidi ad superiores. Habet præterea uias latas, quia ab ortu habet deum caliditatis cum siccitate, hæc autem ubi est siccitati coniuncta, aperit uias, & propterea cum habeat latitudinem uiarum, & imbecillitatem crurum, non est mirum si destillatio deuenit ad crura. Ideo lapsus ex mala ratione uictus generatus est in cerebro, & generauit humores illos frigidos, quia ita generati per periodos, sicut fieri solet in omnibus superfluitatibus, decurrunt ad loca illa extrema. Et hanc credo esse causam o[mn]i[s] symptomatum, & quod tota origo sit in capite. Quod etiã humiditas sit in capite, patet ex hoc, quia balbus est: & Gal. super illo aph. Hipp. Balbi diarrhoea corripimur, reddit huius ratione, quia humidi capitis sunt. Cum igitur talis sit causa, & talis lapsus, & caput taliter præparatum sit, patet quid de præfatio sit dicendum. Curabitur quidẽ sed cauere debet, ne incurrat in malũ regimen uictus, quia habet præparationẽ naturalem, & lapsum habet in capite: ideo debet diligenter curari, & cum curatus fuerit, conseruare sanitatem, quia incideret in eandem, & forte deteriore[m] ægitudinem, puta in podagram, in paralyin, descendente multa materia per neruos & musculos ad iuncturas: ideo cauere debet, cum erit sanus. Cum quibus autem instrumentis? Bene hoc corpus debet euacuari, quia ubi sunt humores destillantes, à capite maxime, à leui qualibet causa uacillant, hoc non est nisi ratione uaporum & materie in capite aggregatæ: ideo corrigendi sunt humores & sanguis, & tota massa humoralis à superfluitatibus purgari debet. Euacuantia autem erunt agaricum maxime, quia trahit humores crassos & pituitosos. Ideo agaricum uel sub forma pilularum, uel temperatum, sicut electuarium aliquod, aut calsia cum agarico, & pro minoratio[n]e calsia cum histera simplici accipienda. Sed cum uoluerimus exquisitius purgare, loco histeræ simplicis poterimus ponere agaricum. Ideo uel cum calsia, uel cum rhabbarbo poterit euacuatio fieri. Talia ergo erunt genera medicinarum: nec pertransirem agaricum. Digerentia erunt syrupus de betonica, uel de stoechade simplici, cum portione oxymellis simplicis, uel syrupi acetosi, ut transitum maiorem haberet, cum decocto betonicae, endiuiae, cichoreae, ut habeatur ratio hepatis. Et ita factis mundificationibus, si uerum est quod caput habeat lapsum, si uolumus remouere lapsum, oportet euacuare ipsum per loca propria. Et ideo masticatoria adhiberem, cum mastiche, staphisagria, pipere, uel cum alio tali: caput purgium per nares cum succo maioranae, betæ, uel succo cyclamini. Masticare etiam radices capparum, ad extrahendam pituitam à capite, optimum est. Factis deriuationsibus corroborabitur caput cum puluisculis singulis diebus, & quando uadit dormitum, ex mace, garyophyllis, maiorana, ocimo, & cum alijs odoratis, quæ habent uim exiccandi pituitam. Pro remotione autem caloris, qui est in istis puluisculis, rosas, sandaracham, quæ exiccant & refrigerant, commiscerem, & super caput ponerem postea pileum: & ita corroborarem caput cum illo tenui puluisculo, & in hora uespertina curarem caput, ne amplius discederet à domo. Et facerem lixiuum corroboratiuum dulce, primo non ex cinere ex quercu, nec ex fortitudine illarum rerum in quibus est adstringendi uis & adurendi, ex qua adustione adstringantur pori. Et ideo asarum acciperem, & baccharam, senam, polypodium, camomillam, stoechadem, cum maiorana & iride, & ex ijs facerem lixiuum. Et fieret sponsum ex Garyophyllis, Mace, Cinnamomo: & musci aliquid, & Ambræ adderem, pro barba & capillis, & confortabit. Et istud sit pro sapone. Aliqui etiam ponunt frustum Agarici in lixiuo, & quando abluitur caput, loco saponis utuntur illo, quia habet uim quandam extrahendi: imò si ponatur supra locum Podagrae, tunc fit euacuatio pituitæ: Cur non fiet etiam si in capite ponatur? Præterea electuaria pro corroboratione requirerentur, & maxime Myrobalani Chebuli conditi, non tamen Venetjs conditi cum illis aquis malis. Ideo si haberi possent in India confecti, laudarem illos summopere: Sunt enim confecti cum syrupo de Carobolis uulgo dictis, id est, ceratis seu siliquis, & non calefaciunt. Theriaca aliquando & Mithridatum conueniret: Zuccharum autem rosatum inter omnia erit præstantissimum. Circa uictum, à coitu, ab exercitio post cibum caueat, non ambulet in sole: aurum

& boream uret: à loco humido caueat: non dormiat in meridie, & habitet in cubiculo uersus Orientem: & circa cibos, sit contentus cibus unius generis. Quo ad carnes, uisulina, hoedina, pullorum, auium montanarum, & oua sorbilia conuenientissima sunt: oua tamen cocta sint in aqua, uel igne: à butyro autem cum ouis cauendum est. Pisces nescio qui conuenirent, quia omnes ferè capiuntur prope magnificam hanc ciuitatem. Mihi placeret lucius, laudarem etiam auratas Istrianas, mullo barbaratas, id est, barbari. Faciatq; exercitia conuenientia. His omnibus peractis corroborationibus, & reliquis iam dictis, quia propositum fuit balneum, laudo illud: & cum habeat cerebrum calidum, lapsum ad frigidum, non ualet ratio Gal. 6, de tuenda sanis, qui utiuperat balnea ubi sit distillatio. Loquitur Galenus de intemperie calida & sicca: sed cum in casu nostro lapsus sit ad frigidum, ideo conuenirent, quia deducerent ad ueram temperaturam cerebrum: & non alterabitur, quia à simili non fit alteratio. Duciam præterea accipere poterit. Et ante omnia, factis istis omnibus, si remaneret debilitas aliqua in cruribus, ponere poterit Magnificentia Vestra crura in luto: & postremo faciem fontanellam in crure. Et hæc erant nobis recensenda pro salute Magnificentie Vestræ.

De tumore Podagrico in utroq; genu, pro Domino Gesorgio Freidel Germano,

Consilium CCXLIII.



In more existente in utroq; genu Nobilis uiri mature considerato, tum ex his quæ præcesserunt, tum ex his quæ subsequuntur, credo materiam eius non esse unam, sed disformem. Quantum enim attinet ad partem extrinsecam, durities quædam solidior tactui apparet, quæ tactui non cedit, ita ut foueam aliquando relinquat: pars uero interior ita intumescit, ut tangenti sensus manifestissimus status cuiusdam crassi appareat, atq; hic quoq; nulla fouea comprimenti relinquitur: quod propriam inseparabileq; signum est tumoris à pituita dependentis, qui oedema appellatur. Ergo tumor extrinsecus, ex quo oedema nullo pacto appellari potest, abscessus frigidus ad aliquam duritiem uergens est dicendus. Sed cum durities uel scirrhus sit uel à materia melancholica, uel pituitosa, probabile est pendere potius à succo melancholico: & coniectura est uenarum ille tumor uaricosus in totius cruris longitudine, circa eandem partem extrinsecus apparens: non enim dubitandum est eandem materiam esse illius tumoris, quæ in uenis adiacentibus apparet. Nec obstat quòd in superficie non appareat nigredo, quod signum, autore Galeno, distinguit inter duritiem melancholicam & pituitosam. Cum enim humor sit infra cutim, color em abscessus uidere non possumus: neq; enim cutis transparentis est. Ergo cutis color naturalis percipitur, & non ipsius abscessus. De tumore uero alio in parte intrinseca incipiente, paulo supra genu longe magis protuberante quàm in extrinseca, sicut non est dubitandum pendere à materia uel uapore crasso uel flatulento, ita non satis constat utrum in profundo sit materia melancholica uel pituitosa, unde huiusmodi status exoritur. Sed quod magis probabile est, uidetur in neutro loco materia esse absolute simplex, sed melancholicam pituitam quoq; commisceri, præcipue quoniam raro contingit alterum humorem inueniri posse sine altero: huiusmodi autem humores in uno corpore dominari, multis coniecturis haberi potest. Et sic cum temperatura huius nobilissimi uiri calida fuerit & biliosa, tamq; ad declinantem ætatem accedat, non mirum si humores melancholici multiplicentur diminuto calore, ut cum alijs quoq; talibus fieri contingit. Quòd si calor naturalis diminuitur, quantum per adulterinum multiplicatur melancholia, tantum per cruditatem pituita. Sed huc quoq; accessit cogitatio superflua, assidue enim cogitat, perpe-

nam scribendi studium, & ocium corporis magnum, quæ omnia ubi simul conveniunt, duo simul faciunt: corpus enim excecant, & calidos humores adurunt, præterea cruditatem ventriculi, cerebrique defillationes plurimas gignunt. At si his quoque addatur in cibo & potu pessima ratio, ita ut varijs cibarijs & computationibus potensissimæ vini vacatum fuerit, nulla postea causa deest ad hoc, ut duo illi humores dicti multiplicentur. Omnia autem convenisse in hoc nobili viro, ipso etiam referente & attestante, compertum habemus. Non dubitamus igitur huiusmodi causas esse tumorum præter naturam in utroque genere existentium. Sunt autem huiusmodi tumores sine dolore, cum neque faciant tensionem, neque alia insigni qualitate actiua præditi sint. Et cum ab his duabus causis dolores proveniunt, non est mirum, si dolor non adsit. Motus crurum impeditur, cum muscoli & principia chordarum finesque ita impediuntur, ut ad debitum terminum neque contrahi, neque distendi possint: & cum motus crurum fiat ex contractione & dilatatione oppositorum musculorum, ideo non ab re huiusmodi tumoribus impeditur. Verum fiunt varicosi, propter melancholici humoris redundantiam, ad partem imbecilliores per venas expulsi. Vtrum autem huiusmodi morbus sit ad articulare referendus, non est admodum disputare necessarium; fat enim est scire locum affectum, & eius naturam simul cum sua intemperie, & mala compositione, & proprijs causis: non enim curamus nomina, sed affectus. His igitur ita stantibus, dicimus hunc nobilem virum pro sua curatione indigere summa, assidua & longa diligentia; neque enim facile curabitur, sicut ego arbitror. Humores enim crassi & frigidi, in loco etiam frigido & profundo inculcati pertinaciter adherentes, non ita facile concoquentur & expellentur. Ac præterea notandum fomentum quotidianum & incrementum. Cuius signum est satis evidens, quod vespertinis horis semper augentur tumores: neque enim hoc esset, nisi nova materia deflueret. Oportet igitur ut nobilis iste vir cognoscens statum suum & naturam suæ aegritudinis, adhibeat perseverantiam, patientiam, & obedientiam: deberetque constantissime medicorum præceptis parere, alioqui non curabitur omnino, imò in peiores decidet & gravior dines. Proponantur ergo quæ agenda sunt, postea sua prudentia & fortitudine animi exequatur, & tandem optatam sanitatem assequetur. Principio in victus ratione potissima cura adhibenda est: in omnibus enim longis & pertinacibus morbis, nihil efficacius, nihil præstantius, quam optima victus ratio. Non tantum igitur Dominatio sua in cibo & potu studebit modum sibi præscribi, sed in reliquis quoque causis omnibus corpus humanum alterantibus. Et quoniam aer est primus qui occurrit, omni ingenio cauebit, ne occurrat aëri nubiloso & turbido: neque habitet in cubiculo aut obscuro, aut boreali statui exposito, aut humido & terreno: neque dormiat fenestris apertis, aut ablatis operimentis, sicut in æstate fieri consuevit. Euitabit etiam nocturnum aërem, neque vento se exponat tam australi quam boreali. Inter omnia euitabit omnes animi molestias, assidue cogitationes, scribendi consuetudinem præcipue post coenam & prandium: neque legat, aut aliquo modo intendant animum in aliquam rem. Sed nunquam repleto ventre exercebit corpus, quiescet ergo sumpto cibo tam animo quam corpore, & cum amicis iucundis versabitur, aut leniter ambulabit per cubiculum, vel stabit erectus, ut cibus melius ad fundum ventriculi descendat. Horis vero matutinis, & hora una ante coenam exercebit corpus exercitio moderato, ut superiores partes quammaxime exerceantur, inferioribus vero & cruribus non adeo laborantibus. Multique consulerunt, ut homo in huiusmodi calibus iaculando vel arcu se exerceret: alij consueverunt uti plumbeis pilis, quarum singulae pendant circa libras duas, quæ manibus contineantur, & cum his pondera agrentur, manibus supra, infra, & secundum omnem situm, usque ad manifestam mutationem anhelitus, & ad erumpentem sudorem. Ex hoc enim sic habetur conveniens exercitatio corporis, & caloris naturalis excitatio, excrementorumque diffusio, ac præterea diversio, eorumque excrementorum ab inferioribus ad superiora traductio, quod etiam maxime hoc loco querendum est. Ad hunc eundem usum maxime pertinent frictiones, quæ quondam

flant in superioribus partibus circa dorsum, brachia & pectus, manibus illitis oleo anethino & camomelino. Sunt autem hæc omnia non una aut altera septimana peragenda, sed pluribus subinde diebus, forte etiam mensibus, si utilitas sit inde percipienda. Morbus enim natura chronicus est & pertinacissimus, neque paucio tempore curari potest, quod quidem nobili huic viro semper in animo fixum esse oportet, videlicet ne credat se brevi tempore euasurum, sed perquam longa perseverantia esse utendum sibi persuadeat, alioquin seipsum decipiet, vel medicorum remedia vana erunt. Nocturno quidem somno prolixiori utetur, malleque ipsum dormire saltem per octo horas: sed interdum somnum tanquam pestem evitabit. Procurabit ut quotidianas alui excretiones habeat, laudaverimque ut tum pro alui mollitione, tum pro evacuatione & anersione humorum per aluum excretorum, tum etiam ad obstructions aperiendas, ad membra naturalia ac caput corroborandum, saltem bis singulis septimanis uteretur pilulis tribus pondere drachmæ, vel scrupulorum trium, horis tribus ante prandium, quæ haberent:

℞. Resinæ terebinthinæ Cypriæ	3	4.
Rhabbarbari optimi	3	1.
Garyophyllorum	3	2.

Pulverizentur pulverizanda, & omnia misceantur, & seruentur ad usum. Inter omnia studebit ut semper unico & simplici cibo contentus sit: nihil enim detestabilius, quam ciborum multitudo & varietas. Parce etiam comedat, & citra satietatem: sed longe parcius bibet, cauebitque tanquam à re perniciofa, à quolibet uino potenti, sed præcipue nigro & dulci. Cauebit etiam à comotationibus, neque bibet intra prandium & coenam. Cibus eligat facilis concoctionis & boni nutrimenti, qui apud omnes notissimi sunt, sicut caro hœdina, pullorum iuuenum, vituli lactentis: sed meo iudicio cauebit à piscibus, præsertim Venetis. Oua forbilia recentia maxime congruunt. Fercula ex farre, hordeo, spelta, beta etiam cum boragine, buglossa & petroselinis, non negantur: conceditur etiam lactuca, si parce comedatur: nec omnino sunt detestandi asparagi, præcipue dulces, & hortenses. Cauebit à caseo tam recenti quam antiquo, & ab omnibus lacticiis, à carnibus antiquis & salitis, à leguminibus, à rebus frictis in sartagine. Parcius conabitur quam prandebit: sed & prandium erit moderatum. Non ibit cubitum nisi per duas horas post cibum, & si poterit vel leniter deambulet, vel erectus maneat, citra tamen defatigationem. Hæc diligentissime sunt observanda, non uno aut altero mense tantum, sed per plurimum temporis, alioqui non tantum non sanaretur, sed etiam in deteriores dispositiones prolaberetur. Sed præter hanc vivendi rationem, erit etiam ad reliqua medicinalia remedia accedendum, in quibus illa præcipue consulo, ut bis in anno purgetur, vere inquam & autumno. Purgatioque hoc modo esse poterit:

℞. Floris cassiæ	3	10.
Specierum hieræ simp.	3	2.

Cum zucchero fiat bolus, sumat tribus horis ante prandium. Item

℞. Syrupi de cichorea		
Nicoli sine rhabarb.		
Oxymellis simp.	ana	3 1.
Decoctionis Ceterach		
Liquiritiæ		
Capillorum Veneris, in aqua buglossæ destillata factæ	3	4.

Misce pro uno syrupo, & sic pro alijs usque ad septem vel novem. Sed ubi acceptus erit duos primos syropos in purgatione veris tantum, mittetur sanguis ex basilica dextri lateris usque ad uncias octo. Postea acceptis novem syrups, accipiat pharmacum, quod erit tale:

℞. Confectionis hamech	3	4.
Oxymellis scillitici	3	2.

Si 4 Cum

Cum decocto Cetrach & Polypodij fiat potus brevis; sumatur in aurora cum custodia. Facta evacuatione ueris, abstinebit ab omni pharmaco usque ad autumnum, præter illam tantum terebinthinam, uel pilulas ex terebinthina, de quibus supra locuti sumus. Vtetur tantum nonnullis gratis & iucundis confectionibus, ad membra con-
temperanda, sicut est huiusmodi:

℞. Zucchari rosacei

Boraginati

Violati

ana 3 2.

Misce, & ponantur in uase mundo uitreo, & deurentur. Et ex hoc electuario sumat senunciam tribus horis ante prandium. Quandoque etiam loco istius electuarij sumat myrobalanum conditam chebulam, uel bellericam, uel emblicam. Sed quæ attinent ad ipsa loca, hoc est, ad genera localiter medicanda, non hic describimus nunc, quoniam longe melius ut S. D. purgetur primo, deinde per multos dies perseueret in dicta instituta, & in omnibus his quæ admonuimus. Nam facile potest contingere, ut inde curetur absque aliqua molestia circa genua, à quibus quantum possumus, abstinere debemus. Nam nihil est quod magis debilitet iuncturas, & præparet ipsas ad omnem defluxum recipiendum, quam fomentare, inungere & linire. Sed si oportebit, & nos post aliquot menses admonebit, procurabimus ut id quoque quam maxime tuto fiat. Vnum hic non omittam: quod si perfecta purgatione huius ueris, quemadmodum ordinauimus, uellet hoc accedere, & accipere aquas thermarum nostrarum, & in illis etiam fouere crura, fore illi utilissimum. Vnde consulo, ut eo tempore huius rei gratia omnino Patauium se conferre haud grauetur.

Pro eodem extat Consilium alterum inter Chirurgica.

De tumore cedematico utriusque pedis, pro ciue Ferrariensi.

Consilium CCXLIII.



Quando aliquis pituita & succo melancholico suapte natura redundat, non uideo propter aliquam aliam causam esse posse, nisi quia uentriculum habeat frigidiores, hepar uero calidius: ita enim pituita in uentriculo plus æquo multiplicatur, sicut in hepate sanguis redditur crassior, & supraquam oportet excoctus. Quod si etiam caput excrementosum, frigidum, mucosumque fuerit, non facile euitabit hic homo morbos, qui uel à melancholico succo, uel longe magis à pituita generari solent, præcipue si incongrua uicij ratio accesserit, & æris intemperies. Cum ergo hæc omnia de hoc nobilissimo uiro enarrentur, haud ab re esse uidetur, si tumor ille laxus & cedematicus utrumque pedem uexet, æstare præcipue, ita tamen ut non sit absque aliqua caliditate, modicoque rubore: multitudo enim pituitæ per uenas distributa, & plus æquo multiplicata, tandem expellitur uigore facultatis expultricis, & sicut est grauis & ponderosa, potius ad infimas partes declinat, æstareque id præcipue contingit: nam præterquam quod in æstate plus delinquit, tum copia potus frigidioris, tum fructuum, crudorumque olerum, & rerum frigidarum assiduo usu, tum quia nudo uentriculo frigidus aer & humidus quam maxime occurrit. Sunt etiam meatus & uasa magis laxa & ampla, humoresque delucentes subtiliores: hyeme omnia contraria eueniunt. Non mirum ergo est, si æstate pedes intumescant, hyeme exsiccentur. Sed quod nonnihil caliditatis & ruboris ad cedematicum tumorem accedat, non absolum est: nam & hepar calidum nonnihil transmittit subtilioris sanguinis pituitæ permixti, quam rem etiam adiuuat calor æstatis. Eandem uidetur habere rationem, cur cum decumbit aut quiescit, tumor non accedit, & qui accesserit remittatur: ex motu enim constat humores agitari, attenuari, & moueri, in quiete uero sisti, neque in prouum descendere. Hæc de causis affectus à me

audiri.

auditi. Curatio igitur dirigenda uidetur contra proximas causas symptomatum: ergo qui generati sunt humores, euacuandi & auerendi: deinde prohibendum ne generentur, quod duplicem scopum habet: Primus est, ut rectissima uictus ratio adhibeatur: secundus est, ut membra corroborentur, ad contrarios habitus deducendo. Quantum igitur ad rectam uictus rationem attinet, constat à calore aëris quàmmaxime custodiri oportere: experientia enim comprobatur, sub calidiore tantum aëre pedes tumescere. Et non dissimili ratione ab ira quoque & uehementibus tum animi, tum corporis motibus abstinere oportet, cum experiatur agitatione & motu eosdem tumores excitari. Consulo igitur, ut superiores potius partes exerceat, ut sagittando, lapidem aut palum ferreum iaculando, prout illi magis gratum, aut uiribus magis commodum uel magis consuetum fuerit: earum quoque partium superiorum quotidianas frictiones præcipue æstatis tempore, faciendas consulerem: ita enim auerteretur materia, quæ ad pedes decumbit. Quod si æstatis tempore aerem Ferrariensem mutare possit, & ad subtiliorem sicciorēque accedere, qualis esset Bononiensis, non parum crederem pro futurum. Quod autem debeat esse parcior potus uini subribrui, & bene maturi, ne nimius humor redundet, etiam me tacente facile cogitatu esse arbitror: sicut etiam quod cibi sint offerendi optimi alimentis, & paucarum superfluitatum. Particularem uero materiam singulorum nimis inepte hoc loco aggregandam censeo, cum semper magnificus iste uir prope clarissimos medicos sit moraturus. Hac igitur uictus ratione prohibetur generatio excrementorum. Quantum uero ad euacuationem eorum qualem fuerint generati, laudo primo ut uere purgetur: & si in tumore illo pedum sanguinis aliquod domitium appareat, sicut suspicari possumus ex intellecta rubedine & caliditate, etiam aliquid sanguinis est detrahendum: facile enim ex hac annua purgatione abscindetur materia, quæ æstatis tempore ad pedes solet decumbere. In alijs uero temporibus ad purgationem habeat aliquod familiare, quod facile educat, & leniat aluum, ut corpus minime excrementosum seruetur: eritque hoc præcipue necessarium, si forte aluum adstrictam habuerit. Darem igitur uel hieræ simplicis Gal. de sex rebus scrupulum, uel scrup. duos, prout aluus magis uel minus obediens. Hieram intelligo ipsas species in pilularum formam redactas, uel rhabarbarum cum saccharo rosacco, quod mihi magis placeret tempore æstatis. Nec displicet usus frequens terebinthinæ Cypriæ ad hanc eandem commoditatem præstandam. Quantum uero ad membrorum tum mandantium, tum recipientium corroborationem attinet, pro uentriculo quidem & hepate, illius eiusdem hieræ & rhabarbari usus non tantum leniet aluum, sed etiam roborabit ea membra naturalia. Pedes uero qui recipiunt excrementa, ad medium ueris per totam æstatem alternis saltem diebus abluendos putauerim decoctione rosarum, saluæ, nucum cupressi, rasuræ tabularum cupressi, chamæmeli, aliqua etiam salis portiuncula adiecta, ita ut lotio fieret boris matutinis, uidelicet ante prandium. Neque malum putauerim, si post lotionem partes ablutas inunxerit aliquo oleo de citoneis, uel de baccis myrti. Et hæc, si modo recte seruata fuerint, forte sufficient ad curationem, & præseruationem huius nobilissimi uiri.

De Podagra, morbo Gallico, & Tabe, unà cum pruritum maximo.

Consilium CCXLV.



Uita sunt symptomata in hoc nobilissimo uiro: tria tamen sunt præcipua, quæ ueniunt considerata, & de his etiam maxime conqueritur: ideo de his dicam, reliquis prætermittis: & ea etiā in sua signa & causas referam. Prima dispositio præter naturā sunt dolores podagrici, & tumores circa partes extremas pedū & manū. Secunda consumptio totius

corporis. Tertia, pruritus uehementissimus, & maxime circa extremas partes & pedenda. Et quia nullus morbus nec cognosci nec curari recte potest, nisi ex cognitione suarum causarum, ideo singularum naturam & causas uidebimus. Primo dolor & tumores necessario proueniunt ab aliquo defluxu materię, & sic habent omnino causam aliquam materialem; & in hoc semper quatuor concurrunt. Primum, locus qui patitur. Vbi considerandum, an patiatur per se, an per consensum. Secundum, materia quę defluit. Tertium, unde deueniat. Quartum, per quas uias. In dolore podagrico si hæc quatuor recte considerentur, medicus poterit & recte prognosticari, & recte etiam curare. Primo quo ad locum, an hic defluxus & dolor sit ratione loci affectus? Dico quod locus ipse principaliter afficitur; sunt enim ibi omnia præter naturam; nam corrupta est figura membrorum & forma, & destructa est quantitas, nam tumor est insignis; item est solutio continui in illis partibus, & ista omnia procedunt à malate peratura, cui insint tot malę compositiones. Ergo hæc loca cum sint extra naturalem suam dispositionem, sunt affecta, & sic nec attractio, nec concoctio, nec ulla uirtutum naturalium fortis est. Item est impedimentum in uirtute motiua, & sic secundum omnem modum, compositionem & temperaturam, patiuntur illa membra. Et uideo quod quam uis ad illa loca nihil affluat aut demandetur, tamen non esse sana, sed corrumpetur etiam nutrimentum influens optimum. Secundo, perpetuo influit materia, unde dolor semper renouatur per 15. dies, ex accessu scilicet nouę materię: & hæc materia inquirenda est. Et plerumque quælibet materia podagra est duplex: pituitosa & biliosa, cum aliqua parte sanguinis. Vnde uidemus podagricos primo rubescere, deinde autem tophos illos & materiam fieri albam. Ergo supponatur nunc talis materia, & infra etiam probabo. Et intelligo bilem tum eam quę est ex permissione pituitę, & etiam uitellinam quę ex aduisione. Tertio, unde deueniat ista materia quę influit. Ex habitu corporis, & propria eius temperatura, & etiam ratione uiuendi. Hoc inde colligi potest. Primo est calidi & sicci hepatis, & talis natura duo solet maxime pati: primo, quod in uentriculo generantur plurima excrementa pituitosa: cum enim habeat graues musculos abdominis, inde priuatur instrumento calefaciente uentriculum, & sic plurimę pituitosę superfluitates generantur propter imbecillitatem uentriculi, & concoctio uentriculi fit elixatione, id est, humido calore, non sicco, & præternaturali. Et conueritur ipse quod habeat tarditatem concoctionis, & cum sit concoctio diminuta, erit ex frigiditate. Quo ad hepar, est calidum, & hoc clarum ex pruritu & habitu corporis, & usus est multis exercitijs & uinis potentibus, & postea uixit in ocio, unde aggregati multi humores, qui non potuerunt dissolui suo consæto exercitio: præterea medici male eum curarunt, mittendo illum in tempore calidissimo ad thermas. Et licet bibat aquas de Villâ, quę sunt frigidę, tamen Gal. dicit quod omnes thermę exicant, licet sint frigidę. Item totum cerebrum est deductum ad dyscrasiam ex illo stilliticio, ut Gal. 6. de tuen. ualeat. describit incommoda illa quę sequuntur ex intemperatiuo usu illorum, quę uidemus etiam hic, ut Gal. in eo loco descripsit, scilicet maximam destillationem & fluxum diarrhicum. Hęc destillatio per neruos defluens, facit dolores. Hepar generat biliosos humores, uentriculus frigidior pituitam, & cerebrum etiam catarrhum facit, cuius calor consumptus est ex illis embrochis: & licet habuerit naturalem temperiem cerebri calidam, ut apparet ex facie Mercuriali &c. tamen ex consumptione huius caloris naturalis est factum frigidum, & facta quędam dispositio senilis, ut recte dixit Excellentissimus Do. Quarto, per quas uias deuenit iste fluxus? Dico quod habet omnes uias, & uenas & arterias latas, quia cor est calidum, est enim animosus. Et est adhuc signum manifestissimum, quia scilicet excernit plurimum de urina, etiam si modice bibat, adeo ut mirum sit, & uix uiderim in aliquo tantum urinę. Et hoc fit propter duo: Primo, propter latitudinem uiarum, & aliam causam quam mox dicam. Ergo cum concurrunt hæc quatuor, necessarium est talem materiam defluere ad locum. Quo ad causam & consumptionem corporis, unde sit. Ego dicam opinionem meam. Quia cum sit consumptio

maxima, & non tantum humidum nutritionale, sed etiam substantificum consumatur, necesse est quod vel aliquid sit in membro, ut est vel caliditas insignis, vel frigiditas & siccitas &c. & sic potest accidere corruptio: licet nutrimentum adueniens sit bonum, quia membra sunt imbecilla, ut non attrahant nutrimentum, & ita fit atrophica. Vel ista consumptio potius est propter malum nutrimentum & corruptum, demissum ad membra. Dico quod in hoc corpore & ægritudine, causa illius consumptionis sunt deprauati humores, quia in hepate sunt calidiores, in ventriculo falsi: & cause fuerunt plurimæ. Primo caliditas hepatis: secundo morbus Gallicus, in quo quæcunque sit intemperies, semper humores sunt adusti. Et signum est, quia præter maciem & dolorem, habent etiam deprauatissimum colorem: & talis est color, qualis huius mor. 4. de uen. ualet. Ergo cum uir ille patiatur morbum Gallicum, & ad sit caliditas hepatis, unde deprauati humores generantur, & generati etiam sunt iandiu, hæc etiam causa est pruritus. Sed etiam credo quod illa membra calida & sicca, sint reddita calidiora & sicciora seipsis, & quod postea sint facta frigida & sicca, ut Galenus, tum ex progressu ætatis, tum ex illis exercitijs, uenere, thermis &c. Et sic quia extrema membra etiam sunt affecta, ideo duo concurrunt: primum, deprauatum alimentum: secundum, membra quæ non recipiunt suum alimentum. Et quod maxime alimentum corruptum sit in causa huius exiccationis, habeo signum hoc: quia illa membra quæ sunt prope uentriculum & uentrem inferiorem, non sunt ita exiccata, quia illa membra exaturantur ex meliore parte alimenti, & ideo illa membra naturalia non sunt ita affecta, ut membra remotiora. Et hinc sequitur, quod non sit illa tabes ex corde. Hoc probo ex tribus: primo, quia pulsus non est ita durus: secundo, membra circa uentrem inferiorem non sunt ita affecta: tertio, in arterijs non est magna imbecillitas. Et cum Galenus dicat, secundo de causis pulsuum, quod in tabe cordis necessario cadit uirtus: ideo non credo quod sit hæc tabes ex corde exiccato, sed propter duas causas iam dictas. Quo ad tertium, pruritus habet facilem causam, & agnitionem causæ. Nam stantibus, maxima deprauatione humorum, & hepate calido, & cerebro & uentriculo tali, ut generent plurimum pituitæ, quid mirum? Nam pituita si aduratur, fit falsa, & potest etiam ex putredine fieri ista pituita falsa. Duæ enim hæc sunt causæ salsedinis pituitæ. Ergo cum hic sit caliditas ignea, & pituita facile putrescat, fit scabies: & secundum maiorem & minorem adustionem, sunt illæ affectiones cutis. Et hinc etiam senes facilius patiuntur pruritus, & immedicabilem, quia insensibiles sunt plurimi humores falsi & adusti. Habemus igitur causas horum trium symptomatum. His ita se habentibus unum dicam circa prognosticum. Quo ad podagram confirmatam non uideo curationem. Quantum ad humorem affluentem, si possemus corrumpere membra mandantia, possemus etiam prohibere affluxum horum humorum. Quo ad euacuationem idem dicendum, quia pendet ab eadem causa: & si possemus emendare illa tria membra, fortasse iuuare possemus. Quo ad euacuationem, utrum debeamus procedere cum balneis? Et non immerito facta est difficultas & dubitatio inter Excell. Doctores. Quia si possemus nutrire corpus, & augere humidum in hoc corpore, ego crederem quod reliqua etiam faciliora essent. Quæ uia ergo melior? Propositus est & usus lactis, & apertio meatuum &c. Sed quoniam illa humectatio fieri non potest, nisi fiat attractio nutrimenti ad membra, & oportet ut penetret, & ut calor membri, qui est elixans, augeatur, ideo debet augeri calor membrorum, & corroborari, ne tamen fiant membra ita laxa, ut non possint humiditatem concoquere & dilatare. Et ideo Galenus optime uoluit fieri balneum, licet balneum diffilare faciat. Ideo etiam uoluit quod subito post balneum debemus uel irrorare corpus aqua frigida, uel inungere oleo quodam conspitante, ut alimentum retineatur. Et sic ego non uideo quomodo ista balnea possint impedire operationes nostras: primo, quia corroborant membra, & attrahunt alimentum, & colliquant excrementa, & sic fortasse iuuabunt etiam podagricos dolores, quia illa membra non nutriuntur, sed habent excrementa plurima cruda. Et non semper ista balnea faciunt desilire humores, si non sint humores multi:

& quamuis

& quamuis aliquid defluat, potius erit ad bonum. Et sicut Galen. de oxymelire dicit, idem etiam de hoc auxilio dicere possumus, nullum praesidium tam bonum esse, quin habeat aliquod nocumentum. Nolite ergo ita abhorrere ab his balneis. Et sic post balneum applicarem oleum rosaceum simplex, quod confortat, & prohibet ne corpus resoluatur laxatum per balneum. Sunt etiam aperiendi meatus intrinseci, non extrinseci. De lacte mihi summopere placeret post euacuationem, sed non mulieris, licet hoc sit conuenientissimum ad alendum, propter salacitatem, quia est salacissimum. Syrupum darem ex sero caprino, & imponerem oxymel, & mel ros. pro corroborando uentriculo. Ras sis dat 5. beminas oxymellis. Calsiam laudarem cum syrup ros. Dari posset lignum, & aqua ligni: sed lignum non sit exiccatum. Primo euacuetur, postea detur lac, & corroboretur calor innatus.

Exactissima Morbi Gallici atq; omnium propemodum propriorum
eius symptomatum ac praecipue Rhagadum curatio, pro Illu-
strissimo atq; Excellentissimo Galeotto Pico
Mirandulano Principe Dignissimo

Consilium CCXLVI.

Ex Italico latinum factum, per Hieronymum Donzellinum.



Llustrissimae Dominationis uestrae corpus neq; in membris suis, neq; in omnibus aetatibus, eisdem affectibus, sed longe diuersis obnoxium fuit. Membrorum quidem praesens status huiusmodi est, ut cum relique actiones omnes integrae sint, ac recte ualeant, in infima tamen recti intestini parte ac exitu, multiplici (ut postea dicetur) morbo infestatur. In diuersis etiam aetatibus, alijs atq; alijs affectibus fuit exagitatum, & ita fuit comparatum, ut facile mutari atq; alterari posset. Cum igitur uestrae ualitudinis nobis proposita sit cura, omnes illi affectus uarij atq; multiplices, quibus aut iam laborat, aut ne in posterum redeant, est uerendum, distinguendi mihi necessario uidentur: id quod ex multis quibus antea illustriiss. V. D. usa est consilij, facile intelligetur. Ab eo igitur, qui nunc infestat, morbo initium sumam, quem etiam ceteris omnibus, quibus iamdiu est conflictata, leuiorem esse, ipsamet confitetur. Quoniam autem (ut dictum est antea) omnes actiones, unica excepta, sunt integrae, illa in praesens omissa, quomodo reliquae in sua integritate conservari debeant, explicabo. Recta uero earum ualeudo minime conservari potest, nisi a lapsu membra praeseruentur, quae in hoc corpore inaequaliter admodum sunt temperata, & ut turbam aliquam faciant, ac sibi inuicem aduersentur, praeparata. Vt autem in singulorum particulatim natura explicanda insistam, & cor & hepar insignem habere naturam caliditatem affirmo: id uero tum ex eorum actionibus, tum ex his quae ab illis efficiuntur, satis apparet: ea autem quod aperta admodum sint, breuitatis causa nunc praetermitto. Hepati tamen alia quoq; aduentitia qualitas est adiuncta: ea ex Gallico morbo originem duxit, & peculiarem quandam uim hepati adiungit, qua humores ac sanguinem exurit, ac eos semper magis ac magis exaestat. Ea autem uis non idem in omnibus efficere solet: liquidem in hepate natura praedito calidiore, multo est deterior, & magis metuenda. Quare cum V. D. hepar huiusmodi sit natura scilicet calidum, deinde luc etiam Gallica infectum, prauum & exustum sanguinem perpetuo generari est necesse: unde etiam fit, ut inde geniti spiritus, eius sanguinis naturam seruent, potissimum autem cum in corde gignantur, in quo calorem immoderatum esse iam diximus. Huius autem rei plurima sunt argumenta. Primum enim, spiritus esse calidiores ac feruere, indicio est frequens illa exardescencia & inflammatio, sine ulla occasione: ac ephemera corripitur febre: capitis calefactio, & insignis saepe rubedo, ut ipsa quoq;

quæq; alba oculi tunica rubore suffundatur: hæc enim omnia non aliam, quàm spiritus calidiores ac igneos, causam habent. Hinc etiam fit ut hæc omnia citissime dissolvantur: id quod omnibus qui à spirituum motu proficiuntur affectibus, solet accidere. Sanguinem autem exustum ac feruidum generari, icteri, febres, & præteriti corporis squælores, satis manifeste declarant; ea enim omnia è calidioris ac feruidi sanguinis pravitate oriuntur. Qui vero singulis noctibus nunc etiam prodit sudor, cum multæ iam administratæ sint purgationes, & quæ refrigerandi vim habeant exhibita medicamenta, non aliunde fit, quàm ex sanguine nutritioni inepto, quem aliquanto quàm antea robustior facta natura, attenuat, separat, & tanquam minus idoneum alimentum expellit: idq; in nocte, cum ob nativæ caloris ad inferiores partes reditum, actiones suas perfectius absoluit. Et hæc quidem hæctenus de his symptomatis, quæ hepatis & cordis intemperiem sequuntur. Accedit hisce etiam ventriculus, qui cum peculiari sibi nativo calore destituatur, pituitæ generationi valde est accommodatus: quæ certe non olim tantum copiosam genuit, sed nunc etiam, etsi in victus ratione summa adhibetur diligentia, gignit. Adest præterea capitis temperatura, quæ mea quidem sententiâ calida est & siccat; atq; ideo non tantum nimiam aliorum membrorum caliditatem non temperat, sed calida atq; exusta excrementa non pauca contrahit: cuius rei sinister oculus manifestum indicium præbet, qui & diminuta visione, & abscessibus in palpebris laborat, ac semper ferè est ophthalmicus. In hoc autem potius quàm in sinistro, symptomata hæc conspiciuntur, quod ob acceptum olim vulnus debiliior est factus. Cui igitur huius corporis integras actiones conservare propositum fuerit, is (ut superius dictum est) immoderatas horum membrorum intemperies frangere, & ad mutuam quandam concordiam, ut melius inter se consentiant, revocare debet, atq; hæc proprie dicenda est præservatio. Cum autem in hoc instituto quædam communia sint, quædam etiam particularia, à communibus exorsi, ad particularia deinceps accedemus. Aër nobis occurrat in primis, qui quàm fieri potest temperatissimus est eligendus: neq; enim nimium aut tenuis aut crassus, frigidus aut calidus, aut alicuius paludis exhalatione infectus esse debet; eadem etiam ratione nec à ventis agitaturnec à pluvîa madidum esse oportet. Scio equidem Illust. D. V. institutum, & tum bellicas tum civiles actiones eiusmodi esse, ut summa qua opus est diligentia, observare hæc minime possit; utilissimum tamen illi fuerit, ea sibi habere perspecta, quorum excessum declinare summopere debet. Cum igitur iam à me sit admonita, ad eius prudentiam pertinebit, opportune ingruentia incommoda moderari, & cum corpus uniuersum, tum caput præcipue, idoneis tegumentis, pro imminente aëris intemperie, tueri ac munire. Quod vero de aëre à me nunc dictum est, id rebus omnibus accommodari debet, quas cum maxime moderatas & corpori commodas esse oporteat, si non ad unguem observari, quo ad fieri potest tamen moderari debent. Proximè sunt ab aëre animi perturbationes, ut ira, molestæ cogitationes, & reliqua his similia: quæ certe Illust. V. D. summa animi prudentia frenare ac coercere debet: si quando enim illorum intemperantiæ sese permittet, supraquàm credi potest corpus plurimum immutabunt, atq; ita sane, ut affectibus plus æquo animum diuexantibus, alia auxilia uix quicquam sint profutura. Summo igitur studio, diligentia atq; animi moderatione, sunt coercendi. Sequitur ut de corporis exercitatione dicam: quæ certe si opportune fiat admodum est necessaria: cum tamen Illust. D. V. militarem vitam agat, & ob gravissima negotia cogatur varias regiones peragrarè, minuire potius ac moderari quàm augere illam debet. Huic enim corpori uehementer calido ac resolutioni parato, plus fortasse periculi ex nimia quàm ex pauca exercitatio ne est metuendum. Quemadmodum igitur perpetuum ocium non probo, ita illi autor sum ne in exercendo modum excedat: potissimum autem in loco aprico, in aëre calidiorè, post prandium aut cibum qualemcumq; tum enim prodesse nihil, obesse autem plurimum potest. Si quando igitur Illust. D. V. iter suscipere cogatur, suadeo ut mane ieiuno ventriculo totius diei iter perficiat: à prandio uero, aut nullum, aut breue, & non nisi longo post cibum intervallo, iter conficiat. Quod si totam diem equitandum

illi esset, mane prandebit parce, aut potius parcissime: uerbi causa, qua duo, & exiguum panem in iure infusum edet, & semel tantum bibet. Nec uero opus est me illam etiam admonere, eiusmodi equum esse debere, ut apte incedat: sellam uero & opusmam, & selsioni commodam: hoc enim ipsa non tantum ex nobili sua ac prædara conditione, uerum etiam necessitate magistra satis est edocta. Ad somnum uero quod attinet, septem minimum horarum spatium dormiendum puto, idque in nocte, quod si nocturnus somnus aut interruptus, aut impeditus sit, ut de spatio iam dicto pars non mediocris detraheretur, suaderem ut in meridie tantundem dormiret: moderatum enim somnum in hoc corpore maxime probo. Quod si legitimum temporis spatium dormierit in nocte, longe consultius est ut interdiu penitus abstineat à somno. Singulis etiam diebus aluum mollem esse oportet: quod si sponte non deiciat, artis auxilio urendum erit. Vt enim corpus hoc commodè præseruari possit, naturalium excrementorum quotidiana expurgatio est necessaria. Si igitur huic muniti natura desit, commoda aliqua ratione erit adiuuanda: nec tamen clysterium uim adhibendam esse puto, grauiori enim necessitati illa est ad mouenda, scilicet cum leuiora ac tutiora auxilia non profuerint. Vbi igitur aluum mollire erit necesse, mane ante cibum, aut etiam cum cibo in prandio, decem aut duodecim pruna siccata, plura aut pauciora, pro illorum magnitudinis ratione, sunt deuoranda: ea tamen in iure pulli cum saccharo molli igne ita decocta esse oportet, ut melior iuris pars sit absumpta, pruna uero molliora sint facta, totumque illud ad saporem cuiusdam consistentiam deductum: ac tum pruna cum suo illo iure comedet, id quod ad leniendam aluum, & efficax & familiare, omni etiam noxa carens auxilium est futurum. Idem etiam præstabunt passularum orientalium uncia duæ, mane ante cibum singulis diebus sumptæ: illas autem nigerrimas, pinguisimas, dulcissimas, ac recentissimas esse oportet. Idem etiam pulli ius efficiet, in quo malua, beta ac mercurialis sint decocta: & hoc quidem medicamenti magis naturam refert, sed ualde commodum est ac salutare, & à ueteribus etiam summopere commendatum. Cum igitur huiusmodi aliquo auxilio opus erit, Illust. D. V. illud eliget quod magis probabit, aut quod felicius officium faciet. De potu ac cibo ita statuo: in primis pro uentriculo eiusmodi uinum esse eligendum, quod ubi fuerit ingestum, miserum uentriculum sua aut aciditate, aut austeritate, aut acerbitate non lincinet, uiolet aut discerpat, ne tamen hepar aut exurat, aut incendat, potens admodum esse minime oportet. Vinum itaque maturum, boni saporis, nec potens, nec imbecillum, sed mediocre eligetur. Colore autem sit aut album, aut rubrum, aut inter hos medium, in primis uero tenuis substantiæ ac pellucidum. A musto penitus abstinere, nec nisi ubi per quatuor saltem menses quieuerit, illud bibet. Communem Dominorum ac Principum consuetudinem sibi maxime perniciosam existimabit, qui uinum aut glaciæ, aut alia ratione refrigeratum bibunt: pessimus enim hic Principum mos, luxus, delicatissimus & nimio studio exquisitæ uoluptatis poenas dare illos cogit, dum & grauissimis morbis consistantur, & iusto citius uitæ suæ curriculum abfoluant. Eorum tamen fors est miseranda: cum enim magna ac perpetua putredine in illis uentriculi laborent, ardore quodam à ciborum uarietate ac multitudine genito exarsuerint, & molestia anxietate ac siti uehementi continue anhelent, dum ea incommoda sedare atque extinguere se posse existimant, quam graui suo damno hallucinentur ignari, errorem errore cumulantes, illa augent, ac ueluti flabello incendunt. Cum tamen D. V. Illust. in alijs rebus omnibus summa & prudentia & moderatione utatur, & supra communem ac uulgarem Principum rationem, præclari ac nobilissimi intellectus sui præstantia sese erigat atque attollat, communi etiam illo errore minime implicatur. Ea igitur hæc esse uerissima, ipso usu intelliget: quæ etiam si exacte obseruabit, maxima sua animi uoluptate, infelices alienorum errorum exitus spectabit. Eiusmodi itaque, quo ipsa utetur, uinum esse oportet: quod etiam moderate bibi, & tantum in mensa, debet. De cibis autem in primis generalis illa regula sancitur, in ualitudine tuenda cibum seu obsonium simplex atque unum esse oportere: ac, ut mea quidem fert sententia, deterius est uti ciborum

ciborum laudabilium etiam ac salubrium uarietate, quam unico, utcumq; etiam sit prauus. Hoc autem uerissimum esse, multorum populorum usus docet, qui cum solis piscibus, crudis quidem illis & in sole exiccatis, aut alijs huiusmodi cibis uescantur, quoniam alia cibaria non attingunt, sed in eorum tantum usu perseverant (si fides historijs est adhibenda) integra ualitudine, & uirium robore, duo aut tria secula perfruuntur. Eius rei præter ipsius usus testimonium, multæ etiam sunt efficaces ac demonstrationis uim habentes rationes, quas nunc, quoniam huiusmodi res tractare mei non est propositi, libens omitto; qua enim uiuendi ratione Illust. V. D. uti debeat, explicare meum tantum nunc est institutum. Vnico igitur ac simplici obsonio sit contenta; quod tamen si boni etiam succi, & salubris ac laudabilis fuerit alimentum, probabitur à me longe etiam magis. Illud autem repetendū duco: si hoc in genere peccandum sit, in unico cibi genere, etiam prauo minus delinqui, quam in multiplici ciborum etiam salubrium uarietate. Alimentorum porro catalogus res est adeo iam uulgaris, ut communem admodum cantilenam canere me iam pudeat. Ne tamen ulla in me diligentia desideretur, ea omnia quæ nunc à me describentur, uestræ ualitudini multas ob causas plurimū aduersari dico. Aromata, carnes salitæ, carnes antiquæ, ut bouis & castrati, auium palustrium, ut anserum & anatum carnes, pisces præcipue palustres, tam recentes quam saliti: lacticia omnia, potissimum uero caseus: pastilia omnia, & pulmenta quæ pasta in uoluuntur, ut placentæ, ac huiusmodi reliqua, legumina, acrida omnia, ut allia, capæ, ascalonia, porri, acetum, & ex crudis oleribus acetaria, fructus etiam si liberalius ingerantur, sunt perniciosi. Quoniā autem Illust. V. D. sæpe in Gallia peregrinatur, ubi (aiunt) sua ut plurimum in sartagine obsonia torrere solent ac frigere, & suilla tergora seu larida, soli Galli plura comedunt, quam quatuor aliæ simul nationes, ideo ea mihi est admonenda, ut ab huiusmodi rebus abstineat, & pro uiribus ab ea uiuendi ratione abhorreat. Suis igitur coquis mandabit ut propriam mensam, sine huiusmodi apparatu insiruunt: ille enim oblinendæ potius gulæ ac uoluptati, quam ualitudini tuendæ est accommodatus. Illust. profecto D. V. perspectissimum illud esse debet, res nullas sibi inuicem magis aduersari, quam egregium coquum, & præstantissimum Medicum: illorum enim contraria penitus sunt instituta: hic enim profectus, ille autem uult oblectare; huius finis propositus est sanitas, illi uero adulatio ac impostura. Non igitur simplici tantum uniusq; tantum substantiæ, uerū simplici etiam ratione præparato cibo utetur: & optimam potius ualitudinem, quam quæ ex cibo capitur uoluptatem, scopū sibi constituet. Ut autem partium quas contratio temperamento præditas esse superius dixi, particula ris à nobis ratio habeatur, pro uentriculi ualitudine conseruanda, Illust. V. D. hortor ut inter unam atq; alteram mensam, nouem minimum horarum spatium ponat: nisi eiusmodi forte imbecillitas contingat, quæ totum unius diei cibum in tres partes diuidere cogat: in quotidiana tamen ratione, inter prandium & coenam dictū iam interuallum probo, ne posterior cibus, priori nondum plene concoctus, sed crudior etiamnum existente, ingeratur: quo profecto ualitudini nihil potest esse magis perniciosum. A coena etiam nō nisi post duas horas somnus est admittendus: ac tum aut stando, aut domi leuiter deambulando, cum suis familiaribus de iucundis rebus ac sibi gratis colloquetur. Aleam autem, aut in aliqua alia re difficulti, grauiorem animi intentionem, minime tum probo. Hac seruata ratione, sine ulla molestia nox transigetur: somnus erit tranquillus, neq; pituita repleti caput aut uentriculum continget. Pro hepatis uero ac renum conseruatione, consulo ne in prima statim mensa, ut multi solent, bibatur: sed pro uiribus, ad mediā saltem mensam primus haustus differatur. Hoc autem ut facilius impetrari, & hepatis etiam ac sanguinis feruor temperari possit, ante alios cibos iuris pulli cum saccharo idoneam mensurā semper bibendam esse suaderem, id quod ad molliendam etiam alui plurimum conferret. Dicta hac uictus ratione & membra hæc temperari, & ad mutuam concordiam ita reuocari posse existimo, ut eorū munere recta ualuetudo conseruari possit, id quod nostrum à principio propositum fuit. Cæterum quoniam præter affectus iam dictos particularis quidam non levis morbus adest, qui annos

quatuor perpetuos infestat, in musculo scilicet sphinctere ulcera quædam & rhagades, eius igitur præcipua etiam ratio haberi debet. Cum autem eo in loco antea fuerit abscessus, ex eo ulcera prodijisse satis est manifestum. In eo quoque abscessu exustam acbiliosam materiam latuisse, admodum est verisimile, id quod ex dicta superius sanguinis prauitate, & ex gallicæ luis contagio coniectare in primis licet: deinde etiam ex morbi diuturnitate, ex corrosione, ex curationis difficultate, ex crassa, obscura, atque exusta, quæ ex ulceribus nunc fluit materia, & ex sanguine & sæculento & nigriore, apparet. Alioqui melancholicis atque exustis humoribus recipiendis paratissimum esse locum illum, hæmorrhoides illi peculiare locupletissimum testimonium præbent. Audacter itaque mihi uideor posse pronunciare, tam præteritum illum abscessum, quam secuta deinde ulcera, ex melancholico atque exusto sanguine ortum habuisse: illum autem eo natura ideo transmittit, quod tum ob naturalem sibi constitutionem, tum propter situm, & perpetuam illam quæ in egerendis sæcibus fit compressionis uim, ad huiusmodi humorem excipiendum locus ille uidetur aptissimus. Quoniam igitur, si loci naturam consideremus, hæc ulcera sunt profundiora, cacoëthe etiam & exedentia & ualde sordida, ac præterea ueluti cloacæ aut sentinæ deteriorem sanguinis partem recipiunt, horum omnium exatissima habenda est ratio, in primisque ea quaestio, consultumne sit atque expediat ea curare, an uero non, à nobis est discutienda: quæ profecto, mea sententia, haud facile dissolui potest. Neque enim tantum uidetur turpe, sed inutile etiam atque incommodum, perpetua eius morbi molestia detineri, & cum humor malignus sit, & exactio sensu præditus locus, & qui facile efficiatur, deterioris etiam morbi metu perpetuo torqueri. Ex aduerso tamen eorum curatio suspecta nobis esse debet: cum enim praua omnia excrementa diu iam natura per eum locum perpurgare consueuerit, fieri facile posset, ut curatis ulceribus, humores intra corpus retinerentur, qui postea in nobiliorem aliquem locum delati, deteriores illic affectus crearent, quemadmodum frequenter contingere uidemus. Hæc igitur mea est sententia, hæc ulcera diligenter esse tractanda, & cum eorum sint tria, duo esse penitus curanda, ac solidanda, tertium uero apertum esse relinquendum, quod sane si in fistulam degeneraret, nostris forte rationibus minime incommodum putarem. Hoc uero & rationi & Hippocratis sententiæ ualde consentaneum uidetur, qui in hæmorrhoidum curatione, ubi quis, eius consilium secutus, claudere illas uelit, unam semper apertam relinquendam esse dixit: eundem proculdubio diuinus ille uir scopum sibi proponens, in quem nunc etiam nos intuemur, scilicet ne ob plures hæmorrhoidas locus ille uiolaretur, aut ob nimiam sanguinis copiam corpus labefacta retur. Atque ideo omnes occlusas noluit, ut aliquis naturæ exitus pateret, per quem solitas iam expurgationes moliretur. Quod itaque de hæmorrhoidibus Hippocrates dixit, id nos nunc de illis ulceribus pronunciamus. In ipsorum igitur curatione, factis iam fundamentis innitentes, dicimus locum illum continue & mundificandum & exiccandum esse, idque minime mordacibus, sed clementibus ac lenibus medicamentis. In ablutionibus certe administrandis nulla alia re uterem, quam hordei, fursuris, fabæ minime decoratæ, parietariæ, anagallidis decocto: hæc enim omnia, & alia his similia, & mundificare, & sordes abstergere, sine ulla mordacitate aut calefactione possunt. Quod si aut dolor, aut non admodum rubicundus, aut inflammationi similis tumor eo in loco appareret, chamæmelum, maluam, althæam, melilotum, ac his similia adderem. Vbi uero inflammatio aut purpureus rubor illic conspiceretur, quemadmodum ego aliquando uidi, tum nil aliud quam solatri succum cum oleo rosaceo completo mixtum, & mortario ac pistillo plumbeo in linimenti formam reductum, ad mouendum existimarem. At uero si forte fortuna horum ulcerum curatio tam felix esset ut ad cicatricem etiam perueniret, & eo in loco nulla amplius esset affectio præter naturam, in cruribus loco infra genu commodo, duo ulcera omnino excitanda esse suaderem, ut qui per curata iam ulcera fluere humor solebat, nouum, minus molestum, tutiorem & commodiorem etiam exitum sibi patefactum inueniret. Hoc itaque nulla ratione aut negligi aut prætermitti uellem, ne grauiori aliquo symptomate Vestra aliquando D. cum illud minime suspicaretur, corripisse animaduertat.

Et hæc hæcenus de illis affectibus, à quibus D. V. nunc affligitur, à nobis sint dicta. Quod si maiorem etiam diligentiam & efficacior em præseruationē cupit, aduersusq; omnia quæ euenire possunt incommoda tueri se magis uelit, consulo ut bis in anno, uere scilicet atq; autumno, suo quodam instituto, uniuersi corporis expurgationem moliantur. Et uere quidem huiusmodi purgandi ratio commoda uideretur.

℞. Mannæ electæ. 3 2.

Cum iure pulli fiat potus: sumatur tribus horis ante prandium. Deinde

℞. Syrupi acetosi simp. multæ acetositaris

De betonica ana 3 1.

Aquæ cichoreæ destillatæ sine plumbo 3 4.

Misce pro uno syrupo, & sic pro alijs septem. Deinde

℞. Rhabarbari electi 3 2.

Spicæ gr. 10.

Incidentur & aspergantur uino aromatico, deinde infundantur in aqua lactis per horas 10. postea facta diligenter expressione & colatura,

℞. Confectionis hamech 3 2.

Mannæ electæ 3 1.

Misce, & fiat potio, danda in aurora cum custodia. Atq; hæc est quæ in uere conuenit purgatio. Quo etiam tempore si sanguis copiosus esse uideretur, id quod facile futurum credo, sanguinis missionem ex basilica dextri lateris, post duos syros, sumopere probarem. Sanguinis autem mittendi pondus sit unciz 8. circiter. In autumno, in medio scilicet Septembri, aut initio Octobris, hæc purgandi ratio instituitur:

℞. Floris cassiæ 3 12.

Cinnamomi 3 2.

Misce, & fiat bolus cum saccharo, dandus, hora una ante prandium. Deinde

℞. Syrupi de cichorea Nicoli sine Rhabarb.

De fumoterræ simplicis ana 3 1.

Aquæ boraginis destillatæ sine plumbo 3 4.

Misce pro uno & sic pro alijs, usque ad septimum. Deinde

℞. Rhabarbari electi 3 1.

Spicæ gr. 5.

Incidentur, & infundantur in aqua lactis per horas decem. Deinde facta diligenti expressione, colaturæ adde:

℞. Syrupi rosati solutui 3 3.

Electuarij rosati Mesuæ 3 2.

Misce, & fiat potio, danda in aurora cum custodia. Hisce pharmacis in dictis anni partibus corpus expurgabitur: neq; unquam hoc & sacchari rosacei usus intermitteretur. Illud autem potissimum V. illust. D. suadeo & consulo, ut in nulla unquam anni parte saccharum rosaceum omitat: commoda uero illud accipiendi hora erit ante cibum. Medio autem inter unam atq; alteram purgationem tempore, ut certior adhuc sit præseruatio, si forte grauiorem se factam aut nimis incaluisse se sentiat, consulo ut 10. aut 12. drachmas floris cassiæ in bolo, aut 3 1. Rhabarbari cum saccharo rosaceo, aut in iure pulli mannæ electæ uncias duas accipiat, ex his enim illud eliget quod magis arridebit, & natura commodius ac facilius feret. Quod si optio mihi daretur, & natura etiam facile ferret, reliquis omnibus cassiam, ut quæ omnes humores euacuat, sanguinem purior em reddit, & uniuersum corpus integrum efficit, præferendam estimarem. Quoniam autem fieri potest ut Gallica lues, ob aliquod erratum, suæ infectionis germen aliquod edat: nam progressu temporis fieri uix potest, quin reuertatur, potissimum autem cum quis grauib. negotijs implicatur, per uarias regiones peregrinatur, & frequens etiam est in itineribus: propterea danda opera est, ut si quod huiusmodi symptoma exoriat, opportuna illi auxilia adhibeantur: eo enim magis hoc à nobis est metuen dum, quo ego certius statuo Gallicam hanc luem ex eo corpore

in quo semel egit radices, penitus tolli non posse, quanquam ita mitigari atq; extingui posse non nego, ut per longum temporis intervallum, nullam molestiam facessat. Si quando igitur eiusmodi lues infestaret, ad unicum illud ac salutare auxilium, summa Dei benevolentia ad eius morbi curationem hominibus concessum, confugiendum esse suaderem. Illud autem ligni Guaiaci est decoctum. Quod sane quoniam non una ratione parari uideo (alii enim solum decoquunt lignum, alii certicem etiam addunt; aliqui etiam ex uino, & eo nunc potentiore, nunc autem mediocri parant: multi quoq; diuersa alia simplicia medicamenta, ipso ferè auditu nonnunquam horribilia adiciunt) ego qua ratione in eo parando uti sim solitus, & quam non minus tutam quam utilem longo usu sum expertus, cum ex methodo atq; artis ipsius principijs illam didicissem, inferius describam. Illud autem ijs qui cum fructu Guaiaci decoctum sunt bibaturi, necessarium in primis præceptum puto, scilicet ut exactissime sint purgati, & diligenter etiam illis missus sit sanguis. Ipse enim usus satis docet, eos omnes qui non absolutissime antea fuerunt purgati, non magnam usque adeo ex eo potu utilitatem adipisci, utcumque etiam omni adhibita diligentia, & optima uicinis ratione seruata, decoctum illud bibant. Ego itaque totam purgandi rationem, quam antequam ad decocti exhibitionem accedam, administrare sum solitus, initio describam: deinde, qui modus & ratio temporis sit seruanda, tam dilucide, tradam, ut quisquis meum hoc præscriptum sit securus, illam curationem nullo errore insinuere possit. Huiusmodi igitur est purgandi ratio:

℞. Mannæ electæ ʒ 2. s.

Dissoluantur in iure pulli, & per horam unam ante prandium propinetur. Deinde

℞. Oxymellis simpl.

Syrupi de cichorea Nicolī ana ʒ 1.

Aquæ betonice ʒ 4.

Misce pro uno, & sic pro alijs septem.

Post unum atque alterum syrupum, mos mihi ferè perpetuus est in alijs, ut uncias octo aut decem sanguinis mittam. Eum mihi morem esse in alijs dixi: nam si forte illust. D. V. paulo ante missus esset sanguis, quid sibi sit faciendum intelligat. Post syrupos, inferius descriptum purgatorium medicamentum est assumendum.

℞. Syrupi rosati solutui ʒ 4.

Confectionis hamech ʒ 4.

Misce, & cum aqua betonice fiat potus. Detur in aurora cum custodia.

Post purgationem, per duos dies sacchari rosacei uncia media, bis in die, per horam ante cibum sumitur, & inferius describendi syrupi interim præparantur.

℞. Myrobalanorum citrinorum

Cebulorum

Indorum

Emblīcorum

Bellīricorum ana ʒ s.

Contundantur crasso modo, & fricentur manibus cum oleo amygdalarum dulcium, deinde infundantur in aqua sumiterræ & endiuæ lb. 7. per horas 24. & hæc aquæ defillentur in alembico uitreo, in balneo Mariæ: & defillatio per plumbum zupper aliud metallicum, omnino cuitetur. Deinde

℞. Epithymi

Thymi

Polypodij

Foliorum senæ

Liquiritiæ rasæ ana ʒ s.

Seminum citri ʒ 2.

Corticum radicū ellebori nigri ʒ 3.

Decoquantur

Decoquantur omnia simul lento igne, ad dimidium. Deinde facta diligenter expressione & colatura, decoctum cum oui albumine purificetur, & sacchari additione dulcescat, & seruetur pro sex syrupis, qui modo infra descripto exhiberi debent.

R. Syrupi de corticibus citri 3 2.
Decocti superscripti 3 6.

Propinetur mane calidum. Eiusmodi fere est plurimis conveniens dicti syrupi pondus: in nonnullis tamen maior est ea dosi quam expediat: nec eius decocti plures quam quatuor uncie, alternisq; tantum diebus, nonnunquam etiam tertio quoq; die, sunt exhibendæ. AV. igitur Dominatione summa cautio est adhibenda, nec nisi quantum commode ferre, & a quo moderate etiam evacuari possit, est assumendum. Sex tamen omnino syrupi, antequam ad Guaiaci decoctum accedatur, sunt bibendi: omni enim periculo uacant; moderate evacuant, & sine custodia sumuntur: multi etiam ad consueta se conferunt munia, & negotiantur. Post dictos iam syrupos, Guaiaci decoctum, modo inferius describendo, est bibendum: g. Ligni Guaiaci optimi, ex truncò crassiore, nigro & graui, lb. 1. Lima redigatur in puluerē, & infundatur in lb. 14. aquæ destillatæ iam dictæ, per horas 24. in testa ampla, munda, & probe cooperta: postea decoque donec dimidium absumatur, atq; interim quæ supernatât spumam detrahe, deinde colo transfundatur, ac leuiter exprimatur, & in uitreo uase diligenter obiecto seruetur. Hoc uerò totum in octo syrupos est partiendum, qui in quatuor diebus bibantur, singulis diebus duo, mane scilicet ac uesper: ea tamen adhibita cautione, ut syrupus nunquam, nisi horas minimū octo post præcedentem, tres autē ante subsequens cibum bibatur. Atq; hæc optima est tempus diuidendi ratio. Absumptis autem hisce syrupis superius dicta ratione, alij parari debent, eaq; diligentia adhiberi, ut ætèquā priores absumantur, alij ita præparentur, ut in eo decocto bibendo nulla sit interpolatio, sed continue, omni alio potu neglecto, illud tantum bibatur. Hæc uerò ratio per dies saltem quadraginta est obseruanda. Mensa autem eiusmodi esse debet, qualis à me nunc describitur. In primis decem diebus, tam in prandio quā in coena, panis uncie tres plus minus, & gallinæ pulli iuuenis, mediæ inter perdicem & coturnicem magnitudinis, dimidium, sumetur. Potus erit uinum maxime imbecillum, aut probe dilutum, album magis probo quā rubrum: nigrum autem aut crassum minime esse oportet: unusq; uni mense cyathus erit latis. Præteritis hisce decem diebus, per 20. dies subsequentes, uinum & caro sunt prætermittenda: cibus erit panis supra descriptus, & uncie duæ passularum, quæ optimæ sint, dulces, & per lotionem probe mundatæ. Potus erit eiusdem Guaiaci decoctum, ex quo syrupi sunt præparari: illud enim in optimæ aquæ communis lb. 20. donec quarta pars absumatur, iterum est decoquendum, ac tum per colum diligenter est transfundendum, ualideq; etiam exprimendum. Hic erit in mensa potus: cui si sacchari paululum addendum uidebitur, non repugno. Post hosce uiginti dies, priorem illam uiuendi rationem denuo instituet, ac per decem reliquos dies uinum ac pullum adhibebit, atq; ita totum illud curriculum absoluet. Illud tamen interim etiam est obseruandum, ut singulis decem diebus, tribus ante prandium horis, mannam hoc modo paratam sumat:

lb. Mannæ electæ 3 2. 3.

Dissoluantur in iure pulli. Illud autem in primis est necessarium, ut post Guaiaci decoctum, saltem per sex menses, V. D. Illust. optimis alimentis, ac uino maxime imbecillo utatur, probeq; etiam seipsam exerceat, si modo eius potiones comoda, ac legitimum fructum consequi cupit. At uerò cum V. D. Illustrissimæ, ob Gallicæ luis infectionem, duo symptomata & uisu indecora, & pollicæ uiuendi rationi ualde inuicem modales accidere, ideo si quando alterutrus indicia apparerent, illis occurrendum, ac prauertendum esse existimarem. Porro symptomata sunt maculæ, & in uniuerso corpore pustulæ quædam erumpentes, ac pilorum interitus. Posterius longo usu probatissimis mihi auxilijs tollitur, quorum hoc est primum:

℞. Myrrhæ electæ

Aloes

Laudani ana ʒ 2.

Foliorum & baccarum myrti

Capillorum Veneris

Florum alchannæ seu ligustri ana M 2.

Contundantur omnia per se, deinde misceantur, Postea;

℞. Olei amygdalarum amararum

Sesamini

De alchanna ana ʒ 6.

Misceantur omnia simul, & permittantur fermentari in uase fictili stricti orificij, optime lutato cum luto sapientiæ, uel sub sole seruentissimo, uel sub fimo per dies 15, postea destilletur hoc totum ab optimo destillatore, & separetur aqua ab oleo, & seorsum utrumque seruetur: erit enim utrumque ad usum utilissimum, illinendo loca quæ indigent instauratione pilorum.

Aliud:

℞. Lacertorum uiridium

N 5.

Apum

ʒ 6.

Propoleos, uel ceræ uirginis

ʒ 4.

Capillorum Veneris

Myrtillorum ana

M 2.

Abrotoni syluestris

ʒ 8.

Exiccantur animalia in uase fictili in furno, deinde puluerizentur, postea contumenda contundantur, & liquefacienda liquefiant. Deinde

℞. Adipis urli

℔ 1.

Pone omnia simul, & fermententur in uase uitreo bene obturato, uel in fimo uel in sole seruentissimo per dies tredecim, deinde destillentur, & separetur aqua ab oleo, sicut dictum est, & seruetur ad usum.

Aliud:

℞. Croci

ʒ 2.

Aloes

Myrrhæ ana

ʒ iij.

Laudani

ʒ 4.

Olei amygdalarum amararum

Adipis urli ana ʒ 6.

Capitum muscarum puluerizatorum ʒ 1.

Misceantur omnia simul, fermententur & destillentur ut supra. Singula iam commemorata auxilia, instaurandis pilis ualde sunt opportuna, eosque & solidiores & uenusto colore præditos reddunt. Alia quidem plura ad eandem rem sunt auxilia: at ego ea quæ ex Gallica lue tantum deciduis pilis accommodata sunt, delegi. Quod si quis & simplicium medicamentorum quibus ea constant facultates diligenter consideret, & cur in Gallico morbo decidant atque intereant pili, perspectas habeat causas, uera esse quæ superius dixi facile intelliget. Quod uero ad alterum illud symptoma, maculas scilicet cutis asperitates attinet, stillatitias aliquot aquas ualde egregias, & illis tollendis opportunas, adscribam. Hæc autem quæ nunc à me describetur, omnium est efficacissima.

℞. Ellebori albi, Nigri ana

M 2.

Lapathij maioris uiridis

℔ 2.

Cucumerum syluestrum, quos asininos uocat ʒ 3.

Carnis melonum recentium cum suis sem. ℔ 3.

Carnis & succi limonum ℔ 4.

Misce omnia simul, & per tres dies permittantur fermentari: postea destillentur per alembicum vitreum, & aqua seruetur, est enim ad quaslibet maculas cutis, & asperitates tollendas efficacissima. Aliud mitius:

℞. Lupinorum recentium non ablutorum	℥ 1.
Radicum liliorum alborum	℥ 6.
Amygdalarum amararum	℥ 2.
Succi parietariæ	℥ 3.

Ponantur omnia simul, & non permittantur putrescere, sed statim destillentur, & seruetur aqua & oleum.

Aliud:

℞. Salis natri	℥ 3.
Olei amygdalarum amararum	℥ 2.
Scillæ	℥ 5.
Carnis limonum	℥ 1.

Misce, & extrahatur oleum, ad hunc usum efficacissimum: absterget enim egregie, & mundificabit cutim, ubi etiam fuerit principium lepræ.

De morbo Gallico, pro quodam nobili Germano,

Consilium CCXLVII,

S In tam ampla materia & congerie symptomatum uellem inuenire rationem, essem ualde molestus. Sed uia hæc erit commoda, ut explicem naturalem temperiem eius, & præternaturalem acquisitam, quia ex his recte explicatis reliqua clara erunt. Quod ad naturalem temperaturam pertinet, illud ponendum est, quod nisi constaret ex ægritudinibus, quibus antea affectus fuit, cholericis quidem: & nisi corporis habitudo esset, nullam prorsus sue temperaturæ naturalis haberemus cognitionem: quoniam ex signis à Galeno traditis, mihi cognitio non possumus adduci; maxime cum animi mores nobis non sint noti. Sed quod sit calidæ & siccæ temperaturæ, omnes illæ ægritudines, quibus solitus est affligi & infestari antequam incideret in morbum Gallicum, possunt attestari. Et primo, ut ex scripto eius apparet, circa 11. sue ætatis annū capitis dolorem habuit primo acutissimum, deinde crāli facta per fluxum ab auribus utrisque cum sanguine, in tertia uel in quarta die liberatus est. Indicium manifestum tum ex acrimonia doloris, tum ex uelocitate motus, calidam fuisse dispositionem. Laborauit etiam scabie, quæ prouenit ab humoribus adustis, & à pituita salsa, quæ attestatur caliditatem hepatis. Præterea tertianas habuit, & cum uexaretur catarrho à 15. usque 18. annum, tenuis fuit admodum, acutus, mordax: ita quod omnes ægritudines quas passus est ante, attestantur super dominio humorum calidorum. Ideo hæc signa uidentur efficacia, ut credamus esse calidæ & siccæ temperaturæ, quia illæ ægritudines non solum signa sunt naturalis temperaturæ, imò indicant habuisse omnes causas, quod naturalis eius temperies fuerit labefactata, quia ex longo catarrho naturalis temperatura destructa fuit, quia perseverante catarrho continue, fieri non potuit quin labefactaretur. Quo catarrho perseverante, in 23. ætatis sue anno concubuit cum muliere infecta morbo Gallico, à quo tempore coepit conqueri de magnis & multis symptomatibus, quæ secuta sunt, de quibus loquimur. Sed primo oportet scire quod ille magnificus uir incidit ex tali concubitu in morbum Gallicum, ita quod contagium fuit complicatum cum tali naturali temperatura, quam inuenit calidam & siccam, ex qua complicatione fecerunt unū tertium, ex quo postea tot symptomata secuta sunt. Sed non possumus scire illud

illud tertium nisi extrema habeamus. Sunt autem extrema, primo temperatura, quæ excedit per calidum & siccum. Secundum extremum est contagium morbi Gallici. Hic dubitant multi, quis nam morbus sit morbus Gallicus, an epidemicus dici possit, nec ne. Ego credo quod non possit dici morbus epidemicus, quia epidemici habent causas universales (ut inquit Galenus in primo Epid.) vel aërem, vel cibum & potum, sicut in libro de cibis boni & mali succi asserit Galenus, de eo qui propter caritatem annonæ tempore suo accidit: ita quod talis à causa universali incipit, & definit desinere causis universalibus, siue in aëre, siue in aquis & cibis sit constituenda causa ejus. Jam multi anni præterierunt, ex quo incepit hæc infectio, credo quod debet etiam desinere. Neque valet quod per contagium perseverat, quia cessantibus causis, cessant putredines: ut in febribus pestilentialibus, quæ per contagiū oriuntur, cessante influxu & universali causa, cessat contagium, & abolentur febres illæ. Præterea majores nostri ex historia observarunt, nullum eo tempore fuisse correptum, nisi per contagium: & causam habuit particularem: scimus enim quod eo tempore, quo bellum à Rege Galorum apud Neapolim gerebatur, plurimi erant Hispani, qui à Calicis deuenierunt, in quibus regionibus plurima erat infectio, qui concubuerunt cum meretricibus illis, & ex concubitu illo infecti sunt meretrices, & tandem infectio ad nos devenit, quia ibi aderant milites cuiuscunque nationis. Et ita constat in historijs, quod habuit originem, & tale principium, per contactum particularem, qui morbus peculiaris est in illis regionibus, & non curatur nisi ligno illo, quod ad nos delatum fuit. Verum num sit morbus iste collocandus in genere morbi qui sit in mala compositione, vel solutione continui, vel mala temperatura, est maxima difficultas. Et fortasse si uellem immorari, ostenderem opinionem meam non longe à ueritate esse: nec credo posse appellari morbum, nisi occupauerit hepar, & fecerit malam temperaturam. Cuius signum est, quia antequam contagium deueniat ad hepar, ulcuscula curantur omnia, & non redeunt: si uero ad hepar peruenerit, non modo bubones apparent, sed caput occupat, & omnia membra inuadit: tristantur homines, decolorantur, & apparet tunc quod causa est in membro principali, quia totum afficitur corpus. Ideo non est solutio continui, sicut quidam existimarunt, sed hepatis intemperies. Certum est quod debemus considerare & uidere, si in hepate est quis affectus, præter naturam existens. Certe licet non uideamus quod in omni temperatura efficiat crustas, pustulas, ulcera, tamen symptomata semper eadem uidentur, siue sanguis, siue bilis, siue pituita sit, quod aduersionem habet, & nunquam separari hoc symptoma ab abscessibus, à pustulis, à crustis, & ab ulceribus. Et quia hoc universale uidetur, credendum est quod sit temperatura propria causans hæc symptomata. Et contingit in hoc, quod in alijs contagijs: ut si quis habens lepram vel scabiem, alium inficiat scabie uel lepra, licet habeat hoc perpetuum quod sit pituita, tamen secundum diuersas temperaturas diuersæ fiunt scabies: in uno sit pinguis & humida, in alio siccæ, & ita unum commune habebit. Quo autem ad naturam ulcerum, erunt diuersa pro ratione temperaturarum. Hoc unum observandum est, quod contagium hoc à temperatura pendet, quæ nec calida, nec frigida, nec humida, nec siccæ est: sed est qualitas quædam innominata, quæ dum contingit hepar, facit sanguinem talis naturæ, ut semper declinet ad aduersionem, forte quia principium suum prouenit à nigris hominibus illis & aduistis, quia proprius est morbus illorum hominum circa torridam zonam habitantium: forte propter naturam illius aduersionis dependet ab illo principio. Siue quia talis uel talis temperies sit, & innominata, habet hoc, quod contagium primo inficit hepar, ideo facies decolor est, sequitur & tristitia animi propter humorem aduistum generatum, & si abscessus contingunt, duri sunt in primis diebus: & ita semper aduistio est in tali morbo. Ista ergo mala qualitas facit semper aduersionem, & est causa, ut quæcunque materia sit, semper habeat aduersionem. Hoc fundamento posito, & quod à principio natiuitatis habuerit temperaturam calidam & siccam, abundauit humorum aduersione, ut ex scabie apparuit, quæ fuit propria ægritudo: ex catarrho mordicante & erodente superuenit contagium illi temperaturæ, cum qua

conuenientiam habebat; ideo facillime impressionem fecit, & maximam, quia agens & patiens erat disposita. Hæc fuit causa, quare secuta fuerūt tot symptomata. apparuerunt pustulæ, post pustulas apparuit humor distillans per uirgam, dolor in lumbo dextro, ut dixit ipse, sed fuit in rene dextro, quia subsecutæ fuerunt urinæ arenosæ, attestantes in renibus affectionem & calorem esse. Habuit maculas primo siccæ, secundo humidæ in uola manuum, & circa cubitum. Habuit dolorem capitis intensissimum in posteriori parte, & ex medela medici ex diuersis curationibus, in omni parte capitis tam anteriori quam posteriori habuit; & semper abscessus illi duri permanent curatu difficiles. Apparuit etiam in naribus non solum caro exerta, sed ulcera, quæ omnia fuerunt cum erosione, ita quod post contagium omnia secuta sunt; & aduersiones habuit tum à temperatura, tum à contagio; & in hac re immorandum non est, quia clara est. Hoc fundamento posito, tria querit à nobis iste Magnus uir: primo, utrum possit curari sine exhibitione ligni, & unctionibus, & suffumigijs; secundo, an possit curari sine deturpatione faciei: tertio, ut scribamus quid consulimus. Circa primum, oportet primo uidere, utrum possit curari, secundo cum quibus. Credo multa esse considerata quoad morbum; posset quidem curari, si non haberemus alias indicationes, nisi eas, quæ à morbo sumuntur Gallico, etiam si inueteratus esset; imò uidi ego quod quanto uetustior fuit cum abscessibus & pustulis & ulceribus, curatus est cum ijs quæ dicemus. Sed nos habemus plura considerata, quæ faciunt difficultatem. Habemus primo, & ego obseruaui experientia, postea ratione, quod nihil deterius est istis sic affectis, quam adhibere, siue interius siue exterius, sub forma unguenti uel suffumigij, id quod argentum uiuum habet, quia ex tali applicatione homines secundum membra principalia semper fuerunt affecti. Et testor Deū, aderatq; Excellentiss. Fracastorius, ex inunctione Mercurij statim quandam incidisse in epilepsiam, & uix potuit curari ab ea, & nullam causam habuit, nisi eam occasionem. Post quidem assumptionem argenti uiui, ita decolorantur, ut nunquam possint redire ad pristinum colorem. Et ego primo quando uidi hominem in facie, interrogauī an fuerit illitus aliquo unguento, in quo esset argentum uiuum, quia tot uidi, ut experientia doctus sim. Sed præter experientiam habemus rationem, nec prætermittamus considerationē Auic. quia fuit primus qui uoluit rem distincitè inueniri, reprobauit ipsum; Græci omnes id ipsum non cognouerunt, nisi quod uenenum est, & nihil aliud de eo dixit Gal. sed refugit ipsum tanquam uenenum. Et quia Auic. uoluit experiri argentū uiuum, & similiter Arabes alij, quia fuerunt maximi Alchimistæ, dixit omnia aperte eius incommoda, & quomodo in paralytim, in stuporem, & in frigidas incidere facit ægrotudines. Et primo uidemus pati hepar, & incidere in frigidam dispositionem, ex qua sequitur decoloratio totius corporis; præterea ægrotudines ex cōsensu neruorū sequuntur, paralytis, tremor corporis, stupores, & totius corporis refrigerationem facit, quia calorem naturalem, & spiritus refrigerat. Ideo abstinendū ab eo est, tanquam aperte lædente. Et præter frigiditatem & humiditatē maximam, quam habet (licet aliqui dixerunt esse calidū in quarto, quia de calcinato loquuti sunt) & præter malas cōditiones omnes, quas habet, unum habet detestandum, quia facit operationem suam contra methodum, & contra rationem; est enim apud medicos unum axioma, ut cum euacuamus, ne trahamus humores ad locum nobilem. At argentum uiuum quicquid in iuncturis est, ad pulmonem trahit & expulsi: & sequitur foetor, corruptiones dentium, gingiuarum, ulcera maligna in ore. Et ideo uir iste non est mirum, si habuit ulcus in palato post suffumigium, & post argentū uiuum exterius sumptum. Credo ego quod ex hoc, & non ex alio, secuta fuerit decoloratio, hæc moestitia, & ulcera in palato. Et mirum est, cur non omnes ex plurima materia, quæ de fluit ad pulmones, incidant in ulcera pulmonis. Et si euadunt multi, hoc est ratione fortis naturæ, & quia duri pulmonis sunt: nullus tamen euasit, quin habuerit uel gingiuas corrofas, uel dentes, uel aliquod deterrimum. Et credo quod sequatur sanitas ex tali illusione, sicut in pestilentialib. accidit, qui in naui curantur à calido uino epoto, qui postquam cooperti sunt pannis, sudant copiose, & ex tali uolentia naturæ facta, quæ fortis

& ualida est, ab errore ducti sanitati restituuntur. Concludo ergo, quod, saluo semper meliori iudicio, argentum uiuum, siue per linimentum, siue per suffumigium, non probo, siue minerale, siue artificiale fuerit, quia omnes, qui de eo scripserunt, cognouerunt tam minerale quam artificiale, uenenum esse: ideo crederem ab eius usu abstinendum esse. Si diceretis, fuit curatus ab eo, à decocto autem ligni deterius se habuit, imò ex decocto tali dolor auctus fuit, ex suffumigio autem melius habuit. Istud non est mirum: quia si uerum est suppositum à me factum, quod uir iste temperaturam habuit à principio natiuitatis calidam & siccam adustam, & contagium habere aduersionem sibi perpetuo annexam, & ideo habere symbolum cum temperatura: quæ refrigerant, humectant, & reperiunt, per aliquod tempus possunt conferre, quia alterant naturam, & stupefaciunt, ut non sentiat dolorem: & euacuant trahendo ad partes interiores, & per sputum excernunt: ideo uidentur bene se habere in principio: sed postea in deterius labuntur, non solum quia remansit temperatura mala, sed quia ultra eam habent uenositatem in membris. Et si à decocto non bene habuit, potuit esse, uel quia non fuit usus recta ratione uictus, nec bono ligno, nec bene purgatus: quia qui non fuerunt exquisitissime euacuati per phlebotomiam & pharmaciam, non fuerunt sanati. Ideo debuit primo optime expurgari. Præterea multa sunt obseruanda, quæ sciunt peritissimi Medici: quæ si non fuerunt obseruata, à caliditate temperaturæ ligni & siccitate potuit lædi, quæ ualida est. Et licet in ore positum non percipiatur acrimonia, sicut percipitur ea quæ in pipere est, hoc est, quia fundatur in substantia terrestri, ut uix deueniat ad actum, ideo in tertio crediderunt esse calidum & siccum. Idem possumus experiri, si decoctum faciamus ex maiorana, calamentho, cinnamomo, & ex ligno, maiorem percipietis caliditatem ex decocto ligni, quam ex his quæ sunt calida & sicca in tertio, interius dico sumptum, quia ex elixatione permiscetur cum multa aqua, ideo non sentitur exterius: sed interius sumptum mirum in modum calefacit. Ideo siue hoc, siue illud, siue omnia, siue plura fuerint, non est mirum si non fuit adiutus. Cui tamen incommo- do possumus occurrere. Cum ergo duo sint, quæ possunt morbum Gallicum confirmatum curare, decoctum ligni, & illitio ex Mercurio: huic autem affectioni, quam facit argentum uiuum, non possumus occurrere: necessarium est igitur, ut accedat nobilissimus iste uir ad assumptionem potus aquæ ligni. Sed duo in primis facere debet: primo removere malam impressionem factam ex argento uiuo, siue fuerit argentum uiuum, siue suffumigium ex cinaprio, in ambitu totius corporis impressum: secundo uellem, ut malus habitus tolleretur, & rediret ad propriam temperaturam. Cum quibus modis Ego sine dubio in tanta materia aggregata, tum à contagio, tum à mala temperatura, tum à medicinis resoluentibus totam firmam corporis, uellem ut corrigeretur, & tot ac tanti humores euacuarentur cum Medicinis. Et cum habeat habitum pallidum declinantem ad frigiditatem, & tumorem corporis, cachexiam indicantem, hoc fuit ab aliqua re ualde imprimente: quia mirum fuit quod in tali corpore impressa sit interperies frigida. Ideo hilioli, pituitosi, & adusti humores sunt euacuandi. Et quia pituita mixta est cum adustis humoribus, habeat primo syrupos, in quibus ingrediatur epichymum, fumus terræ, polypodium, arte confectos, habeatq; senam, quæ euacuat humores melancholicos, & digerit, & incidit humores pituitosos adustos. Syrupus acetosus etiam optimus est, & multi alij, quos non referam, quia qui scribentur, magis erunt uersales. Ego sic procederem cum digerentibus pituitosos & adustos humores. Postea euacuarem cum medicinis euacuantibus adustos & pituitosos humores, & inter omnia medicamenta confectionem hamech eligerem, ut patet ex ingredientibus. Pul-
la aggregatiue summopere conuenirent, in quibus ingrediuntur ea quæ possunt id
facere: electuarium etiam Indum, diasene, diacatholicon, & haberet aliquod in se, quod
stimularet ipsum, quia leue est. Conuenienter ergo possent addi trochisci Albandalaga-
ricum, rhabarbarum: & si non sufficeret una euacuatio, plures fierent. Corroborarem
caput, aperirem uenas, & disponderem in alium habitum. Et si esset in regione calida,
dimitterem beneficio aëris, quia forte ex aëris beneficio corrigeretur: & si non esset in
aëre

sicre tali, darem ei decoctum corroborans naturalem calorem: & decoctum esset tale ex garyophyllis & cinnamomo, & propter caliditatem hepatis uellem ut decoqueretur in aquis endiuiz, cichorez, ad refrigerandum hepatis caliditatem quæ induceretur ex aromatibus. Et si forte essent obstructions in uenis aggregatz per accidens, disscuterentur, inciderentur, & diffilarentur. His factis, deuenirem ad principalem intentionem, & esset tunc tempus autumnii, & purgarem rursus exquisite, & si uiderem quod in alium habitum tenderet, secarem uenam, & cum iisdem purgantibus & euacuantibus pituitosos & adustos humores procederem. Postea sex uel octo syrupus exhiberem, sic compositos: Vellem accipere, exempli gratia, myrobalanorum citrinorum, chebulorum, Indorum, sing. semunciam, contundanturq; & facta leui contusione infundantur per diem & noctem in aqua fumiterræ. Facta infusione, imponerentur folliculorum senæ, epithymi, polypodij, glycyrrhizæ, sing. uncia, seminum citri drachmæ quatuor, corticum elebori nigri drach. duæ. Infundantur simul, & decoquantur sufficienter, & totum hoc in sex uel octo uicibus assumatur: & pro refrigeratione hepatis, in hoc decocto ponatur syrupus de corticibus citri, uel si timeamus caliditatem nimiam hepatis, syrupus rosatus, quoniam malum habitum abigit hoc decoctum, moderate euacuat & nigerrimos humores. Et testor Deum, quod multi sanati sunt ex hoc decocto, maxime ubi morbus non sit inueteratus. Et ratio quæ me mouet ut hæc assumat, est, quia exquisitissime purgati in decocto feliciter euadunt. His factis, ad decoctum ligni accedemus, supposito quod malus habitus fuisset remotus, & rediret suum temperamentum. Vellem duas intentiones habere: prima ad contagium illud, quod quidem non remouebitur, nisi suo opposito. Et quia nomen non habet (non enim calidum, nec frigidum, nec humidum, nec siccum) ideo nec calida, nec frigida, nec humida, nec sicca opponemus. Vnde istud lignum semper curabit, si seruentur seruanda: nam non inueni manifestas qualitates quæ plus noceat, quam iuuet ista qualitas innominata. In ligno enim primo est illa occulta qualitas, quæ dicitur bezoartica, quæ habet uim antidoti, & directe opponitur contagio. Habet secundo caliditatem & siccitatem: si enim inuenerit hepar calidum, plus calefaciet qualitas manifesta, quam occulta iuuet: tunc debemus contemperare qualitatem illam, sicut feci ego in domino ioachimo, cui cum exhiberem decoctum ligni in aqua putei, in tantam calefactionem hepatis deuenit, ut totus esset erysipelatus, & febres accesserunt pessimæ. Accessi ad aquam endiuiz, & tunc tanta felicitate omnia successerunt, ut ex ea nunquam amplius ægrotarit, cum tamen natura esset niger, macer, pallidus. Et hoc proueniebat à mala temperatura ligni, quæ remota fuit. Ideo plus illi nocebat caliditas & siccitas ligni, quam occulta bezoartica iuauat. Illis igitur duabus rebus cõsulerem: & respiciens temperaturam hepatis, refrigerarem hepar, & refrigerarem caliditatem, & siccitatem ligni, qua non indigemus, & occultam bezoarticam haberemus, qua indigemus. Et hæc faciet cum debito regimine uictus: & si fuerit frigus, permanebit in suis uaporarijs commode calefactis, ut sudare possit libere. Quomodo autem propinquetur, nunc nil dicam: sed si scribam, dicam. Circa ulcera illa, credo quod ab exhibitione ligni omnia cessabunt, & nisi infectio morbi Gallici tollatur, non curabitur. Et si tolleretur unum ulcus, decem prorsus pent, & iste morbus erit ueluti hydra. Vidi tamen ego empiricos quosdam unum habere medicamen in abscessibus simile admodum cerino antidoto, quod habet optimam terebinthinam, oleum rosaceum, & ceram, quæ omnia componunt & applicant. Abscessus curant, sed redeunt in alia parte, & nisi occurratis, cito marcescent omnia ossa corporis. Habet etiam ulcus in ore, quod mihi non placet, & ideo iam accessit hoc contagium ad caput. Et est ille secundus gradus, de quo uolebam dicere à principio, sed è memoria excidit. Si modo accederet ad cor, tunc efficeretur incurabilis, & transiret ad tabem. Ex tribus membris, duo occupauit: si ad tertium descendet, non curabitur.

Et hæc sufficiant.

De eodem morbo, pro eodem.

Consilium CCXLVIII.



Vppositis his uniuersalibus euentibus, qui ab intemperie, tum naturali, tum aduentitia huius Magnifici uiri originem ducunt, necnon causis singulorum hoc tempore prætermisiss, quæ omnia alioquin in colloquio nostro exactissime fuerunt considerata, hoc unum proponam, morbo Gallico uexari hominem; & quæcunque symptomata, abscessus, ulcera, dolores ipsum infestant, uel omnino, uel maxima ex parte ab hoc eodem morbo pendere, quo sublato, sicuti arbitramur, reliqua quoque omnia facile abolescent. Ergo incedendum maxime, ut morbum propulsemus: propulsabitur autem, malum habitum ab alijs medicis inductum remouendo, deinde bonum & naturalem introducendo; nunc enim & liuens & tumidus secundum totam corporis molem apparet, quod ab alia ratione euenire non putamus, nisi à delibutoria qualitate, tum argenti uiui, tum adulterari, & falsi cinnabaris, quo utroque uarijs modis abusus est. Primum igitur, nisi regio calida, aut constitutio, aut tempus hac proxima æstate obstituerit, purgandum hoc corpus per tamus, ut quicquid excrementi tum ob intemperiem deprauatam, tum ob malam rationem uictus collectum est, totum exquisitè educatur. Postea membra corroboranda, & ad meliorem habitum ducenda: subinde ad morbi Gallici curam recta accedenda. Purgatio proxima hoc modo perficietur. Floris cassiæ quàm pinguisimæ drach. decem ad boli formam redactas, & saccharo insperfas, non ita multo ante prandium deuorabit. Postridie potum huiusmodi accipiet. Syrupi de succo betonicæ, de cichorea Nicolî completi cum rhabarbaro, singulorum unciam. Decocti betonicæ, endiuicæ, & maioranæ, ex iure tenui pulli exigui unc. 4. Sumet in aurora tepidum, Idemque repetet 7. aut 9. continuis diebus. Tunc proxima die pharmacum tale cum custodia deglutiet in aurora;

℞. Confectionis hamech	3	4.
Trochiscorum Alhandal	gr.	10.
Syrupi rosati solutui	3	2.

Cum aqua betonicæ fiat potus breuis. Deinde proximis septem diebus sumet perpetuo ante prandium & coenam, zucchini rosati unciam. Tunc per plures dies non abscedet ab usu eiusdem zucchini rosati, uel saltem ante prandium, & bis in septimana sumat theriacæ optime, uel Mithridati drachmam in aurora. Vnum erat dicendum, quod est omissum. Eo tempore quo syropos assumit, tertio scilicet aut quarto die uenam secet basilicam dextri lateris, nec ultra sex unc. sanguinis hauriet. Atque ut melius sibi caueat, neque interim incidat in deterius, consulimus, ut semel saltem in septimana sumat Rhabarbari optimi scrupulos 4. macis grana sex, zucchini rosati semunciam; quæ omnia simul confecta, & ad boli formam redacta, tribus horis ante prandium deuorabit. Poterit etiam talem potum crebro in aurora tepidum assumere:

℞. Epithymi optimi		
Folliculorum fenæ	ana	3 2.
Seminum citri		
Liquiritiæ	ana	3 1.

Contundantur semina, & omnia simul decoquantur in duabus heminis feri lactis, ut dimidium absumatur. In uictus ratione cauebit maxime ab aëris excessu tam calido quàm frigido & flatuoso, nec minus Austrum quàm Boream euitabit. Animi molestia accidentia tanquam pestem effugiet. Singulis diebus curabit alium subducere. A Veneris usu penitus abstinebit, saltem toto curationis tempore. Carnes hoedinas, castratorum suuenum, uitulinas, pullorū, perdium comedet; montanas aues tam elixas, quàm affas. Reliquis omnibus carnibus parcat, nec non cuiuscunque generis piscibus. Olera utuperamus tam cruda, quàm cocta. Utetur ouis recentioribus, & forribus.

Vsum lactis, & quodcunque ex lacte confectū eustabit. Vinum parcissime bibet, non acidum, non austerum, non dulce, sed maturum, tenue, limpidissimum: ac computationes præ reliquis omnibus fugiet. His ita procuratis, appetente autumno circa Septembris initium ita rursus inchoabit: Primo sumet quæcunque in pristina purgatione enumerauimus, casiam inquam, & syropos, & pharmacum, nec minus uenam eandem secabit. Laudamusq; ut, nisi unica purgatione exquisitè purgatus fuerit, bis eodem autumnii tempore reperat. Deinde peractis purgationibus, sex perpetuis diebus, talem potum in aurora tepidum sumat, qualem ex sero lactis postremo descripsimus, seq; interim intra domum contineat. Postremo ubi hæc omnia rectè peracta fuerint, ad ligni Indici decoctum hac ratione progredietur, sumendo ligni Indici optimi, nigri & pinguis deraali libram unam: aquæ endiuiz per destillationem factæ optimæ & recentis libras 14. ponenturq; simul in olla fictili uitreata bene operta, ut integro die simul cum sua nocte madescat: tunc decoquatur donec tertia pars absumatur, deinde excolabitur, & seruabitur decoctum in uase uitreo mundissimo stricti orificij, & exquisitissime operto. Huius decocti uncias 6, bibet horis quinque ante prandium, atq; interim se continebit in cubiculo tepido, & si frigus fuerit, in uaporario, a quo, frigido aëre existente, nunquam etiam est recedendum, donec totum potionis tempus transierit. Septima uero hora post prandium totidem rursus uncias eiusdem decocti eodem modo potabit, & post quatuor horas coenabit: & idem singulis diebus repetetur usque ad quadraginta, uel ad summum 50. Cibus erit primo, pulli parui uncie tres, uel quatuor ad summum, ac totidem panis optime fermentati & saliti, post prandium & coenam uncias tres passularum Corinthiacarum electarum edet: eadem enim prorsus ratio esse debet & cibi & potus tam in prandio, quam in cœna. Potio autem secunda talis erit. Sumetur illud idem lignum, quod prius decoctum fuerat in aqua endiuiz, ac rursus decoquatur in libris 20. aquæ fontis optimæ ad consumptionem quartæ partis, & facta exquisita expressione pro potione seruabit. Singulis ramen quibusq; 8. diebus semper sumet 1. hora ante prandium floris cassiæ 3 10. At si interim non egeret, clysteribus utetur ex decocto eiusdem ligni, cum uncijs tribus mellis rosacei. At super omnia toto hoc tempore cauebit ab aëre frigido, & uento, ac rursus semel in septimana, qua die magis illi collibitum fuerit, sumet ante potionem suam ordinariam immediate, drachmam optimæ theriacæ, uel Mithridati, a quorum usu consulo nunquam illum penitus abstinere debere. Hæc sunt quæ scribenda occurrunt, ita ut nec prætermiserimus quæcunque in colloquio nostro memoratu digna uisa fuerunt: nec dissimulauerimus, aut silentio transierimus, quæcunque inter scribendum utilia fore iudicauerimus.

De morbo Gallico, cum dolore capitis, febre & continuis uigilijs, pro nobili iuene

Consilium CCXLIX.



V M audirem processum & modum doloris huius nobilissimi iuuenis, mihi uidebatur ita morbum Gallicum depingi & effigiari, ac si uisuperciperetur. Dolor primo acutissimus capitis corripit hunc iuuenem, nec non tubercula apparuerunt in capite, quæ cum essent sine dolore, tactu tamen cum premerentur, dolebant; signum euident quod ibi esset materia pituitosa adusta, modo quo potest aduri pituita. Præterea uersatus fuit cum muliere infecta, ut hoc possit esse non leuis coniectura. Præterea nemini dubium est, quod impressio extrinseci agentis in corpore præparato magis imprimitur: & cum corpus hoc calidum sit & siccum, & pluribus abundet adustionibus, magis præparatum est, quia corpora calida & sicca adusta magis contabescunt. Præterea pluribus humoribus ma-

lis abundat, & bile & pituita: ideo non fuit mirum si dolor ualidissimus adfuit, & tubercula emanauerint. Curatus fuit omni ingenio, ut si dolor capitis à prauorum humorum multitudine prouenisset, remota causa, affectus & dolor remoti essent. Remota enim fuit multitudo malorum humorum causans dolorem (si illa fuisset causa) non solum per euacuationes uniuersales, quæ à toto euacuant, & per reuulsionem, ut omnino deberet excuti, sed etiam ad localia uentum est, ad deriuationem per uescicatoria prope scapulas, & tamen nihil profuit: ita quòd his exquisitis factis, licet cessauerit tantulum dolor, quatenus à capite essent educti humores, redijt tamen. Causa autem est, si consideramus naturam morbi Gallici, quia occupat duo principalia membra, hepar scilicet & cerebrum, sua mala qualitate, quam certe nomino innominatam, quæ forma imbuunt in hepate, & malos adustus humores generat. Nec possumus dicere quòd calida sit, quia generat pituitam, & alios diuersos humores: & licet ad adustionem tendant, uarij tamen generantur: & propterea iuuatur aliquando à calidis, ita quòd non est qualitas ex primis qualitatibus, sed forma quædam mala imprimitur in hepate, ut generet malum sanguinem: & sicut uaria est natura recipientis, ita uaria forma recipitur, quæ in aliquibus depilat, in alijs ulcera, in nonnullis dolores facit, in aliquibus brachia, in alijs caput, in alijs crura occupat, prout unum membrum imbecillius est altero. Cum ergo in hepate sit illa mala forma, licet educatur materia mala, redijt tamen, quia adest infectio adhuc, & mala forma in hepate, quæ semper malos humores generat: & licet optimis uicibus uescatur, generat malos humores ex illa mala forma impressa: ideo pallescunt semper per ita infecti, nec unquam læti sunt, & affliguntur uarijs symptomatibus ex malis huius moribus. Præterea caput etiam læditur, & ita inuadit ipsum dolor, ut totum uenenum appareat in capite, & non nisi dolor. Credo igitur esse Gallicum, tum ex signis illis, tum ex modo inuasionis doloris capitis: & quoniam ea quæ solent curare hemictaniam, nihil profecerunt, tum etiam quia se commiscuit cum muliere infecta, relinquitur quòd in hoc nobilissimo iuvene sit morbus Gallicus. Et quoniam multiplicantur humores mali, & spiritus accenduntur, & dolor maximus affligit, facta fuit febris accidens, quæ temouebitur remoto dolore. Tamen cum iste nobilissimus uir febris continua laboret sine typo, et carnes ardentes habeat, & duritiem aliquam in pulsu, dubitandum est ne febris sit in habitu. De putrida non audio, saltem quòd habeat typum insignem, nec percipit rigorem, nec magis affligitur in uno die, quam in alio, uel in uno tempore magis, quam in alio. Est etiam mirum, quomodo post euacuationes factas non cessauerit, si ellet febris putrida. Et hæc quo ad ea quæ patitur præter naturam. Habet præterea uigilias illas, quæ mihi uidentur quòd sint accidens: & habent rationem causæ, ad quam debet intentio dirigi: quia symptomata cum habent rationem causæ, ut uigiliae, quæ prosterunt uirtutem, & augment dolorem, propter magnam siccitatem, quam causant, ideo temouendæ sunt uigiliae. Prætermittam dicere de prognostico, habet enim multa discrimina, & si perseverabunt dolor & uigilia, & febris quæ hectica est uel in humoribus, non haberemus uirtutem ita ualidam. Quid agendum est? Purgatus est, & nunc exhibetur decoctum ligni, à quo sanatur morbus Gallicus, nec aliud genus remedij dandum est. Cum ergo iuuenis iste patiatur morbum Gallicum, quod ad ipsum attinet, tum si decocto curandus est. Diceret aliquis, hic est arefactio, febris, & uigiliae, ijs tribus insistendum est: si ad febrem respiciamus, quia calidum & siccum est decoctum, febris calida & sicca augebitur. Præterea si sit hæc febris habitualis, frigidis alimentis indigemus. Præterea uigiliae adfunt, siccitas autem est causa immediata uigiliarum, quæ si caliditati iungatur, non uigilias, sed priuationem somni inducit, quod est symptoma sequens maiorem ægritudinem. Est ergo decoctum omnino aduersum febrim, & superfluum uigilijs. Verum est, quòd si exhiberetur decoctum simplex, & non prouidisset decoqui ipsum in aqua, quam nostra sit communis, quæ recipit impressiones omnes, nec habet propriam temperaturam: ideo si sulphur ponatur in ipsa, sit calida & sicca: si ferrum, sit frigida & sicca: non recte egisset. Sed quia prouisum est, ut decoctum

coctum ipsum fiat in aquis quæ agunt proprijs temperamentis, & habent rationem refrigerandi, secus est: refrigerant enim & humectant omnes, quia aquea pars illa est, quæ distillatur, terrea residet, subtilis calida exhalat. Ideo optime factum est accipiendo aquas alteratas. Igitur si ponatur in aqua endiuia, quæ refrigerat & humectat, optimum erit: se habet enim aqua ad endiuia, sicut se habet ad hordeum psilana; hæc enim frigida & humida est, hordeum frigidum & siccum; ita etiam endiuia frigida est & sicca, aqua frigida & humida. Idem etiam facere potest aqua fumiterræ. Si igitur exhibeatur hoc decoctum coniunctis aquis loco syrupi, conueniens erit: imò poterit fieri frigidius ponendo parum ligni. Ideo talis syrupus conueniens erit, quia in ligno præter primas qualitates amaritudo abstergit & mundificat. Credo ergo quod syrupus conueniens erit ad tollendum causam ægitudinis, scilicet infectionem illam. Et si fortasse uideretur, quod febris aueretur in eo casu, tutius esset intercipere decoctum, & alterare corpus. Quo ad symptomata, præcipue ad uigilias, non desisterem, licet syrupum exhiberem, quin in singulis diebus mane & uesperis poneremus emulsionem papaueris in ferculis, & drach. 2. uel 3. seminum acciperentur & contunderentur, & acciperetur lac, fieret enim impressio, & facerem id pluribus uicibus potius quam accederem ad opiata semel, & somnum inducet. Et si dolor capitis perseveraret, præter rubificationem, tale quid tentaremus, ut sanguifugas uenis applicarem post aures, maxime post tot euacuationes factas; tum maxime, quia uidimus cum deriuatione aliqua cessare: ideo esset optimum tantisper dolorem sedari, quousque tollamus ueram causam. Præterea circa rationem uictus, credo quod optime prouideremus, si decoctum non exhibebimus cum illa diæta tenui; si fierent lotiones crurium cum decocto camomillæ, anethi, & papaueris, quæ possunt prouocare somnum, & deriuare, esset optimum. Ista sunt, quæ mihi occurrunt dicenda. Etiam si fieret linimentum hepatis, quod refrigeraret ratione febris, admodum conueniret, & ipsa non ita inualeceret; & hoc esset optimum, & hac uia ego procederem.

De morbo Gallico, doloribus in extremis partibus digitorum,
ulceribus narium ac gutturis, ex destillatione
acri, pro generoso Polono.

Consilium CCL.



Generosus Dominus ex inordinata uiuendi ratione, & in primis nimio & inordinato usu Veneris ac computationis, aliarumque rerum sex non naturalium abusu, perpeffus est morbum Gallicum, quo in hodiernum diem usque affligitur. Olim unctus Mercurio incidit in seuiora accidentia: nam capitis dolore seuo cruciabatur, & inflammatione faucium & narium, cum leui unius naris contractione. Bibit autem lignum Indum, & postea liberatus quodammodo ab his affectionibus, statim in eadem accidentia incidit. Nunc est factus debilior ex doloribus assidujs, ac iam non amplius sustinet pati tot tantosque malos affectus, ex Mercurij inunctione consecutos, proinde a nobis petit consilium. Nos itaque præscribemus illi curam, qua si diligenter usus fuerit, dum ætas & uires iuueniles integræ consentiunt, facile pristinam sanitatem acquirere. Primo igitur sumat lenitium uentris:

℞. Floris cassiæ

3 10.

Cum saccharo fiat bolus, quem sumat hora ante prandium, præmissis clysteri communi cum decocto betæ, maluæ, mercurialis, & modico salis communis, addito etiam uisello oui recentis, & quod maxime necessarium est, additis uncijis tribus mellis rosati colati. Secundo digestium sit tale:

℞. Syrupi de fumo terræ

De succo buglossæ

ana

3

℥

℥

Vu

3

Aqua

Aquarum fumiterræ

Buglossæ ana 3 2.

Misce pro uno, & sic pro alijs. Et melius est si loca aquarum destillatarum accipiatur decoctum earum cum liquiritia. Solutium deinde accipiat:

℞. Confectionis hamech 3 4.

Syrupi rosati solutivi 3 4.

Misce, & cum eodem decocto fiat potio, danda in aurora. Die sequenti sumat zucarum rosatum, eius autem accipiat uncias quatuor, &umat mane & uesperitiam, primis duobus diebus per horam ante cibum. Deindeumat infrascriptos syropos per septem dies continuos: sed si ultra modum euacuarent,umat alternis diebus.

℞. Myrobalanorum Indorum

Citrinorum

Chebulorum

Emblīcorum

Bellīricorum ana 3 4.

Contundantur grosso modo, & fricentur manibus cum oleo amygdalarum dulcium. Postea infundantur per diem & noctem in ℥ 10. aquæ fumiterræ, & decoquantur ad consumptionem tertiæ partis. Deinde adde

Corticum ellebori nigri 3 4.

Liquiritiæ

Polypodij ana 3 6.

Seminum citri 3 8.

Et bulliant donec remaneant ℥ 5. Postea adde

Folliculorum fenæ

Epithymi Cretensis ana 3 1. 8.

Et bulliant donec remaneant ℥ 3. ac coletur, & exprimatur decoctum, atq; feruetur.

℞. Huius decocti 3 6.

Syrupi ex infusione rosarum 3 2. 8.

Et detur mane alternis diebus. Exhibitis his syrups requiescat per duos dies, fumendo zucarum rosatum, hora & quantitate ut dictum est. Laudo tamen post consumptionem calsiæ, & primum syrupum, statim missionem sanguinis ex uena hepatis mediâ dextri lateris ad uncias sex. Deinde ad purgantes potiones supradictas deveniendum. His peractis, incipiat aquam ligni bibere iuxta modum infrascriptum. Primo accipiat libra una ligni Indi, ex trunco non ualde antiquo, sed uiridi quantum haberi potest, de robusto, grauiq; ligno, quod ex magna parte sit nigrū, & in circiferentia parū albū. Disscetur in minutas partes, ac superinfundantur ℥ 14. aquæ de endiuia, & ponantur in olla noua satis capaci cum tegumento, ac infundantur per horas uiginti quatuor. Postea admoueantur igni, & bulliant tam diu, quousq; ex quatuordecim libris remaneant octo circiter. Spuma autem diligenter auferenda est, & seorsum seruanda. Postea fiat diligens expressio, & coletur ac reseruetur decoctio illa in uase uitreo optime testō, ac diuidatur in octo syropos, quorum unum mane hora nonaumat, postea prandeat inter duodecimam & decimamtertiam. Deinde hora uigesima hauriat alterum, ac cœnet postea inter uigesimamtertiam & uigesimamquartam. Sumpta hac decoctione ligni, si aliqua sudorum apparuerint signa, tegatur calidus in lecto, adiuuando sudorem. Si autem non adfuerit sudor, non prouocandus est, sed omnia permittantur naturæ. Sed quoniam illi syrups supradicti ex decoctione ligni per octo duntaxat dies durabunt, oportebit antequam priores ebiberit, alios parare, ut infusio etiam fieri possit per 24. horas, ne detur dies uacuus potioni fumendæ. Somat aut per 40. dies hos syropos. Laudo quoq; ut quinquagesimum diem attingat, ita tamen ut exactis 40. diebus, unum tantumumat mane syrupū per reliquos decem dies sequens

sequentes. In hoc autem tempore fugiat ventos, & omnes alterationes animi. Corpus quidem poterit exerceri ad arbitrium suum, prout vires ei melius suppeditauerint. Ordo autem in sumendis his, & regimen eius tale erit: Primis decem diebus carnibus pullinis uescatur ad uncias duas, pro una uice: pane autem albo & optimo ad uncias 3. uino quidem utatur albo, & temperate, substantiæ tenuioris, claro, lucido, maturo, optimi saporis. Et hoc quidem sit illi in prandio & coena. Ceruissiam etiam optimam loco uini poterit bibere. Transactis illis decem diebus, uiuendi rationem permutabit, in hunc modum: A uino abstinebit, & a carnibus pullinis, sed suus cibus erit uncie quatuor aut tres panis albi, puri, optime cocti & fermentati. Sumat etiam uvas passas nigras ad uncias duas: sint autem uux hæc dulcissimæ, & bene mundatæ. Et hic sit prandij & coenæ modus pro alimento. Potus autem sit secundæ aquæ decoctio eiusdem ligni in hunc modum facta: Sumat idem lignum quod in prima decoctione sumpsit, & in ℥. 20. aquæ purissimæ putealis infundatur. Deinde coquatur usque ad remanentiam quindecim librarum. Hæc aqua utatur in potu in prandio & coena, quæ si defecerit, poterit renouari cum dimidia libra eiusdem ligni. Et hæc sit cibi ratio per triginta intermedios dies. Vltimi uero decem dies sint similes in uictu & potu illis diebus decem primis. In toto autem tempore, quo decoctum ligni bibit, intra quoslibet octo dies assumat drach. 10. floris cassiæ, una hora ante prandium. Poterit autem eo die quo sumit cassiam, syrupum ex ligno intermittere. Cum uero potum syruporum ex ligno præscripta ratione sumpserit, tunc per multos dies & menses, optima uiuendi ratione utatur. Uescatur carnibus iuuenum animalium, & optimis cibarijs, ouis recentibus, auiculis, pullis, piscibus saxatilibus, uino albo mediocri & boni saporis. Corpus autem ualde exerceat. Ab alijs piscibus & carnibus salis, anseribus, oleribus abstineat, sed a coitu maxime: omnes animi molestias fugiat. Si uero aliquam grauitatem sui corporis senserit, his pilulis utatur ter in mense, una hora ante coenam:

℞. Aloes optimæ

Agarici electi

Rhabarbari optimi ana ʒ ʒ.

Salis gemmæ ʒ 3.

Spicæ ʒ 3.

Masticis ʒ 1.

Puluerizentur omnia per se, deinde commisceantur, postea aspergantur succo rosæ sarum puro, & tandem permittantur exiccare, & postea cum melle rosato fiat magdalen, siue massa, de qua suo tempore accipiat ʒ 2. & formentur pilulæ tres dandæ, ut supra. Spuma autem, quam superius dixi debere reseruari in eo toto tempore quo aquam bibit, ad mouebit locis, in quibus fiunt tumores & dolores. Vbi uero biberit hoc decoctum ea lege quam descripsimus, neque interim a doloribus perfecte liberetur, perseverabit in eadem uictus ratione quam supra scripsimus. Pilularum superscriptarum ʒ 2. uel 3. ter uel quater etiam in mense sumat hora ante coenam: & expectet opportunum tempus rursus sumendi decoctum ijs modis, ut supra declarauimus. Erit autem opportunitas talis, ut si biberit uere decoctum, alia opportunitas erit in medio autumni: si in autumno biberit, erit opportunitas expectanda ad finem ueris. Et si hæc omnia diligenter peregerit, & prima & altera uice non successerit, non despondeat animum, ut plerique faciunt, sed constanter in ea re persistat, iuxta Hippocratis sententiam: Omnia secundum rationem facienti, si non successerit secundum rationem, non est transeundum ad alia. Persistat ergo in hac cura, neque uoces impostorum audiat, qui uel suffumigijs uel linimentis primo sanitatem pollicentur, sed tandem in ultimam perniciem adducunt. Ad dolorem qui est quasi initium contractionis in extremis partibus digitorum manus, hoc infra scripto decocto sæpe lauet manus:

℞. Maiorana

Pulegij

Calamenthi

Foliorum senæ ana M 1.

Decoquantur in aqua simp. Ad ulcera narium & gutturis facta ex defluxu salso & acuto.

℞. Tutie præparatæ 3 2.

Olei rosati

Succi solatri ana 3 2.

Ponantur simul in mortario plumbeo, & ducantur donec habeant bonam consistentiam, postea cum modico ceræ liquefactæ fiat unguentum molle, & reseruetur usui. Ad eadem ulcera lauanda:

℞. Aquæ plantaginis

Solatri

Endiuæ ana 6.

Syrupi rosati ex infusione ros. 2.

Violati 1. Misce.

Pro resolutione, & ulcere naris.

℞. Bdellij

Ammoniæ ana 3 iij.

Croci 3 1.

Betonicæ Saluæ

Hyperici ana M 2.

Pinearum

Amygdalarum dulcium ana ℥ 8.

Contundantur omnia per se, deinde misceantur, sed prius addatur aceti squallidi ℥ 1. s. Et omnia ponantur simul in olla noua uitreata, obtureturq; ne transpiret. Deinde ponantur in fimo equino; & bene sepeliantur ad putrefaciendum per 40. dies: deinde ponantur in botia uitrea lutata luto sapientiæ, & destillentur secundum artem Physici practici, & seruetur liquor ad usum. Hæc ergo omnia sua Dominatio interim diligenter exequetur, & de successu horum, nos uel ipsa literis monebit, uel saltem Valentinus Lublinus discipulus noster, cum rem hanc cognouerit, certiores reddet.

De morbo Gallico cum ulceribus.

Consilium CCL I.



Asus nobis oblatas diligenter est considerandus. Ex colore iudicamus ipsum ualde abundare melancholia, & adusto humore, & corpus esse cacochymicum. Color enim maximum indicium præbet humorum existentium in corpore, ut dicit Galenus. Præterea germina illa in diuersis partibus idem ostendunt. Sed melancholici sunt frigidi & sicci. Iam, ut dicit Gal. 2. artis, temperatura calida & sicca, decedente ætate, transit in frigidum & sicci, quia calor adurit humores: ergo omnes tales sunt statuosi. Et abundant etiam pituita. Quare in euacuandis melancholicis, semper etiam aliquid admisceas, quod pituitam educat. Confectio Hamech est diuina apud me, pro melancholicis & adustis humoribus, in qua melancholiam purgantia optime admixta sunt cum his quæ ducunt pituitam. Verum est etiam illud, quod costu iuuentur melancholici, quia excernuntur flatus. Sed quaeritur an ista cacochymia sit ratione propriæ intemperaturæ, an ratione regiminis. Credo esse propter utrumq;. Pili nigri, crassi, ostendunt habitum naturalem melancholicum. Gale. 2. de temper. Non ab excrementis iudicabis temperaturam, sed ab adnatis, quæ consequuntur temperaturam, sicut maxime sunt pili, siquidem cholesterici facti melanch. retinēt pilos suos rubeos, nec mutant cū temperatura, nisi postea per longū processum. In hoc sunt nigri & crassi: ergo fuit melancholicus à natura. Accessit regimen

regimen inordinatum, est enim pauper, solitus humi cubare, & fortasse dormire in solo per compita. An habuerit morbum Gallicum nescio, ipse non fatetur, sed ulcera mali aliquid repræsentant. Quando accidit morbus Gallicus, accidit contagium quoddam in hepate innominatum, quod nec calidum, nec humidum, nec frigidum, nec siccum dicere possum, quia omnes humores redundant in talibus, nisi quod semper crassiores reddantur & adusti. Non est credendum esse infectionem calidam, quia non tuarentur a ligno sancto, quod est calidum: sed est potius quedam occultâ qualitas, quæ nobis est incognita. Et talem esse causam credo, quod sit cacochoymicus. Quæ cum ita sint, ista omnia uidetis sequi: habet ulcus malignum circa oculum, cuius sanies exiens uidebatur mihi quasi caro nigra allata: estq; hæc serpigo in superficie, quod ostendit tenuem & rodentem humorem: uerisimile est enim partes superiores intestari tenuioribus, crassiores uero inferiores partes occupant: quare circa genu est insignis abscessus cum dolore, deueniens nunc ad exituram. Quamquam semper consulo ut caueatis à suppuratione circa iuncturas, quia sunt difficillimæ curæ. Arabes bene hæc distinguunt. Apostema seu inflammatio dicitur, quando materia celligitur: ueniens ad exituram, quando exit in spatium quod est intra cutem & musculos: quando suppuratur, alidubæton uocant. Credo quod non tantum peruenerit materia ad exituram, sed quod etiam aliquod sit de pure. In omni abscessu semper resolutioni est intendendum, si potest fieri, aut ei quod est melius. Quatuor enim sunt quibus terminantur abscessus: aut resolutur, aut suppuratur, qui duo sunt boni termini: aut in scirrhum transit, aut corrumpit membrum: quæ duo mala. Quod de crure, idem dico de brachio, est enim eadem ratio, licet in brachio non sit tanta materia. Materia in crure est melancholica, adusta, permixta cum pituita, ad exituram ueniens. Materia in isto est subtilis, acris, erodens in superficie. Si procedes cum calefacientibus & humectantibus, reddes ulcus peius: si cum calidis & siccis, exacerbabis, ita ut in gangrænam transeat. Nec frigida & humida conueniunt: ergo frigida & sicca erunt applicanda, uelut unguentum de pompholyge, quod in istis ulceribus plurimum confert. Oportet autem pompholyga optime & subtilissime esse contritam atq; letam, ne mordicet. Addatur oleum rosaceum, omphacinum, & commisceantur in mortario plumbeo, & fiat linimentum pro loco. Si modo sufficiens esset exiccatio, succum solatri potes sumere cum exiccantibus, uelut est unguentum de cerussa, plumbo, cadmia: & ex omnibus metallis optime elota conueniunt. Unguentum de calce etiam conuenit, sed oportet esse bene lotam. Ne fidas hac in re aromatarijs, quia omnia negligentius lauant. Hæc in ulcere. Sed in oculo ipso tutia simplex confert, quod si à leuioribus incipere uoluerimus, saccharum candi bene pulsu ueritatum optimum erit, deinde aqua plantaginis mane lauetur. Ad alias partes, quia corpus nondum est euacuatum, applicabimus interim quod sequitur.

℞. Rosarum	man. 2.
Camomillæ	man. 4.

Bulliant in sufficienti quantitate aquæ, ad consumptionem medietatis, pro fomentatione.

℞. Olei Camomelinî	℥ 4.
Rosacæi	℥ 2.

Fiat linimentum, quo inungatur post fomentationes. Sed oportet omnibus modis corpus purgare, ad tollendam cacochoymiam, seruatò etiam optimo regimine in sex rebus non naturalibus. Edat, si habere potest, carnes pulli, oua, ptisanam factam cum seminibus refrigerantibus. Bibat uinum album, lymphatum. Pro mineratione sumat.

℞. Electuarij lenitiui	℥ 1.
Diafernæ	℥ 5.

Misce cum saccharo, fiat bolus. Hic miser omnia habet genera ægritudinum: sed quia hora coenæ instat, reseruabimus cum casum integrum.

De morbo gallico, cum aliquot proprijs symptomatibus ac ophthalmia,

Consilium CCLII.



LRIA sunt consideranda in hoc iuvene diuerforum generum. Primo conqueritur de dolore articulorum; secundo de maculis, & pustulis cum pruritu in uniuerso corpore, & præcipue circa iuncturas, & habet circa præputium ulcera; tertio patitur ophthalmiam cum dolore. Incipiemus à dolore articulorum, præcipue circa pedes: iuuatur maxime calidis, dolor satis uehemens est, quia cum ipsum affligit, uix ferre potest. Natura tumorum circa articulos uidetur esse, ut nullam habeant resistentiam, estq; laxus tumor, cum colore naturali cutis. Ista sunt, quæ exterius apparent, & nos in cognitionem latentium deducunt. Causas doloris quaeremus, ab intemperie ne, an ab affluxu oriantur. Proximam causam doloris articulorum puto esse intemperiem ipsam, considerans naturam membrorum, quæ debuissent mandare humores, nec enim in his membris est talis affectus, qui lædat actionem. Caput magis ad siccitatem, quam ad excrementosam humiditatem uidetur inclinare. Hepar licet sit intemperiei calidæ, & siccæ, tamen non tanta est, ut inde possit sequi nocumentum, ac incommodum. Venter etiam semper optime concoxit. Ergo cum in mandantibus membris non fuerit uitium, ipsos articulos intemperie laborare arbitramur. Consuevit enim tempore calorum conijcere se in natationes frigidas, & uersatus est in aëre frigido. Sæpe autem fuit supercales factus, & uendit sal maximo labore, in loco frigido emporij, quam impressionem facile recipiunt iuncturae, præ cæteris membris. Statim igitur sedatus est dolor à formentis calidis, qui non cessasset, si fuisset ibi materia. Nam si materia frigida est in loco, et nos adhibemus fomenta calida, materia excitata à calido auget dolorē, inflatur enim & extenditur ulterius. Contingit postea, quod sequitur necessario membrum intemperatum: primo non concoquit, minuitur enim ibi calor, et augetur cruditas: secundo augentur excrementa; membrum enim cum non possit concoquere, non etiam expellit, & tunc rheumatizare membrum dicitur, cum in se generat rheuma, id est, catarrhū, seu fluxū frigidum ob suam intemperiem. Cum insuper sint uigiliæ auctæ, ab istis doloribus factum est, ut in toto corpore, in uentriculo, & ambitu uenarum cruditates sint multis plucatae. Principaliter igitur intemperies in membro est, deinde congregata cruditas in corpore ob imminutum calorem, postea humores crudī ob dolorem, qui generat bilem, & exacuit sanguinem in toto corpore, sunt generati. Secundum genus symptomatum est pruritus circa totum corpus, cui succedunt quædam pustulae, quæ ubi abeunt, sequuntur profundæ nigrae maculae, quæ per se in profundo duritiem habent. Postea in præputio pustula apparet. Iudicamus itaq; humorem esse adustum ob prurium, & maculas nigras. Est item ulcus cum tumore in præputio. Quod quia non sanatur, indicat esse ulcus malignum, quod sit ab humore maligno. Sed humores maligni sunt uel ob putredinem, uel adustionem, quorum utrumq; hic est, putredo, & adustio. Causam harum pustularum & huius ulceris in pene dico esse contagium morbi Gallici, habuit enim rem cum contagiosa muliere. Estq; etiam in oculo inflammatio, & apostema calidum, uel à bile uel à sanguine. Hic plurima eius pars rubet, ergo colligo esse à sanguine, subtili tamen, ob dolorem qui adest. Cum itaq; hæc inflammatio sit à sanguine mixto cum portione bilis, hic affectus à superioribus diuersus censetur. Ophthalmia enim est inflammatio coniunctiuae præcipue, quæ tamen aliquando transit ad corneam, & impedit actum uidendi, ut apparet in hoc iuvene. Sentit dolorem ob calorem uehementem, & solutionem continui, confluxus à uenulis capitis ad oculos habet certas periodos, ut hic apparet. Cur in dextro oculo? Dici non potest, forsan, quia ibi fuit imbecillitas de qua nihil moror.

CVR A. Morbus non facile curabitur, nisi æger se præstet obtemperantem, & opportuna faciet, nihil aliud dicam de prognostico. Queritur autem ab utro prius incipiendum: Primo inciperem ab ophthalmia, quia dolor est uehemens, & continue attrahit ac magis urget, quemadmodum ipse conqueritur, & non est ophthalmia simplex: qua relicta & non curata incideret in pessima symptomata, ut in suffusionem, & alia. Ophthalmiam uini potio, misctio sanguinis & balneum sanant, ut dicit Hippocrates. Cum itaq; hic sit à sanguine, euacuarem caput missione sanguinis, lenirem alui Hiera, uel Calsia, deinde syrup. de succo Foeniculi, Verbenæ, rosas, æqualibus partibus cum decocto Euphrasie, deinde portione Fœnugræci, & triplo rosarum, facerem decoctum cum quo fomentaretur. Postea fiat collyrium cum decocto Fœnugræci, Alishæ & Aloës. Et tunc accederem ad secundum: primo resolverem materiam, & calefacerem locum. Vellem dare aquam ob metum morbi Gallici. Quæ uero ad hepatis calefactionem faciunt, cauere. Tunc quoque iuberem natare in aquis calidis, & imponerem lutum his partibus ad calefactionem horum locorum. Factis purgationibus inferioribus, darem decoctum ligni in aqua Endiuæ, aut in ijs quæ non habent temperaturas calidas.

De quodam laborante morbo Gallico, cum
aliquot symptomatibus.

Consilium CCLIII.

PROPONITVR nobis iuuenis, qui maximam seditionem fecit in propria patria: cum enim sit Polonus, maluit sequi partes Gallicas, ideo multatus poenis multis, quæ partim ex natura morbi Gallici sunt, partim ex detestabili usu argenti uiui. Præterita autem non curamus, sed præsentia. Supposito igitur quod sit morbus Gallicus, & quod duret adhuc, symptomata sunt hæc. Primo laborat scabie cum pruritu, & mordicatione. Secundo palpitantes, & suspiria crebra patitur contra uoluntatem. His politis symptomatibus, queritur quæ sint causæ, quæ à Medico considerantur: quia sublati causis, symptomata remouerentur, causæ igitur indagandæ. Crediderim non multum differre principia istorum symptomatum. Est caliditas hepatis, id quod iudicamus ex pilorum colore, calore, amplitudine uenarum. Est multipliciter affectus, & à Medicis, & à morbo, tamen adhuc est carnosus. Cum igitur accessit morbus Gallicus, & illinitio, & assumptio Mercurij etiam præparati, quid credamus aliud, quam quod propter affectum morbi Gallici temperatura sit magis calefacta caliditate ignea: unde generantur humores adusti, postea unctus argento uiuo, membra reddidit imbecilliora, secuta palpitantes membrorum, propter uapores deprauatos, deuenientes ad mûculos, & inuenientes temperaturam debiliorem, ut alterare alimentum, concoquere, & reliquas operationes naturales exercere non posset, propter refrigerationem ex argento uiuo. Flatuantur igitur & exagitantur alimenta in membris, dum diffilari nequeant, & ita palpitantes excitantur, & halitus, & diffilari nequeunt propter crassitudinem uel diminutionem caloris naturalis, uel propter utrumq;. Laborat suspirijs, quia cor fumosis, & malignis fumis uexatum subito exiccatur, atque magnam refrigerationem, & euentationem postulat. Ideo dilatatur thorax ad euentationem, & ita fit suspirium, quod non est aliud, nisi magna dilatio pectoris ad euentandum, cor. Postea comprimitur uehementer ad expellendos fumos. Et quidem aliquando dilatio maior, ubi magna est necessitas euentationis, aliquando maior contractio, ubi expulsionis maior necessitas. Sed perfectum suspirium, ubi utrumq; magnum est, & quidem interdum cum querimonia & clamore fit, cum est maior necessitas. Scabies eandem causam habet, humores adustos, qui cum perueniunt ad cutim, faciunt pruritus mordecantem, & pessimam illam scabiem. Et quod sit ex materia adusta, apparet, quia

nigra

nigræ pustulæ sunt indicantes aduersionem, sicut & pruritus dolorificus adustum huius morem potius, quàm serosam uel fassam pituitam significat. Ita facile est inuenire causam symptomatum efficientem, & intrinsecam. Hepar ita affectum est, ut generet huiusmodi mores adustos, & extrinseca auxerunt morbum Gallicum, uidelicet pessima medicamenta, & mala uictus ratio. Quia igitur optima est prædictio, quando ex una parte natura morbi, ex altera corporis affecti natura conferuntur, facile est prognosticum. Morbus malus, malignus & diuturnus, sed corpus robustum, omnes uirtutes ualide, animalis, ut apparet in motu: & licet imaginatio aliquando corrupta, fortis tamen est, itemq; uitalis fortis, & quia bene nutritur naturalem quoque fortem esse necesse est.

C V R A. Si uolumus curare, oportet tollere humores congregatos propter intemperiem membrorum, & præcipue hepatis, in quo sanguis generatur deprauatus, qui est alimentum corporis, generatur etiam plurimum pituitæ, quia ubi adusti humores, & sanguis corruptus, adest calor præternaturalis: inde excrementorum copia, & sit plenitudo quo ad uirtutem, id est, talis, qualem non potest pati uirtus. Ergo debilitatur calor naturalis, & sunt omnes actiones debiliores, sanguis (ut dixi) malus, spiritus excrementosus, & calor naturalis debilior, qui est instrumentum omnium uirtutum. Hinc sequitur, ut in uentriculo multa pituita præternaturalis propter calorem naturalem debilem generetur. In hepate uero plurimum utriusq; bilis, propter calorem eius præternaturalem auctum, qui adurit. Et inde semper uidemus, quod ubi huiusmodi mores adusti generantur in corpore, ibi est in uentriculo multum pituitæ. Ergo nunquam humor melancholicus euacuandus, nisi prius pituita euacuatur, quia ea semper abundat, ubi est copia humoris melancholici. Vterq; igitur humor expurgandus prius, quia non poterunt applicari ea, quæ specifica uirtute succurrunt, nisi inueniant uasa, seu transitus, & meatus ad membra, & ipsa etiam membra, quibus succurrere debent perfecte munda, quia cum uias obstructas, aut impedita ipsa membra & repleta inueniunt, implicantur humoribus, nec effectum suum exercere poterunt: sæpe etiam alia incommoda afferunt. Ergo exquisitè omni ratione purgandum erit, & tum prouiderit curatio. Purgationem autem ordire prius euacuatis primis uenis, à missione sanguinis. Secundo pituitam euacuare non curans melancholiam. Ego etiam nunquam euacuo pituitam cum succo melancholico, quia scio admodum terrestrem, frigidum, siccum, crassum & rebellem, & corpora quæ purgare uoles prius fluida reddere oportet, id est, aperire meatus. Nec potest educi humor melancholicus per se rebellis, nisi prius pituita, quæ impacta est meatibus, euacuatur. Secunda ratio, quia cum sint duo diuersi humores ambo rebelles, & unusquisq; fortè attrahente indigeat: oportet utilissimum adhibere auxilium, & id quidem, quod ex contrariis constat. Id autem non tolerabit natura, ac si erit leuius, neutrum humorem perfecte educet, & agitabimus utrunq; humorem, & neutrum educemus. Primo igitur pituita euacuatur, in qua nos natura iuuat, quia illi humores tales sunt, ut possimus eos paulatim euacuare. Pituitam igitur bis uel ter euacuare (si opus esset) medicamentis conuenientibus, deinde accederem ad succum melancholicum, eum concoquerem cum balneis uel domi paratis, uel publicis, aliquot diebus, in quibus cocta Althæa, Chamæmelum, lilia alba, per 4. aut 5. dies, idq; propterea, quia concoqueret humores terrestres, & præpararet. Balnea enim quia calida & humida, concoquunt, propterea quod coctio fit in calido & humido. Et Galenus solo usu balnearum dulcium curauit melancholicos multos. Dum autem ingrederetur, & moraretur in balneo, biberet decoctum Boraginis, Glycyrrhizæ, Fumiterræ, in aqua dulci, uel brodio tenui macro, & biberet magnum cyathum, ut transiret per omnes uenas & concoqueret. Postea darem syrupum magistrale, uel alia decocta ex Elleboro. Vltimo, euacuato humore exquisitissime exhiberem decoctum ligni non in aqua fontis, sed Boraginis uel uiolarum potius, propter siccitatem & caliditatem hepatis. Hoc enim modo resisterem qualitatibus ligni, & non tollerem uim substantificam, quod ego experientia compertum habeo in omnibus quos

quos curari, & nunquam falsus fui. Alij, qui in aqua simplici coquunt, nix unquam recte curant, & non intelligunt aliud esse calidum, frigidum &c. & aliud esse vim specificam, cum & Mesue dicat quædam medicamenta curare, non quia calida uel frigida, sed quia talia. Hæc si faceret, spero symptomata nos curaturos. Quod si pustulæ non desinere, posset addi aliquod unguentum exterius exiccans.

De quodam, ex morbo Gallico male curato,

Consilium CCLIII.



QVEREBATUR de quadam angustia pectoris impediēte anhelitum, cum ambularet, non cum quiesceret, aut equitaret, & quod interdum uertigo molesta erat. Materia etiam ei sinistrum latus occuparat, ita ut illud brachium aliquando satis commode mouere non posset. Expuerat etiam ante aliquot menses sanguinem cum pure, ita ut de Empyemate suspicio eilet, sed iam neque expuebat, neque tussiebat, uerum de illa angustia, præcipue dum ambularet, querebatur. Antonius Musa Ferrariæ multiplicia remedia adhibuerat, & post reliqua, duo cauteria actualia, quæ adhuc habebat in brachio sinistro, & in dorso alterum. Montanus quia audierat eum ante decem & octo annos laborasse morbo Gallico, ex eoq; curatum medicamento quodam ter per os sumpto, nec sciebat, quid esset, omne malum in istam curationem reiecit, quod is morbus uarijs symptomatis esset obnoxius: si non recte curaretur: & mille metamorphoses multos etiam post annos efficeret: ut de suo parente referebat, qui cum credere nollet eum morbum esse, nec debita remedia adhibere, quod multis annis nullam mulierem attigisset, ex eo mortuus esset. Cogitabat de exhibendis aquis Thermarum, & si illæ non sufficerent, ad decoctum ligni ueniendum esse iudicabat. Sed quia æstiuæ calores ardentes obstabant, iussit eum expectare ad medium Augusti, uel principium Septembris. Interim uti bono regimine in cibo & potu, bibere uinum dilutum cum aqua saccharata, & non austerum; abstinere ab omni genere fructuum, postea singulis diebus sumere 3 i. de infra scripto Electuario, ita tamen, ut si se grauari sentiret, interdum omitteret, uel alternis assumeret.

℞. Gentianæ

Aristolochiæ rotundæ

Centaurei minoris

Myrrhæ

ana

3 8.

Croci

gr. 15.

Sacchari rosati recentis

Conseruæ Florum Boraginis ana

3 4.

Misce, fiat Electuariū. Et ut materia etiam euacuaretur paulatim, singulis mensibus ter uel quater iussit sumere hunc bolum.

℞. Flor. Calsiæ

3 6.

Specierum Hieræ simpl. Gal.

3 1.

Misce cum saccharo, fiat bolus. Hoc ei euacuabit materiam sine molestia, quod nec calida nec frigida essent, & omni tempore tuto sumi possent. Coitum, quia uxorem habebat, permittit, ut uteretur ad necessitatem, non ad uoluptatem, & non nimio motu.

In morbo Gallico euacuatium.

℞. Aloës optimæ

3 6.

Agarici electi

Rheubarbari electi

ana

3 1. 6.

Corticum rad. eliebori nigri

3 1.

Trochiscorum

Trochiscorum anhandal	3	2.
Myrobalanorum Indorum	3	1. 5.
Epithymi cretensis	3	6.
Succi liquiritiæ	3	2.
Seminis citri	3	2.
Musci	6	3.
Garyophyllorum	3	2.

Puluerizentur omnia per se, deinde permisceantur cum syrupo de corticibus citri, & fiat magdaleon. Dosis 3 1. pillulæ 3.

De quodam, ex usu Mercurij præcipitati, in curatione morbi Gallici, uentriculi erosionem patiente.

Consilium CCXLV.

EXhibuerant medici lignum decoctum in uino: ex quo nimia supercales factio totius corporis secuta, dederant & Mercurium præcipitatum: ex quo erosum uentriculum metuebat, propter descendentem catarrhum ad eum ex capite. Montanus pro ea rosione ex ueneno facta, bibere eum uoluit lac asinæ sanæ, & non nimium uetulæ, sed iuuenis: & ut corpus semper teneretur purgatum & euacuatum. Voluit ut quarto uel quinto quoque die acciperet bolum calsæ, cum 3 1. rheubarb. quia uero lac asinæ in propinquo non erat, interim ordinauit syrupum quem biberet, donec asinam reperiret. R. Sem. maluarum, althææ, citoniorum, cori, id est, gossippij ana 3 2. rad. althææ 3 2. liquiritiæ 3 3. seminis psillij 3 iij. ponantur omnia simul in 4. lb. aquæ uiolarum, & permittantur in infusione per 24. horas: postea decoquantur lento igne, ad consumptionem medietatis: deinde facta diligenti expressione & colatura, syrupizetur cum l. q. zaccari albi, secundum artem. Deinde R. huius syrupi 3 2. decoctionis glycyrrhyæ, & rad. althææ 3 4. misce pro uno & sic pro alijs. Unguentum quo omni triduo semel inungatur tam regionem uentriculi, fiat ex oleo ros. & uino albo tenuitibus chondrus, posui lac asini quantum uolet.

Corrolarium contra sumptum uenenum erodens.

Adiecit hic, sumptis uenenis erodentibus, non esse præsentius remedium lacte bonino, si bibatur in magna quantitate, ad exigentiam sitis, quia sæpe sequitur sitis ingens tali sumpto ueneno. Hoc uero modo se liberalisse aiebat S. liberos rustici, ad lac cum Benacum: qui rursi absentibus parentibus, ranas captas, in oleo frixerant, inuolutas prius farina, quæ arsenico ad capiendos mures infecta erat, & has postea ederant. Deinde etiam psaltriâ illam & meretricem Veronensem, quæ comederat pisces frictos in oleo cû sale & agrestia: quæ omnia à marito suo infecta erant ueneno, ad hoc, ut omnes occideret in domo, & una etiam amasium nobilem: qui casu retentus erat apud amicos, ut non interesset huic prandio. Vbi notandum, quod ipsa meretrix, & pater & canicula qui statim biberant lac, liberi omnes euaserunt. Mater quæ primo bibere noluit, donec uideret rem in deterius uergere, & post ipsa etiam bibit, euasit & ipsa: ita tamen ut paralytica esset in utroque genu. Ancilla (quam non uoluerat interficere maritus, tanquam infotentem, sed iusserat ex ædibus ire, aliamque dominam magis honestam quærere) cum non uellet bibere, sola est mortua.